


Yompor Po'ñoñ ñeñ' attō Yepartseshar

Jesucristo e'ñe etserra a'pōctaterrnay

Yomprosho



New Testament in Yanesha' (PE:ame:Yanesha')

Yompōr Po'ñoñ ñeñf attō Yepartseshar Jesucristo e'ñe etserra a'pōctaterrnay Yompōresho New Testament in Yanesha' (PE:ame:Yanesha')

copyright © 2008 Wycliffe Bible Translators, Inc.

Language: Yanesha'

Translation by: Wycliffe Bible Translators, Inc.

Yanesha'[ame], Peru

Copyright Information

© 2008, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Yanesha'

© 2008, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 18 Apr 2025 from source files dated 29 Jan 2022
fa985bb4-fad0-5968-9ee4-626b89cba24f

Contents

SAN MATEO 1
SAN MARCOS 96
SAN LUCAS 153
SAN JUAN 255
HECHOS 317
ROMANOS 394
1 CORINTIOS 437
2 CORINTIOS 478
GÁLATAS 504
EFESIOS 518
FILIPENSES 533
COLOSENSES 543
1 TESALONICENSES 552
2 TESALONICENSES 560
1 TIMOTEO 565
2 TIMOTEO 576
TITO 584
FILEMÓN 589
HEBREOS 591
SANTIAGO 623
1 PEDRO 634
2 PEDRO 645
1 JUAN 651
2 JUAN 660
3 JUAN 662
JUDAS 664
APOCALIPSIS 668

COHUEN ÑOÑETS ÑEÑT̃ QUELLCA' SAN MATEO

Arrpa' all aquellcayet allohuen pa'so' chñechno ñeñt̃ pa'tañeshañ pen Jesús (Lc. 3.23-38)

¹ Arrpa' all aquellcayet Jesucristo pa'tañeshañ e'ñe pa'so' chñechnohuenet. Jesucristopa' David po'mreneñ, e'ñe Abrahamoteñ. Allohuen añ so'chñetspa' ñeñtara mereñtsorecmet.

² Abrahampa' chemere'tana Isaac. Isaacñapa' chemere'tana Jacob. Jacobñapa' chemere'tana Judá epuet ñaña pa'mo'nasheñechno.

³ Judáñapa' chemere'tana Fares epuet ñaña Zara. Ñet pachoretpa' añ pa'so'cheñ Tamar. Faresñapa' chemere'tana Esrom. Esromñapa' chemere'tana Aram.

⁴ Aramñapa' chemere'tana Aminadab. Aminadabñapa' chemere'tana Naasón. Naasónñapa' chemere'tana Salmón.

⁵ Salmónñapa' chemere'tana Booz. Ña pachorpa' añ pa'so'cheñ Rahab. Boozñapa' chemere'tana Obed. Ña pachorpa' añ pa'so'cheñ Rut. Obedñapa' chemere'tana Isai.

⁶ Isaiñapa' chemere'tana David ñeñt̃ añcha'tarettatset̃. Davidñapa' chemere'tana Salomón. Ñeñt̃pa' arroť Urías puetaporot.

⁷ Salomónñapa' chemere'tana Roboam. Roboamñapa' chemere'tana Abías. Abíasñapa' chemere'tana Asa.

⁸ Asañapa' chemere'tana Josafat. Josafatñapa' chemere'tana Joram. Joramñapa' chemere'tana Uzías.

⁹ Uzíasñapa' chemere'tana Jotam. Jotamñapa' chemere'tana Acáz. Acázñapa' chemere'tana Ezequías.

¹⁰ Ezequíasñapa' chemere'tana Manasés. Manasésñapa' chemere'tana Amón. Amónñapa' chemere'tana Josías.

¹¹ Josíasñapa' chemere'tana Jeconías epuet ñaña pa'mo'nasheñechno. Ñehua, Josíaspa' alla chemere'tos allempo ačhapatarettet allapař all anetso ñeñt̃ pa'so'cheñ Babilonia.

¹² Allempo huačherret Babiloniotpa' Jeconíasñapa' chemere'tuerrana Salatiel. Salatielñapa' chemere'tana Zorobabel.

¹³ Zorobabelñapa' chemere'tana Abiud. Abiudñapa' chemere'tana Eliaquim. Eliaquimñapa' chemere'tana Azor.

¹⁴ Azorñapa' chemere'tana Sadoc. Sadocñapa' chemere'tana Aquim. Aquimñapa' chemere'tana Eliud.

¹⁵ Eliudñapa' chemere'tana Eleazar. Eleazarñapa' chemere'tana Matán. Matánñapa' chemere'tana Jacob.

¹⁶ Jacobñapa' chemere'tana José ñeñt̃epa'tcha' puerrollar pa' María. Maríañapa' cheyore'tana Jesús, ñeñtara ñeñt̃ Cristotats.

¹⁷ Allempoteñ corre't Abraham tarrempohua allempo corre't ñaña David, ñeñt̃ña allponsheña chemere'shatnomuetspa' allo'tsenca'ye čharrasheña puechenet pa'tatssheña. Ñaña allempoteñ corre't David tarrempohua allempo ačhapatarettet Babilonio, ñeñt̃pa'čho'ña allo'tsenerrerr čharrasheña puechena pa'tatssheña ñeñt̃ allponsheña chemerasha'terrtserr

allempo. Ñaña allempoteñ ačhapatarettet Babilonio tarremphua allempo eñalleta Cristo, ñeñtpa'čho'ña allo'tsenererr charrasheña puechenet pa'tatssheñet ñeñt allponsheña chemerasha'tnerretserr tarremphua allempo eñalleta ñaña Cristo.

Arrpa' atto eñalleta Jesucristo

(Lc. 2.1-7)

¹⁸ Te'pa' o'ch neserrpare'tatas atto allempo eñalleta Jesús. Allempoña María ñeñtcha' pachor pa' Jesús'pa' añca'ye o'patenaya José ño'ch yore'. Ama yoreña'pa' María'ña' ahuepa't ačhomenta Parets Puecamquëñoť.

¹⁹ Joséña ñeñtcha' puerrollar pa'pa' ñaña'pa' e'ñe cohuen acheñer ñeñfo'marña ñapa' ama mueno o'ch pencach. Ñaña'pa' atet cotape'ch o'ch ser e'ñe a'nahuota.

²⁰ Allempoña atet cotape'chenpa' machayoto' orrtoña Yompor po'mllañoñer. Ñeñt orrtoya puečhopoñopa' atet otos:

—José Davidna'tare, amach pa'llpatsto; pocte'ca'ye o'ch peyore María ñeñtcha' petapor pepa' tarro'mar ñapa' o'ca'ye ačhomenta Parets Puecamquëñoť.

²¹ Te'pa' eñalletatancha' asheñorr, ñeññapa' pesochcha' Jesús tarro'mar ñapa' ñeñtcha' a'gueshpaterre' pa'cheñer po'chñarofet. Arrpa' allohua ñeñt atet och mellañoñeť.

²² Ñeñtpa' tarro'mar atet pa' attoch etsota ñeñt atet eñorana'tane't Isaiás ñeñt a'mtahuete't Yompor po'ñoñ, ñeñtpa' atet ote't:

²³ Ñeñtña shophshesha'pa' amach a'p'llaretoteye' ačhomento; cheyore'tanach asheñorr, ñeñtña'pa' sochetcha' Emanuel.

Ñeñt ña so'chñetspa' atet oten: Te'ña Parets'pa' e'ñe parro'tseney.

²⁴ Allempoña José oyerr ñemof, atet och Yompor po'mllañoñerpa' ñaña'pa' atetcho' pa'. Yoran María ñeñtcha' puetapor pa'.

²⁵ Tarraña ñapa' ama a'p'lleñe tarremphua allempoch emare'tua; ñeñtña asheñorrpa' soch JESÚS.

2

Atto eñotañesha'pa' huacha'tet o'ch enteñeta' Jesús allempo eñalleta

¹ Allempo eñalleta Jesús all Beléño, e'ñe alla Judeopa' añ añcha'tarettatset' Herodes. O'ña eñalletuapa' eñotañesha'ña huacha'tet allot huena atsrretpa' o'čhacha'tet Jerusaléño.

² Ñetña'pa' atet otyesoset:

—¿Erro'tsena'tña ñeñt eñalletatsa ñeñtcha' pa'mcha'tareter pa' judionesha'? Yapa' yeñoteñ o' eñalleta tarro'mar yapa' o' yentoñ po'rantor allot huena atsrret; yapa' ñeñfecopña yehuena o'ch yeconcorpana'teña'.

³ Allempoña añcha'taret Herodes e'man atet ñoñetspa' ñaña'pa' ñeñtña na' pueyočhro ama eñmato pueyočhro. Allohuen jerusaléño'marnesha'pa'čho'ña ama esesha' eñmatatseto ñamet pueyočhreto.

⁴ Allempoña'pa' agotatan añcha'taretnesha' ñeñtara judioneshet; o'ch apčhet allohuen cornanesha' ñeñt atarr sherba'yets judioneshacop. O'ch apčhet ñaña ñeñt atarr etsotayene' ñoñets ñeñt atet anaret judioneshacop. Allña a'p'to'tyesanet:

—¿Erra't otete'tña allcha' eñalletaña ñeñtcha' Cristoterrets?

⁵ Ñetña'pa' atet ochet:

—Arr anetso Beléño allara Judeo tarro'mar quellcopa' atet anuaret, atet quellquë't ñeñt a'mtaye't Yompor po'ñoñ. Ñeñtpa' Yomporña atet otatset:

⁶ Añ Beléñ ñeñt judana'tarnesha' po'patseñ, e'ñe po'ñoçh ñeñt anetser ñeñt atarr asherben entyeñet allohuen ñeñt am'cha'taretetyetsa allo'marnesha'. Tarro'mar all Beléño allcha' eñalleterra ña'ña ñeñt'cha' atarr am'cha'tarettertsa ñeñt'cha' cohuanmperre' allohuen neyochreshachno ñeñfara israelnesha'.

⁷ Allempoña otuaset atetpa' Herodesñapa' e'ñe a'nahua agotateran ña'ña po'potantañ eñotañnesha' ñeñt'cha'çha'tats allempo Jerusaléño. Allñapa' e'ñe acopa' a'pto'tare'tyesapanet:

—Rantopa' ç'e'ñe'tña esempoteñña señch ñeñt sorrtoya ñenmañ?

⁸ Allempoña eñotatosetpa' ñañapa' otanet:

—Te'pa' o'ch ahues Beléño, e'ñech acopa' se'nyesos ñeñt cheshatoll. Ñerra'm o'ch señchpa' o'ch sotuerren allochñapa' napa'çho'ña o'ch ahuen o'ch neconcorpana'teña' ña'ña.

⁹ Ñetñapa' allempo e'mhuanmuet atet otanet am'cha'taretpa' allempoñapa' ahuanmuet. Rantoña ñeñt entnenet allot huena atsretpa' ta'netsa allenet senet, attotapa' o' çhap e'ñe allo'tsen cheshatoll. O'ña çhap allo'tsen cheshatollpa' o' muechchosa e'ñe alla ento e'ñe pocto.

¹⁰ Allempoña enterretter rantopa' atarr nanac coshet.

¹¹ Allempoñapa' o' be'tososet pocollo, allña entoset cheshatoll epuet pachor María. Concorpana'tosyetpa' ma'yochosyet. Toranmpesyesoset po'tsapotpa' aposet e'ñe atta oro, aposet tsach puese' ñeñt atarr eñmosañ. Aposet ña'ña eñmosañ puerets.

¹² Allempoña ñetpa' eñotatanet Yompor pueçhopoño allochñapa' attoch ama oñerreto Herodesesho'mar. Allempo puerreret pa'nyetopa' aña coterret po'poñ toñ.

Allempo cheshatoll Jesúsapa' anmet Egipto allcha' a'queshpachet

¹³ Puerrathertsetpa' Yomporña po'mllañoñeñerpa' alla orrtteranerr José pueçhopoñoñ. Ñeñtpa' atet otererr:

—Petantaye'cha o'ch pa'yech cheshatoll pachore'na, orraye'çhap all anetso Egipto allcha' seyçhosa. Esemphuañenñapa' o'ch alla noterrperr atet'cha' pe'pa. Herodes po'ñoçhpa' e'natan'cha' añ cheshatoll attoch muetsatach.

¹⁴ Allempoña o' tantapa' anman cheshatoll, pachore'na yeta tsapo, ahuanmuet Egipto.

¹⁵ Allñapa' alleneta attotañapa' o' rromuen Herodes. Attoña etsota Yompor po'ñoñ atet ote't ñeñt a'mtaye't po'ñoñ; ñeñtpa' Yompor atet otatset: “Egip-tot'cha' nagotater Nechemer.”

Allempo Herodespa' mueñan ñeñt'cha' muetsue' allohuen asheñorrofollesha'

¹⁶ Ñehua, allempoña Herodespa' o' eñoçh çha sheca'neñ eñotañnesha'pa' ñañapa' ñeñfa atarr atsre'mate'. Atto atsre'ma nanacpa' allempoñapa' mueñan ñeñt'cha' muetsue' allohuen asheñorrofollesha' ñeñt Beléño'tsa'yen ña'ña ñeñt allohuen allampaño'tsa'yen Beléño. Allohuen asheñorrofollesha' ñeñt echene' epa po'charña' ama't ña'ña allohuen ñeñt eñalletyetsa chenta' e'ñe poctama muetsanatueta. Ñehua, ñeñt atet eñotatos eñotañnesha'pa' ñañapa' atet cotape'ch ahuo'te' epa char eñalletuaña ñeñt cheshatoller.

¹⁷ Attoña etsota ñeñt atet ote't Jeremías ñeñt a'mtaye't Yompor po'ñoñ ahua; ñeñtpa' atet ote't:

18 Ñeñt anetser Ramopa' atarrcha' e'morrterra yahueñets, atarr gogatstena; allpa' Raquelca'ye ya'na'tene' puechoyoresha'; ama mueno o'ch esha' emya'te' tarro'mar puechoyoresha'pa' ama eñallmeñe, o' e'ñe muetsanatu.

19 Allempoña rroma Herodespa' Yomporña po'mllaño'teñerpa' alla orrterraner José puechopoño all Egipto.

20 Allñapa' otererr:

—Te'ñapa' o'ch petanterra, o'ch alla ñaner cheshatoll pachore'na o'ch alla pepuerrerra israelnesha' pa'nyo; o'ca'ye colla huaña ñeñt o'pataye't añ cheshatoller ñeñto'ch muetsayeñ.

21 Atet otuepa' ñañapa' allenta tantena o' alla anerran cheshatoll pachore'na alla ahuerret israelnesha' pa'nyo.

22 Allempo ahuerretpa' ñetñapa' e'mare'tueret añ añcha'tarettertsa Judeo ñeñt Herodesoñ puechemer ñeñt sohetsa Arquelao. Ñeñto'marña mecha'tenet serrtset all. Puechopoñoñapa' alla eñotatererr ñeñto'marña allempopa' alla serr Galileo.

23 Cherr Galileopa' ahuer paterr anetso ñeñt pa'so'cheñ Nazaret. Allñapa' alla ye'cha'huerra. Attotca'yeña etsotaña ñeñt atet otyese't ñeñt a'mta'yesaye't Yompor po'ñoñ; ñetpa' atet otyesete't ñeñt'cha' Cristoterretspa' "oteñetcha' nazareto'marnesha'."

3

Allempo orrta Juan ñeñt serrpare'tosets all amayo (Mr. 1.1-8; Lc. 3.1-9, 15-17; Jn. 1.19-28)

1 Allempoñapa' orrta Juan ñeñt apatose' acheñenesha' Yomporecop. Ñañapa' arr serrpare'tatosanet amayo e'ñe alla Judeo.

2 Allñapa' atet otosanet:

—Te'pa' o'ch soctape'cherr ello cohuen Yomporecop tarro'mar o' çhapmoch allempoch ayochreshatterra Yompor ñeñt pue'ntaño'tsen.

3 Ñehua, añmapa' ñocopca'ye eñose'tña Isaías ñeñt a'mtaye't ahuat Yompor po'ñoñ. Allempopa' atet ote't:

E'morrterrach pueheñar po'ñoñ all amayo allcha'ña serrpare'taterraña acheñenesha'. Puerranarotpa' añcha' toma'ntaterranet toñ, ñeñt'pa' atet'cha' oterranet: "Te'pa' o'ch sa'cohuenetyes toñ allcha' oñmos Part-sesha', o'ch e'ñe sa'pachharretyesoñ pa'tep." Arrpa' allohua ñeñt atet aquellcayet ahuatoteñ Cristocop.

4 Ñeñtña Juanpa' camello pue'ch apomotaret ñeñt pa'shtam pen. Allo charena ñeñt'pa' pa'rrom. Allñapa' rra'yesane't ahuañchenclla* ñeñta puerrar pe't epuet pets po'moñ.

5 Allempoña jerusaléño'marnesha'pa' çhocma hua'cha'tyenet ñesho ñaña allohuen judeo'marnesha'. Hua'cha'tyeññaña ñaña allohuen jordanaso'marnesha'.

6 Allña ñetpa' a'meta'yesoset po'chñaret, Juanñapa' apatyesianet Yomporecop. Ñeñtña oñ all apatyesianet añ pa'so'cheñ Jordanas.

7 Allempoña entapan shonte' saduceonesha' ñaña fariseonesha' ñeñfaret ñeñfet judioneshet. Ñetpa' tarro'mar hua'chenet añ muenenet o'ch apapanet Juan. Juanh serrpare'tapanetpa' otapanet:

* 3:4 Ñeñt ahuañchenclapa' arrapo' enteñ palestino'marnesha'.

—Sapa' ama cohuenayayso atarr ashcarñates, cha sottena ñerra'mrrate' shechpa sompor sepen. Po'ñochca' ama eseshaye' sotenaye e'ñech sapataretteñoa o'ch sequeshperra allochñapa' amach coñchatuerrso Yomporecoppo'ch yoro'chtatuer tsapatonet.

⁸ Napa' añicha'ña notapas o'ch sorratyees ñeñ' e'ñe cohuen enten Yomporecoppo'ch atet pena ñeñ' po'ño'ch o' cotape'cherran ello cohuen Yomporecoppo'ch.

⁹ Sapa' cha soteneñ seyo'chro año' es sepallteno, sapa' año' e'ñe seyemtena satañ Abrahamañ. Tarraña napa' o'ch notas amach atet soctape'chatsto tarro'mar ñeñ'pa' ama esoye' enteñe Yomporecoppo'ch. Tarro'mar o'ch notas ñerra'm Yomporecoppo'ch mueneteñ ama't añ mapue' ñeñ' senten arr o'ch a'pnasereñ Abraham po'mreneñ.

¹⁰ Ñeño'marña napa' o'ch notas ñerra'm amach soctape'cherro cohuen Yomporecoppo'ch mameshamerra o'ch chaponasa attoch coñchaterres Yomporecoppo'ch. O'ch netma'ntatasa atet ñerra'mrrate' allempo o'ch a'mata'tmochet tsach. O' e'ñe onañchachet gach allcha' tet e'ñe allohua huañen puepallactar. Ñeñ' allohuen tsache'chno ñeñ' ama cohuenaye' me'tetsopa' a'mata'tueretcha' saprochetcha' all huorten tso' allcha' e'ñe a'poyatatuere't.

¹¹ Elloña Juanpa' atet oterraneterr:

—Ñeñtes cotape'cherre' cohuen Yomporecoppo'ch napa' ama't e'ñe po'ño'ch napatenoñ Yomporecoppo'ch, napa' e'ñeca'ye oño'chaya napatenes. Tarraña Cristo ñeñ'cha' huapatsa chenta'pa' ñapa' añicha'ca'ye chorratossa Parets Puecamquëñ ñeñ' atet ñerra'm tso'. Ñapa' ñeñ' atarr ahuamencatesha' nañapa' ama tama ahuamencateyayno. Ñapa' ñeñ'ña atarr sherbets, nañapa' ama es nesherbeno attoch ama't po'sapatapa' o'ch nanmoñ.

¹² Ñapa' atarr ahuamencat ñapa' ñach acrerre' allohuen achenesha'. Ñapa' añ toma'tena ñeñ' orrene' puehoshnat alloch shoshnan po'trigo o'ch e'ñe pue'llomrochayaña. Ñeñ'ña pue'llomerpa' o'ch a'yapa'che' o'ch añño'ch allecma añño'teñ e'ñe cohuen. Pue'she'marñapa' o'ch huapore'ch tso allcha' e'ñe poyhua. Ñeñ'ña tso'pa' ama emaya'pahuo ama't errponaña. Ñeñ'pa' allohua atet serrpare'tatanet Juan.

Allempo aparetta Jesús Yomporecoppo'ch

(Mr. 1.9-11; Lc. 3.21-22)

¹³ Allempo huapa Jesús Galileot, chap Jordanaso allo'tsen Juan, ñapa' añ muenen o'ch apatañ Juan Yomporecoppo'ch.

¹⁴ Juanñapa' eñoratsa cha mueneneñ o'ch emman Jesús. Ñeñ'pa' atet otap: —Ama pocteyaye o'ch napatapañ pa, añña poctetsa pachña napatose'. Papa' eso'maruachñaca'ye ponña nesho, paca'yeña ñeñ'ep atarr sherbets.

¹⁵ Jesúsñapa' atet otererr:

—Papatapno'chach Juanacha' tarro'mar atetca'ye poctetsa o'ch yetsota allohuen ñeñ' poctetsa Partsocoppo'ch.

Allempoña Juanpa' e'ñe pocte' eñch,

¹⁶ allempoñapa' apatapan Jesús. E'ne apatue'pa' o' cha'nerrña Jesús oño'ch, enetñapa' ahuepa't atoraretta. Alotña e'ñe sohua'nma Parets Puecamquëñ, Jesúsñapa' e'ñe atet entap ñerra'mrrate' yep o' sohua'nma entot, e'ñe chap nesho.

¹⁷ Allempoñapa' cha e'morrtatsa ñaña ñoñets entot atet eñorena Yomporecoppo'ch. Ñeñ'ña ñoñetspa' atet oten:

—Añmapa' ñeñ'ña Nechemer ñeñ' atarr nemorrentena. Ña atarr nanac nocshatene'.

4

Allempo oneñeipa' topatenan Jesús, mueneñ o'ch atet patan Jesús ñeñt ama pocteye' enteno Yompor
(Mr. 1.12-13; Lc. 4.1-13)

¹ Allempoña Parets Puecamquēñpa' anman Jesús all amayo. Ñeñtpa' añecop atet pa attochña allpa' o'ch huapoña oneñeñ, tarro'mar ñapa' añ mueneñ o'ch atet patyes ñeñt ama pocteye' enteno Yompor.

² Allñapa' ama rreno e'ñe aña torrena attoch etsotuan ora allohuen ñeñt cohuentetsa Pomporcop. Ñeñto'marña ama't o' pa'tatsoch çharramatpa' ama't coñe'tapa' ama es rreno yeto ama't ñaña tsapo. O'ña pa'tatsoch çharramatuapa' çho cheporratsa.

³ Allempoñapa' huapoña oneñeñ. Atto topatosan Jesús'pa' atet otos:
—Pa ñerra'm po'ñoçhte' Parets Puechemereppa' o'ch pot: Añ mapue' puñasepa' pan.

⁴ Jesúsñapa' atet otap:

—Napa' ama nemno o'ch atet nepa tarro'mar Yompor po'ñoñ ñeñt anuaret ahuatoteñ ñeñtpa' atet oteneý: “Allohueneý acheñenesohueneypa' ama e'ñe rreñtsa ñapuef yocrram yepeno. Añe'ñaña yocrram yepen yecamquēñecop ñeñt allohuen allpon oteneý Yompor.”

⁵ Allempoña oneñeipa' o' anem all Jerusaléño, ñeñt anetserpa' anaret Partsocop. Allñapa' a'tapatos nanac eno allohuanen Parets pa'paquell.

⁶ Allñapa' otuererr:

—Papa' ñerra'm po'ñoçhte' Parets Puechemerep te'pa' pómacha arrot tarro'mar amach pa'tserrpo tarro'mar Parets po'ñoñ ñeñt anuaret ñeñtpa' ama'tña atet oten:

Yomporpa' o'ch mueñoñaþ po'mllañoñeññaneshar ñeñtcha' pecuanþsapue'.
Ñetcha' þagapapuet, o'ch enatapapet attoch amach pa'tserrpatca'toso mapyo.

⁷ Allempoña Jesús'pa' alla otererr:

—Añpa'çho'ña anuaret Yompor po'ñoño: “Amach ya'llocchame'tatsche Yompor ñeñt Yepartseshar yepen.”

⁸ Allempoña oneñeipa' o' alla anerranerr Jesús all atarr aspeno e'ñe a'noso. Allotña gatyesuererr allohuen ñeñt allpon all amcha'taretetyena pa'namen acheñenesha' ñeñt yetcha'yetsa erraparen añe patsro, gatyesuererr all atarr cohuentatyeñet.

⁹ Oneñeñña'pa' alla otuererr:

—Ñerra'm na pema'yocheñoñen o'ch peconcorpana'tna, napa' napaþcha' ora allohuen ñeñt cohuen pentyen arr.

¹⁰ Jesúsñapa' alla otererr:

—Te'pa' o'ch orrerreþ oneñeñe. Napa' ama nemno o'ch atet nepa tarro'mar Yompor po'ñoñ ñeñt anuaret ñeñtpa' atet oteneý: “Añach ñapuef yema'yochena Yompor ñeñt Yepartseshar yepen, e'ñech ñapfa yesherbe’.”

¹¹ Allempoña oneñeñ topatuahuan Jesús'pa' o' ahuer o' queçpa'ner. Allempoñapa' çhatha'toña Yompor po'mllañoñeññaneshar; ñetñapa' e'ñe cohuen sherþoset Jesús all. Arrpa' allohua huañ atto oneñeipa' topatenan Jesús allempo.

Allempo e'ñe ñenmañ torrena Jesús Partsocop all Galileo
(Mr. 1.14-15; Lc. 4.14-15)

¹² Allempoña Jesús e'mare'tan Juan o' yottam̄p̄set, ñaña'pa' allenta ahuerri Galileo.

¹³ Cherr Galileopa' ama a'pohuerro anetso Nazareto, arraña serr Capernaumo, allña ye'cha'huerra. Ñeñ' Capernaumpa' e'ñe sa'patop̄ño'tsen, allara ñeñ' otent Zabulónnanesha' pa'netser ñaña Neftalenesha' pa'netser.

¹⁴ Ñeñ'pa' allña ye'cha'huerra allochñapa' atoch etsota Isaías po'ñoñ ñeñ' a'mtaye't Yomp̄or po'ñoñ; ñeñ' ñapa' atet ote't ñeñe anetsrecop:

¹⁵ Ñeñ' Zabulónnanesha' pa'netsro ñaña Neftalenesha' pa'netsro ñeñ' all sa'patop̄ño all Jordanas yon'ta'n, allara Galileo all ye'cha'yena pa'namen acheñenesha' ñeñ' ama judioneshayayeto.

¹⁶ Ñeñ' acheñenesarpa' ñetpa' aña ye'cha'yenet ñeñ' ama cohuenaye' enteno Yomp̄or; ñetpa' cha ottenet ñerra'm checmeto'tseneta. Tarraña te'ñapa' o' enteret ñeñ'cha' e'ñe cohuen a'puetarsam̄perrahuet poctap̄ñet. Ñetña ama't aña o'patyesahuetañe't rromueñets ñeñ'fara chenquēñets, te'ñapa' ama't ñocpuetpa' o' a'puetarsam̄psaretterret e'ñe cohuen. Arpa' allohua atet nane't Isaías po'ñoñ.

¹⁷ Allempo cherr Jesús Galileo allempoña e'ñe ñenma't serrpare'tatuerranet all. Ñeñ'pa' atet otuerranet:

—Te'pa' o'ch soctape'cherr ello cohuen Yomporecop tarro'mar te'pa' o' cherrmoch allempoch ayochreshatterra Yomp̄or ñeñ' pue'ntañ'o'tsen.

Atto Jesús'pa' chore'tosan pa'tatssheña ñeñ' e'ñe caca torrenet rromuet (Mr. 1.16-20; Lc. 5.1-11)

¹⁸ Allempo Jesús'pa' chopeñe'chyen all sa'patop̄ño'mar; ñeñ'ña sa'ppa' añ pa'so'cheñ Galileas. Allñapa' entosan acheñ epsheña; ñeñ'ña puesheñarrpa' añ pa'so'cheñ Simón ñeñ'fara sochetsa Pedro epuet pa'mo'nasheñ Andrés. Ñetñapa' terrayetset e'ñe alla sa'po tarro'mar ñetpa' e'ñe ñeñ'fa po'taruas penet.

¹⁹ Jesúsñapa' atet otosanet:

—Te'ñapa' o'ch notas, soctá'n na atoch neyochresha' neperres. Ñeñ' atet sepena ahuatoteñ e'ne' cac te'ñapa' o'ch ney'chatterres atoch se'nerr ñaña acheñ ñeñ'cha' same'ñaterra.

²⁰ Ñetñapa' allorocma na'nmuert po'terrayapa' o' cotet Jesús.

²¹ Allempoña meterrerr allotpa' entuerranerr po'poñ acheñ epsheña; ñeñ'ña puesheñarrpa' añ pa'so'cheñ Jacobo* epuet pa'mo'nasheñ Juan; ñeñ'pa' Zebedeo puechemerasha'. Ñetñapa' po'ñoñ'tsa'yenet; all'o'tsen ñaña pomporet all a'cohuenyenet po'terraya. Jesúsñapa' chore'tuerraneterrpa' atet otuerraneterr ñamet:

—Te'pa' o'ch soctá'n saña.

²² Ñetpa'cho'ña e'ñe allorocma na'nmuert po'ñoñ' ñaña pomporet o' cotet ñamet Jesús atoch pueyochresha' perranet ñamet.

Allempo Jesús'pa' ye'chatenan shonte' acheñenesha' (Lc. 6.17-19)

²³ Allempoñapa' chopeñe'chyen Jesús errapa'ren Galileo'mar. Ye'chatyesosan judionesha' e'ñe ñet po'prahuet. Allñapa' serrpare'tatosanet cohuen ñoñets atto ayochreshattena Yomp̄or. A'crratyesosan acheñenesha'; ama't pa'namen osyenuhet, ama't pa'namen a'prrama'yenuhet, ñaña'pa' e'ñe a'crratyesusosanet.

* 4:21 Jacobopa' ñeñ'fara ñeñ' sochenet Santiago.

24 Atteñapa' e'mare'tuet erraparen ama't Sirio'mar. Huapatyesoñet allohuen ñeñt muerochtatyen atsnañets. Huapatyesoñet ñeñt osyen pa'namen atsnañets ña'ña ñeñt atserrpañachno. Huapatyesoñet ña'ña ñeñt chorra'yena oneñt ña'ña ñeñt otañachno ña'ña echarrtañachno. Allohuenetpa' ñañapa' e'ñe a'crratyesuerranet.

25 Shonte' acheñenesha' ñeñt cota'yese'. Cota'yese galileo'marnesha', ña'ña decapoliso'marnesha' ña'ña jerusaléno'marnesha', ña'ña judeo'marnesha'; ama't ñeñt yeçhetsa Jordanaso yomta'npa' o' e'ñe cota'yese.

5

Allempo Jesúsapa' serrpare'tatosanet all aspento

1 Allempoña entan shonte' acheñenesha' ñeñt cotene', Jesúsñapa' ahuo' aspento. Allña anorospa' huacha'toña allohuen pueyochreshachno.

2 Ñañapa' yeçhatapanetpa' atet otapan acheñenesha' ñeñt po'ñoçh atarr cosheñtso'tsa'yenet:

Acheñenesha' ñeñt po'ñoçh atarr cosheñtso'tsa'yenet (Lc. 6.20-23)

3 —Nanac cosheñtso'tsa'yen allohuen ñeñt ama esoye' asherbenaye' entyetso pueyoçhreto Yomporecop tarro'mar ñetpa' o'paterretcha' Yompor po'cohuenña atto ayochreshattena pue'ntañot.

4 'Nanac cosheñtso'tsa'yen allohuen ñeñt lleca'yetsa Yomporecop tarro'mar ñetpa' coshaterranetcha' Yompor.

5 'Nanac cosheñtso'tsa'yen allohuen ñeñt ama añeye' e'neneto ñeñt e'ñe ñoçpueta tarro'mar ñetpa' o'pataterranetcha' Yompor allohuanen pats.

6 'Nanac cosheñtso'tsa'yen allohuen ñeñt nanac muenene' o'ch e'ñe ortatyenet ñeñt e'ñe pocte' enten Yompor. Ñetpa' e'ñe atet mueneñet ñerra'mrrate' çho nanac yachporrena ña'ña nanaccha' yo'ñpa'ten. Nanac cosheñtso'tsa'yenet ñet tarro'mar Yomporña e'ñe atet muenaterranet.

7 'Nanac cosheñtso'tsa'yen allohuen ñeñt nanac cohuen muerannetsa tarro'mar elloña Yomporpa' atarrcha' muererranet ñet.

8 'Nanac cosheñtso'tsa'yen allohuen ñeñt e'ñe pueyoçhretopa' ama eñalle sosya'tañ ama't coñe'ta tarro'mar ñetpa' enteretcha' Parets.

9 'Nanac cosheñtso'tsa'yen allohuen ñeñt çhocma amo'tstanna'tatenahuet tarro'mar ñetpa' po'ñoçhcha' Yompor puechmer perranet.

10 'Nanac cosheñtso'tsa'yen allohuen ñeñt e'moñe'tyenet atto ñetpa' e'ñe pocte' es pa'yenet Yomporecop. Nanac cosheñtso'tsa'yenet tarro'mar ñetpa' o'paterretcha' Yompor po'cohuenña atto ayochreshattena pue'ntañot.

11 'Sapa'tho'ña nanac cosheñtso'tsa'yenes ñerra'm esempo erroñuanen penset no'mar. Nanac cosheñtso'tsa'yenes ñerra'm çho sapa'sasare'tyenet, e'moñe'tyenet, pa'namen sosey toma'tarmpesyenet.

12 Chocmuepa'chña socsha tarro'mar shonte' ñeñt o'patatensa Yompor pue'ntañot; ñeñtcha'ña atarr socshaterre'. Ama't ahuatoteñ allempo ama se'ñalleteña' attecma e'moñe'tyese't ña'ña ñeñt a'mta'yese't Yompor po'ñoñ.

Acheñenesha' ñeñt sherbets Yomporecop arr patsro ñetpa' atet atma'ntatarettenet ñerra'm pos ña'ña puetare'
(Mr. 9.50; Lc. 14.34-35)

13 'Sapa' ñeñtes name'ñenaya añ netma'ntatensa atet ñerra'm pos ñeñt atarr sherbene' allohuen acheñenesha' arr patsro. Tarraña pospa' ñerra'm o'ch

huañer po'poserrteña amach errotenot ellopa' ya'poserrtatere. Allempopa' o'huañcha' es sherba' acheñenesha' cop; añecpach sherberr o'ch yehuapore'ch a'yo allcha' atmama'ch acheñenesha'.

14 Ñaña añ netma'ntatensa puetare' elloña ñeñña atarr sherbene' acheñenesha' arr patsro. Sapa' ñhocmach cohuen es sorrattyen. Atetcha' sepeña ñerra' mrrate' paterr anets ñeñ e' ñe a'noso'tsen aspento. Ñeñña anetserpa' ñhocmach cohuen orrtena allenñateñ, amach errotenot ma'natacheto.

15 Ñaña ñerra'm esempo ya'llchaten lampareña' ñeñpa' ama tarrecpaye' ya'llchateñe o'ch ye'rramañpes coyño. Ñeñpa' añecopña ya'huortateñ o'ch yene' enonet attoch e'ñe ñhoyo'tampesuan allohuen ñeñ pocollo'tsa'yen.

16 Sapa' attecmuepa'chña sorrattyen ñeñ cohuen enten Yompor. Allochña' po'potantña'cho'ña e'ñech cohuenare' entennaset atet es sorrattyen cohuen. Attochña ñetpa'cho'ña cohuentatapreterrasetcha' Seyomporer ñeñ pue'ntaño'tsen.

Atto Jesús'pa' ye'chatosanet atarr sherben Yompor po'ñoñ ñeñ atet anaret ahuatoteñ

17 Jesús'ña'pa' atet oterraneterr:

—Amach soctape'chatsto napa' añecopfe' nohuapa o'ch nehuapore'taterr Yompor po'ñoñ ñeñ ahuatoteñ atet anaret atet ñerra'm Moisés po'ñoñ ñaña añ po'ñoñ ñeñ quellca'yese't ñeñ a'mta'yese't Yompor po'ñoñ. Napa' ama añecpaye' nohuapo o'ch nehuapore'tach, napa' e'ñechca'yeña netsotatuer.

18 E'ñe po'ño'ch notenes: Ama ahuapore'tpahuoyaye Yompor po'ñoñ ñeñ atet anaret ahuatoteñ, ama't tayoteñ tarremphoach esempohuañencha' chenca'huerra pats ñaña enet. Ama't patrra ñoñets ñeñ atet anaret'pa' amach chenguërro ama't e'ñe patrra quellec pueshempotollohuenpa' amach chenguërro ama't tayoteñ tarremphoach esempohuañencha' e'ñe etsotuerra ñeñ atet oten ahuatoteñ.

19 Ñeño'mañña ñerra'm esesha' o'huañ e'ñeye' ame'ña'po' entan ama't patrratolla ñoñets ñeñ atet anaret ahuatoteñ ñaña ñerra'm attach ye'chatan po'potantañ, ñeñña acheñerpa' amach tama sherbeno Yomporecop ñeñ atto ayochreshattena ña pue'ntaño'. Tarraña ñerra'm esesha'chña e'ñe etsoterre' ñaña ñerra'm e'ñech atet ye'chatan po'potantañ, ñeñña acheñerpa' ñeñcha'ña atarr sherberrets Yomporecop attoch ayochreshatterra ña.

20 Napa' o'ch notas, po'ño'chca'ye sa atet e'ñe pocte' es sorrattyen, ellochña semtana'tuerepa'ch atet es cohuen orrtatyeneñ fariseonesha' ñaña añ ñeñ atarr etsotayenayeñ ñoñets ñeñ atet anaret. Ñerra'm amach semtana'tuerranetopa' amach errotenot so'pataprechoña Yompor po'cohuenña atto ayochreshattena ña pue'ntaño'. Attoña ama't ahuatapa' amach se'cherro all am'cha'tarettena pue'ntaño.

*Atto Jesús'pa' ye'chatosanet ama e'moñe'tanna'tpahuoyaye
(Lc. 12.57-59)*

21 Jesús'ña'pa' alla yerpaterraneterr ñeñ atet anarettete't ahuatoteñ ñoñets, ñeñpa' atet oterraneterr:

—Sa ahuatoteña' se'marte'ña atet otarettete't ahuat acheñenesha'. Ñeñpa' atet otarettete't: “Amach muetsatsteto acheñ. Ñerra'm esesha' muetsene' acheñpa' ñapa'cho'ña muetserecha' tarro'mar ñeñotcha'ña o'patateret coñcheñets.”

22 Elloña na te'pa' o'ch noterres, ama't ñeñ atta e'moñe'tene' pamo'tspa' ñapa'cho'ña ñeñotach o'patateret coñcheñets. Ñaña ñerra'm esesha'

atarr sosyot sochatse'teñet pamo'ts ñeñpa'cho'ña ñeñfotach o'patateret coñcheñets allo'tsa'yen añcha'taretresha'chno allecma a'pocatenet ñoñets. Ñaña ñerra'm esesha' puepencare'teñoñ atarr sosyot sochatse'teñet pamo'ts ñeñpa'cho'ña acheñerpa' añ o'patenaya tso' ñeñt parrarets errapa'en.

²³Ñeñfo'marña napa' o'ch notas: Ñerra'm esempo cho es papuen Yomporecop allecma sherbeñet Yompor allña'pa' taya o' peyerposya pamo'tsñapa' cha patsrre'mateñ,

²⁴pañapa' ñeñtcha' pap Yomporpa' pena'ner alla. O'ch ahuerreñ, pemo'nasheñña ñanom pamo'tsterra'. Allempochña pepuerrerra allecma sherbeñet Yompor allempochña papuuer Yompor ñeñt po'patateña.

²⁵Ñaña ñerra'm esempo esesha' setmantene' o'ch anmaset añcha'taretesho allcha' sa'pocataerra' señoñ, sañapa' e'ñech allorocma samo'tstera ñeñt se'moñe'tene' tayepa'tñapa' ama se'chena' añcha'taretesho. Chosachña amo'tsterraya ñeñt setmantene' te't atot pomataterret añcha'taretesho ñaña'pa' o'ch pomuensa' guardiyesho ñeñtcha' seyottam'pse'.

²⁶Po'ño'chca'ye o'ch notas, ñerra'm choch yottam'psasetpa' allenasachca'ye o'pono allotpa' amachca'ye ahuen cha'nmaterrseto. Esemphuañencha' choch se'cha'nmaterrret ñerra'm esempoch e'ñe setsa'tuerra ora allohuen ñeñt allpon quelle muenenet. Ama't e'ñe eptalla centavotollña ñerra'm ama setsa'tueña'pa' amachca'ye cha'nmaterrseto allot. Ñeñfo'marña notenes o'ch e'ñe cohuen samo'tstera ñeñt se'moñe'tene' tayepa'tñapa' ama chennasa' ñeñt atarr yoro'chen senten socop.

Atto Jesús'pa' ye'chatosanet ama achtapretpahuoyaye taporets

²⁷Ñaña sapa' ahua'otoñ se'marte'ña atet otarette't acheñenesha': "Amach chetapretatsteto taporets."

²⁸Elloña na te'pa' o'ch noterres, ñerra'm esesha' cohuen e' coyanesha' pueye'cheñoñ, o'ca'ye ochña'tet pueyo'chreto.

²⁹Ñeñfo'marña notenes: Ñerra'm se'cle' p'atyenes ñeñt ama pocteye' enteno Yompor, añ poctetsa o'ch seque'chpuerr ñeñt seye'chena seclloyot. Ñeñpa' e'ñe atet ñerra'm'rate' cho serroten se'cle' o'ch sehuapore'ch, ama't ñeñt se'cle' secohuenrote'tsen ñeñt atarr sesherbene'. Añña ama tama yoro'chenayaye socop o'ch sa'ypo'ñer e'ne tayecma ñeñt soctape'chatene' sosya'tsañ. Añcha'ña atarr yoro'chen socop ñerra'm ama tayecma sa'ypo'ñerepa' esempohuañenpa' orach huapore'terrset coñcha'puetso all parraren tso'. Ñeñpa' añ toma'ntena atet ñerra'm'rate' o' ya'chencaterr paterr yechets ama't ye'cle' ama't yot, te't esempohuañen ora yechtsohuenpa' huapore'terryet coñcha'puetso.

³⁰Attecma ñaña ñerra'm sotpa' p'atyenes ñeñt ama pocteye' enteno Yompor añ poctetsa o'ch seque'chpuerr ñeñt atet cho'cma p'atse'tatyenes sot. Ñeñpa' e'ñe atet ñerra'm'rate' cho sepechen sotpa' o'ch sehuapore'ch, ama't ñeñt secohuenrote'tsen sot ñeñt atarr sesherbene'. Ñeñpa' o'ch alla noterrser. Añña ama tama yoro'chenayaye socop o'ch sa'ypo'ñer e'ñe tayecma ñeñt soctape'chatene' sosya'tsañ. Añcha'ña atarr yoro'chen socop ñerra'm ama tayecma sa'ypo'ñerepa' esempohuañenpa' orach huapore'terrset coñcha'puetso.

Atto Jesús'pa' ye'chatosanet ama asanna'pahuoyaye (Mt. 19.9; Mr. 10.11-12; Lc. 16.18)

31 'Ñaña te'pa' o'ch noterrser po'poñ: Sapa' ahuatoteñpa' señoteñe'tña atet otarettete't: "Ñerra'm esesha' serre' puetaporpa' apa'nme'pa'ña papell all aquellcayet attoch que'chpuerran puetapor."

32 Elloña na te'pa' o'ch noterres: Ñerra'm ama añe'cpaye' que'chpuerrano puetapor atto ama 'choye' aguë'nano po'psheñeñ yacma, ñerra'm attota serran puetapor, ñaña'pa' ochña'taterrancha' puetaporeshe'mañ po'psheññesho'; ñeñtpa' ama cohuenaye' enteñe Yompor. Ñaña ñerra'm esesha'ña yor-erre' ñeñt asaretpa' ñeñtña yacmarpa' 'chach chetapretenan po'psheñeñ puetapor; ñeñtpa'cho'ña ama cohuenaye' enteñe Yompor.

Atto Jesús'pa' ye'chatosanet amach natsteto po'ñoñ Parets pa'so'chño

33 'Ñaña te'pa' o'ch noterrser po'poñ: Sa ahuatoteñpa' se'mare'tña ñeñt atet otarettete't: "Amach e'ñe orrena na'yeneto po'ñoñet Parets pa'so'chño tarro'mar ñerra'm erra'tsen nene' po'ñoñ Parets pa'so'chño ñeñtpa' atarr huomenc ñoñets amach atta puesatscheto, 'chomachña e'ñe a'pocatyenet ñeñt atet o' nohuetña po'ñoñet Parets pa'so'chño." Ñeñtpa' atetca'ye otarettete'tña ahuatoteñ.

34 Tarraña elloña na te'pa' o'ch noterres: Ama't e'ñe erra'tsena pa'so'chño'pa' amach senatsto señoñ. Amach sotatsto o'ch sena' señoñ Yompor pue'ntañ pa'so'chño; ñeñtpa' ama tama huomencaye' senteñe ñeñtecop atet senen señoñ. Tarro'mar napa' o'ch notas ama't pue'ntañpa' ñeñt po'conañ pen Parets ñeñto'marña attera atarr huomenc ñerra'm Pamo'mte'.

35 'Ñaña amach sotatsto o'ch sena' señoñ Yompor po'patseñ pa'so'chño tarro'mar ñeñtpa'cho'ña attera atarr huomenc tarro'mar ñeñtpa' ñeñtña nen Parets pa'tconet. Ñaña amach sotatsto o'ch sena' señoñ Jerusalén pa'so'chño tarro'mar ñeñtpa'cho'ña attecma atarr huomenc tarro'mar ñeñtpa'cho'ña ñeñt pa'netser pen Parets.

36 'Ñaña amach sotatsto o'ch sena' señoñ e'ñe sa soñ pa'so'chño tarro'mar ñeñtpa'cho'ña ama soyaye seyechcatar. Ama't e'ñe pue'parra sechpa' amate' errotent sello'tacheña sa. Ñaña ñerra'm esempo sello'tenpa' amach errotent alla sa'quelluetatereña sa.

37 Ama't errotena se'pa'yese'chpa' atetcha' sotanna'tyese: Ñeñtpa' atetcha'ca'ye yepe'. Ama' palltenoña o'ch sena'yen señoñ ama't e'ñe esa pa'so'chño tarro'mar ñerra'm atet se'pa'yenapa' ñeñtpa' oneñeteshota huena.

Atto Jesús'pa' ye'chatosanet ama atsa'tatpahuoyaye atto e'moñe'tyeney (Lc. 6.29-30)

38 'O'ch alla noterrser po'poñ: Ñaña sapa' ahuatoteñ se'mare'tña ñeñt atet otete't: "Ñerra'm esesha' pochocle'che' pamo'ts, semoñseñoñ ñeñt apochocle'charetpa' sepochocle'ch ñaña ñeñt pochocle'chene' pamo'ts. Ñaña ñerra'm esesha' pue'moñe'teñoñan a'cayam'psan pamo'ts pa'spa' semoñseño'pa' sa'cayam'pes ñaña pa's ñeñt a'cayam'pene' pamo'ts pa's." Ñeñtpa' atetca'ye otarettete'tña ahuat.

39 Tarraña na te'pa' o'ch notas ellonet: Amach semoñsatstoña sa e'ñe sañeña ñerra'm esempo e'moñe'tyenset. Atet ñerra'm esempo esesha' pue'moñe'teñoñetas o'ch tacllaset setsa'po' secohuenrot, sañapa' poctepa'chña señch tacllerrserrepa' ñaña po'pshem'tañ.

40 Ñaña ñerra'm esesha' muenene' o'ch temantaset attoch pueratam̄psaset seshtam, sañapa' poctepa'chña señch puerratam̄psasetepa' sehtam ñeññ muenenet ama't ñaña po'pmañ seshtam allo sepmatena.

41 Ñaña ñerra'm esesha' sanmatsre'tatene' e'ñe atta paterr kilómetro, sañapa' poctepa'chña señch o'ch sanmatsre'ch ama't epa kilómetro.

42 Ñaña ñerra'm esesha' es senamuene', sañapa' sapepa'ch. Ñaña ñerra'm esesha'ch senamuene' o'ch es sarchapa' sañapa' sarchepa'ch.

Atto Jesús'pa' ye'chatosanet amorrentpo'ch yeñch ñeññ ye'moñe'tyene'
(Lc. 6.27-28, 32-36)

43 Ñaña sapa' se'marte'ña atet otete't ahuat: "Mueryetcha' pamo'tset ñeññ muerenahuet. Tarraña ñeññ e'moñe'tenahuetpa' ñetpa'cho'ña o'ch e'moñe'chet ñamet." Ñeññpa' atetca'ye otete't ama't ahuatoteñ.

44 Tarraña naña te'pa' elloña o'ch noterres: Semueryach ama't ñeññ se'moñe'tene'. Ñaña ñeññ sarrnomare'tenaya sañapa' o'ch senamaterrñañ Yompor pa'nateña. Ñaña ñeññ errof sepene'pa' sañapa' añcha' atet sepoñ ñeññ atarr cohuen enten ña. Ñaña ñeññ sa'muero'chtatene' sañapa' o'ch sema'yocham̄pesya.

45 Attochña sapa' eñotenset po'ño'ch puechemer penes Yompor ñeññ pue'ntaño'tsen tarro'mar sapa' añ sorrtyen cohuen ama't e'ñe allohuenacop e'ñe atet pena Sompör ñapa' e'ñe cohuenare' es orrtatyen ama't allohuenacop. Atet ñapa' 'hocma huapata'muenane't po'puetarenña allohuenacop ama't atsrre'mña'atecop ñaña ñeññ cohuenacop acheñer. Ñaña ñapa' 'hocma huatateñ añecop ñeññ e'ñe pocte' es pets ama't ñaña añecop ñeññ ama pocteye' es p̄a'yetso.

46 Ñeñño'marña notenes: Ñerra'm aña e'ñe semorrentena ñeññ semorrentenaya sam̄a ñeññpa' amach e'ñeye' sorrtatenoña ñeññ e'ñe po'ño'ch cohuentetsa, attoña Yomporpa' amach es apuerroso ñeññcha' atarr sochshatterre'. Tarro'mar ñeññ ama ame'ñenayo Yompor, ñetpa' aña morrentenet ñeññ e'ñe morrentenahuet ñamet. Sapa' e'ñeca'ye seño'teñ e'ñe atet pena ñeññ puehshquëñofe'na cobrenan acheñenesha' shonte' quelle. Añña atarr cohuentetsa ama't ñeññ ama yemorrentenayepa' o'ch yemorreñcha e'ñe cohuen.

47 Ñaña ñerra'm e'ñe aña cohuen saguën ñeññ e'ñe samo'ts sepen, ñeññpa' amach erro'tenof seññtanoña ñeññ ama ame'ñetso, tarro'mar ñetpa' e'ñe aña cohuen aguënet ñeññ e'ñe pamo'ts penet.

48 Ñeñño'marña napa' notenes: Sapa' e'ñepa'chña cohuenare' es sorrtyen allohuenacop e'ñe atet pena Sompör ñeññ pue'ntaño'tsen e'ñe cohuenare' es orrtatyenña ña.

6

Atto Jesús'pa' ye'chatosanet amach pommo'cheño'e'na es cohuen orrtatsteto

¹ Jesús'ña'pa' atet oterraneterr:

—E'ñech seño'ta, amachña e'ñe sommo'cheño'e'naña es sorrtyeno cohuen Yomporcop attoch acheñenesha'pa' o'ch entenset sapa' atarro' cohuen acheñeseñ. Tarro'mar ñerra'm ñeññecpa'na es sorrtyen cohuen, Yomporña ñeññ pue'ntaño'tsenpa' amach es apuerroña sa ñeññcha' atarr sochshatterre'.

² Ñerra'm esempo es sapueñ huocchañnesha'pa' e'ñechña a'nahua sapuenanet. Sommo'cheño'pa' amach sotatsto entasepa' allohuen acheñenesha' attoch e'ñe cohuen entasetañ. Tarro'mar ñeñ'pa' ommoñafenesha' atet petsa. Ñeñ' ommoñafenesha'pa' ñerra'm esempo es apueñet huocchañnesha'chnopa' o'ch orrtachet allo'tsa'yen allohuen acheñenesha' all puerahuo'mar ama't ñaña toño'mar; attochña allohuen acheñenesha'pa' e'ñech cohuen entenanetañ. Tarraña napa' o'ch notas, ñeñ' atet petsapa' Yomporñapa' amach es apuerraneto ñeñ'cha' atarr coshaterrahuet. Tarro'mar ñetpa' aña e'nenet acheñeneshach cohuentatenahuet. Ñetpa' e'ñech alla atsa'taretterret.

³ Tarraña sapa' ñerra'm esempo es sapueñ huocchañnesha'chno amach esesha' sotapsa'tatsto ama't ñeñ' ñe parro seyemtanena.

⁴ E'ñechña a'nahua es cohuen sepa'yen, allochñapa' Sompör ñeñ'ña entene' allohuen ñeñ' a'nahua es sepa'yen, ñachña sapuerre' ñeñ'cha' ello atarr socshaterre'.

*Atto Jesús'pa' ye'chatosanet e'ñech cohuen ma'yochet
(Lc. 11.2-4)*

⁵ Jesús'ñapa' atet oterraneterr:

—Ñaña ñerra'm esempo sema'yochena sapa' amach atet sepatsto atet pena ommoñafenesha'. Ñetpa' añe'paña ma'yochenet attoch acheñenesha'pa' e'ñech cohuen entenanetañ. Ñeñ'to'marña allemo ma'yochenetpa' ar-rach tomyesoset all shontena acheñenesha' puerahuo'mar amapa' all et-sape'tyena toñ allecma huachena shonte' acheñenesha' attochña allohuen acheñenesha'pa' e'ñech cohuen entenanetañ. Tarraña napa' po'ño'chpa' o'ch notas: Ñeñ' atet ommo'chetsa Yomporñapa' amach apuerraneto ñeñ'cha' coshaterrahuet tarro'mar ñetpa' aña e'nenet acheñeneshach cohuentate-nahuet. Ñetpa' e'ñech alla atsa'taretterret.

⁶ Sañapa' ñerra'm esempo sema'yochenapa' o'ch sebe'tosyes so'ponro 'chochña seyottañ'psa attochña sapa' amach sommo'cheño'fa sema'yochenoña Sompör, ñeñ'pa' e'ñech ñapuet allo'tsenes epas. Allochñapa' Sompör ñeñ' e'ñe ñap'a sentene' ñachña sapuerre' ñeñ'cha' ello atarr socshaterre'.

⁷ Sa ñerra'm 'cho sema'yochenapa' amach atta nanac señosatsto atarr aton e'ñe orrena ñeñ' atet pena po'poñ acheñenesha' ñeñ' ama ame'ñenayo ñeñ' ya Yeyomporer. Ñetpa' atarr tematen ma'yochenetañ'pa' tarraña ñeñ'fach alla oterrete't. Chate' otenapuetañ ñerra'm atarr tematen eñosetpa' e'ñe' cohuen entenanet Yompor attoch e'ñe cohuen e'mñotenanet.

⁸ Sañapa' amach atet sepatsto atet penet ñet tarro'mar sapa' ama't ama es senamuena' sema'yocheno', Sompörña e'ñe eñotuennas ñeñ' sepallta'yena.

⁹ Sañapa' atet'ña cohuen sema'yochaña sa:

Yomporo Partso ñeñ'ep pe'ntaño'tsen, yentapapa'ch pa atarr Partso.

¹⁰ Chapuepa'ch Nompore allempoch atarr pa'yochreshatterra arr patsro. Yetsotonapapa'ch arr patsro ñeñ' atet pemnen pa Nompore ñeñ' atet penet ñaña all pe'ntaño.

¹¹ Chocmuepa'ch Nompore papuene'y ñaña yocrrañ ñeñ' allpon yepallta'yena pate'tets yet.

¹² Pe'pretna'huonayepa'ch Nompore allohuen yo'chñar ñeñ' ama pocteye' pentapretenye atto Nompore yapa'cho'ña ye'pretnannena ñerra'm es-empo errot yepannena.

¹³ Ñaña amach Nompore pemnatatsche sosya'tsañ o'ch atarr topateney. Añcha'ña choch Nompore pa'ypo'ñataterrey allohuen sosya'tsañechno. Tarro'mar e'ñe pa Nompore ayochreshattetsa ñeñtepa' atarr Partse-shatets, e'ñe pa'pta ñeñtepa' Nompore aye'chochtatarettetsa e'ñe er-rponaño huen. Ñeñtach nenamañ; ñeñtpa' atepa'ch Nompore.

¹⁴ Ñerra'm sa chocma sepretnannena atto errof sepannenapa' sapa'cho'ña chochmach peretnerresña Sompore ñeñt pue'ntaño'tsen.

¹⁵ Tarraña ñerra'm ama cho sepretnannenopa' Somporepa'cho'ña amach peretnerrnasoña samña so'chñar.

Atto Jesús'pa' ye'chatosanet ñeñt e'ñech po'ño'ch tore'teñets Yomporecop

¹⁶ Jesús'ñapa' atet oterraneterr:

—Ñaña ñerra'm esempo semneñ sema'yocheño'f Yompore o'ch seque'chpa' serrar ñeñtpa' e'ñe pocte'. Tarraña ñeñtpa' ama añecpayaye attoch entas acheñeneshá' ñerra'm cha sellca'huena. Tarro'mar ñeñtpa' ommonoñatenesha'ña atet petsa. Ñetpa' ñerra'm esempo que'chpuenet puerrar Yomporecop ñetpa' atfach atso'clloyayenet allochñapa' attoch eñotenanet acheñeneshá' ñetpa' Yomporecopo' atet penet. Tarraña na po'ño'chpa' o'ch notas: Ñeñt atet ommono'chetsa puetore'teño'f Yomporeñapa' amach es apuerraneto ñeñtcha' atarr coshaterrahuet. Tarro'mar ñetpa' aña e'nenet acheñeneshach cohuentatenahuet. Ñetpa' e'ñech alla atsa'taretterret.

¹⁷ Tarraña sa ñerra'm esempo e'ñe sema'yocheño'f Yompore o'ch se-que'chpa' serrar sapa' atterachña sorrtena e'ñech cohuen satsaño'tyena ñaña se'pacle'chyena.

¹⁸ Allochña acheñeneshá'pa' amach cha eñotaseto sapa' cho seque'chpuen serrar ma'yochaya Yompore. Sapa' e'ñech ñap'ta Sompore sentene' ñeñt pue'ntaño'tsen. Allochñapa' Sompore ñeñt e'ñe ñap'ta sentene' ñachña sa-puerre' ñeñtcha' ello atarr socshatterre'.

Atto ñeñtcha' seshonterr ñeñt atarr sherbets arrca'ye seshonteñ all Yompore pue'ntaño

(Lc. 12.33-34)

¹⁹ Jesús'pa' alla oterrer:

—Ñaña amach seshonta'yesatsto checmañats añe patsro ñeñtcha' atarr semorrentena. Ñeñtpa' atarr apom'pere'chña atarr aptsaña. Ama't eñetpa' o'ch be'tosam'psonasapa' o'ch yoratsre'tam'pesuas.

²⁰ Yompore pue'ntaño'chña seshonta'yesña ñeñt e'ñe po'ño'ch sherbets. Ñeñtpa' ama apom'pere'chño ñaña ama aptsaña. Allpa' ama't eñetapa' ama be'teno attoch yoratsre'tam'pesuas.

²¹ Tarro'mar ñerra'm all Yompore pue'ntaño seshonta'nen ñeñt atarr cohuen senten, yeñoteñ e'ñe ñeñtcha' paterr senen seyo'chro ñeñtña atarr sherbets Yomporecop. Tarraña arr patsro ñerra'm aña seshonta'nen ñeñt atarr semorrentena, yeñoteñ e'ñe ñeñtcha' paterr senen seyo'chro ñeñtña' ama es sherbenoña Yomporecop.

Atto ye'clle'pa' añ toma'ntena ñeñt po'lampareñ pen allohuen yechets

(Lc. 11.34-36)

²²⁻²³ Jesús'ñapa' alla oterraneterr:

—Ye'clle'pa' añ toma'ntena atet ñerra'm ñeñt po'lampareñ pen ora yechets. Ñerra'm e'ñe cohuen huomech ye'clle'pa' e'ñech cohuen entateney puetare'. Allochñapa' attoch e'ñe cohuen torratyenana allemeñ yechets tarro'mar e'ñe

cohuen a'puetarsam̄psarettenet. Tarraña yecle'ña ñerra'm ama e'ñe cohuen huom̄cheyayepa' amach e'ñe cohuenaye' entatenye puetare' attochña amach eshcaye' torrattyenano allemēñ yechets tarro'mar čha ottena ñerra'mrrate' checmeto'tsa'yeneta. Attecma pena ñaṃa yeyočher. Ñerra'm e'ñe cohuen yoctape'chyen yeyočhro, ama aña es ye'nyeno ñeñt' e'ñe yocpa, attoña čhennayaña e'ñe ora allohuen Yompor poyčapña ñeñt' po'cohuenña pen. Attoña ora yoctapñapa' e'ñech a'puetarsam̄psarettena Yomporeshot. Tarraña ñerra'm ama cohuenaye' yoctape'cheno yeyočhro, ñerra'm aña ye'nyen ñeñt' e'ñe yocpa ñeñt'pa' amach errotenot a'puetarsam̄penyeña ñeñt' yoctapña yepen. Ñeñt'ña yoctapña yepenpa' atarrcha' a'checmetaṃpenay yeyočher.

Amach aña yema'yočhratsto ñeñt' e'ñe yocpa attoch yegana aton quelle; ñeñt' atetpa' amach errotenot yema'yočhroña ñaṃa Yomporcop
(Lc. 16.13)

24 'Ñeñt'pa' atetcha' yetma'ntacha: Ama't puesheñarrofeyapa' amach errotenot e'ñe cohuen yetaruasoña epsheño'mar yamo'mtayecop. Tarro'mar ñerra'm atet yeṃapa' puesheñarr e'ñech cohuen yemorrenteñot yosheñeshocmañen yesherbeñ, po'psheneñapa' amach e'ñeye' yemorrenteño; čhach yottena ñerra'm čha yetsena'teñ. Ñeñto'marña ñeñt'pa' amach cohuenaye' yesherbeñe. Ñerra'm aña e'ñe sema'yočhrena ñeñt' e'ñe socpa attoch segana aton quelle, ñeñt' atetpa' amach errotenot sema'yočhroña ñaṃa ñeñtecop atarr sherbets Yomporcop.

Atto Yomporpa' ñach e'ñe cohuen cohuaṃpene' ñeñt' puechemeresha' pen
(Lc. 12.22-31)

25 'Ñeñto'marña te'pa' o'ch noterrser: Amach aña sellcatsto ñeñt' atto yocrena arr patsro. Ama't seyočhrapa' amach sotatsto, esuachca' yer-rerrerte' tsapatonet, esuachca' yorrte'. Ñaṃa amach aña sellcatsto ñeñt' e'ñe sechtsocpa. Amach sotatsto, esuachca' yechorrate'. Tarro'mar Yompor ña yapuene' yo'rrerrña allo yocrena ñeñt'ña atarr nanac sherbets. Ñeñto'mar yeñoteñ ña yapuene' ñaṃa yerrar ñeñt'ña ñocoppa' ama esoye' enteñe. Ñaṃa ña yečcatene' ye'chets ñeñt' atarr sherbets. Ñeñto'mar yeñoteñ ña yapuene' ñaṃa ama't ñeñt' yechorra'yena ñeñt'ña ñocop ama esoye' enteñe.

26 Senteñte' atto correna otneshachno ñeñt' anomčha'tyetsa entonet. Ñetpa' ama čhoye' nare'tatse'teneto ñaṃa ama čhoye' apčha'yeneto puerrar ñeñt'cha' rra'yenet. Ñetpa' ama es echenaye allcha' es añaño'tyenet. Ama't atto correnet Somporña ñeñt' pue'ntaño'tsenpa' e'ñe yečcatyesuanet ñeñt'cha' puerrar pa'yenet. Elloña sa Yomporpa' atarr morrentensa sa; ello semtaneñ ñeñt' atto atarr morrentenana otneshachno.

27 Ñaṃa amach sellcatsto attoch amach serromo tarro'mar ama't sellquēnañ attoch atarr atomat socrra arr patsro, tarraña ama't e'ñe puesheñarrofesapa' amate' errotenot so'chtatoña socreña ama't e'ñe pamtarra.

28 'Eso'mare'tcha'ña sellca'yesaña attoch sepashta. Senteñte' atet yečquēna rorečhno ñeñt' chopyets ñota allemēñ. Ñetpa' ama čhoye' taruasa'yeneto ama't mamesha ama čhoye' taneneto ñeñt' chorra'yenet atto e'ñe cohuen orreyenet.

²⁹ Tarraña napa' o'ch notas: Ama't añcha'taret Salomón atto e'ñe a'cohuentate't ahuat, ama't ñapa' ama chorrane'teña ñeñt atarr cohuen ñeñt atet atarr cohuenta ror.

³⁰ Ñaña ñeñt ror pue'chorpa' ñeñfara ta'te' ñeñt chopyets allemeñ ñeñt sentyen te' tarraña ñeñtpa' mamecpa. Ama't cohuen chopyleneñ te'pa' tsapatonetñapa' o'ch etomanperetpa' e'ñech colla'huerrapa' o'huañcha' cohuenta. Ñehua, Yompor atto cohuentatyenan ama't ñeñt e'ñe mamecpa, elloña sapa' atarr chorratyensañ saña; sañapa' eso'marte'ña amaña e'ñeye' seyemteño.

³¹ Ñeñto'marña notenes: Amach atarr sellca'yestatsto. Amach sotatsto: "Esuachca'ye yerra'te'. Esuachca'ye yorrte'." Amach sotatsto: "Esuachca'ye yechorrate'."

³² Tarro'mar allohuen acheñenesha' arr patsro ñeñt ama ame'ña'yetso, ñetpa' ñeñtaña e'ñe paterr e'nenet. Ñehua, Somporña ñeñt pue'ntaña'tsen ñapa' e'ñe entuenes ñeñt allpon pa'namen sepallta'yena arr patsro.

³³ Sapa' añcha'ña e'ñe ñanom sema'yochrena Yomporecop attoch atarr ayochreshattena ña. Ñaña añcha'ña sema'yochrena ñeñt e'ñe pocte' enten ña, allochñapa' ñachña sapa'yene' ñeñt allpon sepallta'yena saña.

³⁴ Amach e'ñe tayecma sellca'yestatsto ñeñt setantyesoya tsapatonet. Tarro'mar ama't e'ñe tayoteña' chocma eñall ñeñt allcatañetyetsa ama't e'ñe pate'tets yet.

7

E'ñe attotapa' amach yotteñe'channa'tatsto

(Lc. 6.37-38, 41-42)

¹ Jesúsapa' atet oterraneterr:

—Sapa' e'ñe attotapa' amach sotteñe'chatsche po'psheñeñ allochñapa' amach otteñe'cherro saña Yompor.

² Tarro'mar ñerra'm atet sotteñe'chyeñ po'potantañ, Yomporpa'cho'ña e'ñech attecma otteñe'cherres saña. Ñerra'm errponochcha' sotteñe'chyeñ po'potantaña' sapa'cho'ña e'ñech allponoch otteñe'cherres saña Yompor.

³⁻⁵ Amach atet sentatsche po'potantañ ñerra'm ñetpa' ama cohuenaye' es peneto, ama't sapa' ama sentenoña ñeñt atet sepa'yena sa ñeñtpa' ello semtaneñña po'potantañ ñeñt atet es pa'yenet ñet. Ñerra'm ama cohuenaye' es sepeno sañapa' amach sotatscheña po'potantañ: "Napa' o'ch noctape'chatuerres e'ñe cohuen." Tarro'mar ñerra'm atet sepenapa' cha sommo'chena. Ñanomcha'ña añ sehuapore'terr ñeñt ama cohuenaye' sepeno sa, allochñapa' attoch señoche cotape'chate' samo'ts e'ñe cohuen. Ñeñtpa' añ tomanena o'ch sentoñ pa'psheñeñ pa'clloyot'sen puepachña ama't sa seclloyopa' allo'tsen tsach; ñeñtñapa' ama senteñe. Ñerra'm atetpa' amach errotenot socheña po'psheñeñ napa' o'ch nechternap' pecloyot' pepachña tarro'mar añ tsach ñeñt seclloyo'tsenpa' cha a'npuennasña attoch e'ñe cohuen es sentyen. Ñanomcha'ña añ sehuapore'terr tsach seclloyot' allochñapa' attoch e'ñe cohuen es sentyen. Attochña e'ñe cohuen sechternaña po'psheñeñ puepachña pa'clloyot.

⁶ Jesúsapa' atet oterraneterr po'poñ:

—Ñeñt ama quechpuenaye pachmareñ ñaña patpareñ amach alla seserpare'taterranete'te Parets po'cohuenña. Tarro'mar ñetpa' atta penet ñerra'mrrate' ochec. Ñehua, ochec ñerra'm esempo ama'tcha' atarr cohuen

ya'ppa' ya'nach rrema'pes chach achota'teypa' o'ch shetsay. Ñaña ama't atet ñerra'm chañcho ñerra'm esempo es yena' ñesho ama'tcha' atarr cohuen yenten ya, yesar, chañchoñapa' atfach atmama'tam'psey tarro'mar chañchopa' ama esoye' entenano ama't ñeñt atarr cohuen.

Chocmach es yenamueñ Yompor ñaña chocmach ye'neñ

(Lc. 11.9-13; 6.31)

⁷ Jesús'pa' alla yechaterraneterr po'poñ, ñeñt'pa' atet oterraneterr:

—E'ñe senamueño't, Yomporñapa' apascha'. Se'ne'ame'teño'ipa' señchcha'; sechore'teño't, Yomporñapa' e'ñe pue'mñoteño'espa' e'ñech cohuen toram'psapas.

⁸ Tarro'mar ñeñt es enamare'tetspa' ñetña es aguëtset; ñaña ñeñt es e'ne'ame'tets ñetñapa' chocmach eñchet ñaña erra'tsen ñeñt chore'tyene' ñetñapa' e'ñe e'mñotenanet Yompor.

⁹⁻¹¹ Yompor ñeñt pue'ntaño'tsen chocmach e'ñe cohuenare' es apa'yeney ñerra'm esempo es yenamueñ. Ñapa' amach aña apuenye ñeñt ama cohuenaye' yenteno ya. Ama't sa ñeñtes arromñafes atet sepeñ saña sechemer, e'ñech cohuen es sapueñ ñerra'm esempo es enamuenes. Atet ñerra'm allempo pa'chporrño't es enamuenes, o'ch enamas mam* ñeñt'cha' rra', sapa' ama't puesheñarrofesapa' amach aña sapueñña sechemer mapue' ñeñt ama arrapahuoyaye. Amapa' ñerra'm cac enamuenes sañapa' ama't puesheñarrofesapa' amach aña sapueñña sechemer shechep ñeñt atarr amuerochtatañ. Ñeñto'marña sa ama't arromñafes ama't ñaña at-srre'mñafes sapa' e'ñe seño'teñ apa'yese' sechemerasha' e'ñe cohuenare'. Añña ñeñt Seyomporer sepen saña ñeñt pue'ntaño'tsen elloña ñapa' e'ñe eñoteñ atto e'ñe cohuenare' es apa'yenes saña ñeñtes es enamuenes'.

¹² Ñeñto'marña atet notenes: Ñerra'm erra'tsente' e'ñe cohuen senten ñeñt senmen sa ñeñt'cha' atet ñonas po'psheñeñ, sapa'cho'ña e'ñech attema sepanet saña. Tarro'mar ñeñt'pa' atet oteney Yompor po'ñoñ ñeñt ahuatoteñ, ama't Moisés po'ñoñ ñeñt atet anaret ama't ñaña ñeñt a'mta'yese't Yompor po'ñoñpa' e'ñe attecma otyesete't.

Atto Jesús'pa' toma'ntaterraneterr ñerra'mrrate' yetarro'tollo yebe'ten eshech-cha' yechap Yomporeho

(Lc. 13.24)

¹³ Jesús'ñapa' atet toma'ntaterraneterr; ñeñt'pa' atet otanet:

—Sebe'tos yetarro añe'oll tarro'mar ñeñt atarr yetarr, atarr toñ ñeñt'pa' alla sen chenca'puetso. Shonte' acheñenesha'pa' e'ñe alla be'toscha'tyenet.

¹⁴ Ñeñt'ña añe'oll yetarr, añe'oll toñ ñeñt'ñapa' arr sen corra'puetso allña sapa' corretsasach. E'ñe puesheña'tsa entene'ña ñeñt toñer.

Ñeñt'pa' añ toma'ntena attoch yoc'er Cristo, choch yesuanemña ñeñt ama cohuenaye' entapretenye.

Allohuen acheñ ñeñt e'ñe po'ño'ch cohuen acheñer, ñetñapa' aña' orratyenet ñeñt e'ñe cohuenare'

(Lc. 6.43-44)

¹⁵ Jesús'ñapa' atet oterraneterr:

—Sapa' señota'tach tarro'mar huaponasach ñeñt'cha' ay'cha'natatsa ñetpa' a'mteneto' Yompor po'ñoñ. Ñetpa' puesheñño'fetpa' ottenetañ atet ñerra'm

* 7:9-11 Ñehua, Jesús añ toma'ntatanet pan ñeñt puerran penet all pa'nyo.

atarr cohuen acheñret e'ñech attetañ ñerra'mrrate' carrnero ñeñĩ ama errot apaneñyaye ama't mamesha. Tarraña ñetpa' atta shequënet tarro'mar e'ñe po'ñoçh ñetpa' e'ñe attet ñerra'mrrate' ma'yarr ñeñĩ añach e'nyen ñeñĩ e'ñe ñocpa. Attotcha'ña e'ñe a'chencatuerran acheñenesha'.

16-20 Tarraña sapa' attotcha'ña e'ñe sechme'tyesanet. Tarro'mar allohuen acheñenesha' ñeñĩ e'ñe po'ñoçh cohuen acheñeneshar, ñetpa' añcha'ña ortatyenet ñeñĩ e'ñe cohuenare'. Tarraña po'potantañ acheñenesha' ñeñĩ po'ñoçh ama cohuenayaye, ñetñapa' añach orrtatyenet ñeñĩ ama cohuenayaye. Ñeñtpa' atetcha' netma'ntacha. Ora allohuen ñeñĩ e'ñe cohuenare' narmetsocheçhno'pue'merpa'çho'ña e'ñech cohuenare'. Ama't parrochapa' amach me'toña ñeñĩ ama cohuenayaye. Añña po'pchañeçhno narmetsocheçhno ñeñĩ ama cohuenayaye, pue'merpa'çho'ña amach cohuenayaye. Ñeñtpa'çho'ña ama't parrochapa' amach me'tenoña e'ñe cohuen. Ñaña yapa' e'ñe yeñoteñ ama't errotenapa' ama arroteye' yetoquënoña llo'm ajçhot. Ñaña ama't errotenapa' ama arroteye' yetoquënoña ap rrenagachot.† Ñeñto'marña attoña yeñoteñ erra'tsente' ñeñĩ e'ñe cohuenare' narmetsoch, ñaña ñeñĩ ama cohuenayaye; pue'merotña yechme'teñ. Ñaña allohuen narmetsocheçhno ñeñĩ ama cohuenaye' me'tyetsopa' a'mata'tueretcha' sprrotueretcha' tso.

Atto amach allohuenacmaye' çhapueto all añcha'tarettena Yompor pue'ntañ

(Lc. 13.25-27)

21 Jesúsñapa' atet oterraneterr:

—Ñeñĩ notyenayeñ: “Papa' po'ñoçh na'yochreshater nepeneþ”, tarraña amach allohuenacmaye' çhapueto all añcha'tarettena Nompor Parets ñeñĩ pue'ntañ'tsen. Añach çhapyerrets all ñeñĩ e'ñe po'ñoçh atet pene' ñeñĩ atet muenen Nompor ñeñĩ pue'ntañ'tsen.

22 Allempopa' shonte'ch acheñenesha' ñeñtcha' notyerrayeñ: “Po'ñoçh Ayochreshate e'ñe peso'chñopa' çhocmaca'ye ya'mñonape'tña peñoñ. Ñaña yeçhore'teñoþ peso'chñopa' çhocmaca'ye yequeçhpatache'tña shonte' oneñeþeçhno. Ñaña yeçhore'teñoþ peso'chñopa' epaye'ca'ye yorratyese'tña partsoteñets.”

23 Naña allempopa' na'meta'huerranetcha', notyerranetcha': “Ama't ahuatapa' ama nentarso, ama neyochreshayayso. Te'pa' orrerres, sapa' añ setsoten ñeñĩ ama cohuenaye' nenteno.”

Atto Jesús toma'ntatana acheñ ñeñĩ e'ñe eñotene' ñeñĩ po'ñoçh sherbets ñaña ñeñĩ ama eñotene' ñeñĩ sherbets

(Lc. 6.47-49; Mr. 1.22)

24 Jesúsñapa' atet oterraneterr:

—Allohuen ñerra'm erra'tsencha' e'mñotene' neñoñ ñeñĩ atet e'ñe cohuen neyçhatenanet, ñerra'm ñetña e'ñech atet penet, ñetñapa' e'ñech eñoteñet ñeñĩ e'ñe po'ñoçh sherbets. Ñeñĩ acheñer ñeñĩ atet petsapa' ñapa' e'ñe atet ñerra'mrrate' puesheñarr yacma ñeñĩ atarr es eñotets. Ñaña'pa' tomatan pa'paquëll, e'ñe echarr pe'.

† 7:16-20 Ñehua, Jesús añ toma'ntatanet uva ñaña higo ñeñĩ puenarem penet all pa'nyo.

²⁵ E'ñe tomatue'pa' huata huomenc, apellchena oñ, orrnota, pocollñapa' orrnotam̄psa. Ama a'matam̄pse tarro'mar quellpachpa' e'ñe echarr atomataret.

²⁶ Tarraña po'potantañña ñeñt e'mñotene' neñoñ ñetña ñerra'm amach atteye' peneto ñeñt notenanet, ñetñapa' e'ñech atteta ñerra'mrrate' puesheñarr yacma ñeñt ama es eñoteno. Ñapa'cho'ña tomataneñcha'ña pa'paquell, tarraña amach echarroye' pe.

²⁷ E'ñe tomatue'pa' huata huomenc, apellchena oñ, orrnota, pocollñapa' orrnotam̄psatsapa' chepa'tcha' mata'nerretspa' e'ñe muellotsetuerra.

²⁸ Allempo serrpare'tatuanet Jesús, acheñenesha'ñapa' epaye' cohuanr-rortet ñeñt atet ye'chatenanet ña.

²⁹ Tarro'mar ñapa' atarr cohuen ye'chatenanet ñerra'mrrate' ñeñt allsen-sarettetsa Partseshot. Judionesha' pa'm'cha'tareternesha' ñeñt atarr etso-tayenayeñ ñoñets ñeñt atet anaret, ñetñapa' ama e'ñeye' atteye' ye'chateneto.

8

Atto Jesús a'crraterran puesheñarr yacma ñeñt aptsarñat
(Mr. 1.40-45; Lc. 5.12-16)

¹ Allempoña err Jesús aspenotpa' cota'huanererr acheñenesha' nanac shonte'.

² Allñapa' huapoña puesheñarr ñeñt osen puetsarñats ñeñt otenet lepra. Chap Jesúseshopa' allenta concorposana Jesúsapa' atet otos:

—Ayochreshate ñerra'm pa muenats p̄apa' ñeñtep atarr ahuamencateshap̄ pa'crrataye'cherren allochñapa' attoch e'ñe cohuen entuerren acheñenesha'.

³ Jesúsña anretapa' allenta a'p̄lle', atet och:

—Napa' nemneñca'ye, metuerrepa'ña peptsarña allochñapa' attoch e'ñe cohuen entuerrep̄ allohuen acheñenesha'.

Yacmañapa' allorocmuepa'tcha' metuerña pueptsarñapa' cha cohuentertsa.

⁴ Jesúsñapa' alla otererr:

—Te' atto o' na'crraterreppa' po'ño'ch ama't e'ñe puesheñarrapa' amach p̄otapsa'tatsche ama't mamesha. Corneshachña pegatena' all peptsarse't. Atet nane't Moisés ñoñets añ acheñrecop ñeñtcha' a'crratare'tterrtsapa' te'ñapa' o'ch es panom ñeñtcha' p̄apos all ñeñt Yomporecop allochñapa' attoch e'ñe cohuen enterrep̄ allohuen acheñenesha'.

Atto Jesús a'crraterran puesheñarr capitán pueñaña; ñeñt̄pa' romo'marnesha'
(Lc. 7.1-10)

⁵ Allempoña cherr Jesús Capernaumopa' allñapa' huapoña puesheñarr solltar po'captaner, ñeñtñapa' romo'marnesha' ama judioneshayaye. Ñaña'apa' atarr otare'tosan Jesús,

⁶ ñeñt̄pa' atet otos:

—Nomporcha' nepaclopa' atarr pa'nattenapa neñañra. Alla panena po'mayo nanac muero'chtēna cha echarrtena.

⁷ Jesúsñapa' atet och:

—Ama'tpa' napa' o'ch ahuen o'ch na'crratera'.

⁸ Capitánña puepatare'teño'tpa' atet och:

—Na Nomporcha'pa' ama cohuenayayno attoch pebe'tosapo'tam̄pesna nepaclo. Arro'tach p̄ot: “Ama'tpa' correrrepa' peñañra”, neñañrañapa' acrrerroche'ch.

9 Tarro'mar napa' ñeñfen ñeñf atet petsa ñeñf atet otenen ñeñf neyechenaya na. Napa'cho'ña eñall ñeñf neyechena namã ñeñf nesolltarer nepen. Ñerra'm puesheñarr solltar noteñ: "Papa' o'ch ahuep a'yo", ñañaapa' o'chcho' ahuo'. Namã po'psheñeñ solltar ñerra'm noch: "Papa' apon arr", ñañaapa' o'chcho' huapa. Namã po'psheñeñ na'taruasañer ñerra'm noch: "Papa' arrcha' petaruasa'muen", ñapa' allcha'cho' taruasa'muen. Ñeñto'marña napa' neñoteneñ ñerra'm erroten potenpa' e'ñechca'ye atet pena.

10 Allempo e'man Jesús ñeñf atet oten capitán, ñañaapa' atet otan allohuen acheñenesha' ñeñf cota'nene':

—Ñapa' atarrca'ye yemtenna, ama't ñapa' amaca'ye judioneshayaye. Napa' po'ñoçh o'ch notas: Ama't ahuatapa' ama nentareña acheñ ñeñf e'ñe atet neyemtenaya, ama't allohuen israelena'tarnesha'pa' ama't puesheñarra ama nentareña ñeñf atet atarr neyemtenaya.

11 Ñeñto'marña te'pa' o'ch notas: Shonte'ch acheñenesha' ñeñf ama judioneshayaye ñeñfcha'ña e'ñe neyemterraya. Allochñapa' esempohuañenpa' ñetñapa' allemateñcha' e'ñe huaçha'tuerret ñeñfcha' anorrcha'tyesuerrets all e'ñe Yomporesho all amcha'tarettena ña pue'ntaño. Allcha'ña rrallme'chapreteret yatañneshaçhno Abraham, ñaña Isaac ñaña Jacob.

12 Shonteña judionesha' ñetcha'ña chapatsetañ all amcha'tarettena Yompor, tarraña ñetñapa' amach chapueto all tarro'mar ñetpa' ama naye' yemteneto. Ñetñapa' allach ahupore'taretterret a'yot checmeto. Allñapa' allcha' yahuanrrorterret, panmueñoet atserpa' rraso'tyesosetcha' pa's.

13 Allempoña Jesúsapa' alla oterranerr capitán:

—Te'pa' o'ch ahuerreñ pepaclo, e'ñe atto atarr peyemtenapa' attetepa'ch pocop.

Pueñañrañapa' e'ñe allempocma correrra.

Allempo a'crratosan Jesús Simón Pedro pa'so'mue
(Mr. 1.29-31; Lc. 4.38-39)

14 Alloñapa' chap Jesús Pedro pa'paclo. Allñapa' entosñañ pa'so'mue alla panena po'mayo cha atсна'ten, cha hueraten.

15 Jesúsñapa' allenta a'pillosñañ potpa' cha metuerretsña po'urateña. Alenta tantapa' o'yema'tallme'chaña.

Allempo Jesúsapa' a'crraterran shonte' pa'namen atснаñeçhno
(Mr. 1.32-34; Lc. 4.40-41)

16 Ñeñte yetrocma allempo ellerrenpa' huaçha'tateññañeterr shonte' ñeñf chorra'yena oneñeñ. Jesúsñapa' e'ñe po'ñoñoña queçhpatuerranet oneñeñ ñeñf chorra'yenahuet. Namã allohuen ñeñf atсна'tyetspa' o'a'crratyesapanet.

17 Ñeñtpa' tarro'mar atet pa' allochñapa' attoch etsota Isaías po'ñoñ ñeñf a'mtaye't Yompor po'ñoñ; ñapa' atet ote't: "Ñapa' ñach yahuanmamperre' ñeñf yemueroçhtatylene', ñapa' ñach ahuanerre' allohuen ñeñf ya'tserrpa'yene'."

Allempo Jesúsapa' yeçhatan ñeñf muenene' o'ch coter
(Lc. 9.57-62)

18 Po'pocheño allempo Jesúsapa' entapuenanerr shonte' acheñenesha' cha emchorra'hueñerr, ñañaapa' atet otan pueyochresha':

—Te'pa' o'ch ahuañpsey yomta'n.

19 Allñapa' huapoña puesheñarr ñeñĩ atarr etsotene' ñoñets ñeñĩ atet anaret. Ñaña' atet otos:

—Na te'pa' Maestrocha' nemneñ o'ch noctare'tyesep ama't errohuanencha' pechopeñe' chyes.

20 Jesúsñapa' atet och:

—Te'pa' napa' peñotench'a' ama't nepacllapa' ama necheñe allcha' neychenañ. Ró'quëppa' chocma eñall pa'pon allecma yeçhena.* Oteçhnopa'cho'ña chocma eñall pa'ma' allecma yeçha'yenet. Tarraña ñaña Ñeñten Acheñetosetspa' ama eñalle ñeñĩ e'ñe nepaquëll nepen allcha' neñanena.

21 Po'pocheño Jesús'pa' atet otenanerr po'psheñeñ pueyochresha':

—Te'pa' o'ch poçta'n attoch e'ñe po'ñoçh neyochresha' neperreþ.

Tarraña ñeñña acheñerpa' atet otan Jesús:

—Te'pa' arrcha'ña ñanom pemnaterren o'ch ahuerren apuesho o'chña nepampa'huera' apañpa' allempochña nohuerrapa' o'ch noctaþ.

22 Tarraña Jesús'pa' atet otererr:

—Acheñenesha' ñeñĩ ama yerpa'penaye Yompor, ñetñapa' pampanna'tetepa' parro arromñatecmuet. Tarraña pöcoppa' ñeñteþ o' peyerpuera Yompor añ poçtetsa o'ch poçta'n attoch po'ñoçh e'ñe neyochresha' neperreþ.

Allempo a'mchecherran Jesús huomenquësha' ñaña sa'p ñeñĩ emo'yaretetsa

(Mr. 4.35-41; Lc. 8.22-25)

23 Allempoña Jesús'pa' a'tapos noñto pueyochresha'ñapa' co'ta' huanmet, ahuanmpet rroçha'sonet atarr sa'po.

24 Allñapa' machayotepa'tcha' huomenquëshatañpesnomuet. Emo'yare'ña ÷ha esha'tena noñto, atteña oññapa' chorrámoch noñto. Jesúsñapa' ÷ha muen.

25 Atteña pueyochresha'ñapa' poneniyet Jesús all muenpa' opueret atet ochet:

—i'pa'quesþataye'chey Ayochreshate po'ñoçhuachca'ye yoclla'huerrate'!

26 Ñaña'pa' atet otanet:

—Eso'mare'tña nanac seyoren. Sapa' ama e'ñeye' seyemtenno.

Jesúsña tanterrapa' e'ñe po'ñoñoña a'mtsoññetuerran huomenquësha' ama't ñaña emo'yare'pa' o' e'ñe a'mtsoññetuer. Attoña ñetpa' o' alla e'ñe cohuen mueçhattamperret.

27 Atta cohuanrrorteñet ñetñapa' atet otanna'tyeset:

—Ta'mca'ye, añ acheñerpa' esona'tarte'ca'ye. Atarrepa't es a'mchechaten, ama't po'ñoñotapa' a'mchechaterran huomenquësha' ama't ñaña emo'yare' oñ.

Atto gadaro'marnesha' ñeñĩ chorrena oneñeñ ñetñapa' huapuet Jesúsesho

(Mr. 5.1-20; Lc. 8.26-39)

28 Allempoñapa' o' etsotosey yom'ta'n all sechenet. Allpa' añ pa'ney pene' gadaro'marnesha'. Allñapa' huapoña ñaña epsheña acheñ tarraña ñetpa' añ chorrenahuet oneñeñ. Ñeñña' arrot huenet allecma pampa'yeñet arromñateçhno. Allenetñapa' ama eseshaye' setso tarro'mar ñeñĩ chorra'yena oneñeñ ñetpa' atarr am'cha'noçhetyenet allenet.

29 Allempoñapa' rranare'tapet Jesús, atet ochet:

* 8:20 Ñehua, Jesús añ toma'ntacha zorra ñeñĩ berrotets all pa'nyo.

—Eso'maruachca'ye, Parets Puechemerecha' p̄a'tsrre'moçhtana'tosey. Papa' añecop̄te' p̄ehuena o'ch p̄ecoñchaterrey ama't ama çhena' allempoch ya'coñchatare'terra.

³⁰ Ñehua, allpa' a'yente'tsa'yen shonte' chañchoçhno all rratse'tyen.

³¹ Ñeñio'marña oneñe'feçhnopa' atet otare'tapet Jesús:

—Ñerra'm çhoch pequeçhpatosey acheñpa' arrña pemñaye'çhosey chañchesho allochñapa' o'ch yechorra'yerrerr ñama chañchoçhno.

³² Jesúsñapa' allenta otanet:

—Ama'tca'yepa' orrasca'ye.

Allempoña oneñe'feçhnopa' queçhpa'neret acheñpa' o' chorrereterr ñama chañchoçhno. Chañchoña allempo chorrosya oneñe'feçhnopa' çhepa'tcha' matrra'tua allohuen ñegone'ẽ, shorçha'tuos allotpa' e'ñe ño'shrra'tuosa oño.

³³ Acheñenesha'ña ñeñt' cohuan̄pene' chañcho, ñetñapa' allenta matrra'tet ñamet po'yorño'ẽ, ahuanmuet anetso. Allñapa' serrpare'tyesoset ora atet o' perra ñeñt' chorra'yese't oneñe'.

³⁴ Allentepa'tcha' ahuanmaña allohuen anetso'marnesha' ahuo'ch enteñeta' Jesús. Ñetña entoset Jesúsapa' atet otoset:

—Te'pa' o'ch ahuerre'p̄ arrot, yenyot.

9

Atto Jesúsapa' a'crraterran ñama ñeñt' echarraña

(Mr. 2.1-12; Lc. 5.17-26)

¹ Allotña Jesúsapa' a'terr noñtopa' pechaterra, çherr anetso all a'puena.

² Allñapa' huapatam̄psoñet echarraña, puechecnape'na. Jesúsñapa' eñotapanet ñetpa' atarr nanac yemteñet. Allempoña ñapa' otapan echarraña: —Chochña neyochre p̄ocsherra tarro'mar te' ñeñt' p̄o'chñarpa' ap̄retna'huaretterra.

³ Puesheña'tetsña ñeñt' etsotayenayen ñoñets ñeñt' atet anaret ñetñapa' atfa otatse'tyeset pueyoçhreto e'ñe ñagattseta, ñeñt'pa' atet otet: “Añ acheñerpa' çha achmenan Yompor.”

⁴ Jesúsñapa' o' eñotanet ñeñt' atet otyenet ñocop, ñañapa' atet otanet:

—Sapa' eso'mare'tcha'ña atet soctape'chatse'tyesña seyoçhro.

⁵ Sapa' çhate' soten ñeñt' atet o' notue echarraña po'chñar o' ap̄retna'huaretta ñeñt'pa' ama torrapahuoyaye. Sapa' añña atarr torrapo' senten attoch na'crrater çhoncha'ña ote': “Petantena pechope'çhnen.”

⁶ Ñehua, napa' o'ch neñotatas na Ñeñten Acheñetosets, napa' ñeñten apareten llesens attoch nach peretnerre' ochñarets añe patsro.

Ñeñio'marña Jesúsapa' atet oterranerr echarraña:

—Te'pa' o'ch petantena, peçhta'nen pemue'pa' pechope'çhnen, ahuenep̄ pepaclo.

⁷ E'ñe otue' atetpa' echarrañañapa' çha tantetsa allorocma, ahuerp̄a'paclo.

⁸ Acheñenesha'ña all ñeñt' entene' ñetñapa' çha yorenet, elloñapa' alla co-huentaterrñañet Yompor. Atet otyenet:

—Yomporca'yeyña o' llesenserran ñeñt' ama't e'ñe acheña.

Allempo Jesúsapa' hua'ña'nman Mateo attoch pueyochresha' per

(Mr. 2.13-17; Lc. 5.27-32)

9 Jesúsña meterrerr allotpa' entnoman puesheñarr acheñ ñeññapa' añ pa'so'cheñ Mateo.* All anen allecma cobra'yenan acheñenesha' quelle ñeññ gobiernocop. Jesúsñapa' atet otosan Mateo:

—Te'pa' o'ch pocta'n attoch neyochresha' neperrep.

Mateoñapa' čha tantnomtsapa' allenta cotan Jesús.

10 Allempoña čhap ñaña allempoch rrallme'chen Jesús pocollo. Allñapa' huačha'ta po'potantañ shonte' ñeññ po'taruas pene' o'ch cobra'yeñet acheñenesha' quelle ñeññ gobiernocop. Ñeññapa' atarr ashcañenesha' entyeññ allohuen acheñenesha'. Ñaña epuet po'potantañ ochñañeneshačhno ñetñapa' all anorrčha'tyesoset all anen Jesús epuet pueyochreshačhno.

11 Añña fariseonesha' ñeññ allo'tsa'yen ñetña allempo atet eñchetpa' allenta otoñet pueyochresha':

—Eso'mare'tña ñeññ semaestror sepenpa' rrallme'chapretenañña añ acheñeneshar ñeññ puehquēñofe'na cobra'yene' acheñenesha' ñaña epuet acheñenesha' ñeññ atarr ochñañeneshačhno.

12 Atto e'manet Jesús, ñañaapa' atet toma'ntatanet:

—Ñeññ e'ñe huomech entetsapa' ñetpa' ama e'neñetoña apartañ. Añña ñeññ atсна'tetspa' ñetñapa' čhocma e'nenet ñeññ'cha' a'crraterrahuat.

13 Napa' ama añecpaye' nohuapo attoch nečhore'tos ñeññ e'ñe atet entetsañ ñetpa' e'ño' cohuen es pa'yenet. Napa' añecopña nohuapa attoch nečhore'tos ñeññ atarr ochñañ entyetsa. Allochñapa' attoch o'ch cotape'cherret ello e'ñe cohuen Yomporecop. Socoppa' añ poctetsa ñerra'm o'ch ahuerrespa' seño'tuerrepa'čhña ñeññ atet yečhateney añ Yompor po'ñoñ ñeññ atet anaret ahuatoteñ. Ñeññapa' atet oteneý Yompor: “Napa' ama e'ñe añña cohuen nenteno o'ch sapuenen sayara ñeññ semtsen nocop. Añe'ñaña atarr cohuen nenten o'ch semuereña allohuen samo'tsesha'.”

Allempo Jesúsapa' eñotatanet atetcha' tore'tet Yomporecop ñeññ po'ñočh sher-bets

(Mr. 2.18-22; Lc. 5.33-39)

14 Allempoñapa' ñeññ pueyochresha' pen Juan ñeññ apataye't acheñenesha' ñetña huačha'toñet Jesúsapa' atet otoset:

—Yapa' tore'tetsay Yomporecop ñaña fariseonesha'pa'čho'ña tore'tetset. Pañapa' česo'mare'tña ama tore'tenoña peyochresha'†?

15 Jesúsñapa' alla toma'ntatanet, atet otanet:

—Ñeññ ahua'ñarečhno all rrallme'chapreteñet ñeññ erрте'sena'tetsa, ama pocteyaye o'ch yotanet amach es serra'yestatsto. Amach yellcatatstaneto tarro'mar atet coshapreteñet ñeññ sena'tetsa. Tarraña ñerra'm esempo machayoča sa'nerranet ñeññ sena'tetsa, ñeññña parro yemuetyena allempoña ñetpa' e'ñe puellquēñofet quečhpa'huerretča' puerrar, amach arrenaye' enterreto. Ñeññapa' attochña tore'terret allempo Yomporecop e'ñe po'ñočh. Arrpa' allohua huañ ñeññ atet Jesús toma'ntata ña sena'tostsa.

16 Elloñapa' alla toma'ntaterraneterr ñeññ atet yečhen judionesha' arr patsro, ñeñño'marña atet otanet:

—Yapa' ñerra'm mellashañ yeshtampa' amach yelltatsche emarr lletamtso. Tarro'mar ama't atet ye'patse'čhpa' ñeññapa' e'ñečh orrena yellteñ tarro'mar

* 9:9 Mateopa' ñeññara ñeññ sochenet Leví. † 9:14 Añ tore'teñetspa' añecop o'ch yetorra Yomporecop. Amach añecpayaye atomat, ñeññapa' añecpa mameshacop o'ch yequečhpa' yerrar.

ñeñt emarr lletamuetspa' ñerra'm esempo yatsama'tam̄pespa' çhach chel-lama'ta çhach martse'tatanña shetamtoshe'm. Ñeñtña yelltenpa' allo'nach sen rrrarrtse'tats nanac.

¹⁷ Jesúsñapa' alla toma'ntaterraneterr po'poñ ñeñt atet yeçhen judionesha' o'ch yeçcatenet pa'rrom orrot. Ñeñto'marña atet otanet:

—Ama't puesheñarrofeyapa' amach yeshatstoña vinos emasa mellasha'mañ orroto ñeñt ayeçcataret pa'rrom. Tarro'mar ñerra'm atet yepe'pa' o'ch chasa'ña vinospa' çhach a'ptsan orrot, vinosñapa' e'ñeç shebhua, ñeñtña orrotpa' ama't mameshapa' amach es sherberro. Añña ñerra'm emasa vinos, arrcha'ña yeshe' emerra orroto ñeñt ayeçcataret pa'rrom. Allochñapa' ama'tcha' chasa' vinospa' amach cha potsa'psoña vinos, ñeñt'pa' allach yeçhen epo'mar.

Ñeñt'pa' attoña Jesús'pa' eñotatanet ña poçta'pña e'ñe etserra.

Atto Jesús'pa' tantaterran Jairo po'señ ñaña all a'crratnoman puesheñarr coyanesha' ñeñt a'plla'nmue' pa'shtam

(Mr. 5.21-43; Lc. 8.40-56)

¹⁸ Allempo atet eñorena Jesús'pa' huapa ñaña puesheñarr ñeñt am̄cha'tarefetsa judioneshacop, concorposñañapa' atet otos:

—Nesñeñpa' e'ñe errte' rromuets. Tarraña ama't o' romañpa' te'pa' o'ch poçterren, ama't attapa' o'ch pa'p̄lleña' potot attoç o'ch alla correrra.

¹⁹ E'ñe otue'pa' allempoñapa' allenta cota'ner Jesús epuet pueyochresha'.

²⁰ Allñapa' cota'nmanet ñaña puesheñarr coyanesha' ñeñt atsna'tets. Charra' puechena epa char ñeñt atto çhocma yella'yena. Ñaña'pa' alenta cota'nenan Jesús chenta' pa'che'ñoç, allñapa' a'p̄llerrñaña' pa'shtam pa'rre'pot.

²¹ Tarro'mar, ñapa' atet oten pueyoçhro: “Ama't pa'shtama na'p̄lloñpa' ñeñt'ach na'crraterre'.”

²² Allempo atto a'p̄lla'huoñ pa'shtampa' Jesúsña allenta puetallerra pa'che'ñoç'pa' entan coyanesha', ñeñt'pa' atet och:

—Choña nesñeshacha' p̄ocsherra tarro'mar atto atarr peyemtenna na, attoña te'pa' o' e'ñe na'crratnomuep̄.

Coyanesha'ñapa' allorocma correrra.

²³ Jesúsña allempo çhap am̄cha'taret pa'paclo allñapa' entosan ñeñt penclla'tam̄pesyene' arromñaç llequẽnt̄soreçho, entosan ñaña shonte' acheñenesha' all puellquẽnoçet atarr ano'tatse'tyenet.

²⁴ Jesúsñapa' atet otosan acheñenesha':

—Sahuanerra arroç, añ shopshesha'pa' amaca'ye çhoye' rromueno, çhaca'ye muen.

Ñetñapa' pachmare'teñoçetpa' atta che'tatsetyesapet tarro'mar ñetpa' e'ñeca'ye eñoteñet çhoca'ye rromuen.

²⁵ Allempoña çha'nmaçha'tatuosan ñeñt shontetsa all, ñaña'pa' be'tosos o'pono. Allempoña Jesús'pa' rromota'tosan shopsheshañ potot ñaña'pa' çhepa'tcha' tanterrtsa.

²⁶ Allempoñapa' e'mare'tuet erraparen anetso'mar Jesús'pa' o' tantaterran arromñaç.

Atto Jesús'pa' a'crraterran epsheña aporo'yet

²⁷ Ahuerrerr Jesús allotpa' cota'neñ ñaña epsheña aporo'yet. Rranare'tneñet chenta' atet otneñet:

—Pemueraye'cherrya ñeñe'p̄ Davidna'tare.

28 Chap Jesús pocollopa' all be'tosos allña rromuera'ña ñaña aporo'yet. Jesúsñapa' a'pto'tapanet:

—¿Seyemtenafe' napa' ahuamencaten attotcha' necuaterres?

Ñetñapa' atef otoset:

—Yeyemtenpaca'ye, Ayochreshate.

29 Allempoñapa' allenta a'pñlacle'chanetpa' atef otanet:

—Atto atarr seyemtennapa' attetepa'ch socop.

30 Allempocma e'ñe cohuen cohuerret. Jesúsñapa' atef otanet:

—Po'ño'ch te'pa' o'ch notas: Amach esesha' sota'psa'tatsto, ama't e'ñe puesheñarra.

31 Elloña ñetñapa' ahuanmuet a'metare'tyeset Jesús. Erra'paren allampaño'mar e'mare'tuet Jesús atef pena.

Atto Jesús'pa' a'crraterran ñaña ñeñt opanatets

32 Allempo ahuen epsheña aporo'yet allña Jesúseshopa' huapaterrñañeterr ñaña opan ñeñt chorrena oneñt.

33 Jesúsñapa' allenta que'chpatan oneñt ñeñt atto opanatateñ, opanñapa' allenta eñorerra. Acheñenesha'ñapa' cohuanrrorteñetpa' atef otyenet:

—Israelnesha'pa' ama't ahua'atapa' ama puentarano ñeñt atef pena te' Jesús.

34 Fariseonesha'ñapa' puesasare'teño'etpa' atef otyeset:

—Oneñe'te' pompor ahuamencat pene' attot que'chpatenan oneñe'fe'chno acheñenesha'.

Atto Jesús'pa' atarr muerenana allohuen acheñenesha'

35 Allotñapa' asuahuanom Jesús allohuen anetso ama't ñaña all ama tama eñalle acheñ. All yet'chatyesosonet puerahuo'mar. Serrpare'tatosonet ñeñt cohuen ñoñets atto ayochreshattena Yompor. A'crratyesosan ñeñt osyen pa'namen atsnañets ñaña ñeñt pa'namen atsotyent.

36 Allempo entosan shonte' acheñenesha'pa' ñaña'pa' nanac muerenonet. Tarro'mar e'ñe atef entenonet ñerra'mrrate' carrnero ñeñt ama acuan'psare'teyaye; ñeñto'marña nanac allpatatarettenet tarro'mar ama eñalle ñeñt'cha' ahuamencat penahuet.

37 Ñeñto'marña atef otan pueyochresha':

—Shonte' narmets ñeñt nanac ellon're'tets ñeñt'cha' a'yapa'chetañ. Tarraña ataruasañña ñeñt'cha' a'yapa'che'pa' ama atarr atonayayeto.

38 Te'pa' aña'ña sanamoñ pamo'mte' mueñanepa'ña ñeñt'cha' a'yapa'cherrets pa'mro.

Ñeñt'pa' atef toma'ntatanet Jesús atto atarr shonte' acheñenesha' ñeñt'cha' ame'ñerrtsañ tarraña ñeñt'cha' ame'ñaterrahueta'pa' ama atarr atonayayeto. Aña'ña yanam Yompor ñeñt Yamo'mte' yepen mueñanepa'ña pa'taruasañer ñeñt'cha' torra'yerrtsa ñocop allemeñ anetso'mar.

10

Allempo Jesús'pa' acran charrasheña ñeñt puechetsa epsheña ñeñt'cha' llesensa'

(Mr. 3.13-19; Lc. 6.12-16)

1 Allempo 'chapa'muen allempo Jesús agota'mueñan pueyochresha' charrasheña ñeñt puechetsa epsheña. E'ñe ap'cha'huet ñeshopa' ñaña'pa' apamet llesens attoch que'chpatyaset oneñe'fe'chno acheñenesha'. Ñaña

llesensanet attoch a'crratyaset acheñenesha' ñeñt osyen allohuen pa'namen atsañtsochño ñaña ñeñt pa'namen atsotyenet.

² Ñehua, ñetpa' arro'tsa'yenet pa'so'chñe'chño; allohuenetpa' çharrasheñet puechena epsheña ñeñt llesensa'. Ñeñt ñanom atarr sherbets ñeñt pa' Simón ñeñtara sochetsa Pedro, allotpa' ñaña Andrés ñeñt e'ñe pa'mo'nasheñ; allotña'pa' ñaña Jacobo ñeñt Zebedeo puechemer epuet pa'mo'nasheñ Juan.

³ Allotña'pa' ñaña Felipe ñaña Bartolomé; allotña'pa' ñaña Tomás ñaña Mateo ñeñt cobraye't acheñenesha' quelle ñeñt gobiernocop; allotña'pa' Jacobo ñeñt Alfeo puechemer, allotpa' ñaña Tadeo.

⁴ Allotña'pa' ñaña Simón ñeñt cananistanesha' ñeñt nanac torrattset pa'netsrecop, allotpa' ñaña Judas Iscariote ñeñtcha' pomuerre' tsapatonet Jesús.

*Allempo Jesúsapa' llesensan pueyochresha' o'ch ahuanemyeset allcha' ser-
rpare'tyeneta'*

(Mr. 6.7-13; Lc. 9.1-6)

⁵ Ñeñtña çharrasheña puechena epsheña llesensanet attoch ahuanemyeset pa'namen anetso'mar, ñeñt pa' atet otapanet:

—Amach arrenta setatsto all yeçha'yena ñeñt ama judioneshayaye. Ñaña amach arrenta setatsto samario'marnesha' pa'netsro all yeçha'yenet.

⁶ Arrcha'ña seta all yeçha'yena israelena'tarnesha'. Ñetpa' e'ñe atet nentenanet ñerra'mrrate' carrnero'chño ñeñt paya'tyetsa.

⁷ Allcha' soñemyespa' seserrpare'tatyesnomanetcha' atetcha' sotyenesnomanet: “Te'pa' o' çherr allempoch ayochreshattena Yompor ñeñt puen'tañotsen.”

⁸ Ñaña alla otterrannerr pueyochresha':

—Ñeñt atsa'tyetspa' sa'crratyesnomanetcha', ñeñt rromayetspa' setantatyesnom'cha', ñeñt osyen puetsarñatspa' sa'crratyesnom'cha' attoch e'ñe cohuen entuerranet acheñenesha', sequeçhpatatyescha' ñaña oneñe'feçhño ñeñt chorra'yenaya acheñenesha'. Sapa' e'ñe atta aparetes huomencñats atto es cohuen sorrattaten Yomporcop, ñeñto'marña sapa'çho'ña e'ñech atta sapa'yasanet samña, amach secobratstaneto ñeñt atet o' sepa'yasanet.

⁹ Ñaña o'ch notas: Ñerra'm o'ch sahuammapa' ama't puetallarrapa' amach sesha'tatsetnomo quelle. Ama't orotlullen, ama't huallatlullen, ama't cobretlullen amach sesha'tatsetnomo.

¹⁰ Ama't e'ñe coñe'ta amach es sanmatsto allcha' sechopeñe'chyes, ama't sebolsa, ama't e'ñe epma seshtam, ama't sesapata, ama't secarra, amach sanmatsche tarro'mar ñeñtescha' torra'yetsapa' e'ñe pocte' rratyesapasetcha'.

¹¹ Ama't erra'tsena anetser ama't ñaña all ama tama eñalle acheñ ñerra'm erra seçhapa'çhpa' çhochña ñanom sa'p'to'tyesosanet erro'tsente' cohuen acheñpa' allcha'ña seçhap. Allña'pa' allcha'ña sa'posa tarremphuach esempoch seserrerr ñaña allot.

¹² Ama't erra'tsena pocoller allcha' seçhap, e'ñe sehuom'cha'teño' o'ch senamatosanet Yompor pa'nateña.

¹³ Ñetña ñerra'm e'ñe cohuen acheñret, Yomporña'pa' a'natenanetcha'. Ñerra'm ama cohuenayaye acheñretpa' Yomporña'pa' o'ch alla apuerres sa pa'nateña.

¹⁴ Ñerra'm erra anetsro ñeñt allo'marnesha'ña ama cohuenaye' agapaseto tarro'mar ñetpa' amach mueneto o'ch e'mñotapaset ñeñt atet seserrpare'ten,

sañapa' o'ch sem'terrerr ñaña allot. Ñerra'm allempo sem'terrerrña ñaña allot, ñeñña setco'tsa'yen pañe'te' patspa' 'choch sepa'shetca'tyesnomña setac. Attochña allo'marnesha'pa' o'ch señotatnomanet ñetpa' amaca'ye pocteye' entenanetoña Yompor.

15 Po'ñoçh te'pa' o'ch notas: Esemphuañen allempoch acrarretuerra allohuen acheñenesha'pa' añ anetso'marnesha' ñeñcha' ama cohuenaye' sagapaye te', ñetñapa' nanaccha' a'coñchatare'tterretña allempo. Ama't sodomo'marnesha' ñaña gomorro'marnesha' ñetpa' amach tama a'coñchatare'tterreto atet ñerra'm ñeñt anetso'marnesha' ñeñcha' ama cohuenaye' sagapaye te'.

Allempo Jesús'pa' eñotatenan pueyochresha' 'chocmach eñall ñeñcha' e'moñe'tahuet

16 'Ñaña sapa' ñerra'm o'ch ahues te'pa' señoçhcha' po'ñoçh 'chocmach eñall ñeñcha' se'moñe'te' ama't sapa' amach 'cho errot sepenaneto ñet. Ñeñto'marña notenes te'pa' o'ch nemñas e'ñech attes ñerra'mrate' carrnero o'ch ahuo' allo'tsa'yen ma'yarroçhno. Ñeñto'marña sapa' señota'tach atet ñerra'm shecheppa' atarr eñote'. Tarraña sapa' amach errot a'pañso atet ñerra'm yeppa' ama errot a'pañeyaye.

17 Ñeñto'marña notenes: Señota'tach tarro'mar acheñenesha'pa' errotuanencha' perrset, sanmare'tterrach añcha'taretsho allcha' otteñe'cherrset. Nalle'tyerrsetcha' all judionesha' po'prahuo'mar.

18 Po'ñoçh e'ñe no'marpa' rremanaterrsetcha' attoch muerochtatyerrset, sanmare'tterrach añcha'taretsho ñaña allo'tsa'yen ñeñt nanac añcha'tareteçhno allcha'ña sa'meta'yesosnancha' neñoñ. Ñaña arrcha' sa'meterrnan neñoñ allo'tsa'yen ñeñt ama judioneshayaye.

19 Ñaña allempoch sanmare'tetyesapa' ama't mameshapa' amach cha sellca'psatsto, amach sotapsa'tatsto: Errotuachca'ye notoste' añcha'taretsho ñerra'm o'ch a'p'to'tare'tapuen. Tarro'mar allempopa' Somporca'ña Puecamquëñ señotatyesose'ña all.

20 Attoña amach e'ñe sochaya se'ñora'yesos, añcha'ña Somporca' Puecamquëñ ñeñcha'ña se'ñoratyese'.

21 'Allempoch atet perrsetpa' ñeñt e'ñe semo'nasheñ sepen ñato' ñeñtacha'ye sepomuerre' attoch muetsaterres tarro'mar ñapa' amaca'ye ame'ñenno. Amapa' ñato' pomporpa' o'ch pomuerran ñaña puechemer. Ama't ñaña puechemerpa' ñato' patparño'p'a' o'paterranach pamo'mte' attoch muetsatater.

22 Shonte'ch acheñenesha' ñeñcha' se'moñe'terre' tarro'mar sapa' naca'ye e'ñe same'ñena. Ama'tcha' atarr muerochtaterretsetpa' tarraña esesha'ch e'ñe ahuantahuanmue' e'ñe pueyemteño'ten na, ñeñcha'ña a'queshpatare'tterrtsa.

23 Ñerra'm esempo e'moñe'terrset ñeñt anetsro allo'tsenes o'ch seyeta'mpsanetpa' o'ch sahuanna po'poñ anetso. Allpa'cho'ña ñerra'm attecma e'moñe'terrseterrpa' o'ch seyeta'mperraneterr o'ch sahuannerrerr ñaña po'poñ anetso. E'ñe po'ñoçh notenes: Amach e'ñe sepa'huená ora allohuen israelnesha' pa'netsropa' na Ñeñfen Acheñetosets o'ch alla norrterra.

24 'Ñaña o'ch noterrser: Ñeñt yochreshatspa' ñerra'm e'moñe'teññañet po'maestror, e'ñech attecma e'moñe'terrñañet ñaña ñeñt pueyochresha'çhno

pen. Ñaña ñeñt ñañretsoyets ñerra'm e'moñe'teññañet pamo'mte' e'ñech attecma e'moñe'terrñañet ñaña pueñañreshachno.

²⁵ Ñeñt yochreshatsochnopa' e'ñepa'chña pocte' entyeñet o'ch atet aparetterret atet ñerra'm po'maestroret. Ñaña ñeñt ñañretsochnopa' e'ñepa'chña pocte' entyeñet ñaña o'ch atet aparetterret atet ñerra'm pamo'mte'. Ñaña señochepa'ch ñerra'm na puesochatse'teño fetan otennet napa' oneñeto' pomporen ñeñt otenet Beelzebú, sapa'cho'ña ellochña atarr sochatse'terrset. Ama't na ñeñfen e'ñe samo'mte' sepenen atto atarr sochatse'tennet na, sapa'cho'ña ñeñfes nechemereshachno nepen, elloña sapa' atarrcha' nanac sochatse'terrset sanña.

Atto amach yerñcha'tatsto ñeñcha' muetse'yechets, añcha'ña yerñcha'na't Yompor

(Lc. 12.2-9)

²⁶ 'Ama't atteñpa' tarraña sapa' amach semcha'tatstaneto tarro'mar yapa' yeñoteñ allohuen ñeñt atto e'ñe a'nahua shecare'tyenet te', esempohuañenñapa' a'metamñsaretterretcha'. Ama't allohuen ñeñt e'ñe a'nasotyenet te'pa' esempohuañenñapa' e'ñech eñotatarefetuerret.

²⁷ Ñeñto'marña ama't erra'tsena neserrpare'tatyenes te' e'ñe saptoche', esempoña sapa' e'ñech señotatuer ora allohuen acheñenesha'. Ama't erra'tsen ñeñt atet neserrpare'tatyenes te' e'ñe a'nahua o'pono pocollo, esempoña sapa' seserrpare'terrcha' allcha' e'ñe cohuen e'muerres allohuen acheñenesha' atet ñerra'mrrate' enot seserrpare'ten shelletot.

²⁸ Amach aña semcha'tatsto ñeñtcha' semtse'. Tarro'mar añach muetsonaset sechets, secamquẽññapa' amach errotentot muetsonaseto. Añcha'ña semcha'na't Yompor tarro'mar ñerra'm ña muenatspa' e'ñe ña po'huamencotpa' o'ch a'chencatonay ye'chets yecamquẽñpa'cho'ña o'ch a'chencatonay coñcha'puetso all parraren tso'.

²⁹⁻³¹ 'Elloña te'pa' napa' o'ch notas: Chocmach seyemcha Yompor, po'ño'ch ñapa' ñach secuanñpené'. Ama't otetollesha'pa'cho'ña chocma cohuanñpeñ. Ñehua, ama't yapa' yeñoteñ otetollpa' ama tama sherbeno. Ama't yepomatset epa otetollesha'pa' ñeñtpa' ama tsa'teyaye, e'ñe puetallarratolla centavo tsa'tena. Tarraña ama't atteñpa' ama't patra otetoll amach rromo attoch shora'nom ñerra'm ama Sompom muenataye atet. Ñeñto'marña notenes: Ama't mameshapa' amach semcha'tatsto, Yomporcha'ña e'ñe seyemta. Atto atarr morrentenana otetollesha' elloña sapa' atarr nanac morrentensa. Ñehua, ama't allpon sechetollesha' allpon soño'tsen ñapa' e'ñe eñotennas.

Atto ama a'nasotpahuo Jesucristo acheñesho'mar

(Lc. 12.8-9)

³² 'Elloña napa' o'ch noterserr: Allohuen ama't erra'tsencha' ñeñtcha' ama na'nasotenaye acheñeneshesho, napa'cho'ña Ñeñfen Acheñetosetspa' amach na'nasotuerraneto nanña Nomporesho all pue'ntaño.

³³ Tarraña ñerra'm esesha' na'nasotenaya na arr patsro acheñeneshesho, napa'cho'ña na'nasoterranetcha' Nomporesho all pue'ntaño.

Atto Jesús'pa' orrtatosan e'ñe ño'mar elloptanna'teñets

(Lc. 12.51-53; 14.26-27)

³⁴ 'Sapa' chate' sotenapañ añecopfe' nohuapa o'ch e'ñe cohuen namo'tstanna'tatera acheñenesha' arr patsro. Ñeñtpa' ama atteyaye. Añecpa'naña nohuapa allochñapa' e'ñe no'marpa' acheñenesha'ñapa' o'ch atta elloptanna'tyeset.

35-36 Ñehua, ñeñt noten te' ama't ñeñt e'ñe pamo'tsna'tarecmet ñato' no'marach e'moñe'tannerret. Tarro'mar ñato' eñallcha' ñeñtcha' name'ñerraya, pamo'tseshetñapa' ñato' amach ame'ñerneto. Ñeñto'marña notenes e'ñe no'marpa' ñato' puechemerpa' o'ch epatare'tenan pompor, ña'ma ñato' puechoyorpa' o'ch epatare'tenan pachor, ña'ma ñato' ñeñt pa'to' ñien pen o'ch epatare'tenan ña'ma pa'so'mue.

37 "Tarraña ñerra'm erra'tsencha' nemorrenterrayañ ñerra'm ñetña pompora atarr morrentenet ñamet pachoret ñeñtña acheñerpa' ama e'ñeye' pocte' nenteñe attoch neyochresha' neperranet. Ña'ma po'potantañ ñeñtcha' nemorrenterrayañ ñetpa'cho'ña ñerra'm puechemera atarr morrentenetpa' ña'ma po'sñet ñeñtpa'cho'ña acheñerpa' ama e'ñeye' pocte' nenteñe attoch e'ñe neyochresha' neperranet.

38 Tarro'mar ñerra'm erra'tsen ama e'ñeye' sehuanmaye ñeñt atet muenenet e'ñe ñocueta attoch coterrnet e'ñe poctacma, nañapa' amach pocte' nenteñe o'ch neyochresha' neperranet. Ñeñtpa' añ toma'ntena atet ñerra'mrate' cho sechechnen secorsoch alloch semueroçhta saña.

39 Tarraña ñerra'm esesha' e'ñe aña e'nenet o'ch correna atomat attoch e'ñe coshenet arr patsro, ñetñapa' a'chencaterretcha' ña'ñeña. Tarraña ñerra'm esesha' e'ñe pocte' entene' o'ch es sehuanmuet nocop ñeñt atet muenenet ñeñt e'ñe ñocueta arr patsro ñeñtña acheñerpa' corretsach pocheñeshocmañen e'ñe tayoteñ errponañohuen.

Ñeñtcha' apuerrey Yompor attoch atarr coshaterrey
(Mr. 9.41)

40 Jesús'pa' alla oterranerr pueyochresha':

–Ñerra'm o'ch sahanma, ñerra'm esesha'ch e'ñe cohuen sagapue'sa, ñetpa' na'naca'yeña aguñet e'ñe cohuen. Ña'ma ñeñt e'ñe cohuen naguñe'na, ñetpa' Nompore'naca'yeña aguñet ñeñt nellensene'na.

41 Ama't erra'tsena ñeñt e'ñe cohuen aguñe' ñeñt a'ñtene' Yompor po'ñoñ tarro'mar ñapa' Yomporca'ye po'ñoñ a'ñten, ñeñtña acheñer ñeñt e'ñe cohuen aguñe'pa' Yomporcha'ña apuerre' ñeñtcha' atarr coshaterre'. E'ñech attecma apuer ñeñt atet coshatenan ñeñt a'ñtene' po'ñoñ. Ña'ma ama't erra'tsena ñeñt e'ñe cohuen aguñe' ñeñt e'ñe pocte' es orrtatyets Yomporcop tarro'mar ñapa' Yomporcopca'ye e'ñe pocte' es orrtatyen, Yomporcha'ña apuerre' ñeñtcha' atarr coshaterre'. E'ñech attecma apuer ñeñt atet coshatenan ñeñt e'ñe pocte' es orrtatyets Yomporcop.

42 Ña'ma añ ñeñt ama esoshe'maye' enteneto, erra'tsencha' apapue' ñeñtcha' orros tarro'mar ñapa' noca'ye neyochresha', ama't coñe'ta oñ apapet, napa' po'ñoçh o'ch notas, Yomporcha'ca'yeña apuerahuetña ñeñtcha' atarr coshaterrahuet.

11

Juan ñeñt apatañtase'tpa' mueñan pueyochresha' Jesúsesho
(Lc. 7.18-35)

1 Yeçhatuahuan Jesús pueyochresha' ñeñt çharrasheña ñeñt puechetsa epsheña atetcha' pa'yeset, allempoñapa' ahuo' ña'ma Jesús allo't yeçhatysets; serrpare'tatyenan acheñenesha' all pa'netsreto.

2 Añña Juanpa' allo'tsena all yottañpeñet. Allñapa' o' e'mare'tan Cristo atet pa'yena, allenta mueñan pueyochresha' Jesúsesho.

3 Ñetña o' 'chapuet allpa' atet otoset:

—Ñato' pate'ña ñeñte'p e'ñe po'ño'ch Cristotets ñeñ' atarr yecuen ahuatoteñ o'ch huapa. Ñerra'm amate' ñeñteyaypepa' o'ch e'ñe potey allochñapa' añcha' yecua' po'psheñeñ ñeñtcha' huapatsa ñeñ' e'ñe Cristo.

4 Jesúsñapa' anapanetpa' atet otapanet:

—Te'pa' o'ch ahuerres seserrpare'tatuercha' Juan ora allpon ñeñ' atet sentyesuennana' arr ñaña ora allpon ñeñ' atet se'myesuennana' arr.

5 O'ch e'ñe seserrpare'tatuer ora ama't atto aporo'yetechnopa' te'ñapa' o' e'ñe necuatyesuerranet ñaña ñeñ' checa'repayetspa' te'pa' o' e'ñe chop'e'chyesuerret cohuen, ñaña ñeñ' a'ptsaresyen leprapa' te'ñapa' o' e'ñe a'cohuentataretetuerret ñamet, ñaña ñeñ' paquetneshachnopa' ama't ñetpa' te'ñapa' o' e'ñe e'myesuerret cohuen, ama't ñaña ñeñ' rromayets te'ñapa' o' alla atatataretetuerret, ñaña ama't ñeñ' huocchañneshachno te'ñapa' o' e'ñe neserrpare'tatuerranet añ cohuen ñoñets alloch qeshperret ñamet.

6 Jesúsñapa' alla oterranerr Juan pueyochresha':

—Ñaña ellonetpa' o'ch sotuer Juan ñeñ' atet notenes, atarr cosheñtso'tsen ama't allohuen ñeñ' atarr neyemtenaya na, ñeñ' ama e'nenaye po'psheñeñ ñeñtcha' coshaterrahu.

7 Allempoña Juan pueyochresha'pa' o' ahuanerret. Jesúsñapa' alla serrpare'taterranerr acheñenesh'a' ñeñ' atet pe't ahuaña Juan, ñeñt'pa' atet otanet:

—Ahuaña allempo sete't amayo all serrpare'ten Juan, sapa' amaca' añecpaye' sete'teña all o'ch sentena' amuesma' atet a'yma'tateñ m'orr.

8 Ñaña amaca' añecpaye' sete'teña all o'ch senteña' ñeñ' atarr co'hnesha'tetsa pa'shtam all, tarro'mar yeñoteñ amayopa' amaca'ye eñalleña all ñeñ' atarr co'hnesha'tetsa pa'shtam. Yapa' yeñoteñ arrña yentenña ñeñ' atarr co'hnesha' chorra'yenaya shetamuets añcha'taretepahuo.

9 Sapa' añecopca'yeña sete'tña amayo o'ch senteña' all ñeñ' po'ño'ch a'm'tene' Yompor po'ñoñ. Napa' o'ch notas: Juanpa' atto atarr sherbenan Yomporpa' ello metana' tuan allohuen ñeñ' atto a'm'tenet Yompor po'ñoñ.

10 Tarro'mar Juanpa' ñocop eñose't Yompor ahuat. Ñehua, allempopa' atet otne't na ñeñ' atet'cha' posa Juan nocop esempoch huapa, ñeñt'pa' atet anaret ñoñets ahuatoteñ:

Papa' peño'chepa'ch napa' o'ch nemñona'p puesheñarr ñeñtcha' ñanom otatsa ñeñtcha' pa'cohuentatyese' pocop allcha' poñmos.

11 Ñeñto'marña na te'pa' e'ñe po'ño'ch atet notenes: Allohuen allpon acheñenesh'a' ñeñ' eñalletetsa arr patsro ama't puesheñarra ama eñalleña ñeñ' atarr sherbets atet ñerra'mrrate' Juan ñeñ' apatyese'ye't ahuaña acheñenesh'a' Yomporcop. Tarraña ñeñ' ama esoshe'maye' enteneto ama't mamesha, tarraña ñerra'm pueyochresha' peñ Yompor ñeñ' pue'ntaño'tsen atto te'pa' ayochreshattena ña, ñeñtña acheñerpa' atarrca'ye sherben, ello metanenan atto atarr sherben Juan.

12-13 Tarro'mar añña ñoñets, Moisés po'ñoñ ñeñ' atet anaret ñaña añ ñoñets ñeñ' quellca' yese't ñeñ' a'm'ta'yese'ye't Yompor po'ñoñ, ñetpa' ñeñtña serrpare'tete't attoch atarr ayochreshatterra Yompor tarremphua allempo orrtosa Juan. Ñaña allempoteñ serrpare'tatosanet Juan ama't teme'ttsen e'ñe po'huamencocma serrpare'tatyese't atet penaña Yompor po'cohuenña

attoch ayochreshatterra ña ñeñf pue'ntaño'tsen. Ama't atsrre'mñañesha'pa' e'ñe ñeñña atarr muenet pueyoçhrocmañen.

¹⁴ Ñaña ñerra'm po'noçh same'ñyañcha' Juanpa' ñaca'yeña Elíasoterrets ñeññ atarr secuen ñeññcha' sehurroya.

¹⁵ Allohuenes ñeñfes ne'mñotene' neñoñ, çhaponasepa'chña seyoçhro ñeññ atet notenes.

¹⁶⁻¹⁹ Jesúsñapa' atet oterranerr acheñenesha':

—Ñehua, napa' o'ch neñotatas ñeññ atet pena patantarr acheñenesha' ñeññ yentyen te' ñeññ ama't errotena ama acshatpoteneto. Ñeññpa' fariseonesha' atet petsa. Tarro'mar ama't allempo orrta Juan ñeññ apatañtate't ñapa' ama rrane'te ñeññ yocrram yepen allohueney, ama orrane'te ñeññecma yorren allohueney. Ñeñño'marña ñapa' çha sotyese't çho'te' chorreña oneñet; ama't e'ñe mameshapa' ama pocteye' señche'te. Te'ñapa' o' norrtterra namã Ñeññen Acheñetsets. Napa' pa'namen nerra'yen ñaña norryen. Saña te'pa' atta sesochatse'tyenan namã atarro' arratsñañen ñaña atarro' orrarñañen napa' aña'chña e'ñe neyemuetyena ñeññ atarr ochñañesha' ñaña ashcarñafeçhno ñeññ atarr cobra'yene' acheñenesha' quelle. Tarraña ama't atet sepennoñpa' Nomporna e'ñe eñotene' ñeññ po'noçh atarr sherbets ñocop. Ñaña allohueney ñeññey e'ñe puechemerasha' pohueney ñeññey cotene' ña poctapña yapa'çho'ña e'ñe yeñotuenña ñeññ po'noçh atarr sherbets. Ñeñño'marña yorrtateññañ ñeññ cohuen enten ña. Sañapa' ama't e'ñe mameshapa' ama acshatpahuoyayso, e'ñe attes ñerra'mrrate' cheshaneshha' ñeññ çhocma po'poñ entanna'tuenet amach mueno o'ch yemtana all yellsheñen po'potantañ pacmachoresha' all plazo all shontena acheñenesha'. Ñetñapa' amach mueneñeto o'ch coshaprechet pacmachoresha'. Ñeñño'marña ñetpa' atto yellsheñenetpa' atet oteñet po'potantañ pacmachoresha': “Yapa' ama't o' yerequërca'hua allo yocshame'tenapa' sañapa' amaña seshe'rarampenye; allotpa' ama't o' yepoctorare'tua ñeññ ya'chpeñtsoreçh allo yellcanrrortenapa' sañapa' amaña sellcapretenyo.”

Atto Jesús'pa' eños epo'mar anetsocop all ama ame'ñyeto

(Lc. 10.13-15)

²⁰ Allempoña Jesús'pa' çha muene' che'ptare'tyenan acheñenesha' all pa'netsreto all epaye' entatyenanet po'partsoña ahuañmo'çhoteñ. Ama't entatyenanetañ po'partsoña ñetñapa' ama es cotape'chenaye ello cohuen Yomporecop, ñeñño'marña allpa' çha muene' che'ptare'tyesanet. Ñeññpa' atet otyesanet:

²¹ —Nanaccha' llequëñtso'tsa'yenes coraziño'marneshacha', nanaccha' llequëñtso'tsa'yenes samã betsaido'marneshacha'. Tarro'mar ama't atarr norrtatyennaseñ nepartsoña sesho, sañapa' amaña soctape'cherroña ello cohuen Yomporecop. Ñerra'm arrcha'ña norrtatañ nepartsoña tiro'marneshesho ñaña sidóno'marneshesho, ñetñapa' ahuañtoteñe' cotape'cherretañ e'ñe cohuen Yomporecop. Ñetpa' attoch e'ñe orrtetañ çha llecatenanet po'chñaret, cotnashe'mach chorra'yetsañ, tsapñach epachshema'tyetañ all anorrçha'tyenet puellquëñotet.

²² Ñeñño'marña te'pa' notenes: Esemphuañen allempoch acrarretuerra allohuen acheñenesha'pa' tiro'marneshha' ñaña sidóno'marneshha' ñetñapa' amach tama a'coñchatare'tterretoña allempo. Coraziño'marneshacha' ñaña betsaido'marneshacha' saña allempopa' atarrcha' a'coñchatare'tes.

²³ Ñaña sa capernaumo'marneshacha' chate' sotenapañ atto e'ñe cohuen sentyena sañeña, Yomporñapa' allentach a'tapaterres pue'ntaño. Ñeñipa' amachca'ye atteye' perrsoña Yompor, allachca'ye huapore'terres o'pono coñcha'pue'tso all parraren tso'. Tarro'mar ama't atarr norrtatonaseñ nepartsoña sesho, sañapa' amaña semnoña o'ch soctape'cherr cohuen Yomporcop. Ñerra'm arrcha' ñanom norrtatañ ahuatoteñ nepartsoña sodomo'marneshesho ñetpa' allorocmate' cotape'cherretañ cohuen Yomporcop. Allempopa' amate' a'poyatatarretterretañeña pa'netser. Orate' allo'tsenaraña.

²⁴ Ñeñto'marña te'pa' notenes: Esemphuañen allempoch acrare'tetuerra allohuen acheñenesha'pa' sodomo'marnesha' ñetpa' amach tama a'coñchatarefterretoña allempo. Capernaumo'marneshacha' saña allempopa' atarrcha' a'coñchatarefes.

Jesúspa' atet oten, e'ñe same'ñeñoten na, napa' na'huañamperrescha' ñeñi atarr amuerochtatañ sentyen

(Lc. 10.21-22)

²⁵ Allempoña Jesúspa' ma'yochenana Pompor, ñeñipa' atet oten:

—Na Apacha' o'ch na'ye'chochtatonap, papa' pa' ñeñteñ atarr ayochreshattetsa pe'ntaño ama't ñaña arr patsro. Na'ye'chochtatonap tarro'mar ora añe'chno ñeñi pecohuenña pepen, ñeñipa' ama arreye' pe'chapateñe pueyo'chro ñeñi atarr eñotañ entyetsa. Papa' aña pe'chapaten pueyo'chreto ñeñi ama eñotañeye' entyetso.

²⁶ Tarro'mar Apa e'ñe pemuereñoñ ñeñipa' atetña e'ñe pocte' penten pa. Arrpa' allohua ñeñi atet ma'yochenana Pompor.

²⁷ Jesúspa' alla oterranerr acheñenesha':

—Nompör allohuen po'cohuenña e'ñe eñotatuenen. Na ñeñten Puechemerenpa' ama po'ño'ch eseshaye' neñotenaye, ñapñaña Nompör e'ñe eñotenen. Nompörpa'cho'ña ama po'ño'ch eseshaye' eñotenaye napñaña na ñeñten Puechemeren e'ñe neñoteñ Nompör, ñaña erra'tsencha' ñeñi e'ñe pocte' nenten na ñeñten Puechemeren ñeñiñapa' o'ch neñotater Nompör.

²⁸⁻³⁰ Sehua'cha'ta nesho allohuenes ñeñtes nene' seyo'chro ñeñi atarr amuerochtatañ sentyen. E'ñe same'ñeñofen na, napa' na'huañamperrescha' ñeñi atarr amuerochtatañ sentyen. Napa' añcha'ña nenerrnas ñeñi amach cha muerochtaterross; ñeñiña sapa' e'ñech pocte' senteñ. Attochña sapa' señotenen napa' atarr nemuerensa ama atsrre'mo'chen entñoeno ama't e'ñe pue'heñarrocpa. Ama't e'ñe mamesha ama añeye' ne'nen ñeñi e'ñe nocpa. Attochña e'ñe cohuen nocshatterres seyo'chro ama't e'ñe secamquëñohuen.

12

Allempo Jesús pueyo'chresha' taso'tam'pesyesnomuet trigo añe yetro allempocma amesen judionesha'

(Mr. 2.23-28; Lc. 6.1-5)

¹ Allempoña cherrerr pamtarr allempo chocma amesen judionesha'. Allempoña Jesúspa' arr oñem chetso'mar epuet pueyo'chresha'chno. Allempo oñeten pueyo'chresha'ñapa' e'ñe pa'chporrño'tetpa' taso'tam'pesyesnomuet puechma'tets trigo o' rra yesnomet.

² Fariseonesha'ña ñeñi entahuet atet pa'nmuetpa' ñetñapa' allenta otyeset Jesús:

–Pecueñaca'yeña añ peyochresha' taso'tam̄pesyesnomuet trigo; atet penet ñeñt̄ ama pocteyaye o'ch atet yeḡa taruasats añe yetro tarro'mar te'pa' añe yetro ñeñt̄ atet anaret ahuatoteñ allempocmach yamesen.

³ Jesúsñapa' atet otanet:

–Sapa' ama'trra selleyareña ñeñt̄ atet pa ahuat David allempo cheporra'nma epuet ñaña allohuen ñeñt̄ cotene'.

⁴ Ña allempopa' be'tosos Yompor pa'paclo allñapa' rrosan pan ñeñt̄ atma'ntataret atet ñerra'mrrate' ñeñt̄ nenet all Partsocop. Ñehua, ñeñt̄ panpa' ama pocteyayñe o'ch rros David ñaña ñeñt̄ epuet. Ñeñt̄pa' añach ñapueť rrene' cornaneshachno; ñeñt̄pa' atet anuaret judioneshacop.

⁵ Ñaña ama't selleyareña ñoñets ñeñt̄ atet anaret ñeñt̄ Moisés po'ñoñ all oten atet pena ñaña cornaneshas' Parets pa'paclo. Ñehua, ñet puesherbeñoťetpa' ama ameseneto añe yetro allempocma yamesen. Ñetpa' ama't atet penetpa' Yomporñapa' e'ñe pocte' entenanet.

⁶ Napa' o'ch notas: Napa' ñeñten arro'tsenen nanac nesherven ello nemtaneñ ñeñt̄ atet sherben Parets pa'paquell.

⁷ Ñehua, añ ñoñetspa' ñeñt̄ña atet ote't Yompor ahuat: “Napa' ama e'ñe añña cohuen nenteno o'ch sapueneñ sayara ñeñt̄ semtsen nocop. Añe'ñaña atarr cohuen nenten o'ch semuereña allohuen samo'tsesha'.” Ñerra'm cho chennasañ seyo'chro ñeñt̄ atet oteney Yompor; amach erroť sotatscheña ama't erra'tsena acheñer ñeñt̄ e'ñe pocte' enten Yompor.

⁸ Ñeñto'marña te'pa' o'ch notas, na Ñeñten Acheñetosets ñeñten allsenareten, naca'yeña atet otets este' poctetsaña ñeñt̄cha' atet yeḡa añe yetro allempocma yamesen.

*Allempo Jesúsapa' a'crraterran ñeñt̄ chelletsapa pot
(Mr. 3.1-6; Lc. 6.6-11)*

⁹ Metuerrerr Jesús allotpa' be'tosuerrerr judionesha' po'prahuo.

¹⁰ Allñapa' allo'tsen puesheñarr yacma ñeñt̄ cha chellena pot. Fariseone-sha'ñapa' allenta a'p̄to'chet:

–Añe yetro allempocma yamesenpa' ta'm ¿pocte'te' penteñ o'ch pa'crrateñer acheñ?

Tarro'mar atet a'p̄to'teñet allochñapa' esheccha' otteñe'chet.

¹¹ Ñañaapa' atet otanet:

–Sapa' ñerra'm cho shora'nen ama't puemocarra secarrneror añe yetro allempocma yamesen, ama'tcha'ña allenta sechtere ama't ñeñte yetro allempo yamesen allohueney.

¹² Ñehua, acheñpa' ellocaya metanenanña ñeñt̄ atto sherben carrnero. Ñeñto'marña napa' notenes e'ñe pocte' o'ch atet yeḡa ñeñt̄ cohuentetsa ama't añe yetro allempocma yamesen.

¹³ Allempoña Jesúsapa' atet otan yacma ñeñt̄ chelletsapa pot:

–Te'pa' o'ch notap̄ petapuerr p̄ot.

E'ñe otue'pa' ñañaapa' allentepa'tcha' tapuerran pot, e'ñe allorocma cohuenterra pot e'ñe attematerr ñerra'm po'pshem̄tañof pot.

¹⁴ Fariseonesha'ña cha'nma'cherretpa' coťape'chatanna'tyesnerret, atarr o'pateñet Jesús attoch muetsatachet.

Atet ote't Yompor ahuat Jesúsocop

15 Jesúsña eñotanetpa' ahuerr allot. Shonte' acheñeneshačhno cota'huanereter. Allohuen ñeñĩ atsna'tyetspa' e'ñe a'crratyesuerranet.

16 Atet otyesamet:

—Po'ñočh amach esesha' sotapsa'tatsto napa' na ñeñten Yompor Puechemeren.

17 Ñehua, ñeñĩpa' atet pa allochñapa' attoch etsota Isaías po'ñoñ ñeñĩ a'mtaye't Yompor po'ñoñ, ñeñĩpa' atet ote't Yompor Puechemerecop ñeñĩcha' Cristoterrets:

18 Añmapa' ñeñĩcha' atarr torrerrtsa nocop, ñapa' ñeñĩ nenen ñeñĩcha' atarr sherberrets. Ñapa' ñeñĩ atarr nemorrentena ñeñĩ e'ñe nocshatene'. Ñapa' ñach ahuamencat neperr necamquëñoñ, ñach eñotaterre' allohuen pa'namen acheñenesha' ama't ñeñĩ ama judioneshayaye. Añcha' eñotateranet ñeñĩ e'ñe cohuen ñoñets attochña e'ñe pocte' nentueranet.

19 Ñapa' amach es otnare'tyerraneto ama't mameshapa' amach ama'toçhetyerro. Ama't mameshapa' amach che'chamé'tyerraneto ama't allecma chopeñe'chyen acheñenesha'.

20 Ama't ñeñĩ mueroçhetyetsapa' ñapa' e'ñech muererranet. Ñeñĩpa' atetcha' netma'ntacha ñerra'mrrate' ama't puecharra cho'ne'ch tsope'ne'pa' ñañapa' amach čha a'meyatere. Ñaña ñerra'm lampareñ čha muene' mayen ñeñĩpa'cho'ña amach emayatere. Ñapa' amach čha es añcha'noçhtana'tyerro, tarraña esempohuañenpa' e'ñech atta a'mchechatuerran ora allohuen ñeñĩ ama pocteye' enteno Yompor.

21 Ñeñfo'marña allohuen pa'namen acheñeneshačhno ñachña e'ñe yemuetuerret. Arrpa' allohua huañ atet ote't Yompor ñeñĩ quellquë't Isaías.

Atto puesheña'tets oteñet Jesús ñapa' oneñeño' po'huamencot queçpatenanña po'potantañ oneñeñečhno acheñenesha'
(Mr. 3.19-30; Lc. 11.14-23; 12.10)

22 Jesúsapa' alla huapaterrñañeterr puesheñarr yacma ñeñĩ aporo'yet ñeñĩ chorrena oneñeñ čha opanatateñ. Jesúsña' a'crratař, ñeñĩña opanerpa' o' alla eñorrera, ñaña o' e'ñe cohuen cohuer.

23 Allohuenña acheñenesha'pa' atarr cohuanrrorteñet, ñetñapa' atet otyeset:

—Ñato' añe'ca'yeña David po'mreneñ ñeñĩcha' Cristotosets.

24 Fariseonesha'ña allempo e'mare'chetpa' ñetñapa' atet otyeset:

—Atto queçpatatyenan oneñeñečhno acheñenesha' añaca'ye ahuamencat pene' Beelzebú ñeñĩ pompor pen allohuen oneñeñečhno.

25 Jesúsña' eñotanet ñeñĩ atet cotape'chatse'tyenet pueyoçhreto ñocop ñeñĩ atto otyeñet ñapa' oneñeña pompor po'huamencot queçpatatenan oneñeñečhno acheñenesha'. Ñeñfo'marña ñapa' atet otanet:

—Ñerra'm puesheñarr añcha'taret elloptannena pa'cheñer e'ñe ñagattsetpa' e'ñech poctacma a'cllatanna'tuerret. Attecmach ñannerra ñeñĩ parro yehetsa paterr anetso, ñerra'm čho elloptannenet e'ñe ñagattsetpa' ñeñĩña atto huomencatenetpa' ñeñĩpa'cho'ña čhachca'ye huañerrets. Attecmach ñannerra ama't ñeñĩ e'ñe pamo'tsna'tarecmuet ñerra'm elloptannerret e'ñe ñagattsetpa' ñeñĩña atto huomencatenetpa' ñeñĩpa'cho'ña čhachca'ye huañerrets.

26 Attecmach panna'ta ñaña oneñeñ pueyochreshačno ñerra'm oneñeñečno e'moñe'tannenet, ñerra'm huapore'tannenet e'ñe ñagattseta amach errotenot allo'na atarr huomencatneneto. Po'ñoçh oneñeñpa' amaca'ye huapore'tanneno.

27 Sapa' atet sotenen napa' Beelzebo' po'huamencot nequeçhpateñña e'ñe ña pueyochresha', ñehua, te'pa' o'ch notas: Ñeñt seyochresha' sepen sa ñeñt eñotene' ñamet o'ch queçhpatachet oneñeñečno acheñenesha', ñetpa'çho'ña amaña Beelzebú po'huamencotey' queçhpateñetoña oneñeñečno acheñenesha'. Ñetpa'çho'ña Yomporoña po'huamencot queçhpateñeña oneñeñ. Ñeñtña o' eñotatas ñeñt atet sotennoñ ñeñtpa' amaca'ye po'ñoçh atteyaye.

28 Po'ñoçhca'ye Yompor e'ñe Puecamquëñoñ ñeñtña ahuamencat nepene' attot nequeçhpateñña oneñeñečno acheñenesha', ñeñtcha'ña señotate' te'pa' o' neçhapatonas Yompor po'cohuenña ñeñt atto po'ñoçh atarr ayochreshattena ña.

29 Ñehua, yapa' yeñoteñ ñeñt atarr ahuamencattetsa atto atarr ahuamencattena oneñeñ, ñaña'pa' e'ñe po'huamencot cohuanpésyenana allohuen e'ñe cohuen ñeñt pa'paquëll pa'yen. Tarraña ñerra'm esempo o'ch huapoña ñeñt atarr ahuamencatesha' ñeñtcha' metanose'ña po'huamenc atet ñerra'm na Nompor, ñeñtcha'ña rromose' o'ch huancos, allochñapa' o'ch be'tosos all ñeñt pa'paquëll pa'yen o'ch e'ñe puerratampos ñeñt allpon o'patyena ña.

30 Ñeñto'marña te'pa' o'ch notas allohuenes: Ñerra'm eseshas ñeñtes ama netorrapretenaye ñeñtña acheñerpa' çhaca'ye epatare'tennan ñeñt atet netorra'yena na. Ñeñtpa' o'ch netma'ntatasa atet: Ñerra'm esesha' ama na'yapaçhapretenaye ñeñt na'yapaçhen na, ñeñtña'pa' çha a'parratse'tamipenen a'yeneñ.

31 Ñeñto'marña te'pa' o'ch notas: Allohuen pa'namen sosya'tsañečno ñeñt ama poçteye' enteno Yompor ama't ñaña achñare'tanna'teñtes ñeñtpa' a'pretna'po' nenteñ.

32 Ñaña ñerra'm esesha' nesasene' na Ñeñten Acheñetosets ñeñtpa' a'pretna'po' nenteñ. Tarraña ñerra'm esesha' añ achñare'teññañet Parets Puecamquëñ ñeñtña'pa' amaca'ye a'pretna'pahuoye' nenteñe. Ñeñtpa' amach a'pretna'pahuoterro e'ñe tayoteñ erponohuañen.

Allohuen acheñ ñeñt e'ñe po'ñoçh cohuen acheñer, ñetñapa' añcha' orrtatyenet ñeñt e'ñe cohuenare'

(Lc. 6.43-45)

33 Ñehua, yeñoteñ allohuen acheñ ñeñt e'ñe po'ñoçh cohuen acheñer, ñetcha'ña orrtatenet ñeñt e'ñe cohuenare'. Tarraña po'potantañ acheñenesha' ñeñt po'ñoçh ama cohuenayaye ñetñapa' añach orrtatenet ñeñt ama cohuenayaye. Ñeñtpa' atetcha' netma'ntaterra: Ora allohuen ñeñt e'ñe cohuen narmetsoch pue'merpa'çho'ña e'ñech cohuenare'. Añña po'pchañ narmetsoch ñeñt ama cohuenayayepa' pue'merpa'çho'ña amach e'ñe cohuenayaye. Ñeñto'marña attoña yeñoteñ erra'tsente' ñeñt e'ñe cohuenare' narmetsoch ñaña ñeñt ama cohuenayaye narmetsoch, pue'meroña e'ñe yechme'tenan.

34-35 Sapa' ama cohuenayayso. Cha sottena ñerra'm sheçp'a e'ñe sompor sepen allohuenes. Ñeñto'marña amach errotenot señoso cohuen tarro'mar sapa' po'ñoçhpa' ama cohuenayayso. E'ñe atet atarr soçtapa'chatse'tyen

seyoçhro ñeññ ama cohuenayaye, attotca'yeña señosatse'tyen. Ama't erra'tsena acheñer ñeññ e'ñe po'ñoçh cohuen ñapa' añcha'ña orrtatyen ñeññ e'ñe cohuenare' cotape'chen pueyoçhro tarro'mar pueyoçhroña all cotape'chenan shonte' ñeññ e'ñe cohuentetsa. Tarraña po'poñ acheñer ñeññ po'ñoçh ama cohuenayaye, ñapa'cho'ña añach orrtatyen ñeññ atet cotape'chen pueyoçhro ñeññ ama cohuenayaye tarro'mar pueyoçhroña all cotape'chenan shonte' pa'namen sosya'tsañ. Tarro'mar ñerra'm shonte' yoc'tape'chen yeyoçhro ñeññ cohuentetsa, ñeññpa' e'ñech ñeñña cohuen yeserrpare'ten. Tarraña ñerra'm shonte' yoc'tape'chen ñaña yeyoçhro ñeññ ama cohuenayayepa' ñeññpa'cho'ña e'ñech ñeñña yemnen o'ch yeserrpare'tyen.

³⁶ Po'ñoçh napa' o'ch alla noterrser, esempohuañen allempoch acrarretetuerra allohuen acheñenesha'pa' allohuen ñoñets ñeññ atta otatet'yen acheñenesha' ñeñññapa' a'metatatyeretcha'.

³⁷ Tarro'mar ñerra'm e'ñe cohuenare' seserrpare'tyen te' Yomporñapa' e'ñech pocte' entuerrnas señoñ allempo. Tarraña te'pa' ñerra'm cha señosatse'tyen ñeññña señoñerpa' ñeññachña secoñchatterre' allempo.

Atto Jesús'pa' otan acheñenesha' ñeññ ama cohuenaye' cotape'chetso ñeññapa' çhocma e'nenet partsoteñets
(Mr. 8.12; Lc. 11.29-32)

³⁸ Allempoña allponsheña ñeññ atarr etsotayenayeñ ñoñets ñeññ atet anaret epuet ñaña allpon fariseonesha' ñetña e'ñe puehquẽñoçetpa' atet ochet Jesús:

—Yapa' Maestrocha' yemneñ o'ch porrtatonay pepartsoña ñeññcha' yeñotate' papa' po'ñoçhte' Parets Puechemerep ñeññepte' Cristotsets.

³⁹ Ñaña'pa' atet otanet:

—Acheñenesha' ñeññ corra'yetsa te' ñetñapa' ama cohuenaye' cotape'chyeneto, ama añeye' cosheneto Yompor ñeñño'marña ñetpa' e'ñe orrena otennet ahuo'ch norrtatanet nepartsoña. Tarraña amach es norrtatanet. Napa' añach paterr neñotatanet atet eñotatane't Jonás ahuat nínivo'marnesha' allempo a'mtane't Yompor po'ñoñ.

⁴⁰ Ñehua, yeñoteñ Jonás allempopa' allo'tsena cacacotmo ma'pamuet, yeto ama't ñaña tsapo ñeññ añecmuen cac. Atetcha' neperra namña Ñeññen Acheñetosets, napa'cho'ña nema'pamuetcha' o'pono e'ñe allohuanen patso, yeto ama't ñaña tsapo. Ñeññcha'ña eñotaterahuet atet penaña ñeññ huetsa Yomporeshot.

⁴¹ Tarro'mar ahuat allempo serrpare'tatane't Jonás nínivo'marnesha', ñetñapa' allempocma cotape'cherret e'ñe cohuen Yomporcop. Te'ña arr seshopa' allo'tsenen na ñeññen ello metanene' ñeññ atet serrpare'tate't Jonás. Tarraña sañapa' amaña soctape'chenoña ello cohuen Yomporcop. Ñeñño'marña esempohuañen allempoch acrarretetuerra allohuen acheñenesha' ñeññña nínivo'marnesha' ñeññ e'ñe cohuen cotape'cherrets Yomporcop ahua't, ñetpa'cho'ña orrterretcha', ñeññcha'ña señotaterre'ña sapa' ama't mameshapa' ama pocteyayeña ñeññ atet sepa'yese't tarro'mar ama soctape'cherro ello cohuen Yomporcop.

⁴² Ñaña te'pa' o'ch neyerpatasa ñeññ atet pa' ahua't puehseñarr coyanesha' ñeññ añcha'tarettatse't atarr baçhayo allohuanen pats sa'ponet. Ñeññña coyanesha'pa' alloteñ on o'ch e'ññotenana' Salomón pueserrpareñ ñeññ atet atarr eñotañte't. Te'ña arr e'ñe seshopa' allo'tsenen ñeññen puehseñarrana

ñeñfen atarr es neñoten namã, ello neñtaneñ atto eñotañite't Salomón. Tarraña sañapa' amaña es sotapoteno. Ñeñto'mar esempohuañen allempoch acraretetuerra allohuen acheñenesha', ñeñña coyanesha' ñeñt e'ñe cohuen e'mñotatse't ñapa'cho'ña orrterrach, ñeñfcha'ña señotaterre' sapa' ama pocteyayeña ñeñt atet sepa'yese't tarro'mar sapa' ama es same'ñe'te ama't e'ñe mamesha.

Atto Jesús'pa' eñotatanet ñato' oneñe'pa' o'ch alla chorreranerr acheñ allot cha'nom ahuaña
(Lc. 11.24-26)

⁴³⁻⁴⁵ 'Ellonetpa' o'ch alla neñotaterriserr po'poñone't ñeñfcha' atet a'paretterra acheñenesha' ñeñt te'pa' ama e'ñeye' cohuen cotape'cheneto Yomporecop. Ñehua, oneñe't ñerra'm esempo cha'nom acheñenesesho't, ñeñña oneñe'pa' o'ch auyes erraparen ama't amayo'mar e'nyese' po'psheneñ allcha' ye'cherrerr allcha' e'ñe amesuererrerr cohuen. Tarraña ñerra'm amach erra eñche'pa' atteñapa' o'ch ot: "Napa' o'ch alla ahuerren nepaclo allot necha'nom ahuaña." Atetcha'cho' pa. O'ch alla ahuerren allot cha'nom ahuaña. Allña o'ch cherrpa' e'ñech cohuen entuerran pa'paquell, e'ñech cohuen atarrapo'tuaret, e'ñech cohuen añño'tyesaret, tarraña amach eseshaye' ye'chetso all. Allempoñapa' o'ch alla ahuerren allot'sa'yen pamot'sesha'pa' o'ch enana' po'poñ can'cherrsheña oneñefe'chno ñeñt nanac sosyare', ñeñt ello metana'tuene' ñeñt atet sosyaten ñeñt hua'ñene' o'ch ye'chaprecha. Allohuenetpa' o'ch chorreñet ñeñt acheñer. Allempoña tsapatonetpa' allo'nach sen ñeñt acheñer sosyatnomuets huomenc. Elloch metanerran ñeñt atet patse'tyese't ñenma't. Po'ño'chcha'ca'ye atet perraña acheñenesha' ñeñt te'pa' ama e'ñeye' cohuen cotape'cheneto Yomporecop.

Allempo huapoña Jesús pachor ñaña pa'mo'nasheñnesha'
(Mr. 3.31-35; Lc. 8.19-21)

⁴⁶ Allempo atet eñorana'tenana acheñenesha'pa' o' huapa Jesús pachor epuet ñaña pa'mo'nasheñnesha'. O' chapuet allpa' ñetñapa' alla tom'chenet a'yot. Añ muenenet ahuo'ch serrpare'tatospet.

⁴⁷ Allempoña puesheñarrpa' atet otan Jesús:

—O'ca'ye huapaña p'achor ñaña pemo'nasheñnesha'. Ñetpa' a'yote'tsa'yenet, mueneñet o'ch serrpare'tatospet.

⁴⁸ Ñañapa' atet otan ñeñt otene':

—¿Ama't señoteñe ñeñt e'ñe po'ño'ch nachor nepen ñaña ñeñt e'ñe po'ño'ch nemo'nasheñ nepen?

⁴⁹ Allempoñapa' yochan pueyochresha'pa' atet otanet:

—Napa' añca'yeña ñeñt e'ñe po'ño'ch nachor nepen ñaña ñeñt e'ñe po'ño'ch nemo'nasheñnesha' nepen.

⁵⁰ Ñehua, ama't erra'tsena ñeñfcha' e'ñe atet pohuene' ñeñt atet muenen Nomp'or ñeñt pue'ntaño'tsen ñeñtca'yeña e'ñe po'ño'ch nemo'nasheñ nepen ñeñña no'ch nepen ñeñña nachor nepen.

13

All toma'ntatanet Jesús ñeñt a'parre'tene' puerets
(Mr. 4.1-9; Lc. 8.4-8)

¹ Ñeñe yetropa' cha'nerrerr Jesús pocollotpa' anorruerr sa'patopño.

² Allñapa' emchorra'huererr shonte' acheñenesha' ñeñño'marña Jesúsapa' a'tap noñtopa' ahuam̄pes mame' allpononet allñapa' anorros noñño. Acheñenesha' ña allohuenetpa' alla tom̄cha'tet sa'patop̄ño.

³ Allñapa' esocmañen ye'chatyenan' acheñenesha' pa'namen toma'nteñtso'chno. Ñeññ' ñanompa' atet otanet:

—Ñeñña' a'parrene' puerets ñaña'pa' ahuo' allcha' a'parre'tyenana' puepuer.

⁴ All a'parre'tyeñ patanta'tetsñapa' alla 'chapyes toño'mar. Allñapa' huacha'tyesa ot e'ñe añyallmechuenana' puerets.

⁵ Po'poñe'chnoñapa' alla 'chapyes mapuetro'meso'mar all ama tama eñalle pats. Ama nanac o'pono'tseno patso ñeñño'marña mame'tollapa' chepare-suañ.

⁶ O'ña enome'ta'muen atsret̄pa' alla a'uyatuer. Ama er'cha'tena' ñeñño'marña alla hueya'huerra.

⁷ Po'potantañña' pueretspa' alla 'chapyes allcha' chepares aj. Allpa'cho' mameshapa' cheparesuañpa' ajñapa' mameshapa' atesha'tua alla ca'matuerranña' narmets alla a'cllatuer.

⁸ Po'potantañe'chno ñeññ'ñapa' arr 'chapyes all e'ñe cohuen patso. Ñeññ'ñapa' e'ñe cohuen chepares. Allempoña atesha'tuapa' ñeññ'ñapa' atarr aton ellom̄re'tyes—puecha'tetspa' 'charroch 'charra' pue'llomer; po'pchañe'chnopa' pechapoch 'charra' pue'llomer; po'pchañe'chnopa' ma' poch 'charra' pue'llomer.

⁹ Allempoña Jesúsapa' alla o'terraneterr:

—Ñeññes po'ño'ch ne'mñotene', 'chaponasepa'ch seyo'chro ñeññ' atet netma'ntatensa añ ñoñets.

Atet otanet Jesús ñeññecop atet toma'ntatyenanet

(Mr. 4.10-12; Lc. 8.9-10)

¹⁰ Allempoñapa' ponem̄ya pueyochresha'pa' atet otoset:

—¿Eso'mare'tña peserrpare'teño'pa' atta es petma'ntatyenanet?

¹¹ Jesúsñapa' atet o'terraneterr:

—Sa te'pa' Yomporña o' muenaterres attoch seño'terr ñeññ' ama eñotpahuoyaye ama't ahuatoteñ ñeññ' atet penaña Yompor po'cohuenña atto ayochreshattena ña pue'ntañot. Tarraña po'potantañe'chnoñapa' ñeññ' atta es pue'cha'yetsa, ñocpuetñapa' amach erro'tenot eñoterrñañeto Yompor po'cohuenña.

¹² Esesha'te' o' 'cherranet pueyo'chreto ama't e'ñe allpona Yompor po'ñoñ elloña Yomporpa' allo'nach eñotatnenanet nanac shonte'. Tarraña esesha'ña ñerra'm ama 'chenaneto pueyo'chro tarro'mar ñetpa' ama po'ño'chaye' aguññañeto Yompor po'ñoñ, ama't allpon eñotyenetañ pueyo'chro ñeññ'ñapa' 'chach puerratanm̄perranet Yompor.

¹³ Ñeñño'marña ama't neserrpare'tatenanet toma'nteñtso, ñocpuetñapa' ama eñoteñetoña ñeññ' atet netma'ntatenanet. Attoña ama't enteñetañ, ñetñapa' ama amnataretteneto o'ch es 'chapahuet pueyo'chreto. Ama't e'mueñetañ amaña 'chenanetoña pueyo'chreto ñeññ' atet ye'chateney Yompor po'cohuenña.

¹⁴ Atet penet ñetpa' te'ñapa' po'ño'ch o' etsotua Isaías po'ñoñ ñeññ' a'mtaye't Yompor po'ñoñ ahuat. Ñeññ'pa' atet ote't Yompor:

Ama'tcha' po'ño'ch e'mueñetañ ama't e'ñe ahuatapa' amach 'chapanetoña pueyo'chreto. Ñaña ama'tcha' 'cho e'ñe es entenetañpa' amach 'chapanetoña pueyo'chreto.

15 Tarro'mar ñeñĩ acheñeneshar te'ña ñet pueyočhretopa' nanac echarrtenet attochña amach es chenahueto pueyočhreto. Te'ña ñetpa' amach mueneñeto o'ch es e'mñotet taye'to'te' es chenahueto pueyočhreto. Te'ñapa' amach mueneñeto o'ch es entet taye'to'te' čharranet pueyočhreto. Attochña amach es cotape'cherreto nocop ama't e'ñe mamesha attochña na'queshpaterranetañ.

16 Allempoña Jesúspa' alla oterranerr pueyochresha':

—Saña po'ñočhpa' atarr cosheñtso'tsenes sa tarro'mar atto o' senterriñañ Yompör po'cohuenña seclloyot te'ñapa' o' e'ñe čhernnasa seyočhro. Ñaña atto se'muerrñañ Yompör po'ñoñ, te'ñapa' o' e'ñe čhernnasa seyočhro.

17 Po'ñočhca'ye notenes e'ñe ahuatoteñpa' shonte' ñeñĩ a'mta'yesaye't Yompör po'ñoñ ama't ñaña ñeñĩ e'ñe pocte' es pa'yeste't allempo, ñetñapa' atarr muenetañe't o'ch enterrñañetañ Yompör po'cohuenña ñeñĩ o' senter sa te'. Tarraña allempo ñetpa' amaña eseshaye'ña enterrapaye Yompör po'cohuenña. Ama't atarr muenetañe't o'ch e'mñoterrñañet Yompör po'ñoñ ñeñĩ o' se'muerr sa te'. Tarraña allempo ñetpa' amaña eseshaye'ña e'muerrapayeña Yompör po'ñoñ.

Arppa' all eñotatanet Jesúš ñeñĩ toma'ntatenanet ñeñĩ a'parre'tene' puerets (Mr. 4.13-20; Lc. 8.11-15)

18 Jesúšña'pa' alla oterranerr pueyochresha':

—Ñeñto'marña te' sapa' se'mñoten o'ch neñotatas ñeñĩ atet yečhateney ñeñĩ atet o' netma'ntatua atet ñerra'mrrate' puesheñarr ñeñĩ a'parrene' puerets.

19 Ñehua, añ puerets ñeñĩ čhapyesets toño'mar, ñeñĩpa' añ notenes acheñenesha' ñeñĩ e'mñotenyeyñ Yompör po'ñoñ ñeñĩ atto ayochreshattena ña. Ama't e'mñotenetañ tarraña ama čhenaneto pueyočhreto ñeñĩ po'ñočh atet oteney Yompör. Ñeñto'mar allorocmach huapa oneñetpa' o'ch alla puerratañperranet Yompör po'ñoñ e'ñe pueyočhreto.

20-21 Ñaña ñeñĩ čhapyesets mapuetro'meso'mar ñeñĩpa' añ notenes acheñenesha' ñerra'm esempo e'mñoteññañet Yompör po'ñoñ e'ñečh allorocma pocsheñesha' aguëññañetañ Yompör po'ñoñ. E'ñečh cohuen ame'ñeretañ tarraña ñeñĩpa' mamecpach atet penet. Tarro'mar ñetpa' e'ñe atet penet ñerra'mrrate' narmets ñeñĩ chepuets mapyo amach eñalle puerečh. Tsapatonetña ñerra'm o'ch huapanet topateñets ñeñĩčha' mueročhtatahuet tarro'mar ñetpa' o' ame'ñeretañ Yompör po'ñoñ, ñetñapa' allorocmach alla quečpuerretña Yompör po'ñoñ.

22 Ñaña puerets ñeñĩ čhapyesets ajmo'mar, ñeñĩpa' añ netma'ntatena po'potantañ acheñenesha' ñeñĩ e'mñotenyeyñ Yompör po'ñoñ. Ama'tčha' čhapanetañ pueyočhreto, tarraña ñetpa' allo'nach senet e'ñečh añ atarr cotape'chenet ñeñĩ lleca'yenet arr patsro ñeñĩ e'ñe ñočueta. Añach muenenet o'ch esocmañen es ečhyenet, tarraña ñeñĩpa' čhaca'ye shequënanet. Attoña ñetpa' amach errotenot orrtatyesñañetoña ñeñĩ e'ñe cohuen enten Yompör. Ñetpa' e'ñe atteta ñerra'm narmets ñeñĩ čha a'cllaten ajma' ñeñĩto'marña amach errotenot me'teneto o'ch ellomre'tyaset.

23 Ñaña añ puerets ñeñĩ čhapyesets e'ñe cohuen patso ñeñĩ e'ñe cohuen cheparsatspa' ñeñĩña toma'ntenaya po'potantañ acheñenesha' ñeñĩ e'mñotene' Yompör po'ñoñ, ñoñetspa' e'ñečh cohuen čhenanet pueyočhreto. Ñetñapa' ñeñĩtet po'ñočh orrtatyenet ñeñĩ atarr sherbets Yomporecop. Attoña ñetpa' e'ñe atet penet ñerra'm narmets ñeñĩ atarr aton ellomre'tyets—pate'tets

charroch charra' pue'llomer, po'poñpa' pechapoch charra' pue'llomer, po'poñpa' ma'poch charra' pue'llomer.

Atto Jesús'pa' toma'ntaterranet atet pena ñeñt a'parre'tene' ta'tllom e'ñe all a'parraret cohuen trigo

²⁴ Allempoña Jesús'pa' alla toma'ntaterraneter, ñeñt'pa' atet oterraneter:

—Yompor po'cohuenña ñeñt atto te' ayochreshattena ña pue'ntañot, ñeñt'pa' atet pena ñerra'mrrate' puesheñarr yacma ñeñt a'parrene' cohuen puerets pa'mro.

²⁵ E'ñe cohuen a'parre'tuepa'tarraña allempo manrrenet allohuenet, e'ñe't a'nahua huapa ñeñt e'moñe'tene'pa' allñapa' ahuo't a'parre'tyesuenana' ta'tllom e'ñe all a'parraret cohuen trigo. Ahuo'tña a'parre'tueña'pa' o' ahuer a'nahua.

²⁶ Narmetsñapa' o' cheparesua o' me'tyesuapa' allempoñapa' entet ñaña ta'te' o' chepares epuet trigo.

²⁷ Allempoñapa' huacha'ta pamo'mte' pa'taruasañer, ñetñapa' atet otoset: “¿Ama't, Nompocha' cohuenaye' pa'parrenoña puerets pa'mro? Er-rotenotuañaca'ye o' chopña ñaña ta'te' all.”

²⁸ Ñaña'pa' atet otanet: “E'ñeca'ye cohuen na'parrañña nepuer all. Ñeñt ne'moñe'tene'pa' ñeñt'e'ca'yeña o' atet pañp'sen.” Pa'taruasañerñapa' atet ochet: “¿Ama't pemno o'ch ahuey o'ch ya'mare'tuerra'ña ta'te'?”

²⁹ Ñaña'pa' atet otanet: “Amachca'ye sa'mare'tatsche te't cha sa'marampennan netrigo.

³⁰ Allepa' chepuepa' epuet. EsemPOCH pomella'hua trigopa' allempochña noch ñeñt'cha' a'yapa'che' trigo: Ñanomcha' añ sa'yapa'cha' ta'te' o'ch sehuan-cachmech atoch ya'poyatater. Sehuanca'huepa' choscha'ña a'yapa'che'ña ñaña trigo o'ch sañño'teña' allecma neshontateñ.”

Atto Jesús'pa' toma'ntaterranet atet pena pue'llomer ñeñt otenet mostazl-lom

(Mr. 4.30-32; Lc. 13.18-19)

³¹ Allempoña Jesús'pa' alla oterraneter:

—Añ Yompor po'cohuenña ñeñt atto ayochreshattena ña pue'ntañot, ñanompa' e'ñech puesheña'tsa ame'ña'yetsa. Allempoteññapa' allo'nach sen atonetnomtsa ñeñt'cha' ame'ñerrtsa atochña e'ñe epa'huerra erracmañen Yompor po'cohuenña.

Ñeñt'pa' añ toma'ntaterraneter mostazllom:

—Ñeñña pue'llomretollpa' puesheñarrñapa' o' anem pa'mro allcha' nare'teña'.

³² Nehua, e'ñe yeñoteñ mostazllom ñeñt'pa' atarrca'ye nanac añe'folleshallmerr, tarraña ñerra'm o'ch yenare'chpa' allempoña choppa' allo'nach sen rrorranmats cohuen, atarrchetnomuets, elloch metana'tuan po'pchañ narmetsothno. Ñeñña narmetsocherpa' o'ch huacha'toña ote'chno ñeñt'cha' ama'tanatyesosets puetacro'mar.

Atto Jesús'pa' toma'ntaterranet ñeñt atet pena chase'

(Lc. 13.20-21)

³³ Jesús'pa' alla serrpare'taterraneter ellonet ñeñt atet pena Yompor po'cohuenña ñeñt atto atarr ayochreshattena ña pue'ntañot. Ñeñt'pa' ama'tcha' añe'folla ñeñt'cha' ñanom orrtatsa tarraña e'ñe ña po'huamencot mametollapa' o'ch e'ñe epa'hua ora erraparen. Ñeñt'pa' añ toma'ntaterraneter atet pena chase':

—Ñeñt chase'pa' allo tsetenan coyanesha' harina' ñeñt oñtsetstaten attoch a'chasatan harina' esheccha' e'ñe a'muesatue. Ñeñtña chase'pa' ama'tcha' añetolla net, ama'tcha' aton harina' ñeñt ma'pa arroga, mametollapa' o'ch e'ñe a'muesatuanña ama't atarr aton harina'.

Jesúspa' ora allpon ñeñt atet yechatyenan acheñenesha' ñeñtpa' attoña pa'namenot es toma'ntatyenanet

(Mr. 4.33-34)

³⁴ Ora allpon ñeñt atet yechatenan Jesús acheñenesha', ñeñtpa' atto es toma'ntatyenanet. Allempopa' ama serrpare'tataneto e'ñe atta, chocmaña serrpare'tatanenet toma'nteñtso.

³⁵ Attoña o' etsoterra ñeñt atet ote't ñeñt a'mtaye't Yompor po'ñoñ ahuat ñeñt atetcha' yechaterr Cristo:
Napa' neñerrcha' e'ñe toma'nteñtso; na'poterrcha' ñeñt ama a'potareteyaye ama't ahuatoteñ allempoteñ Yompor ye'hcatan añ patser.

Atto Jesúspa' eñotateranet ñeñt atma'ntatarettetsa ta'tllom epuet trigo

³⁶ Allotña Jesúsapa' sa'nman acheñenesha'pa' o' cherr pocollo. Allña hua'cha'toña pueyochresha'pa' atet otoset:

—Te'pa' o'ch potey e'ñe eñotochen ñeñt toma'ntena ta'te' ñeñt chepuets pa'mro.

³⁷ Ñañapa' atet otanet:

—Ñeñt nare'tene' e'ñe cohuen pueretspa' ñeñtpa' naca'ye Ñeñten Acheñetosets.

³⁸ Ñeñt na'muer nepenpa' ñeñtca'yeña añe patser. Ñeñt cohuen pueretspa' ñeñtca'yeña Yompor pueyochresha' ñeñtcha'ña cherrets all am'cha'tarettena Yompor. Ñeñt ta'te'pa' ñeñtca'yeña oneñet pueyochresha'.

³⁹ Ñeñt e'moñe'tene' ñeñt nare'tam'pse' ta'te' ñeñtca'yeña oneñet pompor. Esemepoch cherr allempoch pomella'huapa' ñeñtpa' añ toma'ntena allempochña mellapoterra. Ñeñtcha'ña a'yapacherretspa' ñeñtca'yeña mellañoteñanasha' ñeñtcha' hua'cha'ttsa entot.

⁴⁰ Atet ap'chenet ta'te' te' o'ch a'poyatachet tsopa' atetcha' perrñañetña oneñet pueyochresha'chno allempoch mellapoterra.

⁴¹ Ñehua, na Ñeñten Acheñetosetspa' nach mueñerre' nemllañoteñanashar ñeñtcha' a'yapacha'tuerre' allohuen ñeñt cotape'chatyenuhuet sosey ñaña allohuen ñeñt e'ñe añe etsotayen patpareñ. Arrotcha' a'yapacharetterra allo'tsa'yen ñaña Yompor pueyochresha'chno, ama't e'ñe all ayochreshattena ña.

⁴² O'ch e'ñe a'yapacharetetuerretpa' allempochña asaprrotarettet o'pono all huorten tso'. Allñapa' allcha' yahuanrrorterret, panmueñoñet atserrpa' rraso'tyerretcha' pa's.

⁴³ Allempoña allohuen ñeñt e'ñe pocte' es pa'yets ñetñapa' potetsetach e'ñech atfet ñerra'm atsrret. E'ñech cohuen popuetyenet all am'cha'tarettena ñeñt pompor penet. Allohuenes ñeñtes ne'mñotene' neñoñ chaponasepa'chña seyo'chro ñeñt atet notenes.

Atto Jesúspa' toma'ntaterraneterr shonte' quelle ñeñt e'potarettetsa patso

⁴⁴ Po'pocheño Jesúsapa' alla toma'ntaterranet po'poñoneñ. Ñeñtpa' añ toma'ntatanet Yompor po'cohuenña atto atarr ayochreshattena ña, ñeñtñapa' atarr aye'chochen. Ñeñtpa' atet toma'ntatanet ñerra'mrrate' shonte' quelle ñeñt e'potarettetsa e'ñe patso. Ñeñtña quelle puesheñarr

yacmapa' machayotach entos. O'ña entuepa' o' alla pampa'ner ñaña'pa' o' ahuerri e'ñe pocsheñesha' allenta pomhuahuerran ora ñeñt allpon echyen allochñapa' attoch echan quelle alloch rañferrana ñeñt patser allo'tsen quelle. Attochña ganamiperrana atarr shonte' quelle ñeñt atarr ye'chena.

Atto Jesús'pa' toma'ntaterraneterr ñeñt atarr coñnesha' serets

45 Po'pocheñopa' atet toma'ntaterraneterr:

—Yompor po'cohuenña atto atarr ayochreshattena ña ñeñt'pa' atarr aye'chochen atet ñerra'mrrate' ñeñt atarr coñnesha' serets. Puesheñarrña ñeñt pomatsre'tyetsa ñeñt'ach atarr e'nyen ñeñt'cha' rañña.

46 Pamarrñapa' entosan serets ñeñt atarr nanac coñnesha' ñeñtñapa' atarr tsa'te'. Ñaña'pa' allentach ahuerri o'ch pomhuahuerran ora ñeñt allpon echyen allochñapa' attoch echan quelle alloch rañferrana serets ñeñt atarr nanac coñnesha'.

Atto Yompor po'cohuenña e'ñe atet pena ñerra'mrrate' añecmuen terraya

47 Jesús'pa' alla toma'ntaterraneterr; ñeñt'pa' atet otanet:

—Yompor po'cohuenña atto atarr ayochreshattena pue'ntañof ñeñtñapa' e'ñe atet ñerra'mrrate' terraya añecmuen. O'ch terrayet sa'popa' o'ch e'ñe ap'cha'huan allohuen pa'namen caca'chno.

48 Ñerra'm o'ch e'ñe chorra allempoñapa' o'ch chetamperet topñaso, o'ch anorrcha'tet allcha' acret ñeñt e'ñe cohuenare' ñeñt'cha'ña esha'tanetet pucañtro. Ñeñtña ama cohuenayayepa' o'ch saprochet.

49 Ñeñt'pa' atetcha'ca'ye perraña allempoch mellapoterra. Cha'nma'cha'tcha' mellañoteñnesha' ñeñt'cha' ellopa'tetstattere' ñeñt atsrre'mñañnesha' ña'ña ñeñt e'ñe pocte' es pa'yets.

50 Ñeñtña atsrre'mñañnesha'pa' huapore'teretcha' o'pono all huorten tso'. Allñapa' allcha' yahuanrrorterret, panmueñofet atserrpa' rraso'tyerretcha' pa's.

Attoch e'ñe cohuen yorrtatyen cotapñats ñeñt ahuatoteñ atarr sherbets ña'ña attoch e'ñe cohuen yorrtatyen cotapñats ñeñt e'ñe etserra atarr sherbets

51 Allempoñapa' allenta a'p'to'tanet:

—¿Eñoto'chena't sentenña allohuen ñeñt atet notyenes?

Ñetñapa' atet ochet:

—Eñoto'chenca'ye yenteñ.

52 Allempoñapa' atet otanet:

—Ñeñto'marña ama't allohuen erra'tsen ñeñt atarr etsotene' ñoñets ñeñt atet anaret ahuatoteñ, ñerra'm elloña ay'chatarettet ñamet ñeñt atet pena Yompor po'cohuenña atto atarr ayochreshattena ña, ñeñtña acheñer atarr'cha' cohuen orrtatenan cotapñats ñeñt ahuatoteñ, elloña cohuencha' ortaterran ña'ña ñeñt e'ñe etserra cotapñats. E'ñech atet pena ñerra'mrrate' ñeñt apaclassesha'. All añño'tyenan ñeñt atarr morrentena errottenopa' o'ch orrtatenan ñeñt erre' añño'ten all; errottenoñapa' o'ch orrtatyenan ña'ña ñeñt añño'ten ahuatoteñ all pa'paclo.

*Allempo serrpare'tatan Jesús' acheñnesha' all Nazareto
(Mr. 6.1-6; Lc. 4.16-30)*

53 Serrpare'tatuanet Jesús' ñeñt atet toma'ntatyesanet, ñaña'pa' ahuerrierr allot.

⁵⁴ Cherr pa'nyo all Nazareto ye'chatuerraneterr all po'prahueto. Allñapa' nanac cohuanrrorteñet, atet otyeñet:

—Ñapa' errahuañaca'yeña eñotanña ora allohuen ñeñt atet pa'yena. Esha'huañaca'yeña eñotatene'ña atot orrtatenan partoteñets.

⁵⁵ Ñapa' aña puechemer ñeñt po'taruas pene' o'ch torrenana tsach attoch es ye'chcatyen pa'namen. Pachorpa' aña María. Pa'mo'nasheñpa'cho'ña aña Jacobo, José, Simón, Judas.

⁵⁶ Allohuen po'chanesha'pa' e'ñeca'ye yechme'tuenanet parro'marneshayarramche'. Ta'm ñaña'pa' erroteno'tte'ña atarr es eñotyen.

⁵⁷ Ñeñto'marña all e'ñe ña pa'nyo ama eseshaye' acua'penaye entenaye. Allempoña Jesús'pa' atet otanet:

—Ñeñt a'mtene' Yompor po'ñoñpa' chocmaca'ye amcha'na'tpo' entyeñña allohuen acheñenesha', arrña pa'nyo allo'tsen e'ñe ña pamo'tsna'tarnesha' ñetña'pa' ama acua'penaye' enteñeto. Ama't ñaña ñeñt parro ye'chenet pa'pacleto, ñetpa'cho'ña ama acua'penaye' enteñeto.

⁵⁸ Ama ame'ñeñeto ñeñto'marña allpa' ama atonocheye' orrtataneto po'partsoña.

14

Allempo e'ñe cohuen es orrtatyes Jesús, Herodesña'pa' cha otapañ Juanañe' o' tanterra ñeñt apataye't acheñ Yomporecop (Mr. 6.14-29; Lc. 9.7-9)

¹ Allempoña amcha'taret Herodes'pa' e'mare'tenan atet pa'yena Jesús. Ñehua, Herodes'pa' all amcha'tarettena anetso Galileo.

² Allempoña'pa' atet otan ñeñt sherbene':

—Añepa'tca'yeña Juanañ ñeñt apataye't acheñ Yomporecop; ta'mca'ye chate'ca'ye tanterraña rromot. Ñeñto'marte'ca'yeña te'pa' orrtaterranña partoteñets.

³ Ñehua, allempo'pa' ahuañmo'chacma rrematenana' Juanañ o' huan-cachpa' allña yottam'psach attoch coshatan Herodías ñeñt pa'mo'nasheñ Felipe puetapor.

⁴ Tarro'mar Juanañ'pa' ña otaye't Herodes:

—Amaca'ye pocteyaye o'ch peyoram'pes pemo'nasheñ puetapor.

⁵ Ama't atarr mueneñeñ o'ch muetsatacheñ e'ñe allempocma tarraña Herodes'pa' mecha'tenan acheñenesha' ñeñto'marña ama eshcaye' muetsatache. Tarro'mar acheñenesha'pa' e'ñe cohuen enteñet Juanañ atet ñerra'mrrate' ñeñt a'mtene' Yompor po'ñoñ.

⁶ Allempoña coshame'tapreteñet Herodes allempo eñalletña allñapa' o' tancsosa Herodías puechoyor.

⁷ Herodesña'pa' ñeñña atarr cohuen ent. Ñeñto'marña och:

—Na po'ño'chpa' o'ch nena' neñoñ e'ñe Parets pa'so'chño, ama't es pena-muena' napa' napa'pcha'.

⁸ Pachorña'pa' allenta otare'ch e'ñe a'nahua:

—O'hua pochte' amcha'taret: "Añcha' papuen Juan poñ."

Allempoña shopshesha'pa' atet otan Herodes:

—Napa' añ nemnen o'ch pepechennana' Juan poñ ñeñt apataye't acheñenesha', o'ch penon platopa' o'ch paphuerren e'ñe arrma.

⁹ O'ña enamhuepa' am'cha'tareñ'apa' 'cha lleca. Tarraña ama't llecañ'pa' o' nohuanña po'ñoñ huomenc e'ñe Yompor pa'so'chño ña'ña allo'tsa'yen ñeñ' hua'ñen ñeñ' e'muene' atet oten ñeñ'fo'marña otanet:

—Te'pa' o'ch saḡ Juan poñ.

¹⁰ Allempoñ'apa' o' mueñan pa'cheñer o'ch pecheñeta' Juan all yottañ'peñet.

¹¹ Allempoña' o' huapaterrñañet poñ platopa' aphueret shopshesha'. Ñaña'pa' aneñ' pachoresho o'ch apueña'.

¹² Allempoñ'apa' ahuanma Juanañ pueyochresha' o' aneret apecharet o'ch pampuereta'. O'ña pampa'huereta'pa' o' ahuanerret o'ch e'mare'tateñeta' Jesús.

Allempo Jesús'pa' rratenan shonte' acheñenesha'; ñeñ'ña acheñenesha'pa' allo'tsen amnaroch mil

(Mr. 6.30-44; Lc. 9.10-17; Jn. 6.1-14)

¹³ Jesús'pa' allempo e'mare'tan Juanañ, ñaña'pa' ahuanñ'pes noñto o' sa'nman acheñenesha' o'ch ahuo' all ama acheñempaño'yaye. Acheñenesha'ñapa' allempo e'mare'chet ñetñapa' allenta ahuanmuet ñamet. Allohuen anetsotpa' e'ñe ahuanmuet o'ch entereta' Jesús. Ñetñapa' alla oñ'ma'cha'tet patso'mar.

¹⁴ Allempoña sehuosa Jesús noñtotpa' alla entuerraneterr o' alla shonta'huerrerr acheñenesha'. Ñaña'pa' atarr nanac muera'huerraneterr. Allñapa' o' alla a'crratyessuerraneterr patsñañefer.

¹⁵ Atteñapa' ellerren pueyochresha'ñapa' oteñeta' Jesús:

—Te'pa' arro'tseney all ama acheñempaño'yaye ña'ña o'ca'ye ellerren. Te'pa' o'ch poch acheñenesha' ahuanemyerretepa' anetso'mar allcha' rañ'a'yesserret puerraret ñeñ'fcha' rra'yesserret.

¹⁶ Jesúsñapa' otanet:

—Amachca'ye ahuanmatsterreto. Sachca'ye apa'yegahuet ñeñ'fcha' rret.

¹⁷ Ñetñapa' atet ochet:

—Ya arrpa' amaca'ye es yechenoña ama't coñ'e'ta; yapa' e'ñeca'ye amnara pan yechen ña'ña epatoll cac.

¹⁸ Allempoña Jesús'pa' atet otanet:

—Sanmon arrma o'ch sapuenna'.

¹⁹ Allempoñ'apa' otan acheñenesha':

—Te'pa' o'ch sanorr'cha'tyes e'ñe all cohuen emmo'ratyen pasetma'.

Allempoña agapan ñeñ' amnar pan ña'ña epatoll cac, o' cohua' enonet, parasyoso'tamñsan pan allotñapa' shota'tan pan, apantayesan pueyochresha'. Ñetñapa' o' epatyeset allohuen acheñenesha'.

²⁰ E'ñe epa'huet, allempoña o' rrallme'chet allohuenet e'ñepa'tcha' yettra'tuahuet. E'ñe yetuahuetpa' 'cha a'pchatyeset ñeñ'fñapa' a'yapa'cheret. Ñeñ'ña a'yapa'cherretepa' 'che'pa'tcha' chorrats 'charra' puechena epa cañter e'ñe tam'o'yare'.

²¹ Ñeñ'ña rrallme'chatspa' atarr shonte' acheñenesha'; ñato' allo'tsente' amnaroch mil ñeñ' e'ñe yacmaneshoche'. Ellonetpa' allo'tsa'yen ña'ña coy-nasha'chno ña'ña cheshaneshachno.

Atto Jesús'pa' e'ñe cohuen chope'chnen enot oño

(Mr. 6.45-52; Jn. 6.16-21)

²² Allempoña Jesús'pa' otan pueyochresha':

—Te'pa' o'ch sa'ta'cha't noñto o'ch sota sanom o'ch seḡchaterra yot. Napa' o'ch neso'tnoñ ora acheñenesha'.

23 O'ña so'tuanmanetpa' ñaña'pa' ahuo' aspento e'ñe ñapueñ allña ma'yochosa. Ama't o' tsapuenpa' ñaña'pa' allo'tsena ñapueñ.

24 Noññapa' ñeñña rro'chaso'tsenara sa'po, emo'yare'ñapa' cha anmape'cham'penanet, a'puerrame'tam'penanet orrno.

25 Atteña allempoña puetarenmochpa' huenanet Jesús cha chope'chnen enot oño.

26 All chope'chnen allempoña entapueñ pueyochresha', ñetñapa' cha toratsetyeset pueyo'chret, atet otanna'tyeset:

—Choyeshe'matste'ca'ye huaponaya.

Pueyorñofetpa' atta rrannartet.

27 Jesúsñapa' eñorana'tuenanet, atet otuenanet:

—Choñaca'ye socshapuenta, naca'ye o' nohuapa, amach atta sem'cha'tatstapno.

28 Allempoña Pedropa' eñorana'cha ñeñña'pa' atet och:

—Ñerra'm po'ño'chte' pa' Partseshacha', te'pa' o'ch potosen, aponca'ye nesho, pechope'chnom paña enot oño.

29 Jesúsñapa' allenta och:

—Aponca'ye.

Ñaña'pa' allenta sohua noñfotpa' o' chope'chnom ñaña enot oño o'ch ahuo' Jesúsesho.

30 Chope'chnomtsapa' o' cohua'nman huomenquësha' ñeññ cha emo'yartatenan sa'ppa' cha yore'ch. Cha yore'chpa' alla muene' esha'ta oño. Allña'pa' rranare'ta atet otan Jesús:

—¡Pa'queshpotosen Partseshacha'!

31 Jesúsña tecma rrema'ppa' atet och:

—Papa' ama't e'ñeye' peyemtenno. Eso'mare't cha pe'charrtatenña peyo'cher.

32 E'ñe a'tacha'tatseta noñfopa' huomenquësha'ñapa' chepa'tcha' muet-soññterrtsa.

33 Ñeñña noñño'tsa'yenpa' allentepa'tcha' concorpanrrortana'tapetpa' atet otyeset:

—Po'ño'che'pa't papa' e'ñe Parets Puechemerep.

Allempo Jesús'pa' a'crratyesosan pa'namen atснаñe'fe'chno all Genesareto (Mr. 6.53-56)

34 Allempoña pechatam'psetpa' arr etsotaset all oteñet Genesareto.

35 Ñeñña ane'tañesha' allpa' o' cheme'tapet Jesús. Atto cheme'tapetpa' ñetñapa' allenta mueñet acheñ, o'ch e'mare'tatenana' acheñenesha' allampaño'mar. Allotñapa' huapatyesoñet allohuen atснаñe'fe'chno.

36 Ñeñña atснаñe'fe'chnopa' o' enamyoset ama't poso'mota o'ch a'plla'yesosñañet pa'shtam. Allpon ñeññ a'plla'yese' Jesús pa'shtam allpon'cho' e'ñe corra'yesuerrtsa.

15

Atto Jesús'pa' eñotatenanet ama añeye' ya'sosyatenaye Partsocop ñeññ yerra'yen yenamot

(Mr. 7.1-23)

1 Allempoña fariseonesha' ñaña ñeññ atarr etsotayenayen ñoñets ñeññ atet anaret judioneshacop ñetñapa' arrot hua'cha'tet Jerusaléño'. Cha'cha'tet Jesúseshopa' atet otyesoset:

2 —Eso'mare'tña peyochresha'ñapa' quechpuerretña ñeñt atet yeyche't ya ahuat yatañeshohuen. Ñeñto'mar o'huañ e'pota'tetña Partsocop allempo rrenet.

3 Ñaña'apa' atet otanet:

—Sapa'cho'ña ñeñto'mare'trraña satpare'teññañaña saña Yompor po'ñoñ ñeñt atet anaret allochñapa' e'ñech sañeña seycheña e'ñe setsotayen.

4 Ñehua, po'ñochca'ye yeñoteñ Yomporpa' atet otene: “Semorrenteño'pa' semcha'na'chcha' sompor ñaña sachor.” Elloña ñaña po'poñone't atet otene: “Ñerra'm esesha' sasare'tene' pompor ñaña pachor ñeñ'pa' muetsetepa'.”

5 Tarraña sañapa' amaña atteye' sepeno tarro'mar sapa' chaña atet sotyen:

—Ñerra'm esesha' atet otene' pompor ñaña pachor: “Ñeñt nechen o'ch napapeña' tarraña amach napape te'pa' o'ch nene' Yomporcop”

6 ñeñña'acheñerpa' sañapa' atetcha' soteñ: “Pocoppa' ama pallteno o'ch es pap' pamo'mte'.” Sapa' atoca'yeña sehuapore'teññaña Yompor po'ñoñ allochñapa' e'ñech aña setsoten ñeñt e'ñe sañeña seycheña.

7 Sapa' atarra'ca'ye omtoñañeshas tarro'mar atarr seshcare'ten amaña Yompor'ye'ña sesherbena. Isaiáspa' e'ñe cohuen a'mtane't Yompor po'ñoñ, saña te'pa' e'ñe atet sepena atet ote't; allempopa' atet ot Yompor:

8 Ñeñt'acheñesharpa' e'ñe puenamota cohuentatennanetañ; pueyochretoñapa' ama chenaneo ñeñt cohuen nenten na.

9 E'ñe orrena ma'yochennet, ñeñt atet ye'chatannenetpa' ñeñ'pa' e'ñe acheña naye't ahuat poctapña.

10 Allempoña Jesús'pa' chore'tan acheñenesha' ñeñt shontetsa, ñetñapa' atet otanet:

—Sañapa' e'ñepa'chña cohuen se'mñoten allochñapa' atoch e'ñe cohuen chaponasa seyo'chro.

11 Ama añeye' ya'sosyatene' Partsocop ñeñt yerra'yen yenamot. Añca'yeña ya'sosyatene' yeñoñ ñeñt cha'nets yenamot ñeñt atet yeñosatse'tyen.

12 Allñapa' atet oteña' pueyochresha':

—¿Peñoteñe't fariseonesha'ñapa' allempo e'monapet peñoñ ñeñt atet potyenenet ñetñapa' cha'atrr'e'muet?

13 Ñaña'apa' atet toma'ntatanet ñeñ'cha' atet aparetterra fariseonesha', ñeñ'pa' atet otanet:

—Allohuen narmetso'chno ñeñt ama añeye' nare'taye Apa ñeñt pue'ntaño'tsen ñeñ'ñapa' a'mare'taretetuerrach.

14 Ñetpa' otetepa'ña. Ñetpa' e'ñe atet penet ñerra'm'rrate' puesheñarr ñeñt aporo'yetpa' ñapa' o'ch echa'nman po'psheñeñ ñeñt parro aporo'yete'muet. Allempo atet penet ñerra'm arrotonta echa'nman'na'tnomuet epsheño'maret chach shora'nmoset arrototo. Arrpa' allohua ñeñt atet toma'ntatanet atet ñerra'm ya allempo ama yoctape'cherra' ñeñt cohuentetsa Yomporcop amach errotenot yoctape'chache po'psheñeñ ñeñt ama eñotenaye ñeñt cohuen enten Yompor.

15 Allempoña Pedropa' atet ot:

—Yapa' chochña peserrpare'tatey e'ñe cohuen eñoto'chen ñeñt atet petma'ntatena ñorra'.

16 Ñaña'apa' atet otanet:

—Ama't sapa'cho'ña ama'tña seño'teña'.

17 Sapa' ama't chennasoña seyothro ñeñt yerra'yen yenamotpa' alla sen yato ñeñtapa' chocmach yener a'yo.

18 Añña ñeñt cha'nets yenamot ñeñt atto yeñosatse'tyen ñeñtapa' e'ñe yeyoçhrot huena ñeñña chocma ya'sosyatene'ña Partsocop.

19 E'ñe yeyoçhrot huena cotapñats ñeñt ama't mameshapa' ama cohuenayaye, ñeñtapa' añ: muetsanna'teñets, chetapretanna'teñets, cañoresha'teñets, etatsre'tyeñets, toma'tamñsanna'teñets, sasare'teñets.

20 Ñeñt allohuen sosya'tsañeçhno ñeñt huetsa yeyoçhrot ñeñña po'ñoçh ya'sosyatene' Partsocop. Tarraña allempo yerrallme'chyen ama't ama ye'pota'tyesopa' ñeñtapa' amaña ñeñfeye'ña ya'sosyatene'ña Partsocop.

Atto puesheñarr coyanesha' ñeñt ama judioneshayaye ñapa' atarr yemtapana Jesús

(Mr. 7.24-30)

21 Ahuerrerr Jesús allotpa' alla chap allampaño anets Tiro ñaña Sidón.

22 Allñapa' o' huapa puesheñarr coyanesha' ñeñt allo'marnesha' ñeñt canano'marnesha'. Ñañapa' allenta rranare'tospa' atet otos:

—Pemueraye'chosna, Nepapareshacha' p'apa' ñeñtep Davidna'tarep. Na nacñe'terpa' atarr mueroçhtateñ oneñe't.

23 Jesúsñapa' ama't mameshapa' ama eñorana'teño. Atteñapa' o' ponemya pueyochresha' otoset:

—Pe'mñoçhñaca'ye tecma allochñapa' o'ch ahuerr, çhaca'ye cota'neney perranare'tnomue'.

24 Ñañapa' atet otanet:

—Napa' e'ñe añeçpa allsensareten ñeñt israelena'tarneshacop; ñetpa' e'ñe atet nentenanet ñerra'm carrneroçhno ñeñt paya'tyetsa.

25 Coyanesha'ña ñeñt ama israelena'tareyayepa' ñañapa' allenta on e'ñe ñesho concorposñañapa' atet otos:

—Choña Nepapareshacha' pebensamñsaye'cherrnan nacñe'ter.

26 Jesúsñapa' toma'ntatana acheñenesha' ñeñt ama israelena'tarneshayaye ñeñto'marña atet och:

—Ama pocteyaye o'ch yeprratamñpes yacñe'tar puerrar o'ch yehuapore'tamñpes allo'tsen ochec o'ch rre' ñaña ochec.

27 Coyanesha'ñapa' atet otererr:

—Ama't atteñ Nepapareshacha' tarraña ama't ochecpa'çho'ña rra'yenan ñeñt a'shore'tatyen pamo'mte' po'mesañnaçho.

28 Allempoña Jesúsapa' atet otererr:

—Chepa't nesñeshacha' atarr nanac peyemtenna ñeñtepñapa' attetepa'ch pocop atet pemnen pa.

Pacñe'terñapa' allorocma correrra.

Atto Jesúsapa' a'crraterranerr po'potantañ atsañeñeçhno

29 Ahuerrerr Jesús allotpa' alla oñem sa'patopño'mar e'ñe Galileaso. Allotpa' ahuo' aspento allñapa' anorros.

30 Allñapa' alla huaçherrñañerr shonte' acheñenesha'. Huapatyerrñañeterr checa'repaçhno, mancoçhno, aporo'yeteçhno, opananeshaçhno ñaña huapatoñet shonte' po'potantañeçhno. Ñeñtñapa' alla nanatyesosñañet pa'rrp'ot. Ñañapa' e'ñe a'crratyesuerranet.

31 Allña acheñenesha'pa' cha atarr cohuanrrorteñet allempo eñchet atto opanaçhno cha eñora'yerrtsa, mancoçhno'pa'çho'ña cha cohuenetyerrtsa, checa'repaçhno'pa'çho'ña cha chope'chyerrts, aporo'yeteçhno'pa'çho'ña

cha e'ñe cohuen cohua'yerrrets. Atet e'ñe cohuen eñchetpa' allohuenetñapa' cohuentateññañet israelnesha' Po'yomporer.

Allempo Jesús'pa' rratenan shonte' acheñenesha', ñeñña acheñenesha'pa' allo'tsen pa'tatsoch mil

(Mr. 8.1-10)

³² Allempoña Jesús'pa' agotan pueyochresha'pa' atet otapanet:

—Napa' cha atarr nemuereña allohuen acheñenesha' ñeññ shontetsa arr. O' ma'pamtoset nesho ama eñallmeñeto ñeññcha' rret. Ama pocteye' nenteñe o'ch ahuanerret e'ñe pa'chporrñesha' te't ama a'ñshe'mterreto toño.

³³ Pueyochresha'ñapa' atet otoset:

—Errahuachca'ye yentña allpon rreñets ñeññcha' yerrach shonte' acheñ, arrpa' amayaca'ye.

³⁴ Jesúsñapa' atet oterraneterr:

—Sapa' ¿errpona't sechenña pan?

Ñetñapa' otereterr:

—E'ñeca'ye canchrra ñaña coñe't cacatollesha'.

³⁵ Allempoña'pa' otan acheñenesha':

—Te'pa' sanorrcha'tyes patso.

³⁶ Allñapa' agapan ñeññ cancherr pan ñaña cacatollesha'. Agaphuepa' o' parasyoso'tenanerr Pompor allotñapa' o' shota'tan pan, shetsé tan ñaña cac, apanatyesan pueyochresha'. Ñetñapa' o' epatyaset ñamet allohuen acheñenesha' e'ñe epa'huet.

³⁷ Allempoña'pa' o' rralme'chet allohuenet, e'ñe yetrra'tuahuet. O' e'ñe yet-uahuetpa' cha a'pchatyaset ñeñññapa' a'yapa'cheret. Ñeññña a'yapa'cherretpa' chepa'tcha' chorrats cancherr cañter e'ñe tamo'yare'.

³⁸ Ñeññ rralme'chats atarr aton acheñenesha' ñato' allo'tsente' pa'tatsoch mil ñeññ e'ñe yacmaneshoche'. Ellonetñapa' allo'tsa'yen ñaña coyane-shachno ñaña cheshaneshachno.

³⁹ Allempoña Jesús'pa' so'tnerran acheñenesha'pa' ahuer, a'tapos noñopa' ahuañperr o'ch ahuo' anetso ñeññ pa'so'cheñ Magdala.

16

Atto fariseonesha' ñaña saduceonesha' enamoset Jesús gatapanetepa'to' po'partsoña

(Mr. 8.11-13; Lc. 12.54-56)

¹ Fariseonesha' ñaña saduceonesha' ñetpa' o' ahuanmuet o'ch enteñeta' Jesús. Cha'cha tet Jesúsesho ñetña puehquënotetpa' atet otyesoset:

—Yapa' añ yemnen o'ch pegatapuey peparatsoña entot allochñapa' attoch yeñotosep po'ñoch papa' Parets Puechemerep.

Ñetpa' cha mueneñet o'ch topatoset Jesús.

² Ñañapa' aña yerpatapanet ñeññ atet otyenet ñet pa'nyeto:

—Sapa' ñerra'm esempo sentnen o'ch tsatatenena enet, sañapa' chochmach atet sotyeseñe't: "Tsapatpa' atarrcha' char."

³ Aromtañña'pa' ñerra'm esempo senta'muen enet cha tsatatta'muena, sañapa' chochmach atet sotyese'muene't: "Choch huata'muena ñeñño'mar o' cha rrenarsa'muen." Sapa' atarr seño'teneñña ñeññ sentyen ento ñeññña seño'tatene'. Tarraña ñeññ atet norrtatyennas nepartsoteña eso'marte'ña ñeñññapa' amaña eñotatensoña ñeññ atet pennas Yompor te' o'ch orrtatonas po'cohuenña. Ñeññpa' attate' seshquën.

4 Acheñenesha' ñeñt corra'yetsa te' ñetñapa' ama cohuenaye' cotape'chyeneto, ama añeye' cosheneto Yompor ñeñto'marña ñetpa' e'ñe orrena otennet ahuo'ch norrtatanet nepartsoña. Tarraña amach es norrtataneto. Napa' añach paterr neñotatanet atet eñotatane't Jonás ahuat nínivo'marnesha'.

Jesúsñapa' sa'nerranetpa' ahuerr.

Atto Jesús toma'ntaterraneterr ñeñt po'chaser pen fariseonesha'
(Mr. 8.14-21)

5 Allempoña pechatrra'tet yomta'n o' chapuet all, pueyochresha'ñapa' o' yerpuerret ñetpa' ama anmueto pan ñeñtcha' rrosset all.

6 Jesúsñapa' atet otapanet:

—E'ñech señota ñato't semeñe'teña'ña fariseonesha' ama't ñaña saduceonesha' po'chaser allo tsetenet pan.

7 Ñetña cotape'chyasetpa' atet otanna'tyeset:

—Amaca'ye yanmoña pan ñeñto'marte'ca'yeña oteneý año'ch yemeñe'tatscheña fariseonesha' po'chaser.

8 Jesúsña allempo eñotanet atet cotape'chyenet ñaña'apa' atet oterraneterr:

—Eso'mare't sellquëñesha' sotanna'tyena año' eñalle ñeñtcha' serra'. Sapa' ama'tña e'ñeye' seyemtenno.

9 Teme'ttsena'tña ama es sechenoyoña seyo'chro. Ama'tña seyerpuenoña allempo natontat amnar pan ñeñt nerratallme'chpa' allo'tsen amnaroch mil acheñenesha'. Ama't seyerpuenoña ñaña ñeñt allpon chorrarerrets cañro ñeñt sap'cherr allempo.

10 Ama't ñaña allempo natontaterrerr ñeñt can'cherr pan ñeñtña nerratallme'cherrerra' allo'tsen pa'tatsoch mil acheñenesha'. Ñaña ñeñt allpon chorrarerrets cañro ñeñt sap'cherrerr allempo.

11 Errotenotuañaca'yeña ama señotenoña ñeñt atet notas ñorra' attoch ama semeñe'tatsche fariseonesha' ama't ñaña saduceonesha' po'chaser ñeñt'pa' ama rreñtsoye' notiseo.

12 Allempoña ñetpa' o' chapanet pueyo'chreto, atet otanna'tet:

—Amuepa'tca'ye añeye' oteneý pan po'chaser; añepa'tca'yeña oteneý amach yemeñe'tatsche fariseonesha' ama't ñaña saduceonesha' poctapña ñeñt atet yethatannenet ñeñt ama cohuenayaye, te't mamesha epa'hua erracmañen e'ñe atet pena chase' mameshapa' o'ch a'chasa'huan ora all yeneñ.

Atto Pedropa' otan Jesús, p'apa' p'aña Yompor Puechemerep' ñeñtep' Cristo-
tosets

(Mr. 8.27-30; Lc. 9.18-21)

13 Allempoña chap Jesús all Cesarea ñeñtara Filipino, allñapa' otosan pueyochresha':

—¿Errofena't otyenenña allohuen acheñenesha', na Ñeñten Acheñetosets eseshante'?

14 Ñetñapa' atet otyeset:

—Patantarr acheñenesha'pa' atetca'ye otyenpet p'apa' Juanañpo'te' ñeñtepo' apatañtate't Yomporcop. Po'potantañña'pa' atet otyenpet p'apa' Eliasopo'te'; po'potantañña'pa' atet otyenpet p'apa' Jeremiasopo'te' amapa' añeñpo'te' po'psheññ ñeñt a'mtaye't Yompor po'ñoñ ahuat.

15 Allempoñapa' alla a'pto'terraneterr:

—Sañapa' ¿errofena'tña sotenenña sa?

16 Simón Pedroñapa' eñoratsapa' atet och:

—Papa' ñeñteḗca'ye atarr yecuen ama't ahuatoteñ; ñeñteḗca'ye Parets Puechemereḗ ñeñteḗ Cristotsets. Ñeñña Parets ama arromñateḗshayaye.

17 Jesúsñapa' atet och:

—Nanac cosheñso'tseneḗ, Simóna ñeñteḗ Jonás puechemereḗ tarro'mar atto peñotenenpa' ñeñtpa' ama arromñateḗshaye' peñotatenaye; naña Nompore peñotatene' ñeñt pue'ntaño'tsen.

18 Napa'cho'ña te'pa' o'ch notap̄ paña, papa' añcha' nesocherreḗ Pedro. (Ñehua, añ so'chñets Pedropa' añ toma'ntena ñeñt atarr es echarr atet ñerra'm mapue'.) Ñaña pa e'ñe peyemteñoḗfen na, na po'ñoḗcha' naña Cristotsets, ñeñtpa' allochca'yeña norrtaterña allohuen ñeñtcha' name'ñerraya ñeñtcha' apcha'yerrtsa e'ñe na pame'ñeñoḗfet. Atarrcha' huomenc echarr nepa'yerranet allohuenet ñeñtetcha' apcha'yerrtsa pame'ñeñoḗetan na attochña ñocpuetpa' amach eñalle ñeñtcha' huapore'terrahuet, ama't ahuata. Ama't rromueñets po'huamencpa' amach errotenot metanerranetoña ñet po'huamenc.

19 Ñaña na te'pa' o'ch napuerreḗ llesens attoch pa'poterrñañ Yompor po'cohuenña ñeñt atto ayochreshatena ña pue'ntañoḗ; ñeñtpa' añ toma'ntena atet ñerra'mrate' llave alloch petoramper allohuen ñeñt muenene' o'ch pueyochresha' perranet. Ñaña ñerra'm erra'tsencha' e'ñe pocte' pent ñeñtcha' pena'yes arr patsropa' Yomporpa'cho'ña ñeñt ento'tsen e'ñech attecma pocte' enterranet. Ñaña ñeñtcha' ama pocteye' penteno ñeñtcha' pena'yes arr patsro, Yomporpa'cho'ña ñeñt ento'tsen e'ñech attecma amach pocteye' enterranet.

20 Allempoñapa' otan pueyochresha':

—Amach esesha' sotaḗsa'tatsto ama't puesheñarra napa' na ñeñten Cristotsets.

Atto Jesúsapa' eñotatan pueyochresha' ñapa' amtsaretterrach

(Mr. 8.31-9.1; Lc. 9.22-27)

21 Jesúsña e'ñe allempoteñpa' motetnom̄ eñotatyesnomue' pueyochresha' ñeñt atet anaret ñocop, ñapa' mueroḗtateretcha'; o'ch ahuo' Jerusaléno allña' allcha' mueroḗtateret. Añcha' errotuanan perre' ñeñt pompornesha' pen allohuen judionesha' ñaña ñeñt pa'micha'tareternesha' pen allohuen po'cornaneshar ñaña ñeñt atarr etsotayenayeñ ñoñets ñeñt atet anaret judioneshacop. Allña' allcha' muetsatateret tarraña puema'pamtañoña Pomporpa' o'ch alla tantater.

22 Pedroñapa' allenta anem̄ a'yenetpa' allña' atet otos:

—Arepa'chña Partseshacha' atteye' perrpeto ama't errponaña. Yomporrepa'chña e'ñe pecuam̄pene'.

23 Ñaña' puetallsa a'yenet mame'pa' atet otan Pedro:

—Orrap̄ a'yo neshot oneñeḗ, papa' e'ñe orrena pepatare'tenen; papa' amaca'ye Yomporre' atet poctape'chatenaye, ñeñtpa' aheñarramche' poctaḗña.

24 Allempoña Jesúsapa' atet otan pueyochresha':

—Ñerra'm esesha' muenene' o'ch coterrnet na e'ñe po'ñoḗch attoch neyochresha' neperranet, añ poctetsa sehuanmuete'pa'ña ñeñt atet muenenet e'ñe ñocpueta. Attochña ñetpa' o'ch e'ñe toma'nteret ñeñt chechnene' po'corsoch allcha' mueroḗtchet ñamet. Attochña coterrnet e'ñe po'ñoḗch.

25 Tarro'mar ñerra'm esesha' e'ñe aña muenenet o'ch correna atomat attoch e'ñe coshenet arr patsro, ñetñapa' çhach a'chencatenet e'ñe ñañeñeta. Tarraña ñerra'm esesha' e'ñe pocte' entene' o'ch es sohuanerret e'ñe pocre-ñeñohuenet nocop, ñeñña acheñerpa' ñañapa' corretsach pocsheñeshocmañen e'ñe tayoteñ errponañohuen.

26 Ama't errponenañaren esocmañen es yeyorats'e'tyes ora allpon ñeñt yentyen aña patsro, tarraña ñerra'm ñeñtach e'ñe ya'chencaterre' yecamquẽñohuen, ñeñña' ama't coñe'tapa' amach es sherberrye. Tarro'mar ama eñalle po'poñ ñeñt atarr sherbets, aña atarr nanac sherbets ñeñtcha' a'queshpaterre' yecamquẽñ. Tarro'mar yocoppa' ama es eñalle ñeñtcha' yepomuerr alloch alla yerañterra yecamquẽñ.

27 Po'ñoçh napa' Ñeñten Acheñetosets o'ch nohuerra epan ñaña nemllañoefñaneshar. E'ñech Nompur po'cohuenño of nohuerra. Allempochña netsa'terranet e'ñe puesheña'ttsoçmuert errotente' pa'yese'te't.

28 Po'ñoçhca' te'pa' o'ch notas, patanta'ttsos ñeñtes arro'tsa'yenes ama't ama serromhuena'pa' o' senterrñañ Yompor po'cohuenña atto napa' Ñeñten Acheñetosetspa' atarrcha' na'yochreshatterra.

17

Allempo Jesús'pa' po'poñetañpsana pueyochresha'

(Mr. 9.2-13; Lc. 9.28-36)

1 Allempo pechapmaterrerr, Jesús'ña'p' ahuanerranerr pueyochresha'; añ anem Pedro ñaña Jacobo ñaña Juan ñeñt Jacobo pa'mo'nasheñ. Ñetpa' arr anmanet atarr aspentto e'ñe ñapfochayet.

2 Allña Jesús'pa' machayotepa'tcha' po'poñetañpsosanet. Pa'clloyotpa' cha poptosa e'ñe atet ñerra'mrrate' atsrret poptetsa. E'ñe pa'shtamohuen atarr huallama'to poptosa cha a'puetaresue a'yohuen.

3 Allña'pa' machayotepa'tcha' orrtanet Moisés ñaña Elías. Ñetña'pa' alla serrpare'toset epuet Jesús.

4 Pedroña eñoratsapa' atet otan Jesús:

—Atarruaca'ye Partshesha', cohueno'tseneyte' arr. Ama't pocte' penteñe napa' o'ch natomatonas ma'ppahua quẽrpachet—puepahuarrpa' pocopcha', po'ppahueña' Moisésocopcha', po'ppahueña' Elíasocopcha'.

5 Allempo eñorena Pedropa' cha orrtosahuert os ñeñt atarr cohuen poptetsa chepa'tcha' a'pomamposanet. Cha e'morrtostsa ñoñets osot; ñeñña ñoñetspa' Yompor otosahuert; ñeñpa' atet ot:

—Añmapa' ñeñt no Nechemer ñeñt atarr nemuerena ñeñña atarr nocshatene', ñeñtcha'ña e'ñe cohuen se'mñoterr.

6 Allempo atet e'muet ñoñets pueyochresha'ña'pa' alla rrema'rrtet patso atarr nanac yorenent.

7 Jesús'ña'p' allenta ponerranetpa' a'plla'huerranet, atet otanet:

—Setanterra, amach cha seyorenatsto.

8 Allempoña o' cohuertepa' arepa'tcha' eseshaye' enterreto, ñapña enterret Jesús.

9 Allempo onachherret aspentot Jesús'ña'p' atet otanet:

—Te'pa' amach esesha' toatpa'tatsto ama't e'ñe puesheñarra ñeñt atet o' sentua. Tarremphuach allempoch netanterra rromot na Ñeñten Acheñetosets, allempochña seserrpare'taterña allohuen acheñenesha'.

10 Pueyochresha'ña'pa' atet otanet:

—¿Eso'mare'tña otenña ñeñt atarr etsotene' ñoñets ñeñt atet anaret, Elíaso'ch ñanom huerrtsa?

¹¹ Ñaña'pa' atet otnerraneterr:

—Elías po'ño'chpa' ñachca'yeña huerrtsa, ñapa' e'ñechca'ye a'cohuentatuer ora allohuen.

¹² Tarraña napa' o'ch notas: Elíaspa' o'ca'ye huaphuerrañ arr tarraña amaca'ye eseshaye' cheme'tapuerayye ñeñtapa' chaña erro'uanen papueret ñeñt atet muena'yenet ñet. E'ñech attecma perrnet namña Ñeñen Acheñetosets.

¹³ Allempoñapa' o' chapanet pueyo'chreto ñeñt otenanetpa' añepa'tca'ye Juanañ ñeñt apataye't acheñenesha' Yomporecop ñeñtapa'tca'yeña Elíasoterrets.

Atto Jesús'pa' a'crraterran cheshachor ñeñt otetsa

(Mr. 9.14-29; Lc. 9.37-43)

¹⁴ Cherreterr all shontena acheñenesha' puesheñarrña yacmapa' ponma-puerrana Jesús concorposñaña.

¹⁵ Atet otos:

—Pemueraye'chosnana, Ayochreshate, nacñe'ter cha otena, nanac muerochtena. Epaye' coya'n'mame'tateñ tso, erro'tenopa' o'ch coya'n'mame'tach ñaña oño.

¹⁶ Nanomhue peyochresheshopa' ñetñapa' ama erro'teye' peto attoch a'crrateret.

¹⁷ Jesúsñapa' atet ot:

—Sa ñeñtes acheñres ama't mamesha'pa' ama ayemtenaye' sentpenno; çhach po'poñ sentuena seyo'chro nocop. O' allponmatuanen allo'tsenen arr patsro napa' atta atarr na'huantennas, atta necuenes ñato' attotpa' o'ch same'ñerra.

Allempoñapa' atet otanet:

—Ama'tpa' sanmonca'ye chesha' arr.

¹⁸ Jesúsñapa' atet otapan oneñeñ ñeñt otatene':

—Te'pa' po'ño'ch o'ch nota'p, peque'chpuer cheshachor.

Oneñeñtapa' allentepa'tcha' que'chpa'ner. Cheshachorñapa' allorocma cor-rrera.

¹⁹ Allempoñapa' ponenña pueyo'chresha', e'ñe ñap'fo'chayetpa' atet otoset:

—Yañapa' ¿eso'mare'tña ama eshcaye' yeque'chpaterña oneñeñ atto otatanen cheshachor?

²⁰ Ñaña'pa' atet otanet:

—Tarro'marca'ye amaca' e'ñeye' seyemtenno ñeñt atet notenes. Napa' o'ch notas, ñerra'm po'ño'ch e'ñe na seyemtenañ napa' e'ñeca'ye na'poc'atatenña neñoñ ñeñt atet notenes. Ama'tcha' allponatollota seyemtenna ñerra'mrrate' mostazlometoll sañapa' ama't erra'tsena senamuennoñ ama't ñeñt atarr echarr sentenpa' nañapa' atet'cha' nepennaseñ. O'ch netma'ntatasa atet ñerra'm o'ch sot: “Añ aspenetpa' rrote'tepa' a'yenet”, aspenetñapa' atet'cha'cho'ña pennasañ ñeñt e'ñe atet soteñ. Ama't mameshapa' amach eñalleña ñeñt torrapo' senten ñerra'm e'ñe po'ño'ch na seyemtena.

²¹ Ñehua, ñeñt atet oneñe'tpa' amach erro'tenot yeque'chpatacheña acheñ e'ñe atta. Chochña yema'yochena ñaña yema'yochreño't ama't yerrarpa' o'ch yeque'chpue' mame'. Attotcha'ña yeque'chpaterña oneñeñ ñeñt atet.

Jesús'pa' e'notaterraneterr puepocheño ñapa' çhocmach muetseret

(Mr. 9.30-32; Lc. 9.43-45)

²² Allempo chopeñe'chyenet parro all Galileo'mar, Jesúsña allpa' eñotatan pueyochresha', ñeñtpa' atet otnomanet:

—Na Ñeñten Acheñetosetspa' pomuerrnetcha' attochña errotuanencha' perrnet.

²³ Atteñapa' o'ch muetsaterrnet tarraña poma'pamtañoñapa' o'ch alla netanterra. Ñetñapa' ñeñña atarr nanac lleca'rrtatyeshahuet.

Atto Jesúsapa' tsa'ta impuesto añecop Parets pa'paclecop

²⁴ Allempoña Jesús epuet pueyochresha'chnopa' o' alla chacherretterr Capernaumo. Allñapa' huapanet ñeñt tsa'tatenaya acheñenesha' quelle ñeñt impuesto; ñeñtpa' Parets pa'paclecop. Ñetpa' atet otoset Pedro:

—Semaestrora' ¿ama't pomuenana'ña quelle impuesto añecop Parets pa'paclecop?

²⁵ Pedroñapa' atet otanet:

—Chocmach tsa'ta.

Allempo chap pocollopa' Pedroñapa' ama otenana'ña Jesús, ñañapa' ñanmacma otapan Pedro:

—¿Errotena't, Simóna, penteñña pa? Ñeñt amcha'taretechno ñeñt añe patsro'tsa'yen, ¿eseshatña cobrenetña quelle ñeñt impuestocop, ñato' añate' cobrenet ñeñt e'ñe ñet pamo'tsna'tarecmuet amapa' añte' cobrenet ñeñt ello'marnesha'?

²⁶ Pedroña atet otan Jesús:

—Añca'ye cobrenet ñeñt ello'marnesha'.

Jesúsñapa' atet och:

—Ñeñtepa'ña ñeñt e'ñe pamo'tsna'tarecmuetpa' ama'trra ñeñteye' cobreneto.

²⁷ Ama't pocten amach netsa'tatsto tarro'mar napa' ñeñten Puechemeren ñeñt pa'paquell pene' ñeñtecop tsa'tenet, tarraña attoch ama ya'tsrre'matanetopa' e'ñeca'ye pocte' o'ch netsa'ta. O'ch ahuep oño o'ch pego'tena' all. Erra'tsencha' ñanom pechta' pegorot ñeñtñapa' o'ch pechete. Puenamopa' allcha'ca'ye pent puetallarr quelle. Ñeñtña quellepa' o'ch paner ñeñtñapa' alloch petsa'tanet nocop ama't ñañña pocop.

18

All eñotateney ñeñt acheñer e'ñe po'ñoçh atarr asherben enteñ Yompor (Mr. 9.33-37; Lc. 9.46-48)

¹ Allempoña Jesúsapa' a'p'to'teña' pueyochresha', ñeñtpa' atet ochet:

—Ñeñtey allponey ñeñtcha' e'ñe pueyochresha' perr Yompor ñeñt pue'ntaño'tsen, yapa' añ yemnen te'pa' o'ch potey, ¿erra'tsenoteyte'ñaca'yeña ñeñtey atarr sherbets ñeñtey atarr amcha'taretoyen entyenyet?

² Jesúsñapa' cheshatolla chore'tpa'tomach e'ñe allo'tsa'yenet.

³ Allempoñapa' atet otanet:

—Po'ñoçh napa' o'ch notas: Ñerra'm ama cho sequechpa'huerro sommo'cheña attoch o'ch atet sepena cohuen ñerra'mrrate' añ cheshatoll ñeñt ama eñotenana' o'ch ommo'chena, sañapa' amate' errotentot es so'paterroña atto atarr ayochreshattena Yompor pue'ntañoçh.

⁴ Ñeñt allpon ñeñtcha' e'ñe pueyochresha' perr Yompor ñeñtña acheñer atto o'huañ cohuen enta'ñañeña ñeñtpa' o' e'ñe atet perra ñerra'm cheshatoll

ñeñt ama eñotenana' pommo'cheña. Ñeñtñapa' atarr nanac asherben enteñ Yompor.

⁵ Erra'tsenotes sa ñerra'm e'ñe same'ñeñofoen na e'ñe cohuen saguëñ ama't ñeñt ama asherbenaye' entyeneto atet ñerra'm añ cheshatoll, na'naña e'ñe cohuen saguëñ.

Atto chocmach huaponaya ñeñtcha' yetpatyene' o'ch atet patyesey ñeñt ama pocteye' enteno Yompor

(Mr. 9.42-48; Lc. 17.1-2)

⁶ Ama't erra'tsena ñeñt ama pommo'cheñofoeye' ame'ñenno atet ñerra'm cheshatoll ñeñt ama eñotenana' o'ch ommo'chena, tarraña ñerra'm esha'ña po'psheñeñ o'ch atet patach ñeñt ama pocteye' enteno Yompor, ñeñtña acheñerpa' atarrcha' yoro'cheno'tsen tarro'mar ñapa' aña o'patenaya coñcheñets ñeñt atarr huomenc. Ama't ñocoppa' ama tama yoro'chenayayñe ñerra'm ama atet patenana' po'psheñeñ, e'ñech allorocma o'ch charachetañ mapue' añecmuen pa' chnopo allpon ñerra'm puetse'tamets o'ch huapore'chet o'ño epo allcha' ño shach mapue'.

⁷ Atarr llequëñets acheñeneshacop arr patsro ñerra'm esempo esha'pa' o'ch atet patyenamet ñeñt ama pocteye' enteno Yompor. Tarro'mar chocmach huaponaya ñeñtcha' yetpatyene' o'ch atet patyey ñeñt ama pocteye' enteno Yompor. Tarraña napa' o'ch notas, atarrcha' yoro'cheno'tsen ama't erra'tsena acheñer ñeñt orratene' ñeñtcha' topatyene' po'psheñeñ ñeñt name'ñenaya o'ch atet patyenamet ñamet ñeñt ama't mameshapa' ama pocteye' enteno Yompor.

⁸⁻⁹ Ñaña o'ch noterrser: Ñerra'm sechets patyenes ñeñt ama pocteye' enteno Yompor atet ñerra'm sot, setac, seclle', añ poctetsa o'ch sequëchpuerr ñeñt chocma atet patse'tatyenes sechets. Ñeñtpa' e'ñe atet ñerra'mrrate' e'ñe allorocma o' sepecherr sot, setac, o' serroterr seclle', o'ch sehua-pore'ter. Añ cohuen socop ama't e'ñe sepo'yota'teño'f corretsasach tayoteñ errponohuañen. Añña ama cohuenayaye socop esempohuañenpa' e'ñech ora epo'mar sotpa' o'ch huapore'terrset coñcha'puetso all parraren tso' ñeñt ama ahuañaño ama't errponaña. Ñaña añ cohuen socop ama't e'ñe setcotpa' sepshenñtatquëño'f corretsasach tayoteñ errponohuañen. Añña ama cohuenayaye socop esempohuañenpa' e'ñech ora epo'mar setacpa' o'ch huapore'terrset coñcha'puetso all parraren tso' ñeñt ama ahuañaño ama't errponaña. Ñaña añ cohuen socop ama't seclloyot sepshenñtaclo'yeño'f corretsasach tayoteñ errponohuañen. Añña ama cohuenayaye socop esempohuañenpa' e'ñech ora epo'mar seclle'pa' o'ch huapore'terrset coñcha'puetso all parraren tso'.

Acheñ ñeñt ama ame'ñetsopa' arrpa' all atma'ntatarettet atet ñerra'm carnero ñeñt chenquëtsa

(Lc. 15.3-7)

¹⁰ Jesúsapa' alla oterranerr pueyochresha':

—E'ñech señaota, añepa'chña atarr asherben senten ñeñt ama ommo'chetso ñeñt atet petsa ñerra'm cheshatoll ñeñtñapa' e'ñech pueñmañesha' yemtenna. Tarro'mañña te'pa' o'ch notas, ñeñt ama pommo'cheñofoeye' name'ñenayo ñocpuetpa' eñalletca'yeña po'mllañofoëner ñeñtcha' cohuanmpenahuet. Ñeñtña po'mllañofoëñretpa' chocma Yomprosho'tsenet allña e'ñe cohuen e'mñotenanetña Yompor pue'ntaño.

11 Po'ño'ch na Ñeñfen Acheñetosets añecopña nohuapa attoch na'qushp̄atyesos acheñenesha' ñeñf̄ chenquëtsa.

12 'Ñehua, ¿ama't atet senteñeña? Ama't erra'tsen acheñer ñeñf̄ eche' shonte' po'carrneror, çharroch çharra' echen tarraña ñerra'm puemocarrña machayota a'chencachpa' pamo'mte'ñapa' o'ch sa'nman allohuen po'potantañ ñeñf̄ o' noventa nuebaña all aspeno o'ch ahuo' e'nerraya' puemocarr ñeñf̄ chenquëtsa. Allcha' e' name'tyera'pa' atototach enter.

13 Ñerra'm ña o'ch enterpa' ñeñf̄cha'ña atarr coshaterre'. Elloch metanan atto coshenana po'potantañ noventa nueve po'carrneror ñeñf̄ ama paya'tetso.

14 Atetca'ye penaña ñaña Sompor ñeñf̄ pue'ntañ'tsen; ñapa'çho'ña amaca' mueno o'ch chenca ama't puesheñarrofolla acheñ.

*Attoch e'ñe cohuen yamo'tstera yamo'nasheñ
(Lc. 17.3)*

15 Jesúsñapa' alla oterraneterr; ñeñf̄pa' atet otanet:

—Ñerra'm erroten ponas semo'nasheñpa' o'ch ahues ñesho e'ñech sapuet o'ch soctape'chatera' e'ñe cohuen. Ñerra'm çho e'mñoterrespa' allempoñapa' o'ch amo'tsof senterra.

16 Ñerra'm soctape'chatueña' amach e'mñotasopa' se'ñ puesheñarr amapa' epsheña ñeñf̄cha' sa'pocatatpreterre'. Atetcha' sepa' allochñapa' ñeñf̄cha' eñosets epsheña amapa' ma'psheño'marescha' eñosets allemppa' e'ñech po'ño'ch same'ña ñeñf̄ ñoñets tarro'mar e'ñech attecma otenet.

17 Ñerra'mña atetña o' seppohuerña' amach e'mñoterrisopa' allempoñapa' o'ch soch allohuenet ñeñf̄ çhocma apçhetsa pame'ñeño't Yompor. Cotape'chateretepa' ñamet. Ñerra'm o'ch cotape'chatuet allohuenetña', ama't ñetña amach e'mñoterranetopa' sañapa' e'ñech atta senter ñerra'm po'poñ acheñer ñeñf̄ ama semo'nasheñyaye. E'ñech atet senteñ ñeñf̄ acheñer ñeñf̄ ama ame'ñetso, atet ñerra'mrrate' ñeñf̄ pueshquëño'fe'na cobra'yene' acheñenesha' quelle ñeñf̄ gobiernocop.

18 'Ñehua, te' po'ño'chpa' o'ch alla noterriserr: Ñerra'm errotentcha' e'ñe pocte' sent ñeñf̄cha' sena'yas arr patsro, Yomporpa'çho'ña ñeñf̄ ento'tsen e'ñech attecma e'ñech pocte' enterranet. Ñaña ñeñf̄cha' ama pocteye' senteno ñeñf̄cha' sena'yas arr patsro, Yomporpa'çho'ña ñeñf̄ ento'tsen e'ñech attecma amach pocteye' enterraneto.

19 'Ñaña o'ch alla noterriserr: Po'ño'ch ñerra'm epsheñas arr patsro o'ch e'ñe sa'pocattue epsheño'mares ñeñf̄cha' senamuennan Nompor ñeñf̄ pue'ntañ'tsen ñapa' ama't erra'tsena senamueñ çhocmach e'ñe atet pennas.

20 Tarro'mar ñerra'm erro'tsen ama't e'ñe epsheña amapa' ma'psheña ñeñf̄ apçhetsa e'ñe pame'ñeño'tetan na, naña allpa' allo'tsenencha' e'ñe ñesheto.

21 Allempoña Pedropa' a'p̄to'tenana' Jesús, ñeñf̄pa' atet otos:

—Partseshacha', ñerra'm çhocma epaye' errot penen namo'ts, ta'm çerponoche'tcha'ña ne'pretne' ñato' e'ñech cançhrocha ne'pretne'?

22 Jesúsñapa' atet och:

—Napa' ama notenpe e'ñech cançhrocha pe'pretne', añña notenep̄ atonochcha' pe'pretne', —ama't cançhrochcha' çharra', ñaña po'poñ cançherr, allponochcha' se'pretne'ña samo'ts.

Atto Jesúsapa' eñotatanet ñerra'm amach e'ñe cohuen ye'pretannenna' Yomporpa'çho'ña amach peretnerrye yamã

23 Jesús'pa' atet oterraneterr:

—Ñeñto'marña Yompor po'cohuenña ñeñt' atto ayochreshattena ña pue'ntañot' ñeñt'pa' atet ñerra'mrrate' puesheñarr añcha'taret. Ñeñt'ña'pa' añcha' muenen o'ch a'pocatyesan atto teba'yeñ allohuen pa'taruasañre'chno.

24 Allempoña all e'ñe a'pocatyesanetpa' allña'pa' huapatoñet puesheñarr pa'cheñer ñeñt' tebene' patoner quelle ñeñt' allpon tebenpa' ñeñt' oteñet shonte' millones.

25 Ñaña'pa' ama echenano allpon quelle alloch tsa'terra ñeñt' allpon teben. Po'patronarña'pa' atet otanet: "Te'pa' o'ch sepomuer epuet puetapor epuet ñaña' puechemerasha' ñaña' o'ch sepomhuerrñañ errponte' ehyen allohñapa' ama't allapa' o'ch tsa'terrna atto tebenen."

26 Allempoña'pa' allenta concorpana'cha pa'taruasañer ñeñt' tebene', ñeñt'pa' atet otare'ch: "Amach nompocha' pema'yore'tatsetno, netsa'tuerrpach aco'pa."

27 Po'patronarña'pa' alla morrentera allenta a'rroyer allempocma e'shohuerrñañ all quellquëññañet ñeñt' allpon teben.

28 Ñeñt'ña' pa'taruasañerpa' o' cha'nerr entuerran po'psheñeñ ñeñt' parro ataruasatarettenet ñeñt' tebene' ñaña', ñeñt'pa' e'ñe coñe'ta quelle. Ñaña'pa' cha rrema'huerre'pa' allenta mueño'che' atet otuer: "Petsa'terrnañaca'ye ñeñt' allpon petebenen."

29 A'rroyerpa' ñaña'pa' allenta concorpana'tana ñaña' ñeñt' o' mueño'cho'tue. Allña'pa' atet och: "Amach pema'yore'tatsetno, netsa'terrpach aco'pa allpon ñeñt' netebene'p."

30 Ñaña'pa' ama't mameshapa' ama pocteye' eñche, ñeñt'pa' anem' allcha' yottam'psach. Allña'pa' allach esempohuach e'ñe tsa'tuerra ñeñt' allpon teben.

31 Añña' po'potantañe'chnoña ñeñt' parro ataruasatarettenetpa' ñetña'pa' ama't mameshapa' ama pocteye' eñcheto ñeñt' atet pa' ñeñt' e'ñe atta e'shohuaretterrtsa ñeñt' allpon tebane't po'patronar. Allempoña ñetpa' alenta ahuanmuet po'patronaresho. Allña'pa' a'metanperet.

32 Allempoña'pa' o' alla agotater po'patronar. O' cherr po'patronareshopa' atet otapuer: "Pa na'taruasañre, ama't mamesha ama cohueneshayaype. Pañapa' atta potare'ten napa' ahuo'ch nepretnerrep' ñaña'pa' e'ñe atta ne'shohuerrna'p ñeñt' allpon petebenen.

33 Ama't e'ñe pocten' papa'cho'ña o'ch pemueryañ ñeñt' parro petaruasen. Atet nepena na e'ñe cohuen nemuererrpa."

34 Allempoña po'patronarpa' e'ñe patsrre'mueñesha' pomuer, o' apuer ñeñt'cha' coñchate' esempohuañen allcha'ña e'ñe tsa'tuerrana ñeñt' allpon teben.

35 Sapa'cho'ña e'ñe puesheña'ttsosña ñerra'm amach se'p'retnere samo'tspa' e'ñech attecma perres samña Nomp'or ñeñt' pue'ntañot'sen. Chocmuepa'ch e'ñe cohuen se'p'retnannenaña sa e'ñe seyo'chrocmañen.

19

Atto Jesús'pa' ye'chatosanet ama asanna'tpahuoyaye

(Mr. 10.1-12; Lc. 16.18)

1 Serrpare'tuaner Jesús'pa' err Galileot. Arr cherr Judeo, ñeñt'ña' Judeapa' e'ñe alla Jordanaso yom'ta'n.

2 Co'ta'huanererr shonte' acheñenesha' allña'pa' a'crratyessuerraneterr allohuet patsañeferet.

³ Allñapa' o' alla huačherrñañerr ñaña fariseonesha'. Ñetpa' añ muenenet e'ñe puehquëñofetpa' o'ch eñorachet ñeñt' ama cohuenayaye. Attoña ñetpa' atet otoset:

—Ta'm ¿pocte'te' o'ch yeser yetapor ñerra'm esempo errotenot'?

⁴ Jesús'pa' atet otapanet:

—Ama't selleyareña atet oten Yompor po'ñoñ ñeñt' aquellcaret ahuatoteñ. Ñehua, allpa' atet oten, Yomporpa' e'ñe ahuatoten allempoteñ es yechcatyes allempo yechcatan ñaña asheñorr, yechcatan ñaña peno.

⁵ Allempo Yomporpa' atet ot: “Ñeñto'marña yacmapa' ñerra'm esempoch sena'ta, coyanesha'pa' o'ch echan puerrollar, añ pocte' o'huañcha' tama yemteñet pamo'mte' allochñapa' yacmapa' attochña e'ñe parrocmat epuet puetpor. Attoña epsheño'maretpa' e'ñech patra po'chets penet.”

⁶ Attotcha'ña o'huañcha' pueheña'tetstet, allochñapa' o'ch e'ñe pueheñarratet. Ñeñt' atto Parets e'ñe patrattatan yacma epuet puetapor amach cha ellopa' alla sannerreto.

⁷ Ñetñapa' atet otereterr:

—Ñerra'm po'ñoñ atetpa' ¿eso'mare'tña nanña Moisés ñoñets all oteney o'ch ya' yetapor papell aquellcaret attoch yesannerra, allempoñapa' e'ñech pocte' o'ch yeser'?

⁸ Ñaña'pa' atet oterraneterr:

—Sapa' ama es sechenoyo seyo'chro ñeñto'marca'yeña Moisés'pa' muenatas o'ch sese' setapor. Ama't atet muenataseña'p' tarraña Yompor e'ñe ahuatoteña'p' amaca'yeña atteye' oteno.

⁹ Na te'pa' o'ch notas: Ñerra'm esesha' serre' puetapor, puetaporñapa' ñerra'm ama cho aguënano po'psheñeñ yacma, ñeñt' e'ñe atta serre' puetapor, ñaña'pa' 'chach ochña'tamperrana puetaporeshe'mañ ñerra'm o'ch alla yorerranerr po'poñ coyanesha'. Ñeñt'pa' ama pocteye' enteñe Yompor. Ñaña ñeñt'cha' yorerre' coyanesha' asaret, ñeñt'ña yacmarpa' 'chach chetapreten taporets. Ñeñt'pa'cho'ña ama pocteye' enteñe Yompor.

¹⁰ Pueyochresha'ñapa' atet ochet:

—Ñerra'm amate' asapahuo yetapor ama't ahuatapa' amate' tama pocteyayeña yocop o'ch yeyore coyanesha' ñeñt'cha' yetapor yepa'.

¹¹ Ñaña'pa' atet otanet:

—Tarraña atetpa'cho'ña e'ñeca'ye pocteñ tarraña ama allohuenacmaye' chennasoña seyo'chro atet tarro'mar ama allohuenacmaye' seychenoña atet. Ñeñt'pa' aña eñotene' ñeñt' atet cotape'chaten Yompor.

¹² Ñehua, atet ñerra'm pueheña'tets yacma ñeñt' atta eñalletenet e'ñech atta yechquënet po'chets amach mueneñeto coyanesha'. Ellonetpa' eñall ñaña po'potantañ yacmanesha', ñetñapa' 'choch acaparettenet ñeñto'marña amach mueneñeto coyanesha'. Ellonetpa'cho'ña eñall ñaña po'potantañ yacmanesha', ñetñapa' añe'pach ama mueneñeto coyanesha' esheccha' e'ñech aña ma'yochrenet Yomporcop attoch atarr ayochreshattena ña pue'ntañof. Ñeñt' atet cotape'chenet Yomporcop ñeñt'pa' e'ñe pocte'. Attepa'chña pet ñerra'm Yompor cotape'chatenahuet atet.

*Atto Jesús'pa' bensare'tamp'sapan cheshanesha' ñeñt' huapatoñet
(Mr. 10.13-16; Lc. 18.15-17)*

¹³ Allempoñapa' hua'cha'tachet ñaña shonte' cheshatollesha' Jesúsesho. Ñetpa' añe'copña hua'cha'tachet o'ch a'p'lla'yesapanet Jesús attoch

bensare'tam̄psapanet. Jesúsña pueyochresha' allempo entapan ñeñ huacha'tate' cheshaneshachno ñetñapa' ama pocteye' eñcheto o'ch anmoset cheshatollesha' Jesúsesho ñeñto marña ama amnataretapueto.

14 Tarraña Jesúsñapa' atet otanet:

—Pocte'ña'cho' semnachñaca'yeña cheshanesho' onosetepa' e'ñe nesho. Amacha'ye cha sepatare'tatstapaneto tarro'mar allohuen ñeñ atarr neyemtenaya na e'ñe atfet ñerra'mrrate' cheshatoll, ñetcha' o'patenetña Yompor po'cohuenña ñeñ atto ayochreshattena ña pue'ntañof.

15 Allempoña Jesúsapa' a'p̄lla'yesapan cheshanesho' allohuenet e'ñe puesheña'ttset. Allempoñapa' ahuer allot.

Atto puesheñarr ñeñ huepueshameñ ñeñ atarr eçllayoret ñañapa' eñorana'tosana Jesús

(Mr. 10.17-31; Lc. 18.18-30)

16 Allempoñapa' huapa puesheñarr yacma Jesúsesho, ñeñtpa' ora huepueshameñ. Ñañapa' atet otos:

—Maestro, p̄apa' atarr cohuen acheñreḗ, te'pa' o'ch potapuen ¿errofena'tcha'ña neḗaña na e'ñe cohuen attochña napa' corretsanach e'ñe tayoteñ ama't erponañohuen?

17 Jesúsñapa' atet otap̄:

—Eso'mare't potenenña napa' atarro' cohuen acheñren. Arr arromñatenesha' ama't e'ñe puesheñarrapa' ama eñalleña ñeñ e'ñe cohuen acheñer. Ñañapa' Yompor ñeñ e'ñe po'ño'ch cohuen. Ñerra'm añte' pemnen atoch p̄apa' corretsaḗach e'ñe tayoteñ ama't erponañohuen añ poctetsa p̄ocop o'ch e'ñe peḗohuoñ ñeñ atet oten Yompor.

18 Huepuesha'ñapa' alla a'p̄to'tererr:

—¿Erra'tsente'ña ñoñets ñeñtcha' atet neḗohua?

Jesúsñapa' atet otererr:

—Ñeñtpa' añca'ye, amach pemtsatsto acheñ, amach pechtapretatsto taporets, amach petyesatsto, amach petoma'tam̄psatsche p̄amo'ts e'ñe atta.

19 Ñaña e'ñe pemorrenteñoḗpa' pemtcha'na'chcha' p̄ompor ñaña p̄achor. Ñaña añcha' atarr cohuen pemorrenta p̄amo'ts e'ñe atet atarr pemorrentena e'ñe p̄añeña.

20 Huepuesha'ñapa' alla oterranerr Jesús:

—E'ñe cheshoteñ ora añechnopa' napa' e'ñeca'ye netsotueñ. Ta'm ¿era'tsenmeñte'ña ñeñ nepalltena?

21 Jesúsñapa' atet otererr:

—Ñerra'm añ pemnen o'ch e'ñe petsotua ñeñ pepalltenmeñ te'pa' añcha'ña atet peperra, o'ch ahuerreḗpa' o'ch pepomhuerr ora allpon ñeñ pechyen o'ch p̄apa'yera' huocchañnesha'chno ñeñ atarr es pallta'yetsa, attochña p̄apa' pecherrcha' ñeñ atarr nanac sherbets Yompor pue'ntañof. Allempochña pehuerrapa' o'ch pocterren attoch e'ñe neyochresha' neperreḗ e'ñe poctacma.

22 O'ña e'mhuan huepuesha' ñeñ atet och Jesúsapa' ñañapa' puellquēñesha' ahuer tarro'mar ñapa' shonte' esocmañen echyen.

23 Jesúsñapa' atet otan pueyochresha':

—Po'ño'ch napa' o'ch notas: Ñeñ atarr eçllayoretpa' atarrca'ye nanac echarr attoch agapoñet Yompor po'cohuenña ñeñ atto ayochreshattena ña pue'ntañof.

²⁴ Ñeñtpa' atetcha' netma'ntacha. Yapa' yeñoteñ berr añecmuen allpon ñerra'm huaquësh* atarrca'ye torrapo' o'ch esho'tosa añeñollponatollo atet ñerra'mrrate' acosh puetatollo. Ñeñtpa' atetca'ye penaña acheñ ñeññ eçllayoret ello atarr torrapo' o'ch agapan ñaña Yompor po'cohuenña ñeññ atto ayochreshattena ña (tarro'mar ñetpa' ama mueneñeto o'ch sehuanmuet ñeññ atarr morrentenet ñet attoch pueyochresha' perranetañ Yompor).

²⁵ Pueyochresha'ña allempo e'met Jesús atet oten, ñetñapa' cha muene' lleca'rrtetpa' atet otanna'tyenet:

—Tarraña ñerra'm atette'pa' amate' esesha' a'queshpataretterrtso ama't puesheñarra tarro'mar yapa' yeñoteñca'ye huaquëshpa' amaca' esho'tenoña acshequeto.

²⁶ Allempoña Jesús'pa' atta cohua'yesanetpa' atet oterraneterr:

—Sa arromñañeneshaspa' amach es errotenaye' apen senteno. Tarraña Yompor'pa' ama eñalle ñocop ñeññ atarr torrapo' enten.

²⁷ Allempoña Pedropa' atet och:

—Partseshacha', po'ñoçh yapa' o' e'ñe yesuanom ora allohuen attoch e'ñe yocterreþ. Yapa' ¿eso'tcha'ña apuerreyña Yompor?

²⁸ Jesús'pa' atet otanet:

—Po'ñoçh notenes, allempoch etserraterr pats allempoch nanorruerr neconaño allcha' necohuenetuerra nepartsoteñoñ na Ñeñten Acheñetosets sapa'cho'ña allcha' sanorryesuerr seconañeçhno e'ñe puesheña'ttsos çharra' puechena epa seconañ ñeññes noctene'. Sa ñeññes noctene' allcha' sanorryesos allotcha'ña sa'ñcha'taretterraña añecop ñeññ çharra' puechena epa Israel po'ñrenñenesha'.

²⁹ Jesús'pa' alla oterraneterr:

—Allohuen erra'tsencha' acheñer ñeññcha' e'ñe sehuanmue' allohuen ama't pa'paclohuen, ama't pa'mo'nasheñnesha' ñato' poçhanesha' ñato' pompor, pachor ñato' po'patseñ, attoçhña na e'ñeçh cohuen sherbernet, ama't erra'tsencha' ñeññcha' sehuanmue' allohuen, elloña ñetpa' o'ch alla aguërret shonte' esocmañen ñeññ atarr cohuen. Ama't allponapa'tets sehuanomyesnomuet, elloña çharrochcha' çharra' alla agapyerret. Elloña tsapatonetpa' o'ch aguërret ñeññ alloch ñetpa' corretsetach beñecpuen poçsheñeshocmañen.

³⁰ Te'pa' señoche'pa'ch, eñall shonte' acheñ ñeññ ama esoye' senteno sa te' tarraña ñetña allempopa' atarrcha' asherben enterranet Yompor. Ñaña eñall shonte' acheñ ñeññ atarr asherben sentyen sa te', tarraña ñetña allempopa' amach asherbenaye' enterraneto Yompor.

20

Atto Jesús'pa' toma'ntaterraneterr e'ñeçh allponeshacma atsa'taretta allohuen ataruasañeçhno pamtarr yet

¹ Yompor po'cohuenña ñeññ atto ayochreshattena ña pue'ntañoñ, ñeñtpa' añ toma'ntena ñeññ atet pena puesheñarr ane'tañ. Ñaña'pa' ahuatecma ahua'muen e'nyenaya' acheñ ñeññcha' taruasat pa'mro o'ch toteññañeta' puenareñ.

* **19:24** Ñehua, Jesús añ toma'ntatanet camello ñeññ payara penet all pa'nyo, ñeññ e'ñe allpon ñerra'mrrate' huaquësh.

2 Ñeñt allpon entospa' atet otosanet: "Ama't semno o'ch setaruasena' na'mro. Pamta'tetspa' netsa'tasach allpon quelle ñeñt paterr denario."*

Ñetñapa' e'ñe pocte' eñchet allenta mueñanet pa'mro, allcha' totoset narmetsmo.

3 O'ña enome'ta'muenpa' o' alla ahuerrerr allecma shontena acheñenesha' ñeñt e'nyene' taruas. Allñapa' entuerranerr tama allponsheña, ñetpa' ama es otteneto.

4 Nañapa' atet otosanet: "Sapa'cho'ña ñerra'm semne'pa' o'ch setaruasa' na'mro; napa' netsa'tasach allpon ñeñt poctetsa." Ñetpa'cho'ña allenta ahuanmuet pa'mro allcha' totoset ñamet narmetsmo.

5 Allempo chap poctopa' alla ahuerrerr ane'tañ, alla entuerranerr po'potantañ acheñ. Ñetpa'cho'ña attecma otuerraneterr ñeñt atet otan ñorra' po'potantañ. Ñetpa'cho'ña allenta mueñaneterr pa'mro allcha' totoset ñamet narmets. O'ña ellerrenmochpa' o' alla ahuerrerr, allñapa' entuerranerr po'potantañ acheñ. Ñetpa'cho'ña e'ñe attecma otuerraneterr ñeñt atet otan ñorra' po'potantañ. Ñetpa'cho'ña allenta mueñaneterr pa'mro.

6 Atteña o' ellerrenpa' o' alla ahuerrerr, allñapa' entuerranerr po'potantañ acheñ, ñetpa'cho'ña ama es otteneto. Ñetpa'cho'ña atet otuerraneterr: "Sapa' ¿eso'mare'tña atta sellapene't tom'cha'tyesetsña arrma? Amaña es sotteno."

7 Ñetñapa' atet ochet: "Yapa' amaca'yeña eseshaye' yetaruasatenaye ñeñto'marca'ye ama es yotteno." Nañapa' atet otanet: "Ñehua, sapa'cho'ña o'ch ahues na'mro, ama't mameshapa' setaruasa'nen. Napa' netsa'tasach allpon ñeñt poctetsa."

8 O'ña puenaso'tempa' ane'taññapa' otosan ñeñt cohuanpene' allohuen pa'taruasañer: "Te'pa' o'ch pechore'ter ataruasañnesha', o'ch petsa'tyesapuerranet e'ñe puesheña'ttsoemuet. Añcha' ñanom petsa'tapuerra ñeñt taruasosets chenta' alloteñach pamotech tsa'tyesapuerrahuet attotach petsa'tuanet ora allohuenet ama't ñeñt aromtañohuen."

9 Ñeñtña taruasosets ellerronet ñetñapa' o' huaçherret. E'ñe allpone-shacma atsa'taretetiesapuerrret ñeñt paterr denario.

10 Atteña allempo o' huaçherra ñaña ñeñt taruasosets ahuatecma, ñetñapa' cha otenapuetañ ñato' atoncha' atsa'tarettapuerrret. Tarraña ñetpa'cho'ña e'ñe puesheña'ttsoemuetpa' e'ñe allponeshacma atsa'tarettapuerrret ñeñt paterr denario.

11 Allempo agapetpa' ñetñapa' cha po'poñ entet, cha e'moñe'tueret ane'tañ.

12 Ñeñto'marña atet ochet: "Añenesha' ñeñt huapatsa chenta'pa' ñetñapa' mamesha taruasoset. E'ñe allponeshacma petsa'tapuerranet ñeñt e'ñe allpon petsa'tapuerrya yaña. Ama't yapa' o' yellapen ya'ñetse' yetaruas, nanac etay atsrret all yetaruasen. Eso'mare'tña e'ñe allponeshacma petsa'tapuerrya ñeñt allpon petsa'tapuera ñaña ñeñt taruasosets mame'."

13 Allempo atet otuer ataruasañ, ane'taññapa' atet och: "Ama, masheñcha', çhoye' neshquēpe, e'ñe allpona netsa'tenpa' ñeñt allpon ya'poctata'muen aromtaña.

14 Te'pa' panerr peçllayor, orrerreç. Napa' e'ñe pocte' nenteñ na allponcha' netsa'cha ñeñt huapatsa chenta' allpon netsa'tasa saña.

15 Sapa' ama't pocteye' senteñe allpon ñeñt e'ñe nocma napa' e'ñech atet nepe' ñeñt atet nemnen na. Ñato' tarro'marte' cha muene' se'moñe'tenenña'

* 20:2 Denariopa' quelle ñeñt allpon tsa'tenet pamtarr ñeñt taruasets all pa'nyo.

napa' atarrca'ye amuerañan."

¹⁶ Ñeñto'mar te'pa' o'ch noterrser: Ñeñt ama esoye' senteno sa te' tarraña ñetña allempopa' atarrcha' asherben enterranet Yompor. Ñeñtña atarr asherben sentyen te', ñetña allempopa' amach tama asherbenaye' enteraneto Yompor. Ñeñto'mar te'pa' o'ch alla noterrser: Ama't shonteñña ña'ña ñeñt ahua'ñare' ñeñtcha' neyochresha' nepperreñ, tarraña ñetpa' e'ñe puesheña'ttseta ñeñtcha' e'ñe pocte' nenterr na ñeñtcha'ña e'ñe neyochresha' nepper poctacma.

Allempo Jesús'pa' alla eñotaterraneterr ñapa' chomach amtsaretterra
(Mr. 10.32-34; Lc. 18.31-34)

¹⁷ Jesús'pa' ahuenerr Jerusaléñoneñ pueyochreshohuen. O' ahuanenan pueyochresha' a'yenteye' allñapa' atet otnenanet:

¹⁸ —Te' po'ño'ch o' ahueney Jerusaléño, allcha' pomataterrnet na Ñeñten Acheñetosets. Añcha' nerrmaterre' ñeñt pa'm'cha'tareternesha' pen allohuen judionesha' po'cornaneshar ña'ña ñeñt atarr etsotayenayeñ ñoñets ñeñt atet anaret. Ñetñapa' atetcha' otyesnet na'mtsaretterrepa'to',

¹⁹ o'ch pomuerrnet po'poñ acheñesho ñeñt ama judioneshayaye. Ñetña pueche'tatseteñotetanpa' allcha'ña achm'are'ternnet, ashternnetcha', atotcha'ña o'ch corso'fan'pernet, tarraña poma'pamtaño'ch alla netanterra.

Ñeñt pachor pen Jacobo ña'ña Juan, ña'ñapa' enamuenan Jesús attoch anorr'cha'tyesuerr puechoyoresha' Jesúsesho
(Mr. 10.35-45)

²⁰ Allempoñapa' ponmosya ñeñt pachor pen Jacobo ña'ña Juan ñeñt Zebedeo puechemeresha'. Huapa epuet epsheño'mar puechoyor, ña'ñapa' concorpana'tosana Jesús attoch es enamos.

²¹ Jesúsñapa' atet otaḗ:

—¿Eso'tña pemnen?

Ñapa' atet otos:

—Napa' añ nemnen te'pa' o'ch pemnatapon añ nechoyor epsheño'mar o'ch anorruerret pesho allcha' pa'm'cha'taretterra e'ñe pecohuenño. Puesheñarrpa' anorrosepa'ch pecohuenrot, po'psheñeññapa' anorrosepa'ch pe'chcoterot, allcha' cohuentapreterpet.

²² Jesúsñapa' atet atanet:

—Sapa' amaca'ye seño'teñe ñeñt po'ño'ch senamuenen. Añca'yeha' senamuenen attoch semuero'chtapreterrna samña. Ta'm ze'ñete' po'ño'ch pocte' senteñ o'ch semuero'chtterra samña tarro'mar napa' chomach na'muero'chtatere'terra?

Ñeñt muero'chteñetspa' Jesús'pa' atet toma'ntatanet ñerra'mrrate' atarr pesherr es yorren orran'tso ña'ña atto yapatarettana e'ñe atet ñerra'mrrate' cho ya'mtsaretterra Yomporecop. Ñetñapa' atet ochet:

—Yapa'cho'ña atetcha'ca'ye yepe'.

²³ Ña'ñapa' alla otterraneterr:

—Ñehua, po'ño'chpa' sa'muero'chtatere'terrach samña attescha' ñerra'm na, sa'mtsaretterrach samña. Tarraña añña attoch sanorreyesos nesho necohuenrot ña'ña ne'chcoterot allcha' secohuentapreterrna ñeñt'pa' amachca'ye naye' semnaterraye. Añcha'ña anorreyesuerrets all ñeñt e'ñe o'patatenna Nompör.

²⁴ Añña po'potantañ pueyochresha' ñeñt' charrasheña allempo e'met ñeñt' atet enamuen Jacobo epuet pa'mo'nasheñ Juan, ñetñapa' ama pocteye' eñcheto tha muene' e'moñe'chet.

²⁵ Allempoña Jesúsapa' alla chore'terranet allohuen e'ñe ñesho ñeñt'pa' atet otanet:

—Sapa' señoñe' ñeñt' atet pena po'poñ acheñenesha' ñeñt' ama judione-shayaye. Ñet ñeñt' pa'micha'tareter penet e'ñech pa'micha'nochteñocmañen pomnaren pa'yenan allohuen pueyochresha'chno.

²⁶ Sapa' arepa'chña atteye' seþanna'tatsto e'ñe sommo'cheñoñ. Socoppa' añña poctetsa o'ch atet sepena. Ñerra'm erra'tsenotes ñeñtes atarr añcha'taretoyen entetsañ ñeñtes acheñres socoppa' añ poctetsa o'ch atet senterra ñerra'm ama esoshe'mayayso ñeñt' atet pena ñeñt' atta atarr taruaset po'potantañecop.

²⁷ Ñaña ñerra'm erra'tsenotes ñeñtes muenene' o'ch atarr asherben entenset ñeñtesña acheñrespa' añ poctetsa o'ch atet senterra ñerra'm ama esoyayso allochñapa' attochña e'ñech cohuen setorrena po'potantañecop atet ñerra'mrate' acheñ ñeñt' atarr taruaset e'ñe atta.

²⁸ Atet ñerra'm na Ñeñten Acheñetosets, napa' ama añecpaye' nehuapo añe patsro allochñapa' sapa' o'ch atta atarr sesherbapuen na atet ñerra'mrate' napa' atarr añcha'taret sentenen. Napa' añecopña nehuapa allochñapa' nachña sesherboshe'ña sa, ñeñto'marña napa' naña pomostsa nañeña o'ch nerromos socop attochña netsa'tuerrnasa so'chñar ñeñtes shontes pa'namen acheñres. Attochña sapa' amach sañeña rromatso so'chñarecop.

Allempo Jesús a'crraterranerr epsheña aporo'yet

(Mr. 10.46-52; Lc. 18.35-43)

²⁹ Alotñapa' alla meterretter Jericótpa' cota'huanererr shonte' acheñenesha'.

³⁰ Allcha' oñmuetpa' allñapa' ahuepa't anorros epsheña aporo'yet e'ñe toñetopño. Ñetña eñotatarettet añ huetsa Jesús. Ñeñña aporo'yetpa' allenta rranare'tapet Jesús, ñeñt'pa' atet otapet:

—Pemueraye'chnomya, Ayochreshate, þapa' ñeñteþ Davidna'tareþ.

³¹ Acheñenesha'ñapa' cha muene' che'ptare'tnometña aporo'yet, atet otoset: —O'hua semma.

Aporo'yetñapa' elloña alla rranare'terretter atet otereterr:

—Pemueraye'chnomyañaca'ye, Ayochreshate, þapa' ñeñteþ Davidna'tareþ.

³² Jesúsñapa' alla tomos o' chore'tanetpa' atet otanet:

—¿Eso'tña semnen ñeñt'cha' atet neþoses?

³³ Ñetñapa' alla otereterr:

—Ayochreshate, yapa' añ yemnen o'ch pecuatnomuey attoch o'ch cohuen yenterrapa.

³⁴ Jesúsñapa' allenta muerosanet attoña ñapa' a'þllaccl'e'chosanet. A'þllaccl'e'chuanetpa' aporo'yetñapa' allorocma enterret e'ñe cohuen. E'ñe cohuertsetpa' cha cota'nmuet ñamet Jesús.

21

Allempo chap Jesús Jerusaléño

(Mr. 11.1-11; Lc. 19.28-40; Jn. 12.12-19)

1 Atteñapa' o' çhatha'tet allame'tets Jerusaléño. Chapuet aspento ñeñ pa'so'cheñ Olivopen. Allñapa' allo'tsen anets ñeñtpa' añ pa'so'cheñ Betfagé. O'ña çhapmochet all anetso,

2 Jesúsñapa' atet otnoman epsheña pueyochresha':

—Sapa' o'ch sota o'ch seçhap a'yenteye' e'ñe allara anetso. Allñapa' allcha' sentos ashen all huanquëñet epuet ñaña puechoyor ñeñt rre'ptor. Ñeñña ashenpa' o'ch sepyam̄psospa' o'ch sanerrnan.

3 Ñerra'm esesha' erroť sotapue' sañapa' atetcha' sotosanet: “Yepartse-sharca'ye muenene'ña añ ashen. Mameshapa' o'ch alla apuerrsa'.”

4 Ñeñtpa' tarro'mar atet pa' allochñapa' attoch etsota añ po'ñoñ ñeñt a'mtaye't ahuat Yompor po'ñoñ. Ñeñtpa' Yompor eñorataye't atet:

5 Atetcha' soch sióno'marnesha' ñeñfara jerusaléño'marnesha': “Secue'tach, te'chca'yeña huaponasaña ñeñcha' Sa'mcha'tareter seperr. Atto huena ñapa' amaca'ye pommo'cheño'teye' çhaponña all, ñeñto'marña ama't rre'ptorechora ashenpa' ñeñtachca'ye monta'нена.” Arrpa' allohua huañ añ po'ñoñ ñeñt a'mtaye't ahuat Yompor po'ñoñ.

6 Allempoña pueyochresha'ña ñeñt mueñapa' ñetñapa' allenta ahuanmuet all anetso. E'ñe atet otapanet Jesús, ñetñapa' e'ñeçho' atet poset.

7 Allempoñapa' huapaterrñañet ashen epuet ñaña puechoyor. Ñetñapa' nohuerret pa'shtam ashnache'ñopa' montatueret Jesús.

8 Shonte' acheñenesha' ñetñapa' totma'tyesoñet pa'shtam toño allcha' oñem Jesús. Po'potantañeçhnoñapa' tsorrm'o're'tyeset tsach pue'mo'rer allo topanetyeset toñ.

9 Allohuen acheñenesha' ñeñt otaçhetsa ñaña ñeñt cota'huanene' chenta' ñetñapa' puerrannarteño'tetpa' atet atarr cohuentatyeseññañetpa' atet otenet:

—¡Açsherrapo'ch allohuenyel ¡Aye'choçhtaterrapo'ch Jesús ñeñt añcha'taret David po'mreneñ! ¡Aye'choçhtaterrapo'ch Jesús ñeñt llesensen Yompor! ¡Ya'ye'choçhtaterrñañepa'ch Yompor Parets ñeñt pue'ntaño'tsen!

10 Atteñapa' o' çhap Jesús Jerusaléño. Chap allpa' allohuen anetso'marnesha' epaye' cohuanrrortapet. Ñetñapa' atet otyeset:

—¿Esesha'te'ña añ acheñer?

11 Acheñenesha' ñeñt cota'nene'pa' ñetñapa' atet otoset:

—Añca'yeña Jesús ñeñt a'mtene' Yompor po'ñoñ. Ñapa' Galileotca'ye huena allara anetso Nazareto.

*Atto Jesúsapa' a'cohuentatosan Parets pa'paquëll
(Mr. 11.15-19; Lc. 19.45-48; Jn. 2.13-22)*

12 Allotña Jesúsapa' be'tosos Parets pa'paclo. Allñapa' mueño'tuosan allohuen ñeñt pomatsre'tetsa all ñaña allohuen ñeñt rañña'yetsa. E'ñe çha'nmaçha'tatosanet allot, a'coye'tam̄psosanet po'mesaçhno allecma camyatyenet po'çllayoret, a'coye'tuosan ñaña allecma anorryen ñeñt pomuene'yepëçhno.

13 Allempoñapa' atet otosanet:

—Yompor po'ñoñ ñeñt atet anuaret ahuatoteñ allñapa' atetca'ye oten Yompor: “Añ ñeñt nepaquëll nepenpa' añeçpaca'yeña sherben allecmach ma'yochennet.” Tarraña sañapa' e'ñe atet sepeññaña Yompor pa'paquëll ñerra'mrrate' eñet ñeñt epotyetsa mapuetpono.

14 Allña Parets pa'paclopa' hua'cha'toña aporo'yetechno ña'ña ñeñ' checa'repayets. Ñaña'pa' e'ñe a'crratyesapanet.

15 Añña ñeñ' pa'n'cha'tareternesha' pen allohuen judionesha' po'cornaneshar epuet ña'ña ñeñ' atarr etsotayenayeñ ñoñets ñeñ' atet anaret, ñetña'pa' entoñet ñeñ' atarr co'chnesha' atet orrtatyen Jesús ñeñ' ama't eseshapa' ama puentareto. Ña'ña e'mueñña'ñet cheshanesh'a' all Parets pa'paclo puerranarotetpa' atet otyenet:

—¡Aye'cho'chtaterrapo'ch Jesús ñeñ' am'cha'taret David po'm'reneñ!

Ñetña' atet tetetpa' ñeñ'epa'tcha' atarr atrre'matahuet.

16 Allempoña'pa' atet ochet Jesús:

—¿Ama't pe'muenoña' atet otach're'tapa' cheshanesh'a'?

Jesúsña'pa' otanet:

—Ne'mueñca'ye. Sa'ña'pa' ama't selleyareña Yompor po'ñoñ. All anaret ñoñetspa' ñeñ'ña' atet oten:

Ama't cheshatollesha' e'ñe puenamotet e'ñech cohuen pe'ñoratos a'chotach're'teñtso. Ama't ñeñ' ora momuenmeñ pe'morr'tatoscha' e'ñe cohuen p'ocop.

17 O'ña yerpatuerranet añ ñoñets ñeñ' atet anaret ahuatoteñ ñocop, allempoña sa'nerranet ñeñ' anetsro'tpa' o' alla ahuerrerr Betanio. Allpa' allecma ommuena.

Allempo Jesús'pa' e'ñora higo'checop amach e'ñalletatsto pue'mer

(Mr. 11.12-14, 20-26)

18 Tsapat puetaren alla ahua'muenerr Jesús anetso Jerusaléño. Toñoña'pa' cha cheporra'nma.

19 Allña'pa' entnoman higo'ch toñetop'ño'tsen. Ponmosya ama entoñe pue'mer, pasopanrepa'tcha' entosñañ. Jesúsña' chepa'tcha' eñorostsa higo'checop, ñeñ'pa' atet otos:

—¡Arepach e'ñallettero pue'mer ama't e'ñe ahuata!

E'ñe otue'pa' allorocmuepa'tcha' hueya'huaña pasopaner.

20 Pueyochresha'ña'pa' e'ñe enteñet o' hueya'huaña higo'chpan. Ñetña'pa' atta cohuanrrorteñet, atet otanna'tet:

—Errotentuañaca'yeña o' a'uyatachña e'ñe mamecmate'.

21 Jesúsña' atet otanet:

—Po'ño'chca'ye o'ch notas: Ñerra'm seyemteña Yompor, ama thoye' se'charrtateno seyocher, amach añayaya atet se'po atet ne'pa' higo'ch. Añe'nachña e'ñe setsoten ñeñ' ello atarr torrapo' senten. O'ch netma'ntacha atet ñerra'm'rate' añ aspenet. Ñerra'm eseshascha' otets aspentecop, "Añ aspenetpa' rrote'tepa'ch arrot, arrepa'chña esha'tosa sa'po allcha' e'ñe chencosa", aspenetña'pa' atet'cho' p'onasas.

22 Ama't allohuen erra'tsencha' es senam' Yompor e'ñe sema'yocheñoñ, ñerra'm cho senamueñ e'ñe seyemteñocmañen, ñeñ'ña'pa' saga'p'cha'.

Atto allsensarettena Jesús

(Mr. 11.27-33; Lc. 20.1-8)

23 Allempoña Jesús'pa' o' alla cherrerr Jerusaléño, allña'pa' be'tosuerrerr Parets pa'paclo. Allña'pa' ye'chatuerranerr acheñenesha'. Atto ye'chatenan acheñenesha'pa' allempoña hua'cha'toña ña'ña ñeñ' pa'n'cha'tareternesha' pen allohuen judionesha' po'cornaneshar epuet puesheña'tets ñeñ' pompornesha' pen allohuen judionesha'. Ñetña'pa' atet otoset:

—Ñehua, yapa' añecop yohuena yemneñ o'ch p̄otey ¿errote't apuenpetña llesens? ¿Esesha'tña p̄apuene'ña llesens attot p̄orrtatyenña ñeñt' chocma attecma pe'pa'yena?

²⁴ Jesúsña'pa' atet otapanet:

—Ñehua, napa'cho'ña nemneñ o'ch na'p̄to'tapas saña ama't patrra ñoñets. Ñerra'm sanaposencha'pa' napa'cho'ña attochña notapas naña allot apuenetña llesens ñeñto'mar atet nepena.

²⁵ Sapa'cho'ña o'ch sotosen, ahuañmo'cha allempo apate't Juanañ Yomporecop, ñapa' ¿eseshatña llesense' ñato' Yompor amapa' acheñafe' apue'ña llesens? Nemnen o'ch sotosen ñeñt' atet soctape'chen sa.

Ñetña'pa' e'ñe a'nahua otanna'tyeset:

—Ta'm errotcha'ca'ye yochte'. Ñerra'm cha yoch Yomporeshotca'ye apetña llesens, ñapa'chate'ca'ye otey: “Ñehua, saña'pa' eso'mare'tña ama se'mñocheña ahuaña allempo serppare'tatosan acheñenesha'.”

²⁶ Elloña ñerra'm cha yoch acheñesho'ta apet llesenspa' acheñenesha'ña'pa' chate' e'moñe'tyet, tarro'mar ñetpa' e'ñe cohuen eñchete't Juanañ, chocma otyeñet ñapa' ñeñtca'yeña a'mtose' Yompor po'ñoñ.

Ñeñto'marña ñetpa' mecha'teñet acheñenesha'.

²⁷ Ñeñto'marña ñetpa' atet ochet Jesús:

—Ta'm yapa' amaca'yeña yeñoteñe; errotte' huapaña Juanañ, errotte' apetña ñaña llesens.

Allempoña Jesús'pa' atet otarraneterr:

—Napa'cho'ña te'pa' amach notaso saña allot apareten naña llesens attot atet ne'pa'yena.

Atto Jesús'pa' toma'ntaterraneterr puesheñarr yacma atet penaña epsheña puechemer

²⁸⁻³² Jesúsña'pa' alla otarranerr judionesha'pa'mcha'tare'ternesha':

—Ahuañmo'cha allempo huapa Juanañ, ñapa' añecop huapa attoch ñach seyçhaterre' allohuen ñeñt' e'ñe pocte' enten Yompor. Tarraña saña'pa' ama same'ño. Aña e'ñe cohuen ame'ñapaya ñeñt' atarr ochñañenesha'chno atet ñerra'm añ ñeñt' po'taruas pa'yene' e'ñe puehquëño'tet cobra'yeñet acheñenesha'chno quelle ñeñt' gobiernocop ñaña aña e'ñe cohuen ame'ñapayaña Juanañ ñeñt' atarr ecañoresha'fethno. Allempo sentanet atto ñetpa' cotape'cherret ello cohuen Yomporecop, saña'pa' amaña eseshas cotape'cherrayeña cohuen Yomporecop attoch o'ch same'ñera saña. Ñeñtña te'pa' o'ch netma'ntacha. Ñehua, puesheñarr yacma eñall epsheña puechemer. Ñaña'pa' atet otenana' puesheñarr puechemer: “Te'pa' nechemere, o'ch ahua'muenep̄ ya'mro allcha' petaruasa'muen.”* Ñaña'pa' ellonta otapan pompor: “Amaca'ye nemno, amachca'ye neto.” Tarraña elloñapa' cotape'cherran cohuen allempoñapa' ahuo' pompor pa'mro taruasats. Allempoña pomporpa' ahuo' ñaña po'psheñeñ puechemeresho, ñapa'cho'ña atet otos atet otuan po'psheñeñ puechemer: “Te' nechemere, o'ch ahua'muenep̄ ya'mro allcha' petaruasa'muen p̄aña.” Ñaña'pa' e'ñe cohuen otapan pompor: “Ñehua, apacha' o'ch ahuen o'ch netaruasa'muen ya'mro.” Tarraña ñaña'pa' ama't atet otaña'pa' ama to.

Jesúsña'pa' alla otarraneterr:

* 21:28-32 Ñeñt' po'taruas penet ñetpa' toteneta' uva.

—Te'pa' o'ch na'p'to'tas sa, ñeñĩ epsheña puechemer, ¿erra'tsena't sentenña sa ñeñĩ e'ñe po'ño'ch atet petsa ñeñĩ atet muenen pompor?

Judionesha'ña pa'm'cha'tareternesha'pa' ñetñapa' atet ochet:

—Añca'ye ñeñĩ ñanom, ñeñĩ otapue' ñapa' año'ch to taruasats tarraña el-loñapa' allenta ahuo' taruasats pa'mro. Ñeñtca'yeña etsotene'ña ñeñĩ atet muenen pompor.

Jesúsñapa' atet otterraneterr:

—Ñeñto'marña te'pa' o'ch notas: Ñeñĩ pueshquẽño'te'na cobra'yene' acheñenesha'chno ñama ñeñĩ atarr ecañoreshate'chno, ñetñapa' po'ño'ch allenta aguërrer Yompor po'cohuenña ñeñĩ atto ayochreshattena ña. Sañapa' amaña allentaye' saguëreña samña tarro'mar sapa' chaña atarr se'charrtatenña seyo'cher.

Atet atma'ntatarettene ñeñĩ ataruasañe'chno ñeñĩ ama cohuenayaye
(*Mr. 12.1-12; Lc. 20.9-19*)

³³ Jesúsñapa' alla otterranerr judionesha' pa'm'cha'tareternesha':

—Te'ñapa' se'mñotencha', napa' o'ch netma'ntatasa po'poñ. Eñall puesheñarr ane'tañ, ñañapa' nare'tanatatnoman shonte' uvach; pa'muerñapa' e'ñe ora uvachmatatue. E'ñe con'cha'tam'pesue allotñapa' eñan ñama allcha' a'pecho'toñet uvas po'ñer. Allñapa' tomatatnoman torrepo' allotcha' cohua'm'psoñet pa'muer.

'Tomatuepa' na'nman ñeñfcha' taruasatats ñeñfcha' coyerrahuet allpon ñerra'm esempoch toteñet. O'ña nare'tanatatuepa' o' ahuo' po'poñ anetso bachayo.

³⁴ Chap allempo yen uvachllom'pa' ñañapa' mueñerran po'psheñe'chno pa'taruasañer ñetcha' enamuertseta' uvachllom' po'psheñeñ pa'taruasañesho ñeñĩ cohua'm'pene' uvachma'.

³⁵ Allempoña chenet allpa' enamosan ñeñĩ allpon o'patena pamo'mte', arepa'tcha'ña es apapuenayeyña uvachllom', elloña ñeñtapa' cha rremapoñet pa'taruasañer, cha nalle'tapueñet puesheñarr, cha muetsapet po'psheñeñ, po'psheñeñpa'cho'ña cha rrolle'tapoñet.

³⁶ Allempoña ñeñĩ pamo'mte' pen uvachma'pa' o' alla mueñerranerr po'psheñe'chno pa'taruasañer shonte'. Allempo chapuet ñamet allpa' attecma errotuanen aparettapuet ñamet.

³⁷ Allempoña ñeñĩ pamo'mte' penetpa' ñañapa' atet ot: "Te'pa' o'ch nemñe all ñeñĩ e'ñe na nechemer. Ñato'rraña ñeñt'pa' mecha'na'tapetcha'."

³⁸ Ñeñt'pa'cho'ña ama't mameshapa' arepa'tcha'ña mecha'na'tapeto. Allempo entapoñet puechemer ñetñapa' atet otanna'tyeset: "Añmapa' ñeñtca'yeña puechemer ñeñfcha' o'paterraya pompor puenaren' esempo. Ñapa'cho'ña te'pa' o'chca'ye yemtsa'p allochñapa' yachca'yeña e'ñe o'paterrayaña pompor puenaren'. Te'pa' o'ch ahuey o'ch yemtsa'p ñama."

³⁹ Allempoñapa' o' rromapet o' chetare'tnomet narmetsmot a'yenet, allña muetsapetña ñama. Arrpa' allohua atet toma'ntata Jesús e'ñe ñañeña.

⁴⁰ Allempoña Jesús'pa' atet otterraneterr:

—Ñehua, ñerra'm esempoch huerra ñeñĩ pamo'mte' pen ataruasañe'chnopa' ¿señoteñe'tña ñetpa' atetcha' aparetterret?

⁴¹ Judionesha'ña pa'm'cha'tareternesha'pa' atet otterreter:

—Ñerra'm huarracha' ñeñtña ama matsrre'mño'pa' e'ñech a'cllatuerranet pamo'mte', nanaccha' coñchatuerranet; narmetsmoñapa' elloch nerranerr po'potantañ ñeñfcha' taruaserttserr all uvachmo. Nerranerrcha' ñeñfcha' e'ñe po'ño'ch apuerre' pue'mer ñerra'm esempoch yen.

42 Allempoña Jesús pa' atet oterraneterr:

—Sapa' ama't ahuatapa' ama'tña selleyareña ñeñt atet anuaret Yompor po'ñoñ ahuatoteñ. Tarro'mar ñeñtpa' atet oten nocop, na atma'ntataret mapue'. Ñeñtpa' atet oten:

Añ mapue' ñeñt ama pocteye' entyeno ñeñt tomatyene' pocoll, ñeñtña te'pa' o' anaretterra ñeñtcha' ello atarr cohuen sherberrets e'ñe atet ñerra'm quellpach allo e'ñe cohuen echarr orratenet pocoll. Ñeñtpa' Yomporca'yeña atet patene', ñeñto'marña yapa' e'ñe cohuen yenteñ. Arrpa' allohua atet toma'ntaterrerr Jesús e'ñe ñañeña.

43 Ñeñto'marña sa ñeñtes judioneshaspa' te'ña Yomporpa' puerratañperrescha' po'cohuenña ñeñt atto ayochreshattena ña. Añcha'ña apuerr ellonet po'potantañ acheñenesha' ñeñt ama judioneshayaye ñeñtcha' po'ñoñ orrtaterre' e'ñe ña po'cohuenña atto atarr ayochreshattena ña.

44 Allohuen erra'tsencha' atetsa añ mapyo ñeñtña mapue'pa' e'ñech a'yosatse'tuanet. Ñaña ñerra'm eseshesho shora'nom ñeñt mapyerpa' e'ñech a'peptse'tuosanet.

Attoña Jesús pa' toma'ntatanet ñerra'm ama esesha' pocteye' entenaye Cristo ñerra'm erra'tsencha' ama aguërraye, ñeñtña acheñerpa' chocmach huapoña ñeñtcha' atarr muerochtaterrahuat.

45 Allempo atet e'myes ñeñt pa'mcha'tareñenesha' pen allohuen judionesha' po'cornaneshar ñaña fariseonesha', ñeñt atet toma'ntatenanet Jesús, ñetña allempopa' chapanet pueyoçhreto ñocpuetepa't serrpare'tenña Jesús.

46 Ñetñapa' mueneñetañ o'ch rremuetañ tarraña ama esesha' rromaye tarro'mar ñetpa' cha mecha'teñet acheñenesha'. Ñehua, acheñenesha' e'ñeca'ye cohuen enteñet Jesús ñapa' po'ñoñ ñeñt a'mtene' Yompor po'ñoñ.

22

Atto atma'ntatarettena puešeñarr amcha'taret puetare'tatan shonte' rreñets ñeñtcha' rret allempoch sena'ta puechemer

1 Jesúsñapa' alla toma'ntaterraneterrpa' atet oterraneterr:

2—Yompor po'cohuenña ñeñt atto ayochreshattena ña pue'ntañof ñeñtpa' o'ch netma'ntacha atet ñerra'mrrate' puešeñarr amcha'taret. Ñeñtña amcha'taretpa' o' puetare'tatan shonte' rreñets ñeñtcha' nanac rret allempoch sena'ta puechemer.

3 O'ña a'potatuan rreñetspa' o' mueñan pa'taruasañrenesha' o'ch otyeñeta' ñeñt ahua'ñaref o'ch rrapreteneta' rreñets. O'ña otyesuarettetpa' ñetñapa' arepa'tcha' eseshaye' sechatso o'ch ahuet all.

4 Po'pocheñopa' o' alla mueñerranerr po'potantañ pa'taruasañrenesha'. Ama seneta'pa' atet otapanet: “Sotoscha' acheñenesha' ñeñt ahua'ñaref: ‘Amcha'tarefca'ye sagotatene', atefca'ye oten: Rreñetspa' o' e'ñe na'potatue. Huacshečno ñaña beserečno ñeñt ne'soya'tatyen o' e'ñe nemtsatue ñaña o'ca'ye e'ñe na'potatue. Te'pa' sona'cha'tepa'to' ahuo'ch serrapreteña.' ”

5 Ahua'ñareñnesha'ñapa' arepa'tcha' a'cua'psenaye' eñchetofña ñeñt hua'ñenahuet. Ñeñtapa' ahuanemyeset ñopa'tets. Puešeñarrpa' ahuo' pa'mro, po'pšeñeñpa' ahuo' pomatsre'tatsa.

6 Po'potantañña ñeñtapa' o' rremapoñetña pa'taruasañrenesha'pa' errotuanen pet, atteñapa' o' muetsanatuat.

7 Am̄cha'taretñapa' ñeñña atarr atsre'mate'. Allempoñapa' o' mueñan ñaña po'solltar-renesha' ñeñcha' a'cllatenaya' ñeñ amtsañechno, ñeñcha' a'poyatatuenaya' ñaña pa'netser.

8 Allostña am̄cha'taretpa' atet oterranerr po'potantañ pa'taruasañrenesha': "Rreñsochnoña po'ñochna' epaye'ca'ye. Tarraña ñeñña ahua'ñaretpa' ñetpa' amaca'ye cohuenaye' nentenaneto.

9 Te'pa' orras sam̄a allo'tsen toñechno tarro'mar allpa' shonte' chopeñe'chyen acheñenesha'. Allohuen errponcha' sentyes o'ch sotyapanet onetepa' arr o'ch rrapretenneta' rreñets ñeñ shonte' na'potaten."

10 Allempoña alla ahuanerrerr pa'taruasañrenesha', ñetñapa' añ cota'yaset toñ. Ñeñ allpon pocta'yaset toño'mar e'ñe sechatyescuahuet, ama't at-sre'mñañechno ñaña ñeñ cohuen acheñ. Atteñapa' o'cha shontosa ñeñ hua'ñenet. Allña pocollo all sena'tena puechemerpa' e'ñe quechcosa ñeñ ahua'ñareñ.

11 Am̄cha'taretñapa' allenta be'tos o'ch entapan ñeñ hua'ñatyen ñeñcha' rrallme'chosets all. Allñapa' entan pueseñarr yacma. Ñaña' ama a'ñeye' chorreno shetamuets emarr ñeñecma chorrenet all atto coshapreteñet ñeñ sena'tetsa.

12 Am̄cha'taretñapa' atet och: "Eso'mare'tña masheñe pebe'tenña arr amaca'ye a'ñeye' pechorreno shetamuets emarr attoch p̄ochshaprecha ñeñ sena'tetsa." Ñaña' ama eñoro.

13 Allempoña am̄cha'taretpa' otan pa'taruasañrenesha': "Sehuancoñ pa'tac ñaña potpa' chosa huapore'terre' a'yot checmetot. Allñapa' allcha' yahuanr-rorterret, panmueñofet atserppa' rraso'tyerretcha' pa's."

14 Tarro'mar ama't shonteñña ñeñ ahua'ñaretpa' tarraña pueseña'tsaña ñeñ e'ñe cohuen a'craret.

Atto a'p̄to'chet Jesús, pocte'te' o'ch tsa'tet impuesto
(Mr. 12.13-17; Lc. 20.20-26)

15 Allempoña fariseonesha'pa' ahuanerra. Ñetñapa' cha atarr cotape'chatanna'teneta'. Ñetpa' añ atarr e'nenet attoch e'ñe puehquẽñoftpa' ama't parrochapa' o'ch eñorachet Jesús ñeñ ama pocteyaye. Allochñapa' attotcha'ña otteñe'chet.

16 Ñetñapa' e'ñe a'nahua mueñet ñet pueyochresha' epuet ñaña pueseña'tets Herodes pueyochresha'. Ñetña chapuet Jesúseshopa' e'ñe puehquẽñoft atet otoset:

—Maestrocha'yapa'yefoteneñ papa' ama peshquẽno ama't mamesha ñaña ñeñ atto peychaten Yomp̄or poctap̄ña ñeñpa'cho'ña e'ñe cohuenacma, ama shequẽñtsoyaye ama't mamesha. Ñaña papa' ama añ ñapueñ pemorrenteno ñeñ atarr am̄cha'na'tpo' entyen allohuen acheñenesha'. Allohuen acheñ e'ñe cohuen pentueñ.

17 Ñeñto'marña te'pa'yapa'yemneñ o'ch peñotatapuey erra'tsente'ña e'ñe po'ñoch cohuentetsa. ¿Pocte'te' penteñña p̄a o'ch yetsa'ta impuestos añecop ñeñ am̄cha'taretetsa all anetso Romo ñeñ ama judioneshayaye? Ñato'amate' pocteyañeñ yocop ñeñey judioneshay o'ch yetsa'cha am̄cha'taret romo'marnesha' ñeñ ama judioneshayaye.

18 Jesúsñapa' eñotapanet ñeñ atet cotape'chyenetañ ñocop, ñaña'pa' atet otanet:

—Sapa' atarr ashcarñātes, eso'mare'tña semneñña o'ch seshcare'tenen.

¹⁹ Ñehua, ama't atteseñpa' segatencia'ye puetallarr quelle ñeñt alloch setsa'ta impuestos.

Allempoñapa' gachet puetallarr quelle ñeñt otenet denario.

²⁰ Ñaña'pa' atet oterraneterr:

—Ñehua, sapa' o'ch soten, ¿essha't sentenña ñeñt atma'ntarettetsa all? ¿Esha't pa'so'cheñ aquellcarettetsa all?

²¹ Ñetñapa' atet ochet:

—Amcha'taretca'ye atma'ntarettetsaña all, ñaña ñoca'yeña pa'so'cheñ ñeñt aquellcarettetsa all.

Jesúsñapa' alla oterraneterr:

—Ñeñteñapa' añ poctetsa o'ch yaḡ amcha'taret ñeñt ño ñeñt atet poctetsa gobiernocop, tarraña ellonetña ñeñt Yomporo o'ch yaḡ ñaña ñeñt atet poctetsa ñocop.

²² Ñetña atet e'mueñet Jesús atet anapuenanetpa' atta cohuanrrorteñet tarro'mar Jesús'pa' atarrca'ye cohuen anapuenanet. Atteñapa' quechpa'huaneretpa' ahuanerret.

Atto a'pto'chet Jesús, ñerra'm po'ñochte' atanterrapo' rromot, ta'm, allem-popa' errotencha'ña yeperra

(Mr. 12.18-27; Lc. 20.27-40)

²³ Ñeñte yetrocma huacha'toña ñaña patantarr ñeñt saduceoneshatets. Ñehua, ñeñt saduceoneshatets ñetñapa' ellonet echenet poctaḡña ñeñto'marña ñetpa' atet otenet amate' errotenot yetanterroña rromot ama't erponña. Ñetñapa' atet otoset Jesús:

²⁴ —Añ Maestrocha' ñeñca'yeña atet otye'tña Moisés ñeñt poctetsa ñeñtcha' atet yepa. Ñerra'm esempo rroma yacma o'ch sa'nman puetapor tarraña ñerra'm ama chemere'tnomopa', añ poctetsa pa'mo'nasheñcha' alla yor-erre'ña po'norrar allochñapa' atoch eñalletteraña ñeñtcha' puechemer perr pa'mo'nasheñeñ. Ñeñpa' atetca'ye quellca'nmonayña ahuat Moisés.

²⁵ Ñehua, te'pa' eñall cancherrsheña yamo'ts ñeñt e'ñe poctacma pa'mo'nasheñecmuet. Ñeñt puesheñarr popo'naretpa' o' yoran coyanesha' ñeñt puetapor ḡa'. E'ñe allponmatatsapa' o' rroma, atta sa'nman puetapor ama chemere'tnomo. Allempoña ñeñt po'rrocho'merpa' o' yorerran pa'mo'nasheñeñ puetapor.

²⁶ E'ñe allponmatatsapa' ñapa'cho'ña o' rromuerrerr ñaña, ñeñt'pa'cho'ña ama chemere'tnomo. Allempoña po'psheñeñ pa'mo'nasheñpa' o' alla yor-erranerr ñaña po'norrar. E'ñe allponmaterrtsapa' ñapa'cho'ña o' rromuerrerr ñaña, ñeñt'pa'cho'ña ama chemere'tnerrero o' atta rromuerrerr. E'ñe attecma pohuet cancherrsheño'maretpa' e'ñe pueyuarochetña ñeñtara puesheñarr coyanesha'. Allohuenetpa' e'ñe attecma pet rromayestset ama't puesheñarrofetapa' amaca'yeña chemere'tnomueto.

²⁷ Allempoñapa' cho rromatsña ñaña coyanesha'.

²⁸ Te'ña ñerra'm po'ñochte' atanterrapo' rromotpa' añña coyanesha'ñapa' allempopa' ¿essha'tcha'ña e'ñe ñapueḡ puetapor perre' tarro'mar allohuenet cancherrsheño'maretpa' e'ñeca'ye pueyuarochet?

²⁹ Jesúsñapa' atet otapanet:

—Chaca'ye atarr sepanteñ tarro'mar amaca'ye chennasoña seyo'chro ñeñt e'ñe po'ño'ch atet ye'chateney Yompor po'ñoñ ñeñt atet anuaret

ahuatoteñ. Ñaña aña sepantatene' tarro'mar sapa' ama sepoctenñañe Yompor po'huamenc.

³⁰ Tarro'mar esempohuañen allempoch tanterret po'pocheño, allempopa' ama't puesheñarrofeta amach sena'terreto, ama't coyanesha'pa'cho' amach eseshaye' apuerraye ñeñtcha' yorerrahuet. Tarro'mar allempopa' e'ñech atet ñerra'm Yompor po'mllañofeñmaneshar ñeñt pue'ntaño'tsa'yen.

³¹ Sapa' ama'tña selleyare ñeñt atet ote't ahuat Yompor e'ñe socop attoch seño'ch po'ño'chpa' ama't ñeñt o' colla'huapa' ñetñapa' corretseta.

³² Ñehua, ñeñt'pa' atet otene' Yompor: "Napa' na ñeñten Po'yomporer pen Abraham ñaña Isaac ñaña Jacob ama't ñetpa' o' rromhuet ahuatoteñ." Ñehua, yapa' yeñoteñ Yomporpa' ama añeye' Po'yomporer penaye ñeñt rromuets e'ñe poctacma, ñapa' añca'yeña Po'yomporer pene' acheñ ñeñt corretsetach. Attoña Yomporpa' e'ñe allame'ttsa entenanet allohuen ñetñapa' e'ñe bettetseta.

³³ Allempoña allohuen acheñenesha' ñeñt e' muene' Jesús atto emma'huan saduceonesha', ñetñapa' atet otanna'tyeset:

—¡Errofenotuañaca'yeña atarr es eñoten, atto atarr cohuen yechatyene'!

Añmapa' ñeñt ñoñets ñeñt atarr sherbets, e'ñe metana'tuenan allohuen po'poñe'chno ñoñets
(Mr. 12.28-34)

³⁴ Ñaña allempo fariseonesha' e'mare'chet atto Jesús emma'huan saduceonesha' ñetñapa' ap'channa'tet parro.

³⁵ Allempoña puesheñarrofet ñeñt atarr etsotene' ñoñets ñeñt atet anaret ñaña'pa' otenana' Jesús. Ñeñt'pa' tarro'marña atet a'pto'tos ñetpa' 'choca'ye mueneñet o'ch topachet Jesús.

³⁶ Ñeñt'pa' atet otos:

—Maestrocha' ¿erra'tsena't ñoñtsor ñeñt atet anaret ñeñt atarr sherbets ñeñt ello metana'tuene' ora allohuen po'poñe'chno ñoñets ñeñt e'ñe parro attecma anaret?

³⁷ Jesúsñapa' atet otap:

—Añca'yeña ñeñt ello atarr sherbets, ñeñt ñoñetspa' atet oten: "Atar-repa'ch yemorreneteña Yeyomporer ñeñt Yepartseshar yepen e'ñe ora yeyochrocmañen. Ñaña e'ñe yecamquëño'f yemorrenchach, ama't ñaña ora yoytap'ño'huen."

³⁸ Ñeñt'pa' ñeñtca'ye ñoñets ñeñt po'ño'ch atarr sherbets, ñeñt'pa' elloca'yeña metana'tuenan po'poñe'chno ñoñtso'chno.

³⁹ Allotpa' po'poñ ñoñets ñeñt atarr sherbets ñeñt'pa' atet oten: "Atarrcha' yemorreneteña yamo'ts e'ñe atet atarr yemorreneteña yañeña."

⁴⁰ Añ epo'mar ñoñets ñeñtña e'ñe etsotatuene' allohuen po'poñe'chno ñoñtso'chno ñeñt atet ana'yese'at, ñaña allohuen Yompor po'ño'ñ ñeñt a'mta'yese'te' ahuat.

Atto Cristo ñeñt Po'partseshar pe't David ahuat, elloñapa' o' alla po'm'reneñ per

(Mr. 12.35-37; Lc. 20.41-44)

⁴¹ Allempoña fariseonesha'pa' ñetñapa' allo'tsenareta all ap'chenet e'ñe ñochayet,

⁴² Jesúsña allpa' atet otanet:

—Sapa' ¿errofena't sotenña sa añecop ñeñtcha' Cristotsets? ¿Esesha't soten ñeñtcha' po'm'reneñ perre'ña ñeñtcha' Cristotsets?

Ñetñapa' atet ochet:

—Davidcha'ca'ye po'mrenñoť huapaña ñeñtcha' Cristotosets.

⁴³ Ñaña'apa' alla oterraneterr:

—Ñerra'm po'ñočha' David po'mreneñ perre'pa' sapa' ama't señoťeña Davidpa' allempo eñoracheť Parets Puecamquēñ ñapa' atetca'ye oteť po'mrenñecop ñeñfara ñeñtcha' Cristoterrets: "Napa' ñeñtca'yeña Nepartseshar nepen." David allempopa' atetca'ye eñose tña añecop ñeñtcha' Cristoterrets:

⁴⁴ Yompor Paretspa' atet otentan ñeñť e'ñe Nepartseshar nepen na (ñeñfara ñeñtcha' Cristoterrets): "Te'pa' o'ch ñanorruerr arr necohuenroť allcha' pecohuentapreterrna. Attochña ama't ñeñť pe'moñe'tene' napa' o'ch e'ñe name'ñatuerranet allochñapa' o'ch atet perret ñeñť pemnen ña."

⁴⁵ Ñeñt'pa' atetca'ye ote tña David, ñeñtcha' Cristoterretspa' ñeñtca'yeña Po'partseshar pe tña ama't allempoteñ. Ñehua, ama't señoťeña Cristo ñeñť Po'partseshar pe t Davidpa' ñeñtña te'pa' o' alla po'mreneñ per ñaña.

⁴⁶ Ñetñapa' ama't puešeñarroťetapa' ama eseshaye' anapuenaye' entaye. Ñeño'marña allempoteñpa' ama't puešeñarroťetapa' ama eseshaye' a'pťo'tenaye' enterraye.

23

Atto Jesús'pa' a'metare'tenan fariseonesha' ñeñť atet ye'chenet ñetpa' ñeñt'pa' ama cohuenaye' entapretenaneto Yompor (Mr. 12.38-40; Lc. 11.37-54; 20.45-47)

¹ Allempoña Jesús'pa' alla serrpare'taterran allohuen acheñenesha' ñaña e'ñe ña pueyochreshachno. Ñeñt'pa' atet otanet:

² —Añña fariseonesha' epuet ñaña ñeñť atarr etsotayene' ñoñets ñeñť atet anareť, ñetpa' añečpa anarettenet ñetcha' señoťatene' ñoñets ñeñť atet nonaseť Moisés ahuat.

³ Ñeño'marña socoppa' e'ñe pocte' o'ch sephoüena ñeñť atet otenset, amachña čhaña saťpare'teñe. Tarraña sapa' amachña atet seťatsto ñeñť atet paťse'tyenet ñet. Tarro'mar ama't atarr cohuen serrpare'tenetañpa' amaca'yeña e'ñeye' atet peneto ñeñť atet serrpare'tatenset.

⁴ Ñetpa' čhaca'ye atarr atontatennasetña ñoñets ñeñtcha' e'ñe atet sephoüeneñ ñetpa' ñeñfaca'yeña nennaset ñeñť atarr torrapo' sentyen. Ñeñt'pa' atetča' netma'ntacha ñetpa' čhaca'ye ottenet ñerra'mrrate' añ huanquēnnaset ñeñť atarr eñerr se'muen attoch sechechnoñ. Tarraña ñet ama't mameshapa' amaña anmapretenseto, ama't pota'potetapa' ama echantapretenseto ñeñť chechatnenset.

⁵ Fariseonesha' allohuen ñeñť atet etsotayeneñpa' ñeñt'pa' e'ñe pommo'cheñoťeta atet penet allochñapa' acheñenesha'ñapa' e'ñech cohuen entyeñet ñeñť atto atarr torra'yenetañ Yompor. Tarraña ñeñt'pa' e'ñeca'ye orrena. Ñaña ñetpa' čhaca'ye ateshatomuertatenet poreñ allñapa' all quellquēññañetañ Yompor po'ñoñ ama't ñeñt'pa'čho'ña alloca'yeña huancato'tenet. Tarraña ñeñt'pa' e'ñe añečpa atet penet attoch acheñenesha'pa' e'ñech cohuen entenanet. Tarraña ñeñt'pa' e'ñe orrena atet penet ñeñť atto ommo'chenet. Ñaña ñetpa' añe'naca'yeña allpocha'pťatenet

ñeñt'hera'rretenet pa'shtamueto pa'rrpe'monet. Tarraña ñeñt'pa'cho'ña e'ñe añeçpa atet penet e'ñe pommo'cheñoet.

⁶ Ñaña ñetpa' ñerra'm cho rrallme'chapretenetpa' añaca'ye atarr muenenet o'ch anorrcha'tyenet allecma anorryen ñeñt' atarr am'cha'na'tpo' entyen allohuen acheñenesha'. Ñaña ñetpa' e'ñe attecma penet ama't all judionesha' po'prahuo.

⁷ Ñaña ñetpa' e'ñe pommo'cheñoet añe'ñaña atarr muenenet acheñenesha'pa' o'ch huom'cha'tyesapanet pue'm'cha'nañoet ñerra'm esempo chopeñe'chyenet toño'mar allecma shontena acheñenesha'. Ñaña pommo'cheñoetpa' añe'ñaña atarr muenenet o'ch otanet acheñenesha' ñetpa' e'ño' partsesharerochet.

⁸ 'Tarraña saye'ña neyochreshacha' ñato'tña semnena'ña o'ch otas acheñenesha' sapa' e'ño' partsesharerochet. Ñaña sa allohuenespa' e'ñechna semo'nasheñecma sepannena, tarro'mar sa allohuenacpaspapa' naptaca'yeña Separtseshar sepenen na ñeñten Cristotsets.

⁹ Ñaña arr patsro ama't puesheñarra amach seyomporer sepatstaneto. Tarro'mar sapa' e'ñeca'ye patraña Sompom ñeñt' pue'ntaño'tsen.

¹⁰ Ñaña sapa' amach semnatsche ama't puesheñarra e'ñe pue'chore'teñoetaspapa' o'ch otaset: Na'yochreterneshacha'. Tarro'mar sa allohuenacpaspapa' naptaca'yeña Sa'yochreshater sepenen na ñeñten Cristotsets.

¹¹ Tarro'mar ñeñt' po'ño'ch cohuen am'cha'tarettetsa sesho ñeñt'pa' ñeñt'ca'yeña atarr torretsaña po'potantañeçop attoch orrtatanet ñeñt' atarr sherbets ñoçpuet.

¹² Tarro'mar allohuen ñeñt' e'ñe cohuen entetsa e'ñe pommo'cheño' ñeñt'ña tsapatonetpa' amach esoshe'maye' entereto. Tarraña allohuen ñeñt' ama esoshe'maye' entetso te' ñeñt'ña tsapatonetpa' atarrcha' cohuen enteret.

¹³ 'Atarr nanac llequëñtso'tsenes fariseoneshacha' ñaña samña ñeñtes e'ñe etsotayenayeñ ñoñets ñeñt' atet anaret judioneshacop tarro'mar sapa' sommo'cheño'e'na atarr seshcare'tyen. Tarro'mar ama't sapa' amaca'ye senteññañeña Yompor po'cohuenña, ellonetpa'cho'ña chocma separeteñña po'potantañ ñeñt' e'nene' Yompor po'cohuenña. Cha sa'npanpeñña acheñenesha' attoch ñetpa'cho'ña amach enterrñañeto Yompor po'cohuenña ñeñt' atto atarr ayochreshattena ña pue'ntaño'.

¹⁴ 'Atarr nanac llequëñtso'tsenes fariseoneshacha' ñaña samña ñeñtes e'ñe etsotayenayeñ ñoñets ñeñt' atet anaret judioneshacop, tarro'mar sapa' sommo'cheño'e'na seshcare'tyeñ. Ama't rretorrnanesha'pa' ñeñt'e'ñaña seprratam'pesyenña pa'paquëll. Elloña e'ñe sommo'cheño'pa' aña atarr semnen o'ch atet sepena ñerra'm atarr cohuen acheñres ñeñt'o'marña all sema'yochena allecma shontena acheñenesha'pa' amach tematenayaya sema'yocheno. Ñeñt'o'marña na te'pa' o'ch notas, sapa' elloña atarrcha' sa'coñchataretterra.

¹⁵ 'Atarr nanac llequëñtso'tsenes fariseoneshacha' ñaña samña ñeñtes e'ñe etsotayenayeñ ñoñets ñeñt' atet anaret tarro'mar sapa' sommo'cheño'e'na atarr seshcare'tyen. Sapa' chocma sechopeñe'chyen erracmañen patso'mar, sepchatyena ama't ñaña sapo'mar. Ñeñt'pa' añeçpa atet sepena attoch same'ñatyesya ama't e'ñe puesheña'ttsa e'ñe sa soçta'ña ñeñtes judioneshas.

Ñeñĩ allpon same'ñatyenapa' ñetñapa' aña seyçhatyenanet ñeñĩ ama cohue-nayaye ñeñĩ e'ñe atet sepena samã. Ñeñĩ'o'mar ñetpa'çho'ña ello atarr nanac o'patatarettenet coñcheñets, e'ñe epoche'tsocma so'patatenanet coñcheñets.

16 'Atarr nanac llequẽntso'tsenes tarro'mar ama't ñeñĩ ama sechenoyo seyochro sañapa' ñeñĩara seyçhateñña po'potantañeçhno. Ñeñĩpa' e'ñe atet sepena ñerra'mrrate' aporo'yetcemas echa'nmannetsa. Ama't seyçhateneñ ñeñĩ po'ñoçhpa' amaca'ye atteyaye. Ñeñĩpa' atet soteneñ: "Ñerra'm esesha' nene' po'ñoñ ñerra'm aña Parets pa'paquell pa'so'chño nenan po'ñoñ saña ñeñĩpa' çha soten año' esoyaye ama pallteno o'ch e'ñe po'ñoçh a'pocatan po'ñoñ." Tarraña po'poñpa' atet soteneñ: "Ñerra'mña añ oro pa'so'chño yena' yeñoñ ñeñĩ Parets pa'paclo'tsen allempoña po'ñoçhpa' çhocmach e'ñe ya'pocatat yeñoñ."

17 Sapa' atarr otatsñañes, ama añeye'ña sechenoyoña seyochro ñeñĩ cohuen enten Yompor. Chaca'ye sottena ñerra'mrrate' aporo'yetcemas. Ama't señoñeña atet sherben oropa' e'ñeca'ye attecma sherbenña ñaña Parets pa'paquell. Tarro'mar allempo nete't oro Parets pa'paclo, ñeñĩña oropa' aña'ye e'ñe cohuen a'pocataye't Partsocop ñeñĩara Partsopo'.

18 Ñaña po'poñpa' atet soteneñ: "Ñerra'm esesha' nene' po'ñoñ e'ñe altar pa'so'chño allecma neñet ñeñĩ amtsarettetsa Yomporecop, ñeñĩpa'çho'ña çha soten año' esoyaye, ama pallteno o'ch e'ñe po'ñoçh a'pocatan po'ñoñ." Tarraña po'poñpa' atet soteneñ: "Ñerra'mña añ pa'so'chño yena' yeñoñ ñeñĩ amtsarettetsa Yomporecop ñeñĩ nenet altarro enot, allempoña po'ñoçhpa' çhocmach e'ñe ya'pocatat yeñoñ." Tarraña ama't atet sotatse'tyeneñpa' ñeñĩpa' amaca'ye po'ñoçhoyaye.

19 Sapa' ama añeye' sechenoyoña seyochro ñeñĩ cohuen enten Yompor. Cha sottena ñerra'mrrate' aporo'yetcemas. Ama't señoñeña altarpa'çho'ña atarrca'ye sherben. E'ñe attecma sherben ñerra'mrrate' ñeñĩ amtsarettetsa Yomporecop ñeñĩ nenet all altarro enot. Tarro'mar altarpa' ñeñĩca'yeña a'pocataene'ña Yomporecop ñeñĩ nenet all.

20 Ñeñĩ'o'marña yeñoñeñ ñerra'm esempo yenen yeñoñ altar pa'so'chño, ama e'ñe ñapta altar pa'so'chño yenenña yeñoñ; añohuenca'yeña yenenña yeñoñ e'ñe pa'so'chño allohuen ñeñĩ na'yenet all, allecma sherba'yenet Yompor.

21 Ñaña ñerra'm esempo yenen yeñoñ Partsopo' pa'so'chño, ama e'ñe ñapta Partsopo' pa'so'chño yenenña yeñoñ. Yompore'naca'yeña pa'so'chño yenenña yeñoñ tarro'mar ñapa' e'ñeca'ye ño pa'paquell.

22 Ñaña ñerra'm yenen yeñoñ Yompor pue'ntañ pa'so'chño, Yompore'naca'ye pa'so'chño yenenña yeñoñ ama't ñaña Yompor po'conañe'naca'ye pa'so'chño yenenña yeñoñ tarro'mar enetpa' Yomporca'ye po'conañ pene' tarro'mar allpa' allo'tsenca'yeña Yompor.

23 'Atarr nanac llequẽntso'tsenes fariseoneshacha' ñaña sa ñeñĩes e'ñe etsotayenayey ñoñets ñeñĩ atet anaret judioneshacop tarro'mar sapa' sommo'cheñoñe'na atarr seshcare'tyen. Ora allohuen ñeñĩ senarem sepen ama't çocma sapueñeñ Yompor allpon ñeñĩ pocetetsa ñocop —mentapan, anísopan, cominopan—sapa' çha sepsenña ñeñĩ ñoñtsor ñeñĩ atet anaret ñeñĩca'yeña ello nanac sherbets. Ñeñĩpa' attoch e'ñe cohuen es sepa'yeññañ po'potantañ. Ñeñĩña sapa' çhaña sepseñ. Ñaña attoch semueranna'ta

ñeñtpa'cho'ña sañapa' chaca'yeña sepseñ. Ñaña attoch po'ño'ch e'ñe cohuen same'ñañatena Yomporecop ñeñtpa'cho'ña sañapa' chaca'yeña sepseñ. Sapa' e'ñe ñeñtaña sepalltena. Ñaña atto chocma es sapa'yen Yomporecop ñeñtpa'cho'ña chocmach atet sepena amach cha sepsatstere.

24 Sapa' ama't ama choye' chennaso seyo'chro ñeñta atarr semneñ o'ch sey'chach po'potantañ acheñenesha'. Ñeñtpa' e'ñe atet sepena ñerra'mrrate' aporo'yecmas echa'nmannetsa. Añ ñoñets ñeñt atet anaret socop ñeñt setseten e'ñe so'na socta'ña ama't ñeñtpa' atarr coñe'tot sherben Yomporecop, sañapa' ñeñfaca'ye atarr semneñ o'ch sey'chateñ po'potantañ. Tarraña añ ñoñtsor ñeñt atarr nanac sherbets Yomporecop, saña ñeñtpa' ama chennasoña seyo'chro ama't e'ñe mamesha. Ñeñtpa' o'ch netma'ntacha atet ñerra'mrrate' ñeñt atarr es añe'toll allpon ñerra'm chopo'yecoll saña ñeñtpa' chaca'yeña seyorasoteñ tarraña ñeñtña atarr añecmuen allpon ñerra'm huaquesh* sapa' ñeñtaña sañyen e'ñe atta.

25 'Atarr nanac llequēntso'tsenes fariseoneshacha' ñaña sa ñeñtes e'ñe etsotayenayeñ ñoñets ñeñt atet anaret judioneshacop. Sapa' e'ñe se'pame'teneña setaza enotpa' o'ponoñapa' ama se'parro'teñe. Seplatopa'cho'ña enota e'ñe se'pata'teñ o'ponoñapa' ama se'pata'teñe. E'ñe atet sepena samña. E'ñe sa'cohuentatena ñeñt eno'mar ñeñt atet sey'chena sa allochñapa' attoch entenes allohuen acheñenesha' sapa' e'ño' cohuenes, tarraña o'pono seyo'chropa' amaca'yeña sa'cohuentateñe, allñapa' e'ñe chorren shonte' sosya'tsañe'chno ñeñt atto e'ñe seshquēno'te'na chocma es seprratñpesyen, atarr es seye'chapretannena, ñeñtñapa' e'ñeca'ye socpa.

26 Ñeñtes fariseoneshas, sapa' ama añeye' sechenoyoña seyo'chro ñeñt cohuen enten Yompor. Chaca'ye sottena ñerra'mrrate' e'ñe aporo'yecmas. Socoppa' añca'yeña poctetsa, ñanomcha'ña o'ponot se'pame'tña setaza, seplatopa'cho'ña ñanomcha'ña o'ponot se'patach. Allochñapa' o'ch e'ñe cohuenta emoshen'to'mar.

27 'Atarr nanac llequēntso'tsenes fariseoneshacha' ñaña sa ñeñtes e'ñe etsotayenayeñ ñoñets ñeñt atet anaret judioneshacop. Sapa' e'ñe ates ñerra'm apampaña ñeñt a'hullama'ttam'penet. Enotpa' e'ñech cohuen orrtenañ. O'ponoñapa' e'ñech chorren arromñatap ñaña pa'namen ñeñt nanac sosey.

28 Sapa'cho'ña e'ñerramche' atesña samña. Po'ño'chca'ye ñeñt atet sortatyen acheñenesha'ñapa' e'ñe atet entenset ñerra'mrrate' sapa' e'ñe cohuenare' es se'pa'yen. Tarraña o'ponoña seyo'chropa' e'ñe añña shontetsa alloch sommo'chyena, atarr seshcare'tanna'tyena, pa'namen sorratyen ñeñt ama't mamesha ama cohuenaye' entapretenso Yompor.

29 'Atarr nanac llequēntso'tsenes fariseoneshacha' ñaña sa ñeñtes e'ñe etsotayenayeñ ñoñets ñeñt atet anaret judioneshacop tarro'mar sa te'pa' satomaten enot ñeñt atarr cohuen senten sa all pampa'yesete't ñeñt a'mta'yesaye't Yompor po'ñoñ. Ñaña añe'na sa'cohuentam'pesyen all pampa'yesete't ñeñt acheñeneshar ñeñt e'ñe pocte' es pa'yesete't.

30 Saña te'pa' atet sotyleneñ: "Ñerra'm allempocmach ye'ñalletañ allempo corre't yatañneshañ, atto ñetpa' muetsanachete't ñeñt a'mta'yesaye't Yompor po'ñoñ, yañapa' amate' eso'mar yemtsapretaneto."

* 23:24 Ñehua, Jesús añ toma'ntatanet camello ñeñt payara penet all pa'nyo, ñeñt e'ñe allpon ñerra'mrrate' huaquesh.

³¹ Ñeñt atet sotyeneñpa' te'ña e'ñe sa señoñoŕpa' o' sa'metam̄psa e'ñe sañeña po'ñoçh sapa' po'nrenñesca'ye ñeñt muetsanataye't ahuat ñeñt a'mta'yesaye't Yompor po'ñoñ.

³² Ñeño'marña sa te'pa' ñeñfaca'yeña e'ñe setsoteññañ satañneshañ ñeñt allpon sosya'tsañeçhno ñeñt e'ñe motetnomnas ahuatoteñ e'ñe sa satañneshañ.

³³ 'Sapa' ama cohuenayayso atarr ashcarñañes, çha sottena ñerra'mrrate' sheçp̄a sompor sepen. 'Sapa' errotenuhuachñaca'yeña sequeshperrate'. Sapa' añaca'ye so'patenaya coñcheñets ñeñt parrare' tso' all o'pono.

³⁴ Ñeño'marña te' napa' o'ch nemñernnas ñeñtcha' a'mta'yerre' neñoñ, ñama ñeñt atarr eñotañ nepa'yen, ñama ñeñt atarr etsotayene' neñoñ ñeñt atet anaret ahuatoteñ. Tarraña saña ñeñtpa' çhachca'yeña semtsanatuerrnan ñeñt patanta'tets, po'potantaññapa' e'ñeçh secorso'tam̄pesuerrnan. Po'potantañña sapa' çhach senalle'tyesuerrnan e'ñe all sa seprahuo'mar. Atarr se'moñe'tenanet ñeño'marña çhocma soctare'tenanet anetsot o'ch sa'yetatuanet ñetñapa' o'ch ahuanemyeset po'poñ anetsot'mar.

³⁵ Attoca'yeña ora allohuen ñeñt e'ñe pocte' es pa'yestse't ñeñt amtsanatyesearetatse't ashataretetyesete't po'rras, sañapa' allemptoteñ e'ñe sa'yohuarettena ama't teme'ttsen, sa ñeñtes corretsa te', ama't allemptoteñ amtsaretta Abel ñeñt ama es yeçhcatetso ama't coñe'ta tarremphua allempto semtser ñama Zacarías ñeñt Berequías puechemer. Ñeñña sapa' alla semtser Parets po'ponro puecha'petarot allo'tsen altar allotecma sherbete't Yompor. Ama't allohuen ñeñt amtsanatyesearettatse't allempto sañapa' e'ñe allemptoteñ sa'yohuaretterra.

³⁶ Po'ñoçhca'ye notenes, acheñenesha' ñeñt corretsa te' ñetñapa' atsa'tataretterretcha' e'ñe ora allpon atserrp̄atse'tyesonete't ñeñt e'ñe pocte' es pa'yestse't Yompreçop.

Atto Jesús̄pa' puellquẽñoñan jerusaléño'marnesha' atarr ya'na'tosanet (Lc. 13.34-35)

³⁷ 'Te'pa' e'ñe nellquẽñoñ o'ch notas sa ñeñtes jerusaléño'marneshas, ñeñtes muetsanatyeseaye't ñeñt a'mta'yesaye't Yompor po'ñoñ, sa ñeñtes rrollapeçhyesaye't ñeñt amñarettatse't sesho, te'ña napa' o'ch notas: Napa' atarr atonoche tats nemneñeñ o'ch na'yapaçha'huerrsoñ allohuenes nesho attoch e'ñe cohuen necuam̄pensoñ. Nemneñeñ o'ch na'yapaçha'huerrses atet ñerra'mrrate' atollop a'yapaçhene' puechoyoresha' o'ch e'ñe seto'tuanet. Tarraña sañapa' ama't e'ñe mameshapa' amaña semno.

³⁸ Te'ñapa' all seyçhena sa, Yomporñapa' o'ch a'ypo'ñerres.

³⁹ Tarro'mar te'pa' o'ch alla noterrser: Na po'pocheñopa' amach alla senterne'te. Esemphuañenñapa' senterrencha', allemphoñapa' atetcha' soterren: "Aye'choçhtatpahuempa'ch Jesucristo ñeñt huapatsa ñeñt llesensen Yeyomporer."

24

Atto Jesús̄pa' eñotatanet e'ñeçh a'mata'tareteterra Partsopo' all Jerusaléño (Mr. 13.1-2; Lc. 21.5-6)

¹ Jesuññapa' çha'nerrerr Parets pa'paçlot. Alla ahuenerr allemphoñapa' ponem̄ya pueyochresha'. Ñetñapa' allenta cohuyeset ñeñt atarr coçhnesha'tyetsa allo orratarettena Partsopo'.

² Allempto Jesús̄pa' atet otanet:

—Ama't senteññ ora allohuen ñeñt co'chneshare' tarraña napa' o'ch notas: Po'ño'chca'ye 'cherrcha' allempoch e'ñe a'mata'taretetuerra. Ama't e'ñe pueñarra mapyetpa' amach a'puerroña all allo orratenet Partso'po' e'ñe'chca'ye poctacma a'coye'taretetuerra.

Atto Jesús'pa' eñotatanet shonte'ch entyerret pa'namen ñeñcha' eñotaterahuet o'cherrmoch allempoch mellapoterra (Mr. 13.3-23; Lc. 21.7-24; 17.22-24)

³ Ñeñta otuanenanetpa' allenta ahuen Olivo'ño. Allñapa' anorruien, pueyochresha'ñapa' o' alla hua'cherrñañeterr, e'ñe ñap'ochayet. Ñetñapa' atet otueretter:

—Yapa' yemneñca'ye o'ch 'potey 'zesempo'tcha'ña atet perra? Ñaña 'zeso'tcha' yentyerrña ñeñtcha' yeñotaterre' allempoch pehuerrmocha o'ch mellapoterra?

⁴ Jesúsñapa' atet otanet:

—E'ñech señoterra, allochñapa' amach esesha' seshquërraye.

⁵ Tarro'mar shonte'ch orrterrtsa ñeñtcha' ay'cha'nataterre' neso'cheñ, ñeñtcha' otyerrets: “Napa' ñeñtca'yeña Cristotets.” Ñetñapa' shonte'ch shequëret acheñenesha'.

⁶ Ñaña allempoña sapa' se'mare'tyerrcha' o' quellareñtsotyerr allampaño'mar, ñaña se'mare'tyerrcha' o' quellareñtsotyerra ora erra'paren anetso'mar. Saña allempopa' amach 'cha seyorenatsto ama't e'ñe mamesha. Ñeñt'pa' atetcha'ca'ye e'ñe po'ño'ch perra. Tarraña allempopa' amach chena' allempoch e'ñe mellapoterra.

⁷ Pa'namen acheñ ñeñt e'ñe po'poñe'ttso'cma mereñtsoret'pa' ñetpa' quellaranna'terretcha'. Ñaña pa'namen anetsot am'cha'tarete'chnopa' quellaterrancha' pueyochrenesha'cno. Orrterrach allemeñ mue'cheñets o'ch e'ñe chaporrñatsotyerr erra'paren. Ñaña orrterrach pa'namen atsnañtso'cno ñeñt atarr apatanna'tpo'. Pella'yerrach pats ora erra'paren.

⁸ Ñeñt atet o' notuas te'pa' ñeñtña allempopa' ñeñtcha'ña ñanom mue'ro'chtaterrahuetña allempo.

⁹ 'Allempoña sapa' pomuerrsetcha' attoch errotuanen perrset allcha'ña muetsatyerrset. Atarrcha' e'moñe'terres allohuen acheñenesha'cno tarro'mar sapa' naca'yeña e'ñe same'ñena.

¹⁰ Ñaña shonte'ch acheñ allempo ñeñtcha' que'chpuerre' Yompor. E'ñe ñagattsetapa' e'moñe'tanna'terretcha' attotcha' pomatatanna'tyerret.

¹¹ Ñaña allempopa' orreyerrach shonte' ñeñtcha' ay'cha'naterrtsa ñetpa' año' a'mtenet Yompor po'ñoñ. Tarraña po'ño'ch amach Yomporeye' po'ñoñ a'ñterreto, ñetpa' attachña shequëretña shonte' acheñenesha'.

¹² Allempopa' atonterrach erra'paren pa'namen sosya'tsañe'cno allochña atarr atpare'terrñañet Yompor po'ñoñ. Ñeñt'o'marña shonte' acheñpa' o'huañcha' allo'na morrentanna'tnenet.

¹³ Tarraña ama'tcha' errotuanen a'paretterret, esesha'ch e'ñe ahuanta'huanmue' ñeñtcha' ama neque'chpuerraye, ñeñtñapa' ñeñtcha'ña a'queshpatarettertsa.

¹⁴ Ñaña allempopa' añ cohuen ñoñets atto ayochreshattena Yompor ñeñtcha'ña ñanom serrpare'tatyeretña acheñenesha' ora erra'paren allohuanen añe patsro. Attochña eñotateretña ora allohuen pa'namen acheñenesha' ñeñt po'ño'ch atet otene'y Yompor. Allempochña po'ño'ch mellapoterra.

15 'Ñehua, ahuat Daniel ñeñt a'mtaye't Yompor po'ñoñ, ña po'quellcopa' atet ote't: "Cherrcha' allempo ama't ñeñt ama masosyaye' enteno Yomporpa' ñeñtñapa' cherrcha' all ama't ñeñt e'ñe Partsocpa anareteñ. Ñeñtpa' ñeñtachca'yeña e'ñe a'chencatuerrahuet." Ñehua, ñeñtcha' lleyerre' añ ñoñetspa' ñetñapa' eñoteretepa'ch. Ñeñto'marña ñerra'm esempoch senter o' chap all ñeñt e'ñe Partsocpa anaretpa'

16 allempoña ñeñt allpon Judeo'tsa'yen ñetñapa' allorocmuepa'ch yetrra'terret, ahuanerretepa'ña aspentareronet.

17 Ate't ñerra'mrrate' puesheña'tets ñato' ñetña allempopa' eno'tsa'yenetcha' pa'pacllato, ñetñapa' sohetepa'chña tecma tarraña amachña be'tosatsetnomuetoña po'ponreto attoch yoratsre'tnomuet.

18 Ñaña puesheña'tets ñeñt pa'mro'tsenpa' allempoña ñetpa' amachña onatsterreto attoch erreta' pa'shtamuets.

19 Allempopa' atarrcha' llequëñets añecop ñeñt a'chomenare' coyanesha' ñaña ñeñt allohuen emaretollesha'chno. (Tarro'mar ñocpuetpa' atarr torrapo' attoch yetrra'tet ñamet.)

20 Ñaña Yomporcha'ña sema'yocha allochñapa' amach cha huapoto allempoch seyetanpesya ñaña amachca'ye aña yetro seyetatsto allempocma samesen.

21 Allempopa' orrterrach muerochteñets ñeñtcha' atarr muerochtaterre' allohuen acheñenesha'. Ñeñt ama't ahuatapa' ama puemuerochtareto atet atarr nanac huomenc. Ama't allempoteñ e'ñe errete' aye'chcataretta añ patser ama puemuerochtareto atet. Allempoña ellopa' amach atet alla muerochterrete'te ama't errponaña.

22 Allempoch atarr amuerochtataretterret. Tarraña allempoña Yomporpa' ñach oterrets te'pa' allohuach. Ñerra'm amach oto allohuachpa' allempoña ama't puesheñarrapa' amach esesha' queshperrtso. Tarraña ñeñtña ame'ñenaya ña ñeñt acrenpa' ñocpuetñapa' oterrcha' te'pa' allohuach.

23 'Ñehua, allempoch orameñ muerochteñetspa' ñerra'm esesha' sote': "Arro'tsenca'yeña Cristo", amapa' o'ch otaset: "Tarro'tsenca'ye Cristo", sañapa' amach same'ñatstaneto.

24 Orretyerrachca'ye ñeñtcha' otyerrets ñapa' ño'ña Cristotets. Tarraña ñeñtpa' attachca'ye shecare'tyerranña acheñenesha'. Orretyerrach ñaña ñeñtcha' otyerrets ñapa' ño'ña a'mtene'ña Yompor po'ñoñ, tarraña ñeñtpa'cho'ña e'ñech attecma shecare'tyerran acheñenesha', amachña Yomporeye'ña po'ñoñ a'mteno. Ñeñtcha' atet shecare'tyerrets, ñetñapa' orrtatyerretcha' ñeñt ama't ahuata acheñenesha'pa' ama puentare, attochña cohuanrrortateretña acheñenesha'. Ama't ñeñt Yompor pa'carnesharpa' mueneñetañcha' ñeñte'nachña shequërrer.

25 Señohepa'ch ama't ama' chena' muerochteñetsopopa' napa' o' e'ñe notuas sa.

26 Ñeñto'mar te'pa' notenes: Ñerra'm allempoch atet oterrsset: "Tarro'tsenca'yeña Cristo a'yo all amayo", sañapa' ñato'tña sesena'ña all o'ch senteña'. Amapa' ñerra'm atetcha' oterrsseterr: "Tarro'tsenca'ye Cristo o'pono pocollo", sañapa' ñato'tña sesena'ña all o'ch senteña'.

27 Tarro'mar ñerra'm esempo cherr allempoch nohuerra na Ñeñten Acheñetosets e'ñe allohuen acheñenesha'pa' entapuerrnetcha' tarro'mar allempopa' atetcha' ne'pater ñerra'mrrate' meratste', o'ch meratsta

huomencpa' e'ñech a'puetaresuan ora enet errañaren, ama't allot huena atsne' ama't e'ñe allohuanen emuena.

²⁸ Ñeñtpa' e'ñechca'ye atet perraña ñeñt atet senten te' ñerra'm erro'tsen ñeñt rromuepa' allcha'ca'yeña shonterraña tse'm.

Atetcha' perra allempoch huerra Cristo Ñeñt Acheñetosets
(Mr. 13.24-37; Lc. 21.25-33; 17.26-30, 34-36)

²⁹ 'O'chña huañerr ñeñt mueroçhteñetspa' allempoñapa' e'ñech allorocma mayerr atsne'. Arrorppa'cho'ña o'huañcha' atsnom. Rantoçhnopa'cho'ña shorçha'terrcha' entot. Ñaña ñeñt huomenc orra'yetsa ento te' allempoña ama't ñeñtpa' pella'yerrach.

³⁰ Allempoñapa' orrterrach ento ñeñtcha' señotaterre' naca'yeña o' nohuerra Ñeñten e'ñe Acheñetosets. Allempochña nanac llecanrrorterra allohuen pa'namen acheñeneshaçhno ñeñt aña patsro'tsen. Entapuerrnetcha' na Ñeñten Acheñetosets o'ch nesuanperra osot e'ñe entot. E'ñe nepartoteñohuen e'ñech necohuenteñesha' nohuerra.

³¹ Nemñercha' nemllañoñeñnanesha' ñetcha'ña poctora'nerrtset atarr huomenc. Ñetcha'ña a'yapaçha' huerret allemateñ ñeñt acren Nompoc nocop e'ñech pa'tatsshemto'marohuen allotecma orrnotena. E'ñech allemateñ a'yapaçha' hueretcha' e'ñe allohuanen añ patsrot.

³² Ñaña te'pa' señochepa'ch ñeñt atet pena higoçh. Ñehua, esempoch senteñ higoçh o'ch emçachyen puetaçretollesha' allotcha' o'ch alla tapna'tyerrerr pasopaner, sañapa' ñeñtcha'ña señotatene' o' çhenmoch allempoch huoraterrerr.

³³ Attecmach perra ñerra'm esempoch sentyerr ñaña ñeñt allpono' notuas, sapa' ñeñtcha'ña señotaterre' po'ñoçh o'ca'ye çhermmoch allempoch e'ñe etsoterra, o'ca'ye e'ñe allame'ttsamerra.

³⁴ Napa' po'ñoçh o'ch notas, acheñenesha' ñeñt e'ñe correta te' ñetña amach e'ñe rromhueneta'pa' allempocmach e'ñech etsoterra allohuen añaçhno.

³⁵ Esemphuañen añ enet ñeñt senten te'pa' e'ñech chenca'huerra; patspa'cho'ña attecmach perra e'ñech chenca'huerra. Tarraña ñaña neñoñpa' amach chenuçerro ama't e'ñe ahuata.

³⁶ Tarraña ñeñt yetroch nohuerrapa' ñeñtñapa' ama eseshaye' eñotenaye. Ama't erro'tsente' atsne' ama't erro'tsen tsapro ñeñtpa' ama't mellañoñeñesha' ñeñt pue'ntaño'tsa'yen ñetpa'cho'ña ama't puesheñarroçetapa' amaña eseshaye'ña eñotenaye allempoch nohuerrerr po'pocheño. Ama't na ñeñten Yompor Puechemeren napa'cho'ña te'pa' ama neñoteñe, ñapñaña Nompoc Parets eñotene'.

³⁷ Tarraña allempoch nohuerra po'pocheño na Ñeñten Acheñetosets, allempopa' e'ñech atet perret e'ñe atet pete't ahuat allempo corre't Noé.

³⁸ Ñehua, allempopa' ama es pueçha'yeneto aña e'ñe cotape'çhete't atto atarr pa'namen muenenet ñeñtcha' rra'yenet, orrare'tyesete't, sena'tanatyena yacmaneshaçhno, coyaneshaçhnopa'cho'ña apanatyesete't ñeñt yoranatyesahuete't. Ñetñapa' ñeñta e'ñe cohuen entete't. Atteñapa' çhap allempe be'tosos Noé po'huarcopahuo.

³⁹ Ama es pueçha'yese'te machayotepa'tcha' choça oñ erracmañen, attoña añañanatuerranet oñ allohuenet. Attecmach perra ñerra'm esempoch nohuerra na Ñeñten Acheñetosets. Machayotachca'ye nohuerra.

40 Ñaña allempopa' atetcha'ca'ye perra; puesheña'tetspa' anmaretterrach; ama't ñeñt e'ñe pamo'ts pannenetañ ñeññiapa' allach asa'nmaretterra. Ñato' allempopa' allo'tsencha' epsheña yacma pa'mro, puesheñarrñapa' anmaretterrach po'psheñeññapa' allach asa'nmaretterra.

41 Amapa' ñato' allempo allo'tsencha' epsheña coyanesha' ñeñt parro puetse'tets mapyo, ñeñtpa'cho'ña puesheñarrpa' anmaretterrach po'psheñeññapa' allach asa'nmaretterra.

42 Ñeñto'marña te'pa' o'ch notas: Chocmuepa'ch seño'sertenna tarro'mar sapa'cho'ña ama seño'tenno esempoch nohuerra na ñeñten e'ñe Separtseshar sepen.

43 Napa' e'ñech machayota nohuerra atet pena eñe' allempo atta es sepcha'yena machayotach huaponasa o'ch yoratsre'tensa'. Tarraña sa ñeñtes apacllates señoche'pa'ch ñerra'm seño'teñeñ e'ñech esempo tsapro huaponasa eñe', sapa' chochña seño'sertenañ attoch amach semnacheña o'ch torañpsas sepacllo o'ch be'tosañpsasa o'ch yoruennasa' ñeñt allpon semorrentyena.

44 Ñeñto'mar notenes sapa'cho'ña chocmuepa'chña seño'sertenna tarro'mar allempoch atta es sepcha'yenapa' allempochña nohuerra na Ñeñten Acheñetosets.

Atetcha' aparetterra ataruasañ ñeñt e'ñe cohuen etsotene' atet yecheña pamo'mte' ñaña atetcha' aparetterra po'poñ ataruasañ ñeñt ama etsotaye ñeñt atet yecheña pamo'mte'

(Lc. 12.41-48)

45 Jesúsñapa' alla toma'ntaterraneterr po'poñone', atet otterraneterr:

—Allohuenespa' atetcha' sepa e'ñe cohuen atet ñerra'mrrate' puesheñarr yacma ñeñt atarr ame'ñañaitetsa ñaña e'ñech eñotenan ñeñt atarr sherbets. Ñeñña yacmarpa' añ yechenaya pamo'mte' e'ñe alla pa'paclo. Añcha' po'taruas pen chocmach apa'yesan allohuen po'potantañ pamo'mte' pa'taruasañer puerraret allpon ñeñt poctetsa puesheña'ttsocop. Ñapa' attec'mach penanet, chocmach apuenanet ñerra'm esempoch cherrerr allempo atet anaret ñocop o'ch alla apa'yerraneterr po'pocheño. Ñapa' chocmach atet pena amach quechpuenaneto tarro'mar ñapa' e'ñe eñoteñ attoch e'ñe coshatenan pamo'mte'.

46 Ñeñña ataruasañpa' atarrcha' coshatapuerran pamo'mte'. Ñerra'm esempoch huerra o'ch alla entuenan pa'taruasañer ama cho quechpuenano ñeñt po'taruas apa'neñ ahuañmo'choteñ.

47 Po'ño'ch o'ch notas, ñeñña yacmar atarrcha' coshatueñ pamo'mte'. Añcha' coshaterre' o'ch nohuer añcha'taret ñeñtcha' cohuanpsaprete' ñeñt allpon echyen pamo'mte'.

48-49 Tarraña ñeñña ataruasañer allempo ama huerra' pamo'mte' ñerra'm ñapa' atta oten pueyo'chro, namo'mte'pa' amach ahuen huerro, allempoña ñapa' chach ashtapechyenan ataruasañe'chno ñeñtcha' rratañ. Ñaña' ñerra'm attach allemeñ rrapretyen ñaña attach orrare'tapretyen allcha' atarr posa'tare'tyen, ñeñña ataruasañ atetpa' ama't mameshapa' ama cohuenayaye.

50 Ñeñña ataruasañer ñerra'm ñapa' attach ottatse'tyena amach es puecha'yeno amach eñoteñe ñeñte yetroch huerra pamo'mte' ama't erro'tsencha' yetro huena.

51 Machayotachña huerra pamo'mte'pa' atarrcha' coñchatuer, allach mueñuer all ñeñt' o'patenaya allohuen ñeñt' po'ño'ch ama ame'ñetso ñeñt' atta shecare'tyets. Allñapa' allcha' yahuanrrorterret panmueño'fet atserrpa' rraso'tyesosetcha' pa's.

25

All atma'ntataretta ñeñt' atet pena çharrasheña shopshare'

1 Jesúsñapa' alla yeçhaterraneterr, ñeñt'pa' atet otanet:

—Allempoch amñcha'taretterra Yompor ñeñt' pue'ntaño'tsen allempoch nohuerra na, ñeñtña allempopa' atetcha' perra e'ñech atet ñerra'mrrate' çharrasheña shopshare' ñeñt'cha' tatsa allcha' cohuoset allempoch huer-ranet ñeñt' e'ñe errte' sena'tetsa. Ñetñapa' anomyeset po'lampareñ alloch poctapueñet ñerra'm esempoch huerra.

2-4 Ñeñtña amnarsheña ñetpa' atta es puecha'yenet ñeñto'marña ama an-muetoña po'poñ aceite' alloch a'huortaterret po'lampareñ allempoch huañ ñeñt' anmanñset po'lamparñemo. Po'potantañ amnarsheña ñetpa' atarr eñotenet attoch eñose'rtañet e'ñe cohuen, ñeñto'marña ñet e'ñe ellonetpa' anomyeset aceite' puetellmo alloch a'huortaterret po'lampareñ ñerra'm es-empo huañapset ñeñt' po'lampareñemo'tsenet.

5 Allña ñetpa' cohueñet, ama ahuenaye' huerranetoña ñeñt' sena'tetsa. Ñetña all machayota moñe'tyesetpa' chepa'tcha' manrra'tuatsat.

6 O'ña ñarenen tsappa' allempoñapa' machayota e'muet rranarets, ñeñtñapa' atet oten: “Tayaca'yeña huennasaña ñeñt' sena'tetsa ñeñt' atarr secuen. Secha'nomñaca'ye' o'ch sepocten.”

7 Allempoñapa' allenta tanrrra'tuaña allohuen shopshare' ñetñapa' a'cohuenetyeset po'lampareñ.

8 Amnarsheñaña ñeñt' ama yerpa'pesnomaye aceite' ñetñapa' atet otare'chet po'potantañ amnarsheña ñeñt' çhocma anmue' aceite': “Te'pa' o'ch socya'y yañña aceite' ñeñt'cha' ya'huortatnom. Yapa' o' maya'huaña yelampareñ.”

9 Ñeñtña e'ñe cohuen eñotene' eñose'rtatsapa' ñetñapa' atet ochetña po'poñ amnarsheña ñeñt' enamuenahuet aceite': “Amachca'ye yocyaso te't yehuañapen yañña. Sapa' arrña seta all pomueñet o'ch serañteña' samña socop.”

10 Ñet ahuanmatset o'ch rañteñeta'pa' ñeñtña sena'tetsapa' e'ñe allorocma çhen. Ñeñtña po'poñ amnarsheña ñeñt' e'ñe po'ño'ch çhocma eñose'rtetsa, ñetñapa' be'toscha'tet parro epuet ñeñt' sena'tetsa. Allñapa' allcha' atarr coshame'tapreteret. Allñapa' e'ñe echarr yottamñset.

11 Allña e'ñe o'chtatsapa' o' huaçherraña po'potantañ amnarsheña shopshare' ñeñt' ahuanmatsa ñorra'. Ñetñapa' atet otuerret: “Petoramñsaye'chapuerrey Nepapareshacha'.”

12 Ñañapa' atet otapueranet: “Te' napa' o'ch notapuerres, sa amaca'ye po'ño'chaye' seyemtenno.”

13 Jesúsñapa' alla oterranerr ñeñt' e'mñotene':

—Ñeñto'marña na te'pa' o'ch notas: Sapa' çhocmuepa'chña e'ñe cohuen señose'rtena, tarro'mar sapa' amaca'ye seño'teñe erra'tsencha' yetñatsro allempoch nohuerra na Ñeñten Acheñetosets, ñaña erro'tsencha' yetro ama't ñeñt'pa' ama seño'teñe.

All atma'ntataretta ataruasañechno ñeñi aparettatsa puesheña'tets quelle ñeñi otenet talento

14 Jesúsñapa' alla ye'chaterraneterr po'poñ, ñeñi'pa' atet otterraneterr:

—Allempoch amcha'taretterra Yompor ñeñi' pue'ntaño'tsen allempoch nohuerra na, ñeñiña allempopa' e'ñech atet perra ñerra'mrrate' puesheñarr yacma o'ch ahuo' ñachayo. Ñeñiña yacmarpa' o'ch agotnoman pa'taruasañrenesha'pa' o'ch apa'yesnomanet quelle ñeñi' allpon echen; ñetñapa' o'ch cohuam'psoñet tarremphuach esempohuañencha' huerra.

15 'Puesheñarrpa' apa'neñi amnarmeta talento, ñeñi'pa' atarr shonte' quelle allpon ñerra'm amnar mil. Ñapa' añecop apa'neñi attoch ellopa' o'ch atontatan po'patronar po'çllayor. Po'psheñeñpa' apa'neñi epmeta talento, ñeñi'pa' allpon quelle allpon ñerra'm epa mil. Po'psheñeñpa' apa'neñi puetarr talento. Ñeñi'pa'cho'ña allpon quelle ñerra'mrrate' paterr mil. Ñehua, puesheña'tsetpa' e'ñe allpona apa'yesnomanet ñeñi' e'ñe allpona eñotyenet attoch ellonetpa' atontatet quelle. Ñeñi'ña apa'yesuanmanetpa' ñañapa' allenta ahuo' ñachayo.

16 Ñeñi' agapue' amnar mil ñañapa' allorocma ahuo' allcha' taruasatan quelle; attoña ellonetpa' o' alla ganerrerr po'poñ amnar mil quelle.

17 Atet pa' ñaña ñeñi' agapue' epa mil. Ñapa'cho'ña ellonetpa' ganerrerr po'poñ epa mil quelle.

18 Tarraña añña ñeñi' agapue' paterr mil ñañapa' allenta aneñi' allcha' pampueña'; attoca'yeña ñapa' cha e'potanña quelle.

19 'O'ña atomatpa' o' huerranetña po'patronaret, allenta agotatuerranet attoch entuerranet po'taruas errotente' taruasa'yeseñe' puesheña'ttset.

20 Ñeñiña agapue' amnar mil ñañapa' huapapa' apapuenan po'patronar po'poñ amnar mil quelle, ñeñi'pa' atet otapueñ: “Añña Nompurcha' ñeñi' pa'pam' nuen amnar mil quelle ahuaña, ñapa' elloca'ye neganerrerrña peçllayorot po'poñ amnar mil quelle.”

21 Po'patronarpa' atet och: “E'ñe pocte' neyochrecha'; pa'pa' atarr cohuen pesherbeneñ. Papa' e'ñe cohuen petsoton ñeñi' atet notnomuep. Ama't allponatolla ñapa'nmañ ahuaña, pañapa' atarro't cohuen pesherbatoñ. Ñeñi' marña te'pa' o'ch nenuerreñ pa'ch necuam'psapreterre' ñeñi' atarr aton. Te'ña pa'pa' pebe'tos allcha' atarr po'chshapreterrna.”

22 Allempona'pa' ñeñi' agapue' ñaña epa mil, ñapa'cho' huapapa' apapuenan po'patronar po'poñ epa mil quelle. Ñapa'cho'ña atet otapueñ: “Nompurcha' ñeñi' pa'pam' nuen ñaña epa mil, ñapa'cho'ña elloca'ye neganerrerrña peçllayorot po'poñ epa mil quelle.”

23 Ñapa'cho'ña po'patronarpa' atet och: “E'ñe pocte'; pa'pa'cho'ña atarro't cohuen pesherbeneñ. Papa'cho'ña e'ñe cohuen petsoton ñeñi' atet notnomuep. Ama't allponatolla ñapa'nmañ ahuaña, pañapa' atarro't cohuen pesherbatoñ. Ñeñi' marña te'pa' o'ch nenuerreñ pa'ña pa'ch necuam'psapreterre' ñeñi' atarr aton. Papa'cho'ña te'pa' pebe'tos pa'ña allcha' atarr po'chshapreterrna.”

24 Allempona'pa' huapa ñaña ñeñi' agapue' paterr mil quelle. Ña'ñaapa' atet otapueñ: “Ñapa' neñoteneñ Nompurcha'. Papa' amaca'ye matsrre'mñape; pa'pa' cho'cmaca'ye pepratan'pesyen ama't ñeñi'pa' ama' poyaye ñaña cho'cmaca'ye po'chchatyenña ñeñi' ama' pa'ye' nare'tatyenaye; cho'cma es pa'yapa'cha'yen ama't ñeñi'pa' amaca'ye pa'ye' na'yenaye.”

25 Ñeñto'marña napa' cha nemcha'teneþ. Ñeñto'marña ñeñt þapa'nmuen ahuaña paterr mil quellepa' nañapa' cha nepamponaþ. Te'ñapa' o'ch alla napapuerreþ ñeñt e'ñe po."

26 Allempoña po'patronarpa' atet och: "Paña po'ñoçhpa' amaca'ye co-huenaye' pesherbanno ama't mamesha; atarrca'ye quellañtsoþ. Ñerra'm e'ñe po'ñoçh peñotenoñ çhocma es neprratamþesyeneñ ñeñt ama noyaye; ñerra'm po'ñoçh çhocma nocsechatyeneñ ñeñt ama naye' nare'tatyenaye; ñerra'm po'ñoçh çhocma es na'yapaçha'yeneñ ñeñt ama naye' na'yenayñe, ñerra'm e'ñe po'ñoçh atet pentennoñpa'

27 eso'maruañaca'ye amaña bancoye' penennanoña neçllayor allochñapa' te'ña o' nehuerrapa' nagaphuerreñcha' ñaña allo atontatonet neçllayor."

28 Allempoñapa' atet otan ñeñt tomçha'tyets all: "Te'pa' çhosa puer-ratamþerre'ña ñeñt paterr mil quelle o'ch sapuer ñeñt echene' çharra' mil quelle."

29 Ñeñto'marña te' napa' o'ch notas: Ñeñt es echets shonte' e'ñe puesherbateñoïet pamo'mte', ñetña ellonetpa' o'ch alla aparetterret po'poñ aton. Tarraña ñeñt ama es echetsopa' ama't allponatolla ñeñt echyenetañ aprratamþsaretterretcha'.

30 Ñaña añ ataruasañer ñeñt ama nesherbena'ye, te'ñapa' çhosaña hua-pore'te' a'yot checmetot. Allñapa' allcha' yahuanrrortenet panmueñoïet atserpa' rraso'tyesosetcha' pa's."

Allempoch ellopa'tetstataretterra ñeñt toma'ntenaya carrneroçhno ñaña ñeñt toma'ntenaya cabraçhno

31 Allempoch nohuerra na Ñeñfen Acheñetosets, nohuerrach e'ñe nepart-soteñoñhuen epan allohuen nemillañoïefñaneshar. Allempopa' nanorruercha' neconaño allcha'ña e'ñe nepartsotuerr e'ñe necohuenteñesha'.

32 Allempoñapa' e'ñech nesho apçherra allohuen pa'namen acheñ ñeñt yeçha'yetsa arr patsro. Allempoçhña nellopa'tetstateranet e'ñe atet pena ñeñt pamo'mte' pen carrnero, ñaña'apa' o'ch ellopa'tetstatenan carrneroçhno ñaña cabraçhno.

33 Acheñenesha'ña ñeñt e'ñe cohuenpa' ñetñapa' necohuenrotcha' nenuer-ranet ñeñt e'ñe atet ñerra'm carrneroçhno. Ñaña ñeñtña ama cohue-nayayepa' ñetñapa' ne'chcoterotach nenuerranet ñeñt e'ñe atet ñerra'm cabraçhno.

34 Naña allempoch atarr na'mçha'taretterrapa', atetcha' noter ñeñt necohuenronte'tsa'yen: "Sapa' sonaça't allohuenes tarro'mar Nomp-or o'ca'ye atarr bensare'tamþerres. Te'ña sapa' o'ch saguèrr ñeñt o'patatensa ahuatoteñ. Ama't allempoteñ Nomporpa' errete' yeçhcatene' pats sañapa' allempoteñ o'patatasa atfoch sa'mçha'tarettapretera.

35 Tarro'mar napa' allempo nachporre'tpa' saca'yeña nerratallme'chaye't. Allempo no'ñpa'te'tpa' saca'yeña nonayesaye't. Allempo neçhapue't sesho all ama nentare sañapa' çhocma e'ñe cohuen sagapne't.

36 Allempo nemuelle'tpa' saca'yeña nepashtaye't. Allempo natsna'te'tpa' sañapa' çhocma secuamþesne't. Allempo yottamþesnete'tpa' saca'yeña e'ñe cohuen nemo'taye't."

37 Allempoña ñeñt e'ñe cohuen es neþa'yeyesaye'tpa' ñetñapa' atetcha' oterrnet: "Ta'm Parteshacha', ¿esempo'tña yentape't allempo þachporre't allempo yerratallme'chape't? ¿Esempto'ña yentape't allempo po'ñpa'te't allempo yonape't?"

38 ¿Esempo'tña yentape't allempo peçhapue't yesho all ama pentare allempo e'ñe cohuen yagapape't? Ta'm ¿esempote'ña yentape't allempo pemuelle't allempo yepashtape't?

39 ¿Esempo't yentape'tña allempo pãtsna'te't ña'ña allempo yottam̃psapete't allempo yemo'tape't?"

40 Allempoña na ñeñen Partshanha'p' atet'cha' noterres: "Te' napa' o'ch notas: Po'ñoçhpa' allempo e'ñe cohuen atet sepa'yeshane't na nemo'nasheñesha' na'naca'yeña e'ñe cohuen atet sepen. Ama't puešheñarra ñeñ' ama esoshe'maye' entyese'te acheñenesha' allempo, tarraña saña allempopa' atto e'ñe cohuen es sepa'yeshanete't, na'naca'yeña e'ñe cohuen atet sepen allempo."

41 Allempoña ñeñ' ne'chcoteronte'tsenpa' atet'cha' noterranet: "Sapa' orrerres arrot, sapa' aña so'patenaya ñeñ' atarr yoroçhen. Te'ñapa' orras all huorten tso' erraḡaren ñeñ' ama amayaño ama't errponaña. Ñeñ'ña tsorpa' añ o'patateñet oneñe't e'ñe pueyochreshohuen.

42 Tarro'mar na allempo nachporre'tpa' sapa' amaca'ye saye' nerratallme'chaye'te. Allempo no'ñpa'te'tpa' amaca' saye'ña nonaye'te.

43 Allempo neçhapue't sesho all ama nentare sapa' amaca'ye cohue-naye' sagapne'te. Allempo nemuelle'tpa' sapa' amaca'ye saye' nepash-taye'te. Allempo natsna'te't ama't ña'ña allempo yottam̃pesnete'tpa' saña'pa' amaca'ye semo'tne'te."

44 Allempoña ñetpa' atet'cha' oterrnet: "¿Esempohuañaca'ye, Partshacha', yentape't allempo paçporre't ña'ña allempo po'ñpa'te't ña'ña allempo peçhapue't yesho all ama pentare ña'ña allempo pemuelle't ña'ña allempo pãtsna'te't, ña'ña allempo yottam̃psapete't? ¿Esempo'tña yentape't atet allempo yapa' ama't coñe'tapa' ama es yapape'te?"

45 Allempoña napa' atet'cha' noterranet: "Te'pa' o'ch notas: Po'ñoçh sa allempo ama a'cu'a'ḡsenaye' sentone'te allohuen na nemo'nasheñesha', na'naca'yeña atet sente'tña allempo."

46 Allempoña acheñenesha' ñeñ' ne'chcoteronte'tsen, ñetñapa' ahuan-erretcha' allcha' coñcherret e'ñe erpronohuañen. Añña ñeñ' e'ñe cohuen es pa'yestse't ñetñapa' ahuanerretcha' Yomproesho allña ñetpa' corretsetach pocsheñeshocmañen errponañohuen.

26

Atto atarr o'pateñet Jesús o'ch muetsatateret

(Mr. 14.1-2; Lc. 22.1-2; Jn. 11.45-53)

1 Jesúsñapa' allempo serrpare'tatuahuanet allohuen añ ñoñetspa' allempoñapa' atet otan pueyochresha':

2 —Sapa' seño'teñ o'ca'ye epomtãapa' o'ch çhapa'muen pascuapo. Allempoña na Ñeñen Acheñetosetspa' allempoçhña pomuerrnet attot'cha'ña corso'tam̃perrnet.

3 Allempoña allohuen judionesha' pa'mcha'tareternesha' ñetñapa' apçhet. Añ apçhatsa allohuen ñeñ' judionesha' po'cornaneshar pa'mcha'tareternesha' epuet ña'ña ñeñ' atarr etsotayenayeñ ñoñets ñeñ' atet anaret epuet ña'ña ñeñ' pompornesha' pen allohuen judionesha'. Ñetñapa' arr apçhenet cornesha' pa'paclo, ñeñ'ña cornesha'pa' ñaca'yeña atarr nanac pa'mcha'tareter penet, ñeñ'pa' añ pa'so'cheñ Caifás.

4 Allña ñetpa' cotape'chatannenet, Jesús'a atarr o'patenet. Ñetñapa' atet otanna'tyeset:

—Errotuachca'ye yepe'te' attoch yeshcach e'ñe a'nahua esheccha' yer-mach attotcha' yemtsatach.

⁵ Ñetña allempopa' alla otanna'tyerreterr:

—Tarraña te' pascuapo allempo shontena acheñenesha' amachca'ye yer-matsche allañaca'ye cha yatsrre'mochtateñ acheñenesha'.

Atto puešeñarr coyanesha'pa' shosan eñmosať Jesús poño

(Mr. 14.3-9; Jn. 12.1-8)

⁶ Pamtarrña Jesús'pa' Betanio'tsen all Simón'pa' pacillo, ñeñña Simón'pa' ñeñt ose't puetsarñats.

⁷ Jesús'ñapa' alla anen all rrallme'chen. Allñapa' huapoña puešeñarr coyanesha', huapatan eñmosať ñeñt ama matsa'to; huapatañpes puetellmo ñeñña puetellenpa' añ socheñet alabastro. Ñeñña eñmosaťpa' alla she' Jesús poño.

⁸ Pueyochresha'chnoña ñetña eñchetpa' cha atsrre'muet, atet otyeset:

—Eso'mare'tña atta a'pertatosanña eñmosať. Ñeñt eñmosaťerpa' amaca'ye matsa'to.

⁹ Chochña'cho' pomoseñpa' ganañcha' shonte' quelle allemponapa' apa'yeseñcha' ñaña allohuen huocchañnesha'chno.

¹⁰ Jesús'ña e'manetpa' ñaña'pa' atet otanet:

—Eso'mare'tcha' cha muene' satsrre'mochtana'tañña coyanesha'. Ñapa' atarrca'ye cohuen posen.

¹¹ Tarraña ama'tcha' cho pomosaneñ eñmosať alloch es apa'yeseñ huocchañnesha'chno, tarraña cho'cmachca'ye eñallña huocchañnesha'chno arr patsro. Nañapa' po'ño'chpa' amachca'ye allo'na sentenno arr patsro.

¹² Ñeñt atto shosnan te' eñmosať nechtso, ñeñpa' añe'c'pa'naca'ye sherben tarremphua allempoch a'yana'terrneterr ñeñtcha' epuet pampa'pesnet.

¹³ Po'ño'chca'ye notenes: Ora erracmañen añ patsro errach serrpare'tatyenet añ cohuen ñoñets allempopa' serrpare'chetpa' ñaña atet penen te' añ coyanesha', attochña ña'nach yerpunen.

Atto Judaspa' pomuerran Jesús

(Mr. 14.10-11; Lc. 22.3-6)

¹⁴ Allemponña pueyochresha' ñeñt charra' puechetsa epsheña, puešeñarrña ñeñt pa'so'cheñ Judas Iscariote, ñaña'pa' allenta ahuo' allo'tsa'yen ñeñt pa'ñcha'tareternesha' pa'yen allohuen judionesha' po'cornaneshar.

¹⁵ Chap allpa' ñaña'pa' atet otosanet:

—Ñerra'm o'ch negatas Jesús attoch serrmue'pa' ¿errpona'tcha'ña setsa'tna?

Ñetñapa' atet ochet:

—O'chca'ye yapa' ma'poch charratlla quelle.

¹⁶ Allemponña ñapa' aña e'ñe cotape'chyen errotenotcha' pomuerranña Jesús.

Atto Jesús'pa' rrallme'chatnenan pueyochresha' attoch cho'cmach yerpueret ñeñt yoten te' Santa Cena

(Mr. 14.12-25; Lc. 22.7-23; Jn. 13.21-30; 1Co. 11.23-26)

¹⁷ Allemponña chapa'muen ñeñt yetñatsro allempoch rrerretter pan ñeñt ama anareteyaye chase'. Chapa'muen ñeñt yeterpa' Jesús'ñapa' hua'cha'toña pueyochresha' ñetñapa' atet ofoset:

—Te'pa' ¿erra't pemneñ allcha' ya'potonap ñeñtcha' perra' pascuapo?

18 Ñaña'pa' atet otanet:

—Te'pa' o'ch ahues anetso; o'ch se'chap allo'tsen puesheñarr acheñ. Ñeñ'pa' atet'cha' sotos: “Ñeñ'ña Maestro Jesús'pa' atet'ca'ye oten: ‘Te'pa' o' chapmoch allempoch nerroma, te' Pascuapopa' arrcha' nerra'nom pepaclo neyochreshohen.’”

19 Atet otanet Jesús'pa' ñeñ'pa' atet'cho' pet. Allca'yeña añño'tosñañeñña rreñets allcha' rrallme'chet.

20 O'ña ellerrotanapa' Jesús'ña'pa' anorros allcha' rrallme'chatnenan pueyochresha' ñeñ'ñ charrasheña puechena epsheña.

21 Allña rrallme'chetsetpa' Jesús'ña'pa' atet otanet:

—Po'ño'chca'ye notenes: Puesheñarrofes sa ñeñ'escha'ca'ye nepomuerre'.

22 Ñeñ'pa' cha atarr lleca'rrtet. A'p'to'tyeset e'ñe puesheña'ttset:

—Parteshacha' ta'm çamate' na nepomuerrmochape?

23 Ñaña'pa' atet oterraneterr:

—Ñeñ'ñ natsapechapretene' nerrarpa' ñeñ'ñ'cha'ca'yeña nepomuerre'.

24 Po'ño'chca'ye te'pa' allo'na sen etsotnomtsa ñeñ'ñ atet anuaret Yompor po'ñoño nocop Ñeñ'ñen Acheñetosets; atot'cha' muetsaterrnet. Tarrña nocoppa' e'ñe pocte'; añña po'ño'ch acheñer ñeñ'ñ'cha' nepomuerre' ñocop'ña'pa' atarr llequeñets. Añ acheñerpa' e'ñeca'ye poctet'ñ ñocop amach'ña'cho' eñalletatstañe.

25 Judasña ñeñ'ñ'cha' pomuerre'pa' ñaña'pa' atet och:

—Maestrocha' ta'm çamate' na nepomuerrmochape?

Jesús'ña'pa' atet och:

—Pate'ca'ye atet'ca' poten.

26 All rrallme'chenet, Jesús'ña'pa' chetan pan parasyoso'tan Pompor. Parasyoso'tuepa' shota'tan panpa' apa'yesan pueyochresha'. Ñeñ'pa' atet otanet:

—Sagapyes o'ch serre' añmapa' ñeñ'ñ'cha'ña nechets sepen.

27 Alot'ña'pa' chetan ñaña orramets parasyoso'tuerrerrpa' apa'yerraneterr.

Ñeñ'pa' atet oterraneterr:

—Sorr ñaña añ narmetsos allohuenes.

28 Añ'pa' nerrasca'ye sepeñ ñeñ'ñ'cha' ashatarettatsa shonte' acheñeneshacop alloch apre'tnare'tterret po'ch'ñaret. Añ nerraspa' alloch e'ñe etserra a'poc'aterra acheñenesh' Apuesho.

29 Napa' o'ch notas: Te'pa' amach alla norrerre'te añ narmetsos tayoteñ tarremphuach allempoch alla ello yorrerrerr parro allempoch añcha'taretueterra Apa.

Atto Jesús'pa' eñotatan Pedro ñapa' chocmach a' nasocha

(Mr. 14.26-31; Lc. 22.31-34; Jn. 13.36-38)

30 Allempoña o' morrechuanmuet Yomporecoppa' ahuaneneterr Olivopño.

31 All'ña'pa' atet otosanet Jesús:

—Añ tsaproc'mach sa allohuenespa' sa'ypo'ña' huanmuencha' tarro'mar Yompor po'ñoño'pa' atet'ca'ye anuaret, ñeñ'pa' atet ote't Yompor nocop: “O'ch nemtsater ñeñ'ñ cohuan'pene' carrnero, po'carrneror'ña'pa' chach marra'tyesa allemet'ñ.”

32 Jesús'ña'pa' atet oterraneterr:

—Tarrña esempoch alla netanterra napa' nanomcha' oterrtsa Galileo.

33 Allempoña Pedropa' atet och:

—Ama't allohuenet ñerra'm a'ypo'ña'huerrpetcha'pa' naña ama't ahuatapa' amach na'ypo'ñierpe.

³⁴ Jesúsñapa' atet otererr:

—Po'ño'chca'ye o'ch notañ, aña tsaprocma amach eñena' atolloppa' pañapa' o'ch ma'poch pa'nasotenna.

³⁵ Pedroñapa' alla otererr:

—Ama'tcha' yerromhuanen parropa' nañapa' ama't parrocha amach na'nasotaño.

Allohuen pueyochresha'pa' ñetpa'cho'ña e'ñe attecma otyeñetañ ñamet.

Atto Jesús'pa' ma'yochuena all oteñet Getsemaní

(Mr. 14.32-42; Lc. 22.39-46)

³⁶ Allotñapa' chap Jesús pueyochreshohuen all narmetsmño, ñeñtpa' añ pa'so'cheñ Getsemaní. Allñapa' otosanet:

—Te' sapa' allach sanorrcha'tos arrma, napa' o'ch nema'yochena' tarronteye'.

³⁷ Allñapa' aña anmos Pedro ñaña Zebedeo puechemerasha', epsheña. Jesúsñapa' cha nanac llequëna, nanac allpatena.

³⁸ Allempoñapa' atet otosanet:

—Napa' cha chepo'chenen nellquëña neyo'chro, cha muene' nerromuen nellquëño. Sapa' allasa'tach arr secuapretosno'tach.

³⁹ Nañapa' ahuo' a'yenteye' all rremosa patso atet ma'yochosa:

—Apa, ñerra'm errotenotpa' arepa'chña pemnatatsche o'ch chapona ñeñt atarr amuerochtatañ nenten.* Tarraña ñerra'm p'ach muenats aña'chña atet pepaton ñeñt pemnen pa, amachña aña'yaye ñeñt nemnen na.

⁴⁰ O'ña atet ma'yochuapa' o' ahuer allo'tsa'yen pueyochresha' ma'psheña. O'cherr allpa' alla entuerranet ñetñapa' cha atarr manrrenet. Allempoñapa' otuerran Pedro:

—Ama't mamesha are'tcha'ña acuenaye' sentoso. Amahuachñaca' secuapretosnote' ama't mamesha.

⁴¹ E'ñe seño'se'rtëño'pa' choña sema'yochosa allochñapa' attoch amach sañeña a'puerrataterro topateñets ñeñtcha' sehuapoya atarr huomenc. Ñeñtpa' ama't atarr semneñeñ tarraña sechetsñapa' amaca'ye ahuamen-cateye' penso, ñeño'marña notenes chocmach sema'yochena.

⁴² Jesúsñapa' alla ahuererr puepocheño o'ch ma'yocherrerr, ñeñtara atet otuererr:

—Ñerra'm Apacha' aña pemnaten o'ch chapona ñeñtcha' atarr na'muerochtate', ñerra'm ama errotenot pa'huañatañperrno, ñeñtpa' e'ñe pocte'. Aña'chña atet pepaton ñeñt pemnen pa.

⁴³ O'ña alla ma'yochuerrerrpa' allempoñapa' huerrerr alla entuerranerr pueyochresha' ñetñapa' o' alla manrerrerterr, cha nanac atserr moñe'tenet.

⁴⁴ Jesúsñapa' alla sa'nerraneterrrpa' ahuererr ma'yochatsa poma'pocheño'hua. E'ñe attecma ma'yochuerrerr atet otua ñorra'.

⁴⁵ O'ña ma'yochuerrapa' allempoñapa' alla huerrerr pueyochreshesho, atet otuerraneterrr:

—Ama't teme'ttsenpa' alla't semanrren; ama'tpa' alla sames. Te'pa' seño'chepa'ch o' chap allempoch pomataterrrnet na Ñeñfen Acheñetosets atotcha' errotuanen perren ñeñt atarr ochña'enesha'.

* **26:39** Ñeñt amuerochtatañ ñeñtpa' po'ño'ch arr atma'ntaret ñerra'mrrate' ñeñt atarr pesherr yorren orramtso.

46 Teñapa' setanterra o'ch ahuey o'ch yepocte'. Secue'ca'ye ñeñtcha' nepomue' ñeñtapa' alla'tsena.

*Allempo rromoset Jesús
(Mr. 14.43-50; Lc. 22.47-53; Jn. 18.2-11)*

47 All atet eñorena Jesúsapa' cha huapatsa puesheñarr ñeñt pueyochresha' peneñ ñeñt a'pchenahuet epsheña, ñeñtñapa' añ Judas. Ñañaapa' huacha'tatan shonte' acheñenesha' occhelletareret ñaña etsachperetareret. Ñehua, añ ñeñt huacha'ttsapa' añ mueñenahuet ñeñt pa'mcha'tareternesha' pen allohuen judionesha' po'cornaneshar ñaña ñeñt pompornesha' pen allohuen judionesha'. Ñetca'yeña mueñene'ña ñeñtcha' rremuenaya' Jesús.

48 Ñehua, Judas ñeñt pomuerre' Jesúsapa' ñañaapa' atet otnoman acheñenesha' ñeñt anom attoch cheme'toset Jesús. Ñeñtapa' atet otnomanet:

—Erra'tsencha' nehuomcha'tos e'ñe netso'ttsapa'teño'pa' ñeñtca'yeña Jesús. Sañapa' ñeñtcha'ña serrmos.

49 Allempoña huapapa' cha ponmosaya Jesús huomcha'tos e'ñe puetso'ttsapa'teñesha' atet otos:

—Tsapo, Maestrocha'.

50 Jesúsñapa' atet otap:

—Eso maruañaca' masheñe, penña arr nesho.

Allempoña acheñenesha'pa' ponmosyet Jesúsapa' rromoset e'ñe po'huamencocma.

51 Allempoña puesheñarr ñeñt epuet Jesúsapa' ñañaapa' po'cchella cheta'pa' o'ch chonto'tapanen cornesha' pueñaña, puetepa'tcha' tsorroñ. Ñeñtapa' año pueñaña ñeñt pa'mcha'tareter pen allohuen judionesha' po'cornaneshar.

52 Allempoña Jesúsapa' atet och:

—Penerr alla pocchell allecma peneñ. Allohuen ñeñt orrotetsa po'cchellopa' cochlochca'ye colla'huerret.

53 Papa' chate' potenapañ amate' errotent es nenameña Nompör. Ama't peñoteñe ñerra'm cho nenapa' ñapa' allorocmach mueñoneñ shonte' nanac po'mllañoñenaneshar ñeñtcha' nemoñsayañ,

54 tarraña ñerra'm atet ne'papa' amate' errotent etsotoña ñeñt atet anuaret Yompör po'ñoño nocop. Allña oten ñeñtapa' atetcha'ca'ye perra.

55 Allempoña Jesúsapa' atet otan acheñenesha':

—Eso'mare't sehuacha'tennanaña e'ñe occhelletareroches ñaña etsachperetareroches attoch serrma'n. Napa' ze'ñe't atet sentenen ñerra'mrrate' eñeñ? O' allponmatuänen nanorrien Paret's pa'paclo'mar, all neychatyen, eso'mare'tña ama allempocmaña serrma'ne'te.

56 Ama'tpa' attepa'ca'ye perra allochñapa' attoch e'ñe etsotuerra ñeñt allpon quellca'yese't nocop ñeñt a'mta'yese't Yompör po'ñoñ.

Allempoña allohuen pueyochresha'pa' allorocma a'ypo'ña huanmet, ñetñapa'yerra'tuet.

Allempo chapata'mueñet Jesús all apcha'muena allohuen judionesha' pa'mcha'tareternesha' ñeñt a'pocatyene'ñoñets ñocpuet

(Mr. 14.53-65; Lc. 22.54-55, 63-71; Jn. 18.12-14, 19-24)

57 Acheñenesha' ñeñt rromose' Jesúsapa' ñetñapa' anmet allo'tsen Caifás ñeñt pa'mcha'tareter pen allohuen judionesha' po'cornaneshar. Allñapa' all apchenet parro allohuen ñeñt atarr etsotayenayeññoñets ñeñt atet anaret epuet ñaña ñeñt pompornesha' pen allohuen judionesha'.

58 Pedroñapa' cota'nmanet tarraña ñapa' chenta' en a'yot. E'ñe cornesha' po'pampohua allñapa' anorros epuet ñeñt guardianesha' allochñapa' esheccha' entan Jesús attoch errotuanencha' pet.

59 Cornanesha'ña pa'mcha'tareternesha' ñaña ñeñt pompornesha' pen allohuen judionesha' ñaña allohuen ñeñt a'pocatyene' ñoñets ñocpuet ñetñapa' aña atarr e'nenet ñeñtcha' toma'tamñpse' Jesús allochñapa' attoch muetsatachet.

60 Ama't shonte' huapatsañ ñeñtcha' toma'tamñpsosayeñpa' amcha'taretnesha'ña ama't puesheñarrofetapa' ama eseshaye' entayeña attoch muetsatachet. Atteñapa' huapa ñaña epsheña ñeñtcha' toma'tamñpse'.

61 Ñetñapa' atet otoset:

—Añ acheñer ahuañapa' atetca'ye oten: “Napa' atarr ahuamencaten attoch na'materrñañ Parets pa'paquell. Allotña poma'pamtañopa' o'ch alla natomater.” Ñapa' atetca'ye otña allempo.

62 Allempoñapa' cornesha' ñeñt nanac amcha'taret allenta tompa' atet otan Jesús:

—Pañapa' ¿ama'tcha'ña panapaneto? ¿Erroñenote'tña otteñe'chenpet?

63 Jesúsñapa' ama eñoreno. Allempoña cornesha'pa' alla otererr:

—Te'pa' o'ch notañ o'ch potey e'ñe Yompor pa'so'chño ñeñt ama arromñafeshayaye, p'apa' ¿pa'tña ñeñteñ Parets Puechemerep, ñeñteñte' Cristosets?

64 Jesúsñapa' atet och:

—Napa' po'ño'chca'ye ñeñten e'ñe atet poten. Elloña napa' o'chca'ye notas, o'ca'ye e'ñe chapmoch allempoch e'ñe senterren na Ñeñten Acheñetosets o'chca'ye alla nanorruerr Parets po'cohuenrot allcha' nepartsotapretera. Ñaña po'pocheño o'ch sentapuerren o'ch nesuanmperra oso Yompor pue'ntañot.

65 Cornesha'ñapa' ñeñta e'mpa' allenta rrarre'tan pa'shtam e'ñe patrrre'mueñoñ, ñeñtpa' atet ot:

—O'ca'ye cha achmāre'tanña Yompor. Ñeñteñpa' amach ye'natsche po'psheñeñ ñeñtcha' a'metamñpsose'. Te' ama't sapa' o'ca'ye se'm atet achmāre'tenan Yompor. ¿Erroñena't senteñña sa?

66 Ñetñapa' atet otyeset:

—Ña po'ño'chpa' atarrca'ye nanac achmāre'tenan Yompor, pocte'ñach'o' te'pa' o'ch semtsatach.

67 Allempoñapa' a'coshare'tyeset e'ñe pa'clloyot, cho'ña chota'tyeset; po'potantañechnoñapa' tacllapechyeset.

68 Pachmāre'teñofetpa' atet otyeset:

—Te'ña ñerra'm po'ño'chte' Cristo'ppa' eñoratenperrepa' Parets allochñapa' attoch potey esesha'te'ña pechota'tyene'.

Atto Pedropa' a'nasotana Jesús

(Mr. 14.66-72; Lc. 22.56-62; Jn. 18.15-18, 25-27)

69 Pedropa' a'yote'tsen all anen pampo. Allñapa' huapoña coyanesha' ñeñt cornesha' pueñaña, ñañapa' atet otosan Pedro:

—Paca'ye e'ñe cotaye'tña Jesús ñeñt galileo'marnesha'.

70 Pedroñapa' anapue'pa' cha a'nasocha. Allohuenetñapa' e'ñe e'mhueñet atet ot:

—Napa' amaca'ye neñoteñe ñeñt atet potenen.

⁷¹ Allempoña Pedropa' ahuerr; çherr allotecma be'tenet o'ch çhapuet o'pono pampo. Allña'pa' entuererr po'psheñeñ coyanesha' ñeñt cornesha' pueñañra. Ñaña'pa' atet otan ñeñt parro allo'tsa'yenet:

—Añ acheñerpa' ñeñtca'ye cotene ña Jesús ñeñt nazareto'marnesha'.

⁷² Pedroña'pa' alla a'nasotererrpa' atet otererr:

—Te' napa' o'ch notas e'ñe Yompor pa'so'chño, napa' amaca'ye nentareña añ yacmar ñeñt potenen.

⁷³ O'ña o'çhterrerrpa' huapoña ñaña ñeñt tomçha'tyets all, ñetpa'çho'ña atet otoset:

—Po'ñoçhca'ye papa' Jesúsca'ye pueyochreshaþ. E'ñe atet peñen ñerra'mrrate galileo'marnesha', ñeñto'marca'yeña o' yeñotaþ.

⁷⁴ Allempoña Pedropa' e'ñe pueshquëñoñanetpa' atta otatse'tyerraneterr, ñeñt'pa' atet otanet:

—Napa' e'ñe Yompor pa'so'chño notenes, ñerra'm amate' po'ñoçhoye' notensopa'te'pa' nerrromuepa'. Napa' po'ñoçhca'ye ama nentareña añ yacmar.

Ñeñta otuanetpa' e'ñepa'tcha' allempocma eñenña atollop.

⁷⁵ Allempoña Pedropa' alla yerpuerrana ñeñt atet oteñ Jesús: “Amach eñena' atollop pañapa' o'ch ma'poch pa'nasotenna.” Allempoña Pedro çha'nom allo'tpa' ahuo' a'yenet allña'pa' all atarr yahuosa huomenc.

27

Allempo çhapata'mueñet Jesús allo'tsen amçha'taret Pilato (Mr. 15.1; Lc. 23.1-2; Jn. 18.28-32)

¹ Tsapatña puetarenpa' ñeñtña pa'mçha'tareternesha' pen allohuen judionesha' po'cornaneshar ñetña'pa' apçha'mueneterr parro epuet ñeñt pompornesha' pen judionesha'. Allña apçhenetpa' ñetña allohuenetpa' cotape'chatanna'tet attotçha' muetsatateret Jesús.

² Jesúsña'pa' o' huancota'tuet allempoña'pa' anma'mueñet allo'tsen amçha'taret Poncio Pilato (ñeñt nen gobierno Romo't ñeñt amçha'tarettetsa allo'marneshacop). Allca'ye poma'mueñetña Jesús.

Atto tsomerra Judas e'ñe ñañeña

³ Judasña ñeñt pomue' Jesús'pa' allempoña ñapa' eñoch Jesús'pa' çhochca'ye muetseret. Allempoña puellquëño'tpa' ello alla cotape'çherran cohuen. Allempo atet cotape'çherrpa' ñaña'pa' alla pomuerran quelle ma'poch çharratlla. Alla apuerrana judionesha' pa'mçha'tareternesha' ñaña ñeñt pompornesha' pen allohuen judionesha'.

⁴ Allña'pa' atet otuerranet:

—Napa' o' çha norrtaterr ñeñt ama cohuenayaye, o'ca'ye çha nepomuer acheñ attoch muetseret ama't ñapa' ama't coñe'ta amaca'ye eñalleña po'chñar.

Ñetña'pa' atet anaprra'tet:

—Ñeñt'pa' amaca'ye errotenoña yocop, ñeñt'pa' þocpaca'ye.

⁵ Allempoña ñapa' atta huapore'terrana' quelle o'pono Parets pa'paclopa' o' alla ahuerr; e'ñe puellquëño'tpa' tsonña huerra ñañeña.

⁶ Cornaneshanapa' o' alla çhetterret quelle. Ñetña'pa' atet otanna'tyeset.

—Añ quellepa' alloca'ye atsa'taretta attoch shataterrñañet acheñ po'rras. Ñeñto'marña te'pa' amate'ca'ye pocteyaye o'ch alla yenererr allecma apçhenet quelle Parets pa'paclo.

⁷ Allempoña e'ñe ñagattsetapa' atet a'pochtachet o'ch rañfoñet allo añ po'patsen ñeñt ye'hcattyene' patsrro' allochñapa' allcha' pampa'yeret ama't erra'tsena acheñer ñeñt ahuapña ñerra'm esempo rromayenet allampaño.

⁸ Ñeñto'marña ñeñt patserpa' añ sochet Errasatsotnanen tarro'mar ñeñte quellayero rañfyet allo ashataretterra errasats. Ama't teme'ttsen ñeñt patser sochet Errasatsotnanen.

⁹ Attocayaña etsotaña atet ote't Jeremías ñeñt a'mtaye't Yompor po'ñoñ ahuat, ñeñtpa' atetca'ye quellquë't Cristocop: "Cheterretcha' ñeñt ma'poch çharratlla quelle ñeñt allpon po'tsa' nen israelena'tarnesha' atto muetsatateret.

¹⁰ Ñeñtña quellepa' allochca'ye rañterrñañet po'patsen ñeñt ye'hcatenen' patsrro'. Ateca'ye otenenña Partsesha' o'ch atet ne'pa."

*Atto Jesús'pa' a'p'to'tare'teñ am'cha'taret Pilato
(Mr. 15.2-5; Lc. 23.3-5; Jn. 18.33-38)*

¹¹ Allempo çhapachet Jesús am'cha'taret Pilatesho, allñapa' all am'cha'tareñña' allenta a'p'to'tap:

—Papa' çpa'tña am'cha'tarettetsaña judioneshacop?

Jesúsñapa' atet och:

—Napa' ñeñtenca'ye atet p'oten.

¹² Ñeñt pa'm'cha'tareternesha' pen judionesha' po'cornaneshar ñaña ñeñt pompornesha' pen allohuen judionesha' ñetña allpa' atarr otteñe'chyesoset Jesús. Ñaña'pa' ama't mameshapa' ama eñoreno, ama't parrocha ama anapuenaneto ñeñt atto a'metare'teñet.

¹³ Allempo Pilatopa' atet och:

—¿Ama't pe'muenoña atet a'metare'tenpetpa' esocmañen otenpet?

¹⁴ Ñaña'pa' ama anapuenaneto ama't e'ñe parrocha. Ñeñto'marña am'cha'taretpa' nanac còhuana'teñ. Ama eñoteñeto eso'marte' ama eñoreno ñocop.

*Atto am'cha'taret Pilatopa' otanet ama'tpa' çhosa muetse'ña Jesús
(Mr. 15.6-20; Lc. 23.13-25; Jn. 18.38-19.16)*

¹⁵ Ñehua, ñetpa' atetca'ye ye'chenet. E'ñe pate'tets char allempoch çherrerr pascuapo, ñeñtña am'cha'taret ñeñt nen gobierno Romotpa' ñaña'pa' çhocmach a'rroyerran puesheñarr judioneshacop ñeñt ayottam'psarettetsa allempo, ñeñfara ñeñt pamo'ts penet ñet. O'ch apamet erra'tsençho' enamuenet ñeñt muenenet ñet. Ñeñtpa' añecop a'rroyenanetña puesheñarr pamo'tset attoch e'ñe cohuen colshaten allohuen judionesha'.

¹⁶ Ñaña e'ñe allempopa' alloshaten puesheñarr judionesha' ñeñt ayottam'psarettetsa ñeñtpa' añ pa'so'cheñ Barrabás. Allohuenetpa' e'ñe eñotueñet añecopña yottam'peñet ñapa' çhocma atpare'tane't am'cha'taret ñeñt nen gobierno Romot.

¹⁷ Ñeñto'marña allempo ap'cha'hua allohuen acheñenesha'pa' am'cha'tareñña Pilatopa' a'p'to'tapanet:

—¿Erra'tsena't semnenña ñeñt'cha' na'rroyonas, ñato' aña'cha' Barrabás amapa' Jesús ñeñt otenet Cristo?

¹⁸ Ñehua, Pilatopa' eñotapan judionesha' pa'm'cha'tareternesha' ñetpa' e'ñe pue'moñe'tateñme'chatsa o' pomueret Jesús. Ñeñto'marña Pilatopa' añ muenen o'ch a'p'to'tan allohuen acheñenesha' tarro'mar ñapa' aña'ye e'nen attoch a'rroyerran Jesús.

19 Ñaña tarro'mar allempo anorros po'conaño allcha' a'pochtatan ñoñets, puetaporñapa' oñmach po'ñoñ all oteñ: "Amach errot pepatsche Jesús ñeñt e'ñe cohuen acheñer tarro'mar ama't añ tsapro napa' o' neçhopo'teñ; napa' ñeñña atarr neyore'te."

20 Tarraña ñeñt pa'mcha'tareternesha' pen judionesha' po'cornaneshar ñaña ñeñt pompornesha' pen allohuen judionesha' ñetñapa' ñña atarr cotape'chatenet acheñenesha' attoch ñetpa' allohuenetpa' o'ch ochet Pilato:

—Añcha' pa'rroyernay Barrabás, Jesúsñapa' pemtsatachepa'ch.

21 Allempoña amcha'taret Pilatopa' o' alla a'p'to'terraneterr:

—¿Erra'tsena'tña po'ñoñ añ epsheño'mar semnen ñeñfcha' na'rroyernas? Ñetña anaprra'tetpa' atet ochet:

—Añcha'ca'ye pa'rroyernay Barrabás.

22 Pilatoñapa' alla oterraneterr:

—Ñehua, añ Jesús ñeñt otenet Cristopa' ¿erro'te'tcha'ña nepe'? Allohuenetñapa' alla otereterr:

—¡Ñapa' pecorso'tamñsachñaca'ye!

23 Pilatoñapa' atet oterraneterr:

—Ñapa' ¿eso'tña pen ñeñt ama't mameshapa' ama'poc'teye' sentapreteñe? Ñetñapa' alla rrannarterretter huomencpa' atet oterretter:

—Ñapa' ¡çhopañaca'yeña corso'tamñsate'!

24 Pilatoñapa' e'ñe eñoteñ attoch ñapa' amach errot pe, elloña acheñenesha'pa' cha atarr atsrre'moçhtana'teñet. Allempoñapa' chetan oñpa' e'pota'ta allochñapa' attoch eñotatanet ñapa' amaca'ye ñaye' otteñe'chenaye, ñeñtpa' atet oterraneterr:

—Napa' amach seyohuatsetno attoch rroma añ acheñer ñeñt ama't coñe'ta ama'çhoye' errot es peno. Ñeñtpa' ama' nocpa'nayaye, ñeñtpa' e'ñeca'ye saptepa.

25 Allohuenña acheñenesha'pa' ñetñapa' alla otereterr:

—Attoch rromapa' ama'tpa' yohua'yetepa'—ya ñaña ama't yemñrenñohuen.

26 Allempoñapa' a'rroyerranet Barrabás, Jesúsñapa' ashtach allempoñapa' otan po'solltarneshar:

—Te'pa' o'ch secorso'tamñpeña'.

27 Ñehua, solltarnesha'ña ama' aneñeta' allcha' corso'tamñsaset ñetñapa' arrña ñanom anmet Jesús amcha'taretepahuo. Allña agotachet allohuen po'potantañ solltarnesha' ñeñt allo'tsa'yen o'ch e'ñe apçhet Jesúsesho.

28 Allña'pa' pa'llocchame'teño'tet Jesús'pa' rrotamñes pa'shtam, chorrachet shetamuets tsamamuen ñeñt pa'shtam pen ñeñt po'ñoñ amcha'tarettetsa.

29 Pella'toñet ñaña choyo'mets agreçpa' ñeñña choyo'mtachat ñeñt atet choyo'mtana ñeñt po'ñoñ amcha'tarettetsa. Orrachet ñaña tsachep pota po'cohuenrot ñeñt atet orren ñeñt po'ñoñ amcha'tarettetsa. Allempoñapa' concorpa'yesyet. Pa'llocchame'teño'tetpa' e'ñe atet pachet ñerra'mrate' ñeñt e'ñe po'ñoñ amcha'tarettetsa. Pachmare'teño'tetpa' atet oteñet:

—Puetare' amcha'taretecha', atarruaca' cohuenep'te' pa' ñeñtep judionesha' pa'mcha'taretepe'.

30 Pueche'tatseteño'tet a'coshare'teñetpa' o' chetamperetña ñaña tsachep potopa' alloña asto'tame'teñet poño.

31 O'ña achmare'tuahuetpa' allempoñapa' rrotamperet shetamuets tsamamuen chorraret e'ñe ña pa'shtam. Allempoñapa' anmet a'yo allcha' corso'tamñpeña'.

*Atto corso'tam̄psoset Jesús
(Mr. 15.21-32; Lc. 23.26-43; Jn. 19.17-27)*

32 E'ñe ahuanmatsetpa' allña oñenetpa' o' pōctet puesheñarr yacma ñeñĩ cireneo'marnesha' ñeñĩpa' añ pa'so'cheñ Simón. Ñaña'pa' allenta chechatnomet Jesús po'corsoch.

33 Chapachet all socheñet Gólgota ñeñĩ yoten yeñoño Poñetalleño.

34 O' chapachet all Jesús'pa' aposetañ vinos ñeñĩpa' añ atsetaret pueretso ñeñĩ atarr pesherr. Atfa añille'pa' ama mueno o'ch orr.

35 Allempoña o' corso'tam̄pesuetpa' solltarnesha'ñapa' allenta yellsheñe'chatoñet pa'shtam po'suertot attoch orrtet e'ñe puesheña'ttsetpa' o'ch yorayesñañet pa'shtam puema'tets. Attoña etsoterra añ ñoñets ñeñĩ a'mtaye't ahuat Yompor po'ñoñ. Ñehua, allempopa' e'ñe atet ñerra'mrrate' Cristo otatset't, ñeñĩpa' atet oten: "Yellsheñe'chaterrnanetcha' neshtam po'suertot attoch orrtet e'ñe puesheña'ttsetpa' o'ch yorayesonet neshtam puema'tets."

36 Allempoña solltarnesha'pa' alla anorr'cha'tet o'ch cohuan̄ps̄et.

37 Ñehua, poñoñ all corsocho all noñet tsachtall aquellcaret attochña eñoteñet ñeñĩcop corso'tam̄peñet. Ñeñĩña quellecpa' atet oten: "Añ Jesús'pa' ñeñĩca'yeña judionesha' Pa'm̄cha'tareter."

38 Allña'pa' corso'tam̄ps̄et epuet ñaña epsheña eñeñ, puesheñarrpa' nosñañet po'cohuenrot, po'psheneñña'pa' nosñañet pue'chcoterot.

39 Ñeñĩña oñmachets allpa' ñetpa'cho'ña chocma achm̄are'tneñet. Pachm̄arñofetpa' coño'coñtana'tyesneñet,

40 ñeñĩpa' atet otyesneñet:

—Pa ñeñĩep̄ p̄ommo'cheño'pa' p̄otatset'e't p̄o'ch a'materrayen̄ Parets pa'paquell, poma'pam̄tañocmo'ch alla p̄atomatereñ, te'ñapa' p̄a'queshp̄aterrañaca'ye e'ñe pañeña. Ñerra'm po'ñochte' Parets Puechemerep̄pa' pesuerrañaca'yena tayecma corsochot.

41 E'ñe attecma achm̄are'teñ ñaña ñeñĩ pa'm̄cha'tareternesha' pen judionesha' po'cornaneshar ñaña ñeñĩ etsotayenayen̄ ñoñets ñeñĩ atet anaret ñaña ñeñĩ pompornesha' pen allohuen judionesha', ama't allohuenet fariseoneshohuen. Ñetñapa' pachm̄are'teño'pa' atet otatset'tyeñet:

42 —Te'ña p̄apa' o' p̄a'queshp̄atyes po'potantañ, p̄aña'pa' eso'mare'tcha'ña ama eshcaye' p̄a'queshp̄aterraña e'ñe pañeña.

E'ñe pachm̄are'teño'f̄etpa' atet otyereter̄:

—Papa' ñeñĩep̄o'ca'ye israelnesha' Pa'm̄cha'taretere'p̄pa' pesuerrañaca'ye corsochot allochñapa' attoch yame'ña'pa' yam̄a.

43 Papa' p̄a yemtenaya Yomporpa' te'ñapa' a'queshp̄aterrpepa'ñaca'ye ñerra'm po'ñochte' e'ñe cohuen muerenp̄a. Papa' ñeñĩep̄ po'ño'ch atet otets Yomporo' Puechemerep̄.

44 E'ñe attecma pe' ñaña eñeñ ñeñĩ epuet corso'tam̄peñet ñetpa'cho'ña atarr es otnare'chet allot po'corsochot.

*Atto rroma Jesús all po'corsocho
(Mr. 15.33-41; Lc. 23.44-49; Jn. 19.28-30; Heb. 9.11-14)*

45 O'ña chap pōctopa' o'huañ atsnom o' e'ñe checmetua ora errañaren añe patsro, o'ña ellerrottenmochapa' o' alla puetarerr.

46 Allempoña ellerrottenmochapa' Jesús'ñapa' rrana huomenc, ñeñĩpa' atet ot e'ñe ña po'ñoño:

—Elí, Elí, lama sabactani. Ñeñña ñoñtsorpa' atet oten: Eso'maruachña'ye Neyompor-recha' pa'ypo'ñerren.

⁴⁷ Puesheña'tetsña ñeññ tomčhets all ñeññ e'mue' atet oten Jesús, ñetña' amaca'ye e'mueññañeto po'ñoñ ñeññ atet oten, ñeñño'marña ñetpa' čha otye-set:

—O' čha čhore'tante' Elías ñeññ a'mtaye't ahuat Parets po'ñoñ.

⁴⁸ Allempoñapa' mata puesheñarr ñeññ allo'tsen, e'čhomasan chella'so ñeññ atso'tpo' o' ne' tsachpopa' allo'tña tsotso'tatosanña Jesús.

⁴⁹ Po'potantañña' atet ochet ñeññ tsotso'tatene':

—Amach es papatsche, te'pa' attachca'ye yecue' ñato'rraña huapa Elías ñach a'queshpatose'.

⁵⁰ Allempoña Jesús'pa' o' alla rranerrerr huomencpa' rroma.

⁵¹ Allempoña besom allo yottañpeññañet Parets pa'paquëll o'ponopa' ahuepa't rrrara'nom e'ñe poctacma, ellopa'tetsta enoteñ e'ñe sotatsohua. Allempoñapa' o' pella pats atarr huomenc, rrrarna'tyes mapuetačhno.

⁵² Torna'tam pesyes apampaña. Shonte' ñeññ pueyochresha' pen Parets ñeññ o' colla'huañ, ñetña' ahuepa't e'ñe tanrra'tuerret.

⁵³ Allempoña tanterra Jesús'pa' ñetpa'čho'ña o' sohuanerretña all apamparettete't o' alla ahuanerret anetso Jerusaléño ñeññ anaret Partsocop, allña'pa' shonte' ačeñ ñeññ entapurrahuat.

⁵⁴ E'ñe allempo rroma Jesús, solltarnesha'ña epuet po'captaner ñeññ allpon cohuanpene' Jesús, ñetña'pa' e'ñe enteñet ñeññ atet pa'yesa allempo, atto pella pats. Ñeñño'marña ñetpa' atarr yorenet. Allempoñapa' atet otet:

—Po'ñočuaca'ye añmapa' Partsepa'tca'ye Puechemer.

⁵⁵ Allo'tsa'yen ñaña shonte' coyaneshačhno, ñetña'pa' a'yota cohuanrrorteñet. Ñetpa' ñetca'yeña cota'huanmue'ña Jesús Galileoteñ ñeññ sherba'yesaye't.

⁵⁶ Ñeñña'pa' María Magdalena ñaña po'psheñeñ María ñeññ Jacobo pachor ñaña José. Allo'tsen ñaña ñeññ pachor pen Zebedeo puechemeresha', ñaña po'potantañečhno coyaneshačhno.

Atto pampuet Jesús

(Mr. 15.42-47; Lc. 23.50-56; Jn. 19.38-42)

⁵⁷⁻⁵⁸ Atteñapa' o' ellerren. Puesheñarr ñeññ ečllayoret ñeññ pa'so'cheñ José ñeññ arimateo'marnesha' ñeññara Jesús pueyochresha' ñaña'pa' ahuos Pilateshopa' o'ch oteña' pocte'ch eñch ñach asuatose' Jesús ñeññ rromuets corsocho. Pilatopa' atet otan pa'cheñer:

—Te'pa' o'ch sa'rroyoñ arromñañ anerepa'.

O'ña ellerren Joséñapa' o' čherr corsocho,

⁵⁹ a'suatuerran Jesús corsocho't all rromuen. Allempoñapa' epatse'ch shetamtso ñeññ e'ñe cohuen emor. Allempoñapa' aneñ allcha' pampueña'.

⁶⁰ All e'ñe errte' eñatene' mapuettepon ñeñña'pa' e'ñe pamo'tsna'tarneshacpañ allca'yeña nenana'ña Jesús. Allempoñapa' attome'terrñañ mapue' añecmuen allo yottañpesner ñeññ puepampuer pach. O'ña yottañpesuanerpa' Joséñapa' ahuerr.

⁶¹ Allña'pa' allo'tsen María Magdalena ñaña po'psheñeñ María. Ñetña'pa' alla anorrčha toset allame'tets all pampueñet.

Atto guardianesha'pa' cohuanpeñet all pampuet Jesús

⁶² Met añ yeter allempo chocmach añño'terretterr ñeñt' tsapatecop allempocma amesen judionesha'. Tsapatñapa' ñeñt' pa'micha'tareternesha' pen judionesha' po'cornaneshar ñaña fariseonesha' ñetñapa' e'ñe alla shontenet parro all Pilatesho.

⁶³ Ñeñt'pa' atet otoset:

—Nomporcha' yapa' o'ca'ye yeyerpuera añ acheñer ñeñt' atarr ashcañpa' allempo corre'tpa' atetca'ye otye't: “Napa' ama't puema'pamtañopa' netan-terrachca'ye rromot.”

⁶⁴ Te'pa' pemñaye'chñaca'ye ñeñt'cha' nanac cohuanpsose' puepampro e'ñe puema'pamtañohua, te't huapa pueyochresha'pa' chate'ca'ye e'ñe a'nahua ereta'. Allempoña ñetpa' chate' ochet acheñenesha' Jesús'pa' o'ca'ye tanterra rromot. Ellote'ña ñet allempopa' nanacte' shecare'teret acheñenesha'. Ellote' metaneret ñeñt' atto shecare'tyesete't ahuaña acheñenesha'.

⁶⁵ Pilatoñapa' atet otapanet:

—Añca'yeña guardianesha', te'pa' orras parro, ñetpa' o'ch cohuanpsose't, e'ñech echarr sepamñosñañ puepampro, errotencha' e'ñe pocte' sent sa.

⁶⁶ Ñetñapa' ahuanmuet puepampro. Mapue' allo yottampeñetpa' e'ñe cohuen yomrrarampsose't attochña eñoteret ñerra'm esesha'ch toramperre'. O'ña e'ñe cohuen pamñesuetpa' allempoñapa' na'neret guardia all ñeñt'cha' cohuanmpse'.

28

Atto tanterra Jesús

(Mr. 16.1-8; Lc. 24.1-12; Jn. 20.1-10)

¹ O'ña huañ yetñats allempocma amesenet allempoña taya puetaren temenc allempo motta'muena yetñatspa' Maríaña Magdalena ñaña po'psheñeñ María ñetñapa' ahuatecma ahuanma'muenet o'ch enta'mueñet Jesús puepampro.

² Allempoña machayotepa'tcha' pella pats huomenc; añ sohuatsa Yompor po'mllañofoñer entot. O' sohuapa' a'rrote'tosan mapue' a'yeneñ ñeñt'ña mapue'pa' allña anorros.

³ Ñañapa' atarr nanac poptosa e'ñe atet orrtosa ñerra'mrrate' meratste'. Pa'shtamñapa' atarr nanac huallama't.

⁴ Guardianesha'ñapa' ñeñt'ña atarr yore'tose'. Puenchañoñetpa' cha yonshema'tyeset cha o'ta'yese't e'ñe atet ñerra'm cho rromuenet.

⁵ Allempoña mellañofoñepa' atet otapan coyanesha'chno:

—Amach cha seyorenatsto. Napa' neñotenes añca'ye semnen o'ch senta'mueñ Jesús ñeñt' corso'tamñset.

⁶ Amaca' arro'tsenaro ar, ñapa' atet otase'tpa' te'ñapa' o'ca'ye tanterra. Sonca'ye secueña' all panet amaca' eñalle.

⁷ Secua'huepa' orrerres sema'yoreñ o'ch soterrñaña' pueyochresha': “O'ca'ye tanterraña Jesús rromot. Ñapa' ñanomcha' otatsa o'ch ahuen Galileo. Sapa' allcha'ña sentuer.”

⁸ Allempoñapa' puema'yoreñ ahuanerret puepamproñ. Ama't yoreña'ta'pa' pocsheñesha' matrra'terret o'ch oteññañeta' pueyochresha'.

⁹ Matachetsetpa' Jesús'ñapa' ahuepa'tcha' poctanet, huomñcha'tapanet. Ñetñapa' allenta ponemñyet, rromoset pa'rropot concorposñañet.

¹⁰ Allempoña Jesús'pa' atet otanet:

—Amach sem'cha'tatsetno. Orrerres sotennana' nemo'nasheñneshačno ahuanmuetepa' Galileo, allcha'ña e'ñe enternet.

Atto solltarnesha'pa' serrpare'tatiesan allohuen cornaneshachno ñeñi atet entet ñet

¹¹ Ahuanmatsetpa' puesheña'tetsña guardiapa' ahuanmuet ñamet anetso. Allña'pa' serrpare'tatoset cornaneshha' pa'n'cha'tareternesha' allohuen atet o' entuet.

¹² Ñetña allempo ap'chenet epuet ñeñi pompornesha' pen judionesha' ñetña'pa' cotape'chatanna'tet. O'ña cotape'chatanna'tuetpa' allempoña'pa' apet solltarnesha' shonte' quelle.

¹³ Ñeñi'pa' atet ochet solltarnesha':

—Te'pa' atet'cha' sot: “Yaña tsapopa' muetsye'tpa' pueyochresha'ña'pa' ahuo't huapuet a'nahua't ereta'ña arromñaí.”

¹⁴ Ellopa' alla oterranerr solltarnesha':

—Ñerra'm an'cha'taret'cha e'mare'te'yapa' ya'pocatonascha' e'ñe cohuen ñesho attochña sapa' amach erot' paseto.

¹⁵ Ñetña allempo agaphuet quellepa' atet otarettetpa' atet'cho' pet. Ñeñi'o'marña ñet pueserrparñetpa' e'ñe allempo'teñ epa'hua judioneshesho'mar.

Atto Jesús'pa' otrerran pueyochreshachno ñetpa' atet'cha' pa'yerret (Mr. 16.14-18; Lc. 24.36-49; Jn. 20.19-23)

¹⁶ Ñeñi' charra' puechena paterr pueyochresha'pa' ñetña'pa' ahuanerret Galileo. Arr ahuanmuet all aspeno all otanet Jesús all'cha' tet.

¹⁷ Allempo entosetpa' ñetña'pa' 'cha concorpa'rretyesoset. Puesheña'tetsña'pa' 'cha echarrtanet pueyo'chro.

¹⁸ Allempoña Jesús'pa' ponmanet atet otapanet:

—Napa' apareten allohuen llesens añe patsrecop ñaña Yompor pue'ntañecop.

¹⁹ Ñeñi'o'marña te'pa' orras o'ch sey'chatyes ora allohuen pa'namen acheñ attoch neyochresha' neperranet. O'ch sapat Janet Yompor Parets pa'so'chño ñaña Yompor Puechemer pa'so'chño ñaña e'ñe Yompor Puecamquén pa'so'chño allochña'pa' attochña e'ñe pueyochresha' perranet Yompor Parets.

²⁰ Ñaña 'chocmach o'ch e'ñe sey'chatyesanet allochña'pa' attoch e'ñe cohuen ame'ñerrnanet e'ñe ora ñeñi' allpon o' notuas. Ñaña seño'chepa'ch napa' e'ñe pate'tets yet 'chocmach allo'tseney parro attoch 'chocma nebensare'tañpenes ama't tarremphuach esempohuañen allempoch mellapoterra. Ñeñi'pa' atetepa'ch Nompore. Allohua.

COHUEN ÑOÑETS ÑEÑT QUELLCA' SAN MARCOS

*Allempo orrta Juan ñeñt serrpare'tosets all amayo
(Mt. 3.1-12; Lc. 3.1-9, 15-17; Jn. 1.19-28)*

¹⁻² Te' arr napa' o'ch nequellconas ñeñt e' ñe cohuen ñoñets alloch yequesh-perra e' ñe yame' ñeñoña Jesucristo ñeñt Puechemer pen Yompor. Ñehua, ñeñt ñanom orrtatsa ñeñt'pa' e' ñe atet o' perra e' ñe atet quellquë't Isaiás ñeñt a'ntaye't ahuat Yompor po'ñoñ. Isaiáspa' ñapa' a'ñca'ye quellquë't ñeñt atet Yomporpa' otan Puechemer ñeñt'ara Cristo, ñeñt'pa' atet och:

Te'pa' peñoche'pa'ch napa' nemñerrna'pcha' puesheñarr ñeñt'cha' potamperraya. E' ñe ña pueserrpare'teño'pa' añño'terrna'pcha' allcha' poñmos paña' esempo.

³ Ñapa' e'morrterrach po'ñoñ all amayo allcha'ña serrpare'taterraña acheñenesha'. Puerranarotpa' a'ñcha' toma'ntaterranet toñ, ñeñt'pa' atet'cha' oterranet: "Te'pa' o'ch sa'cohuenetyes toñ allcha' oñmos Part-sesha', o'ch e' ñe sa'pacharreyesoñ pa'tep." Arrpa' allohua ñeñt atet quellquë't Isaiás.

⁴ E' ñe atet anuaret ahuatoteñpa' ñeñt'ñapa' e' ñe'cho' atet perra allempo orrtosa Juan ñeñt apatose' acheñenesha' Yomporecop. Ñapa' alla orrta amayo allña serrpare'tatosañña acheñenesha'. Ñeñt'pa' atet otosanet:

—Te'pa' o'ch sotchape'cherr ello cohuen Yomporecop allochñapa' e' ñe'ch cohuen sapataretterra e' ñe same' ñeño'f Yompor. Attochña Yomporpa' o'ch peretna'huernas so'chñar.

⁵ Ñeño'marña shonte' acheñenesha' chocma huacha'tyenet ñesho o'ch e'mñoteñeta'. Allohuen ñeñt judeo'marnesha' ñaña allohuen ñeñt jerusaléño'marnesha' chocma huacha'tyenet ñesho. Allña ñetpa' a'meta'yesoset po'chñaret, Juanñapa' apatyésapanet Yomporecop. Ñeñt'ña oñ all apatyésapanet añ pa'so'cheñ Jordanas.

⁶ Ñeñt'ña Juanpa' camello pue'ch apomotaret ñeñt pa'shtam pen. Allo charena ñeñt'pa' pa'rrom. Allñapa' rra'yesane't ahuañchenclla* ñeñt'ña puerrar pe't epuet pets po'moñ.

⁷ Juanñapa' atet serrpare'tatanet:

—Cristoña ñeñt'cha' huapatsa chenta'pa' ñapa' atarrca'ye ahuamen-catesha', nañapa' ama tama ahuamen cateyayno. Ñapa' ñeñt'ña atarr sherbets, nañapa' ama es nesherbene attoch nemo'ca pa'rrpot ama't po'sapatrechapa' o'ch nepyoñ.†

⁸ Ñaña napa' ama't napatensoñ Yomporecoppa' e' ñeca'ye oñochaya napatyenes. Tarraña Cristoñapa' a'ñcha'ca'ye chorratossa Parets Puecamquëñ.

*Allempo apataretta Jesús Yomporecop
(Mt. 3.13-17; Lc. 3.21-22)*

⁹ Allempoña huapa Jesús Nazaretot allara Galileo. Chap Juanesho allñapa' apata' Juan oño Jordanaso.

* 1:6 Ñeñt' ahuañchencllapa' arrapo' enteñ palestino'marnesha'. † 1:7 Ñeñt atet po'taruas pe't esclavos o'ch pueyampsan pamo'mte' po'sapatrech.

¹⁰ E'ñe apatue'pa' o' 'cha'nerrña Jesús oño'pa' allenta entan enet atoraret. Allotña e'ñe sohua'nmaña Parets Puecamquëñ e'ñe atet entap'ñerra'mrrate' yeþ o' sohua'nma entot. E'ñe arr 'chap Jesúsesho.

¹¹ Allempoñapa' 'cha e'morrtatsa ña'ña ñoñets entot atet eñorena Yompor. Ñeñña ñoñetspa' atet oten:

—Papa' ñeñfeþ Nechemereþ ñeñfeþ atarr nemorrentena, þa atarr nocshatene'.

Allempo oneñ'eta' topatenan Jesús, mueneñ o'ch atet þatan Jesús ñeññ ama pocteye' enteno Yompor

(Mt. 4.1-11; Lc. 4.1-13)

¹² Allempoña Parets Puecamquëñpa' allenta anman Jesús all amayo.

¹³ Pa'tatsoch 'charramat allo'tsena amayo; allñapa' allo'tsa'yen pa'namen berro'chno. Attoña allpa' o' huapoña oneñ'e' mueneñ o'ch atet þatyes ñeññ ama pocteye' enteno Pompor Parets. O'ña topatuhueña'pa' allempoñapa' hua'cha'toña ña'ña Yompor po'mllaño'eññaneshar; ñetña sher'þosetña Jesús all.

Allempo e'ñe ñenma't torrena Jesús Partsocp all Galileo

(Mt. 4.12-17; Lc. 4.14-15)

¹⁴⁻¹⁵ Allempoña yottamþset Juan allcha' muero'chtachet, Jesúsñapa' allenta ahuerr Galileo. O'ña 'cherr all ña'ñapa' serrpare'tatuerranet ñeññ e'ñe cohuen ñoñets ñeññ huetsa Yomporeshot alloch yequshperra. Ñeññapa' atet otueranet:

—Te'ñapa' o' etsoterra yetñats, o' 'cherrmoch allempoch atarr ayochreshaterra Yompor. Socoppa' añ poctetsa o'ch soctape'cherr ello cohuen Yomporcop ña'ña o'ch same'ñerra ñeññ e'ñe cohuen ñoñets allochca'yeña sequeshperra.

Atto Jesús'pa' 'chore'tosan pa'tatssheña ñeññ e'ñe caca torrenet rromuet

(Mt. 4.18-22; Lc. 5.1-11)

¹⁶ Allempo Jesús'pa' chopeñe'chyen all sa'patopño'mar; ñeñña sa'ppa' añ pa'so'cheñ Galileas. Allñapa' entnoman Simón epuet pa'mo'nasheñ Andrés. Ñetñapa' all terrayenet e'ñe all sa'po tarro'mar ñetpa' ñeññ po'taruas penet.

¹⁷ Jesúsñapa' atet otosanet:

—Te'ñapa' o'ch notas: Socta'n na attoch neyochresha' neperres. Ñeññ atet sepena ahuatoteñ e'ne' cac te'ñapa' o'ch ney'chatterres attoch se'nerr ña'ña acherñ ñeñ'cha' same'ñattera.

¹⁸ Ñetñapa' allorocma na'nmuet po'terrayapa' o' cotet Jesús.

¹⁹ O'ña meterrerr a'yenteye'pa' allñapa' entuerranerr ña'ña Jacobo' epuet pa'mo'nasheñ Juan; ñeñ'pa' Zebedeo puechemerasha'. Ñetñapa' po'ñoño'tsa'yenet all a'cohuenetyenet po'terraya.

²⁰ Jesúsñapa' 'chore'tuerraneterra' atet otuerraneterr ñamet:

—Te'pa' o'ch socta'n saña.

Ñetñapa' allenta sa'nmet pomporet Zebedeo all po'ñoño'to epuet ña'ña pa'taruasañret. Ñetpa'cho'ña cotet Jesús attoch pueyochresha' perranet ñamet.

Allempo Jesús'pa' entap' puesheñarr yacma ñeññ chorrena oneñ'e'

(Lc. 4.31-37)

‡ 1:19 Jacobopa' ñeññara ñeññ sochenet Santiago.

21 Atteñapa' ahuanmuet ñaña anetso Capernaumo. O'ña chap añ yetñatsro allempocma amesen judionesha', allña Jesús pa' be'tosos judionesha' po'prahuo, all yechatyesosanet.

22 Allempo serrpare'tatuanet Jesús, acheñenesha'ñapa' epaye' cohuanrrorteñet ñeñt atet yechatenanet ña. Tarro'mar ñapa' atarr cohuen yechatenanet atet ñerra'mrrate' ñeñt allsensarettetsa Partseshot. Judionesha' pa'micha'tareternesha' ñeñt atarr etsotayene' ñoñets ñeñt atet anaret, ñetñapa' ama e'ñeye' atfeye' yechateneto.

23 Puesheñarrña yacma ñeñt allo'tsen puerahuo, ñeñtñapa' añ chorrenaya oneñet. Ñaña rranare'tapa' atet otapan Jesús:

24 —Eso'mare'tcha'ña erroť peposey Jesúso, pa ñeñtep nazareto'marneshař. ¿Añecopte' pehuena o'ch pa'chencaterrey? Napa' o' neñotapař. Papa' atarr Partsoř añ pellsensene' Pompor ñeñt atarr nanac Parets.

25 Tarraña Jesús pa' ama muenache o'ch eñorana'cha. Ñaña pa' atet och:
—Pemma, te'pa' chořaña quechpa'nerre'ña añ acheñer.

26 Oneñeñapa' cha atanman yacmapa' alla o'shshe'ma. Oneñeñapa' cha rranare'tnoma allempo quechpa'nerran acheñ.

27 Acheñenesha'ñapa' cha atarr torats panet pueyočhret. Ñetñapa' atet otanna'tyeset:

—Ta'mca'ye, erroťente'ca'yeña Jesús po'ñoñ; po'poñontepa'tca'ye yechatyen. Ñeñtpa' erroťente'ca'ye. E'ñe atet pena po'ñoñ atet ñerra'mrrate' ñeñt allsensarettetsa Yomporeshot. ¡Ama't oneñet erroť otenpa' atetcho'pateñ, e'ñech ame'ñateña!

28 E'ñe mamecmapa' o' e'ñe serrpare'tuahuet allampaño'mar Galileo atet pa'yena Jesús.

Allempo a'crratosan Jesús Simón Pedro pa'so'mue
(Mt. 8.14-15; Lc. 4.38-39)

29 Allempoña cha'nmaçherret puerahuotpa' arr ahuanmuet all yeçhena Simón ñaña pa'mo'nasheñ Andrés. Allñapa' añ coťa'nmue' Jacobo ñaña Juan.

30 Allña Simón pa'so'muepa' cha atsna'ten, cha huoraten, alla panena po'mayo. Otapat Jesús:

—Simón pa'so'muepa' cha atsna'ten.

31 Allempoña Jesús pa' ponmosana atsnañeťpa' rremota'tos pototpa' cha echantose' cha metuerretsña atto huoraten. Allempoña o' metua po'urateña pa' allenta tanta o' agapapanet e'ñe cohuen o'yema'tapanet.

Allempo Jesús pa' a'crraterran shonte' pa'namen atsnañeťeçhno
(Mt. 8.16-17; Lc. 4.40-41)

32 Ñeñte yetrocma allempo ellerren o' emuena atsretpa' acheñenesha'ña huapatyenesenet Jesúsesho allohuen ñeñt atsna'tyets ñaña ñeñt chorra'yena oneñet.

33 Huaçha'tyesoña allohuen anetso'marnesha', ñetñapa' alla shontoset al-
lotecma be'tenet pocollo.

34 Jesúsña allempopa' e'ñe a'crratyesuapanet, ama't shonte' pa'namen atsnañtoçhno ñeñt oşenahuet. Ama't ñaña shonte' acheñenesha' ñeñt chorra'yena oneñet ñeñtpa'cho'ña e'ñe quechpatyesuapanet oneñet ñeñt chorra'yenahuet. Jesúsña pa' ama muenatano oneñet attoch eñorana'tnomet, tarro'mar ñetpa' e'ñe eñoteñet ñapa' ñeñtca'ye Cristotets.

Allempo Jesús'pa' serrpare'tatiesnoman acheñenesha' errañaren Galileo'mar

(Lc. 4.42-44)

³⁵ Tsapaña e'ñe ahuatema tanta'muena Jesús, ama e'ñe orretuena' cha'nma'muen ñeñe anetsroñ ahuam'uen all ama acheñempaño'yaye allcha'ma'yocha'muena.

³⁶ E'ñe o'chtatsapa' ahua'muen ñaña Simón ñaña po'psheññe'chno ñeññ epuet ta'muena. Ñetpa' o'ch e'nereta' Jesús.

³⁷ Allempoña entosetpa' atet otoset:

—Papa' allohuen acheñenesha' chocmaca'ye e'nenpet.

³⁸ Ñaña'pa' otapanet:

—Te'pa' o'ch ahuey po'poñ anetso ñeññara allampaño'mar allpa'cho'ña o'ch neserrpare'tatiesnomanet tarro'mar napa' ñeññecopca'yeña nohuapa.

³⁹ Allempoñapa' chopeñe'chyes Jesús errañaren Galileo'mar, serrpare'tatiesanet e'ñe ñet po'prahueto. Ñaña ñeññ chorra'yena oneñeñ, ñaña'pa' e'ñe quechpatyesuerranet.

Atto Jesús a'crraterran puesheñarr yacma ñeññ aptsarñañ

(Mt. 8.1-4; Lc. 5.12-16)

⁴⁰ Allempoñapa' huapoña ñaña puesheñarr yacma ñeññ osen puetsarñats ñeññ otenet lepra. Chap Jesúseshopa' concorpana'tosana Jesús'pa' atet otos:

—Ñerra'm pa'muenatspa' pa' ñeññep atarr ahuamencateshap pa'crrataye'cherren allochñapa' attoch e'ñe cohuen entuerren acheñenesha'.

⁴¹ Jesúsñapa' e'ñe cohuen muerapya ñeñño'marña anretapa' allenta a'pñe', atet och:

—Napa' nemneñca'ye, metuerrepa'ña peptsarña allochñapa' attoch e'ñe cohuen entuerre' allohuen acheñenesha'.

⁴² Yacmañapa' allorocmuepa'tcha' metuerña pueptsarña cha cohuentersa.

⁴³⁻⁴⁴ Jesúsñapa' alla otererr:

—Te' atto o' na'crraterreppa' po'ño'ch ama't e'ñe puesheñarrapa' amach potapsa'tatsche ama't mamesha. Corneshachña pegatena' all peptsarse't. Atet nane't Moisés ñofñets añ acheñerecop ñeññcha' a'crratetterrtsapa' te'ñapa' o'ch es panom ñeññcha' papos all ñeññ Yomporecop. Allochñapa' attoch e'ñe cohuen entuerre' allohuen acheñenesha'.

Atotca'yeña Jesús'pa' mueñe o'ch ahuo' corneshesho.

⁴⁵ Ñaña'pa' allempo ahuo'pa' e'ñe serrpare'tatiesuanman allohuen acheñenesha' ñeñño'marña e'ñe ña pa'metare'teño'pa' o' erracmañen eñotuet ñeññ atet pa'yena Jesús. Ñeñño'marña Jesús'pa' ama eshcaye' seno anetso all shontena acheñenesha'. Ñapa' alla chopeñe'chyen a'yo'mar all ama acheñempaño'yaye. Tarraña ama't atet penañ acheñenesha'ñapa' allemñateñ hua'cha'teññañet ñeññ shontenoya ama't all.

2

Atto Jesús a'crraterran ñaña ñeññ echarraña

(Mt. 9.1-8; Lc. 5.17-26)

¹ O'ña met allponmat Jesúsñapa' o' alla cherrerr anetso Capernaumo. Acheñenesha'ñapa' e'mare'chet o' alla cherrerr pocollo.

² Allempoñapa' o' alla shonerrñañerr acheñenesha'. Atteñapa' o'huañ epuet o'pono pocollo. Ama't allot be'tenet pocollopa' o'huañ epuet. Jesúsña allpa' serrpare'tatapan acheñenesha' Yompor po'ñoñ.

³ Atteñapa' huapatam̄psōñet ñāma echarraña ñeññapa' pa'tatssheña ñeññ anam̄pene' puechcapōt.

⁴ Ñetpa' añ muenetañ o'ch be'tososet o'ch e'ñe noset Jesúsesho, tarraña shonte' acheñenesha' ñeñño'marña ama eshcaye' abe'tosetoña atснаñeñ attoch chapachet e'ñe Jesúsesho. Atteña a'tapatoset enot pocollato, ñeññapa' pocollpa' patsopo'. Ñetñapa' rrorosetña ñeññ pocollatar enot e'ñe ñeññeceptaro'tsen Jesús all patsoñ. Allotña a'suatam̄psosetña echarraña e'ñe puechcapena. Attoña chapachet e'ñe rrocho allo'tsen Jesús.

⁵ Jesúsñapa' eñotapanet ñetpa' atarr nanac yemteñet. Allempoña ñapa' otapan echarraña:

—Te'ña neyochre, pā pā o'chñarpa' o' ap̄retna'huare'tterra.

⁶ Ñehua, allñapa' allo'tsa'yen ñāma pueheña'tets ñeññ atarr etsotayenayeñ ñoñets ñeññ atet anaret judioneshapoc. All anorrcha'tyenet ñetñapa' atet otatse'tyeset pueyoçhreto:

⁷ “Eso'mare'tña atet eñeñña añ acheñer. Ñeññ atet otenpa' ñapa' chaca'ye achñare'tenanña Yompor tarro'mar arr patsropa' ama't e'ñe pueheñarra ama eñalleña ñeññ peretnene' ochñarets ñapñaña Yompor peretnene' ochñarets.”

⁸ Jesúsña pueyoçhropa' eñotanet ñeññ atet otyenet ñet pueyoçhreto ñocop. Allempoña Jesúsapa' atet otanet:

—Sapa' eso'mare'tcha'ña atet soctape'chatse'tyesña seyoçhro.

⁹ Sapa' chate' soten ñeññ atet o' notue echarraña po'chñar o' ap̄retna'huare'tta, ñeññapa' ama torrapahuoyaye. Sapa' añña atarr torrapo' senten attoch na'crrater, choncha'ña ote': “Petantena, pechta'nen pemue'pa' o'ch pechophe'chnen.”

¹⁰ Ñehua, napa' o'ch neñotatas na Ñeññen Acheñetosets, napa' ñeññen apareten llesens attoch nach peretnerre' ochñarets añ patsro.

Ñeñño'marña Jesús allempopa' atet otan echarraña:

¹¹ —Te'ña napa' o'ch notap̄: Petantena, pechta'nen pemue'pa' o'ch pechophe'chnen, ahueñep pepac̄llo.

¹² E'ñe otue' atetpa' echarrañañapa' cha tantetsa e'ñe allorocma, o' cheta'nenan po'mue'pa' cha'nen allot. Allohuenña acheñenesha' e'ñe entueñet; ñetñapa' cha atarr cohuanrrortapueñet. Ñeñño'marña ñet allempopa' atarr cohuentayeññañet Yompor. Ñetñapa' atet otyenet:

—Yapa' ama't ahuatapa' ama yentareña atet ñeññ atarr cohuen.

Allempo Jesúsapa' hua'ña'nman Leví attoch pueyoçhresha' per (Mt. 9.9-13; Lc. 5.27-32)

¹³ Jesúsñapa' alla ahuererr sa'patop̄ño. Allohuen acheñenesha'pa' alla huacherrñañeterr, ñañapa' yeçhatyesapanet.

¹⁴ O'ña yeçhatuanetpa' o' meterrerr Jesús allot, allña oñenpa' entnoman ñāma Leví* ñeññ Alfeo puechemer. Ñañapa' alla anen allecma cobra'yenan acheñenesha' quelle ñeññ gobiernocop. Jesúsñapa' atet otosan Leví:

—Te'pa' o'ch p̄octa'n attoch neyochresha' neperrep̄.

E'ñe otue' Jesús atetpa' Levíñapa' cha tantnomtsapa' allenta cotan Jesús.

* 2:14 Levípa' ñeññara ñeññ sochenet Mateo.

15 Allempoña thap ñaña allempo Jesús pa' alla rrallme'chen Leví pa'paclo. All rrallme'chapreteñ shonte' acheñenesha' ñeñt' po'taruas pa'yenet ñamet o'ch cobra'yenan acheñenesha' quelle ñeñt' gobiernocop. Ñetpa' atarr ashcañenesha' entenanet acheñenesha'. Ñaña allo'tsa'yen shonte' po'potantañechno ñeñt' atarr ochñañenesha' entyen acheñenesha'. Ñetñapa' all anorrcha'tyenet all anen Jesús epuet pueyochresha'. Tarro'mar shonte' acheñenesha' ñeñt' cota'huanene' Jesús.

16 Añña fariseonesha' ñeñt' allo'tsa'yen ñaña ñeñt' etsotayenayeñ ñoñets ñeñt' atet anaret ñeñtareta judioneshet, ñetña allempo enteñet Jesús all rrallme'chapretenan ñeñt' atarr ochñañenesha' ñetñapa' allenta otoñet pueyochresha':

—Eso'mare'tña ñeñt' semaestrór sepenpa' rrallme'chapretenañña añ acheñeneshar ñeñt' pueshquëño'te'na cobra'yene' acheñenesha' ñaña epuet acheñenesha' ñeñt' atarr ochñañenesha'chno.

17 Atet e'manet Jesús, ñaña'apa' atet toma'ntatanet:

—Ñeñt' e'ñe huomech entetsapa' ñetpa' ama e'neñetoña apartañ. Añña ñeñt' atсна'tetspa' ñetñapa' chocma e'nenet ñeñt'cha' a'crraterrahuet. Napa' ama añecpaye' nohuapo atoch nechore'tos ñeñt' e'ñe atet entetsañ ñetpa' e'ño' cohuen es pa'yenet. Napa' añecopña nohuapa atoch nechore'tos ñeñt' atarr ochñañ entyetsa. Allochña'apa' atoch o'ch cotape'cherret ello e'ñe cohuen Yomporecop.

Allempo Jesús pa' eñotatanet atetcha' tore'tet Yomporecop ñeñt' po'ño'ch sherbets

(Mt. 9.14-17; Lc. 5.33-39)

18 Parrochña allempo tore'tyena† Juan pueyochresha' Yomporecop ñaña fariseonesha' pueyochresha', pueseña'tetsña acheñpa' hua'cha'tet Jesúsesho, ñetñapa' atet otoset Jesús:

—Juan pueyochresha'pa' tore'tetset Yomporecop; fariseonesha' pueyochresha'pa'cho'ña tore'tetset ñamet Yomporecop. Paña pueyochresha'pa' eso'mare'tña amaña tore'teneto.

19 Jesúsñapa' atet toma'ntatanetpa' ñeñt'pa' atet otanet:

—Ñeñt' ahua'ñarefechno all rrallme'chapreteñet ñeñt' e'ñe errete' sena'tetsa, ama pocteyaye o'ch yotanet “amach es serra'yestatso” tarro'mar ñeñt'pa' atet coshapreteñet ñeñt' sena'tetsa. Amachña'cha' tore'teno allempo allo'tsenmeñ parro ñeñt' errete' sena'tetsa.

20 Tarraña ñerra'm esempo machayota sa'nerranet ñeñt' sena'tetsa, ñeñt'ña parro yemuetyenapa' allempoña ñetpa' e'ñe puellquëño'tet quechpa'huerretcha' puerrar, amach arrenaye' enterreto. Ñeñt'pa' atochña' tore'terret allempo Yomporecop e'ñe po'ño'ch. Arrpa' allohua huañ ñeñt' atet Jesús toma'ntata'ña sena'tostsa.

21 Elloñapa' o' alla toma'ntaterraneterr ñeñt' atet yechen judionesha' arr patsro ñeñto'marña atet otanet:

—Yapa' ñerra'm mellashañ yeshtampa' amach yelltatsche emarr lletamtso. Tarro'mar ama't atet yepatsechpa' ñeñt'pa' e'ñech orrena yellteñ tarro'mar

† 2:18 Añ tore'teñetspa' añecop o'ch yetorra Yomporecop. Amach añecpayaye atomat, ñeñt'pa' añecpa mameshacop o'ch yequechpa' yerrar.

ñeñt emarr lletamuetspa' ñerra'm esempo yatsama'tam̄pespa' çhach chel-lama'ta çhach martse'tatanña shetamtoshe'm. Ñeñtña yelltenpa' allo'nach sen rrarrtse'tats nanac.

Ñeñtpa' attoña Jesúsapa' eñotatanet ña poctaḡña e'ñe etserra.

²² Jesúsñaapa' alla toma'ntaterraneterr po'poñ ñeñt atet yeçhen judionesha' o'ch yeçcatenet pa'rrom orrot. Ñeñto'marña atet otanet:

—Ama't puesheñarrofeyapa' amach yeshatstoña vinos emasa mellasha'ñañ orroto ñeñt ayeçcataret pa'rrom. Tarro'mar ñerra'm atet yepe'pa' o'ch chasa'ña vinospa' çhach a'ptsan orrot, vinosñaapa' çhate' e'ñe shebhua, ñeñtña orrotpa' ama't mameshapa' amach es sherberro. Añaña ñerra'm emasa vinos arrcha' yeshe' emerra orroto ñeñt ayeçcataret pa'rrom.

Ñeñtpa'çho'ña attoña Jesúsapa' eñotatanet ña poctaḡña e'ñe etserra.

Allempo Jesús pueyochresha' taso'tam̄pesyesnomuet trigo aña yetro allem-pocma amesen judionesha'

(Mt. 12.1-8; Lc. 6.1-5)

²³ Allempoña çherrerr pamtarr allempo çhocma amesen judionesha'. Allempoña Jesúsapa' arr oñem chetso'mar epuet pueyochresha'çhno. Allempo oñenet chetso'mar pueyochresha'ñaapa' taso'tam̄pesyesnomuet puechm̄a tets trigo.

²⁴ Fariseonesha'ñaapa' ñeñt entahuet ñetñaapa' allenta otyeset Jesús:

—Pecue' eso'mare'tña peyochresha'ñaapa' atet penet ñeñt ama pocteyaye o'ch atet yeḡa tarro'mar te'pa' aña yetropa' ñeñt atet anaret ahuatoteñ allempocmach yamesen.

²⁵ Jesúsñaapa' atet otanet:

—Sapa' ama'trra selleyareña ñeñt atet ḡa ahuat David allempo pallta'ḡsa ñeñtcha' rret allempo cheporra'nma epuet ñaña allohuen ñeñt cotene'.

²⁶ Ña allempopa' be'tosos Yompor pa'paclo, allñaapa' rrosan pan ñeñt atma'ntataret atet ñerra'mrrate' ñeñt nenet all Partsocp. Ñehua, ñeñt panpa' ama pocteyayñe o'ch eshera' rre'. Ñeñtpa' añach ñapuef rrene' cornaneshachno, ñeñtpa' e'ñe atet anuaret judioneshacp. Ñeñtña panpa' o' rros David, rratosan ñaña allohuen ñeñt epuet. Ñehua, ñeñtpa' tarrempo atet pe't David allempo judionesha' po'cornanesharpa' añ pa'ñcha'tareter pete't Abiatar.

²⁷ Jesúsña alla oterranelerr:

—Añ yetro allempo yamesen ñeñtpa' añecop anaret acheñenesacpay ñeñtcha' yesherbene'. Amaña añecpaye' anareteña yetñats ñeñtcha' yesherbena ya.

²⁸ Ñeñto'mar na Ñeñten Acheñetosets, ñeñten allsensareten, naca'yeña atet otets este' poctetsaña ñeñtcha' atet yeḡa aña yetro allempocma yamesen.

3

Allempo Jesúsapa' a'crraterran ñeñt chelletsap

(Mt. 12.9-14; Lc. 6.6-11)

¹ Po'pocheñoña Jesúsapa' alla be'tosuener judionesha' po'prahuo. Allñaapa' allo'tsen puesheñarr yacma ñeñt çha chellena pot.

² Fariseonesha'ña allpa' Jesúsapa' atarr cohuana'tyenet attoch eñchet ñato'rraña a'crratenanerrcha' acheñ aña yetro allempocma amesenet.

Ñerra'm o'ch a'crratenanerr ama't puesheñarra añe yetro allempo amesenet, allempoñapa' esheccha' a'metampeñeta' amcha'taretsho.

³ Allempoña Jesúsapa' otan ñeñ chelletsa pot:

—Aþon, þatomos arrma.

⁴ Jesúsñapa' atet otanet:

—¿Errofena'tña ñeñ e'ñe pocte' senten ñeñtcha' atet yeþa añ yetro allempo yamesen? Ñato' o'ch atet yepe' e'ñe cohuen po'psheñeñ, amapa' ñato' o'ch atet yeþon ñeñt ama cohuenayaye. ¿Ñato' añte' pocte' senten o'ch ya'crrach acheñ amapa' añte' pocte' senten amach ya'crratatsche çhachña yemtsat-ach?

Ñetñapa' ama't puesheñarrofetapa' ama eseshaye' anapaye.

⁵ Allempoña Jesúsapa' cohua'yesanet, ama't mamesha ama pocteye' entenetano, atarr llecateñet tarro'mar ñetpa' ama mueneneto o'ch çhapanet cohuen pueyoçhreto. Allempoña Jesúsapa' otan yacma ñeñ chelletsa pot:

—Te'pa' o'ch notañ, petapuerr þot.

E'ñe otue'pa' ñañapa' allentepa'tcha' tapuerranña pot, o' e'ñe cohuenterra pot.

⁶ Fariseonesha'ña çha'nmaçherretpa' cotape'chatanna'tet epuet Herodes pueyoçhresha', ñetñapa' Jesúsapa' atarr o'patenet attoch muetsatachet.

Shonte' acheñenesha' ñeñt huaçha'tatsa sa'patopño all enteñeta' Jesús

⁷⁻⁸ Allempoña Jesúsapa' ahuer sa'patopño'mar pueyoçhresha'na. Shonte' acheñ galileo'marnesha'pa' cota'huanmet ñamet. Ñaña shonte' po'potantañeçhno acheñenesha' ñetña allempo e'mare'teñet Jesús ñapa' atarr cohuen orrtatyen ñetpa'çho'ña allenta huaçha'tyesoñet ñamet. Allemateñ anetsot huaçha'tyeset Judeot, Jerusalénoç, Idumeot, Jordanas yonña'not, ñaña allo'marnesha' ñeñt huetsa Tiroç ñaña Sidónoç. Ñetpa' añ atarr muenenet o'ch enteñeta' Jesús.

⁹ Shonte' nanac acheñenesha'. Attoch ama atarr queçhcare'teñe Jesús acheñenesha' ñeñt shontetsa, ñañapa' otan pueyoçhresha':

—Chocmach sehuapaton noñt.

¹⁰ Allempo Jesúsapa' a'crratyasan shonte' atснаñeçhno ñeñto'marña allo-huen ñeñt atсна'tyets ñetña allempopa' atarr emchorreñet Jesús, añ atarr muenenet o'ch a'þlloset Jesús.

¹¹ Añña oneñeçhno ñeñt chorra'yenaya acheñ ñeñtpa'çho'ña allempo entoset Jesúsapa' allepa'tcha' rromamþsosyet pa'rrpõt, rranare'tyesosetpa' atet otoset:

—¡Pepa'tña Paret Puchemereþ!

¹² Jesúsñapa' ama muenatano oneñeçhno o'ch oteñet ñapa' po'ñoç Paret Puchemer.

Allempo Jesúsapa' acran çharrasheña ñeñt puechetsa epsheña ñeñtcha' llesensa'

(Mt. 10.1-4; Lc. 6.12-16)

¹³ Allempoña Jesúsapa' ahuo' aspeno. Alloña agotatosan ñeñt e'ñe cohuen enten ña ñeñtcha' pueyoçhresha' þa'. Ñeñt agotatenpa' ñetña allenta ahuanmuet ñesho. O'ña çhaçha'tuetpa'

¹⁴ Ñañapa' napanet ñeñtet çharrasheñet ñeñt puechetsa epsheña, ñetñapa' ñeñtcha' e'ñe parro chopeñe'chyen ñaña ñeñtcha' llesensen attoch serpare'tyerret Yompor po'cohuenña.

15 Ñaña o'ch apuerranet llesens attoch quechpatyeret oneñeñechno acheñenesha'.

16 Ñeñt llesensa' ñeñtpa' añ pa'so'chñechno: Simón ñeñtara o' sochererr Pedro,

17 allotpa' ñaña Jacobo ñaña pa'mo'nasheñ Juan ñeñt Zebedeo puechmeresha'; ñetñapa' o' socherraneterr Boanerges ñeñt yoten yeñoño Tecorena'tar.

18 Allotpa' ñaña Andrés, ñaña Felipe, ñaña Bartolomé, ñaña Mateo, ñaña Tomás, ñaña Jacobo ñeñt Alfeo puechmer, ñaña Tadeo, ñaña ñeñt po'psheññ Simón ñeñt cananistanesha' ñeñt atarr torrattse't pa'netsrecop.

19 Allotpa' ñaña Judas Iscariote ñeñtcha' pomuerre' tsapatonet Jesús.

Atto puesheña'tets oteñet Jesús ñapa' oneñeño' po'huamencot quechpatenanña po'potantañ oneñeñechno acheñenesha'
(Mt. 12.22-32; Lc. 11.14-23; 12.10)

Allempoña Jesúsapa' o' alla cherrerr pocollo pueyochresha'na.

20 Allñapa' o' alla shonerrñañerr allohuen acheñenesha', ñeñto'marña allempopa' ama eshcaye' rreneto.

21 Allempo e'mare'ch Jesús pamo'tsesha' atet pa'yenapa' ñetñapa' hua'cha'tet o'ch ereta' Jesús tarro'mar ñetpa' otenapuetañ ñato' chote' o' mospañña Jesús.

22 Puesheña'tetsña ñeñt atarr etsotayenayeñ ñoñets ñeñt atet anaret ñetpa' Jerusaléno' hua'cha'tet. Ñetñapa' atet otyesoset Jesúsocop:

—Añ yacmarpa' añaca'ye chorrenaya Beelzebú ñeñt pompör pen allohuen oneñeñechno; ñeñtca'yeña ahuamencat pene' attot quechpatenanña oneñeñechno acheñenesha'.

23 Allempoña Jesúsapa' chore'tan acheñenesha', allempoñapa' atet otapanet:

—O'ch notas, po'ño'ch oneñeñpa' amaca'ye huapore'tanneno.

24 Atet ñerra'm paterr añcha'taret ñerra'm cho elloptannena pueyochresha' ñeñtña atto añcha'tarettena chach huañerrets amach allo'na huomencatneno.

25 Attecmach pannerra ñaña ñeñt e'ñe pamo'tsana'tarecmuet pannenet ñerra'm cho elloptannenet e'ñe ñagattsetapa' ñeñtña atto huomencatenetpa' ñeñtapa'cho'ña chachca'ye huañerrets.

26 Attecmach pannerra ñaña oneñeñ pueyochresha'chno, ñerra'm oneñeñechno e'mone'tannenet, ñerra'm tantanna'ta oneñeñechnopa' ñeñtña atto huomencatenetpa' ñetpa'cho'ña chachca'ye huañerrets amach allo'na huomencatneno. Ñeñto'marña po'ño'ch oneñeñpa' amate' errotenot huapore'tanna'teto e'ñe ñagattseta.

27 'Ñehua, yapa' yeñoteñ ñeñt atarr ahuamencattetsa atto atarr ahuamencattena oneñeñ, ñañaapa' e'ñe po'huamencot cohuanpseyenan allohuen e'ñe cohuen ñeñt pa'paquell pa'yen. Tarraña ñerra'm esempo o'ch huapoña ñeñt atarr ahuamencatesha' ñeñtcha' metanose'ña po'huamenc atet ñerra'm na Nompör, ñeñtcha'ña rromose' o'ch huancos, allochñapa' o'ch be'tosos all ñeñt pa'paquell pa'yen o'ch e'ñe puerratañpsos ñeñt allpon o'patyena ña.

28 Jesúsapa' alla oterranneterr:

—Añ o'ch notas, po'ño'ch allohuen pa'namen sosya'tsañechno ñeñt ama pocteye' enteno Yompör ama't ñaña achñare'tanna'teñets ñeñtapa' apretna'po' nenteñ.

29 Tarraña ñerra'm esesha' añ achm̄are'teññañet Parets Puecamquëñ ñeññapa' amaca'ye ap̄retna'pahuoye' nenteñe. Ñeñña po'chñaretpa' amachca'ye ap̄retna'pahuoterro e'ñe tayoteñ errponohuañen.

30 Ñehua, ñeñña' atet otanet Jesús tarro'mar ñetpa' atet otyeñet Jesús, ñapa' año' chorrenaya oneñeñ ñeñño'ña ahuañentat pene'.

Allempo huapoña Jesús pachor ñaña pa'mo'nasheñnesha'
(Mt. 12.46-50; Lc. 8.19-21)

31 Allempoñapa' huapa Jesús pachor epuet ñaña pa'mo'nasheñnesha'. Chapuet allpa' ñetñapa' alla tom̄cha'toset a'yot, allotña agotatoset Jesús.

32 Ñeññ anorr̄cha'tyets epuet Jesús ñeññ arrotam̄penaya, ñetñapa' atet ochet:

—O'ca'ye huapa pachor ñaña pemo'nasheñnesha'. Ñetpa' a'yote'tsa'yenet, p̄aca'ye e'nenet.

33 Jesúsñapa' atet otanet:

—Ama't seño'teñe ñeññ e'ñe po'ño'ch nachor nepen ñaña ñeññ e'ñe po'ño'ch nemo'nasheñ nepen.

34 Allempoñapa' cohua'yesan acheñenesha' ñeññ arrotam̄penaya all anorr̄chenet. Allempoñapa' atet oterraneterr:

—Napa' añca'yeña ñeññ po'ño'ch nachor nepen ñaña ñeññ po'ño'ch nemo'nasheñnesha' nepen.

35 Ñehua, ama't erra'tsena ñeññ e'ñe atet pohuene' ñeññ atet muenen Nomp̄or ñeññ pue'ntaño'tsen ñeññca'yeña e'ñe po'ño'ch nemo'nasheñ nepen ñeñña no'ch nepen ñeñña nachor nepen.

4

All toma'ntatanet Jesús ñeññ a'parre'tene' puerets
(Mt. 13.1-9; Lc. 8.4-8)

1 Jesúsñapa' alla ye'chaterranerr acheñenesha' e'ñe alla sa'patopño. Allña emchorra'huererr shonte' acheñenesha'. Ñeñño'marña Jesús'pa' a'tap noññtopa' ahuañpes mame' allpononet allñapa' anorros noñño e'ñe all sa'po. Acheñenesha'ña allohuenetpa' e'ñe sa'patopño'tsa'yenet all masto.

2 Allñapa' esocmañen serrpare'tatenan acheñenesha' pa'namen toma'teññso'chno. All ye'chatyenatetpa' atet otanet:

3 —Se'ññoton añ ñeññ atet notenes: Ñeñña a'parrene' puerets ñaña'pa' ahua' allcha' a'parre'tyenana' puepuer.

4 All a'parre'tyeñ patanta'tetsñapa' alla çhapyes toño'mar. Allñapa' hua'cha'tyesa o't e'ñe añyallme'chuenana' puerets.

5 Po'poñe'chnoñapa' alla çhapyes mapuetro'meso'mar all ama tama eñalle pats. Ama nanac o'pono'tseno patso ñeñño'marña mametollapa' chepare-suañ.

6 O'ña enome'ta'muen atsrretpa' alla a'uyatuer. Ama er'cha'tena' ñeñño'marña alla hueya'huerra.

7 Po'potantañña pueretspa' alla çhapyes allcha' chepares aj. Allpa'cho' mameshapa' cheparesuañpa' ajñapa' mameshapa' atesha'tua' alla ca'matuerranña narmets alla a'cllatuer, ñeñño'marña ama ellom̄re'to.

8 Po'potanta'echno ñeññapa' arr çhapyes all e'ñe cohuen patso. Ñeññapa' e'ñe cohuen chepares. Allempoña atesha'tuapa' o' ellom̄re'tyes. Atarr atonapa'tets ellom̄re'tyes—puecha'tetspa' ma'poch çharra' pue'llomer,

po'pchañechnoñapa' pechapoch çharra' pue'llomer, po'pchañechnoñapa' çharroch çharra' pue'llomer.

⁹ Allempoña Jesúsapa' alla oterraneterr:

—Ñeñtes po'ñoçh ne'mñotene', çhaponasepa'ch seyoçthro ñeñt atet netma'ntatensa añ ñoñets.

Atet otanet Jesús ñeñtecop atet toma'ntatyenanet
(Mt. 13.10-17; Lc. 8.9-10)

¹⁰ Allempoña patmuerra acheñpa' o' ñapñaña Jesús epuet ñaña pueyoçhresha' ñaña puesheña'tets po'potantañ ñeñt allo'tsa'yen, ñetñapa' atet ochet Jesús:

—Ta'm çest'e'ña petma'ntatonyaña ñorra'?

¹¹ Jesúsñapa' atet oterraneterr:

—Sa te'pa' Yomporña semnatene' attoch seño'ter ñeñt ama eñotpahuoyaye ama't ahuatoteñ atet penaña Yompor po'cohuenña atto ayochreshattena ña. Tarraña po'potantañeçhno ñeñt atta es pueçha'yetsa, ñocpuetpa' ama eñoteñeto ñeñt atet atma'ntataret ñoñets.

¹² Attoña ama't enteñetañ ñetñapa' amach errotentot es çhaphueto pueyoçhreto. Ama't e'mueñetañ amach çhenanetoña pueyoçhreto ñeñt atet yeçhateney Yompor po'cohuenña. Attoña amach cotape'cherreto ello cohuen Yomporcop attoch ñach peretnerrahuet po'chñaret.

Arrpa' all eñotatanet Jesús ñeñt toma'ntatenanet ñeñt a'parre'tene' puerets
(Mt. 13.18-23; Lc. 8.11-15)

¹³ Jesúsñapa' alla oterraneterr:

—Sapa' ama't mameshapa' are't seño'tenoña ñeñt o' netma'ntatuasa ñorra'. Ñerra'm ama çhennaso seyoçthro ñeñt o' netma'ntatuasa ñorra'pa' errotentuachñaca'yeña çhaponasaña seyoçthro allohuen po'poñeçhno ñeñtcha' netma'ntaterrser tsapatonet.

¹⁴ Allempoña Jesúsapa' eñotatanet ñeñt atet o' toma'ntatuanet ñoñets ñocpuet, ñeñtapa' atet otanet:

—Ñeñt a'parre'tyene' puerets, ñeñtña pueretspa' añca'ye notenes Yompor po'ñoñ allempo serrpare'teñet.

¹⁵ Añ puerets ñeñt çhapyets toño'mar ñeñtapa' añ notenes acheñenesha' ñeñt e'mñotenayeñ Yompor po'ñoñ. Allempo e'mñotueta'pa' allorocmach huapa oneñet o'ch alla puerratanperranet Yompor po'ñoñ ama't allpon ñeñt eñotetañ pueyoçhreto.

¹⁶⁻¹⁷ Ñaña ñeñt çhapyesets mapuetro'meso'mar ñeñtapa' añ notenes acheñenesha' ñerra'm esempo e'mñoteññañet Yompor po'ñoñ e'ñeçh allorocma pocsheñesha' aguññañetañ Yompor po'ñoñ. E'ñeçh cohuen ame'ñeretañ tarraña ñeñtapa' mamecpach atet penet. Tarro'mar ñetpa' e'ñe atet penet ñerra'mrrate' narmets ñeñt chepuets mapyo amach eñalle puereçh. Tsapatonetña ñerra'm o'ch huapanet topateñets ñeñtcha' mueroçhtatahuet tarro'mar ñetpa' o' ame'ñeretañ Yompor po'ñoñ, ñetñapa' allorocmach alla queçhpuerrñañet Yompor po'ñoñ.

¹⁸ Ñaña po'poñeçhno puerets ñeñt çhapyets ajmo'mar ñeñtapa' añ netma'ntatena po'potantañ acheñenesha' ñeñt e'mñotenayeñ Yompor po'ñoñ.

¹⁹ Ama'tcha' çhapanetañ pueyoçhreto tarraña ñetpa' allo'nach senet e'ñeçh añña atar cotape'chenet ñeñt lleca'yenet arr patsro ñeñt e'ñe ñocpueta. Añach muenenet o'ch esocmañen es eçhyenet tarraña ñeñtapa' çhaca'ye shequënanet. Attach pa'namen ye'chatse'tyenet. Attoña huenanet topateñets

ñeñfo'marña ñetpa' amach errotenot orrtatoñetoña ñeñf e'ñe cohuen enten Yompor. Ñetpa' e'ñe atteta ñerra'm narmets ñeñf cha ca'mateñ ajma' ñeñfo'marña amach errotenot me'teneto o'ch ellonre'tyeset.

²⁰ Ñaña añ puerets ñeñf chapyesets e'ñe cohuen patso ñeñf e'ñe cohuen cheparsatspa' ñeñña toma'ntenaya po'potantañ acheñenesha' ñeñf e'mñotene' Yompor po'ñoñ. Ñoñetsña'pa' e'ñech cohuen chenonet pueyoçhreto. Ñetña'pa' ñeñfet po'ñoçh orrtatenet ñeñf atarr sherbets Yomporcop. Attoña ñetpa' e'ñe atef penet ñerra'm narmets ñeñf atarr me'tets—pate'tets ma'poch çharra' pue'llomer, po'poñpa' pechapoch çharra' pue'llomer, po'poñpa' çharroch çharra' pue'llomer.

*Arrpa' all toma'ntatanet lampareñ atto çhoyo'tampeney
(Lc. 8.16-18)*

²¹ Jesúsña'pa' alla toma'ntaterraneterr, ñeñtpa' atef oterraneterr:

—Ñerra'm esempo ya'llchaten lampareñ, ñeñtpa' ama añecpaye' yehuapateña o'ch alla ye'rramañpos coymño. Ñaña ama añecpaye' ya'huortatenña lampareñ o'ch yene' o'ponot yemayepñaçho. Añecopña ya'huortatenña lampareñ o'ch yene' enonet atoch çhoyo'tampesuan allohuen ñeñf allo'tsa'yen.

²² Tarro'mar allohuen pa'namen ñeñf ama eñotpahuoyaye ama't ahuatoteñ, te'ña'pa' o'ch e'ñe orrtataretterra attoçña o'ch e'ñe eñotatarefetuerret e'ñe poctacma.

²³ Ñeñfes po'ñoçh ne'mñotene' çhaponasepa'ch seyoçhro ñeñf atef netma'ntatensa añ ñoñets.

²⁴ Jesús'pa' alla otterrane'terr:

—Sapa' señotenafe' e'ñefe' po'ñoçh cohuen se'mñoteññañ Yompor po'ñoñ ñato'pa' amate'. Tarro'mar ñerra'm errot sepoñ po'psheñeñ ñeñf ama cohuenayaye Yomporña'pa' attec'mach perres saña. Ñaña ñerra'm e'ñe cohuen sepenanet, Yomporña'pa' e'ñech cohuen perres saña ama't ellonet o'ch aperres ñeñf e'ñe cohuen.

²⁵ Tarro'mar esesha'te' çhena pueyoçhro ama't e'ñe allpona Yompor po'ñoñ, elloña Yomporpa' allo'nach eñotatnenanet nanac shonte'. Tarraña esesha'ña ñerra'm ama çhenaneto pueyoçhreto tarro'mar ñetpa' ama po'ñoçhaye' aguëññañeto Yompor po'ñoñ, ama't allpon eñotyetañ pueyoçhro ñeñña'pa' çhach puerratamperranet Yompor.

All toma'ntatanet puerets ñeñf e'ñe cohuen chepyets

²⁶ Jesús'pa' alla toma'ntaterraneterr, ñeñtpa' atef otterrane'terr:

—Yompor po'cohuenna ñeñf atto ayochreshattena ña, ñeñtpa' atef pena ñerra'mrate' puesheñarr acheñ ñeñf nare'tene' puepuer. O'çña nare'tuepa' o'ch ahuerr pa'paclo.

²⁷ Allach allponmaterra' o'ch tsapuenpa' allach muene't, yetoñapa' çhocmach tanta' muene't, puepuerña'pa' atteña'pa' o'ch chepua o'ch atesha'ta. Pamo'mte'ña'pa' amach e'ñeye' eñoteñe errotenotte'ña chepyen.

²⁸ Ñehua, yeñoteñ patspa' ñeñtca'ye a'çhpatene' yepuer e'ñe ñoña. Choch ñanom çho'pe'çhyes allempoñapa' o'ch atarrchet çhoch potssets atoch ellonre'tyes, attotach'cho' e'ñe po'nuen.

²⁹ E'ñe erрте' po'netspa' e'ñech allorocma mueñan ñeñtcha' tsorrenaya'. O'ca' çhen allempoch apçhenetña ñeñf narmetser.

*Atto Jesús'pa' toma'ntaterranet atet pena pue'llomer ñeñĩ otenet mostazl-
lomĩ*

(Mt. 13.31-32; Lc. 13.18-19)

³⁰ Jesús'ña ellonetpa' atet otterraneterr:

—Añ Yompor po'cohuenña ñeñĩ atto ayochreshattena ña —ñanompa' e'ñech puesheña'tsa ame'ña'yetsa, allempoteññapa' allo'nach sen atonet-nomtsa ñeñĩ'cha' ame'ñerrtsa, attochña e'ñe epa'huerra erracmañen Yompor po'cohuenña. Ñeñĩña te'pa' o'ch netma'ntatasa ñeñĩ atet pena ña.

³¹ Ñeñĩpa' atet pena ñerra'mrrate' añ pue'llomer ñeñĩ atarr añefolleshallmerr ñeñĩ otenet mostazlloñ. Ñeñĩña pue'llonretollpa' o'ch nare'chet patso. Ñehua, e'ñe yeñoteñ mostazlloñ ñeñĩpa' atarrca'ye nanac añefolleshallmerr.

³² Tarraña ñerra'm o'ch nare'chetpa' allempoña choppa' allo'nach sen rrorranmats cohuen, atarrchetnomuets, elloch metana'tuan po'pchañ narretso'chno. Puetacre'nach ateshatacrerrtatsa. Allñapa' o'ch hua'cha'toña ote'chno o'ch rrema'rarrantosa puetacro'mar po'mañero.

*Jesús'pa' ora allpon ñeñĩ atet ye'chatyenan acheñenesha' ñeñĩpa' atto
pa'namen es toma'ntatyenanet*

(Mt. 13.34-35)

³³ Shonte' po'poñe'chno ñeñĩ alla toma'ntaterraneterr atto serrpare'tatenanet Yompor po'ñoñ. Attoña e'ñe allpona serrpare'tatanet ñeñĩñapa' e'ñe cohuen eñotatanet pueyo'chreto.

³⁴ Ama serrpare'tatenaneto atfa, añña 'chocma serrpare'tatenanet toma'nteñtso. Ellonetpa' 'chocma e'ñe eñoto'chen serrpare'tatenan pueyochresha'.

*Allempo a'mchecherran Jesús huomenquësha' ñaña sa'p ñeñĩ
emo'yarertetsa*

(Mt. 8.23-27; Lc. 8.22-25)

³⁵ Ñeñte yetrocma e'ñe ellerronet Jesús'ñapa' otan pueyochresha':

—Te'pa' o'ch ahuañpsey yon'ta'n.

³⁶ Pueyochresha'na sohanmet acheñenesha'. Ñeññara noñto allo'tsen Jesús'pa' alloña anmampeñet Jesús o'ch ahuañpset yon'ta'n. Allñapa' cota'huanmanet po'pnañe'chno noñte'chno.

³⁷ Allempo ahuañpset allñapa' machayotepa'tcha' huomenquëshatañpesnomuet. Emo'yare'ña 'cha esha'tena noñto atteña oññapa' chorramoch noñto.

³⁸ Jesús'ñapa' alla muen puepopato alla ñotena. Pueyochresha'ña opueretpa' atet ochet:

—¡Maestro, amahuaca'ye pellquënyo'e' o'rramche' yoclla'huamocha!

³⁹ Jesús'ña tanterrapa' e'ñe po'ñoñoña a'mtsoññetuerran huomenquësha'. Ñaña po'ñoñoña a'mtsoññeterran sa'p ñeñĩ emo'yartetsa, ñeñĩpa' atet ot:

—¡Muechecherrepa', muetsoññeterrapa'!

E'ñe otue'pa' 'cha muechecherrtsaña huomenquësha'. Attoña ñetpa' o' alla muechettamperret e'ñe cohuen.

⁴⁰ Allempoña Jesús'pa' atet otanet:

—Sapa' eso'mare'tña 'cha atarr seyoren. Eso'mare'tña ama e'ñeye' seyemtenno.

⁴¹ Ñetñapa' 'cha atarr nanac yoren, atet otanna'tyeset:

—Ta'mca'ye añ acheñerpa' esona'tarte'ca'ye. Atarrepa't es a'mchechaten, ama't po'ñoño'fapa' a'mchechaterran huomenquësha' ama't ñaña emo'yare' oñ.

5

Atto gadaro'marnesha' ñeñi chorrena oneñe'pa' huapa Jesúsesho
(Mt. 8.28-34; Lc. 8.26-39)

¹ Allempoñapa' o' etsotset yonita'n all sechenet. Allñapa' añ pa'ney pene' gadaro'marnesha'.

² Jesúsñapa' sehuosa all noñ'ot, allñapa' huapoña puesheñarr yacma tarraña ñapa' añ chorrenaya oneñe'. Ñeñ'pa' arrot huapa allecma pampa'yene't arromña'fe'chno.

³⁻⁴ Ñehua, ñapa' alla ye'chena all pampueñet arromña'ate'chno. Ama't puesheñarrapa' ama eseshaye' errot penaye attoch a'mchecheret. Ama't 'chocma huanquëñetañ asrere'cho pa'tcot ñaña potot, ñaña'pa' 'chach tsepe'tuerraña asrere'ch allo huanquëñet potot ñaña pa'tcot 'chach rrollapecheñ o'ch e'ñe tsepe'tatue. Ñeñ'ot'marña ama't e'ñe eseshapa' ama eshcaye' a'mchecheñeto.

⁵ Allñapa' ellapene'tcha' ñaña arepene'tcha' chopeñe'chyesets apampaño'mar ñaña aspentarero'mar. Allñapa' allecma atarr ama'to'chtana, tsotse'tyena mapyo e'ñe ñañeña.

⁶ Tarraña allempo entapan Jesús a'yoteñ allente'pa'tcha' matosa concorpana'tosana Jesús.

⁷⁻⁸ Allempoña Jesús'pa' atet otosan oneñe' ñeñi chorrenaya ñeñi yacmar, atet otos:

—O'ch oneñete notose'p te'ñapa' ipeque'chpa'ner añ acheñer!

Ñeñ'ot'marña ñeñi chorrena oneñe'pa' rranosa huomencpa' atet otapan Jesús:

—Eso'maruachca'ye Jesúsocha' patsrre'mo'chtana'tosna, p'apa' ñeñe'p Ñeñi nanac Parets Puechemerep. Te'pa' o'ch notapap e'ñe Parets pa'so'chño, amach 'cha pecoñchatatstosno.

⁹ Jesúsñapa' alla oterranerr ñeñi chorrena oneñe':

—Papa' ¿eso'tña peso'cheñ?

Ñaña'pa' atet oterranerr Jesús:

—Napa' añ neso'cheñ Legión tarro'mar yapa' nanac patonrey.

¹⁰ Allempoña ñeñi chorrena oneñe'pa' ñaña'pa' atet otare'tapan Jesús:

—Amach pemño'tatsterrye allap'ar ba'chayo.

¹¹ Ñehua, allpa' a'yente'tsa'yen shonte' chañ'cho'chno ñeñi rratse'tyets aspentonet.

¹² Ñeñ'ot'marña oneñe'fe'chnopa' atet otare'tapet Jesús:

—Ñerra'm 'choch muene' errotten pe'poseypa' arrña pemñaye'chosey chañ'chesho allochñapa' o'ch yechorra'yerr ñaña chañ'cho'chno.

¹³ Jesúsñapa' allenta otanet:

—Ama'tca'yepa' orrasca'ye.

Allempoña oneñe'fe'chnopa' que'chpa'neret acheñ o' chorrereter ñaña chañ'cho'chno. Chañ'choña allempo chorrosya oneñe'fe'chnopa' 'thepa'tcha' matrra'tua ñegone't, shor'cha'tuos allo'tpa' e'ñe ño'shrra'tuosa oño. Ñeñ'ña chañ'cho'chnopa' allo'tsente' epoch mil.

14 Acheñenesha'ña ñeñt' cohuanmpene' chañcho, ñetñapa' allenta matrra'tet ñamet po'yorñoť ahuanmuet anetso. Allñapa' serrpare'tyesoset ñaña ora allohuen allampaño'mar. Acheñenesha'ñapa' allenta ahuanmuet ahuo'ch enteñeta'.

15 O' cha'cha'tet Jesúseshopa' allñapa' entoset yacma ñeñt' chorre't oneñe'fečno alla anen ashtamat, o' eñoterra, o' cohuenterra. Ñetñapa' cha atarr mecha'na'toset.

16 Aña ñeñt' entene' Jesús atto que'chpaterran oneñe'ť acheñ, o' alla mueñererr chañchesho, ñetñapa' allenta serrpare'tatiesapet ñeñt' huacha'ttsa anetsoť.

17 Allempoña acheñenesha' ñeñt' ye'chetsa allpa' atet ochet Jesús:

—Te'pa' ahuerre'ť arrot yenyot.

18 Allempoña Jesúsapa' a'terr noñfo o'ch ahuer, yacmaña ñeñt' chorre't oneñe'ť ñañapa' allenta otan Jesús:

—Napa' nemneñca'ye te'pa' o'ch nocterre'ť.

19 Tarraña Jesúsñapa' ama muenache atet och:

—Alla'pach, te'pa' o'ch ahuerre'ť pepaclo pamo'tshesho'mar o'ch peserpare'tatuerranet ora allohuen atto Yomporpa' atarr yenpose'ť ñaña atto atarr muerospa.

20 Ñañapa' atet otue Jesúsapa' atet'cho' pa. Allenta ahuer serrpare'tyesnerrets ora anets'o'mar ama't all oteñe'ť Decapoliso atto Jesúsapa' atarr nanac yenpos. Allohuenña acheñenesha'pa' atta atarr cohuanrrorteñeť.

Atto Jesúsapa' tantaterran Jairo po'señ ñaña all a'crratnoman puesheñarr coyanesha' ñeñt' a'p'lla'nmue'pa'shtam (Mt. 9.18-26; Lc. 8.40-56)

21 Allempoñapa' ahuanmperrerr Jesús noñfo, o' alla cherrerr añeñta'n allot ta ahuaña. Allñapa' o' alla emchorra huererr shonte' acheñenesha' e'ñe all sa'patopño.

22 Allñapa' huapoña puesheñarr añcha'taret ñeñt'pa' añ pa'so'cheñ Jairo. Ñapa' ñeñt' puesheñarr ñeñt' añcha'tarettetsa judionesha' po'prahuo. Allempo entosan Jesúsapa' ñañapa' alla rromosa Jesús pa'rr'p'ot.

23 Allñapa' atet otos:

—Nesñe'follañacho' o' cha a'po'ntsena. Ñeñfo'marña napa' nohuenna'pa o'ch pocterren nepaclo. Ama't pototapa' o'ch pa'p'leña' attoch pa'crrater o'ch alla huomicherra.

24 Jesúsñapa' allenta cota'ner, allenta cota'huanemñ ñaña shonte' acheñenesha' cha emchorratse'tnomet, cha to'mama'tneñeť.

25 Allñapa' cota'nmanet ñaña puesheñarr coyanesha' ñeñt' atsna'tets. Charra' puechena epa char ñeñt' atto chocma yella'yena.

26 Epaye' muerochtateñ shonte' apartañe'čno ñeñt' partenayeñ. Ama't o' a'gasta'huahuan ora allpon quelle echen atto partatena ñañapa' attera ama't mameshapa' ama choye' pasateñe. Elloña allo'na sen a'po'ntsa'nmatsa.

27 Ñeñt' coyanesha'pa' o' e'mare'tan Jesús ñeñt' atto chocma a'crratyenan atsnañe'fečno. Ñeñfo'marña allempo cota'huanemñ Jesús acheñenesha'pa' ñapa'cho'ña allenta cota'nman Jesús chenta' pa'che'ñoť. Attoña allpa' a'p'lla'nm'oi'pa'shtam.

28 Tarro'mar ñapa' atet cotape'chen pueyo'chro: “Ama't pa'shtama na'p'loñpa' ñeñt'achca'na'crraterre'ť.”

29 E'ñe a'p'lla'hue'pa'shtampa' allorocmuepa'tcha' maserrña po'rras. Ñapa' e'ñe eñotena po'chtso o' metueña ñeñt' muerochtatene'ť.

³⁰ Jesúsñapa' eñotnoñ e'ñe ña po'huamencotpa' o' a'crratnoman puesheñarr atснаñeñ. Ñaña'papa' allenta puerraperra alla acheñeneseshoneñ ñeññ cota'huanene', allñapa' atet otanet:

—¿Esesha'tña o' a'plla'nmuenña neshtamot?

³¹ Pueyochresha'ñapa' atet ochet:

—Pentente' shonte' acheñenesha' ñeññ allotemeña peto'mama'tnene'. Eso'mare'tña pōtenña esesha'te' pā'p̄llene' peshtamot.

³² Jesúsñapa' alla cohua'yesanet o'ch entan ñeññ a'p̄llene' pa'shtamot.

³³ Ñeññña coyanesha'pa' ñapa' o' eñotnoma Jesúsca'yeña o' a'crratnoñ. Ñaña'papa' cha pa'shmuena po'yorñof allempoñapa' concorposa Jesús pa'rrpōt. Allñapa' e'ñe a'meta'nman ora allpon ñeññ po'ñoçh atet cotape'chen.

³⁴ Jesúsñapa' atet otapan coyanesha':

—Papa' nesñeshacha' atto atarr peyemtenna na, attoña te'pa' o' e'ñe na'crratnomuep̄. Te'ñapa' o'ch ahuerrep̄ peñmañesha', tarro'mar amach alla mueroçhtaterrperro atснаñets.

³⁵ Allempo eñorena atetpa' allñapa' huacha'ta ñeññ huetsa añcha'taret Jairo pa'pacloñ. Ñetña huapuetpa' atet otoset Jairo:

—Peseñpa' o'ca'ye rroma. Te'ñapa' amach allo'na p̄atsrre'moçhtana'tatsche Maestro o'ch coterrep̄ pepaclo.

³⁶ Jesúsña ama't e'man atet otoset Jairo'papa' ñaña'papa' atet otan Jairo ñeññ añcha'tarettetsa judionesha' po'prahuo:

—Papa' amach cha pe'charrtatstosto peyoçher, nachña e'ñe peyemta.

³⁷ Jesúsñapa' añña muenat Pedro ñaña Jacobo ñaña pa'mo'nasheñ Juan. Ñeññach cota'nmue'.

³⁸ Allempoñapa' ahuanmuet añcha'taret Jairo pa'paclo. O'ña cha'cha'tet allpa', allñapa' entoset shonte' acheñenesha' ñeññ ano'tatsetets, all yahuanr- rortenet, atarr ya'na'teñet arromñañ.

³⁹ Jesúsñapa' be'tosos pocollo, ñaña'papa' atet otosanet:

—Sapa' eso'mare'tña atarr sano'tatsen, cha atarr seyahuanrortena. Añ shopshesha'pa' amaca'ye çhoye' rromueno, çhaca'ye muen.

⁴⁰ Ñetña pachñare'teñoçetpa' atta che'tatsetyesapet tarro'mar ñetpa' e'ñeca'ye eñotenet çhoca'ye rromuen. Allempoña Jesús'papa' cha'nma'cha'tatosan allohuen acheñenesha' pocolloñ. Ñaña'papa' be'tosos o'pono allo'tsen shopshesha' ñeññ rromuets. Ñapa' añña muenatos arromñañ puepapar ñaña pachor ñaña ñeññ cota'huanene', ñeñña epuet be'tos'cha'toset allo'tsen arromñañ.

⁴¹ Allempoña Jesús'papa' rromota'tosan shopsheshañ pototpa' atet otos e'ñe ña po'ñoño:

—Talita cumi—ñeññ yoten ya yeñoño: O'ch nesñeñolle notosep̄ te'pa' çhoça tanterrtsa.

⁴² E'ñe otue' atetpa' allentepa'tcha' tanterra, cha chope'cherrets. Ñehua, ñeññ shopshesharpa' çharr'a'puechena epa po'charña. Allohuenetñapa' cha atarr cohuanrortet.

⁴³ Allempoña Jesús'papa' atet otanet:

—Po'ñoçh te'pa' amach esesha' señoñtatstosto ama't e'ñe puesheñarra.

Alla otarraneterr:

—Te'pa' serratallme'cherñaca'ye.

6

Allempo serrpare'tatan Jesús acheñenesha' all Nazareto
(Mt. 13.53-58; Lc. 4.16-30)

¹ Jesúsña ahuerrerr allotpa' o' alla çherrerr pa'nyo all Nazareto. Pueyochresha' ñapa' alla cota'huanererr.

² Allñapa' allempo çherr yet allempocma amesenet, ñañapa' arr yeçhatuerraneterr judionesha' po'prahuo. Shonte' acheñenesha' ñeñt e'mñnotapuerre' atet serrpare'tatuerranet all, ñetñapa' nanac cohuanrrortapueret, allempoñapa' atet otyeset ñocop:

—Ñapa' errahuañaca'yeña eñotanña ora allohuen ñeñt atet pa'yena. Ese-sha huañaca'yeña eñotatene'ña atot orrtatanen partsoteñets. Errotuaca'yeña huenaña ñeñt eñoteñtsor ñeñt orrtatyen ña.

³ Ñapa' añaca'ye ñeñt po'taruas pene' o'ch torrenana tsach attoch es yeçhatyten pa'namen. Ñapa' añaca'ye María puechoyor. Pa'mo'nasheñpa'çho'ña añaca'ye Jacobo, José, Judas, ñaña Simón. Ñaña po'çhanesha'pa' e'ñeca'ye yechme'tenanet, parro'marneshayarramche'.

Ñeñto'marña all e'ñe ña pa'nyopa' ama eseshaye' acua'penaye entenaye.

⁴ Allempoña Jesúsapa' atet otanet:

—Ñeñt a'mtene' Yompor po'ñoñpa' çhocmaca'ye añcha'na'tpo' entyeñña allohuen acheñenesha'; arrña pa'nyo allo'tsen e'ñe ña pamo'tsna'tarnesha' ñeñt e'ñe pamo'tsna'tar penpa' ñetñapa' ama acua'penaye' enteñeto. Ama't ñaña ñeñt parro yeçchenet pa'pacleto, ñetpa'çho'ña ama acua'penaye' enteñeto.

⁵ Ama ame'ñeñeto ñeñto'marña allpa' ama atonocheye' orrtataneto po'partsoña. Allpa' aña orrtatyen attoch a'pilla'yenan puesheña'tets atснаñet allpa' attoca'yeña a'çrratanenat.

⁶ Ñeñto'marña Jesús atarr cotape'chateñ pamo'tsesha' atto ñetpa' ama acua'penaye' enteñeto, ñapa' çha muene' llecateñet. Allempoña Jesúsapa' alla chopëñe'chyerrerr yeçhatyerrtserr allemeñ anetso'mar.

Allempo Jesúsapa' llesensan pueyochresha' o'ch ahuanemyeset allcha' serrpare'tyeneta'

(Mt. 10.5-15; Lc. 9.1-6)

⁷ Allempo çhapa'muen allempo Jesús agota'muenan pueyochresha' çharrasheña ñeñt puechetsa epsheña. E'ñe apçha'huet ñeshopa' ñañapa' apantet llesens attoch queçhpatyeset oneñefeçhno atto chorra'yenana acheñenesha'çhno. Attoña llesensanet ñetpa' o'ch ahuanemyeset e'ñe epsheña'ttsocmuet.

⁸⁻⁹ Ñaña atet otapanet:

—Ñerra'm o'ch sahanmapa' amach es sanmatsto ama't coñe'ta allcha' sechopeñe'chyas—ama't sebolsa, ama't ñeñtcha' serra'yenom, ama't seçllayora. Ama't e'ñe epma seshtampa' amach sanmatsche. Añach sanem secari, sena'nomcha' ñaña sesapat.

¹⁰ Alla oterraneterr:

—Ama't errach pocollro seçhap allach sommosa allponmat esempohuach ahuerrerr po'poñ anetso.

¹¹ Ñerra'm erra anetso ñeñt allo'marnesha'ña ama cohuenaye' agapaseto ñerra'm amach mueneto o'ch e'mñnotapasetpa' o'ch senñtererr ñaña allot. Ñerra'm allempo senñtererr ñaña allot, ñeñtña setco'tsa'yen pañe'te' patspa' çhoch sepa'shetca'tyesnomña setac. Attochña allo'marnesha'pa'

o'ch señotatnomanet ñetpa' amaca'ye pocteye' entenanetoña Yompor. Po'ño'ch o'ch notas: Esemphuañen allempoch acraretetuerra allohuen acheñenesha', añña anetso'marnesha' ñeñt ama sagapaye ñetñapa' atarrcha' a'coñchatare'tterret. Elloch metana'tueret ñeñt atto a'coñchatare'tterra sodomo'marnesha' ñaña gomorro'marnesha'.

¹² E'ñe ñeñta otaretetuetpa' ñetñapa' allenta ahuanmuet o'ch chopeñe'chyeset erracmañen anetso'mar. Allñapa' serrpare'tyesnomuet ñeñt poctetsa allohuenacop o'ch cotape'cherret ello cohuen Yomporecop.

¹³ Ñaña all chopeñe'chyeset erracmañenpa' ñetpa' allña que'chpatyaset shonte' oneñe'fe'chno atto chorra'yenana acheñenesha'chno. Ñaña shonte' po'potantañe'chno acheñenesha' ñeñt atсна'tyets all, ñetñapa' a'yana'tyesoset atснаñe'fe'chno olivoso'yo* e'ñe a'crratyoset.

Allempo e'ñe cohuen es orrtatyes Jesús, Herodesñapa' cha otapañ Juanañe' o' tatterra ñeñt apataye't acheñ Yomporecop

(Mt. 14.1-12; Lc. 9.7-9)

¹⁴ Allempoña amcha'taret Herodes ñañapa' atet e'mare'tenan Jesús ñeñt atet pa'yena, tarro'mar Jesús allohuen acheñenesha'pa' e'ñe e'mare'tueñet ñeñt atet pa'yena. Ñañapa' atet ot:

—Añepa'tca'yeña Juanañ ñeñt apataye't acheñ Partsocop. Ta'mca'ye chate' tatterraña rromot. Ñeñto'marepa'tca'yeña te'pa' orrtaterranña partsoteñets.

¹⁵ Po'potantaññapa' atet otyenet:

—Añepa'tca'yeña Elías ñeñt a'ñtaye't Yompor po'ñoñ ahua't.

Po'potantaññapa' ñetpa'cho'ña atet otyenet:

—Añepa'tca'yeña ñeñt a'ñtene' Yompor po'ñoñ, e'ñeca'ye atet ñerra'm ñeñt a'ñtaye't Yompor po'ñoñ ahua't.

¹⁶ Herodesña allempo e'mare'ch ñañapa' atet ot:

—Añepa'tca'yeña Juanañ ñeñt nepechat ahuañmo'cha, chepa'ttramche' tatterraña rromot.

¹⁷ Nehua, allempo Herodespa' ahuañmo'chacma rromatenana' Juanañ o' huancachpa' allña yottam'psach attoch coshatan Herodías ñeñt pa'mo'nasheñ Felipe puetapor. Tarro'mar allempo Herodespa' o'ca'ye puerraterran pa'mo'nasheñ puetapor.

¹⁸ Juanañpa' ñaca'ye otaye't Herodes:

—Amaca'ye pocteyaye o'ch peyoram'pes pemo'nasheñ puetapor.

¹⁹ Ñeñto'marña allempo Herodíaspa' atarr e'moñe'tane't Juan, atarr muene'ñe't o'ch muetsatacheñ tarraña ama errot pe.

²⁰ Tarro'mar Herodespa' mecha'na'tane't Juan, eñoche't ñapa' e'ñe pocte' es pa'yese't. Eñoche't ñapa' añecpa'na atarr torrena Partsocop. Ñeñto'mare'ñaña e'ñe cohuen cohua'm'psache't allochñapa' amach muetseto. Allempo e'mñotenan Juan atto serrpare'te't atarr cohuen enteñeñ, tarraña ama e'ñeye' eñotenanoña ñeñt atet cotape'chateñ Juan e'ñe cohuen.

²¹ Atteñapa' chapa'muen pam'tarr allempoch Herodías eñoteñ attotcha' muetsaterran Juan. Ñeñtpa' tarrempo atet pa' allempo chapa'muen Herodes pue'ñalletño ñeñt puerrollar pen Herodías. Allempoña Herodespa' hua'ñatyesan acheñenesha' ñeñtcha' rrallme'chapretenaya'. Añ hua'ñatyes ñeñt amcha'tarete'chno ñaña ñeñt soltar po'captanrenesha' ñaña ñeñt atarr e'cllayoretensesha' ñeñt galileo'marnesha'.

* 6:13 Olivo ñeñt tsach allot yoreñet puerets pue'merot.

22 Allempo rrallme'chetpa' allña be'tososña ñaña shopshesha' ñeñ Herodías puechoyor. Ñaña' allña tancsare'tosa. Herodesña' ñeña atarr cohuen ent ama't ñaña ñeñ ahua'ñarefe'chno. Ñeño'marña amcha'taret Herodespa' atet otan shopshesha':

—Ama't erra'tsena penamuenenpa' napa' napa'pcha'.

23 Elloña' e'ñe Yompor pa'so'chño nan po'ñoñ, allempoña' alla otererr: —Po'ño'chca'ye napa' ama't es penamuen napa' napa'pcha' ama't pueshmet nepatseñ all na'mcha'tarettena.

24 Allempoña shopshesha'pa' cha'nerr ahuerri pachoresho, atet otosan pachor:

—Ta'm zescha' nenamña amcha'taret?

Pachorña' atet och:

—Añcha' penam Juan poñ ñeñ apataye't ahuaña acheñ.

25 Allempoña shopshesha'pa' materra alla amcha'taret Herodesesho atet otuerran amcha'taret:

—Napa' añ nemnen o'ch pepechennana' Juan poñ ñeñ apataye't acheñenesha' o'ch penon platopa' o'ch paphuerren e'ñe arrma.

26 Allempo enamhue shopshesha' Juan poñpa' amcha'taretña' cha lleca. Tarraña ama't llecaña' o' nohuanña po'ñoñ huomenc e'ñe Yompor pa'so'chño ñaña allo'tsa'yen ñeñ hua'ñen ñeñ e'muene' atet oten ñeño'marña chocmach a'pocatan po'ñoñ atet otuan ñorra' shopshesha'.

27 Allempoña' allenta otan po'solltarer:

—Te'pa' o'ch pepecheñña' Juan poñ all neyottam'pateñ; poñña' pehuapater arrma.

28 Solltarña' allenta ahuo' pechenana' Juan poñ, o' huapater plato, aphuerri shopshesha'. Shopshesha'ña' apuenana' ñaña pachor.

29 Allempoña Juan pueyochresha'pa' o' e'mare'chet o' pecheret pa'yochreshateret Juanañ, allempoña ñet ahuanmuet all pecheret Juanañ allempoña ñetpa' ereta' apecharet o'ch pampueñeta'.

Allempo Jesús'pa' rratenan shonte' acheñenesha'; ñeñña' acheñenesha'pa' allo'tsen amnaroch mil

(Mt. 14.13-21; Lc. 9.10-17; Jn. 6.1-14)

30 Attotaña' o' chacherr ñeñ llesensen Jesús. Ñetña' serrpare'tatuere't Jesús allohuen ñeñ atet pa'yeset. Serrpare'tatuere't ñaña atet ye'chatyaset acheñenesha' Yompor po'ñoñ.

31 Jesúsña' atet otarranerr pueyochresha':

—Te'pa' o'ch ahuey e'ñe yaptoche' all ama' acheñempaño'yaye; sapa' allcha'ña samesuerr allponmat.

Ñeñ allempo'pa' atet otan Jesús pueyochresha' tarro'mar allempo shonte' acheñenesha' ñeñ huacha'tyetsa ñaña ñeñ chocma ahuanemyetsa ñeño'mar ama't mameshapa' ama' eshcaye' rreneto.

32 Allempoña' e'ñe ñaptochayet ahuanman'pset noñfo, o'ch ahuanmuet all ama' acheñempaño'yaye all otenanet Jesús.

33 Allempoña shonte' acheñenesha'pa' alla enterraneterr all oñman'penet. Allempoña achme'tarettapuetpa' acheñenesha'ña' o' alla matrra'terrerr allohuen ñeñe anetsof. Ñetña' patso'mara oñmacha'tet ñanmacmueta chacha'tet all sechena Jesús pueyochreshohuen.

34 Allempoña sehuosa Jesús allpa' alla entuerraneterr o' alla shonta'huerrerr acheñenesha'. Atarr nanac muera'huerraneterr Jesús, tarro'mar ñetpa' e'ñe atet entuerraneterr ñerra'mrrate' carrnero ñeñ ama

acuan̄psareteyaye. Allempoña Jesúsapa' alla yethatuerraneterr pa'namen esocmañen ñeñt̄ Yompor po'cohuenña.

³⁵ Atteñapa' ellerren pueyochresha'ñapa' oteñeta' Jesús:

—Te'pa' arro'tseney all ama acheñempañooye ñaña o'ca'ye ellerren.

³⁶ Te'pa' o'ch p̄och acheñenesha' ahuanemyerretepa' anetso'mar allcha' rañña'yuesurret puerraret ñeñt̄cha' rra'yuesurret tarro'mar arrpa' ama es eñalle.

³⁷ Tarraña Jesúsñapa' otan pueyochresha':

—Sachca'ye apa'yeshahuet ñeñt̄cha' rret.

Ñetñapa' atet ochet:

—¿Añe't pemnen o'ch ahuey o'ch yepomuena' shonte' quelle ñeñt̄ doscientos denario† alloch yerañt̄ena' pan ñeñt̄cha' yerratuerranet allohuenet?

³⁸ Jesúsñapa' atet oterraneterr:

—Ñehua, secua' pan, ¿errpon̄te' sechen?

Ñetña cohuet panpa' atet otereterr:

—E'ñeca'ye amnara pan eñall ñaña epatoll cac.

³⁹ Allempoña Jesúsapa' atet otan acheñenesha':

—Te'pa' o'ch sanorr̄cha'tyes e'ñe sopa'ttsocma e'ñe all cohuen emmo'ratyen pasetma'.

⁴⁰ Ñetñapa' atet̄cho' pet. Anorr̄cha'tyeset e'ñe ñopa'ttsocmuet—charrasheña'ttsocma charrapa'tets ñaña amnarsheña'ttsocma charrapa'tets ñeñt̄ anorr̄cha'tyesets.

⁴¹ Allempoña Jesúsapa' agapan ñeñt̄ amnar pan ñaña epatoll cac, cohua' enon̄et parasyoso'tam̄psan pan. Allempoñapa' shota'tan panpa' apanatyesan pueyochresha', ñetñapa' epatyeset allohuen acheñenesha' ñeñt̄ anorr̄cha'tyets all, e'ñe epa'huet. Ñaña shetse'tan cac attoch epatyesanet allohuenet.

⁴² Allempoñapa' o' rralme'chet allohuenet e'ñepa'tcha' yettra'tuahuet.

⁴³ E'ñe yetuahuetpa' elloña cha a'pchatyeset cac ñaña pan ñeñt̄ ashota'tyesaret. Ñeñt̄ña a'yapa'cherretepa' chepa'tcha' chorrerrets charra' puechena epa cañter.

⁴⁴ Ñeñt̄ña rralme'chats atarr shonte' acheñenesha' allo'tsen amnaroch mil ñeñt̄ e'ñe yacmaneshoche'.

Allempo Jesúsapa' e'ñe cohuen chope'chnen enot oño

(Mt. 14.22-27; Jn. 6.16-21)

⁴⁵ Allempoña Jesúsapa' otan pueyochresha':

—Te'pa' o'ch sa'tacha't noñt̄o o'ch sota sanom o'ch seḗchaterra yot o'ch seḗherr anetso ñeñt̄ pa'so'cheñ Betsaida.

Allempoña Jesúsapa' o' so'tnoman acheñenesha'.

⁴⁶ So'tuanmanetpa' ñaña' ahua' aspento, allcha' ma'yochosa.

⁴⁷ Atteñapa' o' tsapuen, ñapa' allo'tsenara e'ñe ñapuet aspento. Noñt̄pa'cho'ña ñeñt̄a rrochaso'tsenara sa'po.

⁴⁸ Allo'tña entenan pueyochresha' ñeñt̄ noñt̄o'tsa'yen. Ñetñapa' e'ñe po'muerochenñoñeta echotnenet oñ tarro'mar orroñapa' cha a'puerrame'tam̄penanet. Atteña allempoña puetarenmochpa' huenanet Jesús cha chope'chnen enot oño. Ahua'ch metanenanetañ,

† 6:37 Denariopa' quelle ñeñt̄ allpon tsa'tenet pamtarr ñeñt̄ taruaset all pa'nyo.

49 allempoña pueyochresha'pa' entapueñet ÷ha chope'chnen enoñ oño. Ñetñapa' ÷ha otenapuetañ choyeshe'matste' huapanet. Cha rrannartet puenñchañoñ.

50 Allohuenetpa' e'ñe entuapet nanac yore'tosanet. Jesúsñapa' eñorana'tuenanet, atet otuenanet:

—Choñaca'ye sochapuenna, naca'ye o' nohuapa, amach atta señcha'tatstapno.

51 Allempoña Jesúsapa' a'tapos noñño allo'tsa'yen pueyochresha'. Huomenquëshañapa' ÷hepa'tcha' muetsoññterrtsa. Ñetñapa' ÷ha atarr cohuanrrortapueñet.

52 Ama ÷henaneto pueyo÷hreto ama't atto Jesúsapa' atontatan pan, amaca'ye es ÷henahueto pueyo÷hreto.

Allempo Jesúsapa' a'crratyesosan pa'namen atsnañete÷hno all Genesareto (Mt. 14.34-36)

53 Allempoña pechatamñsetpa' arr etsotoset all oteñet Genesareto.

54 Allempo sohua÷ha'toset noññoñ, añña acheñenesha' ñeññ allo'tsa'yen, ñetñapa' cheme'tapet Jesúsapa'

55 allenta matrra'tyeset ora erracmañen all yecha'yena acheñenesha'. Atto÷ca'yeña huapatamñpesyesoñetña atsnañete÷hno allenñateñ. Ama't erra e'mare'teñet o' ÷hap all, allcha'÷ho' anmoñetña patsnañete÷er puechechnape'na.

56 Ama't erra ÷hapyen all shontena acheñenesha' ñaña ñerra'm arr ÷hen all ama tama eñalle acheñ, ama't allecma oñen acheñenesha' ñetñapa' allcha'÷ho' na'yeneta' patsnañete÷er allcha' enamapet ama't poso'mota o'÷h a'pñllopoñet pa'shtam. Allpon ñeññ a'pñlla'yepue' Jesús pa'shtampa' allpon÷ho' e'ñe corra'yepuerrtsa.

7

Atto Jesúsapa' eñotatenanet ama añeye' ya'sosyatenaye Partsocop ñeññ yerra'yen yenamot (Mt. 15.1-20)

1 Allempoña allpa' hua÷ha'toña fariseonesha' epuet ñaña puesheña'tets ñeññ hua÷hetsa Jerusaléñoñ ñeññ atarr etsotayenayeñ ñoñets ñeññ atet anaret judioneshacop.

2 Ñetña allpa' entosñañet Jesús pueyochresha' atta rra'yenet ama e'pota'tyeneto pot Partsocop allempoch rrallme'chet.

3 (Ñehua, allohuen fariseonesha' ama't ñaña allohuen judionesha' ñetpa' atet ye÷henet amach rreneta'pa' o'÷h e'pota'tyeset Partsocop. Tarraña ñeññpa' pa'tañneshañ ye÷chatnomahuet.

4 Ñaña po'poñ ellonetpa' atet ye÷hatanete't pa'tañneshañ ñerra'm esempo huerret allotecma pomatsre'tyenet, amach rreneta'pa' ÷hoch ñanom a'cohuentatenetañ Partsocop. Ñaña shonte' po'poñe÷hno ñeññ e'ñe ye÷chatyesanete't pa'tañneshañ. Ama't ñeññ porret pa'yenet ñaña po'pajo÷hnetpa' ÷hochña e'ñe e'pame'tyeñetañ Partsocop, e'parro'tyenetañ ama't ñaña pa'srerroga÷hno Partsocop. Ama't ñaña all panrame'tyenet e'ñe÷h e'pata'tueñetañ Partsocop.)

5 Añña fariseonesha' ñaña ñeññ atarr etsotayenayeñ ñoñets ñeññ atet anaret judioneshacop ñetña allempo entosñañet Jesús pueyochresha' atta rra'yenet ama e'pota'teneto Partsocop ñeñño'mañña ñetpa' atet otoset Jesús:

–Peyochresha'chñoñapa' eso'mare'tña ama esesha' ye'chenayeña ñeñt' atet ye'che't yatañneshañ. Ñetpa' atta rra'yenet ama e'pota'teneto Partsocop allempo rrenet.

⁶Jesúsñapa' atet otanet:

–Sapa' atarruaca'ye ommoñañshaste' tarro'mar atarr seshcare'ten, amaña Yomporeye' sesherbeno. Isaíaspa' e'ñe cohuen a'ñtane't Yompor po'ñoñ, saña te'ñapa' e'ñe atet sepena atet ote't allempo atet of Yompor:

Ñeñt' acheñenesharpa' e'ñe puenamo'ta cohuentatennanetañ;
pueyo'chreñoñapa' ama chenaneo ñeñt' cohuen nenten na.

⁷E'ñe orrena ma'yochennet, ñeñt' atet ye'chatannenetpa' ñeñt'pa' e'ñe acheña naye't ahuat pocta'ña.

⁸Jesúsapa' alla oterraneterr:

–Sapa' chaca'ye seque'chpuenña ñeñt' atet otene'y Yompor ñeñt'cha' atet ye'pa'yen cohuen; sapa' añaca'yeña atarr setsotayen ñeñt' atet ye'chatyesnomues sa'tañneshañ; ñeñt' atet se'pa'yen orrote'chno e'pame'tyese' ñaña sepajo'chno. Ñaña po'poñe'chno pa'namen se'patse'tyeneñ ñeñt' soten Partsocpaño'.

⁹Jesúsapa' alla oterraneterr:

–Sapa' añaca'ye atarr se'noten attoch sehuapore'toñ Yompor po'ñoñ ñeñt' atet otene'y ña ñeñt'cha' atet ye'pa cohuen; ñeñt'o'marña sapa' e'ñe añ setso'tayen ñeñt' ye'chatyesnomues satañneshañ.

¹⁰Ñehua, Moisésapa' atetca'ye ote't: “Semorrenteño'pa' sem'cha'na'chcha' sompor ñaña sachor.” Elloña ñaña po'poñone'tpa' atet ote't Moisés: “Ñerra'm esesha' sasare'tene' pompor ñaña pachor ñeñt'pa' muetsetepa'.”

¹¹Tarraña sañapa' atet sotyen ñerra'm esesha' atet otene' pompor ñaña pachor: “Ñeñt' nechen o'ch napapeñpa' tarraña amach napape te'pa' o'ch nene' Yomporecop ñeñt' otenet Corbán”,

¹²Ñeñt'ña acheñerpa' sañapa' atet'cha' soteñ: “Pocoppa' ama pallteno o'ch es pa'p pamo'mte'.” Attoña sapa' ama semnateñe ñeñt' acheñer e'ñe ña puemorrenteño'pa' o'ch es apuenan pompor ñaña pachor.

¹³Attoca'yeña sehuapore'teññañña Yompor po'ñoñ allochñapa' e'ñech añ setso'ten ñeñt' e'ñe sa sey'cheña. Ama't ellonetpa'cho'ña shonte' po'poñe'chno ñeñt' atet se'patse'tyena pa'namena'ttso'ca.

¹⁴Allempoña Jesúsapa' chore'tan acheñenesha' ñeñt' shontetsa, ñetñapa' atet otanet:

–Sañapa' po'ño'ch allohuenes e'ñepa'chña cohuen se'mñoten allochñapa' attoch e'ñe cohuen chaponasa seyo'chro.

¹⁵Ama añeye' ya'sosyatene'y Partsocop ñeñt' yerra'yen. Añca'yeña ya'sosyatene' e'ñe ya yoc'tape'chatse'teño't ñeñt'pa' yeyo'chrotca'ye huena.

¹⁶Ñeñtes po'ño'ch ne'mñotene' chaponasepa'ch seyo'chro ñeñt' atet netma'ntatensa añ ñoñets.

¹⁷Allempoña Jesúsapa' sa'nerran acheñenesha'pa' ñaña'pa' be'tosuerrerr pocollo allña pueyochresha'pa' atet otoset:

–¿Eso'tña petma'ntatyene'ña ñorra'?

¹⁸Jesúsñapa' atet otanet:

–Sapa'cho'ña e'ñe'tña attecmas saña, ama es se'chenoyo seyo'chro. Sapa' ama't se'notenoña ñeñt' yerra'yen yenamot ñeñt'pa' amate' errotent' a'sosyatyeña Partsocop.

19 Tarro'mar ñeñt' yerra'yenpa' amaca'ye yeyo'chroye' 'cheno, ya'taca'ye 'chen. Ñeñt'pa' 'chocmachca'ye yener a'yo.

Ñehua, ñeñt'pa' atet' eñotateney Jesús allohuen rreñtso'chnopa' e'ñeca'ye cohuenacma e'ñe arrapahuocma.

20 Jesúsñapa' alla oterraneterr:

—Añña ñeñt' 'cha'nets yenamoť ñeñt' atto yeñosatse'tyen ñeñt'pa' e'ñe yeyo'chrot huena ñeñt'ña 'chocma ya'sosyatene'ña Partsocop.

21 E'ñe yeyo'chrot huena coťapñats ñeñt' ama't mameshapa' ama cohue-nayaye, ñeñt'pa' añ: chetapretanna'teñets 'taporets, cañoesha'teñets, muet-sanna'teñets,

22 etatsre'tyeñets, ye'chapretanna'teñets, atsrre'mueñets, she-care'tanna'teñets, ottatse'teñets, moparrñats, sasare'teñets, ommo'cheñets, otatse'teñets.

23 Ñeñt' allohuen sosya'tsañe'chno ñeñt'pa' yeyo'chrotca'yeña huena, ñeñt'ca'yeña ya'sosyatene'ña Partsocop.

Atto puesheñarr coyanesha' ñeñt' ama judioneshayaye ñapa' atarr yemta-pana Jesús

(Mt. 15.21-28)

24 Allempoñapa' ahuerrerr Jesús allotpa' alla 'chap allampaño anets Tiro ñaña Sidón. Allempo 'chap all pocollopa' ñapa' mueneñeñ e'ño'ch a'nahua 'chapañ. Tarraña ama errotenoť 'chapo a'nahua,

25 tarro'mar e'ñe allempo 'chap 'cha e'mare'te' puesheñarr coyanesha' ñeñt' achoyoret. Puechoyorñapa' penochor ñeñt'ñapa' 'cha chorreña oneñeť. Ñeñt'ña coyanesha' huapapa' rromosa Jesús pa'rrpōť.

26 Ñeñt'ña coyanesharpa' ama judioneshayaye, ñapa' po'poñ acheñ ñeñt' sirofenicio'marnesha'. All rromosa Jesús pa'rrpōťpa' atet' otos:

—Nepapare, peque'chpatataye'chapon nechoyor oneñeť.

27 Jesúsñapa' atet' toma'ntatana acheñenesha' ñeñt' ama judioneshayaye ñeñto'marña atet' och:

—Ñanomcha' ya yacñe'ar ya'yeta' tarro'mar ama pocteyaye o'ch yeprratam'pes yacñe'ar puerrar o'ch yehuapore'tam'pes allo'tsen ochec o'ch rre' ñaña ochec.

28 Coyanesha'ñapa' atet' otererr:

—Ama't atteñ nepapareshacha' tarraña ama't ochepa'cho'ña rra'yenan cheshanesha' puerrar ñeñt' a'shore'tatyetnet po'mesa'pñacho.

29 Allempoña Jesúsapa' atet' otererr:

—E'ñe pocte' atet' pe'ñorena; e'ñepa't pame'ñenna. Ñeñto'mar te'pa' o'ch ahuerre'p e'ñe peñmañesha', te'ña oneñe'pa' o' que'chpa'nerrna'p pechoyor.

30 Allempoña coyanesha'pa' ahuerri pa'paclo, o' 'cherrpa' alla entuerran puechoyor alla 'panaya e'ñe cohuen po'mayo, oneñe'ñapa' o' que'chpa'ner.

Allempo Jesúsapa' a'crraterran paquet' ñeñt' opanatets

31 Allempo puerrerra allot' ñeñt' allampañoť Tiroť, arr oñemhuanom anetso Sidón allot' ñaña po'poñ anetso Decapoliso'mar. Attoña o' alla ahuerri sa'ponet all Galileyas.

32 O' 'cherr allpa' huapaterrñañeterr puesheñarr yacma ñeñt'ñapa' paquet' ñaña ama e'ñeye' cohuenaye' eñeno. Ñeñt'ña huapate'pa' atet' otosan Jesús:

—Añecopa' nehuapateñ o'ch pa'p'lle' potot' attoch correrri.

³³ Jesúsñapa' allenta anemñ ñapueñ a'yenet, allñapa' esho'tosan potap paquet puet; ñaña o' senmare'pa' o' alla a'plerrñañer ñaña pueñeñ.

³⁴ Allempoña Jesús cohua' enonetpa' enara. Allempoñapa' atet ot e'ñe ña po'ñoño:

—Efata —ñeñt yoten yeñoño: Pota'nerrepa' pet allochñapa' o'ch pe'muerra e'ñe cohuen.

³⁵ E'ñe otue'pa' cha pota'nerrets puetpa' e'ñe cohuen e'muerra. Ama't ñeñt echarratene' pueñeñpa' o' a'rroyer cha eñorerrtsa e'ñe cohuen.

³⁶ Jesúsñapa' atet otanet:

—Te'pa' amach esesha' sotapsa'tatsto ama't e'ñe puesheñarra. Ama't atet otanetañ elloña ñetpa' a'metare'teñet.

³⁷ Allñapa' atarr nanac cohuanrrorteñet, atet otyenet:

—Jesúsapa' atarro'trra cohuenña ñeñt allohuen atet es pa'yen. Ama't paquetnesha'pa' chocma e'ñe cohuen e'matuenanet. Ama't ñaña opanane-shachnopa' chocma e'ñe cohuen eñoratyenanet.

8

Allempo Jesúsapa' rratenan shonte' acheñenesha' ñeñtña acheñenesha'pa' allo'tsen pa'tatsoch mil (Mt. 15.32-39)

¹ Allempoña po'pocheño shonterrer acheñenesha' Jesúsesho. Allempopa'cho'ña ama eñalle ñeñcha' rret. Ñeño'mar Jesúsapa' agotan pueyochresha'pa' atet otapanet:

² —Napa' cha atarr nemuereña allohuen acheñenesha' ñeñt shontetsa arr. O' ma'pamtoset nesho ama eñallmeñeto ñeñcha' rret.

³ Ama pocteye' nenteñe o'ch ahuanerret e'ñe pa'chporrñesha' te't ama a'ñshe'interreto toño tarro'mar patanta'tetspa' atarr bachayot huapyenet.

⁴ Pueyochresha'ñapa' atet ochet:

—Errahuachca'ye yentña rreñets'e' ñeñcha' yerrach shonte' acheñ arpra' amayaca'ye.

⁵ Jesúsñapa' atet oterraneterr:

—Sapa' ¿errpona't sechenña pan?

Ñetñapa' atet otereterr:

—E'ñeca'ye canchrra yechen.

⁶ Allempoñapa' otan acheñenesha':

—Te'pa' sanorrcha'tyes patso.

Allñapa' agapan ñeñt cancherr pan. Agaphuepa' o' parasyoso'tenanerr Pompor allotñapa' o' shota'tan pan, apanatyesan pueyochresha'. Ñetñapa' o' epatyeset ñamet allohuen acheñenesha' e'ñe epa'huet.

⁷ Apuanet panpa' eñall ñaña pate'tets cacatollesha'. Jesúsñapa' alla parasyoso'tamperranerr ñaña cacatollesha' allempoñapa' oterranerr pueyochresha':

—Sepatyerraneterr ñaña cacatollesha'.

⁸ Allempoñapa' o' rrallme'chet allohuenet, e'ñe yetrra'tuahuet. O' e'ñe yetuahuetpa' cha a'pchatyeset ñeñtñapa' a'yapaçheret. Ñeñtña a'yapaçherretpa' chepa'tcha' chorrats cancherr canñer e'ñe tamo'yare'.

⁹ Ñeñt rrallme'chats atarr aton acheñenesha' ñato' allo'tsente' pa'tatsoch mil acheñenesha'. Allempoña Jesúsapa' so'tnerran acheñenesha'pa' ahuer,

¹⁰ a'tapos noñto pueyochreshohuen ahuanmisset o'ch ahuanmuet anetso ñeñt pa'so'cheñ Dalmanuta.

Atto fariseonesha' enamoset Jesús gatapanetepa'to' po'partsoña
(Mt. 16.1-4; Lc. 12.54-56)

11 Allempoña Jesúsapa' huaçherrñañerr ñaña fariseonesha' ahuo'ch otnare'chet Jesús. Ñetñapa' cha mueneñet o'ch topachet Jesús. Ñeñto'marña atet otoset:

—Yapa' aña'ye yemnen o'ch pegatapuey pepartsoña entot allochñapa' attoch yeñotosep po'ñoçh papa' Parets Puechemerep.

12 Jesúsñapa' allenta enara cha muene' po'poñ entanet pueyoçhro ñeñto'marña atet otanet:

—Eso'marte'ca'ye acheñenesha' ñeñt corra'yetsa te' ñetñapa' aña atarr e'nenet o'ch norrtatanet nepartsoña entot. Po'ñoçhca'ye na te'pa' o'ch notas, ama't coñe'ta amach es negataneto.

13 Allempoña Jesús sohuanerranetpa' a'taphuerr noñtopa' ahuanpes, pechaterra yomta'n.

Atto Jesús toma'ntaterraneterr ñeñt po'chaser pen fariseonesha'
(Mt. 16.5-12)

14 Pueyoçhresha'ñapa' cha puenomuet o'ch anmuet pocrrañ, noñtopa' ama e'ñalle ñeñtcha' rret, e'ñe patrpa pan eñall.

15 Jesúsñapa' alla toma'ntaterraneterr, ñeñtñapa' atet otanet:

—E'ñech señota ñato't semeñe'teña'ña fariseonesha' ama't ñaña Herodes po'chaser allo tsetenet pan.

16 Ñetña cotape'chyasetpa' atet otanna'tyeset:

—Amaca'ye yechenoña pan ñeñto'marte'ca'yeña oteney año'ch yemeñe'tatscheña fariseonesha' po'chaser.

17 Jesúsña allempo eñotanet atet cotape'chyenet ñañaapa' atet oterraneterr:

—Eso'mare't sellquëñesha' sotanna'tyena año' eñalle ñeñtcha' serra'. ¿Ama't seño'teñe? ¿Ama't çhennasoña seyoçhro? Teme'ttsena't se'charrtatena seyoçher.

18 Sapa' ama't aclo'yeteseñpa' çhaca'ye sottena ñerra'mrrate' ama senteno. Ama't etafeseñpa' çhaca'ye sottena ñerra'mrrate' ama se'mueno. Ama't mameshapa' are'tña es seyerpueno.

19 Ñehua, ahuaña allempo neshota't amnar pan e'ñeca'ye epa'hua amnaroch mil yacmanesha'. Ellopa' ¿errpona'tña sapçha'huerrña ñeñt ashota'tyesaret allempo e'ñe seyetua? ¿Errpona'tña cañter se'chorrerr?

Ñetñapa' atet ochet:

—Charra'ca'ye puechena epa cañter.

20 —Ñaña allempo neshota't cançherr pan pa'tatsoch mil acheñ ñeñt rre' ¿errpona'tña sapçherrerrña ñeñt ashota'tyesaret allempo e'ñe seyetuerrerr? ¿Errpona'tña cañter se'chorrerrerr?

Ñetña atet ochet:

—Cançherrca'ye cañter ye'chorrerrerrña allempo.

21 Jesúsñapa' alla otterraneterr:

—Te'ñapa' ¿ama'tña o' çhaponasoña seyoçhro? Ñeñt neñotatenes ñeñtapa' ama serrarecpaye' notenso.

Allempo Jesúsapa' a'crraterran aporo'yet all Betsaido

22 Allempoña çhaçha'tet anetso Betsaido, allñapa' huapaterrñañeterr aporo'yet, ñeñtapa' atet otoset Jesús:

—Añecopa'ye yehuapateña o'ch pa'p'llacle'chap attoch pecuater.

²³ Allempoña Jesúsapa' echa'nman aporo'yete pototpa' anem a'yenet all ama eñalle pocoll. Allñapa' a'yacle'chos pa'snemo, attoña a'pllacle'chos, allñapa' atet och:

—¿Ama't coñe'tapa' ama't o' pento?

²⁴ Aporo'yetña cohua'yestsapa' allenta otan Jesús:

—O'ca'ye nent achen' alla chopenen tarraña e'ñe atet nentyenanet ñerra'mrrate' tsach tom'cha'yets.

²⁵ Jesúsñapa' alla a'pllacle'chererr, aporo'yetñapa' cohua'yerrtserrpa' chepa'tcha' e'ñe cohuenterrtsaña pa'c'le'. E'ñe cohuen es entyesuahuer allohuen.

²⁶ Allempoña Jesúsapa' atet och:

—Te'ña ñerra'm o'ch ahuerrep pepaclopa' tarraña amach poñmatsterroña anetso'mar, allochñapa' amach esesha' potapsa'tatsetnerro ama't e'ñe pueñeñarra.

Atto Pedropa' otan Jesús, p'apa' p'aña Yompor Puechemerep ñeñtep Cristotsets

(Mt. 16.13-20; Lc. 9.18-21)

²⁷ Allempoña ahuererr Jesús pueyochreshohuen. Arr sechenet all oteñet Cesarea ñeñfara Filipino allcha' chopene'chyeneta' all anetso'mar. Allña toño'pa' a'p'to'noman pueyochresha' ñeñtpa' atet otnomanet:

—¿Erofo'ena't otyenña allohuen acheneshsa', napa' eseshante'?

²⁸ Ñeñtpa' atet otyeset:

—Patantarr acheneshsa'pa' atetca'ye otyenpet p'apa' Juanañpo'te' ñeñtepo' apatañtase't Yomporecop. Po'potantañña'pa' atet otyenpet p'apa' Eliaso'po'te'; po'potantañña'pa' atet otyenpet p'apa' añe'po'te' po'psheñeñ ñeñt a'mtaye't Yompor po'ñoñ ahuat.

²⁹ Allempoñapa' alla a'p'to'terraneterr:

—Sañapa' ¿erofena'tña sotenenña sa?

Pedroña eñoratsapa' atet och:

—Papa' ñeñte'pca'ye Cristotsets.

³⁰ Allempoñapa' otan pueyochresha':

—Amach esesha' sota'psa'tatsto ama't pueñeñarra napa' na ñeñten Cristotsets.

Atto Jesúsapa' eñotatan pueyochresha' ñapa' amtsaretterra

(Mt. 16.21-28; Lc. 9.22-27)

³¹ Jesúsña e'ñe allempoteñpa' motetnom' eñotatyesnomue' pueyochresha' ñeñt atet anaret ñocop, ñeñtpa' atet otanet:

—Na Ñeñten Achenetosetspa' atet anaret nocop, nanaccha' na'muerochtataretterra. Amach esesha' pocteye' nenterraye—ama't ñeñt pompornesha' pen judionesha', ama't ñeñt pa'n'cha'tareter pen judionesha' po'cornaneshar, ama't ñaña ñeñt etsotayenayeñ ñoñets ñeñt atet anaret judioneshacop—ama't ñetpa' amach eseshaye' neyemterraye. Attochña napa' muetsataterretcha'. Tarraña poma'pamtañoch o'ch alla netanterra.

³² Ñeñtpa' e'ñe eñoto'chen otnomanet ñapa' atet'cha' a'paretterra. Pedronapa' allenta anem a'yenetpa' allñapa' atet otos:

—Arepach Parteshacha' atfeye' perrpeto ama't errponaña.

³³ Jesúsñapa' alla puerraperra cohuos pueyochresheshonet allñapa' atet otan Pedro:

—Orrap a'yo neshot oneñe'e; p'apa' amaca'ye Yomporeye' atet poctape'chatenaye; ñeñtpa' achenarramche' poctapña.

³⁴ Allempoña Jesúsapa' agotan acheñenesha' ñaña pueyochresha' ñeñípa' atet otanet:

—Ñerra'm esesha' muenene' o'ch coternnet na e'ñe po'ño'ch attoch neyochresha' neperranet añ poctetsa sohuannuetepa'ña ñeñí atet muenenet e'ñe ñocpueta ama't e'ñe pocreñohuenet. Attochña ñetpa' o'ch e'ñe toma'nteret ñeñí chechnene' po'corsoch allcha' muero'chtet ñamet. Attochña coternnet e'ñe po'ño'ch.

³⁵ Tarro'mar ñerra'm esesha' e'ñe aña muenenet o'ch correnet atomat attoch e'ñe coshenet arr patsro, ñetñapa' 'chach a'chencatet ña'ñeñeta. Tarraña ñerra'm esesha' e'ñe pocte' entene' o'ch es sohuannerret e'ñe pocreñohuenet nocop attoch epatuerret cohuen ñoñets ñeñípa' alloch sequeshperra, ñeñíña acheñerpa' ña'ñapa' corretsach e'ñe cohuen tayoteñ errponañohuen.

³⁶ Ama't errponenaparen esocmañen es yeyoratsetyes ora allpon ñeñí yentyen aña patsro, tarraña ñerra'm ñeñífach e'ñe ya'chencaterre' yecamquëñohuen, ñeñíñapa' ama't coñe'tapa' amach es sherberrye. Tarro'mar ama eñalle po'poñ ñeñí atarr sherbets, aña atarr nanac sherbets ñeñícha' a'queshpaterre' yecamquëñ.

³⁷ Tarro'mar yocoppa' ama es eñalle ñeñícha' yepomuerr alloch alla yerañterra yecamquëñ.

³⁸ Tarraña ñerra'm erra'tsencha' nepenquënaya na te', neñoñpa'cho'ña cha apenco'chen entennanet, napa'cho'ña nepenca'huerranetcha' esempoch nohuerra. Shonte' acheñenesha' ñeñí corra'yetsa te' arr patsro ñetñapa' atarr ochñañeneshet tarro'mar ñetpa' po'poña po'yomporer pa'yenet. Tarraña ñerra'm esesha'ch puepenquëñofetan na amach a'metenneto all, ñeñíña acheñerpa' napa'cho'ña 'chach nepenca'huera ñerra'm esempoch nohuerra. Po'ño'ch napa' Ñeñífen Acheñetosetspa' nohuerrach e'ñe Nompopor'cohuenño' epan ñaña po'millaño'feñaneshar ñeñí e'ñe torra'yetsa Partsocop.

9

¹ Allempoña Jesúsapa' alla oterraneterr:

—Po'ño'chca'ye te'pa' o'ch notas, patanta'ttsos ñeñíes arro'tsa'yenes te'ña ama't ama serromhuena'pa' o'ch senterrñañ Yompor po'cohuenña atto atar'cha' ayochreshatterra ña e'ñe po'huamencot.

Allempo Jesúsapa' po'poñetañpsana pueyochresha'
(Mt. 17.1-13; Lc. 9.28-36)

² Allempo pechapmaterrerr, Jesúsñapa' ahuanerranerr pueyochresha'; añ anem Pedro ñaña Jacobo ñaña Juan. Ñetpa' arr anmanet atarr aspento e'ñe ñaptochayet all aspento. Allña Jesúsapa' machayotepa'tcha' e'ñe po'poñetañpsosanet.

³ Pa'shtampa' cha popta atarr nanac huallama't. Arr patsropa' ama eñalle alloch ya huallama'ttat yeshtam atet ñerra'm ña pa'shtam atarr huallama'to poptena.

⁴ Allñapa' machayotepa'tcha' orrtanet Elías ñaña Moisés. Ñetñapa' alla serrpare'toset epuet Jesús.

⁵ Pedroña eñoratsapa' atet otan Jesús:

—Atarruaca'ye Maestrocha' cohueno'tseneyte' arr. Ama't pocte' penteñe yapa' o'ch yatomatonas ma'ppahua quërpachet, puepahuarra' pocopcha' po'ppahueñpa' Moisésocopcha', po'ppahueñpa' Eliasocopcha'.

⁶ Ñehua, Pedroña pueyorñoŋ atta muene' otatse't, ama eñocherrottencha' ot.

⁷ Allempo eñorena Pedropa' cha orrtosahueto os ñeñŋ atarr cohuen poptetsa chepa'tcha' a'pomam̄psosanet. Cha e'morrstosa ñoñets osot; ñeñña ñoñetspa' Yompor otosahueto; ñeñŋpa' atet ot:

—Añmapa' ñeñŋ no Nechemer ñeñŋ atarr nemuerena, ñeñŋcha'ña e'ñe cohuen se'ññoterr.

⁸ Allempoña o' cohua'yerrretpa' arepa'tcha' eseshaye' enterreto, ñap̄ta enteret Jesús.

⁹ Allempo onacherret aspenŋ Jesúsña' atet otrerranet:

—Te'pa' amach esesha' sotaŋsa'tatsto ama't e'ñe puesheñarra ñeñŋ atet o' sentua. Tarremphuah allempoch netanerra na rromot na Ñeñŋen Acheñetsets, allempochña seserrpare'taterña allohuen acheñenesha'.

¹⁰ Ñetña atet otanet Jesús'pa' atet'cho' pet, ama a'meteññañeto po'ñoñ. Tarraña ñetña'pa' atta a'p̄to'tanna'tyesnerret:

—Ta'm ¿esŋe'ña oteneña Jesús o'ch tanterra rromot'?

¹¹ Allempoña pueyochresha' atet otrerret:

—¿Eso'mare'tña oteneña ñeñŋ atarr etsotene' ñoñets ñeñŋ atet anaret, Elías'ch ñanom huerrtsa'?

¹² Ñañapa' atet otrerraneterr:

—Elías po'ñoçhpa' ñachca'yeña huerrtsa ñanom, ñapa' e'ñechca'ye a'cohuentatuer ora allohuen. Tarraña sapa' ama't señotenoña ñaña ñeñŋ atet anaret quellco e'ñe nocop. Ñeñŋ allpa' atetca' oten na Ñeñŋen Acheñetsets atarrcha' na'mueroçhtataretterra, atarrcha' tsena'ternnet.

¹³ Tarraña napa' o'ch notas, Elías'pa' o'ca'ye huaphuerrañ arr, ñeñŋapa' chaña erroŋuanet p̄pueret ñeñŋ atet muena'yenet ñet. Atfoca'yeña etsoter-raña ñaña ñeñŋ atet anaret quellco ñocop.

Atto Jesús'pa' a'crraterran cheshachor ñeñŋ otaten oneñeñ

(Mt. 17.14-21; Lc. 9.37-43)

¹⁴ Allempoña chaçherret allo'tsa'yen pueyochresha' allña'pa' alla entuereterr shonte' acheñenesha' ñeñŋ emchorrenaya po'potantañ pueyochresha'. Ñeñŋña etsotayenayeñ ñoñets ñeñŋ atet anaretpa' alla entueraneterr all es otare'teññañet pueyochresha'.

¹⁵ Allempoña entapuer allohuen acheñenesha'pa' cha atarr cohuanrrortapueret, mättra'tet ñeshopa' huom̄cha'tapueret.

¹⁶ Jesúsña'pa' allenta otueranet:

—Sapa' ¿errotena'tña sotanna'tyena?

¹⁷ Puesheñarraña ñeñŋ allo'tsenpa' ñañapa' atet otaŋ:

—Maestrocha' napa' o'ca'ye nohuapatonapeñña nechemer, çhaca'ye chorreña oneñeñ cha opanatateñ.

¹⁸ Ñerra'm erroŋno rremueñpa' çhachca'ye ata'tateñ patso, çhach amtan pa'po'pa' o'ch rraso'tan pa's, o'ch e'ñe eçharra. O' notuosnañña peyochresha' o'ch queçhpateret oneñeñ ñesho'pa' tarraña ñetpa' amaca'ye eshcaye' queçhpateñeto.

¹⁹ Jesúsña'pa' atet otanet:

—Sa ñeñŋes acheñres ama't mameshapa' ama ayemtenaye' sentpenno. O' allponmatuanen allo'tsenen arr patso, napa' atta atarr na huantennas, atta necuenes ñato' attotpa' o'ch same'ñerra.

Allempoña'pa' atet otanet:

—Ama'tpa' sanmonca'ye chesha' arr.

²⁰ Allempoña anmoñet chesha'pa' oneñeñña' entosan Jesús'pa' chepa'tcha' otatosañña chesha'pa' alla ata patso, cha pomero'ta, amtan ñaña pa'po'.

²¹ Jesús'ña'pa' allenta otoñ pompor:

—¿Esempoteñe'tña atet perra?

Ñaña'pa' atet och:

—Cheshoteñca'ye atet perra.

²² O'te' epaye' ata'tater ama't tso ama't ñaña oño attoch muetsereñ. Paña te'pa' ñerra'm erroteno'tpa' e'ñe pemuereño't pebensam'psaye'chernnan nechemer allochñapa' attoch metuer atto mueroch'tena.

²³ Jesús'ña'pa' atet och:

—Ñerra'm na pemyetena amaca'ye eñalleña ñeñ't torrapo' añecop ñeñ't e'ñe neyemtenaya na.

²⁴ Allempoña ñeñ't pompor pen chesha'pa' rranapa' atet otererr:

—Napa' neyemtenpañca'ye, te'ñapa' peyenpa'n Ayochreshate attoch neyemter'pa e'ñe poctacma.

²⁵ Allempoña Jesús'pa' entapan shonte' acheñenesha' ñeñ't matachetsa ñeshone't, ñaña'pa' allenta otan oneñe't:

—Pa oneñe'te, opanatatañe'p, a'paquetatañe'p, te'ñapa' o'ch notap: Pequechpa'ner cheshachor e'ñe tayecma, ama't errponaña amach alla pechorere'te.

²⁶ E'ñe otue' atet oneñeñña' chepa'tcha' rranam'tsa, alla otatnerranerr cheshachorpa' cho quechpa'nmue' o' ahuer.

Cheshachorpa' ama pelleno cha otta ñerra'mrrate' o' rroma. Acheñenesha'ñapa' atet otyes:

—Po'ño'ch te'pa' o'ca'ye rroma.

²⁷ Jesús'ña'pa' allenta chete' pototpa' o' tantach, chesha'ñapa' cha terrets e'ñe cohuen.

²⁸ Allempoña Jesús'pa' ahuer pueyochreshohuen, o' be'tos'cha'tuerret pocollo, allpa' e'ñe ñap'ochayet, pueyochresha'ñapa' allenta otueret Jesús:

—Yapa' ¿eso'mare'tña ama eshcaye' yequechpatatereña oneñe't?

²⁹ Ñaña'pa' atet otanet:

—Ñeñ't atet oneñe'tpa' amach erroteno't yequechpatatereña e'ñe atta. Chochña yema'yochena ñaña yema'yoch'reño't ama't yerrarpa' o'ch yequechpue' mame'. Attotcha'ña yequechpatatereña oneñe't ñeñ't atet.

*Jesús'pa' eñotateranerr puepocheño ñapa' chocmach muetseret
(Mt. 17.22-23; Lc. 9.43-45)*

³⁰ Ahuanerreterr allotpa' arr oñemhuanerret Galileo'mar. Jesús'ña'pa' mueneñ'a' nahuoto'ch metañ

³¹ tarro'mar ñapa' mueneñ' o'ch ye'chatnoman pueyochresha'. Ñeñ'tpa' atet otnomanet:

—Na Ñeñ'ten Acheñetsets'pa' pomatater'netcha' attochña erro'tuanencha' pernet. Atteñapa' o'ch muetsatater'nnet tarraña poma'pamtaño'ña'pa' o'ch alla netanterra.

³² Neñ'tña ñoflets ñe'tña'pa' ama't pueheñarro'tetapa' ama eseshaye' eñotenaye' enteñeto ñeñ'to'marña ama a'p'to'tenaye' enteñeto.

*All eñotateney ñeñ't acheñer e'ñe po'ño'ch atarr asherben enteñ Yompor
(Mt. 18.1-5; Lc. 9.46-48)*

³³ Allempoña cha'cha'tet ñaña Capernaumo. Allempoña chapuet pocollo Jesús'ña'pa' otanet:

—Sapa', ¿eso't sotanna'tyesnenaña ñorra' toño?

³⁴ Ñetñapa' ama eseshaye' anapuenaye' entaye tarro'mar ñetpa' añca'ye otanna'tyesnenetña toño:

—Yapa' erra'tsenoteyte'ñaca'yeña ñeñfey atarr sherbets, ñeñfey atarr añcha'taretoyen enteney acheñenesha'.

³⁵ Jesúsñapa' all anorrospa' allenta chore'tan allohuen pueyochreshachnopa' atet otanet:

—Ñerra'm erra'tsenotes ñeñtes atarr añcha'taretoyen entetsañ, ñeñtes acheñres socoppa' añ puctetsa o'ch atet senterra ñerra'm ama esoshe'mayayso ñeñt atet pena ñeñt atta atarr taruaset's po'potantañecop, ama't ñaama allohuenacop.

³⁶ Jesúsñapa' cheshatolla chore'tpa' tomach e'ñe alla, allenta enachpa' atet otanet:

³⁷ —Erra'tsenotes sa ñerra'm e'ñe cohuen saguën ama't ñeñt ama asherbenaye' entyeneto atet ñerra'm añ cheshatoll tarro'mar sapa' na same'ñena, na'naña e'ñe cohuen saguën. Elloña ñaama erra'tsenotes sa ñeñtes naguëne' na, ama e'ñe naptocheye' saguëno, aña'naña saguënnan Nompör ñeñt nellensene'.

Atto eñotateney ñeñt ama choye' yepatare'tenaye ñeñtña po'ñochpa' e'ñe parrocma yeyenpanna

(Lc. 9.49-50; Mt. 10.42)

³⁸ Allempoña pueyochresha' ñeñt Juanpa' atet otan Jesús:

—Maestro, ya ahuañapa' atet yeñch puesheñarr yacma ñeñt quechpatene' oneñet. E'ñe puechore'teñoep pa peso'chñopa' quechpatan oneñet. Yañapa' ama pocteye' yeñche tarro'mar ñapa' ama parroye' yeyemteno. Ñeñfo'marña yapa' atet yoch:

—Amach atet pepatsto.

³⁹ Jesúsñapa' atet ot:

—Sapa' amachca'ye sepatare'tatsche tarro'mar ñerra'm erra'tsencha' orrtate' partsoteñets e'ñe na neso'chño, ñeñtña acheñer tsapatonetpa' amachca'ye muenere alla o'ch achñare'terren.

⁴⁰ Ñaama ñerra'm ama cho epatare'tenye yaña, ñeñtña po'ñochpa' e'ñeca'ye parrocmayeyenpanna.

⁴¹ Po'ñochca'ye notenes: Ama't erra'tsena acheñer ñeñtcha' sapue' ama't coñe'ta oñ tarro'mar sapa' e'ñe na neyochresha' nepenes, ñeñtña acheñerpa' chocmach atsa'taretterra ñeñtcha' atarr coshaterre' ña.

Atto chocmach huaponaya ñeñtcha' yetpatyene' o'ch atet patyese'y ñeñt ama pocteye' enteno Yompor

(Mt. 18.6-9; Lc. 17.1-2)

⁴² 'Ama't erra'tsena ñeñt ama pomm'o'cheño'teye' ame'ñenno atet ñerra'm cheshatoll ñeñt ama eñotenana' o'ch ommo'chena, tarraña ñerra'm esha'ña po'psheneñ o'ch atet patach ñeñt ama pocteye' enteno Yompor, ñeñtña acheñerpa' atarrcha' yoro'cheno'tsen tarro'mar ñapa' aña o'patenaya coñcheñets ñeñt atarr huomenc. Ama't ñocoppa' ama tama yoro'chenayayñe ñerra'm ama atet patenana' po'psheneñ, e'ñech allorocma charachetañ mapue' añecmuen pa'chno'po allpon ñerra'm puetse'tamets o'ch huapore'chet oño epo allcha' ño'shach mapue'.

⁴³⁻⁴⁸ Ñaama o'ch noterrerr: Ñerra'm sechets patyenes ñeñt ama pocteye' enteno Yompor atet ñerra'm sot, setac, seclle', añ puctetsa o'ch sequechpuerr ñeñt chocma atet patse'tatyenes sechets. Ñeñt'pa' e'ñe atet

ñierra'mrrate' e'ñe allorocma o' sepecherr sot, setac, o' serroterr seclle', o'ch sehuapore'ter. Añ cohuen socop ama't e'ñe sepo'yotateñoť corret-sasach tayoteñ errpronohuañen. Añña ama cohuenayaye socop esempohuañenpa' e'ñech ora epo'mar sotpa' o'ch secherr coñcha'puetso all par-raren tso' ñeñt ama emaya'pahuoyaye. Allpa' ama't pueñmochapa' ama rromueno; tso'pa'cho'ña ñeñt allo'tsenpa' ama amayaño ama't errponaña. Ñaña añ cohuen socop ama't e'ñe setcotpa' sepshemtatquëñoť corretsasach tayoteñ errpronohuañen. Añña ama cohuenayaye socop esempohuañenpa' e'ñech ora epo'mar setacpa' o'ch huapore'terrset coñcha'puetso all par-raren tso' ñeñt ama emaya'pahuoyaye. Allpa' ama't pueñmochapa' ama rromueno; tso'pa'cho'ña ñeñt allo'tsenpa' ama amayaño ama't errponaña. Ñaña añ cohuen socop ama't seclloyot sepshemtacllo'yeyñoť o'ch secherr all añcha'tarettena Yompor. Añña ama cohuenayaye socop esempohuañenpa' e'ñech ora epo'mar seclle'pa' o'ch huapore'terrset coñcha'puetso all par-raren tso'. Allpa' ama't pueñmochapa' ama rromueno; tso'pa'cho'ña ñeñt allo'tsenpa' ama amayaño ama't errponaña.

49 Ñeñña Jesús'pa' atet toma'ntaterraneterr:

—Allohuen ñeñcha' cohuenterrtsapa' añcha'ca'ye a'cohuentatene' tso'; ñaña allohuen ayarrachno ñeñt amtsarettetsa Yomporecoppa' añca'yeyña a'cohuentatene' pos.

50 Ñehua, yapa' yeynoteñ pospa' atarr cohuen sherbeney. Tarraña ñierra'm posña po'poserrteña huañerretspa' yapa' amate' errot yepe o'ch alla ya'poserrtater attoch alla sherberrey. Sapa' e'ñepa'chña cohuen se-sherbannena e'ñech attes ñierra'm pospa' atarrcha' sherbeney. Attochña e'ñe cohuen sentannena e'ñech muechet seycha'yena.

10

*Atto Jesús'pa' ye'chatosanet ama asanna'tpahuoyaye
(Mt. 19.1-12; Lc. 16.18)*

1 Allempoña Jesús'pa' err Capernaumotpa' ahuerr anetso Judeo ñaña arre'na sen Jordanas yonita'n. Allñapa' alla shonterrñañerr acheñenesha', ñaña'pa' ye'chaterraneterr Yompor po'ñoñ ñeñt chocma attecma penanet.

2 Allñapa' o' alla hua'cherrñañerr ñaña fariseonesha'. Ñetñapa' añña atarr e'nenet e'ñe puehquëñoťet po'ñoñoťetpa' o'ch eñorachet ñeñt ama cohue-nayaye. Ñeño'marña ñetpa' atet otoset:

—Ta'm ¿pocte'te' o'ch yeser yetapor?

3 Ñañapa' atet otapanet:

—Sapa' ¿ama't seño'tenoña Moisés po'ñoñ ñeñt atet nonase'ť?

4 Ñetñapa' atet ochet:

—Moisés po'ñoñpa' atetca'ye oten, choch yequellcoñ yetapor papell ñeñcha' yap' allempochña yeser.

5 Jesús'ñapa' atet otanet:

—Tarraña sa seyo'chropa' chocmaca'ye po'poñ sentuena ñeñfo'marca'yeyña Moisés'pa' atet quellconase'ť attoch sese' setapor.

6 Ama't atet muenataseñpa' tarraña Yomporpa' e'ñe ahuatoteñ allempoteñ es yechcatyes “allempo ye'chcatan ñaña asheñor, ye'chcatan ñaña peno.”

7 Allempo Yomporpa' atet ot: “Ñeño'marña yacmapa' ñierra'm esempoch sena'ta, coyanesha'pa' o'ch echan puerrollar, añ pocte' o'huañcha' tama

yemteñet pamo'mte' allochñapa' yacmapa' attochña e'ñe parrocmat epuet puetapor.

⁸ Attoña epsheño'maretpa' e'ñech patrra po'chets penet." Attotcha'ña o'huañcha' puesheña'tetstet, allochñapa' o'ch e'ñe puesheñarratet.

⁹ Ñeñt atto Parets e'ñe patrratatan yacma epuet puetapor amach čha ellopa' alla sannerreto.

¹⁰ Allempo čhačerret pocollo, allña pueyochresha'pa' atet otueret:

—¿Errofente'ña ñeñt atet pōten ñorra' año' asanna'tpahuo?

¹¹ Ñaña'pa' oterraneterr:

—Ñerra'm esesha' serre' puetapor o'ch alla yorerran po'psheñeñ ñeñtcha' puetapor perr, ñeñña yacmapa' čhachca'ye ochña'tam̄perrana puetaporeshe'mañ. Ñeñtpa' ama pocteye' enteñe Yompor.

¹² Ñaña coyanesha' ñerra'm serran puerrollar o'ch yorer po'psheñeñ yacma ñeñtcha' puerrollar perr, ñeñña coyanesarpa' čhachca'ye ochña'tam̄perrana ñaña puerrolareshe'mañ. Ñeñtpa'čo'ña ama't mameshapa' ama pocteye' enteñe Yompor.

*Atto Jesús'pa' bensare'tam̄psapan cheshanesha' ñeñt huapatoñet
(Mt. 19.13-15; Lc. 18.15-17)*

¹³ Allempoñapa' huačha'tachet ñaña shonte' cheshatollesha' Jesúsesho. Ñetpa' añecopña huačha'tachet o'ch a'plla'yesapanet Jesús. Jesúsña pueyochresha' allempo entapan ñeñt huačha'tate' cheshaneshačhno ñetñapa' ama pocteye' eñcheto o'ch anmoset cheshatollesha' Jesúsesho ñeñto'marña ama amnataretapueto.

¹⁴ Tarraña Jesúsña allempo entan pueyochresha' čha epatare'tapan cheshatollesha', ñaña'pa' ama't mameshapa' ama pocteye' entaneto. Ñaña'pa' atet atanet:

—Pocte'ñačho' semnachñaca'yeña cheshanesha' onosetepa' e'ñe nesho. Amachca'ye čha sepatare'tatstapaneto tarro'mar allohuen ñeñt atarr neyemtenaya na atet ñerra'mrrate' cheshatoll, ñetcha' o'patenetña Yompor po'cohuenña ñeñt atto ayochreshattena ña.

¹⁵ Po'ñočhpa' o'ch notas, ñerra'm esesha' ama e'ñeye' pueyemteño'teye' aguëññañeto Yompor po'cohuenña amach atet perreto ñerra'm cheshatoll e'ñech yemtenana ñeñt cohuan̄pene', ñetñapa' amach o'patenetña Yompor po'cohuenña atto atarr ayochreshattena ña.

¹⁶ Allempoña Jesús'pa' a'čhono'tyesapan cheshanesha'pa' allña a'plla'yesapanetña e'ñe ña potot attoña bensare'tam̄psapanet.

*Atto puesheñarr ñeñt huepueshameñ ñeñt atarr ecłlayoret ñaña'pa' eñorana'tosana Jesús
(Mt. 19.16-30; Lc. 18.18-30)*

¹⁷ Allempoña Jesús'pa' o'ch ahuenñerr allenet sechena. Allentepa'tcha' huapa'muena puesheñarr yacma e'ñe matenacma huapa. Alla concorpana'tosana Jesús'pa' atet otos:

—Maestro, papa' atarr cohuen ačeñreḡ, te'pa' o'ch potapuen čerrofena'tcha' nepaña na ñeñt e'ñe cohuen attochña napa' corretsanach e'ñe tayoteñ ama't errponañohuen?

¹⁸ Jesús'ña'pa' atet otaḡ:

Eso'mare't p̄otenenña napa' atarro' cohuen acheñren. Arr arromñatenesha' ama't e'ñe puesheñarrapa' ama eñalleña ñeñt' e'ñe cohuen acheñer. Ñapñaña Yompor ñeñt' e'ñe po'ño'ch cohuen.

¹⁹ Papa' e'ñe peñotuen Yompor po'ñoñ all oteney ñeñt'cha' atet yepena e'ñe cohuen, ñeñt' atet oteney: "Amach yechtapretyesatsto taporets, amach yemtsanna'tatsto, amach yetyesatsto, amach yetoma'tam̄psatsche yamo'ts e'ñe atta, yeshquēño'pa' amach es yeprratam̄psatsche po'psheñeñ, ña'ña yemorrenteño'pa' yem'cha'na'ch'cha' yompor ña'ña yachor."

²⁰ Ñeñt'ña a'p̄to'tene'pa' atet otererr:

—Maestrocha' napa' e'ñeca'ye cheshoteñ ora añe'chnopa' e'ñeca'ye net-sotueñ.

²¹ Jesúsña e'ñe puemorrenteño' cohue'pa' atet otererr:

—Eñallmeñca'ye paterr ñeñt' pepalltena ñeñt' ama atteye' pepeno. Te'pa' añcha'ña atet pe'pa o'ch ahuerre'p̄ o'ch pepomhuerr ora allpon ñeñt' pechyen o'ch p̄apa'yera' huocchañnesha'chno ñeñt' atarr es pallta'yetsa, attochña p̄apa' pecherrcha' ñeñt' atarr nanac sherbets Yompor pue'ntaño. Allempochña pehuerrapa' o'ch p̄octerren attoch e'ñe neyochresha' nepperre'p̄ e'ñe poctacma.

²² O'ña e'mhuan ñeñt' atet och Jesúsapa' ñaña'pa' cha atarr nanac lleca tarro'mar ñapa' shonte' esocmañen echyen. Ñeñto'marña e'ñe puellquēñesha' ahuer.

²³ Allempoña Jesúsapa' cohua'yesanetpa' atet otan pueyochresha':

—Ñeñt' atarr e'cllayore'tpa' atarrca'ye nanac echarr attoch agapoñet Yompor po'cohuenña ñeñt' atto ayochreshattena ña.

²⁴ Pueyochresha'ña'pa' cha muene'yore'tanet ñeñt' atet otenanet. Jesúsña'pa' alla otterraneterr:

—Nechemerneshacha' o'ch notas: Añ acheñer ñeñt' añach e'ñe yemtena ñeñt' allpon echyen arr patsro ñeñt'ña acheñerpa' atarrca'ye nanac echarr o'ch agapoñet Yompor po'cohuenña ñeñt' atto ayochreshattena ña.

²⁵ Ñehua, ñeñt'pa' atetcha' netma'ntacha. Po'ño'ch yapa' yeñoteñ berr añecmuen allpon ñerra'm huaquēsh* atarrca'ye torrapo' o'ch esho'tosa añe'follponatollo atet ñerra'mrrate' acosh puetatollo. Ñeñt'pa' atetca'ye penaña acheñ ñeñt' e'cllayore't, ello atarr torrapo' o'ch agapan ña'ña Yompor po'cohuenña ñeñt' atto ayochreshattena ña (tarro'mar ñetpa' ama mueneñeto o'ch sehuanmuet ñeñt' atarr morrentenet ñet attoch pueyochresha' perrane'tañ Yompor).

²⁶ Pueyochresha'ña allempo e'met Jesús atet oten, ñetña'pa' cha muene' lleca'rrtetpa' atet otanna'tyeset:

—Tarraña ñerra'm atette'pa' amate' esesha' a'queshpataretterrtso ama't puesheñarra tarro'mar yapa' yeñoteñca'ye huaquēshpa' amaca' esho'tenoña acshequeto.

²⁷ Allempoña Jesúsapa' atta cohua'yesanetpa' atet otterraneterr:

—Sa arromñateneshaspa' amach es errotenaye' apen senteno. Tarraña Yomporpa' ama eñalleña ñocop ñeñt' atarr torrapo' enten.

²⁸ Allempoña Pedropa' atet och:

—Parteshacha' po'ño'ch yapa' o' e'ñe yesuanom ora allohuen attoch e'ñe yocterre'p̄.

²⁹ Jesúsña'pa' alla otterraneterr:

* **10:25** Ñehua, Jesús añ toma'ntatanet camello ñeñt' payara penet all pa'nyo, ñeñt' e'ñe allpon ñerra'mrrate' huaquēsh.

—Allohuen erra'tsencha' acheñer ñeñtcha' e'ñe sehuanmue' allohuen ama't pa'paclohuen, ama't pa'mo'nasheñnesha' ñato' po'chanesha' ñato' pompor, pachor ñato' puetapor, ñato' pacñeñar ñato' po'patseñ attochña napa' e'ñech cohuen sherberrnet pueserrpare'teñoñet cohuen ñoñets alloch a'qeshpataretterra acheñenesha',

³⁰ elloña ñetpa' o'ch alla aguërret shonte' esocmañen ñeñt atarr cohuen. Ama't allponapa'tets sehuanomyesnomuet, elloña çharroch çharra'ch alla agapyerret, ama't e'ñe tayoteñ allempo correnet arr patsro—ama't ñeñtcha' pa'pacllaçhno perret ñaña ñeñtcha' pa'mo'nasheñneshaçhno perret, ñaña ñeñtcha' po'chaneshaçhno perret, ñaña ñeñtcha' pachorneshaçhno perret ñaña ñeñtcha' pacñeñareçhno perret, ñaña ñeñtcha' po'patseñ perret. Tarraña ama'tcha' atet aparetteretaña' çhocmach amueroçhtataretterret pame'ñeñoñetan na. Elloña tsapatonetña ñetñapa' aguërretcha' ñeñt alloch corretsetach beñecpuen pocsheñeshocmañen.

³¹ Te'pa' señoçhepa'ch eñall shonte' acheñ ñeñt ama asherbenaye' senteno sa te' tarraña ñetña allempopa' atarrcha' asherben enterranet Yompor. Ñaña eñall shonte' acheñ ñeñt atarr asherben sentyen sa te', tarraña ñetña allempopa' amach asherbenaye' enterraneto Yompor.

Allempo Jesúsapa' alla eñotaterraneterr ñapa' çhocmach amtsaretterra (Mt. 20.17-19; Lc. 18.31-34)

³² Allempo ahuaneneterr ñaña Jerusaléñoneñ, all oñenet toño'mar Jesúsñapa' ña otetsa. Pueyochresha'ñapa' cha toratsetyesnenet pueyoçhret, e'ñe pueñtcha'nañoña coteñ. Pueyochresha' ñeñt çharra' puechena epsheña ñeñtñapa' ahuanemñ Jesús ellonet, allñapa' eñotaterraneterr ñeñtcha' huapoya ñocop.

³³ Ñeñtpa' atet otanet:

—Te'ña po'ñoçhpa' o'ca'ye ahueney Jerusaléño. Allcha' pomataterrnet na Ñeñten Acheñetosets. Añcha' nerrmuerre' ñeñt pa'mñcha'tareñnesha' pen allohuen judionesha' po'cornaneshar ñaña ñeñt atarr etsotayenayeñ ñoñets ñeñt atet anaret. Ñetñapa' atetcha' otyesnet na'mtsaretterrepa'to' o'ch pomuerrnet po'poñ acheñesho ñeñt ama judioneshayaye.

³⁴ Ñetña pueche'tatseteñoñetanpa' allcha'ña achmäre'terrnet, ashterrnetcha', a'coshare'terrnetcha' atotcha'ña o'ch corso'tañperrnet, tarraña poma'pamtañoçh alla netanterra.

Atto Jacobo ñaña Juan ñetpa' enamueñet Jesús attoch anorrçha'tyesuerret ñesho (Mt. 20.20-28)

³⁵ Allempoñapa' atet oteña' Jacobo ñaña Juan ñeñt Zebedeo puechemeresha' ñeñtpa' atet otoset:

—Maestrocha' yapa' aña'ye yemnen o'ch atet pepa'y ñeñtcha' yotaþ.

³⁶ Ñaña'apa' atet otanet:

—Sapa' çerrofena'tña semnen atetcha' neþas?

³⁷ Ñetñapa' atet otereterr:

—Yapa' aña'ye yemnen te'pa' o'ch pemnatey o'ch yanorruerr pesho pecohuenño, puesheñarrofeypa' pecohuenrotcha' yanorryesuerr, po'psheñeña' pe'hcoterotcha' anorruerr allcha' yecohuentapreterrpa.

³⁸ Jesúsñapa' atet otanet:

–Sapa' amaca'ye señoiteñe ñeñĩ po'ño'ch senamuenen. Añca'yeña senamuenen attoch semueroçhtapreterrna saña. Ta'm ¿e'ñe'fe' po'ño'ch pocte' senteñ o'ch semueroçhterra saña tarro'mar napa' çhocmach na'mueroçhtataretterra?

Ñeñĩ mueroçhteñetspa' Jesús'pa' atet toma'ntatanet ñerra'mrrate' atarr pesherr es yorren orranĩtso ñaña atto yapatarettena e'ñe atet ñerra'mrrate' çho' ya'mtsaretterra Yomporecop.

³⁹ Ñetñapa' atet ochet:

–Yapa'çho'ña atetcha'ca'ye ye'pa.

Ñañapa' alla oterraneterr:

–Ñehua, po'ño'çhpa' sa'mueroçhtataretterrach saña attescha' ñerra'm na, sa'mtsaretferrach saña.

⁴⁰ Tarraña añña attoch sanorryesuerr nesho necohuenrot ñaña ne'chcoterot allcha' secohuentapreterrna ñeñĩpa' amaca'ye naye' semnatenaye. Añcha'ña anorryesuerrrets all ñeñĩ e'ñe o'patatenna Nompore.

⁴¹ Añña po'potantañ pueyochresha' ñeñĩ çharrasheña allempo e'met ñeñĩ atet enamuen Jacobo epuet pa'mo'nasheñ Juan, ñetñapa' ama pocteye' eñcheto çha muene' e'moñe'chet.

⁴² Allempoña Jesús'pa' alla çhore'terranet allohuenet ñesho ñeñĩpa' atet otanet:

–Sapa' señoiteñe' ñeñĩ atet pena po'poñ acheñenesha' ñeñĩ ama judione-shayaye. Ñet ñeñĩ pa'm'cha'tareter penet e'ñech pa'm'cha'noçhteñocmañen pomnaren pa'yenan allohuen pueyochresha'çhno.

⁴³ Sapa' arepa'chña atteye' se'panna'tatsto e'ñe sommo'cheño'. Socoppa' añña poctetsa. Ñerra'm erra'tsenotes atarr añcha'taretoyen entetsañ ñeñĩes acheñres socoppa' añ poctetsa o'ch atet senterra ñerra'm ama esosh'e'mayayso ñeñĩ atet pena ñeñĩ atta atarr taruasetso po'potantañecop.

⁴⁴ Ñaña ñerra'm erra'tsenotes ñeñĩes muenene' o'ch atarr asherben entenset ñeñĩesña acheñrespa' añ poctetsa o'ch atet senterra ñerra'm ama esoyayso allochñapa' attochña e'ñech cohuen setorrna po'potantañecop ama't ñaña allohuenacop atet ñerra'mrrate' acheñ ñeñĩ atarr taruasetso e'ñe atta.

⁴⁵ Atet ñerra'm na Ñeñĩen Acheñetosets, napa' ama añecpaye' nehuapo añe patsro allochñapa' sapa' o'ch atta atarr sesherbapuen na atet ñerra'mrrate' napa' atarr añcha'taret sentenen. Napa' añecopña nehuapa allochñapa' nachña sesherbos'e'ña sa, ñeñĩto'marña napa' naña pomostsa nañeña o'ch nerromos socop attochña netsa'tuernasa so'chñar ñeñĩes shontes pa'namen acheñres. Attochña sapa' amach sañeña rromatso so'chñarecop.

Allempo Jesús'pa' a'crraterran puešeñarr aporo'yet ñeñĩpa' añ pa'so'cheñ Bartimeo

(Mt. 20.29-34; Lc. 18.35-43)

⁴⁶ Allempoñapa' o' çhaçha'tet Jericó. Allempo meterrerr Jericó' epuet pueyochresha' ñaña shonte' acheñenesha' e'ñe allpona serretterra' allña e'ñe toñeto'pñopa' ahuepa't anorros puešeñarr aporo'yet ñeñĩ çhocma enamare'tets quelle. Ñeñĩpa' añ pa'so'cheñ Bartimeo ñeñĩpa' Timeo puechemer.

⁴⁷ Ñañapa' eñtatotaset añ huetsa Jesús ñeñĩ nazareto'marnesha'. Ñeñĩña aporo'yetpa' allotat rranare'çh atet otapan Jesús:

–¡Pemuera'ychnomna Jesús'ocha' naña! Papa' ñeñĩep Davidna'tarep.

⁴⁸ Acheñenesha'ñapa' çha muene' che'ptare'tnometña aporo'yetpa' atet otaset:

—O’hua pemma.

Aporo’yethñapa’ ello alla rranare’terrerr atet otererr:

—¡Pemuera’yechnomnañaca’ye Ayochreshate! Papa’ ñeñteþ Davidna’tareþ.

⁴⁹ Jesúsñapa’ alla tomos atet otosan acheñenesha’:

—Seçhore’chñaca’ye onepa’ arr.

Ñetña chore’chet aporo’yetpa’ atet ochet:

—Te’pa’ choþa cosherrtsa, ñapa’ o’ca’ye agotoseþ. Petantnoma e’ñe tayecma.

⁵⁰ E’ñe atet otuetpa’ cha tantatsa cha a’meyanmue’ allo ca’maþna’tenapa’ allenta ahuo’ Jesúsesho.

⁵¹ Jesúsñapa’ atet otaþ:

—Papa’ ¿eso’tña pemnen ñeñtcha’ atet neþoseþ?

Aporo’yethñapa’ atet och:

—Añca’ye Maestro nemnen o’ch pecuatnomuen attoch o’ch cohuen nenter-rapa.

⁵² Jesúsñapa’ alla otererr:

—Te’pa’ ahuerreþ e’ñe peñmañesha’ tarro’mar atto atarr peyemtapna na ñeñtca’yeña o’ e’ñe a’crraterreþ.

E’ñepa’tcha’ allorocma e’ñe cohuen enterra. E’ñe cohuerrtsapa’ cha coña’nmue’ ñaña Jesús allenet sen.

11

Allempo chap Jesús Jerusaléno

(Mt. 21.1-11; Lc. 19.28-40; Jn. 12.12-19)

¹ Atteñapa’ o’ chacha’tet allame’tets Jerusaléno. Chapuet aspento ñeñt pa’so’cheñ Olivopen. Allñapa’ allo’tsen anets ñeñtþa’ añ pa’so’cheñ Betfagé, po’poñpa’tcho’ allo’tsen anets ñeñtþa’ añ pa’so’cheñ Betania. O’ña chapmochet all anetso,

² Jesúsñapa’ atet otnoman epsheña pueyochresha’:

—Sapa’ o’ch sota o’ch seþhap a’yente’y e’ñe allara anetso. Allñapa’ allcha’ sentos ashen rre’ptor all huanqueñet; ñeñtþa’ ama’t puesheñarra acheñ amaca’ye monteña’. Ñeñña ashenpa’ o’ch sepyamþospa’ o’ch sanerrnan.

³ Ñerra’m esesha’ sotapue’: “¿Eso’mare’t sepyamþenña ashen?” sañapa’ atetcha’ sotosanet: “Yepartsesharca’ye muenene’ña añ ashen. Mameshapa’ o’ch alla apuerrsa’.”

⁴ Allempoña ñetpa’ allenta ahuanmuet. O’ña chapuet anetsopa’ all entoset ashen ehuanca’re e’ñe opellrronñta’note’tsen all ten e’ñe toñoñ. Ñetñapa’ pueyamþoset.

⁵ Allempoña puesheña’tets ñeñt tomcha’tyets allpa’ atet otapanet:

—¿Eso’t sottenña arr? ¿Eso’mare’tcha’ sepyamþosña ashen?

⁶ Ñetña atet otapanet Jesúsþa’ atetcho’ otoset. Allempoñapa’ atet otaretet:

—Ñeñteþñaþ sanerca’ye.

⁷ Allempoñapa’ allenta anerretña ashen Jesúsesho. Nohuerret pa’shtam ashnache’ñopa’ Jesúsñapa’ allenta monta’nmana ashen.

⁸ Shonte’ acheñenesha’ ñetñapa’ totma’tyesoñet pa’shtam toño allcha’ oñem Jesús. Po’potantañechnoñapa’ tsorrmore’tyeset tsach pue’mo’rer allo topanetyeset toñ.

⁹ Allohuen acheñenesha’ ñeñt otaçhetsa ñaña ñeñt cota’huanene’ chenta’ ñetñapa’ puerrannarteñoñetpa’ atet atarr cohuentayesneññañetpa’ atet otenet:

—¡Acsherrapo'ch allohuenyey! ¡Aye'chochtaterrapo'ch Jesús ñeññ llesensen Yompor!

¹⁰ ¡Aye'chochtaterrapo'ch Jesús ñeññcha' amcha'tarettertsa! Te'pa' o'ca' huerraña yatañ David pa'mcha'taretteña. ¡Aye'chochtaterrapo'ch ñaama Yompor Parets ñeññ pue'ntañ'tsen!

¹¹ Atteñapa' chap Jesús Jerusaléñopa' allenta ahuos Parets pa'paclo, all be'tosos, cohua'yesosan ora allohuen ñeññ allo'tsa'yen. Cohua'yeseña'pa' o'cha'nerrpa' ahuo' anetso Betanio allohuen pueyochreshohuen ñeññ charra' puechena epsheña tarro'mar allempopa' o'ca'ye ellerren.

Allempo Jesúsapa' eñora higohecop amach eñalletatsto pue'mer
(Mt. 21.18-19)

¹² Tsapat allempo onacha'ta'muenet Betaniot, Jesúsñapa' cheporra'nma.

¹³ All oñenet Jesúsñapa' a'yoteñ entosan higoch ñeññ taya o' asopanre'terr. Ñaña'pa' allenta ponemya o'ch enteña' ñato' e'merette'. O'ña chap alame'tetspa' pasopanrepa'tcha' entosñañ tarro'mar ama chena' allempo me'ten.

¹⁴ Jesúsña chepa'tcha' eñorotsa higohecop, ñeññpa' atet otos:

—Ama't errponañapa' amuepa'ch esesha' tsomuerraye añ higoch pue'mer. Pueyochresha'ñapa' e'ñe e'mueñet atet eños higohecop.

Atto Jesúsapa' a'cohuentatosan Parets pa'paquëll
(Mt. 21.12-17; Lc. 19.45-48; Jn. 2.13-22)

¹⁵ Allempo entuanman Jesús higoch allempoñapa' o' alla cha'cheneterr Jerusaléño. Jesúsñapa' be'tosuener Parets pa'paclo, allñapa' allentepa'tcha' mueño'tuosan allohuen ñeññ pomatsre'tetsa all ñaama allohuen ñeññ rañña'yetsa. E'ñe cha'nma'cha'tatosanet allot, a'coye'tam'psosanet po'mesachno allecma cam'yatyenet po'çllayoret, a'coye'tuosan ñaama allecma anorryen ñeññ pomuene' yepe'chno.

¹⁶ Allempo Jesúsapa' ama't pueheñarrofa' ama muenaterraneto o'ch es oñmatet all Parets pa'paclo'mar.

¹⁷ Allempoña ye'chatosanetpa' ñapa' atet otosanet:

—Yompor po'ñoñ ñeññ atet anuaret ahuatoteñ allñapa' atetca'ye oten Yompor: “Añ ñeññ nepaquëll nepenpa' añecpaca'yeña sherben allecmach ma'yochennet ama't allohuen pa'namen acheñenesha'.” Tarraña sañapa' e'ñe atet sepeññaña Yompor pa'paquëll ñerra'mrrate' eñeñ ñeññ e'potyetsa mapuetpono.

¹⁸ Añña ñeññ pa'mcha'tareternesha' pen allohuen judionesha' po'cornaneshar ñaama añ ñeññ atarr etsotayenayeñ ñoñets ñeññ atet anaret, ñetñapa' allempo atet e'mare'tetpa' Jesúsepa'tcha' atarr o'patet o'ch muetsatachet. Tarraña allempopa' ama errof peto cha mecha'na'chet tarro'mar allohuen acheñenesha'pa' atarrca'ye cosheññañet ñeññ atet ye'chatenanet, nanac cohuen enteñet.

¹⁹ Allempoña o' ellerrenpa' onacheneterr Jerusaléño'pa' ahuaneneterr Betanio.

Arrpa' atto entuerret higoch o' e'ñe hueya'hua
(Mt. 21.20-22)

²⁰ Tsapatña ahuatecma alla oñma'mueneterr allo'tsen higoch. Entueneterpa' o' e'ñe hueya'huenaña higoch e'ñe puer'chohuen.

²¹ Allempoña Pedro allenta yerpana atet eños ellerro Jesús higohecop, ñaña'pa' allenta otosan Jesús:

—Maestro, pecua' añ higoch ñeñt potnom ellerro ama't esesha'pa' amach tso muerrñañeto pue'mer, te'ñapa' o' hueya'hua.

²² Jesúsñapa' atet otnomanet:

—Sapa'cho'ña e'ñeñaca'yeña seyemteraña Yompor.

²³ Po'ñoçha' na te'pa' o'ch notas: Ñerra'm ama çhoye' se'charrtateno seyocher, ñerra'm po'ñoçh e'ñe seyemteña Yompor, ñachca'yeña atet pene'ña ñerra'm errofen es soten. Añe'nachña e'ñe setsoten ñeñt ello atarr torrapo' senten. O'ch netma'ntacha atet ñerra'mrrate' añ aspenet. Ñerra'm eshascha' otets aspenetecop “Añ aspenetpa' rrote'tepa'ch arrot, arrepachña esha'toso sa'po allcha' chencosa”, aspenetñapa' atet'cha'cho' pónasa.

²⁴ Ama't allohuen erra'tsencha' es senam sema'yocheñoñ, ñerra'm çho senam e'ñe seyemteñocmañen, ñeñtñapa' saga'pcha'.

²⁵ Ñaña te'pa' o'ch notnomues: Ñerra'm sema'yocheñoñ çho saten ñerra'm çho se'moñe'teñ po'psheñeñ çhosach peretnerre' seyochro allorocma, allochñapa' Sompör ñeñt ento'tsen peretnerrnascha' samña ñeñt atet se'patse'tyen ñeñt ama pocteye' enteno ña.

²⁶ Tarro'mar ñerra'm ama se'pretnannenopa' Sompörpa'cho'ña ñeñt ento'tsen amach peretnerrnaso samña ñeñt atet se'patse'tyen ñeñt ama pocteye' enteno ña.

Atto allsensarettena Jesús

(Mt. 21.23-27; Lc. 20.1-8)

²⁷ Allempoñapa' alla çhacha'ta'mueneterr Jerusaléno. Jesúsñapa' all chopeñe'chen Parets pa'paclo. Allñapa' huacha'toña ñaña shonte' amcha'taretnesha' ñeñt pa'mcha'taretnesha' pen allohuen judionesha' po'cornaneshar ñaña ñeñt atarr etsotayenayeñ ñoñets ñeñt atet anaret ñaña po'potantañ ñeñt pompornesha' pa'yen allohuen judionesha'.

²⁸ Ñetñapa' atet otoset Jesús:

—Ñehua, yapa' añecop yehuena yemneñ o'ch potey çerrofe't apuenpetña llesens? ¿Esesha'tña papuene'ña llesens atot porrtatayenña ñeñt çhocma atecma pe'pa'yena?

²⁹ Jesúsñapa' atet otapanet:

—Ñehua, napa'cho'ña nemneñ o'ch na'pto'tapas samña ama't patrra ñoñets. Ñerra'm sanaposencha'pa' napa'cho'ña attoçhña notapas namña allot apuenetña llesens ñeñto'marña atet nepena.

³⁰ Sapa'cho'ña o'ch sotosen ñeñt atet soctape'chen sa, ahuañmo'cha allempo apate't Juanañ Yomporecop, ñapa' ¿esesha'tña llesense' ñato' Yompor amapa' acheñate' apue'ña llesens? Nemnen o'ch sotosen ñeñt atet soctape'chen sa.

³¹ Ñetñapa' e'ñe a'nahua otanna'tyeset:

—Ta'm erroçha'ca'ye yochte'. Ñerra'm çha yoch Yomporeshotca'ye apetña llesens, ñapa' çhate'ca'ye otey: “Ñehua, sañapa' eso'mare'tña ama se'mñocheña ahuaña allempo serppare'tatosan acheñenesha'.”

³² Elloña amach yotatsche acheñesho'fa apet llesens.

Ñehua, acheñenesha'ñapa' çhate' e'moñe'chet amcha'taretnesha' tarro'mar acheñenesha'pa' e'ñe cohuen eñchete't Juanañ ñeñto'marña çhocma otyeñet ñapa' ñeñtca'yeña po'ñoçh a'ñtose' Yompor po'ñoñ.

³³ Ñeñto'marña amcha'taretnesha'pa' atet ochet Jesús:

—Ta'm yapa' amaca'yeña yeñoteñe; errotte' huapaña Juanañ, errotte' apetña ñaña llesens.

Allempoña Jesúsapa' atet oterraneterr:

—Napa'cho'ña te'pa' amach notaso samña allot apareten namña attot atet nepa'yena.

12

Atet atma'ntatarettena ñeññ ataruasañechnopa' ama cohuenayaye
(Mt. 21.33-46; Lc. 20.9-19)

¹ Allempoña Jesúsapa' alla serrpare'taterranerr acheñenesha' toma'nteñtso, ñeññpa' atet otanet:

—Eñall puesheñarr acheñ ñeññ nare'tanatatnomue' shonte' uvach; pa'muerñapa' e'ñe ora uvachmatatue. E'ñe concha'tam̄pesue allotñapa' eñan ñaña allcha' a'pecho'toñet uva po'ñer. Allñapa' tomatatnoman torrepo' allotcha' cohuan̄psoñet pa'muer. Tomatuepa' na'nman ñeññcha' taruasatats ñeññcha' coyerrahuet allpon ñerra'm esempoch toteñet.

'O'ña nare'tanatatuepa' o' ahuo' po'poñ anetso ñachayo.

² Chap allempo yen uvachllon̄pa' ñañapa' mueñerran po'psheñeñ pa'taruasañer o'ch enamuerra' uvachllon̄ po'psheñeñ pa'taruasañreneshesho ñeññ cohuan̄pene' uvachma'.

³ Allempoña then alpa' enamosan ñeññ allpon o'patena ña, arepa'tcha'ña es apapuenayeña uvachllon̄, elloña ñeññapa' cha rremapueññañet pa'taruasañerpa' o' nalle'tapueñet, o' alla mueño'teret e'ñe atta.

⁴ Allempoña ñeññ pamo'mte' pen uvachma'pa' o' alla mueñerranerr po'psheñeñ pa'taruasañer. Allempo chenerr ñaña allpa' ñapa'cho'ña cha rrolle'tapetpa' o' atserp̄apueñet poñopa' cha es otnatapueñet.

⁵ Allempo o' alla mueñerranerr po'psheñeñ pa'taruasañer. Ñeññpa'cho'ña allempo chenerr ñaña allpa' ñañapa' chepa'tcha' muetsapueñet. E'ñe attecma' pa'yeset po'potantañechno—patanta'tetspa' nalle'tapueñet, po'potantañechnoñapa' cha amtsanatarettapuenet.

⁶ 'Ñeññ pamo'mte' penetpa' eñallmeñ ñaña puesheñarr ñeññ e'ñe ño puechemer ñeññ atarr morrentena. Allempoñapa' atet ot: "Te'pa' o'ch nemñe all ñeññ e'ñe na nechemer. Ñato'rraña ñeññpa' mecha'na'tapetcha'."

⁷ Ñeññpa'cho'ña ama't mameshapa' arepa'tcha'ña mecha'na'tapeto. Allempo entapoñet puechemer ñeññapa' atet otanna'tyeset: "Añm̄apa' ñeññca'yeña puechemer ñeññcha' o'paterraya pompor puenarenñ esempo. Ñapa'cho'ña te'pa' o'chca'ye yemtsaḡ allochñapa' yachca'yeña e'ñe o'paterrayaña pompor puenarenñ. Te'pa' o'ch ahuey o'ch yemtsaḡ ñaña."

⁸ Allempoña o' rremapoñet ñaña puechemerpa' o'cho' muetsapet, huapore'teret allot uvachmot. Arrpa' allohua atet toma'ntata Jesús e'ñe ñañeña.

⁹ Jesúsñapa' atet oterranerr acheñenesha':

—Ñehua, te'pa' o'ch notas, ñeññ pamo'mte' pen ataruasañechnopa' ama't señoteñeña sa atetcha' pohuerranet. Ñerra'm esempoch huerranet, pamo'tmayetpa' a'cllatuerranetcha', narmetsma'ñapa' o'ch apuerran po'potantañ.

¹⁰ Allempoña Jesúsapa' atet oterraneterr:

—Sapa' ama't ahuatapa' ama'tña selleyareña ñeññ atet anuaret Yompor po'ñoñ ahuatoteñ. Tarro'mar ñeññpa' atet oten nocop, all atma'ntatareten mapue'. Ñeññpa' atet oten:

Añ mapue' ñeñt ama pocteye' entyeno ñeñt tomatyene' pocoll, ñeñtña te'pa' o' anaretterra ñeñtcha' ello atarr cohuen sherberrets e'ñe atet ñerra'm quellpach allo e'ñe cohuen echarr orratenet pocoll.

11 Ñeñt'pa' Yomporca'yeña atet patene' ñeñt'o'marña yapa' e'ñe cohuen yenteñ.

12 Ñeñt e'moñe'tene' Jesús ñetña'pa' eñoteñet ñeñt'pa' ñetca'ye atma'ntatarettenet, ñeñt'pa' ñocpuetca'ye atet eñoreñaña Jesús. Allempoña ñetpa' atarr mueneñetañ o'ch rromuet Jesús e'ñe allorocma tarraña ama esesha' rromaye tarro'mar ñetpa' cha mecha'teñet acheñenesha'. Ñehua, acheñenesha' e'ñeca'ye cohuen enteñet Jesús. Ñeñt'o'marña ñetña'pa' quechpa'huaneret Jesús'pa' ahuaneret.

Atto a'pto'chet Jesús, pocte'te' o'ch tsa'tet impuesto

(Mt. 22.15-22; Lc. 20.20-26)

13 Atteña'pa' chap allempo po'pocheño e'ñe a'nahua mueñeññañet puesheña'tets fariseonesha' ñesho ñaña puesheña'tets Herodes pueyochresha', tarraña ñetpa' añecpa amñareñtenet attoch e'ñe puehquëñotet po'ñoñotetpa' o'ch eñoratoset ñeñt ama cohuenayaye. Allochña'pa' attotcha'ña otteñe'chet.

14 Ñeñt'o'marña ñetpa' allempo chapuet ñeshopa' atet otoset:

—Maestrocha' yapa' yeñoteneñ papa' ama peshquëno ama't mamesha ñaña ñeñt atto peychaten Yompor pocta'ña ñeñt'pa'cho'ña e'ñe cohuenacma, ama shequëñtsoyaye ama't mamesha. Papa' allohuen acheña'pa' e'ñe cohuen penteñ; ama ña ñapueñ pemorrenteno ñeñt atarr amcha'na'tpo' entyen allohuen acheñenesha'. Ñeñt'o'marña te'pa' yapa' yemneñ o'ch peñotatapuey erra'tsente'ña e'ñe po'ño'ch cohuentetsa. ¿Pocte'te' penteñña pa' o'ch yetsa'ta impuestos añecop ñeñt amcha'tarettetsa all anetso Romo ñeñt ama judioneshayaye? Ñato' amate' pocteyayeña yocop ñeñt'ey judioneshay o'ch yetsa'cha amcha'taret romo'marnesha' ñeñt ama judioneshayaye.

15 Jesúsña'pa' eñotapanet ñetpa' chaca'ye shecare'teñet, ñaña'pa' atet otapanet:

—Sapa' eso'mare'tña semneñña o'ch seshcare'tosen. Ñehua, ama't atet setpatennoñpa' sorrtatca'yeña puetallarr quelle o'ch necue'.

16 Ñetña apetpa' ñaña'pa' atet oterraneterr:

—Ñehua, sapa' o'ch soten, ¿esesha't sentenña ñeñt atma'ntatarettetsaña all? ¿Esesha't pa'so'cheñ aquellcarettetsa all?

Ñetña'pa' atet ochet:

—Amcha'taretca'ye atma'ntarettetsaña all, ñoca'yeña pa'so'cheñ ñeñt aquellcarettetsa all.

17 Jesúsña'pa' alla oterraneterr:

—Ñeñt'epña'pa' añ poctetsa o'ch yañ amcha'taret ñeñt ño ñeñt atet poctetsa gobiernocop, tarraña ellonetña ñeñt Yomporo o'ch yañ ñaña ñeñt atet poctetsa ñocop.

Ñeñtña shequëñayeñ atta cohuanrrorteñet tarro'mar Jesús'pa' atarrca'ye cohuen anapuenanet.

Atto a'pto'chet Jesús, ñerra'm po'ño'chte' atanterrapo' rromot, ta'm, allempo'pa' errotentcha'ña yeperra

(Mt. 22.23-33; Lc. 20.27-40)

18 Allempoñapa' huacha'toña ñaña patantarr ñeñt saduceoneshatets. Ñehua, ñeñt saduceoneshatets ñetñapa' ellonet echenet poctapña ñeñto'mar atet otenet amate' errotentof yetanterroña rromot ama't errponaña. Ñetñapa' atet otoset Jesús:

19 —Maestrocha' ahuat Moiséspa' atet quellconay ñoñets ñeñt poctetsa ñeñtcha' atet yeña. Ñeñtpa' atet otenña Moisés po'ñoñ: Ñerra'm esempo rroma yacma o'ch sa'nman puetapor tarraña ama chemere'tnomopa', añ poctetsa pa'mo'nasheñcha' alla yorerre'ña po'norrar allochñapa' attoch eñalleterraña ñeñtcha' puecheher perr pa'mo'nasheñeñ. Ñeñtpa' atetca'ye quella'nmonayña Moisés ahuat.

20 Ñehua, te'pa' eñall cancherrsheña ñeñt e'ñe poctacma pa'mo'nasheñecmuet. Ñeñt puesheñarr popo'naretpa' o' yoran coyanesha' ñeñt puetapor pa'. E'ñe allponmatatsapa' o' rromaña, yacma ama chemere'tnomo.

21 Allempoña ñeñt po'rrocho'merpa' o' yoreran pa'mo'nasheñeñ puetapor. E'ñe allponmatatsapa' ñapa'cho'ña o' rromuerrerr ñaña, ñeñtpa'cho'ña ama chemere'tnomo. Allempoña po'psheñeñ pa'mo'nasheñpa' o' alla yoreranerr ñaña po'norrar. E'ñe allponmaterrtsapa' ñapa'cho'ña o' rromuerrerr ñaña ñeñtpa'cho'ña ama chemere'tnerrero o' atta rromuerrerr.

22 E'ñe attecma pohuet cancherrsheño'maretpa' e'ñe pueyoruarochet ñeñtara puesheñarr coyanesha'. E'ñe allohuenetpa' e'ñe attecma pet rromayestset ama't puesheñarrofetapa' ama chemere'tnomueto. O' rromape-suaña cancherrsheño'mar puerrollaresha'pa' cho rromatsña ñaña coyanesha'.

23 Te'ña ñerra'm po'ñochte' yetantena rromotpa' añña coyanesha' allempoñapa' ¿eseshat'cha'ña puetapor perre' tarro'mar allohuenet cancherrsheño'maretpa' e'ñe pueyoruarochet?

24 Allempoña Jesúsapa' atet oterraneterr:

—Sapa' ñeñto'marca'yeña cha atarr sepanteñ tarro'mar amaca'ye chennasoña seyocho ñeñt e'ñe po'ñoch atet yechateney Yompor po'ñoñ ñeñt atet anuaret ahuatoteñ. Ñaña aña sepantatene' tarro'mar sapa' ama sepoctetññañe Yompor po'huamenc.

25 Tarro'mar esempohuañen allempoch tanterret po'pocheño, allempopa' ama't puesheñarrofeta amach sena'terreto, ama't coyanesha'pa'cho' amach eseshaye' apuerraye ñeñtcha' yorerarahuet. Tarro'mar allempopa' e'ñech atet ñerra'm Yompor po'ñllañoñeñmaneshar ñeñt pue'ntaño'tsa'yen.

26 Sapa' ama'tña selleyareña ñeñt atet quellquet ahuat Moisés attoch seño ama't ñeñt o' colla'huapa' ñetñapa' corretseta. Ñehua, all aquellcayet tsachmo'r ñeñt e'ñe ñofa huortets. Allostaca'yeña Yomporpa' eñorana'tañaña Moisés; ñeñtpa' atetca' otña Yompor allempo: “Napa' ñeñten Po'yomporer pen Abraham ñaña Isaac, ñaña Jacob.”

27 Jesúsñapa' alla oterraneterr:

—Ñehua, yapa' yeñoteñ Yomporpa' ama añeye' Po'yomporer penaye ñeñt rromuets e'ñe poctacma, ñapa' aña'yeña Po'yomporer pene' acheñ ñeñt corretsach. Attoña Yomporpa' e'ñe allame'ttsa entenanet allohuenet ñetñapa' bettetseta. Ñeñto'marca'yeña sapa' atarr sepanteñ.

Añmapa' ñeñt ñoñets ñeñt atarr sherbets, e'ñe metana'tuenan allohuen po'poñechno ñoñets (Mt. 22.34-40)

²⁸ Allempoña huapoña ñaña puesheñarr ñeñt etsotene' ñoñets ñeñt atet anaret, ñañapa' e'mosan ñeñt atet a'pto'tare'teñet Jesús. Ñañapa' e'mosan Jesús e'ñe cohuen anapuenanet. Ñeño'marña ñapa'cho'ña allenta a'pto'tos, ñeñtapa' atet otos:

—¿Erra'tsena't ñoñtsor ñeñt atet anaret ñeñt atarr sherbets, ñeñt ello metana'tuene' ora allohuen po'poñechno ñoñets ñeñt e'ñe parro attecma anuaret ahuatoteñ?

²⁹ Jesúsñapa' atet otap:

—Ñeñt ñoñtsor ñeñt atarr sherbets ñeñt ello metana'tuene' po'poñechno ñoñetspa' ñeñtapa' atet oten: “Se'mñot israelneshacha' attoch señoç: Ñeñt Yeyomporer yepenpa' ñapa' e'ñeca'ye patrra ñeñt Yepartseshar yepen.

³⁰ Ñeño'marña atarrepachña yemorrenteña Yeyomporer ñeñt Yepartse-shar yepen e'ñe ora yeyoçhocmañen. Ñaña e'ñe yecamquëño't yemorreñchach, ñaña yocapñohuen, ama't ñaña e'ñe ora yehuamencohuen.”

³¹ Allotpa' po'poñ ñoñets ñeñt atarr sherbets ñeñtapa' atet oten: “Atar-rcha' yemorrenteña yamo'ts e'ñe atet atarr yemorrentena yañeña.” Añ epo'mar ñoñetspa' ñeñtca'yeña atarr sherbets, ñeñtña ello metana'tuene'ña po'poñechno ñoñets ñeñt atet anaret.

³² Allempoña ñeñt etsotene' ñoñets ñeñt atet anaret, ñañapa' atet oterranerr Jesús:

—Maestrocha' papa' e'ñeca'ye po'ñoç atet poten. Po'ñoç Yomporpa' e'ñeca'ye patrra ama eñalleña po'poñ Yeyomporer patrraca'ye.

³³ Ñerra'm choç yemorrenteña Yompor e'ñe yeyoçhocmañen e'ñe yeñoteñohuen, ñaña e'ñe yecamquëño't yemorreñchach e'ñe yehuamencohuen ñaña ñerra'm atarr yemorrenteña ñaña yamo'ts e'ñe atet atarr yemorrentena yañeña, ñeñtca'yeña atarr nanac sherbets. Elloca'yeña metana'tuenan allohuen po'poñechno ama't ayarraçhno ñeñt yemtsayen Yomporcop, ama't ñaña allohuen ñeñt yachamuen allo yesherbeñ Yompor.

³⁴ Jesúsñapa' atet eñch ñapa' atarr eñnoten ñeñt atarr sherbets Yomporcop, ñeño'marña atet otererr:

—Papa' amaca'ye atarr atonaye' pepallteno attoch e'ñe paçaphuerrñañ Yompor po'cohuenña atto ayochreshatena ña.

Allempoñapa' ama't puesheñarrofetapa' ama eseshaye' a'pto'tenaye' enterayeña Jesús.

Atto Cristo ñeñt Po'partseshar pe't David, elloñapa' o' alla po'mreneñ per (Mt. 22.41-46; Lc. 20.41-44)

³⁵ Allempoña Jesúsapa' alla yeçhaterraneterr all Parets pa'paclo. Ñeñtapa' atet oterraneterr:

—Ñeñt atarr etsotayenayeñ ñoñets ñeñt atet anaret, ñetpa' eso'marte'ña otyenet ñeñtcha' Cristotosets ñapa' aña po'mreneñ pene' David tarro'mar ñeñtcha' Cristoterrets ama aña po'mreneñ pene' David tarro'mar ñapa' Po'partseshare'naña pe't David.

³⁶ Tarro'mar ama't Davidpa' allempo eñorache't Parets Puecamquëñ, allempopa' atetca'ye eñose'tña añecop ñeñtcha' Cristoterrets:

Yompor Parets atet otennan ñeññ Nepartseshar nepen na (ñeññtara ñeññcha' Cristoterrets): "Te'pa' o'ch ñanorruerr arr necohuenrot allcha' pecohuentapreterrna. Attochña ama't ñeññ pe'moñe'tene' napa' o'ch name'ñatuerranet allochñapa' o'ch atet perret ñeññ pemnen ña."

³⁷ Ñeññpa' atetca'ye ote'tña David, ñeññcha' Cristoterretspa' ñeññca'yeña Po'partseshar pe'tña ama't allempoteñ. Ñehua, ama't señoñeña Cristo ñeññ Po'partseshar pe't Davidpa' ñeññña te'pa' o' alla po'mrenñ per ñaña.

Ñeñño'marña Jesús allempo ye'chatenan shonte' acheñenesha' ñetpa' e'ñe pocsheñesha' e'mñoteñet.

Atto Jesúsapa' a'metare'tenan ñeññ etsotayenayeñ ñoñets ñeññ atet anaret, ñeññ atet ye'chenet ñetpa' ñeññpa' ama cohuenaye' entapretenaneto Yompor (Mt. 23.1-36; Lc. 11.37-54; 20.45-47)

³⁸ All ye'chaterraneterr ñeññpa' atet oterraneterr:

—Amach semeñe'tapretatsche omñoñañenesha' pocta'ña ñeññtaretta ñeññet atarr etsotayenayeñ ñoñets ñeññ atet anaret. Tarro'mar ñetpa' aña'ñaña atarr cohuen entenet o'ch chorrenet atarrrom shetamuets o'ch aña yorma'tatse'tenet pa'shtam. Ñaña pommo'cheño'etpa' atarrcha' mueneñet o'ch e'ñe puencha'na'teño' e'ñech cohuen huoncha'tenanet acheñenesha' all chopen'e'chyenet.

³⁹ Ñaña ñetpa' aña'nach atarr muenenet o'ch anorrcha'tyenet judionesha' po'prahuo allecma anorryen ñeññ atarr añcha'na'tpo' entyen allohuen acheñenesha' ñaña e'ñe attecma penet ñaña all rrallme'chapretenet.

⁴⁰ Tarraña ñetñapa' rretorrñanesha'ñaña puerratañpesyenetña pa'paquell. Elloña e'ñe pommo'cheño'etpa' aña atarr muenenet o'ch atet penet ñerra'mrrate' ñetpa' atarr cohuen acheñret ñeñño'marña arr ma'yochyenet all shontena acheñenesha'pa' amach tematenayaya ma'yocheneto. Ñeñño'marña te' napa' o'ch notas ñeññ atet petsa pommo'cheño' elloña atarrcha' a'coñcha'taretterret.

Atto rretorrñanesha' ñeññ atarr huocchañetets ñapa'cho'ña nosan quelle ñeññ Yomporecop (Lc. 21.1-4)

⁴¹ Allempo Jesúsapa' alla anen a'yenteye' allecma na'yenet quelle Parets pa'paclo. Allñapa' shonte' entenan acheñenesha' ñeññ na'yene' quelle Part-socop, shonte' e'cllayoretensesha' ñeññ na'yene' shonte' po'cllayor Partsocop.

⁴² Jesúsña allpa' atta cohuenanet, huapa ñaña pueñeñarr rretorrñanesha' ñeññ atarr huocchañetets. Ñapa'cho'ña nosan eptallatoll quellayetoll ñeññ cobretall, ñeññ quellayerpa' ama tsa'teno, ama es sherbeno.

⁴³ Allempoña Jesúsapa' agotan pueyochresha'pa' atet otanet:

—Te'pa' o'ch notas, añ rretorrñanesha' ama't atarr huocchañpa' ñapa' po'ño'chca'ye atarr aton nosan quelle, ello metana'tuosan allohuen po'potantañe'chno allpon quelle ñeññ na'yenet ñet.

⁴⁴ Tarro'mar allohuenet ñeññ na'yenet quellepa' añaca'ye na'yenet ñeññ a'pcha'tyenet, ñañapa' ama't atarr huocchañpa' e'ñe pomhuahuospan allohuen ñeññ echyen ñeññ muenatenaneñ attoch yoran alloch correna arr patsro.

13

Atto Jesúsapa' eñotatanet e'ñech a'mata'taretetuerra Partsopo'

(Mt. 24.1-2; Lc. 21.5-6)

¹ Allempo čha'nerrerr Jesús Parets pa'pacloť puesheñarrña pueyochre-sha'pa' atet och:

—Maestro, pecuaye'ch, atarruaca' cočhnesha'te' mapyet ñeñ' allo or-ratyet Partsopo', atarr cočhneshačhnoť Parets pa'paclečhno.

² Jesúsñapa' atet och:

—Ama't sentyeñ te' ñeñ' atarr cočhnesha'e' pocollečhno tarraña esem-popa' čherrcha' allempoch e'ñe a'mata'taretetuerra. Ama't e'ñe pueñarra mapyetpa' amach a'puerroña all allo orratenet Partsopo'.

Atto Jesúsapa' eñotatanet shonte'ch entyerret pa'namen ñeñtcha' eñotaterrahuet o' čherrmoch allempoch mellapoterra

(Mt. 24.3-28; Lc. 21.7-24; 17.22-24)

³ Allempoña ahuenerr Olivopnopa' anorruenerr all, e'ñe alla yot Parets pa'pacloť. Allempo anen all e'ñe ñapťochayet allpa' aña epuet Pedro ñaña Jacobo ñaña Juan ñaña Andrés. Ñetñapa' atet oteñet:

⁴ —Te'pa' yemneñ o'ch pťotey, ¿esempo'tcha'ña atet perra? Ñaña allempopa' ¿eso'tcha'ña yentyerr ñeñtcha' yeñotaterre' po'ñočhpa' o'ch čherrmoch allempoch e'ñe etsotuerra ñeñ' atet pťoteny te'?

⁵ Jesúsñapa' atet otanet:

—E'ñech señoterra allochñapa' amach esesha' seshquėrraye.

⁶ Tarro'mar shonte'ch orrterrtsa ñeñtcha' aycha'nataterre' neso'cheñ, ñeñtcha' otyerrets: “Napa' ñeñfenca'yeña Cristotets.” Ñetñapa' shonte'ch shequėret achenenesha'.

⁷ Ñaña allempoña sapa' se'mare'tyerrcha' o' quellareñtsotyerr allampaño'mar, ñaña se'mare'tyerrcha' o' quellareñtsotyerra ora erraparen anetso'mar. Saña allempopa' amach čha seyorenatsto ama't e'ñe mamesha. Ñeñtpa' atetcha'ca'ye e'ñe po'ñočh perra. Tarraña allempopa' amach čhena' allempoch e'ñe mellapoterra.

⁸ Pa'namen achen' ñeñ' e'ñe po'poñe'ttsocma mereñtsoretpa' ñetpa' quel-laranna'terretcha'. Ñaña pa'namen anetsoť amčha'taretečhno'pa' quellaterrancha' pueyochreneshačhno. Pella'yerrach pats ora erraparen. Orrterrach allemeñ muečheñets o'ch e'ñe chaporrñatsotyerr erraparen. Orrterrach ñaña atpare'teñtsočhno attočhña atarrcha' ama'točhtatanna'terret. Ñeñ' atet o' notuas te'pa' ñeñtña allempopa' ñeñtcha'ña ñanom mue-ročhtaterrahuetña allempo.

⁹ 'Sapa' señota'tach allempoch atet perrset. Sanmare'terrach amčha'taretesho allcha' otteñe'cherrset. Sashtarerrach all judionesha' po'prahuo'mar. E'ñe same'ñeñoten na sapa' čhapaterrsetcha' amčha'taretneshesho'mar ñaña allo'tsa'yen ñeñ' nanac amčha'taretnesha'; sapa' allcha' sa'metosnanña neñoñ.

¹⁰ Ñaña allempoch ama mellapoterra'pa' añ cohuen ñoñets alloch sequeshe-perra ñeñtcha' ñanom serppare'tatyeretña allohuen pa'namen achenenesha' ora erraparen allohuanen aňe patsro.

¹¹ Ñaña allempoch sanmare'tetyesa allcha' otteñe'cherrset ama't mame-shapa' amach čha sellca'psatsto, amach sotapsa'tatsto erroťuachca'ye no-tost'e' amčha'taretesho allempoch a'pťo'tare'tapuen. Allempopa' aňcha'ña

se'ñoratosé' Parets Puecamquëñ. Attochña amach e'ñe sotaye' se'ñoroso, añcha'ña se'ñoratosé' Parets Puecamquëñ.

12 Allempoch atet perrsetpa' ñeñt e'ñe semo'nasheñ sepen ñato' ñeñfachca'ye sepomuerre' attoch muetsaterres tarro'mar ñapa' amaca'ye ame'ñeno. Amapa' ñato' pomporpa' o'ch pomuerran ñaña puechemer. Ama't ñaña puechemerpa' ñato' patparñio'pa' o'paterranach pamo'mte' attoch muetsatater.

13 Shonte'ch acheñenesha' ñeñtcha' se'moñe'terre' tarro'mar sapa' naca'ye e'ñe same'ñena. Ama'tcha' atarr muerochtaterretsetpa' tarraña esesha'ch e'ñe ahuaanta'huanmue' e'ñe pueyemteñofen na, ñeñtcha'ña a'qeshpatarettertsa.

14 Ñehua, ahuat Daniel ñeñt a'mtaye't Yompor po'ñoñ, ña po'quellcopa' atet ote't: "Cherrcha' allempo ama't ñeñt ama masosyaye' enteno Yomporpa' ñeñtñapa' cherrcha' all ama't ñeñt e'ñe Partsocpa anareteñ. Ñeñt'pa' ñeñfachca'yeña e'ñe a'chencatuerrahuet." Ñehua, ñeñtcha' lleyerre' añ ñoñetspa' ñetñapa' eñoteretepa'ch. Ñeñto'marña ñerra'm esempoch senter o' cherr all ñeñt ama pocteyaye allempoña ñeñt allpon Judeo'tsa'yen ñetñapa' allorocmuepa'ch yetra'terret, ahuanerretetepa'ña aspentareronet.

15 Atet ñerra'mrrate' puesheña'tets ñato' ñetña allempopa' eno'tsa'yenetcha' pa'pacllato, ñetñapa' sohuetepa'chña tecma tarraña amachña be'tosatsetnomuetoña po'ponreto attoch yoratsre'tnomuet.

16 Ñaña puesheña'tets ñeñt pa'mro'tsenpa' allempoña ñetpa' amachña onatsterreto attoch erreta' pa'shtamuet.

17 Allempopa' atarrcha' llequëñets añecop ñeñt a'chomenare' coyanesha' ñaña ñeñt allohuen emaretetolleshachno. (Tarro'mar ñocpuetpa' atarr torrapo' attoch yetrra'tet ñamet.)

18 Ñaña Yomporcha'ña sema'yocha allochñapa' amach cha huapoto allempoch seyeta.

19 Allempopa' orrtarrach muerochteñets ñeñtcha' atarr muerochtaterre' allohuen acheñenesha'. Ñeñt ama't ahua'apa' ama puemuerochtareto atet atarr nanac huomenc, ama't allempoteñ e'ñe errete' ye'chcatyene' Yompor allohuen pa'namen ñeñt yentyen arr patsro. Allempoña ellopa' amach atet alla muerochterrete'te ama't errponaña.

20 Allempoch atarr amuerochtataretterret. Tarraña allempoña Yomporpa' ñach oterrets "te'pa' allohuach." Ñerra'm amach oto allohuachpa' allempoña ama't puesheñarrapa' amach esesha' qeshperrtso. Tarraña ñeñtña ame'ñenaya ña ñeñt acrenpa' ñocpuetñapa' oterrrcha' "te'pa' allohuach."

21 Ñehua, allempoch orameñ muerochteñetspa' ñerra'm esesha' sote': "Secueña, arro'tsenca'yeña Cristo", amapa' o'ch otaset: "Secueña' tarro'tsenca'ye Cristo", sañapa' amach same'ñatstaneto.

22 Orretyerrachca'ye ñeñtcha' otyerrets ñapa' ño'ña Cristotets. Tarraña ñeñt'pa' attachca'ye shecare'tyerranña acheñenesha'. Orretyerrach ñaña ñeñtcha' otyerrets ñapa' ño'ña a'mtene'ña Yompor po'ñoñ, tarraña ñeñt'pa'cho'ña e'ñech attecma shecare'tyerran acheñenesha', amachña Yomporeye'ña po'ñoñ a'mteno. Ñeñtcha' atet shecare'tyerrets, ñetñapa' orrtatyerretcha' ñeñt ama't ahuaata acheñenesha'pa' ama puentare, attochña cohuanrrortateretña acheñenesha'. Ama't ñeñt Yompor pa'carnesharpa' mueneñetañcha' ñeñte'nachña shequëret.

²³ Señochepa'ch ama't ama 'chena' muerochteñtsopopa' na allohuenpa' o' e'ñe notuas.

Atetcha' perra allempoch huerra Cristo ñeñi Acheñetsosets
(Mt. 24.29-35, 42-44; Lc. 21.25-36)

²⁴ 'O'chña huañerr ñeñi muerochteñtsopa' allempoñapa' choch mayerrets ñaña atsne'. Arrorrrpa'cho'ña o'huañcha' atsnom.

²⁵ Rantochnopa'cho'ña shor'cha'terrcha' entot. Ñaña ñeñi huomencorra'yetsa ento te' allempoña ama't ñeñtpa' pella'yerrach.

²⁶ Allempoñapa' entapuerretcha' na Ñeñen Acheñetsosets o'ch nesuanperra osot e'ñe nepartsoteñohuen e'ñe necohuentefñesha'.

²⁷ Nemñercha' nemillañoteñnanesar, ñetñapa' a'yapa'cha'hueretcha' allemateñ ñeñi acren Nompoc nocop e'ñech pa'tatssherito'marohuen allotecma orrnotena. E'ñech allemateñpa' a'yapa'cha'hueretcha' e'ñe allohuanen añ patsrot.

²⁸ Ñaña te'pa' señochepa'ch ñeñi atet pena higoch. Ñehua, esempoch senteñ higoch o'ch emchayen puetacretollesha' allotcha' o'ch alla tapna'yerrerr pasopaner, sañapa' ñeññaña señoatene'ña o' chenmoch allempoch huoraterrerr.

²⁹ Attecmach perra ñerra'm esempoch sentyerr ñaña ñeñi allpono' notuas, sapa' ñeñtcha'ña señoataterre' po'ño'ch o'ca'ye cherrmoch allempoch e'ñe etsotuerria, o'ca'ye e'ñe allame'tsamerra'.

³⁰ Napa' po'ño'ch o'ch notas, acheñenesha' ñeñi e'ñe corretsa te' ñetña amach e'ñe rromhueneta'pa' allempocmach e'ñech etsoterra allohuen añe'chno.

³¹ Esemphuañen añ enet ñeñi senten te'pa' e'ñech chenca'huerra; patspa'cho'ña attecmach perra e'ñech chenca'huerra. Tarraña ñaña neñoñpa' amach chenquërro ama't e'ñe ahuata.

³² 'Tarraña ñeñi yetroch nohuerrapa' ñeñiñapa' ama eseshaye' eñotenaye. Ama't erro'tsente' atsne' ama't erro'tsen tsapro ñeñtpa' ama't mellañoteñnesha' ñeñi pue'ntaño'tsa'yen ñetpa'cho'ña ama't puesheñarrofetapa' amaña eseshaye'ña eñotenaye allempoch nohuerrerr po'pocheño. Ama't na ñeñen Yompor Puechemeren napa'cho'ña te'pa' ama neñoteñe, ñapñaña Nompoc Parets eñotene'.

³³ 'Sapa' seño'tach ñaña chocmach seño'sertenna ñaña chocmach sema'yochena tarro'mar sapa' amaña seño'teñe esempoch cherr ñeñeño'po allempoch nohuerra.

³⁴ Ñeñtpa' e'ñe atet ñerra'mrrate' puesheñarr yacma ñerra'm esempo ta ba'chayopa' o'ch na'nman pa'taruasañre'chno pa'paclo ñeñtcha' apa'yesnom taruas e'ñe puesheña'ttsocmuet. Ñaña po'poñ pa'taruasañer ñeñtcha' cohuets yetarrot ñapa' atetcha' otnom pamo'mte': "Papa' chocmach peño'seretna."

³⁵ Ñeñto'maña te'pa' o'ch notas: Chocmuepa'ch seño'sertenna na ñeñen Samo'mte' sepen ñeñen sena'nmue' na nepaclo tarro'mar sapa'cho'ña ama seño'tenno esempoch nohuerra. Ñato' ellerronetcha' nohuena, ñato' rro'ch tsapo, ñato' puefarenmoch allempo eñen atollop, amapa' ñato' aromtañach nohuena.

³⁶ O'ch alla noterrerr: Chocmuepa'ch seño'sertenna, ñerra'm machayota nohuerrapa' ñato'rraña alla nentuerres sapa' cha atarr semanrren.

³⁷ Ñeñi atet notenes sa ñeñtpa' allohuenacpasca'ye, ñeñto'maña o'ch alla noterrerr: Chocmuepa'ch seño'sertenna allohuenes.

14

*Atto atarr o'pateñet Jesús o'ch muetsatateret
(Mt. 26.1-5; Lc. 22.1-2; Jn. 11.45-53)*

1 Epomtameñ palltena o'ch alla çherrerr pascuapo allempoch rrerranerr judionesha' pan ñeñt ama anareteyaye chase'. Ñeñña pa'mcha'tareternesha' pen allohuen judionesha' po'cornaneshar epuet ñaña ñeñt etsotayenayeñ ñoñets ñeñt atet anaret, ñetña' aña atarr e'nenet attoch shequët Jesús e'ñe a'nahua esheccha' rremuetpa' o'ch muetsatatchet.

2 Ñetña' otanna'tyenet:

—Tarraña te' pascuapo allempo shontena acheñesha'pa' amachca'ye yer-matsche allañaca'yeña çha ya'tsrre'moçhtateñ acheñenesha'.

*Atto puešeñarr coyanesha'pa' shosan eñmosať Jesús poño
(Mt. 26.6-13; Jn. 12.1-8)*

3 Pamtarrña Jesús'pa' Betanio'tsen all Simón pa'paclo, ñeñña Simón'pa' ñeñt ose't puetarñats. Jesús'ña'pa' all anen all rrallme'chen. Allña'pa' huapoña puešeñarr coyanesha', huapatan eñmosať ñeñtpa' e'ñe ñeñtoche' ñeñt otenet nardo puese' ñeñt ama matsa'to. Huapatañpes puetellmño ñeñña puetellm'pa' añ socheñet alabastro. Allempoña ñeñt coyane-sharpa' potañpsosan eñmosať; ñeñña eñmosaťpa' alla she' Jesús poño all rrallme'chen.

4 Puešeña'tetsña'pa' ñeñña çha atsrre'matanet, atet otanna'tyenet:

—Eso'mare'tña atfa a'pertatosañña eñmosať.

5 Ñeñt eñmosaferpa' amaca'ye matsa'to. Chochñaçho' pomoseñpa' ganañcha' shonte' quelle çhachca'ye metananeña ñeñt trescientos denario. Allempoña'pa' apa'yesaneñcha' ñaña allohuen huocchañneshaçhno.

Ñeñtpa' atet sasare'chet coyanesha'.

6 Allempoña Jesús'pa' atet otanet:

—Semnachñaca'yeña coyanesha' ñeñt atet penen. Eso'mare'tcha' çha muene' satsrre'moçhtana'tapa. Ñapa' atarrca'ye cohuen pösen.

7 Tarraña ama'tcha' çho pomosaneñ eñmosať alloch es apa'yesaneñ huocchañneshaçhno, tarraña çhocmachca'ye eñañña huocchañneshaçhno arr patsro. Nerra'm esempo semneñ o'ch e'ñe cohuen sorratyeyanet ñocpuet çhocmach atet sepanet. Tarraña nañapa' po'ñoçpa' amachca'ye allo'na sentenno arr patsro.

8 Añ coyane-sharpa' aña'ye apuenen ñeñt allpon echyen. Ñeñt atto shosnan te' eñmosať nechtso, ñeñtpa' añeçpa'naca'ye sherben tarremphua allempoch a'yana'terrnaneterr ñeñtcha' epuet pampa'pesnet.

9 Po'ñoçca'ye notenes: Ora erracmañen añ patsro errach serrpare'tayenet añ cohuen ñoñets allemppa' serrpare'chetcha' ñaña atet penen te' añ coyanesha', attoçhña ña'nach yerpunen.

*Atto Judaspa' pomuerran Jesús
(Mt. 26.14-16; Lc. 22.3-6)*

10 Allempoña pueyochresha' ñeñt çharra' puechetsa epsheña, puešeñarrña ñeñt pa'so'cheñ Judas Iscariote, ñaña'pa' allenta ahuo' allo'tsa'yen ñeñt pa'mcha'tareternesha' pa'yen allohuen judionesha' po'cornaneshar. Ñaña'pa' añeçpa sen attoch pomatateran Jesús.

11 Ñeñtña atarr coshatenahuet. Ñetñapa' allempocma a'pochtachet chochca'ye tsa'chetña Judas allpon quelle. Allempoña ñapa' aña e'ñe cotape'chyen errotenotcha' pomuerrañña Jesús.

Atto Jesús'pa' rrallme'chatnenan pueyochresha' attoch chocmach yerpueret ñeñt yoten te' Santa Cena

(Mt. 26.17-29; Lc. 22.7-23; Jn. 13.21-30; 1Co. 11.23-26)

12 Allempoña çapa'muen ñeñt yetñatsro allempoch rrrerreterr pan ñeñt ama anaretayaye chase' allempoch muetserrerterr ñaña carnero; ñeñt'pa' pascuapo. Çapa'muen ñeñt yeterpa' pueyochresha'ñapa' atet ota'mueñet Jesús:

—Te'pa' çerra't pemneñ allcha' yeta'muena allcha' ya'potonañ ñeñtcha' perra' pascuapo?

13 Allempoña ñeñt epsheña pueyochresha' ñeñtcha' mueña, Jesúsñapa' atet otapanet:

—Te'pa' o'ch ahua'muenes anetso allcha' sepocete' puesheñarr yacma ñeñt anmanpene' oñ porrtto. Ñeñtña acheñerpa' o'ch socta'ner.

14 Allcha' be'tosuerr allcha'ña sebe'tosos samña. Allñapa' atetcha' sotos ñeñt apaclatesha': "Yemaestropa' atet oteneý atetcha' yotosep: '¿Erro'tsena'tña pecuarto allcha' nerrallme'chos pascuapo epan neyochresha'?"

15 Ñeñt apaclatesha'pa' gatapascha' eno po'cuarto ñeñt atarr a'yohuen e'ñe cohuen aparet. Allcha'ña sañño'tosña ñeñtcha' yerra' pascuapo.

16 Allempo atet otuanet Jesús'pa' pueyochresha'ñapa' atet'cho' pet, çha ahuanmatset. O'ña çhaçha'tet anetso, e'ñe atet otapanetpa' ñetñapa' e'ñe'cho' atet entoset. Allña añño'tosñañetña rreñets allcha' rrallme'chet ñeñte pascuapo.

17 Allempoña o' puenaso'tenpa' o' çhap ñaña Jesús all epuet pueyochresha' ñeñt çharrasheña puechena epsheña.

18 All anorrçhenet all rrallme'choset, Jesúsñapa' atet otanet:

—Po'ñoçca' notenes: Puesheñarrotes sa ñeñtescha'ca'ye nepomuerre'. E'ñe puesheñarr ñeñt e'ñe parro nerren ñeñtcha'ca'yeña nepomuerre'.

19 Ñetñapa' çha atarr lleca'rrtet. A'pto'tyeset e'ñe puesheña'ttset:

—Ta'm amate' na nepomuerrmochape.

20 Ñaña'pa' atet oterraneterr:

—E'ñe puesheñarrotes ñeñtes çharrasheñas sepchena epsheña ñeñtña netsapechapretene' nerrar, ñeñtcha'ca'ye nepomataterre'.

21 Po'ñoçca'ye te'pa' allo'na sen etsotnomtsa ñeñt atet anuaret Yompor po'ñoñ nocop na Ñeñten Acheñetosets; attotcha' muetsaterrnet. Tarraña nocoppa' e'ñe pocete'; añña po'ñoç acheñer ñeñtcha' nepomuerre' ñocopñapa' atarr llequeñets. Añ acheñrecoppa' e'ñeca'ye poceteñ amachña'cho' eñalletatstañe.

22 All rrallme'chenet, Jesúsñapa' chetan pan parasyoso'tan Yompor. Parasyoso'tuepa' shota'tan panpa' apa'yesan pueyochresha'. Ñeñt'pa' atet otanet:

—Sagapyes, añmapa' ñeñtcha'ña nechets sepen.

23 Allotñapa' chetan ñaña orramets parasyoso'tuerrerrpa' apa'yerraneterr. Ñetña allohuenetpa' e'ñe orryesuahuet.

24 Jesúsñapa' atet oterraneterr:

—Añpa' nerrasca'ye sepeñ ñeñtcha' ashatarettatsa shonte' acheñenesachop. Añ nerraspa' alloch e'ñe etserra a'pochtterra acheñenesha' Apuesho.

²⁵ Na te'pa' o'ch notas: Amach alla norrerre'te añ narmetsos tayoteñ tarremphuach allempoch alla ello yorrerrerr parro allempoch añcha'taretetuerra Yompor.

Atto Jesús'pa' eñotatan Pedro ñapa' ðhocmach a' nasocha
(Mt. 26.30-35; Lc. 22.31-34; Jn. 13.36-38)

²⁶ Allempoña o' morrechuanmuet Yomporecoppa' ahuaneneterr Olivopno.

²⁷ Allñapa' atet otosanet Jesús:

—Añ tsaprocmaç sa allohuenespa' sa'ypo'ña' huanmuencha' tarro'mar Yompor po'ñoñopa' atetca'ye anuaret, ñeñtpa' atet ote't Yompor nocop: "O'ch nemtsater ñeñt cohuanmpene' carrnero, po'carrnerorñapa' ðhach martra'tyesa allemeñ."

²⁸ Jesúsñapa' atet oterraneterr:

—Tarraña esempoch alla netanterra napa' nanomcha' oterrtsa Galileo.

²⁹ Allempoña Pedropa' atet och:

—Ama't allohuenet ñerra'm a'ypo'ña' huerrpetcha'pa' naña ama't ahuatapa' amach na'ypo'ñerrepe.

³⁰ Jesúsñapa' atet otererr:

—Po'ñoçhca'ye o'ch notaþ, aña tsaprocmaç ama't e'ñe epocha amach eñena' atollop þañapa' o'ch ma'poch þa' nasotenna.

³¹ Pedroñapa' alla otererr:

—Ama'tcha' yerromhuanen parropa' naña po'ñoçhpa' ama't parrocha amach na' nasotaþo.

Allohuen pueyoçhresha'pa' ñetpa'çho'ña e'ñe attecma otyenetañ ñamet.

Atto Jesús'pa' ma'yochuena all oteñet Getsemaní
(Mt. 26.36-46; Lc. 22.39-46)

³² Alloñapa' çhap Jesús pueyoçhreshohuen all narmetsmño, ñeñtpa' añ pa'so'cheñ Getsemaní. Allñapa' otosanet:

—Te' sapa' allach sanorrçha'tos arrma, napa' o'ch nema'yochena'.

³³ Allñapa' aña anmos Pedro ñaña Jacobo ñaña Juan. Jesúsñapa' ama't mameshapa' ama eñmateno pueyoçhro, çha nanac allpatena.

³⁴ Allempoñapa' atet otosanet:

—Napa' çha chepoçheneñ nellquëña neyoçhro, çha muene' nerromuen nellquëñoñ. Sapa' allasa'tach arr secuapretosno'tach.

³⁵⁻³⁶ Ñaña'pa' ahuo' a'yenteye' all rremosa patso atet ma'yochosa:

—Apa, þocoppa' ama eñalle ñeñt ama errofen apen penteno; ñeñto'mar te'pa' noteneþ amach pemnatatsche o'ch çhapona ñeñt atarr amuroçhtatañ* nenten na. Tarraña ñerra'm þach muenatspa' añepa'chña atet pepaton ñeñt pemnen þa, amachña añeyaye ñeñt nemnen na.

³⁷ O'ña atet ma'yochuapa' o' ahuer allotsa'yen pueyoçhresha' ma'psheña. O' çherr allpa' alla entuerranet ñetñapa' çha atarr manrrenet. Allempoñapa' otuerran Pedro:

—Cha't Simóna atarr pemos. Ama't mamesha are'tña acuenaye' penteno.

³⁸ E'ñe seño'srteño'pa' çhoña sema'yochosa allochñapa' attoch amach sañeña a'puerrataterro topateñets ñeñt'cha' sehuapoya atarr huomenc. Ñeñtpa' ama't atarr semneñeñ tarraña sechetsñapa' amaca'ye ahuañenacateye' penso, ñeñto'marña notenes ðhocmach sema'yochena.

* 14:35-36 Ñeñt amuroçhtatañ ñeñtpa' po'ñoçh ñeñtpa' añ atma'ntataret ñerra'mrrate' ñeñt atarr pesherr yorren orranñtsot.

³⁹ Jesúsñapa' alla ahuererr puepocheño o'ch ma'yocherrerr, ñeñfara atet otuerrerr.

⁴⁰ O'ña alla ma'yochuerra'pa' allempoñapa' huerrerr, alla entuerranerr pueyochresha' ñetñapa' o' alla manrrerretter; cha nanac atserr moñe'tenet. Ama eñoteñeto errotentcha'ña otapuerete'.

⁴¹ Jesúsñapa' alla ahuererr ma'yochatsa. O'ña ma'yochuerra'pa' allempoñapa' alla huerrerr poma'pocheñohua, atet otuerranerr pueyochresha':

—Ama't teme'ttsenpa' alla't semanrren; ama'tpa' alla sames. Te'pa' ñeñtepa'ta, señoche'pa'ch o' chap allempoch pomataterret na Ñeñten Acheñetosets atotcha' errotuanen perren ñeñt atarr ochñafenesha'.

⁴² Te'ñapa' setanterra o'ch ahuey o'ch yepocte'. Secue'ca'ye ñeñtcha' nepomue' ñeñtpa' alla'tsena.

Allempromoset Jesús

(Mt. 26.47-56; Lc. 22.47-53; Jn. 18.2-11)

⁴³ All atet eñorena Jesús'pa' cha huapatsa puesheñarr ñeñt pueyochresha' peneñ ñeñt a'pchenahuet epsheña, ñeñtñapa' añ Judas. Ñaña'pa' hua'cha'tatan shonte' acheñenesha' occhelletareret ñaña etsachperetareret. Ñehua, añ ñeñt hua'cha'ttsapa' añ mueñenahuet ñeñt pa'm'cha'tareternesha' pen allohuen judionesha' po'cornaneshar ñaña ñeñt etsotayenayeñ ñoñets ñeñt atet anaret ñaña ñeñt pompornesha' pen allohuen judionesha'. Ñetca'yeña mueñene'ña ñeñtcha' rromuenaya' Jesús.

⁴⁴ Ñehua, Judas ñeñtcha' pomuerre' Jesús'pa' ñaña'pa' atet otnoman acheñenesha' ñeñt anom attoch cheme'toset Jesús. Ñeñtpa' atet otnomanet:

—Erra'tsencha' nehuom'cha'tos e'ñe netso'ttsapa'teño'pa' ñeñtca'yeña Jesús. Sañapa' ñeñtcha'ña serrmospa' o'ch sanem' e'ñe sehuamencocma.

⁴⁵ Allempoña huapapa' cha ponmosaya Jesús huom'cha'tos e'ñe puetso'ttsapa'teñesha', atet otos:

—Tsapo, Maestrocha'.

⁴⁶ Allempoña acheñenesha'pa' ponmosyet Jesús'pa' rromoset e'ñe po'huamencocma.

⁴⁷ Allempoña puesheñarr ñeñt Jesús pueyochresha' ñaña'pa' po'cchella cheta'pa' o'ch chonto'tapanen cornesha' pueñañra puetepa'tcha' tsorroñ. Ñeñtpa' año pueñañra ñeñt pa'm'cha'tareter pen allohuen judionesha' po'cornaneshar.

⁴⁸ Allempoña Jesús'pa' atet otan acheñenesha':

—Eso'mare't sehua'cha'tennanaña e'ñe occhelletareroches ñaña etsachperetareroches attoch serrma'n. Napa' ze'ñe't atet sentenen ñerra'mrrate'eñeten?

⁴⁹ O' allponmatuanen allo'tsenen Parets pa'paclo e'ñe parro sesho, eso'mare'tña amaña allempocmaña serrma'ne'te. Ama'tpa' attepa'ca'ye perra allochñapa' attoch e'ñe etsotuerra ñeñt allpon quellca'yese't nocop ñeñt a'mta'yeyaye't Yompor po'ñoñ.

⁵⁰ Allempoña allohuen pueyochresha'pa' allorocma a'ypo'ña'huamnet, ñetñapa' yetrra'tuet.

Atta a'yetachet puesheñarr huepuesha' allempo muene' rromuetañ ñaña

⁵¹ Ñehua, allempopa' allo'tsen ñaña puesheñarr huepueshachor ñeñt epuet ta Jesús. Ñaña'pa' cha muelle'mquën atta epamco'tnoma. Ñapa'cho'ña ahuo'ch rromuetañpa'

52 aña a'meyampereta' allo epamco'tena, huepueshachorñapa' muelle'mcota a'yetchet.

Allempo chapata'mueñet Jesús all ap'cha'muena allohuen judionesha' pa'm'cha'tareternesha' ñeñt a'pocatyene' ñoñets
(Mt. 26.57-68; Lc. 22.54-55, 63-71; Jn. 18.12-14, 19-24)

53 Acheñenesha'ña ñeñt rromose' Jesús'pa' ñetñapa' arr anmet allo'tsen ñeñt pa'm'cha'tareter pen allohuen judionesha' po'cornaneshar. Allñapa' all ap'cha'ñaña ama't allohuen cornaneshachno ñeñt pa'm'cha'tareternesha' pen judionesha' po'cornaneshar ñaña ñeñt pompornesha' pen allohuen judionesha' ñaña allohuen ñeñt atarr etsotayenayeñ ñoñets ñeñt atet anaret judioneshacop. Ñetña allohuenet e'ñe all ap'chenet.

54 Pedropa' ñapa'cho'ña cote' tarraña ñapa' chenta' en a'yot. Cornesha' po'pampopa' allñapa' anorros epuet ñeñt guardianesha' all a'torenet tso' all shotoset parro.

55-56 Cornaneshan'ña pa'm'cha'tareternesha' ñaña allohuen ñeñt chocma a'pocatyene' allohuen ñoñets ñeñt judioneshacop, ñetñapa' aña atarr e'nenet ñeñt'cha' a'metare'tam'p'pose' Jesús allochñapa' attoch muetsatachet. Ama't shonte' huapatsañ ñeñt'cha' toma'tam'p'sosayeñpa' añcha'taretnesha'ña ama't puesheñarrofetapa' ama eseshaye' entayaña attoch muetsatateret tarro'mar allohuenet ñeñt toma'tam'p'sosayeñpa' ama e'ñe attecmaye' otosetona Jesúsocop.

57 Allempoña tom'cha'tos ñaña po'potantañ; ñetpa'cho'ña toma'tam'p'soset Jesús; ñetñapa' atet otoset:

58 —Ya ahuañapa' ye'me'tca'yeña Jesús atetca'ye ote't: “Napa' o'chca'ye na'materrñañ añ Parets pa'paquell ñeñt'pa' acheñaca'ye pueye'chcatar; tarraña poma'pamtañoñapa' napa' o'chca'ye alla natomater po'poñ ñeñt'pa' amachca'ye añeyaye ñeñt yechcaten acheñ.”

59 Tarraña ama't atet toma'tam'p'sesyosetañpa' ama e'ñe attecmaye' otoseto.

60 Allempoña cornesha' ñeñt nanac añcha'taret allenta tompa' atet otan Jesús:

—Pañapa' ¿ama'tcha'ña ñapanapaneto? ¿Erroñenote'tña otteñe'chenpet?

61 Jesúsñapa' ama eñoreno, ama anapuenaneto. Allempoña cornesha'pa' alla otererr:

—Te'pa' o'ch notap, nemneñ o'ch p'oten p'apa' ¿p'a'tña ñeñt'p'ete' Cristotosets? ¿Ñeñt'p'ete' Parets Puechemerep, ñeñt Parets chocma ya'ye'chochtateññañ?

62 Jesúsñapa' atet och:

—Napa' ñeñt'fenca'ye. Elloña napa' o'chca'ye notas, senterrencha' na Ñeñt'f' Acheñetosets o'chca'ye alla nanorruerr Parets po'cohuenrot. Ñaña po'pocheño o'ch sentapuerren o'ch nesuan'p'erra osot Yompor pue'ntañot.

63 Cornesha'ñapa' ñeñt'f' e'm'pa' allenta r'rarre'tan pa'shtam e'ñe pat-srre'mueño't, ñeñt'pa' atet ot:

—Te'pa' amachca'ye ye'natsche po'psheñeñ ñeñt'cha' a'metam'p'sose'.

64 Te' ama't sapa' o'ca'ye se'm' atet achm'f'are'tenan Yompor. ¿Errofena't senteñña sa?

Ñetña allohuenetpa' atet otyeset:

—Ña po'ñoçhpa' atarrca'ye nanac achm̄are'tenan Yompor, pocte'ñäçho' te'pa' o'ch semtsatach.

⁶⁵ Allempoñapa' a'coshare'tyeset, huancacle'chet pa'cloyotpa' çhota'tyeset. Pachm̄are'teño'fet atet otyeñet:

—Te'ña eñoratenperrepa' Parets allochñapa' attoch potey esesha'te'ña peçhota'tyene'.

Ama't guardianesha' ñetpa'çho'ña o' çhota'chet.

Atto Pedropa' a' nasotana Jesús

(Mt. 26.69-75; Lc. 22.56-62; Jn. 18.15-18, 25-29)

⁶⁶ Pedroña allempopa' patsote'tsen pampa'tollo. Allempoña allpa' huapa puesheñarr coyanesha' ñeñt sherbene' cornesha'.

⁶⁷ Ñaña'pa' entosan Pedro all shotenana tso'. Cohuana'tospa' atet och:

—Paca'ye e'ñe cotaye'tña Jesús ñeñt nazareto'marnesha'.

⁶⁸ Pedroña anapue'pa' çha a'nasochapa' atet och:

—Napa' amaca'ye nentareña, ama't napa' amaca'ye neñoteñeña ñeñt atet potenen.

Allempoña Pedropa' ahuerr; çherr allotecma be'tenet o'ch çhapuet o'pono pampo. Allempoña allenta eñen atollop.

⁶⁹ Allñapa' entuererr coyanesha' ñeñt cornesha' pueñañra. Ñaña'pa' atet oterranerr ñeñt parro allo'tsa'yenet:

—Añ acheñerpa' ñeñtca'ye e'ñe parro yemtenet ahuaña.

⁷⁰ Pedroñapa' alla a'nasotererr. O'ña o'çhterrerrpa' ñeñt tomçha'tyets all, ñetpa'çho'ña atet otereterr:

—Po'ñoçhca'ye papa'çho'ña e'ñeca'ye parro seyemtena tarro'mar p̄apa'çho'ña galileo'marnesha'pca'ye ñeñto'mar e'ñe atet peñen ñerra'm ña.

⁷¹ Allempoña Pedropa' e'ñe pueshquëñoñanetpa' atta otatse'tyerraneterr, ñeñt̄pa' atet otanet:

—Napa' e'ñe Yompor pa'so'çhño notenes, ñerra'm amate' po'ñoçhoye' notensopa' te'pa' nerromuepa'. Napa' po'ñoçhca'ye ama nentareña añ yacmar.

⁷² O'ña atet otuanetpa' e'ñepa'tcha' allempocma puepocheño eñenña atollop. Allempoña Pedropa' alla yerpuerrana ñeñt atet oteñ Jesús: “Ama't e'ñe epocha amach eñena' atollop p̄aña'pa' o'ch ma'poch p̄a'nasotenna.” Allempoña Pedropa' allenta atarr yahuenta huomenc.

15

Allempo çhapata'mueñet Jesús allo'tsen amçha'taret Pilato

(Mt. 27.1-2, 11-14; Lc. 23.1-5; Jn. 18.28-38)

¹ Tsapa't o' taya puetarenpa' ñeñtña pa'mçha'tareternesha' pen allohuen judionesha' po'cornaneshar ñetñapa' apçha'mueneterr parro epuet ñeñt pompornesha' pen allohuen judionesha' ñaña añ ñeñt atarr etsotayenayeñ ñoñets ñeñt atet anaret epuet ñaña po'potantañ ñeñt po'tarus pene' o'ch a'pocatan ñoñets judioneshacop. Ñetñapa' cotape'chatannetset, attoña o' e'ñe a'pocata'mueñet atetcha' p̄a'mueñet Jesús. Jesúsñapa' o' huancota'tuet allempoñapa' anma'mueñet allo'tsen amçha'taret Pilato (ñeñt nen gobiernot Romot ñeñt amçha'tarettetsa allo'marneshacop).

² Pilatoña a'p̄to'tapan Jesús'pa' atet och:

—Papa' ç̄pa'tña amçha'tarettetsaña judioneshacop?

Jesúsñapa' atet och:

—Napa' ñeññenca'ye atet p̄oten.

³ Ñeññ pa'm̄cha'tareternesha' pen allohuen judionesha' po'cornaneshar, ñetña allpa' shonte' pa'namenot otteñe'cha'mueñet Jesús.

⁴ Pilatoñapa' atet otererr:

—Papa' ¿are'tcha'ña p̄anapaneto? ¿Ama't pe'muenanetoña ñetpa' pa'namenot a'metare'tam̄penpet?

⁵ Jesúsñapa' ama't e'ñe parrocha ama anapuaneto. Ñeñño'marña Pilatopa' cha atarr cohuana'tapan Jesús.

*Atto amcha'taret Pilatopa' otanet, ama'tpa' chosa muetse'ña Jesús
(Mt. 27.15-31; Lc. 23.13-25; Jn. 18.38-19.16)*

⁶ Ñehua, ñetpa' atetca'ye yechenet. E'ñe pate'tets char allempoch cherrerr pascuapo, ñeññña amcha'taret ñeññ nen gobierno' Romotpa' ñañapa' chocmach a'rroyerran puesheñarr judioneshacop ñeññ ayottam̄psarettetsa allempo, ñeññara ñeññ pamo'ts penet ñet. O'ch ap Janet erra'tsentho' enamuenet ñeññ muenenet ñet. Ñeññpa' añecop a'rroyenanetña puesheñarr pamo'tset attoch e'ñe cohuen coshatenan allohuen judionesha'.

⁷ Ñaña e'ñe allempopa' allo'tsen puesheñarr judionesha' ñeññ ayot-tam̄psarettetsa ñeññpa' añ pa'so'cheñ Barrabás. Ñehua, ñeññ Barrabás ahuañmo'choteñ yottañpeñet epuet po'potantañ tarro'mar ñetpa' ñetca'ye yechatenetña achenesha' atpare'chetepa'to' amcha'taret ñeññ nen gobierno' Romot. E'ñe patpare'teñofoet o' muetset ñaña acheñ.

⁸ Allempoña achenesha'pa' cha'cha'tet Pilateshopa' ñetñapa' atet otoset:

—Te'pa' o'ch p̄a'rroyerrnay puesheñarr ñeññ atet chocma peperrnaye't.

⁹ Pilatoñapa' atet otapanet:

—Sapa' ¿añe'tña semnen o'ch na'rroyerrnas ñeññ amcha'tarettetsa judioneshacop?

¹⁰ Ñehua, Pilatopa' atet otapan achenesha' tarro'mar ñapa' eñotenan cornaneshachno pa'm̄cha'tareternesha'pa' ñetpa' e'ñeca'ye pue'moñe'tateñme'chatsa pomueñetña Jesús.

¹¹ Tarraña ñeññ pa'm̄cha'tareternesha' pen judionesha' po'cornaneshar ñetñapa' aña atarr cotape'chatenet achenesha' attoch ñetpa' allohuenetpa' o'ch ochet Pilato: "Añcha' p̄a'rroyerrnay Barrabás."

¹² Allempoña Pilatopa' alla oterraneterr:

—Ñehua, añ ñeññ soten judionesha' pa'm̄cha'tareter, ñapa' ¿errofo'e'tcha'ña nepe'?

¹³ Ñetña puerranare'teñofoetpa' atet otyeset:

—Ñapa' ¡pecorso'tam̄psachñaca'ye!

¹⁴ Pilatoñapa' atet oterraneterr:

—Ñapa' ¿eso'tña pen ñeññ ama't mameshapa' ama pocteye' sentapreteñe?

Ñetñapa' alla rrannarterretter huomencpa' atet oterretter:

—Ñapa' ¡chopañaca'yeña corso'tam̄psate'!

¹⁵ Pilatoñapa' añ atarr muenen o'ch coshatan achenesha' ñeñño'marña a'rroyerranet Barrabás ñeññ enamueñet. Allempoña ashtatan ñaña Jesús allotñapa' otan po'solltarneshar:

—Te'pa' o'ch secorso'tam̄peña'.

16 Ñehua, solltarnesha'ña ama aneñeta' allcha' corso'tam̄psoset arrña ñanom anmetña Jesús am̄cha'taretepahuo. Allña agotachet allohuen po'potantañ solltarnesha' ñeñt̄ allo'tsa'yen o'ch e'ñe ap̄chet Jesúsesho.

17 Allñapa' pa'llocchame'teñōfet Jesús chorrachet shetamuets tsamamueno' quelluemamtena ñeñt̄ pa'shtam pen ñeñt̄ po'ñōch am̄cha'tarettetsa. Pellta'toñet ñaña choyo'mets agrechpa' ñeñt̄ña choyo'mt̄achet ñeñt̄ atet choyo'mtena ñeñt̄ po'ñōch am̄cha'tarettetsa.

18 Pachm̄are'teñōfetpa' atet oteñet:

—jPuetare' am̄cha'taretecha' atarruaca' cohuenep̄te! pa' ñeñt̄ep̄ judionesha' pa'm̄cha'taretepē.

19 Pueche'tatseteñōfet asto'tame'teñet tsachpo poño, a'coshare'teñet, allempoña concorpana'teñet, ottenetañ ñerra'mrrate'cho' muechatse'teñet.

20 O'ña achm̄are'tuahuetpa' allempoñapa' rrotam̄peret shetamuets tsamamuen chorrateret e'ñe ña pa'shtam. Allempoñapa' anmet a'yo allcha' corso'tam̄peñeta'.

Atto corso'tam̄psoset Jesús

(Mt. 27.32-44; Lc. 23.26-43; Jn. 19.17-27)

21 E'ñe ahuanmatsetpa' allña oñenetpa' o' poctet puesheñarr yacma ñeñt̄ cireneo'marnesha' ñeñt̄pa' añ pa'so'cheñ Simón ñeñt̄ errete' huerrtsa a'yot. Ñaña'pa' allenta chechatnomet po'corsoch. Ñeñt̄ña Simónpa' ñeñt̄pa' añ pompor pen Alejandro ñaña Rufo.

22 Chapachet all socheñet Gólgota ñeñt̄ yoten yeñoño Poñetallep̄no.

23 O' chapachet allpa' Jesús'pa' aposetañ vinos ñeñt̄pa' añ atsetaret pueretso ñeñt̄ atarr pesherr ñeñt̄ otenet mirra tarraña Jesús'pa' ama mueno o'ch orr.

24 Allempoña o' corso'tam̄pesuetpa' solltarnesha'ñapa' allenta yellsheñe'chatoñet pa'shtam po'suertot attoch orrtet e'ñe puesheña'tsetpa' o'ch yorayesñañet pa'shtam puema'tets.

25 O'ña enome'ta'muen atsne' allempoca'ye corso'tam̄psa'mueñetña Jesús.

26 Ñehua, poñōfpa' all corsocho all noñet tsachtall aquellcarēt attochña eñōteñet ñeñfocop corso'tam̄peñet. Ñeñt̄ña quellecpa' atet oten: “Añpa' ñeñt̄ca'yeña judionesha' pa'm̄cha'tarete'.”

27 Allña corso'tam̄ps̄et epuet ñaña epsheña eñēt, puesheñarrpa' nosñañet po'cohuenrot, po'psheñeñña'pa' nosñañet pue'chcoterot.

28 Attoca'yeña etsoterraña Yompor po'ñōñ ñeñt̄ atet anuaret ahuatoteñ Cristocop; ñeñt̄pa' atetca'ye oten: “Ñapa'cho'ña e'ñech attecma enteret ñerra'mrrate' ñeñt̄ atet p̄atse'tyene' ñeñt̄ ama pocteyaye.”

29 Ñeñt̄ña oñmachets allpa' ñetpa'cho'ña chocma achm̄are'tneñet. Pachm̄arñōfetpa' coño'coñtana'tyesneñet, ñeñt̄pa' atet otyesneñet:

—Pa' ñeñt̄ep̄ pommo'cheñōfpa' potatse'te' po'ch a'materrayeñ Parets pa'paquell, poma'pamtañocmo'ch alla p̄atomatereñ,

30 te'ñapa' pa'queshp̄aterrañaca'ye e'ñe pañeña, pesuerrañaca'yeña tayecma corsochof.

31 E'ñe attecma achm̄are'teñ ñaña ñeñt̄ pa'm̄cha'tareternesha' pen judionesha' po'cornaneshar ñaña ñeñt̄ etsotayenayeñ ñoñets ñeñt̄ atet anaret. Ñetñapa' e'ñe parroca pachm̄are'teñōfpa' atet otatse'tyeñet:

—Te'ña papa' o' pa'queshpatyes po'potantañ, pañapa' eso'mare'tcha'ña te'pa' ama errotenōt pa'queshp̄aterroña e'ñe pañeña.

32 E'ñe pachm̄are'teñōfetpa' atet otyereterr:

—Papa' ñeñfepo'ca'ye Cristotostsañ, ñeñfepo'ca'ye israelnesha' pa'micha'tareterpeñ, pesuerrañaca'ye corsochoť allochñapa' attoch yame'ñaña yama.

E'ñe attecma pe' ñaña eñeñ ñeñť epuet corso'tampeñet, ñetpa'cho'ña atarr es otnare'chet allot po'corsochoť.

Atto rroma Jesús all po'corsocho

(Mt. 27.45-56; Lc. 23.44-49; Jn. 19.28-30; Heb. 9.11-14)

³³ O'ña chap poctopa' o'huañ atsnom o' e'ñe checmetua ora errařaren aña patsro, o'ña ellerroténmochapa' o' alla puetarerr.

³⁴ Allempoña ellerrotnenmochapa' Jesúsñapa' rrana huomenc, ñeñřpa' atet ot e'ñe ña po'ñoño:

—Eloi, Eloi, lama sabactani. Ñeñřña ñoñřsopa' atet oten: Eso'maruachñaca'ye Neyompor-recha' pa'ypo'ñerren.

³⁵ Puesheña'tetsña ñeñť tomčhets all ñeñť e'mue' atet oten Jesús, ñetñapa' amaca'ye e'mueññañeto po'ñoñ ñeñť atet oten, ñeñřo'marña ñetpa' čha otye-set:

—Se'mueñe't o' čha čhore'tante' Elías ñeñť a'ñtaye't ahuať Parets po'ñoño.

³⁶ Allempoñapa' mata puesheñarr ñeñť allo'tsen, e'čhomosan chella'so ñeñť atsotso'tpo' o' ne' tsachřopa' allotña tsotso'tatosanña Jesús. Ñañapa' atet otanet:

—Te'pa' o'ch yecue' Elías ñato'rraña o'ch huapapa' ñach a'suatose'.

³⁷ Allempoña Jesússpa' o' alla rranerrerr huomencpa' rroma.

³⁸ Allempoña besom allo yottampeññañet Parets pa'paquell o'ponopa' ahuepa't rrrarra'nom e'ñe poctacma, ellopa'tetsta enoteñ e'ñe sotatsohua.

³⁹ Capitánña ñeñť romo'marnesha'pa' ñeñť tets allame'tets ñañapa' e'ñe entenan Jesús atto rroma, allempoña ñapa' atet ot:

—Po'ño'čhuaca'ye añ acheñerpa' Partsepa'tca'ye Puechemer.

⁴⁰⁻⁴¹ Allo'tsa'yen ñaña shonte' coyaneshačhno, ñetñapa' a'yota cohuanrrortenet. Ñetpa' ñetca'yeña cota'huanmue'ña Jesús Galileoteñ ñeñť sherba'yese'ť. Ñeñřpa' María Magdalena ñaña po'psheñeñ María ñeñť Jacobo pachor ñaña José. Ñehua, ñeñť Jacobopa' puechoyomer peñ José. Allo'tsa'yen ñaña shonte' po'potantañ coyaneshačhno ñeñť cota'yese'ť Jesús Jerusaléño.

Atto pampuet Jesús

(Mt. 27.57-61; Lc. 23.50-56; Jn. 19.38-42)

⁴² Atteñapa' o' ellerren. Ñehua, ñeñť yetñatsropa' allempoca'ye čhocma añño'tena judionesha' ñeñť tsapatēcop allempoch ameserretter.

⁴³ Ñeñřo'marña allempopa' Joséña ñeñť arimateo'marnesha'pa' ñañapa' ama pueñcha'ñoŕeye' ahuoso Pilatesho o'ch oteña' pocte'ch eñch ñach a'suatose' Jesús ñeñť rromuets corsocho. Ñehua, ñeñť Josépa' atarr cohuen acheñ, atarr añcha'na'tpo' enteñ allohuen ñeñť parro a'poctatenet ñeñť llequēna allohuen judionesha'. Ñapa'cho'ña ñeñť atarr cohuen e' Yompor esempohuañencha' o'ch atarr ayochreshatterra.

⁴⁴ Allempo atet enamosan Pilato, Pilatoñapa' atet ot:

—Ta'm ĩpo'ñočhte' o' rromaña e'ñe mamecma?

Allempoñapa' agotan solltar po'cařtanerpa' a'řto'ch:

—¿Po'ño'čha't o' rromaña Jesús?

⁴⁵ Capitánñapa' atet otos:

—Po'ñočhca'ye o'ca'ye rroma.

Pilatoñapa' atet otan José:

—Ñeñtepiñapa' pa'suater corsochotpa' pañerca'ye.

⁴⁶ Joséñapa' allenta rañfosana emarr shetamuets, çherr corsochopa' a'suaterranña Jesús corsochoť all rromuen. Epatse'ch shetamtso ñeñ e'ñe cohuen. Allempoñapa' anem allcha' pampueña'. All eñatenan mapuetpon allca'yeña nenana'ña Jesús. Allempoñapa' attome'tuerrñañ mapue' allo yot-tanpesner ñeñ puepampuer pach.

⁴⁷ All cohueñ María Magdalena ñaña po'psheñeñ María, José pachor. Ñetñapa' e'ñe enteñet all na'neret Jesús.

16

Atto tanterra Jesús

(Mt. 28.1-10; Lc. 24.1-12; Jn. 20.1-10)

¹ O'ña huañ yet allempo amesenet, María Magdalena ñaña Salomé ñaña po'psheñeñ María ñeñ Jacobo pachor, ñetñapa' rañta'yesnenet eñmosať ñeñcha' anma'muenet tsapat Jesús puepampro alloch a'yana'tereta' ama't rromota.

² Tsapat allempo motta'muena yetñats temenc ñetñapa' e'ñe ahuatecma ahuanma'muenet Jesús puepampro. O'taya huapa'muena atsne'pa' allempo ahuanma'muenet.

³ Ñetñapa' otanna'tyesnomuet:

—Ta', esesha'ch a'rrote'te'ña mapue' añecmuen ñeñ allo yottanpeñet attoch yebe'tos all puepampro esheccha' ya'yana'tera' eñmosaťo.

⁴ Ñetña çhapatseta all, cohuostseta entoset mapue' o' a'rrote'tarettena a'yenet, ama't ñeñ mapue'pa' añecmuen.

⁵ Ñetña allempo be'tososet puepampro allñapa' all entoset puesheñarr hupesha' all anen po'cohuenroť. Pa'shtamñapa' atarr huallama't, çha torats panet pueyoçhret.

⁶ Ñeñña mellañoťeñerpa' atet otapanet:

—Amach çha seyorenatsto. Napa' neñotenes añca'ye semnen o'ch senta'mueñ Jesús ñeñ otenet nazareto'marnesha' ñeñ o' corso'tanperret. Tarraña ña te' o'ca'ye tanterra, ama arro'tsenaro. Secueña'ca'ye all neretañ, amaca'ye eñalle.

⁷ Allempoña mellañoťeññapa' alla oterraneterr:

—Te'pa' o'ch ahuerres o'ch sotuer Pedro ñaña po'potantañ pueyochresha', Jesús oten o'ch ota o'ch ahuer Galileo. Choscha'ña ahuanmatsa sanña allochñapa' allcha' senter ñeñ atet otase't ahuaña.

⁸ Allempoña coyaneshaçhno atet otaretet all Jesús puepampro, ñetña çha'nmaçherretpa' matenacma ahuanerret po'yorñoťetpa' çha yonshema'tyesnerret. Ponñañoťet ama't e'ñe eseshapa' ama errotenaye' otenaye' entnerreto.

Allempo tanterra Jesús pa' añ ñanom orrterra María Magdalena

(Jn. 20.11-18)

⁹ Ñehua, ahuatecma tanterra Jesús añe yetro allempo motta'muenerr yetñats temenc. Allempo tanterrapa' añ ñanom orrterra María Magdalena. Ñeñña Mariapa' cançherrsheña oneñeñ ñeñ chorraye't Jesúsñapa' e'ñe queçhpatanpsatuer.

10 Maríañapa' allenta ahuo' o'ch otenana' ñeñ' epuet yemte't Jesús all puellquëño'et atarr yahuanrrorrenet.

11 Ñetña allempo e'mare'chet o' tanterra Jesús, Mariapa' o'ca'ye enter, ñetñapa' arepa'tcha' ame'ñyeto.

Allempo Jesús'pa' orrterrana ñaña epsheña pueyochresha'
(Lc. 24.13-35)

12 Po'pocheño Jesús'pa' e'ñe po'poño' orrterrana epsheña pueyochresha' allempo chopeñe'chne't allampaño'mar.

13 Ñetñapa' allenta puerreret o'ch otueret po'potantañ, arepa'tcha'ña ame'ñare'tapuerreto ñeñ' atet enteret ñamet Jesús.

Atto Jesús'pa' otnerran pueyochreshachno ñetpa' atet'cha' pa'yerret
(Mt. 28.16-20; Lc. 24.36-49; Jn. 20.19-23)

14 Po'pocheño Jesús'pa' alla orrterrannerr pueyochresha' çharrasheña ñeñ' puechetsa paterr all rrallme'chenet. Ñaña'pa' atet cotape'chatuenanetpa' atet otuenanet:

—Sapa' eso'mare'tña ama same'ñeñoña po'potantañ ñeñ' sotene' napa' o'ca'ye netanterra tarro'mar ñetpa' çhoca'ye enternet. Tarraña sapa' amaca'ye es se'chenoyo seyo'çhro.

15 Allempoña Jesús'pa' atet oterraneterr:

—Te'pa' o'ch ayuses ora errañaren allohuanen añ patser, seserrpare'tach allohuen a'cheñenesha' añ cohuen ñoñets alloch a'queshpataretterret.

16 Allohuen ama't erra'tsena ñeñ'cha' ame'ñerraya añ cohuen ñoñets ñaña ñeñ' pame'ñeño'tetpa' apataretterret'cha' ñetñapa' a'queshpataretterret'cha'. Tarraña ñeñ'cha' ama ame'ñerrtso, ñetñapa' amñare'terrach coñcheñtso.

17 Ñeñ'cha' name'ñerraya ñocpuetpa' norrtaterranet'cha' nepartsoña. E'ñe na neso'chño'ch que'chpatyeset'cha' oneñe'çhno, ñaña eñosyeset'cha' po'poñe'ttso'cma ñoñtso.

18 Ñaña ñerra'm e'ñe pototet chetet'cha' sheche'p, tarraña amach errot paneto; ñaña ama'tcha' añ orret ñeñ' amtsañitetsa tarraña amach errot paneto. Ñaña ñerra'm esempoch a'plla'yeñet atснаñe't, atснаñe'ñapa' acrrerroc'h.

Allempo a'terr Jesús pue'ntañ
(Lc. 24.50-53)

19 O'ña atet otuanerranet Partsesha' Jesús'pa' allenta a'tapater Pompor pue'ntañ, allñapa' anorrue'n e'ñe Pompor po'cohuenrot, all partso'tapretuera.

20 Pueyochresha'ñapa' ahuanomyeset, serrpare'tyesnomuet errañaren. Partsesha' Jesús'pa' çhocma torrapretenanet, orrtatenanet po'partsoña attoch a'cheñenesha' e'ñe'ch eñotenanet ñeñ' atet serrpare'tyenet, ñeñ'pa' e'ñe po'ño'ch Parets po'ñoñ. Ñeñ'pa' attetepa'ch Nompore. Allohua.

COHUEN ÑOÑETS ÑEÑT̄ QUELLCA' SAN LUCAS

Ñehua, añpa' ñeñica'yeña e'ñe pa'moter penña serrparñats

1-4 Masheñe Teófilo, p̄apa' peñoteñ ahuañimo'chapa' pa'namen esocmañen ñeñt̄ atet etsotayese't Jesús acheñenesesho ñeñt̄ e'ñe ñanom ame'ñaya ña, ama't teme'ttsen yocpa'naña ñeñtey o' yame'ñera yaña. Ñaña allem-poteñ Jesúsapa' orrtana pa'namen acheñenesha' ñeñt̄ entyesaye't e'ñe al-lame'tets. Ñetñapa' e'ñe entuoñete't allohuen ñeñt̄ atet pa'yese't. Ñetñapa' serrpare'tyesete't atet oten Yompor po'ñoñ. Attotña eñotaterretña yaña. Ñeñt̄ atet eñotatyenet ñetpa' shonte' acheñenesha' quellca'yeseña ñeñt̄ atet p̄osa Cristo allempo huapa. Ñeñto'marña napa'cho'ña e'ñe pocte' nenteñ o'ch nequellconap̄ e'ñe ora allpon ñeñt̄ atet orrtatos Jesús, tarro'mar napa' ahuañimo'choteñ atarr noctape'cheñ o'ch e'ñe neñoçh errotente'ña ñeñt̄ e'ñe po'ñoçh atet pa'yesos Jesús. Ñeñto'marña te' arrpa' o'ch e'ñe neñotatap̄ ora allpon ñeñt̄ o' etsotua allochñapa' attoch e'ñe peñotuer p̄aña ñeñt̄ allpon yeçhatenpetpa' ñeñtpa' e'ñe po'ñoçh atet. Ñehua, arrpa' atet o' etsotua.

Ñehua, te'pa' o'ch neserrpare'tatap̄ atto mellaño'eñpa' eñotatanet o'ch eñalleta Juan ñeñt̄cha' apatañtatsa Yomporcop

5 Ahuat allempo añ amcha'tarettatse't Herodes all anetso Judeo, eñall ñaña puesheñarr ñeñt̄ judionesha' po'corneshar. Ñeñtpa' añ pa'so'cheñ Zacarías ñeñt̄ çhocma yemtenana po'potantañ cornaneshachno ñeñt̄ otenet Abíasona'tar ñeñt̄ torratse't Yompor pa'paclo. Zacarías puetapor añ pa'so'cheñ Elisabet; ñapa'cho'ña corneshap̄nor ñeñt̄ po'ñreñen pen Aarón ñeñt̄ corneshatate't ahuat.

6 Ñetña epsheño'maretpa' Yomporñapa' e'ñe pocte' entenanet ñeñt̄ atet penet ñet, e'ñe cohuen etsotueññañet ora po'ñoñ ñeñt̄ atet anaret ahuatoteñ acheñenesachop ñeñt̄cha' atet pohuenet. Ñeñto'marña ama't puesheñarrapa' amach errotenot otaretteto, "ama pocteyaye ñeñt̄ atet sepena."

7 Ñetpa' ama eñalleto ama't puesheñarra pacñe'ter tarro'mar Elisabetpa' ama achoyore'tañeyaye. Ama't ñaña puerrollar epsheño'maret o' at̄ta po'nme'tuenet.

8-9 Atteñapa' çhap allempo torrena allohuen cornaneshachno ñeñt̄ epuet parro yemtena Zacarías atto corneshatenet Yomporcop. Ñehua, allem-popa' allohuen ñeñt̄ corneshatate't Yomporcop, ñetñapa' añ yeçhete't ahuo'ch yellsheñe'chenet allohuenet attoch eñochet po'suertot erra'tsencha' puesheñarrer ñeñt̄cha' be'tosets Yompor pa'paclo allcha' a'çrratan ñeñt̄cha' eñmosañtatsa Yomporcop. Allempona pamtarra' aña orrtatsa Zacarías ñeñt̄cha' be'tosets Yompor pa'paclo allcha' a'çrratan ñeñt̄cha' eñmosañtatsa Yomporcop.

10 Ñehua, allempo çhap allempoch be'tosos puesheñarr Yompor pa'paclo shonte' acheñenesha' ñetñapa' allach tomçha'tet a'yot allcha' ma'yochrra'toset. Ama't allempo be'tosos Zacaríaspa' atterach ma'yochrra'tet a'yot.

11 Ñehua, Zacarías allempo sherbenan Yompor o'pono, allñapa' machayotepa'tcha' orroña Yompor po'mllañoñeñer. Arr tomos altar po'cohuenrot, ñeñt' altarpa' allecma a'crratenet ñeñt' eñmosattetsa Yomporecop, ñeñt'pa' atto sherbete't Yompor.

12 Allempo orroña mellañoñeñ, Zacaríasñapa' atarr yoren, atarr nanac mecha'ch.

13 Mellañoñeññapa' atet otosan Zacarías:

—Zacarías, amach peyorenatsto tarro'mar Yomporpa' e'muennañ ñeñt' atet penamueñ pema'yocheñoñ. Ñeñto'marña te' petapor Elisabetpa' eñalletaterrancha' paterr asheñorr ñeñt' e'ñe po' pechemer, ñeñt'ñapa' pe-sochcha' Juan.

14 Papa' atarrcha' p'ocshena nanac. Shonte'ch acheñenesha' ñeñt'cha' nanac p'ocshapretaya atto o' eñalleta pechemer.

15 Ñapa' atarrcha' asherben enteñ Yompor. Ñapa' amach orrarñafeyaye, ama't vinosapa' amach orreñe. Ama't ña'ma pa'namen ñeñt' aposa'tpotetsapa' amach orreñe ama't mamesha. Ñapa' e'ñech aña chorraya Parets Puecamquëñ. Ama't allempoteñ pachor pa'to'tsen ñapa' e'ñech chorreña Parets Puecamquëñ.

16 Allempoña mellañoñeñpa' alla otererr:

—Ñapa' cohuencha' cotape'chaterran shonte' israelena'tarnesha' allochñapa' attoch cotape'cherret e'ñe cohuen Yomporecop ñeñt'cha' Po'partseshar perret.

17 Ñeñt'ña Juanpa' ñeñt'cha'ña ñanom orrtatsa Yomporecop. Ñapa' añcha' ahuamencat pene' Yompor Puecamquëñ atet pe't' ahuat Elías ñeñt' a'mtaye't Yompor po'ñoñ. Allochñapa' attoch e'ñe cohuen amo'tstaterrana achemeretechno puechemeresh'a'. Allochñapa' ama't ñeñt' atpare'tetsapa' o'ch ame'ñaterranet ñeñt' e'ñe pocte' es pets. Attochña cotape'chaterranet cohuen, allochñapa' attoch agapueret Partsesh'a' ñerra'm esempoch orrta.

18 Zacaríasñapa' ahuo' a'pto'tan mellañoñeñ, ahuo' och:

—Ta', ¿errofenochña neñoch e'ñeñe' po'ñoñ o'ch eñalleta cheshatoll? Tarro'mar napa' o' nepo'nme'ten; netaporpa'cho'ña e'ñe attemmay o' atarr yepo'nme'tuen.

19 Mellañoñeññapa' alla otererr:

—Napa' ñeñten Gabrieletets ñeñten sherbene' Yompor. Napa' ña nellensene' attoch ne'ñorana'ta'pa o'ch neñotatañ añ cohuen ñoñets.

20 Tarraña papa' ama pame'ñenno ñeñt' atet noteneñ, ñeñto'marña te' papa' o'ch po'panat, amach eshec pe'ñorero tayoteñ tarremphuach allempoch eñalleta pechemer, allempochña pe'ñorerra. Tarro'mar po'ñoñ etsoterrach ñeñt' atet o' notuañ o'ch chap allempo onañchareñ. Arrpa' allohua ñeñt' atet o' mellañoñeñ.

21 Atto' ellapes Zacarías o'ponopa' acheñenesha'ñapa' cohueñet a'yot ama cha'nerro. Atto' cohueñetpa' otanna'tet:

—¿Eso'marte' amo' cha'nerroña Yompor pa'pacillot?

22 Allempoña cha'nerrpa' ama eshcaye' eñorana'tuerraneto. Ñetñapa' otyenet pueyo'chreto, ñato' chote' es orroya Yomporecop ñeñto'marte'ña atarr ellapes o'pono Yompor pa'pacillo. Ñaña'apa' ama eshcaye' eñorana'tuerraneto, potota eñotatuerranet ñeñt' atet ent Yompor pa'pacillo.

23 Allempoña o' chap allponmat ñeñt' atto sherbenet Yompor pa'pacillo, Zacaríasñapa' o' ahuerri pa'pacillo.

24 E'ñe allponmatatsapa' o' ačhomenta puetapor. Allempoteñña Elisa-betpa' ama mueno o'ch orrterra acheñenesesho. Ama't o' amnarña arror-pa' ñañapa' ama orrteno. Ñañapa' atet oten:

25 —Te'ñapa' atarr cohuen muera'na Yepapar, allochñapa' o' huañcha' allo'na pencna'ntatnennet tarro'mar napa' otyennet muečhopeno'.

Atto mellañoiteña' eñotatanet o'ch eñalleta Jesús

26 Allempoña o' pechapña arrorr ačhomenta Elisabet, Yomporña'pa' o' alla mueñerranerr po'mllañoiteñer ñeñtara Gabriel. Arr mueñe anetso Nazareto ñeñtara Galilea.

27 Allempoña čhap Nazareto, allñapa' orrtosana puesheñarr shopshesha' ñeñt ama a'plaretayaye. Ñehua, ñeñt shopshesha'pa' añ o'patenaya yacma ñeñt'pa' añ pa'so'cheñ José, ño'ch yore'. Ñeñtña shopshesha' arrot eñalletña David po'mrenñoi; ñeñt'pa' añ pa'so'cheñ María.

28 Mellañoiteñña allempo čhap e'ñe ñeshopa' atet otos:

—O'ch nočha nehuomčha'tosep. Yompor e'ñe puemuereñočep pa'pa' atarrcha' coshaterreč, ñapa' e'ñe pesho'tsen. Yomporpa' atarr bensare'tam'penep. Ello pemtana'tueñ allohuen pačmanesha' atto bensare'tam'penanet ñet.

29 Allempo e'man atet och mellañoiteñ, ñañapa' čha moññe'tacha, čha coťape'ch pueyočhro:

—Ta', ¿este' otenenña ñeñt atet huomčha'tenen?

30 Mellañoiteñña'pa' alla otererr:

—María, amach penčha'tatsto, Yomporpa' atarr o' morrenterpa.

31 Te'pa' pačhomentach, pechyore'tcha' ñeñt'pa' asheñorrcha'. Ñeñtñapa' pesochcha' JESÚS.

32 Ñeñt'cha' nanac amčha'tarettatsa. Otyesetcha' ñapa' ña Ñeñt Nanac Parets Puechemer. Pomporña ñeñtara Paretspa' ñačña ne' amčha'taret atet amčha'tarette't pa'tañ David.

33 Atteña ñapa' amčha'tarettach Jacob po'mrenñecop ñeñtara israelnesha'. Ama't errponañapa' amach huañerro ñeñt atto amčha'tarettena ña.

34 Maríañapa' atet otapan mellañoiteñ:

—Ta'm ¿erfofenotcha'ña nechyore'tña? Napa' ama't puesheñarra encanesha' amarramtso yoreña'.

35 Mellañoiteñña'pa' alla otererr:

—Paretscha'ca'ye Puecamquēñ pečhapoya. Ñeñt Nanac Parets po'huamencpa' a'pomam'psosepčha' atet ñerra'mrrate' os pa'pomam'pene'. Ñeñto'marña chesha'toll ñeñt'cha' pe'ñalletatpa' ñapa' añach e'ñe ma'yočhrosa ñeñt atet muenen Parets. Otyesetcha' ñapa' ña e'ñe Yompor Puechemer.

36 Ñaña Elisabetña ñeñt pamo'ts pepen, ñapa'čho'ña o' totana asheñorrofołl, ama't o' po'nme'ten. Ñaña ama't oteñet muečhoppa' te'ñapa' o' pechapña arrorr o' ačhomenta.

37 Tarro'mar Yomporpa' ama eñalle ñocop ñeñt atarr torrapo' enten.

38 Allempoña María'pa' alla oterranerr mellañoiteñ:

—Ñehua, napa' e'ñe pocte' nenteñ o'ch nesherber Yepapar ñeñt Nepartse-shar nepen. Ñeñt'pa' attetepa'ch nocop ñeñt atet p'otenen.

Allempoña mellañoiteña' o' ahuerr.

Atto María'pa' emo'tenana' Elisabet ñeñt e'ñe pamo'ts pen

39-40 Maríañapa' allenta ahuo' poma'yorñecma o'ch emo'tenana' Elisabet. All yechenapa' all shonte' aspentarer allara Judeo. Allempoña chap anetso all sechenapa' be'tosos Zacarías pa'paclo, huomñcha'tosan Elisabet.

41 Ñaña' allempo e'mapan María ñeñt atet huomñcha'tospa' pue'maretollña ñeñt pa'to'tsenpa' allentepa'tcha' pella. Pachorñapa' e'ñe chorreña Parets Puecamquëñ.

42 Ñeñña eñoratene', pocsheñeshocmañen eñorena huomencpa' atet otapan María:

—Papa' o' atarr coshaterreþ Yepapar. Papa' o' e'ñe penñtana'tue ora allohuen yacmaneshachno atto coshatenamet ñet Yepapar. Ñaña Yepaparpa' atarrcha' bensare'tamþennaþ pechoyoretoll.

43 Ama't na Yepaparpa' atarr coshatenen atto pemo'tenen ama't ñeñteþ pachor pen ñeñtcha' Yepartseshar yeperr.

44 Tarro'mar e'ñe allempocma ne'maponap peñoñ atet pehuomñcha'tosen, ne'maretollpa' e'ñe pocsheñesho'tpa' allentepa'tcha' pella nato.

45 Paña te'pa' atarr cosheñtso'tseneþ tarro'mar þapa' e'ñe þame'ña'huoña ñeñt atet otuenþa' Yepapar. Ñeñto'marña ñeñtpa' e'ñech atet etsoterra þocop.

46 Maríañapa' alla otererr:

—Te'ñapa' e'ñech neyo'chrocmañen na'ye'chochtatoñ Yepapar.

47 Necamquëñohuen atarr nocsheña Yepapar ñeñt Ya'qushþatañer yepen.

48 Yepapar e'ñe puemuereñofen ñapa' entenen ama esoyayno, añana ñeñfen torretsa þocop. Tarraña te'pa' allohuen acheñenesha' ñeñtcha' mererrtsa arr þatsro ñetñapa' atarrcha' coshapreterrnet atto Yepaparpa' o' atarr coshaterren na.

49 Tarro'mar ñapa' ñeñt atarr ahuamencattetsa atfoña o' orrtaton ñeñt nanac sherbets, ñeñtara Yepapar ñeñt otenet Ñeñt atarr nanac Parets.

50 Allohuen ñeñt amñcha'na'tpo' entene' Yepapar, ñaña'pa' chocmach atarr muererranet ama't tayoteñ errponañohuen ama't allpon allohuen acheñenesha' ñeñtcha' mererrtsa arr þatsro.

51 Ñaña ñapa' e'ñe etsotuenan ama't ñeñt atarr nanac echarr entyenet, ñaña allpon allohuen acheñ ñeñt atarr asherben entyetsa, ñaña'pa' e'ñech pomnaren pohuerranet.

52 Ñaña ñeñt atarr ahuamencat entyetsa ñaña'pa' e'ñech a'suatanrrortatuerranet allot amñcha'tarettenet. Tarraña ñeñt ama esoshe'maye' entyetsopa' ñetñapa' Yepaparcha' nohuerrahuet attotcha' amñcha'na'tpo' enter allohuen acheñenesha'.

53 Ñaña ñeñt nanac es pallta'yetsa, ñetñapa' Yepaparcha' esocmañen aphuerahuet. Tarraña ñeñt atarr esocmanen es echerets, ñetñapa' Yepaparcha' puerrataþpesuerrahuet, amach es anerreto ama't coñe'ta.

54-55 Yepaparpa' añach chocma yempuen israelena'tar ñeñt pueyochresha' pen ña. Amach pueserrano ñeñt atet otane't ahuat yamo'mtayñeneshañ ñeñtcha' atet perranet ñaña allohuen ñeñtcha' po'mreneñ perret. E'ñe atet otane't ahuat Abraham po'mrenñecop. Attoch chocma muerenanet ama't errponohuañen. Arrpa' allohua ñeñt atet a'hotan María Yompor.

56 Allempoñapa' ñato' ma'pñate' arrorr alla a'pa Elisabetesho. Allotña Mariapa' ahuer pa'paclo.

Arrpa' atto eñalleta Juan ñeñt apatañtase't Yomporecop

57 Allempoña chap allempoch emare'ten Elisabet. Ñeñña pue'marpa' asheñorrofoll.

58 Allohuen acheñenesha' ñeñt yeçhetsa all ñesho ñaña allohuen pamo'tsesha' ñetñapa' e'ñe coshaprechet. Tarro'mar eñoteñet Yomporpa' o' orrtatoñ atto ñapa' atarr muereña.

59 Allempoña o' posocmata'muen ñeñña asheñorrofollpa' o' tsorratolle'ta'mueñet tarro'mar ñetpa' atetca'ye yeçhenet ñeñtet judioneshet.* Allempopa' añ soçhetañ Zacarías o'ch anmatoñetañ pompor pa'so'cheñ.

60 Tarraña pachorpa' otanet:

—Napa' ama nemno o'ch sesochon ne'mar Zacarías. Napa' añcha' nesoch Juan.

61 Allempoña acheñenesha'pa' atet ochet:

—¿Eso'mare't pemneña o'ch pesoch Juan tarro'mar ama't pueñeñarra pamo'tspa' ama eñalle ñeñt soçhetsa Juan?

62 Allempoña acheñenesha'pa' e'ñe pototeta a'pto'toñet ematoll pompor escha' sochanña puechemeretoll.

63 Ñapa'cho'ña potota eñotatan acheñenesha' o'ch apet quellcatets allcha' quellcan ñeñcha' sochan puechemeretoll. Allempoñapa' apet quellcatets, allñapa' atet quella: “Añcha' yesoch Juan.” Acheñenesha'ñapa' atta cohuanrorchet.

64 E'ñe allempocma Zacaríasñapa' allenta eñorerra. Allorocma aye'choçhtaterran Yompor.

65 Acheñenesha'ña ñeñt yeçhetsa allpa' allohuenet atarr mecha'na'teñet Yompor. Ñetñapa' serrpare'tatanna'tyeset all aspentarero Judeo.

66 Ñaña ama't allohuen ñeñt e'mare'tyese' ñetñapa' co'tape'chyeset pueyoçhreto, atet otyenet:

—Añ cheshatollpa' po'ñoçhcha' atarr sherberran Yompor tsapatonet. Tarro'mar Yomporpa' atarr muereña.

Atto Zacarías atarr açhotenan Yompor Parets

67 Cheshatollña pompor ñeñt Zacaríaspa' añ chorrenaya Parets Puecamquëñ ñeñña eñoraterre' Yomporecop ñeñcha' atet perra ama't esempo. Ñeñpa' atet ot Zacarías:

68 —Aye'choçhtaterrapo'ch Yompor, ñeñtara ñeñt Po'partseshar pen allohuen israelnesha', tarro'mar te'ñapa' o' orrtaterrnay puemuereña ñeñcha' ya'qeshpaterre' ñeñtey puechemer pen.

69 Ñapa' o' orrtatonay ñeñcha' a'qeshpatañterrtsa ñeñt atarr ahuamencatesha' ñeñtara ñeñcha' eñalletatsa David po'mrenñoñ, ñeñtara David ñeñt atarr sherbaye't ahuat Yompor.

70 Ñeñtpa' ahuatoteñ atet eñoratyesane't ñeñt a'mta'yese't po'ñoñ, ama't allohuen ñeñt e'ñe ma'yoçhra'yestse't Partsocop.

71 Ama't ñaña allohuen allpon ñeñt ye'moñe'tene' ñeñt añcha'noçhetyetsa yocop, ñachña ya'rroyataterre'.

* 1:59 Añ ñoñets “atsorretet”, añ ñeñt otets atet yeche't judionesha'. Ñeñtpa' atet: Ñerra'm allempo eñalletena asheñorrofollesha' ñeñt e'ñe judionesha'pa' añña pomporpa' o'ch tsorrateñet po'çhtso. Ñehua, ñeñt tsorratenetpa' ematollach o'ch çhapa'muen po'psocmatño. Ñehua, po'çhtso allcha' tsorret asheñorrofollpa' all e'ñeçh poteretollo e'ñe po'ñoñ parmatollo.

- 72 Attochña etsotaterrnay ñeñt atet otane't ahuat yatañneshañ ñeñtcha' atto chocma muererrya. Atteña ñapa' amach pueserrano ñeñt atet a'pocpat ahuatoteñ yocop tarro'mar ñeñtpa' e'ñe Partshot a'pocpataretta.
- 73 Ñehua, aña'pa' atet pa allempo Yomporpa' ahuat otan yatañ Abraham ñeñtcha' atet perney e'ñe po'ñoçh.
- 74 Ñeñtpa' atet ote't Yompor yocop ama't ñeñt allpon ñeñt ye'moñe'tene' ñeñt añcha'nochen yentyen ya, ñaña'pa' ñach ya'rroyataterre'. Allochña yapa' o'huañcha' yemcha'naño' yesherber Yompor.
- 75 Attoch yetsotoñ ñeñt e'ñe pocte' enten Parets allochña'pa' attochña pocte' enteney ñaña' acheñenesha' atto e'ñe cohuen es ye'pa'yen e'ñech tarremphua esempohuach yocrrena arr patsro.
- 76 Te'pa' o'ch nechemeretolle notap: Papa' oterrpetcha' ñeñtpe' ñeñtcha' eñorana'tena ñeñt nanac Parets. Tarro'mar pa'pa' pa'nomcha' orrtatsa attoch pa'cohuentayesoñ allcha' oñmos Partsesha'.
- 77 Ñeñtpa' attoch poctape'chater acheñenesha' e'ñe cohuen allochña ñetpa' esheccha' apretnaretterret po'chñaret attoch a'qeshpataretterret.
- 78 Te'pa' chapcha' allempoch Yompor e'ñe puemuereño'fey chapaterrnaycha' ñeñt huetsa ento't ñeñtcha' yoctape'chaterre' e'ñe cohuen, ñeñtña cotapñatserpa' ñeñtcha' ya'puetarsamperre'.
- 79 Attochña a'puetarsam'psaretterra allohuen acheñenesha' ñeñt checmeto'tsa'yeneta, ñeñt ama eñotenaye Yompor, ñetña'pa' aña o'patenahuet rromueñets ñeñtara coñcheñets. Ñeñt atto a'puetarsam'psaretrey ñeñtcha'ña yeñotatene' attoch e'ñe cohuen yocsheñeshocmañen yeyçhena arr patsro. Arrpa' allohua huañ atto Zacaría'pa' a'chotenan Yompor e'ñe pocsheñeshocmañen.
- 80 Añña cheshatoll Juanpa' allo'na sen atarretnomtsa. Puecamquëño'pa' atarr ahuamenca'tetnena. Ñaña'pa' alla yechena allapar amayo tarremphua allempo orrta israelena'tarneshesho.

2

Atto eñalleta Jesús (Mt. 1.18-25)

1 Allempopa' añ añcha'tarettatse't romo'marnesha' ñeñtpa' añ pa'so'cheñ Augusto. Ñaña'pa' nenan po'ñoñ ñeñtpa' atet oten: Allohuen acheñenesha' erraparen aña patsropa' quellcatyesetepa' pa'so'cheñ.

2 Ñehua, allempo ñanom quellcatyeset pa'so'cheña'pa', arrña anets Siriapa' añ añcha'tarettetsa ñeñtpa' añ pa'so'cheñ Cirenio ñeñt pa'mcha'tareter pen allohuen judionesha'.

3 Ñehua, allohuenet ahuanerret pa'tañnesha' pa'netsro allochña'pa' allcha' quellcatyerreta' pa'so'cheñ.

4 Ñeño'marña Josépa' on Nazaretot allara anets Galileo, o'ch ahuo' all pa'netser pe't pa'tañneshañ, ñeñtña anetserpa' añ pa'so'cheñ Beléñ, allara Judeo, tarro'mar Beléño eñalleta ahuat pa'tañ David. Tarro'mar Josépa' Davidna'tarca'ye.

5 Allempoña Josépa' ahuo' epuet María o'ch quellcateneta' pa'so'cheñ. María'pa' José o'patenaya ño'ch yore'. Allempoña María'pa' a'chomenepa'to'.

6 Allempoña allo'tsa'yenet Beléño, María'pa' ahuepa't then allempoch emare'ten.

⁷ Alla emare't, ñeñña pue'maretollpa' asheñorrofoöll ñeñt e'ñe po'moter pa'. Epe' po'ño'mopa' alla ñanatolle'ch huacshepahuo allotecma apueñet huaquësh puerrar. Ñehua, tarro'mar alla emare'tos huacshepahuoña' muet-sopahuopa' ama esesha' epatso e'ñe poctacma eshepena acheñ ñeñt manrra'tosets all.

Atto Yompor po'millañoñeñpa' orrtana ñeñt cohuanmpene' po'carrneror

⁸ Allempo emare'ten María all Beléño ñeñte tsaprocma allampaño'tsen ñaña ñeñt cohuanmpene' po'carrneror pastemo.

⁹ Allñapa' machayotepa'tcha' orrtanet Yompor po'millañoñeñer, cha pop-tana'tosanet. Ñeñtpa' Yompor po'cohuenna ñeñt cha a'puetarsam̄psosahuet. Ñetñapa' atarr nanac mecha'trra'tapet.

¹⁰ Mellañoñeñña' otosanet:

—Amach semcha'tatsetno choña se'mñoten na, o'ch neñotatoses ñeñtcha' atarr socshaterre' sa ama't ñaña allohuen erraḡaren acheñenesacop.

¹¹ Te'pa' socop o' eñalleta ñeñtcha' Sa'queshḡatañer seperr ñeñtpa' ñeñtcha' Cristotats ñeñt Yepartseshar yepen. Ñeñña cheshatollpa' arr eñalleta David pa'netsro allara Beléño.

¹² Te'pa' o'ch noterrser attoch señoçh ñeñt cheshatoller. Ñeñtcha' sentos cheshatoll eparet po'ño'mo all ñanatolle'teñet huacshepahuo, ñeñtca'yeña Yompor Puechemer.

¹³ Allempoñapa' machayotepa'tcha' orrterrerr po'potantañ shonte' mellañoñeñnesha' ñeñt o' sohuacherrerr entot. Ñeñña mellañoñeñnesha'pa' atarr aye'choçhtatosñañet Yompor.

¹⁴ Ateḡ otoset:

¡Aye'choçhtaterrapo'ch Yeyomporer ñeñt pue'ntaño'tsen! Ama't ñaña acheñenesha' ñeñt añe patsro'tsen cosha'rrtetepa' ñamet ñeñt coshaten Yompor.

¹⁵ Allempoña mellañoñeñnesha'pa' sohuaneret ñeñt cohuanmpene' po'carrneror, ñetñapa' o' ahuanerret pue'ntaño. Allempoña ñeñt cohuene' po'carrnerorpa' allenta otanna'tyeset:

—Errotenuaca'yeña ñeñt otenya' Yompor. O'ch ahuey Beléño o'ch yenteña' ñeñt atet otenyeta'.

¹⁶ Allempoñapa' poma'yorñecma ahuanmuet, o'ña çhapuet Beléño'pa' all entoset María ñaña José ñaña cheshatoll all ñanatolle'tena huacshepahuo.

¹⁷⁻¹⁸ Allempo entoset ñetñapa' serrpare'toset ñeñt atet o' otuaneta' mellañoñeñ cheshatollecop. Allohuen ñeñt e'muene'pa' nanac cohuanrroret-yeset, otanna'tyeset:

—Ta'm errotenofte'ñaca' o' serrpare'tosña atet.

¹⁹ Maríañapa' e'ñe ñeñña nen pueyoçhro e'ñe ñeñña cotape'chen ñeñt allpon o' entua ahuañoñeñ.

²⁰ Allempoña ñeñt cohuene' po'carrnerorpa' o' ahuanerret. Ateḡ otenaneta' mellañoñeñnesha'pa' ñetñapa' e'ñe po'ñoçh entoset. Allpon ñeñt atet e'muet, ama't ñaña ñeñt atet entet, ñeñto'marña ñetpa' e'ñe pa'ye'choçhtateñeshet ahuanerret, attoña ñetpa' atarr cohuentatnerrñañet Yompor.

Atto anmet cheshatoll Jesús Parets pa'paclo attoch a'poctateñeta' ñeñt Partsocop

21 Ñehua, allempoña o' posocmata'muen, ñeñt' asheñorroftollpa' o' tsoratatolle'chet, ñeñtpa' atet yeçhenaña allohuen judionesha'. Allempo ñeñtña cheshatollpa' o' sochet JESÚS. Ñehua, ñeñt' so'chñets ñeñtpa' atet otenana' mellañoñeñ María ama't' ahuañmo'choteñ allempo ama' achomentena'.

22-24 Allempoña chap allempoch a'pochtachet ñeñt' atet nane't Moisés po'ñoñ ñeñtcha' atet yeçha' judionesha'. Ñehua, ñeñtña ñoñetspa' atet oten: "Ñerra'm esempoch cheyore'ten coyanesha', ñerra'm asheñorr pue'maretoll ñeñt' e'ñe po'moterpa' neñetepa' Partsocop." Ña'ma po'poñ Moisés po'ñoñ ñeñt' atet ne't, ñeñtpa' atet oten: "Muetsatenetepa' epña arot amapa' epña yepeçho'ye' ñeñtcha' net Yomporecop." Ñeñto'marña allempo chap allempoch a'pochtachet Yomporecop ñeñt' atet anaret po'ñoñ, ñeñtña cheshatollpa' allenta anmet Jerusaléño, allcha' a'pochtachet Yomporecop.

25-27 Allempoña chapuet Jerusaléño'pa' o' be'tososet Parets pa'paclo attoch a'pochtateneta' ñeñt' atet yeçhenet ñeñt' atet oten ñoñets ñeñt' anaret ahuatoteñ. Allña'pa' huapa pueheñarr yacma añ pa'so'cheñ Simeón ñeñtpa' jerusaléño'marnesha'. Tarro'marña ñapa' allempocma huapaña' ñapa' añ eñotate' Parets Puecamquëñ. Tarro'mar ñeñt' acheñerpa' atarr cohuen ñeñt' atarr ma'yochrenaya ñeñt' cohuentetsa Yomporecop. Ñapa' ñeñt' atarr cohuen' esempoch huapa ñeñtcha' a'rroyataterre' israelena'tarnesha' allochña'pa' o'ch alla atarr cosherret. Atto çhapaña Parets Puecamquëñ ñeñtña eñotate' ñapa' amach rromerena'pa' enterrancha' Yomporecop Puechemer ñeñt' Cristo ñeñtcha' llesenserr esempo.

28 Huaptsapa' allenta enatatolle'tosan cheshatoll, atarr aye'choçhtatosan Yomporecop. Ñeñtpa' atet otos:

29-30 Te'ña po'ñoçh Nompore ama'tcha' nerromapa' e'ñech nocsheñeshocmañen nerroma tarro'mar te'pa' po'ñoçh o' nenterrna' ñeñt' o' pemñerrnay ñeñtcha' ya'qeshpaterre' e'ñe atet potne't' ahuañmo'choteñ na ñeñten atarr pesherbene'.

31 Ñeñtña o' porrtaterrnay allohuenacpay ñeñt'ey pa'nameney acheñenesnacpay añe patsro.

32 Ñapa' ñach sherberrets atet ñerra'mrrate' puetare' ñeñtcha' a'puetarsamperre' allohuen acheñenesha' ama't' ñeñt' ama israelena'tareyaye attoch ñetpa'cho'ña o'ch eñoteret ñeñtcha' a'qeshpatañtertsa e'ñe po'ñoçh. Allochña'pa' attotcha' e'ñe cohuen aye'choçhtaterrnay ña'ma peyochresha'chno ñeñtara israelena'tarnesha'.

33 Ñeñtña pamo'mte' pen cheshatollpa' ñetña'pa' atta cohua'na'teñet Simeón atet eñorana'tenanet pue'maretollet.

34 O' eñorana'tuanet pue'maretolletpa' allempoña'pa' enamatanet ñamet ñocpuet Yomporecop pa'nateña. Allempoña'pa' otoñ pachor María, ñeñtpa' atet och:

—Peñoçhepa'ch añ cheshatoll ñeñtpa' ñeñtña onañche't' ahua't' Yomporecop. Ñocoppa' shonte'ch israelena'tarnesha' ñeñtcha' ama' ame'ñerrayo ñeñtcha' chenquërrtsa. Tarraña eñall ña'ma shonte' po'potantañ ñeñtcha' ame'ñerraya ñeñtcha' cohueno'tsenterrtsa. Tarro'mar Pomporecop a'ñecopña mueñer allochña'pa' ñach eñotaterrahuet ñapa' Pomporeshot huapa. Tarraña shonte'ch acheñ ñeñtcha' achm'are'terre'.

³⁵ Papa' ñeñtcha'ña atarr pellcaterre'ña ña. Atarrcha' atserr pe'muerr pellqueña e'ñech atet pe'muerr puellqueña atet ñerra'mrrate' cochllo paten-pet peyoçhro. Elloña puesheña'tetspa' eñotaterranetcha' errotente' ñeñt atet cotape'chyenet pueyoçhreto.

³⁶ Allñaapa' allo'tsen ñaña puesheñarr coyanesha' ñeñtpa' añ pa'so'cheñ Ana ñeñtecma a'mtene' Yompor po'ñoñ. Ñapa' año' po'señ ñeñt sochetsa Fanuel, ñeñtpa' Aserna'tar.* Ñeñña Anapa' o' atarr nanac po'ñme'ten. Ñehua, allempo shopshena'pa' some'ta, e'ñe cançherr charohua yeçhañ epuet puerrollarpa' o' rromapes.

³⁷ Ñeñña rretorranesha'pa' atfa correna ñapuef. O' poscoch çharra' puechena pa'tats char allponmat correna atfa. Ñapa' e'ñe ellapene't sherbe' Yompor ama't ñaña tsapome'tets. All Yompor pa'paçllotpa' amach çha'nen. All atarr ma'yoçhenana Yompor. Erroteno e'ñe puema'yocheño' Yomporpa' amach rreno ama't coñe'ta.

³⁸ Ñapa'çho'ña allempocma huapa all o' çhapachet cheshatoll Jesús. Ñaña' ma'yoçhosa, atarr parasyoso'tenan Yompor cheshatollecop. Ñeñto'marña ñapa' atarr serrpare'tatosan acheñenesha' ñeñt cheshatollecop tarro'mar o' huapa ñeñt atarr cohuen allohuen acheñenesha' ñeñtcha' a'qeshpatose' israelnesha' ñeñt pa'netser pene' Jerusaléñ.

Allempo alla puerrrerret anetso Nazareto

³⁹ Allempoña o' a'pocstatuet ora allpon ñeñt atet anaret Yompor po'ñoño ñeñtcha' e'ñe yeçha' judionesha' ñetña'pa' ahuanerret pa'nyeto Nazareto allara Galileo.

⁴⁰ Cheshatollña'pa' allo'na sen rrorranmats, allo'na sen huomencat-nomuets, nanac eñotnenan ñeñt atarr cohuen enten Pompor Parets, ñeñto'marña Yomporpa' atarr muereña.

Allempo alla a'pa cheshachor Jesús Parets pa'paçllo

⁴¹ Ñehua, ñeñt cheshachor pamo'mte' ñetpa' atet yeçhenet pate'tets char pascuapopa' çhocmach senet Jerusaléño o'ç choshapreteneta' pascua ñeñt atet yeçhena judionesha'.

⁴² Allempo çhap Jesús po'charña çharra' puechena epa ahuanerretter Jerusaléño, ñetpa' atetca'ye yeçhenet.

⁴³ O'ña huañ pascuapa' ñetña'pa' o' ahuanerret. Ñeñña cheshachor Jesús'pa' alla't a'pa Jerusaléño. Pomporña ñaña pachorpa' ama eñoteñeto o'te' alla a'pa.

⁴⁴ Cha otapuetañ añfe' cota'nen po'potantañ ñeñt parro onaçhenet. O'ña chope'çherret pamtarppa' allempoñapa' o' yerpueret, e'name'tyereta' pamo'tsesheso'mar. E'name'tyereta' allo'tsen ñeñt e'ñe cheme'tyen pompor ñaña pachor.

⁴⁵ O'ña e'name'tuet ama es enterrayepa' o' alla ahuerret Jerusaléño. Allpa'çho' e'name'tuererret.

⁴⁶ Poma'pamtañoñapa' alla entereta' Parets pa'paçllo. All anen e'ñe parro maestronesha' ñeñt atarr eñotyene' Yompor po'ñoñ ñeñt atet anaret. Jesús'ña' all e'ññotyenanet ñeñt atet serrpare'tyenetpa' o'ççho' a'pto'tyerranet.

⁴⁷ Ñeñto'marña allohuen ñeñt e'muene'pa' çha atarr cohuanrrorteñet, otyenet:

* 2:36 Ñeñña Aserpa' Jacob puechemer.

—Errotenotuañaca'yeña atarr es eñoten ñeñfo'mar atarr cohuen es anapyen.

⁴⁸ Allempo enter pompor ñaña pachorpa' atta cohuaña'toset. Pachorñapa' atet otos:

—¿Eso'marte'ña ne'mare o' atarr pellcatya? ¿Ama't peñoteñe atarr yel-lquēñesha' ye'nameneþ?

⁴⁹ Ñaña'pa' otapanet:

—Eso'mare'tña se'name'tenen. Ama't señotemoña napa' ñeñt poctetsa nocop o'ch netorreññaña ñeñt poctetsa Nomporecop.

⁵⁰ Ñetñapa' ama es eñotaye ñeñt atet otanet.

⁵¹ Allempoñapa' o' coterran pamo'mte' o' cha'cherret Nazareto, ñapa' e'ñe cohuen ame'ñenana pompor ñaña pachor. Pachorñapa' allohuen ñoñetspa' e'ñe eñotueñ pueyo'chro.

⁵² Jesúsñapa' allo'na sen rrorranmats atarrenomtsa. Allo'na nanac eñotañetnena. Pomporña Paretspa' atarr cohuen enteñ, ñaña acheñenesha'pa' atarr cohuen enteñet.

3

Allempo orrta Juan ñeñt serrpare'tosets all amayo (Mt. 3.1-12; Mr. 1.1-8; Jn. 1.19-28)

¹ Ñehua, allempo chap allempoch añcha'taretta ñaña ñeñt pa'so'cheñ Tiberio all Romo. Allempo chap o' añcha'taretta çharra' puechena amnar char allempoña Judeopa' añ añcha'tarettatsa ñaña Poncio Pilato. Galileoñapa' añ añcha'tarettatsa Herodes. Pa'mo'nasheñña Felipepa' ñapa' epa anetsocop añcha'taretta, ñeñt'pa' arr añcha'taretta Iturea ñaña Traconite. Lisaniásñapa' arr añcha'taretta Abilinio.

² Ñehua, allempopa' judionesha' añ po'corneshar penet Anás ñaña Caifás, ñeñt po'corneshar pen ora allohuen cornaneshathno. E'ñe ñeñte chararocma añcha'taretetyenet allemeñ anetso'mar e'ñe allempocma Yomporpa' eñorana'tana ñaña Juan ñeñt Zacarías puechemer ñeñt amayo'tsen.

³ Ñeño'marña Juan allempopa' o' chopeñe'chyes erracmañen Jordanaso'mar, all serrpare'tyesnom. Ñeñt'pa' atet otyesnomanet:

—Te'pa' o'ch soctape'cherr e'ñe ello cohuen Yomporcop attoch Yomporpa' o'ch peretnerrnas allohuen so'chñar, allochñapa' o'ch sapataretterra Yomporcop.

⁴ Ñeñt'pa' añ serrpare'tatosanet attoch etsoterra ñoñets ñeñt anaret ñeñt atet eñose't ahuat Isaiás ñeñt a'mtaye't Yompor po'ñoñ. Ñeñt Isaiás po'ñoñ ñeñt'pa' atet oten:

E'morrterrach puesheñarr po'ñoñ all amayo allcha'ña serrpare'taterrañña acheñenesha'. Puerranarotpa' añcha' toma'ntaterranet toñ, ñeñt'pa' atet'cha' oterranet: “Te'pa' o'ch sa'cohuenetyes toñ allcha' oñmos Part-sesha', o'ch e'ñe sa'pacharretyesoñ pa'tep.

⁵ All rrapatse'tyen patspa' o'ch e'ñe sa'muepñetyes, all pocmo'yaretyenapa' o'ch e'ñe sa'muepñetuahue, all terepe'parretyenapa' o'ch e'ñe sa'pacharretyes, all arrotetyena toñpa' o'ch e'ñe sepampa'huahue.

⁶ Allempoña allohuen acheñenesha'pa' enteret'cha' ñeñt o' mueñernay Yompor ñeñt'cha' ya'queshpaterre'." Arrpa' allohua ñeñt atet aquell-careñ ahuatoteñ Cristocop.

⁷ Allempoñapa' shonte' acheñenesha' hua'cha'tet Juanesho. Ñetpa'tarro'mar hua'chenet añ muenenet o'ch apatapanet Juan Yomporecop. Juanña serpare'tatapanetpa' otapanet:

—Sapa' ama cohuenayayso atarr ashcarñañes, 'cha sottena ñerra'mrrate' shechpa sompor sepen. Po'ño'chca' ama eseshaye' sotenaye e'ñech sapataretteño'a o'ch sequeshperra allochñapa' amach coñchatuerrso Yomporecop allempoch yoro'chtatuer tsapatonet.

⁸ Napa' añcha'ña notapas o'ch sorratayes ñeñ' e'ñe cohuen enten Yomporecop ñeñ' atet pena ñeñ' po'ño'ch o' cotape'cherran ello cohuen Yomporecop. Sapa' 'cha soteney seyo'chro año' es sepallteno sapa' año' e'ñe seyemtena satañ Abraham. Tarraña napa' o'ch notas amach atet soctape'chatsto tarro'mar ñeñ'pa' ama esoye' enteñe Yomporecop. Tarro'mar o'ch notas ñerra'm Yomporecop muenetsey ama't añ mapue' ñeñ' senten arr o'ch a'pnasereñ Abraham po'mreneñ.

⁹ Ñeño'marña napa' o'ch notas ñerra'm amach soctape'cherro cohuen Yomporecop o' mameshamña o'ch 'chaponasa attoch coñchaterres Yomporecop. O'ch netma ntatasa atet ñerra'mrrate' allempo o'ch a'matamochet tsach. O' e'ñe onañchachet gach allcha' tet e'ñe allohua huañen puepallactar. Ñeñ' allohuen tsache'chno ñeñ' ama cohuenaye' me'tetsopa' a'mata'tueretcha' saprochetcha' all huorten tso' allcha' e'ñe a'pyatatueret.

¹⁰ Allempoña acheñenesha'pa' a'p'to'tyeset Juan, ochet:

—Ñehua, ¿eso'tña poctetsaña yocop attoch e'ñe yorrtatyes ñeñ' cohuentetsa Yomporecop?

¹¹ Ñañapa' anapanetpa' otanet:

—Ñerra'm eseshas echene' epma seshtam o'ch sap' ñeñ' ama echenaye ñeñ'cha' chorrena. Ñaña ñerra'm eseshas echene' serrar o'ch sap' ñeñ' ama echenaye ñeñ'cha' rrenet.

¹² Allempoña hua'cha'ta ñaña acheñenesha' ñeñ' po'taruas pene' atto cobrenan acheñenesha' quelle ñeñ' gobiernocop. Ñetpa'cho'ña añecop huenet Juanesho o'ch apatarettet Yomporecop. Ñetpa'cho'ña o' a'p'to'toset Juan, atet otoset:

—Yocop Nompocha' ¿eso'tña poctetsa attoch yorrtatyes yanña ñeñ' cohuentetsa Yomporecop?

¹³ Ñañapa' anapanetpa' atet otanet:

—Ñeñ' allpon quelle ñeñ' e'ñe allpona enamuen gobiernopa' e'ñech allpona secobreña acheñenesha', amachña allo'na atarr aton secobra'neñe acheñenesha' quelle ñeñ' e'ñech socpa'na.

¹⁴ Allempoña patantarr guardianesha' ñeñ' allo'tsa'yenpa' a'p'to'toset ñamet, ñetpa' atet otet:

—Yocoppa'cho'ña ¿eso'tña poctetsa ñeñ'cha' attoch yorrtatyes yanña ñeñ' cohuentetsa Yomporecop?

Ñaña anapanetpa' atet otanet:

—Sapa' amach es seprratam'psatsche acheñenesha' e'ñe se'mueñocma ñaña sa'metam'peño' e'ñe seshquëño'pa'cho'ña amach es seprratam'psatsto e'ñe attota. Ñaña ñeñ' allpon tsa'tenset gobierneshotpa' e'ñepa'chña ñeña cohuen socshena.

¹⁵ Acheñenesha'ñapa' atta cohueñet, pueyo'chreño'ña' atta cotape'chyenet 'cha otenapuetañ Juanpa' ñeñ'ite'ña Cristotets ñeñ' cohuenet ahuatoteñ ñeñ'cha' mueñerranet Yomporecop.

16 Juanñapa' atet otanet:

—Napa' ama añeyayno ñeñt Cristotets, tarro'mar napa' ama't napatensoñ Yomporecop e'ñe oñochoya napatenes. Tarraña Cristo ñeñcha' huapatsa chenta'pa' ñapa' añcha'ña chorratossa Parets Puecamquëñ ñeñt atet ñerra'm tso'. Ñapa' ñeñt atarr ahuamencatesha', nañapa' ama tama ahuamencateyayno. Ñapa' ñeñña atarr sherbets, nañapa' ama es nesherbena attoch ama't po'sapatrechapa' o'ch nepyoñ.*

17 Ñapa' atarr ahuamencat, ñapa' ñach acrerre' allohuen acheñenesha'. Ñapa' añ toma'ntena ñeñt orrene' puehoshnat alloch shoshnan po'trigo o'ch e'ñe pue'llomrochayama. Ñeñña pue'llomerpa' o'ch a'yapache' o'ch añño'ch allecma añño'teñ e'ñe cohuen. Pue'she'mañapa' o'ch huapore'ch tso allcha' e'ñe poyhua. Ñeñña tso'pa' ama emaya'pahuo ama't errponaña.

18 Juanña allpa' atet serrpare'tatyenanet cohuen ñoñets ñeñt huetsa Yomporeshot alloch yequeshperra. Ellonetñapa' shonte' pa'namen serrpare'tatan acheñenesha' ñeñt ama pocteye' enteno Yompor.

Allempo apataretta Jesús Yomporecop

(Mt. 3.13-17; Mr. 1.9-11)

19-22 Allempoña o' atarr apataretta shonte' acheñenesha' Yomporecoppa' cho apatarettatsa ñaña Jesús. E'ñe apataretetuatsapa' o' ma'yocha. Allempoña ma'yochenapa' enetñapa' ahuepa't atoraretta. Allotña e'ñe sohua'nma Parets Puecamquëñ e'ñe atet entapet ñerra'mrrate' yeþ o' sohua'nma entot. E'ñe arr chap Jesúsesho. Cha e'morrtatsa ñoñets entot atet eñorena Yompor. Ñeñña ñoñetspa' atet oten:

—Papa' ñeñþ Nechemereþ ñeñþ atarr nemorrentena, þa atarr nanac nocshatene'.

Allempoña amcha'taret Herodespa' o' yottamþsatan Juan tarro'mar Juanpa' eñotach ama pocteye' enteñe ñeñt atet þatse'tyena. Ama't pa'mo'nasheñ Felipe puetaporpa' o' yoramþer. Ama't shonte' pa'namen ñeñt atet þatse'tyena Herodespa' elloñapa' o'cho' yottamþsateranerr ñaña Juan.

Arrpa' all aquellcaret allohuen pa'so'chñechno ñeñt pa'tañneshañ pen Jesús

(Mt. 1.1-17)

23 Ñehua, Jesúsapa' allempo orrta o' torra'mochana ñeñt po'taruas pen Pomporecop, allempoña po'charñapa' ñato' o'te' chap ma'poch charra' char. Acheñenesha'ñapa' aña pompor þateñet ñeñt José. Ñehua, Josépa' Elí puechemer,

24 Elípa' Matat puechemer, Matatpa' Leví puechemer, Levípa' Melqui puechemer, Melqui'pa' Jana puechemer, Janapa' José puechemer,

25 Josépa' Matatías puechemer, Matatíaspa' Amós puechemer, Amós'pa' Nahum puechemer, Nahumpa' Esli puechemer, Esli'pa' Nagai puechemer,

26 Nagaipa' Maat puechemer, Maatpa' Matatías puechemer, Matatíaspa' Semei puechemer, Semeipa' José puechemer, Josépa' Judá puechemer.

27 Judápa' Joana puechemer, Joanapa' Resa puechemer, Resapa' Zorobabel puechemer, Zorobabela' Salatiel puechemer, Salatielpa' Neri puechemer,

28 Neripa' Melqui puechemer, Melqui'pa' Adi puechemer, Adipa' Cosam puechemer, Cosampa' Elmodam puechemer, Elmodampa' Er puechemer,

* 3:16 Ñeñt atet po'taruas pe't ahuat esclavos o'ch pueyan pamo'mte' po'sapatrech.

²⁹ Erpa' Josué puechemer, Josuépa' Eliezer puechemer, Eliezerpa' Jorim puechemer, Jorimpa' Matat puechemer,

³⁰ Matatpa' Leví puechemer, Levípa' Simeón puechemer, Simeónpa' Judá puechemer, Judápa' José puechemer, Josépa' Jonán puechemer, Jonánpa' Eliaquim puechemer,

³¹ Eliaquimpa' Melea puechemer, Meleapa' Mainán puechemer, Mainánpa' Matata puechemer, Matatapa' Natán puechemer,

³² Natánpa' David puechemer, Davidpa' Isaí puechemer, Isaípa' Obed puechemer, Obedpa' Booz puechemer, Boozpa' Salmón puechemer, Salmónpa' Naasón puechemer,

³³ Naasónpa' Aminadab puechemer, Aminadabpa' Aram puechemer, Arampa' Esrom puechemer, Esrompa' Fares puechemer, Farespa' Judá puechemer,

³⁴ Judápa' Jacob puechemer, Jacobpa' Isaac puechemer, Isaacpa' Abraham puechemer, Abrahampa' Taré puechemer, Tarépa' Nacor puechemer,

³⁵ Nacorpora' Serug puechemer, Serugpa' Ragau puechemer, Ragaupa' Peleg puechemer, Pelegpa' Heber puechemer, Heberpa' Sala puechemer,

³⁶ Salapa' Cainán puechemer, Cainánpa' Arfaxad puechemer, Arfaxadpa' Sem puechemer, Sempa' Noé puechemer, Noépa' Lamec puechemer,

³⁷ Lamecpa' Musalén puechemer, Musalénpa' Enoc puechemer, Enocpa' Jared puechemer, Jaredpa' Mahalaleel puechemer, Mahalaleelpa' Cainán puechemer,

³⁸ Cainánpa' Enós puechemer, Enósapa' Set puechemer, Setpa' Adán puechemer, Adánpa' Yompor puechemer.

4

Allempo oneñēpa' topatenan Jesús, mueneñ o'ch atet patan Jesús ñeñt ama pocteye' enteno Yompor
(Mt. 4.1-11; Mr. 1.12-13)

¹ Allempoña Jesúsapa' o' err Jordanasot. Ñañaapa' añ e'ñe chorrenaya Parets Puecamquēñ ñeñtña anmue'ña all amayo.

² Attoña allpa' o' huapoña oneñē, mueneñ o'ch atet patyes ñeñt ama pocteye' enteno Pompor. Allñapa' ama rreno e'ñe añña torrena attoch et-sotuan ora allohuen ñeñt cohuentetsa Pomporcop. Ñeñtfo'marña ama't o' pa'tatsoch çharramatpa' ama't coñe'tapa' ama es rreno. O'ña pa'tatsoch çharramatuapa' çho cheporratsa.

³ Allempoña oneñē atto topatosan Jesúsapa' atet otos:

—Pa ñerra'm po'ñoçhte' Parets Puechemereppa' o'ch pot: Añ mapue' puenasepa' pan.

⁴ Jesúsñapa' atet otap:

—Napa' ama nemno o'ch atet neña tarro'mar Yompor po'ñoñ ñeñt anuaret ahua'toteñ ñeñtapa' atet oteneý: “Allohueney acheñenesohueneypa' ama e'ñe rreñtsa ñapuef yocrañ yepeno. Añe'ñaña yocrañ yepen yecamquēñecop ñeñt allohuen allpon oteneý Yompor.”

⁵ Allempoña oneñēpa' o' anem all atarr aspento e'ñe a'noso. Allotña gatyeyuererr allohuen ñeñt allpon all añcha'taretetyena pa'namen acheñenesha' ñeñt yeçha'yetsa erraparen añe patsro. Allotña ama't mamesha' cohuospa' e'ñe orre'tuena erracmañen.

⁶⁻⁷ Oneñēñapa' alla o'terranerr Jesús:

—Ora allohuen ñeñt' o' pentyesua ñeñt'pa' e' ñe nocma tarro'mar ñeñt'pa' na apareť. Ñerra'm esesha' nemnen o'ch nařpa' napa' nařcha'ca'ye. Ñeñto'mar te'pa' o'ch notař, ñerra'm na pema'yocheñoťen o'ch peconcorpana'tna, napa' napapcha' ora all amřha'taretetyenet all atarr cohuentatyeneť, e' ñe ora allohuen ñeñt'pa' e' ñech řocma.

⁸ Jesúsñapa' alla otererr:

—Te'pa' o'ch orrerreř oneñeťe. Napa' ama nemno o'ch atet neřa tarro'mar Yompor po'ñoñ ñeñt' anuaret ñeñt'pa' atet oteneť: “Añach ñapueť yema'yocheda Yeyomporer ñeñt' Yepartseshar yepen, e' ñech ñařa yesherbe'.”

⁹ Allempoña oneñeťpa' o' anerranerr Jesús Jerusaléño. Allñapa' a'tapatos nanac eno allohuanen Parets pa'paquell. Allñapa' otuererr:

—Papa' ñerra'm po'ñoche' Parets Puechemereř te'pa' řomacha arrot tarro'mar amach pa'tserrřo

¹⁰ tarro'mar Parets po'ñoñ ñeñt' anuaret ñeñt'pa' ama'tña atet oten:

Yomporpa' o'ch mueñoñař po'ñllañoťeñrenesha' ñeñt'cha' pecuanřsapue'.

¹¹ Ñetcha' řagapapuet o'ch enatapapet attoch amach řa'tserrřatca'toso mapyo.

¹² Allempoña Jesúspa' alla otererr:

—Añpa'cho'ña anuaret Yompor po'ñoño, ñeñt'pa' atet oten: “Amach ya'llocchame'tatsche Yeyomporer ñeñt' Yepartseshar yepen.”

¹³ Allempoña oneñeť topatuahuan Jesús pa'namenotpa' o' ahuerr o' cachpa'ner allponmat tarro'mar oneñeť řocma topach.

*Allempo e' ñe ñenmāi torrena Jesús Partsocop all Galileo
(Mt. 4.12-17; Mr. 1.14-15)*

¹⁴ Allempoña Jesúspa' o' alla ahuerr Galileo. Ñapa' añ atarr ahuamencat pene' Parets Puecamquēñ. Errařaren Galileo'mar o' e' ñe e'mare'tuet ñeñt' atet řa'yena Jesús.

¹⁵ All apřha'yena judionesha' po'prahuetopa' ñañapa' all yeřhatyenanet. Attoña allohuen aचेñenesha'pa' atarr cohuen enteñeť.

*Allempo serrpare'tatan Jesús aचेñenesha' all Nazareto
(Mt. 13.53-58; Mr. 6.1-6)*

¹⁶ Atteñapa' o' alla řherr Nazareto all yeřchache't pompor allempo řeshena'. Pamřarrña allempo řhap yet allempo řhocma amesen judionesha', Jesúsñapa' o' ahuo' judionesha' po'prahuo, ñapa'cho' atet yeřchena. O' řhap puerahuopa' allñapa' tomos allcha'lleyatan aचेñenesha' Yompor po'ñoñ.

¹⁷ Allñapa' añ apet libro ñeñt' allo'tsen Isaías po'ñoñ ñeñt' a'mřtaye't Yompor po'ñoñ ahuat. Ñañapa' toran libropa' all entan ñoñets ñeñt' atet aquellcared řocop, ñeñt'ñapa' atet oten:

¹⁸ Napa' añ nechorrenaya Nompōr Puecamquēñ tarro'mar ña nellense' nach serrpare'taterre' ora allohuen aचेñenesha' ñeñt' atarr es pall-tetsa. Napa' añcha' ñeñoterranet cohuen ñoñets ñeñt'pa' allōch qesh-perret. Ñaña añecopña llesenserren attoch nach a'crratyerre' allohuen ñeñt' muerořhetyetsa puellquēñoť pueyořhreto. Nach eñotaterre' ñaña ñeñt' ayottamřsaretetyetsa allochñapa' o'ch atoramřsaretterret. Nach eñotaterre' ñaña ñeñt' ama entetso allochñapa' o'ch enterret. Ñaña ñeñt' amurořhtatereťyetsa nachña a'rroyaterrahuet.

19 Ñaña napa' añecopña llesenserren nach eñotaterahuet te'pa' o' çhap allempo pocte' enteñ Yompor o'ch atarr orrtaterranet puemuereña. Ñehua, arrpa' allohua ñeññ allpon lleyatanet Isaías po'ñoñ.

20 O' lleyatuanetpa' o' alla e'tamperran libro apuerran ñeññ sherbets all puerahuo. Allempoñapa' o' alla anorruerr. Allohuenña acheñenesha' ñeññ puerahuo'tsa'yen ñetñapa' atarr cohuanrrorteñet Jesús.

21 Ñañaapa' atet otanet:

—Atto' o' se'mhua añ ñoñetspa' te'ñapa' o' e'ñe çherr attoch e'ñe etsoterra ñeññ atet aquellecaret ahuatoteñ.

22 Allohuenña acheñenesha'pa' e'ñe cohuen eñora'yenet Jesúsocop. Atarr coçhnesha' enteññañet po'ñoñ ñeññ atet serrpare'tatyenanet. Ñetñapa' atet otanna'tyenet:

—Errotenotuañaca'yeña atarr coçhnesha' serrpare'tatyeny. Ñapa' añaca'ye José puechemer.

23 Jesúsñapa' atet oterraneterr:

—Sapa' ñeññ atet o' se'mare'ton ñeññ atet norrtatyena' ahuaña Capernaumo te'ña sapa' çha semneñ o'ch soten añ ñoñets ñeññecma muene' yotannena ama't ahuatoteñ: “Pa ñeñte'p a'crratañtetsa te'pa' o'ch pa'crrata e'ñe pañeña”, tarro'mar sapa' añte' semnen o'ch atet norrtat ñaña arr cohuen e'ñe ya ya'netsro atet norrtatena' ahuaña Capernaumo.

24 Tarraña napa' po'ñoçh o'ch notas:

—Ñeññ a'mtene' Yompor po'ñoñ ama't puesheñarra ama eñalleña ñeññ e'ñe cohuen enten allohuen pamo'tsesha' ñeññ parro yeçhenet all e'ñe ñet pa'netsreto.

25-26 Napa' po'ñoçh te'pa' añcha' neyerpatasa ñeññ atet pe't Elías ñeññ a'mtaye't Yompor po'ñoñ ahuat. Ñehua, allempopa' o' ma'pa char ñaña po'poñ puehmet charpa' nanac chares ama't mameshapa' ama huateno ñeñño'marña orrta muecheñets erracmañen all anetso ñeññ Israel all yeche't Elías. Ñaña ama't shonteñ israelena'tar ñeññ rretorraneshatyets allempo, tarraña Yomporñapa' ama alleye' mueñanoña Elías attoch yenposan ama't puesheñarra rretorranesha' ñeññ e'ñe pamo'ts pen ña. Arra mueñe po'poñ anetso ñeññ pa'so'cheñ Sarepta ñeññ allara Sidón allo'tsen puesheñarr rretorranesha', ñaña'pa' ñeñña yenpos.

27 Elloña o'ch alla neyerpaterrerr po'poñ ñeññ atet pe't ñaña Eliseo, ñapa'çho'ña ñeññ a'mtaye't Yompor po'ñoñ ahuat. Ñehua, allempopa' shonte' israelena'tarnesha' ñeññ osyen pueñsarñats ñeññ otenet lepra all anetso Israel all yeche't Eliseo. Tarraña ama't atteñ ama't puesheñarroçapa' ama a'crratereña Eliseo e'ñe all Israelo. Ñapa' aña a'crraterer ñeññ po'poñena'tar acheñ ñeñña' añ pa'so'cheñ Naamán ñeñña' po'poñ anetso'marnesha'; ñeññ pa'netser penpa' añ pa'so'cheñ Siria.

28 Acheñenesha'ña allempo e'met ñeññ atet yerpatanet Jesúsapa' ñeñña atarr atrre'matahuet allohuenet ñeññ puerahuo'tsa'yen.

29 Ñetña tantrra'tetpa' o' mueño'teret allot pa'netsretot. Cheta'neret, allotpa' arr anmet allohua huañen pocoll allot e'ñe atseretena allcha' huapore'chet attoch muetsatachet.

30 Tarraña ama't huapore'çetañ, Jesúsñapa' o' chope'chnerr ama't all shontena acheñenesha'. Ñaña'pa' all cheta'tnerra rroçhopa' o' ahuerr.

Allempo Jesúsapa' entap̄ puesheñarr yacma ñeñt chorrena oneñtē
(Mr. 1.21-28)

³¹ Allempoñapa' o' alla ahuererr anetso Capernaumo allara Galilea. Pamtarrña allempo chap yetñats allempo amesen judionesha' ñaña'pa' o' ahuo' po'prahueto. Allña'pa' yečhatyesosan acheñenesha'.

³² Ñeñt atet yečhatenanet, acheñenesha'ñapa' atfa cohuanrrorteñet. Tarro'mar ñapa' atet yečhatenanet ñerra'mrrate' ñeñt allsensarettetsa Partseshoť.

³³ Puesheñarrña yacma ñeñt allo'tsen puerahuo, ñeñtñapa' añ chorrenaya oneñtē. Ñaña rranare'tapa' atet otapan Jesús:

³⁴ —¿Eso'mare'tcha'ña erroť peřosey Jesúso, pa' ñeñteř nazareto'marneshař? Añecop̄te' pehuapa o'ch pa'chencaterrey. Napa' o' neñotapař. Papa' atarr Partsoř añ pellsensene' Pompor ñeñt atarr nanac Parets.

³⁵ Tarraña Jesúsapa' ama muenache o'ch eñorana'cha. Ñaña'pa' atet och:

—Pemma, te'pa' čhořaña cačhpa'nerre'ña añ acheñer.

Oneñtñapa' čha atanman yacmapa' alla o'shshe'ma e'ñe all shontena allohuen acheñenesha'. Allempoñapa' o' cačhpa'ner e'ñe atfa, ama erroť pa'nme.

³⁶ Acheñenesha'ñapa' čha atarr toratspanet pueyočhret. Ñetñapa' atet otanna'tyeset:

—Ta'mca'ye, erroťente'ca'yeña Jesús po'ñoñ, atarrepa't huomenc po'ñoñ pen. E'ñe atet ñerra'mrrate' ñeñt allsensarettetsa ñeñt atarr ahuamencatesha'. Ama't oneñt erroť otenpa' atetčho' p̄ateñ. Po'ñočca'ye te'pa' o' čha'nerr oneñtē.

³⁷ Allempoñapa' erracmañen allampaño'mar serrpare'tyeset ñeñt atet pena Jesús.

Allempo a'crratosan Jesús Simón Pedro pa'so'mue
(Mt. 8.14-15; Mr. 1.29-31)

³⁸ Allempoña Jesúsapa' čha'nerr puerahuot o' ahuo' ñaña Simón pa'paclo. Allña Simón pa'so'muepa' čha atsna'ten, čha atarr nanac hueraten. Otapet Jesús:

—Te' yapa' yemneñ o'ch pa'crratos atsnañeť.

³⁹ Allempoña Jesúsapa' o' ponmosana atsnañetpa' čha a'huañam̄p̄ose'ña po'urateña. Allempoña o' metua po'urateñapa' allenta tanta o' agapapanet e'ñe cohuen o' yema'tapanet.

Allempo Jesúsapa' a'crraterran shonte' pa'namen atsnañeťečhno
(Mt. 8.16-17; Mr. 1.32-34)

⁴⁰ Ñeñte yetrocma allempo o' emuena atsne'pa' acheñenesha'ña allohuenet ñeñt atsna'tyets pamo'tsesha' ñetñapa' o' huapatyesnenet atsnañeť e'ñe Jesúsesho. Ñaña'pa' na'yapanet pot ñesheto puesheña'ttset, atfoña a'crratyesapanet allohuenet.

⁴¹ Ñaña shonte' acheñenesha' cačhpatatyesapanet oneñtē ñeñt puerranarot otnomue' Jesús:

—Papa' ñeñteř e'ñe po'ñoč Parets Puechemereř.

Tarraña Jesúsapa' a'mtsoñetanet, ama muenataneto o'ch eñorana'tnomet, tarro'mar ñetpa' e'ñe eñotnomet ñapa' ñeñt Cristotets.

Allempo Jesúsapa' serrpare'tatyesnoman acheñenesha' erraparen Galileo'mar

(Mr. 1.35-39)

⁴² Tsapaña o' puetarenpa' Jesúsñapa' ahua'muen a'yo all ama acheñempañooye. Acheñenesha'ñapa' e' name'ta'mueñet. Atteñapa' o' çhapa'muenet allo'tsen Jesús. Ñetñapa' ama mueneñeto o'ch erra sa'nmanet.

⁴³ Ñañapa' atet otapanet:

—Napa' añ poctetsa nocop o'ch ahuen po'poñ anetso'mar, allpa'çho'ña o'ch neserrpare'tatyesnomanet ñeñt cohuen ñoñets, o'ch neñotatyesosanet Yompor po'cohuenña ñeñt attoch ayochreshañena ña, tarro'mar napa' ñeñtecopña llesenserren Nompör.

⁴⁴ Atteñapa' o' serrpare'tatyesnoman acheñenesha' erraparen Galileo'mar all ap'cha'yenet po'prahueto.

5

Atto Jesús rromatosanet shonte' cac

(Mt. 4.18-22; Mr. 1.16-20)

¹ Allempoña po'pocheño Jesúsñapa' e' ñe sa'patopño ten, ñeñña sa'ppa' añ pa'so'cheñ Genesaretas. Allñapa' huacha'toña shonte' acheñenesha' o' çha echta'tatse'tanna'toset. Attoña ama't Jesúsapa' o'çha echta'toset. Ñetpa' añ muenenet o'ch e'mñotosñañet Yompor po'ñoñ.

² Jesúsñapa' all entosan epna noñt e' ñe all sohua'puetso. Ñeñña po'taruas pene' ñeñt rremuene' cacpa' ñetñapa' ama po'noñto'tsa'yeneto. Ñetpa' o' ahuanmuet a'yenet allcha'tsama'teneta' po'terraya.

³ Jesúsña allpa' a'tapos puenarr noñto, ñeñt Simón po'noñt. A'tapospa' otan Simón:

—Pechtamñpsen mame' rroçha'sonet.

Jesúsña anorros noñtopa' allotña yeçhatosan allohuen acheñenesha'.

⁴ Allempoña serrpare'tatuanet, o' alla oterranerr Simón:

—Te'pa' o'ch ahuep rroçha'sonet epopa' o'ch alla peterrayerrerr, te'pa' perrma'ch shonte' cac.

⁵ Simónñapa' atet och:

—Yapa' o' Maestrocha' e' ñe yarepen torratsa terrayats e' ñe orrena ama't parra cac ama yerrmueñe. Te'ña paca' notene' o'ch alla neterrayerrerr ama'tpa' atetcha' nepa' o'ch alla neterrayerrerr.

⁶ Allempoñapa' atetcho' pet, o' alla terrayerrerr. Terrayañapa' shonte' rroman cac nanac aton, çha muene' rrarre'tatan terraya.

⁷ Atteñapa' agochet po'potantañ pamo'tset ñeñt po'noñto'tsa'yen o'ch huapuet ñeñtcha' rromapretahuet cac. O'ña çhapuet o' esha'tanatet cac noñto e' ñe epno'mar chorreres cac noñto, çha muene' esha'tatan noñt.

⁸ Allempoña atet eñch Simón Pedro ñañapa' poma'yorñecma ponmana Jesús, concorposa pa'rrpöt, all otos:

—Amach Partseshacha' allo'na peyemtatsetnenno tarro'mar napa' ñeñten atarr ochñafen.

⁹ Atet otan Jesús pueyorñoñ tarro'mar eñoteñ ñeñt atto rreman shonte' cacpa' Parets atet p'atene'. Ama't allohuen ñañña ñeñt epuet taruasenetpa' atarr nanac yorenèt.

¹⁰ Ama't ñañña Jacobo ñañña Juan ñeñt Zebedeo puechemerasha' ñeñt parro taruasen Simón, atarr nanac yorenèt. Allempoña Jesúsapa' atet oterranerr Simón:

—Amach čha peyorenatsto. Ñeñt atet pepena ahuatoteñ e'ne' cac te'ñapa' atetcha' peperra e'nerre' ñaña achen ñeñtcha' pame'ñaterra.

¹¹ Allempoñapa' ahuanperret o'ch etsotuerret allecma etsotenet. Ñetñapa' allempocma sohuanmuet allohuen ñeñt allpon echyenet. Allempoñapa' coteret Jesús attoch pueyochresha' perranet.

Atto Jesús a'crraterran puesheñarr yacma ñeñt aptsarñat
(Mt. 8.1-4; Mr. 1.40-45)

¹² Allempo po'pocheño Jesúsñapa' alla čherrerr po'poñ anetso. Allñapa' huapoña puesheñarr yacma ñeñt osen puetsarñats ñeñt otenet lepra, atarr apočhtateñ. Entosan Jesússpa' alla rromañpsosya. Allña rromuenapa' allotña enamosan Jesús, atet otos:

—Ayochreshate ñerra'm pa muenatspa' pa ñeñep atarr ahuaencateshap pa'crrataye'cherren allochñapa' attoch e'ñe cohuen entuerren achenesha'.

¹³ Jesúsña anretapa' allenta a'pille', atet och:

—Napa' nemneñca'ye, metuerrepa'ña peptsarña attoch e'ñe cohuen enterrep allohuen achenesha'.

Yacmañapa' allorocma metuer pueptsarña.

¹⁴ Jesúsñapa' alla otererr:

—Te' atto o' na'crraterreppa' ama't e'ñe puesheñarrapa' amach pota'psa'tatsche. Corneshachña pegatena' all peptsarse't. Atet nane't Moisés ñoñets añ achenrecop ñeñtcha' a'crratere'tterrtsapa' te'ñapa' o'ch es panom ñeñtcha' p'apos all ñeñt Yomporecop. Allochñapa' attoch e'ñe cohuen enterrep allohuen achenesha'.

¹⁵ Elloña atarr nanac serrpare'tyeñet, o' erracmañen epa'hua atto' pena Jesús. Ñeño'marña shonte' achenesha' huačha'toñet attoch e'mñotoñet po'ñoñ ñaña attoch a'crratyapanet allohuen pa'tsnañeferet.

¹⁶ Tarraña ñapa' errotenopa' o'ch ahurr a'yo all ama achenempaño'yaye allcha' ma'yochena.

Atto Jesús a'crraterran ñaña ñeñt echarraña
(Mt. 9.1-8; Mr. 2.1-12)

¹⁷ Po'pocheño allempo Jesússpa' all yečhaterranerr shonte' achenesha', allña allpononetpa' all anorrčha'tyen ñaña patantarr fariseonesha' ñaña ñeñt atarr etsotayenayeñ ñoñets ñeñt atet anaret judioneshacop. Ñetpa' pa'namen anetot huačha'tyenet—Galileot ñaña Judeot ñaña Jerusalénoñ. Jesúsñapa' atarr ahuaencat peñ Pompor, attoña a'crratyesan shonte' ñeñt atsna'tyets.

¹⁸ Atteña o' huapatoñet ñaña echarraña, huapatani'pset puechecna'pot. Ñetpa' añ muenenetañ o'ch be'toset o'ch e'ñe noset Jesúsesho.

¹⁹ Tarraña shonte' achenesha' ñeño'marña ama eshcaye' abe'tosetona' atsnañe't attoch čhapachet e'ñe Jesúsesho. Atteñapa' a'tapatoset enot pocollato. Allñapa' o' a'rrote'toset pateprarr echet allotña a'suatani'pset echarraña puechecnape'na. Attoña čhapachet e'ñe rročho allo'tsen Jesús.

²⁰ Jesúsñapa' eñotapanet ñetpa' atarr nanac yemteñet, ñeño'marña atet otapan echarraña:

—Masheñcha' te'ña pa'po'chñarpa' o' apretna'huaretta.

²¹ Otue' atetpa' añña fariseonesha' ñaña ñeñt atarr etsotayenayeñ ñoñets ñeñt atet anaret judioneshacop, ñetñapa' otatse'tet ñañeñeta:

—Eshesha' huañaca' ye o' achm' are'tañña Yompor. Arr patsropa' ama't puesheñarra ama eñalleña ñeñt' peretnene' ochñarets, ñapñaña Yompor peretnene' ochñarets.

²² Jesúsñapa' eñotanet ñeñt' atet otenet ñocop, ñañaapa' atet otanet:

—Sapa' eso'mare'tcha'ña atet soctape' chatse'tyesña seyo'chro.

²³ Ñehua, sapa' cha soten ñeñt' atet o' notue echarraña po'chñarpa' o' ap'retna' huareña, ñeñt'apa' ama torrapahuoyaye. Sapa' añña atarr torrapo' senten attoch na' crrater' choncha'ña ote': "Petantena, pechope' chnen."

²⁴ Ñehua, napa' o'ch neñotatas na Ñeñten Acheñetosets, napa' apareten llesens attoch nach peretnerre' ochñarets añ patsro.

Ñeñto' marña Jesús allempopa' atet otan echarraña:

—Te'ña napa' o'ch notaþ: Petantena, pechta'nen pemue' o'ch pechope' chnen, ahuenep' pepaclo.

²⁵ E'ñe otue' atetpa' echarrañañapa' cha tantetsa e'ñe allorocma. Allohuenña acheñenesha' e'ñe entueñet. O' cheta'nenan po'mue' pa'ye' cho'chtateñesha' Yompor o' ahuen pa'paclo.

²⁶ Allohuenña acheñenesha'pa' cha atarr cohuanrrortapueñet. Attoña ñetpa'cho'ña atarr cohuentaty'eññañet Yompor. Allohuenetñapa' atarr nanac yorenet, atet otyenet:

—Te'pa' o' yenterr ñeñt' ama't ahuatapa' ama yentareña ya ñeñt' atarr cohuen.

Allempo Jesúsapa' hua'ña'nman Leví attoch pueyochresha' per (Mt. 9.9-13; Mr. 2.13-17)

²⁷ Allempoñapa' o' ahuerre Jesús. All oñempa' all entnoman puesheñarr ñeñt' po'taruas pene' o'ch cobrenan acheñenesha' quelle ñeñt' gobiernocop. Ñeñt'ñapa' añ pa'so'cheñ Leví*. Alla anen allecma ap'chenet quelle ñeñt' gobiernocop. Jesúsñapa' otosan Leví:

—Te'pa' pocta'n attoch neyochresha' neperrep.

²⁸ E'ñe otue' atet Levíñapa' cha tantnomtsa o' coñan Jesús. Attoña ñapa' e'ñe sohuanman ñeñt' allohuen pa'namen.

²⁹ Allempoñapa' chapamuen ñaña pamtarr allempo Leví pa'paclopa' ye'chcatatan shonte' rreñets attoch coshame'tam'pesyet Jesús. All rrallme'chapreteñ shonte' acheñenesha'. Allo'tsa'yen ñaña ñeñt' parro yemtena Leví. Ñetpa'cho'ña ñeñtareta ñeñt' po'taruas penet o'ch cobra'yeneñt' acheñenesha' quelle ñeñt' gobiernocop, tarraña ñetpa' puehquëño'te'na cobreñet acheñenesha' aton. Ñeñt' rrallme'chaprete' Jesús.

³⁰ Fariseonesha' ñaña ñeñt' atarr etsotayenayen ñoñets ñeñt' atet anaret, ñetñapa' sasare'teññañet Jesús pueyochresha'. Atteñapa' otarettet:

—Ta'm, eso'marte'ña serrallme'chapreteñña añ acheñeneshar ñeñt' puehquëño'te'na cobra'yene' acheñenesha' aton quelle ñaña epas acheñenesha' ñeñt' atarr ochña'fenesha'chno.

³¹ Atet e'manet Jesús, ñañaapa' atet toma'ntatanet:

—Ñeñt' e'ñe huomech entetsapa' ñetpa' ama e'neñetoña apartañ. Añña ñeñt' atsa'tetspa' ñetñapa' chocma añ e'nenet ñeñt'cha' a'crraterrahuet.

³² Napa' ama añecpaye' nohuapo attoch neçhore'tos ñeñt' e'ñe atet entetsañ ñetpa' e'ño' cohuen es pa'yenet. Napa' añecpoña nohuapa attoch neçhore'tos

* 5:27 Levípa' ñeñt'ara ñeñt' sochenet Mateo.

ñeñt atarr ochñať entyetsa. Allochñapa' attoch o'ch cotape'cherret ello e'ñe cohuen Yomporecop.

Allempo Jesúsapa' eñotatanet atetcha' tore'tet Yomporecop ñeñt e'ñe po'ñočh sherbets

(Mt. 9.14-17; Mr. 2.18-22)

³³ Ñetñapa' alla otereterr Jesús:

—Ñeñt Juan pueyochresha'pa' čhocma tore'tenet Yomporecop,[†] čhocma ma'yochenet. Ñaña fariseonesha' pueyochresha'pa'čho'ña attecma penet. Tarraña paña peyochresha'pa' eso'mare'tña ama atteye' peneto. Ñetpa' atta es rratse'tyenet, atta es orryenet.

³⁴ Jesúsñapa' alla toma'ntaterraneterrpa' atet otanet:

—Ñeñt ahua'ñareťečhno all rrallme'chapreteñet ñeñt e'ñe errte' sena'tetsa, ama pocteyaye o'ch yotanet “amach es serra'yesatsto”, tarro'mar ñeñtapa' atet coshapreteñet ñeñt sena'tetsa.

³⁵ Tarraña ñerra'm esempo machayota sa'nerranet ñeñt sena'tetsa, ñeñtña parro yemuetyena allempoña ñetpa' e'ñe puellquėñoťet cačhpa'huerretcha' puerrar, amach arrenaye' enterreto. Ñeñtapa' attochña tore'terret allempo Yomporecop e'ñe po'ñočh. Arrpa' allohua huañ ñeñt atet Jesús toma'ntata ña sena tosta.

³⁶ Elloñapa' o' alla toma'ntaterraneterr ñeñt atet yečhen judionesha' arr patsro ñeñto'marña atet otanet:

—Ñehua, ñerra'm yečhen epma yeshtam, paterr emarr ñaña po'poñ mel-lashañpa' amach yerrarratstoña emarr yeshtam alloch yellta' yeshtam mel-lashañ all rrrarra'nen. Tarro'mar ama't atet yeťatsechpa' ñeñtapa' e'ñeč orrena. Ama't yeshtam emarrpa' o'huañcha' cohuenta all yerrarreť. Ñaña yeshtam mellashañ ama't o' yelltereť emarropa' amach alla cohuenterro tarro'mar ñeñt allo o' yellterpa' ama mellashañecmayaye, ñeñto'marña amach ñeñtatere.

Ñeñtapa' attoña Jesúsapa' eñotatanet ña poctapaña e'ñe etserra.

³⁷ Jesúsñapa' alla toma'ntaterraneterr po'poñ ñeñt atet yethena judione-sha' o'ch yečcatenet pa'rrom orrot. Ñeñto'marña atet otanet:

—Ama't puesheñarroťeyapa' amach yeshatstoña vinos emasa mellasha'ñañ orroto ñeñt ayečcataret pa'rrom. Tarro'mar ñerra'm atet yepe'pa' o'ch chasa'ña vinospa' čhach a'ťsan orrot, vinosñapa' e'ñeč shebhua, ñeñtña orroťpa' ama't mamesha'pa' amach es sherberro.

³⁸ Añña ñerra'm emasa vinos, arrcha'ña yeshe' emerra orroto ñeñt ayečcataret pa'rrom. Allochñapa' ama'tcha' chasa' vinospa' amach čha potsa'psoña vinos ñeñtapa' allach yečhen epo'mar.

Ñeñtapa'čho'ña attoña Jesúsapa' eñotatanet ña poctapaña e'ñe etserra.

³⁹ Po'poñoñeťpa' alla toma'ntaterraneterr Jesús, ñeñtapa' atet oterraneterr:

—Ñeñt e'ñe yečhenaya o'ch orran co'nes ñeñt atarr chase'pa' ñapa' ama mueno o'ch orran co'nes emasa, tarro'mar ñapa' atet oten ñeñt atet yethena ahuatoteñpa' ñeñta e'ñe cohuen enten.

[†] 5:33 Añ tore'teñetspa' añecop o'ch yetorra Yomporecop. Amach añecpayaye atomat, ñeñtapa' añecpa mameshacop o'ch yequečhpa' yerrar.

6

*Allempo Jesús pueyochresha' taso'tampesyenomuet trigo añe yetro allem-
pocma amesen judionesha'*

(Mt. 12.1-8; Mr. 2.23-28)

¹ Allempoña cherrerr allempo chocma amesen judionesha'. Allempoña Jesús pa' arr oñem chetso'mar epuet pueyochresha'chno. Allempo oñenet chetso'mar pueyochresha'ñapa' taso'tampesyenomuet puechma'tets trigo a'she'challme'chyesnomet atfo't rrocllome'chachet o' rra'y esnomet.

² Ñeñña patanta'tets fariseonesha'pa' che'ptare'tanet, atet otaretet:

—Eso'mare'tña atet sepena ñeñt ama pocteyaye o'ch atet ye'pa tarro'mar te'pa' añe yetro ñeñt atet anaret ahuatoteñ allempocmach yamesen.

³ Jesúsñapa' otanet:

—Sapa' ama'trra selleyareña añ ñoñets all oten ñeñt atet pa' ahuat David allempo cheporra'nma epuet ñama allohuen ñeñt cotene'.

⁴ Ña allempopa' be'tosos Yompor pa'paclo, allñapa' chetosan pan ñeñt atma'ntaret atet ñerra'mrrate' ñeñt nenet all Partscop. Ñehua, ñeñt panpa' ama pocteyayñe o'ch esesha' rre'. Ñeñtpa' añach ñapue't rrene' cornaneshachno; ñeñtpa' e'ñe atet anuaret judioneshacop. Ñeñña panpa' o' chetos David, rros, rratosan ñama allohuen ñeñt epuet.

⁵ Allempoña alla otarraneterr Jesús, ñeñtpa' atet otanet:

—Ñeñto'marña te'pa' o'ch notas, na Ñeñten Acheñetosets ñeñten allsenareten, naca'ye atet otets este' poctetsaña ñeñtcha' atet ye'pa añe yetro allempocma yamesen.

Allempo Jesús pa' a'crraterran ñeñt chellets a pot

(Mt. 12.9-14; Mr. 3.1-6)

⁶ Allempoñapa' cherrerr po'pocheño ñeñt yetñatsro allempocma amesenet. Jesúsñapa' be'tosuenerr judionesha' po'prahuo. Allñapa' ye'chatyesuenanerr acheñenesha'. Allñapa' allo'tsen ñama puešeñarr yacma ñeñt cha'chellena pot po'cohuenrot.

⁷ Acheñenesha'ña ñeñt atarr etsotayenayeñ ñoñets ñeñt atet anaret epuet ñama fariseonesha' ñetña allpa' Jesús a atarr cohuanatyenet attoch enteñeterr ñato'rraña o'ch a'crratenanerr acheñ añe yetro allempocma amesenet. Ñerra'm o'ch a'crratenanerr ama't puešeñarra acheñ añe yetro allempo amesenet, allempoñapa' esheccha' a'metampeñeta' añcha'taretsho.

⁸ Jesúsñapa' eñotanet ñeñt atet cotape'chatse'tyenet pueyochreto. Ñaña'pa' atet otan yacma ñeñt chellets a pot:

—A'pon pa'tomos arrma.

Yacmaña huapapa' o' tomos all rro'cho.

⁹ Jesúsñapa' atet otanet:

—Ñehua, napa' o'ch na'p'to'tas: ¿Erra'tsena'tña ñeñt e'ñe pocte' senten ñeñtcha' atet ye'pa añ yetro allempo yamesen? Ñato' o'ch atet yepe' e'ñe cohuen po'p'sheñ, amapa' ñato' o'ch atet yepoñ ñeñt ama pocteyaye. Ñato' añe' pocte' senten o'ch ya'crrach acheñ amapa' añe' pocte' senten amach ya'crratatsche'chachña yemtsatach.

Ñetñapa' ama't puešeñarrofetapa' ama eseshaye' anapuenaye entaye.

¹⁰ Ñaña'pa' cohua'yasan allohuen ñeñt anorr'chets all, allempoñapa' otan ñeñt chellets a pot:

—Te'pa' o'ch notañ: Petapuerr pot.

E'ñe otue'pa' ñaña'pa' allentepa'tcha' tapuerran pot, o' e'ñe cohuenterra pot.

¹¹ Fariseonesha'ñapa' ñeñña atarr atrre'matahuet. Allempoñapa' cotape'chatanna'tet, atarr o'pachet Jesús.

Allempo Jesús'pa' acran çharrasheña ñeñ puechetsa epsheña ñeñtcha' llesensa'

(Mt. 10.1-4; Mr. 3.13-19)

¹² Allempoña Jesús'pa' o' alla ahuererr a'yo aspeno allcha' ma'yochena'. Allñapa' arepen ma'yochaya Pompor.

¹³ Tsapaña puetarenpa' agota'muenan allohuen ñeñ pueyochresha'chno pen. Allempo cha'cha'tet ñeshopa' ñaña'pa' o' acrapan ñeñ çharrasheña ñeñ puechetsa epsheña ñeñtcha' llesensa' ñeñtcha' serrpare'tyetsa' allemeñ anetso'mar.

¹⁴ Ñeñ llesensa' ñeñpa' añechno: Simón ñeñ soherr Pedro, allotpa' ñaña pa'mo'nasheñ Andrés, allotpa' Jacobo* ñaña pa'mo'nasheñ Juan, allotpa' Felipe, ñaña Bartolomé,

¹⁵ ñaña Mateo ñaña Tomás ñaña Jacobo ñeñ Alfeo puechemer, ñaña ñeñ po'psheñ Simón ñeñ cananistanesha' ñeñ atarr torratse't pa'netsrecop,

¹⁶ allotpa' ñaña Judas† ñeñ Jacobo pa'mo'nasheñ, allotpa' ñaña po'psheñ Judas Iscariote ñeñtcha' pomuerre' tsapatonet Jesús.

Allempo Jesús'pa' yeçhatenan shonte' acheñenesha'

(Mt. 4.23-25)

¹⁷ Allempoña huerra Jesús aspenot epuet pueyochresha', tom'cha'tuerret all aspenet pacñe'tpener poño po'mopñero. Allñapa' o' cha'cha't shonte' po'potantañ acheñenesha' ñeñ pueyochresha' pen. Ñaña allo'tsa'yen shonte' acheñenesha' ñeñ huachetsa allemeñ anetso't—Judeot ñaña Jerusalénoñ, ñaña sa'patopño'marnesha' ñeñ huetsa Tiroñ ñaña Sidónoñ. Ñetpa' añecopña huachenet o'ch e'nñoteret ñamet Jesús ñeñ atet serrpare'ten ñaña añecpa'ñaña huachenet atoch a'crratyesapanet Jesús patsnañeteret.

¹⁸ Ama't ñaña allohuen ñeñ muerochtayen oneñeñ ñaña'pa' e'ñe a'crratyesuapanet.

¹⁹ Allohuenña acheñenesha'pa' atarr mueneñet o'ch a'p'lloset Jesús tarro'mar ñapa' ña atarr ahuamencatesha', e'ñe ña po'huamencot a'crratyesanan allohuen acheñenesha'.

Atto atarr cosheñtso'tsa'yen patantarr ñaña atarr llequëñtso'tsa'yen po'potantañ

(Mt. 5.1-12)

²⁰ Allempoña Jesús'pa' cohua'yesan ñeñ pueyochresha' pen, ñaña'pa' atet otanet:

—Ñeñtes atarr huocchañnesha' entetsa ñeñtescha'ña atarrcha' cosheñtso'tsa'yenes tarro'mar sapa' o'pataterrach Yompor po'cohuenña atto atarr ayochreshattena ña.

²¹ Ñaña sapa' ñeñtes cheporrare'tyetsa te' ñeñtescha'ña atarrcha' cosheñtso'tsa'yenes tarro'mar Yomporcha'ña e'ñe señmataterra'.

Ñaña sapa' ñeñtes yahuetsa te' e'ñe sellquëñoñ ñeñtescha'ña atarrcha' cosheñtso'tsa'yenes tarro'mar Yomporcha'ña e'ñe seche'taterra' socsheñoñ.

* **6:14** Jacobopa' ñeñfara ñeñ sochenet Santiago. † **6:16** Judaspa' ñeñfara sochenet Tadeo.

22 'Ñaña sapa' atarr cosheñtso'tsa'yenes ñerra'm esempo e'moñe'tenset no'mar ñerra'm esempo mueño'tenset, ñerra'm esempo puestasare'teño'tetas sochatse'tenset tarro'mar sapa' na same'ñena Ñeñten Acheñetosets.

23 Allempo atet penset ñeñt ama cohuenayaye, sañapa' socshepa'ch nanac ñaña señoche'pa'ch shonte' ñeñt o'patatensa Yompor pue'ntaño ñeñtcha'ña atarr socshaterre'. Ñehua, ñetpa' pa'tañneshañpa' attecma muerochtatyese'te' ñaña ñeñt a'mta'yese'te' Yompor po'ñoñ ahuat.

24 'Tarraña te'pa' o'ch notas sa ñeñtes atarr eçllayoretas ñeñtes echene' ora allpon ñeñt e'ñe socpa. Sapa' ñeñtescha'ña atarr llequëñtso'tsa'yenes tarro'mar esempopa' huañerrcha' ñeñt socshatene'.

25 'Ñaña atarr llequëñtso'tsa'yenes ñeñtes atarr esocmañen es echyets allo e'ñe señmatena seyeteño't. Cherrcha' allempoch atarr sepallterra ñeñtcha' serrar seperr.

'Ñaña atarr llequëñtso'tsa'yenes sa ñeñtes te'pa' e'ñe socsheñsha' seche'tatsetyena. Cherrcha'ña allempoch seyahuerra sellquëño't.

26 'Ñaña atarr llequëñtso'tsa'yenes ñerra'm esempo allohuen acheñnesha' e'ñech cohuen entapretenset, e'ñe cohuen eñosyenet socop. Tarro'mar ñetpa' atet pete't pa'tañneshañ ahuat, e'ñe cohuen eñosyese'te' añ acheñreneshacop ñeñt ama't ama Yomporreye' po'ñoñ a'mta'yese'te'.

Atto Jesús'pa' ye'chatosanet amorrentpo'ch yeñch ñeñt ye'moñe'tyene'
(Mt. 5.38-48; 7.12)

27 'Sa ñeñtes ne'mñotene' o'ch notas ñeñtcha' atet sepa e'ñe cohuen, semueryach ama't ñeñt se'moñe'tene'. O'ch atet sepe' e'ñe cohuen.

28 'Ñaña ama't erra'tsen ñeñt sarrnomare'tenaya sañapa' o'ch senamaterrñañ Yompor pa'nateña. Ñaña ñeñt sesasare'tene' sañapa' o'ch sema'yochañpananet.

29 Nehua, atet ñerra'm esempo esesha' pue'moñe'teño'tetas o'ch tacllaset setsa'po, sañapa' poctepa'chña señch tacllerrserrepa' ñaña po'pshenñtaño't. Ñaña ñerra'm esempo esesha' seprratamñpse' seshtam, sañapa' poctepa'chña señch puerrratamñpsasetepa' seshtam ñeñt muenenet ama't ñaña po'pmañ seshtam allo sepmatena.

30 'Ñerra'm esesha' es senamuene' sañapa' sapepa'ch ama't esesha. Ñaña ñerra'm esesha' seyoratsre'tamñpse' sañapa' amach alla senamatstere apuerrsetepa' alla.

31 'Ñehua, ñerra'm erra'tsente' e'ñe cohuen senten ñeñt semnen sa ñeñtcha' atet ponas po'psheneñ, sapa'cho'ña e'ñech attecma sepanet samña.

32 'Ñaña sa ñerra'm aña semorrentena ñeñt atarr semorrentenaya samña, ñeñt'pa' amach e'ñeye' sorrratenña ñeñt e'ñe po'ño'ch cohuentetsa, tarro'mar ñeñt ama ame'ñenayo Yompor ñetpa' aña morrentenet ñeñt e'ñe morrentenahuet ñamet. Añña atarr cohuentetsa ama't ñeñt ama yemorrentenayepa' o'ch yemorrenñcha e'ñe cohuen.

33 'Ñaña ñerra'm aña e'ñe cohuen seyepa'yen ñeñt seyepa'yene' samña, ñeñt'pa' ama e'ñeye' sorrratenña ñeñt e'ñe po'ño'ch cohuentetsa, tarro'mar ñeñt ama ame'ñenayo Yompor ñetpa' aña yepa'yenet ñeñt yepa'yenahuet ñamet.

34 Ñaña ñerra'm añeepa es sartanna'tyena attoch ellopa' o'ch alla apuerrset samña, ñeñt atet sepenapa' ama e'ñeye' sorrtratenoña ñeñt e'ñe po'ñoch cohuentetsa; añcha'ña es saretyena po'psheñeñ ama't ñetpa' ama'tcha' ama apuerrseto ama't coñe'ta, tarro'mar atet pena ñeñt ama ame'ñenayo Yompor ñerra'm eñoteñet o'ch alla aparetterret ñamet esheccha'ña archet po'psheñeñ.

35 Tarraña napa' o'ch notas, sapa' añe'nachña semorrentena ama't ñeñt se'moñe'tene'. Ñaña sapa' añe'nachña seyenpuen ama't ñeñt ama seyenpuenaye. Ñaña sapa' añe'nachña es saretyena ama't ñeñtcha' ama sapueraye. Ñerra'm atetcha' sepa Yomporñapa' apuerrescha' ello ñeñtcha' atarr socshatuerre'. Ñapa' allempoch e'ñe puechemer perres, ñeñfara Yompor Ñeñt Nanac Parets. Tarro'mar ñapa' añe'naña muerena ama't ñeñtcha' ama coshaterraye ña, ñeñfara ñeñt ama cohuenaye' es petso.

36 Sapa'cho'ña atarropa'chña semueranna'ta e'ñe atet pena ñeñt Yeyomporer yepen atarr muerenya yama.

E'ñe attotapa' amach yotteñe'channa'tatsto
(Mt. 7.1-5)

37 'Sapa' amach sotatsche po'psheñeñ "ama pocteyaye ñeñt atet sepa'yena", allochñapa' amach otuerrso samña Yompor ama pocteyaye ñeñt atet sepa'yena samña. Ñaña e'ñe attotapa' amach sotteñe'chatsche po'psheñeñ allochñapa' Yomporpa'cho'ña amach otteñe'chuerrso samña, chochña e'ñe cohuen sepretnannena allochñapa' Yomporpa'cho'ña e'ñech cohuen peretna'huerres samña.

38 Ñaña sapa' e'ñech cohuen es sapanna'tyena allochñapa' Yomporpa'cho'ña e'ñech cohuen es apuerres samña. Shonte'ch nanac es apuerres, atet ñerra'mrrate' cho es e'chorratenset soshaco atet ñerra'm chop e'charet. O'ch chorrapa' o'ch a'rrapuet esheccha' esha'teretererr po'poñ, ñerra'm o'ch chorrerrerrpa' o'ch pa'shmuet attoch e'ñe a'tamo'yonaset. Ñeñtapa' añ toma'ntena atto es apueney Yompor nanac aton. Ñaña erponcha' sañ po'psheñeñ, sapa'cho'ña e'ñech allpon apuerres samña Yompor.

39 Allempoña Jesúsapa' atet toma'ntaterraneter, ñeñtapa' atet otanet:

—Ñeñt aporo'yetpa' ñapa' amach errotent echa'nmano po'psheñeñ ñeñt parro aporo'yetcmuet. Tarro'mar ñerra'm atet penet, ñerra'm arrotonta echa'nmanna'tnomuetpa' epsheño'maret chach shora'nmuet arrototo. Arrpa' allohua ñeñt atet toma'ntatanet atet ñerra'm ya allempo ama yoctape'cherra' ñeñt cohuentetsa Yomporcop amach errotent yoctape'chache po'psheñeñ ñeñt ama eñotenaye ñeñt cohuen enten Yompor.

40 'Ñeñt ay'chatarettsapa' ama't puesheñarra amach errotent metanetoña ñeñt allpon eñoten ñeñt yechatene'. Ama't allempo e'ñe ay'chatarettapa' e'ñech allpona ye'cha' ñeñt allpon eñoten ñaña ñeñt yechate'.

41-42 Amach atet sentatsche po'potantañ ñerra'm ñetpa' ama cohuenaye' es peneto ama't sapa' ama sentenoña ñeñt atet sepa'yena sa; ñeñtapa' ello semtaneña po'potantañ ñeñt atet es pa'yenet ñet. Ñerra'm ama cohuenaye' es sepeno samñaapa' amach sotatscheña po'potantañ: "Masheñcha' napa' o'ch noctape'chaterrep e'ñe cohuen." Tarro'mar ñerra'm atet sepenapa' cha sommo'chena. Ñanomcha'ña añ sehuapore'terr ñeñt ama cohuenaye' sepeno sa, allochñapa' attoch seño'ch cotape'chate' samo'ts e'ñe cohuen. Ñeñtapa' añ toma'ntena o'ch senten po'psheñeñ pa'clloyo'tsen puepachña ama't sa

seclloyopa' allo'tsen tsach; ñeñtña' ama senteñe. Ñerra'm atetpa' amach er-rotenot socheña po'psheñeñ: "Masheñcha' napa' o'ch nechterrnap' pecloyot pepachña." Tarro'mar añ tsach ñeñt seclloyo'tsenpa' cha a'npuennasña attoch e'ñe cohuen es sentyen. Ñanomcha'ña añ sehuapore'terr tsach seclloyot allochña'pa' attoch e'ñe cohuen es sentyen. Attochña e'ñe cohuen sechterrña po'psheñeñ puepachña pa'clloyot.

Allohuen acheñ ñeñt e'ñe po'ño'ch cohuen acheñer, ñetñapa' añcha' orrtatyenet ñeñt e'ñe cohuenare'

(Mt. 7.17-20; 12.34-35)

⁴³ Tarro'mar allohuen acheñ ñeñt e'ñe po'ño'ch cohuen acheñer, ñetñapa' añcha' orrtatyenet ñeñt e'ñe cohuenare'. Tarraña po'potantañ acheñenesha' ñeñt po'ño'ch ama cohuenayaye ñetñapa' añcha' orrtatyenet ñeñt ama cohuenarayaye. Ñeñtapa' atetcha' netma'ntatersa: Ora allohuen ñeñt e'ñe cohuen narmetsoch, pue'merpa'cho'ña e'ñech cohuenare'. Añña po'pchañechno narmetsoch ñeñt ama cohuenayayepa' pue'merpa'cho'ña amach e'ñe cohuenarayaye.

⁴⁴ Ñeñto'marña attoña yeñoten erra'tsente' ñeñt e'ñe cohuenare' narmetsoch ñaña ñeñt ama cohuenarayaye, pue'merotña e'ñe yechme'teñ. Ñaña yapa' e'ñe yeñoteñ ama arroteye' yetoquenoña llo'm ajchot. Ñaña ama arroteye' yetoquenoña ap rrenagachot.‡

⁴⁵ Ama't erra'tsena acheñer ñeñt e'ñe po'ño'ch cohuen, ñapa' añcha'ña orrtaten ñeñt e'ñe cohuenare' cotape'chen pueyo'chro tarro'mar pueyo'chro allña shonte' cotape'chenan ñeñt cohuentetsa. Tarraña po'poñ acheñer ñeñt po'ño'ch ama cohuenarayaye, ñapa'cho'ña añach orrtaten ñeñt atet cotape'chen pueyo'chro ñeñt ama cohuenarayaye tarro'mar pueyo'chro allña shonte' pa'namen cotape'chenan sosya'tsañ. Tarro'mar ñerra'm shonte' yoctape'chen yeyo'chro ñeñt cohuentetsa, ñeñtapa' e'ñech ñeñta cohuen yeserrpare'ten. Tarraña ñerra'm shonte' yoctape'chen ñaña yeyo'chro ñeñt ama cohuenarayepa' ñeñtapa'cho'ña e'ñech ñeñta yemnen o'ch yeserrpare'teñ.

Atto Jesús toma'ntatana acheñ ñeñt e'ñe eñotene' ñeñt po'ño'ch sherbets ñaña ñeñt ama eñotenyaye ñeñt sherbets

(Mt. 7.24-27)

⁴⁶ 'Sapa' eso'maruaña'yeña sotenan napa' Sa'yochreshatero' sepenen, sapa' amaca' choye' same'ñenno ñeñt atet o' notuas.

⁴⁷ Allohuen erra'tsenta' huapatsa nesho ñeñtcha' name'ñenaya na ñaña ñerra'm e'mñotennanet neñoñ ñeñt atet cohuen ney'chatenanet ñerra'm atet e'ñe penet, ñetñapa' atarrcha' eñotenet ñeñt e'ñe po'ño'ch sherbets.

⁴⁸ Ñeñt acheñer ñeñt atet petsa o'ch netma'ntacha atet ñerra'mrrate' puesheñarr yacma ñeñt atarr es eñotets ñeñt tomatene' pocoll ñeñt e'ñech echarr penan pa'paquell. Ñaña'pa' atarrcha' o'pono eñan pats attoch e'ñe echarr ñan po'quellpach. Atteñapa' o' chap allempo apellchena oñ, pocollña'pa' ama a'mato apellche' tarro'mar quellpachpa' atarr huomenc atomataret.

⁴⁹ Tarraña po'potantañ ñeñt e'muene' neñoñ ñetña ñerra'm ama atteye' peneto ñeñt atet notenanet, ñetñapa' e'ñech atet ñerra'mrrate' puesheñarr yacma ñeñt ama es eñoto. Ñapa'cho'ña o' tomataneñ pa'paquell tarraña ñaña'pa' ama atarr o'ponoye' eñanoña pats attoch e'ñe echarr

‡ 6:44 Nehua, Jesús añ toma'ntatantet uva ñaña higo ñeñt puenarem penet all pa'nyo.

pan po'quellpach. Allempoñapa' apellcha oñ apellche'ñapa' chepa'tcha' a'matamñsps pa'paquëll. Pocollñapa' e'ñe poctacma muello'tstosa.

7

Atto Jesúsapa' a'crraterran capitán pa'taruasañer; ñeñi capitánpa' romo'marnesha'
(Mt. 8.5-13)

¹ Allempoña Jesúsapa' serrpare'tatuerranerr allohuen acheñenesha' ñeñi e'mñotene', ñañaapa' ahuererr, o' cherrerr Capernaumo.

² Allñapa' allo'tsen puesheñarr yacma ñeñi solltar po'cap'taner, ñeñipa' romo'marnesha', ama judioneshayaye. Ñeñña capitánpa' echenan puesheñarr pa'taruasañer cha atсна'ten atarr pa'nattena, ñañaapa' atarr morrentenana pa'taruasañer.

³ Ñeñña capitánpa' allempo e'mare'tan Jesús o' alla cherr Capernaumo, ñañaapa' o' mueñan patantarr acheñ ñeñi pompornesha' pen judionesha', o'ch oteñeta' Jesús atto agotateñ capitán o'ch a'crraterrñaña' pa'taruasañer.

⁴⁻⁵ Allempoña chapuet Jesúseshopa' ñetñapa' atet otoset:

—Ñeñi capitánpa' ñapa' atarr cohuen acheñ, ñapa' atarr morrentenya ya ñeñey israelena'tarey, ama't yeprahuapa' o' tomatatuosnay. Ñeñto'marña ama't yapa' e'ñe pocte' yenteñ o'ch peyenpueña' ñaña, ñapa' ama't ama judioneshayaye. Attoña atarr enamueñet Jesús attoch yenpuenana' capitán.

⁶ Allempoñapa' co'ta'nerranet Jesús. Chapmochet capitán pa'paclo, capitánñapa' mueñerranerr po'potantañ acheñ ñeñi parro yemtena ñeñicha' otapue' Jesús atet oten capitán:

—Yapa' atet otapuey capitán atto'ch yotapañ: “Amach Ayochreshate atsrre'mothen nentatatstapape tarro'mar napa' ama cohuenayayno attoch pebe'tosapo'tamñesna nepaclo.

⁷ Napa' ama cohuenayayno ñeñto'marña aña nemñen po'psheñeñ ñeñicha' nepoctatapañ, ñeñtcha' potap correrrepa' na'taruasañer, ñañaapa' acrrerroc'ch.

⁸ Tarro'mar napa' ñeñten ñeñi atet petsa ñeñi atet otenen ñeñi neyechenaya. Ñaña napa'cho'ña eñall ñeñi neyechena ñaña ñeñi nesolltarer nepen. Ñerra'm puesheñarr solltar noteñ: Papa' o'ch ahuep a'yo, ñañaapa' o'chcho' ahuo'. Ñaña po'psheñeñ solltar ñerra'm o'ch noch: Papa' apon arr, ñañaapa' o'chcho' huapa. Ñaña po'psheñeñ na'taruasañer ñerra'm o'ch noch: Papa' arrcha' petaruasa'muen, ñañaapa' allcha'cho' taruasa'muen. Ñeñto'marña napa' neñoteneñ ñerra'm erroten potenpa' e'ñechca'ye atet pena.”

⁹ Allempo e'man Jesús ñeñi atet oten capitán, ñañaapa' alla cohua'yesan allohuen acheñenesha' ñeñi co'ta'nene'. Ñañaapa' atet otanet:

—Erroteno'tuañaca'yeña atarr yemtena, ñapa' amaca'ye judioneshayaye. Napa' o'ch notas, ama't ahuatapa' ama nentareña acheñ ñeñi e'ñe atet neyemtenaya, ama't allohuen israelena'tarnesha' pa' ama't puesheñarra ama nentareña ñeñi atet atarr neyemtenaya. Ama'tpa' correrrepa' pa'taruasañer.

¹⁰ Allempoña ñeñi pocte' Jesús o' ahuanerret capitán pa'paclo. Ñetñapa' entuerrñañet capitán pa'taruasañer o' e'ñe correrra.

Atto Jesúsapa' tantaterran arromñai ñeñi rretormanesha' puechoyor

11 Allempo allponmaterrerr; Jesúsñapa' ahuererr po'poñ anetso, ñeññ añets añ pa'so'cheñ Naín. Alla cota'huanererr pueyochresha' ñaíma shonte' po'potantañ acheñenesha'.

12 O' chapmochet all allotecma be'tenet attoch chapuet anetso. Allotñapa' cha'nma'cha'tos ñeññ anene' arromñañ, o'ch pampueñeta'. Arromñaññapa' asheñorr ñeññ e'ñe po'parror pen pachor. Pachorñapa' rretornanesha'. Shonte' acheñ ñeññ allo'marnesha' ñeññ llecapreteñaya rretornanesha' all cota'neñet.

13 Partsesha'ña Jesús allempo entapan rretornanesha' puellcapreteño'p'a' atarr muerosya. Ñañapa' atet otapan rretornanesha':

—Amach nócha peyahuatsto.

14 Allempoña ponmapana arromñañ, a'pllata'tosñañ po'cajon. Ñeññña anene'pa' alla tom'cha'toset. Jesúsñapa' otan huepuesha' ñeññ rromuets:

—Napa' o'ch notap: ¡Te'pa' o'ch petanterra!

15 E'ñe otue'pa' ñeññña arromña'p'a' allenta tanterra cha eñorerrtsa. Jesúsñapa' o' alla apuerriñañ pachor.

16 Acheñenesha'ñapa' atarr nanac yorenet. Po'yorño'etpa' atarr aye'chochtateññañet Yompor. Ñetñapa' atet otyenet:

—Te'pa' o' orrtonaya puesheñarr ñeññ atarr sherbets ñeññ a'ñtene' Yompor po'ñoñ. Yomporpa' o' yerpuerrya ñeññey e'ñe pueyochreshay peney.

17 Attoña acheñenesha'ñapa' epay'e serrpare'tyesuerret ñeññ atet pa'yena Jesús. O' e'ñe epa'hua ora Judeo'mar ñaíma ora erracmañen allampaño'mar.

*Juan ñeññ apatañtate'p'a' mueñan pueyochresha' Jesúsesho
(Mt. 11.2-19)*

18 Añña Juan ñeññ ayottam'psaret, ñañapa' chocma serrpare'tateñ pueyochresha' ñeññ atet pa'yena Jesús.

19 Atteña Juanñapa' agotatan epsheña ñeññ pueyochresha' pen ñeññcha' mueña Jesúsesho ñeññcha' a'p'to'tenaya' Jesús po'ñochte' ñapa' ñeññ Cristotets ñeññ atarr cohuenet ahuatoteñ, ñato' amate' ñeññeyayepa' añcha' cohuet po'psheññ ñeññcha' huapatsa.

20-21 Allempoña ñetpa' ahuanmuet. Allempo chapuet allo'tsen Jesús, Jesúsñapa' añ torra'yena a'crratanatyese' shonte' acheñenesha' ñeññ at-sna'tyets ñeññ pa'namen muerochtatyenahuet. Ñaíma ñeññ chorra'yena oneñeñ ñapa' o' e'ñe cachpatatuerranet oneñeñ. Ñaíma shonte' aporo'yetechno ñañapa' o' alla e'ñe cohuatyesuerranet. Ñeññña Juan pueyochresha'pa' a'p'to'toset Jesús, atet otoset:

—Juan ñeññ apatañtate't Yomporcop yapa' ñeññña yemñene' o'ch yotenpa', ñato' p'ate'ña ñeññepte' e'ñe po'ño'ch Cristotets ñeññ atarr yecuen ahuatoteñ o'ch huapa; ñerra'm amate' ñeññeyayepa' o'ch e'ñe potey allochñapa' añcha' yecua' po'psheññ ñeññcha' huapatsa ñeññ e'ñe Cristo.

22 Jesúsñapa' otapanet:

—Te'pa' o'ch ahuerres seserrpare'tatuercha' Juan ora allpon ñeññ atet sentyesuennana' arr ñaíma ora allpon ñeññ atet se'myesuennana' arr. O'ch e'ñe seserrpare'tatuer ora ama't atto aporo'yetechnopa' te'ñapa' o' e'ñe necuatyerranet, ñaíma ñeññ checa'repayetspa' te'pa' o' e'ñe chop'e'chyesuerret, ñaíma ñeññ osyen puetsarñats, te'pa' o' e'ñe a'cohuentataretuerret ñamet, ñaíma paquetnesha'chnopa' ama't ñetpa' te'ñapa' o' e'ñe e'myesuerret cohuen, ama't ñaíma ñeññ rromayets te'ñapa' o' alla atantataretuerret, ñaíma ama't

ñeñt huocchañneshaçhno te'ñapa' o' e'ñe neserrpare'tatuerranet añ cohuen ñoñets alloch qeshperret ñamet.

²³ Jesúsñapa' alla oterranerr Juan pueyochresha':

—Ñaña ellonetpa' o'ch sotuer Juan ñeñt atet notenes: Atarr cosheñtso'tsen ama't allohuen ñeñt atarr neyemtenaya na, ñeñt ama e'nenaye po'psheññ ñeñtcha' coshaterrahuat.

²⁴ Allempoña Juan pueyochresha'pa' o' ahuanerret. Jesúsñapa' alla serrpare'taterranerr acheñenesha' ñeñt atet pe't ahuaña Juan, ñeñtpa' atet otanet:

—Ahuaña allempo sete't amayo all serrpare'ten Juan, sapa' amaca' añecpaye' sete'teña all o'ch sentena' amuesma' atet a'yma'tateñ miorr.

²⁵ Ñaña amaca' añecpaye' sete'teña all o'ch sentena' ñeñt atarr coçhnesha'tetsa pa'shtam all, tarro'mar yeñoteñ amayopa' amaca'ye eñalleña all ñeñt atarr coçhnesha'tetsa pa'shtam. Yapa' yeñoteñ arrña yentenña ñeñt atarr coçhnesha' chorra'yenaya shetamuets añcha taretepahuo.

²⁶ Sapa' añecopca'yeña sete'tña amayo o'ch sentena' all ñeñt po'ñoçh a'mtene' Yompor po'ñoñ. Napa' o'ch notas, Juanpa' atto atarr sherbenan Yomporpa' ello metana'tuenan allohuen ñeñt atto a'mtenet Yompor po'ñoñ.

²⁷ Tarro'mar Juanpa' ñocop eñose't Yompor ahuat. Ñehua, allempopa' atet otne't na ñeñt atetcha' posa Juan nocop esempoch huapa, ñeñtpa' atet anaret ñoñets ahuatoteñ:

Papa' peñoche'pa'ch napa' o'ch nemñoña'p pueheñarr ñeñtcha' ñanom otatsa ñeñtcha' pa'cohuentayese' pocop allcha' poñimos.

²⁸ Ñeño'marña na te'pa' atet notenes: Allohuen allpon acheñenesha' ñeñt eñalletetsa arr patsro ama't pueheñarra ama eñalleña ñeñt atarr sherbets atet ñerra'mrrate' Juan ñeñt apatyesaye't ahuaña acheñenesha' Yomporcop. Tarraña ñeñt ama esoshe'maye' enteneto ama't mamesha, tarraña ñerra'm pueyochresha' peñ Yompor atto te'pa' o' ayochreshatena, ñeñtña acheñerpa' atarrca'ye sherben, ello metanenan atto atarr sherben Juan.

²⁹ Allohuen acheñenesha' ama't ñaña ñeñt ashcañetyestse't atto atarr cobra'yese'te' quelle ñeñt gobiernocop ñeñt apatyes Juan, ñetñapa' atto e'mñnotenetpa' otyeset: "E'ñe pocte' atet otene'y Yompor."

³⁰ Tarraña fariseonesha' epuet ñaña ñeñt atarr etsotayenayeñ ñoñets ñeñt atet anaret judioneshacop, ñetñapa' ama't e'ñe mamesha ama pocteye' enteñeto ñeñt atet muenen Yompor ñocpuet, ñeño'marña ñetpa' ama apataneto Juan Yomporcop allempo.

Partsesha'ñapa' atet oterraneterr:

³¹⁻³⁵ —Ñehua, napa' o'ch neñotatas ñeñt atet pena patantarr acheñenesha' ñeñt yentyen te' ñeñt ama't errotena ama acshatpoteneto. Ñeñtpa' fariseonesha' atet petsa. Tarro'mar ama't allempo orra Juan ñeñt apatañtase't ñapa' ama rrane'te ñeñt yocrrañ yepen allohuene'y, ama orrane'te ñeñtecma yorren allohuene'y. Ñeño'marña ñapa' cha sotyese't chote' chorreña oneñe't, ama't e'ñe mameshapa' ama pocteye' señche'te. Te'ñapa' o' norrterra namã Ñeñen Acheñetosets. Napa' pa'namen nerra'yen ñaña norryen. Saña te'pa' atta sesochatse'tyenen ñaña atarro' arratsñaen ñaña atarro' orrañaten napa' año'chña e'ñe neyemuetyena ñeñt atarr ochñañenesha' ñaña ashcarñaateçhno ñeñt atarr cobra'yene' acheñenesha' quelle. Tarraña ama't atet sepennoñpa' Nomporña e'ñe eñotene' ñeñt po'ñoçh atarr sherbets

ñocop. Ñaña allohueney ñeñfey e'ñe puechemerasha' ðohueney ñeñfey cofene' ña poctapña yapa'cho'ña e'ñe yeñotuenña ñeñf po'ño'ch atarr sherbets. Ñeñto'marña yorrtatyeññañ ñeñf cohuen enten ña. Sañapa' ama't e'ñe mamesha ama acshatpahuoyayso, e'ñe attes ñerra'mrrate' cheshaneshá' ñeñf' chocmach po'poñ entanna'tuenet amach mueno o'ch yemtana all yellsheñen po'potantañ pacmachoresha' all plazo all shontena acheñenesha'. Ñetñapa' amach mueneñeto o'ch coshaprechet pacmachoresha'. Ñeñto'marña ñetpa' atto yellsheñenetpa' atet oteñet po'potantañ pacmachoresha': "Yapa' ama't o' yerequërca'hua allo yocshame'tenapa' sañapa' amaña seshe'raramñpenye; al-lo'tpa' ama't o' yepoctorare'tua ñeñf ya'chpeñtsore'cho allo yellcanrrortenapa' sañapa' amaña sellcapretenyo."

Allempo Jesús'pa' rrallme'chos fariseo pa'paclo ñeñf sochetsa Simón

³⁶ Allempoña Jesús'pa' o' huapoña ñaña puesheñarr fariseo o'ch otenana' Jesús rrallme'chapreteñepa' pa'paclo. Jesúsñapa' allenta coferran fariseo. Allempoña chapach pa'paclo anorr'cha'toset parro allcha' rrallme'chapretos.

³⁷ Puesheñarrña coyanesha' ñeñf' allo'marnesha' ñeñf' atarr ecañoresha't, ñaña'pa' o' e'mare'ch o' chap Jesús fariseo pa'paclo all rrallme'chen. Ñaña'pa' huapa, huapatan ñeñf' atarr eñmosa't ñeñf' nanac tsa'te'; huapatam'pes puetellm'o ñeñf' otenet alabastro.

³⁸ Allña'pa' pueya'chpeñesha' huapa, ponmosana Jesús pa'tco. All atarr yahuosa, puese'ñapa' cha tsopsa'tos Jesús pa'tco. Allempoña chetosañña pue'chpa' alloña alla a'porrarra'tquër, tso'tsteca'tosan pa'tac, she'tata'tos eñmosa'to.

³⁹ Añña fariseo ñeñf' hua'ñene' Jesús, ñaña'pa' eñchpa' atet ot pueyo'chro: Tarraña añ yacma ñerra'm po'ño'ch ñeñf' a'mtenayeyñ Yompor po'ño'ñpa' eñotapaneñcha'ña añ coyanesha' ñeñf' a'p'llene'pa' atarr ecañoresha't, amach muenacheñe o'ch a'p'llosñañ ama't pa'tca.

⁴⁰ Jesúsñapa' atet otan fariseo:

—Napa' nemneñ o'ch masheñe Simóna notap allpon ñoñets.

Fariseoñapa' atet och:

—E'ñe pocte' nenteñ Maestrocha' o'ch p'oten.

⁴¹ Jesúsñapa' alla toma'ntacha, atet och:

—Napa' o'ch not, allo'tsen puesheñarr acheñ ñeñf' artetsa quelle. Ñaña'pa' artana puesheñarr acheñ nanac shonte' quelle ñeñf' otenet quinientos denario* ; po'psheñeñña'pa' archa po'poñ quelle ñeñf' ama tama atonayaye ñeñf' otenet cincuenta denario.

⁴² Attoña epsheño'maretpa' ama eshcaye' tsa'tuerreto ñeñf' allpon teba'yenet tarro'mar ama echeneto alloch tsa'terret. Ñaña'pa' e'ñe afta peretna'huerranet epsheño'maret, e'ñe attecma ama eseshaye' tsa'terrtso. Te'ña masheñe Simóna o'ch na'p'to'tap, añ epsheño'mar ñeñf' amorrentare't atoch peretnerranet allpon tebenet zerra'tsena't pentenña pa' ñeñf' atarr morrentenaya ñeñf' peretnene', ñato' añte' acheñer ñeñf' tebene' quinientos denario amapa' añte' ñeñf' e'ñe cincuenta denario tebene'?

⁴³ Simónñapa' alla anapueranerr Jesús, atet otererr:

* 7:41 Denariopa' quelle ñeñf' allpon tsa'tenet pamtarr ñeñf' taruasetts all pa'nyo.

—Ñehua, añfe'ca'ye atarr morrentenaya ñeñf ap shonte' quelle, tarro'mar ñapa' shonte' o' atfa apretnaretterra ñeñf allpon shonte' teben.

Jesúsñapa' alla otererr:

—Atetca'ye masheñe.

44 Allempoña Jesús'pa' cohua' allente'tsen coyanesha' allotñapa' alla oterranerr Simón:

—Pecue' añ coyanesha' ñeñf atef pösen. Allempo nechap pepacllopa' pañapa' ama es papapno ama't oñapa' ama papapno alloch ne'patca'tosa. Tarraña añña coyanesha'pa' ñaña ne'patca'tose' e'ñe ña puese'yo allempoña'papa' alla a'porrarra'tquërren e'ñe ña pue'cho.

45 Ñaña allempo nechap pepacllopa' pañapa' ama't pehuonicha'teño'fapa' ama petso'ttsa'pa'tapno. Tarraña añ coyanesha' e'ñe allempo nechap pepacllo ama atfa ca'chposno allorocma tso'tsteca'tosen atfoña orrtatosan puemorrenteña nocop.

46 Papa' ama't coñe'tapa' ama es peshapono noño ama't olivoso'ya ñeñf ama tsa'teyaye. Tarraña ñaña'pa' eñmosafo she'tatca'tosen ñeñf atarr tsa'te'.

47 Atfoña te'pa' atarr orrtatosan ñeñf atto morrentosna. Napa' neñoteññañ ama't shonte' po'chñar te'ñapa' o' e'ñe apretna'huareta. Tarraña po'psheneñ ama't ama tama ochña'feyaye atfoña apretna'huareta po'chñarpa' ñaña'pa' ama e'ñeye' morrentapanoña ñeñf o' peretnerrñañ po'chñar.

48 Allempoña Jesús'pa' otan coyanesha':

—Te'ña po'ño'chpa' o' e'ñe apretna'huareterra po'chñar.

49 Allempoña' ñeñf parro rrallme'chenet, ñetñapa' otanna'tyeset:

—Esesha' huañaca'yeña añ yacmar atto peretnerraña ochñarets.

50 Jesúsñapa' alla oterranerr coyanesha':

—Papa' atto atarr peyemtenna ñeñfña o' a'queshpaterrep. Te'ñapa' o'ch ahuerrep e'ñe peñmañesa'.

8

Atto coyanesha'chnopa' es apa'yesete't Jesús ñeñf allpon echyenet

1 Allempoña'pa' chopeñe'cherrerr Jesús erraparen serppare'tyesnomue' cohuen ñoñets attoch chap allempo ayochreshattena Yompor. Erracmañen chopeñe'chyen, ora allemeñ anetso'mar all shonta'yena achenesha' ñaña all ama tama shonteyaye achen. Allñapa' cota'huanererr pueyochresha' charrasheña ñeñf puechetsa epsheña.

2 Allñapa' cota'huanem ñaña patantarr coyanesha'chno ñeñf a'crratyesua Jesús ahuañmo'cha, puesheña'tetspa' ñeñf ca'chpatatyerr oneñeñ ñeñf chorahuete't, po'psheneñ'chnopa' ñeñf a'crratyes ñeñf pa'namen atsñañsor muerochtatyehahuete't. Puesheñarr coyanesha' ñeñfpa' añ pa'so'cheñ María Magdalena. Ñeñf Mariarpa' Jesúsñapa' pueca'chpatataroñ cancherr oneñeñ.

3 Ñehua, po'psheneñ coyanesha' añ pa'so'cheñ Juana. Puerrllarñapa' añ pa'so'cheñ Chuza añ po'taruas pen atto sherbenan añcha'taret Herodes. Allotña po'psheneñ coyanesha' ñeñf cota'nene' Jesús ñeñfpa' añ pa'so'cheñ Susana. Ellopa' shonte' po'potantañ coyanesha'chno ñeñf es apa'yesaye't Jesús ñeñf allpon echyenet ñet.

*All toma'ntatanet Jesús ñeñf a'parre'tene' puerets
(Mt. 13.1-9; Mr. 4.1-9)*

⁴ Allemañeñ anetsot huacha'tyena acheñenesha' ñeñ' chachets Jesúsesho. Allempoñapa' o' cha shontoset nanac, Jesúsñapa' serrpare'tatapanet, atet toma'ntatapanet:

⁵ —Ñeñña a'parrene' puerets ñaña' ahuo' allcha' a'parre'tyenana' puepue. All a'parre'tyeñ patanta'tetsñapa' alla chapyes toño'mar, ñeñña'atta atma'tyena acheñenesha'. Allñapa' huacha'tyena ñaña o't e'ñe añyallme'chuenana' puerets.

⁶ Po'poñechnoñapa' alla chapyes mapuetro'meso'mar. Ñeñña' mameshapa' cheparesuañ, tarraña mameshapa' alla hueya'huerra tarro'mar all mapuetro'mesopa' ama eñalle ama't coñe'ta oñ ñeñ'cha' a'yamosañpse' narmets ñeñ' o' cheparesua all.

⁷ Po'potantaña pueretspa' alla chapyes allcha' chepares aj. Allpa'cho' mameshapa' cheparesuañpa' ajñapa' mameshapa' atesha'tua alla ca'matuerraña narmets alla a'cllatuer.

⁸ Po'potantañechno ñeñña' arr chapyes all e'ñe cohuen patso. Ñeñña' e'ñe cohuen chepares. Allempoña atesha'tuapa' atarr aton ellonre'tyes. Puecha'tetspa' charroch charra' pue'llomer.

Allempoña serrpare'tatuanet atetpa' o' alla oterraneterr. E'ñe huomen-cocma eñorana'tanet, atet otanet:

—Ñeñtes po'ño'ch ne'mñotene', chaponasepa'ch seyo'chro ñeñ' atet netma'ntatensa añ ñoñets.

Atet otanet Jesús ñeñtecop atet toma'ntatyenanet

(Mt. 13.10-17; Mr. 4.10-12)

⁹ Allempoña pueyochresha'pa' ochet Jesús:

—Ta'm ¿este'ña petma'ntatenya? Yañapa' ama yeñoteñe.

¹⁰ Jesúsñapa' alla oterraneterr:

—Sa te'pa' Yomporña o' muenaterres attoch señoterr ñeñ' ama eñotpahuoyaye ama't ahuatoteñ atet penaña Yompor po'cohuenña atto atarr ayochreshattena ña. Tarraña po'potantañechnoña ñeñ'atta es puecha'yetsa, ñocpuetpa' ama eñoteñeto ñeñ' atet atma'ntataret ñoñets. Attoña ama't enteñetañ ñetñapa' amach es chenahueto pueyo'chreto. Ama't e'mueñetañ amaña chenaneñoña pueyo'chreto ñeñ' atet ye'chateney Yompor po'cohuenña.

Arrpa' all eñotatanet Jesús ñeñ' toma'ntatenanet ñeñ' a'parre'tene' puerets

(Mt. 13.18-23; Mr. 4.13-20)

¹¹ 'Ñehua, ñeñ' atet netma'ntatasa ñorra'pa' ñeñ'pa' atet notenes: Ñeñ' a'parre'tyene' puerets, ñeñ' pueretspa' añ notenes Yompor po'ñoñ allempo serrpare'teñet.

¹² Añ puerets ñeñ' chapyesets toño'mar ñeñ'pa' añ notenes acheñenesha' ñeñ' e'mñotenayey Yompor po'ñoñ. Allempo e'mñotueta' allorocmach huapa oneñet o'ch alla puerratañperranet Yompor po'ñoñ pueyo'chreto. Attoña amach mueneñeto o'ch ame'ñenet, attochña ñetpa' amach a'qeshpataretterreto.

¹³ Ñaña ñeñ' chapyesets mapuetro'meso'marpa' ñeñ'pa' añ notenes acheñenesha' güerra'm esempo e'mñoteññañet Yompor po'ñoñ e'ñech pocshenesha' agüerrñañetañ Yompor po'ñoñ. E'ñech cohuen ame'ñeretañ tarraña ñetpa' mameçpach atet pet. Tarro'mar ñetpa' atet penet ñerra'mrate' narmets ñeñ' chepuets mapyo amach eñalle puere'ch. Tsapatonetña ñerra'm o'ch huapanet topateñets, ñetñapa' o'ch alla cachpuerrñañet Yompor po'ñoñ.

14 Ñaña puerets ñeñt' chapyesets ajmo'mar; ñeñt'pa' añ netma'ntatena po'potantañ acheñenesha' ñeñt' e'mñotenayeñ Yompor po'ñoñ. Ama'tcha' chapanetañ mame' pueyoçhreto, tarraña ñetpa' allo'nach senet aña atarr cotape'chenet ñeñt' lleca'yenet arr patsro ñeñt' e'ñe ñocpueta. Añach muenenet o'ch esocmañen es echyenet attoch allo e'ñe cosha'yenet. Attoña ñetpa' amach errotenot orrtatoñeto ñeñt' atarr sherbets Yomporecop. Ñetpa' e'ñe atfeta ñerra'm narmets ñeñt' cha ca'matuerr ajma' amach errotenot ellonre'tyeseo.

15 Ñaña añ puerets ñeñt' chapyesets e'ñe cohuen patso ñeñt' e'ñe cohuen cheparsatspa' ñeñt'ña toma'ntenaya po'potantañ acheñenesha' ñeñt' e'mñotene' Yompor po'ñoñ. Ñetñapa' atto ame'ñeññañet Yompor po'ñoñ amach pusesereto çhoch eñochet pueyoçhreto attoch e'ñe cohuen ma'yoçhroñet Yompor po'ñoñ. Chocmach orrtatyenet ñeñt' atarr sherbets Yomporecop amachña cha caçhpueñeto. Attoña ñetpa' e'ñe atet penet ñerra'm narmets ñeñt' atarr aton ellonre'tyets.

Arrpa' all toma'ntatanet lampareñ atto çhoyo'tampeney
(Mr. 4.21-25)

16 Jesús'pa' alla toma'ntaterraneterr po'poñoneñ; ñeñt'pa' atet otanet:

—Ñerra'm esempo ya'llchaten lampareñ ñeñt'pa' ama añecpaye' ya'huortateñe o'ch alla ye'rramanper coyño. Ñaña ama añecpayaye o'ch alla yener o'ponot yemaye'pnacho. Añecopña ya'huortatenña lampareñ o'ch yene' enonet attoch çhoyo'tampesuan allohuen acheñ ñeñt' be'tosçhets o'pono pocollo.

17 Tarro'mar allohuen ñeñt' ama eñotpahuoyaye ama't ahuatoteñ, te'ñapa' o'ch e'ñe orrtataretterra attoch e'ñech eñotatarefetuerret e'ñe poctacma.

18 Ñeñto'marña sapa' señotenafe' e'ñefe' po'ñoçh cohuen se'mñoteññañ Yompor po'ñoñ ñato'pa' amate'. Esesha'te' çhena pueyoçhro ama't e'ñe allpona Yompor po'ñoñ, elloña Yomporpa' allo'nach eñotatenanet nanac shonte'. Tarraña esesha'ña ñerra'm ama çhenaneto pueyoçhro tarro'mar ñetpa' ama po'ñoçhaye' aguëññañeto Yompor po'ñoñ ama't allpon eñotenetañ pueyoçhro ñeñt'ñapa' çhach puerratanperranet Yompor.

Allempo huapoña Jesús pachor ñaña pa'mo'nasheñnesha'
(Mt. 12.46-50; Mr. 3.31-35)

19 Allempoñapa' huapa Jesús pachor epuet ñaña pa'mo'nasheñnesha'. Chapuet alpa' shonte' acheñenesha' ñeñt' emchorrenaya Jesús. Ñeñto'marña ñetpa' ama eshcaye' entosetoña Jesús allame'tets.

20 Allempoña acheñenesha' ochet Jesús:

—O'ca'ye huapaña pachor ñaña pemo'nasheñnesha'. Ñetpa' a'yote'tsa'yenet, mueneñet o'ch entenpeta'.

21 Ñaña'pa' atet otanet:

—Allohuen ñeñt' e'mñotene' Nompor po'ñoñ ñetña ñerra'm atet pohuenet ñeñt' atet oteneý, ñeñt'ña e'ñe po'ñoçh nachor nepen ñaña ñeñt'ña e'ñe nemo'nasheñ nepen.

Allempo a'mchecherran Jesús huomenquësha' ñaña sa'p ñeñt' emoyarertetsa'
(Mt. 8.23-27; Mr. 4.35-41)

22 Allempo çherrerr pamtarr Jesúsñapa' a'tapos noñto epuet ñaña pueyoçhresha'. Ñaña'pa' atet otanet:

—Te'pa' o'ch ahuan̄psey yom̄ta'n.

Allempoñapa' ahuan̄pset noñto.

²³ Allempo ahuan̄pset Jesúsñapa' alla ma' noñto. All muenpa' machayota huomenquëshatampesnomuet. Emo'yare'ñapa' čha esha'tena noñto, atteñapa' chorrachoch oñ noñto čha muene' esha'tatan noñt.

²⁴ Atteña pueyochresha'ñapa' ponem̄yet Jesús all muenpa' opueret, atef ochet:

—Maestro, po'ñočhuachca'ye yoclla'huerrate'.

Jesúsña tanterrapa' e'ñe po'ñoñoča a'mtsoññetuerran huomenquësh'a ama't ñaña emo'yare'pa' o' e'ñe a'mtsoññetuer. Attoña ñetpa' o' alla e'ñe cohuen muechettam̄perret.

²⁵ Allempoña Jesúsapa' otanet:

—Eso'mare'tña sapa' ama e'ñeye' seyemtenno.

Ñetñapa' čha atarr nanac yorenent. Atta cohuanrrorteñet ñetñapa' atet otanna'tyeset:

—Ta'mca'ye añ acheñerpa' esona'tarte'ca'ye. Atarrep'a't es a'mchechaten, ama't po'ñoñočapa' a'mchechaterran huomenquësh'a ama't ñaña emo'yare' oñ.

*Atto gadaro'marnesha' ñeñt chorrena oneñetpa' huapa Jesúsesho
(Mt. 8.28-34; Mr. 5.1-20)*

²⁶ Allempoñapa' o' etsotaset yom̄ta'n all senet. Allpa' añ pa'ney pene' gadaro'marnesha' alla yot Galileot.

²⁷⁻²⁹ Allña sohuosa Jesús noñtotpa' allñapa' huapoña puesheñarr yacma ñeñt allo'marnesha', tarraña ñapa' añ chorrenaya oneñet patoner. Ñeñtñapa' ahuaoteti atta chopeñe'chyen muelle'mcot, ama shetamteno. Ñapa' alla yečhena all pampueñet arromñatečno ama pocolloye' yečheno. Ñehua, oneñetpa' allempo rromuenan yacmapa' epaye' ottatse'tache't allem-poteñ. Pamo'tsesha'ñapa' ahuo'ch rromuetpa' o'ch huanquëtañ attoch cohuan̄peñet. Ñañaapa' čhach tsepe'tuanman allo huanquëññañet pot ñaña pa'tac oneñetñapa' ahuo'chčo' matach a'yo amayo. Allempoña entapan Jesúsapa' rrana'nma huomenc, mata Jesúsesho, rromosñaña allame'tets. Allempoña Jesúsapa' otosan oneñet ñeñt chorrenaya yacma:

—Te'pa' o'ch pecačhpa'ner añ acheñer.

Ñeñtña chorrena oneñetpa' ñañaapa' atet otapan Jesús:

—Eso'maruachca'ye Jesús pa'tsrre'moçhtana'tosen, papa' ñeñtep̄ Ñeñt Nanac Parets Puechemerep̄. Te'pa' notapačha' amach pecoñchatatstosno.

³⁰ Jesúsñapa' alla oterranerr ñeñt chorrena oneñet:

—Papa' ¿eso'tña pesoचना?

Ñañaapa' atet oterranerr Jesús:

—Napa' añ neso'cheñ Legión.

Ñehua, añ so'chñets ñeñt otenet shonte' nanac, tarro'mar ñeñt nanac patoner oneñet ñeñt chorrenaya.

³¹ Ñehua, oneñetečnoñapa' atet otare'tapet Jesús:

—Amach arra pemñatstosye o'pono coñcha'puetos.

³² Ñehua, allpa' a'yente'tsa'yen shonte' chañchočno ñeñt rratse'tyets as-pentonet. Ñeñto'marña oneñetečnoapa' atet otare'tapet Jesús:

—Ñerra'm čhoch muene' erroten peposeypa' arrña pemñaye'chosey chañchesho allochñapa' o'ch yechorra'yererr ñaña chañchočno.

Jesúsñapa' allenta otanet:

—Ama'tca'ye orrasca'ye.

³³ Allempoña oneñeñechnopa' cačhpa'huaneret yacmapa', alla chorrereterr ñaŋa chañchočhno. Chañchoñapa' allempo chorrosya oneñeñechnopa' čhepa'tcha' matrra'tua allohuen ñegoneñ shorčha'tuos allotpa' e'ñe ño'shrra'tuosa oño.

³⁴ Acheñenesha'ña ñeñt' cohuanmpene' chañcho allempo eñchet atet' pa' chañcho o' shorčha'tua oño, ñetñapa' allenta matrra'tet' ñamet pueyorñot' ahuanmuet anetso. Allñapa' serrpare'tyesoset ñaŋa ora allohuen allampaño'mar.

³⁵ Acheñenesha'ñapa' allenta ahuanmuet ahuo'ch enteñeta'. O' čhačha'tet' Jesúseshopa' allñapa' entoset yacma ñeñt' chorre't' oneñeñ. Alla anen alame'tets Jesús pa'tcot' ashtamat. O' eñoterra o' cohuenterra. Ñetñapa' čha atarr mecha'na'toset.

³⁶ Añña ñeñt' entene' Jesús atto cačhpatatenan oneñeñ acheñ, ñetñapa' allenta serrpare'tatapet' ñeñt' huačha'ttsa anetso't.

³⁷ Allempoña allohuen acheñenesha' ñeñt' yečha'yetsa all ñeñt' gadaro'marnesha' ñetñapa' pueyorñotet' atet' otoset Jesús:

—Te'pa' o'ch ahuerreḗ arrot.

Allempoña Jesús'pa' a'terr noñto o'ch ahuerri.

³⁸ Yacmaña ñeñt' chorre't' oneñeñ ñañapa' allenta otan Jesús:

—Napa' nemneñca'ye te'pa' o'ch nocterreḗ.

Tarraña Jesúsñapa' ama muenache, atet' och:

³⁹ —Allaḗach, te'pa' o'ch ahuerreḗ pecałlo pamo'tsesho'mar o'ch peserpare'tatuerranet ora allohuen atto Yompor atarr yenposeḗ.

Ñañapa' atet' otue Jesús'pa' atet'cho' pa'. Allenta ahuerri serrpare'tyesnerrets ora anetso'mar atto Jesús'pa' atarr nanac yenpos.

Atto Jesús'pa' tantaterran Jairo po'señ ñaŋa all a'crratnoman puesheñarr coyanesha' ñeñt' a'ḗlla'nmue' pa'shtam

(Mt. 9.18-26; Mr. 5.21-43)

⁴⁰ Allempoña alla čherr Jesús añeñta'n allot ta ahuaña. Acheñenesha'ña allpa' e'ñe pocsheñesha' agapapueñet tarro'mar o' atarr cohueret o'ch huerra.

⁴¹ Allempoña allpa' huapoña puesheñarr añcha'taret añ pa'so'cheñ Jairo. Ñapa' ñeñt' puesheñarr ñeñt' añcha'taretetsa judionesha' po'prahuo. Ñañapa' alla rromosa Jesús pa'tcotpa' atet' otosan Jesús:

—Napa' nemneñ o'ch pocterren nepačlo,

⁴² tarro'mar neseñ ñeñt' nepatrro'pa' čha atsna'ten o' a'po'ntsa'mocha.

Ñehua, ñeñt' po'señpa' allponte' echenan po'charña čharra' puechena epa char.

⁴³ Allempo cota'ner Jesús cota'huaner ñaŋa shonte' acheñenesha' čha emchorratse'tnomet, čha to'mama'tneñet. Allñapa' cota'nmanet ñaŋa puesheñarr coyanesha' ñeñt' atsna'tets. Charra' puechena epa char ñeñt' atto čhocma yella'yena. Ama't epaye' partata o' a'gasta'huahuan po'čllayor atto parteñet amaña eseshaye' a'crraterraye.

⁴⁴ Ñañapa' all cota'nenan Jesús pa'che'ñot', allñapa' a'ḗllerrñaña' pa'shtam pa'rre'pe'mot. E'ñe a'ḗlla'hue' pa'shtampa' allorocma maserrña po'rrias, o' metuer ñeñt' atet' ueročhtena.

⁴⁵ Jesúsñapa' atet' otanet:

—¿Esesha'tña o' a'ḗlla'nmuenña neshtamot?

Ama eseshaye' eñoratoso. Pedroña ñaña ñeñĩ epuet yemtena, ñetñapa' atet ochet Jesús:

—Maestrocha' papa' penteñe' shonte' acheñenesha' ñeñĩ allotemeña peto'mama'tnene'. ¿Eso'mare'tña' potenña esesha'te' pa'pllene' peshtamat'?

⁴⁶ Tarraña Jesús'pa' atet oterraneterr:

—Napa' neñoteñ po'ñoçh puesheñarr acheñ e'ñe puemnenñoç a'pllenen neshtamat tarro'mar napa' neñotena napa' o' na'crrach e'ñe na nehuamencot atto a'pllenen.

⁴⁷ Coyanesha'ña allempo ñapa' eñotena amach errotenot a'nasoto. Ñapa' çha pa'shmuena pueyorñoç concorposa Jesús pa'rrpõt. Allñapa' e'ñe a'meta'huosan ñapa' añecopña a'pllenen Jesús pa'shtam attoch correrra e'ñe cohuen. Allñapa' atet otan allohuen acheñenesha':

—Na allempo na'plloñ Ayochreshat pa'shtampa' ñeñĩña na'crraterre' al-lorocma.

⁴⁸ Jesúsñapa' atet otan coyanesha':

—Papa' nesñeshacha' atto atarr peyemtena na attoña te'pa' o' e'ñe na'crratnomuep. Te'ñapa' o'ch ahuerreñ e'ñe peñmañesha'.

⁴⁹ Allempo eñorena atetpa' allñapa' huacha'ta ñeñĩ huetsa añcha'taret Jairo pa'pacloç. Ñetña huapuetpa' atet otoset Jairo:

—Peseñpa' o'ca'ye rroma. Te'ñapa' amach allo'na pa'tsre'moçhtana'tatsche Maestro o'ch coferreñ pepaclo.

⁵⁰ Jesúsña ama't e'man atet otoset Jairo'pa' ñañapa' atet otan Jairo:

—Papa' amach çha pe'charrtatatsto peyoçher, nachña e'ñe peyemta attoch correrraña peseñ.

⁵¹⁻⁵³ Allempoñapa' ahuanmuet Jairopahuo. Chapuet pocollo allñapa' allo'tsa'yen shonte' acheñenesha' all yahuanrrortenet, ya'na'teñet arromñañ. Jesúsñapa' otosanet:

—Amach atarr seyahuatsto. Añ shopshesha'pa' amaca'ye çhoye' rromueno çhaca'ye muen.

Ñetña pachmare'teñoçetpa' atta che'tatsetyesapet tarro'mar ñetpa' e'ñeca'ye eñoteñet çhoca'ye rromuen. Allempoña Jesúsñapa' ama muenatano allohuen acheñenesha' o'ch be'toset allo'tsen arromñañ. Ñapa' aña muenat Pedro ñaña Juan, ñaña Jacobo ñaña arromñañ puepapar ñaña pachor ñeññaña epuet be'tosçha'toset allo'tsen arromñañ.

⁵⁴ Allempoña Jesús'pa' rremota'tosan shopsheshañ pototpa' po'huamencocma otos:

—O'ch nesñe notosep, te'pa' çhoça tanterrtsa.

⁵⁵ E'ñe otue' atetpa' allentepa'tcha' o'rerrererra çha tanterrtsa. Jesúsñapa' otanet:

—Te'pa' o'ch serratallme'cher.

⁵⁶ Puepaparña ñaña pachorpa' ñetñapa' atta cohuanrrorteñet. Jesúsñapa' atet otanet:

—Amach esesha' sota'psa'tatsto ama't puesheñarra ñeñĩ atet o' norrtaten-nasa' sepaclo.

9

Allempo Jesús'pa' llesensan pueyochresha' çharrasheña ñeñĩ pueçhetsa epsheña

(Mt. 10.5-15; Mr. 6.7-13)

1 Allempo čhapa'muen allempo Jesús agota'muenan pueyochresha' čharrasheña ñeñt puechetsa epsheña. E'ñe apčha'huet ñeshopa' ñaña'pa' atarr ahuamencat pa'yesanet, attoña apanet ñaña llesens attoch cačhpatayeret oneñē'acheñenesha' ama't erra'tsena ñeñt atarr mueročhtatyenahuet. Ñaña ahuamencat panet attoch a'crratyaset acheñenesha' ama't erra'tsena ñeñt osyenahuet.

2 Attoña llesensanet attoch ahuanemyeset pa'namen anetso'mar serppare'tyesnomuet Yompor po'cohuenña atto atarr ayochreshattena ña. Ñaña añečpa'ñaña llesensenanet attoch a'crratyaset acheñenesha'.

3 Ñaña atet otapanet:

—Amach es sanmatsto ama't coñe'ta allcha' sechopeñe'chyes—ama't secarra, ama't sebolsa, ama't ñeñt'cha' serra'yesnom ama't sečllayora ama't e'ñe epma seshtampa' amach sanmatsche sechope'čhpayo.

4 Alla oterraneterr:

—Ama't errach pocollro sečhap allach sommosa allponmat esempohuach ahueriserr po'poñ anetso.

5 Ñerra'm erra anetsro ñeñt allo'marnesha'ña ama cohuenaye' agapase-topa' o'ch semterrrer ñaña allot. Ñerra'm allempo semterrrerña ñaña allot ñeñtña setco'tsa'yen pañe'te' patspa' čhoch sepa'shetca'tyesnomña setac. Attočña allo'marnesha'pa' o'ch señoatnomanet ñetpa' amaca'ye pocteye' entenanetoña Yompor.

6 E'ñe ñeñtña otaretetuetpa' ñetñapa' allenta ahuanmuet o'ch chopeñe'chyeset erracmañen anetso'mar. Allña'pa' añ serppare'tyesnomuet cohuen ñoñets alloch yequeshperra. Ñaña all chopeñe'chyeset erracmañenpa' allña a'crratyaset ñeñt atsna'tyets.

Allempo e'ñe cohuen es orrtatyes Jesús, Herodesña'pa' čha otapañ Juanañe' o' tanterra ñeñt apataye't acheñ Yomporecop

(Mt. 14.1-12; Mr. 6.14-29)

7 Amčha'taretña Herodespa' ñaña'pa' atet e'mare'tenan Jesús ora ñeñt allpon atet pa'yena. Ñaña'pa' čha atarr llequēna tarro'mar patanta'tets acheñenesha'pa' atet otyenet te'pa' o' orrtterra Juanañ, o' tanterra rromot. (Herodespa' añña atarr llecateñe' tarro'mar ñapa' ña pechate' Juan ahuaña.) Ñeño'marña ñapa' ñeñt nēn pueyočhro atto acheñenesha' otenet ahuo' tanterra Juan rromot.

8 Po'potantañña'pa' atet otyenet:

—Elíasoñca'ye o' orrtterra.

Po'potantañña'pa' ñetpa'čho'ña atet otyenet:

—Añpa' ñeñtca'ye a'ntaye't Yompor po'ñoñ ahuat, te'ñapa' o' tanterra rromot.

9 Amčha'taretña Herodespa' atet ot:

—Napa' neñotena naca'ye pechate'ña Juan ahuaña. Esesha'huañaca'yeña ñeñt orrtatene' ñeñt ama't ahuatapa' ama yentare ñeñt atet atarr ne'mare'ten.

Ñeño'marña ñapa' atarr mueneñ o'ch entan ñeñt Jesúsotets ñeñt orrtatyene' ñeñt ama puentare acheñenesha'.

Allempo Jesús'pa' rratenan shonte' acheñenesha'; ñeñtña acheñenesha'pa' allo'tsen amnaroch mil

(Mt. 14.13-21; Mr. 6.30-44; Jn. 6.1-14)

10 Allempo huatherra Jesús pueyochresha' ñeññ llesensa'yes ahuaña. Ñetñapa' o' chaçherret Jesúsesho, serrpare'tatyueseret Jesús allohuen allpon atet pa'yeset allemeñ anetso'mar. Allempoña Jesúsapa' ahuanman pueyochresha' e'ñe ñapfochayet, çhapuet all ama acheñempañoayaye all allame'tets anetso, ñeññ anetspa' añ pa'so'cheñ Betsaida.

11 Tarraña acheñenesha'ñapa' allempo e'mare'chet o' ahuanmuet all, ñetpa'cho'ña allenta ahuanmuet ñamet. Chaçha'tet Jesúsesho ñaña'apa' e'ñe cohuen agapanet. Allñapa' serrpare'tatyepuerraneterr atet penaña Yompor po'cohuenña atto atarr ayochreshattena ña. Ñaña allpa' a'crratyesapuerranerr ñeññ atsa'tyets.

12 Atteñapa' o' ellerren. Añña pueyochresha' çharrasheña ñeññ puechetsa epsheña ñetñapa' oteñeta' Jesús:

—Te'pa' o'ch pemueñhuer acheñenesha' ahuanemyerreteta' anetso'mar allampaño allcha' mayesuerret allcha' entyuesuerret puerrar ñeññcha' rra'yesuerret. Tarro'mar te'pa' arro'tseney all ama acheñempañoayaye.

13 Tarraña Jesúsñapa' otan pueyochresha':

—Sachca'ye apa'yesahuet ñeññcha' rret.

Ñetñapa' atet ochet:

—Ya arrpa' amaca'ye es yecheno ama't coñe'ta. Yapa' e'ñe amnara pan yechen ñaña epatoll cac. Nato' yapa' o'ch ahuey anetso allcha' yerañena' rreñets ñeññcha' yerrach allohuen shonte' acheñenesha'.

14 Ñehua, allo'tsen shonte' acheñenesha' amnarochte' mil yacmanesha'. Allempoña Jesúsapa' atet otan pueyochresha':

—Te'pa' o'ch soch acheñenesha' anorrçha'tyasetepa' e'ñe ñopa'ttsocmuet, e'ñech amnarochte'ttsocma çharrapa'tets anorrçha'tyaset.

15 Pueyochresha'ñapa' atetcho' pet, anorrçha'tatyaset acheñenesha' allohuenet.

16 Allempoña Jesúsapa' agapan ñeññ amnar pan ñaña epatoll cac, cohua' enonet parasyoso'tam'psan pan. Allempoñapa' shota'tan pan, shetse'tan ñaña cac. Apanatyesan pueyochresha', ñetñapa' epatyeset allohuen acheñenesha' ñeññ anorrçha'tyets all.

17 O'ña epa'huet allempoña o' rrallme'chet allohuenet, e'ñe yetrra'tuahuet. O'ña yetuahuetpa' çha a'pchatyaset ñeñññapa' a'yapaçheret. Ñeññña a'yapaçherretpa' çhepa'tcha' chorrats çharra' puechena epa cañter e'ñe tam'o'yare'.

Atto Pedropa' otan Jesús p'apa' p'aña Yompor Puechemerep' ñeññep' Cristoto-sets

(Mt. 16.13-19; Mr. 8.27-29)

18 Allempoña pamtarrpa' allo'tsen Jesús all ma'yochena e'ñe ñapfochayet pueyochresha' epuet allo'tsen. Allñapa' atet otan pueyochresha':

—¿Errofena't otyenenña allohuen acheñenesha' napa' eseshante'?

19 Ñetñapa' atet otyeset:

—Patantarr acheñenesha'pa' atetca'ye otyenpet p'apa' Juanañpo'te' ñeññep'o' apatañtats'e't Yomporecop. Po'potantaññapa' atet otyenpet, p'apa' Elíasopo'te'. Po'potantaññapa' atet otyenpet p'apa' ñeññep'o' ñeññ a'mtaye't Yompor po'ñoñ ahua't. Te'ñapa' ahuo' alla petanterra perromño'.

20 Allempoñapa' alla a'p'to'terraneterr:

—Sañapa' çerrofena't sotenenna sa?

Pedroñapa' eñoratsapa' atet och:

—Papa' ñeñpeřca'ye Parets Puechemereř ñeñpeř Cristotsets.

Atto Jesúsapa' eñotatan pueyochresha' ñapa' amsaretterrach
(Mt. 16.20-28; Mr. 8.30-9.1)

²¹ Jesúsñapa' alla oterraneterr:

—Ama't puesheñarrořa amach esesha' sotařsa'tatsto napa' ñeñten Yompor Puechemeren ñeñten Cristotets. E'ñe po'ñočh notenes amach esesha' so'tařsa'tatsto.

²² Elloñapa' alla oterraneterr:

—Napa' Ñeñten Acheñetosets, atet anareř nocop, nanaccha' na'mueročhtataterterra. Amach esesha' pocteye' nenterraye—ama't ñeñř pompornesha' pen allohuen judionesha', ama't ñeñř pa'micha'tareternesha' pen allohuen judionesha' po'cornaneshar, ama't ñańa ñeñř etsotayenayeñ ñoñets ñeñř atet anareř judioneshacop. Ama't ñetpa' amach eseshaye' neyenterraye. Attachña napa' muetsataterrenetcha'. Tarraña poma'pamtañopa' o'ch alla tantaterren Nompor.

²³ Elloñapa' alla oterraneterr allohuenet:

—Ñerra'm esesha' muenene' o'ch coternnet na e'ñe po'ñočh attoch neyochresha' neperranet, añ poctetsa sehuanmueteapa'ña ñeñř atet muenenet e'ñe ñocpueta. Attochña ñetpa' o'ch e'ñe toma'nteret ñeñř chechnene' po'corsoch ama't pate'tets yet allcha' mueročhtet ñamet. Attochña coternnet e'ñe poctacma.

²⁴ Tarro'mar ñerra'm esesha' e'ñe ańa muenenet o'ch correna atomat attoch e'ñe coshenet arr patsro, ñetñapa' čhach a'chencatet ña'ñeñeta. Tarraña ñerra'm esesha' e'ñe pocte' entene' o'ch sohuanmuet ñeñř atet muenenet ñeñř e'ñe ñocpueta arr patsro attochña ñetpa' añach ma'yočhret ñeñř cohuentetsa nocop, ñeñřña acheñerpa' corretsach pocsheñeshocmañen tayoteñ e'ñe erponañohuen.

²⁵ Ama't errponenařaren esocmañen es yeyoratsetyes ora allpon ñeñř yentyen añe patsro, tarraña ñerra'm ñeñřach e'ñe ya'chencaterre' yecamquẽñohuen ñeñřñapa' ama't coñe'tapa' amach es sherryberry.

²⁶ Tarraña ñerra'm erra'tsencha' nepenquẽnaya na te' neñoñpa'čho'ña čha apencočhen entennanet, napa'čho'ña nepenca'huerranetcha' esempoch nohuerra. Po'ñočh napa' Ñeñten Acheñetosets nohuerrach e'ñe na necohuenñoř, ñeñřara Nompor po'cohuenña epan ñańa po'mllañoteññaneshar ñeñř e'ñe torra'yetsa Partsocop.

²⁷ Po'ñočhca' te'pa' o'ch notas: Patanta'ttsos ñeñřes arro'tsa'yenes te'ña ama't ama serromhuena'pa' o'ch senterrñañ Yompor po'cohuenña atto atarr ayochreshatterra ña.

Allempo Jesúsapa' po'poñetañpana pueyochresha'
(Mt. 17.1-8; Mr. 9.2-8)

²⁸ Allempo met allponmat ñato' po'psocmatño Jesúsapa' ahuanman pueyochresha'; añ anem Pedro ñańa Juan ñańa Jacobo. Arr anmanet aspenřo allcha' ma'yochena' Jesús.

²⁹ Allña ma'yochosapa' machayoteapa'tcha' po'poñetañpsosanet. Pa'clloyotpa' čha po'poñ orrtosanet. Pa'shtamahuen atarr huallama'to poptosa.

³⁰⁻³¹ Allñapa' machayoteapa'tcha' orrtanet Moisés ñańa Elías. Ñetpa'čho'ña atarr cohuen orretyenet. Allñapa' serrpare'toset epuet Jesús. Ñetpa' añ

serrpare'tenet atto o' 'ch'apmoch attoch rroma Jesús o'ch ahuerr pue'ntaño. Ñetpa' atet otyenet, arrcha' atet peret Jerusaléno.

³² Ñehua, Pedro ñaña ñeñt epuet allo'tsen, ñetñapa' ama't atarr moñe'tenetañpa' alla e'ñe achñesuerret, attoña entoñet Jesús po'cohuenña ama't ñeñt parro tomchen.

³³ O' ma'naterrmocha Moisés ñaña Elías attoch sa'neret Jesús. Pedroñapa' allenta eñora, atet otan Jesús:

—¡Atarruaca'ye Maestrocha' cohueno'tseneyte' arr! Ama't pocte' pen-teñe o'ch yatomatonas ma'ppahua quërpachet, puepahuarrpa' p'ocopcha', po'ppahueñpa' Moisésocopcha', po'ppahueñpa' Elíasocopcha'.

Pedropa' pueyorñot' atta muene' otatse't, ama eñoche errotench'a' ot.

³⁴ Allempo eñorena Pedropa' 'cha orrtosahuet os 'chepa'tcha' a'pomam'psosanet. Atto a'pomam'psosanet ospa' ñetñapa' atarr nanac yorenet.

³⁵ Cha e'morrtostsa ñoñets osot; ñeñña ñoñetspa' Yompor otosahuet; ñeñpa' atet ot:

—Añmapa' ñeñt no Nechemer ñeñt atarr nemuerena ñeñcha' e'ñe cohuen se'mñoterr.

³⁶ Allempo o'huañ e'morrra ñoñetspa' o' e'ñe ñap'amerra Jesús. Pueyochre-sha'ña allempopa' atta a'nasoteñet. Ama't pueñeñarrofetapa' ama otuerreto ñeñt atet o' entuahuet.

Atto Jesús'pa' a'crraterran cheshachor ñeñt otaten oneñeñ

(Mt. 17.14-21; Mr. 9.14-29)

³⁷ Tsapatña allempo huachenet aspentotpa' allñapa' shonte' acheñenesha' ñeñt huach'a'tsa ñeñt pocterrahuet.

³⁸ Allo'tsen pueñeñarr yacma ñaña'pa' atet otosan Jesús:

—Maestro, napa' atarr nemneñ o'ch pentennana' nacñe'ter. Napa' e'ñe ñeñfetollapa nepatrror.

³⁹ Ñapa' ñerra'm esempo rromueñ oneñeñpa' 'chach rranare'ta o'ch otachpa' o'ch ata'tach patso 'chach amtan pa'po'. Attoña atarr atserrpatse'tateñ. Ama mueno o'ch a'rroyer.

⁴⁰ Napa' o' notuosnañña peyochresha' o'ch ca'chpatateret oneñeñ tarraña ñetñapa' ama erro't peto attoch ca'chpatateret oneñeñ ñeñt atarr mue-ro'chtatene'.

⁴¹ Jesúsñapa' atet ot:

—Sapa' ñeñtes acheñres ama't mameshapa' ama ayemtenaye' sentpenno, 'chach po'poñ sentuena seyo'chro nocop. O' allponmatuanen allo'tsenen arr patso napa' atta atarr na'huantennas, atta necuenes ñato' attotpa' o'ch same'ñerra.

Allempoñapa' atet otan yacma ñeñt otene' o'ch a'crratoñ puechemer:

—Te'pa' o'ch panmon pechemer arr.

⁴² Allempo aneñ Jesúseshopa' oneñeñña' alla romuerranerr cheshachor o' alla otatererr alla ata'tatererr patso. Jesúsñapa' atet otapan oneñeñ:

—Te'pa' po'ño'ch o'ch notap, peca'chpa' nerñaca'yeña añ cheshachor.

Allempo a'crrater Jesús o' alla apuerrñañ pompor.

⁴³ Allohuen acheñenesha'pa' atta cohuanrrorteñet. Ñetpa' e'ñe eñoteñet Yompor po'partsoña orrtetsa.

Arrpa' atto Jesús'pa' eñotaterraneterr puepocheño ñapa' 'chocmach muetseret
(Mt. 17.22-23; Mr. 9.30-32)

Atta epaye' cohuanrrorteñet atarr cohuen enteññañet po'partsoña, tarraña Jesúsñapa' alla yerpaterranerr pueyochresha', ñeñtpa' atet otanet:

44 –Te'pa' se'mñoten e'ñe cohuen, amach sepsatsternano neñoñ ñeñt atet notenes te'. Na Ñeñfen Acheñetosetspa' pomataterrnetcha' attochña errotuanencha' perrnet.

45 Ñeñña ñoñetspa' ñetñapa' ama't puesheñarroñetapa' ama eshcaye' eñotenaye' enteñeto tarro'mar ama çhena' allempoch çhapanet pueyoçhreto. Ñetña pueyornöetpa' ama eseshaye' a'p'to'tenaye este' otenanetña atto eñorana'tenanet.

All eñotateney ñeñt acheñer e'ñe po'ñoçh atarr asherben enten Yompor (Mt. 18.1-5; Mr. 9.33-37)

46 Po'pocheñoña pueyochresha'pa' e'ñe ñagattseta otanna'tyeset: –Ta'mca'ye erra'tsenoteyte'ñaca'ye ñeñtey atarr sherbets ñeñtey atarr amicha'tarefoyen enteney acheñenesha'.

47 Jesúsñapa' e'ñe eñotenanet ñeñt atet cotape'chatse'tyenet ñet pueyoçhreto atto e'ñe cohuen entyenet e'ñe ñañeñeta. Ñañapa' cheshatolla çhore'tpa' tomach e'ñe ñesho,

48 allempoñapa' atet otanet:

–Erra'tsenotes sa ñerra'm e'ñe cohuen saguëñ ama't ñeñt ama asherbenaye' enteneto atet ñerra'm añ cheshatoll tarro'mar sapa' na same'ñena, na'naña e'ñe cohuen saguëñ. Elloña ñaña erra'tsenotes sa ñeñtes naguëne' na, ama e'ñe naptochey'e' saguëno, añe'naña saguënnan Nompor ñeñt nellensene'. Tarro'mar ñerra'm erra'tsencha' pocte' entene' o'ch yenpuenan ama't ñeñt ama esoye' enteneto, ñetñapa' atarrcha' po'ñoçh asherben entenent Yompor.

Atto eñotateney ñeñt ama çhoye' yepatare'tenaye ñeñña po'ñoçhpa' e'ñe parrocmayeyenpanna

(Mr. 9.38-40)

49 Allempoña pueyochresha' ñeñt Juanpa' atet otan Jesús:

–Maestro, ya ahuañapa' atet yeñch puesheñarr yacma ñeñt caçhpatatene' oneñeñ acheñ. E'ñe pueçhore'teñoteþ þa peso'chñopa' oneñeþpa' caçhpa'nerran acheñ. Yañapa' ama pocteye' yeñche tarro'mar ñapa' ama parroye' yeyemteno. Ñeñto'marña yapa' yoch:

–Amach atet pepatsto.

50 Jesúsñapa' atet otanet:

–Amachca'ye sepatare'tatsche tarro'mar ñerra'm ama çho epatare'tenye yaña ñeñña po'ñoçhpa' e'ñeca'ye parrocmayeyenpanna.

Allempo Jesúsþa' cotape'chaterran cohuen pueyochresha' epsheña, ñeñtpa' Jacabo ñaña Juan

51 Chapmoch allempoch o'ch alla ahuerr Jesús pue'ntañopa' ñañapa' atarr sechena o'ch ahuerr Jerusaléño. Ñeñto'marña mueñan pueyochresha' ñeñcha' otra'tatsa

52 o'ch ahuet samario'marnesha' pa'netsro o'ch e'noset muets allcha' çhap ñaña Jesús allcha' amesnom epuet pueyochresha'.

53 Tarraña samario'marnesha'ñapa' ama mueneto o'ch agaparettet all pa'netsreto, tarro'mar ñetpa' eñoteñet arr sechenet o'ch ahuet Jerusaléño.*

* 9:53 Ñehua, yapa' yeñoteñ samario'marnesha'pa' ama mueno o'ch amo'tstana jerusaléño'marnesha' ñeñtara judionesha'.

54 Ñeñto'marña Jacobo ñaña Juan ñetñapa' atet ochet Jesús:

—Parteshacha' ¿ama't pocte' penteñe yapa' o'ch yenam huapuepa' tso' entot? allochñapa' ñeñcha' a'poyatatuerrahuet ñeñcha' e'ñe a'chencatuerrahuet ñeñt atet pe't Elías ñeñt a'mtaye't Yompor po'ñoñ ahuat.

55 Jesúsñapa' atta cohuanetpa' atet otanet:

—Ñeñt atet soctape'chatse'tyenpa' ama't mameshapa' ama pocteyaye. Ama't señotheña Yomporpa' ama ateye' cotape'chatenyeña Puecamquëñoñ. Ñeñt semnen sapa' po'poña cotapñats.

56 Na Ñeñten e'ñe Acheñetosetspa' amaca'yeña añecop nohuapo o'ch na'chencatos acheñenesha'. Napa' añecopca'yeña nohuapa o'ch na'qeshpatos allohuen acheñenesha'.

Allempoñapa' o' meta'cha'tet allotpa' ahuanmuet po'poñ anetso.

*Allempo Jesús'pa' ye'chatan ñeñt muenene' o'ch coter
(Mt. 8.19-22)*

57 Po'pocheñoñapa' allempo oñemyenet toño'mar allñapa' poctanet puesheñarr yacmapa' ñañapa' atet otapan Jesús:

—Na te'pa' nemeñ o'ch noctare'tyese' ama't errohuanencha' pepoche'ñe'chyes.

58 Jesúsñapa' atet och:

—Te'pa' napa' peñotench'a' ama't nepacllapa' ama necheñe all ney'chenañ. Ro'quëppa' chocma eñall pa'pon allecma ye'chena.† Ote'chnopa'cho'ña chocma eñall pa'ma' allecma ye'cha'yenet. Tarraña naña Ñeñten Acheñetosetspa' ama eñalle ñeñt e'ñe nepaquëll nepen allcha' ne'panena.

59 Po'pocheñoña Jesús'pa' atet oterranerr po'psheneñ acheñ:

—Te'pa' o'ch pocta'n attoch po'ño'ch neyochresha' neperrep'.

Tarraña ñeñtña acheñerpa' atet otan Jesús:

—Te'pa' arrcha'ña ñanom pemnaterren o'ch ahuerren apuesho, o'chña nepampa'huera' apañpa' allempochña nohuerrapa' o'ch noctap'.

60 Tarraña Jesús'pa' atet och:

—Acheñenesha' ñeñt ama yerpa'penaye Yompor, ñetñapa' pampanna'tetepa' parro arromñatecmuet. Tarraña p'ocoppa' ñeñte'p o' peyerpuera Yompor añ poctetsa o'ch auyese'p serrpare'tyese' Yompor po'cohuenña ñeñt atto atarr ayochreshattena ña.

61 Po'pocheño allempo serrpare'ten Jesús epuet ñeñt ame'ñenaya, ñeñtña acheñerpa' atet otan Jesús:

—Napa' Ayochreshate po'ño'chcha'ca'ye noctap'. Te'pa' ato't nasuerra' nepacillo attoch neso'tera' namo'tsesha'; allempochña alla nohuerrerrpa' o'ch noctap'.

62 Jesúsñapa' atet och:

—Ñeñt ama e'ñeye' ma'yo'chrenaye attoch torrenet e'ñe cohuen Yomporecop, ñeñtña acheñerpa' amach e'ñe cohuenaye' sherbeno attoch e'ñe epatuan Yompor po'cohuenña ñeñt atto atarr ayochreshattena ña. Ñeñt acheñerpa' atetcha' netma'ntacha: Ñerra'm esesha' orrene' etamapets attoch etaman pats e'ñe cohuen pa'charr pa'mro, ñerra'm pa'che'ñonta cohua'nom ama't mameshapa' amach etsotanoña etamapets attoch e'ñe pa'charr etaman pats allcha' nare'tatse't pa'mro.

† 9:58 Nehua, Jesús añ toma'ntacha zorra ñeñt berrotets all pa'nyo.

10

Atto Jesúsapa' mueñan pueyochresha' ñeñi cançhroch çharrasheña ñeñicha' otatsa

¹ Allempoña Partsesha'pa' alla llesenserranerr po'potantañ pueyochresha' cançhroch çharrasheña ñeñicha' otrra'tatsa o'ch serrpare'tyesnomuet. Ñetpa' atetcha' ða'nmuet e'ñech epsheña'ttsoema tet. Arrcha' ta'yeset ora allohuen anetso'mar ñaña ama't allampaño'mar; allochñapa' allcha' oñem ñaña tsapatonet Jesús.

² Ama ahuaneneta' Jesúsñapa' atet otanet:

—Shonte' narmets ñeñi nanac ellomñre'tets ñeñicha' a'yapachetañ. Tarraña ataruasañña ñeñicha' a'yapache'pa' ama atarr atonayaye. Te'pa' añcha'ña sanamoñ pamo'mte' mueñanepa'ña ñeñicha' a'yapacherrets pa'mro. Ñeñtpa' atet toma'ntatanet Jesús atto atarr shonte' acheñenesha' ñeñicha' ame'ñerrtsañ tarraña ñeñicha' ame'ñaterrahuetpa' ama atarr atonayaye. Añcha'ña yenam Yompor ñeñi Yamo'mte' yepen mueñanepa'ña pa'taruasañer ñeñicha' torra'yerrtsa ñocop allemeñ anetso'mar.

³ Ñaña sapa' ñerra'm o'ch ahues te'pa' señoçha' po'ñoçh çhocmach eñall ñeñicha' se'moñe'te' ama't sapa' amach çho errot sepenanetañe ñet. Ñeñto'marña notenes te'pa' o'ch nemñas e'ñech atfes ñerra'm carrnero o'ch ahuo' allo'tsen ma'yarroçhno.

⁴ Ñaña amach sanmatsto quelle, ama't sebolsa, ama't po'ptaña sesap- atpa' amach sanmatsche. O'ch ahues sema'yorñecma. Ama't esesha'ch sehuomcha'tyesnom toño marpa' amach alla so'çhtatsto.

⁵ Allempoch seçhap ama't erra'tsena anetsro all sesen, ama't erra'tsena pocoll allcha' seçhappa' ñanomcha' atet seposa. E'ñe sehuomcha'teñoñ ñeñi apacllatesha'pa' o'ch senamatosñañ Yompor pa'nateña. Ñerra'm ñetña po'ñoçh e'neññañet Yompor pa'nateña, Yomporñapa' a'natenanetcha'.

⁶ Tarraña ñerra'm ñetña ama e'neññañeto Yompor pa'nateñapa' Yomporñapa' o'ch alla apuerres sa pa'nateña.

⁷ Ñeñte pocollro allcha' e'ñe cohuen agapaset allach sa'posa. Ñeñi rrenet ñet ñeñicha' rratapaset, ñeñfach serros sama. Tarro'mar ñeñtes torretsa e'ñe poçte' atetcha' tsatenset. Amach sommare'tyesatsto allemeñ pocollo'mar, allach e'ñe sommosa puepahuarro.

⁸ Ama't erra'tsena anetsro allcha' seçherrerr allcha' e'ñe cohuen aguerrseterr, ama't errotena rreñets apasetpa' ñeñfach serros.

⁹ Allñapa' sa'çrratyesoscha' ñaña ñeñi atсна'tyets. Allcha' seserrpare'tatyesosanet, atetcha' sotos: “Te'pa' o' yechapatonas Yompor po'cohuenña ñeñi atto ayochreshattena ña. Aña palltetsa o'ch same'ñera attoch e'ñe çhaponasa seyoçhro.”

¹⁰ Tarraña ñerra'm erra anetsro allcha' seçhap ñeñi allo'marnesha'ña ama cohuenaye' agapaseto, allña toño allecma chopeñe'çhyenet ñet o'ch señoñatnomanet. Ñeñtpa' atetcha' sotnomanet:

¹¹ “Ama't pats ñeñi o' cheta yetco arr sa'netsro, te'ñapa' o'ch yepa'shetca'tyesnoma attoch señoçh sapa' ama't mameshapa' ama poçteye' entenso Yompor. Tarraña ama't atteñpa' te'pa' o'ch neñotatnomues Yompor po'cohuenña autsa çhaponasañ ñeñi atto ayochreshattena ña.”

¹² Allempoña Jesúsapa' alla otterrannerr pueyochresha' allempo ama seneta': —Po'ñoçh te'pa' o'ch notas, esempohuañen allempoch a'çraretetuerra allo- huen acheñenesha'pa' añ anetso'marnesha' ñeñi ama cohuenaye' sagapaye

te', nanaccha' yoro'cheno'tsenterret allempo. Ama't sodomo'marnesha'pa' amach tama yoro'cheno'tsenterreto atet ñerra'm ñeñt anetso'marnesha' ñeñt ama cohuenaye' sagapaye te'.

Atto Jesús'pa' eños epo'mar anetsocop all ama ame'ñyeto
(Mt. 11.20-24)

¹³ Allempoña Jesús'pa' alla oterrerr:

—Nanaccha' llequëñtso'tsa'yenes coraziño'marneshacha'; nanaccha' llequëñtso'tsa'yenes saña betsaido'marneshacha'. Tarro'mar ama't atarr norrtatyennaseñ nepartsoña sesho, sañapa' amaña soctape'chuerroña ello cohuen Yomporecop. Ñerra'm arrcha'ña norrtatañ nepartsoña tiro'marneshesho ñaña sidóno'marneshesho, ñetñapa' ahuatoteñte' cotape'cherretañ e'ñe cohuen Yomporecop. Ñetpa' attochña e'ñe orrtetañ cha llecatenanet po'chñar, cotnashe'mach chorra'yetañ, tsapñach epachshema'tyenetañ all anorrcha'tyenet puellquëñtset.

¹⁴ Ñeñto'mañña te'pa' notenes, esempohuañen allempoch a'crare'tetuerra allohuen achenesha'pa' tiro'marnesha' ñaña sidóno'marnesha' ñetñapa' amach tama a'coñchatare'terreto allempo. Coraziño'marneshacha' ñaña betsaido'marneshacha' saña allempopa' atarrcha' coñchaterrset.

¹⁵ Ñaña sa capernaumo'marneshacha' chate' sotenapañ atto e'ñe cohuen sentyena sañeña, Yomporñapa' allentach a'tapaterres pue'ntaño. Ñeñtpa' amachca'ye ateye' perrsoña Yompor, allachca'ye huapore'terres o'pono coñcha'puetso.

¹⁶ Jesúsña allempo ama sena' pueyochresha' o'ch serrpare'tyenet a' anetso'mar ñaña'pa' alla oterranneterr:

—Ñerra'm esesha'ch se'mñotapue' sa, na'ñaña e'mñotenet. Tarraña ñerra'm esesha'ch ama sagapaye sa, na'ñaña ama aguëneto. Ñaña ñerra'm esesha' ama mueno o'ch agapnet na, Nompore'ñaña ama mueneñeto o'ch agapet tarro'mar ñapa'ña nellensene'.

Arrpa' allohua ñeñt atet otan pueyochresha'ño ñeñt can'chroch charrasheña. Allempoñapa' mueñanet allcha' serrpare'tatiesnomuet.

Atto hua'cherra Jesús pueyochresha' ñeñt can'chroch charrasheña

¹⁷ E'ñe allponmatatsapa' o' alla hua'cherra pueyochresha' ñeñt can'chroch charrasheña. Ñetñapa' e'ñe pocsheñeshocmañen huathenet Jesúsesho. Atet serrpare'tatueñet:

—Partseshacha' ama't oneñe'fe'chnopa' e'ñe ye'cha'nma'cha'tatue e'ñe ye'chore'teño't pa peso'chño.

¹⁸ Ñaña'pa' otapuenanet:

—Napa' neñchca'ye oneñe' allempo aprratam'psaretta po'huamenc. E'ñe attema't ñerra'm ñapa' o' cha'nmachet ento't atet pena meratste' huetsa ento't o'ch chap a'ñe patsro.

¹⁹ Po'ño'chca'ye napa' atarr ahua'mencat ne'pa'yepas. Ama't allohuen ñeñt se'moñe'tyene' sañapa' ñeñte'copña nellensa'yenas allochñapa' attoch e'ñe sa'mchechatyesuena' allohuen pa'namen, ama't shechpe'chno ñaña yellaso'chno, e'ñe satmama'teño'tpa' e'ñe sa'pe'ptse'tatse'tueña'. Allochñapa' amach e'ñallettere'te ñeñtcha' semuero'chtate' ama't patra.

²⁰ Ama't atarr ahua'mencateseñ atto o' sa'mchechatyesuahue oneñe'fe'chno, amachña ñeñta atarr socshatsto. Añcha'ña e'ñe socshena atto aquel'ca'yaretetes seso'cheñ Yompore'sho ñeñt pue'ntaño'tsen.

*Atto Jesús'pa' atarr pocsheñesha' ma'yochena**(Mt. 11.25-27; 13.16-17)*

²¹ E'ñe allempoña Jesús'pa' atarr coshateñ Parets Puecamquëñ. Ñeñto'marña ñapa' e'ñe pocsheñesho' ma'yochenana Pompór, ñeñtpa' atet oten:

—Na Apacha' o'ch na'ye'chochtatonap, papa' pa ñeñtep atarr ayochreshattetsa pe'ntaño ama't ñaña arr patsro. Na'ye'chochtatonap tarro'mar ora añechno ñeñt pecohuenña pepen, ñeñtpa' ama arreye' pechapateñe pueyocho ñeñt atarr eñotañ entyetsa. Papa' aña pechapaten pueyochoreto ñeñt ama eñotañeye' entetso. Tarro'mar Apa e'ñe pemuereño' ñeñtpa' atetña e'ñe pocte' penten pa. Arrpa' allohua ñeñt atet ma'yochenana Pompór.

²² Nompór allohuen po'cohuenña e'ñe eñotatuenen. Na ñeñten Puechemerenpa' ama po'ño'ch eseshaye' neñotenaye, ñapñaña Nompór eñotenen. Nompórpa'cho'ña ama po'noth eseshaye' eñotenaye, naptaña na ñeñten Puechemeren e'ñe neñoteñ Nompór, ñaña erra'tsencha' ñeñt e'ñe pocte' nenten na ñeñten Puechemeren ñeñtña'pa' o'ch neñotater Nompór.

²³ Allempoña'pa' alla cohueranerr pueyoresha'pa' atet otanet e'ñe ñocueta:

—Atarr cosheñtso'tsa'yenes sa tarro'mar e'ñe sa seclloyotpa' o' senterrñañ Yompór po'cohuenña.

²⁴ Po'ño'chca'ye notenes e'ñe ahuatoteña'pa' shonte' ñeñt a'mta'yeyaye't Yompór po'ñoñ ama't ñaña ñeñt amcha'tarettatset' allempo, ñetña'pa' atarr muenetañe't o'ch enterrñañetañ Yompór po'cohuenña ñeñt o' senterr sa te'. Tarraña allempo ñetpa' amaña eseshaye'ña enterrapaye Yompór po'cohuenña. Ama't atarr muenetañe't o'ch e'ñiñoterrñañet Yompór po'ñoñ ñeñt o' se'muerr sa te' tarraña allempo ñetpa' amaña eseshaye'ña e'muerrapayeña Yompór po'ñoñ.

Atto atarr cohuen orrtatos puesheñarr samario'marnesha'

²⁵ Allempoña puesheñarr ñeñt atarr etsotene' ñoñets ñeñt atet anaret ju-dioneshacop, ñaña tantapa' atet otan Jesús attoch eñoch erro'tente' ye'chaten ña, ñeñtpa' atet och:

—Maestrocha' ta', ¿erro'tena'tcha' nepaña na e'ñe cohuen attoch napa' corretsanach e'ñe tayoteñ ama't errponañohuen?

²⁶ Jesúsña ana'ppa' atet och:

—¿Erro'tena't otenña ñoñets ñeñt atet anaret ahuatoteñ? ¿Eso'tña ñoñtsor pelleyenña pa ñeñt anaret all?

²⁷ Ñaña'pa' atet och:

—Ñeñt ñoñetspa' atet oten: “Atarrcha' yemorrenetña Yeyompórer ñeñt Yepartseshar yepen e'ñe yeyochrocmañen. Ñaña e'ñe yecamquëño' yemor-reñchach e'ñe yehuamencohuen, ama't ñaña ora yocapñohuen.” Ellonet po'poñpa' atet oten: “Atarrcha' yemorrenetña yamo'ts e'ñe atet atarr yemor-rentena yañeña.”

²⁸ Jesúsña'pa' atet och:

—Atetca'ye e'ñe atet pōten. Ñerra'm atetcha' e'ñe pepohuapa' pañapa' corretsapach e'ñe tayoteñ ama't errponañohuen.

²⁹ Ñeñtña acheñerpa' aña atarr muenen o'ch e'ñe cohuen enteñ Jesús ñaña allohuen acheñenesha'. Ñeñto'marña alla a'pto'terranerr Jesús:

—Ñehua, te'pa' o'ch pōten ¿eseshatña ñeñt e'ñe po'ño'ch namo'ts nepen?

³⁰ Attoch eñotach ñeñt e'ñe po'ñoçh amotsot entetsa ñeñt e'ñe pamo'ts ðannena, Jesúsñapa' atet toma'ntacha, ñeñtpa' atet serrpare'tach:

—Eñall puešeñarr judionesha' ñeñt huetsa Jerusaléñoñ, ñapa' arr sen Jericó. Toñoñapa' alla rromap eñeñ e'ñe puerratanp̄satsre'tuet ama't pa'shtam. Atarr atserrpet. Autsa muetsapuetañ allempoña ñeñt atserrp̄apue'pa' ahuanerret.

³¹ Allempoña tematenpa' puešeñarr judionesha' ñeñt cornesha' ñapa'çho'ña all oñem. Ñaña' ama't entospa' atta oñmatse'tam̄pesya a'yo'marpa' o' metane.

³² Allempoña tematenpa' huapa ñaña po'psheñeñ judionesha' ñeñt levitaneshatets. Ñapa'çho'ña ama't entospa' atta oñmatse'tam̄pesya a'yo'mar o' metane ñaña.

³³ Allempoña tematererr o' huapa ñaña puešeñarr ñeñt ama judioneshayaye ñeñtpa' samario'marnesha'. Ñapa' ñeñt pamo'tsesha' pen ama amo'tstenano judionesha'. Tarraña ñapa' allempo entosan puešeñarr judionesha' ñeñt atserrpenetpa' atarr muerosya.

³⁴ Allenta ponmosya, shosñañ olivose* ñaña vino allo partosñañ all atserrpeñet.

Allempoñapa' huanquërrñañ all atserrpeñet. Tantaterpa' montacha pashanoropa' anem̄ allcha' mos. Allña'pa' all cohuanp̄sos.

³⁵ Tsapatñapa' cheta'muenan epa denario apa'muenan apacllatesha' atet ota'mueñ: “Te'pa' pecuanp̄schesha', errponcha' p̄a'gasta' ello peçllayor, napa' netsa'tuerrp̄ach esempoch nehuerra.”

³⁶ Jesúsñapa' alla oterranerr ñeñt acheñer:

—Ma'psheño'maretpa' p̄apa' çerra'tsena'tña pentenña ñeñt atarr amo'tsot entetsa ñeñt e'ñe pamo'ts pene' ñeñt rroma' eñeñ?

³⁷ Ñeñtña acheñerpa' atet oterranerr Jesús:

—Añca'ye e'ñe pamo'ts pene' ñeñt e'ñe puemuereñoñ partatse'terre'.

Jesúsñapa' atet och:

—Te'pa' atetcha' peperra p̄aña. O'ch ahuerreppa' atarrcha' pemorrentera ora allohuen acheñenesha'.

Allempo Jesús'pa' çhap pocollo all yeçhena Marta epuet pa'mo'nerr María

³⁸ All oñen Jesús'pa' o' çhap paterr anetso. Allña puešeñarr coyanesha' añ pa'so'cheñ Marta, ñaña'pa' e'ñe cohuen agapapan Jesús pa'paclo.

³⁹ Ñeñtña Martapa' eñall ñaña pa'mo'nerr ñeñtpa' añ pa'so'cheñ María. Maríañapa' all anen Partsesha' Jesús pa'rrp̄ot allot e'mñoteññañ ñeñt atet serrpare'tatenanet.

⁴⁰ Pa'mo'nerrña Martapa' ñaña e'ñe ma'yoçhrena a'toram̄pse' all puetare'tallme'chen. Ñaña'pa' ponmana Jesús'pa' atet otos:

—Ayochreshate, amate' pocte' penteñe napta neptare'tallme'chen; nemo'nerrñapa' ama yenpuenno. Te'pa' o'ch p̄och a'toram̄sapretnepa' nañar.

⁴¹ Jesúsñapa' atet och:

—Nocha Marta, shonte' pa'namen ñeñt petorra'yena, p̄apa' ñeññaña atarr pellcatene'.

⁴² Tarraña e'ñe patraña ñeñt atarr sherbets; ñeñtpa' atto e'ñe cohuen socshennana neñoñ. Pemo'nerr María'pa' ñapa' ñeñtña atarr e'nen. Ñeñtpa' ama't e'ñe esesha amach errotenoñ puerratanp̄ereto.

* 10:34 Olivo ñeñt tsach allot yoreñet puerets pue'merot.

11

Atto Jesús^{pa}' yečhatan pueyochresha' atetcha' ma'yochet
(Mt. 6.9-15; 7.7-11)

¹ Po'pocheño Jesús^{pa}' alla ma'yocherrerr. O' ma'yochuapa' puesheñarrña pueyochresha'pa' atet och:

—Partshacha' te'pa' o'ch peyčhatey ma'yochatsa atet pe't Juanañ, ñapa' čhocma yečhatane't ña pueyochresha' atetcha' ma'yochet.

² Jesúsñapa' atet otanet:

—Ñehua, ñerra'm esempoch sema'yochena atetcha' sot:

Yompore Partso ñeñfe' pe'ntañotsen, yentapepa'ch pa atarr Partso. Chapuepa'ch Nompore allempoch atarr pa'yochreshatterra arr patsro. Yetsonapepa'ch arr patsro ñeñt atet pemnen pa Nompore atet penet ñaña pe'ntañ.

³ Chocmupa'ch Nompore papueneý ñaña yocrrañ ñeñt allpon yepallta'yena pate tets ye't.

⁴ Pe'pretna'huonayepa'ch Nompore allohuen yo'chñar ñeñt ama pocteye' pentapretenye, atto Nompore yapa'cho'ña ye'pretnannena ñerra'm esempo errot ye'pannena. Ñaña amach Nompore pemnatatsche sosya'tañ o'ch atarr topateney. Añcha'ña čhoch Nompore pa'ypo'ñataterrey allohuen sosya'tsañečno.

⁵ Elloñapa' alla yečhaterraneterr ñeñt atto e'ñe yenamueño't Yompor apueycha'. Ñeñtpa' atet serrpare'taterraneterr toma'nteñtso.

—Ñerra'm eñall puesheñarr ñeñt e'ñe cohuen yeyemtenaya, ama't ročh tsapo o'ch ahuey pa'paclo yečhore'teño'pa' atetcha' yotos: "Napa' masheñcha' añecop nohuena o'ch papuen ama't coñe'ta rreñets,

⁶ tarro'mar o' čhap puesheñarr namo'ts ñeñt huetsa bačhayot, napa' ama es necheno ama't coñe'ta alloch neyema'cha."

⁷ Tarraña ñapa' po'ponrotpa' ñato' čhach otapuey: "Amach pa'tsrre'močhtana'tatstosno tarro'mar o' e'ñe echarr neyottanpesuena, allohuen nacñetaretolleshohuena' o' yemanrra'tuen. Ñeñto'marña ama eshcaye' atantenno o'ch necha'nmonapa' attoch es napa'."

⁸ Tarraña napa' o'ch notas, ama't ñeñt atarr yeyemtenaña' ñerra'm ama čha'nmaponayopa' yañapa' ñerra'm alla yenamue're'tpa' čha'nmaponayach attoch apapuey ama't erra'tsena ñeñt atarr yenamueñ attoch amach alla ya'tsrre'močhtana'tneñe es enamare'te'.

⁹ Ñeñto'marña napa' o'ch notas: E'ñe senamueño't, Yomporñapa' apascha'. Se'name'teño'pa' señchcha', sečhore'teño't, Yomporñapa' e'ñe pue'mñoteño'fespa' e'ñech cohuen toram'psapas.

¹⁰ Tarro'mar ñeñt es enamare'tetspa' ñetña es aguë'tset; ñaña erra'tsen ñeñt es e'nyetspa' ñetñapa' enteretcha', ñaña erra'tsen ñeñt čhore'tyene' ñetñapa' e'ñech e'mñotenanet Yompor.

¹¹⁻¹³ Yompor ñeñt pue'ntañotsen čhocmach e'ñe cohuenare' es apa'yeney ñerra'm esempo es yenamueñ. Ñapa' amach aña apuenye ñeñt ama cohuenaye'yenteno ya. Ama't sa ñeñtes arromñates atet sepeñ samña sechemer, e'ñech cohuen es sapueñ ñerra'm esempo es enamuenes. Atet ñerra'm allempo pa'chporrño't es enamuenes, o'ch enamas mam* ñeñtcha'

* 11:11-13 Ñehua, Jesús añ toma'ntatanet pan ñeñt puerrar penet all pa'nyo.

rra', sapa' ama't puesheñarrofesapa' amach aña sapueñeña sechemer mapue' ñeñt ama arrapahuoyaye. Amapa' ñerra'm cac enamuenes sañapa' ama't puesheñarrofesapa' ama aña sapueñeña sechemer shechep' ñeñt atarr amuerochtatañ. Amapa' ñerra'm pa'me' enamuenes sañapa' ama't puesheñarrofesapa' ama aña sapueñeña sechemer yellas. Ñeñto'marña sa ama't arromñaates ama't ñaña atsrre'mñaates sapa' e'ñe señoñeñt apa'yese' sechemerasha' e'ñe cohuenare'. Añña ñeñt Seyomporer sepen saña ñeñt pue'ntaña'tsen elloña ñapa' e'ñe eñoñeñt atto e'ñe cohuenare' es apa'yenes saña. Ama't Puecamquëñ ñeñt e'ñe cohuen Parets attoña e'ñe cohuen chorratensa allohuenes ñeñtes enamyene' ña.

Atto puesheña'tets oteñet Jesús ñapa' oneñe'to' po'huamencot cáchpatenanña po'potantañ oneñe'techno acheñenesha'
(Mt. 12.22-30; Mr. 3.19-27)

14 Po'pocheño allo'tsen puesheñarr acheñ ñeñt chorrena oneñe't, cha opanatateñ. Allempoña Jesús'pa' cáchpatosan oneñe't atto chorrenana acheñ. Atto cáchpa'ner oneñe't ñeñña opanpa' o' alla eñorerra. Acheñenesha'ña allpa' atta cohuanrrorteñet, atarr cohuen enteñet.

15 Tarraña po'potantañechnoña acheñenesha'pa' ama't mameshapa' ama pocteye' eñcheto. Ñetña'pa' atet otyeñet:

—Atto cáchpatatenan oneñe't acheñpa' añaca'ye ahuamencat pene' Beelzebú ñeñt pompor pen allohuen oneñe'techno.

16 Po'potantañ acheñenesha' ñetña'pa' cha mueneñet o'ch topachet Jesús. Ñetpa' atet ochet:

—Yapa' añ yemnen o'ch pegatey pepartsoña ento't allochñapa' attoch yeñota'p po'ño'ch pa'pa' Parets Puechemere'p.

17 Jesús'ñapa' eñotanet ñeñt atet cotape'chatse'tyenet pueyo'chreto ñocop ñeñt atto otyeñet ñapa' oneñe'ta pompor po'huamencot cáchpatenanetña oneñe'techno. Ñeñto'marña ñapa' atet opanet:

—Ñerra'm puesheñarr amcha'taret elloptannena pa'cheñer e'ñe ñagattsetapa' e'ñech poctacma a'cllatanna'tuerret. Attecmach pañnera ama't ñeñt e'ñe pamo'tsna'tarecmuet ñerra'm elloptannerret e'ñe ñagattsetpa' e'ñech a'cllatanna'tuerret.

18 Attecmach pañnera ñaña oneñe't pueyochresha'chno ñerra'm oneñe'techno e'moñe'tannenet e'ñe ñagattseta, ñetña atto huomencatenetpa' chach huañerrets amach allo'na huomencatneneto. Ñeñtpa' atet o' notuas tarro'mar sapa' cha sotenen napa' Beelzebo' po'huamencot necachpatateñña e'ñe ña pueyochresha' ñeñt pompor pen allohuen oneñe'techno. Po'ño'ch oneñe'tpa' amaca'ye huapore'tanneno.

19 Sapa' atet sotenen napa' Beelzebo' po'huamencot necachpatateñña e'ñe ña pueyochresha', ñehua, te'pa' o'ch notas: Ñeñt seyochresha' sepen sa ñeñt eñotene' ñamet o'ch cáchpatachet oneñe't acheñenesha' ñetpa'cho'ña amaña Beezebú po'huamencoteye' cáchpatateñoña oneñe't acheñenesha'. Ñetpa'cho'ña Yomporoña po'huamencot cáchpatatenetña oneñe't. Ñeñña o' eñotatas ñeñt atet sotenoñt ñeñtpa' amaca'ye po'ño'ch atteyaye.

20 Po'ño'chca'ye Yompor po'huamencot necachpatateñña oneñe'techno acheñenesha' ñeñtcha'ña señoñate' te'pa' o' ne'chapatonas Yompor po'cohuenña ñeñt atto po'ño'ch atarr ayochreshattena ña.

²¹ 'Ñeñtpa' o' e'ñe notuas atet tarro'mar yeñoteñ ñeñt atarr ahuamencattetsa atto atarr ahuamencattena oneñet, ñaña'apa' e'ñe po'huamencot cohuañpesyenan allohuen e'ñe cohuen ñeñt pa'paquell pa'yen. Ñapa' po'huamencocmañen na'yenan ñeñt'cha' e'ñe cohuañpene' all añcha'tarettena ña.

²² Tarraña ñerra'm esempo o'ch huapoña ñeñt atarr ahuamencatesha' ñeñt'cha' ello metanose'ña po'huamenc atet ñerra'm na Nompör; ñeñt'cha'ña e'ñe a'mchechatose'. Attoña e'ñe puerratañpsosñañ ñeñt allpon moñenaya ñeñt atarr yemuetyena ña. Allochñapa' o'ch be'tosos all ñeñt pa'paquell pa'yen o'ch e'ñe puerratañpeshuos ñeñt allpon o'patyena ña.

²³ 'Ñeñto'marña te'pa' o'ch notas allohuenes: Ñerra'm eseshas ñeñtes ama netorrapretenaye ñeñña'ña acheñerpa' thaca'ye epatare'tennan ñeñt atet netorra'yena na. Ñeñt'pa' o'ch netma'ntatasa atet: Ñerra'm esesha' ama na'yapachapretenaye ñeñt na'yapachen na, ñeñt'ñapa' cha a'parratse'tañpenen a'yenet.

Atto Jesús'pa' eñotatanet ñato' oneñe'pa' o'ch alla chorrerranerr acheñ allot cha'nom ahuaña

(Mt. 12.43-45)

²⁴ 'Ellonetpa' o'ch alla neñotaterriserr po'poñonef: Oneñet ñerra'm esempo cha'nom acheñeshof, ñeñt'ña oneñe'pa' o'ch auyes errañaren ama't amayo'mar e'nyese' po'psheñeñ allcha' yeçherrerr allcha' e'ñe amesuerrerr cohuen. Tarraña ñerra'm amach erra eñche'pa' atfeñapa' o'ch ot: "Napa' o'ch alla ahuerran nepaclo allot necha'nom ahuaña."

²⁵ Atet'cha'cho' pa. O'ch alla ahuerr allot cha'nom ahuaña. Allña o'ch çherrpa' e'ñeç cohuen entuerran pa'paquell, e'ñeç cohuen atarrapo'tuaret, e'ñeç cohuen añño'tyesaret.

²⁶ Allempoñapa' o'ch alla ahuerr allo'tsa'yen pamo'tsesha'pa' o'ch enana' po'poñ cançherrsheña oneñe'fçhno ñeñt nanac sosyare', ñeñt ello metana'tuene' ñeñt atet sosyaten ñeñt hua'ñene' o'ch yeçhapreacha. Allohuenetñapa' o'ch chorreñet ñeñt acheñer. Allempoña tsapatonetpa' allo'nach sen ñeñt acheñer sosyatnomuets huomenc. Elloch metanerran ñeñt atet päts'e'tyese't ñenmañ.

²⁷ Jesús allempo atet serrpare'tatenan acheñenesha'pa' puesheñarrña coy-anesha'pa' machayotepa'tcha' rrana, ñeñt'pa' atet ot:

—Ama't ñeñt pächor pepen päpa' atarr cosheñtso'tsen tarro'mar ñapa' ñeñt pe'ñallete' pä ñeñte'p atarr cohuen es peyeçhcaten ñaña ñapa' e'ñe cohuen cohuañpsañ allempo cheshatollenpa'.

²⁸ Jesúsñapa' atet och:

—Elloña allohuenetpa' atarr cosheñtso'tsa'yenet ñeñt pue'ññoteñofet Yompör po'ñoñ e'ñe atet pohuenet.

Atto Jesús'pa' otan acheñenesha' ñeñt ama cohuenaye' cotape'chetso ñetñapa' çhocma e'nenet partsoteñets

(Mt. 12.38-42; Mr. 8.12)

²⁹ Allempoña acheñenesha' emchorreñet Jesús, ñaña'apa' atet otanet:

—Acheñenesha' ñeñt corra'yetsa te' ñetñapa' ama cohuenaye' cotape'chyeneto. Tarro'mar ñetpa' añe e'nenet ahuo'ch norrtatanet nepartsoteña atto'chña eñotnet napa' po'ño'cho'te' Parets Puechemeren ñeñfeno'te' Cristotosets. Tarraña amach es norrtataneto. Napa' añach paterr

neñotatanet atet eñotatane't Jonás ahuat nínivo'marnesha' allempo a'mtane't Yompor po'ñoñ.

³⁰ Tarro'mar atto eñotatane't Jonás nínivo'marnesha' ahuat ñapa' Yomporeshot huena, napa'cho'ña te'pa' atetcha' neñotach namña acheñenesha' ñeñt correta te' napa'cho'ña Yomporshot nohuena.

³¹⁻³² Tarro'mar ahuat allempo serrpare'tatane't Jonás nínivo'marnesha' ñetñapa' allempocma cotape'cherret ello e'ñe cohuen Yomporecop. Te'ña arr seshopa' allo'tsenen na ñeñfen ello metanene' ñeñt atet serrpare'tate't Jonás. Tarraña sañapa' amaña soctape'chenoña ello cohuen Yomporecop. Ñeñto'marña esempohuañen allempoch a'craretetuerra allohuen acheñenesha', ñeñtña nínivo'marnesha' ñeñt e'ñe cohuen cotape'cherrets Yomporecop ahuat, ñetpa'cho'ña orrterretcha', ñeñtcha'ña señotaterre'ña sapa' ama't mamesha ama pocteyayeña ñeñt atet sepa'yese't tarro'mar sapa' ama soctape'cherro ello cohuen Yomporecop. Ñaña te'pa' o'ch neyerpatasa ñeñt atet pa ahuat puesheñarr coyanesha' ñeñt añcha'tarettatse't atarr ñachayo allohuanen pats sa'ponet. Ñeñtña coyanesha'pa' alloteñ on o'ch e'mñotenana' Salomón pueserrpareñ ñeñt atet atarr eñotañte't. Te'ña arr e'ñe seshopa' allo'tsenen ñeñfen puesheñarrana ñeñfen atarr es neñoten namña, ello nemtaneñ atto eñotañte't Salomón. Tarraña sañapa' amaña es sotapoteno. Ñeñto'marña esempohuañen allempoch a'craretetuerra allohuen acheñenesha', ñeñtña coyanesha' ñeñt e'ñe cohuen e'mñotatse't ñapa'cho'ña orrterretcha', ñeñtcha'ña señotaterre' sapa' ama pocteyayeña ñeñt atet sepa'yese't tarro'mar sapa' ama es sotapote'te ama't e'ñe mamesha.

Atto yecle'pa' añ toma'ntena ñeñt po'lampareñ pen allohuen yechets (Mt. 5.15; 6.22-23)

³³ Jesús'pa' alla serrpare'taterraneterr, ñeñt'pa' atet oterraneterr:

—Ñerra'm esempo ya'llchaten lampareñ, ñeñt'pa' ama tarrecpaye' ya'huortateñe o'ch yene' o'pono e'ñe a'nareto. Ñaña ama añecpaye' ya'llchateñe o'ch ye'rramañpes coyño. Ñeñt'pa' añecopña ya'huortateña lampareñ o'ch yene' enonet attochña e'ñech'choyo'tañpesuan allohuen acheñenesha' ñeñt be'toschets all pocollo.

³⁴⁻³⁵ Yecle'pa' añ toma'ntena atet ñerra'm ñeñt po'lampareñ pen allohuen yechets. Ñerra'm e'ñe cohuen huomech yecle'pa' e'ñech cohuen entateny puetare' allochñapa' attoch e'ñe cohuen torratyenana allemeñ yechets tarro'mar e'ñe cohuen a'puetarsañsarettenet. Tarraña yecle'ña ñerra'm ama e'ñe cohuen huom'cheyayepa' amach e'ñe cohuenaye' entateny puetare' attochña amach eshcaye' torratyenano allemeñ yechets tarro'mar cha ottena ñerra'mrrate' checmeto'tsa'yeneta. Attecma pena ñaña yeyo'cher. Ñerra'm e'ñe cohuen yoctape'chyen yeyo'chropa' attoña chennayaña yeyo'chro e'ñe ora allohuen Yompor poctapña ñeñt po'cohuenña pen. Attoña ora yoctapña' e'ñech a'puetarsañsarettena Yomporeshot. Tarraña o'ch yeñota e'ñe yañeña tarro'mar ñerra'm ama cohuenaye' yoctape'cheno yeyo'chro, ñeñt'pa' amach erro'tenot a'puetarsañpenyeña ñeñt yoctapña yepen. Ñeñtña yoctapña yepenpa' 'chach a'checmetañpenay yeyo'cher.

³⁶ Tarraña ñerra'm po'ñoñ e'ñe cohuen yoctape'chen yeyo'chro, attoña chennayaña yeyo'chro e'ñe ora allohuen Yompor poctapña attochña yeñoteñ orrtatyese' ñeñt e'ñe cohuen enten ña. Attoña e'ñech cohuen es yepa'yen atet

ñerra'mrrate' lampareñ e'ñe cohuen ðhoyo'tamñpeney attoch e'ñe cohuen es yentyen. Allempopa' o'huañcha' allo'na yecheçmetamñpesnen.

Atto Jesús'pa' a'metare'tenan fariseonesha' ñeññ atet yeçhenet ñetpa' ñeññpa' ama cohuenaye' entapretenaneto Yompor (Mt. 23.1-36; Mr. 12.38-40; Lc. 20.45-47)

³⁷ O' serrpare'tatuanet Jesús'pa' puesheñarrña fariseonesha'pa' hua'ña'nerran Jesús o'ch rrallme'chapreteña' pa'paclo. Allempo çhap Jesús allpa' be'tosos anorros allcha' rrallme'chapretosan ñeññ hua'ñene'.

³⁸ Ñeññña fariseopa' entenan Jesús atto ñapa' ama e'pota'to ñeññ atet yeçhena judionesha'. Ñehua, ñetpa' atet yeçhenet, amach rrallme'cheneta'pa' o'ch e'pota'tyeset Partsocop. Ñeñño'marña fariseopa' atet cotape'ch Jesúsocop:

—Ta'm, eso'marte'ca'ye amaña e'pota'tenoña ñeññ atet poçtetsa Partsocop.

³⁹ Partseshañña Jesús'pa' atet toma'ntatana ñeññ atet pena allohuen fariseonesha', ñeññpa' atet otan ñeññ hua'ñene':

—Ñeññes fariseoneshas sapa' e'ñe se'pame'teneñña setaza enotpa' o'ponotñapa' ama se'parro'teñe. Seplatopa'çho'ña enota e'ñe se'pata'teñ o'ponotñapa' ama se'pata'teñe. E'ñe atet sepena samña. E'ñe sa'cohuentatena ñeññ eno'mar ñeññ atet seyçhena sa allochñapa' attoch entenes allohuen acheñenesha' sapa' e'ño' cohuenes, tarraña o'ponot seyoçhropa' ama sa'cohuentateñe, allñapa' e'ñe chorren shonte' sosya'tsañeçhno ñeññ atto e'ñe seshquëño' çhocma es seprratamñpesyen, seshonten pa'namen ñeññ ama poçteye' entapretenso Yompor.

⁴⁰ Cha sottena ñerra'm erra'tsen puesheñarr acheñ ñeññ ama es eñoteno. Ama't señoteñeña Yomporña ñeññ yeçhcatyene' allohuen ñeññ allpon yentyen arr patsro, ñeññ a'yote'tsa'yen yeshot ñeññara Yompor ñeññ yeçhcate' ñaña yeyoçher alloch e'ñe cohuen yoçtape'chen o'pono yeyoçhro.

⁴¹ Ñerra'm o'ch po'ño'ch soçtape'çherr cohuen seyoçhro Yomporocop attoçhña e'ñe cohuen seyoçhroçmañen es sapa'yen attoch seyepa'yeñ po'potantañ. Ñerra'm atetçha' seperrapa' Yomporñapa' e'ñeçh cohuenare' enterres.

⁴² 'Atarr llequëñtso'tsenes sa ñeññes fariseoneshas tarro'mar ama atteye' sepeno ñeññ atet o' notuas. Ora allohuen ñeññ senarem sepen ama't çhocma sapueñeñ Yompor allpon ñeññ poçtetsa ñocop—mentapan ñaña rudapan. Tarraña añña ñeññ nanac sherbets Yomporocop e'ñeçh poçte' es yepaññañ po'psheñeñ ñaña e'ñeçh cohuen yemorrenteña Yompor. Ñeññ atetpa' sañapa' ama soçtape'çheñe ama't mamesha. Sapa' ñeññña sepalltena o'ch e'ñe atet sephohua. Tarraña ñeññ atto çhocma es sapa'yen Yomporocop ñeññpa'çho'ña amach secaçhpatsche.

⁴³ 'Atarr llequëñtso'tsa'yenes sa ñeññes fariseoneshas tarro'mar sapa' e'ñe sommo'cheño' atarr semneñ allohuen acheñenesha'pa' o'ch e'ñe cohuen entenset. Ñeñño'marña sapa' añña atarr semnen o'ch sanorrçha'tyen judionesha' po'prahuo alleçma anorrryen ñeññ atarr añcha'na'tpo' enten allohuen acheñenesha'. Ñaña sapa' añña atarr semnen allohuen acheñenesha'pa' o'ch huomçha'tenset puemçha'naño' ñerra'm esempo sechopeñe'chen toño'mar alleçma chopeñe'çhyen allohuen acheñenesha'.

⁴⁴ 'Atarr llequëñets socop, tarro'mar sapa' e'ñe attes ñerra'mrrate' apampaña ñeññ amach orrteno enot all apamparettena arromña' o'pono

patso. Ñeñto'marña acheñenesha'pa' allach chopeñe'chyenet all ama esesha' eñotenaye o'ponopa' allo'tsa'yen arromña'atap all e'ñe chorren sosya'tsañ.

45 Allempoña puesheñarr ñeñt' atarr etsotenayeñ ñoñets ñeñt' atet anaret judioneshacop, ñañapa' atet otan Jesús:

—Maestro, ñeñt' atet p'oten ya'naña'cha muene' pepencaten.

46 Jesúsñapa' atet och:

—Sapa' ñeñtes atarr etsotenayeñ ñoñets ñeñt' atet anaret judioneshacop, sapa'cho'ña atarr llequēñets socop, tarro'mar sapa' atarr es sena'yēññañ acheñenesha' ñeñt' atarr echarrare' entyenet ñet, po'ño'chpa' amach er-roteno' e'ñe atet p'ohueto. Sapa' ama't mameshapa' ama ayenpuenaye' sentpenaneto.

47 'Llequēñtsa ñaña socop tarro'mar sa te'pa' sa'otamaten eno' ñeñt' atarr cohuen senten sa all pampa'yese't' ñeñt' a'mta'yese't' Yompor po'ñoñ ahua't ñeñt' muetsanatyese't' ñeñt' satañneshañ sepe't.

48 Sapa' e'ñe seño'teññañ sa'tañneshañ atto ñetpa' muetsanachete't' ñeñt' a'mta'yese't' Yompor po'ñoñ tarraña sapa'cho'ña ñeññaña e'ñe pocte' senten saña ñeñto'mar te'pa' e'ñe sa'cohuentañpenanet all apamparettenet.

49 'Ama't Yompor ahua't, e'ñe pueñoteño'ipa' atet ote't: “Napa' o'ch nemñe acheñeneshesho ñeñt'cha' a'mtene' neñoñ ñaña ñeñt' nellensarne-sha' ne'pa'yen. Tarraña patantarrña acheñenesha'ñapa' cha muetsanatanet, po'potantañña' cha cofare'tyese't.”

50 Attoña e'ñe allempoteñ aye'chcataretta añ pats, ora allohuen ñeñt' a'mta'yese't' Yompor po'ñoñ allpon ñeñt' amtsanatyese't' ashataretetyese't' po'r'ras, sañapa' allempoteñ e'ñe sa'yohuarettena teme'ttsen sa ñeñtes corretsa te'.

51 E'ñe allempoteñ muetseret Abel tarrem'pohua allempo muetseret ñaña Zacarias ñeñt'pa' alla semtser Parets po'ponro puecha'petarot allo'tsen altar allotecma sherbete't' Yompor. Po'ño'chca'ye notenes añenesha' ñeñt' corretsa te' atarr ayohuarettenet.

52 'Llequēñtsa socop ñeñtescha' e'ñe etsotenayeñ ñoñets ñeñt' atet anaret judioneshacop tarro'mar sapa' cha sepr'ratañpeñ acheñenesha' ñeñt' alloch enteret ñeñt' e'ñe po'ño'ch alloch queshperret. Tarro'mar ama't sapa' amaca'ye senteññañeña Yompor po'cohuenña, ellonetpa'cho'ña chocma sepa-tare'teñña po'potantañ ñeñt' e'nene' Yompor po'cohuenña.

53 Allempoña ñetpa' e'ñe pa'tsre'mueño'f atarr es a'p'to'tare'tyese't Jesús.

54 Ñetpa' añ atarr e'nenet attoch otatse'tachet allochñapa' ñato' po'tatse'tateño'etpa' attoch otteñe'cheñet.

12

Atto Jesús'pa' ye'chatan pueyochresha' amach eñotatstoñeto fariseonesha' pommo'cheña

1 Shonte' acheñenesha' ñeñt' hua'chenoya Jesús, shonte' nanac patoner. Cha che'muechoset Jesúsesho at'a atmatca'tanna'tyese't. Jesúsña ñanompa' alla serrpare'taterranerr pueyochresha', ñeñt'pa' atet otanet:

—E'ñech seño'ta ñato't semeñe'teña' fariseonesha' pocta'pña, tarraña ñeñt' pocta'pña penet ñetpa' ñeñt'pa' ommo'cheñtsa. Ñeñt'pa' mame'tollapa' o'ch epa'hua erraparen e'ñe atet pena'ñerra'mrrate' chase' mame'tollapa' o'ch e'ñe es a'chasa'hua.

2 Tarro'mar yapa' yeñoteñ allohuen ñeñĩ allo e'ñe a'nahua shecare'tyenet te' esempohuañenñapa' a'metam̄psaretterretcha'. Ama't allohuen ñeñĩ e'ñe a'nasotyenet te'pa' esempohuañenñapa' e'ñech eñotatarefetuerret.

3 Ñeñĩto'marña ama't erra'tsena seserrparen e'ñe a'nahua te' esempopa' señotatuercha' ora allohuen acheñenesha'. Ama't erra'tsena ñeñĩ atet seserrpare'tyen te' e'ñe a'nahua o'pono pocollo, esempopa' seserrpare'tatcha' allcha' e'ñe cohuen e'mhuerres allohuen acheñenesha' atet ñerra'mrrate' enot seserrpare'ten shelletof.

Atto amach yemcha'tatsto ñeñĩcha' muetse' yechets, añcha'ña yemcha'na't Yompor

(Mt. 10.28-31)

4 Te'pa' o'ch notas masheñeshacha', amach añña semcha'tatsto ñeñĩcha' semtse'. Tarro'mar añach muetsonaset sechets, secamquẽññapa' amach errotenof muetsonaseto.

5 Añcha'ña semcha'na't Yompor tarro'mar ñerra'm ñña muenats e'ñe ñña po'hua mencotpa' o'ch a'chencatonay ye'chets, yecamquẽñpa'cho'ña o'ch mueñonay coñcheñtso all parraren tso'. E'ñe po'ño'ch notenes, Yomporcha'ña semcha'na'ten.

6-7 Elloña te'pa' napa' o'ch notas, chocmach seyemcha Yompor, po'ño'ch ñapa' ñach secuan̄pene'. Ama't otetollesha'pa'cho'ña chocma cohuan̄peñ. Ñehua, ama't yapa' yeñoteñ otetollpa' ama tama sherbeno. Ama't yepomatset, amnar otetollesha'pa' ñeñĩpa' ama tsa'teyaye, e'ñe eptallatolla centavo tsa'tena. Tarraña ama't atteñ Yomporña ama't patrra otetollpa' ama pueseñe. Ñeñĩto'marña notenes, ama't mameshapa' amach semcha'tatsto, Yomporcha'ña e'ñe seyemta. Atto atarr morrentenana otetollesha' elloña sapa' atarr nanac morrentensa. Ñehua, ama't allpon sechetollesha' allpon soño'tsen ñapa' e'ñe eñotennas.

Atto ama a'nasotpahuo Jesucristo acheñesho'mar

(Mt. 10.32-33; 12.32; 10.19-20)

8 Elloña napa' o'ch noterrser, allohuen ama't erra'tsencha' ñeñĩcha' ama na'nasotenaye acheñeneshesho, napa'cho'ña Ñeñĩen Acheñetosetspa' amach na'nasoterraneto nanña Nomporesho allo'tsa'yen epuet po'mllaño'teñaneshar.

9 Tarraña ñerra'm esesha' na'nasotenaya na arr patsro acheñeneshesho, napa'cho'ña na'nasoterranetcha' Nomporesho allo'tsa'yen epuet po'mllaño'teñaneshar.

10 Ñerra'm esesha' nesasene' na Ñeñĩen Acheñetosets ñeñĩpa' a'pretna'po' nenteñ. Tarraña ñerra'm esesha' añ achm̄are'tenet Parets Puecamquẽñ ñeñĩñapa' ama a'pretna'pahuoye' nenteñe.

11 Ñaña o'ch noterrser, ñerra'm esempoch anmaset judionesha' po'prahuo allcha' a'metare'tam̄psaset añcha'taretesho, sañapa' amach cha sellca'psatso, amach cha sotapsa'tatsto: Errotuachca'ye notoste' attoch cohuen nanapos, esuachca'ye notte'.

12 Sapa' añcha'ña se'ñorato'se' Parets Puecamquẽñ e'ñe allempo a'pto'tare'tenset all.

Ñeñĩ e'ñe añña muenen o'ch esocmañen echyes, ñeñĩpa' atarr yoro'cheno'tsen

13 All che'muechen shonte' acheñenesha' Jesúsesho, puesheñarrñapa' atet otan Jesús:

—Maestro, te'pa' o'ch p̄oton nemo'nasheñ nepo'nar apuerrnepa'ñaca'yeña nanña ñeññ allpon o'patatnomna nomporeñ.

¹⁴ Tarraña Jesúsñapa' atet och:

—Masheñcha' napa' ama eseshaye' nenaye ñeññencha' a'pocstatene' ñoñets atoch soten o'ch napa'yesas allpon o'patatyenset.

¹⁵ Alla oterraneterr Jesús:

—E'ñech señota sañeña, ama't seyoçhrapa' amach es seye'chapretanna'tatsto ama't e'ñe coñe'ta tarro'mar atto yocrena arr cohuen añe patsropa' ñeñña' ama añe'cpayaye alloch esocmañen es yechyerr ñeñña' atarr yocshaterre' tsapatone't.

¹⁶ Ñeñña' atet otanet toma'nteñtso:

—Eñall puesheñarr acheñ atarr nanac eçllayoret. Allña po'patsñopa' shonte' nanac aton a'yechcaten.

¹⁷ Ñeñña eçllayoret'pa' atet cotape'chen pueyoçhropa' atet oten: “E-rotuachca'ye ne'pa'ña, ñeññ atarr nanac aton netotaten amaca'ye eñalleña allcha' e'ñe nañño'tue.”

¹⁸ Allempo atet cotape'chenpa' alla oterrerr: “Te'pa' o'ca' neñoçh atet'cha'ca'ye ne'pa'. O'chca'ye na materrña pocollashe'm allecma nañño'te't coñe'ta'tets te'ñapa' o'ch alla natomaterr atarrpo' allcha' e'ñe nañño'tua allohuen ñeññ allpon netotaten ama't ña'ña allohuen ñeññ allpon pa'namen esocmañen nechyen.

¹⁹ Allempoñapa' atet'cha' not neyoçhro: Napa' ama es nepallteno ama't e'ñe mamesha. Ñeññ allpon shonte' o' nañño'tuapa' atarr'cha' atomat char amach es nepallterre'te. Te'pa' o'ch names e'ñe pocstatma. Nellapene'tcha' rrats, nellapene'tcha' orrare'tats; ñeñña'ña e'ñe nocshatene'ña na.”

²⁰ Tarraña ñeññ acheñerpa' Yomporpa' atet och: “Papa' atarr otatsña'ep, ama es peñoteno ama't mamesha. Te'pa' añe tsaprocmaçh o'ch perromueñ. Ñeñña shonte' o' pañño'tuapa' te'ñapa' esesha'huachñaca'ye o'paterraya.”

²¹ Ñeñño'mar yeñoteñ, ñeññ añño'tene' shonte' esocmañen ñeññ e'ñe ñocpa, ñeñña acheñer atet'pa' ama echenanoña ñeññ sherbets Yomporecop.

Atto Yomporpa' ñach e'ñe cohuen cohuanpene' ñeññ puechemerasha' pen (Mt. 6.25-34)

²² Allempoña Jesús'pa' alla oterranerr pueyoçhresha':

—Ñeñño'marña te'pa' o'ch noterrser, amach añe sellcatsto ñeññ atto yeychena arr patsrō. Ama't seyoçhra amach sotatsto, esuachca'ye yer-rerrerrte' tsapatone't. Ña'ña amach añe sellcatsto ñeññ e'ñe sechtsocpa, amach sotatsto, esuachca'ye yechorrate'.

²³ Tarro'mar Yomporpa' ña yapuene' yo'rrerrña allo yocrena ñeñña atarr nanac sherbets. Ñeñño'marña yeñoteñ ña yapuene' ña'ña yerrar, ñeñña ñocoppa' ama esoye' enteñe. Ña'ña ña yeçhcatene' yechets ñeññ atarr sherbets. Ñeñño'marña yeñoteñ ña yapuene' ña'ña ama't ñeññ yechorra'yena, ñeñña ñocop ama esoye' enteñe.

²⁴ Sentente' atto correna pa'namen otneshachno. Ñetpa' ama çhoye' nare'tatse'teneto ña'ña ama çhoye' apcha'yenet puerrar ñeñña' rra'yenet. Ñetpa' ama es echenaye allcha' es añño'tyenet. Ama't atto correnetpa' Yomporña e'ñe yeçhcatyeanet ñeñña' puerrar pa'yenet. Elloña sa Yomporpa' atarr morrentensa sa; ello semtaneñ ñeññ atto atarr morrentena otneshachno.

25 Ñaña amach sellcatsto attoch amach serromo, tarro'mar ama't sellquënañ attoch atarr atomat socrra arr patsro tarraña ama't e'ñe puešheñarrofesapa' amate' errotenoť so'chtatoña socrreña ama't e'ñe pamtarra.

26 Ñehua, atto ama't e'ñe sellquëñoña sa ama erroť es sepeno, ñeñepñapa' amach pa'namena es sellca'yesatsto tarro'mar ñeñpa' e'ñech orrena es sellca'yena.

27 Ñaña sentente' atet yechquëna rorečno. Ñetpa' ama čhoye' taru-asa'yeneto ama't mamesha, ama čhoye' taneneto ñeñ čhorra'yenet atto e'ñe cohuen orreyenet. Tarraña napa' o'ch notas, ama't añcha'taret Salomón atto e'ñe a'cohuentate'ť ahuať, ama't ñapa' ama chorrane'teña ñeñ atarr cohuen ñeñ atet atarr cohuentena ror.

28 Ñeñ ror pue'chorpa' ñeñfara ta'te' ñeñ čhepyets allemeñ ñeñ sentyen te' tarraña ñeñpa' mamecpa. Ama't cohuen chepyeneñ te'pa' tsapatoneñapa' o'ch etomamperetpa' e'ñech colla'huerra o'huañcha' cohuenta. Ñehua, Yompor atto cohuentatyenan ama't ñeñ e'ñe mamecpa, elloña sapa' atarr chorratyensañ saña; sañapa' eso'marte'ña amaña e'ñeye' seyemteño.

29 Amach e'ñe patrra se'neno ñeñ atto serren ñaña ñeñ atto es sorryen. Amach ñeñfaña e'ñe paterr sellca'yesatsto.

30 Tarro'mar allohuen acheñenesha' arr patsro ñeñ ama ame'ña'yetso, ñetpa' ñeñfaña e'ñe paterr e'nenet. Ñehua, Somporña ñeñ pue'ntaño'tsen ñapa' e'ñe entuenes ñeñ allpon pa'namen sepallta'yena arr patsro.

31 Sapa' añcha'ña e'ñe ñanom sema'yočhrena Yomporecop attoch atarr ayochreshatterra ña allochñapa' ñachña sapa'yene' ñeñ allpon sepallta'yena saña.

Atto ñeñcha' seshonterr ñeñ atarr sherbets arrcha'ca'ye seshonteñ all Yompor pue'ntaño
(Mt. 6.19-21)

32 'Amach neyochreneshačhnocha' es sellcatsto ama't ama atarr shonteyayso, Yomporña atarr cohuen secuam'pene' atet ñerra'mrrate' e'ñe po'carrneror penes. E'ñe pocsheñeshoťpa' apascha' attoch e'ñe cohuen socshapreterrñaña po'cohueña attoch atarr ayochreshatterra.

33 Te'pa' o'ch sepomyen ñeñ allpon sechyen allochñapa' o'ch sapa'yes ñaña ñeñ atarr es pallta'yetsa. Ñerra'm atet sepena allo'nach atarr aton seshonta'nen ñeñ e'ñe po'ñoč atarr sherbets Yomporecop. Ñeñpa' ama atteyaye ñerra'mrrate' ñeñ sečllayepo'rer sepen arr patsro, ñeñpa' atarr añllasha'tña. Tarraña ñeñ seshonta'nen ñeñ atarr sherbets ñeñ ama ahuañaño, ñeñpa' arr seshonteñ Yompor pue'ntaño. Allña ama't eñeťapa' amach čheno o'ch etatsre'tas ñaña ama't pom'papa' amach eñalle ñeñcha'rerre' ñeñ seshonten all.

34 Tarro'mar ñerra'm all pue'ntaño seshonta'nen ñeñ atarr cohuen senten, yeñoteñ e'ñe ñeñfa paterr senen seyočhro ñeñña atarr sherbets Yomporecop. Tarraña arr patsro ñerra'm aña seshonta'nen ñeñ atarr semorrentena, yeñoteñ e'ñe ñeñfa paterr senen seyočhro ñeññaapa' ama es sherbenoña Yomporecop.

Atto čhocmach yeñose'rteña Yepartseshar Cristo esempoch huerra

35-36 Te'pa o'ch notas po'poñ: Chocmuepa'ch señosere'tna esempohuañenpa' o'ch alla nohuerra. Ñato' o'ch netma'ntatasa atet ñerra'mrrate' puesheñarr yacma ñeñt atarr ayochreshat. Ñapa' ahuo' allcha' rrallme'chapretenana' pacma ñeñt sena'tetsa. Pueyochresha'ñapa' alla cohuet pa'paclo esempoch huerra. Allempoña ñetpa' a'huortatyset po'lampareñ allochñapa' attoch ñerra'm esempoch huerra ñeñt pamo'mte' penet ñerra'm o'ch chore'tuenanetpa' ñetñapa' allorocmach toramñsapueñet attoch sherbapueñet.

37 Atarr cosheñtso'tsa'yen pueyochresha' ñerra'm esempoch huerret pamo'mte' allñapa' entuenanet cho atarr eñose'rteñet. Po'ñoçhpa' napa' o'ch notas, ñachca'yeña sherba'huene'ña ñeñt pueyochresha' pen ña. O'ch chana'huena ñañapa' o'ch anorrcha'tatuenanet allcha' rrallme'chatuenanet.

38 Ñeñtpa' atetcha' perranet ama't rroçh tsapopa' o'ch huenanet amapa' o'ch puetaarenmochpa' o'ch huenanet. Ñeñto'marña notenes, ñerra'm alla entuenanet cho atarr eñose'rteñet, ñeñtña atarr eñose'retyenayapa' atarrcha' cosheñtso'tsa'yenet.

39 E'ñech machayota nohuerra atet pena eñeñ allempo atta es sepcha'yena machayotach huaponasa o'ch yoratsre'tensa'. Tarraña sa ñeñfes apacllates ñerra'm señoteñeñ e'ñech esempo huaponasa eñeñ amach cha semanrra'teno attoch amach semnacheña o'ch toramñsas sepaclo o'ch be'tosamñsasa o'ch yoruennasa' ñeñt allpon semorrentyena.

40 Ñeñto'mar notenes, sapa'cho'ña chocmuepa'chña señose'rtenna tarro'mar ñerra'm allempo atta es sepcha'yenapa' allempochña nohuerra na Ñeñten Acheñetosets.

Atetcha' aþaretterra ataruasañ ñeñt e'ñe cohuen etsotene' atet yecheña pamo'mte' ñaña atetcha' aþaretterra po'poñ ataruasañ ñeñt ama etsotaye ñeñt atet yecheña pamo'mte'

(Mt. 24.45-51)

41 Allempoña Pedropa' atet a'p'to'ch:

—Parteshacha' ñeñt atet petma'ntatena te' ñeñtpa' ¿eseshacpa'tña, ñato' yocpate' ñeñtey peyochreshay pepeney amapa' ñato' allohuenacpa'nate'?

42 Partesha'ñapa' alla toma'ntaterraneterr po'poñoneñ, atet otterraneterr:

—Allohuenespa' atetcha' sepa e'ñe cohuen atet ñerra'mrrate' puesheñarr yacma ñeñt yechena ñeñt pamo'mte' pen all pa'paclo. Ñeñtcha' po'taruas pene' chocmach apa'yesan allohuen po'potantañ pamo'mte' pa'taruasañer puerraret allpon ñeñt pochtetsa puesheña'ttsocop. Ñapa' attecmach pena chocmach apuenanet ñerra'm esempoch çherrerr allempo atet anaret ñocop o'ch alla apa'yerraneterr po'pocheño. Ñapa' chocmach atet pena amach caçpuere tarro'mar ñapa' eñoteñ attoch e'ñe coshatenan pamo'mte'.

43 Ñeñtña ataruasañpa' atarrcha' coshatueñ pamo'mte'; ñerra'm esempoch huerrapa' alla entuanan pa'taruasañer ama cho caçpuenano ñeñt po'taruas apa'neñ ahuañmo'choteñ.

44 Po'ñoçh o'ch notas, atarrcha' coshatueñ. Añcha' coshaterre' o'ch nohuer pamo'mte' amcha'taret ñeñtcha' cohuanñsaprete' ñeñt allpon echyen pamo'mte'.

45 Tarraña ñeñt ataruasañer allempo ama huerra' pamo'mte' ñerra'm ñapa' atta oten pueyoçhro, namo'mte'pa' amach ahuen huerro, allempoña ñapa' çhach ashtapechyenan ataruasañeçhno ñeñtcha' rratañ ama't

ñaña coyaneshohuen. Ñañaapa' attach allemeñ rrapretyen ñaña attach orrare'tapretyen allcha' atarr posa'tare'tyen.

46 Ñeñña ataruasañer ñerra'm ñapa' attach ottatse'tyena amach es puecha'yeno amach eñoteñe ñeñte yetaroch huerra pamo'mte' ama't erro'tsencha' yetro huena. Machayotachña huerra pamo'mte'pa' atarrcha' coñchatuer, allach mueñuer all ñeñt o'patenaya allohuen ñeñt ama es otapotetso ama't mamesha.

47 'Elloña napa' o'ch notas, ama't erra'tsena ataruasañer ñerra'm eñotenan ñeñt atet muenen pamo'mte' tarraña ñerra'm ama cohuen ame'ñenano pamo'mte' ñerra'm ama e'ñe cohuenaye' es pa'yeno attoch e'ñe cohuen aguërran pamo'mte' esempoch huerra, ama't erra'tsena ataruasañerpa' ñeñt atet patsapa' atarrcha' ashtaretterret.

48 Tarraña erra'tsencha' ataruasañer ñeñt ama eñotano ñeñt atet muenen pamo'mte' ama't ñetpa'cho'ña aña atet pa'yenet ñeñt ama cohuenayaye ama't e'ñe poctet attec mach ashtaretterretañ ñamet, tarraña ñetpa' mamesha'ttsach ashtapecharetetyerret tarro'mar ñetpa' ama eñoteneto ñeñt atet muenen pamo'mte'. Allohueny erra'tsenotey ñeñfey atarr aparetey attoch atarr yeñoterrñañ ñeñt atarr sherbets Yomporecog, ñeñfeycha'ña atarrcha' cohueney Yompor o'ch e'ñe yesherbatoñ shonte' allohuen ñeñt atarr eñotateney. Ñaña allohueny erra'tsenotey ñeñfey atarr yemtenya Yompor elloña allemppa' atarrcha' cohueney o'ch allo'na e'ñe cohuen yesherba'neñ.

*Atto Jesúsapa' orrtatosan e'ñe ño'mar elloptanna'teñets
(Mt. 10.34-36)*

49 'Te'pa' o'ch neñotaterrser po'poñ. Napa' atto nohuena arr patsro o'ch norrtatos elloptanna'teñets ñeñt atarr huomenc atet ñerra'm tso' atarr atserretsa. Pocte' nenteñ o'ch orrtet e'ñe tayecma.

50 Ñaña nocoppa' e'ñe atet anaret na'muerochtataretterrach e'ñe atarr huomenc atet ñerra'mrrate' cho chorratenet ñeñtcha' atarr nemuerochtaterre'. Neñto'mar napa' ñeñña atarr nellcatene' te' atta atarr na'huanteñ esempoch e'ñech etsotuerra.

51 Sapa' chate' sotenapañ añecopfe' nohuapa o'ch e'ñe cohuen namo'tstanna'tatera acheñenesha' arr patsro. Ñeñtapa' ama atteyaye. Añepa'ñaña nohuapa allochñapa' e'ñe no'marpa' acheñenesha'ñapa' o'ch atta elloptanna'tyeset.

52 Ñehua, ñeñt noten te' e'ñe tayoteñ ñato' all yeçhena amnarsheña puepahuarro pocollopa' ñato' ñetpa' o'ch ellopa'tetstatet pocta'ña. Ñato' allo'tsen ma'psheña ñeñtcha' name'ñerraya, ñato' epsheñañapa' amach mueno o'ch ame'ñerrnet. Amapa' ñato' epsheñach allo'tsen ñeñtcha' name'ñerraya, ma'psheñañapa' amach mueno o'ch ame'ñerrnet.

53 Ñato' e'ñe no'marpa' o'ch ellopa'tetstatenet pocta'ña. Ñato' pompor o'ch epatare'tenan puechemer, amapa' ñato' puechernerña' o'ch epatare'tenan ñaña pompor, ñaña ñato' pachorpa' o'ch epatare'tenan puechoyer amapa' puechoyer o'ch epatare'tenan pachor, ñaña ñato' pa'so'mue o'ch epatare'tenan pa'to'ñen amapa' ñato' pa'to'ñenña' o'ch epatare'tenan pa'so'mue.

*Atto Jesúsapa' orrtatosan ñeñtcha' eñotatahuet o' chapamet Yompor po'cohuenña
(Mt. 16.1-4; Mr. 8.11-13)*

⁵⁴ Allempoña Jesúsapa' atet yerpatana acheñenesha' ñeñt atet otyenet ñet pa'nyeto:

—Sapa' ñerra'm esempo senten arr chorren os all emuena atsne', sañapa' chochmach atet sotyen: “Te'pa' chach huatena.” Atetcha'cho' pa, o'chcho' huatena.

⁵⁵ Naña ñerra'm esempo senten huena mōrr topotot, ñeñtpa'cho'ña atetcha' sotyen: “Te'pa' o' charenmoch.” Atetcha'cho' pa, o'chcho' huoraterr huomenc.

⁵⁶ Sapa' atarr señoteneña ñeñt sentyen ento ñeñña señotatene'; ama't ñaña ñeñt atet sentyen ñaña arr patsro ñeñtpa' e'ñe señotueñeñ. Tarraña ñeñt atet norrtatyennas nepartsoteña, eso'marte'ña ñeñña'ña' amaña eñotatensoña ñeñt atet pennas Yompor te' o'ch orrtatonas po'cohuenña. Ñeñtpa' attate' seshquēñ.

Atto eñotatanet choyach amo'tsterraya e'ñe mamecma ñeñt ye'moñe'tene' (Mt. 5.25-26)

⁵⁷ 'Elloña e'ñe sota señotepa'chña ñeñt pocte' enten Yompor socop ñeñtcha' atet sepanna.

⁵⁸ Nāto' o'ch netma'ntatasa atet ñerra'mrrate' esesha' setmantene' ñeñtcha' sanmue' añcha'taretesho allcha' sa'pocstaterr señoñ. Añ pocetsa allempo ama sechena' añcha'taretesho o'ch poch ñeñt petmantene': “O'ch ya'pocstaterr yeñoñ e'ñe cohuen tayecma tayepa'tña ama yeçhena' añcha'taretesho.” Tarro'mar ñeñt petmantene' ñerra'm o'ch chapatap añcha'taretesho, añcha'tareñña' chate' pomap' policeyaneshesho, ñeñña' chate' abe'tapet cárcelo allcha' mueroçhtaterrpet.

⁵⁹ O'ch notas, ñerra'm choch yottanp̄sasetpa' allasach o'pono, allotña' amach ahuen cha'nmaterrseto. Esemphuañencha' choch secha'nmaterrret ñerra'm allempoch e'ñe setsa'tuerra ora allohuen ñeñt allpon quelle muenenet. Ama't e'ñe eptalla centavotollña ñerra'm ama setsa'tueña' amach'a'ye cha'nmaterrseto allot. Ñeñto'marña notenes o'ch e'ñe cohuen samo'tstera ñeñt se'moñe'tene' tayepa'tña' ama chennasa' ñeñt atarr yoroçhen senten socop.

13

Añ pocetsa yocop o'ch yoctape'cherr ello cohuen Yomporecop

¹ Allempo huapa puesheña'tets acheñenesha' Jesúsesho, ñeñña' serpare'tatoset Jesús atet entenet ñet; ñeñtpa' atet otoset:

—Allpōnsheña ñeñt galileo'marnesha' allo'tsa'yenet allecma muetsatenet berr ñeñt Yomporecop. Allempoña' huapanet ñeñt mueñen añcha'taret Pilato ñeñña' cha muetsanatosanet e'ñe all allempo muetsatenet berr ñeñt Yomporecop. Attoña ñetpa' allña atsetatsetatarttet ñet po'r ras epuet pueberroret po'r ras.

² Jesúsña' atet otanet:

—Sapa' chate' sotenapañ ñeñt galileo'marnesha' allempo atet aparetet ñato' ñetpa' atarrte' nanac ochñatet ellote' metana'tueñet allohuen po'potantañ galileo'marnesha' po'chñaret. Chate' sotenapañ ñeñto'marte'ña atet aparetet ñeñt atarr sosey apencoçhen.

³ Tarraña napa' o'ch notas: Ama't allohuenes saña ñerra'm amach e'ñe cohuen soctape'cherro ello Yomporecop, sapa'cho'ña attecmach seperra sechencia'huerrach e'ñe pocacma.

⁴ Ñaña ñeñt'charra' ñeñt' puechetsa posocsheña ñeñt' colla'huatsa ahuaña ñeñt' a'tpsete't pocoll torrepo' allempo mata'nerr Jerusaléño e'ñe all oteñet Siloé. Ñehua, sapa' chate' sotenapañ ñeñt' a'cllatter torrepa' ñetpa' atarrte' atparñafet ellote' metana'tueñet allohuen po'potantañ ñeñt' atto atpare'tena jerusaléño'marnesha'.

⁵ Tarraña napa' o'ch notas: Ama't allohuenes samña ñerra'm amach e'ñe cohuen soctape'cherro ello Yomporecop, sapa'cho'ña attecmaç seperra sechenca'huerrach e'ñe poctacma.

Arrpa' all toma'ntatanet Jesús atet pena partech ñeñt' ama me'tetso

⁶ Allempoña Jesúsapa' alla toma'ntaterraneterr po'pocheño, ñeñtpa' atet oterraneterr:

—Puesheñarr acheñ all puenarenmopa' allñapa' ahuañmo'choteñ nare'tatenan ñaña puecharr partech.* Atteñapa' chap allempo huapa e'nosñañ pue'mer. Tarraña ama't pueñarrapa' ama entosñañe pue'mer. Partayeçpa' ama me'teno.

⁷ Allempoñapa' atet otan ñeñt' cohuanpene' puenarenma': “Te'pa' o' met ma'pa çar çhocma nohuena e'nene' partech pue'mer. Teme'ttsen ama't pueñarra pue'merpa' ama nenteññañe. Te'pa' o'ch pa'mater tarro'mar e'ñe orrena queçhcare'tennay yepatseñ atto ama yenare'teno po'poñ narmets all.”

⁸ Tarraña ñeñt' cohuanpene' narmetspa' atet otan pamo'mte': “Allach nomporcha' añ çar ñeñt' o' huerrerrpa' napa' o'ch na'mueñtsetampes pats o'ch nenon amar.

⁹ Nato'rraña atet nepe'pa' o'ch cohuen me't tsapat çaro. Tarraña ñerra'm ama me'topa' pocte'ñaçho' allempopa' o'ch pa'matater.”

Atto Jesúsapa' a'çrraterran coyanesha' ñeñt' atta mo'quëtsa ama't añe yetro allempocma amesenet

¹⁰ Allempo çhapa'muenerr allempo amesenet, Jesúsñapa' yeçhatenanet judionesha' po'prahueto.

¹¹ Allñapa' allo'tsen puesheñarr coyanesha' ñeñt' çha mo'quëna, ama eshcaye' paçharrteno. Ñeñtpa' oneñet atet patene'. Ahuatoteñ atta pena o' çharren çar puechena posoc atta mo'quëna.

¹² Jesúsñapa' all eñçpa' o' çhore'tospa' atet och:

—Noçha te'pa' pasaterrepça' ñeñt' atto atarr pemueroçhtena.

¹³ Allempoñapa' a'płlamco'çh. A'płlamco'tue'pa' allorocma e'ñe cohuen paçharrterra. Ñañaapa' atarr aye'choçhtaterran Yompor.

¹⁴ Allempoña ñeñt' amçha'tarettetsa all judionesha' po'prahuo, ñapa' allempo entan atet o' a'çrratan Jesús atsnañeñ, ñañaapa' ñeñña atarr atsrre'mate'. Ama't nameshapa' ama pocteye' eñche o'ch a'çrratan acheñ ñeñe yetro allempo amesenet. Ñeñto'marña ñapa' atet otan acheñenesha':

—Eñall peçapmat yet allempo pocte' o'ch yetaruasen. Ñeñtpa' pocte' o'ch sehuapa allempo attoç sa'çrrater atsnañeñ. Tarraña añ yetro allempo yamesen amach sehuapatsto a'çrrate' atsnañeñ.

¹⁵ Partsesha'ñapa' atet och:

—Sapa' ñeñtes e'ñe sommo'cheño'tpa' atarr seshcare'ten. Sapa'cho'ña ama't añe yetro allempocma yamesen çhocma setaruasen samña. Sepyampeñ

* 13:6 Ñehua, Jesús añ toma'ntatanet higo ñeñt' puenarenm penet all pa'nyo.

sehuacsher, sashanor allecma serrateñ o'ch sanemñ ñaña oño allcha' sonayeñ oñ.

¹⁶ Añ coyanesha' ama't ñeñt' po'm'reneñ pen yatañ Abraham ama't tharra' puechena posoc char ñeñt' allponmat o' huanquër oneñet, pocte'ca'ye o'ch ya'rroyatater ama't añe yetro allempo yamesen.

¹⁷ Acheñenesha' allohuen ñeñt' e'moñe'tene' ñetpa' ñeñt'ña atarr penatahuet. Po'potantaña acheñenesha'chnopa' ñetñapa' atarr nanac coshenet. Atarr nanac cohuen entenet ñeñt' atet pa Jesús.

*Atto Jesús'pa' toma'ntaterranet atet pena pue'llomer ñeñt' otenet mostazl-
lom*

(Mt. 13.31-32; Mr. 4.30-32)

¹⁸ Ñeñto'marña allempopa' alla oterraneterr:

—Añ Yompor po'cohuenña ñeñt' atto ayochreshattena ña, ñanompa' e'ñech puesheña'ttsa ame'ña'yetsa, allempoteñña'pa' allo'nach sen atonetnomtsa ñeñt'cha' ame'ñerrtsa attochña e'ñe epa'huerra erracmañen Yompor po'cohuenña. Ñeñt'ña te'pa' o'ch netma'ntatasa ñeñt' atet pena ña.

¹⁹ Ñehua, ñeñt'pa' atet pena ñerra'mrrate' pue'llomer ñeñt' atarr añeñolleshallmerr ñeñt' otenet mostazlloñ. Ñeñt' pue'llom'retolpa' puesheñarrña'pa' o' anem' pa'mro allcha' nare'teña'. E'ñe allponmatatsapa' o' chop, ñeñt'ña'pa' allo'na sen rrorranmats e'ñe cohuen atarrchetnom. Ñeñt'ña narmetsocherpa' o'ch hua'cha'toña ote'chno ñeñt'cha' ama'tanatyesosets puetacro'mar.

Atto Jesús'pa' toma'ntaterranet ñeñt' atet pena chase'

(Mt. 13.33)

²⁰ Elloña alla oterraneterr:

—Po'poñoneñ o'ch netma'ntatasa ñeñt' atet pena Yompor po'cohuenña ñeñt' atto atarr ayochreshattena ña. Ñeñt'pa' ama't'cha' añeñolla ñeñt'cha' ñanom orrtatsa tarraña e'ñe ña po'huamencotpa' mametollapa' o'ch e'ñe epa'hua ora erraparen.

²¹ Ñeñt'pa' añ toma'ntaterraneterr atet pena chase':

—Ñeñt' chase'pa' allo tsetenan coyanesha' harina' ñeñt' oñetsetstatañ attoch a'chasatan harina' esheccha' e'ñe a'muesatue. Ñeñt'ña chase'pa' ama't'cha' añeñolla net, ama't'cha' aton harina' ñeñt' ma'pa arroga, mametollapa' o'ch e'ñe a'muesatuanña ama't' atarr aton harina'.

*Atto Jesús'pa' toma'ntaterraneterr ñerra'mrrate' yetarroto llo yebe'ten eshec-
cha' ye'chap Yomporeho*

(Mt. 7.13-14, 21-23)

²² All oñemyen Jesús e'ñe ora asuahuanom allohuen anetso'mar all shonta'yena acheñenesha' ama't' ñaña all ama tama eñalleyaye acheñenesha'. Allña e'ñe serrpare'tatyesnomanet. Allempo oñemyen allemeñ anetso'mar ñapa' arr sen Jerusaléño all sechena.

²³ All oñen toñopa' allempoña puesheñarrpa' a'p'to'tnoñ, atet och:

—Ayochreshate, ñeñt'cha' allpon a'qeshpatareftrrtsapa' ta'm ñetpa' ¿puesheña'ttsetate' ñato' amapa' atarrcha' shonte'?

Jesúsña'pa' atet och:

²⁴ —Sapa' añcha'ña e'ñe cohuen sema'yo'chrena ñeñt' cohuen enten Yompor attochña sesuanom ñeñt' ama cohuenaye' enteno ña. Ñeñt'pa' o'ch netma'ntacha atet ñerra'mrrate' allcha' yebe'tos esheccha' ye'chap

ñesho ñeñt̄pa' atarr añeñoll, atarr torrapo' o'ch yebe'tos all. Ñaña o'ch notas esempohuañen ama'tcha' shonte' acheñenesha' ñeñt̄cha' atarr muenatseñ o'ch be'terretañ all attoch çherretañ Yomprosho tarraña allempopa' amach eshec be'terreto attoch çherret all tarro'mar allempopa' o'ch huañerr atto atarr cohueney Yompor.

²⁵ Ñeñt̄pa' o'ch netma'ntacha atet ñerra'mrrate' esempo o'ch çhen ñeñt̄ apacllatesha' ñaña'pa' o'ch tantuena o'ch e'ñe echarr yottam̄pesuena. Allempopa' ama't e'ñe eseshapa' amach eshec be'tosoña all. Allempoña ama'tcha' shonteseñ o'ch sehuaçha'ta all petotach sechorros allotcha' seçhore'tos apacllatesha'. Allña sapa' atetcha' sotos: "Ayochreshate petoram̄psapuey." Ñapa' atetcha' otapas: "Ñapa' ama nentarlo, errofete' sehuenaña sa."

²⁶ Sañapa' atetcha' sotererr: "Ama't parrocm̄a yerrallme'chyese'teña ahuañmo'cha ñaña ama't ya ya'netsro'mar allecma chopeñe'chyenet allca'yeña peychatyeset."

²⁷ Tarraña ñapa' atetcha' otterserr: "Te'pa' o'ch notas, napa' amaca'ye po'ñoçh nentarlo, errofete' sehuenaña sa. Te'pa' orrerres arrof neshot allohuenes ñeñtes ma'yoçhrenaya ñeñt̄ ama pocte' enteno Yompor."

²⁸ O'ch ahues all ñeñt̄ o'patatenset sa. Allña'pa' allcha' seyhuanrrorrosa, sanmueñoç atserppa' serraso'tyesoscha' sas. Allotcha'ña sentosña satañneshaçhno—Abraham ñaña Isaac ñaña Jacob ñaña allohuen ñeñt̄ a'mta'yese'çt̄ Yompor po'ñoñ. Ñetñapa' e'ñe Yomprosho'tsa'yenet all a'mcha'tarettena ña. Sañapa' cha'petotaña huapore'tenset.

²⁹ Allña'pa' allemtateñcha' huaçha'ta shonte' ñeñt̄ ama judioneshayaye ñeñt̄cha' anorrçha'tyesosets all e'ñe Yomprosho all a'mcha'tarettena ña allcha' rrallme'choset all e'ñe cohuentena Yompor.

³⁰ Te'pa' señoçhcha' eñall acheñenesha' ñeñt̄ ama asherbenaye' senteno sa te' tarraña allempoña ñetpa' atarrcha' asherben enterranet Yompor. Ñaña eñall acheñenesha' ñeñt̄ atarr asherben sentyen sa te', tarraña allempoña ñetpa' amach asherbenaye' enterraneto Yompor.

Atto Jesús'pa' puellquëñoçan jerusaléño'marnesha' atarr ya'na'tenanet (Mt. 23.37-39)

³¹ E'ñe ñeñte yetrocma allempo huaçha'toña patantarr fariseonesha'. Ñetñapa' atet otoset Jesús:

—Te'pa' o'ch peyeta arrof tarro'mar a'mcha'taret Herodespa' o'patenpa ahuo'ch muetsatap.

³² Jesúsñapa' atet otapanet:

—O'ch ahuerrespa' atetcha' sotuer Herodes ñeñt̄ atarr eñotene' shequëñets: "Te'pa' o'ch peñoçh, napa' atterach necaçhpateññañ acheñenesha' po'neñefer ñaña atterach shonte' na'çrratyes ñeñt̄ atsna'tyets. Atet nepena te', tsapatonetpa'çho'ña attemach nepena, o'çhña tsapatonterrerrpa' o'ch e'ñe netsotatué allohuen."

³³ Nocoppa' añ poçtetsa çhocmach nesen ama't te', ama't tsapatonetpa'çho'ña, ama't ñaña o'ch tsapatonterrerrpa' çhocmach nesen. Attotach neçherr Jerusaléño, tarro'mar allpa' allecma çocma muetsayese't̄ ñeñt̄ a'mta'yese'çt̄ Yompor po'ñoñ.

³⁴ Allempoña Jesús e'ñe puellquëñoç judionesha'pa' atet eñorena ñocpuet, ñeño'marña atet otanet:

—Sa jerusaléño'marneshacha' ñeñtes muetsanatyese'çt̄ ñeñt̄ a'mta'yese'çt̄ Yompor po'ñoñ, sa ñeñtes rrollapechyesaye't̄ ñeñt̄ amñaref sesho. Atarr atonoche'tats nemneñeñ o'ch na'yapacha'huerrsoñ

allohuenes nesho attoch e'ñe cohuen necuanmpensoñ. Nemneñeñ o'ch na'yapa'cha'huerres atet ñerra'mrrate' atollop a'yapa'chene' puechyoresha' o'ch e'ñe seto'tuanet. Tarraña saña'pa' ama't e'ñe mameshapa' amaña semno.

³⁵ Te'ñapa' all sey'chena sa, Yomporña'pa' o'ch a'ypo'ñerres. Tarro'mar te'pa' o'ch alla noterrerr: Na po'pocheño'pa' amach alla senterrno te'. Esemphuañeñña'pa' senterrencha' allempoña'pa' atetcha' soterren: "Aye'chochtatpahu'epa'ch Jesucristo ñeñt' huapatsa ñeñt' llesensen Yeyomporer."

14

Atto Jesús'pa' a'crraterran puesheñarr yacma ñeñt' cha ananen

¹ Allempoña' cherrerr pamtarr allempo amesenet. Jesús'ña'pa' ahuo' allcha' rralme'chapretenana' puesheñarr fariseo ñeñt' atarr añcha'tarettetsa. Chap all pa'paclopa' po'potantaña' fariseonesha' ñetña'pa' atarr cohua'nyesapet Jesús.

² Allña'pa' allo'tsen puesheñarr yacma ñeñt' cha ananen.

³ Jesús'ña'pa' all serrpare'tos epuet fariseonesha' ñama ñeñt' allo'tsa'yen ñeñt' atarr etsotene' ñoñets ñeñt' atet anaret judioneshacop. Ñaña'pa' atta a'p'to'tosanet e'ñe po'tomña, allochña'pa' o'ch eño'ch ñato' errotench'a' anapet. Ñeñt'pa' atet otosanet:

—¿Errotena'tña sotenna sa, ta'm pocte'te' o'ch na'crratos atснаñeñ añe yetro allempo yamesen? ¿Atte't otenña ñoñets ñeñt' atet anaret, ñato' amate'?

⁴ Fariseonesha'ña'pa' ama eseshaye' anapuetso ama't puesheñarroña. Allempoña Jesús'pa' a'p'llamco'tosan atснаñeñ. E'ñe a'p'llamco'tue'pa' cha corrrtsa allenta mueñer pa'paclo.

⁵ Allempoña Jesús'pa' alla oterranerr fariseonesha':

—Sapa' ñerra'm sashanor amapa' sehuacs her shora'nets arrototo all chorren oñ, ama'tcha'ña sechtereña allot e'ñe allorocma ama't añe yetro allem-pocma yamesen.

⁶ Ñetña'pa' ama errotenaye' otenaye' enteñeto ama't e'ñe puesheñarroña.

Atto ahua'ñareñtet o'ch rralme'chapreteña' ñeñt' sena'tetsa

⁷ Allempoña ñeñt' ahua'ñareñtesha' ñetña'pa' aña atarr muenenet o'ch anorryesoset allecma anen ñeñt' atarr añcha'na'tpo' entyenet. Jesús'ña'pa' entapanet ñeñt' atet muenenet ñet o'ch cha ommo'chyesoset. Allempoña'pa' atet otapanet:

⁸ —Ñerra'm esempo ahua'ñareñtes o'ch serrallme'chapreteña' ñeñt' sena'tetsa, sommo'cheño'pa' amach arra sanorratsetyesoso allecma anen ñeñt' atarr añcha'na'tpo' entyenet. Ñetña' chenta'pa' o'ch huapuet ñamet.

⁹ Ane'tañ ñeñt' sehua'ñene' allohuenes ñaña'pa' o'ch huapa pesho o'ch ota'p: "Te'pa' o'ch petanterra arrot, all panen te'pa' o' huapaña ñeñt' panorrrpue' pene' all panen ñeñt' atarr añcha'na'tpo' entyenet." Paña allempopa' atar-rcha' pepenquño' petanterra o'ch ahue'p allcha' panorros allecma anor-ryen ñeñt' ama esoshe'maye' entyeneto.

¹⁰ Sapa' atetcha'ña sepa ñerra'm esempo hua'ñenset. Allempo se'chap all hua'ñenset sapa' allach sanorros allecma anorrcha'tyen ñeñt' ama esoshe'maye' entyeneto. Allña'pa' o'ch huapa ane'tañ, ñapa' atetcha' otose'p: "Masheñcha' papa' arrcha' panorros allecma anen ñeñt' atarr añcha'na'tpo'

entyenet.” Attochña allohuen ahuaññareñesha’pa’ o’ch entapet ðapa’ atarr amcha’na’tpo’ entyenpet.

¹¹ Tarro’mar allohuen ñeñt e’ñe cohuen entetsa e’ñe pommo’cheñoñ ñetña tsapatonetpa’ amach esoshe’maye’ entereto. Tarraña allohuen ñeñt ama esoshe’maye’ entetso te’, ñeñtña tsapatonetpa’ atarrcha’ cohuen enteret.

¹² Allempoñapa’ atet otan ane’tañ ñeñt hua’ñene’:

—Ñerra’m esempoch þorrtaten rreñets ñeñtcha’ serra’muen aromtaña amapa’ ellerronet amach e’ñe aña pehua’ñatsto ñeñt e’ñe parro peyemtena ñaña ñeñt pemo’nasheñ pepen ñaña po’potantañ ñeñt e’ñe þamo’tsesha’ pepen ama’t ñaña allo’marnesha’ ñeñt atarr ecñlayoretet. Tarro’mar ñerra’m ñeñta pehua’ñenpa’ ñetpa’cho’ña tsapatonet o’ch alla hua’ñerrpet þaña. Attoch tsa’terrpet.

¹³ Tarraña ñerra’m esempoch þorrtat rreñets aña’nachña pehua’ña’yes ñeñt atarr huocchañetyets ñaña achocrañachno ñaña ñeñt checa’re’pathno ñaña aporo’yetechno.

¹⁴ Attochña ðapa’ atarrcha’ cosheñtso’tsenep tarro’mar ñetpa’ amach errotentot alla tsa’terrpeto. Papa’ esempohuañencha’ña atsa’tareteþ allempoch atantaretterra allohuen ñeñt e’ñe pocte’ es þa’yestse t̃.

Arrpa’ all atma’ntatarettena ane’tañ ñeñt atarr aton yeçhcatatene’ rreñets

¹⁵ Allempo e’mueñet Jesús atet serrpare’tatuanet, puesheñarrña ñeñt parro anorrchenet ñeñt parro rrallme’chenet, ñaña’pa’ atet otan Jesús:

—Atarrcha’ cosheñtso’tseney allohueneý ñeñteýcha’ rrallme’chapreterre’ Yompor all amcha’tarettena pue’ntaño.

¹⁶ Jesúsñapa’ toma’ntaterraneterr, ñeñtpa’ atet oterraneterr:

—Eñall puesheñarr ane’tañ ñaña’pa’ o’ch yeçhcatatan atarr shonte’ aton rreñets. Allempoñapa’ otyesan shonte’ acheñenesha’ ñeñtcha’ rrallme’chapretenaya’ esempoch e’ñe a’potatuan rreñets.

¹⁷ O’ña çhap allempo e’ñe a’potatuan rreñetspa’ ñaña’pa’ mueñan pa’taruasañer ñeñtcha’ hua’ña’yenaya’ allohuen acheñenesha’ ñeñt otarettatsa ahuaña. Ñeñtña pa’taruasañerpa’ atet otosan acheñenesha’:

—Te’pa’ o’ca’ye e’ñe a’potaretetuaña rreñets sonacha’t o’ch serrallme’chapretena’.

¹⁸ Tarraña ñeñt ahuaññarefechnopa’ ñetñapa’ ama esesha’ tatso. Ñehua, ñeñt ñanom puesheñarrpa’ atet ot: “Napa’ te’pa’ o’ca’ye neraña pats, o’chca’ye ahuen o’ch necua’yena’. Potuercha’ þamo’mte’ peretnerrnepa’, napa’ amachca’ye neto.”

¹⁹ Po’psheñña’cho’ña atet ot: “Napa’cho’ña o’ca’ye neraña çharrana toro po’yuntohuen e’ñe epna’ttsoçma; o’chca’ye ahuen o’ch netpach taruasate’. Potuercha’ þamo’mte’ peretnerrnepa’, napa’ amachca’ye neto.”

²⁰ Po’psheñña’cho’ña atet ot: “Napa’ errtenca’ye sena’tetsa ñeñto’marña napa’ amachca’ye eshec neto.”

²¹ Ñeñtña ataruasañer atet otyes acheñenesha’pa’ ñaña’pa’ ahuer pamo’mtayesho, serrpare’tatuerran pamo’mte’ atet otyeset ñeñt hua’ña’yeseñ. Ane’tañña’ ñeñtña atarr atsrre’mate’. Patsrre’mueño’pa’ atet oterranet pa’taruasañer: “Te’pa’ o’ch ahuerpperr e’ñe tayecma ñaña all anetso allecma atarr chopeñe’chyen shonte’ acheñenesha’. Allotcha’ña pehuapaterr huocchañeshaçhno ñaña achocrañachno ñaña aporo’yetechno ñaña checa’re’pachno.”

22 Pa'taruasañerñapa' atet'cho' perrerr. Allempo huerra atet' otuerranerr pamo'mte': "Nompocha' ñeñt' atet' potenpa' te'pa' o' e'ñe atet' nepohua. Tarraña allcha' anorr'cha'tyes ñeñt'cha' rrallme'chosetspa' orameñ."

23 Pamo'mte'ñapa' atet' otererr: "Te'pa' o'ch alla ahuerrperr allampaño'mar all shonte' toñe'chno allecma chopene'chyen acheñenesha'. Allñapa' atar'cha' potare'tyes acheñenesha' onetepa' arr nepacollo attoch e'ñe chorra acheñenesha' arr nepacollo."

24 Po'ño'ch te' napa' o'ch notas, ñeñt' ñanom nehua'ñatyeseñpa' ñetña te'ñapa' ama't e'ñe puesheñarrofetapa' amach rrallme'chapreterrneto attoch cosherret nesho."

Añ poctetsa o'ch e'ñe yesuanem ñeñt' e'ñe yocpa attoch yocter Cristo e'ñe poctacma

25 All oñemyen Jesúsapa' shonte' acheñenesha' cota'huanene'. Ñaña'pa' cohua'nmanet allenet shontenetpa' atet' otnomanet:

26 —Ñerra'm esesha' muene' o'ch coterren e'ñe po'ño'ch, añ nemnen o'ch atarr nanac morrentenet. Elloch metaneñet atto atarr morrenteñet pompor, ama't ñaña pachor, ama't ñaña puetapor ñaña puechmeresha', pa'mo'nasheñenesha', po'chanesha'. Atto atarr morrentenet ello metaneñet atto atarr morrentenet ñañeñeta ñeñt' atto correnet arr patsro. Ñerra'm erra'tsen ama atteye' nemorrentenayepa' ñaña'pa' amach errotenot neyochresha' neperraneto.

27 Tarro'mar ñerra'm erra'tsen ama e'ñeye' sehuanmaye ñeñt' atet' muenenet e'ñe ñocpueta attoch coterrnet e'ñe poctacma, ñaña'pa' amach errotenot neyochresha' neperraneto. Ñeñt'pa' añ toman'tena atet' ñerra'mrrate' cho sechechen secorsoch allcha' semuero'hta sama.

28 Ñeñto'marña ñerra'm erra'tsenotes muenene' o'ch neyochresha' neperres, añ poctetsa choch ñanom soctape'ch, e'ñefe' pocte' senteñ o'ch sesuanom ora allohuen ñeñt' atet' notenes. Ñeñt'pa' atet'cha' netma'ntacha atet' ñerra'mrrate' eseshas muenene' o'ch satomat sepaquëll atarrpo'pa' añ sepa'lltena choch ñanom sanorr allcha' soctape'ch errponte' tsa'tena. Ñato' eñallte' allpon quelle attoch mameshapa' o'ch sa'pue'.

29 Ñerra'm ama atet' ñanom soctape'chenopa' ñato' o'ch satomatañ ñanom alloch echarr sorrat sepaquëll, ñerra'm cha sehuañapes quelle attoch sa'pañ sepaquëllpa' attach seca'hpue'. Acheñenesha'ña ñeñt' sentene'pa' chach che'tatsetaset;

30 ñetñapa' atet'cha' otyeset: "Añ acheñerpa' o' tomataneñña atarrpo'pa' paquëll, alla huañapes quellepa' ama esoye' a'patano pa'paquëll."

31 Ñeñt'ara cotapñatser o'ch alla netma'ntacha po'pononet. Atet' ñerra'mrrate' puesheñarr añcha'taret ñerra'm añ cotape'chen o'ch quellaratan po'solltarer epuet po'psheñañ añcha'taret po'solltarer choch ñanom anorr allcha' e'ñe cohuen cotape'ch. Allempopa' atet'cha' ot: "Napa' e'ñeca' charra' mila nechen nesolltarer; po'psheñañña añcha'taret'pa' echenan po'solltarer epoch charra' mil. Ta'm, pocte'te' o'ch nemñe charra' mil nesolltarer ñeñt'cha' poctapue' epoch charra' mil solltarnesha' ñeñt'cha' yehuapoya. Ta'mca'ye a'mchechatuette'ca'ye—shonte'."

32 Allempoña o'ch atet' cotape'chuapa' ñerra'm ama errot apenaye' eñchepa' allempo ama aponmarettteneta' ñaña'pa' o'ch mueñan allponsheña ñeñt'cha' atet' otosahuete: "Yapa' añecop yen o'ch ya'poctaterr ñoñets e'ñe cohuen e'ñe atta, amach yeçllaranna'tatsto."

³³ Ñeñfo'mar notenes, ñerra'm eseshas ama e'ñe pocteye' senteñe o'ch sesuanom ora ñeñt allpon sechen, nañapa' amach errotentot neyochresha' neperrso.

Arrpa' all atma'ntatarettet atet ñerra'm pos o'ch huañ po'poserrteñapa' o'huañcha' sherba'
(Mt. 5.13; Mr. 9.50)

³⁴ 'Nehua, yapa' yeñoteñ pospa' atarr cohuen sherbenan allohuen acheñenesha' arr patsro. (Allohuen ñeñt po'ño'ch neyochresha' nepen ñetñapa' atarr sherbenet atet ñerra'mrrate' pos atarr cohuen sherbeney.) Tarraña pospa' ñerra'm o'ch huañerr po'poserrteña amach errotentot ellopa' ya'poserrtatere.

³⁵ Attoña amach es sherberro ama't e'ñe coñe'ta. Ama't attoch yet-narrataterr allo patspa' ama't ñeñfecpapa' amach sherberro; ñeñfo'marña ama't ñeñfecpapa' amach yañño'tatsche. Ñeñfo'marña o'ch yehuapore'ter a'yo. Ñerra'm eseshaste' ne'mñotene'pa' çhaponasepa'ch seyoçhro ñeñt atet neyçhatenes.

15

*Acheñ ñeñt ama ame'ñetsopa' arrpa' all atma'ntatarettet atet ñerra'm car-
rnero ñeñt chenquëtsa*
(Mt. 18.10-14)

¹ Shonte' ñeñt cobrets quelle gobiernocop ñeñfara ñeñt atarr she-care'tyets ña'ña shonte' ochña'enesha', ñetñapa' huaçha'tet Jesúsesho o'ch e'mñoteññañeta' ñeñt atet serrpare'tatenan allohuen acheñenesha'.

² Añña fariseonesha' ña'ña ñeñt atarr etsotayenayeñ ñoñets ñeñt atet anaret judioneshacop, ñetñapa' ama't mameshapa' ama pocteye' enteñeto. Ñetñapa' atta sasare'teñet Jesúsapa' ñeñt'pa' atet otanna'tyenet:

—Añ acheñer ama't ñeñt atarr ochña'enesha'pa' eso'marte'ña e'ñe cohuen gapyenanet, ña'ña alla rrallme'chapreteñet.

³ Ñeñfo'mar Jesúsapa' alla toma'ntaterraneterr; ñeñt'pa' atet oterraneterr:

⁴ —Sapa' ñerra'm eseshas echene' shonte' secarrneror; çharroch çharra' sechen tarraña ñerra'm pomocarrña machayota sa'chencachpa' ama't atet sepeno. O'ch sesa'nom allohuen po'potantañ ñeñt o' noventa nueba'ña all amayo ama't atarr a'yopa' o'ch ahues e'nerraya' pomocarr ñeñt chenquëtsa. Allcha' se'name'tyera'pa' attotach senter.

⁵ Allña senterpa' o'ch senatner, e'ñech socsheñeshocmañen saner.

⁶ O'chña sethapater sepaçlopa' allñapa' o'ch seçhore'tuer samo'tsesha' o'ch onaçha'tet. Allñapa' o'ch soutuerr: "Te'pa' o'ch socshapreterra necar-
rneror, te'pa' o' nenterrña ñeñt na'chencaten."

⁷ Ñeñfo'marña te'pa' notenes: Yamo'mte' ñeñt pue'taño'tsen attec-mach atarr nanac cosherrana ama't puesheñarra acheñ ñeñt atarr ochña' ñerra'm esempoch o'ch cotape'cherret ello e'ñe cohuen ñocop. Elloch metana'tuerran ñeñt atto coshenana po'potantañ ñeñt shonte' ñeñt e'ñe pocte' es pa'yenet ñocop ama't ñetpa' shontet atet ñerra'm noventa nueve carrnero ña'ña ñetpa' ama't ama pallteneto o'ch cotape'cherret ello cohuen.

Arrpa' all atma'ntatarettetna puetallarr quelle ñeñt a'chencaten pamo'mte'

⁸ Ñeñfara cotapñats, te'pa' ñato' atetcha' netma'ntacha po'poñoneñ atet ñerra'm puesheñarr coyanesha' ñerra'm echenan çharratilla po'çllayor ñeñt atarr morrentena. Ñerra'm çho a'chencach puetallarrpa' ama'tcha'

a'llchatañoña po'lampareñ attoch tarrapo'tenan pa'paquëll allcha' e' name'tyerran puetallarr po'çllayor. Attotcha'ña enter.

9 O'chña enterpa' allempoñapa' o'ch agotan pamo'tsesha' e'ñe pacmaneshoche', atetcha' otanet: "Te'pa' o'ch socshapreterrna ñeñt' puetallarr neçllayor ñeñt' na'chencat, te'pa' o' nenter."

10 Te'pa' o'ch noterrser; elloña atarrcha' nanac coshateret Yompor po'mllañofoñereshohuen ñerra'm esempo ama't puesheñarra acheñ ñeñt' atarr ochñaïpa' o'ch cotape'cherret ello e'ñe cohuen Yomporecop.

Arrpa' all atma'ntatarettena puesheñarr yacma puechemer ñeñt' atarr otatsñat

11 Elloña Jesúsapa' alla toma'ntaterraneter; ñeñt'pa' atet otterraneter:

—Eñall puesheñarr acheñ echenan epsheña puechemer.

12 Ñeñt'ña puechoyomer penpa' atet otan pompopor: "Apacha' ñeñt' ora allpon pechen te' napa' nemneñ o'ch päpuen e'ñe tayecma ñeñt' allpon po'patatenna." Allempoña pompopor ora ñeñt' allpon echyenpa' o' apa'yesan epsheño'mar puechemerasha' ñeñt' allpon o'patatyenanet e'ñe puesheña'ttset.

13 E'ñe allponmatatsa ñeñt'ña puechoyomer penpa' o' e'ñe pomhuahuanman ora allohuen ñeñt' allpon aþ pompopor allo agapan shonte' quelle attoch ta bachayo po'poñ anetso. Allempoña çhap bachayopa' allñapa' sosya'tsañeçhna atet pä'yesos. Attoña ama't shonte' po'çllayor ñeñt' anem o' e'ñe a'gasta'huahue e'ñe pottatse'teñoñ.

14 O' e'ñe a'gasta'huan ora po'çllayorpa' allempoña allpa' o' orrta muecheñets all ñeñte anetsro. Ñaña'pa' o'huañ erraye' entan puerrar ñeñt'cha' rren.

15 Allempoña ñapa' o' ahuo' allo'tsen ane'tañ all e'nyenan taruas. Ane'taññapa' aña aþ po'taruas o'ch auyesos a'yenet allcha' cohuanmpesyesoñ po'chañchor.

16 Ña pa'chporrñoïpa' atarr mueneñ o'ch rrapretosan chañcho puerrar attoch yetosa. Ama't chañchopa' pa'talle'tsa puerrar pen ñapa'cho'ña ñeñt'ña atarr muenen o'ch rros tarraña ama't chañcho ama eseshaye' apuenaye puerrar ñeñt'cha' rra'.

17 Atteñapa' machayota çhaponña pueyoçhro, atet ot: "Apa pa'taruasañer ama't shontetpa' echyenet puerrar, ello puechare'tyena. Naña arrpa' o' nerromuerrmoch nachporrñoï.

18 Te'pa' o'ch ahuerren apuesho; te' napa' atetcha' notuer: Apacha' napa' o' nepohua ñeñt' ama cohuenayaye Yomporecop ama't ñaña pocop.

19 Napa' ama cohuenayayno attoch pechemer peþapuerren. Te' napa' aña pocetsa nocop þapa' þa' taruasañrach peþapuerren."

20 O'ña atet cotape'chua ello e'ñe cohuen Yomporecoppa' allempoñapa' ahuen pomprosho.

'Ama't atarr ellaþarmeñ allempo entapueñ pompopor e'ñe puemuereñoñ mata poctapueñpa' a'çhono'tapueñ, tso'tstsapa'tapueñ. Ñeñt'pa' atet huoncha'tapuanan puechemer atto e'ñe cohuen agapapueñ.

21 Puechemerñapa' atet otueñ: "Apacha' napa' o' nepohua ñeñt' ama cohuenayaye Yomporecop ama't ñaña pocop. Na te'pa' ama cohuenayayno attoch pechemer peþapuerren."

22 Tarraña pomporñapa' e'ñe allorocma otan pueñañreshačhno: "O'ch sena' e'ñe tayecma shetamuets ñeñt atarr cohuen cočhnesha', o'ch sechorrata-puennana nechemer. O'ch senatapueñ ñaña anillo potaño, o'ch senatapueñ ñaña sapatets pa'tco.

23 O'ch sennana' ñaña nehuacsher ñeñt atarr ne'soya'taten o'ch semtse o'ch yerrallme'ch o'ch yocshame'tam̄psapueña.

24 Tarro'mar añ nechemer ama't o' rromhuañ, te'ñapa' o' alla tanterra. Ama't o' chenca'huañpa' te'ñapa' o' alla nenter." Allempoñapa' atarr nanac coshame'tam̄psapueñet.

25 Ñehua, po'psheñeñ puechemer ñeñt popo'nar ñañapa' pa'mro'tsen allempo' then puechoyomer. Allempoña err pa'mro't e'ñe ya'rrottertsa pocollopa' o' e'mhuerran coshamñats all requerquenet ñaña ashe'rañ.

26 Allempoñapa' chore'tuerran cheshachorpa' a'p̄to'tuer: "¿Eso'mare'tña coshame'tenet? ¿Eso'tña atarr coshame'tam̄penet?"

27 Cheshachorñapa' atet otapuer: "O' huena pemo'nasheñ, pomporpa' o' muetsatn bec'er ñeñt se'soya'taten tarro'mar atarr coshapuennana puechemer. Ama' choye' rromueno, e'ñe huomech agapapueñ."

28 Ñaña'pa' ñeñta atarr atsrre'matuerre' ama' mueno o'ch be'tosuerr all o' chen pa'mo'nasheñ. Atteñapa' cha'nom pomporpa' allach otere't: "Pebe'tosuerr." Ñaña'pa' ama' mueno o'ch be'tosuerr.

29 Ñaña'pa' atet otuerran pompor: "Napa' peñotenen o' shonte' char e'ñe cohuen name'ñeñpa; napa' ama't parrochapa' ama' esempo natpare'tenpe. Tarraña ama't atet nepenpeñpa' ñaña'pa' ama't esempapa' ama' papuennña ama't patrra cabra attoch nocshame'ta ñaña epan ñeñt parro neyemue-tyena na.

30 Te'ña o' huena ñeñt pechemer ma't pepen ama't ora o' a'gasta'huonañ peçllayor e'ñe puecañoresha'teño't, te'ña pa'pa' o' pemtsatapueñ bec'er ñeñt ye'soya'taten."

31 Pomporñapa' atet otererr: "Po'ño'ch nechemercha' pa'pa' chocma arro'tseney parro. Amahuaca'ye nechemercha' peñoteñete' ñeñt allpon nechepa' e'ñerramche' p̄ocma.

32 Ñeñto'marña te'pa' añ pocetsa o'ch yocshame'tam̄psapueña pemo'nasheñ, o'ch atarr nanac yocshena tarro'mar ama't o' rromhuañ te'ñapa' o' alla tanterra; ama't o' chenca'huañ te'ñapa' o' alla yenter."

16

Atet atma'ntatarettena atet pena ñeñt cohuan̄psatsre'tene' pamo'mte'

1 Elloña Jesús'pa' alla toma'ntaterranerr pueyochresha', ñeñtpa' atet serpare'taterraneterr:

—Eñall yacma puešeñarr ñeñt atarr eçllayoret. Ñapa' echenan pa'cheñer ñeñt po'taruas pene' o'ch cohuan̄psan ora allpon ñeñt echyen pamo'mte'. Ñaña ñach quellquene' po'potantañ ñeñt allpon teba'yeññañet pamo'mte'. Atteña allempoña puešeña'tets acheñenesha'pa' a'metan̄peñeta' pamo'mtayesho, atet otoñet pamo'mte': "O'ca'ye atfa a'chencatatsre'tañña ñeñt penen ñeñtcha' pecuan̄psatsre'tene'."

2 Allempoña pamo'mte' atet e'mare'chpa' allenta agotach. Allempoña huapapa' atet otañ: "Eso'maruañaca'yeña atet pa'chencatatsre'tenen. Te'pa' o'ch peñotatnomuen e'ñe ora allohuen ñeñt allpon petaruasen tarro'mar te'pa' ama' nemno o'ch allo'na pecuan̄psatsre'tenen." O' atet otue pamo'mte', ñaña'pa' allenta ahuerr.

³ Allempoña pa'taruasañer ñap'topa' atet cotape'chen: "Te'pa' amach allo'na netaruasa' neno namo'mtayesho; o'ca'ye mopa'tamperrenña allo neganena. Te'pa' errotenuachñaca'ye ne'pate'. Napa' ama necheno nehua-menc attoch namre't ñeñt'cha' netaruas neperreñ, ña'ña ama nemno o'ch netaruas ne'pa' o'ch atta nenamare'tyen quelle atet pa'yena po'psheññe'chno ñeñt' po'taruas pene' o'ch enamare'tyeset quelle, tarro'mar na ñeñt'pa' atarr apenco'chen nenteñ."

⁴ Allempoña o' e'ñe cotape'chuepa' atet ot: "Te'ña po'ño'chpa' o'ca'ye neño'ch atet'cha'ca'ye ne'pa' attoch acheñenesha'pa' e'ñech cohuen agapnet pa'paclo tsapatonet allempoch huañ neçllayor ñeñt' allpon naguën te' netaruasot."

⁵ Allempoña atet cotape'chenpa' atet'cho' pa. Neñto'marña agotatan allo-huen allponsheña ñeñt' te'ba'yets pamo'mtayesho. E'ñe puesheña'ttsa ñanom a'p'to'tyesap, atet otapanet: "Papa' ¿errpona't petebeñña namo'mte'?"

⁶ Ñaña'pa' atet otos: "Napa' netebeñca'ye çharroch çharra' cilindro aceite'." Neñt' patron pa'cheñerña'p' ap' allo quellquëññañ ñeñt' allpon teben ahuatoteñ. Allempoña'pa' atet otererr: "Te'pa' o'ch panorr tecmapa' o'ch pe'sherrña ñeñt' çharroch çharra' cilindro o'ch pequellquërr amnaroch çharra' o'ca'ye allponañña ñeñt' peteben."

⁷ Allempoña'pa' oterranerr ñaña po'psheñeñ: "Papa'cho'ña ¿errpona't pe-tebeñña namo'mte'?" Ñaña'pa' atet otos: "Napa' netebeñ çharroch çharra' arroga trigo." Neñt' patron pa'cheñerña'p' ap' ñaña allo quellquëññañ ñeñt' allpon teben ahuatoteñ allempoña ñapa'cho'ña atet otererr: "Papa'cho'ña panorr tecma o'ch pe'sherrña ñeñt' çharroch çharra' arroga o'ch pequel-lquërr poscoch çharra'; te'pa' o'ca'ye allponañña ñeñt' allpon petebeñ namo'mte'."

⁸ Allempo pamo'mte' eñotan ñeñt' pa'taruasañer atta shecare'teñ, ñaña'pa' atet oten: "Añ acheñer ama't puehquëño'tpa' e'ñe eñoteñ o'ch entan ñeñt'cha' atarr sherberre' ñocop tsapatonet." Po'ño'ch acheñenesha' arr patsro ñeñt' ama ame'ñetso ñetñapa' atarr eñoteñet attoch e'ñech añña e'nenet ñeñt'cha' atarr sherberrets ñocpuet tsapatonet. Tarraña ñeñt'ña ame'ñetsapa' ama tama eñoteñeto, ama es cotape'cheneto o'ch e'nenet ñeñt'cha' atarr sherberrahuet ñamet tsapatonet.

⁹ Neñto'marña te'pa' o'ch notenes:

—Neñt' allpon pa'namen sechyen seçllayorohuen ñeñt'pa' añecpuepa'chña sherbenes alloch seyenpueñ po'potantañ allochña'pa' attochña e'ñech cohuen muerrset. Sapa' añecpuepa'chña setaruasatña sa seçllayor ñeñt' atarr sherbets Yomporecop ama't yeñoteñ quellepa' atarr a'gasta'po' ama't ñaña añecop ñeñt' ama pocteye' enteno Yompor. Allochña'pa' eñallcha' socop ñeñt'cha' e'ñe cohuen sagüerre' e'ñe all Yomporepahuo esempoch se'chacherr all, allemppopa' o'huañcha' allo'na sherbenes quelle ñeñt' patso'marecpa. Attoch allohuenes e'ñech cohuen socrra'huerra Yomporepahuo ñeñt'pa' ama ahuañaño.

¹⁰ Elloña o'ch notas:

—Ama't e'ñe coñe'ta yechen ñerra'm añecop yesherbateñ ñeñt' cohuen enten Yompor, ñaña'pa' eñoteny atet ñerra'm ama't atarr aton yechen atterach yesherbateñ ñocop. Tarraña ama't e'ñe coñe'ta yechen ñerra'm ama añecpaye' yesherbateñ ñocop, ñaña'pa' e'ñech eñoteny attoña ama't'cha' atarr aton yecheneñpa' atterach amach es yesherbateñ ñocop.

11 Ñaña ama't e'ñe allpona quelle yechen arr patsro ama't e'ñe patso'marecpa tarraña ñerra'm ama añecop yesherbateñe ñeñt cohuen enten Yompor allempopa' amach errotentot alla apuerryerroña ñeñt po'ñoch atarr sherbets ñeñt apuoney ña.

12 Ñaña ñerra'm ama es yesherbateññañe ñeñt po'psheñño atet ñerra'm ñeñt Yomporo, allempopa' amach errotentot apyeña ñaña ñeñt e'ñe yocop ñeñtcha' e'ñe cohuen yocshatene'.

13 'Ñeñt'pa' atet'cha' netma'ntacha:

—Ama't pueheñarrofeyapa' amach errotentot e'ñe cohuen yetaruasoña epsheno'mar yamo'mtayecop. Tarro'mar ñerra'm atet ye'papa' pueheñarr e'ñech cohuen yemorrenteño' yocsheñeshocmañen yesherbeñ, po'psheñeññapa' amach e'ñeye' yemorrenteño; chach yottena ñerra'm cha yetsena'teñ. Ñeñto'mar atet'pa' amach cohuenaye' yesherbeñe. Ñerra'm aña e'ñe sema'yo'chrena ñeñt e'ñe socpa attoch segana aton quelle, ñeñt atet'pa' amach errotentot sema'yo'chroña ñaña añecop ñeñt atarr sherbets Yomporcop.

14 Añña fariseonesha' ñeñt e'muene' Jesús ñeñt atet serrpare'tatenan acheñenesha', ñetñapa' aña atarr ye'chapretenet quelle. Ñeñto'marña ñet allempopa' puesasare'teño'et Jesús'pa' cha atarr che'tatseteñet.

15 Jesúsñapa' atet otanet:

—Sapa' cha sottenañ ñerra'mrrate' atarr cohuensoñ attoña acheñenesha'pa' e'ñe cohuen entyensetañ. Tarraña Yomporñapa' e'ñe eñotennas seyother ñeñt atto sapa' atarr seshcare'tyeñ acheñenesha'. Tarraña ñeñt e'ñe ñañeñeta atarr cohuen entyetsset arr patsro, ñetñapa' atarr tsena'tenanet Yompor.

Moisés po'ñoñpa' ñeñt atet anaret ñeñt'pa' ñeññaña e'ñe yemtete't tarremphua allempo orrtterra Yompor po'cohuenña ñeñt atto ayochreshattena ña

16 Allempona Jesús'pa' atet serrpare'taterranerr acheñenesha' po'poñoneñ:

—Añña ñoñets Moisés po'ñoñ ñeñt atet anaret ñaña añ ñoñets ñeñt quellca'yese't ñeñt a'mta'yese't Yompor po'ñoñ, ñetpa' ñeñña e'ñe serrpare'tete't tarremphua allempo orrtosa Juan. Allempoteñ serrpare'tatosanet Juanpa' ñapa' añ serrpare'tatosanet atet penaña Yompor po'cohuenña atto atarr ayochreshattena ña, ñeñfara cohuen ñoñets alloch sequeshperra. Ñaña allohuen acheñenesha' e'ñe pueyo'chrocmañenet ñeñña atarr muenenet.

17 'Tarraña ama't atteñpa' ñeñt atet anaret Yompor po'ñoñ ama't patrra quellec puehempotollohuenpa' amach chenguërro. Tarro'mar Yompor po'ñoñpa' amach errotentot ya'huañatere ñeñt atto sherbeney. Patsña epuet enet ñeñt'pa' huañerrcha'.

Atto Jesús'pa' ye'chatosanet ama asanna'tpahuoyaye

(Mt. 19.1-12; Mr. 10.1-12)

18 'Ama a'huañatpahuoyaye Yompor po'ñoñ ñeñt atet yotene' ama asa'pahuo yetapor tarro'mar ñerra'm esesha' serre' puetapor o'ch yorerran po'psheñeñ coyanesha' ñeñtcha' puetapor perret'pa' ñeñtñapa' chach ochña'tamperrana puetaporeshe'mañ; ñeñt'pa' ama cohuenaye' enteñe Yompor. Ñaña ñeñtcha' yorerre' coyanesha' asaret, ñeñt yacmarpa' chach chetapreten taporets; ñeñt'pa'cho'ña ama cohuenaye' enteñe Yompor.

Atet aparetta puesheñarr yacma ñeññ atarr eçllayoret; atet aparetta ñaña po'psheññ yacma ñeññ atarr huocchañetets, ñeññpa' añ pa'so'cheñ Lázaro

¹⁹ Elloña Jesúspa' atet serppare'tatanet:

—Eñall puesheñarr ñeññ atarr eçllayoret ñeññ chorrenaya shetamuets atarr coçhneshare' ñeññ atarr cohuen apomotyesaret. Epaye' coshatse'tatyeyñ ñeññ allpon echyen. E'ñe pocsheññopa' e'ñe ellapene't rralme'chats.

²⁰ Eñall ñaña puesheñarr ñeññ atarr huocchañetets ñeññña' çha ora puet-saren, ñeññpa' añ pa'so'cheñ Lázaro. Ñaña'pa' allach ellapene't a'yot yetarrot allotecma be'ten eçllayoret pa'paclo.

²¹ Ñapa' añach atarr ye'chena o'ch rra'yesan ama't coñeña'ttsa rreñets ñeññ a'shore'tatyen eçllayoret po'mesañnaçho. Allña ocheçpa' o'ch huapoña o'ch tso'na'teññaña' pueptsarña.

²² Atteña o' çhap pamtarr allempo rroma ñeññ huocchañeshar. O' rroma mellañoñeñnesha'ña huaçha'tapa' o' aneret e'ñe Abrahamuesho, allña'pa' o' çhapachet atarr cosheñts. Atteña'pa' çhap allempo rroma ñaña ñeññ atarr eçllayoret, ñeññña'pa' pampueñeta'.

²³ Ñaña'pa' alla çhap coñcha'puetso ñeññ o'patenaya ñeññ rromuets ñeññ ama améñsetso. Allña'pa' atarr mueroçhtosa all coñchosa. Atteña'pa' cohua' enonetpa' allotña entosan Abraham allapa'ro'tsen ento. Allña'pa' allo'tsen epuet Lázaro.

²⁴ Ñeñña eçllayoret allenta çhore'tan Abraham, ñeññpa' atet och: “Nompore Abraham'a pemueraye'çhna, pemñaye'chon Lázaro o'ch huapa arr attoch esha'tosan potaþ oño, ama't potaþotapa' o'ch onenapna' oñ attoch a'yamoserrapona' neñeñ o' e'ñe neporrarra'nmahuap. Atarr nanac o' nemueroçhtosa arr tso.”

²⁵ Abrahamña'pa' atet och: “Nechemerñeçha' te'pa' o'ch peyerposa ora allpon pa'namen ñeññ peçhese't ñeññ atarr coçhneshare'pentyese't allempo þocrrer't patso. Lázaroña'pa' ama es eche'te ama't coñe'ta ñeññ atarr cohuen enten ñaña. Te'ña ñapa' o' atarr acshataretterra, þaña'pa' o' atarr þa'coñchataretterra.

²⁶ Elloña te'pa' ama't e'ñe eseshapa' amach errotenot çhapanþsapeto allo'tseneþ tarro'mar þapa' atseretot'senþa yomta'n. Sapa'cho'ña te'pa' ama't e'ñe puesheñarrotesapa' amach errotenot seçhapanþesyoyama. Amate' errot yepere'te ñeññpa' atet anaret attoch yello'tsentataretterra.”

²⁷ Allempoña eçllayoretpa' atet oterranerr Abraham: “Tarraña ama't atteñ nomporepa' te'pa' o'ch notað o'ch pemñer Lázaro all patsro nomporepa'paclo.

²⁸ Tarro'mar all napa' nechen amnarsheña nemo'nasheñ. Ñeñño'marña nemneñ o'ch ahuerr o'ch cotape'chaterraneta' e'ñe cohuen te't ñetpa'çho'ña esempopa' alla çhapuet arr coñcha'puetso.”

²⁹ Abrahamña'pa' alla otererr: “Ñetpa' echenet Yompor po'ñoñ ñeññ quelquë't Moisés ñaña allohuen ñeññ a'mtaye't Yompor po'ñoñ ahuat. Te'pa' e'mñoterrñañetepa' Yompor po'ñoñ ñeññ echenet.”

³⁰ Ñaña'pa' atet oterranerr Abraham: “Ñato' amach e'mñoterrñañeto Yompor po'ñoñ, tarraña nompore Abraham'a ñerra'm esesha' tanterrtsa rromot ñeññcha' orrtarrahuat allempoña'pa' po'ñoçh ñeññcha'ña cotape'chaterrahuat ello e'ñe cohuen Yomþorecop.”

³¹ Abrahamña'pa' alla otererr: “Ñerra'm amach e'mñoterrñañeto Yompor po'ñoñ ñeññ atet quellquë't Moisés ñaña allohuen ñeññ a'mtaye't Yompor

po'ñoñ ahuat, te'ña ama't esesha'ch tanterrtsa rromotpa' amach eshec çhapanetoña pueyoçhreto attoch cotape'cherret ello e'ñe cohuen Yomporecop."

17

Atto çhocmach huaponaya ñeñtcha' yetpatyene' o'ch atet p̄atyeseý ñeñt ama pocteye' enteno Yompor

(Mt. 18.6-7, 21-22; Mr. 9.42)

¹ Allempoña Jesúsapa' alla serrpare'taterranerr pueyochresha', ñeñtapa' atet otanet:

—Chocmach huaponaya ñeñtcha' yetpatyene' o'ch atet p̄ateý ñeñt ama pocteye' enteno Yompor. Tarraña napa' o'ch notas, atarrcha' yoroçheno'tsen ama't erra'tsena acheñer ñeñt orrtatene' ñeñtcha' topatyene' po'psheñeñ ñeñt name'ñenaya o'ch atet p̄atyenanet ñamet ñeñt ama't mamesha ama pocteye' enteno Yompor.

² Ama't ñeñt e'ñe errte' name'ñenaya ñerra'm esesha' o'ch orrtatanet attoch o'ch atet p̄atachet ñeñt ama pocteye' enteno Yompor; ñeñtña acheñerpa' atarrcha' yoroçheno'tsen tarro'mar ñapa' aña o'patenaya coñcheñets ñeñt atarr huomenc. Ama't ñocoppa' ama tama yoroçhenayayñe ñerra'm ama atet p̄atenana' po'psheñeñ, e'ñech allorocma çharachetañ mapue' añecmuen pa'çhnoþo allpon ñerra'm puetse'tamets o'ch huapore'chet oño epo allcha' ño'shach mapue'.

³ Ñeñto'marña sapa' e'ñech señota, amach sorratatsto attoch sa'shoratach po'psheñeñ ama't erra'tsena.

'Elloña napa' o'ch alla noterrser; ñerra'm esempo samo'ts erroþ p̄onas sa ñeñt ama pocteye' enteno Yompor, socoppa' añ poctetsa o'ch soctape'çater e'ñe cohuen o'ch poter ñeñt atet o' p̄ohuonaþpa' ama't mameshapa' ama pocteye' enteñe Yompor. Allochñapa' ñerra'm o'ch alla cotape'cherran cohuen Yomporecop, sañapa' añ poctetsa o'ch alla e'ñe cohuen seþretner.

⁴ Ama'tcha' atonoche'tats atet penset, ama'tcha' pamtarrpa' cançhroche'tatscha' atet penset ñerra'm o'ch alla llequerrana ñeñt atet pennaset, ñerra'm ama't pamtarr cançhroche'tats o'ch alla oterrset: "Napa' o' atet neþonaþ ñeñt ama pocteyaye tarraña te'ña ellopa' amach alla atet neþerre'te", socoppa'çho'ña aña e'ñe poctetsa o'ch alla e'ñe cohuen seþretner ñeñt atet seþene'.

E'ñe yeyemteñoñ Jesús ñeñta ahuamencat yepene' attoch es yorrtatyen ñocop

⁵ Allempo atet otarettenet aña puellsensarnesha'ñapa' atet ochet Po'partsesharet Jesús:

—Elloña yapa' ahuamencatcha' peþa'y allochñapa' e'ñech cohuen yeyemterpa.

⁶ Partsesha'ñapa' alla otterraneterr:

—Ñerra'm po'ñoçh e'ñe na seyemtenañ napa' e'ñeca'ye na'pocatenña neñoñ ñeñt atet notenes, ama'tcha' allponatollota seyemtena ñerra'mrrate' mostazllometoll, sañapa' ama't erra'tsena senamuennonñ ama't ñeñt atarr echarg sentenpa' nañapa' atetcha' nepennaseñ. O'ch netma'ntatasa atet ñerra'm o'ch sot añ tsachecop sicómo'rech: "Bera'nmuepa'ch arroþ all ten, arrepa'chña tomhuerrerr a'yo sa'po", tsachñapa' atetcha'çho'ña pañ e'ñe atet soteñ.

Atto atma'ntatarettana ataruasañpa' añ poctetsa ñocop e'ñech etsotenan ñeñt atet muenateñ pamo'mte'

⁷ Ellopa' alla toma'ntaterraneterr, ñeñtapa' atet otterraneterr:

—Ñerra'm eseshas echene' sa'taruasañer, ñato' ñapa' ellapene'tcha'llampue' sechamuellen amapa' ñato' ellapene'tcha' cohuanmpene' sayaračno eller-ronetña allempoch huerra po'taruasotpa' sañapa' ama't puesheñarrofesapa' amach sotapuerña señañra: "Te'pa' o'ch pebe'tosuerr o'ch yerrallme'chnen parro."

⁸ Elloña ñeñtapa' o'chcho' alla sotapuererr: "Te'ñapa' o'ch peptare'tuerren ñeñtcha' nerra'nen, allotñapa' o'ch pa'cohuenetuerr peshtam attoch e'ñe cohuen pesherba'huerren cho'pcha'ña naphuerre' nerrar ñeñtcha' nerra'nen. O'chña nerruanen napa' allempoñapa' cho'pcha'ña rrallme'chnets paña."

⁹ Ama'tña sapa' atetca'ye sepene. Ñaña sa'taruasañer ñerra'm esempoch e'nuan ora po'taruas ñeñt seyecheña, sañapa' ama't puesheñarrofesapa' amach sotereña: "Parasyos o' pe'nuon netaruas." Ama't ama atarr socshateñe ñeñtapa' e'ñe pocte' ñocop tarro'mar ñapa' allpona o' e'nua ñeñt allpon seyecheña.

¹⁰ Sapa'cho'ña Yompor pa'taruasañer sepene'. Ñaña ama't allempoch setsotuen ora allohuen ñeñt atet otenes Yompor atterepa'chña sentena ama atarr atonaye' sesherbene. Aña setsoten ñeñt e'ñe poctetsa allohuen añecop ñeñt pa'taruasañer pen Yompor.

Atto Jesús'pa' e'ñe po'ñoñoía a'crratyesapan aptsarñatečno ñeñt charrasheña

¹¹ Allempo sechena Jesús Jerusaléño arr oñem allohua temuena Samaria epuet Galilea.

¹² Allempoñapa' chap paterr anetso. Allñapa' hua'cha'toña charrasheña ñeñt osyen puetsarñats ñeñt otenet lepra. Ñeñtña aptsarñatečno a'yota tom'cha'tyesoset.

¹³ Ñetñapa' allotña rranare'tyesosetpa' atet ochet Jesús:

—Maestro Jesúsocha' pemueraye'chosya yaña.

¹⁴ Jesúsñapa' allenta cohuosanetpa' atet otosanet:

—Te'pa' o'ch ahues o'ch segatyena' sañeña judionesha' po'cornanesharesho attoch ñetpa' o'ch eñotaset te'pa' o' socrerra.

Atet otanet Jesús, ñetña ahuanmatsetpa' e'ñe allorocma acrra'yesserrochet.

¹⁵ Puesheñarraña allempo eñota o' correrrapa' alla puetallerrapa' o' alla ahuerr Jesúseshonef atarr nanac pocsheñesha' aye'chochtatnerran Yompor.

¹⁶ E'ñe pueparasyoso'teñesha' rromosa Jesús pa'rrpot. Ñehua, ñeñt atet pa'sapa' ñeñtapa' ñeñtña samario'marnesha'.

¹⁷ Allempoña Jesús'pa' atet otan acheñenesha' ñeñt allo'tsa'yen:

—Ama't charrasheña ñeñt o' na'crratyesua te'. ¿Po'potantañña esconsheñapa'? Ñetñapa' ama es yerpa'pesnomayeña attoch aye'chochtatoñet Yompor.

¹⁸ E'ñe puesheñarraña ñeñt puerrerrtsa attoch atarr aye'chochtatan Yompor ama't ñapa' ama judioneshayaye.

¹⁹ Allempoña Jesús'pa' atet otan ñeñt a'crraterr:

—Te'ñapa' o'ch petanterra, e'ñech cohuen peserr tarro'mar papa' e'ñe peyemteñoen na o' pocrerra.

Atto fariseonesha'pa' a'pto'chet Jesús: ¿Esempto'tcha' orrterraña Yompor po'cohuenña allempoch atarr am'cha'taretterra ña?

(Mt. 24.23-28, 36-41)

²⁰ Parrochña fariseonesha'pa' a'pto'chet Jesús:

—¿Esempto'tcha' orrterraña Yompor po'cohuenña allempoch atarr am'cha'taretterra ña?

Jesúsñapa' atet otanet:

—Yompor po'cohuenña atto ayochreshattena ñapa' ñeñ'pa' ama atteyaye ñerra'mrrate' ñeñ' es yentyen yecloyot.

²¹ Ñeñ'to'marña amach errotenet oteto: "Arrca'yeña am'cha'tarettenaña Yompor", amapa' "Tarroca'yeña am'cha'tarettenaña Yompor." Tarro'mar Yompor po'cohuenña ñeñ' atto ayochreshattena ñapa' ñeñ'pa' o'ca'ye mo'tetnoma orrtatsa e'ñe sesho ama't seyo'chro.

²² Elloña ñapa' atet oterranerr pueyochresha':

—Cherrcha' esempohuañen allempoch atarr se'nerren atarrcha' semnerren Ñeñ'ten Acheñetostse't o'ch norrterrnsa ama't e'ñe pamtarra. Tarraña ama't e'ñe allempa amach senterno.

²³ Saña allempopa' atetcha' otasetañ: "Te'pa' o' orrterraña Cristo allo'tsenca'ye", amapa' "Tarro'tsenca'yeña Cristo." Sañapa' amach setatstoña all, amach soctatscheña ñeñ' sets all.

²⁴ Tarro'mar ñerra'm esempo cherr allempoch nohuerra na Ñeñ'ten Acheñetosets e'ñe allohuen acheñenesha'pa' e'ñech entuapuerrnet Tarro'mar allempopa' atetcha' perra ñerra'mrrate' meratste', o'ch meratsta huomencpa' e'ñech a'puetaresuan ora enet errapären.

²⁵ Ñehua, na te' ñeñ' atet anaret nocop ñanompa' atarrcha' na'muero'chtataretta, ama't namo'tsesha' ñeñ' corretsa te'pa' amach eseshaye' naguñaye.

²⁶ Tarraña allempoch nohuerra po'pocheño na Ñeñ'ten Acheñetosets, allempopa' e'ñech atet perret e'ñe atet pete't ahuat allempo corre't Noé.

²⁷ Allempopa' ama es puecha'yeneto aña e'ñe cotape'chete't atto atarr pa'namen muenenet ñeñ'cha' rra'yenet, orrare'tyesete't, sena'tanatyena yacmanesha'chno, coyanesha'chnopa'cho'ña apantyesete't ñeñ' yoranatyehahuete't. Ñetñapa' ñeñ'ña e'ñe cohuen entete't. Atteñapa' chap allempo be'tosos Noé po'huarcopahuo. Allempoñapa' huata, cho'pa oñ erracmañen, e'ñe a'cclatuan allohuen acheñenesha' errapären.

²⁸ Attecma perretterr allempo corre't Lot, aña e'ñe cotape'chyerretterr shonte' rrallme'chyesete't ñaña shonte' orrare'tyesete't, atarr es rañña'yese'te't, ñaña pomatsre'tyesete't. Shonte' esocmañen ñeñ' pa'namen nare'tyesete't, tomatyesete't ñaña shonte' pocolla'chno. Ñetñapa' e'ñe ñeñ'ña cohuen entete't.

²⁹ Atteñapa' chap allempo cha'nom Lot ñeñ' anetsrot. E'ñe ñeñ'fe yetrocma allempo cha'nom Lot allo't, Yomporña pue'ntañot a'shoranet tso' ñeñ' she-mashrepñeño' huorten, ñeñ'ña e'ñe a'cclatuerrahueterrr allempo.

³⁰ Attecma'ch perretterr allempoch norretuerra na Ñeñ'ten Acheñetosets.

³¹ Tarraña allempoch norrterra na sapa' arepa'chña aña soctape'cheno ñeñ' patso'marecpa, atet ñerra'mrrate' puesheñarr ñato' a'yote'tsenach pa'paclo't arepa'chña be'tosatsterro ama't e'ñe mamesha pa'paclo't atoch yoratsre'tnoma. Amapa' ñerra'm puesheñarr pa'mro'tsenpa' arepa'chña onatsterro.

³² Seyerpuepa'chña atet pa' ahua't Lot puetapor ñeñ' atarr morrentnomaya ñeñ' patso'marecpa.

³³ Ñaña ñerra'm esesha' e'ñe aña e'nenet o'ch correna atomat atoch e'ñe coshenet arr patsro, ñetñapa' a'chencaterretcha' ñañeñeta. Tarraña ñerra'm

esasha' e'ñe pocte' entene' o'ch es sehuanmuet ñeñt' atet muenenet ñeñt' e'ñe ñocpueta arr patsro ñeñña' acheñerpa' corretsach pocsheñeshocmañen e'ñe tayoteñ errponañohuen.

³⁴ Po'ñoçha'ye o'ch notas atetcha'ca'ye perra allemPOCH nohuerra, puesheña'tetspa' anmareterretcha'; ama't ñeñt' e'ñe pamo'ts pene', ñeñña'pa' allach asa'nmareterra. Atet ñerra'm tsapo all manrenet epsheño'maret, puesheñarrpa' anmareterrach, po'psheñeñña'pa' allach asa'nmareterra.

³⁵ Amapa' ñato' allempopa' allo'tsencha' epsheña coyanesha' ñeñt' parro puetse'tets mapyo ñeñtpa'cho'ña puesheñarrpa' anmareterrach ña'ña po'psheñeñña'pa' allach asa'nmareterra.

³⁶ Amapa' ñato' allempopa' allo'tsencha' ña'ña epsheña ñeñt' e'ñe parro taruasenet pa'mro. Puesheñarrña'pa' anmareterrach, po'psheñeñña'pa' allach asa'nmareterra.

³⁷ Allempoña pueyochresha'pa' a'pto'chet, atet ochet:

—Parteshacha' ñeñtpa' çerra'tcha'ña atet perra?

Jesúsña'pa' atet otanet toma'nteñtso:

—Ñerra'm erro'tsencha' ñeñt' rromue'pa' allcha'ña shontaña tse'm.

18

Atto atma'ntatarettena rretornanasha' ñeñt' çhocma enamare'tene' juez attoch yempue'

¹ Allempoña Jesús'pa' alla serrpare'taterraneterr toma'nteñtso attoch eñochet ñeñt' pocetsa yocop çhocmach yema'yochena amach yemuenme'chatsche ma'yochatsa.

² Ñeñto'marña allempopa' atet otanet:

—Paterr anetso allo'tsen puesheñarr juez ñeñt' po'taruas pene' o'ch e'ñe cohuen a'pocatan ñoñets acheñeneshacop ñerra'm esempo e'moñe'tannenet. Tarraña ñeñña' juezpa' atarr atsrre'mñañ. Ama't Yomporpa' ama añcha'na'tpahuoye' enteñe ama't e'ñe mamesha. Acheñeneshapa'cho'ña ama't puesheñarrapa' ama acua'penaye' entenaneto.

³ Ñeñña' anetsropa' all yeçhena ña'ña puesheñarr rretornanasha'. Ñaña'pa' eñall po'psheñeñ ñeñt' e'moñe'tene', çhocmach erro't peññañ ñeñt' ama pocteyaye. Rretornanasha'ña'pa' çhocmach sene't juezesho. Allcha' çhocma atet otare'tenan juez: “Te'pa' nemneñ o'ch e'ñe cohuen peyenpa'n attoch pa'pocaton cohuen ñoñets añecop ñeñt' ne'moñe'tene’.”

⁴ Juezña'pa' ama't allponmat ama mueno o'ch yempue'. Tarraña rretornanasha' ñapa' çhocmach sen juezesho enamare'tene' attoch a'pocatoñ ñoñets añecop ñeñt' e'moñe'tene'. Atteña'pa' çhap allemPO cotape'ch juezpa' atet ot: “Napa' po'ñoç ama't Pares ama neñcha'teñe; acheñeneshapa'cho'ña ama't mameshapa' ama acua'penaye' nentenaneto.”

⁵ Tarraña añ rretornanesharpa' atarr atsrre'moçhtana'tenen, epaye' huapame'tennana, o'ca'ye atarr a'mñechatna. Ñeñto'marña te'pa' o'ch neyenpue' allochña'pa' amach alla huerrnane'te.”

⁶ Allempoña Jesús'pa' atet oterrrer:

—Ama't se'mueñeña ñeñt' atet oten juez ñeñt' atarr atsrre'mñañ. Te'pa' oten ahuo'ch a'pocatan rretornaneshacop ama't ñapa' ñeñt' acheñer ñeñt' atarr atsrre'mñañ.

⁷⁻⁸ Ñeñto'marña te'pa' o'ch noterrser: Yomporpa' elloña nanaccha' cohuen a'pocatonay ñeñtey o' acrerrey ya ñeñteycha' e'ñe puechemer pen

ñerra'm yapa' chocmach yechore'teñ ama't yeño ama't ñaña tsapo. Napa' po'ñoçh o'ch notas, Yomporñapa' amach atomato, choch ye'mñote'; ñapa' e'ñechca'ye allorocma e'mñotey o'ch e'ñe cohuen a'pocatonay ñeñt yocop. Tarraña te'pa' o'ch notas, ñerra'm esempoch nehuerra Ñeñfen Acheñetosets, errponsheñate'ña nentuerrña arr patsro ñeñt e'ñe cohuen name'ñenaya.

Atet ma'yochena fariseonesha' ñeñt e'ñe cohuen entetsa, all ma'yocha ñaña po'psheñeñ e'ñe puellquëñsha' ñeñt atarr ochñañ entetsa

⁹ Po'pocheñoña Jesúsapa' atet serrpare'tatan allpon acheñenesha' ñeñt e'ñe ñeta yemtetset tarro'mar ñetpa' e'ñe cohuen entyenet e'ñe ñañeñeta. Ñetñapa' ama't mameshapa' ama cohuenaye' enteñetoña po'potantañ acheñenesha'. Ñeño'to marña Jesúsapa' alla toma'ntatanet, ñeñtapa' atet otanet:

¹⁰ —Eñall epsheña acheñ ñeñt sets Parets pa'paclo allcha' ma'yochoset. Puesheñarr ñeñtapa' fariseo ñeñt e'ñe ñañeña cohuen entetsa; po'psheñeññapa' ñeñt puehquëño'fe'na cobra'yenan acheñenesha' quelle ñeñt gobiernocop.

¹¹ Ñeñtña fariseopa' tomos all ma'yochosañ, ñeñtapa' atet otos: “Nompore, napa' o'ch neparasyoso'tosep tarro'mar napa' atarr cohuen acheñren, napa' ama atteyayno Nompore ñerra'm po'potantañ acheñenesha'. Ñetpa' atarr es puerratañpsanna'tyenet, ama pocteye' es panna'tyenet, atarrcha' cheta'yeñet coyanesha'chno ñeñt ama puetaporeyaye. Napa' ama atteye' Nompore nepeno. Napa' ama neshcare'teno atet pena añ acheñer ñeñt puehquëño'fe'na cobra'yene' acheñenesha' quelle gobiernocop.

¹² Napa' pate'tets semanapa' epochcha' netore'tena Nompore pocop, ñaña ama't ora ñeñt allpon naguën chocma napuenep allpon pocetsa pocop ama't nediezmo Nompore.” Allohua huañ atet ma'yochena fariseo.

¹³ Po'psheñeñña ñeñt cobrets quelle ñaña' alla tomos a'yot. Ñapa' eñotena atarr ochñañ ñeño'to marña ñapa' ama cohuoso enonet Yomporeshonet. Ña puellquëño'tpa' nosan pot puesomapo. Ña poema'yocheño't atet otos: “Nompore, te'pa' o'ch pemorreneterna atoch e'ñe pepretna'huerrnan allohuen no'chñar tarro'mar napa' atarrca'ye ochñañen.”

¹⁴ Jesúsñapa' atet oterraneterr:

—Napa' o'ch notas, ñeñtña atet a'metene' po'chñar ñeñtña acheñerpa' e'ñe pocte' enteñ Yompor. Ñeño'to marña allempo ma'yochuapa' o' ahuerr pa'paclo e'ñe cohuen apretna'huaretterra po'chñar. Po'psheñeñña fariseo ñeñt ama a'metosaye po'chñar, Yomporñapa' arepa'tcha' pocteye' eñche. Tarro'mar allohuen ñeñt e'ñe cohuen entetsa e'ñe pommo'cheño't ñeñtña tsapatonetpa' amach esoshe'maye' entereto. Tarraña allohuen ñeñt ama esoshe'maye' entetso te', ñeñtña tsapatonetpa' atarrcha' cohuen enteret.

Atto Jesúsapa' bensare'tampsapan cheshaneshha' ñeñt huapatoñet (Mt. 19.13-15; Mr. 10.13-16)

¹⁵ Ñaña allempopa' shonte' hua'cha'tachet cheshatollesha' Jesúsesho. Ñetpa' añecopña hua'cha'tachet o'ch a'plla'yesapanet Jesús atoch bensare'tampsapanet. Jesúsña pueyochresha' allempo entapan ñeñt hua'cha'tate' cheshaneshachno, ñetñapa' ama pocteye' eñchet o'ch anmoset cheshatollesha' Jesúsesho ñeño'to marña ama amnataretapueto.

¹⁶ Tarraña Jesúsñapa' allenta chore'tapanet, atet otapanet:

–Pocte'ñácho' semnachñaca'yeña cheshanesha' onosetepa' e'ñe nesho. Amachca'ye čha sepatare'tatstapaneto tarro'mar allohuen ñeñt atarr neyemtenaya na e'ñe atfet ñerra'mrrate' cheshatoll, ñetcha' o'patenetña Yompor po'cohuenña ñeñt atto ayochreshattena ña pue'ntañot.

¹⁷ Po'ñočhpa' o'ch notas, ñerra'm esesha' ama e'ñeye' pueyemteñoŕe'ye' aguëññañeto Yompor po'cohuenña amach atet perreto ñerra'm cheshatoll e'ñech yemtenana ñeñt cohuanpene', ñetñapa' amach pueyochreshaye' per-raneto Yompor atto atarr ayochreshattena ña.

Atto puesheñarr ñeñt huepueshameñ ñeñt atarr ecłlayoret ñañapa' eñorana'tosana Jesús

(Mt. 19.16-30; Mr. 10.17-31)

¹⁸ Po'pocheñoña puesheñarr ñeñt atarr añcha'tarettetsa a'p'to'tosan Jesús, atet otos:

–Maestro, p'apa' atarr cohuen acheñreḡ, te'pa' o'ch p'otapuen çerrotëna'tcha' neḡaña na e'ñe cohuen attochña napa' corretsanach e'ñe tayoteñ ama't errponañohuen?

¹⁹ Jesúsñapa' atet otap:

–Eso'mare't p'otenenña napa' atarro' cohuen acheñren. Arr arromñafenesha' ama't e'ñe puesheñarrapa' ama eñalleña ñeñt e'ñe cohuen acheñer. Ñapñaña Yompor ñeñt e'ñe po'ñoč cohuen.

²⁰ Papa' e'ñe peñotuen Yompor po'ñoñ all oteney ñeñtcha' atet yepena e'ñe cohuen; ñeñtapa' atet oteney: “Amach yechtapretyesatsto taporets; amach yemtsanna'tatsto; amach yetyesatsto; amach yetoma'tamp'satsche yamo'ts e'ñe atta; ñaña yemorrenteñoḡpa' yemcha'na'chcha' yompor ñaña yachor.”

²¹ Ñeñtña a'p'to'tene'pa' atet otererr:

–Napa' e'ñeca'ye cheshoteñ ora añečhno'pa' e'ñeca'ye netsotueñ.

²² O'ña atet otua Jesúsñapa' alla otererr:

–Eñallmeñca'ye paterr ñeñt pepalltena ñeñt ama atteye' pepena'. Te'pa' añcha'ña atet peḡa o'ch e'ñe pepomhuera ora allpon ñeñt pechyen o'ch p'apa'yera' huocchañneshachno ñeñt atarr es pallta'yetsa attochña p'apa' pecherrcha' ñeñt atarr nanac sherbets Yompor pue'ntañot. Allempochña pehuerrapa' o'ch p'octerren attoch e'ñe neyochresha' neperreḡ e'ñe p'octacma.

²³ O'ña e'mhuan ñeñt atet och Jesús'pa' ñañapa' čha atarr lleca tarro'mar ñapa' atarr ecłlayoret, shonte' pa'namen echyen.

²⁴ Jesúsña eñch ñeñt atet atarr llecapa' ñañapa' puellcapreteñoḡpa' atet ot:

–Ñeñt atarr ecłlayoret'pa' atarr nanac echarr attoch agapoñet Yompor po'cohuenña ñeñt atto ayochreshattena ña.

²⁵ Ñehua, ñeñtapa' atet'cha' netma'ntacha. Po'ñočh yapa' yeñoteñ berr añecmuen allpon ñerra'm huaquësh* atarrca'ye torrapo' o'ch esho'tosa añetollponatollo atet ñerra'mrrate' acosh puetafollo. Ñeñtapa' atetca'ye penaña acheñ ñeñt ecłlayoret ello atarr torrapo' o'ch agapan ñaña Yompor po'cohuenña ñeñt atto ayochreshattena ña (tarro'mar ñetpa' ama mueneñeto o'ch sehuanmuet ñeñt atarr morrentenet ñet attoch pueyochresha' perrane'tañ Yompor).

²⁶ Ñeñtña e'muene' atet oten Jesús ñetñapa' atet ochet:

* **18:25** Ñehua, Jesús añ toma'ntatanet camello ñeñt payara penet all pa'nyo, ñeñt e'ñe allpon ñerra'mrrate' huaquësh.

—Tarraña ñerra'm atette'pa' amate' esesha' a'queshpatareterrtso ama't puesheñarra tarro'mar yapa' yeñoteña'ye huaquëshpa' amaca'ye esho'tenoña acshequeto.

²⁷ Jesúsñapa' atet oterraneterr:

—Sa arromñaeneshaspa' amach es errotenaye' apen senteno. Tarraña Yomporpa' ama eñalle ñocop ñeññ atarr torrapo' enten.

²⁸ Pedroñapa' atet och:

—Partseshacha' po'ñoçh yapa' o' e'ñe yesuanom ora allohuen ama't yepa-clohuen attoch e'ñe yocterrep.

²⁹ Jesúsñapa' alla oterraneterr:

—Po'ñoçhpa' o'ch notas, allohuen erra'tsencha' acheñer ñeññcha' e'ñe sehuanmue' allohuen ama't pa'paclohuen, ñato' puetapor, pa'mo'nasheñnesha' ñato' pompor, pachor, ñato' ama't ñaña puechemeresha' attoch e'ñe cohuen sherbaterrñañet Yompor po'cohuenña atto ayochreshattena ña,

³⁰ ama't erra'tsencha' ñeññcha' sohuanmue' allohuen, elloña ñetpa' o'ch alla aguërret shonte' esocmañen ñeññ atarr cohuen ama't te' allempo e'ñe correnet, elloña tsapa-tonetñapa' o'ch aguërret ñeññ alloch ñetpa' corretsetach beñecpuen.

Allempo Jesúsapa' alla eñotaterraneterr ñapa' çhocmach amtsaretterra
(Mt. 20.17-19; Mr. 10.32-34)

³¹ Ñeññ pueyochresha' ñeññ çharra' puechena epsheña, Jesúsñapa' ahuanmanet ellonet, allñapa' atet otosanet:

—Te' po'ñoçhpa' o'ch ahueney Jerusaléño. All ora allpon quellca'yesone't ñeññ a'mta'yesaye't Yompor po'ñoñ ahuat ñeññcha' atet na'paretterra na Ñeññencha' Acheñetosets, te'ñapa' o'ch e'ñe etsotuerra ñeññ atet anaret nocop.

³² Tarro'mar te'pa' pomuerrnetcha' po'poñ acheñesho ñeññ ama judioneshayaye. Allohuen acheñenesha'pa' o'ch achmãre'ternnet, o'ch at-serrpãtse'ternnet, pue'moñe'teñofetanpa' o'ch a'coshare'ternnet.

³³ O'ch nashtaretterra, attotcha'ña muetserrnet. Tarraña poma'pamtañoñapa' o'ch alla netanterra.

³⁴ Ama't atet otuanet, ñetñapa' ama eseshaye' eñotaye ñeññ atet serrpare'tatanet. Ama't puesheñarrofetapa' ama't mameshapa' ama çhapanetoña pueyoçhreto ñeññ atet otenanet.

Atto Jesúsapa' cohuaterran puesheñarr aporo'yete ñeññ jericó'marnesha'
(Mt. 20.29-34; Mr. 10.46-52)

³⁵ All oñenet o'ña çhappmochet anetso Jericópa' allña e'ñe toñetopñopa' all anen puesheñarr aporo'yete ñeññ çhocma enamue'ts quelle.

³⁶ Ñeññña aporo'yetpa' o' e'mapan shonte' acheñenesha' ñeññ metaçhets all toño, ñañapa' allenta a'p'to'tanet:

—¿Eso'mare't shonte' metaçhenña acheñenesha'?

³⁷ Ñetñapa' atet ochet:

—Añca'ye huetsa Jesús ñeññ nazareto'marnesha'.

³⁸ Ñañapa' allenta rrana huomençpa' atet otapan Jesús:

—Pemueraye'chnomna Jesúsocha' namña. Papa' ñeññep Davidna'tarep.

³⁹ Acheñenesha' ñeññ otaçhetsa ñetñapa' çha muene' che'ptare'tnomet, atet otoset:

—O'hua pemma.

Aporo'yetñapa' elloña alla rranerrerr atet oterranerr Jesús:

—Ñeñteþ Davidna'tareþ, pemueraye'chnomnañaca'ye.

⁴⁰ Allempoña Jesús alla tomos otosan acheñenesha':

—Sanmon arr nesho.

O' huapapa' Jesúsñapa' atet otaþ:

⁴¹ —¿Eso'tña penmen ñeñtcha' atet neþoseþ?

Ñaña'apa' atet och:

—Añca'ye Ayochreshate nemnen o'ch pecuatnomuen attoch o'ch cohuen nenterrapa.

⁴² Jesúsñapa' alla otererr:

—Pecuerrepa'ch, tarro'mar atto atarr peyemtapna na ñeñtca'yeña o' e'ñe a'crraterreþ.

⁴³ E'ñepa'tcha' allorocma e'ñe cohuen enterra. E'ñe cohuerrtsapa' cha cota'nmue' ñaña Jesús, allenta atarr aye'chochtatnoman Yompor all cota'nenan Jesús. Atto' enteñ allohuen acheñenesha' ñetpa'cho'ña e'ñe cohuen aye'chochtatneññañet Yompor.

19

Atto Jesús epuet ñaña Zaqueo eñorana'tannenet

¹ Allempoña Jesús'pa' chap all anetso Jericó, all oñmos anetso'mar.

² Allña'pa' allo'tsen pueheñarr yacma ñeñt sochetsa Zaqueo ñeñt pa'mcha'tareter peñ allohuen ñeñt cobra'yene' acheñenesha' quelle gobiernocop. Ñaña'apa' atarr eçllayoret.

³ Zaqueoña'pa' atarr mueneñ o'ch entapan ñeñt otenet Jesús. Ñehua, ñapa' amach errotenot entapano Jesús tarro'mar shonte' acheñ ñeñt emchorra'nenaya all oñen ñaña Zaqueopa' allponmetolla.

⁴ Ñeñto'marña ñapa' mata allenetcha' oñem, a'tapos tsacho ñeñt pa'so'cheñ sicómo'rech allotcha' entapan Jesús tarro'mar allcha' oñem.

⁵ Allempoña chap Jesús e'ñe ñesho, cohuostsa enonetpa' alla entos, ñaña'apa' atet otos:

—Zaqueo, pesuerra tecma. Te' napa' e'ñe poctennana o'ch nechap pepacillo.

⁶ Ñaña'apa' allenta sohuerra tecma e'ñe pocsheñesha' agapaþ.

⁷ Allempoña acheñenesha' atet eñchet, ñetña'pa' ama't mameshapa' ama pocteye' es entaye. Ñetpa' atet otanna'tyeset:

—Eso'marcha'ca'yeña be'tososña Jesús allcha' mos añ acheñer pa'pacillo ñeñt atarr nanac ochñañ.

⁸ Zaqueoña'pa' allenta tomhuerrpa' atet otapan Partsesha':

—Te'pa' o'ch pe'mñotosen Ayochreshate. Ñeñt ora allpon nechyen, te'ña'pa' o'ch napa'yer puehmet huocchañnesha'chno. Po'ñoçh allempo es neprratamþesyese't pueheña'tetspa' te'ña'pa' pa'tatsoche'tatscha' napueranet.

⁹ Jesúsñapa' atet otos:

—Te'ña'pa' o' chap Janet allohuenacop ñeñt yeçhetsa añ pocollro alloch a'queshpataretterret. Ama't ñapa'cho'ña Abrahamca'ye po'mreneñ.

¹⁰ Na Ñeñten Acheñetosets ñeñto'marña nohuapa añe patsro o'ch ne'nyesos acheñenesha' ñeñt chenquetsa ñeñtcha'ña na'queshpatesos.

Arrpa' all atma'ntatarettena çharrasheña ñeñt aparettatsa quelle e'ñe allponeshapa'ttsohma

11 Acheñenesha' o' e'nñotenet shonte' ñeñt atet serrpare'tatanet Jesús ñeñt atet pena Yompor po'cohuenña, ñaña Jesús'pa' o' chapmoch Jerusaléño. Ñeñto'marña ñetñapa' cha otenapuetañ allempocmach etsota allempopa' ñach amcha'taretтата Yomproshot arr patsro. Ñeñto'marña elloña ñapa'toma'ntatanet po'poñ.

12 Ñeñt'pa' atet otanet:

—Eñall puesheñarr acheñ ñeñt e'ñe cohuen amcha'na'tpo' entyen allohuen acheñenesha' ama't e'ñe pamo'tseshohuen. Ñeñña acheñerpa' arr sechena bachayo po'poñ anetso allotcha' apet llesens attoch esempoch huerrapa' o'ch amcha'taretetuerra all pa'nyo.

13 Allempo ama sene'pa' agotatnoman charrasheña pa'taruasañer ñeñt'cha' apa'yesnom allponeshapa'tets quelle e'ñe puesheña'ttsocmuet. Allempo apa'yesnomanetpa' atet otyesnomanet: “Añ quellepa' o'ch setaruasach nocop. Esemppoch nehuerrapa' allemppochña e'ñe neñotuernnas e'ñe puesheña'ttsos errponte' quelle segana'yesa ñeñt nocop.”

14 Tarraña patantarr acheñenesha' ñeñt pa'nyo'marnesha', ñetñapa' atarr e'moñe'teñet. Ñeñto'mar allempo ta ñeñt anetsro, ñetñapa' mueñet allponsheña ñeñt'cha' eñososets all sen o'ch oteñeta' allo'marnesha': “Yapa' ama yemno o'ch sene' añ acheñer o'ch amcha'taretta yocop.”

15 Tarraña ama't atet petañ ñocopñapa' chocmach apat llesens attoch huerra o'ch amcha'taretetuerra all pa'nyo pamo'tseshacop. Allempoña cherrpa' agotatuerran pa'taruasañrenesha' ñeñt apa'yesnom quelle ahuaña. Ñapa' añecopña agotatyesuerranet o'ch eñotuerranet errponte' quelle ganatyesñañet po'çllayor e'ñe puesheña'ttset.

16 Attoña apcha'huerranet ñeshopa' ñeñt ñanom huapatsapa' atet otos: “Ayochreshate, ñeñt allpon papa'nmuen ahuaña quelle, nañapa' ello neganater- naper peçllayor çharroch.”

17 Pamo'mte'ñapa' atet otuer: “E'ñe pocte', papa' atarr cohuen pesheren. Ama't allponatolla napa'nmaj ahuaña, pañapa' atarr cohuen pesherbato. Ñeñto'marña te'pa' o'ch nenuerrep çharracop anets allcha' pa'mcha'taretterra pa.”

18 Allempoñapa' o' huapa ñaña po'psheñeñ pa'taruasañerpa' ñapa'cho'ña atet otos: “Ayochreshate, na ñeñt allpon papa'nmuen ahuaña quelle, nañapa' ello neganater naper peçllayor anmaroch.”

19 Pamo'mte'ñapa' atet otuer: “E'ñe pocte', te'pa' o'ch nenuerrep paña amnarecop anets allcha' pa'mcha'taretterra paña.”

20 Allempoñapa' huapa po'psheñeñ pa'taruasañer, ñapa'cho'ña atet otos: “Ayochreshate, arrpa' ñeñta allponara ñeñt e'ñe allpona papa'nmuen ahuaña quelle. Napa' alla nañño'tennañ e'ñe cohuen nepennañ pañello.”

21 Napa' cha nemcha'teneñ tarro'mar neñoteneñ papa' amaca'ye matsre'mñape. Papa' chocmaca'ye pepratatmpesyen ama't ñeñt'pa' ama poyaye, ñaña chocmaca'ye petotatyenña ñeñt ama paye' nare'tatyenaye.”

22 Pamo'mte'ñapa' atet otuer: “Paña po'ñoçhpa' amaca'ye cohuenaye' pesherbato ama't e'ñe mamesha. E'ñe atet potenen napa' atarro' atsrre'mñañen te'ñapa' po'ñoçh atetcha'ca'ye natsrre'moçhtana'tuerreçcha'. Ñerra'm po'ñoçh peñotenoñ napa' atarr atsrre'mñañeneñ, ñerra'm po'ñoçh chocma nepratatmpesyeneñ ñeñt ama noyaye, ñaña napa' ñerra'm po'ñoçh chocma netotatyeneñ ñeñt ama naye' nare'tatyenaye,

²³ ñerra'm po'ño'ch atet pentennoñpa', eso'maruañaca'yeña ama bancoye' penennanoña neçllayor allochñapa' te'ña o' nehuerrapa' nagapuerreñcha' neçllayor allo atontateñet."

²⁴ Allempoña pamo'mte'pa' atet otan ñeñt tom'cha'tyets all: "Te'pa' o'ch sepratapuesuer quelle, o'ch sapuer ñeñt ganatene' çharroch neçllayor."

²⁵ Ñetñapa' atet ochet: "Ayochreshate, ñapa' echenanca'yeña shonte' quelle ñeñt ganena çharroch."

²⁶ Pamo'mte'ñapa' atet oterraneterr: "Tarraña ama't atteñpa' te'pa' o'ch notas, ñeñt es echets shonte' e'ñe puesherbateño'fet pamo'mte' ñetña ellonetpa' o'ch alla aparetterret po'poñ aton. Tarraña ñeñt ama es echetsopa' ama't allponatolla ñeñt echyenetañ aprratam'psaretterretcha'.

²⁷ Ñaña te'pa' añña ñeñt ne'moñe'tene' ñeñt ama muenenaye o'ch na'n'cha'tareña ñocpuet, te'ña sapa' o'ch sehuapat Janet attoch semsantatosanet e'ñe arr nesho."

Allempo çhap Jesús Jerusaléño
(Mt. 21.1-11; Mr. 11.1-11; Jn. 12.12-19)

²⁸ Allempoñapa' ahuerrerr Jesús Jerusaléñoñet.

²⁹ Chapmochet aspento ñeñt pa'so'cheñ Olivopen allo'tsen anets ñeñt Betfagé ñaña Betania. O' çhapmochet all Jesúsñapa'

³⁰ atet otosan epsheña pueyochresha':

—Sapa' o'ch sota o'ch seçhap a'yenteye' e'ñe allara anetso. O'ch seçhap allpa' allcha' sentos ashen rre'ptor all huanquëñet; ñeñtpa' ama't puesheñarra acheñ ama monteña'. Ñeñtña ashenpa' o'ch sepyam'psospa' o'ch sanerrnan arr.

³¹ Ñerra'm esesha'ch sotapue': "¿Eso'mare't sepyam'peñña ashen?" sañapa' atetcha' sotosanet: "Yepartsesharca'ye muenene'ña añ ashen."

³² Allempoña ñeñt mueñapa' ñetñapa' ahuanmuet all anetso. Allñapa' atet'cho' entoset e'ñe atet otanet Jesús, allo'tsenca'ye ashen rre'ptor all huanquëñet.

³³ Allempo pueyam'psosetpa' pamo'mte'ñapa' atet otapanet:

—¿Eso'mare't'cha'ña sepyam'psosnayña yashanor?

³⁴ Ñetñapa' atet otosñañetña ashen pamo'mte':

—Yepartsesharca'ye muenene'ña añ ashen.

³⁵ Allempoñapa' anerretña ashen Jesúsesho. Nohuerret pa'shtam ash-nache'ñopa' montatueret Jesús.

³⁶ Allempo monta'nma Jesús allenet sen, acheñenesha'ñapa' totma'tyesoñet pa'shtam foño allcha' oñem.

³⁷ Atteñapa' o' çhapmochet Jerusaléño. Allempo a'nososet Olivopnot shonte' acheñenesha' ñeñt ame'ñenaya Jesúsapa' ñetñapa' alloteñ e'ñe cosha'rrtoset. E'ñe pocsheñesha' ahuanenet, pano'tatse'teñesha' aye'choçhtatneññañet Yompör, tarro'mar atarr cohuen entnenet atfo Jesúsapa' atarr orrtatenanet Pompör po'partsoña.

³⁸ Ñetñapa' atet otyesnenet:

—¡Aye'choçhtaterrapo'ch Am'cha'taret Jesús ñeñt llesensen Yompör! ¡Cosh-erretepa'ch ama't ñeñt pue'ntañ'o'tsen! ¡Aye'choçhtaterrapo'ch ñaña Yompör Parets ñeñt pue'ntañ'o'tsen!

³⁹ Fariseonesha'ña puesheña'tets ñeñt allo'tsa'yen ñeñt ama ame'ñenaye Jesús, ñetñapa' atet otapet Jesús:

—Maestro, peche'ptare'taye'chyesnomñaca'yeña peyochreshačhno attoch amach allo'na atfa ačhotatsetnenpeto.

⁴⁰ Tarraña Jesúsñapa' atet otosanet:

—Napa' o'ch notas, ama'tcha' atet notatstanetaña' muema'rrtetañcha', mapyečhnoñapa' puerranare'teñoetpa' načhotenayach.

⁴¹ Allempo o' e'ñe čhampochet atto entosan anets Jerusalén, Jesúsñapa' atarr ya'na'tosan jerusaléño'marnesha'.

⁴² Allpa' atet eñorosa ñocpuet:

—Atarr nemneñeñ ama't e'ñe tayecma po'ñočh sapa'čho'ña o'te' señotereñ errofencha' seperra attoch Yomporpa' o'ch a'queshpaterrsoñ e'ñech socshešha' socrrerañ. Tarraña saña teme'ttsen ñeññapa' ama't mameshapa' ama čhennaso seyočhro.

⁴³ Tarro'mar napa' o'ch notas, po'ñočh o'ch čhap allempoch ñeñ se'moñe'tene'pa' conča'tam'perrnasetcha' sa'netser attoch e'ñe rročhtam'perrset allemateñ satepotpa' huača'tonasetcha', attoch amach errenet seyeterro ama't e'ñe puesheñarrofesa.

⁴⁴ A'mata'tuerrnasetcha' ora allohuen sa'netser attoch sepacle'nachña e'ñe sa'tpetse'tuerre' allohuenes ama't sacñe'aretolleshohuen. Allo sorraten sepaquell ama't patrra mapue'pa' amach a'puerro, tarro'mar sapa' ama semno o'ch saguerrñañ Yompor puemuereña allempo mueneñeñ o'ch yenpuerrsoñ saña.

Atto Jesús'pa' a'cohuentatosan Parets pa'paquell

(Mt. 21.12-17; Mr. 11.15-19; Jn. 2.13-22)

⁴⁵ Allempo čhap Jerusaléño Jesúsñapa' ahuos Parets pa'paclo. Be'tosospa' allotñapa' čha'nmača'tatuosan ñeñ pomatsre'tyetsa all.

⁴⁶ Allñapa' atet otosan ñeñ pomatsre'tyetsa:

—Yompor po'ñoñ ñeñ atet anuaret ahuatoteñ, allñapa' atet oten Yompor: “Añ ñeñ nepaquell nepenpa' añecpaca'yeña sherben allecmach ma'yochennet”; tarraña sañapa' atet sepeññañañ Yompor pa'paquell atet ñerra'mrrate'eñeñ e'potyetsa mapuetpono'mar.

⁴⁷ Pate'tets yet Jesús'pa' čhocmach sene't Parets pa'paclo all yečhatenanete't Yompor po'ñoñ. Añña ñeñ pa'mča'tareternesha' pen allohuen judionesha' po'cornaneshar ñaña añ ñeñ atarr etsotayenayeñ ñoñets ñeñ atet anaret ñaña po'potantañ ñeñ amča'taretetyetsa all anetso, ñeññapa' Jesús'a atarr o'patyenet attoch muetsatachet.

⁴⁸ Tarraña ñetpa' ama erro't peto tarro'mar allohuen acheñenesha'pa' atarr yemteññañet Jesús' atto atarr cohuen serrpare'tatenanet Yompor po'ñoñ. Ñetpa' ñeñña atarr cohuen entyenet.

20

Atto allsensarettena Jesús'

(Mt. 21.23-27; Mr. 11.27-33)

¹ Po'pocheño pamtarr Jesúsñapa' alla yečhaterranerr acheñenesha' Parets pa'paclo. Allpa' añ serrpare'tatenanet cohuen ñoñets alloch yequeshperra. Atteña'pa' huača'toña shonte' amča'taretnesha' —ñeñ pa'mča'tareternesha' pen allohuen judionesha' po'cornaneshar ñaña allponsheña ñeñ atarr etsotayenayeñ ñoñets ñeñ atet anaret ñaña po'potantañ ñeñ pompornesha' pa'yen allohuen judionesha'.

² Ñetñapa' atet otoset Jesús':

—Ñehua, yapa' añecop yehuena yemneñ o'ch p̄otey ¿errof̄e't apuenpetña llesens? ¿Eshesha'tña p̄apuene'ña llesens attot p̄orrattyenña ñeñt̄ chocma attecma pepa'yena?

³ Jesúsñapa' atet otapanet:

—Ñehua, napa'cho'ña nemneñ o'ch na'p̄to'tapas saña ama't patrra ñoñets. Sapa'cho'ña o'ch sotosen,

⁴ ahuañmo'cha allempo apate't Juanañ Yomporecop ñeñtpa' ¿eshesha'tña llesense' ñato' Yompor amapa' acheñañe' apue'ña llesens? Nemnen o'ch sotosen ñeñt̄ atet soctape'chen sa.

⁵ Ñetñapa' e'ñe a'nahua otanna'tyeset:

—Ta'm errotcha'ca'ye yochte'. Ñerra'm cha yoch Yomproshotca'ye apetña llesens, ñañapa' chate'ca'ye otey: “Ñehua, sañapa' eso'mare'tña ama se'mñocheña ahuaña allempo serrpare'tatosan acheñenesha'.”

⁶ Elloña ñerra'm cha yoch acheñesho'a apet llesenspa' acheñenesha'ñapa' chate' e'moñe'tyet. Pue'moñe'teño'fetaypa' chate' rrollapechyet tarro'mar ñetpa' e'ñe cohuen eñchete't Juanañ, chocma otyenet ñapa' ñeñtca'yeña a'mtose' Yompor po'ñoñ.

⁷ Ñeñto'marña ñetpa' atet ochet Jesús:

—Ta'm yapa' amaca'yeña yeñoteñe; errof̄te' huapaña Juan, errof̄te' apetña ñaña llesens.

⁸ Allempoña Jesúsapa' atet oterraneterr:

—Napa'cho'ña te'pa' amach notaso saña allot aparetenña ñaña llesens attot atet nepa'yena.

Atet atma'ntatarettena ñeñt̄ ataruasañe'chno ñeñt̄ ama cohuenayaye (Mt. 21.33-44; Mr. 12.1-11)

⁹ Allempoña Jesúsapa' alla serrpare'taterranerr acheñenesha' toma'nteñtso, Ñeñtpa' atet otanet:

—Eñall puesheñarr acheñ ñeñt̄ña nare'tanatnomue' shonte' uvach, pa'muernapa' e'ñe ora uvachmatatue. E'ñe allponmatatsapa' o' na'nman po'potantañ ñeñt̄cha' taruasatats uvachmo ñeñt̄cha' coyerrahuet allpon ñerra'm esempoch toteñet. Allempoña ñapa' ahuo' bachayo po'poñ anetso alla atomat.

¹⁰ Chap allempo yen uvachllonpa' ñañapa' mueñerran po'psheñeñ pa'taruasañer o'ch enamuerra' uvachllon' po'psheñeñ pa'taruasañesho ñeñt̄ cohuanpene' uvachma'. Allempoña chen allpa' enamhuenan ñeñt̄ allpon o'patena pamo'mtayet arepa'tcha'ña es apapuenayeyña uvachllon', elloña ñeñtapa' cha nalle'tapueñet, o' alla mueño'teret e'ñe atta.

¹¹ Allempoña ñeñt̄ pamo'mte' pen uvachma'pa' o' alla mueñerranerr po'psheñeñ pa'taruasañer. Allempo chenerr allpa' ñapa'cho'ña cha es otnare'tapetpa' o'cho' nalle'tapet o' matateret e'ñe atta.

¹² Allempo poma'pocheño o' alla mueñerranerr po'psheñeñ pa'taruasañer. Ñeñtpa'cho'ña allempo chenerr ñaña allpa' ñañapa' cha atarr atserrpate'tapetpa' o'cho' alla matateret.

¹³ Allempoña ñeñt̄ pamo'mte' penetpa' atet ot: “Te'pa' errotuachñaca'yeña nepe'te'. Te'pa' o'ch nemñe ñeñt̄ e'ñe na nechemer ñeñt̄ atarr nemorrentena. Ñato'rraña ñeñt̄pa' mecha'na'tapetcha'.”

¹⁴ Arepa'tcha'ña ama't mameshapa' mecha'na'tapeto. Allempo entapoñet puechemerpa' atet otanna'tyeset: “Añmapa' ñeñtca'yeña puechemer ñeñt̄cha' o'paterraya pompore puenareñ esempo. Ñapa'cho'ña te'pa'

o'chca'ye yemtsap̄ allochñapa' yachca'yeña e'ñe o'paterrayaña pompor puenarem̄."

¹⁵ Allempoñapa' o' rromapet o' chetare'tnomet narmetsmo a'yot̄, allña muetsapoñetña ñama puechemer. Arrpa' allohua atet toma'ntata Jesús e'ñe ñañeña.

Jesúsñapa' atet oterranerr acheñenesha':

—Ñehua, te'pa' o'ch notas, ñeñt̄ pamo'mte' pen ataruasañechnopa' atetcha' pohuerranet.

¹⁶ Ñerra'm esempoch huerranet, pamo'mtayetpa' a'cllatuerranetcha', narmetsma'ña o'ch apuerran po'potantañ.

Acheñenesha'ñapa' allempo e'mueñet Jesús atet oten, ñetñapa' atet ochet:

—¡Ñeñtpa' arepa'chña atteye' patsterro, Neyompor-re!

¹⁷ Jesúsña atta cohuanetpa' atet otanet:

—Ñerra'm ama atet pueperra'chepa' eso'mare'tña otenña Yompor po'ñoñ ñeñt̄ anuaret ahuatoteñ, ñeñtpa' e'ñechca'ye po'ñoñ atet perra. Tarro'mar ñeñtpa' atet oten nocop, all atma'ntatareten mapue'. Ñeñtpa' e'ñe atet anuaret Yompor po'ñoñ ahuatoteñ:

Añ mapue' ñeñt̄ ama pocteye' entyeno ñeñt̄ tomatyene' pocoll, ñeñt̄ña te'pa' o' anaretterra ñeñt̄cha' ello atarr cohuen sherberrets e'ñe atet ñerra'm quellpach allo e'ñe cohuen echarr orratenet pocoll.

¹⁸ Elloñapa' atet otanet:

—Allohuen ñeñt̄ epoto'tetsa añ mapyopa' atarrcha' atserrpenanet, ñama añ mapue'pa' ñerra'm eseshesho mata'nomp̄a' e'ñech a'tpetse'tuosanet.

Atto a'pto'chet Jesús, pocte'te' o'ch tsa'tet impuesto
(Mt. 21.45-46; 22.15-22; Mr. 12.12-17)

¹⁹ Añña ñeñt̄ atarr etsotayenayeñ ñoñets ñeñt̄ atet anaret ñama ñeñt̄ pa'mcha'tareternesha' pen allohuen judionesha' po'cornaneshar, ñetña allempopa' o' eñochet ñetca'ye atma'ntatarettenet, ñeñtpa' ñocpuetca'ye atet eñoreñaña Jesús. Allempoña ñetpa' atarr mueneñetañ o'ch rremuet Jesús e'ñe allorocma tarraña ama eseshaye' rromaye tarro'mar ñetpa' mecha'teñet acheñenesha'. Ñehua, acheñenesha' e'ñeca'ye cohuen enteñet Jesús.

²⁰ Tarraña ñetpa' añ atarr e'nenet attoch ama't parrochapa' o'ch eñorachet ñeñt̄ ama pocteyaye ama't ñama gobiernocop, allochñapa' attoch rremuet o'ch pomueñeta' añcha'taretesho ñeñt̄ nen gobierno' Romot ñeñt̄ añcha'tarettetsa allo'marecop. Atteña ñetñapa' e'ñe a'nahua mueñet allponsheña acheñ Jesúsesho ñeñt̄ ottetsañ ñerra'mrrate' atarr cohuen acheñ, tarraña ñetpa' añeepa amñareñtet attoch e'ñe puehquẽño'po'ñoñotetpa' o'ch eñorachet ñeñt̄ ama cohuanaye.

²¹ Allempoña chapuet ñeshopa' atet otoset:

—Maestrocha' yapa' yeñoteneñ ñeñt̄ atet peñen ñama atto peychatyen Yompor poctañña ñeñtpa' e'ñe cohuenacma. Papa' allohuen acheñ e'ñe cohuen pentueñ; ama añña ñapueñ pemorrenteno ñeñt̄ atarr añcha'na'tpo' entyen allohuen acheñenesha'.

²² Ñeñto'marña te'pa' yemneñ o'ch peñotatapuey erra'tsente'ña e'ñe po'ñoñ cohuentetsa. ¿Pocte'te' o'ch yetsa'ta impuestos añecop ñeñt̄ añcha'tarettetsa Romo, ñeñt̄ ama judioneshayaye? Ñato' amate' pocteyaye yocop ñeñt̄ey judioneshay o'ch yetsa'ta añcha'taret romo'marnesha' ñeñt̄ ama judioneshayaye.

23 Jesúsñapa' eñotanet ñeñt atet shecare'teñetañ, ñañapa' atet otanet:

24 —Ñehua, segaten puetallarr quelle.

Gatuetpa' atet otanet:

—Ñehua, sapa' o'ch soten, ¿essha't sentenña ñeñt atma'ntatarettetsa all?
¿Esha't pa'so'cheñ ñeñt aquellcarettetsaña all?

Ñetñapa' atet ochet:

—Añcha'taretca'ye atma'ntatarettetsaña all ñaña ñoca'yeña pa'so'cheñ ñeñt aquellcarettetsa all.

25 Jesúsñapa' alla oterraneterr:

—Ñeñtepnapa' añ poctetsa o'ch yaþ añcha'taret ñeñt ño ñeñt atet poctetsa gobiernocop; tarraña ellonet ñeñt Yomporo o'ch yaþ ñaña ñeñt atet poctetsa ñocop.

26 Attoña ama't puehquëñofet atet otyenetpa' ama errotenot eñoracheto ñeñt ama pocteyaye ama't ñaña gobiernocop tarro'mar allohuen acheñenesha' ñeñt allo'tsa'yen e'ñe cohuen enteñet atet anapuenanet Jesús. Ñeñtña ashcañnesha'pa' atta cohuanrrorteñet tarro'mar atarr cohuen anapuenanet Jesús. Ñeñto'marña ñetpa' ama errotenaye' otenaye' entereterro.

Atto a'pto'chet Jesús, ñerra'm po'ñochte' atanterrapo' rromot, ta'm, allem-popa' errotench'a'ña yeperra
(Mt. 22.23-33; Mr. 12.18-27)

27 Allemponapa' hua'cha'toña ñaña patantarr ñeñt saduceoneshatets. Ñehua, ñeñt saduceoneshatets ñetñapa' ellonet echenet poctapña ñeñto'mar atet otenet amate' errotenot yetanterroña rromot ama't erponaña.

28 Ñetñapa' atet otoset Jesús:

—Maestrocha' ahuat Moiséspa' atet quellconay ñoñets ñeñt poctetsa ñeñtcha' atet yepa. Ñeñtpa' atet otenña Moisés po'ñoñ: Ñerra'm esempo rroma yacma o'ch sa'nman puetapor tarraña ama chemere'tnomopa' añ poctetsa pa'mo'nasheñcha' alla yorerre'ña po'norrar allochñapa' attoch eñalletteraña ñeñtcha' puechemer perr pa'mo'nasheñeñ. Ñeñtpa' atetca'ye quellca'nmonayña Moisés ahuat.

29 Ñehua, te'pa' eñall cancherrsheña ñeñt e'ñe poctacma pa'mo'nasheñecmuet. Ñeñt puesheñarr popo'naretpa' o' yoran coyanesha' ñeñt puetapor pa'. E'ñe allponmatatsapa' o' rromaña, yacma ama chemere'tnomo.

30 Allemponña ñeñt po'rro'cho'merpa' o' yorerran pa'mo'nasheñeñ puetapor. E'ñe allponmatatsapa' ñapa'cho'ña o' rromuerrerr ñaña, ñeñtpa'cho'ña ama chemere'tnomo.

31 Allemponña po'psheñeñ pa'mo'nasheñpa' o' alla yorerranerr ñaña po'norrar. E'ñe allponmatertsapa' ñapa'cho'ña o' rromuerrerr ñaña, ñeñtpa'cho'ña ama chemere'tnerrerro o' atta rromuerrerr. E'ñe attecma pohuet cancherrsheño'maretpa' e'ñe pueyuarochet ñeñtara puesheñarr coyanesha'. E'ñe allohuenetpa' e'ñe attecma pet colla'huet ama't puesheñarrofetapa' ama chemere'tnomueto.

32 Allemponña o' rromaña ñaña coyanesha'.

33 Te'ña ñerra'm po'ñochte' yetantena yerromñotpa' añña coyanesha' allempopa' ¿essha'tcha'ña puetapor perre' tarro'mar allohuenet cancherrsheño'maretpa' e'ñe pueyuarochet?

34 Allempoña Jesús otanet:

—Ñehua, atet yechen acheñenesha' arr patsro, chocmach sena'tenet, coy-
anesha'pa'cho'ña apueñet ñeñ'cha' puerrollar pa'.

35 Tarraña esempohuañen allempoch tanterret po'pocheño allohuen
ñeñ'cha' e'ñe pocte' entuerr Yompör allochñapa' attoch o'ch alla correrret
po'pocheño, ñetña allempopa' ama't puesheñarrofeta amach sena'terreto,
ama't coyanesha'pa'cho' amach eseshaye' apuerraye ñeñ'cha' yorerrahuet.

36 Tarro'mar allempopa' amach arromñat'erreto ama't ahuata attoch
e'ñech atet perret ñerra'm mellañofeñanesha'. Yompörñapa' o'ch e'ñe
puechemer perranet e'ñe poctacma tarro'mar allempopa' o' tanterret rro-
motpa' o'huañcha' arromñat'erret ama't errponaña.

37 Elloña ama't Moisés atet eñotatane't acheñenesha' po'ño'ch ñeñ
colla'huatsa allempo, ñetñapa' corretseta. Ñehua, all aquellcare't tsachmo'r
ñeñ e'ñe ño'fa huortets. Allotñaca'yeña Yompörpa' eñorana'tanaña Moisés;
ñeñ'pa' atetca' otña Yompör allempo: "Napa' ñeñten Po'yompörer pen
Abraham ñaña Isaac, ñaña Jacob."

38 Jesúsñapa' alla otarraneterr:

—Ñehua, yapa' yeñoteñ Yompörpa' ama a'ñeye' Po'yompörer penaye ñeñ
rromuets e'ñe poctacma ñapa' a'ñca'yeña Po'yompörer pene' acheñ ñeñ
corretsach. Yompörñapa' e'ñe entenanet allohuenepa' e'ñe corretseta.

39 Añña puesheña'tets ñeñ atarr etsotene' ñoñets ñeñ atet anaret, ñetñapa'
atet ochet:

—E'ñe Maestrocha' e'ñe po'ño'ch atet pöten.

40 Ñeñ'o'mar allempoteñpa' ama't puesheñarrofeta' ama eseshaye'
a'p'to'tenaye' enterraye.

*Atto Cristo ñeñ Po'partseshar pe't David, elloñapa' o' alla po'm'reneñ per
(Mt. 22.41-46; Mr. 12.35-37)*

41 Allempoña Jesús'pa' atet otan ñeñ atarr etsotayenayeñ ñoñets ñeñ atet
anaret:

—Eso'mare'tña otyenet ñeñ'cha' Cristotosets ñapa' aña po'm'reneñ pene'
David tarro'mar ñeñ'cha' Cristoterrets ama aña po'm'reneñ peñe David
tarro'mar ñapa' Po'partseshare'ñaña pe't David.

42 Tarro'mar ama't Davidpa' allempo quellqu'e't all libro Salmo allempopa'
atetca'ye eñose'tña añecop ñeñ'cha' Cristoterrets:

Yompör Paretpa' atet otennan ñeñ Nepartseshar nepen na (ñeñ'tara
ñeñ'cha' Cristoterrets): "Te'pa' o'ch panorruerr arr necohuenrot
allcha' pecohuentapreterrna.

43 Attochña ama't ñeñ pe'moñe'tene' napa' o'ch name'ñatuerranet allochñapa'
o'ch atet perret ñeñ pemnen pa'."

44 Ñeñ'pa' atetca'ye ome'tña David ñeñ'cha' Cristoterretspa' ñeñ'ca'yeña
Po'partseshar pe'tña ama't allempoteñ. Ñehua, ama't seño'teñeña Cristo ñeñ
Po'partseshar pe't David ñeñ'ña te'pa' o' alla po'm'reneñ per ñaña.

*Atto Jesús'pa' a'metare'tenan ñeñ etsotayenayeñ ñoñets ñeñ atet anaret, ñeñ
atet yechenet ñetpa' ñeñ'pa' ama cohuenaye' entapretenaneto Yompör
(Mt. 12.1-36; Mr. 12.38-40; Lc. 11.37-54)*

45 Elloña shonte' acheñenesha' ñeñ e'm'ño'tene' allempo atet otenan Jesús
pueyochresha':

46 —Amach semeñe'tapretatsche ommoñatenesha' postapña ñeñfaretá ñeñfet atarr etsotayenayeñ ñoñets ñeñt atet anaret. Tarro'mar ñetpa' añe'naña atarr cohuen entenet o'ch chorrenet atarrom shetamuets o'ch atta yorma'tatse'tenet pa'shtam. Ñaña pommo'cheñoftetpa' atarrcha' mueneñet o'ch e'ñe puencha'na'teñoft e'ñech cohuen huomcha'tenanet acheñenesha' all chopeñe'chyenet. Ñaña ñetpa' añe'nach atarr muenenet o'ch anorrcha'tyenet judionesha' po'prahuo allecma anorryen ñeñt atarr amcha'na'tpo' entyen allohuen acheñenesha' ñaña e'ñe attecma penet ñaña all rrallme'chapretenet.

47 Tarraña ñetñapa' rretorranesha'naña puerratanpesyenetña pa'paquell. Elloña e'ñe pommo'cheñoftetpa' aña atarr muenenet o'ch atet penet ñerra'mrrate' ñetpa' atarro' cohuen acheñret ñeñto'marña arrcha' ma'yochenet all shontena acheñenesha', amach tematenayaya ma'yocheneto. Ñeñto'marña te' napa' o'ch notas, ñeñt atet petsa pommo'cheñofta' elloña atarrcha' a'coñcha'taretterret.

21

Atto rretorranesha' ñeñt atarr huocchañetets ñapa'cho'ña nosan quelle ñeñt Yomporecop
(Mr. 12.41-44)

1 Allempo allo'tsen Jesús Parets pa'paclo, ñañaapa' arrenet cohuen allecma nenet quelle Partsocop. Allñaapa' entenan eçllayoretensesha' ñeñt na'yene' shonte'po'çllayor Partsocop.

2 Jesúsña allpa' atta cohuenanet, huapa ñaña puesheñarr rretorranesha' ñeñt atarr huocchañetets. Ñapa'cho'ña nosan eptallatoll quellayetoll ñeñt cobretall.

3 Jesúsñaapa' atet ot:

—Te'pa' o'ch notas, añ rretorranesha' ama't atarr huocchañ ñapa' po'ñoçhca'ye atarr aton nosan quelle, ello metana'tuosan allohuen po'potantañeçhno allpon quelle ñeñt na'yenet ñet.

4 Tarro'mar allohuenet ñeñt na'yenet quelle, añaca'ye na'yenet ñeñt a'pchatyenet, ñañaapa' ama't atarr huocchañpa' e'ñe pomhuahuospan allohuen ñeñt echyen ñeñt muenatenaneñ allo'ch yoran attoch correna arr patsro.

Atto Jesúsapa' eñotatanet e'ñech a'mata'taretetuerra Partsopo'
(Mt. 24.1-2; Mr. 13.1-2)

5 Allempoña puesheña'ttets ñetñapa' aña atarr serrpare'tyenet atto Parets pa'paquellpa' atarr a'cohuentateñ. Mapyet ñeñt allo orratenet Partoso' ñeñtpa' atarr coçhnesare' a'pa'yese'ret. Shonte' coçhnesare' ñaña allo'tsa'yen ñeñt pomyen acheñenesha' all Partsocop. Jesúsñaapa' atet otanet:

6 —Ora ñeñt allpon e'ñe coçhnesare' sentyen te' çherrcha' allempoch e'ñe a'mata'taretetuerra. Ama't puenñarra mapyetpa' amach a'puerroña all allo orratenet Partoso'.

Atto Jesúsapa' eñotatanet shonte'ch entyerret pa'namen ñeñtcha' eñotaterrahuet o' çherrmoch allempoch mellapoterra
(Mt. 24.3-28; Mr. 13.3-23)

7 Pueyochresha'ñapa' a'p'to'chet:

—Maestro, ñeñt'pa' ¿esempo'tcha'ña atet perra? Ñaña allempopa' ¿eso'tcha'ña yentyerr ñeñt'cha' yeñotaterre' po'ño'chpa' o'ch çherrmoch allempoch e'ñe etsotuerra ñeñt' atet poteney te'?

⁸ Jesúsñapa' otanet:

—E'ñech señoterra, allochñapa' amach esesha' seshquërraye. Tarro'mar shonte'ch orrtertsa ñeñt'cha' ay'cha'nataterre' neso'cheñ, ñeñt'cha' otyerrets: “Napa' ñeñtenca'yeña Cristotets; te'pa' o'ca'ye çherr allempoch norterra na ñeñfen Cristotets.” Tarraña sañapa' ñato'tña se'mñnotenaneta'.

⁹ Ñaña allempopa' o'ch se'mare'tyerr o' quellareñtsotyerr allemeñ anetso'mar ñaña o'ch se'mare'tyerr o' orrterra ñaña atparñats erraparen, saña allempopa' amach cha seyorenatsto ama't e'ñe mamesha. Ñeñt'pa' atet'cha'ca'ye e'ñe po'ño'ch perra. Tarraña allempopa' amach çhena' allempoch e'ñe mellapoterra.

¹⁰ Jesúsñapa' alla otterraneterr:

—Pa'namen acheñ ñeñt' e'ñe po'poñe'ttsocma mereñtsoret ñetpa' quellaranna'terretcha'. Ñaña pa'namen anetsot añcha'tareteçhnopa' quellaraterrancha' pueyochreneshathno.

¹¹ Pella'yerrach pats huomenc ora erraparen, ñaña orrterrach allemeñ muecheñets o'ch e'ñe chaporrñatsotyerr erraparen. Orrterrach ñaña pa'namen atsnañtso'çhno ñeñt' atarr apatanna'tpo'. Allempopa' atarrcha' añcha'noçhterra entot. Orrterrach ento ñeñt' ama't ahuatapa' ama puentareto ñeñt'cha'ña eñotaterahuet o' e'ñe çherrmoch allempoch mellapoterra.

¹² Ñehua, allempoch ama orrtena' atetpa' saña allempopa' rremanaterrsetcha' attoch mueroçhtaterrset, sanmaretterrach judionesha' po'prahuo allcha'ña e'ñe otteñe'cherrset, attochña abe'terrset cárcelo allcha' coñchaterrset. E'ñe same'ñeñofen na sapa' sanmaretterrach añcha'taretñeshesho'mar ñaña allo'tsa'yen ñeñt' nanac añcha'taretñesha'.

¹³ Tarraña allempopa' atarrcha' cohuen attoch sa'metosnanña neñoñ.

¹⁴ Ñeñto'marña allempo sanmaretetyesa allcha' otteñe'cherrset ama't mameshapa' amach sellca'psatsto, amach sotapsa'tatsto, errotuachca'ye notoste' añcha'taretesho allempoch a'pto'tare'tapuen.

¹⁵ Tarro'mar allempopa' nachca'yeña se'ñoratose'ña all attoch e'ñe cohuen señotyeseña atet'cha' sanapyesosanet. Allochñapa' ñeñt' se'moñe'tene'pa' amach errotenaye' otenaye' entenseto. Ñaña amach errotenot otaseto ñeñt' atet soten sapa' ñeñt'pa' amaca' po'ño'chaye' atet soteno.

¹⁶ Elloña allempoch atet perrsetpa' ñeñt' e'ñe sompor sepen ñaña sachor ñato' ñeñt'achca'ye sepomuerre' tarro'mar ñapa' amaca'ye ame'ñenno, amapa' ñato' semo'nasheñ, amapa' ñato' po'potañ samo'tsesha', amapa' ñato' ñeñt' e'ñe parro seyemtena ñeñt'achca'ye sepomuerre' tarro'mar ñetpa' ama parrocmaye' attecma soctape'cheno. Ñaña patanta'ttsospa' muetsatyerrsetcha'.

¹⁷ Shonte'ch acheñenesha' ñeñt'cha' se'moñe'terre' tarro'mar sapa' naca'ye e'ñe same'ñena.

¹⁸ Napa' atarrcha' necuam'penes attoch amach errotenot sechenquërro ama't e'ñe ahuata. Attoña ama't e'ñe pue'parra sechpa' ñeñt'pa'çho'ña amach na'çhencaterrnaso.

19 Tarraña ama'tcha' atarr muerochtaterrset chocmachña e'ñe seyemteñofen napa' e'ñech sa'huanta'huanomña allohuen muerochteñets. Attochña sapa' corretsasach e'ñe po'ño'ch.

20 'Ñerra'm esempoch senterr añ anetser Jerusaléñpa' o'ch e'ñe rrochtampera solltarnesha' allempoña sapa' señoche'pa'ch o' cherrmoch atoch e'ñe a'mata'taretueterra ñeñt anetser Jerusaléñ.

21 Allempoña ñeñt allpon Judeo'tsa'yenpa' ñetñapa' allorocmuepa'ch yetra'tuerret ahuanerretepa'ña aspentareronet. Ñaña ñeñt allpon anetso'tsa'yen Jerusaléño, ñetpa'cho'ña ahuanemyesetepa'ch ñamet allot. Ñaña ñeñt allpon allampaño'tsa'yen all arepa'chña tatsterretoña all Jerusaléño.

22 Tarro'mar allempopa' Yomporcha'ña tsa'taterrayaña allohuen israelena'tarnesha', tarro'mar allempopa' o'ch e'ñe etsoterra ora allpon ñeñt atet anuarettatse't atetcha' perra allempo.

23 Allempopa' atarrcha' llequëñets añecop ñeñt a'chomenare' coyanesha' ñaña ñeñt allohuen emaretetolleshachno. (Tarro'mar ñocpuetpa' atarr torrapo' atoch yetra'tet ñamet.) Tarro'mar allempopa' o'ch orrterra ñeñtcha' atarr muerochtaterrahuet arr patsro. Atarrcha' a'coñchatare'terra allohuen acheñenesha' allempo.

24 Ñaña allempo shonte' acheñpa' e'ñech muetsanatuerranet ñeñtcha' quellarrahuet. Po'potantaññapa' rremanatuerranetcha' ñeñt quellarenahuet o'ch anmare'tterret po'poñ anetso bathayo all ye'cha'yena pa'namen acheñ. Acheñenesha' ñeñt ama judioneshayayepa' ñeñtcha'ña e'ñe a'mtsoññetuerre'ña jerusaléño'marnesha', atoch e'ñe atmama'tueretña ñeñt anetser Jerusaléñ. Atetcha'ca'ye perra ñeñt allponmat onañchare'ñeñt ama judioneshayaye o'ch añcha'no'chterret all Jerusaléño.

*Atetcha' perra allempoch huerra Cristo Ñeñt Acheñetosets
(Mt. 24.29-35, 42-44; Mr. 13.24-37)*

25 'Allempopa' orrterrach ento ñeñt ama't ahuatapa' ama sentare ñeñtcha'ña seño'taterra', ñeñt'pa' e'ñech atsnesho, orrterra ñaña arrorresho ñaña ranto'chnesho. Ñaña arr patsro ora allpon pa'namen acheñenesha' pueyorñofetpa' atarrcha' nanac lleca'rrterret. Añcha' atarr yore'tame'terrahuet atfo ñeñt añecmuen sa'ppa' o'ch emo'yarterra, atarrcha' huomenc ma'moretterr allempo.

26 Acheñenesha' e'ñe pon'chano'fetpa' chach muene' otanatyerret tarro'mar allempopa' o'ch eñoterret atarrcha' muerochterret allohuenet arr patsro. Ñaña ñeñt huomenc orra'yetsa ento te', allempoña ama't ñeñt'pa' pella'yerrach.

27 Allempoñapa' entapuerrnetcha' na Ñeñten Acheñetosets o'ch nesuan'perra oso e'ñe nepartsoteñohuen e'ñe necohuentenesha'.

28 'Ñerra'm esempoch senterr o' motetnerra orretyetsa ñeñt allpon o' no'tuas, allempoña sapa' e'ñech socsheñesha' secuanrrorterr enonet tarro'mar allempo o'ch cherrmoch allempoch sa'queshpataretterra e'ñe poctacma.

29 Allempoña Jesúspa' alla serrpare'taterraneterr toma'nteñtso, ñeñt'pa' atet otterraneterr:

—Señotené' atet pena tsach, higo'ch.

30 O'ch senteñ allempo tapna'tyen pasopanerpa' sañapa' ñeñtñaña seño'tatene'ña o' chenmoch allempoch huorateterrerr.

31 Attecmach perra ñerra'm esempoch sentyerr ñaña allpon ñeñt' o' notuas sapa' ñeñcha'ña señotaterre' po'ñoçh o'ca'ye çherrmoch allempoch e'ñe etso terra allempoch amcha'tareterra Yompor.

32 'Napa' po'ñoçh o'ch notas, acheñenesha' ñeñt' corretsa te' ñetpa' amach e'ñe rromhueneta'pa' allempocmach e'ñech etsoterra allohuen añeçhno.

33 Esempona' añ enet ñeñt' sentenpa' e'ñech chenca'huerra; patspa'çho'ña attecmach perra e'ñech chenca'huerra. Tarraña ñaña neñoñpa' amach chenquërro ama't e'ñe errponaña.

34 'Tarraña te'pa' o'ch notas, sapa' çhocmachña e'ñe seño tnoma attoch sapa' amach aña soçtape'chatsto ñeñt' sosya'tsañeçhno, posa'tare'teñets, ñaña atto e'ñe cohuen soçrena añ patsro. Tarro'mar ñerra'm ñeñta e'ñe soçtape'chenpa' machayotach huaponasa añ yeter

35 atet' ñerra'mrrate' tamell e'ñech machayota rreman ñeñtecop amencare't. Ñeñte yetarocmach çherrana ora allohuen ñeñt' yeçha'yetsa aña patsro erraparen.

36 Añcha'ña sapa' çhocmachña seño se'rtena ñaña añcha'ña senamuen Yompor attoch sa huanta' huanom allohuen ñeñt'cha' sehuapoya pa'namen mueroçhteñtsoçhno allochñapa' sañapa' e'ñech señmañesha' sa tomhuerr nesho na Ñeñfen Acheñetosets.

37 Chocma atet pe't Jesús, ellapene'tcha' yeçhatats Parets pa'paclo, elleronetñapa' o'ch ahuer Olivopno ñapa' allca'ye e'ñe a'pue't.

38 Tsapat puetaren ahua'atcmach huapa'muene't ñaña shonte' acheñenesha' ñeñt' e'ñnotyesaye't all serrpare'tatanete't Yompor po'ñoñ all Parets pa'paclo.

22

*Atto atarr o'pateñet Jesús o'ch muetsatateret
(Mt. 26.1-5, 14-16; Mr. 14.1-2, 10-11; Jn. 11.45-53)*

1 Allempoña çhappmoch allempoch çherrerr pascuapo, allempoch rrerranerr judionesha' pan ñeñt' ama anaretayaye chase'.

2 Tarraña allohuen ñeñt' pa'mcha'tareternesha' pen allohuen judionesha' po'cornaneshar ñaña allohuen ñeñt' atarr etsotayenayeñ ñoñets ñeñt' atet anaretet ñocpuet, ñetñapa' Jesús a atarr o'patenet o'ch muetsatatchet tarraña ñetpa' aña mecha'na'tenet acheñenesha'.

3 Allempoña oneñe'tpa' chorrenana Judas ñeñtara ñeñt' soçhetsa Iscarote. Ñehua, añ ñeñt' Judaspa' Jesús pueyochresha' ñeñt' parro yemtena po'potantañ ñeñt' llesensen Jesús ñeñt' allohuenet çharrasheñet puechenet epsheña.

4 Ñeñña Judaspa' ahuo' allo'tsa'yen ñeñt' pa'mcha'tareternesha' pen allohuen judionesha' po'cornaneshar ñaña allo'tsa'yen judionesha' po'guardiarnesha' ñeñt' cohuañpene' Parets pa'paquell. Allempo çhap allpa' Judasñapa' serrpare'tos epuet ñeñt' amcha'taretnesha'. Attoña eñotatosanet ñapa' mueneña'ye o'ch poman Jesús attoch rromuet. Allempo ñetñapa' otanna'tyeset:

—Te'pa' errotuachñaca'ye yepe'te' attoch yerrmue'.

5 Allempoña ñeñt' atarr amcha'taretnesha'pa' atarr coshenet, ñetñapa' a'pochtachet çhocca'ye tsa'chetña Judas allpon quelle.

6 Ñapa' e'ñe pocte' eñch. Allempoña ñapa' aña atarr e'nen errotenotcha' pomanña Jesús e'ñe a'nahua attoch amach eñche allohuen acheñenesha'.

Atto Jesúsapa' rrallme' chatnenan pueyochresha' attoch chocmachyerpueret ñeñi yoten te' Santa Cena

(Mt. 26.17-29; Mr. 14.12-25; Jn. 13.21-30; 1Co. 11.23-26)

7 Allempoña chapa'muen ñeñi yetñatsro allempoch rrrerter pan ñeñi ama anareteyaye chase' allempoch muetsrerter ñaña carrnero; ñeñipa' pascuapo.

8 Chapa'muen ñeñi yeterpa' Jesúsñapa' atet ota'muenan pueyochresha' epsheña Pedro ñaña Juan:

—Sa te'pa' o'ch ahues allcha' sa'potos rreñets ñeñicha' yerra' pascuapo.

9 Ñetñapa' atet ochet:

—¿Erra'tña pocollo pemneña allcha' ya'pota'ña rreñets?

10 Ñaña'pa' atet otteraneterr:

—Te'pa' o'ch ahua'muenes anetso allcha' sepocete' pueheñarr yacma ñeñi anmamene' oñ porrito. Ñeñña acheñerpa' o'ch soca'ner; allcha' be'tosuerr pocolopa' allcha'ña sebe'tosos saña.

11 Allñapa' atetcha' sotos ñeñi apacllatesha': "Yemaestropa' atet oteney atetcha' yotosep: '¿Erro'tsena'tña pecuarto allcha' nerrallme'chos pascuapo epan neyochresha'?" "

12 Ñeñi apacllatesha'pa' gatapascha' eno po'cuarto ñeñi atarr a'yohuen e'ne cohuen aparet. Allcha'ña sañño'tosña ñeñicha' yerra' pascuapo.

13 Allempo atet otuanet Jesúsapa' pueyochresha'ñapa' atetcho' pet, cha ahuanmatset. E'ne atet otapanet, ñetñapa' e'ñe'cho' atet entoset. Allcha' añño'tosñañetña rreñets allcha' rrallme'chenet ñeñte pascuapo.

14 O'ña chap allempoch rrallme'chet. Jesúsñapa' allña anorros epuet allohuen pueyochresha'.

15 Allñapa' atet otosan pueyochresha':

—Napa' atarr cohuen nenteñ o'ch yerrallme'chen parro añ pascuapo tayepa'tñapa' ama chena' allempoch muetsataterret.

16 Tarro'mar napa' o'ch notas, napa' po'pocheño amach alla nerrallme'cherre'te pascuapo. Esemphuañencha' etsoterra ñeñi po'ño'ch toma'tnenaya pascuapo e'ñech allempocma añcha'taretetuerra Yompor. Allempoñapa' e'ñech parrocm a o'ch alla yocsherrerr.

17 Jesúsña allempopa' chetan orramets, parasyoso'tan pompor, allempoñapa' atet otanet:

—Añ orrpapo'pa' o'ch sagappa' o'ch sepatanna'ta sa allohuenes.

18 Te'pa' o'ch notas, tayoteñ napa' amach alla norrerre'te añ orrpapo' ñeñi narmetsos tarremphuach allempoch ello norrererr esempohuañencha' añcha'taretetuerra Yompor.

19 Allempoñapa' cheterranerr ñaña pan, parasyoso'terranerr pompor. Chetan panpa' shota'ch. Shotatuepa' apa'yesan pueyochresha' ñeñipa' atet otanet:

—Añpa' ñeñicha' nechets sepen ñeñicha' e'ne nepom attoch e'ne nerroma socop. Ñerra'm esempoch serren añ pan e'ñech seyerpueñofen na o'ch serreñ.

20 Allempoña rrohuert o' chetan ñaña orramets, ñeñipa'cho'ña atet oteraneterr Jesús:

—Añpa'cho'ña ñeñicha' nerras sepen ñeñicha' ashatarettatsa socop. Ñeñipa' alloch na'pocatonas e'ne cohuen etserra Nompresho.

21 Te'pa' o'ch seño'ch ñaña ñeñicha' nepomuerre'pa' e'ñeca'ye parro yer-rallme'chen.

22 Po'ño'chca'ye te'pa' allo'na sen etsotnomtsa ñeñf atet onañcharef nocop, na Ñeñfen Acheñetosets, attotcha' muetsaterrnet. Tarraña nocoppa' e'ñe pocte'; añña po'ño'ch acheñer ñeñfcha' nepomuerre' ñocoppa' atarr llequëñets.

23 Allempoña atet otua Jesús, pueyochresha' ñapa' allenta otanna'tyeset e'ñe ñañeñeta:

—Ta'm, eseshaycha'ca'ye pomuerre'ña Ya'yochreshafer.

Atto pommo'cheñoftpa' otanna'tyenet erra'tsenoteyte'ña ñeñfey atarr asherben enten allohuen acheñenesha'

24 Allempoña pueyochresha' e'ñe pommo'cheñoftpa' atet otanna'tyenet e'ñe ñagattseta:

—Erra'tsenoteyte'ña ñeñfey atarr asherben enten allohuen acheñenesha' ñato' na, ñato' pa.

25 Allempoña Jesús'pa' atet otanet:

—Sapa' señoñe' ñeñf atet pena po'poñ acheñenesha' ñeñf ama judione-shayaye. Ñet ñeñf pa'mcha'tareter penet e'ñech pa'mcha'nochteñocmañen pomnaren pa'yenan allohuen pueyochresha'chno. Tarraña ama't atet penetañ pommo'cheñoftpa' añach atarr muenen allohuen acheñenesha'pa' e'ñech mecha'na'tuenanet ñaña ñetpa' mueneñet acheñenesha'pa' o'ch entenanet, atarro' sherba'yenanet.

26 Sapa' arepa'chña atteye' sepanna'tatsto e'ñe sommo'cheñoft. Ñerra'm erra'tsenotes ñeñfes atarr añcha'taretoyen entetsa, ñeñfes acheñespa' socoppa' añ poctetsa o'ch atet senterra ñerra'm ama esoshe'mayayso atet ñerra'm ñeñf atarr hupuesha'. Ñaña ñerra'm erra'tsenotes ñeñfes muene' o'ch atarr asherben entenset, ñeñfesña acheñespa' añ poctetsa o'ch atet senterra ñerra'm ama esoyayso, allochñapa' attoch e'ñe cohuen setorrena po'potantañecop.

27 Ñehua, yeñoteñ acheñenesha' arr patsro añca'ye atarr amcha'na'tpo' entenet ñeñf e'ñe cohuen anorrcha'tyets all rrallme'chenet, amaña aye'ña amcha'na'tpoye' enteneto ñeñf puesherbeñoft epatyene' rreñets ñeñf anorrchets ñeñf rrallme'chets. Tarraña napa' o'ch notas: Ñeñfecopca'yeña nohuapaña sesho attoch nema'yochrena torraya ñeñfcha' po'ño'ch atarr sherberrets socop.

28 'Tarraña sañapa' ñeñfes atarr nellcapretenaya ñeñf atarr llequëñets nenten na.

29 Ñeño'marña te'pa' o'ch nena'nerres sa ñeñfescha'ña napuerr attoch sa'mcha'tarettapreterrna e'ñe atet pena Nompot o' na'n namia ñeñfencha' amcha'tarettapreterraya.

30 Allcha' sanorrcha'tyesuerr e'ñe sa seconañño allcha' e'ñe sa'mcha'taretetyesuerra. E'ñe puesheña'ttsos añecopcha'ña sa'mcha'taretetyesuerra ñeñf mereñtsorecop israelena'tar ñeñf çharra' mereñtsor ñeñf puechetsa epsheña. Attoña allpa' o'ch na'mcha'taretterra e'ñe necohuenño e'ñech cohuen yeparrocmatuerr, allñapa' e'ñech yocsheñeshocmañen yerrallme'chuerr e'ñe parro.

Atto Jesús'pa' eñotatan Pedro ñapa' çhocmach a'nasocha
(Mt. 26.31-35; Mr. 14.27-31; Jn. 13.36-38)

31 'Simón, po'ño'ch te'pa' o'ch notap, oneñe'pa' atarrca'ye enamuenen na socop, añ muenen o'ch topatenes o'ch atet patenes ñeñf atet cotape'chen ña ñeñf ama pocteye' enteno Yompor. O'ch atarr huomenc topatenes atet

ñerra'm ñeñt shoshnene' po'trigo e'ñech huomenc pa'shmuenan pueshoshnat.

³² Tarraña Simón o'ch notañ, te'pa' napa' o' nema'yochua p̄ocop attoch amach e'ñe poctacma a'huañam̄p̄sonapeña p̄a atto atarr p̄eyemtenna. Tarraña ama'tcha' huaponapañ topateñets ñeñt atarr huomenc, paña allempopa' o'ch alla p̄octape'cherr cohuen Yomporecop. Allempoñapa' o'ch alla e'ñe cohuen peyenpuer pemo'nasheñesha' attoch ñetpa'cho'ña o'ch alla huomenc perret pueyo'cher Yomporecop.

³³ Pedroñapa' atet och:

—Partseshacha' napa' amach na'ypo'ñape, chocmach noctañ ama't errach anmapet; ñerra'm cárceloch anmapet allcha' muero'chtatapet, napa'cho'ña nemnen allcha' yemuero'chta parro. Ama'tcha' cho muetsapetpa' yerromuepa' parro.

³⁴ Jesúsñapa' atet otererr:

—Pedro, o'ch notañ, e'ñech añe tsaprocma amach eñena' atollop, pañapa' o'ch ma'poch pa'nasotenna. Ñeñtpa' atetcha' p̄oten, napa' año' pentarno.

Atto chapmoch allempoch atarr atserrp̄aretterra Jesús ñeñt atarr topateñets enten

³⁵ Elloña Jesúsapa' yerpaterrana pueyochresha'; ñeñtpa' atet oterraneterr:

—Ñehua, ahuaña allempo nemñas atet notapas amach es sanmatsto ama't coñe'ta, ama't sebolsa, ama't seçllayor ama't ñaña sesapat. Ñehua allempopa' çeñalle'tña ñeñt sepalltena?

Ñetñapa' atet ochet:

—Allempopa' amaca'ye cho es yepallto ama't e'ñe mamesha.

³⁶ Jesúsñapa' alla oterraneterr:

—Tarraña te'pa' o'ch notas po'poñ, ñerra'm eseshaste' ñeñtes echene' seçllayor te'pa' o'chca'ye sanem all sechopeñe'chyen ama't ñaña sebolsa. Ñaña ñerra'm ama secheno socchellpa' pocte'ca'ye o'ch sepom seshtam alloch seyora socchell.

³⁷ Tarro'mar te'pa' o'ch alla noterrser: Te'pa' o'chca'ye e'ñe etsoterra ñeñt atet anuaret Yompor po'ñoñ nocop. Allca'yeña oten napa' errotuauencha' perrnet atet ñerra'mrate' napa' ñeñten amtsañen. Te'pa' ñeñca'ye o' etsotmocha ñeñt e'ñe atet anaret nocop.

³⁸ Allempoña ñetñapa' atet otereterr:

—Partseshacha' yapa' yechenca'yeña epmeta cochell.

Jesúsñapa' atet otanet:

—Ñeñtachca'ye.

Atto Jesúsapa' ma'yochuena all oteñet Getsemani

(Mt. 26.36-46; Mr. 14.32-42)

³⁹ Allempoñapa' o' rrallme'chuanenet ñeñte pascuapo, Jesúsñapa' cha'nerrpa' ahuenerr Olivopno; ñapa' attecma pena chocmach sen all. Pueyochresha' ñapa' cota'huaneñet.

⁴⁰ Allempoña çhenet allpa' Jesúsñapa' atet otuenan pueyochresha':

—Te'pa' arrcha' sema'yochuena attoch e'ñe sa'huaanta' ñeñtcha' sehuapoya te' ñeñtcha' atarr huomenc setpate'.

⁴¹ Allempoña ñapa' ahua' mame' a'yenteye'. Ñaña'apa' all concorpa'huena o' ma'yochuena.

⁴² Puema'yocheno' atet otuen:

—Apa, ñerra'm p̄ach pocte' ente' arepa'chña pemnatatsche o'ch çhapona ñeñt atarr amueroçhtatañ nenten.* Tarraña ñerra'm p̄ach muenats añcha'ña atet pepaton ñeñt pemnen p̄a, amachña añeyaye ñeñt nemnen na.

43 Allempoñapa' huapoña mellañoñeñ Yompor pue'ntañoñ ñeñtña ahua-mencat pose' attoch ahuantan puellquëña.

44 Ñapa' atarr nanac puellquëñesha' ma'yochena; poema'yochenoñpa' atarr nanac ñorra'ten. Po'ñorrañapa' çha huatena atet ñerra'mrrate' errasats tsopsa'tets patso.

45 Allempoña ma'yochuapa' tanterra, ahurr pueyochreshesho. All entuerranet ñetñapa' çha atarr manrrenet ama't e'ñe puellquëñeshet.

46 Ñañaapa' atet otuerranet:

—Sapa' eso'mare'tña çha atarr semanrra'ten. Te'pa' o'ch setanterra'pa' çhoña sema'yochrra'ta attoch sa'huanta' ñeñtçha' sehuapoya topateñets atarr huomenc.

Allempo rromoset Jesús

(Mt. 26.47-56; Mr. 14.43-50; Jn. 18.2-11)

47 All atet otyenan pueyochresha'pa' allempoñapa' huacha'toña shonte' acheñenesha'. Ñeñt huacha'tatahuet ñeñt'pa' ñeñt sochetsa Judas ñeñtara ñeñt pueyochresha' peneñ ñeñt çharrasheña ñeñt a'pchenahuet epsheña. Ñaña'pa' çha ponmosaya Jesús, puetso'tstsapa'teñoñ huom'cha'tos.

48 Jesúsñaapa' atet otañ:

—E'ñe'tcha' petso'tstsapa'teñoñen pepomuerran na Ñeñten Acheñetsets.

49 Añña ñeñt yemtenaya Jesús allempo atet eñchet o'ch rromoset Jesús, ñetñapa' atet ochet:

—Ayochreshate çamafe' pocto o'ch yemoñsaña yocchello?

50 Puesheñarrña pueyochresha' allenta chetan po'cchell ahuo'ch çhonto'tapan cornesha' pa'cheñer puetepa'tcha' tsorroñ po'cohuenröt. Ñeñt'pa' año pa'cheñer ñeñt pa'm'cha'tareter pen allohuen judionesha' po'cornaneshar.

51 Jesúsña allempo entan pueyochresha' atet p̄apa' ñañaapa' otanet:

—Ñeñt'epa'ta, amach atet sepatsto.

Allempoña ñeñt tsorrqueta'tetpa' alla a'p̄llerrñañ puet o' alla orrater o' e'ñe correra.

52 Neñt huacha'toya ñeñt'cha' rremose' Jesús'pa' ñeñt'pa' añca'ye ñeñt pa'm'cha'tareternesha' p̄ayen allohuen judionesha' po'cornaneshar, ñaña ñeñt judionesha' po'guardianeshar ñeñt cohuañpene' Parets pa'paquëll ñaña ñeñt pompornesha' pen allohuen judionesha'. Allempo huacha'toñetpa' Jesúsñaapa' atet otapanet:

—Eso'mare't sehuacha'tennanaña e'ñe ochelletareroches ñaña etsach-peretareroches attoch serrma'n. Napa' ç'e'ñe't atet sentenen ñerra'mrrate' eñeñen?

53 Napa' allponmatuanen allo'tsenen Parets pa'paclo e'ñe parro sesho, eso'mare'tña amaña allempocmaye'ña serrma'ne'te. Tarro'mar te' o' çhap allempo ñeñt poctetsa socop ñeñto'mar te' o' çhap allempoch oneñt'pa' o'ch orratennas po'huamenc, ñeñt'pa' e'ñe atet ñerra'm checmete'.

Atto Pedropa' a'nasotana Jesús

(Mt. 26.57-58, 69-75; Mr. 14.53-54, 66-72; Jn. 18.12-18, 25-27)

* 22:42 Ñeñt amueroçhtatañ ñeñt'pa' po'ñoçh arr atma'ntataret ñerra'mrrate' ñeñt atarr pesherr yorren orramtso.

⁵⁴ Allempoñapa' rremoset Jesúsapa' arr aneret añcha'taret pa'paclo ñeñt pa'mcha'tareter pen allohuen judionesha' po'cornaneshar. Pedroñapa' ñapa'cho'ña cote' tarraña ñapa' chenta' en a'yot.

⁵⁵ Petotña rroch pampopa' all a'torenet tso' all anorr'cha'tyen acheñenesha' ñeñt shotetsa. Pedroñapa' all anorros ñaña all shotosa.

⁵⁶ Allempoña huapa coyanesha' ñeñt añcha'taret pueñañra. Entosan Pedro all shotenapa' alla cohuos, atet otos:

—Añpa'cho'ña encanesharpa' ñeñttramtso yemtaye'ña Jesús.

⁵⁷ Tarraña Pedroña cha' a'nasochapa' atet otanña coyanesha':

—Napa' amaca'ye nentare.

⁵⁸ E'ñe o'chtapa' huapa ñaña po'psheñeñ entuererrpa' ñapa'cho'ña atet otuererr:

—Papa'cho'ña parroca'ye e'ñe peyemtena.

Pedroñapa' atet otan ñeñt yacmar:

—Napa' amarramche' erra neyemtenoña na epan ña.

⁵⁹ O' tama o'chterrerrpa' o' alla huerrerr po'psheñeñ, ñapa'cho'ña atet otuererr:

—Po'ño'chca'ye añmapa' ñeñtca'ye e'ñe yemtenaya tarro'mar ñapa'cho'ña galileo'marnesha'ca'ye atet ñerra'm Jesús.

⁶⁰ Pedroñapa' alla oterranerr ñeñt yacmar:

—Amarramche' neñoteñeña este'ña atarr potenen.

E'ñe allempo atet eñorena Pedro, e'ñepa'tcha' allempocma eñeña atollop.

⁶¹ Allempoña Partsesha' Jesúsapa' cohua' allente'tsen Pedro. Pedroñapa' allenta yerpurrana atet otneñ Partsesha': "Amach eñena' atollop ñeñte tsaprocm pañapa' o'ch ma'poch pa'nasotenna."

⁶² Allempoña Pedropa' ahuo' a'yo all e'ñe puellquëñesha' yahuosa huomenc.

Atto atarr achm̄are'teñet Jesús

(Mt. 26.67-68; Mr. 14.65)

⁶³ All yottam̄psateñet Jesús añcha'taret pa'paclo añña solltarnesha' ñeñt cohuan̄psachet ñetñapa' atarr achm̄are'teñet Jesús all cohuan̄peñet. Atarr chota'teñet.

⁶⁴ Huancaclle'cheñet, pachm̄are'teño'fetpa' atet oteñet:

—Ñehua, te'ña eñoratenperrepa' Parets allochñapa' attoch potey esesha'te'ña pechota'tyene'.

⁶⁵ Elloña pachm̄are'teño'fetpa' pa'namen esocmañen otyeñet, sochatse'tyeñet.

Allempo chapata'mueñet Jesús all apcha'muena allohuen judionesha' pa'mcha'tareternesha' ñeñt a'pocatyene' ñoñets

(Mt. 26.59-66; Mr. 14.55-64; Jn. 18.19-24)

⁶⁶ Tsapatña allempo puetarenpa' apcha'muena allohuen ñeñt pompornesha' pen judionesha' epuet ñaña ñeñt pa'mcha'tareternesha' pen allohuen judionesha' po'cornaneshar epuet ñaña ñeñt atarr etsotayenayeñ ñoñets ñeñt atet anaret. All apcha'muena allohuen judionesha' pa'mcha'tareternesha' ñeñt a'pocatyene' ñoñets, all anma'mueñetña Jesús. Allñapa' a'pto'tare'tapet, atet otapet:

⁶⁷ —Yapa' te'pa' yemneñ o'ch potosey ñerra'm po'ño'chte' pa' ñeñtep Cristotets.

Jesúsñapa' atet otosanet:

—Ama't notatstas na po'ño'ch ñeñfen Cristotets sañapa' amachca'ye pocteye' sentno attoch same'ña'na.

⁶⁸ Ñaña napa'cho'ña ama't o'ch es na'p'to'tas saña sañapa' amachca'ye sanapnoña ñaña. Tarro'mar sapa' amachca'ye semno sa'rroyerren.

⁶⁹ Tarraña te'pa' ama'tcha' atet sepa'noñ te'ñapa' o' e'ñe chap allempoch o'ch alla nanorruer Nompur po'cohuenrot ñeññ atarr ahuamencattetsa, ama't na Ñeñfen Acheñetosets.

⁷⁰ Allempoña allohuenet atet oteñet:

—Ñeñepñapa' ¿pa'tarraña Puechemer penña Yompor?

Jesúsñapa' atet oterraneterr:

—E'ñeca'ye po'ño'ch ñeññ atet soten sa.

⁷¹ Allempoña ñetpa' atet otanna'tyeset:

—Te' yapa' ama yemneñe po'potantañ ñeñtcha' a'metare'tam'p'sose' tarro'mar te' yapa' allohueney e'ñe ye'mhuen ñeññ atet otana añ acheñer, ñapa' Yomporo' Puechemer. Ñapa' chaca'ye atarr achm'are'tenan Yompor.

23

Allempo chapata' mueñet Jesús allo'tsen amcha'taret Pilato (Mt. 27.1-2, 11-14; Mr. 15.1-5; Jn. 18.28-38)

¹ Allempoña allohuenet tantra'tuet, e'ñe parrocmá anmet Jesús allo'tsen amcha'taret Pilato (ñeññ nen gobierno Romoñ ñeññ amcha'tarettetsa allo'marneshacop).

² Allñapa' atarr otteñe'choset, toma'tam'p'esyesoset, ñeñtpa' atet otyesoset:

—Ya añ acheñer chocma yenteñ ye'chatyenan yamo'tseshachno judionesha' ñeññ ama't mameshapa' ama cohuenayaye, ñaña atet oteneñ año'ch yetsa'tatsto impuesto ñeññ romo'marneshacop ñeññ nen amcha'taret Romoñ. Ama't ñapa' atet otana ñapa' ño' Cristotets ño' atarr amcha'tarettetsa arr.

³ Allempoña amcha'taret Pilatopa' a'p'to'tapan Jesús:

—Papa' ¿pa'tña judionesha' pa'm'cha'tareterep'?

Jesúsñapa' atet och:

—Atetca'ye atet p'otenen.

⁴ Añña ñeññ pa'm'cha'tareternesha' pen allohuen judionesha' po'cornaneshar ñaña acheñenesha'chno, ñetñapa' atet otanet Pilato:

—Ñehua, napa' amaca'yeña nentoñeña ñeññ atto ama pocteye' es penoña añ acheñer.

⁵ Judionesha'ña pa'm'cha'tareternesha'pa' alla otereterr Pilato:

—Tarraña yañapa' thocmaña yenteñ ñeññ atet ye'chatyenan acheñenesha' attoch atpare'tatenanet gobierno. E'ñe Galileoteñ atet pena, ama't te'pa' o' chap ñaña arr Judeo e'ñe attecma o' ye'chatuerrerr ñeññ ama cohuenaye' yenteno ya.

Allempo chapata' mueñet Jesús allo'tsen ñaña amcha'taret Herodes

⁶ Atto e'mñotenan judionesha' atet otyenet e'ñe Galileoteñ ye'chaten, allempoña Pilatopa' atet a'p'to'tanet:

—Jesúsapa' ñapa' ¿galileo'marnesha'tña?

⁷ Allempoña eñotachet ñapa' po'ño'chca'ye galileo'marnesha' allempoña Pilatopa' atet cotape'ch ñeñtpa' Herodesocpaca'ye tarro'mar ñapa' ñeññ amcha'tarettetsa galileo'marneshacop. Ñeñto'marña ñapa' mueñan Jesús Herodesesho tarro'mar Herodespa' allempo chap Jerusaléño all emo'ten.

⁸ Herodesñapa' e'ñe pocsheñesha' agapaneñ Jesús tarro'mar ahua'toteñ atarr mueneñ o'ch eñch tarro'mar ñapa' atet e'mare'tenan Jesús ñeñt atet pa'yena. Ñapa' añecopña atarr mueneñ o'ch orrtatoñ ña'ña ñeñt atet pa'yena orrtatyese' ñeñt ama puentareto.

⁹ Atarr es a'pto'tare'tapaneña Jesús tarraña ñapa' ama anapanoña Herodes ama't e'ñe parrocha.

¹⁰ All tomcha'toset ña'ña allohuen amcha'taretnesha' ñeñt pa'mcha'tareternesha' pen allohuen judionesha' po'cornaneshar ña'ña allo'tsen ñeñt atarr etsotayenayeñ ñoñets, ñetña allpa' otteñe'chuerterr Jesús all Herodesesho, pa'namen otyesuerterr.

¹¹ Allempo Herodes ña'ña allohuen po'solltarneshar ñetpa'cho'ña puer-raṣsoñet ñamet. Achmāre'chet all che'tatseteñet. Pueche'tatseteño'fet chor-rachet amcha'taret pa'shtam ñeñt atarr cohuen. Allempoña Herodespa' o' alla mueño'ter Pilatesho.

¹² Ñeñto'marña Herodes epuet Pilatopa' e'ñe allempocma amo'tstannerret tarro'mar ahuañmo'chapa' cha e'moñe'tannenet.

*Atto amcha'taret Pilatopa' otanet ama'tpa' chosa muetse' Jesús
(Mt. 27.15-26; Mr. 15.6-15; Jn. 18.39-19.16)*

¹³ Allempoña Pilatopa' alla apchaterran ora allohuen judionesha' pa'mcha'tareternesha' ñeñt po'cornaneshar pa'mcha'tareternesha' ña'ña po'potantañ judionesha' pa'mcha'tareternesha' ama't ña'ña allohuen acheñenesha'.

¹⁴ Pilatoñapa' alla otapuerraneterr:

—Añ acheñer ñeñt sehuapatennan ñeñt soten sa ahuo' yechatyesan acheñenesha' ñeñt ama cohuenaye' senteno sa, te'ña napa' o' na'pto'tare'tue ama't allempo allo'tsa'yenes tarraña nañapa' ama't parrochapa' ama nentoñeña ñeñt atet sotyen atto' pena ñeñt ama cohuenayaye.

¹⁵ Ama't ña'ña Herodespa' ama entoñeña ñeñt ama pocteye' ye'chcateno, ñeñto'marña o' alla mueñer nesho. Po'ño'chpa' amaca'ye eñalleña ñeñt atet pen ñeñt ama cohuenaye' yenteno allohueney attotcha'yemtsatach.

¹⁶ Ñeñto'marña na te'pa' attachca'ye necoñchach mame'pa' o'ch alla na'rroyer.

¹⁷⁻¹⁹ Tarraña allohuen judionesha' puerrannarteño'fet atet ochet Pilato:

—Pemtsatachñaca'ye, añcha'ña pa'rroyerrnay Barrabás.

Ñehua, ñeñt Barrabás ahuañmo'choteñ yottampeñet tarro'mar ña ye'chatene' acheñenesha' atpare'chetepa' amcha'taret ñeñt nen gobierno' Romot. E'ñe patpare'teño' o' muetsan acheñ. Ñehua, ñetpa' atet ye'chenet. Pate'tets pascuapo ñeñt amcha'taret ñeñt nen gobierno' Romotpa' o'ch a'rroyerrñañet judionesha' puesheñarr pamo'ts ñeñt ayottam'psarettetsa ñerra'man erra'tsen muenenet ñet, ñeñtpa' añecop a'rroyenanet attoch coshatenan judionesha'.

²⁰ Ñeñto'marña Pilatopa' atarr mueneñeñ o'ch a'rroyerranet Jesús, ñeñto'marña alla a'pto'terranerr allohuen acheñenesha'.

²¹ Tarraña ñetñapa' ama't mameshapa' amaña pocteye' enteñeto. Elloña ñeñtpa' rrannartet allohuenet, atet oterete't:

—¡Pecorso'tam'psach! ¡Pecorso'tam'psachñaca'ye!

²² Poma'pocheño Pilatopa' alla oterraneterr:

—¿Eso'mare'tña semneñña o'ch necorso'tamñpsach? Napa' amaca'ye nenteññañña ñeññ atto ama pocteye' es peno attoch yemtsatach. Ñeñño'marña napa' attachca'ye, necoñchach mame' allempopa' o'ch alla na'rroyer.

²³ Tarraña ñetpa' ama caçhpueñeto otare'tet. Elloña ñetpa' e'ñe puerranarteño'tet atarr enamueñet attoch corso'tamñpsach.

²⁴ Ñeñño'marña Pilatopa' ame'ñachet. Attoña ñapa' atet eñora:

—Te'pa' o'ch atet neponas ñeññ atet atarr semnen sa.

²⁵ Ñeñño'mar allempo a'rroyanet Barrabás ñeññ enamueñet ama't ñeññ patparño't yottamñpeñet ñaña puentseño't acheñ. Tarraña Jesúsñapa' o'apanet attoch muetset ñeññ atarr muenenet ñet.

*Atto corso'tamñpsoset Jesús
(Mt. 27.32-44; Mr. 15.21-32; Jn. 19.17-27)*

²⁶ Allempo anmet Jesús a'yo allcha' corso'tamñpsoset. Allña oñenetpa' allñapa' poctet puesheñarr yacma ñeññ cireneo'marnesha' ñeññpa' añ pa'so'cheñ Simón ñeññ errte' huerrtsa a'yot. Ñeññña rremapetpa' o'chechatnomet Jesús po'corsoch ñeññña anmue'ña chenta'.

²⁷ Allñapa' cota'huanemñ shonte' acheñenesha', shonte' coyaneshaçhno ñeññ atarr ya'na'tnene' Jesús chenta', atarr gogaretyesnenet puellquëño'tet.

²⁸ Tarraña Jesús'pa' allenta cohua'nmanet, atet otnomanet:

—Noçhanesha ñeññes jerusaléño'marneshas, amach atarr seya'na'tatsteno na. E'ñe socpa atarr seyahuena sacñeñaretolleshohuen.

²⁹ Tarro'mar esempopa' çhocmach huaponasa ñeññcha' atarr sellcaterre'. Allempoña coyanesha' ñeññ ama achoyore'tñepa' ñocpueñña' e'ñech cohuen entaretterret allempo tarro'mar ñetpa' ama eñallete puechoyoreshet ñeññcha' atarr mueroçhterrtsa. Ñeñño'marña allempopa' otyerrcha' allohuen acheñenesha': "O' atarr cosheñtso'tsenterra mueçhoptaneshas, ama't allohuen ñeññ ama achoyore'tñe, ama't allohuen ñeññ ama es moma'yeneto."

³⁰ Tarro'mar allempo puemueroçhteño'tet e'ñe puellquëño'tetpa' atarrcha' ya'ñameterret. Pueya'ñameteño'tetpa' e'ñech pocte' entyerret ñegatañperretepa'to' attoch pampuerranet e'ñe poctacma. Allochñapa' o'huañcha' allo'na atarr nanac mueroçhtenet.

³¹ Tarro'mar te'pa' atto mueroçhtatennet na ama't napa' e'ñe cohuen es norrtatyeneñ, e'ñe atteneñ ñerra'm tsach e'ñe cohuen emmo'rate'. Ñeñño'mar te' napa' neñoteñ elloña atarrcha' amueroçhtataretterra ñeññ ama cohue-naye' es orrtateno; ñeññña' e'ñe atet pena ñerra'm tsach rromuech. Arrpa' allohua atet otnomanet Jesús allempo aneñet allcha' corso'tamñpsoset.

³² All aneñet ñaña epsheña ñeññ amtsañ ñeññcha' epuet corso'tamñpsoset.

³³ Allempoña çhapachet all oteñet Poñetallepno, allña corso'tamñpsosetña epuet ñaña epsheña ñeññ amtsañ, puesheñarr nosñañet po'cohuenrot, po'psheñeññapa' nosñañet pue'chcoerot.

³⁴ E'ñe allempo corso'tamñpsosetpa' Jesúsñapa' atet ma'yochamñpsosana ñeññ e'moñe'tene', ñeññpa' atet ot:

—Nompurcha' te'pa' pepretnanetepa'ch tarro'mar ñetpa' po'ñoçhpa' ama eñoteneto ñeññ atet yechcatenet, ñeññ ama pocteyaye.

Allempoña solltarnesha'pa' yellsheñe'chatoñet pa'shtam po'suertot attoch orrta puesheña'tets ñeññcha' yorayese' puema'tets.

³⁵ Acheñenesha'ñapa' atta cohuanrorteñet all tomçhenet a'yenet. Pa'ncha'tareterneshet ñetñapa' atarr es otnare'teñet, atet otatse'tyeñet.

—Te'ña p̄apa' o' p̄a'queshp̄atyes po'potantañ, te'ñapa' p̄a'queshp̄aterra e'ñe p̄añeña ñerra'm po'ñöchte' ñeñteḗ acren Yompor ñeñtcha' Cristotosets.

³⁶ Solltarnesha'pa'cho'ña atarr achm̄are'teñet, che'tatseteñet. Pueche'tatseteño'tetpa' ponem̄yetpa' aposet vinos ñeñt atarr chella'se'.

³⁷ Pachm̄are'teño'tetpa' atet otyeñet:

—Ñerra'm p̄a po'ñöchte' ñeñteḗ pa'm̄cha'tareter pen judionesha', te'ñapa' p̄a'queshp̄aterra p̄añeña.

³⁸ Ñehua, poñof all corsocho all noñet tsachtall aquellcaret ñeñña quellecpa' atet oten: “Añpa' ñeñtca'ye judionesha' Pa'm̄cha'tareter.” Ñeñña quellecpa' ñeñt anaret ma'po'mar ñoñets—griegach, latinaçh ñama hebreyach, e'ñe attecma oten.

³⁹ Puesheñarrña amtsañ ñeñt parro corso'tam̄peñet, ñapa'cho'ña achm̄are'ch. Potnare'teño'pa' atet oteñ:

—Ñerra'm po'ñöchte' Cristoppa' p̄a'queshp̄aterra p̄añeña, yapa'cho'ña o'ch p̄a'queshp̄aterrey.

⁴⁰ Po'psheñeñ amtsañpa' che'ptare'ch. Pueche'ptare'teño'pa' atet och:

Papa' eso'mare'tña ama pem̄cha'na'teñeña Yompor, ama't parro amue-roçhtatareḗy.

⁴¹ Tarraña yocoppa' e'ñeca'ye pocte' yemueroçhtena tarro'mar ñeñt̄pa' añ tsa'tatenyet ñeñt allpon yeyechatyen ñeñt ama cohuenayaye ama't e'ñe mamesha. Tarraña añ acheñer ñeñt parro mueroçhtatenyet ñapa' ama es yechcateno ama't mamesha ñeñt ama pocteyaye.

⁴² Allempoña ñapa' atet otan Jesús:

—Napa' peyperpa'huerrno'tach allcha' p̄a'm̄cha'taretetuerria.

⁴³ Jesúsñapa' atet och:

—Napa' po'ñöchca'ye notaḗ, e'ñe tayecma parro'tseneycha' cosheñtso.

Atto rroma Jesús all po'corsocho

(Mt. 27.45-56; Mr. 15.33-41; Jn. 19.28-30; Heb. 9.11-14)

⁴⁴⁻⁴⁵ Allempoña çhap pocto atsne'pa' o'huañ atsnom, o' e'ñe checmetua erraparen añe patsro. O'ña ellerrotnenmochapa' o' alla puetarerr. Allempoña ñeñt besom allo yottam̄peññañet Parets pa'paquell po'ponro ahuepa't rrrarra'nom e'ñe poctacma, o' e'ñe ellopa'tetsta.

⁴⁶ Allempoña Jesúspa' rrana. Puerranarot̄pa' atet ot:

—Nomporcha' te'pa' o' nepomuerra e'ñe p̄ocop e'ñe necamquẽñoñhuen.

E'ñe ñeñta otuapa' o' rroma.

⁴⁷ Solltar po'cap̄t̄aner ñeñt romo'marnesha' ñeñt corso'tam̄p̄se', allempo atet ent atet o' p̄a, ñañapa' allenta aye'choçhtatan Yomporpa' ñapa' atet ot:

—Añ yacmarpa' po'ñoçuuca'ye e'ñe attota o' yemtsatater, amaca'yeña eñalleña attoch yemtsatater.

⁴⁸ Ñama allohuen acheñenesha' ñeñt allo'tsa'yen ñeñt ente' ñeñt atet o' p̄ach o' yoroçhtach, ñetñapa' puellquẽñesha' na'yesnerret pot puesomapo ahuanerret.

⁴⁹ Allohuen ñeñt atarr yemtaye't Jesús ahuañoñeñ ñama allohuen coyaneshaçhno ñeñt cota'huanmue't Galileot ahuañoñeñ, ñetñapa' alla tom̄cha'tyenet a'yenet allot atta cohuanrrorteñet ñamet.

Atto pampuet Jesús

(Mt. 27.57-61; Mr. 15.42-47; Jn. 19.38-42)

⁵⁰ Eñall puesheñarr yacma ñeñtara judionesha' ñeñt e'ñe cohuen acheñ e'ñe pocte' es p̄a'yen, ñeñt̄pa' añ pa'so'cheñ José ñeñt arimateo'marnesha'.

Ñapa'cho'ña puesheñarr ñeñf pa'mcha'tareter pen allohuen judionesha' ñeñf parrocmach chocmach ap'chenet epuet po'potantañ am'cha'taretnesha' attoch a'p'octatenet ñeñf llequ'ena allohuen judionesha'.

⁵¹ Ñehua, ña ahuaña allempo ap'chenet parro po'potantañ am'cha'taretnesha' atto o'pateñet Jesús o'ch muetsatachet, ñaña' ama't mameshapa' ama pocteye' eñche. Tarro'mar ñapa' ñeñf atarr cohueno Yompor esempohuañencha' o'ch atarr ayochreshatterra.

⁵² Ñeñña Josépa' o' ahuo' Pilatesho o'ch oteña' pocte'ch eñch ñach a'suatose' Jesús ñeñf rromuets corsocho.

⁵³ Pilatoñapa' e'ñe pocte' eñch, ñeñfo'marña ñapa' a'suater corsochot allempoñapa' epatse'ch shetamtso ñeñf e'ñe cohuen, allempoñapa' anem' allcha' pampueña'. All eñareñ mapuetpon all ama apamparettena' po'poñ arromñañ, allca'yeña nenana'ña Jesús.

⁵⁴ Ñehua, allempo pampuet Jesús'pa' ñeñfpa' añe yetro allempo chocma añño'tena judionesha' ñeñf tsapatecop allempoch ameserretter. Ñehua, allempo pampa'huet Jesús'pa' o' ellerren, ñeñfo'mar judionesha'pa' o' mottan ñeñf tsapatecop allempoch amesa'muenet e'ñe poctacma.

⁵⁵ Ñeñña coyanesha'chno ñeñf atarr yemtenaya Jesús ñeñf cota'huanmue' ahuaño'feñ Galileot, ñetñapa' cota'huanmet all pampueñeta' attoch eñchet allcha' neret Jesús.

⁵⁶ Allempoña ñet ona'cherret allotpa' o' cha'cherret pocollo, ñetñapa' allohuenetpa' yorayesuerret ñeñf atarr eñmosa'fe'chno alloch a'yana'tereta' Jesús ora po'chtsohuen attoch e'ñe cohuen eñmosa'fatereta'. Ñeñfpa' e'ñeca'ye atet ye'chenaña judionesha'. Ñetpa' alla añño'tuaneñetña eñmosa'fe'chno tarro'mar tsapatpa' amach serreto puepampuro tarro'mar tsapatcha' chapa'muen ñeñte yetro allempo chocma amesen judionesha' ñeñf atet anarettenet ñocpuet.

24

Atto tanterra Jesús (Mt. 28.1-10; Mr. 16.1-8; Jn. 20.1-10)

¹ Allempo o' huañ yetñats allempo amesenet, allempo motta'muena yetñats temenc coyanesha'chnoñapa' e'ñe ahuatecma ahuanma'muenet all pampueñet Jesús. Anma'mueññañet eñmosa'fe'chno ñeñf o'patateñet alloch a'yana'toset. Allña'pa' cota'nma'muenanet po'potantañ coyanesha'chno.

² O'ña chacha'ta'muenet allpa' mapue'ña ñeñf allo mopañset Jesús ñeñf puepampuer p'achet ama atteraye' entoseto ñeñf atet p'am'pset po'poñ ellerro. Entoset mapue' o' a'rrote'tarettena a'yenet.

³ Allempoña ñetpa' esho'tra'toset mapuetpono ñeñf puepampuer p'achet amaña esesha' entosayeña arromñañ all net.

⁴ Ñetñapa' cha muene' yoruoset ama eñoteñeto erro'tcha'ña p'oset. E'ñe allempo atet cotape'chyenet ahuepa'tcha' orrtapanet epsheña yacma alla tom'cha'toset e'ñe allo'tsa'yenet, atarr cohuen popuetyenet pa'shtamuets.

⁵ Ñetña pueyorñofetpa' atta mo'crra'tyeset patso. Pom'chañofet ama esh-caye' cohua'pseto allenet ten. Ñeñña yacma epsheña'pa' atet otosanet:

—Ñeñf ama arromña'feshayaye, eso'mare'tña se'name'teñña arr allecma nannena arromña'fenesha'.

⁶ Te' ñapa' amaca'ye allo'tsenarayaye arr, o'ca'ye tanterra. Ama't seyer-pueñoña ñeñt atet otase't ama't ahuañmo'choteñ allempo Galileo'tsenmeñ.

⁷ Ñeñtpa' atetca'ye otase't ñapa' ña Ñeñt Acheñetosets čhocmach pomuere't attoch errotuanen per po'poñ acheñ ñeñt atarr ochñafenesha' attoch corso'tamperet, tarraña poma'pamtañoñapa' čhocmach tanterra.

⁸ Allempoña ñetpa'čho'ña allenta yerpueret atet otanete't ahuañmo'choteñ Jesús.

⁹ Allempoña coyaneshačhno'pa' onačherret puepampro't, čhačherret pocollopa' serrpare'tatueret Jesús puellsensarnesha' ñeñt čharrasheña ñeñt puesheñarraña o' puecherra ñaña po'potantañečhno ñeñt pueyochresha' pen. Coyaneshačhnoñapa' serrpare'tueret allohuen ñeñt atet enta'muenet Jesús puepampro.

¹⁰ Ñeñt serrpare'tatenaya' Jesús puellsensarnesha' ñeñtpa' añ María Magdalena ñaña Juana ñaña po'psheñeñ María ñeñt Jacobo pachor ñaña po'poñečhno coyaneshačhno.

¹¹ Tarraña Jesús puellsensarnesha' allempo serrpare'tatosanet coyaneshačhno ñeñt atet entua'muenet, ñetñapa' ama't mameshapa' ama ame'ñyetoña coyaneshačhno, čha otenapuetañ attate' otatse'tyen coyaneshačhno.

¹² Tarraña Pedroñapa' allenta ta e'ñe matenacma. O'ña čhap ñaña puepampro'pa' mo'cosa, cohuos o'pononet all net. Ñapa'čho'ña ama entose, shetamtsa entos allo e'patse'chet alla o'shshe'ma'yena a'yenet. Ñapa'čho'ña ahuerr pocollo ama eñoteñe ñato' erro'tsente'.

Atto Jesús'pa' rremuerrana' epsheña pueyochresha' toño allempo senet Emaúso

(Mr. 16.12-13)

¹³ Ñeñte yetrocma epsheña pueyochresha' ñetñapa' arr senet anetso ñeñt pa'so'cheñ Emaús. Ñehua, ñeñt pa'so'cheñ anets Emaúspa' Jerusaléñoñeña' allo'tsente' čharrá' puechena paterr kilómetro čhoycha' čhapats anets Emaúso.

¹⁴ Ñetñapa' e'ñe pueserrparñesha' senet, añ serrpare'tyesnenet ñeñt allpon atet o' pöhua.

¹⁵ All senet e'ñe pueserrpare'teñeshetpa' anapanna'tyesnenet Jesúsñapa' alla rremuerraneta'. Allempoñapa' chope'chnomuet e'ñe parro o' ahuanmuet anetsonet.

¹⁶ Tarraña ama't entapetañña Jesús'pa' ñetñapa' čha ottenet ñerra'mrrate' ama amnataretteneto attoch cheme'tapet, ama esesha' cheme'taye.

¹⁷ Jesúsñapa' atet otosan pueyochresha':

—¿Eso'tña seserrpare'tyesnen? ¿Eso'mare'tña čha atarr sellca'нена?

¹⁸ Puesheñarrña ñeñt sochetsa Cleofas, ñaña'pa' och:

—¿Ama't peñoteñeña allohuen ñeñt Jerusaléño'tsen ahuañoñeñ o' e'ñe e'mare'tuet ñeñt atet o' metua all? Papa' ¿paptate'ña ñeñte'p taya čhapats all Jerusaléño ñeñte'p ama eñotosaye ñeñt atet o' pohuerret Jerusaléño?

¹⁹ Ñaña'pa' atet otnomanet:

—¿Eso'tña ñeñt atet o' pöhuerretña all?

Ñetñapa' alla otnereterr:

—Añca'ye yeserrpare'tnen Jesús ñeñt nazareto'marnesha' ñeñt a'ñtene' Yompor po'ñoñ ahuaña. Po'huamencot orrtatennay po'partsoña ñeñt ama't

ahuata yapa' ama yentare. Ñaña atet ye'chatyese't ñeñt'pa' atarr cohuen. Ñeñt'pa' e'ñe pocte' entapreñ Yompor; acheñenesha'pa'cho'ña e'ñe pocte' enteñet.

²⁰ Tarraña ya'micha'tareternesha' ñaña ñeñt'pa'micha'tareternesha' pen allohuen judionesha' po'cornaneshar, ñetñapa' o' pomueret Jesús atotca'yeña o' muetsateret, ñeñfo'marña o' corso'tamperet.

²¹ Tarraña yapa' ñeñtca'yeña atarr yemneneñ ñato' ñach ya'rroyatatosayēña allohueney ñeñtey israelena'tarey (atto am'cha'no'chtana'tenya romo'marnesha' ya ya'netsro). Tarraña te'ñapa' chaña o' muetseret. Te'pa' o'ca'ye ma'pamta'muen.

²²⁻²³ Ñaña te'ña coyanesha'chñoña ñeñt'parro yeyemtena, ñetñapa' ahuatecma ahuanma'muenet o'ch enta'mueñet puepampro ñetñapa' año' eseshaye' entosayeña puepampro all neretañ. Allempoña hua'cherret puepampro't atet serrpare'tatuerryet, allñapa' año' orrtahuet mellaño'feñ ñeñfo'ña otahuet Jesús'pa' o'ca'ye tanterra o' alla betterra. Ñeñfo'marña yapa' ñeñña atarr yeyore'tene'.

²⁴ Allempoña ñaña allponsheña ñeñt'parro yeyemtena, ñetpa'cho'ña alenta ahuanmuet ñamet puepampro. E'ñe atet otuerrey coyanesha'chño, ñetpa'cho'ña ama eseshaye' entosaye.

²⁵ Jesús'ñapa' alla otrerraneterr:

—Sapa' ama es se'chenoyoña seyo'chro, atarr se'charrtaten seyo'cher attoch e'ñe same'ña'huaña ora ñeñt'atet e'ñosyese't Cristocop allohuen ñeñt'a'mta'yesaye't Yompor po'ñoñ ahuatoteñ.

²⁶ Ama't seño'teña ñeñt'cha' Cristotatspa' atetca'ye anaretña ñocop ñapa' atarrcha'ca'ye amueroch'taretuetanena'choch rromats. Elloñapa' o'ch alla ch'her esempo allempochña e'ñe cohuen a'chohuentaretterra.

²⁷ Allempoña Jesús'pa' o' yerpatnerraneterr ora allohuen ñeñt'atet anaret añecop ñeñt'cha' Cristotats. E'ñe Moisés po'ñoñofeñ yerpatnomanet ñaña po'potantañe'chño po'ñoñ ñeñt'eñosyestse't Cristocop, ñeñtara ñeñt'a'mta'yesaye't Yompor po'ñoñ ahuat.

²⁸ Allempoñapa' chapmochet anetso all sechenet. Jesús'ñapa' cha otetnena ñerra'm ñapa' amtoche ch.

²⁹ Ñetña alla puepateño'fetpa' atet ochet:

—Allahca'ye ye'chap arr parro o'ca'ye tsapuenmoch.

Allempoña Jesús'pa' be'tosos allcha' chapuet.

³⁰ Allempoña anorr'cha'toset allcha' rralme'choset. Jesús'ñapa' chetosan pan, parasyoso'tam'psosan pan, shota'tospa' apa'yesosanet.

³¹ Allempo atet p'osa, pueyochresha'ña epsheñapa' cha e'ñe cheme'toset añpa' ñeñt'epa'tca'yeña Jesús. E'ñe allorocma ñetpa' o' amnataretterret attoch e'ñe cheme'teret. E'ñe cheme'terretpa' allepa'tcha' ma'natamperranet.

³² Allempoña ñetpa' atet otanna'tyaset:

—Ñeñfo'marepa'tca'yeña atarr nanac coshatosey ñorra' ama't cha yel-quēna yeyo'chro allempo serrpare'tatnomuey toño all yerpatnomya Yompor po'ñoñ ñeñt'atet ana'yesaret e'ñe ñocop.

³³ Ñetña e'ñe allorocma tantrra'terretpa' o' alla ahuanerret Jerusaléño. Allñapa' o' ch'erret allo'tsa'yen po'potantañ puellsensarnesha' ñeñt' o' ch'arrasheñaña puechena puesheñarr. Allo'tsen ñaña po'potantañe'chño.

³⁴ Allña ñetpa' atet otueret po'potantañ:

—Po'ñoçhca'ye o' tanterraña Yepartseshar. Ellonetñapa' orrterrana ñaña Simón.

³⁵ Allempoña ñetpa' serrpare'tueret ñeñt atet enteret toño ñaña all shota'tosan pan, attoña ñetpa' allña e'ñe cheme'tosetña Jesús.

Atto Jesús'pa' orrterrana allohuen pueyochresha'

(Mt. 28.16-20; Mr. 16.14-18; Jn. 20.19-23)

³⁶ Ñeña atarr otatsetyenetpa' Jesúsñapa' çhepa'tcha' tomhuets e'ñe all chorren allohuen pueyochreshaçhno. Alla huom'cha'tuenanet, puehuom'cha'tueñoñanetpa' atet otuenanet:

—Te'pa' çhosaña e'ñe còsherrtsa seyoçhro.

³⁷ Tarraña ñetñapa' çha atarr yore'tuenanet, çha atarr mecha'trra'tet, çha otenapuetañ choyeshe'matste' orrterranel.

³⁸ Jesúsñapa' atet otuenanet:

—Eso'mare'tña sañapa' çhaña seyoren. Eso'mare'tña sañapa' çhaña atarr se'charrtatenña seyoçher.

³⁹ Te'pa' o'ch secuapuennan not ama't ñaña netac attoch e'ñe seño'tapuerren naca'ye. Sa'p'lapuennan nechets, secua'yepuennan nechets allochñapa' o'ch e'ñe seño'tapuenen. Napa' ñeñten echtsoten, choyeshe'matspa' amaca'yeña echtsoteyayeto ñaña amaca'ye anpatayaye atet o' setapuennan napa' echtsotenca'ye ñaña anpatenca'ye.

⁴⁰ Allempoñapa' gatuenanet pot ñaña pa'tac.

⁴¹ Ñetñapa' atta cohuanrrortapueñet. Ama't atarr coshapueñetaña' amaña e'ñeye' ame'ñapueñeto ñato' po'ñoçhte' Jesús. Atta echarrtatenet pueyoçher tarraña Jesúsñapa' atet oterraneterr:

—¿Arrpa' ama't secheno ama't coñe'ta rreñets?

⁴² Ñetñapa' aña apapueñet pashe'parr cac achmare't ñaña pets pocoyem' all nenan po'moñ.

⁴³ Ñeña agaphuenpa' o' rrohueñ all chorrenet attoña ñetpa' entapueñet.

⁴⁴ Allempoñapa' atet oterraneterr:

—Ñeñt atet notase't allempo orameñ allo'tseney e'ñe parro, ora allohuen ñeñt atet anaret ahuatoteñ Yompor po'ñoño nocop, ñeñña te'pa' o' e'ñe etsotuerra—e'ñe Moisésoteñ po'ñoñ ñeñt atet anaret ama't ñaña ora allohuen ñeñt quellca'yese't ñeñt a'nita'yese't Yompor po'ñoñ, ama't ñaña ñeñt aquellcarettatse't libro Salmos, te'pa' ñeñña o' e'ñe etsotuerra ñeñt atet ana'yese't nocop ahuatoteñ.

⁴⁵ Allempoñapa' o' çhapatanel pueyoçhreto allohuen ñoñtsoçhno ñeñt aquellca'yese't nocop.

⁴⁶ Jesúsñapa' alla oterraneterr:

—Po'ñoçhpa' allohuen ñoñets ñeñt aquellca'yese't atetca'ye oten ñeñt'cha' Cristotosetspa' çhocmach po'ñoçh rromos, tarraña poma'pamtañoñapa' o'ch alla tanterra.

⁴⁷ Attochña serrpare'teret Cristo e'ñe Jerusaléñoñeñ erraparen ora allemeñ allohuanen acheñenesesho'mar. Attoçha'ña acheñenesha'pa' o'ch cotape'cherret ello e'ñe cohuen Yomporcop allochñapa' attochña o'ch e'ñe ap'retna'huare'tterret allohuenet po'chñaret.

⁴⁸ Jesúsñapa' atet oterraneterr:

—Te'ña sapa' o'ch sa'poterrnan ora ñeñt allpon atet sentyesne't ama't teme'ttsen.

⁴⁹ Ñaña sa te'pa' ellonet o'ch atet notnerres, po'ñoçhca'ye napa' nemñohuernascha' Yompor Puecamqueñ entot ñeñt'cha' e'ñe

sechorra'yeyaya e'ñe puesheña'ttsos ñeñĩ atet oten Yompor ñeñĩcha' e'ñe apa'yerres. Tarraña sañapa' allasach anetso Jerusaléño, esempohuach chorratasa Parets Puecamquẽñ ñeñĩcha'ña ahuamencat sepa'yeyose' ñeñĩcha' apuerres Yompor pue'ntañot.

Allempo a'terr Jesús pue'ntañ

(Mr. 16.19-20)

⁵⁰ Allempoña Jesús err Jerusaléñoĩ, ahuanerran pueyochreshačno a'yo anetso Betanio. Allñapa' echantosan potpa' bensare'tamĩpesyeyosanet.

⁵¹ E'ñe puebensare'tamĩpeñoĩanetpa' allñapa' a'tenoche' pue'ntañ o' so-huanenanña pueyochreshačno.

⁵² Ñetña allempo atet entapueret Jesús ahuerr pue'ntañopa' pa'ye'chochtateñsha' ma'yochnerretpa' ahuanerret Jerusaléño e'ñe pocsheñeshocmañenet.

⁵³ Ñetña allempopa' ellapenete't Parets pa'paclo all atarr aye'chochtateññañet Yompor. Ñeñĩpa' attetepa'ch Nompore. Allohua.

COHUEN ÑOÑETS ÑEÑT QUELLCA' SAN JUAN

Ñeñt Po'ñoñ pen Parets ñeñtña acheñetosets ñeñtara ñeñt Cristoterrets

1 Ahuatoteñ e'ñe ñanom pa'motroteñ Cristoñapa' eñalla epuet Pompor Parets. Ñaña'pa' ñeñtara ñeñtcha' Po'ñoñ pa' Parets tarro'mar ñach eñotaterre' acheñenesha' atet oteñ Yompor Parets. Tarraña ñapa'cho'ña e'ñe attecma partsoten atet partsoten Pompor ñeñt atarr nanac Parets.

2 Allempo errete' ayechcataretta pats, ñaña'pa' e'ñe parro allo'tsen epuet Pompor Parets.

3 Ñeñto'marña allohuen esocmañen ñeñt eñall, ñapa' ña e'ñe yeçhcataue' ñeñt atet muenet epuet Pompor. Ñeñt allpon eñallpa' ama eñalle ñeñt ama yeçhcato ña, ama't esotolla, ñocma pueyeçhcatar.

4 Ñaña'pa' añepa't ñeñt alloch e'ñe yocrrena. Ñeñtña alloch e'ñe yocrrenapa' ñeñtcha' yeñotaterre' allohuen ñeñt cohuen enten Pompor Parets. Ñeñto'mar ñapa' atet pena ñerra'mrrate' puetare' tarro'mar ñapa' ñach a'puetarsañperre' allohuen yoctapña.

5 Ama't atet pena sosya'tsañeçhno añe patsro ñerra'mrrate' checmete', ñaña'pa' e'ñe a'puetaresuos. Checmete'ñapa' ama't ahuatapa' amach errotentot a'cheçmetamperano ñeñt puetañatser ñeñt Yompor po'cohueña.

6 Ama't allempo ama orrtena' Cristo ñeñtcha' puetañatsotosets arr patsro, ñanempa' añ orrtatsa puešeñarr yacma ñeñt'pa' añ pa'so'cheñ Juan; ñapa' Yompor lesense'.

7 Ñapa' añecop huapa ñach a'potose' attoch huapa Cristo arr patsro ñeñtcha' a'puetarsañperre' allohuen yoctapña. Attoña ña po'ñoñotpa' ame'ñatosana acheñenesha'.

8 Tarraña Juanpa' ama añeyaye ñeñtcha' puetañatsotosets arr patsro; ñapa' añecpa huapa attoch a'potosan ñeñtcha' a'puetarsañpsañtosta.

9 Allempoña çhap añe patsro ñeñt puetañatsotosets tarro'mar añ puetañatser ñeñt e'ñe po'ñoçh ñeñtcha' a'puetarsañpsose' allohuen acheñenesha' poctapña, ñeñt'pa' alletsa, o'ch orrtosa añe patsro.

10 Ama't añ patspa' ño pueyeçhcatareñ, acheñenesha'ña arr patsropa' arepa'tcha' cohuenaye' agapapeto tarro'mar ama eseshaye' eñotapaye.

11 Ama't arr çhapañ e'ñe ña pamo'tseshesho, pamo'tsesha'ñapa' arepa'tcha' cohuenaye' agapapeto.

12 Tarraña puešeña'tets ñeñt e'ñe cohuen agapyesapue', ama't allohuen ñeñtcha' ame'ñerraya ña, ñetñapa' apuerranet llesens attoch e'ñe puechemer perranet Yompor Parets.

13 Ñeñt atto puechemer perrey Yompor ñeñt'pa' ama atteyaye atet ye'ñalletena ya ñeñtey arromñañey. Tarro'mar ñeñt atto ye'ñalletena arr patsropa' ñeñt'pa' atet anaretey ya ñeñtey arromñañey. Ñaña atto puechemer o' perrey Yompor, ñeñt'pa' ama añofeyaye ñeñt atet cotape'chateney po'pšeñeñ acheñ poctapña. Yapa' añofña o' puechemer perrey Yompor atto o' muenaterrey e'ñe ña poctapña.

14 Cristoña ñeñt Po'ñoñ pen Yompor o' acheñetos arr patsro, o' yeychañ e'ñe parro mame' añe patsro. Ñapa' atarr amuerañtosa. Ñaña atto yeçhatosey

Yompör po'ñoñ ñeñña ñoñetspa' e'ñe po'ñoçh atet, ama shequëñtsoyaye ama't mamesha. Ñaña yapa' çhocma yentoñe't po'cohuenña. Ñeñña po'cohuenñapa' atet ñerra'm Pompör ñeñt po'patror pene' ña.

15 Allempoña Juan puerranarotpa' a'potan Cristo, ñeñpa' atet eñora ñocop:

—Añmapa' ñeñca'yeña notase't ahuaña, ñeñcha' huapatsa chenta' ñapa' atarr ahuamencatesha', ñaña' ama tama ahuamencateyayno, tarro'mar ñapa' ahuatoteñ eñalla. Ama't allempo ne'ñalleta na, ñaña' eñalla. Ñeñpa' allohua atet Juan ñenma't Cristocop.

16 Ñapa' atarr amuerañtosa ñeñto'marña allohueneypa' atarr bensare'tampeney. Allo'na sen yebensare'tam pesene'.

17 Ñoñets ñeñt atet anaret ahuatoteñpa' ñeñt quellconay Moisés ahuat. Tarraña Jesucristopa' ñaña orrtatose'ña muereñets ñaña ñapa' añ orrtatonay ñoñets ñeñt e'ñe po'ñoçh Yompör po'ñoñ alloch yequeshperra.

18 Yompör Paretspa' ama't ahuatapa' ama eseshaye' puentare. Po'patrorña ñeñt Cristosets ñeñpa'çho'ña Parets ñeñt e'ñe parro attecmet; ñapa' ña yeñotaterre'ña atet penaña Pompör Parets.

Juan ñeñt apatañtetsa Yomporecop, ñapa' atarr cohuentatosan Jesucristo (Mt. 3.11-12; Mr. 1.7-8; Lc. 3.15-17)

19 Allempo judionesha' pa'mcha'tareternesha' ñetñapa' mueñet acheñ Jerusaléno't ñeñcha' ahuamatsa Juanesho. Añ mueñet judionesha' po'cornaneshar ñaña levitanesha' ñeñt po'taruas pene' o'ch torrenet Parets pa'paclo. Ñetpa' añecop amñare'tet ñetcha' a'p'to'toset Juan ñapa' esesha'te'ña. O'ña çhapuet ñeshopa' atet otoset:

—Çapa' çeseshape'tña, ama't añeyaye ñeñepcha' Cristoterrets?

20 Juanñapa' ama a'nasoto; atto a'metapa' ñapa' atet otapanet:

—Napa' amaca'ye añeyayno ñeñcha' Cristoterrets.

21 Ñetñapa' alla otereterr:

—Ñeñepñapa' çeseshape'tña, ama't añeyaye Elías ñeñt a'mtaye't ahuat Yompör po'ñoñ?

Ñaña' atet oterraneterr:

—Amaca'ye ñeñeyayno.

Ñetñapa' alla a'p'to'tereterr:

—Amapa' ñato' çañe'p'te' ñeñepcha' a'mterre' Yompör po'ñoñ ñeñt yecuen?

Ñaña' alla oterraneterr:

—Amaca'ye ñeñeyayno.

22 Ñetñapa' alla otereterr:

—Ñeñepñapa' çeseshape'tña pa? Yapa' yemneñca'ye o'ch potey allochñapa' o'ch yotera' ñeñt yemñene'. ¿Erroñena'tcha'ña poteyña pocop?

23 Ñaña' atet oterraneterr:

—Napa' nocopca'ye eñose'tña Isaías ñeñt a'mtaye't Yompör po'ñoñ ahuat. Allempopa' atefca' ote't:

E'morrterrach puesheñarr po'ñoñ all amayo allcha' serrpare'taterranña acheñenesha'. Puerranarotpa' añcha' toma'ntaterranet toñ ñapa' atetcha'ca'ye oterranet: "Sa'cohuenetyes toñ allcha' oñmos Partsesha' o'ch e'ñe sa'pacharreyesoñ pa'te'p."

24 Ñehua, ñeñt amñare'tatsa Juanesho, ñetpa' añca'ye mueñenahuet ñeñt fariseonesha' ñeñfara judionesha' pa'mcha'tareternesha'.

25 Ñetñapa' alla otereterr Juan:

—Arepa't Cristoyaypepa' eso'maruañaca'yeña ppatatenna Yomporecop, arepa't Elíasoyaype, arepa't añeyaype ñeñtcha' a'mterre' Yompor po'ñoñ.

26 Juanñapa' atet oterraneterr:

—Napa' ama't napatyen Yomporecoppa' e'ñeca'ye oñochaya napatyenanet. Tarraña o' chap sesho po'psheñ ñeñt ello atarr sherbets, tarraña sapa' amaca'ye señoñeña sa.

27 Ñapa' ama'tcha' chenta huapapa' ñapa' ñeñtca'yeña ello atarr sherbets; nañapa' ama es nesherbena attoch ama't po'sapatrechapa' o'ch nepyamtes.

28 Ñehua, allpa' atetca'ye penet all oteñet Betábara allara Jordanaso yomta'n tarro'mar Juanpa' allca'ye apatyenanña acheñenesha' Yomporecop.

Jesuppa' ñeñt atma'ntataret carrnero ñeñt amtsarettatse't ochñartsocop

29 Tsapaña Juan allempo entapan Jesús ñeshoneñ en, ñañapa' atet otan acheñenesha':

—Añca'yeña ñeñt o' llesenserr Yompor ñeñtcha' Po'carrneror pen, ñach yahuanmanperre' yo'chñar allohueney ñeñfey añe patsro'tsa'yeney, tarro'mar ñach rromuerrets yo'chñarecop atetcha' perra atet amtsarettena carrnero ochñartsocop.

30 Añmapa' ñeñtca'yeña notase't ahuaña: “Ñeñtcha' huapatsa chenta'pa' ñapa' atarr ahuamencatesha', nañapa' ama tama ahuamencateyayno, tarro'mar ñapa' ahuatoteñ eñalla. Ama't allempo ne'ñalleta na, ñañapa' eñalla.”

31 Ama't na ahuañmo'chapa' ama neñoteñe esesha'te'ña ñeñtcha' huapatsa chenta' ñeñtcha' Cristoterrets. Tarraña napa' añecpaña nohuena nach apatyesnomue' acheñenesha' oño, attochña norrtaterrñañ israelena'tarneshacop ñeñt po'ñoñ Puechemer pen Yompor.

32 Allempoña Juanpa' eñotatan acheñenesha' ñapa' atet otanet:

—Na ahuaña allempo napatap Jesús'pa' Yomporña Puecamquëñ e'ñe atet nentap ñerra'mrrate' yeñ o' sohua'nma entot, chap e'ñe Jesúsesho.

33 Ama't allempo napa' ama neñoteñe ñeñtche'ña Yompor Puechemer tarraña Yompor ñeñt o' llesenserren attoch napatyes acheñenesha' oño, ñapa' atetca'ye otēnen: “Esempoch pent o' sohua'nma Necamquëñ o'ch chap e'ñe ñesho ñeñtcha' chorrosaya, ñapa' ñeñtcha'ca'yeña chorraterrahuetña Parets Puecamquëñ.”

34 Na po'ñoñhpa' o'ca'ye neñch ñeñto'mar te'pa' neñotatenes ñeñtca'yeña Yompor Puechemer.

Ñeñt ñanom pueyochresha' pa' Jesús

35 Tsapañapa' po'pocheño all ten Juan epuet epsheña pueyochresha'.

36 Cohuanan Jesús all chopeñe'chen a'yenet, alla oterraneterr:

—Añca'yeña ñeñt Po'carrneror pen Yompor.

37 Ñeñtña epsheña pueyochresha' allempo e'met atet oteñ Juan, ñetñapa' allenta co'ta'nmet Jesús.

38 Puetallesnomtsaña Jesús'pa' entapanet co'ta'neñet chenta' ñañapa' atet otapanet:

—¿Eso'tña semnen?

Ñetñapa' atet ochet:

—Maestro, ¿erra'tña petchap?

39 Ñañapa' atet otanet:

—Socterrenca'ye o'ch senteña'.

Ñetñapa' allenta cota'neret Jesús o'ch enteñeta' all a'posa. Alla a'poset ñamet ñeñte yetro tarro'mar allempopa' o' manñamena o'ch ellerren.

⁴⁰ Ñehua, ñeñña epsheño'maret ñeñt e'mue' atet oten Juan ñeñt cote' Jesús, puesheñarr ñeñtpa' Andrés ñeñt Simón Pedro pa'mo'nasheñ.

⁴¹ Andrésñapa' allorocma ahuer e'nerraya' Simón; o'ña entera'pa' atet oturr:

—Yapa' o'ca'ye yenter Mesías. (Ñehua, ñeñña ñoñets Mesías aña'ye otenet ñeñtcha' Cristoterrets.)

⁴² Andrésñapa' allenta anerran pa'mo'nasheñ Simón Jesúsesho. Jesúsñapa' cohuapue'pa' atet otap:

—Pa'tña Simón, ñeñte puechemer pen Jonás. Te'pa' nesocherrepcha' Cefas (ñeñtara so'chñets ñeñt otenet griega'cho Pedro).

Atto Jesús'pa' chore'tan Felipe ñaña Natanael atoch pueyochresha' per-ranet

⁴³ Tsapatña Jesús'pa' sechena o'ch ahuer Galileo. Allña entuenan Felipe ñaña'pa' atet otueñ:

—Ama't pemno o'ch p'octenen.

⁴⁴ Ñehua, Felipe'pa'cho'ña galileo'marnesha', ña pa'netserpa' añ pa'so'cheñ Betsaida ñeñtara ñaña Andrés pa'netser ñaña Pedro.

⁴⁵ Felipeñapa' entuenan Natanaelpa' atet otueñ:

—Yapa' o'ca'ye yenter ñeñt ñocop quellquë't Moisés all orrtatan ñoñets ñeñt atet anaret, ñaña ñocop quellquë't ñeñt a'mta'yesaye't Yompor po'ñoñ. Añepa'tca'ye Jesús ñeñt huetsa Nazaretot ñeñt José puechemer.

⁴⁶ Natanaelñapa' atet otapan Felipe:

—Nazaretotpa' ama't ahuatapa' amaca'ye huenoña ñeñt e'ñe cohuen acheñ.

Felipeñapa' atet otererr:

—Po'ño'ch orraca'ye o'ch penteña'.

⁴⁷ Natanaelpa' allenta ahuo' o'ch entenana' Jesús. Jesúsñapa' entapan Natanaelpa' ñaña'pa' atet eñora ñocop:

—Añca'yeña po'ño'ch puesheñarr israelnesha' ñapa' amaca'ye shequëno ama't mamesha.

⁴⁸ Natanaelñapa' atet otosan Jesús:

—Napa' zerrofenote'tña peñotenen? Amaca'ye pentarno.

Jesúsñapa' atet otererr:

—Allempo ama a'sechenpa' Felipe nesho, allempo p'apa' alla p'anen mañto higocho ñaña'pa' nentene'pca'ye.

⁴⁹ Natanaelñapa' atet otererr:

—Maestrocha' pepa'tña Yompor Puechemerep. Pepa'tña Anñcha'taret ñeñt atarr cohuen allöhuen israelnesha'.

⁵⁰ Jesúsñapa' otererr:

—Napa' o' notap napa' nentene'p allempo p'anen mañto higocho, ñeñto'marte'ña o' p'ame'ña'na. Te'ñapa' o'ch notas, elloña te'pa' nanaccha' senterrnan nepartsoña ñeñt ama tama sentennana'.

⁵¹ Jesúsñapa' alla otererr:

—Po'ño'chca' notenes, senterrcha' enet atoraret ñaña Yompor po'mllaño'eñrenesha' a'tachenet ñaña sohuachenet e'ñe nesho, na Ñeñten Acheñetosets.

2

Allempo sena'ta puesheñarr yacma all anetso añ pa'so'cheñ Caná allara Galileo

¹ O'ña ma'pamuetuerr allempo çherr Jesús Galileo, allña anetso Caná atarr coshaprechet puesheñarr yacma ñeñt sena'tetsa. Jesúsña pachorpa' allo'tsen.

² Jesúsña epuet pueyochresha'pa' ñetpa'cho'ña ahua'ñarettet allcha'rrallme'chapreteneta'.

³ Allñapa' çha huañapset vinos. Jesúsñapa' atet och pachor:

—Te'pa' ama eñalle vinos, o'çha huañapset.

⁴ Jesúsñapa' atet otan pachor:

—Achocha' eso'mare'tña atet potenenña na. Nocoppa' amaca'ye çhena' allempoch es norrtatyes.

⁵ Tarraña ama't atet otañpa' pachorñapa' atet otan ñeñt sherbets all:

—Ñerra'm errotench'a otas nechoyorpa' sañapa' e'ñech atet sepa.

⁶ Ñehua, allpa' allo'tsen pechapña orrot mapyemí. Ñeñña orrotechnopa' tama ateshameri; puená'ttso orrotpa' ñato' sente' oñ epa galon amapa' ma'pate' galon sets oñ attoch chorraresua. Ñeñt orrotechnopa' allecma nenet oñ alloña a'cohuentatena judionesha' Partsocop ñeñt atet anarettenet ñocpuet.

⁷ Allñapa' atet otan Jesús ñeñt sherbets all:

—Te'pa' o'ch se'chorrayes oñ orroto.

Ñetñapa' atetçho' pet e'ñe e'chorraresuahuet oñ.

⁸ Allempoña o' e'chorraresuetpa' Jesúsñapa' atet oterraneterr:

—Te'ñapa' o'ch seshe' coñe'tpa' o'ch sanemí allo'tsen ane'tañ.

Ñetñapa' atetçho' pet.

⁹ Allempoña ane'tañpa' allenta amllan oñ ñeñt a'pnasaret vinos ñañapa' ama eñoche errotte' o' huapatetña vinos. Aña eñotene' ñeñt sherbenahuet all ñeñt etasote' oñ. Allempoña amlla'huan vinospa' ñañapa' allenta agotan ñeñt sena'tetsa.

¹⁰ Ñeñtpa' atet och:

—Ñerra'm çho yorrrpa' añcha'ña ñanom yorrtat ñeñt e'ñe cohuen vinos. O'çña yonuahue ahua'ñaref e'ñe cohuen vinospa' allempochña yapanet ñaña ñeñt ama e'ñe cohuenayaye. Tarraña pañapa' amaña atteye' pepeno. Ñeñtapa' cha'tña pañño'tuaña vinos ñeñt e'ñe cohuen tayaño' porrtach. (Ane'taññapa' atet otan ñeñt sena'tetsa tarro'mar ñapa' ama eñoteñe.)

¹¹ All ñanom entatanet Jesús po'partsoñapa' ñeñtpa' arr Cano allara Galileo. Attoca'yeña orrtatanetña Jesús po'partsoteña. Allempoña pueyochresha'pa' o' eñochet po'ñoche'pa't ñapa' Parets attoña e'ñe ame'ñyet.

¹² Allempoña Jesús'pa' ahua' Capernaumo pachore'na ñaña pa'mo'nasheñeçhno, ñaña allohuen pueyochresha'. Allñapa' alla allponmateneta'.

Atto Jesús'pa' a'cohuentatosan Parets pa'paquëll

(Mt. 21.12-13; Mr. 11.15-18; Lc. 19.45-46)

¹³ Allempoña çhapmoch pascuapo allempoch alla cosherrerr judionesha'. Jesúsñapa' ahuerri Jerusaléño.

¹⁴ Allña Parets pa'paclopa' entuenan ñeñt pomuene' po'huacsher, ñaña carrnero, ñaña yeþ; ñaña ñeñt canya'yenahuet po'çllayoretpa' ñetpa'cho'ña alla anorrçhenet.

¹⁵ Allñapa' pella'tosan apech pashtarech. E'ñe matatuosan allohuen ñeñt pomatsre'tyetsa Parets pa'paclo, e'ñe ahuanerret po'huaacsher ñaña po'carrneroret. Ñaña ñeñt canya'yenahuet po'çllayoretpa' e'ñe yo'patsetam'pesuosanet po'çllayoret patso. E'ñe a'coye'tam'pesuosanet all na'yenet po'çllayoret.

¹⁶ Allpa' atet otosan ñeñt pomuene' yeþ:

—Te'pa' sahanerri añ arroñ. Amach atet sepatstono Nompör pa'paquëll atet ñerra'mrrate' ñeñt e'ñe pocollenochaya allecma pomatsre'tyenet.

¹⁷ Allempoña pueyochresha'pa' allenta yerpuet ñoñets ñeñt anaret ahuatoteñ ñocop, ñeñtpa' atet oten: “Napa' atarrcha' nempa'tonaþ pepaquëll ama'tcha' ñeñto'mare'na muetserrnetañ.”

¹⁸ Allempoña judionesha' pa'ncha'tareternesha'pa' atet ochet:

—Añña þorrtatosnay pepartsoña allochñapa' attochña yeñotaþ po'ñoçhpa' þapa' allsensareteþte', te'ñapa' atto' peþosnayte' añeçhno.

¹⁹ Jesúsñapa' atet oterraneterr:

—Sapa' ama'tcha' sa'matoñ añ Parets pa'paquëllpa' poma'pamtañoña napa' o'ch alla natomater.

²⁰ Judionesha'ñapa' alla otereterr:

—Añ atto e'nuoñet Parets pa'paquëllpa' atarr atomat atorrareta e'ñe pa'tatsoch çharrohua char puechena pechap. Ta', þañapa' çpo'ñoçhcha' e'ñech poma'pamtañoçma yetpa' o'ch alla þatomatuer?

²¹ Ñehua, Jesúsþa' añepa't otanet ña po'chets ñeñtepa't pa'paquëll pen Parets.

²² Ñehua, çhap allempo muetseret Jesús allempoña tanterrapa' pueyochreshaçhnoñapa' allenta yerpuerret ñeñt atet ote't Jesús allempo. Ñeñto'marña allempo Jesús pueyochreshaçhnopa' atarr yemterriñañet Yompör po'ñoñ ñeñt anuaret ahuatoteñ, ama't ñaña Jesús po'ñoñ atarr ame'ñeret.

Jesúsþa' e'ñe eñotueney allohueney ñeñt atet yoctape'chyen yeyoçhro

²³ Allempoña allo'tsen Jesús Jerusaléño, all coshapretenet pascuapo shonte' acheñenesha' enteññañet ñeñt atto orrtatenanet po'partsoña all, ñeñto'marña allpa' shonte' ame'ñaya.

²⁴ Tarraña Jesúsþa' ama yemtanete'te ñet, tarro'mar ñapa' eñotanete't atet allohueney acheñey çhocma yoctape'chyen ñeñt yemnen ya.

²⁵ Ñapa' ama e'nenano ama't puesheñarra ñeñtcha' ote' ñeñt atet yoctape'chyen allohueney acheñey. Tarro'mar ñapa' çhocma eñoteny atet yoctape'chyen allohueney acheñey.

3

Allempo Nicodemopa' huapa Jesúsesho

¹ Allempopa' eñall puesheñarr yacma ñeñt fariseo ñeñt sochetsa Nicodemo. Neñtñapa' puesheñarr ñeñt añcha'tarettetsa judioneshacop.

² Ñañapa' huapa Jesúsesho tsapopa' atet otos:

—Maestrocha' yeñoteneþ þapa' añ pellsensene' Yompör attoch peyçhatosey cohuen tarro'mar yapa' yeñoteñ añach orrtatylene' partsoteñets ñeñt ahua-mecat pen Yompör.

³ Jesúsñapa' atet otaþ:

—E'ñe po'ñoçh notað, esesha'ch ama eñalleterrtso ello ñetñapa' amach er-rotenot pueyochresha' perraneto Yompör.

⁴ Nicodemoñapa' atet otererr:

—Amate' errotenot ye'ñalletterroña po'pocheñoña' o'ca'ye yepo'nme'ten. Errotenotuate'ñaca' yecherrerrña yachor pa'to attotcha' ye'ñalletterr po'pocheño.

⁵ Jesúsñapa' atet otererr:

—E'ñe po'ñoçh noteneþ, erra'tsenchá' ama eñallettertso oñoñ ñaña Yompor Puecamquëñoñ, amate' errotenot pueyochresha' perraneto Yompor ñeñto'marña amach eshec o'patapreteretoña Yompor po'cohuenña ñeññ atto ayochreshattena ña.

⁶ Ñeññ atto eñalletena arromñañatesha'pa' ñeñtpa' arromñaña. Tarraña ñeññcha' eñallettertsa Parets Puecamquëñoñ, ñeñtpa' ñeññña camuecñetsotets ñeñññapa' ama arromñañeshayaye.

⁷ Ñeññ atet noteneþ, “allohuespa' añ sepalltena o'ch se'ñalletterr ello”, ñapa' amach cha pe'charrtatsto peyothro, amach cha potatsto año'te' errotenot pe'ñalletterroña ello po'pocheño.

⁸ Ñeññpa' e'ñe atet pena ñerra'mrrate' mōrr. Mōrrpa' erra muene'pa' allcha' mōrraren. Pe'muente' atet ma'moreten, ama peñoteñe errotte'ña huena ñaña errate'ña sen. Atetcha' perra ñaña allohuen erra'tsenchá' eñallettertsa Yompor Puecamquëñoñ.

⁹ Nicodemoñapa' alla a'þto'tererr:

—Ñeñtpa' ¿errotena'tña añ?

¹⁰ Jesúsñapa' atet otererr:

—Papa' ama't añepeñ israelnesha' po'maestror, ama't peñotenoña añ.

¹¹ E'ñe po'ñoçh noteneþ: Allohueney ya ñeññ yeñotenpa' ñeññcha'ña yeserpare'ten ñaña ñeññ yentyenpa' ñeññcha'ña ya'poten tarraña sapa' ama çhennasoña seyothro añ ñeññ ya'poten.

¹² Ñerra'm añña notenes ñeññ atet yeyçhena añe patsro, saña ñerra'm ama same'ñennopa' errotenotuate'ñaca'ye notasña ñaña ento'mar ñeññ Yomporecop.

¹³ 'Ama eñalle ama't puesheñarra ñeññcha' a'tapuets ento ñaña ñeññcha' sohuerrtsa ñeññara entot. Napña na Ñeññen Acheñetosets ñeññen sohuatsa entot, napña nentar Nompor pue'ntaño tarro'mar napa' ñeññ na'netser nepen.

¹⁴ Ñehua, ahuat Moiséspa' yechcatan ñeññ atma'ntataret shecheþ all amayo, ñeñññapa' huanquë' tsachopa' o' echantañpes enonet. Atto Moisés echantañpsan shecheþ all amayopa', napa'cho'ña ñeññ poctetsa nocop atetcha' perrnet naña, corsochotcha' echantañpsaretan.

¹⁵ Allochñapa' allohuen ama't erra'tsena ñeññcha' name'ñerraya na, ñetñapa' amach chenquërreto, e'ñech corretseta pocsheñeshocmañen e'ñe tayoteñ errponañohuen.

Atto atarr morrentenya Yompor allohueney acheñeshay

¹⁶ 'Atto atarr morrentenya Yompor allohueney acheñeshay arr patsro ñeñto'marña apuey Puechemer ñeññ po'patror pen, allochñapa' allohuen ñerra'm esesha' ame'ñerraya ña amach chenquërreto, ñetñapa' corretsetach pocsheñeshocmañen e'ñe tayoteñ errponañohuen.

¹⁷ Yomporpa' amaca'ye añeçpaye' mueñanoña Puechemer arr patsro attoch mueñosan acheñeshash coñcheñtso. Ñapa' añecopña mueñe attoch ñach a'qeshpatose'ña acheñeshash arr patsro.

18 'Erra'tsencha' ame'ñerraya ña ñetñapa' amach amñareñterreto coñcheñtso. Tarraña ñeñtcha' ama ame'ñerrayo ñocpuetñapa' anaretet attoch amñareñterret coñcheñtso tarro'mar ñetpa' ama ame'ñoñeto Yompor Puechemer ñeñt po'patror pen.

19 Ñañapa' o' huapa arr patsro attoch yeçhatosey ñeñt e'ñe cohuen enten Yompor, attoña a'puetarsam̄psosnay yocpañña. Tarraña shonte' acheñenesha' ñetñapa' ama mueneto o'ch a'puetarsam̄psaretet poctapñet. Ñetpa' aña muenenet checmete' tarro'mar amaca'ye masosyaye' cotape'chyeneto. Ñeñto'marña ñetpa' attoçha'ña amñareñterret coñcheñtso.

20 Allohuen ñeñt ama masosyaye' cotape'chyeneto ñetpa' ama cohuenaye' enteñetoña Cristo ñeñt a'puetarsam̄pene' allohueney yocpañña. Ñeñto'marña ama eneto allo'tsen ñeñt a'puetarsam̄psañtetsa taye'to'te' orrtaretet poctapñet ñeñt ama masosyo.

21 Añña ñeñt e'ñe atet pene' ñeñt po'ñoç cohuen enten Yompor, ñetpa' e'ñe pocte' enteñet o'ch onet allo'tsen ñeñt a'puetarsam̄psañtetsa tarro'mar ñetpa' aña muenenet o'ch eñotaretet po'potaññetpa' Yompor ahuamencat penahuet ñeñto'marña ñetpa' aña orrtatyenet ñeñt cohuen enten Yompor.

Allempo Juan ñeñt apatañtetsa Yomporecop, ñapa' alla cohuentaterranerr Jesús

22 Allempoña Jesúsapa' ahuererr Judeo epuet pueyochresha'. Allñaapa' alla allponmat epuet pueyochresha'. Allña Jesúsapa' apatyesan acheñenesha' Yomporecop.

23 Ñaña allempo Juanpa'çho'ña arr apatyenan acheñenesha' all oteñet Enón e'ñe alla allame'tets Salimo, tarro'mar allpa' shonte' oñeçhno. Acheñenesha'pa'çho'ña shonte' huaçha'tyeset attoch apataretetyeset Yomporecop.

24 Ñehua, allempopa' ama yottam̄peñeta' Juan.

25 Allempoña Juan pueyochresha'pa' serrpare'tet epuet judionesha'. Allpa' aña serrpare'tatanna'tet este' poctetsaña attoch ya'cohuentataretta Partso-cop, añte' ñeñt atto apatyen Juan amapa' ñato' añte' atto apatyen Jesús.

26 Ñeñto'marña ahuanmuet Juaneshopa' ñetñapa' atet otoset:

—Maestrocha' ñeñt epaß ahuaña yomta'n Jordanaso, ñeñt peserrpare'tatosey, ñapa'çho'ña ñepa'tca'yeña apatyets ñaña. Ñeñto'marña allohuenetpa' o'ca'ye ahuanmuet ñesho.

27 Juanñapa' atet otapanet:

—Ama't pueñeñarrofeypapa' ama ahuamencateyayye ñerra'm ama Yompor ahuamencat yeçpaye.

28 Sapa' ama't señoeteñe ñeñt atet notuanmas ahuaña, napa' ama añeyayno ñeñtencha' Cristoterrets. Napa' atta mueñan nanom attoch nota.

29 Jesúsapa' e'ñech atet netma'ntacha atet ñerra'mrrate' yacma ñeñt sena'tetsa. Ñehua, ñeñt sena'tetsa ñeññaca'yeña aguëne'ña coyanesha' ñeñtcha' puetapor pa'. Tarraña ñeñtña pueyempa' ñeñt parro epuet ten ñerra'm aña e'm pueyem po'ñoñ ñeñt sena'tetsapa' ñaña'pa' atarrcha' coshapretana pueyem. Ñeñto'marña na te'pa' atarr nochapreteña Jesús.

30 Jesúsapa' e'ñe pocte' allo'nepa'ñaca'yeña enteñet po'ñoçhpa' ñaca'yeña atarr sherbets. Nañapa' e'ñe pocte' allo'nepa'ña entennet napa' ama e'ñeye' nesherbeno. Arrpa' allohua atet ot Juan Cristocop.

Atto yeñoteñ ñeñt huetsa entot Yomporeshot ñeñica'yeña atarr sherbets

³¹ Ñehua, yeñoteñ ñeñt huetsa entot Yomporeshot eñchetepa' ñapa' atarrca'ye añcha'taret. Tarraña ñeñt patso'marnesha' ñeñt'pa' alla eñorena patso'mar. Ñeñt huetsa entot Yomporeshot eñchetepa' ñapa' atarrca'ye añcha'taret.

³² Tarro'mar allohuen ñeñt entyen Pomporesho ñaña ñeñt allpon e'myen all, ñapa' ñeñica'yeña serrpare'tateneý, tarraña ama't puesheñarrofapa' ama eseshaye' chapahuetoña pueyoçhreto ñeñt atet otenanet.

³³ Ñeñt çapa pueyoçhro ñeñt atet serrpare'tatenanet ñeñt huapatsa Yomporeshot ñetñapa' atet otet: Yomporpa' e'ñete' po'ñoçh atet oten Puechemerecop.

³⁴ Tarro'mar ñeñt llesensa' Yomporpa' Yomporo po'ñoño eñorena tarro'mar Yomporpa' ama atparetayaya çorratenanetoña Puecamquëñ.

³⁵ Yomporpa' atarrca'ye nanac muerenanaña Puechemer. Ñeñto'marña aphuahueñ allohuen allpon eñall allochñapa' ñach pomnaren penahuet.

³⁶ Esesha'ch ame'ñenaya Yompor Puechemer ñetpa' corretsetach pocheñeshocmañen tayoteñ ama't errponañohuen. Añña ñeñt atpare'tene' Yompor Puechemer ñetpa' amach enterreto ñeñt correñtsor. Ñetñapa' çhachca'ye coñchaterranet Yompor.

4

Allempo Jesús'pa' serrpare't epuet coyanesha' samario'marnesha'

¹⁻³ Allempoña Jesús'pa' atarr ayochreshatta nanac, ello metanenan atto yochresha'ten Juan. Ñaña atarr apatyanen acheñenesha' Yomporcop. Ñehua, ama ñaye' apatenahueto, aña apatenahueto pueyoçhresha'. Ñeñto'marña allempo e'mare'ch fariseonesha' ñeñtara judionesha' pa'mcha'tareternesha'. Jesúsña allempo eñoch atto fariseonesha' o' eñochet ña atarr nanac ayochreshatta, ñaña'pa' allenta queçhpa'nerran Judea, o' alla ahuerr Galileo.

⁴ Toñña'pa' e'ñe arr oñen Samario'mar, ñeñto'marña all oñerrña Jesús.

⁵ O'ña çhap Samariopa' allotñapa' o' ahuen paterr anetso ñeñt'pa' añ pa'so'cheñ Sicar. Añña anets Sicarpa' allame'ttso'tsena Jacob po'patseñ ñeñt apa'nman puechemer José ahuat.

⁶ Allñapa' all poten oñ ñeñt po'ñeñ pe't Jacob. Jesúsña'pa' nanac tsanom puechope'cheñot ñeñto'marña anorros e'ñe allame'tets apco'sato. Allempo'pa' e'ñe pocto'tsen atsne'.

⁷⁻⁸ Allñapa' machayota huapa puesheñarr coyanesha' ñeñt samario'marnesha' ñeñt'cha' etenaya' oñ. Jesúsña'pa' atet otaþ:

—Napa' nemneñ o'ch þaposen oñ.

Ñehua, allempo'pa' pueyoçhresha'ñapa' o' ahuanmuet anetso o'ch rañfeneta' ñeñt'cha' rret.

⁹ Coyanesha'ña samario'marnesha'pa' atet otos:

—Papa' judioneshappa' eso'mare'tcha'ña penamapuenña oñ o'ch napaþ. Papa' peñotenen napa' ñeñten samario'marneshan.

(Ñeñto'marña atet otos tarro'mar judionesha'pa' ama amo'tstanneneto epuet samario'marnesha'.)

¹⁰ Jesúsña'pa' atet otererr:

—Ñerra'm peñoteñeñ ñeñt e'ñe atta apueney Yompor, ñaña ñerra'm peñotennoñ na ñeñten potene' p̄apuen oñ, p̄apa' o'ch penamuennoñ na ñañapa' o'ch napospeñ oñ cohuen alloch e'ñe p̄ocrañ.

Ñeñt oteñ o'ch aḡ cohuen oñ, añ oteñ Yompor po'cohuenña, tarraña coyanesha'ñapa' ama eñoch,

¹¹ ñeñfo'mañña atet otererr:

—Ama Ayochreshate pecheno alloch pet oñ. Oñpa' nanacramtso o'pono'tsen. Errotuamtsoch peyoraña oñ ñeñt e'ñe cohuen alloch e'ñe yocra.

¹² Ahuaṯ yatañ Jacoboñ ñeñt yapa'nmue' añ oñ ñapa' ñeñt orre't ñaña puechemerneshañ ñaña po'huacsherneshañ. Papa' añeḡhuate'ca'ye ñeñteḡ ello metanene' yatañ Jacoboñ atto añcha'tarette't ña.

¹³ Jesúsñapa' atet otererr:

—Allohuen ñeñt orrene' añ oñpa' elloch alla oñpa'terreter.

¹⁴ Tarraña ñerra'm esesha' orre' oñ ñeñtcha' napanet na ama't ahuatapa' amach oñpa'terreto. Ñeñtcha' napanet na oñ, e'ñe pueyoçhretopa' puenasanetcha' atet ñerra'mrrate' allot poten oñ, amach huañerro ama't ahuaa. Attoçña ñetpa' corretsetach tayoteñ ama't erponañohuen.

¹⁵ Coyanesha'ñapa' alla otererr:

—Ñeñteḡñapa' Ayochreshate p̄apuen ñeñt oñer allochñapa' amach alla no'ñpa'tererro allochñapa' amach alla nohuerre'te eterrayerr arr oñ.

¹⁶ Jesúsñapa' atet otererr:

—Te'pa' orrerreḡ, o'ch peçhore'tera' perrollar, allempochña alla pehuerra arr.

¹⁷ Coyanesha'ñapa' atet otererr:

—Napa' amarramtso arrollareteno.

Jesúsñapa' atet otererr:

—E'ñe po'ñoçh atet poten año' arrollareteyape.

¹⁸ Tarro'mar amnarsheña perrollareshe'mañ ñeñt pueyoruareḡ. Ñaña ñeñt peyorene' te'pa'çho'ña ama perrollareyaye. Ñeñtpa' e'ñe po'ñoçh atet poten.

¹⁹ Allempoña e'man atet oteñpa' coyanesha'ñapa' atet otererr:

—Ayochreshate, te'ña po'ñoçhpa' o' neñotaḡ p̄apa' añepepa't ñeñteḡ a'mtene' Yepapar po'ñoñ.

²⁰ Yatañneshañ samario'marnesha'pa' ñetpa' concorpuete't ma'yochatset arr añ aspertero. Tarraña sa ñeñtes judioneshaspa' sapa' çha soten añña paterr pocetsa Jerusaléño'çña yeconcorpuena' allohueney.

²¹ Jesúsñapa' alla otererr:

—Noçheshacha' p̄ame'ñona ñeñt atet noteneḡ tarro'mar te'pa' o' çhap ñerra'm esempoch sema'yocheña Yompor, ama sepallteno o'ch seconcorpuena Apa añ aspertero ama't ñaña Jerusaléño.

²² Saña ñeñtes samario'marneshas añña semchatse'tyen ñeñt ama señoteno. Yaña ñeñtes judioneshay añ yeconcorpana'tena ñeñt e'ñe po'ñoçh yeñoten, tarro'mar judionesha'pa' ñetpa' o' orrtateret ñeñtcha' a'quesḡpatañtertsa.

²³ Tarro'mar te'pa' o' çhap ñeñtcha' e'ñe po'ñoçh aye'choçhtaterre' Yompor, arrcha'ca'ye aye'choçhtatoñet e'ñe ñet pueyoçhreto. Ñeñtcha' atet aye'choçhtaterrñañet ñeñtña e'ñe po'ñoçh atet muenen Yompor.

²⁴ Yompor Paretspa' ñapa' ña camueçñetsotets amaca'ye entpahuoy-aye. Ñeñfo'mañña ñeñtcha' e'ñe po'ñoçh aye'choçhtaterre' ña, arrcha'ca'ye

aye'chochtatoñet e'ñe ñet pueyochreto, ñeñt'pa'tho'ña amaca'ye entpahuoy-aye. Tarro'mar ñeñcha' atet aye'chochtaterrñañet ñeñña po'ño'ch atet muenen Yompor:

²⁵ Coyaneshañapa' alla otererr:

—Napa' neñoteñ añ Mesíaspa' huapach ñeñtara ñeñt yoten Cristo. Ñerra'm ña huapatsapa' e'ñech serrpare'tatuerrey ora allohuen ñeñt esocmañen eñall.

²⁶ Jesúsñapa' alla otererr:

—Napa' naca'ye ñeñten peserrpare'tatene'.

²⁷ E'ñe allempo atet otenpa' pueyochreshañapa' huatherret. Ñetñapa' atta cohuanrroretueret all serrpare'tatenan coyaneshañapa'. Tarraña ñetpa' ama't puesheñarrofapa' ama eseshaye' otuerreye ¿eso'tña pemnen? Ama't puesheñarrofetapa' ama otuereto ¿eso'mare't peserrparenña epa' coyaneshañapa'?

²⁸ Coyaneshañapa' alla na'nerran porretpa' o' ahuerr alla pa'netsro. Allñapa' otueran pamo'tsesha':

²⁹ —Te'pa' socterren o'ch senteña' puesheñarr encaneshañapa' ñeñt o' serrpare'tatuosen ora allpon ñeñt atet ne'pa'yosara. Ñato' ñeñte'ña Cristotets ñeñt atarr yecuen o'ch huapa.

³⁰ Ñetñapa' allenta onacha'tet anetsotpa' o' ahuanmuet Jesúsesho.

³¹ Allempo ama cha'cheneta' ñesho pueyochreshañapa' atet otyeñet:

—Maestro ma'mate'tach rreñets.

³² Tarraña ñapa' atet otanet:

—Napa' nechencia'ye ñeñt nerrar nepen ñeñña sapa' amaca'ye señoñe.

³³ Pueyochreshañapa' atet otanna'tyeset:

—Amate' eseshañapa' huapatoyeña puerrar.

³⁴ Jesúsñapa' alla oterraneterr:

—Añca'yeña nerrar nepen o'ch ne'pa atet muenen Nompor ñeñt nellsensene', tarro'mar ñeñt'pa' attochña e'ñe netsotuoñ po'taruas.

³⁵ Ama't sotoñoña sa: “Palltenmeñ pa'tatsña arrorr o'ch e'ñe ya'yapa'cha'hua yenarem.” Te'ñapa' o'ch notas: Te'pa' secue'ca'ye a'yo o'ch sentap shonte'acheñ ñeñt onachets, o'ca'ye chap allempoch ame'ñiernet. Te'ñetpa' e'ñeca'ye atet nentenanet ñerra'm yenarenpa' o' pomella'huen o'ca'ye chap allempoch yap'cha'hue.

³⁶ Ñeñt ap'chets nocop ñeñt'pa' atsa'tarettetcha' ñeñt'cha'ña atarr coshater-rahuet. Ñaña allohuen ñeñt ame'ñatenet ñetñapa' napanetcha' alloch e'ñe correrret yatoñeñ ama't errponañohuen. Ñeñto'marña añ ñeñt nare'tets ñaña ñeñt ap'chets nocoppa' e'ñech parrocca coshapretannenet, ama't ñeñt ñanom epatue' neñoñ ñaña ñeñt'cha' torratsa chenta' ñeñt nocop.

³⁷ Tarro'mar ñeñt'pa' e'ñe po'ño'ch atet yepena ñeñt atet oten añ ñoñets ñeñt chocma yotanna'tyena ya: “Puesheñarrpa' o'ch nare'tatse'tyes, po'psheñeñña' ñeñt'cha' ap'cha'yesets.”

³⁸ Ñaña sapa'cho'ña o'ch nemñas samña o'ch same'ñatera acheñenesha' ama't ama sanmaye' ñanom torratto all nocop, po'psheñeñña ñeñt ñanom torrattse't all. Tarraña te'pa' sach ame'ñaterahuet attoch setorrapretera ñeñt ñanom torrattse't all nocop. Te'pa' sach ap'cherrets all ama't ama saye' nare'tatse'ttse'te all. Ama't po'psheñeñ nare'tatse'ttse't, te'ñapa' sach taruasapreterahuet all.

39 Coyanesha'pa' e'ñe po'ñoñoña ame'ñatana pamo'tsesha' samario'marnesha' allempo serrpare'tatuerranet atto Jesús'pa' o' serrpare'tatos ora allpon ñeñt atet puepa'yegara.

40 Ñeño'marña samario'marnesha' allempo hua'cha'tet ñeshopa' atarr nanac a'patare'tapet Jesús a'posanetepa'to' all pa'netsreto. Ñaña'pa' e'ñe epomta a'posa all.

41 Po'potantañe'chnopa' shonte' ñeñt ame'ñapaya atto serrpare'tatosanet Jesús all pa'netsreto.

42 Ñetña'pa' atet oteñet coyanesha':

—Te'ñapa' ama e'ñe pa' peñoño'fey'e' yame'ñeno. Te'pa' e'ñe ya e'muene' yanña allohuene'y. Ñeño'marña te' yapa' o' yeño'ch po'ño'ch ñapa' ñach ya'qushpaterre' allohuene'y ñeñte'y a'ñe patsro'tseney.

Puesheñarr yacma ñeñt sherbene' am'cha'taret ñeñtña puechemer a'crraterrña Jesús

43 Allempoña epomta'muen Samario Jesús'ña'pa' o' alla ahuen Galileo all pa'ney peñ ña.

44 Tarro'mar e'ñe po'ño'ch atet eñorena Jesús ñocop, ñeñt'pa' atet ot: Ñeñtña a'mtene' Yompor po'ño'ñ pa'nyo'marnesha'ña'pa' ama't mameshapa' ama mecha'na'teñeto.

45 Allempoña çherrerr Jesús Galileo allohueneña galileo'marnesha'pa' e'ñe cohuen agapapueñet tarro'mar ñetpa' e'ñe entuoñet allohuen ñeñt atet pa'yegosa Jerusaléno allempo entapreteneta' pascua all. Ñetpa'cho'ña allempo'pa' all ahuanmue't ñamet o'ch entapreteneta' pascua.

46 Jesús'ña'pa' alla ahuererr po'pocheño Cano e'ñe allara Galileo all e'ñe ñanem a'pnasenana' oñ vinos. Allña'pa' allo'tsen puesheñarr ñeñt sherbene' am'cha'taret. Ñaña puechemerpa' cha'atsna'ten all anetso Capernaumo.

47 Allempoña e'mare'tan Jesús o' huapa Judeot o' çhenerr Galileo, ñaña'pa' allenta ahuo' o'ch enteña' attoch oteña' coterepa' pa'paclo attoch a'crraterrña'ña' puechemer, o' rromamoch.

48 Jesús'ña'pa' atet och:

—Ñerra'm ama nentatasñe nepartsoña ñaña ñeñt ama sentarepa' amate' same'ñennañe.

49 Ñeñtña sherbene' am'cha'taret'pa' o' alla otererr:

—O'ch Ayochreshate p'octerren tayepa'tña'pa' ama rromuena' nacñe'ter.

50 Jesús'ña'pa' atet otererr:

—Te'pa' ahuerrep', pechemerpa' o'ca'ye alla correrra.

Yacmañapa' e'ñe ame'ñana Jesús po'ño'ñ ñeñt atet och, ñaña'pa' allenta ahuer.

51 Allempoña ahuen toño'ña'pa' poctenan pueñañresha'. Ñetña'pa' atet ota-pueñet:

—Pacñe'terpa' o'ca'ye correna.

52 Ñaña'pa' allenta otapanet:

—¿Esempo'tña pasateñ?

Ñetña'pa' atet otereterr:

—Ellerro allempo coyatse'ten atsne' mame'pa' allempoca'yeña metueñña po'urateña.

53 Allempoña pomporpa' o' yerepya ñaña'pa' atet ot:

—Ellerropa' allponca'yeña atsne' otenña Jesús nechemerpa' o'ca'ye correrra.

Ñapa' ñeñña ame'ñate' ama't ñaña allohuen pamo'tsesha' ñeññ parro pa'paclo'tsa'yenet e'ñe ame'ña'huet ñamet.

⁵⁴ Arrpa' atto puepocheño Jesúsapa' entatanet po'partsoña allempo huapa Judeot o' alla çherrerr Galileo.

5

Atto Jesúsapa' a'crraterran puesheñarr atснаñeñ all Betesda

¹ Allempoña o' alla çherrerr allempoch alla cosherrerr allohuen judionesha' ñeññ atet anaretet ñocpuet. Jesúsñapa' alla ahuerrerr ñaña Jerusaléño.

² All Jerusaléño e'ñe allame'tets allotecma a'be'teñet carrnero allñapa' allo'tsen oñ apco'sattaret ñeññ sochen hebreonesha' po'ñoño Betesda. Ñeññapa' eñall amnar puecha'petar.

³ Allña puecha'petarotpa' shonte' atснаñeñnesha' ñeññ pena'rrartetsa all — ñeññ aporo'yeteçhno ñaña ñeññ che'ca'repathno ñaña ñeññ echarretyetsa. Ñetñapa' añ cohuenet ñerra'm esempoch pelle'llchena oñ.

⁴ Tarro'mar ñerra'm esempoch pelle'llchena ñeññ oñerpa' mellañoñeño'ch sohuetsa all o'ch pelle'llchatosan oñ. Ñerra'm esesha' ñanom esha'tostsa all oño allempo pelle'llchena ñeññña atснаñeñterpa' acrrerrochayo'ch, ama't erra'tsena atснаñtsor rromuenahuet.

⁵ Allñapa' allo'tsen puesheñarr yacma ñeññ ma'poch çharra' puechena posoc çhar atсна'ten.

⁶ Allempoña entos Jesús alla ñanena ñañaapa' eñotos shonte' char atсна'ten ñeñño'marña atet otos:

—¿Ama't pemno o'ch pocrterra?

⁷ Atснаñeññapa' atet otan Jesús:

—Amaca'ye Ayochreshate eñalle ñeññtcha' nesha'te' oño allempo pelle'llchena. Napa' o'ch taya ahuen po'psheñeññapa' ahuo'tcha' esha'tosa ñanom.

⁸ Jesúsñapa' atet otererr:

—Te'pa' o'ch notosep: Petantena, peçhta'nen allo pemuen, peçhope'çhen tayecma.

⁹ Yacmañapa' allorocmuepa'tcha' correna, ñañaapa' allenta çhetenan allo muenpa' allenta çhope'çhnen. Ñehua, ñeññña yetropa' allempo amesen judionesha'.

¹⁰ Ñeñño'marña judionesha'pa' atet ochet ñeññ o' correrra:

—Te' añe yetro allempocma yamesen. Amaca'ye poçteyaye o'ch ñanen pemue'.

¹¹ Tarraña ñapa' atet otanet:

—Ñeññ o' a'crratosenpa' atetca' otosen: “Peçhta'nen pemue'pa' peçhope'çhnen.”

¹² Ñetñapa' allenta a'pto'çhet:

—¿Esesha'tña ptoçe'ña, “O'ch peçhta'nen pemue'pa' o'ch peçhope'çhen”?

¹³ Tarraña ñeññ a'crraterrterrtsapa' ama eñoteñe esesha'te'ña a'crraterre' tarro'mar Jesúsapa' ama allo'tsenaro, ñapa' o' ahuerr a'nahua, tarro'mar all shontosa aheñenesha' ñeññtcha' entenaya'.

¹⁴ O'ña atarr o'çhetpa' Jesúsñapa' alla enterran ñeññ a'crraterr ñorra' e'ñe alla Parets pa'paclo. Allñapa' atet oter:

—Te'pa' o' pocrterra. Te'ñapa' amach alla pō'chña'tatsterrerro ñato'rraña alla nanac pemuerōçtterrerr.

15 Yacmañapa' o' ahuerr, atet otuerran judionesha':

—Jesúsepa'tca'yeña ñeñt' na'crraterre'.

16 Atet pena Jesús aña yetro allempo amesen judionesha' ñeñto'marña ñetpa' o'pateñet Jesús.

17 Jesúsñapa' atet otanet:

—Nompör e'ñe teme'ttsen atarr torrena ñeñto'marña napa'cho'ña atarr nemneñ o'ch netorra namä.

18 Ñeñto'marña judionesha' pa'micha'tareternesha'pa' ello atarr nanac o'pateñet o'ch muetset, tarro'mar ñetpa' atet otyeset:

—Ñapa' ama ñapfaye' aña yeter o' puesuerro allempocma yamesen, ñapa' aña'naña oten e'ño' Pompör penan Parets, ñapa' attaca'ye mueneñ o'ch Partsocoptartena.

Atto atarr ahuamencattena Jesús ñeñt' Yompör Puechemer

19 Jesúsñapa' atet otarraneterr:

—E'ñe po'ñoçh notenes, na ñeñten Puechemer pen Yompör amate' errotentot es neñoña e'ñe nota. Napa' añña atet neña'yen atet nenteñaña Apa, tarro'mar ñeñt' atet pen Apapa' napa'cho'ña ñeñten Puechemerenpa' atetcha' es neña'yen namä.

20 Apapa' atarr muerenna tarro'mar napa' e'ñeca'ye po'ñoçh Puechemeren, ñeñto'marña gatyenen ora allohuen ñeñt' atet pa'yen ña. Elloña ñapa' añ gatyenen ñeñt' nanac torrapotyets ñeñt' atet etsotayen ña; ñeñtpa' añecop atet pennan attoña sapa' atarrcha' secuanrrortenen.

21 Ñehua, yeñoteñ Apapa' tantaterran arromñañenesha'pa' apuerranet allochña ñetpa' corretsetach. Napa'cho'ña e'ñeca'ye atet nepenaña namä ñeñten Puechemeren. Ñerra'm erra'tsencha' nemna' na o'ch napanet allochña ñetpa' corretsetach atetcha'ca'ye napuerranet.

22 Apapa' ama't puesheñarrapa' amach a'metanperraneto errotentcha' entyesuerranet. Naña apuen llesens ñeñten Puechemeren nachña a'metanperrahuet errotentcha' nentyesuerranet e'ñe puesheña'ttset.

23 Allochña'pa' attochña allohuenet mecha'na'tennetcha' namä ñeñten Puechemeren e'ñe atet mecha'na'tennanet Nompör Parets. Ñerra'm esesha' ama nemicha'na'tenaye na ñeñten Puechemeren, Nompör'naca'yeña ama mecha'na'teneto ñeñt' nellsensene'.

24 'Napa' e'ñe po'ñoçh atet notenes: Ñerra'm esesha' e'mñote' neñoñ ñamä ñerra'm yemterrnanet Nompör ñeñt' nellsensene' ñetñapa' corretsetach pösheñeshocmañen tayoteñ errponañohuen. Amach a'coñchatarefterreto ama't errponaña. Tarro'marña ñetpa' o' metaneretña ñeñt' e'ñe po'ñoçh rromueñets, o' çherret allña ñetpa' corretsetach tayoten errponañohuen.

25 E'ñe po'ñoçh o'ch noterrser: O' çhermoch allempoch atet perra, ñeñt' arromñañenesha'pa' ñetñapa' e'muerrnanetcha' neñoñ ñeñten Yompör Puechemeren. Ñeñt'cha' e'mñoterre' na neñoñ ñetñapa' corretsetach.

26 Ñehua, Apapa' e'ñe ñoña correna, ña napuene'ña attoch napa'cho'ña corretsanach namä ñeñten Puechemeren.

27 Namä ña napuene'ña llesens attoch nemñe patanta'tets acheñenesha' coñcheñtso, po'potantaññapa' amach nemñerraneto coñcheñtso. Atetca'ye allsensaretña na Ñeñten e'ñe Acheñetosets.

28 Ñeñt' atet o' notuaspa' amach cha semoññe'tatsche tarro'mar esempopa' çherrcha' ama't ñeñt' puepampro'tsa'yenpa' e'muerrnanetcha' neñoñ.

29 Cha'nmaçherretcha' allot apamparettete't. Ñeñt atet pa'yesaye't e'ñe cohuen ñeñt poctetsa ñetñapa' añecopcha' tanterret attoch ello alla correrret. Ñeñtña pa'yesaye't ñeñt ama pocteyaye ñetñapa' añecpach tanterret attoch ello alla amñarefterret coñcheñtso.

Atto Jesús eñotatanet ñapa' Yomporeshot aparetta llesens

30 'Amate' errotenot es nepa'yesoña e'ñe nota. Atet eñotatenen Nomporpa' attochña nemñe patanta'tets acheñenesha' coñcheñtso, po'potantaññapa' amach. Ñaña errotench'a nentyesuerranetpa' ñeñt'pa' e'ñe pocte' tarro'mar ama e'ñe na nemnenñofeye' es nepa'yeno. Nomporna' puemnenñof es nepa'yen tarro'mar ña nellsensene'.

31 Ñerra'm e'ñe nañeña a'potetsa, ñeñt atto na'potenapa' amate' es sherbeno.

32 Eñallña po'psheññ ñeñt e'ñe no Nompore ñeñtña na'potene'ña na. Ñaña neñoteñ ñerra'm ña na'pote'pa' ñeñt atto a'potenen ñeñtña e'ñe po'ñoç sherbets.

33 Ñaña sa ahuañmo'chapa' semñe acheñ Juanesho ñeñt a'p'to'tose' nocop. Juanña atto a'potanpa' ñeñtña e'ñe po'ñoç atet.

34 Napa' ama e'ñe nocpa ne'nen ñeñt na'pote'; añecpa'ñaña notenes sa ñato' sapa' same'ñoñañe' Juan po'ñoñ atto a'poten na, allochñapa' attoch sequeshperra same'ñeñofen.

35 Juanpa' e'ñe atet pe't ñerra'mrrate' lampareñ corretsa, attoña çhoyo'te't. Sañapa' sa muenatse't o'ch socshame'ta mame' all a'puetarsañpsas.

36 Tarraña atet na'poten napa' ñeñtña nanac sherbets. Ello metanenan ñeñt atet a'potan na Juan. Allohuen es nepa'yen ñeñt atet yechenna Apa o'ch e'ñe netsotoñ, añ netsotateñpa' ñeñtña o' eñotatanet napa' Apa nellsensene'.

37 Ñaña Apa ñeñt nellsensene' ñapa'çho'ña ñaca'yeña na'potene'. Sapa' ama't ahua'tapa' ama se'maroñeña po'ñoñ atet e'morrtena, ñaña ama sentareña atet orrtena ña.

38 Sapa' ama't po'ñoñapa' ama çhennasoña seyoçthro tarro'mar na ñeñten llesens Apa, sañapa' ama same'ñenno.

39 Sapa' añcha' se'torra'yesa Yompore po'ñoñ ñeñt atet anuaret ahua'toteñ tarro'mar sapa' çhate' sotenapañ e'ñe ñoñtsochayofapa' sapa' corretsasate' errponohuañen. Tarraña Yompore po'ñoñ ñeñt anuaret ahua'toteñ ñeñt'pa' naca'yeña a'pote't.

40 Sañapa' amaña semnoña o'ch same'ñerrna attochña e'ñe socrerrañ.

41 'Tarraña napa' ama añeye' ne'nenno attoch aye'choçtatennan acheñenesha'.

42 Tarro'mar napa' neñotenes sapa' ama't mameshapa' ama semorrenteño Yompore ama't seyoçhra.

43 Napa' atto nohuapa Nomporna' nellsensene' tarraña sapa' amaña same'ñenno. Ñerra'm esesha'chña huapatsañ ñeñt e'ñe ñoña huena saña ñeñt'pa' atarrte' same'ñyañ.

44 Sapa' tarro'marña ama same'ñenno sapa' añaca'ye se'nen o'ch e'ñe sañeña aye'choçtatannetsa, amaca'yeña añeye'ña se'nenno attoch e'ñe cohuen entas ñapuet Yompore.

45 Amach soçtape'chatsche ñato' nach sottene'cherre' esempohuañen Apuesho. Tarraña eñallca'yeña po'psheññ ñeñt'cha' sottene'cherre' ñeñt'pa' añca'ye Moisés, sañapa' ñeñtñaña atarr nanac seyemtena.

⁴⁶ Ñerra'm po'ño'ch same'ñeñañ Moiséspa' napa'cho'ña same'ñennañcha' tarro'mar ñapa' nocopca'ye quellconas.

⁴⁷ Tarraña ñerra'm ama same'ñeñañaño ñeñĩ atet quellconase't ña, ñeñfo'marña napa'cho'ña amach errotentot same'ñonoña nanña neñoñ.

6

Allempo Jesúsapa' rratanan shonte' acheñenesha'; ñeñña acheñenesha'pa' allo'tsen amnaroch mil

(Mt. 14.13-21; Mr. 6.30-44; Lc. 9.10-17)

¹ Allempoña Jesúsapa' ahuo' yonña'n sa'p Galileaso, ñeñfara sa'p otenet Tiberias.

² Allñapa' cota'neñ shonte' acheñenesha' tarro'mar ñetpa' o' entuoñet po'partsoña atto a'crratyerran allohuen ñeñĩ atsna'tyets.

³ O'ña çhap yonña'n Jesúsñapa' ahuos aspento, allña anorros epuet pueyochresha'.

⁴ Allempopa' o' çhappmoch pascuapo allempoch alla cosherrerr judione-sha'.

⁵ Jesúsña cohuatsa a'yopa' entapan shonte' acheñenesha' ñeñĩ onachets ñeshoneĩ. Allempoñapa' atet otan Felipe:

—Errahuachca' yeraññaña pante' ñeñña' rros acheñenesha' ñeñĩ o' huaçha'ta.

⁶ Ñehua, Jesúsapa' e'ñe po'tomña atet ot tarro'mar ñapa' eñoteñ atetcha' pa.

⁷ Felipeñapa' atet och:

—Ama't epoch çharroch çharra' denario* alloch yeraña panpa' ama't puehmetatollapa' amate' rra'yeseo.

⁸ Pueyochresha'ña Andrés ñeñĩ pa'mo'nasheñ Simóm Pedropa' ñañapa' atet och:

⁹ —Arr puesheñarr huepuehachorpa' echenanca'ye amnar pan ñeñĩ cebada ñaña epa cac. Atfapa' amate' yepataneto, acheñpa' shonte'ca'ye.

¹⁰ Jesúsñapa' atet otanet:

—Te'pa' sotanet anorrçha'tetepa'.

Ñehua, allpa' e'ñe cohuen emmo'raten pasetma'. Ñetñapa' anorrçha'tet. Yacmaneshapa' ñato' amnarochte' mil eñall.

¹¹ Jesúsñapa' chetan panpa' parasyoso'tañpes, allempoñapa' apan pueyochresha'. Pueyochresha'ñapa' epatyaset allohuen acheñenesha' ñeñĩ anorrçhets all. Attecma pa allempo apa'yeseñet ñaña cac. Allohuenetpa' e'ñe agaphuahuet ñeñĩ allpon muena'yeseo.

¹² Allempoña o' rrallme'chuetpa' allohuenetpa' e'ñepa'tcha' yetrra'tuahuet. E'ñe yetuahuetpa' Jesúsñapa' atet oterranerr pueyochresha':

—Te'pa' o'ch sa'yapaçherr ñeñĩ shotna'tyets ñeñĩ sa'pchatyes allochñapa' amach es pertatso.

¹³ Allempoña a'yapaçherret ñeñĩ shota'tatyeseo çhepa'tcha' chorrats çharra' puechena epa cañter ñeñĩ a'pchatet all rratanet amnar pan cebada.

¹⁴ Atto orrtatanet po'partsoña acheñenesha'ñapa' atet otyeseo:

—Añña po'ñoçhpa' ñeñña'ye a'mtene' Yompor po'ñoñ ñeñĩ atarr yecuen o'ch huapa aña patsro.

* 6:7 Denariopa' quelle ñeñĩ allpon tsa'tenet pamtarr ñeñĩ taruaset all pa'nyo.

15 Jesúsñapa' eñotanet ñetpa' añ muenenet o'ch huapoñetpa' o'ch rromoset o'ch noset ñeñtcha' pa'mcha'tareter pet. Ñeño'marña Jesúsapa' a'nahua ahuerr all aspeno e'ñe ñapuef.

Atto Jesúsapa' e'ñe cohuen chope'chnen enot oño

(Mt. 14.22-27; Mr. 6.45-52)

16 Allempoña ellerren pueyochrenesha'ñapa' ahuanerret sa'patoñño.

17 A'tacha'tuerret po'noñtopa' o'ch ahuanperret yomta'n, Capernaumonet. Allñapa' alla checmetam̄pset. Jesúsñapa' ama huerra' all allo'tsa'yenet.

18 Allñapa' orrnotam̄pesnomuet, sa'pñapa' cha emo'yarerta.

19 Ñetñapa' echotnomuet sa'p amnar amapa' pechapte' kilómetro allñapa' machayotepa'tcha' entapet Jesús chope'chnen enot oño. O' allame'tsaña ñan noñf. Ñetñapa' chepa'tcha' mecha'tapet.

20 Tarraña ñapa' atet otosanet:

—Naca'ye o' nohuapa, amach atta sem̄cha'tatstapno.

21 Ñetñapa' mueneñetañ o'ch agapapet noñtof, eñotostsetpa' o' chapña noñf yomta'n all sechenet.

Allempo acheñenesha'pa' e'nereta' Jesús

22 Tsapaña acheñenesha' ñeñf alla a'patsa yomta'n ñetpa' eñoteñet e'ñe patrra noñf allo a'tacha't Jesús pueyochresha' ñaña Jesúsapa' enteñet amaca' a'tapo noñfo epuet pueyochresha' e'ñe ñapfochayeta ahuanmuet.

23 Tarraña noñfēchñoñapa' chocma huathena Tiberiasot, o' chapuet alame'tets all rret ellerro pan ñeñf parasyoso'tam̄pes Partsesha' Jesús.

24 Allempoña acheñenesha' ñeñf allo'tsen ñetñapa' o'huañ eñchet Jesús pueyochreshohuen. Ñetpa'cho'ña allenta a'tacha'tet ñamet noñfo, ahuanp̄set Capernaumonet, o'ch e'nereta' Jesús.

Jesúsapa' ña yocrram̄ yepen yecamquēñecop alloch e'ñe yocrrena

25 Allempoña entoset yomta'npa' atet otoset:

—Maestro, ¿esempo'tña pecherrña ña arrma?

26 Jesúsñapa' atet otapanet:

—Na po'ño'chpa' o'ch notapas, sapa' amaca'ye añecpaye' se'nenno atto o' norrtatonas nepartsoña. Sapa' añecpaca'yeña se'nenen atto o' nerratuas pan o' e'ñe seyeta.

27 Te'pa' o'ch notas, sapa' amach aña sema'yo'chrato yocrram̄ ñeñf e'nuapo'. Añcha'ña sema'yo'chra socrram̄ ñeñf ama e'nuapahuoyaye; ñeñfña alloch sapa' corretsasach socsheñeshocmañen e'ñe tayoteñ ama't errponañohuen. Ñeñfña socrram̄pa' nach sapuerre' Ñeñen Acheñetosets tarro'mar Apapa' o' llesenserren na Ñeñen Acheñetosets arr patsro.

28 Acheñenesha'ñapa' atet otereterr:

—Errotenuachca' yepaña ñeñf cohuen enten Yompor.

29 Jesúsñapa' atet oterraneterr:

—Ñeñf cohuen enten Yomporpa' o'ch same'ña'na na ñeñfen llesensen.

30 Ñetñapa' atet otereterr:

—Errotenuachca' pegateyña pepartsoña ñeñfcha' yentpa' attotcha' yame'ñaña. Papa' esuañaca' petsoten.

31 Ya yatañneshañpa' rra'yese'te' ñeñ' maná all amayo atetca'ye anuaret Yompör po'ñoñ ahuatoteñ: "Rratyese'te' pan ñeñ' apanete't Yompör pue'ntañot."

32 Jesúsñapa' alla otterrantederr:

—E'ñe po'ño'ch o'ch notas: Ama Moisésoye' apahuete'teña pan ñeñ' huetsa entot. Naca'ye Nompör sapuene'ña ñeñ' e'ñe po'ño'ch socrrañ sepen. Añ socrrañpa' entotña huena.

33 Naña socrrañ sepen ñeñ'en o' apuerres Nompör, napa'cho'ña entot nohuapa Yompöreshot allochñapa' achenesha'ña arr patsropa' ñetñapa' corretsetach.

34 Ñetñapa' atet otereterr:

—Ayochreshate yapa'cho'ña chocmach papuey ñeñ' corramets.

35 Jesúsñapa' alla otterrantederr:

—Napa' na corramtsotets alloch e'ñe socrra. Eshesha'ch huapatsa nesho ñetña ama't ahuatapa' amach alla cheporrerrete'te. Eshesha'ch name'ñerraya na ñetña ama't ahuatapa' amach alla oñpa'terre'te. Ñehua, ñeñ'pa' añ notenes, eshesha'ch name'ñerraya na ñetñapa' chocmach e'ñe cosherret pueyochre'to, ama't ahuatapa' amach alla es e'nerrete'te.

36 Tarraña napa' o' notuas: Sapa' o' sentnoñ amaña same'ñenno.

37 Allohuen achenesha' ñeñ' o'patatenna Apapa' ñetñapa' ame'ñerrnetcha'. Eshesha'ch name'ñerraya ñetñapa' amach alla ñehuapore'terraneto.

38 Tarro'mar napa' ama añecpaye' nohuapona entot attoch o'ch añña atet nepos ñeñ' nemnen na. Napa' añecopña nohuapa o'ch atet neperr ñeñ' atet muenen Nompör ñeñ' nellenserre'.

39 Ñeñ'pa' atet muenen Nompör ñeñ' nellenserre': Amachña cha na'chencatereña achenesha' ñeñ' ora allpon o'patatenna na, chocña ello netantaterrñañ esempohuañen.

40 Añmapa' ñeñ'ña muenen Nompör: Erra'tsencha' neñoterre' ñerra'm ame'ñerrnetcha' na ñeñ'en Yompör Puechemeren, ñetñapa' corretsetach pocsheñeshocmañen tayoteñ ama't errponañohuen. Ñetñapa' chocmach netantaterranet esempohuañen.

41 Atto Jesús'pa' otenanet, "Napa' na corramtsotets ñeñ'en huapatsa entot", judionesha'ñapa' pocuana'teño'fet otatse'tyeñet.

42 Ñeñ'pa' atet otyeset:

—Añmapa' añaca'ye Jesús, José puechemer, ñeñ' pompor ñaña pachor e'ñeca'ye yechme'teñ. Te'ñapa' eso'mare'tña oten ñapa' entoto' huapa.

43 Jesúsñapa' atet otanet:

—Sapa' amach atta sotatse'tanna'tyesatsto.

44 Ama't eseshapa' amach errotenot ame'ñerrneto ñerra'm Nompör ñeñ' nellensene' ñerra'm ña ama cotape'chaterrahueto cohuen. Ñetñapa' netantaterranetcha' esempohuañen.

45 Atet quellqu'e't ñeñ' a'mtaye't Yompör po'ñoñ ahuat, po'quellcopa' atet anuaret: "Allohuenetpa' Yompörcha'ña eñotaterrahuete't." Allohuen ñeñ'cha' e'mñoterre' Nompör attoch cohuen cotape'chaterranet, ñetñapa' nachña ame'ñerret.

46 'Ama't eseshapa' ama puentareto Apa. Napñaña na ñeñ'en huapatsa Yompöreshot nentarca'yeña Apa.

47 E'ñe po'ño'ch notenes: Eshesha'ch name'ñerraya ñetñapa' corretsetach pocsheñeshocmañen tayoteñ e'ñe errponañohuen.

48 Napa' na corramtsotets alloch e'ñe socrra.

49 Satañneshañpa' ama't rra'yesete't ñeñt maná all amayo, ñetñapa' o' colla'huenet.

50 Tarraña ñeñfen sotene' te' ñeñña e'ñe po'ño'ch socrram' ñeñfen huapatsa entot allochñapa' esesha'ch rre'pa' ñetñapa' corretsetach tayoteñ e'ñe errponañohuen.

51 E'ñe po'ño'ch napa' na ñeñfen corramtsotets alloch e'ñe socrra ñeñfen huapatsa entot. Ñerra'm esesha' rre' añ corrametspa' ñetñapa' corretsetach tayoteñ e'ñe errponañohuen. Añ corramets ñeñtcha' nepomuerr na acheñenesacop arr patsro alloch e'ñe correnet, ñeñt'pa' añca'ye nechets.

52 Judionesha'ñapa' ñeñto'maracho' es otanna'tyeset. Ñetñapa' atet otyeset: —Errotenotuachñaca' apueyña e'ñe ña po'chets ñeñtcha' yerra'.

53 Jesúsñapa' alla oterraneterr:

—Po'ño'ch o'ch notas, ñerra'm ama serrernano nechets Ñeñfen Acheñetosets, ñerra'm ama sorrernano ñaña nerras, sapa' amate' errotenot socrraña sa.

54 Ñerra'm esesha' rrene' nechets ñaña ñerra'm orrennanet nerras, ñetñapa' corretsetach tayoten e'ñe errponañohuen, tarro'mar nañapa' netantater-natcha' esempohuañen.

55 Tarro'mar nechets ñeñt e'ñe po'ño'ch corramtsotets; ñerraspa'cho'ña ñeñt e'ñe po'ño'ch orrapo'.

56 Ñeñtcha' rrene' nechets ñaña ñerra'm orrennanet nerras ñetñapa' e'ñech parrocmatennet na, napa'cho'ña e'ñech neparrocmatanet ñet.

57 Apa ñeñt nellsensene' ñapa' ama arromñafeshayaye, ñaca'yeña napuene'ña atto napa'cho'ña corretsanach. Atet nepena namña, allohuen ñeñt pocrram' nepene' napa'cho'ña añ napuenanet attoch ñetpa'cho'ña corretsetach ñamet.

58 Na ñeñfen socrram' sepen ñeñfen huapatsa entot. Ama atteyayno ñerra'mrate' pan ñeñt rre't satañneshañ ahuat. Ñetpa' o' colla'huenet. Esesha'ch e'ñe pocrram' nepene' ñetñapa' corretsetach tayoteñ e'ñe errponañohuen.

59 Arrpa' allohua ñeñt atet ye'chatenan acheñenesha' judionesha' po'prahuo all Capernaumo.

Jesús po'ñoñ ñeñt'pa' alloch yocrrena tayoteñ errponañohuen

60 Allempoña atet e'mueñet atet oten, shonte' pueyochreshachnopa' atet otyeset:

—Añ ñoñetspa' amaca'ye e'ñeye' pocteyaye, amate' esesha' ame'ñayo.

61 Jesúsapa' e'ñe pueyo'chro eñotanet cha otatse'tyen pueyochreshachno, ñeñto'marña atet oterraneterr:

—Ñeñt atet notenespa' are't pocteye' senteñe.

62 Ta'm, ¿errotena'tcha' sotña ñerra'm po'ño'ch sentennoñ na Ñeñfen Acheñetosets o'ch alla na'terreñ ento allot nohuapa ahuat?

63 Yecamqueñ alloña e'ñe po'ño'ch yocrrena. Yechetspa' ama't coñetapa' ama sherbeno. Neñoñ ñeñt neserrpare'tatenespa' e'ñe po'ño'ch secamqueñecop ñeñña po'ño'ch alloch e'ñe socrra.

64 Tarraña pantanta'ttsospa' amaña same'ñenno.

Ñehua, Jesúsapa' e'ñe allempoteñ eñotenan ñeñtcha' ama ame'ñertso. E'ñe eñotenan ñaña ñeñtcha' pomuerre'.

65 Jesúsapa' alla oterraneterr:

—Ñeñto'marña napa' notase't, amach esesha' name'ñerrayo ñierra'm ama
Apa cotape'chaterrahueto attoch coterrnet.

⁶⁶ Allempoteñña shonte' Jesús pueyochresha'chno puerra'cherret ñesho'pa'
o'huañ chopeñe'chenet parro.

⁶⁷ Allempoña Jesús'pa' atet otan pueyochresha' ñeñt' charrasheña puechena
epa:

—Sapa'tho' ¿semneñe't o'ch sepurrerra saña?

⁶⁸ Simón Pedroñapa' atet och:

—Partseshacha', esesha'huate'ñaca'ye yocta'. Paptaca'ye pechenña ñoñets
attochña yapa' corretsayach tayoteñ errponañohuen.

⁶⁹ Yapa' o'ca'ye yame'ñaña. Yapa' yeñoteneñ p'apa' pepa'tca'ye Cristotets,
ñeñeñ Yompor Puechemereñ.

⁷⁰ Jesúsña atet otanet:

—Napa' naca'yeña sa'cierre'ña sa, charrasheñas sepchena epa. Ñeñña
puesheñarrpa' ñeñt'pa' oneñefena'tar.

⁷¹ Ñehua, Judaspa' atet eñora. Ñeñt' Judaspa' ñeñt' Simón Iscariote
puechemer. Ama't ñeñt' a'pchenahuetañ epa pueyochresha', puesheñarrpa'
ñeñt'cha' pomuerre'.

7

Ama't ñeñt' pa'mo'nasheñnesha' pen Jesús'pa' ñetpa' ama eseshaye' ame'ñenayo

¹ Allempoña Jesús'pa' alla chopeñe'chyen e'ñe alla Galileo'mar. Ama
mueno o'ch chopeñe'chen ñaña all Judeo'mar tarro'mar judionesha'pa' cha
o'pateñet o'ch muetset.

² Allempopa' o' cherrmocherr allempoch cosherrerr judionesha'; ñeñt'cha'
cosherreterr añ pa'so'cheñ Manatpuetsopo', ñeñt' atet ye'chenet ñet.

³ Allempoña Jesús'pa' atet och pa'mo'nasheñnesha':

—Te'pa' orrerreñ arrot, ahuerreñ alla Judeo allochñapa' peyochrene-
shachno ñeñt' allo'tsa'yen o'ch p'orrattuerranet ñamet pepartsoña ñeñt' atet
pepa'yena te' arrma.

⁴ Ñehua, ñerra'm yemneñ o'ch yorrta allohuenacoppa' ama't
puesheñarro'teyapa' amachña a'nahua es yepa'yeno. Ñerra'm
po'ño'ch p'orrattyen pepartsoña arrpa' p'orrta'chñaca'ye ñaña allohuen
acheñeneshapo añ patsro.

⁵ Ama't pa'mo'nasheñnesha'pa'tho'ña tarro'mar atet ochet ñetpa'tho'ña
amaca'ye ame'ñeñeto.

⁶ Jesúsñapa' atet otanet:

—Allempo ñeñt' poctetsa nocop o'ch norrta allohuenacoppa' amaca'ye
e'ñeye' chena'. Tarraña socoppa' e'ñeca'ye pocte' chocmaca'ye eñall.

⁷ Tarro'mar acheñenesha'ña añ patsropa' amachca'ye errotent
e'moñe'tasoña sa, tarraña napa' chocma e'moñe'tyennet tarro'mar napa'
añca'ye neñotatyenanet ñeñt' atet p'atse'tyenet ñeñt' ama pocteyaye.

⁸ Sapa' orras socshapretena'. Napa' e'ñe tayecmapa' amachca'ye neto
coshapretatsa. Tarro'mar nocoppa' ama e'ñeye' chena' allempoch e'ñe
pocta'huona.

⁹ Atet otuanetpa' ñapa' alla a'pa mame' Galileo.

Allempo Jesús coshapretena' ñeñt' otenet Manatpuetsopo'

¹⁰ Allempoña pa'mo'nasheñechnopa' ñetñapa' ahuanmuet coshapretatset. O'ña tama o'chetpa' ahuo' ñaña, tarraña ñapa' ama orrtenaneto, a'nahua cota'nenanet chenta'.

¹¹ Judionesha'ña all coshenetpa' ñetñapa' e'neñet atet otyenet:

—Ta'mca'ye ¿erro'tsente'ña Jesús?

¹² Allña acheñenesha'pa' shonte' eñosyenet ñocop. Patanta'tetspa' atet otyenet: “Ñapa' e'ñe cohuen acheñer”; po'potantañechnopa' atet otyenet: “Amaca'ye cohuenayaye, ataca'ye shecare'tyen an acheñenesha'.”

¹³ Ñetpa' atarr mecha'teñet judionesha' ñeñfo'marña a'nahua atet otanna'tyenet.

¹⁴ O'ña patma'nma atto coshenet Jesúsñapa' be'tosos Parets pa'paclo, yechatosanet all.

¹⁵ Allñapa' epaye' cohuanrrorch judionesha'. Ñetñapa' atet otyeset:

—Ta', errotente'ca'yeña añ, ama't ama ay'chatarete quellecpa' atarropa't es eñotyen.

¹⁶ Jesúsñapa' otanet:

—Ñeñt atto ney'chatyenes ñeñtpa' amaca'ye noyaye noctañña, ñeñtpa' Yomporoña poctañña ñeñt nellensene'.

¹⁷ Ñerra'm esesha'ña muene' o'ch atet pet ñeñt muenen Yompor ñetñapa' eñochetcha' ney'chateña' Yomporo amaca'ye notaye' neñeno.

¹⁸ Ñerra'm esesha' e'ñe ñofofa eñenpa' ñetñapa' añach e'nenet o'ch cohuentateññañ acheñenesha' e'ñe ñocop. Añña ñerra'm esesha' e'nene' o'ch cohuentatenan ñeñt llesensene' ñapa' ñeñtña eñetsña ñoñtso e'ñe po'ño'ch ama shequëñtsoyaye.

¹⁹ 'Ama't apasoña Moisés ñoñets ñeñt atet anaret. Tarraña ama't apaseñ, sañapa' ama't e'ñe puesheñarrofesapa' ama se'pohuenoña ñeñt atet oten añ ñoñets, ñeñtepñapa' eso'mare'tña te'pa' semneña o'ch semtsan.

²⁰ Acheñenesha'ñapa' atet otereterr:

—Papa' chate' chorrenpa' oneñeñ. Amarramche' esesha' po'patenayeña o'ch muetsapet.

²¹ Jesúsñapa' alla oterraneterr:

—Ñapa' ama't parrocha norrtatonas nepartsoña añ yetro allempo yamesen saña allempopa' atarr secuanrroretñoñ tarraña sañapa' ama pocteye' senteñe.

²² Moiséspa' apa'nmas ñeñtcha' sey'cha' atoch setsorrannena. Ñehua, po'ño'ch ñeñtpa' ama ñanom Moisésoye' sapaye, ñeñtpa' satañmeshañe'ñaña sey'chatnomue' ahuatoteñ. Ñeñfo'marña sapa' chocmach setsorrateñ asheñorrofoñ ñerra'm o'ch posocmata'muen ama't añ yetro allempocma yamesen chocmaña setsorrateñña asheñorrofoñ.

²³ Atto sapa' setsorrateñ asheñorrofoñ ama't añ yetro allempocma yamesen atoch amach satpueno ñoñets ñeñt atet anaret Moisésot, ñeñtepñapa' eso'maruañaca'yeña se'moñe'tenenña na allempo e'ñe na'crraten puesheñarr acheñ añ yetro allempocma yamesen.

²⁴ Ñerra'm esempo senteñ po'psheñeñ ñeñt atet penpa' amachña ñeñtota sottene'chatsche año' cohuenaye' es yechcateno. Chochña ñanom seño'ch errotente'ña ñeñt po'ño'ch atet pena.

Atto Jesúsapa' eñotatanet ñapa' Yomporeshot huapa

²⁵ Patanta'tets jerusaléño'marnesha'pa' atet otyenet:

—Ta'm amate' añeyayeña ñeñt o'patenet o'ch muetset.

26 Ñapa'cho'ña allo'tsenepa't arr, atta ama es pue'theno eñosets, amaña erroteye'ña oteñeto. Ñato' tarro'marte'ña ama't amcha'taretnesha'pa' o'ca'ye eñotuet po'ño'ch ñapa' ñeñ'ca'ye Cristotets.

27 Tarraña aña'pa' yeñoteñ'ca'ye allot huena. Tarraña esempoch huapa ñeñ'cha' e'ñe po'ño'ch Cristotats ñapa' amach eseshaye' eñotapaye errotcha' huapa.

28 Jesúsña allempo ye'chaten Parets pa'paclo, ñapa' puerranarot atet otanet:

—Sapa' sechme'tennoñte', señotennoñte'ña na erro'tte' nohuapa. Tarraña napa' ama notaye' nohuapo, eñallña ñeñ't nellsense'; ñapa' e'ñe po'ño'ch ñerra'm errot ot, ama puenesho po'ño'ñ. Ñeñ'ña sapa' ama señoteñeña sa.

29 Nañapa' e'ñe neñoteñ, ñesho'tca'ye nohuapa. Ñapa' ñeñ'ca'yeña nellenserre'.

30 Allempocma atarr mueneñet o'ch rromuetañ tarraña ama esesha' rromaye. Tarro'mar ama chena' allempo ñeñ't poctetsa ñocop attoch rromuet.

31 Shonte' acheñenesha' ñeñ't ame'ñaya. Ñetñapa' atet otyenet:

—Añte'ca'yeña po'ño'ch Cristo ñeñ't yecuen o'ch huapa. Yapa' o'ca'ye orrtatosnay po'partsoña, amate' erro'tenot huapo po'psheñeñ ñeñ'cha' ello metanose' po'partsoteña ñeñ't atet entatyeney añ yacmar.

Allempo fariseonesha'pa' mueñet guardianesha' ñeñ'cha' rromuenayañ Jesús

32 Fariseonesha'ñapa' e'mare'teñet shonte' acheñenesha'pa' e'ñe cohuen eñosyenet Jesúsocop. Ñeñ'to'mar ñet ña'ña ñeñ't pa'mcha'taretnesha' pen allohuen judionesha' po'cornaneshar, ñetñapa' mueñet guardianesha' ñeñ'cha' rromuenayañ Jesús.

33 Jesúsñapa' alla otterraneterr:

—O' mameshaña e'ñe parro'tseney. O'chña mamerrerrpa' o'ch alla ahueren allo'tsen ñeñ't nellsensene'.

34 Allempoña ama'tcha' se'name'terrenpa' amach senterno. Allcha' neserr napa' sañapa' amate' erro'tenot se'chapo.

35 Judionesha'ñapa' atet otanna'tyeset:

—Ta', ¿errach taña aña ñeñ'to'mar amach yentere? Ñato' arrcha' ta griegoneshesho all parratse'tyen yamo'tsesha' o'ch ye'chatenana' griegonesha' all.

36 Ta', ¿este'ña aña ñeñ'to'mar atet oten: “Ama'tcha' se'nerrna'pa' amach senterno; allcha' neserr napa' sañapa' amach erro'tenot se'chapo”?

Allohuen ñeñ't ame'ñenaya Jesús, Parets Puecamquëñ'otpa' e'ñe pueñmateño'tet pueyo'chreto atet penet ñerra'mrrate' allot poten oñ ñeñ't atarr cohuen

37 O' e'ñe huañmoch all coshena judionesha'. Añe yetro allempo nanac coshenet, Jesúsñapa' tomos all, puerranarot atet otosanet:

—Erra'tsen'te' acheñer oña'tets e'ñe pueyo'chreto, onetepa' nesho orretepa'.

38 Ñeñ't name'ñenaya na e'ñe pueñmateño'tet pueyo'chretopa' atet pena ñerra'mrrate' allot poten oñ aton ñeñ't atarr cohuen, tarro'mar ñeñ'tpa' atet oten Yompor po'ño'ñ ñeñ't anuaret ahuatoteñ.

39 Ñehua, añ ñoñetspa' añecop serrpare'ten Yompor Puecamquëñecop ñeñ'cha' chorrerraya allohuen ñeñ'cha' ame'ñerraya ña. Tarraña allempopa'

ama aparetteneta' Yompor Puecamquëñ, tarro'mar Jesús'pa' ama çhena' allempoch alla ahuerr Yompor pue'ntañño allcha' e'ñe cohuentaterrñañet.

Allempo acheñenesha'pa' ellopa'tetstatenet poctaḗña Jesúsocop

⁴⁰ Allempo e'mhuet ñeñt' atet oten Jesús, patantarrña acheñenesha'pa' atet otyeset:

—Po'ñoçh añmapa' ñeñt'ca'ye a'mtene'ña Yompor po'ñoñ ñeñt' çhocma yecuen.

⁴¹ Po'potantañpa' atet otyeset:

—Añmapa' ñeñt'ca'yeña Cristotets ñeñt' çhocma yecuen.

Po'potantañpa' atet otyenet:

—Ñeñt'cha' Cristoterretspa' amate' arrota huapo Galileot.

⁴² Ama't otenoña Yompor po'ñoñ ñeñt' anuaret, Davidcha' po'mrenñoñ huapaña ñeñt'cha' Cristoterrets; arrotcha' huapa anetsoḗ ñeñt' Beléñ ñeñt' pa'netser pe't David.

⁴³ Ñeñto'marña allohuen acheñenesha'pa' ellopa'tetstatenet poctaḗña Jesúsocop.

⁴⁴ Patanta'tetsña'pa' atarr mueneñet o'ch rromuet, tarraña ama esesha' rromaye.

Atto judionesha'pa'mcha'tareternesha' ama ame'ñeñeto Jesús

⁴⁵ Guardianesha'ñapa' puerratherret allo'tsen ñeñt' pa'mcha'tareternesha' pen allohuen judionesha' po'cornaneshar epuet ñaña fariseonesha'. Ñetñapa' atet otarettapuerret:

—Eso'maruañaca'yeña amaña sehuapatere.

⁴⁶ Guardianesha'ñapa' atet otuerret:

—Ama't eseshapa' ama pueñosarofña atarr cohuen atet eñen ña.

⁴⁷ Fariseonesha'ñapa' atet oterraneterr:

—Tarro'marte' ama sehuapatere sapa'çho'ña çhote'ca'ye shecapas samña.

⁴⁸ Ama't ñaña patantarr amcha'taretnesha'pa' ama't o' çha ame'ñyeto ñamet. Ama't ñaña patantarr fariseonesha'pa'çho'ña o'te'ca'ye çha ame'ñyet.

⁴⁹ Tarraña ñeñt' acheñeneshar ñeñt' ama eñotenaye ñoñets ñeñt' atet anaret ñetñapa' a'cmaretet.

⁵⁰ Ñeñt'ña puesheñarr fariseo ñeñt' Nicodemo ñeñt' tatsa ahuaña Jesúsesho, ñaña'pa' atet otan pamo'tsesha' fariseonesha':

⁵¹ —Ñoñets ñeñt' atet anaret yocoppa' atet oteney, amach errotenoḗ yecoñchache ama't puesheñarra acheñ e'ñe attota. Chochña ñanom ye'mñoçh attoch yeñoçh este' otatse'tyen ñeñt' atarr sosey yenten esheccha'ña yecoñchach.

⁵² Ñetñapa' atet ochet:

—Eso'maruachca' pemoñesyaña galileo'marnesha', ñato' p'apa' galileo'marneshaḗte'. Papa' amarramche' galileo'marneshayaype. Te'pa' pelleya'yes Yompor po'ñoñ allochñapa' o'ch peñoçh Galileot'pa' ama't puesheñarrapa' amach huapoña ñeñt'cha' a'mtene' Yompor po'ñoñ.

Allempo puesheñarr coyanesha' huapachet Jesúsesho ñeñt' chetapretene' pacma puerrollar

⁵³ Allempoña allohuenet ahuanemyerret pa'pacleto.

2 Tsapaña po'pocheño e'ñe ahuatema alla thenerr Parets pa'paclo. Shonte' achenesha' alla huacheneterr ñesho. Ñaña' anorros allña yehatenaneterr.

3 Ñeñña etsotayenayen ñoñets ñeñt atet anaret judioneshacop ñaña fariseonesha' ñetñapa' huapatoñet puesheñarr coyanesha' ñeñt rromuet all eñchet chetapretenan po'psheñet pacma puerrollar. Nosñañet e'ñe rrocho.

4 Allña' atet otoset:

—Maestro, añ coyanesha'pa' o' yentaprech e'ñe all chetapretenan pacma puerrollar.

5 Moisés po'ñoñ ñeñt atet anaret ñeñtpa' atet oteneý, aña' choch yarrolle'ch. Te'ña pãpa' ¿erro'e'tcha'ña poteyña pã?

6 Ñeñtpa' tarro'mara atet otoset ñato'rraña eñorachet ñeñt ama pocteyaye allochñapa' attoch a'metampeñeta'. Jesúsñapa' allenta mo'capa' o' quellcan pats potaño.

7 Ñetñapa' alla a'p'to'tereterr. Jesúsña echanterrtsapa' atet otanet:

—Ñerra'm erra'tsenoteste' ama eñalle so'chñarpa' sarrolle'chca'ye sanom.

8 Alla mo'quërrer o' alla quellquërranerr pats potaño.

9 Ñetñapa' o' e'met atet otanet Jesús'pa' e'ñe aco'poteñ ahuanemhuerret e'ñe puesheña'ttset. Añ ñanom ahuanerrtsa po'nmenesha'chno, attotapa' o' ñañaña Jesús epuet coyanesha'.

10 Jesúsña echanterrrrpa' atet otan coyanesha':

—No'cheshacha' ¿erro'tsa'yeneta'tña? Ama't puesheñarroñeta ñetpa' are'tcha'ña coñchatape.

11 Ñaña' atet otan Jesús:

—Ama Ayochreshate eseshaye' necoñchataye.

Jesúsñapa' alla otererr:

—Napa'cho'ña amach necoñchatape. Te'ña ñerra'm ahuerreppa' amach allo'na atet pe'pa'nen o' ñeñt ama't mamesha ama pocteyaye.

Jesús'pa' ña a'puetarsam'pene' achenesha' pocta'ña aña patsro

12 Jesúsña po'pocheño'pa' serrpare'taterranerr achenesha', ñeñtpa' atet otterraneterr:

—Napa' na ñeñten a'puetarsam'pene' achenesha' pocta'ña aña patsro. Esha'ch nocterre' o'huañcha' allo'na cotape'chatnenanet pocta'ña ñeñt atarr sosya'tsañ; ñeñtpa' checmeta chopeñe'chyenet. Ñetñapa' Yomporcha' po'cohuenño correrret ñeñfara ñeñt puetares.

13 Fariseonesha'ñapa' atet ochet:

—Papa' pañeña a'potetsa ñeñto'marña atto pã'potenapa' ama sherbeno.

14 Jesúsñapa' otterraneterr:

—Tarraña ama't ñañeña a'potetsapa' atto na'potenapa' e'ñe sherben. Tarro'mar napa' neñoteñ allot nohuapa ñaña neñoteñ allcha' neserr. Sañapa' ama señotenno allot nohuapa ñeñto'marña ama señoteñe allcha' neserr.

15 Sa sotatseñpa' e'ñe orrena atet sepena, arromñañeneshasa atet petsa. Napa' ama't puesheñarrapa' ama notatse'tenaneto e'ñe atfa.

16 Tarraña ñerra'm esempo na'metenanet ñeñt atet nentapreyenanet ñeñtpa' e'ñe po'ño'ch atet tarro'mar napa' ama napteye' es ne'pa'yeno, napa' chocmaña epan Apa ñeñt nellensene'.

17 Ñoñets ñeñt atet anaret ñeñt sechen sa, ñeñtpa' atet oten: Ñerra'm epsheña a'potene' e'ñe attecma ñeñtpa' e'ñeca'ye po'ño'ch otenet.

18 Napa' ñeñt atet na'potena na, Apaña ñeñt nellsensene' ñaca'yeña na'potene'ña nocop.

19 Ñetñapa' atet otereterr:

—¿Erro'tsena'tña pa Pompor?

Jesúsñapa' atet oterraneterr:

—Ama't napa' ama señotheno, Apapa'cho' ama señothe. Ñerra'm señothenoñ na Nompore'nate' señotheñ.

20 Allempopa' atet otanet Jesús all allecma año'tenet quelle ñeñt Yomporecop allempo yechatanet allara Parets pa'paclo. Tarraña ama't puesheñarra ama eseshaye' rromaye tarro'mar ama chena' allempoch ñeñt puctetsa ñocop o'ch rromuet.

Allempo Jesús otanet allcha' serr ñapa' acheñenesha'ñapa' amach errotenot chapueto e'ñe allempocma

21 Allempoña Jesúsapa' atet oterraneterr:

—Napa' o'ch ahuerren, sapa' se'nerrencha'. Sapa' orach ochñarefes serromhua. Allcha' neserrpa' sañapa' amach sechapo.

22 Judionesha'ñapa' atet otanna'tyeset:

—Ta'm ñapa' o'ch muetsa ñañeña, ¿ñeñto'marte' atet oten allcha' serrpa' yañapa' año'ch yechapo?

23 Ñañapa' alla oterraneterr:

—Sapa' alla ayeçhcañas arr patsro. Nañapa' ento'marneshan. Sapa' patso'marneshasa, nañapa' ama patso'marneshayayno.

24 Napa' o' notas sapa' orach ochñarefes serromhua tarro'mar ñerra'm amach same'ñerrno na ñeñten peretnene' ochñarets, po'ñoçh sapa' orach ochñarefes serromhua.

25 Ñetñapa' atet otereterr:

—Papa' po'ñoçh ¿eseshape'tña?

Jesúsñapa' alla oterraneterr:

—Napa' ñeñtenca'ye po'ñoçh chocma sotene'.

26 Atarr nanac palltena chocmach notenes atet sepena sa, shonte'ch neños añecop atet nentyen. Tarraña ñeñt nellsensene' ñapa' e'ñe po'ñoçh atet oten ña. Napa' añca'yeña ne'ñoñeñaña acheñenesha' arr patsro ñeñt atet ne'mueññañ Apa.

27 Ñetñapa' ama esesha' chapahueto pueyoçhreto ñeñt atet otenanet Pom-porecop ñeñt atarr Parets.

28 Jesúsñapa' alla oterraneterr:

—Ñerra'm esempoch sapa' sechantam̃psen eno corsocho na Ñeñten Acheñetosetspa' allempochña chaponasa seyoçhro napa' ñeñten e'ñe po'ñoçh chocma sotene'. Chaponasach ñama napa' ama es nepeno e'ñe nota, añña ne'ñoñena atet yechatenen Apa.

29 Ñeñt nellsensene' ñapa' e'ñe parro'tsenen. Ama a'montsenno, tarro'mar napa' e'ñe chocma atet nepena ñeñt muenen ña.

30 Allempo atet serrpare'tatenanet allempopa' shonte' ame'ñaya all.

Atto ñeñi puechemer pen Yompore ñetñapa' atarr cohueno'tsanyet; ñeññaña ama puechemer peno Yompore; ñetñapa' po'chñara taruasatenahuet e'ñe atta

31 Allempoña Jesúsapa' atet otan judionesha' ñeñt ame'ñenaya ña:

—Ñerra'm chocma soctape'chon neñoñ po'ñoçhpa' neyochresha'ch nepenes.

32 Allempopa' señoterrcha' ñoñets ñeñt e'ñe po'ñoçh Yompor po'ñoñ. Ñeñña ñoñets po'ñoçha' toramperrescha' e'ñech cohueno'tsenes.

33 Ñetñapa' atet otereterr:

—Yapa' Abrahamca'ye po'mrenñey. Ama't ahuata yapa' ama't puesheñarrofeyapa' ama ehuanca'reteye attoch esesha' yetaruasate' e'ñe atta. Eso'marte' pañapa' poteneyña atoram̄psareteyo'ch.

34 Jesúsñapa' alla oterraneterr:

—Po'ñoçha'ye notenes: Allohuen ñeñt ochña'tare'tetspa' po'chñara huanquēnahuet, ñetñapa' po'chñara taruasatenahuet e'ñe atta.

35 Ñeñt ataruasataret e'ñe atta amach ðhocmaye' yeçherro e'ñe parro epuet pamo'mte'. Tarraña na ñeñten Puechemeren ðhocma e'ñe neyçhena epan Namó'mte' errponañohuen.

36 Ñeñto'marña na ñeñten Puechemeren ñerra'm na setoram̄perre' sapa' atoram̄psarescha' e'ñe po'ñoçh, amach alla taruasaterse'te so'chñar.

37 Na po'ñoçha' neñotenes sapa' po'mrenñeseñ Abrahampa' tarraña sapa' aña semnen o'ch semtsan. Tarro'mar neñoñpa' ama't mameshapa' ama çhennaso sa seyoçhro.

38 Napa' añ neñeñ ñeñt atet nentapreteñ Apa. Sapa'çho'ña aña atet sepen ñeñt atet se'mapreteñ ñeñt sompor sepen.

39 Alla otereterr:

—Ya yatañpa' Abrahamca'ye.

Jesúsñapa' atet oterraneterr:

—Sapa' ñerra'm po'ñoçh Abraham po'mrenñeseñ soctape'cheneñfe' atet e'ñe cohuen cotape'che't Abraham.

40 Tarraña sa te'pa' çha so'patenna o'ch semtsan na ñeñten seserpare'tatene' ñoñets ñeñt e'ñe po'ñoçh ñeñt atet ne'mueññañ Yompor. Abrahampa' amaca' atteye' pe'te.

41 Sapa' e'ñe aña soctape'chen atet pena sompor.

Ñetñapa' alla otereterr:

—Yapa' amaca'ye ellapnaneshoteye' ye'ñallete. E'ñe ñapfa Yompor yepeñ ñeñtara Parets.

42 Jesúsñapa' alla oterraneterr:

—Ñerra'm po'ñoçh Sompor sepeñeñ Parets atarrte' semorrentennañ na tarro'mar napa' Partseshotca'ye nohuapa o' neçhap arr. Napa' amaca'ye notaye' nohuapo, napa' Yomporña nellsense'.

43 Eso'mare'tña sapa' ama çhennasoña seyoçhro ñeñt notenes. Ñato' tarro'marte'ña ama semno o'ch se'mñnoten ñeñt atet notenes.

44 Sapa' oneñefaca'ye ñeñt sompor sepen. Ñeñto'marña sapa' aña semnen o'ch sepa ñeñt muenen sompor. Ñapa' ahuatoteñ e'ñe pa'motroteñ amtsañta. Ñapa' ama't mameshapa' ama eñora'penoña Yompor po'ñoñ ñeñt e'ñe po'ñoçh tarro'mar ñoñets ñeñt e'ñe po'ñoçha' amaca'ye atanenoña ña pueyoçhro. Ñerra'm cho eñorenapa', shequēñtsach eñorena tarro'mar ñapa' e'ñe shequēñtsa eñoten. Po'ñoçh sequēñetspa' pomporca' penanña oneñeñ.

45 Tarro'mar napa' añ notenes ñeñt e'ñe po'ñoçh sañapa' amaña same'ñenno.

46 Ama't puesheñarrofesa sa, napa' amach errotentot sotno napa' eñallo' no'chñar. Atto napa' añ notenes ñeñt e'ñe po'ñoçh eso'mare'tña sañapa' ama same'ñenno.

47 Erra'tsente' Yomporena'tarpa' ñetñapa' čhochca'ye e'mñoteññañet Yompör po'ñoñ. Ñeñto'marña sapa' ama se'mñoteññañe po'ñoñ, amaca'ye Yomporena'tareyayso.

Allempo Cristopa' atet otanet: Allempo ama eñalletena' Abraham, nañapa' eñallana

48 Judionesha'ñapa' atet otereterr:

—E'ñe po'ñočh atet yoteneḡ, ḡapa' samario'marneshaḡ, oneñeḡa pechorrenaya.

49 Jesúsñapa' oterraneterr:

—Napa' ama čhoye' chorrenno oneñeḡ. Napa' atarr nanac neñcha'na'teñ Nompör Parets. Sañapa' ama señcha'na'tenno na.

50 Napa' ama añeye' ne'nenno attoch necohuentata nañeña. Eñallña ñeññ necohuentatene' na. Ña eñoretsa atet es entyen arr patsro.

51 Po'ñočhca' notenes: Ñerra'm esesha' e'ñe cotape'cherre' neñoñpa' ñetña ama't ahuatapa' amach e'ñe poctacma rromuerreto.

52 Judionesha'ñapa' alla otereterr:

—Te'ña po'ñočh yapa' o' yeñotaḡ ḡapa' čha chorrenḡa oneñeḡ. Ama't Abrahampa' o' rromuen ñaña ñeññ a'mta'yesaye't Yompör po'ñoñ ñeñḡpa'čho'ña o' colla'huenet. Te'ña ḡapa' atet ḡoteneḡ esesho'čh cotape'cherre' peñoñpa' ama't ahuatapa' aňo'čh rromuerreto.

53 Papa' čhate' ḡotenapañ ellote' peñtaneñ atto aňcha'tarette't Abraham ama't ñapa' o'ca'ye rromuen. Ñeññ a'mta'yesaye't Yompör po'ñoñpa' ñetpa'čho'ña o' colla'huenet. Papa' čhate' ḡotenapañ amate' arromñateshayape.

54 Jesúsapa' atet oterraneterr:

—Ñerra'm na cohuentatetsa nañeña, necohuentateña e'ñe napa' amate' es sherbeno. Nompörpa' ña necohuentatene' ñeñtara ñeññ soteneñ Seyompörro' sepeñ saña.

55 Sapa' amaca'ye señoḡeña tarraña napa' neñoḡeña'ye. Ñerra'm na otetseñ ama neñoḡeña napa'čho'ña atteneñe' ñerra'm sa, čhate' neshcare'tensoñ. Napa' e'ñe po'ñočh neñoḡeñ ñeñto'mar čhocma noctape'cheññañ po'ñoñ.

56 Abraham ñeññ sa satañpa' atarr nanac cosha allempo eñoch o' čhap allempo ñeññ poctetsa nocop o'ch nohuapa arr patsro. Allempoña eñoch napa' o' nečhap arr patsro atarr nanac cosha.

57 Judionesha'ñapa' alla otereterr:

—Papa' ama pechena' amnaroch čharra' pecharña ḡañapa' eso'mare'tña ḡoteneḡña ḡapa' pentero' Abraham, ñeñḡpa' ahuatramche' corre't.

58 Jesúsñapa' alla oterraneterr:

—Po'ñočhca' napa' o'ch notas: Ama eñalletena'ña Abraham, nañapa' eñallana.

59 Ñetñapa' allenta chetet mapue'pa' o'ch rrolle'chetañ tarraña Jesúsña a'nahua čha'nerr Parets pa'paclötpa' o' ahuerri o' sohuannerranet.

9

Allempo Jesúsapa' a'crraterran puesheñarr aporo'yet ñeññ atta eñalletña

1 All oñen Jesúsapa' allña entnoman puesheñarr yacma aporo'yet. Ñeññña aporo'yetpa' atta eñalletña.

2 Pueyochresha'ñapa' allenta a'ḡto'chet:

—Maestro, ¿eseshatña ochña'tats ñato' ña amapa' pamo'mte'te' ñeñfo'mar eñalletaña atet aporo'yet?

³ Jesúsñapa' atet otanet:

—Amaca'ye po'chñaro'feyaye ama't ñaña pamo'mte'; ñeñtpa' añecopña alochñapa' o'ch norrtatoñ Yompor po'partsoña ñesho.

⁴ Ñeñt poctetsa o'ch norrtatoñ po'partsoña ñeñt nellense' tayepa'tñapa' puetarmeñ. Ñerra'm o'ch checmetenpa' amach eshcaye' yetaruaso.

⁵ Tayepa'tña aña patsro'tsenmeñenpa' na ñeñten a'puetarsañpene' acheñenesha' pocta'pña aña patsro.

⁶ Allempoña atet otuapa' allenta a'chonon pa'snom patso o' a'cha'cha'tach. Ñeñtña cha'cha'te'pa' alloña a'yacлле'chanña aporo'yet.

⁷ O'ña a'yacлле'chuepa' atet och:

—Te'pa' orrap' oño all apco'sattataret o ñeñtpa' añ pa'so'cheñ Siloés. Allcha' pe'pacлле'cha. (Ñehua, aña'ye otenetña Siloés ñeñt oñ ahua'ñare't.)

Ñaña'pa' allenta ahua' oño allcha' e'pacлле'chena'. E'pacлле'chuatsapa' e'ñe errtsapa' allentepa'tcha' cohuenterraña pa'clle' e'ñe cohuen enterra.

⁸ Pamo'tsesha'ña ñaña po'po'ne'chno acheñ ñeñt e'ñe cheme'tene' all allempo enamaren quelle, ñetñapa' atet otyeset:

—Añpa' ¿ama't añeyayeña ñeñt anorrtse't ñeñt enamare'tatse't quelle?

⁹ Patantarr acheñenesha'pa' atet otyenet:

—Ñeñfca'ye.

Po'potantañe'chnopa' atet otyenet:

—Amaca'ye ñeñfeyaye, atfaca' ñeñfema'ttena.

Aporo'yetñapa' atet otanet:

—Napa' ñeñfenca'ye.

¹⁰ Ñetñapa' atet otyeset:

—¿Erro'fenote'tña o' pecuerr?

¹¹ Ñaña'pa' atet oterraneterr:

—Añ yacmar ñeñt otenet Jesús ñaca'ye a'cha'cha'te'ña pa'snomo patspa' aloca'yeña a'yacлле'chen. Allempoñapa' oten nepacлле'chenepa'to' oño Siloéso. Ñaña'pa' allña ne'pacлле'chena'. E'ñe e'pacлле'chuatsanpa' allentepa'tcha' necuerr.

¹² Ñetñapa' alla otereterr:

—¿Erro'tsena'tña ñeñt yacmar?

Ñaña'pa' ot:

—Ta'm, amaca'ye neñoteñe.

Atto fariseonesha'pa' a'pto'tare'tenan aporo'yet ñeñt a'crraterr Jesús

¹³ Allempoña ñeñt poro'ye'chatse'tpa' anmet allo'tsen fariseonesha'.

¹⁴ Ñehua, allempo a'cha'cha'tan Jesús pa'snomo pats allo a'yacлле'chan aporo'yet ñeñt cohua'terre' allempopa' añ yetro allempo amesenet.

¹⁵ Fariseonesha'ñapa' ello alla otereterr:

—¿Erro'fenote'tña o' cohua'terrpet?

Ñaña'pa' atet otosanet:

—Añoca'ye a'yacлле'cherrnet senmatso ñeñt a'cha'cha'taret epuet pats o'ña ne'pacлле'cherrapa' allenta necuerr.

¹⁶ Patantarrña fariseonesha'pa' atet otyeset:

—Ñeñt yacmarpa' amate'ca'ye Partseshoteye' huapo ñeñfo'mar ama esoye' entenanoña ñeñt anaret paterr yet allempocma yamesen.

Po'potantaññapa' atet otyeset:

—Ta', elloña ñerra'm ochñañ' acheñ amate' errotenot orrtatonayeña part-soteñets.

Attoña e'ñe all ellopa'tetstatet pocta'ña ñocop.

17 Ellopa' alla otereterr ñeñt' poro'ye'chatse't:

—¿Errotena't' potenña' pa añecop ñeñt' o' cohuaterrep'?

Ñaña'pa' atet ot:

—Ñapa' ñeñca'ye a'ñtene' Yompor po'ñoñ.

18 Judionesha'ñapa' atet otyeset:

—Ñapa' amaca'ye po'ñoç aporo'yeyeyaye, e'ñeca'ye cohuen entena.

Allempoñapa' chore'toñet pamo'mte' ñeñt' o' cohuerr.

19 Ñetñapa' atet otapoñet pamo'mte':

—Aña'pa' ¿añe'tña sacñe'ter ñeñt' sotyese't' ahuo' eñalletaña sacñe'ter aporo'yet? Te'ñapa' ¿errotenote'tña o' cohuerr?

20 Pamo'mte'ñapa' atet otosanet:

—Po'ñoç añca'yeña yacñe'ter ñeñt' atta eñalletatsa aporo'yet.

21 Atto o' cohuerrpa' yapa' amaca'yeña yeñoteñe. Ta', esesha'te' o' cohuater, yapa' ama yeñoteñe. Sa'p'to'ch e'ñe ña, ñapa' o'ca'ye atta po'napen, ñoñachca'ye eñora.

Judionesha'ña allempopa' atet otyeset:

—Po'ñoçhepa'tca'ye aporo'yet o' cohuerr.

22 Ñehua, pamo'mte' atet otanet tarro'mar ñetpa' mecha'teñet judionesha'. Ñehua, judionesha' ñetpa' atet a'pocatenet ñerra'm esesha' otets: Jesús'pa' ñeñca'ye Cristotets, ñeñña'ña atet otetspa' o'ch mueño'chet ñet po'prahuot.

23 Ñeñto'marña pamo'mte'pa' atet otanet:

—Ñapa' o'ca'ye atta po'napen, ñoñachca'ye eñora.

24 Puepocheño'pa' alla chore'tereterr ñeñt' poro'ye'chatse't atet otapet:

—Te' p'apa' o'ch pecohuentaterrñañ Yompor. Yapa' yeñoteñ añ yacmapa' atarra'ye ochñañ.

25 Ñaña'pa' atet oterraneterr:

—Ta', ñato' ochñañeñe' napa' ama neñoteñe. Napa' añaca'ye neñoten napa' aporo'yeten te'ñapa' o' cohuen necuerr.

26 Ñetñapa' alla otereterr:

—¿Errofe'tña perrep'? ¿Errotenote'tña o' cohuaterrep'?

27 Ñaña'pa' oterraneterr:

—Ama'tña napa' o'ca'ye notuas saña'pa' are'tña señoñe. ¿Eso'mare'tña semneñ o'ch alla noterrser? Ñato' ¿añecopfe' semneñ o'ch yochresha'tasa saña'?

28 Ñetña allenta otnare'chetpa' atet otereterr:

—Papa' pueyochresha' pene'p' ñeñt' yacmar, yaña'pa' Moisés'ca'ye pueyochreshay.

29 Yapa' yeñoteñ Paretspa' eñorana'tana Moisés, tarraña ñeñt' yacmarpa' ama yeñoteñe errotte'ña huapa.

30 Ñeñt' poro'ye'chatse'tpa' atet oterraneterr:

—Errotenotuaca'ye ama señoñeñe'ña errotte' huapaña ama't napa' o'ca'ye e'ñe cohuen cohuaterren.

31 Yapa' yeñoteñ ñeñf ochñañ acheñpa' amaca'ye e'mñoteñe Yompor, tarraña ñerra'm ya yemcha'na'teñoñ Yompor atet yepena ñeñf muenen ñapa' çhocmach e'mñoteny.

32 Ya ama't ahuatapa' ama ye'mareña esesha'pa' o' cohuaterranña ñeñf atta eñalletña aporo'yet.

33 Ñerra'm ñapa' ama Yomporeshot huapañe amate' errotentot cohuater-
rnoñe.

34 Ñetñapa' alla otereterr:

—Papa' pe'ñalleta e'ñe ochñañartot. Te'ñapa' cha pemneñ o'ch peychatey ya.
Allenta mueño'chet e'ñe ñet po'prahuot.

Ñeñf ama ame'ñeto Jesúsñapa' atet entenanet ñerra'm aporo'yet

35 Jesúsñapa' o' e'mare'ch ñeñf aporo'yettatse'tpa' o' mueño'chet. Allem-
poña enter Jesúsapa' atet oter:

—¿Pame'ñeña't ñeñf Yompor Puechemer?

36 Ñañaapa' atet och:

—Ayochreshate, ¿esesha'tña ñeñf Yompor Puechemer ñeñfcha' name'ña?

37 Jesúsñapa' atet otererr:

—Ñeñf pecuen, ñeñfen atet potene', naca'ye.

38 Ñañaapa' allenta concorpa ñeshopa' atet otererr:

—Name'ñerrpach Partseshacha'.

39 Jesúsñapa' alla otererr:

—Napa' añecopña nohuapa arr patsro allochñapa' attoch acrareterra
acheñenesha' errotench'a' nentyesanet, allochñapa' ñeñf ama entetsopa' o'ch
e'ñe cohuen enterra. Ñeñña entetsañpa' o'ch alla aporo'yetterra.

Ñeñtpa' añ toma'ntata, ñeñf atarr ochñañ entetsa ñerra'm ame'ñerrana
Jesús, ñetpa' çherranetcha' Yompor po'cohuenna pueyoçhreto. Ñeñña ama
ochñañe'ye' entetsañe ñeñto'marña ñetpa' amach ame'ñereto Jesús, ñetñapa'
amach çherraneto Yompor po'cohuenna pueyoçhreto.

40 Patanta'tetsña fariseonesha' ñeñf allame'ttso'tsa'yenet ñesho, ñetñapa'
e'mueñet ñeñf atet oten Jesús. Ñetpa' atet ochet:

—Ta'm yapa' ¿amañe' aporo'yete'ye' pentenye?

41 Jesúsñapa' atet otanet:

—Ñerra'm po'ñoçh sa aporo'yet sentenañ amate' eñallmeñeña so'chñar.
Tarraña sapa' atet soten, sapa' año' aporo'yete'yayso, e'ño' cohuen secuen,
ñeñto'marña te'pa' o'ch notas, so'chñarpa' çhocma eñall.

10

Atto Jesúsapa' añ toma'ntatanet all yottanpene' carrnero

1 Allempoña Jesúsapa' alla yeçhaterraneterr, ñeñtpa' atet
toma'ntaterraneterr:

—Po'ñoçha' notenes: All yottanpene' carrnero ñerra'm esesha' ama
be'tetso allotecma be'tenet ñerra'm po'pshenñañoña a'tenet, ñeñña
po'ñoçhpa' eñeñca'ye ñeñf apratanpñañtetsa.

2 Tarraña ñerra'm esesha' be'tets e'ñe allotecma be'tenet ñeñña po'ñoçhpa'
ñeñf cohuamñepene' carrnero.

3 Ñeñf cohuamñepene' yetarrpa' ñerra'm esempo huacherra ñeñf co-
huamñepene' carrnero ñapa' çhocmach toramñsapuerranet. Carrneropa' e'ñe

eñoteññañet pamo'mte' po'ñoñ. Ñaña'pa' o'ch ðhore'tyesan po'carrneror pa'so'chñopa' o'ch ðha'nmaçha'tatan po'carrneror.

4 Allempoña ðha'nmatue allohuen a'yotpa' ñaña'pa' o'ch ota. Po'carrnerorñapa' allentach cota'huanemñ chenta'. Ñetña'pa' e'ñe cheme'teññañet pamo'mte' po'ñoñ.

5 Tarraña ahuapña'pa' ama coteñe, ðhach matamþesya tarro'mar ama eñotenano ahuapña po'ñoñ.

6 Ñeñpa' atet oterranerr fariseonesha' toma'nteñtso tarraña ñetña'pa' ama eñotoñeto ñeñt otenanet.

Atto Jesús'pa' añ toma'tena ñeñt e'ñe cohuen cohuanþene' po'carrneror

7 Alloñapa' alla oterraneterr Jesús:

—Po'ñoçha' notenes: Napa' na yetarrotets allotcha' be'ten carrnero.

8 Allohuen ashcañnesha' ñeñt huapyestse't allempo ama nohuena' na, ñetpa' eñeñaret ñeñt aprratamþsañtetsa, tarraña ñetpa' ama e'mñotenanetoña carrnero.

9 Napa' na yetarrotets. Ñerra'm esesha'ch be'tets nesho ñeñpa' queshper-rach, be'terretcha' ñaña ðha'nerretcha' enterretcha' e'ñe cohuen puerrar.

Ñehua, ñeñpa' añ otenanet: Ñerra'm esesha'ch ame'ñaya ña ñetña'pa' quesh-perretcha'. Ñachña cohuanþerrahuet e'ñe cohuen amach es pallterreto.

10 Jesúsñapa' alla oterraneterr:

—Eñe'pa' amaca'ye huenoña e'ñe atta, añecopña huena o'ch etyes, o'ch es muetsa, o'ch es a'chencatua. Tarraña napa' añecopña nohuapa attochña sapa' corretsasach socsheñeshocmañen e'ñe tayoteñ errponañohuen.

11 Napa' na ñeñten cohuen cohuanþene' carrnero. Ñeñt e'ñe cohuen cohuanþene' carrnero ñapa' e'ñe ñañaña a'rroyeretsa o'ch rroma po'carrnerocop.

12 Tarraña po'psheñeñ ñeñt atsa'tarettatsa attoch cohuanþenan carrnero ñeñpa' ama pamo'mtayeyaye; ñaña'pa' ñerra'm entapan ma'yarrpa' ðhach mata o'ch sa'nmanña carrnero. Ma'yarrña'pa' o'ch rroma'yesosan carrnero, patantarrña carrneropa' o'ch atta a'parratse'tach.

13 Ñeñt atta atsa'tarettetsapa' po'ñoçhpa' ama lleca'penanoña carrnero ama't mamesha. Ñeñto'marña ðhach sa'nmanña carrnero.

14 Napa' na ñeñten cohuen cohuanþene' carrnero. Napa' e'ñe nechme'teñ ñeñt necarrneror. Ñeñtña nopa' e'ñe cheme'tenen naña.

15 Atet pena Apa e'ñe eñotenen, nañapa' e'ñe neñoteñ naña Apa. Napa' e'ñe nañeña o'ch na'rroyerra attoch nerroma necarrnerocop.

16 Eñall po'poñeçhño ñeñtcha' necarrneror neperr, ñetpa' ama parrocmateneto arr allo'tsen ñeñt necarrneror nepen te'. Añ poctetsa o'ch nerraneta' attoch e'mñoterrnanet neñoñ, allochña'pa' o'ch e'ñe parrocmater-ret. Puesheñarrana ñeñtENCHa' cohuanþerrahuet.

17 'Apapa' ello atarr morrentenna tarro'mar napa' na'rroyena nañeña o'ch nerroma aheñeneshacop, elloñapa' o'ch alla netanterra.

18 Ama't eseshapa' amach puerratamþesnoña nocreña, napa' na ñeñten a'rroyetsa e'ñe nañeña. Napa' anareten attoch na'rroya o'ch nerroma; anareten ñaña attoch ellopa' o'ch alla netanterra. Ñeñpa' Apaña notene' atetcha' neþa. Arrpa' allohua atet toma'tatenanet allohuen ñeñtcha' ame'ñerraya ñeñtña po'carrneror pen ñeñtcha' atarr cohuen cohuanþen.

19 Ñeñt atto serrpare'tatenanet Jesús, allña judionesha'pa' ellopa'tetstatenet poctañña Jesúsocop.

20 Shonte' acheñenesha' ñeñt' atet otyesets:

—Añmapa' chaca'ye chorreña oneñet, chaca'ye mospuena. Eso'mare'tña se'mñioteñ.

21 Po'potantañechnoñapa' ñetpa' atet otyenet:

Ñerra'm cho chorreña oneñetpa' amate' errotenot eñosoña atet e'ñe cohuen. Oneñetpa' amate' errotenot cohuateranoña aporo'yet.

Allempo judionesha'pa' achmāre'teñet Jesús

22 Allempoñapa' cherrerr allempo alla cosherrerr judionesha' Jerusaléno allempoch yerpuerret ñeñt' atto nete't ahuat Parets pa'paquell ñocop. Allempo alla cosherreterrrpa' allempopa' huapo.

23 Jesúsñapa' alla chopeñen Parets pa'pacillo all oteñet Salomón puecha'petaro.

24 Allñapa' arrotanñesya judionesha'pa' atet ochet:

—Esempohuachñaca'ye pe'nuaña ñeñt' atto pemoññe'tatenya. Ñerra'm po'ñochte' pa Cristotetspa' poteyñaca'ye e'ñe po'ñoçh.

25 Jesúsñapa' atet otanet:

—Ama't notatstas sapa' amachca' same'ña'no. Napa' e'ñe neyemteñoñ Apa atet es nepa'yen. Ñeñt' norrtatyenpa' ñeñt'cha'ña señoate' napa' ñeñten Cristotets.

26 Tarraña sapa' ama same'ñenno tarro'mar sapa' ama necarrneroreyayso ñeñt' atet o' notuas.

27 Ñeñt' po'ñoçh necarrnerorpa' e'mñiotentanet neñoñ, nañapa' neñotenanet. Ñetñapa' cotennet.

28 Nañapa' napuerranetcha' attochña ñetpa' corretsetach tayoteñ erponañohuen, ñetñapa' ama't ahuatapa' amach chenquërreto. Ama't eseshapa' amach puerraterrnetoña e'ñe ña notot.

29 Nomporpora' ña napuene'ña ñeñt' name'ñenaya. Ñapa' atarr ahuaumentatesha'. Ña po'huamencpa' ama eseshaye' metanenaye. Ama't eseshapa' amate' errotenot puerratamñsetoña Nompopor e'ñe ña potot.

30 Napa' e'ñe parro attecman epan ña.

31 Ñeñto'marña allempo judionesha' ñetpa' chetet mapue' allo'ch rolle'chet.

32 Jesúsñapa' atet oterraneterr:

—Shonte' coçhnesha' norrtatyesonas Nompopor po'huamencot. ¿Erra'tsenote'tña añ ñeñt' e'ñe coçhnesharot sapa' semneñ o'ch sarrolla'n?

33 Judionesha'ñapa' atet otereterr:

—Ama porrtateñoñeye' coçhnesha' yemneñe o'ch yarrolle'taþ. Yapa' añecopña yemneñ o'ch yarrolle'taþ atto pa'pa' atarr pachmāre'teñ Parets. Papa' acheñoñaca'ye pemneñ o'ch pepartsocoptarta.

34 Jesúsñapa' alla oterraneterr:

—Ñoñets ñeñt' atet anaret ahuatoteñ socop allpa' atetca'ye anuaret añecop ñeñt' e'ñe ñenmañ a'pote' Yompopor po'ñoñ, ñeñt'pa' atet otanete't Yompopor: "Sapa' atetcha' entenes acheñenesha' ñerra'mrrate' yompores."

35 Yompopor po'ñoñ ñeñt' anuaret ahuatoteñ ama puenesho. Atet otanete't ñetpa' yomporo'ch entenanet acheñenesha',

36 naña ñeñten o' nrenen Yompopor ñeñten o' mueñerren arr patsro, sapa' achmārnāñach sepenen tarro'marotña napa' noten Yompopor Puechemeren.

37 Ñerra'm amate' añeye' norrtateno Yompopor po'partsoña ñeñt'epñapa' amach same'ñatsetno.

³⁸ Tarraña atto po'ñoçh norrtateññañ po'partsoña ama't ñeñtapa' same'ñya, ama't napa' ama' ame'ñoyen sentenno. Attochña po'ñoçh çhaponasa seyoçhro atto Apapa' e'ñe parrocmatenna, napa'çho'ña neparrocmaten epan Apa.

³⁹ Ellopa' mueneñetañ o'ch rromuet tarraña ñet allempopa' çha a'qeshpachet.

⁴⁰ Allempoña Jesúsapa' ahuerri yomta'n Jordanaso all e'ñe ñenmañ apatyese't Juan Yomporecop. Allñapa' alla a'pa.

⁴¹ Shonte' huaçha'tyests ñeshopa' ñetñapa' atet otyesoset:

—Juanpa' ama't coñe'ta ama orrtatano partsoteñets, tarraña allohuen allpon otyesy'e't Juan añecop ñeñtcha' Cristoterrets ñeñña te'pa' e'ñe po'ñoçh atet pena.

⁴² Allñapa' shonte' acheñenesha' ñeñt ame'ñaya Jesús.

11

Allempo rroma Lázaro

¹ Allempo atsna'ten puesheñarr yacma ñeñtapa' añ pa'so'cheñ Lázaro ñeñt yechetsa anetso Betania epuet epsheño'mar po'çh, puesheñarrpa' María, po'psheñeñpa' Marta.

² Ñehua, ñeñña Mariápa' ña a'yatcate'ña Partsasha' eñmosafo pa'tco allempoña e'ñe ña pue'chopa' alloña a'porrarratquër, ña po'se Lázaropa' çha atsna'ten.

³ Po'çhanesha'ñapa' allenta mueñet acheñ Jesúsesho, ñetñapa' atet otoset Jesús:

—Partseshacha', ñeñt atarr pemorrentenapa' çha atsna'ten.

⁴ Jesúsña e'mare'çhpa' ñapa' atet otapanet:

—Ña amaca'ye añecpaye' atsna'teno o'ch rroma, tarrecpa atet pena allcha' norrtatoñ Yompor po'partsoña, allochñapa' o'ch cohuentatennanet na ñeñten Yompor Puechemeren.

⁵ Jesúsapa' ama't atarr morrentenanañ Marta ñaña pa'mo'nerr ñaña Lázaro,

⁶ tarraña allempoña e'mare'tan Lázaropa' çha atsna'ten, ñapa' amaña allorocmaye' to, ñapa' alla epomterr e'ñe all allo'tsen.

⁷ Allempoña epomta'muenpa' atet ota'muan pueyochresha':

—Te'pa' o'ch ahuerrey alla Judeo allo'tsen Lázaro.

⁸ Pueyochresha'ñapa' atet ochet:

—Maestrocha' allpa' çhaca'ye o'patenpa judionesha' o'ch rrolle'tapet attoch muetsapet. Tá'm, çpaña te'pa' o'ch alla pesechenerr o'ch alla ahuerperr?

⁹ Jesúsñapa' atet otan pueyochresha':

—Ama'tña yetpa' o'ca'ye ellapen puetarsats. Ñerra'm yehope'ch yeto amach yepoto'teno tarro mar e'ñe yenten puetare' añe patsro.

¹⁰ Añña ñerra'm yehope'ch tsapo yepoto'tena tarro'mar ama a'puetarsañsareteye. (Atto Jesúsapa' e'ñe eñotatenanet allponmatmeñ ñocop attoch e'ñe etsotuan Yompor po'taruas tarro'mar ama çhena' allempo ñeñt poctetsa ñocop attoch muetset.)

¹¹ Allempo otua atetpa' o' alla otteranerr pueyochresha':

—Lázaro ñeñtey e'ñe parrocmata atarr yemorrentannena ña te'pa' çhaca'ye muen, ñeñto'marña te' napa' o'ch ahuen o'ch alla nopuera'.

¹² Allempoña pueyochresha' ñetñapa' atet otereterr:

—Ñerra'm Partseshacha' cháte' e'ñe cohuen muenpa' ñeñtepa' cor-rerrach.

¹³ Ñehua, Jesús'pa' añ otenanet atto Lázaroñpa' čhoca'ye rromuen; ñetñapa' čha otenapuetañ añte' otenanet ñeñt' atto čhocma e'ñe yemuen betnatotey.

¹⁴ Allempoña Jesús'pa' alla oterraneterr' attoch e'ñe eñochet:

—Te'pa' po'ñočha'ye o' rroma Lázaroñ.

¹⁵ Napa' te'pa' atarr nocshena tarro'mar ama allo'tsenno all. Atarr cohuen nenteñ socop allochñapa' attoch e'ñe cohuen same'ñerrna. Ama'tpa' te'pa' o'ch ahuey Lázaroñesho, o'ch yenteña'.

¹⁶ Tomásña ñeñt' otenet Epanesha' ñapa' atet otan po'potantañ ñeñt' parro yochreshatsocmuet:

—Ama'tpa' ahuanmapo'ch yerromuepa' yanña epay Jesús.

Allempo Jesús eñotatanet ñapa' ña atantatañtetsa alloch e'ñe yocrrena

¹⁷ Allempoña čhap Jesús all, ñapa' eñotos o'ca'ye pa'tatsmat pampa'huet.

¹⁸ Ñehua, Betania allame'tsarna Jerusalén —o' ma'pama kilómetro attoch yechap Jerusaléño.

¹⁹ Allñapa' shonte' judionesha' ñeñt' huáčhetsa allo'tsen Marta epuet pa'mo'nerr María ñeñt'cha' emya'tenahuet atto ya'na'teñet po'sayañet Lázaroñ ñeñt' o' rromuerr.

²⁰ Allempoña Martapa' e'mare'tan Jesús o' huena ñañapa' allenta ahuo' o'ch poctenan Jesús. Maríañapa' allo'tsena pocollo all anen.

²¹ Martaña allempo poctenan Jesús atet otapueñ:

—Ñerra'm Partseshacha' arro'tsenpeñcha' amate' rromuerrñeña nesayañ.

²² Ama't te'pa' napa' neñoteneñ ñerra'm erra'tsencha' penam' Yepapar, ñapa' čhocmach atet ponañ.

²³ Jesúsñapa' atet och:

—Po'ñočpa' tanerrach pesayañ.

²⁴ Martañapa' atet otererr:

—Po'ñočh napa' neñoteñ tanerrach esempohuañen allempoch atantaretey allohueny.

²⁵ Jesúsñapa' atet otererr:

—Napa' na ñeñten e'ñe po'ñočh atantatañen, napa' ñeñten alloch e'ñe socrrena. Erra'tsencha' name'ñenaya na ama'tcha' rromuenetañpa' ñetpa' ellochña alla correrret.

²⁶ Ama't ñaña allohuen ñeñt' corra'yetsa te' erra'tsencha' name'ñerraya na ñetñapa' corretsetach tayoteñ e'ñe errponañohuen. Papa' ¿pame'ñenna't ñeñt' atet noteneñ?

²⁷ Martañapa' atet otererr:

—Partseshacha' napa' neñoteneñ e'ñe po'ñočh p'apa' ñeñteñ Cristotsets, p'apa' Yepapar Puechemerep, p'a atarr yecuen ahuatoteñ o'ch pehuapa arr patsro.

Allempo Jesús yahuosa Lázaroñ puepampro

²⁸ Allempo atet otuepa' ñapa' allenta ahuer pocollo, atet otueran pa'mo'nerr María, ñeñt'pa' atet och a'nahua:

—Te'pa' o' huena Maestro, o' agotatueneñ.

²⁹ Maríaña e'mare'te'pa' atantoche' allenta ahuo' ñaña o'ch poctenan Jesús.

³⁰ Ñehua, Jesús'pa' ama čhena' anetso, allo'tsenara all pocten Marta.

³¹ Judionesha'ña ñeñt' allo'tsa'yen pocollo ñeñt' emya'tene' ñetñapa' enteñet atantoche' María puema'yoreñ čha'nem ñetñapa' allenta cota' huanmet. Ñetpa' čha otenapuetañ arrcha' ta po'sayañ puepampro o'ch ya'na'teña'.

³² Allempoña chap María allo'tsen Jesús, all entospa' concorposa pa'rrpōt. Ñapa'čho'ña atet otos:

—Ñerra'm Partseshacha' arro'tsenpeñcha'pa' amate' rromuerrñeña ne-sayañ.

³³ Allempo entosan Jesús all atarr yahuena María ñaña judionesha' ñeñt' cotose' ñetpa'čho'ña e'ñe parro attecma yahuanrrortenet, ñaña'pa' pueyočhropa' atarr llecapretosanet ñeñto'marña čha enarosa.

³⁴ Ñaña'pa' atet otapanet:

—¿Erra'tña sepampuer?

Ñetñapa' atet ochet:

—Ñehua, Ayochreshate o'ch ahuey o'ch penteña'.

³⁵ Allempoña Jesús'pa' yahuosa ñaña.

³⁶ Judionesha'ñapa' otyeset:

—Ñapa'čho' atarropa'tca'ye morrenteña.

³⁷ Puesheña'tetsñapa' atet otyeset:

—Añmapa' ñeñt'ca'ye cohuaterre'ña aporo'yet. Ñerra'm arro'tseneñcha'pa' amachca'ye muenacheñe o'ch rromuerreñña Lázaroñ.

Allempo Jesús tantaterran Lázaroñ

³⁸ Jesúsña e'ñe puellquëño'pa' enarerrerr. Allempoñapa' chap puepampro all mapuetpono e'ñe all yottañpeñet mapyo.

³⁹ Allñapa' atet otosanet Jesús:

—Te'pa' sa'rrote't mapue' a'yenet.

Martaña ñeñt' arromñañ po'čhpa' atet oterranerr Jesús:

—Partseshacha' o'te' čha poñaña' o' pa'tatsmat pampa'huet.

⁴⁰ Jesúsñapa' otererr:

—Ama'tña napa' o'ca'ye notuosep ñerra'm pame'ña'nachpa' pentoñcha' Yompor po'partsoña.

⁴¹ Allempoñapa' a'rrote'tet mapue' a'yenet, Jesúsñapa' cohua' enonet atet ot:

—Apa, neparasyoso'tap tarro'mar te' p'apa' pe'mñnoten ñeñt' atet nena-muenep.

⁴² Ñehua, napa' neñoteñ čhocma pe'mñnoten. Añña acheñenesha' ñeñt' tomčha'tets arr ñocpuet neparasyoso'tenep allochñapa' attoch eñotenpet p'a ñeñtep nellensene'.

⁴³ Ñeñta otuapa' allempoñapa' rrana huomencpa' atet ot:

—¡Lázaroñe, te'pa' o'ch notap' petantena, pečha'nen!

⁴⁴ Allempoñapa' čhepa'tcha' čha'netsña Lázaro ñeñt' o' rromhua, epota'taret pototo ñaña pa'rrpōt, ñaña pa'clloyotpa' e'tacliche'charet pañello. Jesúsñapa' atet oterraneterr:

—Te'pa' čhosañaca'ye torañperre' esheccha' chope'chnerr o'ch ahuer.

Atto atarr o'pateñet Jesús o'ch muetsatateret

(Mt. 26.1-5; Mr. 14.1-2; Lc. 22.1-2)

⁴⁵ Allempoña shonte' judionesha' ñeñt' cotose' María ñeñt' ente' Jesús atto orrtatosanet po'partsoña ñetpa'čho'ña e'ñe allempocma ame'ñeret ñamet Jesús.

46 Tarraña po'potantañechnoñapa' ahuanmuet fariseoneshesho ñetñapa' serrpare'tatoset fariseonesha' ñeñt atet o' pohua Jesús.

47 Allempoña fariseonesha' ñaña ñeñt pa'ncha'tareternesha' pen allohuen judionesha' po'cornaneshar, ñetñapa' ap'chachet allohuen ñeñt a'pocataene' ñoñets judioneshacop. Ñetña allempopa' atet otyeset:

—Errotuachñaca' yepeña, ñeñt yacmarpa' chocmaca'ye orrtatyenanet partsoteñets.

48 Ñerra'm atta yequechpue' allohuenña acheñenesha'pa' chate' ame'ñyet ña, allempoña po'ñoçhpa' chate' huapa añcha'taretnesha' romo'marnesha' chate' puerratañpsosyet Parets pa'paquëll ama't ñeñt anaret Partsocop, ama't e'ñe ya ya'netserpa' chate' puerratañpsosyet.

49 Puesheñarrñapa' ñeñt sochetsa Caifás allempopa' ñeñt pa'ncha'tareter pen allohuen judionesha' po'cornaneshar ñañapa' atet otanet:

—Sapa' ama es seño teno, ama't coñe'ta.

50 Ama't pocte' senteñeña ñerra'm puesheñarr yacmapa' o'ch rroma allohuen acheñeneshacop, allochñapa' allohuen yamo'tsna'tarpa' amach chenca'huerreto.

51 Ñapa' ama ñoñaye' eñoñoña atet. Ña allempopa' ñeñt pa'ncha'tareter pen allohuen judionesha' po'cornaneshar ñeñto'marña ñapa' Parets eñoñate'. Ñapa' añ a'potanet atto Jesús'pa' ñach rromuerrets allohuen pamo'tsna'tarneshacop.

52 Amach e'ñe ñapña pamo'tsna'tarecpayaya rromoña Jesús, añecpa'nachña rroma allohuenacop ama't erra'tsencha' puechemer perr Yompor arr patro, ñachña parrocmata terrahuet.

53 E'ñe allempoteñña atarr o'pateñet Jesús o'ch muetsatachet.

54 Ñeñto'marña Jesús'pa' o'huañ chopeñe'ch allo'tsa'yen judionesha' all Judeo. O' ahuo' amayarero'mar, chap paterr anetso ñeñt pa'so'cheñ Efraín. Allñapa' alla a'posa epuet pueyochresha'.

55 Allempoña o' cherrmocher pascuapo allempoch alla cosherrerr judionesha'. Allampaño'marnesha' ñeñt allo'tsa'yenet shontet ahuanmuet Jerusaléno. Ama chena' pascuapo ñetpa' añecopña ahuanmuet attoch a'cohuentatoset e'ñe ñetañeña Partsocop.

56 Ñetñapa' Jesús'a e'noset, a'pto'tanna'tyesoset allempo tom'cha'toset Parets pa'paclo; allñapa' otanna'tyenet:

—¿Erroñena't sotenña sa, ta'm huapachña Jesús, ñato' amach huapoña arr?

57 Ñehua, ñeñt pa'ncha'tareternesha' pen allohuen judionesha' po'cornaneshar ñaña fariseonesha' ñetpa' atet otyeset acheñenesha':

—Ñerra'm eseshascha' eñote' erro'tsente'ña Jesús'pa' o'ch sotey ya allochñapa' o'ch yerremach.

12

*Atto puesheñarr coyanesha'pa' a'yatca'tosan Jesús eñmosaño
(Mt. 26.6-13; Mr. 14.3-9)*

1 O' pechapmataña o'ch chapa'muen pascuapo, Jesús'pa' alla cherr Betanio. Allñapa' allo'tsen Lázaro ñeñt rromats ahuaña ñeñt alla tantaterr Jesús.

2 Allñapa' all rrallme'chatneñet. Martañapa' ña nenahuet rreñets. Lázaroñapa' ña rrets epuet Jesús ñaña po'potantañechno.

³ Allña Mariapa' chetan puenarr eñmosať ñeñť otenet nardo puese' e'ñe ñeñťoche' ñeñťñapa' atarr tsa'te'. Ñañaapa' alloña a'yatca'tan Jesús. E'ñe ña pue'chopa' alloña a'porrarra'tquër. Ñeñťñapa' ora eñmosaťtatan pocollohuen.

⁴ Judas Iscariote ñeñť Simón puechemer ñeñťara pueyochreshar ñeñťcha' pomuerre' ñañaapa' atet ot:

⁵ —Eso'marte'ña añ eñmosaťpa' ama čhoye'ña yepome, čhochñačo' yepomeña' yeganañcha' shonte' quelle ñeñť trescientos denario allempopa' yapa'yeseñcha' huocchañneshačhno ñeñť atarr es pallta'yetsa.

⁶ Ñapa' ama puellquëñoťeye' huocchañneshačhnocop atet oto. Ñapa' tarro'mara atet ot, ñapa' atarrca'ye eñeť. Ñapa' e'ñe ñacma anmanpene' quellayepo'r ñeñť allohuenacop, ñapa' allotña etenña quelle ñeñť esha'tenet all.

⁷ Tarraña Jesúsñapa' atet otanet:

—Semnachñaca'yeña coyanesha' ñeñť atet penen. Ñapa' añecop añño'tennan ahuatoteñ eñmosať tarremphua allempoch a'yana'terrneterr ñeñťcha' epuet pampa'pesnet.

⁸ Tarraña ama'tcha' čho pomosaneñ eñmosať alloch es apa'yeseaneñ huocchañneshačhno, tarraña čhocmachca'ye eñallña huocchañneshačhno arr pat-sro. Tarraña ñañaapa' po'ñočpa' amachca'ye allo'na sentenno arr patsro.

Allempo o'pateñet Lázaro o'ch alla muetseret

⁹ Shonte' judionesha' allempo e'mare'chet o' alla čherr Jesús all Betanio, ñetñapa' huača'tet. Ama e'ñe ñapťecpa Jesúsocop huača'teto o'ch enteñeta', añecpa'ñaña huača'tet o'ch enteñeta' ñaña Lázaro ñeñť rromats ahuaña ñeñť tantaterr Jesús.

¹⁰ Ñeñťña pa'mcha'tareťernesha' pen allohuen judionesha' po'cornaneshar ñetñapa' añe'na o'patenet Lázaro ña'nach muetset.

¹¹ Tarro'mar allempo tanterra Lázaro shonte' judionesha' ñeñť ame'ñaya Jesús ñeñťo'marña ñetpa' o' quečpa'hueretña ñet po'cornaneshar.

Allempo čhap Jesús Jerusaléño

(Mt. 21.1-11; Mr. 11.1-11; Lc. 19.28-40)

¹² Tsapaťña shonte' ačeñenesha' ñeñť shontetsa pascuacop Jerusaléño, ñetñapa' e'mare'teñet Jesús o' čhappoch ñaña Jerusaléño.

¹³ Ñetñapa' tsorro'tyesnomuet shequëpan ñeñť anemyeset allo topane'tyesnomuet toñ allcha' oñmos Jesús. Ñetñapa' puerranarshet ahuanmuet o'ch poctet Jesús ñeñťpa' atet otyesnomuet:

—¡Acsherrapo'ch allohueney! ¡Aye'čočhtaterrapo'ch Jesús ñeñť llesensen Yompor! ¡Aye'čočhtaterrapo'ch Jesús ñeñťcha' Pa'mcha'tareťer perr israel-nesha'!

¹⁴ Ñehua, Jesúsñapa' all entnoman paterr ashnaťollpa' allenta monta'nma allo. Ñeñťpa' añecop atet pa ñeñť atet anuaret ahuatoteñ e'ñe ñocop, ñeñťñapa' atet oten:

¹⁵ Amach čha semcha'tatsto sióno'marneshacha' ñeñťarasa jerusaléño'marneshas. Secue'tach te'chca'yeña huaponasaña ñeñťcha' Sa'mcha'tareťer seperr. Ñapa' añaca'ye monta'nena ashen rre'ptorechor.

¹⁶ Ñehua, ñeñť ñoñets allempoña pueyochresha'pa' ama čhapaneto pueyochreto. Tarraña tsapatonetña allempo rroma Jesús, o' alla tanterra alla ahuer pue'ntaño all atarr cohuentatapuer Pompor, ñetñapa' allempañña

cherranetña pueyočhreto te'ña po'ñočhpa' o'ca'ye etsoterra e'ñe atet anuaret ñocop ama't ahuototeñ.

17 Acheñenesha' ñeñt'allo'tsa'yen allempo chore'tenan Lázaroñ puepamprot atto tantater, ñetñapa' ñeñña a'potayeset.

18 Ñeñto'mare'naña ahuanmaña shonte' acheñenesha' o'ch poctet tarro'mar ñetpa' o' e'mare'chet ñamet ñapa' orrtatenanet po'partsoña.

19 Allempoña fariseonesha'pa' atet otanna'tyeset:

—Señchfe'ca'ye'm yapa' amate' errof es yeño ama't coñe'ta. Secue' shonte'ca'ye ñaña acheñenesha' erraparenot o' e'ñe cota'huanmet.

Allempo griegonesha'pa' mueneñet o'ch eñchet Jesús

20 Patanta'tets griegonesha'pa' ahuanmuet ñamet o'ch coshapreteneta' pascua; ñetpa' añecop ahuanmuet o'ch concorposet all.

21 Ñetñapa' ponmosyet Felipe ñeñt' betsaido'marnesha' ñeñfara galileo'marnesha'. Ñeññapa' atet otoset:

—Nomparcha' yapa' añca'ye yemnen o'ch yeserrpare'tos epay Jesús.

22 Felipeñapa' allenta otenana' Andrés. Ñetña e'ñe epsheño'maretpa' ahuanmuet o'ch oteñeta' Jesús.

23 Jesúsñapa' atet otapanet:

—Te'ña po'ñočhpa' o' etsoterra allempoch na Ñeññen Acheñetosetspa' o'ch alla cohuentaterran Nomp.

24 Ñeñtpa' e'ñech po'ñočh atet netma'ntatasa atet pena puerets. Ama't erra'tsená puertor ama'cho pampallme'cho patso allcha' puetsohua pa'tall ñeñfach patrara pue'llomer. Tarraña ñerra'm'cho pampallme'cha patso allcha' puetsa' pa'tall attochña chop. Ama't puellmarra pampallme'chatsa atarrcha' aton ellomre'terr. Ñeñtpa' añ notenes e'ñe pocte' o'ch nerroma na ñeññen puesheñarrana attochña shonterra ñeñtcha' name'ñerraya.

25 Ñeñto'marña notenes: Ñeñt' atarr morrentenaya atto coshena arr patro, ama pocteye' entenano o'ch es sohuanom Yomporecop, ñeñña pocreña atarr morrentena, ñeñt' atet petsapa' chach a'chencatena e'ñe ñañeña. Tarraña ñeñt' ama morrentenaye atto coshena arr patro, e'ñe pocte' enteñ o'ch es sohuanom Yomporecop ama't pocreño'huen, ñeñt' atet petsa ñetñapa' corretsetach pocsheñeshocmañen tayoteñ e'ñe errponañohuen.

26 Ñerra'm' esesha' muenats o'ch torrenet nocop, cota'netepa' attochña e'ñe neyochresha' neperranet. Tarro'mar ñerra'm' erro'tsenencha' na ñeñt' torretsa nocop ñetpa'cho'ña allo'tsenetcha' ñamet. E'ñe allohuen erra'tsencha' torrerrtsa nocop, Nomporniapa' atarrcha' cohuentaterranet.

Allempo Jesús eñotatanet ñapa' choch muetseret

27 Te' na neyočhropa' cha atarr nellquëna. Tarraña ama't atteñpa' Nomporniapa' amach cha notatsche amach muenatano o'ch huapona ñeñt' atarr amueročhtatañ nenten. Ñeñt' atetpa' amach notatsche tarro'marña napa' ñeñtecopca'yeña nohuapa nach amueročhtataretterrtsa. Añcha'ña noch Nomp:

28 —Te'pa' pepa'chña Apa aye'chočhtataretterrtsa.

Allempoñapa' cha e'morrtatsa ñoñets entot, Yomporniapa' atet ot:

—Napa' o' necohuentatua, elloña o'ch alla necohuentaterrerr nañeña.

29 Shonte' acheñenesha' ñeñt' tomčhets all, ñetña atet e'mueñetpa' atet otyeset:

—Chote'ca'ye tecorena.

Po'potantaññapa' atet otyeset:

—Añca'ye eñorana'tenaya Yompor po'millañoñeñer.

³⁰ Jesúsñapa' atet otterraneterr:

—Ama nocpaye' huenoña añ ñoñets. Ñeñtpa' e'ñe socop huena.

³¹ Te'pa' o' anarettá allohuen acheñenesha' arr patsro ñeñt ama name'ñenaye ñetpa' amñare'itterretcha' coñcheñtso. Ñaña oneñet ñeñt pa'micha'tareter pen acheñenesha' arr patsro, te' ñocoppa' o' anarettá ahuapore'taretterrach esempohuañen.

³² Na ñerra'm esempoch echantam'pernet corsocho allempoña napa' neçhore'tercha' allohuen pa'namen acheñ attoch ame'ñerrnet.

³³ Ñapa' añecopña eñorana'tenamet attoch eñotatanet ñapa' corsochoch rromurr.

³⁴ Acheñenesha'ñapa' atet otyeset:

—Yapa' yeñoteñ añ ñoñets ñeñt atet anaret ahuatoteñ, ñeñtpa' atet oten ñeñtcha' Cristoterrets ñapa' ama arromñafeshayaye ama't errponaña. Ta', ¿eso'marte' pañapa' pöten ñeñteþ o' Acheñetosetspa' echantam'psareteþo'ch corsocho allcha' perromurr? Ta', ¿eseshate'ña ñeñt po'ñoçh Acheñetosets? amapa' ¿ñeñfárate' ñeñtcha' Cristoterrets?

³⁵ Jesúsñapa' atet otterraneterr:

—Mameshaña palltena arro'tsenmeñen na ñeñten a'puetarsam'psañtetsa. Soctape'cherrnan e'ñe tayecma neñoñ tayepa'tña arro'tsenmeñen ñeñtencha' a'puetarsam'perre' soctapña allochñapa' attoch amach çha sechenca'huerro. Po'ñoçh ñeñt ama ame'ñetso ñetpa' ama eñoteñeto attoch chenca'huerret. Ñeñto'marña ñetpa' e'ñe atet penet ñerra'mrrate' checmeta chope'chenet ama eñoteñeto errenetcha' tet.

³⁶ Na ñeñten sa'puetarsam'pene' soctapñapa' te'pa' arro'tsenmeñen. Soctape'cherrnan neñoñ tayepa'tñapa' arro'tsenmeñen. Allochñapa' o'ch seyeçhquërra sa acheñes ñeñtescha' atarr cohuen orrtatyerre' ñeñt cohuen enten Yompor tarro'mar sapa' e'ñech puetaro socrrena.

Otua Jesús atetpa' ahuerr a'nahua; acheñenesha'ñapa' ama eñocheto errate' ahuerr.

Atto judionesha'pa' ama ame'ñyeto Jesús ñeñtpa' añ etsoterrtsa ñoñets ñeñt anaretet ñocpuet

³⁷ Jesúsapa' ama't shonte' orrtatyenamet po'partsoña tarraña amaña eseshaye' ame'ñenayoña ña.

³⁸ Ñeñtpa' attoca'yeña etsotaña Isaías po'ñoñ ñeñt a'ñtaye't ahuat Yompor po'ñoñ. Ñeñtpa' atet ote't ñocop:

Amach Nompörcha' eseshaye' yame'ñayo ñeñtcha' atet yeserrpare't. Ama Nompörcha' eseshaye' pöctenaye þa pehuamenc.

³⁹ Ñeñto'marña amate' errotenoñ ame'ñeto. Tarro'mar ellonet Isaíasapa' atet ote't:

⁴⁰ E'ñe patpare'teñoñet Yomporñapa' muenatanet o'ch echarttet pueyoçhret. Attochña ñetpa' çhach ottenet ñerra'm aporo'yetet ñeñt ama es enteno. Ñeñto'marña ama muenatenanet o'ch es entet taye'to'te' çhapanet pueyoçhreto. Ñeñto'marña ama't mameshapa' amach es cotape'cheneto nocop attoch na'queshpaterranetañ.

⁴¹ Isaíasapa' tarro'mar atet ote't ñapa' e'ñe entane't Cristo po'cohuenña ñeñto'marña eñose'tña ñocop.

42 Tarraña shonte' acheñenesha' ñeñt' ameñaya Jesús ama't ñaña ancha'tarete'chno. Tarraña ñetpa' mecha'chete't fariseonesha' ñeñto'marña ama a'metete'te. Añ mecha'tenet taye'to'te' mueño'tanet judionesha' po'prahuot.

43 Tarro'mar ñeñt' ameñetsañ ñetpa' añe'na muenenet o'ch e'ñe cohuen entenanet acheñenesha'. Ama añeye'ña mueneneto o'ch e'ñe cohuen entanet Parets.

Atto Jesús po'ñoñ ñeñt'cha'ña otteñe'cherre' acheñenesha' esempohuañen

44 Jesúsña rranapa' atet oterrerr:

—Ñerra'm esesha' name'ñenaya na, ama naptaye' ame'ñenneto. Añe'naña ame'ñenet Nompör ñeñt' nellensene'.

45 Esesha' nentene' napa' añe'naña entenen ñaña Nompör ñeñt' nellensene'.

46 Napa' añecopña nohuapa arr patsro nach a'puetarsañpene' acheñenesha' poctapña, allochñapa' ñerra'm esesha'ch name'ñaya na amach allo'tsenareto checmeto. Ñeñt' checmeto'tsena ñetpa' ama eñoteñeto ñeñt' cohuen enten Yompör.

47 Ñerra'm esesha' e'mue' neñoñ tarraña ama't ama ame'ñerrnaneto neñoñ, napa' amach naye' mueñenahueto coñcheñtso. Tarro'mar napa' ama añecpaye' nohuapo arr patsro attoch nemños acheñenesha' coñcheñtso. Napa' añecopña nohuapa o'ch na'qushpatos acheñenesha' arr patsro.

48 Esesha'chña nachmene' ñeñt'cha' ama ame'ñerraye neñoñ, ñocpuetñapa' eñall attoch amñare'tterret coñcheñtso. Ñeñt'ara añ ñoñets ñeñt' neñen na te'pa' ñeñt'cha'ña mueñaterrahuetña coñcheñtso esempohuañen.

49 Tarro'mar napa' ama e'ñe notaye' neñeno. Apaña ñeñt' nellensene' ñapa' ñaña notene' atetcha' notas ñaña atetcha' ne'ñorana'tasa.

50 Napa' neñoteñ ñeñt' atet otenen ña ñeñt'pa' ñeñt'cha'ña allochña sapa' corretsasach socsheñeshocmañen tayoteñ e'ñe errponañohuen. Ñeñt' atet neñen napa' añca'ye neñen ñeñt' atet otenen Apa.

13

Allempo Jesúsapa' e'patca'tyesan pueyochresha'

1 Ama't ama çhena' pascuapo allempoch cosherrerr judionesha', Jesúsñapa' eñoteñ e'ñech ñeñt'eshaña allo'tsen arr patsro o'ch ahuer Pomposesho. Ñapa' çhocma atarr morrentenana allohuen ñeñt' pueyochresha' pen arr patsro. Ñeñto'marña allempopa' e'ñe poctacma morrentuenanet.

2-4 Ñehua, Judas Iscariote ñeñt' Simón puechemer, oneñeñña' ahuepa't cotape'chach pueyoçhro o'ch pomuerran Jesús. Jesúsñapa' e'ñe eñoteñ ñapa' tarro'mar llesenserña Pompör allohuenacop. Tarro'mar ñapa' e'ñe eñoteñ Yomposeshotca'ye huapa, elloñapa' o'ch alla ahuer ñesho. Ñeñto'marña allempo rrallme'çhnenet Jesúsña o'tompa' rrotana paterr pa'shtam ñeñt' nen enot o'çhetan paterr e'shmoco'tametspa' o'çhana allo.

5 Allotñapa' o' shan oñ huantejo alloña e'patca'tyesañña pueyochresha'. E'shmoco'tamtsoñapa' alloña a'porrarra'tcayerranet ñeñt' allo chanena.

6 Atteñapa' ponmana Simón Pedro, ñaña'apa' atet och:

—Parteshacha' amaca'ye pocteyaye o'ch pe'patca'tonña netac. Tarro'mar papa' pa atarr sherbets, napa' amaca'ye esoyayno.

7 Jesúsñapa' atet och:

—Ñeñt atet nepenes te' sapa' amach señoche. Esemppopa' çhaponasach seyoçhro.

⁸ Pedroñapa' atet otererr:

—Ama't ahuaata napa' amach nemnatape o'ch pe'patca'tenña na tarro'mar napa' amaca'ye nemno o'ch nepencna'ntatañ.

Jesúsñapa' atet otererr:

—Ñerra'm amach ne'patca'tapepa' amach errotenot e'ñeye' peyemtenno.

⁹ Simónña Pedropa' atet otererr:

—Ñerra'm po'ñochte' atet Parteshacha' amachña ñapfa netac pe'patca'tono nota'nachña e'ñe ora noñoñuen.

¹⁰ Jesúsñapa' atet otererr:

—Ñeñt o' apuapa' amaca'ye es pallteneto, añaca'yeña palltenet o'ch e'patca'chet. Atet sepena sa a'cohuentatuaretas sa soctapñoi. Sapa' e'ñe cohuen a'cohuentatuareteseñ tarraña ama allohuenacmaye' a'cohuentatuareteso.

¹¹ Ñehua, Jesúsapa' e'ñe eñotenan ñeñtcha' pomuerre' ñeñto'marña atet otanet: “Ama allohuenacmaye' a'cohuentatuareteso.”

¹² Allempoña e'patca'tuanet pa'tacpa' cheterran pa'shtampa' o' alla anerr. Allempoñapa' atet oterraneterr:

—Te'pa' o'ch neñotatas ñeñt neyçhatenes ñeñt atto ne'patca'tenes.

¹³ Ñehua, sapa' sotenan Maestro, ñaña sotenan Partsesha'. E'ñe pocte' po'ñoçh sotenan tarro'mar po'ñoçhpa' ñeñfenca'ye.

¹⁴ Atto na ne'patca'tas sa, ama't na ñeñten Separtseshar sepen ñaña Semaestrar sepenen, sapa'cho'ña ñeñt e'ñe poctetsa socop se'patca'tanna'tepa'ch saña. Ñehua, ñeñt po'ñoçh notenes, ñeñtpa' atet: Amach sañeña atarr cohuen entetso, attochña e'ñe cohuen sesherbannena.

¹⁵ O' neñotatas atetcha' sepa saña. Sapa'cho'ña attepa'ch sepa atet o' nepohuas sa.

¹⁶ Po'ñoçhca'ye o'ch notas: Ñeñt ayochreshat ñerra'm ama esoye' enteno ñañeña ama't e'ñe mamesha, ñeñtña pueyochreshachno pen e'ñepa'ch attemuet amach esoye' enteneto e'ñe ñañeñeta. Ama't na ñeñten allsensareten ama esoye' nenteno ama't mamesha, ñeñtcha' nellsensa'yes namapa' amuepa'chña esoye' enteneto e'ñe ñañeñeta.

¹⁷ Ñerra'm ñeñtña seçhapoya seyoçhropa' ñeñt atet neyçhatenes, sañapa' atarrcha' cosheñtso'tsenes ñerra'm e'ñe po'ñoçh atet sepohua.

¹⁸ 'Ama allohuenacpayaysoye' neñeno. Napa' neñotenes e'ñe pueheña'ttsospa' atet soctape'chyen seyoçhro. Ama't neñotensoñ atteseñpa' tarraña e'ñe atta na'cerrerres allochñapa' attoch etsoterra Yompor po'ñoñ ñeñt atet anuaret nocop ahuatoteñ, ñeñtpa' atet oten: “Ñeñt parro yerrallme'chenpa' ñepa'tcha'ña tanterrtsa nocop.”

¹⁹ E'ñe tayoteñpa' atet notenes ama't ama etsotena' allochñapa' esempoch etsoterra, sapa' same'ñach napa' ñeñten po'ñoçh Cristotets.

²⁰ Po'ñoçhca'ye o'ch notas: Ñerra'm esesha' e'ñe cohuen aguëne' ñeñt nellsensen na ñetpa' na'naca'yeña aguënet e'ñe cohuen. Ñaña ñeñt e'ñe cohuen naguëne' na, ñetpa' Nompore'naca'yeña aguënet ñeñt nellsensene' na.

Allempo Jesúsapa' eñotatanet Judaspa' ñach pomuerre'

(Mt. 26.20-25; Mr. 14.17-21; Lc. 22.21-23)

²¹ Jesúsña allempo atet otuapa' pueyoçhroñapa' çha lleca'huenta. Allempoñapa' atet otanet:

—Po'ño'ch te'pa' o'ch notas, puesheñarrofes sapa' ñeñtescha' nepomuerre'.

²² Pueyochresha'ñapa' allenta cohuanna'tyeset. Amaña esesha' eñotaye erra'tsenacopte'ña eñen.

²³ Puesheñarrña pueyochresha' ñeñt atarr muerena Jesús, ñaña'pa' e'ñe epuet Jesús anen all rrallme'chenet parro.

²⁴ Ñeño'marña Simón Pedropa' agotan ñeñt anets epuet Jesús, ñeñt'pa' atet och:

—Ñehua, p'a'p'to'ch yemaestror erra'tsenacopte'ña eñorena ñeñt'cha' pomuerre'.

²⁵ Ñaña'pa' e'ñe allame'ttsa atet otan Jesús:

—Parteshacha' ¿erra'tsenacpa'tña pe'ñorena ñeñt'cha' pepomuerre'?

²⁶ Jesúsñapa' atet och:

—Ñeñt'cha' nap añ pan ñeñt'cha' ne'choma' ñeñt'cha'ca'yeña nepomuerre'. Allempoña e'choman panpa' apan Judas Iscariote ñeñt Simón puechemer.

²⁷ Allempoña aphue panpa' allempocmuepa't chorria oneñeñ. Jesúsñapa' atet och:

—Errotente' pe'pa'chpa' e'ñeñaca'yeña tayecma atet pepe'.

²⁸ Pueyochresha'ñapa' ama't puesheñarra ñeñfet allo'tsa'yenet, ñetñapa' ama eseshaye' eñotaye esocopte' atet otenan Judas.

²⁹ Puesheña'ttsetpa' cha otapuetañ Jesús'pa' ñato' añte' oteñ o'ch rañfenana' ñeñt muenenet allcha' coshapretet, tarro'mar Judaspa' ñaca'ye anmape'chanpene'ña quellayepo'r. Amapa' ñato' añte' oteñ o'ch es apa'yesan huocchañneshachno.

³⁰ Allempoña Judaspa' agapuan panpa' allenta cha'nerr. Allempo'pa' o'tsapuen.

Atet'cha' yepa' ñeñt e'ñe etserra, yemueranna'tepa'ch

³¹ Allempoña Jesús cha'nompa' atet oterraneterr:

—Te'ña po'ño'chpa' e'ñe chapmoch allempoch cohuentaterrnan Parets na Ñeñten Acheñetosets. Aftochña napa'cho'ña necohuentaterrñañcha' Nomporets.

³² Afto napa' necohuentaterrñañ Nomporets, ñapa'cho'ña cohuentaterrnancha' na, ñeñt'pa' e'ñe'ch mametolla o'ch e'ñe cohuentaterrnan.

³³ Jesúsñapa' alla oterraneterr:

—Na'cñefarneshacha' o' e'ñe coñe'tamña pallta allo'tsenmeñencha' na e'ñe arr parro. Napa' o'ch ahuerren. Allempoña sapa' se'nerrna'ch. Atet noteñ ahuaña judionesha', allcha' neserr napa' sañapa' amach errotentot sechapo, te'pa'cho' sapa' e'ñe atet notenes.

³⁴ Ñaña o'ch notas atet'cha' se'pannena ñeñt e'ñe etserra: Semueranna'tepa'ch. Atet nepenes sa atarr nemuerensa, sapa'cho'ña atarrepachña semuerannena.

³⁵ Allochñapa' e'ñe semorrentanna'teño'pa' eñotasetcha' sapa' sa e'ñe po'ño'ch neyochreshas.

Atto Jesús'pa' eñotatan Pedro ñapa' chocmach a'nasocha

(Mt. 26.31-35; Mr. 14.27-31; Lc. 22.31-34)

³⁶ Simónña Pedropa' atet och:

—Parteshacha' p'apa' ¿erra'tcha'ña peserr?

Jesúsñapa' atet och:

—Allcha' neserr napa' p'apa' amach errotentot pocta'noña na te'. Esempona po'ño'chpa' ama't chenta seserrcha' saña.

³⁷ Pedroñapa' atet otererr:

—Parteshacha' ¿eso'mare'tcha'ña ama tayecma nocterrpe? Napa' e'ñe pocte' nenteñ yerromuepa' e'ñe parro.

³⁸ Jesúsñapa' atet otererr:

—¿Po'ño'cha't e'ñe pocte' penteñ o'ch yerroma parro? Po'ño'chca'ye te' napa' o'ch notap': Amach eñena' atollop pañapa' o'ch ma' poch pa' nasotenna.

14

Jesús'pa' ña toñetets alloch yécherr Yomporesho

¹ Jesús'pa' alla otterrantederr:

—Seyo'chropa' amach tcha sellcatsto. Atto seyemteña Yompor napa'cho'ña choña seyemterrna.

² Nompom pa'netsro all pue'ntaño allpa' shonte' pocoll allcha' sey'cha'huerra. Ñerra'm ama atteñepa' napa' amate' notasñe. Ñeñ'to'marña napa' o'ch ahuerren attoch nañño'tuerrnas allcha' sey'cha'huerra.

³ Ñerra'm o'ch ahuerren napa' nañño'tuerrnascha' allcha' sey'cha'huerra. Ellochña nohuerrerrpa' allempochña e'ñe nahuerrsa' nesho allochñapa' allo'tseneycha' e'ñe parro.

⁴ Sapa' e'ñe seño'teñ allcha' neserr ñaña e'ñe seño'teñ attoch se'cherr samã all.

⁵ Tomásñapa' atet och:

—Ayochreshate yapa' amaca'ye yeñotenpe errachña peserr. Errotenotuachca'ye yeñoch'fe' attoch yécherr yamã.

⁶ Jesúsñapa' atet och:

—Napa' na toñetets ñeñ'ten alloch se'cherr Yomporesho, napa' na ñeñ'ten sotene' ñeñ't e'ñe po'ño'ch Yompor po'ño'ñ, napa' na ñeñ'ten alloch e'ñe socrena. Amach esesha' cherrtso Yomporesho ñerra'm ama nanom ame'ñerreto.

⁷ Ñerra'm o' seño'terño'ñ na, Nompore'nate'ña seño'terreñ. Tayoteñña e'ñe po'ño'chpa' o'ch seño'ter tarro'mar te'pa' o' senter.

⁸ Felipeñapa' atet och:

—Parteshacha' pegatey ñeñ't Apa, yapa' o' ñeñ'tañña yepallta o'ch yeñoch.

⁹ Jesúsñapa' atet och:

—Felipe, ahuatoteñ napa' allo'tseney parro. Pañapa' ¿ama't peñotenno? Ñeñ't puentaren napa' Apa'naca'yeña o' enterret. Eso'mare'tña pōtenen o'ch negata'pa.

¹⁰ Papa' ama'tña pame'ñenno napa' e'ñe neparrocmaten epan Apa, Apapa'cho'ña e'ñe parrocmatenna. Ñeñ't atet notenespa' ama notaye' atet notenso. Apaña ñeñ't neparrocmaten, ñapa' e'ñe etsotatennan ñeñ't atet ne'pa'yen.

¹¹ Same'ña'na ñeñ't notenes, napa' e'ñe neparrocmaten epan Apa, Apapa'cho'ña e'ñe parrocmatenna. Ama't napa' ama ame'ña'poye' sentenno tarraña atto po'ño'ch norrtatyeññañ Nompom po'partsoña ama't ñeñ'tapa' same'ñyañaca'ye.

¹² Po'ño'chca'ye o'ch notas, ñerra'm esesha' name'ñerraya ñetpa'cho'ña elloch atarr cohuen orrtatyerret ñeñ't atet norrtatyen te'. Tarro'mar na te'pa' o'ch ahuerren Apuesho.

¹³ Ñerra'm escha' senamuen e'ñe na neso'chño e'ñe seyemteño'fen na, napa' e'ñech atet nepennas. Attochña na ñeñ'ten Yompor Puechemerenpa' necohuentaññañcha' Apa.

¹⁴ Ñerra'm es senamuen e'ñe neso'chño e'ñe seyemteño'fen na, napa' e'ñech atet nepennas.

Atto Jesús'pa' otnerranet o'ch mueñuerranet Parets Puecamquëñ

15 Ñerra'm sa po'ño'ch semorrennate'pa' o'ch same'ñernana neñoñ ñeñ' atet notenes.

16 Napa' nenamonascha' Apa ñapa' apascha' po'psheñeñ ñeñ'cha' soctape'chaterre' ñeñ'cha'ña sechorrerraya errponaño'huen.

17 Ñeñ'ña Yompor Puecamquëñ ñeñ'cha'ña señotaterre' ñeñ' e'ñe po'ño'ch Yompor poctap'ña. Ñeñ'ña ama ame'ñetso arr patsropa' ñetpa' amach errotent chorerranetoña Yompor Puecamquëñ tarro'mar ñetpa' ama enteñeto ñaña amach eñoteñeto. Tarraña sapa' o' señoter tarro'mar ñapa' allo'tsenes parro epas allcha' chorerrsa.

18 Napa' amach cha nehuocchapotatnerrso. Ellochña alla nohuerrerr sesho.

19 O' mameshamerra palltenmeñ ñeñ'ña ama ame'ñetso arr patsro ñetña'pa' amach eseshaye' nenterraye, tarraña sapa' chocmach senterren. Tarro'mar napa' corretsana, ñeñ'fo'marña sapa'cho'ña corretsasach.

20 Allempoch chorerrsa Yompor Puecamquëñ allempochña señoter napa' e'ñe po'ño'ch neparrocmaten epan Apa, sañapa' separrocmaterrnach, nañapa' neparrocmatennasach.

21 Ñerra'm esesha' e'ññoterre' neñoñ ñaña e'ñech atet perret ñeñ' atet notenanet ñetña'pa' ñeñ'et e'ñe po'ño'ch nemorrentenaya. Ñeñ'ña nemorrentenaya napa' ñetña'pa' Apach atarr morrentenahuet. Napa'cho'ña atarr nemorrentenanet, nañapa' neñotaterranetcha' e'ñe po'ño'ch ñeñ' atet nepena na.

22 Allempoña po'psheñeñ Judas ñeñ' ama añeyaye Iscariote, ñaña'pa' atet och:

—Partseshacha' yapa' ¿eso'mare'tcha'ña te'pa' o'ch peñotatay ya ñeñ' atet pepena amachña añeye'ña peñotato ñeñ' ama ame'ñetso arr patsro?

23 Jesús'ña'pa' atet otnerraneterr:

—Ñerra'm esesha'ch nemorrentaya na e'ñechña atet perret ñeñ' atet notenanet. Apañapa' atarrcha' morrentenanet. Ñeshetoñapa' ye'chapcha' attoch yecherra ñet pueyo'chreto.

24 Ñeñ'fo'marña ñerra'm esesha' ama nemorrentayo amach atet perreto ñeñ' notenanet. Añ ñoñets ñeñ' atet se'muennan ñeñ'pa' ama noyaye neñoñ, ñeñ'pa' Apoña po'ñoñ ñeñ' nellensene'.

25 Añmapa' tarro'mar atet notenes tayepa'tña'pa' allo'tsenmeñen na arr e'ñe sesho.

26 Tarraña Parets Puecamquëñ ñeñ'cha' soctape'chaterre', Apapa' mueñernnascha' e'ñe na neso'chño e'ñe seyemteñoen na. Ñapa' ñeñ'cha' señotaterre'ña seyo'chro ora allohuen ñeñ' chocma ney'chatenes te'. Ñaña ñeñ'cha' seyerpaterraya allohuen ñeñ' atet notyesase'.

27 'Nocshateña nena'nerrnascha' alloch e'ñe socsherra seyo'chro, napa' chochña atarr nocshatterres seyo'chro. Ñeñ' atet nocshatenes na seyo'chro ñeñ'pa' ama atteyaye ñerra'mrrate' añ patso'mar cosheñets. Ñeñ'fo'marña seyo'chropa' amach cha sellca'peno ama't mamesha, amach cha es sem'cha'teno.

28 Te'pa' o' se'mhue atet o' notuas, na o'ch ahuerren, ellochña alla nohuerrerr sesho. Ñerra'm po'ño'ch semorrennenañ o'te' socshañ tarro'mar napa' o'ch ahuerren Apuesho. Tarro'mar ñapa' nanac ahuamencatesha', ello metanenen na.

²⁹ Te'pa' ama't ama etsotena', napa' o' notuas, allochñapa' ñerra'm esempoch etsoterra, sañapa' same'ñerach.

³⁰ Te' e'ñe parro'tseneypa' o'huañcha' allo'na neñosnen shonte' tarro'mar o' huapmocha oneñeñ ñeñt pa'ncha'tareter pen acheñenesha' arr patsro. Tarraña ama't o' huapañpa' e'ñe ñoñapa' amach erro't p̄osno.

³¹ Napa' añcha'ña atet nepa' ñeñt atet otenen Apa. Attochña acheñenesha' arr patsropa' eñochetcha' na po'ñoçhpa' e'ñe nemorrenteña Apa. Te'pa' satomçha't o'ch ahuey arrot.

15

Jesús'pa' toma'ntata ñapa' ña uvachreçhmo'retets

¹ Jesúsñapa' alla yeçhaterraneterr ñapa' añ toma'ntata ña uvachreçhmo'retets. Ñeñto'marña atet otanet:

—Napa' na atten ñerra'mrrate' ñeñten uvachreçhmo'retets ñeñt e'ñe po'ñoçh cohuen sherbets. Nomporniapa' ña amre'tene' ñeñt uvachreçhmo'r.

² Sa ñeñtes neyemtenaya na sapa' ates ñerra'mrrate' uvachmo'r puetaquër. Allohuen puetaquër erra'tsen ñeñt ama me'tetso, Nomporniapa' çhochña peçam̄psoñ puetaquër. Ñaña allohuen ñeñt me'tetspa' çhochña peçtacre'tyeset mamesha'tets attoch e'ñe cohuen e'shtacre'çhet allochñapa' attoch atarrcha' nanac me'ten.

³ Ñeñt atet neserrpare'tatenes ñeñt neñoñpa' alloña o' sa'cohentataretetua atet ñerra'mrrate' uvach o' e'ñe e'shtacre'tuet e'ñe cohuen.

⁴ Te'pa' attoña separrocmatenna attoña napa'çho'ña neparrocmatennasa. Atet pena tsachtaquër ñerra'm ama parrocmatenno pue'chorot amach me'to e'ñe ñoña, sapa'çho'ña ñerra'm ama separrocmatenno amach erro'tenot seme'toña saña e'ñe sofa.

⁵ Napa' na atten ñerra'mrrate' uvachreçhmo'r pue'chor, sapa' sa puetaçres. Eshesha' neparrocmaterre' ñaña napa' e'ñech neparrocmatenanet, ñeñtcha'ña nanac me'tats. Ñerra'm a'yo'tsensa nesho' amate' erro'tenot sorrattyesoña ñeñt cohuen enten Yompor.

⁶ Eshesha'çh ama neparrocmaterraye ahupore'tareçha' atet ñerra'mrrate' tsachtaquër ñeñt ama me'tetso çhochña peçha'tam̄psetña puetaquër o'ch e'ñe porrarrque'çhua allempochña a'yapachetpa' o'ch chamuet tso allcha' poyua.

⁷ Ñerra'm separrocmaterrna ñerra'm çhocma soçtape'çhennan neñoñ escha' senamuen napa' napascha'.

⁸ Atto nanac cohuen seme'tenpa' ñeñtpa' allochña secohuentateññañ Nomp por tarro'mar sapa' añcha' sorrattyen ñeñt cohuen enten ña. Ñaña sapa' attochña eñoterres acheñenesha' po'ñoçh ñeñtes neyochreshas.

⁹ Atto Apapa' atarr nanac muerenna na, napa'çho'ña atarr nanac ne-muerensa saña. Chocmuepa'çh seyemtennana ñeñt atto napa' çhocma nemorrentensa.

¹⁰ Ñerra'm same'ñennana neñoñ ñeñt atet notenes e'ñech señotenen napa' atarr nemorrentensa. Atet nepena na e'ñe name'ñeññaña Nomp por po'ñoñ ñeñt atet otenen, ñeñto'marña napa' e'ñe neñoteñ ñapa' atarr morrentenna naña.

¹¹ Añmapa' tarro'mar atet notenes allochñapa' ñeñt nocsheña napa' coshaterrescha' saña. Allochñapa' sapa' o'ch e'ñe socsherra e'ñe poçtacma.

12 Añña ñeñt notenes: Atarrepa'ch semorrentannena allohuenes atet nepena naña atarr nemorrentensa saña.

13 Añmapa' ñeñña e'ñe po'ñoch morrenteñets, o'ch ya'rroya yañña o'ch yerroma añecop ñeñt atarr yemorrentyena.

14 Ñerra'm e'ñe atet se'pohuen ñeñt atet notenes sañapa' ñeñtes e'ñe neyemtena.

15 Te'pa' o'huañ atteye' nentenes ñerra'mrate' ñeñt ya'taruasañer yepen, tarro'mar ñeñt ya'taruasañer yepen ñapa' ama eñotenanoña ñeñt atet cotape'chen pamo'mte'. Tarraña na te'pa' e'ñe neyem nepenes tarro'mar ñeñt atet ne'mueññañ Apapa' sapa'cho'ña o' neñotaterres.

16 Sapa' ama saye' na'crrraye, napa' naña sa'crrre'ña sa. Attoña o' napuerresña llesens attoch seta me'tarsats attoch e'ñe cohuen es sorrtyaten ñeñt cohuen enten Yompor. Ñeñtpa' ñeñtcha' se'mer sepperr ñeñña se'merpa' amach ahuañañaterro ama't ahuata. Allochñapa' ama't erra'tsena senamueñ Apa e'ñe na neso'chño e'ñe seyemteñoen na, ñapa' apascha'.

17 Añca'yeña notenes: Chocmuepa'ch atarr cohuen semorrentannena.

Allempo Jesúsapa' eñotatan pueyochresha' chocmach e'moñe'tenanet acheñenesha' arr patsro

18 Jesúsñapa' alla otterraneterr:

—Ñerra'm acheñenesha' añ patsro e'moñe'tenset sapa' señoche'ch na e'ñe nanom e'moñe'tenet.

19 Ñerra'm sa e'ñe parro attecmasen ñeñt ama ame'ñetso arr patsro, ñetñapa' e'ñete' cohuen muerensetañ tarro'mar e'ñeca'ye ñeñt'atrecmas. Tarraña sapa' ama e'ñe attecmaye' separro'marneshacmateno atet pena allohuen acheñenesha' ñeñt ama ame'ñetso arr patsro. Sañapa' o' na'crreres ellonet nocop. Ñeñto'marña acheñenesha' añ patsropa' o' e'moñe'taset saña.

20 Seyerpach añ ñoñsor ñeñt o' notuas: "Allohuen ñeñt yochreshats errotencha' perrñañet ñeñt yochresha'tenahuat, ñetpa'cho'ña e'ñech attecma aparetterret ñamet." Atto napa' cotare'tennet pue'moñe'teñoetan, sapa'cho'ña pue'moñe'teñoetaspa' cotare'tasetcha' saña. Atto napa' ama ame'ñerrnaneto neñoñ, sapa'cho'ña amach ame'ñerrnaseto saña señoñ.

21 Ñeñtpa' atetcha' perrset tarro'mar sapa' naca'ye same'ñena tarro'mar ama eseshaye' eñotenaye Yompor ñeñt nellensene'.

22 'Ñerra'm ama nohuapañe amach neserrpare'tatosanetañe, amate' eñallñeña attoch neyohua'yesanet po'chñaroñet. Ñeñto'mar te'pa' ama eñalle attoch a'nasotet po'chñaret.

23 Ñeñto'marña ñerra'm esesha' ne'moñe'tene' na, Nompore'naña e'moñe'tennanet.

24 Ñerra'm amach norrtatanetañe cohuenñats ñeñt ama't ahuata po'psheññechnopa' ama orrtatanete'te e'ñe atotapa' amate' eñallñeña attoch neyohua'yesanet po'chñaroñet. Tarraña te'ña ñetpa' ama't e'ñe entennetañpa' chaña e'moñe'tennet ñaña Nompore'na e'moñe'tennanet.

25 Tarraña ñeñtpa' tarro'mara atet penet allochñapa' attoch etsoterra ñoñets ñeñt e'ñe atet anuaret ahuatoteñ, ñeñtpa' atet oten nocop: "E'ñech atota e'moñe'ternet."

26 'Ñeñtcha' soctape'chaterre' e'ñe cohuen seyo'chro ñeñtcha' nemñohuerrnas Apueshot. Ñeñtpa' ñeñtña Apa Puecamquëñ ñeñtcha'ña

señotaterre'ña ñeñt e'ñe po'ñoçh Yompor poctapña tarro'mar ñeñtpa' Apueshot huena. Ñerra'm esempoch çhaponasa ñachña na'potose'.

²⁷ Sapa'cho'ña sa'potancha' tarro'mar e'ñe allempoteñ netorrosa, sapa' e'ñe allempoteñ parro'tsoney.

16

¹ Ñeñtpa' tarro'marña o' atet notuas allochñapa' amach alla ello sepuerro.

² Tarro'mar esempopa' çhapcha' allempoch huapore'tas judionesha' po'prahuot. Po'ñoçh çhapcha' allempo esesha'pa' ñato' o'ch muetsaset thach otenapuetañ ñetpa' alloté sherbeñetña Yompor.

³ Ñeñtpa' tarro'marcha' atet paset ñetpa' ama eseshaye' eñotenaye Apa ama't napa' ama eñotenneto.

⁴ Añeçhnopa' o' notuas allochñapa' ñerra'm esempoch çhap, sapa' seyerpuerrnanach ñeñt atet notase't.

Atto Parets Puecamquëñ ñach yoctape'chatyese' e'ñe cohuen

'Ahuañmo'cha añeçhnopa' ama notase'te tarro'mar allempoteñpa' e'ñe parrocmo allo'tsoney.

⁵ Na te'pa' o'ch ahuerren allo'tsen ñeñt nellense'. Saña ama't puešeñarrotesapa' amaña sa'p'to'tenno, errachña neserr.

⁶ Te'ña ñeñt atet notenes saña seyoçhropa' çhaña atarr sellquëna.

⁷ Te'pa' añ notenes ñeñt e'ñe po'ñoçh. Socoppa' añ nanac poctetsa napa' o'ch ahuerren. Tarro'mar ñerra'm amach neserro amate' errotenot huaponasoña Yompor Puecamquëñ ñeñtcha' soctape'çhaterre' cohuen. Tarraña ñerra'm neserrcha' napa' añcha' nemñahuerrnas Yompor Puecamquëñ ñeñtcha' soctape'çhaterre' cohuen seyoçhro.

⁸ Ñerra'm esempoch huapa Yompor Puecamquëñ acheñenesha'ña arr patsropa' ñachña çhapatahuetña pueyoçhreto attoch eñochet ñet po'ñoçhepa't eñallet po'chñaret. Ñaña añcha'ña çhapatanet pueyoçhreto ñeñt e'ñe pocte' entyen Yompor. Ñaña añcha'ña çhapatanet pueyoçhreto attoch ñetpa' eñoteretcha' po'ñoçhpa' coñcheñtsach amñare'tterret ñeñt ama name'ñenayo na ñeñten Yompor Puechemeren.

⁹ Yompor Puecamquëñpa' eñotaterrancha' acheñenesha' po'ñoçh ñetpa' ama pocteye' entenaneto Yompor tarro'mar ama ame'ñenneto na ñeñten Yompor Puechemeren.

¹⁰ Ñaña ñach eñotaterrahuet ñeñt e'ñe pocte' entyen Yompor tarro'mar napa' amach allo'tsenarano sesho. Napa' o'ch ahuerren Apuesho amach alla senterne'te.

¹¹ Paretsña Puecamquëñpa' ñachña eñotaterrahuet po'ñoçhpa' coñcheñtsach amñare'tterret ñeñt ama ame'ñetso tarro'mar oneñet ñeñt pa'ñcha'tareter pen shonte' acheñenesha' arr patsro, ñocoppa' e'ñe po'ñoçh anuaret amñare'tterrach coñcheñtso.

¹² 'Shontemeñ ñeñtcha' notaseñ tarraña te' sapa' amate' errotenot çhaponaso seyoçhro.

¹³ Tarraña ñerra'm esempoch huaponasa Parets Puecamquëñ, ñeñtcha'ña señotaterre' ñeñt e'ñe po'ñoçh Yompor po'ñoñ tarro'mar ñapa' ñachca'ye señotatene' ñeñt e'ñe po'ñoçh Yompor po'ñoñ ñeñt ama shequëñtsoyaye. Ñapa' amaca'ye e'ñe ñoña eñeno. Añca'yeña eñen ñeñt atet e'muen Partsesho. Ñapa' añcha' serrpare'tatas ñeñtcha' atet perra tsapatonet.

14 Ñapa' nachca'ye cohuentaterre'; e'ñe eñotennan ñeñĩ atet nepena na, ñapa' ñeñĩcha'ña eñotatyerres.

15 Ora allohuen ñeñĩ atet pena Apapa' napa'cho'ña e'ñe atet nepena namía. Ñeñĩ'o'marña napa' notenes eñotenan ñeñĩ atet nepena na, ñapa' ñeñĩcha' señotatyerre'ña samía.

Ñeñĩña sellquëñapa' puenaserrach socsheña

16 Jesúsñapa' atet oterraneterr:

—Te'pa' mameshamía o'huañcha' allo'na sentnemen tarro'mar napa' o'ch ahuerren Apuesho. Tarraña sapa' e'ñe mameshapa' o'ch alla yentannerra.

17 Pueyochresha'ñapa' atet otanna'tyeset:

—¿Erroñente'ña añ ñeñĩ'o'mar atet oteneý, mameshamía' o'huaño'ch allo'na yentneñ tarraña mameshapa' ahuo'ch alla yentannerra? ¿Erroñente'ña añ ñeñĩ'o'mar ñapa' atet oteneý, ñapa' ahuo'ch ahuerri Pomporesho?

18 Alla otanna'tyenet:

—¿Eso'marte'ña atet oteneý, mameshamía' o'huañcha' allo'na yentneñ? Amaca'yeña yeñoteñe este'ña oteneý.

19 Jesúsña eñotanet ñetpa' cho mueneñetañ o'ch a'p'to'chet. Ñaña'pa' otanet:

—Ñeñĩe'tña sotannena ñeñĩ atet notenes, o' mameshamía o'huañcha' allo'na sentnemen, tarraña mameshapa' o'ch alla yentannerra?

20 Po'ño'chca'ye o'ch notas: Sapa' sellquëño'pa' seyahuerrach. Acheñenesha'ña arr patsro ñeñĩ ama ame'ñetso ñetñapa' chach atarr coshet. Sapa' sellquërrach tarraña sellquëña sapa' puenaserrnasach socsheña.

21 Ñeñĩpa' o'ch netma'ntatasa ñerra'mrrate' coyanesha' allempo cheññaña allempoch emare'ten, chach lleca tarro'mar o' chapoña allempoch atsotennana puechoyoretoll. Tarraña allempochña eñalletatuepa' o'ch alla atarr cosherra o'ch pueserranña atto atarr llecach pue'maretoll, elloñapa' atarrcha' cosherra tarro'mar o' eñalletatuan pue'maretoll arr patsro.

22 Jesúsña alla oterraner' pueyochresha':

—Te'ña sapa' nanac llequëñitso'tsenes, tarraña elloñapa' o'ch alla yentannerra. Allempoña sapa' o'ch alla atarr socsherra seyochro. Ñeñĩña socsheñapa' ama't e'ñe puesheñarra amach erroteno't puerratan'perrseto.

23 'Allempopa' amach sepallteno o'ch alla es sa'p'to'ternerr. E'ñe po'ño'ch te'pa' o'ch notas: Ñerra'm es senamueñ Apa e'ñe na neso'chño e'ñe seyemteño'en na ñaña'pa' apascha' ñeñĩ senamueñ.

24 Sa teme'ttsenpa' ama es senamueno e'ñe seyemteño'en na e'ñe neso'chño. Te'ña ñerra'm senampa' saga'pcha' allochñapa' o'ch socsha e'ñe poctacma.

Atto Jesucristo a'mchechatuerran allohuen ñeñĩ e'moñe'tene' Yompor arr patsro

25 'Ñeñĩ allpon neserrpare'tatiesase't ñeñĩpa' e'ñe toma'nteñtso'chno notyesase't. Tarraña chapcha' esempo allempopa' amach alla neserrpare'taterrserro toma'nteñtso. Allempopa' añcha' neserrpare'tatas Apacop ñeñĩpa' amach toma'nteñtsoyaye, allochñapa' e'ñech seño'tue.

26 Allempopa' senamueñcha' Apa e'ñe seyemteño'en na e'ñe neso'chño. Allempopa' amach pallteno o'ch nema'yocham'pensa Apuesho.

27 Apañapa' atarrcha' morrentensa atto sapa' semorrentenna, e'ñe seyemtenna atto napa' Apuesho't nohuapa.

²⁸ Po'ño'ch napa' Apuesho' nohuapa, o' nethap a'ñe patsro. Elloñapa' o'ch alla nesa'nerr añ pats, o'ch alla ahuerren Apuesho.

²⁹ Pueyochresha'ñapa' atet ochet:

—Te'ñapa' ama toma'tnteñtsoye' peñeno ñeñto'marña yapa' e'ñech yeñotue.

³⁰ Te'pa' yeñotene' ñapa' ñeñte' eñotue' ora allohuen esocmañen. Ñeñto'marña yapa' amaca'ye pallteno o'ch alla ya'p'to'terrperr po'poñonef. Tarro'mar te'pa' yeñotene' ñapa' Partseshot pehuapa.

³¹ Jesúsñapa' atet otarraneterr:

—Sapa' taya'tña o' same'ña'na.

³² Te'pa' o' e'ñe chapmoch sa ama't puesheña'ttsospa' o' chaponasañ chach sematrra'tyesa allemeñ. Chach sahuanyesa allcha' semna'yes sa. Nañapa' sa'ypo'ña'huanmuencha'. Tarraña napa' ama e'ñe naptayaye, epanña Apa.

³³ Ora allohuen a'ñe'chnopa' o' e'ñe notuas allochñapa' e'ñe seyemteñoten napa' chocmach socshena seyo'chro. Po'ño'ch añ patsropa' chocmach semuro'ch'tena. Tarraña e'ñe seyo'chro sapa' chocmuepa'chña socshena tarro'mar napa' o' na'mchechatue allohuen ñeñt e'moñe'tene' Yompor a'ñe patsrot.

17

Allempo Jesús'pa' ma'yocham'penana pueyochresha'chno

¹ Allempoña atet otuanet a'ñe'chno Jesús'pa' allenta cohua' enonetpa', ñeñt'pa' atet otan Pompor puema'yocheño:

—Apacha' te'pa' o' chapona allempoch etsota ñeñt nocop. Te'pa' pecohuentatonepa'ch na tarro'mar Pechemer pepenen allochña napa'cho'ña necohuentatona'p'cha' ñama.

² Atto papuen llesenspa' alloña pomnaren nepeñña allohuen acheñenesha'. Allochñapa' allohuen acheñ ñeñt po'patatenna, ñaña ñetpa' napuenanetcha' alloch ñetpa' corretsetach pocsheñeshocmañen tayoteñ e'ñe errponañohuen.

³ Añmapa' ñeñtña alloch ñetpa' corretsetach tayoteñ e'ñe errponañohuen ñerra'm esempo eñoterrpet ña ñeñte'p papuet e'ñe po'ño'ch Yompretets ñama ñerra'm eñoterrnet na ñeñten Jesucristo ña pellsensaren.

⁴ 'Napa' o' e'ñe necohuentatuona'p arr patsro. O' e'ñe netsotuona'p ñama petaruas ñeñt atet p'oten.

⁵ Te'ña Apacha', pecohuentaterrnanepa'ch e'ñe alla pesho e'ñe atet allempo atarr a'cohuentatarteten pesho ahuat allempo ama eñalletena' añ pats.

⁶ Allohuen acheñ ñeñt neyochresha' pepatenen nañapa' añ neñotatenanet ñeñt atet pepena ña tarro'mar ñetpa' ñeñtet e'ñe allpona po'patatna arr patsro. Ñetñapa' pepa'tña o'patenahuet ñeñt'cha' neyochresha' pepaten ñama. Te'ña ñetpa' e'ñe ame'ñernapet peñoñ.

⁷ Ñama ñetpa' e'ñe eñotueñet allohuen ñeñt atet ne'ñorenanet ñama ñeñt es norrtatyenanetpa' ñeñt'pa' e'ñe ora peshotecma huena.

⁸ Napa' añña ne'ñorenanet ñeñt atet p'otenen ña. Te'ña ñetpa' e'ñe cohuen ame'ñennet. Ñama e'ñe po'ño'ch eñoteñet napa' e'ñe peshot nohuapa, ña ñeñte'p nellenserre'.

⁹ Te'ña napa' o'ch nema'yocham'pesnomanet ñet. Ama allohuenacpaye' acheñenesha' arr patsro nema'yochen'po, e'ñe a'ñecpa nema'yochen'pa ñeñt neyochresha' pepatenen tarro'mar ñetpa' ñeñtareta peyochresha' pepen ñama.

10 Tarro'mar allohuen ñeñf e'ñe nocmapa' papa'cho'ña e'ñe p̄ocma. Ñeñfña e'ñe p̄ocmapa' napa'cho'ña e'ñe nocma. Ñetña te'pa' e'ñe cohuentatapretenet.

11 Te'ña nocoppa' o' cherrmoch e'ñech ñeñfshaña añe patsro'tsenen tarro'mar napa' o'ch alla ahuerren pesho. Tarraña ñetpa' allo'tsenaretach arr patsro. Pa Apa Partso, pecuam̄psepa'ch allohuen ñeñf neyochresha' p̄epatenen. Pehuamencotchá'ña pecuam̄psanet. Allochña ñetpa' o'ch e'ñe parrocmatet e'ñe atet yepena yaña.

12 Allempoteñ e'ñe parro'tseney p̄oña pehuamencot necuam̄psanete'ñ. Napa' chocma nemoñenanet. Ñeñfo'marña ama't puesheñarro'teta ñetpa' ama na'chencataneto, ñapña chenca añ ñeñf o'patena chenquẽñets. Ñeñpa' attochña Apa etsoterra peñoñ ñeñf anuaret ahuatoteñ.

13 Tarraña te' napa' o'ch ahuerren pesho. Napa' añecopña neñen añechno añ patsro attoch ñetpa' atarrcha' cosherret pueyo'chreto e'ñe atet nocshena na.

14 Napa' añ ne'ñorana'tenanet ñeñf e'ñe p̄o peñoñ. Acheñenesha'ña ñeñf ama ame'ñetso añ patsro, ñetñapa' cha e'moñe'tenanet tarro'mar ñetpa' ama allo'na parro'marneshateneto ñeñf ama ame'ñetso, atet nepena naña ama neparro'marneshataneto.

15 Ama añeye' nenamuenpe attoch p̄ahuenaneta' añ patsroñ, añña nenamuenep̄ o'ch pecuam̄psanet. Amach pemnatatsche oneñeñf o'ch alla a'puerrataterranet.

16 Ñetpa' ama allo'na parro'marneshateñeto ñeñf ama ame'ñetso arr patsro atet nepena naña ama neparro'marneshataneto.

17 Pame'ñeñotet p̄a peñoñ p̄a'cohuentam̄psanetepa'ch e'ñe p̄ocop. Pa peñoñpa' ñeñfña e'ñe po'ñoch ama shequẽñtsoyaye.

18 Atto p̄a pemñan na arr patsro, te'ña napa' o'ch nemñanet ñamet attoch serrpare'tatyeset acheñenesha' arr patsro.

19 Ñeñfo'marña ñocpuet nañapa' o' na'rroyerra p̄ocop, attochña ñetpa'cho'ña a'cohuentataretterretcha' Partsocop. Ñeñpa' e'ñe po'ñoch atet p̄oteny p̄a peñoñoñ ama shequẽñtsoyaye.

20 Tarraña amach e'ñe añecpa nema'yocho ñeñf e'ñe neyochresha' nepen te', añecpa'nachña nema'yocham̄psenoma allohuen ñeñfcha' name'ñerraya tsapatonet e'ñe neyochresha' po'ññoñ.

21 Allochña allohuenetpa' parrocmatetcha' atet pepena p̄a Apa e'ñe peparrocmatennana ñaña napa' e'ñe neparrocmatenna'p̄a. Allochña ñetpa' o'ch e'ñe parrocmaterryet e'ñe parro epay. Attochña acheñenesha'ña arr patsropa' ñetñapa' eñoteretcha' p̄a ñeñep̄ nellsenserre'.

22 Atet pepena p̄a pecohuentapretenna napa'cho'ña e'ñe necohuentapretenanet ñet, atto'chá'ña ñetpa' e'ñech parrocmatet atet yepena yaña e'ñe yeparrocmaten.

23 Napa' neparrocmatenanet, p̄aña'p̄a peparrocmatenna. Allochña allohuenetpa' e'ñech parrocmatuenet e'ñe p̄ocacma. Attoch acheñenesha' arr patsro ñetpa' eñoteretcha' p̄apa' p̄a nellsenserre'. Ñaña eñoteretepa'ch p̄apa' atarr pemorrentenanet e'ñe atet atarr pemorrentenna na.

24 'Apacha' allohuen ñeñf peyochresha'tatenna na, napa' añ nemnen erro'tsenencha' ñetpa'cho'ña allo'tsenacmayepa'chña e'ñe parro. Allochñapa' attoch enterñanet necohuenña allo o' alla pecohuentaterren na, tarro'mar p̄apa' pemorrentenna allempoteñ ama aye'chcatarettena' añ patser.

²⁵ Apa, pa ñeñteḡ e'ñe pocte' es pets, acheñenesha' ñeñt' ama ame'ñetso arr patsro ñetpa' ama eñotenpeto. Nañapa' e'ñe po'ñoçh neñotenḡ. Añña ñeñt' e'ñe neyemtenaya ñetñapa' eñotenpet papa' pa nellsensene'.

²⁶ Napa' naña e'ñe eñotatenahuet ñet ñeñt' atet pepena pa. Ellopa' allach neñotateraneterr. Allochñapa' ñetpa'çho'ña e'ñech morrentanna'terret e'ñe atet pepena pa atarr pemorrentenna na. Attochña napa' e'ñech neparroc-matenanet ñet. Ñeñtpa' allohuach nema'yochaḡa Nompore.

18

Allempo rromoset Jesús

(Mt. 26.47-56; Mr. 14.43-50; Lc. 22.47-53)

¹ Jesúsña allempo ma'yochuanmapa' allenta ahuanman pueyochresha' o'ch ahuanmuet yomta'n amañesre'to. Ñeñt' amañesre'te'pa' añ pa'so'cheñ Cedrón. Allña yomta'npa' allo'tsen narmetsma', all çhapña Jesús epuet pueyochresha'.

² Ñehua, Judas ñeñt'cha' pomuerre' Jesús ñapa' e'ñe puentarña all, tarro'mar ahuañmo'choteñ Jesús'pa' allecma apçhatenan pueyochresha'.

³ Judasñapa' allenta anman solltarnesha' ñaña guardianesha' ñeñt' mueñen fariseonesha' ñaña ñeñt' pa'mcha'tareternesha' pen allohuen judionesha' po'cornaneshar. Ñetñapa' çhaçha'tet all elamparñeñareret. Orra'yesnenet ñaña po'urare. Orra'yesnenet ñaña alloch quellaret.

⁴ Jesúsñapa' e'ñe eñoteñ ora ñeñt'cha' çhapoya allempo. Ñaña poctanetpa' atet otapanet:

—Sapa' çeseshatña se'nen?

⁵ Ñetñapa' atet otoset:

—Añca'ye ye'nen Jesús ñeñt' nazareto'marnesha'.

Ñaña'pa' alla oterraneterr:

—Napa' añenca'ye.

Judas ñeñt' pomue'pa' ñapa'çho'ña allo'tsen.

⁶ Allempo otanet Jesús: “Napa' añenca'ye”, ñetñapa' o' cheterret pa'che'ñoneḡpa' allepa'tcha' a'trra'tet.

⁷ Elloñapa' alla oterraneterr:

—çeseshatña se'nen?

Ñetñapa' alla otereterr:

—Yapa' añ ye'nen Jesús ñeñt' nazareto'marnesha'.

⁸ Jesúsñapa' alla oterraneterr:

—Napa' o'ca'ye notuapas napa' añen. Ñerra'm nate' se'nenpa' neyochresha'ñapa' semnatanet ñetpa' o'ch ahuanerret.

⁹ Ñeñtpa' tarro'mar atet ot allochñapa' attoch etsota Jesús po'ñoñ atet o' otuanom: “Ñeñt' allpon neyochresha' peḡatenen napa' ama't puesheñarrapa' amach na'chencache.”

¹⁰ Allempoña Simón Pedro ñeñt' occhelletpa' ñaña'pa' po'cchella cheta'pa' o'ch çhonto'tapanḡ cornesha' pueñañra puetepa'tcha' tsortroñ. Ñeñtpa' añ pa'so'cheñ Malco, ñeñtpa' año pueñañra ñeñt' pa'mcha'tareter pen allohuen judionesha' po'cornaneshar.

¹¹ Tarraña Jesús'pa' atet otan Pedro:

—Peshá'terr p̄ochell allecma peneñ. Pocte'ca'ye o'ch çhaponá ñeñt̄ amue-rochtatañ* tarro'mar ñeñt̄pa' atet muenatenen Nomp̄or.

Allempo anmet Jesús allo'tsen ñeñt̄ pa'mcha'tareter pen allohuen judionesha' po'cornaneshar

(Mt. 26.57-58; Mr. 14.53-54; Lc. 22.54)

¹² Allempoña solltarnesha' epuet po'captáner ñaña judionesha' po'guardianeshar ñetñapa' rromoset Jesús'pa' o' huanquét.

¹³ Ñanompa' arr anmet allo'tsen Anás, tarro'mar ñapa' ñeñt̄ Caifás pa'go'. Ñeñt̄ña Caifás'pa' ña pa'mcha'tareter pen allohuen judionesha' po'cornaneshar allempo ñeñt̄e chararo.

¹⁴ Caifás'pa' ñapa' ñeñt̄ña cotape'chataye't̄ judionesha' allempoteñ o'pateñet Jesús, ñeñt̄pa' atet otanete't̄: Añ poctetsa puesheñarr ñeñt̄ acheñerpa' o'ch rroma allohuen acheñeneshacop.

Atto Pedropa' a'nasotana Jesús

(Mt. 26.69-70; Mr. 14.66-68; Lc. 22.55-57)

¹⁵ Simón Pedro ñaña po'psheñeñ pueyochresha' ñetñapa' cota'nmet ñamet Jesús chenta'. Ñeñt̄ña puesheñarrpa' e'ñe cheme'teñ cornesha' ñeñt̄ nanac amcha'tarettetsa allempo. Ñapa'çho'ña o' be'tososet epuet Jesús all aconcha'tam̄psarettena cornesha' po'pamp.

¹⁶ Pedroñapa' alla tomos a'yot allot be'tenet. Po'psheñeñña pueyochresha' ñeñt̄ e'ñe cheme'ten cornesha' ñeñt̄ nanac amcha'taret, ñañapa' çha'nerr a'yot, allñapa' eñosuerr epuet coyanesha' ñeñt̄ cohuenes' yetarr. Allempoñapa' errana' ñaña Pedro.

¹⁷ Coyanesha'ña ñeñt̄ cohuenes' yetarrpa' atet otapan Pedro:

—¿Ama't̄ p̄apa'çho'ña pueyochresha'te'ca' peneñña añ encaneshar?

Ñañapa' atet otos:

—Ñapa' amaca'ye pueyochreshayayno.

¹⁸ Ñeñt̄ña taruaset̄s all epuet guardianesha' ñetñapa' all tsoma'tenet quellmesha, a'huortatenet tarro'mar allpa' nanac sen'teten. Allña tomchenet all shotenet. Pedropa'çho'ña allo'tsen all shotena ñaña.

Allempo Jesús'pa' a'p̄to'tare'teñ cornesha' ñeñt̄ nanac amcha'tarettetsa

(Mt. 26.59-66; Mr. 14.55-64; Lc. 22.66-71)

¹⁹ Cornesha'ña ñeñt̄ nanac amcha'tarettetsa, ñapa' allenta a'p̄to'tapan Jesús pueyochreshacop ñaña añecop ñeñt̄ atet yeçhatyen.

²⁰ Jesúsñapa' atet otos:

—Ñapa' ama a'nahuayaya neserrpare'tateñe acheñeneshá' arr patsro. Chocma neyçhatyen judionesha' po'prahuo'mar ñaña Paret̄s pa'pacillo allecma shontena judionesha'. Ama't̄ parrochapa' ama esempo neñosoña a'nahua.

²¹ Eso'mare'tña nañeña p̄a'p̄to'ten. Añcha'ña p̄a'p̄to'tyes ñeñt̄ ne'maye't̄ erro'tente' neserrpare'tatyesanete't̄. Ñetpa' eñoteñette'ña ñeñt̄ atet notyesanete't̄.

²² Allempoña atet otuanet Jesús'pa' puesheñarrña guardia ñeñt̄ allame'tto'stenapa' ñañapa' allenta taclé', atet och:

—Amarramch' atteye' yanapueñeña cornesha' ñeñt̄ nanac amcha'taret.

²³ Jesúsñapa' atet och:

* **18:11** Ñeñt̄ amue-rochtatañ ñeñt̄pa' po'ñoçh ñeñt̄pa' añ atma'ntataret ñerra'mrrate' ñeñt̄ atarr pesherr yorren orran'tso.

—Ñerra'm añfe' neñen ñeñt ama cohuenayayepa' p'oten all ama cohuenaye' neñeno. Ñerra'm cohuenta' neñenpa' eso'marte'ña petacllenen.

²⁴ Allempoña Anás'pa' allenta mueñe e'ñe ehucaret pa'ñachesho Caifásesho. Ñeñtña Caifás'pa' ñeñt e'ñe pa'm'cha'tareter pen allohuen judionesha' po'cornaneshar.

*Allempo Pedropa' alla a'nasoterranerr Jesús
(Mt. 26.71-75; Mr. 14.69-72; Lc. 22.58-62)*

²⁵ Simón Pedroñapa' alla ten all shotena. Ñetñapa' atet ochet:

—Papa'cho'ña ¿ama't pueyochresha' penpe?

Ñañapa'cha a'nasochapa' atet ot:

—Napa' amaca'ye.

²⁶ Cornesha'ña ñeñt nanac am'cha'taret puesheñarrña ñeñt pa'taruasañer ñeñt pamo'ts tsorrqueta't Simón Pedro, ñañapa' atet och:

—Napa' ¿ama't pa nentoña narmetsmo? Papa' allo'tsenepca'ye.

²⁷ Pedroñapa' alla a'nasotererr. E'ñe allempocmaña eñen atollop.

*Allempo chapata'mueñet Jesús allo'tsen am'cha'taret Pilato
(Mt. 27.1-2, 11-14; Mr. 15.1-5; Lc. 23.1-5)*

²⁸ Allempoña Jesús'pa' anereter Caifásesho't. E'ñe ahuaatema anma'mueñet am'cha'taret po'palaciopahuo. Ñeñtña am'cha'taretpa' ñeñt nen gobierno' Romot ñeñt am'cha'tarettetsa allo'marneshacop. Allohuen judionesha' ñetñapa' ama be'tososeto am'cha'taret pa'paclo tarro'mar ñeñt am'cha'taretpa' romo'marnesha' ama judioneshayaye allochña ñetpa' año'ch cha a'sosyateto ñañeñeta Partsocop esheccha' e'ñe cohuen rrallme'chet pascuapo.

²⁹ Ñeño'marña Pilatopa' cha'nmanet a'yot allo'tsa'yenet, atet otapanet:

—¿Errofenote'tña sottene'cheñña añ acheñer?

³⁰ Ñetñapa' atet otyeset:

—Ñerra'm ama añ pa'yeno ñeñt ama pocteyayepa' amate' errofenot o'yehuapacheñña pesho.

³¹ Pilatoñapa' atet oterraneterr:

—Chosa sañeña anmue' sachña ente' errofente' ñeñt atet pena ñeñt atet anaret ñoñets socop attotcha' sottene'ch.

Judionesha'ñapa' atet otyeset:

—Yocop ñeñfey judioneshaypa' ama pocteyaye o'ch yemtsach acheñ ama't puesheñarra.

³² Ñeño'marña ñetpa' atet otyeset allochñapa' attoch etsota Jesús po'ñoñ atet otuanet ahuaña allempo ñanom eñotatanet ñapa' corsochoch rroma.

³³ Allempoña Pilatopa' alla be'terrerr pocollo. Ñañapa' agotatan Jesús'pa' atet och:

—Papa' ¿pa't am'cha'tarettetsaña judioneshacop?

³⁴ Jesúsñapa' atet och:

—Añpa' ze'ñe't pota potenña atet, ñato' esesha'te' potene'ña añ nocop?

³⁵ Pilatoñapa' atet otererr:

—Napa' amaca'ye judioneshayayno, ama es neñotenoña socop. Paña pamo'tsna'tar ñaña ñeñt pa'm'cha'tareternesha' pen judionesha' po'cornaneshar ñetña te'pa' o' pomuerrpet nesho. ¿Eso'tña pepen ñeñt ama't mameshapa' ama pocteye'entapretenpeto?

³⁶ Jesúsñapa' atet otererr:

—Atto na'mícha'tarettena napa' ama añe patsroyaye. Ñerra'm añe patsrach na'mícha'tarettenañpa' allempoña neyochreshachnopa' moñsa'netañcha', allempopa' amach pomnoñeña judionesha'. Tarraña atto na'mícha'tarettena napa' ama arro'marecpayaye.

³⁷ Pilatoñapa' atet otererr:

—Ñeñepñapa' pepa'tca'yeña amícha'taret.

Jesúsñapa' atet otererr:

—Na po'ñoçpa' amícha'tarettenca'ye e'ñe atet potenen pa. Napa' ñeño'marña ne'ñalletosa añe patsro attoch nach a'potose' ñeñt e'ñe po'ñoç Yompor poçtaþña. Allohuen ñeñt muenene' ñeñt e'ñe po'ñoç Yompor poçtaþña, ñetñapa' e'mñotennet.

³⁸ Pilatoñapa' alla otererr:

—¿Erra'tsena'tña ñoñets ñeñt e'ñe po'ñoç?

*Atto amícha'taret Pilatopa' otanet ama'tpa' çhosa muetse'ña Jesús
(Mt. 27.15-31; Mr. 15.6-20; Lc. 23.13-25)*

Ñeñta otuapa' o' alla çha'nerrerr allo'tsa'yen judionesha'. Allñapa' atet otuerranerr judionesha':

—Napa' amaca'ye nenteññañeña ñeñt atto ama pocteye' es peno attoch yemtsatach.

³⁹ Tarraña atet seyçhenpa' e'ñe pate'tets char allempoch çherrerr pascuapo nañapa' çhocmach na'rroyernnas puesheñarr socop ñeñt ayottamþsarettsa allempo, ñeñtara ñeñt samo'ts sepen. Te'pa' çañe't semnen o'ch na'rroyernnas ñeñt Sa'mícha'tareter sepen sa ñeñtes judioneshas?

⁴⁰ Allempoña ñetpa' puerrannarteñoçetpa' atet otyeset:

—Tarraña Jesúsapa' amach þa'rroyatsche, añcha'ña þa'rroyernnay Barrabás. Ñeñña Barrabásapa' ñeñt atarr aprratamþsañtetsa.

19

¹ Allempoña Pilatopa' atet otan po'solltar-renesha':

—Te'pa' o'ch sanemñ Jesús allcha' sashte'.

² Solltarnesha'ña pa'llocchame'teñoçet Jesúsapa' pellta'toñet choyo'mets agreçh ñeñña choyo'mtachet ñeñt atet choyo'mtana ñeñt po'ñoç amícha'tarettsa. Chorrachet ñaña shetamuets ñeñt quelluemamueno tsamamtena ñeñt pa'shtam pen ñeñt po'ñoç amícha'tarettsa.

³ Pa'llocchame'teñoçetpa' e'ñe atet pachet ñerra'mrrate' ñeñt po'ñoç amícha'tarettsa. Allña ponenñyetpa' pachmñare'teñoçetpa' atet oteñet:

—Puetare' amícha'taretecha', atarruaca' cohueneþte' þa ñeñepñ judionesha' pa'mícha'taretereþ.

Allñapa' taçlapecheñet.

⁴ Pilatoñapa' alla çha'nerrerr allo'tsa'yen judionesha'. Allñapa' atet oteraneterr:

—Secue', te'pa' o'ca'ye alla nehuapaterrnaserr Jesús allochñapa' o'ch señoç napa' amaca'ye nenteññañeña ñeñt atto ama pocteye' es peno attoch yemtsatach.

⁵ Allempoña çha'nom ñaña Jesús achoyo'mtataret agreçh ñeñt apellta'taret, achorratareña ñaña shetamuets ñeñt quelluemamueno tsamamtena. Pilatoñapa' atet oteraneterr:

—Secue' añca'yeña ñeñt yacmar.

⁶ Ñeñña pa'mcha'tareternesha' pen allohuen judionesha' po'cornaneshar ñaña guardianesha' allempoña ñetña eñchetpa' puerranarotetpa' atet otye-set:

—Ñapa' ¡pecorso'tam̄psachñaca'ye!

Alla oterete't:

¡Pecorso'tam̄psachñaca'ye!

Pilatoñapa' oterraneterr:

—Añca'ye seña, sañña corso'tam̄pse' tarro'mar napa' amaca'ye nen-teññañeña ñeññ atto ama pocteye' es peno attoch yemtsatach.

⁷ Judionesha'ñapa' atet otereterr:

—Yapa' yechenca'ye paterr ñoñets ñeññ atet anaret. Ñeñña ñoñetspa' atet oteney añ poctetsa ñapa' 'thocmach rroma tarro'mar ñapa' pachñare'teññ oten ñapa' ño' Parets Puechemer.

⁸ Allempoña Pilato e'man atet ñoñetspa' cha yoruen.

⁹ Alla be'terrerr pocollo atet otuerranerr Jesús:

—Papa' ¿erro'marneshape'tña pa?

Jesúsñapa' ama anape.

¹⁰ Pilatoñapa' alla otererr:

—Amahuachñaca'yeña ñanapote'. ¿Ama't peñoteñña napa' allsensareten attoch na'rroyerrep, allsensareten ñaña attoch necorso'tam̄perrep?

¹¹ Jesúsñapa' atet otererr:

—Amach errotentop peña noñeña ñerra'm ama Yompor ñapayñe llesens atet. Ñeñño marña ñeññ nepomue' peshopa' ñetpa' ello metanennapet po'chñar.

¹² Elloña Pilato atarr mueneñeñ o'ch a'rroyerran Jesús tarraña judionesha'ñapa' puerranarotetpa' atet otyerreterr:

—Ñerra'm añ ña'rroyerrpa' ñapa' ama pemno o'ch ña'mcha'tareter pepe' ñeññ atarr amcha'tarettetsa Romo. Tarro'mar allohuen ñeññ ñañeña netsa amcha'taretpa' 'thocma mueneñ o'ch atpare'teñet ñeññ atarr amcha'tarettetsa Romo.

¹³ Pilatoña allempo e'man ñeññ atet otenet allenta cha'nmaterran Jesús a'yoñ ñañapa' anorruerr all po'conaño allecma a'poctatenan ñoñets, ñeññ otenet Mapyetaten. Hebreya'chopa' oteñet Gabata.

¹⁴ Allempopa' añe yetro allempo añño'tena judionesha' ñeññ attecma penet pascuapo. O'ña chap poctopa', Pilatoñapa' atet oterranerr judionesha':

—Secue'ñaca'yeña añ ñeññ sa'mcha'tareter sepen.

¹⁵ Ñetñapa' alla rrannarterretterpa' atet otyerreterr:

—¡Ñapa' chepa' rromats! ¡Pecorso'tam̄psachñaca'ye allcha' rroma!

Pilatoñapa' atet oterraneterr:

—Sapa' ¿atfe't semnen o'ch necorso'tam̄psonas sa'mcha'tareter?

Ñeñña pa'mcha'tareternesha' pen allohuen judionesha' po'cornaneshar ñetñapa' atet otyeset:

—Yapa' amaca'ye eñalleña po'poñ ya'mcha'tareter, ñapñaña ya'mcha'taret yepñ ñeññ atarr amcha'tarettetsa Romo.

¹⁶ Allempoña Pilatopa' apant Jesús attoch corso'tam̄pset. Ñetñapa' anmet allcha' corso'tam̄peteta'.

Atto corso'tam̄psoset Jesús

(Mt. 27.32-44; Mr. 15.21-32; Lc. 23.26-43)

¹⁷ Atto sen Jesús allpa' anenan po'corsoch. Chapachet all oteñet Poñetallepno, ñeññ otenet hebreya'cho Gólgota.

¹⁸ Allña corso'tam̄psoset epuet ñāma epsheña acheñ. All corso'tam̄psetpa' rrochtam̄psatoset epsheña.

¹⁹ Pilatoñapa' quellcatan ñoñets ñeñt̄pa' atet ot: "Añmapa' Jesús ñeñt̄ nazareto'marnesha' ñeñt̄ Pa'm̄cha'tareter pen judionesha'." Ñeñt̄ña ñoñetspa' e'ñe corsocho ne'.

²⁰ Shonte' judionesha' ñeñt̄ lleya'yese' ñeñt̄ quellec tarro'mar all corso'tam̄psetpa' e'ñe allame'ttsa anetso. Ñeñt̄ña quellecpa' e'ñe mapo'mar ñoñets aquellcaretta —hebreyačh, griegačh ñāma latinačh, e'ñe attecma oten.

²¹ Ñeñt̄ña pa'm̄cha'tareternesha' pen allohuen judionesha' po'cornaneshar ñeñt̄apa' atet ochet Pilato:

—Amachca' pequellcatstoña atet. Añcha'ña pequellca' ñocop, "ñapa' ñañeñaca'ye otetsa judionesho' Pa'm̄cha'tareter."

²² Pilatoñapa' atet otanet:

—Ñeñt̄ o' nequellcatuapa' o'ca'ye aquellca'huaretta.

²³ Allempoña corso'tam̄pesuet Jesúsapa' solltarnesha'ñapa' yoroñet ñeñt̄ chorrena. Apanna'tyeset puema'tets pa'tatssheño'maret. Ñeñt̄ña pa'shtampa' ama eñalle all seřchena, ora apomotaret e'ñe patra shetamuets e'ñe poñe moteñ.

²⁴ Atet otanna'tyeset:

—Amachca'ye yerrarratsche, čhochña yeyellsheñe'chatoñ pa'shtam yesuertot attoch orra erra'tsenoteycha' yore'.

Ñeñt̄pa' tarro'mar atet pohuet allochñapa' attoch etsoterra Yompor po'ñoñ ñeñt̄ atet anuaret ahuatoteñ, ñeñt̄pa' atet oten: "Ñetpa' apanna'tyerretcha' ñeñt̄ nechorrena. Neshtamñapa' yellsheñe'chatonetcha' po'suertot attoch orra ñeñt̄cha' yore'." Ñeñt̄pa' atet o' e'ñe perra solltarnesha'.

²⁵ Allña e'ñe allame'tets Jesús po'corsochopa' all tomčhen coyanesha'. Allo'tsen pachor; ñāma pachor pa'mo'nerr, ñāma po'psheñeñ María ñeñt̄ Cleofas puetapor, ñāma María Magdalena.

²⁶ Jesúsña entan pachor ñāma pueyochresha' ñeñt̄ nanac morrentena all tomčhenet allame'tets. Allñapa' atet otan pachor:

—Achocha' añca'yeña pechoyor.

²⁷ Allempoñapa' atet otan ñeñt̄ pueyochresha':

—Añca'ye ñeñt̄cha' pachor pepa'.

Allempoña ñapa' anerran Jesús pachor e'ñe ña pa'paclo allcha' cohuar̄pes.

Atto rroma Jesús all po'corsocho

(Mt. 27.45-56; Mr. 15.33-41; Lc. 23.44-49)

²⁸ Allempoña Jesúsapa' o' eñoch o' etsotua ora allohuen ñeñt̄ ñocop, ñañapa' atet ot:

—Cha no'ñpa'ten.

Ñeñt̄pa' tarro'mar atet ot allochñapa' attoch etsoterra Yompor po'ñoñ ñeñt̄ atet anuaret ahuatoteñ.

²⁹ Allñapa' allo'tsen pajo' all chorre' chase'. Allña e'čhomuetña ñeñt̄ at-sotso'tpo'. O'ña tsotso'tatuet ñeñt̄ña' net tsachpo ñeñt̄ otenet hisopocheř alloña čhapachet Jesús puenamo.

³⁰ Allempoña Jesúsapa' agapan chase' ñañapa' atet oterrrer:

—Te'ñapa' o' e'ñe etsotuerra allohuen ñeñt̄ atet anaret nocop.

Allempoña o' epapa' čha rromats.

Allempo puesheñarr solltarpa' enos po'panmeto pueřotot

³¹ Allempopa' o' chap allempoch añño'terrerr judionesha' tsapatecop allempocma amesenet. Ñeñto'marña ñetpa' ama pocteye' eñcheto o'ch alla ellapen ñeñtcha' rromanatats corsocho añ yetro allempo amesenet. Ñeñña yetro allempo amesenet o'ch alla atarr cosherreterr ñaña pascua. Ñeñto'marña Pilatopa' enamueñeta' attoch cheno'tatoñet pa'tap o'ch rromuet e'ñe mamecma allochñapa' o'ch anmaretterret corsocho't.

³² Allempoña ponenña solltarpa' cheno'tosan pa'tap ñeñt parro corso'tampeñet e'ñe epsheño'mar.

³³ Allempoña ponenmyet ñaña Jesúspa' ñaña' entoset o' rroma. Ñeñto'marña ñapa' ama chenam̄pseto pa'tap.

³⁴ Tarraña puesheñarrña solltarpa' chocma enos po'panmeto puep̄otot. Allotña atarr cha'nom po'rras ama't ñaña oñsasen.

³⁵ Ñeñña ente'pa' ñapa' serrpare'tatanet atet ent. Ñapa' e'ñe eñoteñ e'ñe po'ñoçh ñeñt atet oten. Ñeñto'marña yapa' yeñoteñ ñeñt atet serrpare'tenpa' e'ñe po'ñoçh. Attochña sapa'cho'ña same'ñerach ñeñt atet oten ña.

³⁶ Ñeñtpa' atet pa' attoch etsoterra Yompor po'ñoñ ñeñt anuaret ahuatoteñ, ñeñtpa' atet oten: “Ña ama't patrra puenep̄pa' amach chenam̄pereto.”

³⁷ Ama't ñaña Yompor po'ñoñ ellonetpa' atet ote't ahuat: “Ñetpa' enteretcha' ñeñtcha' enerret.”

Atto pampuet Jesús

(Mt. 27.57-61; Mr. 15.42-47; Lc. 23.50-56)

³⁸ Allempoña José ñeñt arimateo'marnesha'pa' ñaña' ahuos Pilatesho o'ch oteña' pocte'ch eñch ñach a'suatosé' Jesús ñeñt rromuets corsocho. Ñehua, ñeñt Josépa' cotenan ñaña Jesús tarraña e'ñe a'nahua, tarro'mar ñapa' mecha'tenan judionesha'. Allempo atet enamosan Pilato, Pilatoña' e'ñe pocte' eñch, ñeñto'marña alla ahuer corsocho, çherr allpa' a'suatosan Jesús corsocho't all rromuen.

³⁹ Allña' huapa ñaña Nicodemo ñapa' añ huapatoñ eñmosa't, atsetaret ñeñt otenet mirra epuet ñaña áloe. Allo'tsente' ma'poch çharra' kilo. Ñehua, ñeñt Nicodemopa' ñeñtara ñeñt huapatsa ñanom Jesúsesho tsapo.

⁴⁰ Ñetña anerretña Jesús rromue'. Allña' epatse'tueret shetamtsotomo epuet ñaña eñmosa't. Ñeñtpa' atet yeçhena judionesha' ñerra'm çho pampueñet arromña't.

⁴¹ E'ñe allame'tets all corso'tam̄pset allña' allo'tsen narmetsma'. Allña narmetsmopa' allo'tsen mapuetpon allña pampa'neretña Jesús allempo rroma. Ñeñt mapuetponpa' e'ñe etserra eñare't, tarraña allpa' ama pampueñeta' ama't patrra arromña't.

⁴² Allempopa' tarro'mara alla na'neret allame'tets tarro'mar allempopa' añ yetro allempoch añño'tena judionesha' tsapatecop allempocma amesenet.

20

Atto tanterra Jesús

(Mt. 28.1-10; Mr. 16.1-8; Lc. 24.1-12)

¹ Allempo motta'mueneret yetsñats temenc, Maríaña Magdalenapa' ahuatecma ahuam̄uen puep̄ampro, allempopa' ama e'ñe puetaresuena'. Allña' amuepa'tcha' atteraye' entosanoña mapue' allo yottam̄pset. Ama allo'tsenarayaye, atta apmesaret a'yenet mame'.

² Ñeñña pa'che'ñera alla materra o' ahuerr allo'tsen Simón Pedro ñaña po'psheññ pueyochresha' ñeññ atarr morrentena Jesús. Maríañapa' atet otuerranet:

—O' anerrnayette' Yepartseshareñ puepamprot. Ama yeñoteñe, errate'ña neret.

³ Allempoña Pedro epuet po'psheññ pueyochresha' ñetñapa' allenta ahuanmuet ñamet puepampro o'ch enteñeta'.

⁴ Epsheño'maretpa' matrra'tet all. Po'psheññña pueyochresha'pa' ñaña'apa' ota, metanan Pedro. Ñaña'apa' ñanmacma chap puepampro.

⁵ Epostsaña o'pononet o'ch cohuos all net Jesús ama entose, aña entosñañ allo epet alla o'yerrmuena. Tarraña ama be'toso.

⁶ Allempoña chap ñaña Simón Pedro ñeññ onets chenta'. Ñaña'apa' allenta be'tosos puepampro ñapa'cho' aña entosñañ allo epet Jesús alla o'yerrmuena.

⁷ Añña allo huancoñet poñpa' ama parrocmaye' allo'tseno epuet allo epet. Ñeññña'apa' ñapueñ a'tpuetena a'yenet.

⁸ Allempoñapa' be'tosos ñaña po'poñ pueyochresha' ñeññ ñanom chapats puepampro. Ñapa'cho'ña entos ama eñalle Jesús. Allempaña ame'ñya po'ñoche'pa't o' tanterraña Jesús rromot.

⁹ Tarro'mar ñet allempopa' ama chenaneñoña ñeññ atet anuaret ahuatoteñ Jesúsocop all oten Jesús'pa' chocmach tanterra po'rromñoñ.

¹⁰ Allempoña pueyochresha'pa' ahuanerret pa'paclo.

*Allempo tanterra Jesús'pa' añ ñanom orrterra María Magdalena
(Mr. 16.9-11)*

¹¹ Maríañapa' allo'tsenara a'yot allame'tets puepampro all nanac yahuenta. Allña yahuenapa' o' epa, o' cohua' o'pononet puepampro all net Jesús.

¹² Allña'apa' aña ent epsheña mellañoñeñ, pa'shtamuet atarr huallama'tareret. E'ñe ñopa'tets anorryenet puesheñarrpa' poñot anen, po'psheññña'apa' pa'rrpōt anen all panet ahuaña Jesús.

¹³ Ñetñapa' atet ochet María:

—¿Eso'mare't nochesha nanac peyahuena?

Ñaña'apa' atet otanet:

—Ahuo't anerrnanette' Nepartseshareñ ama neñoteñe errate'ña o' net.

¹⁴ Ñeñña otuapa' puetallerra pa'che'ñoneñ allentepa'tcha' enterran ñaña Jesús e'ñe all. Tarraña ñapa' ama cheme'che.

¹⁵ Jesúsñapa' atet och:

—¿Eso'mare't nochesha atarr peyahuena? ¿Esesha'tña pe'nen?

Ñaña'apa' cha otenapañ añte' ñeññ cohuanñpene' narmetsma' all.

Ñeñño'marña ñapa' atet och:

—Ayochreshate ñerra'm p̄ate' anmue'pa' pegaterren errate' peneña', ñachña erraya'.

¹⁶ Jesús'pa' atet otererr:

—¡María!

Ñaña puetallerrtserrrpa' cha e'ñe cheme'terre' ñeñño'marña atet ot po'ñoño hebrea'cho:

—¡Raboni! —ñeññ atet otenet ñet Maestro.

¹⁷ Jesús'pa' atet otererr:

—Amach cha perrmatsetno, napa' ama na'tena' Apuesho. Arrña orrañ masheñneshesho o'ch p̄otenaneta' napa' o'ch na'terr Nomporesho ñeññ Ney-omporer nepen ñeñtara ñeññ Seyomporer sepen samã.

18 Maríaña Magdalenapa' ahuerri serrpare'tatuerrñañ pueyochresha' ñeñt'pa' atet otuerranet:

—Napa' o'rramtso nenta'mueña Yepartseshar.
Serrpare'tatuerranet ñeñt' atet och Jesús.

Atto Jesús'pa' orrterrana allohuen pueyochresha'
(Mt. 28.16-20; Mr. 16.14-18; Lc. 24.36-49)

19 Ñeñte yetrocma allempo motta'muena yetñats temenc, ellerronetña pueyochresha'chnopa' ap'cha'nenet. Ñetpa' cha yore'tenanet judionesha' ñeñto'marña ñetpa' e'ñe echarr yottam'penet. Ama't atet yottam'penetañpa' Jesúsñapa' 'chepa'tcha' be'tosuets. E'ñe rro'cho tomhuen allempoñapa' atet otuenanet:

—Te'ña po'ño'chpa' 'chosa cosherrtsa seyo'chro.

20 Allempoña atet otuenanetpa' gatyesianet pot ñaña all enaret pue'poto. Pueyochresha'ña atarr nanac coshapueñet allempo entapueñet Po'partsesharet.

21 Allempoña Jesús'pa' oterraneterr alla:

—Te'ña po'ño'chpa' 'chosa e'ñe cosherrtsa seyo'chro. Atto na mueñan Apa, napa'cho ña te'pa' o'ch nemñas samña.

22 Allempoña otuenanet atetpa' allenta a'torahuenanet atet oterraneterr:

—Te'ñapa' 'chorrasepa'ch Parets Puecamquëñ.

23 Ñerra'm esesha' se'pretnataten po'chñarpa' Yomporpa'cho'ña o' peretner.

Ñerra'm esesha'ña ama se'pretnataten po'chñarpa' Yomporpa'cho'ña ama peretneñe.

Allempo Tomás'pa' entapueñan ñaña Jesús o' tanterra

24 Pueyochresha'ña Tomás ñeñt' otenet Epanesha' ñaña'pa' ama allo'tsenayaye all ap'chenet allempo huena Jesús.

25 Ñapa' ataña serrpare'tater po'potantañ ñeñt' parro yochreshatsocmuet, ñeñt'pa' atet ochet:

—Yapa' o'ca'ye yenterña Yepartseshar.

Ñaña'pa' cha otanet:

—Napa' ñerra'm amach nentoñe pot all patet clavo, ñerra'm amach cho na'plloñe e'ñe na notot all patet, amach cho neno not pue'poto' all enetpa' amate' errotenot name'ñaso.

26 Allempoña posocmaterrpa' pueyochresha'ñapa' alla ap'cherreterr o'pono. Allempopa' allo'tsen ñaña Tomás. Ama't yetarrpa' e'ñe echarr ayotetuaret Jesúsñapa' all be'tosuenerri tomhuenerri e'ñe allpa' alla otuenaneterr:

—Te'ña po'ño'chpa' 'chosa cosherrtsa seyo'chro.

27 Allempoña'pa' atet otuenan Tomás:

—Pecuon not all pata'net, pa'p'lle'ca'ye. Pa'p'lla'n ñaña nepotot all enanet. Amachña cha pe'charrtatstto peyo'cher choña pame'ña.

28 Allempoña Tomás'pa' atet och:

—¡Nepartseshare, te'ña po'ño'chpa' Neyomporer nepene'!

29 Jesúsñapa' alla otererr:

—Papa' cho e'ñe penterren ñeñto'maraña te'pa' pame'ñenna. Tarraña elloña añ atarr cosheñtso'tsen ñeñt' ama't ama cho entennopa' ame'ñennet.

Añ libropa' añecop anaret ñeñt'cha' yame'ñatene'

30 Po'ño'ch shonte' po'poñe'chno ñeñt' atet gatyesan Jesús pueyochresha' po'partsoña. Ñeñt'pa' ama aquellcareteyaye añ libro.

³¹ Allpon ñeñt aquellcarettatsa arr libro ñeñtapa' añecop anaret ñeñtcha' same'ñate' po'ñoçh Jesúsapa' ñeñt Cristotets, ña po'ñoçh Yompor Puechemer. Tarro'mar e'ñe same'ñeñoña Cristo sañapa' corretsasach tayoteñ e'ñe erponañohuen.

21

Allempo Jesúsapa' orrterrana cancherrsheña pueyochresha'

¹ Allempoña Jesúsapa' orrterrannerr pueyochresha' e'ñe sa'patopño Tiberi-
aso. Allpa' atet orrterrannet:

² Ñehua, allempo shontenet allpa' allo'tsen Simón Pedro ñaña Tomás ñeñt
otenet Epanesha' ñaña Natanael ñeñt cano'marnesha' e'ñe allara Galileo.
Ñaña allo'tsen Zebedeo puechemerasha' ñaña allo'tsen po'poñ epsheña
pueyochresha'.

³ Simónña Pedropa' atet otanet:

—Napa' o'ch neterrayena'.

Po'potantañechnopa'cho'ña atet ochet:

—Yapa'cho'ña o'ch yocpañ.

Allempoñapa' ahuanmuet a'tacha'toset noñto. Tarraña ama't arepenetañ
terrayatsetpa' amaña es rromueneto.

⁴ Allempoña o' puetarenmoçh Jesúsñapa' tomhuen pueme'taro. Tarraña
pueyochresha'chnoñapa' ama esesha' cheme'tapaye.

⁵ Jesúsñapa' atet otosanet:

—Neyochreneshacha' ¿ama't eñalleña secacar ñeñtcha' serra'muen?

—Ñetñapa' atet ochet:

—Amaca'ye eñalle.

⁶ Ñañaapa' atet oterranneterr:

—Sehuapore't seterraya noñt po'cohuenrot allpa' sermmue'chca'ye.

Atet otanetpa' atetcho'pet. Arepa'tcha' eshcaye' cheterreto po'terraya o'
rromuet nanac aton cac — shonte'.

⁷ Allempoña pueyochresha' ñeñt atarr morrentena Jesúsapa' ñañaapa' atet
otan Pedro:

—¡Yepartsesharepa'tca'ye!

Simónña Pedropa' allempo eñotan Partseshapa't huetsa ñañaapa'
puema'yoreñ chorrerrana pa'shtam tarro'mar ñapa' muelle'mcota terrayen.
Ñañaapa' puema'yorñecma omacha oñoapa' ahuo' Jesúsesho.

⁸ Po'potantañechnoña pueyochresha'pa' chenta' onatherret noñto. Ñato'
cien metrote' allo'tsen attoch cherret topña'so. Chetare'tnerret po'terraya
e'ñe chorre'cac.

⁹ Allempo sohua'rretuerret patsopa' all entuerret quellmesh all huorten
all achmarettena cac; allo'tsen ñaña pan.

¹⁰ Jesúsñapa' atet oterranneterr:

—Sacra' patantarr cac ñeñt sermmuen e'ñe erre'te.

¹¹ Allempoña Simón Pedropa' alla a'terr noñto, chetan terraya noñto' o' ne'
masto, e'ñe chorre'atesha' cacachno — allo'tsen ciento cincuenta tres ñeñt
allpon rromuet cac. Tarraña ama't shonte' rromuet cacpa' ama rrarratano
terraya.

¹² Jesúsñapa' alla oterranneterr:

—Te'pa' sonacherr o'ch serra'muen.

Puemcha'na'teñoñet ama't puesheñarroñeta ama esesha' otenaye: ¿Ese-
shape'tña pa' tarro'mar eñoteñet po'ñoçhpa' Partsesha'ca'ye.

13 Allempoña huapanet Jesús allame'tets, chetosan pan apa'yesosanet. Apa'yesosanet ñaña cac.

14 Ñeñpa' allempo poma'pocheño hua orrterrana pueyochresha' allempo tanterra rromot.

Allempo Jesús pa' otenan Simón Pedro atarrte' morrenteña

15 Allempoña rrohua'muenet Jesúsñapa' atet otan Simón Pedro:

—Simón, Jonás puechemere, ñapa' ¿atarrte' pemorrentenna, ellote' pemtana'tueñ añenesha'?

Ñañaapa' atet otan Jesús:

—Po'ño chca'ye Partseshacha' peñotenen napa' nemorrentenpa.

Jesúsñapa' atet otererr:

—Ñeñtepñapa' e'ñech cohuen peserrpare'tatyesh allohuen ñeñt name'ñenaya; ñetpa' e'ñe atet nentenanet ñerra'mrrate' necarneroretollesha'.

16 Puepocheñoñapa' alla otererr:

—Simón, Jonás puechemere, ¿po'ño cha't atarr pemorrentenna?

Ñañaapa' alla otererr:

—Po'ño ch Partseshacha' e'ñe peñotenen napa' nemorrentenpa.

Ñañaapa' alla otererr:

—Ñeñtepñapa' e'ñech cohuen pecuam̃pson allohuen ñeñt name'ñenaya; ñet po'ño chpa' e'ñe atet nentenanet ñerra'mrrate' necarnerorechno.

17 Poma'pocheñoñapa' alla otererr:

—Simón, Jonás puechemere, ¿ama't e'ñe mamecpa pemorrentenna?

Pedroñapa' llequënana atto alla poma'pocheño otererr e'ñe ñeñfara, ¿pemorrentenna't?, ñeñto'marña ñapa' otererr:

—Partseshacha' allohuenpa' e'ñepa't peñotueñ. E'ñe peñotenen napa' nemorrentenpa.

Jesúsñapa' alla otererr:

—Ñeñtepñapa' e'ñech cohuen pecuam̃pson necarnerorechno.

18 Po'ño chca'ye te'pa' o'ch notap, pa allempo hupueshenpa' pechorre't e'ñe ñota, all peseche'tpa' all pechopene'chyese't. Tarraña esempoch pepo'ñme'tenpa' pañapa' o'ch attañia peyopen peque' attochña o'ch po'psheññaña pechorratenaya allempopa' anerrpetcha' all ama pesecheno.

19 Ñeñpa' tarrecop atet eñorana'tenanet allochñapa' attoch eñochet errotentcha' rromuerr Pedro atotcha' cohuentaterran Yompor. Ñeña otuepa' alla oterran Pedro:

—Ñapa' chocmuepa'ch e'ñe poctenen.

Atto Jesús eños Juanacop ñeñt pueyochreshar atarr muerena

20 Pedroñapa' puetallerrtsa entapan o' cota'neñ po'psheñ pueyochresha' ñeñt atarr morrentena Jesús, ñeñt e'ñe anorttse't epuet ahuañmo'cha allempo rrallme'chete't ñeñfara pueyochresha' ñeñt otaye't ahuaña: "Partseshacha' ¿erra'tsenacpa'tña pe'ñorena ñeñtcha' pepomuerre'?"

21 Allempoña entap Pedro, ñañaapa' allenta otan Jesús:

—Partseshacha' ñocoppa' ¿ama't eñalleña ñeñtcha' huapoya ña?

22 Jesúsñapa' atet otererr:

—Ñerra'm na muenate' ñapa' allach a'pa esempohuañenña nohuerrapa' ñeñt pa' e'ñe pocte' ñocop, ñeñt pa' ama po'cpayaye. Pocoppa' añ poctetsa chocmuepa'ch poctenen.

²³ Ñeñto'marña epa'hua añ ñoñets erraḗparen allo'tsa'yen masheñnesha', ñeñto'marña ñetpa' atet otanna'tyenet, ñeñt̄ pueyochresha'pa' año'ch rromuerro ama't errponaña. Tarraña Jesús'pa' ama atteye' oteno amach rromuerro. Ñapa' aña oteñ: "Ñerra'm na muenate' ñapa' allach a'pa esempohuañenña nohuerrapa' ñeñt̄pa' e'ñe pocte' ñocop, amaña po'psheññecpayaye."

²⁴ Napa' ñeñten pueyochreshan ñeñten atet eñotatets atet ñeñtarana quel-lqué' añ. Te'ña ya allohueney yeñoteñ ñeñt̄ atet na'potapa' ñeñt̄pa' e'ñe po'ñoçh atet.

²⁵ Shonteñ po'ñoñeçhno ñeñt̄ atet ḗa'yesa Jesús. Ñerra'm e'ñech yequellca'hueñ ora allohuen ñeñt̄ atet ḗa'yese't̄ Jesús eñalleñte' shonte' nanac libros. Napa' noten shonteñte' nanac libros'pa' e'ñech epa'huañ ora erraḗparen aña patsro ñerra'm allponcha' yequellcañ libros. Ñeñt̄pa' attetepa'ch Nompore. Allohua.

ATET PA'YESA JESÚS PUEYOCHRESHA' LOS HECHOS

Atet otnerranet Jesús huapanetcha' Parets Puecamquëñ

¹ Te'pa' masheñe Teófilo, nequellcotpa' o'ch neserrpare'taterrperr po'pocheño. Ahuaña ñeñt nequellconap̄ all neñotataḡ ora allpon atet pe't Jesús allempo añe patsro'tsenmeñ. Ñaña ora allpon ye'chate't Jesús, ñeñtpa'cho' o' notuap̄ nequellcot.

² Tarraña allempoteñ a'terr pue'ntañopa' palltena o'ch notap̄ ñaña. Te' añ nequellcotpa' o'ch notap̄. Tarraña ama't allempo ama a'terra' Jesús'pa' añña ñeñt pueyochresha'pa' o' otuanet atet'cha' pet. E'ñe Parets Puecamquëño'tpa' o' llesensa'huanerran pueyochresha' ñeñt acra' ña.

³ Ama't pomuero'chteño' o' rromua ahuaña, allempoñapa' o' orrterrana pueyochresha' e'ñe betnatot. Ñeñto'marña ñetpa' eñochet e'ñe po'ño'ch aña' ñeñtara Jesús ñeñt rromats ahuaña. Tarro'mar pa'tatsoch 'charramatnerr atto orrtame'tnerranet mamesha'tets. Ñaña 'chocma eñchete't allame'tets. Allempoña ñapa' a'potanet atet penaña Parets po'cohuenña atto ayochreshattena ña.

⁴ Allempo allo'tsenet e'ñe parro epuet pueyochresha'pa' atet otanet:

—Amach erra setatsto arrot, allasach arrma Jerusaléño. O'ch secueñ esempoch 'chaponasa ñeñt Parets Puecamquëñ. Tarro'mar Parets'pa' o' otuas o'ch mueñonas Puecamquëñ. Ñeñto'mar napa' o' na'potuonas Parets po'ño'ñ ahuaña.

⁵ Allempopa' añña ñeñt notuas: Juanaña' añoñña apate't oño, tarraña na tsapatonetpa' añcha'ña nechorratasa Parets Puecamquëñ. Aña' allohua atet ot Jesús.

⁶ Po'pocheño all ap'chenet aspento pa'so'cheñ Olivopen. Pueyochresha'ñapa' atet a'p'tochet Jesús:

—Te'pa' Partseshacha' ñato' pocte' penteñ o'ch papaterrey ñeñtey israelneshay yepatseñ. Allochñapa' amach esesha' poñeña yeyore'tame'tenaye.

⁷ Jesúsñapa' atet otanet:

—Ñeñt socoppa' ama pocteyaye o'ch seño'ch. Añña Yompor po'partsoteño't e'ñe eñotueñ. Ñapa' o' ne' allempoch etsotuerra ora allohuen añe'chno.

⁸ Jesús'pa' alla otnerraneter:

—Añña pocte' o'ch seño'ch, ñerra'm esempoch huaponasa Parets Puecamquëñ sesho, ñach ahuamencat sepose'. Allempopa' sa'potoncha' neñoñ erraparen—Jerusaléño, ñaña ora Judeo, ñaña Samario, ñaña ora allohuanen pats.

Arrpa' atet perra Jesús allempo a'terr pue'ntañ

⁹ Ñeñta otuanenanetpa' allempoñapa' a'tenochayo' enonet. Añña pueyochresha' pocuanrrorteño'tetpa' o' ma'natena oso. O'huañ orrta, ama't mamesha.

¹⁰ Ama't allempo o'huañ orrta Jesús, ñetpa' allo' cohuanrrortenet enonet allenet o' chenca'huanena Jesús. Allempoñapa' cohuerretset patsonetpa' alla entet epsheña yacma o' tom'cha'toset e'ñe parro. Pa'shtamuetpa' nanaco' huallama'tareret.

11 Ñetñapa' atet otosanet:

—Esuañaca' galileo'marneshacha' secuanrrortenña enonet. Añ Jesús ñeñ o' a'terr entopa' huerrerrcha' po'pocheño atet senteñ o' ahuerrento.

12 Allempoña o' a'ten Jesúsapa' añña pueyochresha'pa' o' ahuanerret alla Jerusaléño. O' onácherret Olivopnot allot a'terr Jesús. Tarro'mar ñeñ aspenet Olivopenpa' allame'ttso'tsena Jerusaléño, Olivopnotpa' ñato' allo'tsente' paterr kilómetro attoch yechap Jerusaléño.

13 O'ña chácherret anetso Jerusaléño all pocollo allecma a'puenetpa' o' be'toscha'tuerret, a'tapuet eno all tama a'yohuen bat. Allñapa' apchet allohuenet. Ñeñ apchatsa ñeñpa' añechno: Pedro, ñaña Jacobo*, ñaña Juan, ñaña Andrés, ñaña Felipe, ñaña Tomás, ñaña Bartolomé, ñaña Mateo, ñaña Jacobo ñeñ Alfeo puechemer, ñaña Simón ñeñ cananistanesha' ñeñ atarr torratse't pa'netsrecop, ñaña allo'tsen Judas ñeñ Jacobo pa'mo'nasheñ.

14 Allña apchenetpa' e'ñe ñeñña nete't pueyochro cohuen ñoñets. Allotpa' e'ñe poma'yochreñofet cohuenpa' chocma ma'yochete't. Allo'tsen ñaña coy-anesha'chno, ama't Jesús pachor María, ñaña pa'mo'nasheñnesha' allo'tsenet ñamet.

Atet pa Jesús puellsensarnesha' allempo net Matías ñeñtcha' epuet a'potoñet Yompor po'ñoñ

15 Parrochña Pedropa' o' tomos o'ch serrpare'tatanet. Allempopa' ñato' allo'tsente' ciento veinte acheñenesha'. Allempoñapa' otanet:

16 —O'ch masheñeshacha' notas: Po'ñoñ o' etsotua Yompor po'ñoñ ñeñ anaret ahuatoteñ. Tarro'mar Parets Puecamqueñoñ eñoñe't David. Ama't ahuatpa' ote't David atetcha' pa Judasoñ ñeñ anmue' ñeñ rromue' Jesús. Ñehua, pocte'ña'cho' o'ch etsota Yompor po'ñoñ.

17 Judasoñpa' ahuaña allempo allo'tseney e'ñe parro ñapa'cho'ña acreñña Jesús o'ch pueyochresha' pe'.

18-19 Ñehua, Judasoñpa' tsa'chet allpon quelle atto poman Jesús. Tarraña ñeñ quellepa' allo rañtet pats. Tarraña allempo shora'nom Judasoñ chap patsopa' potsa'nmos pa't, o' yo'pahua ora. Allempoña e'mare'ch allohuen jerusaléño'marnesha' atto Judasoñpa' o' rroma. Añña pats ñeñ rañtet Judasoñ po'çllayorotpa' o' sochet Acéldama. Añ ñoñets ñeñ otenet Acéldama ya yeñoño yoteñ Errasatsotnanen.

20 Añña ñeñ quellquét ahuat David ñeñpa' anuaretta añ libro Salmos. Añña ñeñ atet otene'y:

All yechena, puenasepa'ch amarat, all amach eseshaye' yechatstatso.

Ñeñ po'taruas pa' attoch sherbaneñ Yomporpa' tarraña ñeñpa' apanepa'ch po'psheñ. Atet oten añ libro Salmos.

21-22 Alla oterraneterr Pedro:

—Ñeño'mar te'pa' añ poctetsa o'ch ye'ñ po'psheñ ñeñtcha' parro ya'pota atto Jesúsapa' o' tanterra. O'ch ye'ner puesheñarr ñeñ chocma parro yechopeñe'che't ahuaña allempo arro'tsenmeñ Yepartseshar Jesús. O'ch ye'ner puesheñarr ñeñ chocma yoctaye't ama't allempoteñ Juanañpa' apatapan Jesús tarremphua allempo a'terr Jesús.

23 Allempoñapa' o' neñet epsheña, puesheñarr añ pa'so'cheñ José Justo, ñeñtara José oteñet ñaña Barsabás. Po'psheñeñpa' añ pa'so'cheñ Matías.

24 Allempoñapa' o' ma'yochet. Puema'yochefetpa' atet otet:

* 1:13 Jacobopa' ñeñtara ñeñ sochenet Santiago.

—Yompore, ñeñfeþ entene' allohueney yeyoçher. Te'pa' o'ch peñotatey erra'tsente' pemnen þa ñeñcha' ello alla sherberrets þocop atet ñerra'm pellsensar.

²⁵ Judasoñpa' o' sa'nmuvey o' ahuo' all ñeñf' o'patatarettena ña e'ñe ña po'chñaroñ.

²⁶ Allempoñapa' yellsheñe'chet e'ñe ñet po'suertot attoch eñochet erra'tsente' muenenña Yompore ñeñcha' alla sherberrayerr. Allempoña yellsheñe'chenet aña orrtatsa Matías ñeñfepa't muenenña Yompore. Allempoteñ Matíaspa' ahuo' aguëñ po'poñeçhno ñeñf' çharrasheña puechetsa paterr ñeñf' puellsensar Jesús.

2

Allempo çhapanet Parets Puecamquëñ

¹ Allempoñapa' o' meterrerr allponmat amnaroch çharramat, o' çhap allempo coshena judionesha' ñeñf' otenet Pentecostepo. Allempoña ñetpa' alla apçherretterr e'ñe parro ñeñfet ame'ñetsset.

² Allempoñapa' machayoña e'mapuet atet ñerra'm huomenquësha' ma'more'tos entot. Allohuenet ñeñf' allo'tsa'yen pocollo e'ñe e'mhuet.

³ Añña ñeñfet apçhetsetpa' o' huapanet atet ñerra'm tso'. Huapapa' çha çhapa'rrtosa po'huorter ñesheto. Çhapyesanet e'ñe puesheña'ttsocmuet atet ñerra'm huorte'. Añña huorte'pa' alla a'prra'ta ñesheto.

⁴ Añña ñeñf' çhapyesahuete e'ñe puesheña'ttsocmuetpa' añepa't Parets Puecamquëñ ñeñcha' chorrahuet. Allempoñapa' allorocma eñosyaset po'poñ ñoñtso ñeñf' ama eñosete'te ahuaña. Añña Parets Puecamquëñpa' ahuo' eñoratyesanet po'poñe'ttsocma attoch serrpare'tachet pa'namen acheñ e'ñe ñet po'ñoñeto.

⁵ Allempo Jerusaléñopa' allo'tsa'yen shonte' judionesha' ñeñf' huaçhetsa pa'namen anetsot. Ñetpa' cohuen cotape'chete't Partsocop.

⁶ Allempoña e'marettet çha ano'tenetpa' o' matra'tosa shonte' pa'namen acheñenesha' o'ch enteñeta' ñeñf' ano'tatsets. Çhapuet all ano'tatsenetpa' o' entoset ñeñf' ame'ñetsapa' aña eñosyenet e'ñe ñet po'ñoñeto. Allempoñapa' atta cohuanrrortoset.

⁷ Puemoñne'teñoçetpa' atet otyeset:

—Ta', errotente'ca' e'myennayetña yeñoñ. Yapa' yeñotenanet ñetpa' galileo'marnesheta.

⁸ Ama't po'poñ ñeñf' yenyoma' ñoñetspa' e'mueñet. Allohueneypa' o' e'ñe ye'myes atet eñosyenet e'ñe cohuen yeñoñ.

⁹ Allempopa' alla otanna'tyerretterr:

—Yapa' yeñen po'poñe'ttsocma ñoñets tarro'mar yapa' pa'namen anetsot yehuena. Allot anetsrot yehuapyena ñeñf'pa' pa'namen pa'so'chñeçhno—ama't Partioñ ñaña Medioñ ñaña Elamoñ ñaña Mesopotamioñ, Judeoñ, Capadocioñ, Pontot, Asioñ,

¹⁰ Frigioñ, Panfilioñ, Egiptoñ ñaña Africo'marot, alla allame'tets Cireneo. Ñaña ñeñf' huetsa Romot ñeñf' çhocma a'puetsa arr.

¹¹ Ama't ñaña judionesha' shonte', ñaña ama't ñeñf' ame'ñaten judionesha'. Ñaña ñeñf' huetsa Cretot ñaña Arabioñ. Ya te'pa' o' e'ñe ye'myes e'ñe yocma yeñoñ atet aye'choçhtateññañet Parets po'cohuenña e'ñe yeñoñ.

¹² Otanna'tyerretterr alla:

—Ta'm, ñetpa' errottenette'ca'yete'. Yapa' ama't ahuatapa' ama yentareña galileo'marnesha'pa' o'ch eñosyesña e'ñe cohuen yeñoño. Ta', escopte'.

¹³ Añña po'potantañ acheñenesha'pa' o' achmāre'tanet atet otarettet:

—Tarro'mar ottenetña' čhoca'ye posa'tyenet.

Atto Pedropa' serrpare'tatan acheñenesha'

¹⁴ Añña Pedropa' tanta o' tom e'ñe alla epuet po'poñečno yochreshats. Eñora huomenc, otanet:

—Masheñe judioneshacha' ñaña allohuenes ñeñtes arro'tsenes Jerusaléño, te' o'ch notas: Se'ññoten o'ch neñotatas attoť atet yepena ya.

¹⁵ Yapa' ama yeposañote'ye' o' yo'notap̄sa'mueno atet sotene'ya sa, tarro'mar ama čhoye' o' yarepeno orrats.

¹⁶ Añña ñeñt synten te' ñeñtpa' añ o' etsota ñeñť atet ote't Joel ñeñť a'mtaye't Yompor po'ñoñ ahuat. Añña ñeñť quellquē't ahuat Joel:

¹⁷ Añ atet oteney Yompor: Allempoch mellapoterrmocha, atetcha' perra, o'ch nenanet Necamquēñ pueyočhreto, allohuen arromñāñenesha' o'ch nechorratanet Necamquēñ. Añña penñreneñpa' ñetcha' a'poterret neñoñ ñeñtcha' neñotatuanet, ama't ñaña coyaneshačhno a'poterrnancha' neñoñ. Añña ñeñť huepueshare' čhocmach es norrtatyesanet ñeñtcha' entyesonet neshoť. Añña ñeñť po'nmeneshare'pa' es norrtatyesanetcha' puečhopoñeto.

¹⁸ Ama't allohuen ñeñť nesherbene', ñaña ama't coyaneshačhno nenuanetcha' Necamquēñ pueyočhreto attoch a'potonet neñoñ.

¹⁹ Allempoña enopa' o'ch nentatyesanet ñeñť ama't ahuatapa' ama puentareto. Patsopa'čho'ña o'ch norrtatyesanet ñeñtcha' eñotaterahuet. Quellareñtsoťpa' norrtatcha' errasats. Puetomam̄psanna'teñoťet pa'netserpa' orrterrach tso' erracmañen, chepoterrcha' amos ñaña errap̄aren.

²⁰ Ama't ñeñť yečhoyo'tam̄pene'te' allempopa' puenaserrach checmete'. Arrorppa'čho'ña allempopa' tsama'tterrach atet ñerra'mrrate' errasats. Atetcha' yoročhterra' allempoch huerrmocha Yompor.

²¹ Allempopa' ama't erra'tsena čhore'te' Yompor pueyočhrocmañen attoch a'queshpachpa', Yomporñapa' a'queshpatanetcha'. Arrpa' allohua atet quellquē't ahuat Joel.

²² Añpa' ñeñtara alla oterraneterr Pedro:

—O'ch masheñe judioneshacha' noterrser: Sapa' señoťeñ ahuaña'pa' orrte't Jesús ñeñť nazareto'marnesha'. Ñapa' čhocma orrtatonase't po'partsoña, ñaña čhocma orrtatyesanase't ñeñť ama sentare ñeñtcha' señoťate' ñapa'čho'ña nanac Paret. Pompor apuene'ña po'partsoña attoch señoťoñ Puechemer ña nanac Paret.

²³ Añña ñeñtara Jesús sañapa' o' sepomhuer attoch corso'tam̄pset. Sañapa' o' sañ po'poñ acheñenesha' ñeñť atpare'tene' Yompor attoch ñetpa' o'ch muetset. Atet o' sephoya, Yomporpa' ahuatoteñ eñotuase't atetcha' sepa, tarro'mar atet muene't ña.

²⁴ Tarraña ama't rromuapa' Pomporpa' o' alla tantater. Tarro'mar amate' errofeno te'pa' alla a'po rromue'.

²⁵ Ama't atet ote't David ahuat, atet ñerra'm Jesús eñoratse't. Atet ote't: Napa' neñoťeñ Nompör čhocma allo'tsenen parro epan. Ñach nanac ahua-nemcat nepe' attoch amach nemcha'to.

²⁶ Ñeño'marña nanac nocshena neyočhro, nocsheñeshocma neñen. Ama't nerromapa' neñoťeñ amach alla na'po rromue'.

27 Napa' neñoteñ amach a'ypo'ñono necamquëñ alla o'pono. Nomporpa' amach mueno o'ch puetsohua alla nechets tarro'mar ñapa' entenen e'ñe cohuenare' es nepen ñocop.

28 Añcha'ña o'ch entaterren attoch yocrrerra e'ñe cohuen. Poparrocmateñot epan ñapa' ñach nochaterre' nanac. Allohua atet ote't David ahuat atet ñerra'm Jesús eñostse't.

29 Allempopa' alla oterraneterr Pedro:

—O'ch masheñeshacha' noterrser, añ poctetsa e'ñe eñotochen o'ch notas: Yatañ David ahuatpa' rroma. Rromapa' pampuet. All pampuetpa' yenteñ ama't teme'ttsen. Neñto'mar yeñoteñ ahuat allempo ote't añ ñoñetspa' ama añeçpaye' serrpare'te'te e'ñe ñocop, añecopña serrpare'te't Jesúsocop.

30-31 Tarro'mar David ñapa' ña a'mtaye't ahuat Yompor po'ñoñ. Ñapa' e'ñe eñotue't atetcha' pa ñeñcha' Cristotats allempoch chap añe patsro. Neñto'mar ama't ahuatoteñpa' eñose't atetcha' tanterra ñeñcha' Cristo-tats. Pomporpa' amach a'ypo'ñano Puechemer o'pono. Amach muenatoñe o'ch puetsohua po'chets. Yomporpa' ama't ahuatpa' atet otan David o'ch noñ puesheñarr po'mrenñot ñeñcha' añcha'tarettatsa esempo. Davidpa' eñotane't Yompor ñapa' ama pueno po'ñoñ.

32 Te'ña yapa' o' yeñch Yomporpa' o' tantaterran Puechemer Jesús.

33 Te'ña ñapa' e'ñe allo'tsen epuet Pompor Parets all partsoten ento. Pomporpa' o' e'ñe aphue Puecamquëñ. Te'ñapa' añ ñeñfara Puecamquëñ o' chor-ratya yaña atet oterrey ahuaña. Neñto'marña o' orrtonaya atet sentyes ñorra', ñaña atet se'myes cohuen ñoñets e'ñe sa señoño.

34 Neñto'marña yeñoteñ ama añeçpaye' serrpare'te'te David e'ñe ñocop, tarro'mar ñapa' rromapa' ama tanterro allotpa' ama a'terro ento atet ñerra'm Jesús. Ñaña po'pocheño ahuatpa' eñose't David, atto' ote't:

Yompor Paretspa' atet otentan ñeñf e'ñe Nepartseshar nepen na (ñeñfara ñeñcha' Cristoterrets): “Te'pa' o'ch panorruerr arr necohuenrot allcha' pecohuentapreterra.

35 Attochña ama't ñeñf pe'moñe'tene' napa' o'ch e'ñe name'ñatuerranet al-lochñapa' o'ch atet perret ñeñf pemnen pa.” Añpa' allohua atet ote't David ahuat.

36 Allempoñapa' alla oterraneterr Pedro:

—Sapa' israelena'tares. Neñto'marña señoche'pa'ch e'ñe eñotochen atto Yompor Parets o' nan Puechemer Jesús. Ñapa' ña Partseshatets, ñeñfara Cristotats. Añ ñeñf Jesús sañapa' o' secorso'tamñsach. Añpa' ñeñfa allohua serrpare'tatanet Pedro.

37 Allempoñapa' ñeñf matrra'tatsa allpa' o' chapamet pueyoçhro añ ñoñets. Nanac llecanrrortet. Atet ochet Pedro ñaña po'potantañeçhno Jesús puellsensar. E'ñe puellquëño'fet atet ote't:

—Masheñeshacha', errotenuachca'ye yeperraña te'.

38 Pedroñapa' atet otanet:

—Te'pa' aña poctetsa ñeñcha' seperra allohuenes. Te' sellquëño't o'ch soctape'cherr ello cohuen Yomporecop. Allochñapa' Yomporpa' peretna'huerrnascha' so'chñar. E'ñe same'ñeño't Jesucristo añ pocte' te' o'ch sapatare'terra Partsocop. Allochñapa' Paretspa' chorrateresach Puecamquëñ.

39 Neñtpa' pocte' atetcha' sepa, tarro'mar atet oterrey Jesús o'ch chorrat-uerria e'ñe puesheña'tsoy Puecamquëñ, allohueney ñeñfey o' hua'ñerrey

Yeyomporer Parets o'ch yame'ñera. Ñaña o'ch chorratuonasa ama't sa sechemerasha' Puecamqueñ, ñaña allohuen ama't ñeñt ella'paro'tsa'yenet.

⁴⁰ Allempoñapa' o' alla serrpare'taterraneterr attoch otanet pa'namen ñoñets. Attóch cotape'chatanetpa' atet otanet:

—Amach soctape'chatsto atet cotape'chen po'poñ acheñenesha' ñeñt ama ame'ñetso. Attotcha' sequeshperrach.

⁴¹ Allempoña allohuen ñeñt ame'ñaya Pedro atet otanetpa' o' apatarettet. Allempopa' ñato' allpon ame'ñatsa ma'pa mil acheñenesha'. Cha shontena ñeñt ame'ñatsa.

⁴² Allempoteñ ñeñt ame'ñatsapa' e'ñe ma'yo'chrenet atet ye'chatanete't Jesús puellsensar. Nanac cohuen entanna'tete't allecma ap'chete't parro. Pueyerpueño'fet Jesús o' toma'ntatet pan atet ñerra'm Jesús po'chets. Nanac ma'yo'chete't e'ñe parro.

Atet corre't ahuat ñeñt ame'ñatse't

⁴³ Ñeñt Jesús puellsensarpa' orrtatanete't shonte' pa'namen ñeñt ama puentareto, orrtatanete't partsoteñets attoch eño'chet añmapa' Partsepa't. Ñeñto'marña allohuen acheñenesha'pa' nanac mecha'na'tete't.

⁴⁴ Ñeñt ame'ñatsapa' 'chocma ap'chete't parro, pocsheño'f apanna'tyesete't ñeñt es palltatse't.

⁴⁵ O'ch venda'yesete't ñeñt e'chyenet ñaña allpon ñeñt o'patyesete't ñeñt'pa'cho'ña venda'yesete't. Allpon gana'yesete'tpa' o'ch apanna'tyesete't ñerra'm esesha' es palltatse't.

⁴⁶ Pate'tets yetpa' o'ch ahuanenet e'ñe parro Parets pa'paclo. Er-rotenopa' pueyerpueño'fet Jesús o'ch toma'ntachete't pan atet ñerra'm Jesús po'chets. Ñaña 'chocmach rrallme'chapretanna'tete't pa'paclette. E'ñe pocsheñeshet pueyo'chretopa' 'chocmach rrallme'chete't. Allempopa' nanac amuerañterret.

⁴⁷ Ñaña 'chocmach aye'cho'chtatoñete't Yompor. Allohuen acheñenesha'pa' e'ñe cohuen entapretanete't ñeñt atet pete't. Pate'tets yet Yomporotpa' 'chocmach ame'ñachete't po'poñe'chno acheñenesha'. Atteñapa' o' 'cha shonta ñeñcha' a'queshpatarettatsa.

3

Atto Pedropa' a'crraterran ñeñt echarrtetsa

¹ Pam'tarra' 'chap allempocma ma'yo'chenet Parets pa'paclo, atet ñerra'm allempopa' ñato' o' ellerrenmoch. Pedroñapa' ahuo' Parets pa'paclo epuet Juan, o'ch ma'yo'choset all.

² O'ña 'chapuet allpa' a'tapose't Parets pa'paclo. Allempoña a'tapmochet allpa', allempocma huapachet ñaña puesheñarr ñeñt echarrtetsa pa'tco't, ama eshcayé' chope'cheno. Allempoteñ eñalleta ama chope'cheno. 'Chocmach pamo'tsesha'pa' o'ch aneñet allecma be'tenet Parets pa'paclo. O'ch na'nmet allotecma be'tosete't ñeñt otete't Ama Macohueno. Allñapa' allcha' enamare'tyanan quelle ñeñt be'tostse't Parets pa'paclo.

³ Ñeñña echarrtetsapa' entapan Pedro epuet Juan. Ñetpa'cho'ña be'tosmochet Parets pa'paclo. Ñañapa' enamapanet quelle.

⁴ Pedroñapa' alla o'chet cohue' epuet Juan. Allempoña Pedropa' atet otan ñeñt ama chope'chetso:

—Ñehua, pecua'y alla.

⁵ Ñeñña echarrtetsapa' alla e'ñe cohuanet, ñapa' otapañte' o'ch apet quelle.

⁶ Tarraña Pedroñapa' atet och:

—Napa' ama nechen quelle, tarraña ñeñt' nechenpa' ñeñt'cha'ña napaḥ. O'ch notaḥ, e'ñe po'partsoteñoḥ Jesucristo ñeñt' nazareto'marnesha' o'ch notaḥ, pechope'cherrepa'.

⁷ Pedroñapa' chete' potot' po'cohuenrotpa' o' echañch. Allempocma corra'huena pa'tcot, ama't all meya'nen yetacpa' o' corra'huena poctacma.

⁸ Corra'huetsa pa'tcotpa' pocsheñoḥpa' omacha enonet, o'ten e'ñe cohuen. Allempoñapa' chopeñe'chen. Ama't all chopeñe'chen omachme'tetsa all aye'chochtatenan Yompor. Atteñapa' be'tos Parets pa'paclo epuet Pedro ñaña Juan.

⁹ Allohuen acheñenesha' ñeñt' allo'tsa'yen, ñetpa'cho' enteñet atto pa'ye'chochtateñesha' Yompor all chopeñe'chen.

¹⁰ Ñetpa' cheme'teñet añmapa' ñeñtara ñeñt' anortse't allotecma be'tosete't Parets pa'paclo, ñeñt' otenet Ama Macohueno, allecma enamare'te't quelle. Ñetñapa' atta cohuanrrorteñet.

Atto Pedropa' serrpare'tatan acheñenesha' Parets pa'paclo

¹¹ Añña ñeñt' correrrtsapa' ama a'rroyen enterrano Pedro ñaña Juan. Allempoña all tomchenet all oteñet Salomón Popellrraro. Acheñenesha' po'yorñoḥetpa' matrra'tet allo'tsen Pedro ñaña Juan ñaña ñeñt' a'crraterr Pedro.

¹² Allempoña cha'cha'tet all tomchenetpa', añña Pedropa' otapanet, atet ot: O'ch masheñe israelneshacha' notas, eso'marte' secuanrrorteneý. Chate' sotenapañ e'ñeḥe' ya yehuamencot' yechope'chater, amapa' cha'te' sotenapañ e'ñeḥe' ya, ya'cohuentateñoḥ yechope'chater. Añmapa' ama atteyaye.

¹³ Añcha'ña o'ch notas: Añmapa' Yompor orrtatene' ñeñt' o' sentua. Añña Yomporpa' ñeñtara Po'yomporer pe't ama't Abraham ñaña Isaac ñaña Jacob, ñaña allohuen yatañneshañ. Yomporpa' e'ñe pocte' eñich o'ch cohuentatan Puechemer Jesús. Ñeñto'marña o' orrtatonas ñeñt' o' sentua. Tarraña sa ñeñtara Jesús'pa' o' sepomhue. Ama't allempo Pilatopa' pocte' enteñeñ o'ch a'rroyereñ, tarraña sañapa' cha sa'nasotamḥpesya allohuenes.

¹⁴ Ama't ñeñt' nanac Parets, ñaña ama't ñeñt' e'ñe pocte' es pets, sañapa' cha sa'nasotamḥpesya. Allempo Pilatopa' ama't mueneñ o'ch a'rroyer, sañapa' aña sanamñ ñeñt' amtsañ ñeñt'cha' a'rroyonaset.

¹⁵ Ñaña'pa' chaña semtsach ñeñt' alloch e'ñe yocrra. Tarraña ama't muetsetañpa' añña Pomporpa' o' alla tantater. Tarro'mar yapa' yeñoteñ yapa' yenter ama't allempo tantuerra.

¹⁶ Ya yeyemteñoḥ e'ñe Jesús o' correrra ñeñt' ama chope'chetso ñorra'. Ama't sapa' señoḥeñ atto ahuañapa' ama chope'che'te. Tarraña te'pa' o' senter o' chopeñe'cherr. Yapa' o' yame'ñera Jesús ñeñt' o' a'crratateran ñeñt' echarrtatse't ahuaña. Te'ña ama't sapa' o' sentuer allohuenes.

¹⁷ Te'ña masheñneshacha' napa' neñotenes ahuaña sapa' ama es seḥapoyo seyo'chro allempo semtsach Jesús. Ama't ñeñt' sa'mcha'tareternesha' ama es chapahueto pueyo'chreto ñamet.

¹⁸ Tarraña ñeñt' atet seḥohua te'pa' o' etsoterra Yompor po'ñoñ. Tarro'mar allohuen ñeñt' a'mtaye't Yompor po'ñoñpa' attecma otete't, ñeñt'cha' Cristotats Partocoppa' muero'chtachetcha' esempo. Ñeñto'marña te'pa' o' etsota Yompor po'ñoñ ñeñt' aquellcayet.

19 Ñeñto'marña te'pa' añ poctetsa e'ñe sa sellquëño'fpa' o'ch soctape'cherr ello cohuen Yomporecop. O'ch sesuanom ñeñt' ahuatoteñ soctapña. Attotcha' Yomporpa' e'shohuerrnascha' so'chñar.

20 Attochña separrocmateño'f epas Yomporpa' socsherrach seyothro. Ñaña Yomporpa' o'ch alla mueñerrnaserr Cristo Jesús ñeñt' anarettatsa ñaña socop.

21 Tarraña te'pa' e'ñe pocte' allach pue'ntaño tarremphua esempohuañencha' a'poctataretetua ora allohuen ñeñt' atet eñose't Yompor ahuat. Ama't ahuat Yomporpa' eñorana'tane't acheñ ñeñt' e'ñe pocte' ente't Parets ñeñt'cha' a'mte' po'ñoñ, ñeñt'cha' etsoterrtsa esempohuañen.

22 Añmapa' ñeñt' atet ote't ahuat Moisés: "Yompor Paretsa' orrtatonascha' ñeñt'cha' a'pote' po'ñoñ, ñeñt'ara sa samo'tsna'tarotpa' orrtatonascha', atet ñerra'm na, Yomporpa' o' orrtaterren na pamotsna'tarneshacop. Tarraña socoppa' añ poctetsa 'chocmach se'mñoter errottencha' oterres.

23 Tarraña ñerra'm esesha' amach e'mñoterraye ñeñt'cha' orrtterrtsa, ñeñt'ña acheñerpa' ahuo'ch a'chencataretterrach. Pamo'tsesha'ña israelnesha'pa' amach allo'na entneñeto." Añpa' allohua atet ote't Moisés ahuat.

24 Alla otererr Pedro:

—Ama't allohuen ñeñt' a'mtaye't Yompor po'ñoñ ahuatpa', eñosete't ñeñt' o' etsotuerra te'. Ama't Samuel ñeñt' a'mtaye't Yompor po'ñoñ ahuat, ñaña allohuen ñeñt' allempoten a'mtaye't Yompor po'ñoñ, añña eñosete't ñeñt' o' etsotuerra te'.

25 Añña ñeñt' a'mtaye't Yompor po'ñoñ ahuatpa' ñeñt'ara samo'tsna'tar sepe't ama't sa. Atet Yompor a'poctatan ñoñets ahuat satañneshacoppa' añ ñeñt'ara ñoñets attecma a'poctataretta ñaña socop. Atet ñerra'm ahuat atet otan Yompor sato' Abraham: "Ñeñt' puesheñarrot penrenño'pa' norrtatanetcha' ñeñt'cha' ama't allohuen pa'namen acheñenesha'pa' coshaprechetcha'."

26 Yomporpa' o' orrtatonay Puechemer o' mueñonay ñeñt'ey judioneshay yanom. Allochñapa' ña o'ch coshaterrey nanac atet ñerra'm allempo o' cotape'chaterrey e'ñe cohuen, ñaña allempoten o' yeque'chpa'huerr ñeñt' ama pocteyaye Yomporecop.

4

Allempo anmet Pedro ñaña Juan allo'tsa'yen a'mcha'taretnesha'

1 Allempoña serrpare'tatenanet Pedro epuet Juanpa' machayota huacha'toña a'mcha'taretnesha'. O' huapa cornanesha', huapa ñaña guardia pa'mcha'tareter ñeñt' cohuanmpene' Parets pa'paquëll. O' huapoña ñaña saduceonesha' ñeñt' otets e'ñe ñet poctapño'fpa' amach errottenot yetanterro.

2 O' huacha'tetpa' 'cha e'moñe'toset, tarro'mar Pedro ñaña Juanpa' añ serrpare'tatenan acheñenesha' atto ñerra'm e'ñe yame'ñera Cristo amá't yerroma, yame'ñeño'fpa' yetanterrach.

3 Pa'tsrre'mueño'fetpa' o' arrmarettet epsheño'maret, abe'tarettet cárcel. Allempopa' o' ellerren ñeñto'marña tsapatatach a'p'to'tyesarettet errottenotte' serrpare'tenet atet.

4 Tarraña ama't atet a'parettetpa' añña ñeñt' e'mue' atet serrpare'tatanetpa' shonte' ame'nyet. Allempoña ñeñt' ame'ñetsa ahuaño'huenpa' o' 'chap allempo amnaroch mil ñeñt' ame'ñatsa.

⁵ Tsapatñapa' o' ap'cha am'cha'taretnesha' ama't ña'ña ñeñt' pompornesha' penet ama't ña'ña ñeñt' etsotene' ñoñets ñeñt' atet anaret. Ñeñtpa' arr ap'chet e'ñe alla Jerusaléno.

⁶ Allempopa' allo'tsen ña'ña cornesha' ñeñt' nanac am'cha'taret ñeñt' pa'so'cheñ Anás. Allo'tsen ña'ña Caifás, ña'ña Juan, ña'ña Alejandro ña'ña po'poñechno am'cha'taretnesha' ñeñt' e'ñe pamo'tsna'tarecma cornesha' ñeñt' nanac am'cha'taret.

⁷ Allempoña e'ñe ap'cha'huetpa' huapachet Pedro ña'ña Juan e'ñe all ap'chena am'cha'taretnesha'. Allempoñapa' a'pto'tarettet epsheño'maret. Atet otanet am'cha'taret:

—Sapa' ¿esesho'tña po'huamencot o' sa'crraterña acheñ? ¿Esesha'tña sa-puene'ña llesens atotet atet sepena?

⁸ Allempoña Pedro e'ñe ahuamencat puepeñoñ Parets Puecamquëñpa' atet otanet:

—Am'cha'taretneshacha' ña'ña ñeñtes pompornesha' penet, te'pa' o'ch notas:

⁹ Sapa' atto sa'pto'teney errottenette' o' ye'pa ya cohuen añecop ñeñt' muerochtetsa, ña'ña atto sa'pto'teney errottenotte' o' ya'crrater,

¹⁰ ñehua, te'pa' o'ch se'mñoten attoch neñotatas sa ama't ña'ña allo-huen israelnesha'. E'ñe añ Jesucristo ñeñt' nazareto'marnesha', ñeñtña ña po'huamencot te'pa' arr ten e'ñe huomech, ñeñt' ahuaña cha echarrena. Añ ñeñtara Jesús sañapa' chaña secorso'tanpes attoch rroma. Tarraña Pomporpa' o' tantara ama't rroma.

¹¹ Sapa' cha sotta atet ñerra'm acheñ ñeñt' tomatene' pocoll. Ñeñtña acheñ ñeñt' tomatene' pocollpa' cha huapore'tan mapue' ñeñt' nanac sherbets, tarro'mar ama es chapahueto pueyo'chro. Tarraña Jesús'pa' ama't atteñ ñerra'm mapue' ñeñt' ahupore'taret ñeñtara Jesús ñeñtña nanac sherbets atet ñerra'm mapue' alloch orratet pocoll nanac echar.

¹² Po'psheñeñpa' ama eñalle alloch yequeshperra, tarro'mar ama eñalle po'psheñeñ ñeñt' anaret ñeñt'cha' yechore't attoch o'ch a'queshpatey. Ama't ora erracmañen añe patso ama eñalle attoch yequeshperra, ñapñaña Jesús. Ñeñtpa' allohua atet otanet Pedro.

¹³ Añña Pedro ña'ña Juanpa' ama puen'cha'naño'feye' eñoseto. Ama't mameshapa' ama mecha'teneto. Allempoña am'cha'tarete'chnopa' o' eñochet ama puen'cha'naño'feye' eñenetopa' ñetpa' atet otet:

—Errottenotuaca'ye eñenetña atet. Yapa' yeñotenanet ñetpa' ama ay'chataretteto attoch eñotet quellec huomenc. Ñetpa' atteta ñerra'm po'potantañ acheñenesha' ñeñt' ama tama es eñotetso. Errottenotuañaca'ye eñenetña atet ñerra'm ay'chatarettet.

Allempoñapa' o' chap Janet pueyo'chro atto Pedro ña'ña Juanpa' ahuaña chocma chopeñe'che't epuet Jesús.

¹⁴ Añña ñeñt' corrrertsapa' ñapa'cho' e'ñe alla ten allame'tets. Ñeñto'marña am'cha'taretnesha'pa' ama errottenot che'ptare'taneto.

¹⁵ Allempoñapa' mueñerranet a'yenet. Allempoña am'cha'taretnesha'pa' serrpare'tatanna'tet e'ñe ñañeñeta.

¹⁶ Atet otanna'tyeset:

—Errotenuachñaca' ye'panetña te'te'. Ama't arr ora Jerusaléño'pa' o' e'ñe eñotuareñtet atto ñetpa' orrtatet ñeñt' ama't yapa' ama yentare. Ñeñto'marña te' yapa' amach erroteno ya'nasochoña', e'ñe po'ño'ch atet.

17 Tarraña ama'tcha' ama errot yeþanetopa' te'pa' añ poctetsa o'ch yeche'ptare'tyesanet o'ch yot Janet amach allo'na serrpare'tnenetoña ñeñ atet pena Jesús. Tarro'mar yapa' ama yemno allohuen acheñenesha' o'ch e'mare'taretetuet ñeñ atet penet te' ñet arr. O'ch yot Janet ama't puesheñarra acheñ amach serrpare'tatatscheto.

18 Allempoñapa' alla agotaretterret. Atet otarettaþuerret e'ñe eche'charro, atet otet:

—Te'pa' amach seserrpare'tatatsto ñeñ atet pena Jesús, ama't e'ñe mamesha. Ñaña amach seyçhatatsto ama't mamesha atet yeçhate't Jesús ahuaña.

19 Allempoña Pedro ñaña Juanpa' atet ot Janet:

—Ñehua, te'pa' o'ch soctape'ch sa, allotpa' o'ch sotey, erra'tsente' pocte' enten Yompor, ñato' o'ch yame'ñasa sa amapa' o'ch yame'ñya Yompor.

20 Yapa' amach errotent yemmo. Añña pocte' çhocmach ya'pota ñeñ o' yentua ñaña ñeñ o' ye'mua.

21 Allempoñapa' atta che'ptare'tuapuen Janet po'pocheño, allotña'pa' a'rroyarettenet. Am'cha'taretnesha'pa' ama't mueneñetañ o'ch castiganetaña' tarraña ama erroteno, tarro'mar allohuen acheñenesha'pa' e'ñe pocte' enteñet. Acheñenesha'pa' nanac aye'choçhtatoñet Yompor añecop ñeñ o' entuet atto Yompor orrt Janet po'partsoña.

22 Tarro'mar añ yacma ñeñ o' correrrapa' ñapa' o' pa'tatsoch çharra' po'charña.

Ñeñ ame'ñetsapa' atet pet allempo enamet Yompor po'huamenc

23 Allempoña a'rroyeret Pedro ñaña Juanpa' ahuanmuet allo'tsen ñeñ parro ame'ñenet. Allempoña çhapuet allpa' serrpare'tatos Janet atet ot Janet ñeñ pa'm'cha'tareternesha' pen allohuen judionesha' po'cornaneshar ñaña ñeñ pompornesha' penet.

24 Allempoña serrpare'tatuosetpa' ñetña allohuenet parro'pa' o' ma'yocheret Yompor. Puema'yocheño'pa' atet otet:

—Yompor, ñeñeþ nanac Partsoþ, þa ñeñeþ yeçhcatue' enet ñaña ama't añ pats, ñaña ora erracmañen sa'p þa yeçhcatue', ñaña ama't ora esocmañen ñeñ yentyen e'ñe alla e'ñe þocma peyeçhcatuar.

25 Ahuat yatañ Davidpa' nanac sherþape't. E'ñe Pecamquëño't pe'ñorache't, ñeño'mar atet ote't ña ahuat:

Errotentote' atsrre'muenaña po'poñ acheñenesha' ñeñ ama ame'ñetso. Errotentote' o'pateñetña ama't Parets, ñeñ'pa' e'ñe orrena atet penet.

26 Ñeñ am'cha'tarettetsa arr patsro ñetpa' apçhet attoch o'pachet Yompor, o'pachet ñaña ñeñ llesensa' ñeñfara Cristo. Añpa' allohua atet ote't David ahuat.

27-28 Alla ma'yochereterr Yompor, atet oterretterr:

—Ñeño'marña te'pa' po'ñoçh o' etsota atto arr Jerusaléno o' apçhet attoch o'patonapet Pechemer Jesús ama't ñeñ e'ñe cohuen Parets penten þa, ñeñña Jesús ñeñ e'ñe cohuen pesherþaye't ñeñ e'ñe þo pellsensar. Atet ahuatoteñ e'ñe peñotuanete't ñetpa' o'ch etsotaternapet peñoñ atet ñerra'm Herodes, ñaña Poncio Pilato, ñaña po'poñeçhno acheñ ñeñ ama ame'ñetso, ama't ñaña israelnesha'. Tarraña ñeñ atet o'pachetpa' te'pa' o' etsotuerra peñoñ.

29 Ama't te'pa' Yompor peñoteny ñetpa' nanac mueneñet o'ch yore'tame'tyet yaña. Te'pa' o'ch yenamaþ ahuamencat peþa'yepa'ch ñeñey torretsas þocop attoch amach yeñcha'tatsto. E'ñepa'ch huamencocma yeserrpare'tonaþ peñoñ.

³⁰ Porrtatonayepa'ch pehuamenc attoch corra'huerra ñeñĩ atsna'tyets. E'ñe yeçhore'teñoĩ Jesús porrtatonayepa'ch pepartsoña, ñaña ñeñĩ ama yentare porrtatanetcha' attoch eñochet p̄apa' ñeñteḗ nanac Partsoḗ—e'ñe yeçhore'teñoĩ Pechemer Jesús, ñeñĩ e'ñe cohuen Parets penten p̄a, ñeñĩ e'ñe cohuen pesherbene'. Añpa' allohua atet ma'yochet.

³¹ Allempoña ma'yochuetpa' allña apçhenetpa' o' pella ora all anorrçhenet. Allempocma allohuenetpa' o' chorranel Parets Puecamquẽñ, attoch e'ñe huomencocma o'ch serrpare'toñet Yompor po'ñoñ.

Atto es apanna'tyesete't pame'ñeñoĩet Yompor

³² Allempoteñña ñet ñeñtet ame'ñatsete'tpa' o' parrocmatuet e'ñe cohuen. E'ñe parra cotapñats anmuete't pueyoçhreto ñeñĩ amuerañtetsa. Ama eseshaye' otatse'te ñeñt̄pa' ñap̄etach es o'patet, añña çhocma apanna'tyesete't ñerra'm esesha' es palltatse't.

³³ Jesús puellsensarnesha'pa' e'ñe po'huamencocmañen a'potoñete't atto tanterra Yepartseshar Jesús. Yomporpa' nanac mueranete't, ñaña nanac ahuamencat̄ panete't.

³⁴ E'ñe ñeshetopa' ama esesha' es palltatse'te. Añña ñeñĩ allpon echyese'te't po'patseñ, amapa' pa'paquẽllpa' o'ch venda'yesete't. Ñeñt̄ña allpon gana'yesete'tpa' o'ch huapachet

³⁵ allo'tsen allsensaret. Allot̄ñapa' o'ch aposet ñeñĩ allsensaret. Allsensaretñapa' o'ch apa'yesan ñeñĩ es palltatse't.

³⁶ Añpa' ñeñĩ atet pe't puesheñarr añ pa'so'cheñ José, ñeñĩ chipro'marnesha' ñaña ñeñt̄ara levitana'tar. Añña ñeñĩ allsensaretñesha'pa' o' socheret José Bernabé. Añña so'chñets Bernabépa' ñeñĩ otets yeñoño amuerañana'tar.

³⁷ Ñañapa' echane't allpon pats. Allempoñapa' venda'huepa' o' huapatan allpon quelle ñeñĩ ganapa' o' aposan ñeñĩ allsensaretñesha'.

5

Atet p̄a Ananías epuet puetapor Safira

¹ Tarraña eñall po'psheneñ ñeñĩ atet p̄atse't po'poñ, ñeñt̄pa' añ pa'so'cheñ Ananías epuet puetapor ñeñĩ pa'so'cheñ Safira. Añña Ananíaspa' o' vendan allpon po'patseñpa'

² o' huapatan quelle, aposan ñeñĩ allsensaret. Tarraña ama oraye' huapatuano quelle çhach shequẽnet. Tarro'mar ñet epuet puetaporpa' atet a'pochet o'ch yoret allpon quelle e'ñe ñocpuet.

³ Allempoña aposan allsensaret ñeñĩ o' allponañña quellepa', Pedroñapa' atet och:

—Eso'mare't pemnateñ oneñe' o'ch cotape'chataḗ po'poñ peyoçhro. Papa' pemneñe' o'ch peshquẽñ ama't Parets Puecamquẽñ atto p̄apa' ahuo't peyorañ allpon quelle.

⁴ Ñeñt̄ pepatseñpa' e'ñe po'ñoçh ñeñt̄pa' p̄o. Tarraña ñerra'm ama p̄a muenatsñe o'ch pevendeñpa' ñeñt̄pa' e'ñe poctet̄. Ñaña ama'tcha' pevendeñpa' ñerra'm ama p̄a muenatsñe o'ch p̄apyeñ ora allpon quelle ñeñĩ p̄agappa', ñeñĩ e'ñe poctet̄ ñaña. ¿Erroñenote' ña p̄ochape'chña atet peyoçhro? Ama yapteye' pemnenñe' o'ch peshca'yeñ, Yompor'e'ñaña pemneñe' o'ch peshquẽñ ñaña.

⁵ Allempoña Ananíaspa' ñeñt̄a e'muapa' atac'o'roche' e'ñe allpa' o' rroma. Añña po'potantañ acheñesha' allempo e'mare'chetpa' nanac yorenent huomenc.

⁶ Añña yacmanesha' ñeñt' po'nare'pa' o' huapuetpa' ñetñapa' ep'atse'chet ñeñt' rromats' o' anmet' a'yo all pampueñeta'.

⁷ Tematenpa' o' huapa ñaña puetapor ñeñt' rromats. Ñapa' ama eñoteñe o'te' rroma puerrollar.

⁸ Allempo huapa Pedroñapa' o' a'p'to'taḗ:

—Ñehua, ḗpoten, ¿po'ño'chte' allpona quelle sagap allempo sevenda'hua sepatsañ?

Puetaporñapa' atet och:

—Allponaca'ye quelle ñeñt' yagap.

⁹ Pedroñapa' atet otererr:

—Tarraña sapa' ahuo't' sa'p'octach epaḗ perrollareñ atetcha' seḗa. Cha't sotapañ ñato' o'ch seshquēñ ñaña ama't' Parets Puecamquēñ. Pecue' o' be'tos'cha'tuerrmoch ñeñt' o' pampa'huennapa' erрте' perrollareñ. Papa'cho' attecmapa' anmapetcha' a'yo.

¹⁰ E'ñe allempocma puetaporpa'cho'ña o' taco'ra ñaña e'ñe alla Pedresho, o' rroma ñaña. Allempo be'tos'cha'tuerr ñeñt' anmue' puerrollareñ, allñapa' entuerrñañet puetaporpa'cho'ña o' rroma. Ñapa'cho'ña anmetpa' o' pampueñeta' a'yo epuet puerrollareñ.

¹¹ Atarr mecha'na'tet allohuenet ñeñt' pame'ñeñoḗ ap'chetsa, ama't' allohuen ñeñt' e'mare'te'pa' cha yorenet nanac. Añpa' ñeñta allohua atet pa Ananíasoñ.

Atto Jesús puellsensarnesha'pa' orrtatete't Yompor po'partsoña

¹² Añña ñeñt' Jesús puellsensarpa' nanac orrtatete't Yompor po'partsoña, ama't' ñeñt' acheñenesha'pa' ama puentare attoch eñochet añmapa' Partsepa't. Añña ñeñt' parro ame'ñenetpa' arr ap'chenet all ochete't Salomón Popellrraro.

¹³ Po'potantañ acheñenesha' ama't' e'ñe pocte' eñchete't ñeñt' ame'ñetsapa', allempoña ñet pueñchañoḗetpa' ama ap'cherreto parro.

¹⁴ Allempoñapa' allo'na atonetnena po'poñe'chno acheñenesha' ñeñt' o' ame'ña. Shonte' o' ame'ñana Yompor, ama't' coyanesha'chno ñaña yacmanesha'chno.

¹⁵ Añña ñeñt' atsna'tyetspa' o' anmet' a'yenet allecma chopeñe'chenet. Allñapa' o' ñanrra'tyesoset topantso, ñaña puesheña'tetspa' ñato' ora po'maye'na. Tarro'mar anmare'tetyeset allecma chopeñe'chenet allochñapa' ñerra'm mache' huena Pedropa' esheccha' ama't' pa'choyeshe'ma po'poma'mteñapa' chapcha' ñesheto, ñato' attotpa' o'ch correrret.

¹⁶ Ñaña ama't' allampañoḗ Jerusaléñoḗpa' huapatoñ acheñenesha' at-sñañe'f'chno ñaña ama't' ñeñt' chorrena oneñeḗ. Allochñapa' allohuenetpa' o'ch corra'huerret.

Allempo Pedro ñaña Juanpa' abe'tarettet cárcelo

¹⁷ Allempoñapa' ñeñt' cornesha' ñeñt' nanac añcha'taretpa' e'moñe'tan allohuen ñeñt' ame'ñetsa. Ñaña allohuen ñeñt' parro e'ñe attecmuet cotape'chenet ñeñt' otenet saduceonesha'pa' o' e'moñe'chet ñeñt' ame'ñetsa. Tarro'mar sope'chapretenetña', acheñenesha'pa' e'ñe cohuen enteñet ñeñt' ame'ñetsa.

¹⁸ Allempoña allsensaretnesha'pa' rromueñetpa' o' abe'tarettet cárcelo e'ñe allecma abe'teñet acheñenesha'.

¹⁹ Tarraña ama't' abe'tarettetpa' tsapoñapa' o' huapanet Yompor po'mllañoḗeñer ñeñt' huetsa pue'ntañoḗ o' toram'perranet, o' chapaterranet a'yenetpa' atet otanet:

20 —Añ pœctetsa o'ch ahues Parets pa'pacillopa' o'ch saŕomos all o'ch seserrpare'tach allohuen acheñenesha' ora atet yocrrena etserra cohuen Partsoçop.

21 Allempoña ñeñña e'mhuetpa' e'ñe ahuatecma ahua'muenet Parets pa'paclo, o' be'toscha'toŕet, allña yeçhata'muenet.

Añña ñeññ cornesha' ñeññ nanac amcha'taretpa' o' çhapa'muen ñaña ellonet allotcha' agotatan amcha'taretnesha'. O'ch çhapa'muen ñaña allohuen ñeññ çotene'. Allotcha' agotatan allohuen amcha'taretnesha' ñeññ çhocma a'pœctatyene' ñoñets ñeññ pompornesha' penet israelena'tarnesha'. O'ña çhaçha'tuetpa' o' serrpare'tatanna'tet attoch a'pœctachet atetcha' pet. Allempoñapa' o' agotachet ñeññ abe'tatenet cárcelo.

22 Tarraña allempoña çhap cárcelo ñeññ mueñenetpa' ama es entosetoña cárcelo. O' puerrerretpa' atet otueret amcha'taretnesha':

23 —Yapa' allempo yeçhap cárcelopa' o' yentos cárcel e'ñe pœctacma echarr ayottam̄psaret, ñaña ñeññ cohuan̄pene'pa' alla tomçhenet allot be'tenet. Tarraña allempoña toretpa', o'ponoñapa' ama esesha' eñalle ama't puesheñarra.

24 Allempoña ñeñña e'mua amcha'taretnesha' ñeññ po'caçtáner penet ñeññ cohuan̄pene' Parets pa'paquell ñaña ñeññ pa'mcha'taretñesha' pen allohuen judionesh'a' po'cornanesharpa' ñetñapa' atet otet:

—Esocopte'ca'ye o' çha'nmaçhenette'. Te'pa' errotuanencha' pette'tspatonet.

25 Allempoñapa' huapa puesheñarr atet otosanet:

—Añña ñeññ sabe'tat ellerro cárcelopa' te'ñapa' alla tomçhenet Parets pa'paclo yeçhatetset all.

26 Allempoña añña capitán ñaña ñeññcha' yenpue'pa' o' ahuanmuet allo'tsen allsensaretnesha'. O'ña çhapuetpa' o' ahuenaneta' e'ñe cohuenacma. Tarraña ama errot paneto tarro'mar capitánpa' çha mecha'tenan acheñenesha'. Ñato' çho'te' rrolle'chet.

27 O'ña çhapaterranetpa' nosanet e'ñe allo'tsa'yen ñeññ çhocma a'pœctatyene' ñoñets. Añña cornesha' ñeññ nanac amcha'taretpa' atet otanet:

28 —Ahuañapa' ama't e'ñe eche'çharro yotuas amach seserrpare'tatsterrero ñeññ pœctapña Jesús. Tarraña sapa' ahuo't alla seserrpare'tatuerrerr ñeññ so soçtapña. Ama't allohuen ñeññ yeçhetsa arr Jerusaléno o' alla seserrpare'tatuerrerr. Te'ñapa' allo' seyohuerryerr ahuo' yemtsach a' Jesús.

29 Allempoñapa' otanet Pedro ñaña ñeññ epuet, ñetñapa' atet ochet:

—Añña e'ñe pœcte' amach acheña yame'ño, añña Yomporcha'ña yame'ña.

30 Sapa' o' sepata'pes Jesús tsacho attoña o' semtsatach. Tarraña Pomporpa' ña tantaterre'. Añpa' ñeññara Yompor ñeññ Po'yomporer pete't ñaña ahua't yatañneshañ.

31 Te'ña Pomporpa' o' nanac ahuañencat pe', e'ñe po'cohuenrotpa' all partsoten. Alloçhñapa' attoch cotape'çhaterran israelena'tarnesha' ñaña attoch cotape'çherret cohuen e'ñe etserra attoch peretnerranet po'çhñar. Ñeñño'marña Yomporpa' nan Jesús ñeññcha' Ya'qeshpatañer yepen.

32 Ñeñño'marña te'ña yapa' ya'poteññañ atet pena Yompor. Yompor Puecamquëñpa'çho'ña ñeññ eñotatets. Ñeññara Puecamquëñ ñeññ nennay yeyoçhro, allohueney ñeññey ame'ñenaya ña. Añpa' allohua atet otanet Pedro.

³³ Allempoña ñeñña e'mhuet ñeññ atet ot Pedropa' añña amcha'taretnesha' nanac atsrre'matanet, atarr mueneñetañ ahuo'ch muetsuet ñeññ allsensaretnesha'.

³⁴ Allempoñapa' añña puesheñarr fariseo ñeññ e'ñe parro a'pocatyene' ñoñetspa' o' tomos attoch eños. Ñeññ tomosetspa' añ pa'so'cheñ Gamaliel, ñapa' ña ñeññ yechatets ñoñets ñeññ atet anaret, tarro'mar ñeññ po'taruas pen. Ña allohuen acheñenesha'pa' e'ñe cohuen enteñet. Gamalielñapa' o' mueñatuerran allsensaretnesha' mame' a'yenet.

³⁵ Ñeññ epuet cotape'chatannenetpa' atet otanet:

—Masheñe israelneshacha' o'ch notas: E'ñech cohuenacma ya'pochtach ñeññ atetcha'yepañet.

³⁶ Sapa' ama't seyerpueñoña atto ahuaña o' orrta puesheñarr ñeññ pa'so'cheñ Teudas. Ñapa' atarr muene't o'ch ayochreshatta. Shonto' acheñenesha' ñato' allo'tseno'te' cuatrocientos ñeññ ame'ñata. Allempoñapa' allponmaterrrrpa' o' muetset. Ñeññña pueyochresha'pa' o' ahuanomyerret ñopa'ttsochmuet. Allempoñapa' o' huañ es cotape'chet.

³⁷ Allempoña allponmaterrrrpa' orrta ñaña po'psheñeñ ñeññ pa'so'cheñ Judas ñeññ galileo'marnesha'. Ñapa' tarrempo orrta allempo quellcatyenet pa'so'chñechno amcha'taretesho. Ñapa'cho'ña tama yochresha'tana allpon acheñenesha'. Allponmaterrrrpa' ñapa'cho'ña o' chenca. Añña ñeññ pueyochresha'pa' o' parratse'tuerret.

³⁸ Ñeñño'marña te'pa' o'ch notas, o'ch sa'rroyer ñeññ serrpare'tene' ñeññ atet pena Jesús. Amach erro't sepatstaneto, tarro'mar ñerra'm e'ñe ñoñoteta pocta'pño' atet penetpa' ñeññpa' mameshapa' o'ch huañerr.

³⁹ Tarraña ñerra'm pocta'pñetpa' Yomporesho't huenapa' amach erro'tenot sehuapore'tache. Ñato' sapa' cha se'moñe'teññañ ama't Yompor pocta'pña. Añpa' ñeññ atet otan Gamaliel amcha'taretnesha'.

⁴⁰ Atet cotape'chatanet Gamalielpa' e'ñe pocte' eñchet. Allempoñapa' alla agotaterran allsensaretnesha'. Allempoña hua'cherretpa' o' nalle'tatanet amcha'taretnesha'. O' nalle'tatuanet amcha'taretnesha'pa' allotñapa' otarettet ñaña e'ñe eche'charro:

—Te'pa' amach seserrpare'tatsterrerro ñeññ atet pena Jesús. Allempoñapa' a'rryarettenet.

⁴¹ Allempoñapa' o' ahuanenet, o' sa'neñet ñeññ chocma a'pocatyene' ñoñets. E'ñe pocsheñeshocmañen ahuanenet tarro'mar Yompor e'ñe pocte' entanet ñeñño'mar muenatanet o'ch muero'chtet ñocop.

⁴² Allempoteñ pate'tets yetpa' chocmach yechatete't Parets pa'paclo ama't ñaña e'ñe alla pa'pacleto. Nanac serrpare'tete't atto Jesús'pa' ña Cristotats.

6

Arrpa' allempo net cancherrsheña ñeññicha' epatyeshahuet rreñets

¹ Allempoteññapa' allo'na sen atonetnomtsa ñeññ ame'ñetsa. Tarraña e'ñe allempopa' o' sope'channa'tet. Ñehua, tarro'mar allempopa' atet pete't. Pate'tets yet Jesús pueyochresha'pa' o'ch apa'yesan allohuen rretorrnanesha' rreñets ñeññ pallta'yestatse't rreñets. Ñeññ e'muene' griegachpa' ñetpa' atet otyeset:

—Ñeññ yamo'ts rretorrnanesha'pa' ñetpa' ama allponeshacmaye' rreñets agapueto allpon agapyes ñeññ e'muene' hebreyach. Yamo'ts

rretorrnanesha'pa' coñe'ta agapyeset. Ñeñña rretorrnanesha' ñeññ e'muene' hebreyachpa' shonte' rreñets agapyeset. Attoña sope'channa'tet.

² Allempoñapa' ñeññ çharrasheña puechena epa ñeññara Jesús puellsen-sarpa' ñetñapa' agotatu et allohuen ñeññ ame'ñetsa. O'ña ap'cha'huetpa' atet otarettapuet:

—Yapa' ama tama pocteye' yenteñe ama't mameshapa' o'ch ya'rroya ser-ppare'te' Yompör po'ñoñ. Shonte' yet ya'pertaten attoch yapa'yes allohuen rretorrnanesha' rreñets.

³ Añña pocte' masheñeshacha', o'ch se'ñ cançherrsheña ñeññara ñeññey ame'ñetsa arr parro—erra'tsente' cohuen acheñ senten ñaña ñeññ chorrena Parets Puecamquëñ ñaña ñeññ atarr eñotene' ñeññ cohuentetsa Yomporecop. Añ ñeññara cançherrsheña ñeññcha' po'taruas pet attoch epatyaset ñeññ pallta'yetsa rreñets.

⁴ Allochñapa' yapa' añach yema'yothra ma'yochatsa ñaña o'ch ya'potoñ Yompör po'ñoñ. Ñeññach paterr yetorrrena. Atet otanet Jesús pueyochresha'.

⁵ Allempoña acheñenesha'pa' e'ñe pocte' eñchet allohuenet. Allempoñapa' o' neñet Esteban ñeññ nanac ame'ñetsa ñeññ e'ñe chorrena Parets Puecamquëñ. Allotpa' neñet ñaña Felipe, ñaña Prócoro ñaña Nicanor ñaña Timón ñaña Parmenas ñaña Nicolás ñeññ antioquio'marnesha' ñeññ ahuatoteñ ame'ñate't judionesha'.

⁶ Añña ñeññ cançherrsheña acheñpa' o' ahuapataret tet allo'tsen Jesús puellsensarnesha'. Añña allsensaretnesha'pa' allenta ma'yocham pesyet, o' net pot ñesheto, atet otarettet ñeññcha' po'taruas pet.

⁷ Allempoñapa' o' e'ñe epa'hua Yompör po'ñoñ ora. Allempoñapa' allo'na sen shonta'nmatsa ñeññ ame'ñetsa all Jerusaléño. Allempopa' shonte' judionesha' po'cornaneshar ame'ñatsa.

Allempo rromuet Esteban

⁸ Añña Estebanpa' Yompör pomuereño'pa' nanac amueraña. E'ñe Parets po'huamenco'tpa' orrtatanet ñeññ ama puentareto atto eñochet añmapa' po'ño'ch Parets po'huamencot orrtena.

⁹ Allempoñapa' puesheña'tets judionesha' o' achmeñet Esteban po'ñoñ. Añña judionesha' ñeññara oteñet libertinanesha'. Ñetñapa' alla ap'chenet po'prahuo. Ñaña po'potantañ judionesha' ñeññ huetsa Cireneot ñaña Alejandriof ñaña Ciliciot ñaña Asiotpa'—ora allohuenetpa' e'ñe parrocm a achm'are'toñet Esteban po'ñoñ.

¹⁰ Tarraña Estebanpa' nanac es eñot atto serrpare'ten. Ñetpa' ama errotenot anapeto. Estebanpa' añ chorraye't Parets Puecamquëñ, ñeñño'marña ama errotenot anapete'te.

¹¹ Allempoñapa' tsa'chet po'potantañ acheñ añecop attoch toma'tatoñet Esteban po'ñoñ. Ñeññ atsa'taretpa' atet otet:

—Yapa' o' ye'm Esteban añ achm'are'ten Moisés po'ñoñ ama't ñaña Yompörpa' achmeñ. Atet toma'tatoñet Esteban po'ñoñ.

¹² Allempoña acheñenesha' atet e'muetpa' o' e'moñe'chet Esteban. O' huapa ñeññ pompornesha' pen judionesha', huapa ñaña ñeññ etsotene' Moisés po'ñoñ. Huapapa' o' rromueñeta' Esteban o' anmet añcha'taretñeshesho allecma a'pctafenet ñoñets.

¹³ Chapuet allpa' alla toma'tatuerrñañeterr Esteban po'ñoñ, atet otoset:

—Añ Estebanpa' çhocma achm'are'tenan Parets pa'paquëll ñaña çhocma achm'are'tenan Moisés po'ñoñ.

14 Alla oterreterr ñeñĩ atsa'taret:

—Yapa' o' ye'm Esteban atet oten añ Jesús ñeñĩ nazareto'marnesha'pa' o'ch a'matam̄psey Parets pa'paquëllpa' o'ch huapore'tatonay atet yechatye't Moisés.

15 Allempoñapa' allohuenet ñeñĩ allo'tsa'yen o' cohuanrrorchet Esteban. Tarraña o' eñchet e'ñe cohuen orrtena pa'clloyot atet orrtena ñerra'mrrate' Yompor po'mllañoñeñer ñeñĩ huetsa entot.

7

Atto Estebanpa' serrpare'tatan añcha'taretnesha'

1 Allempoñapa' añña cornesha' ñeñĩ nanac añcha'taretpa' a'p̄to'tan Esteban, atet och:

—¿Po'ño'cha't atet?

2 Estebanñapa' atet och:

—Ñehua, masheñeshacha' allohuenes nomporneshacha' o'ch se'mñoten, o'ch notas ñeñĩ atet p̄a'yese't ahuat̄ yatañneshañ. Ahuatpa' Yompor ñeñĩ nanac Paretspa' orrtane't yatañ Abraham all anetso Mesopotamia. Allempopa' ama ñena' Haráno allcha' ye'herra.

3 Allempo orrtana Abrahampa' atet och ñeñĩcha' atet p̄a: “Te'pa' o'ch ahuep̄ arrot̄ o'ch pesa'nom añ peney, o'ch pesa'ne'm ñaña p̄amo'tsesha', o'ch ahuep̄ allcha' notap̄.” Atet och Yompor, atet'cho' p̄a yatañ Abraham.

4 Allempoñapa' a'ypo'ñanman all ye'che't all ye'chanate't ñaña caldeo'marnesha' atto ñhap allo'tsen anets Harán all ye'herra. Allempo o' rroma pomporeñpa' Yomporpa' o' alla anererr arrma Canaáno all yey'chena ya te'.

5 Tarraña allempo ñhap arr ahuatpa' Yomporpa' ama apueña' añ pats, ama't coñe'ta. Tarraña Yomporpa' ahuo't och esempohuañen o'ch ap̄ añ pats, e'ñe ñocop, ama't puechemerēcop, ñaña po'mreneñēcop. Tarraña allempopa' yatañ Abrahampa' ama chemere'tena'.

6 Allempocma Yomporpa' o' eñotatan Abraham attoch esempo po'mreneñpa' ahuanmuetcha' arrot̄, ñhapuetcha' po'poñ anetso Egipto all ama pa'nyempaño'yaye, allcha' ye'cha'huerret, allñapa' mueroçhtatapanetcha' allo'marnesha' acheñ. Ñaña añ eñotatan Abraham attoch ataruasatarettach e'ñe at̄ta po'mreneñ, e'ñe cuatrocientos char ameroçhtatarettet.

7 Tarraña Yomporpa' o' eñotatan Abraham ñaña po'poñ. Ahuo't och Yompor: “Tarraña napa' netsa'taterach ñeñĩcha' mueroçhtate' pemreneñ. Allempoñapa' huacherretcha' alla arr Canaáno allcha' ma'yochernret.”

8 Ñaña allempo Yomporpa' ahuo't otan Abraham po'poñ ñeñĩcha' atet ye'cha' judionesha' allempoteñ errponohuañen, attoch eñochet Yomporpa' ama pueno po'ñoñ. Añmapa' ñeñĩ atet otan Abraham: “Añ pocte' o'ch setsorre allohuen asheñorrofollesha'.” Ñeñĩ'o'mar allempo chemere't Abrahampa' puechemeretoll ñeñĩ soch Isaacpa' ahuo't tsorreñ. Po'psocmatñopa' o' tsorre. Isaacñapa' allempo o' po'npa' o' chemere'tana Jacob. Jacobñapa' chemere'tana ñarrasheña puechena epa ñeñĩfara yatañneshañ yepen ya ñeñĩfey israelena'tarey.

9 Tarraña allempopa' añña ñeñĩ yatañneshañ yepenpa' o' sope'cheñet pa'mo'nasheñ José. Ñeñĩ'o'marña o' pomet pa'mo'nasheñ. Ñeñĩña agapue'pa' o' anem̄ ñachayo all anets Egipto.

10 Tarraña Yompor ña a'nataya. Yomporpa' o' a'pocstauoñ ora allohuen atto mueroçhtachete't. Añña ñeñt amcha'tarettatse't Egiptopa' e'ñe cohuen entane't José. Añ ñeñt amcha'tarettatse't Egipto ñeñtpa' oteñet Faraón. Faraónpa' eñotan José ñapa' nanac es eñoten. Ñeñto'mar amcha'taret Faraónpa' o' nan José ñeñtcha' amcha'tarettapretaya all Egipto. Ñaña ora allpon ñeñt taruassets Faraón pa'paclo'marpa' o' nan José ñeñtcha' yechenahuet.

11 Allempoñapa' orrta muecheñets. Ora allohuen egipto'marnesha' nanac cheporrare'tet. Ñaña ora allohuen canaáno'marnesha'pa'cho'ña nanac cheporrare'tet. Pa'chporrñoetpa' nanac mueroçhtete't. Yatañneshañpa' ama echete'te pocrram ama't coñeta.

12 Allempoñapa' yatañ Jacobpa' o' e'mare'tan orameñ rreñets Egipto. Ñeñto'marña mueñan puechemeresha' ñeñtara yatañneshañ yepen ya. Ñetpa' o' ahuanmuet Egipto o'ch rañteneta' rreñets.

13 Raña'hueneta' rreñetspa' o' puerraçherret. Atomatpa' o' huañaperret pocrrañpa' o' alla ahuanerretter Egipto. Allempoña çhaçherretter Egipto pa'mo'nasheñet Josépa' atet otanet ñapa' ñaña pa'mo'nasheñ penet. Allempoñapa' o' cheme'chet pa'mo'nasheñ José. Pa'mo'nasheñña'pa' o' anmanet amcha'taretsho attoch cheme'tatanet.

14 Cheme'tatuanetpa' allempoña Josépa' o' mueñerranet pa'nyeto añecop attoch ereta' pompor Jacob ñaña allohuen pamo'tsesha', atet ot José: "Onetepa' allohuenet Egipto." Ñeñto'marña allohuen cançhrrroch çharra' puechena amnarsheña pamo'tsesha' ñetñapa' ahuanmuet Egipto allo'tsen José.

15 Allempoñapa' çhaçha'tet Egipto. O' met allpon charpa' o' rroma yatañ Jacoboñ all Egipto. Meterrerr allpon charpa' o' colla'hua ñaña puechemereshañ ñeñtara yatañneshañ yepen. Colla'huetpa' alla apamparettet all Egipto.

16 Ñehua, meterrerr allpon charpa' o' ahuanmaretterret puenpa'ts anetso Sicmo allcha' apamparetterret ello puenpa'ts. All apamparetterretpa' ñeñtpa' ñeñtara pats ñeñt o' rañta'hua Abrahamañ ahuat. Añña patspa' ñeñto' vendon Hamor puechemereshañ ahuat all Sicmo.

17 Alla oterraneterr Esteban, atet ot:

—Allponerrerr charpa' çhappmoch allempo o'ch etsota atet Yomporpa' otane't ahuat Abraham allempo huomenc nane't po'ñoñ. Ñetpa' allempo nanac merete't all Egipto.

18 Atteñapa' o' met shonte' charpa' o' orrta po'poñ amcha'taret Egipto ñeñt ama puentarano José, tarro'mar Josépa' ahuatoteñ o' rroma.

19 Añña amcha'taretpa' nanac mueroçhtatyesonay yatañneshañ. O' nanet ñoñets attoch pamo'mtayetpa' o'ch a'ypo'ñet puechemeretoll a'yo. Añecpo'ch atet peñet attoch muetsatachet puechemeretoll. Allochñapa' amach nanac mereto.

20 E'ñe allempopa' o' eñalleta Moisés tarraña Yomporpa' e'ñe cohuen entane't Moisés. Pamo'mte'pa' e'ñe a'nahua cohue' ma'pma' arorr all pa'paclo.

21 Allempoñapa' o' çhap allempo amach erroteno cohueñeto pa'paclo a'nahua. Allempopa' a'ypo'ñet a'yenet. Añña amcha'taret Faraón po'señpa' ahuo' huapa all neñet ahuo' entos, nanac amuerochen eñch, allenta aner attoch ñañrecha. Atteñapa' o' atarrtach pa'paclo atet ñerra'm puechoyor e'ñe ño.

22 Ñeñño'marña Moisés'pa' aythataretta ora allpon ñeññ atet eñotyese't egipto'marnesha'. Nanac eñotañte't ñerra'm allempo eñose't, nanac eñotañte't ñerra'm allempo es pa'yese't.

23 'Allempo' chap pa'tatsoch' çharra' po'charña Moisés'pa' nanac yerpane't pamo'tsesha' ñeññara israelena'tarnesha'. Atarr seche't o'ch a'chchenaneta'. Allempoña parrochpa' o' ahuo' allo'tsa'yen pamo'tsesha'.

24 O'ña' chap allpa' all entosan puesheñarr egipto'marnesha' nanac coñchatenan puesheñarr israelena'tar. Ñaña'pa' o' moñsosana pamo'ts. O' çhote huomencpa' çha rroma. Atto chemnatanaña pamo'ts.

25 Añña Moisés'pa' otapañ pamo'tsesha'pa' e'ñech cohuen entapet. Otapañ o'te' eñochet Yompor mueñe' atoch a'queshpatan pamo'tsesha'. Tarraña ñetpa' ama eseshaye' pocte' entaye.

26 Tarro'mar tsapatñapa' alla ahuenerr, allempopa' o' entuenanerr epsheña pamo'tsesha' çho' orrotenet e'ñe ñañañeta. Ñaña'pa' mueneñ o'ch amo'tstaterranet, atet otanet: "Esuañaca' masheñneshacha' sottenña arr. Añña pocte' e'ñech semo'nasheñ se'panna."

27 Ñeññ chetene' pamo'tspa' o' a'mchech Moisés'pa' ñaña'pa' atet ot: "Esesha'huañaca' penene'ña pa'amcha'taret arr yocop. Esesha'huañaca' potene' o'ch pa'tsrre'mochta arr.

28 Ñato' añe' pemnen o'ch pemtsan naña atet pepe' muetse' egipto'marnesha' ellerro."

29 Allempoña o' e'man añ ñoñets Moisés'pa' o' yeta puenchañoñ. O' ahuo' a'yo allo'tsen pats pa'so'cheñ Madián. O' ye'cha'huerra alla'par. Allña'pa' all sena'tapa' o' chemere't epsheña.

30 O' alla oterraneterr Esteban, atet ot:

—Allempoñapa' o' meterrerr pa'tatsoch' çharra' char. Parrochpa' amato'tsen Moisés allame'tets aspeno Sinaí'pno. Allña'pa' entosan tsachmatoll all ñoña huorten. E'ñe huortot tso'pa' allot orrtoña Parets po'millañoñeñer.

31 Ñeññ entos Moisés'pa' atet ot: "¿Este' huortetsña tarro?" E'ñe çhapatsa allame'tets o'ch enteña'pa' o' e'p'man ñoñets. Partsepa't eñets, atet och:

32 "Napa' ñeññen Po'yompor pen ama't patañneshañ ñeññara Abraham ñaña Isaac ñaña Jacob." Moisés'pa' çha yoren. Puenchaño'pa' ama cohuano huorte'.

33 Yomporña'pa' atet otererr: "Pencha'na'teño'pa' perrote't pesapat tarro'mar all patenpa' ñeññapa'cho' nanac Parets tarro'mar allo'tsenen na."

34 O' alla otererr Yompor: "Napa' nenteñ atto mueroçhatannanet ñeññ nechemerasha' nepen ñeññara israelena'tar. Napa' ne'muenanet atet yahuanrrortenet. Ñeñño'marña te'pa' o' nohuapa o'ch na'queshpatanet. Te'ñapa' o'ch nemña' pa'Egipto." Añ'pa' ñeñña atet otan Yompor Moisés.

35 'Añña Yompor po'millañoñeñer ñeññ orrtetsa all huorten tsachmopa' ñeññña eñotate' Moisés atet muenen Yompor. Ñeñño'mar yeñoteñ Yomporpa' ahuo't llesensan Moisés o' alla mueñer pamo'tseshesho ñeññcha' amcha'tarettatsa ñocpuet ñaña ñeññcha' a'queshpatahuet allot amuroçhatatartete't. Añ ñeññara Moisés ñeññ ama pocteye' ento ahuaña pamo'ts ñeññ otet ahuaña: "Esesha'huañaca' penene' pa'amcha'taret arr yocop. Esesha'huañaca' potene' o'ch pa'tsrre'mochta arr."

36 Añ ñeññara Moisés ñeññ anerrahuet Egiptot. Ñeññara Moisés'pa' ortatanet ñeññ ama puentareto all Egipto. Ñaña sa'pot ñeññ Tsasasen all ortatanet ñeññ ama puentareto, atto eñotatanet añmapa' ñeññ atet pena Parets.

Ñaña all chopeñe'chen amarato'mar pa'tatsoch çharra' char Moiséspa' all orrtatyesanet ñeñt ama puentareto. Añpa' ñeñt eñotatanet atet penaña Parets.

37 Añ ñeñtara Moisés ahuatpa' o' otan israelnesha' atet: "Yomporpa' orrtaterrnascha' puesheñarr ñeñtcha' a'mterre' Parets po'ñoñ, ñeñtara ñeñt e'ñe samo'ts sepen e'ñech attecma orrtaterr e'ñe atet orrtatenen ñaña. Ñeñtcha'ña çhocma se'mñnoterrña sa."

38 Ama't allempo yatañneshañ chopeñe'chete't amaratareropa' añña Moisés allo'tseneta parro ama't allpa' çhocmach apçhete't Yomporecop. Ñapa' allo'tsena aspeno Sinaíño allempo orrtoña Yompor po'mllañoñeñer ñeñt eñorana'taya ñaña o' yeçhach ñoñets alloch e'ñe yocrra Partsocop. Ñeñtña ñoñets allempo puerrerra Moisés aspentotpa' o' yeçhatuerran ñaña mapot'sesha'.

39 "Tarraña ama't atet pe't Moiséspa' yatañneshañpa' ama muenete'te o'ch ame'ñyet Moisés. Ama eseshaye' pocteye' entaye'te. E'ñe pueyoçhretopa' atarro' muenete't o'ch alla puerreret Egipto.

40 Ama't allempo aspeno'tsen Moiséspa' yatañneshañpa' atet otoñet pa'mo'nasheñ Aarón: "Te'pa' o'ch peyeçcatonay ñeñtcha' yeyoser yeperr ñeñtcha' yanerre' alla Egipto. Añ Moisés ñeñt yanmue' Egiptotpa' yapa' ama yeñoteñe, ta', çerrafe' o' ahuo'?"

41 Allempoñapa' o' yeçcatanet ñeñt atet ñerra'mrrate' añ ayeçcataret oro. O' muetset carrnero o' neññañeta' e'ñe ñesho. Nanac cohuen entet ñeñt yeçcatet e'ñe potot.

42 Allempoña Yomporpa' o' a'ypo'ña'nmanet, o' muenatanet attoch muechatset ñeñt yeçhoyo'tam'pene' ama't arorr ñaña ranto. O' pet atet quellquë't ñeñt a'mtaye't Yompor po'ñoñ ahuat. Añmapa' ñeñt quellquë't ahuat, atet ñerra'm Yompor otets:

Napa' o'ch notas israelena'tarneshacha', ama't o' semtsa carrnero, amapa' huaquësh, tarraña ama nocpaye' semtso, ñeñtapa' ama neshoye' sehuapache. Ama't ora añ pa'tatsoch çharra' char all sechopeñe'chen amaratarero atet es sepa'yen.

43 Añ seyomporer sepen po'poñ, ñeñt ayeçcataret ñeñt soten allo' yeçhena seyoser ñeñt sesochen Moloc. Amapa' atet ñerra'm ayeçcataret rantoma't ñeñt soten añmapa' seyosro' ñeñt sesochen ñaña Refañ. Shonte' ayeçcatareteçhno ñeñt seconcorpana'tena. Ñeñto'marña te'pa' o'ch nemñas nanac allapar, all Babilonio. Añpa' allohua ñeñt atet quellquë't ahuat ñeñt a'mtaye't Yompor po'ñoñ.

44 O' alla oterraneterr Esteban, atet ot:

—Ahuat yatañneshañpa' allempo chopeñe'chete't amaratareropa' anmuete't pocoll shetamtosopo' allecma apçhete't Yomporecop. O'ponopa' all nete't mapuettall allo' aquellcaret ñoñets ñeñt poctetsa Yomporecop. Añ pocoll shetamtosopo' Moiséspa' ña yeçcataye't e'ñe atet oche't Yompor po'mllañoñeñer e'ñe atet gache't Yompor.

45 Allempo rromanom Moisés puechope'chpayopa' o' na'nmet Josué ñeñtcha' anmue' yatañneshañ. Apa'nmet ñaña shetamtosopo' ñeñtñapa' çhapachet allo'tseno' pats ñeñt otanete't Yompor ahuatoteñ o'ch apanet. Po'poñ acheñenesha' ñeñt yeçhetsa allpa' Yomporpa' o' muevo'tuerranet attoch yatañneshañpa' o'ch yeçha'huerret all. Allempo' o' çhapatet all shetamtosopo' allecma apçhene't Yomporecop. Shetamtosopahuopa' allecma apçhete't tarremphua allempo orrta David.

46 Allempo orrta Davidpa' ñapa' e'ñe cohuen enteñ Yompor. Ñaña'pa' o' enaman Yompor pocte'te' enteñ o'ch ye'hcatoñ pa'paquëll ñeñt' e'ñe cohuen e'charr. Mueneñ o'ch ye'hcatan Yompor pa'paquëll, ñeñfara Po'yomporer pe't ñaña pa'tañ Jacoboñ.

47 Tarraña ama't mueneñeñ ñapa' Yomporpa' ama mueno. Añña muenatoñ puechemer Salomón, ñach tomate' pa'paquëll.

48 Tarraña Ñeñt' nanac Paretpa' ama ye'cheno pocollo ñeñt' yeye'hcaten ya, arromña'fey. Ama't atet ote't ñeñt' a'mítaye't Yompor po'ñoñ, atet ñerra'm Yompor e'ñets, atet oten:

49 Napa' nanac Partson. Napa' nenten enet atet ñerra'm neconañ, patsña'pa' nenteñ atet ñerra'm allcha' nenen netac. Errotenohuachñaca' seye'hcatonña pocoll allcha' ney'cha. Ama nepallteno allcha' ney'cha, atet oten Yompor.

50 Napa' nehuamencot neye'hcataua ora allohuen ñeñt' sentyen. Añpa' allohua atet ot Yompor.

51 Alla oterraneterr Esteban:

—Sapa' nanac se'charrtena, seyo'chropa' ama soctape'cheno atet ñerra'm Yomporena'tares. Ama semno o'ch se'mñotoñ Yompor po'ñoñ. Chocma satpare'teññañ Parets Puecamquëñ. Atet pe't satañneshañ ahuat te'pa' atet'cho' sepena saña.

52 Ama't allohuen ñeñt' a'mítaye't Yompor po'ñoñ ahuat satañneshañña'pa' cha muero'chtatyesanete't. Ama't ahuat allempo ama orrtena' Jesús'pa' ñeñt' a'potaye't atto esempohuañen o'ch huapa Cristo ñeñt' e'ñe pocte' es pets, ñeñt'pa'cho'ña satañneshañña'pa' cha muetse. Te'pa'cho'ña añ Cristo ñeñt' e'ñe pocte' es pets'pa' ahua' seponñ saña attoch semtsach.

53 Alla oterraneterr Esteban:

—Ama't Parets po'mllaño'feñer ñeñt' seño'tate' ñeñt' poctetsa Yomporcop saña'pa' satpare'toñ Yompor po'ñoñ. Añmapa' allohua ñeñt' atet serpare'tatanet Esteban.

Allempo muetset Esteban

54 Allempoña ñeñña e'mhuat atet ot Estebanpa' nanac atsrre'matanet. Pa'tsrre'mueño'etpa' cha rraso'tyeset pa's.

55 Allempo Estebanpa' e'ñe chorreña Parets Puecamquëñ. Ñaña'pa' o' cohua' enonet, allña'pa' all entan Yompor po'cohuenña. Entan Jesús e'ñe po'partsoteño't all ten Pompor po'cohuenrot.

56 Allempoña'pa' oterrr Esteban:

—Napa' o' nent enet atoraret. O' nent ñaña allo'tsen Ñeñt' Acheñetosets, po'partsoteño'tpa' all ten Parets po'cohuenrot.

57 Acheñeneshañña pa'tsrre'mueño'etpa' rranare'tet. Puerranare'teño'etpa' mopaqueta'tyeset, o' matra'tet ñesho attoch o'ch rromuet.

58 O' rromuetpa' o' anmet a'yenet all ama eñalle pocoll allcha' rrolle'chet. Ñeñt'cha' rrolle'te'pa' o' rrottra'tyeset pa'shtam, o' na'yaset e'ñe allo'tsen puesheñarr yacma ñeñt' huepueshameñ ñeñt' pa'so'cheñ Saulo.

59 Allempoña'pa' rrolle'chet. Rrolle'chetpa' Estebanña'pa' o' ma'yochapa', atet ot:

—Nepartseshare Jesús'o, pagaponcha' necamquëñ.

60 Allempoña'pa' concorpa. Concorpapa' eñora huomenc, atet ot:

—Amach Nepartseshare petsa'tatatstaneto.

Allempoña'pa' ñeñña otuapa' o' muechecha, o' rroma.

8

Allempo Saulopa' nanac mueneñ ahuo'ch a'cllatuan ñeñt ame'ñetsa

1-2 Allempopa' añña Saulopa'* e'ñe pocte' eñch muetsetepa' Esteban.

Añña puesheña'tets ñeñt nanac ame'ñenaya Yomporpa' puellquëñshetpa' o' huapuet, o'ch eñeta' arromñañ attoch pampueñeta'. Nanac ya'na'teñet Estebanañ. Allempoteñ nanac muerochtachete't ñeñt pame'ñeñofet Cristopa' apchete't Jerusaléño. Ñeñto'marña shonte' acheñenesha' ñeñt yetrra'tatsa po'poñ añtso'mar. O' parratse'tuet allemeña—Judeo'mar ñaña Samario'mar. Tarraña añña Jesús puellsensarnesha'pa' ama esesha' yetatso ama't puesheñarra.

3 Sauloñapa' nanac mueneñ o'ch a'cllatuan allohuen ñeñt ame'ñetsa. O'ch be'tosam'psanet pa'pacletopa' o'ch rromanet, o'ch'cho' chetare'tnerranet. O'ch'cho' be'tosuerrerr ñaña po'ppauñopa' o'ch'cho' rroma'huerraneterr; o'ch'cho' chetare'tnerraneterr; o'ch anmanet cárcelo allcha' abe'tatuanet. Ama't coyanshathno e'ñe abe'tatuanete't cárcelo.

Atto Felipepa' serrpare'tatanete't Samario

4 Añña ñeñt yetrra'tatsa Jerusaléño'tpa' all chapyeset, erra ta'yenetpa' allcha' serrpare'teññañet Yompor po'ñoñ.

5 Atet ñerra'm Felipe. Ñapa' o' ahuo', o' chap anetso ñeñt pa'so'cheñ Samaria. Allñapa' all serrpare'tatosanet añepa't Cristotats ñeñfara Jesús.

6 Felipepa' orrtatanet ñeñt ama puentareto. Atet eñchetpa' o' eñochet añpa' po'ñoçh Paret's po'huamenc orrtaten. Ñeñto'marña allohuen acheñenesha'pa' e'mñoteñet e'ñe cohuen atet otanet.

7 Shonte' acheñ ñeñt chorra'yese't oneñet allempopa' e'ñe quechpatyesueretña oneñet atto chorrenana acheñ. Allempo quechpatyesueret oneñetñapa' o'ch rranare'tnoma. Ñaña shonte' acheñ ñeñt echarreyestse'tpa' o' corra'huerrret. Ama't ñeñt checare'payestse'tpa' o' a'crratyesuaherranet Felipe.

8 Ñeñto'marña nanac coshyete't Samario.

9 Allempopa' allo'tsen puesheñarr ñeñt achyo'tañ ahuaña ñeñtpa' añ pa'so'cheñ Simón. Allohuenet samario'marnesha' ama't ahuatoteñpa' cohuanrrortoñete't atet orrtate't ñeñt ama puentareto. Ñapa' o'ch shequënanet. Ñetñapa' cha otenapuetañ ñapa' nanacte' po'ñoçh ahuamencat, atet oten ña.

10 Allohuen acheñpa' e'mñochete't atet ote't ahuaña —ama't ñeñt amcha'tarettetsa ñaña ñeñt ama esoshe'mayaye acheñ. Ochete't:

—Po'ñoçh añ acheñpa' ñeñt Partsocoptartetsa.

11 Ñeñto'marña acheñenesha'pa' nanac ame'ñyete't. Ama't ahuatoteñ cohuanrrortoñete't atet orrtate't ñeñt ama puentareto.

12 Tarraña allempo serrpare'tatanet Felipe cohuen ñoñets o' ame'ñatanet allohuen—yacmaneshachno ñaña allohuenet coyanshohuen. Serrpare'tatanet atet penaña Yompor po'cohuenña ñeñt atto atarr ayochreshattena ña, ñaña atet pena Jesús ñeñt Cristotats. O' ame'ñatuanet allempoñapa' apatarettet Yomporcop.

13 Ama't achyo'tañ ñeñt sochetsa Simónpa' o' ame'ñerra ñaña. Ñapa'cho'ña apataretta Yomporcop. Apataretuapa' allempoteñña yemterrana Felipe errohuanen chopeñe'chen. All orrtatanet Felipe ñeñt ama puentareto

* 8:1-2 Saulopa' ñeñfara Pablo.

attoch eñochet añmapa' ñeñt po'ñoçh huetsa Partseshot. Simónñaapa' o'ch entan atetpa' atetcha' ot:

—Errotenotuañaca' atet penate'.

14 Allempoña Jesús puellsensarnesha'pa' e'mare'chet Jerusaléño' shonte' samario'marnesha' ame'ñeññañet Yompor po'ñoñpa' o' mueñet Pedro ñaña Juan all Samario.

15 Allempo chap Pedro ñaña Juan Samariopa' ma'yocham'psosyet samario'marnesha' ñeñt ame'ñetsa. Enamet Yompor chorratanetepa' Parets Puecamquëñ.

16 Tarro'mar allempopa' ama chorrenaneta' Parets Puecamquëñ. O'ña apataretetuet pame'ñeñofet Yepartseshar Jesús.

17 Allempoña Pedro ñaña Juanpa' o' net pot ñesheto ñeñt ame'ñetsa. Nohuet pot ñeshetopa' Yomporña Puecamquëñpa' ahuepa't chorrantet.

18-19 Añña Simón ñeñt achyo'tañtetsa ahuaña o' chapoña pueyoçhropa' atet ot:

—Añecpuepa't nenet pot attoch chorrantet Parets Puecamquëñ.

Allempoñaapa' atet otanet Simón:

—Llesenscha' nomporneshacha' o'ch nenanet naña not attoch chorrantet Parets Puecamquëñ. O'ch napas quelle attoch sapuen llesens.

20 Pedroñaapa' atet och:

—Peçllayorpa' chenquëpa' alla, allotpa' pechenquëpa' paña tarro'mar papa' pötenapañ o'ch perañoña Parets Puecamquëñ. Ñeñtpa' amach errotenot petsa cho. Añña Yomporpa' o'ch apuey e'ñe atfa.

21 Ama pocteyaye o'ch pagap pa llesens tarro'mar Yomporpa' ama pocteye' entennape peyoçher.

22 Te'pa' aña poctetsa o'ch poctape'cherr ello cohuen, o'ch pequeçhuerr añ sosya'tsañ o'ch penamuer Yompor peretneñets. Ñato' Yomporpa' o'ch peretnerrnañ atto poctape'chen sosya'tsañ.

23 Pedropa' alla otererr:

—Napa' neñoteneñ nanac sosey poctape'chen peyoçhro, çha pötena atet ñerra'm po'chñarpa' huanquëneñ.

24 Simónñaapa' alla otererr:

—O'ch sanamon Yompor nocop attoch amach es netantoyo atet sotenen. Añpa' allohua atet pena Simón.

25 Pedro ñaña Juanpa' nanac a'potoñet Yompor po'ñoñ all Samario. Serppare'tueneta'pa' alla ahuanerret Jerusaléño. All oñenet samario'marpa' ñeñt yeçhetsa toño'marpa' e'ñe acoçoteñ serppare'tatyesuaneret.

Allempo Felipepa' ame'ñatana etiopo'marnesha'

26 Allempoña añ Felipepa' orrtoña Yompor po'mllañoñeñer atet otos:

—O'ch çhappmoch poctopa' o'ch ahuep a'yo, o'ch peçhap amarato allo'tsen toñ ñeñt sets Jerusaléño' attoch yeçhap anetso añ pa'so'cheñ Gaza.

27 Ñañaapa' atet och Yompor po'mllañoñeñerpa' atetçho' pa. Allempoñaapa' o' ahuo'. O' çhap all toño ñeñt sets Gazopa' o' entosan puesheñarr etiopo'marnesha'. Añ etiopo'marnesha' ñeñtpa' ñeñt amcha'taret añ pa'taruas pen o'ch cohuanmpenan ora allpon quelle ñeñt gobiernocop alla pa'nyo. Pa'neypa' añ pa'so'cheñ Etiopía. Ñeñt nanac amcha'tarettetsa all pa'nyopa' añ pa'so'cheñ Candace ñeñtpa' coyanesha'. Añ yacma ñeñt entos Felipepa' ñeñtpa' acaparet acheñ. Añña etiopo'marnesha'pa' errete' asuena'

Jerusaléño allempo entos Felipe. Tarro'mar ta all o'ch ma'yochenana' Yompor.

28 Allempoña o' alla puerrerra pa'nyo. Ñapa' alla anen po'carro. Ñeñña carropa' cahualla matatene'. All anenpa' all lleyen Yompor po'ñoñ ñeñtara ñoñets lleyen ñeñt quellquë't ahuat Isaías ñeñt a'mtaye't Yompor po'ñoñ.

29 Añña Parets Puecamquëñpa' e'ñotatan Felipe, ñeñña ote':

—O'ch penteña' ñeñt anets tarro e'ñe all carro.

30 Felipeña' o' mata. Matapa' chap allame'tetspa' o' e'mosan cho' lleyen an añ Yompor po'ñoñ ñeñtara ñoñets ñeñt quellquë't Isaías ñeñt a'mtaye't Yompor po'ñoñ ahuat. E'mos Felipepa' atet otos:

—¿Eñotachena't penteñ ñeñt atet oten ñeñt pelleyen?

31 Ñaña' atet och:

—Errotenohuate'ca'ye neñochña' amaca'ye eñalle ñeñtcha' neñotate'. Ñato o'ch pa'tap pa' o'ch yanorr parro.

32 O' a'tap Felipepa' o' cohuos all lleyen. Añ lleyen Yompor po'ñoñ ñeñtpa' añ ñoñets ñeñt quellquë't Isaías:

Atetcha' pa' ña atet ñerra'm carrnero. Ñehua, carrneropa' o'ch yanem allcha' yemtsepa' amach ama'toçhto. Amapa' ñerra'm yetsorroñ pue'chpa' amach ama'toçhto. Atetcha' pa' ña, amach es oto.

33 Nanac mueroçhtachet, ama pocteye' ñeñt atet poñet. Ama erroteno o'ch yotua ora allohuen ñeñt atet sosey pa'yes pamo'tsna'tarnesha'. O' muetsetpa', o'huañ corra aña patsro. Añpa' allohua atet quellquë't Isaías.

34 Allempoña ñeñt etiopo'marnesha'pa' o' a'pto'ch Felipe:

—Ñehua, pōten, zeseshocpa'tña eñen arr Isaías, ñato' ñocpafe' amapa' po'psheññecopite'?

35 Allempoña Felipepa' o' serrpare'tach cohuen ñoñets atet pena Jesús. Eñotach añ ñeñtara Isaías po'ñoñpa' eñen Jesúsocop. Allempoña' o' eñotach ñaña po'poñ Yompor po'ñoñ ñeñtara ñeñt atet pena Jesús.

36 Allña allenet matarñpenetpa' o' entoset oñ, atet ot etiopo'marnesha':

—Ta'm, ¿pocte'te' te' o'ch napataretta Partsocop?

37 Felipeña' atet och:

—Ñehua, ñerra'm po'ñoçh pame'ñena peyoçhrocmañenpa' e'ñe pocte' o'ch pāpataretta Partsocop.

Etiopo'marnesha'ña' atet ot:

—Napa' po'ñoçh name'ñena. Te'pa' neñoteñ Jesucristo ñeñtpa' ñeñt Yompor Puechemer.

38 Allempoña' o' tomatoset po'carro sohua'rrtosetpa' o' ahuanmuet oño. Allña apatos Felipe.

39 O' cha'nerret oño'pa' Yompor Puecamquëñña' o' anman Felipe a'yo. Allña' machayota ma'nata alla. Ñeñt etiopo'marnesha'pa' ama enterrano Felipe. Allempopa' o' ahuerri etiopo'marnesha' e'ñe pocsheñesha'. Añpa' allohua ñeñt atet pa' etiopo'marnesha'.

40 All aneto Azotopa' all orrtierraña Felipe. Allña' serrpare'tatosanet cohuen ñoñets alloch yequeshpa. Allempoña' o' ahuo' ñaña anetso Cesareo, nanac serrpare'tyesnom ora anetso'mar all oñomyes.

9

*Allempo Saulopa' cotape' cherr ello cohuen Yomporecop
(Hch. 22.6-16; 26.12-18)*

¹ Allempoña Saulopa' nanac e'moñe'tenan ñeñt ame'ñenaya Yepartseshar Jesús. Pa'tsrre'mueñoŋpa' atet ot:

—Napa' o'ch na'cclatueña' ñeñt ame'ñenaya Jesús.

Ñeñto'marña o' ahuo' allo'tsen ñeñt nanac ancha'taret cornesha' e'ñe all Jerusaléño.

² Chap allo'tsenpa' o' enamos orden attoch a'cclatuan ñeñt ame'ñetsa. O' enam orden ñeñt'cha' anom a'yo anetso Damasco allecma apchenet judionesha' po'prahuo. O'ch chap allpa' o'ch aposan ñeñt ancha'tarettetsa puerahuo. Attoch apet all llesens attoch rromanatan acheñ ñeñt cotene' Jesús poctaŋña. Ama't coyanesha'chno ñaña yacmanesha'chno o'ch rromanatanet o'ch huancatanet o'ch amaretterret Jerusaléño. Atet cotape'chña Saulo.

³ Allempoña agapuan orden allempoñapa' o' ahuo'. O' chap allame'tets Damascopa' machayota ñeñt nanac poptetsa entoŋpa' o' choyo'tamŋpes e'ñe ñesho.

⁴ O' choyo'tamŋpespa' ñañaŋpa' alla rromopra patso. Chap patsopa' e'man ñoñets ñeñt atet oten:

—Esomare't Saule pemueroçhtatennanña ñeñt name'ñenaya.

⁵ Sauloñapa' atet ot:

—¿Eshape't Ayochreshate eñets?

Ñeñt eñetspa' alla otererr:

—Napa' ñeñten Jesúsén, ñeñfara ñeñten pemueroçhtaten. Añpa' ãañeña mueroçhtatetsa. Tarro'mar cha pottena ñerra'mrrate' ashen ñeñt e'ñe patpare'teñoŋ ñañeñachña atserrpatetsa.

⁶ Sauloñapa' po'yorñoŋpa' cha pa'shmuena allempoñapa' atet ot:

—Parteshacha'te'pa' ¿errofena't penmen ñeñt'cha' atet nepena?

Partesha'ña Jesúsapa' atet otererr:

—Te'ñapa' o'ch petanta, ahueŋ Damasco. Allcha'ña otapet ñeñt'cha' atet pepa.

⁷ Ñeñt parro epuet sen Saulo ñetñapa' atta cohuanrrortenet. Pocuarrorteñoŋetpa' ama erroŋ oteto. Ñetpa'cho'ña e'muet ñeñt e'morrtatsa tarraña ama es enteto.

⁸ Allempoña Saulopa' o' tanta. Tantapa' o'ch cohua'yespa' ama ento. Ñeñto'marña atta echa'nmet pototpa' o' anmet Damasco.

⁹ O' chap Damascopa' ma'pamuet Sauloñapa' ama enteno, ñaña ama es rreno, ñaña ama es orreno, ama't coñe'ta.

¹⁰ Damascoñapa' allo'tsen puesheñarr ñeñt nanac ame'ñenaya Yepartseshar Jesús. Ñañaŋpa' añ pa'so'cheñ Ananíás. Añña Ananíásapa' Yepartseshar Jesús orroŋta atet ñerra'm pueçhopoñoŋ o' chore'chpa' atet och:

—¡Ananíás!

Ananíásña anaŋpa', atet ot:

—Napa' Nepartseshare añen.

¹¹ Yepartsesharñapa' alla otererr:

—O'ch notap atetcha' pepa. O'ch ahueŋ allo'tsen toñ ñeñt nanac paçharr allcha' pentos Judas pa'paquell. Peçhap all pa'pacillopa' o'ch pa'p'to'tos erro'tsent'e'ña ñeñt Saulo ñeñt tarso'marnesha'.

Alla otererr Yepartseshar:

—O'ch notap̄ ñāma, añ ñeñfara Saulo e'ñe te'pa' allo'tsen ma'yochetsa.

¹² Napa' o' norrtatuoñ ñeñt' o' entua neshot'. O' entuan atet ñerra'mrrate' acheñ añ pa'so'cheñ Ananías huapatsa. O' huapa ñeshopa' o' nosan pot ñesho o'ch alla cohuerr.

¹³ Ananíasñapa' alla anapuererr:

—Parteshacha' napa' o' ne'mare'ch atet' o' pa' añ ñeñfara Saulo. Shonte' acheñ o' e'mare'tatnet atto ñapa' nanac muerochtatenan ñeñt' pame'ñenaya Jerusaléno.

¹⁴ Te'pa' ñapa' echenan orden o'ch huancatyeseý allohueneý ñeñfey pame'ñenaya, o'ch anmatey cárcelo. Ñeñt' pa'mcha'tareternesha' pen allohuen judionesha' po'cornanesharpa' o' apes Saulo añ orden.

¹⁵ Yepartsesharñapa' alla otererr:

—Tarraña ama't atet te'pa' o'ch ahuep̄ all, ñeñt' atet' o' notuaḡ. Te'pa' o' nene' Saulo ñeñfcha' na'potene' neñoñ amcha'taretneshesho. Ama't po'poñechno acheñeneshopa' ñapa' a'potoncha' neñoñ. Ñāma ama't israelena'tarneshopa' o'ch a'poton neñoñ.

¹⁶ Ñāma o'ch neñotach Saulo ñapa' o'ch muerochta nanac nocop, tarro'mar te'pa' o'ch ame'ña'na na. Añpa' allohua ñeñt' atet serrpare't Yepartseshar epuet Ananías.

¹⁷ Allempoñapa' o' ahuo' Ananías o'ch entenana' Saulo. Chap allpa' o' be'tosos pocollo allo'tsen Saulo. O' ponmosyapa' o' nosan pot e'ñe ñesho. Nohuan pot e'ñe ñeshopa' otosan Saulo, atet och:

—Masheñe Saule, Yepartseshar Jesús ñeñfca'ye p̄orrtoya allempo poñen toño. Te'pa' añ ñeñfara Yepartseshar Jesús o' mueñan na o'ch non attoch alla pecuerr, ñāma attoch chorraḡa Parets Puecamquēñ.

¹⁸ Ñeñfa otuapa' allorocma rrata'nom pa'clloyot' ñeñt' atet ñerra'mrrate' es pa'tall, o' alla cohuerr e'ñe cohuen. Alla cohuerr e'ñe cohuenpa' allempoñapa' apatareta Yomporecop.

¹⁹ O' apataretetuapa' o' rrallme'cherr. O' alla cherr po'huamenc. Allempoñapa' allponmaterrerr alla Damascopa' o' serrpare't epuet ñeñt' ame'ñetsa.

Allempo Saulopa' e'ñe ñenmañ serrpare'terr all Damasco

²⁰ Ñāma Saulopa' chocma sen judionesha' po'prahuo allcha' serrpare'tatenanet atet pena Jesús. Otanet añ Jesúspa' po'ñoçh ñeñtpa' ñeñfña Parets Puechemer.

²¹ Allohuenet ñeñt' e'muene'pa' otyeset:

—Ta', errotenuañaca'yeña te' ñeñt' yacmar. Añmapa' ñeñfca'ye muerochtatatey't ahuaña ñeñt' ame'ñenaya Jesús all Jerusaléno. Ñeñto'marña te'pa' huena arr, mueneñ o'ch rromanatenana' ñeñt' ame'ñetsa o'ch anmarettet cornaneshesho ñeñt' pa'mcha'tareternesha' pen allohuen judionesha' po'cornaneshar.

²² Saulopa' allo'na sen huomenc p̄a'nmue' pueyoçher attoch serrpare'tan Yompor po'ñoñ. Nanac serrpare'tatanet atto po'ñoçh Jesúspa' ñeñfara Cristotats. Ama't judionesha' ñeñt' yeçhetsa Damascopa' ama erroteno anapeto.

Allempo Saulopa' a'yetater judionesha'

²³ Atteña o' allponmatpa' añña judionesha'pa' o'pachet o'ch muetsset.

²⁴ Saulopa' e'mare'ch o' o'pachet, o'ch cohuet attoch o'ch muetsset. Arr cohuet allotecma be'tenet all aconcha'tam̄psaret' ora anets. Ellapenete't cohuame'tet ñāma arepenete't.

25 Tarraña ñeñt pueyochresha' Saulopa' o' anmet tsapo allo'tsen pocoll e'ñe all aconcha'tam̄psaret anets, allña'pa' eñall ventana allot a'suatan̄peret atarret cañrot.

Allempo Saulopa' puerrerra alla Jerusaléño

26 Allempoña'pa' ahuerri Jerusaléño. Cherr Jerusaléño'pa' atarr mueneñ o'ch entenana' ñeñt ame'ñetsa. Ñeñña ame'ñetsapa' ama mueneto o'ch entenana'tarro'mar nanac mecha'teñet, otenapueña' atto'te' shequēnanet o' ame'ña.

27 Añña puesheñarr ñeñt pa'so'cheñ Bernabé'pa' ñaña'pa' o' aneñ allo'tsen Jesús puellsensarnesha', o' otosanet:

—Añ Saulopa' o' entan Yepartseshar Jesús allempo sen Damasconet. Yepartsesharepa't epuet serrpare't. Ñaña'pa' ama mecha'to ñeñfo'mar atarr serrpare't Damasco atet pena Jesús.

28 Allempoteñña'pa' e'ñe pocte' eñchet, allempoña'pa' o' e'ñe parrocmatuet. Ñapa' ama mecha'teno ama't mamesha. Atarr nanac serrpare'tan Jesús po'ñoñ.

29 Chocmach serrpare'ten epuet judionesha' ñeñt e'muene' griegaçhpa' tarraña amach pocteye' enteñeto. Allempoña'pa' o'pachet ñaña all o'ch muetset.

30 Allempoña ñeñt parro ame'ñenetpa' anmet Saulo po'poñ anetso Cesareo. Allo'pa' o' mueñet ñaña anetso Tarso.

Atto Pedropa' orrtatan Yompor po'partsoña all oteñet Lido

31 Atteña'pa' o' muetsoñeñtuerra ñeñt amueroçhtatañ. All Judeo ñaña Galileo ñaña Samariopa' o'huañ amueroçhtatarettet atet pete't ahuaña. Allohuen ñeñt ame'ñetsa allo'na senet huomenc ãa'nmuet pueyoçhret. Atteña'pa' o' shonta'nma ñeñt ame'ñetsa. Pame'ñeñotetpa' allo'na senet mecha'na'tnomuet Yompor. Ñaña allo'na Parets Puecamquēña'pa' nanac coshatenanet.

32 Atteña Pedropa' chocmach ta'yena emo'tyese' ñeñt ame'ñetsa. Parrochpa' o' çhap allo'tsen ñeñt ame'ñetsa all anetso pa'so'cheñ Lida.

33 Allña'pa' entosan puesheñarr yacma añ pa'so'cheñ Eneas. Ñapa' ahuatoteñ echartena alla ãanena o' posoc char.

34 O' entos Pedropa' atet otos:

—O'ch Eneas notap̄, Jesucristopa' o'ch a'crraterreþ. Te'ña'pa' o'ch petanta o'ch ãañño'ten pemue'.

Allorocma correna, o' tantena.

35 Allohuen ñeñt yeçheta Lido ñaña Sarónopa' allempoña eñchetpa' cha puesuerret ñeñt ahuat poctap̄ñet o' ame'ñerrñañet Yompor po'ñoñ.

Allempo Pedropa' tantaterran Tabita allempo rroma

36 Eñall puesheñarr coyanesha' ñeñt ame'ñetsa añ pa'so'cheñ Tabita, añ ñeññara so'çhñets Tabita ñeñt otenet griegaçho Dorcas. Ñapa' arr yeçhena anetso ñeñt pa'so'cheñ Jope e'ñe alla allame'tets Lido. Ñaña'pa' nanac amueraña, chocmach yenpuenan ñeñt huocchañetyets.

37 Allempopa' o' atsna't. Atsna'tpa' atteña'pa' o' rroma. Rromapa' pamo'tsesha'ña'pa' o' apach atet yeçhenet ñet. Apatuetpa' o' ãanet enonet all tama a'yohuen bat.

38 Allempoña ñeñt ame'ñetsa allpa' o' e'mare'chet Pedro allame'ttso'tsena all anets Lido. O' e'mare'chetpa' o' mueñet epsheña yacma attoch oteñeta' onepa' all allorocma.

Allempoña chapuet Pedreshopa'

³⁹ Pedroña'pa' o' coterranet. Chap allpa' o' anmet all cuarto eno allo'tsen arromña't. All tom'chen shonte' rretorranesha' ñeñ' lleanrrotetsa. Allña'pa' all gatanna'tyenet ñeñ' chorra'yenet ñeñ' sepechyesanet ahuaña Tabitañ.

⁴⁰ Pedroña'pa' mueñuanet allohuenet a'yenet. O' mueñuanet a'yenetpa' o' concorposa, o' ma'yocha. Ma'yochuapa' o' puetallsa arromña'feshonetpa' atet och:

—O'ch Tabita notañ, petanterra.

Allempoña'pa' acuerroche'. O' enterran Pedropa' cha anerrets.

⁴¹ Pedroña'pa' cheter pototpa' echanter attoch terr. Allempoña'pa' o' chore'terran ñeñ' ame'ñetsa ñaña rretorranesha'chno. O' be'toscha'terretpa' o' gaterranet o' tanterra ñeñ' rromas.

⁴² Allohuenet ñeñ' yechetsa all Jopopa' o' e'mare'chet atet pena Pedro. Ñeñ'to'marña shonte' acheñ o' ame'ñeret Yepartseshar Jesús.

⁴³ Pedroña'pa' alla a'pa atomat alla Jopo. O' a'pa all Simón pa'paclo. Ñeñ' Simónpa' añ po'taruas pen o'ch a'cohuenetyesan pa'rrom.

10

Atet pa capitán Cornelio epuet Pedro

¹ Eñall puesheñarr capitán, añ soche't Cornelio. Ñaña'pa' allo'tsen anetso añ pa'so'cheñ Cesarea. Allña'pa' ña mueñanatene' charroch charra' guardiane'sha' ñeñ' oteñet Guardia Italiana.

² Añña Cornelioña'pa' nanac cohuen cotape'che't Partsocop, ñaña nanac mecha'na'teñ. Ama't ñeñ' yechetsa e'ñe parro ñetpa'cho'ña cotape'chete't cohuen Partsocop. Ñapa' nanac amueraña, shonte' es apa'yesane't ñeñ' es palltase't. Ñaña chocmach ma'yochenana Parets.

³ Atta yechena ama't ahuatoteñ. Parrochpa' o' coya'nen atsne'pa' orrtoña ñeñ' Yompor po'millaño'feñer. Orrtoña atet ñerra'm pue'chopoño't, tarraña ama choye' chopo'teñe. Tarraña o' orrtoña'pa' e'ñe cohuen eñch. O' huapapa' atet otos:

—¡Cornelio!

⁴ Ñaña'pa' pueñcha'naño'pa' atta cohue', allotña'pa' atet otap:

—¿Eso'tña Partseshacha' pemnen?

Mellaño'feñña'pa' alla otererr:

—Pema'yocheno'te'pa' o' yerpa'pa Yompor. E'ñe pocte' entennañ atto es pa'pa'yen' ñeñ' es palltetsa.

⁵ Te'ña'pa' añ pocte' o'ch pemñe acheñ Jopo o'ch pagotach puesheñarr añ pa'so'cheñ Simón, ñeñ'tara oteñet Pedro.

⁶ Ñapa' all a'puena po'psheñeñ Simón pa'paclo. Te'pa' ñachña poterre' ñeñ'tcha' atet peperra. Ñehua, ñeñ' Simón all a'puena Pedro ñeñ'ca'ye a'cohuenetyene'ña pa'rrom. Pa'paquellpa' ontapo'tsen. Añpa' allohua atet ot Yompor po'millaño'feñer.

⁷ Ñeñ'ta otuapa' o' ahuerr. Ahuerrpa' Cornelioña'pa' chore'tan epsheña ñeñ't taruats e'ñe alla pocollo, chore'tan ñaña puesheñarr po'solltarer ñeñ'tpa' añ po'taruas penet attoch cohua'mpeñet po'captánret. Añpa' ñeñ' cohuen cotape'chets Partsocop ñaña.

⁸ Allotpa' o' serrpare'tatanet ora atto orrtoña Yompor po'millaño'feñer. Ñeñ'ta serrpare'tatuanetpa' o' mueñanet Jopo. Allempoña'pa' ahuanmuet.

⁹ Tsapatñapa' o' chapmochet Jopo. O' chapmochetpa' Pedroña e'ñe alla pocollopa' o' a'tap eno allcha' ma'yochosa. Allempopa' chapmoch pocto.

¹⁰ O' chapmoch poctopa' cheporra Pedro. Atarro' mueneñeñ o'ch rra'pa' tarraña ama potena'ña rreñets. Alla cohuenpa' o' huapoña ñeñt atet ñerra'm cho'eš chopo'ten.

¹¹ Entoñapa' o' entan ñeñt atet ñerra'm atarr shetamuets. Enotpa' cha sohuam̄psenena, ačharam̄psaret pa'tats po'topñe'marot. Añña ñeñt ačharam̄psaretpa' sohua'netsa patsonet e'ñe ñeshonet.

¹² Allña shetamtso e'ñe o'ponopa' allo'tsa'yen shonte' pa'namen berročno, ama't po'poñ berročno ñeñt ama arrapoye' eñche'te judionesha'. Ñaña allo'tsa'yen pa'namen shechpečno ñaña pa'namen otečno.

¹³ O' chap allame'tets ñesho, Pedroñapa' e'man ñoñets, atet oten:

—Pedro o'ch pemtsa añ berr o'ch perre'.

¹⁴ Pedroñapa' atet ot:

—Ama Nomporcha', nerreñe. Napa' ama't ahuatapa' ama nerrare ñeñt ama arrapahuoyaye atet yeyčhena ya ñeñfey judioneshay.

¹⁵ Allempoñapa' o' alla oterrerr ñeñt eñets, atet ot:

—Ñeñt o' a'cohuentatua Yomporpa' p̄apa' amach p̄otatsto añmapa' ama cohuenayaye.

¹⁶ Añpa' e'ñe ma'pocha e'm̄pa' allempoñapa' o' alla a'terr enonet, o' alla chenguerra.

¹⁷ Allempoñapa' Pedropa' nanac moññe'tacha, o' cotape'chpa' atet ot:

—Esuañaca' otenenña ñeñt o' nentua.

Ñeñt nanac moññe'tenapa' allempocma chap ñaña ñeñt mueñen Cornelio. Ñetpa' o' a'p̄to'tnomuet errate' yechenaña Simón. Allempoña entoñet Simón pa'paquellpa', o' chapuet allot be'tenetpa'

¹⁸ o' chore'toset atet otoset:

—¿Arre't a'puenaña ñeñt sochetsa Simón ñeñtara ñeñt otenet Pedro?

¹⁹ Pedroñapa' e'ñe alla enopa' ama't orameñ moññe'tenana ñeñt o' entuapa' añña Parets Puecamquẽpa' atet och:

—O' chap ma'psheña acheñ ñeñt pe'nene'.

²⁰ Te'pa' o'ch pesuerra tayecma o'ch p̄octerranet. Amach peñcha'tatsto. Napa' na mueñenahuet atto huapuet arr. Añpa' atet ot Parets Puecamquẽñ.

²¹ Ñeñta otuepa' Pedroñapa' asuerroche' patso. O' chap allo'tsen añ ma'psheña atet otapanet:

—Napa' naña ñeñten se'nen. ¿Esocpa'tña sehuena?

²² Ñetñapa' atet ochet:

—Yapa' añ yemñene' capitán Cornelio. Capitánpa' oten p̄onepa'to'. Ñapa' orroña Parets po'm̄llañoñeñer atet och: “Pagotach Pedro onepa'. Ñaña pocte' o'ch pe'm̄ñoñ ñeñtcha' atet otap̄.” Atet och Parets po'm̄llañoñeñer. Ñeñto'marña yapa' o' yehuapa. Tarro'mar capitán Corneliopa' ñapa' e'ñe cohuen cotape'chen Partsocop ñaña nanac mecha'na'teñ. E'ñe cohuen enteñ allohuen judionesha'.

²³ Allempoña Pedropa' atet otapanet:

—Ñehua, sebe'tos allach sa'pa, tsapatachña ahuey parro.

Allñapa' alla moset, tsapatñapa' ahuanenet. Po'potantañpa'cho'ña ñeñt ame'ñetsa e'ñe alla Jopopa' o' cota' huanmuet ñamet.

²⁴ Tsapatñapa' o' 'chapuet Cesareo. Cornelioñapa' alla cohuenan Pedro o'ch huapa. Ñapa' o' hua'ña'huan pamo'tsesha' ñaña po'potantañ ñeñt epuet yemtena. Ñetñapa' all cohueñet e'ñe parro.

²⁵ O' huapa Pedro. O' huapapa' Cornelioñapa' o' tantnoma attoch o'ch poctaþ. O' concorposñaña o'ch ma'yochaþya.

²⁶ Tarraña Pedroñapa' o' cheterpa' atet och:

—Petanterra, amach pema'yochatsetno. Napa'cho'ña arromñañena.

²⁷ O' tanterrapa' serrpare'tatanna'tet mame'pa' allotñapa' o' be'toscha'tet pocollo. Allñapa' o' entosan shonte' acheñ ñeñt o' 'cha'cha't.

²⁸ Allempoñapa' otanet Pedro:

—Sapa' señoñeñ ya judioneshaypa' ama pocteye' yenteñe o'ch yeyemcha po'poñ acheñ ñeñt ama judioneshayaye. Tarro'mar yapa' atet yey'chena amach yeya'rrotatsche acheñ ñeñt ama judioneshayaye. Tarraña te' Yomporpa' o' ye'chatuan amach yentatsche po'psheñeñ atet ñerra'mrrate' ñeñt ama cohuenayaye.

²⁹ Ñeñfo'marña te'pa' o' nohuapa arr tayecma allempo agotatenet. Te'ñapa' o'ch na'þto'taþ ¿esocopte' þagotatenen?

³⁰ Allempoñapa' Cornelioñapa' atet ot:

—Ahuaña o' taya pa'tatsmat met, napa' alla nema'yochena, ñaña nema'yocheño' o' neque'chpa' nerrar mame'. Ñeñt attecma nepena allempocma nema'yochena nepacillo atet ñerra'm te' coya'nen atsne'. Allempopa' machayota orrtona puesheñarr yacma e'ñe allame'tets. Pa'shtampa' añ chorrena ñeñt nanac cohuen poptetsa.

³¹ Ñaña'pa' otosen: “Cornelio, pema'yocheño' te'pa' e'mueneþ Yompor. E'ñe pocte' entennaþ atto es þapa'yeñ ñeñt es palltetsa. Ñeñfo'marña te'pa' o' yerpaþa.

³² Te'ñapa' o'ch pemñe acheñ Jopo o'ch þagotach puesheñarr ñeñt pa'so'cheñ Simón ñeñfara ñeñt otenet Pedro. Ñapa' alla a'puena po'psheñeñ Simón pa'pacillo. Ñach huapatsapa' ñapa' serrpare'tatoseþcha'. Ñehua, ñeñt Simón all a'puena Pedro ñeñfca'ye a'cohuenetyene'ña pa'rrom. Pa'paquëllpa' ontapo'tsen.” Añpa' allohua atet oten ñeñt norrtoya.

³³ Ñeñfo'marña nagotatenep. Te'pa' e'ñe pocte' o' pehuapa. Te'pa' Yompor eñoteney ñeñfey arro'tsa'yeney yemneñ o'ch ye'mñotaþ o'ch peserrpare'tatey errponte' Yompor ye'chatenep.

Allempo Pedropa' serrpare'tatosanet Cornelio pa'pacillo

³⁴ Pedroñapa' alla oterrerr:

—Po'ño'ch te'pa' o' neño'ch tarro'mar o' 'chapona neyo'thro, ama ñapña judionesha' morrentenoña Yompor.

³⁵ Añña ama't erra'tsen pa'namen acheñ, eñallcha'ña puesheña'tets ñeñfcha' mecha'na'tene' Yompor ñaña ñeñfcha' e'ñe cohuen es pets Yomporecop. Ñeñtpa' e'ñech pocte' enteñ Yompor, ama't erra'tsena acheñer.

³⁶⁻³⁷ Alla oterrerr Pedro:

—Sapa' señoñeñe'tña Yomporpa' o' mueñonay Puechemer Jesucristo, ñeñfey judioneshacpay. Añ ñeñfara Jesús'pa' o' a'pocatuonay e'ñe cohuen Partsocop attoch cosheñts'o'tseneycha'. Te'ñapa' ñach Yepartseshar yeperr allohueny. Añ cohuen ñoñetspa' o' serrpare'tuet erracmañen Judeo'mar. Ñanompa' serrpare'chete't Galileo allempo apate't Juanañ.

³⁸ Alla oterranneterr Pedro:

—Señoteñte' Yomporpa' o' nan Puechemer Jesús ñeñt nazareto'marnesha'. O' chorracha Parets Puecamquëñ ñaña nanac ahuamencat pe'. Allotpa' all chopeñe'chyese'tpa' nanac amuerañte't. A'crrratyese' allohuen ñeñt mueroçhtatyese't oneñe't, tarro'mar Pomporpa' nanac yenpue't.

³⁹ Alla oterraneterr Pedro:

—Yapa' o' yentuon ora allpon atet pa'yese't all yeçhena judionesha' ñaña all Jerusaléno. Yapa' o' yentue ñeñfo'marña te'pa' o' ya'potoñ ñeñt atet pa'yese't. Alloñapa' o' corso'tam'pset tsacho, atto muetset.

⁴⁰ Tarraña poma'pamtañopa' tantater Pompor. Allempoña Pomporpa' orrtaterrnay e'ñe ya yocop.

⁴¹ Tarraña ama allohuenacpaye' orrterro, e'ñe yañeñacpa ñeñtey na' Yompor o'ch ya'potoñ ñeñt atet pe't Jesús. Allempoña tanterrapa' yapa' yerrallme'chapretuer ñaña yorruerr coñe'ta'tets parro.

⁴² Alla oterrrer Pedro:

—Ñapa' o' otey o'ch yeserrpare'tach acheñenesha', o'ch ya'potoñ atto yeñoch Yomporpa' o' nan Puechemer Jesús ñach acre' allohuen acheñenesha' —errotencha' corret puesheña'ttset. Acrancha' allohuen acheñenesha' ama't ñeñt corretsa ñaña ama't ñeñt o' colla'huena.

⁴³ Alla oterrrer Pedro:

—Ñeñt ama't ahuat ñeñt a'mtaye't Yompor po'ñoñpa' ñeñtara Jesús a'potete't. Ama't ahuat ñetpa' otete't ñerra'm yame'ñera ña Pomporpa' e'ñech peretna huerrnay yo'chñar.

Allempo ñanor chorranel Parets Puecamquëñ ñeñt ama judioneshayaye

⁴⁴ Ama't allempo serrpare'ten Pedropa' añña Parets Puecamquëñpa' ahuepa't chorranel allohuenet ñeñtet e'mñote'.

⁴⁵ Añña judionesha' ñeñt ame'ñetsa ñeñt parro huapa Pedro, ñetñapa' atta cohuanrrortenet, o' otet:

—Errotenotuáte'ca'ye chorranel ñamet Parets Puecamquëñ e'ñe attota, ñetpa' amaca'ye judioneshayayeto. Ate't otet ñet.

⁴⁶ Tarraña po'ñoçhpa' ahuepa't chorranel ñamet Parets Puecamquëñ tarro'mar ñetpa'cho'ña ahuepa't eñosyaset po'poñ ñoñtso. E'ñe po'poñ ñoñtso aye'choçhtachet Yompor. Atto e'manet judionesha'. Allempoñapa' atet ot Pedro:

⁴⁷ —Ama't pocte' senteñe o'ch apatarettet Partsocop. Tarro'mar o' chorranel Parets Puecamquëñ e'ñe atet ñerra'm ya.

⁴⁸ Allempoñapa' otanet Pedro:

—Te'pa' e'ñe pocte' same'ñeñot Jesucristo o'ch sapataretta.

Allempoña apataretetuetpa' atet ochet Pedro a'puepa'to' alla allponmat.

11

Allempo Pedropa' serrpare'tatuerranel Jerusaléno

¹ O' allponmat Jesúsña puellsensarnesha' o' e'mare'chet atto po'poñ acheñ ñeñt ama judioneshayaye o' ame'ñerrñañet ñamet Yompor po'ñoñ. Atto e'mare'ch Jesús puellsensarnesha' ñaña po'poñeçhno acheñ ñeñt ame'ñetsa all Judeo.

² Allempoña ahuerr Pedro. Allempo çherr Jerusaléñopa' judionesha' ñeñt ame'ñetsa allpa' o' che'ptare'tapueret Pedro.

³ O' che'ptare'chet Pedro, atet ochet:

—Eso'mare'tña petaña allo'tsen ñeñt ama judioneshayaye, ama't allpa' o'te' çha perrallme'chapretos—anet.

⁴ Allempoña Pedropa' o' serrpare'tatuerranet ñeñ e'ñe atet pa;

⁵ atet otanet:

—Napa' allo'tsenen Jopo. Allempo nema'yochena huapona ñeñ atet ñerra'm'cho'es ye'chopo'ten. Entoñapa' o' nent ñeñ atet ñerra'm'rrate' sheta-muets. Enotpa' cha sohua'nena acharam'psaret e'ñe pa'tats po'to'pñe'marot. Añña ñeñ acharam'psaretpa' sohua'netsa patsonet e'ñe neshonet.

⁶ Napa' o' necue'pa' allña o'ponopa' nent pa'namen berro'chno ñaña ñeñ puetsato'mar, ama't po'poñ berro'chno ñeñ ama arrapahuoye' yenteno ya ñeñfey judioneshay. Nent ñaña pa'namen shechpe'chno, ama't ñaña pa'namen ote'chno.

⁷ Allempoñapa' ne'm ñoñets, atet oten: “Pedro o'ch pemtsa añ berr o'ch perre’.”

⁸ Tarraña napa' not: “Ama Nomporcha' nerreñe. Napa' ama't ahuatapa' ama nerrare ñeñ ama arrapahuoyaye atet yey'chena ya judioneshay.”

⁹ Allempoñapa' alla o'terrerr ñeñ eñets ento', atet ot: “Ñeñ o' a'cohuentatua Yomporpa' p'apa' amach potatsto añmapa' ama cohuenayaye.”

¹⁰ Añpa' e'ñe ma'pocha ne'm'pa' allempoñapa' o' alla a'terr enonet o' alla chenu'erra—ora.

¹¹ Allempocma o' chap ñaña ma'psheña acheñ. Chapuet all pocollo all nommuena. Añ ma'psheña acheñpa' arro'f mueñonet Cesareof.

¹² Añña Yompor Puecamquëññapa' oten o'ch nocterranet. Oten amach nem'cha'tatsto. Añ pechapsheña ñeñ arro'tsen te' o' yahuanma parro. Allempoñapa' ye'chap pa'paclo ñeñ nagotatene'.

¹³ Allempoña o' ye'chap pa'paclopa' ñaña'pa' o' serrpare'tatapuey atto' orrtoña Yompor po'millaño'feñer. Orrtoña'pa' atet otos: “Añ pocte' o'ch pemñe acheñ Jopo o'ch pagotach puesheñarr añ pa'so'cheñ Simón ñeñtara ñeñ otenet Pedro.

¹⁴ Añña Pedropa' ñeñ'cha' peñotate' attoch pequeshperra ñaña allohuen p'amo'tsesh'a'.” Atet oten Yompor po'millaño'feñer.

¹⁵ Nañapa' o' neserrpare'tosñañ Yompor po'ñoñ. Allempo neserrpare'tenpa' añña Parets Puecamquëñ'pa' ahuepa't chorr Janet. O' chorr Janet ñet e'ñe attecma chorra'ya ahuaña yaña.

¹⁶ Allempoñapa' o' neyerepya atet otey ahuaña Yepartseshar Jesús: “Juan'nañpa' e'ñe oñochaya apate't tarraña na añcha'ña nechorratasa Parets Puecamquëñ.”

¹⁷ Ñehua, Yomporpa' e'ñe pocte' enteñ o'ch chorr Janet ñet e'ñe attecma atet chorra'ya ya allempo yame'ñya Yepartseshar Jesucristo. Ñehua, ñerra'm' e'ñe pocte' enteñ Yomporpa' nañapa' erro'tenotuate'ca'ye neche'ptare'chña Yompor.

¹⁸ Ñeñña otuapa' allempoñapa' alla moma'huet allohuenet. Allempoñapa' o' aye'cho'chtatoñet Yompor, atet otet:

—Ama't po'poñ acheñ ñeñ ama judioneshayaye Yomporpa' mueneñ o'ch cotape'cherret ello cohuen alloch ñetpa'cho'ña corretsetach posheñeshocmañen e'ñe tayoteñ errponañohuen. Allohua ñeñ atet pa Pedro ñaña Cornelio.

Atto epa'hua Yompor po'ñoñ errañaren

¹⁹ Allempo muetset Estebanpa' allempoteñña orrta muero'chteñets. Nanac muero'chtachete't ñeñ ame'ñetsa. Ñeñfo'marña yetrra'tyeset allemeña, par-ratse'tyeset po'poñ anetso'mar. Puesheña'tetspa' ahuanmuet Fenicio'mar,

po'potantañña'pa' ahuanmuet Chipro, po'potantañña' ahuanomyeset Antioquíu. All chopeñe'chyesnomuetpa' all serrpare'tyesnomuet Yompor po'ñoñ, tarraña aña serrpare'tatnomuet ñapueñ judionesha'.

²⁰ Tarraña puesheña'tets chipro'marnesha' ñaña cireneo'marnesha' ñeññ ame'ñetsapa' o' chapuet Antioquíu. Allñapa' aña serrpare'tatoset ñeññ griegonesha'. Añ serrpare'tet ñeññ atet pena Yepartseshar Jesús.

²¹ Yomporpa' nanac ahuaencat panet. Ñeñño'marña shonte' acheñ ame'ñachet Yepartseshar Jesús, o' a'ypo'ña'huerret ñeññ ahuat poctapñet.

²² Añña ñeññ ame'ñetsa Jerusaléñopa' o' e'mare'chet atto shonte' ame'ñetsa Antioquíu. Ñeñño'marña mueñet Bernabé Antioquíu, o'ch yenpuenaneta'.

²³ Allempo chap Bernabé allpa' entosan po'ñoñ o' orrta Yompor pemuereña all. Ñeñño'marña nanac coshosa. O' cotape'chatosanet, atet otanet:

—Amach sequechpatstere Yompor po'ñoñ. Huomenccha' sepa' seyocher.

²⁴ Añña Bernabépa' ñapa' nanac amueraña, nanac chorreña Parets Puecamquëñ. Atarr ame'ñena. Ñeñño'marña shonte' ame'ñatana acheñenesha' attoch coteret Yepartseshar.

²⁵ Allempoña ahua' Bernabé. O' chap Tarso allcha' e'nerrana' Saulo. Allña entospa' a'secher o'ch aner Antioquíu.

²⁶ Epsheño'maret alla a'puet paterr char Antioquíu. Allñapa' nanac yechachete't ñeññ a'pchatse't all pame'ñeñofet Yompor. Shonte' acheñ ame'ñatsa all. All Antioquíopa' añ asocharettet ñeññ ame'ñetsa “Cristona'tarnesha'.” Ñanom arr Antioquíu asocharettet atet.

²⁷ Allempoña Jerusaléñopa' allo'tsen puesheña'tets ñeññ a'mtene' Yompor po'ñoñ. Parrochpa' onacha'tet. Chapuet Antioquíopa'

²⁸ añña ñeññ pa'so'cheñ Agabopa' o' tomospa' serrpare'tatosanet, atet otanet:

—Orrtach muecheñets esempo errañaren patso. Añpa' allohua ñeññ atet ot Agabo.

Añ eñotate' Yompor Puecamquëñ, ama't allempopa' ama orrtena' muecheñets. Allempo añcha'taretta Claudiopa' allempoña orrta muecheñets.

²⁹ Ñeñño'marña allohuen ñeññ ame'ñetsa Antioquíopa' o' a'pochtachet o'ch mueñet ñeññcha' yenpue' pa'mo'nasheñnesha' ñeññ yechetsa Judeo.

³⁰ Allpon echenetpa' allpon apa'yeset. Atet a'pochtachetpa' atetcho' pet. O' apueñet Bernabé ñaña Saulo, ñetñapa' anmet Jerusaléño, allñapa' aposet ñeññ pompornesha' pen ñeññ ame'ñetsa Jerusaléño.

12

Allempo añcha'taret Herodes muetsaterran Jacobo, yottamñpsatan ñaña Pedro

¹ Allempopa' añña añcha'taret Herodespa' rromatan puesheña'tets ñeññ ame'ñetsa attoch muerochtachet.

² Rromuet Jacobo o' muetset. Añ Jacoboñpa' ñeññara ñeññ Juan pa'mo'nasheñ. Atto muetsetpa' cho pechoñet poñ.

³ Ñeñña muetse'pa' nanac coshatan judionesha' ñeññ ama ame'ñetso. Allempoña añcha'taretpa' nanac mueneñ o'ch alla coshaterranerr judionesha'. Ñeñño'marña pascuapopa' allempoch rrrertererr pan ñeññ ama a'chasareteyayepa' o' alla rromaterranerr ñaña Pedro.

4 Rromuet Pedropa' o' abe'tet cárcelo. Net çharra' puechena pechap solltarnesha' ñeñ'cha' cohuanpse'. Ñanompa' o'ch neñet pa'tatssheña solltarnesha' ñeñ'cha' cohuanpene'. Allotpa' o'chña muenme'cheñetpa' o'ch huena po'potantañ pa'tatssheña ñeñ'cha' cohuanpene' ña'ña. Ñeñña çharra' puechena pechap solltarpa' attach penet, çhach camyannenet. Añ cotape'chña Herodes o'ch metua pascuapopa' o'ch orrtatan Pedro allo'tsa'yen acheñenesha'.

5 Atteñapa' nanac huomenc cohueñet Pedro cárcelo. Tarraña ñeñ' ame'ñetsapa' atarr ma'yochampeñet Pedro.

Atto Yompor po'millañoñeñerpa' çha'nmaterran Pedro cárcelo

6 Atteñapa' allponmat o' çhap allempoch tsapatcha' Herodespa' o'ch orrtata'muenan Pedro allo'tsa'yen acheñenesha'. Tsapoña Pedropa' all muenpa' all rroçhtanpeñ epseña guardia all rromanpeñet allo ehuançaret cadeno epo'mar pueçot. Ña'ña a'yotpa' all cohuanpeñ po'potantañ solltar e'ñe allot be'tenet.

7 Atteñapa' machayota puetaresua e'ñe alla o'pono. Orrtoña Yompor po'millañoñeñer. Añña mellañoñeña' o' a'p'llan Pedro pueçototpa' o' opuepa' atet och:

—Petanta tecma.

Añña cadena allo' huanquëñetpa' çha pueya'nets e'ñe ñoña.

8 Añña mellañoñeña' atet och:

—Pechana' pena peshtam, o'ch penen ña'ña pesapat.

Atet och mellañoñeña' atto'cho' pa. Allempoñapa' alla otererr:

—Te'pa' pechorrena ña'ña peshtam ñeñ' penen enot. Allempoñapa' o'ch potenen.

9 Allempoñapa' o' çha'nen cotanenan mellañoñeñ. Pedroñapa' çha otenapañ attate' çhopo'teñ, tarraña ama çhoye' çhopo'teñe. Allempoñapa' o' ahuanenet.

10 Ahuanenetpa' o' metenet all cohuen puesheñarr guardia. Ahuerreterr allponpa' o' meterreterr all cohuen po'pseñeñ guardia. Allempoñapa' o' çhenet allot e'ñe çha'nenet allecma chopeñe'chen acheñenesha'. Chenet yetarropa' ñeñña yetarrpa' asret nanac echarr. O' çhenet e'ñe allpa' añña yetarrpa' o' tora'nom e'ñe ñoña. Tora'nenpa' ñetñapa' o' çha'nenet. Chenet a'yotpa' allña'pa' all chope'chnomuet e'ñe parro mame'pa' allotñapa' o' ahuerña Yompor po'millañoñeñer allotñapa' o' ñap'amena Pedro.

11 Allempoñapa' çhapoña Pedro pueyoçhro, atet ot:

—Po'ñoçhepa't ama çhoye' neçhopo'teñe. Yomporepa't mueñene' po'millañoñeñer attoch a'queshpaten. Te'pa' Herodespa' amach errot pa'no. Judionesha' pa'cho'ña e'ñe orrena o'patenna.

12 O' çhapoña pueyoçhro tematenña'pa' o' çhap allo'tsen María pa'paquëll. Añña Mariapa' ñeñ' pachor Juan Marcos. Chap all pa'paclopa' allña'pa' allo'tsa'yen shonte' acheñ all ma'yochenet o'pono.

13 O' çhap allot be'tenetpa' çhore'tosanet. O'ponoñapa' çha'nom puesheñarr shopshesha' añ pa'so'cheñ Rode.

14 Huapapa' o' cheme'tan Pedro po'ñoñ. Pocsheñesha' materra o'pono o'ch oterrana' acheñenesha' ñeñ' o'pono'tsa'yen. Tarraña ama toranp'sano Pedro. Cherr o'ponopa' atet otanet:

—Pedrepa't o' huena, allo'tsena a'yot.

15 Ñetñapa' çha otet:

—Amate'ca'ye ñeñeyaye, atta potyen çhate' pemospuena.

Ñaña'apa' alla oterterr:

—Po'ño'chca'ye Pedro.

Ñetña'apa' oterretterr:

—Amate' Pedroyaye. Ñato' añte' Yompor po'millaño'feñer ñeñ'tcha' cohuam'pse' Pedro.

¹⁶ Atteña'apa' Pedroña'apa' alla chore'terraneterr yetarro't. Allempoña'apa' toram'pset. Toram'psetpa' añepa't Pedro. Allempoña'apa' atta cohuanrrortet.

¹⁷ Pedroña'apa' o' echantan pot attoch o'ch muetsoñeñ'tet allochña'apa' o'ch serppare'tatuenanet. Allempoña o' muetsoñeñ'tuetpa' atet otanet atto Yomporpa' o' cha'nmater cárcelot. Otanet ñaña:

—O'ch soteña' Jacobo ñaña po'potantañ masheñesha' atto cha'nmaterren Yompor po'millaño'feñer.

Allempoña'apa' alla ahuerr Pedro.

¹⁸ Atteña'apa' o' puetaren. Arrña cárcelo solltarnesha'ña'apa' puen'chaño'fetpa' otanna'tyeset:

—Errotenuañaca'ye cha'nenña Pedro. Errahuañaca'ye o' ahuen.

¹⁹ Atteña'apa' o' e'nater Herodespa' ama esesha' entaye. O' alla a'pto'tare'tereterr solltarnesha' ñeñ't cohuene' cárcel ama esesha' entaye errotenote' o' ahuen. Allempoña Herodesña'apa' o' mueño'tuan solltarnesha' a'yo allcha' muetsanatatuanet. O' allponmat Herodesña'apa' o'cho' ahuo' Judeot o'ch ahuo' Cesareo allña'apa' allach allponmatena'.

²⁰ Allempoña Herodesña'apa' nanac e'moñe'tenan tiro'marnesha' ñaña sidóno'marnesha'. Ñeñ'to'marña o'huañ apanet rreñets ñeñ't nanac palltenet pa'nyeto. Ñeñ'to'marña ñetpa' mueneñet o'ch alla amo'tsteret Herodes attoch o'ch alla apuerranet ñeñ't palltenet. Ñeñ'to'marña huacha'ta shonte' tiro'marnesha' ñaña sidóno'marnesha' o'ch enteñeta' Herodes. Añña Herodes pa'taruasañer añ pa'so'cheñ Blastopa' e'ñe cohuen entapanet. Ñaña'apa' o' a'pochtatanet attoch ñetpa' serrpare'tet epuet añcha'taret.

²¹ Chap allempo'ch serrpare'tet epuet añcha'taretpa' Herodesña'apa' o' chorrana nanac co'hnesha' pa'shtampa' anorros po'cona'opa' eñosos. O' eños atet ñerra'm ñeñ't añcha'taret nanac.

²² O'ña eñosua acheñenesha'ña'apa' o' rrannartetpa' atet otyeset:

—Ama acheñenocheye' eñetso, Partsepa't eñets.

²³ E'ñepa'tcha' allempocma huapoña Yompor po'millaño'feñer o' atсна'tatosan Herodes. O' atсна'tpa' e'ñe rrohue pueñpa' o' rroma. Tarro'mar Herodespa' mueneñ o'ch Partsocoptarta. Acheñenesha'ña'apa' o' aye'cho'chtatoñet atet ñerra'm Parets. Amaña choye' otaneto eñallña paterr Yompor. Añpa' allohua atet pe't Herodesoñ.

²⁴ Allempoña'apa' o' epa'hua Yompor po'ñoñ erracmañen. Allo'na ame'ña huanena shonte' acheñenesha'.

²⁵ Añña Bernabé epuet Saulopa' o' asueneta' Jerusaléño, pomhueneta' quelle. Pomhueneta' quellepa' o' puerra'cherret Jerusaléño't. Añña Juan Marcospa' o' coterranet.

13

Allempo Pablo ñaña Bernabé'apa' ahuo't serrpare'tatoset anetso Chipro

¹ Ñeñ't pame'ñeño'et ap'chatse't Antioquíopa' allo'tsen puesheña'tets acheñ ñeñ't a'mtene' Parets po'ñoñ, ñaña allo'tsen ñeñ't nanac cohuen yechatatset Yompor po'ñoñ ñeñ't atet ñerra'm añ: Bernabé, ñaña Simón, ñeñ't Simónpa' oteñet ñaña Negro, ñaña allo'tsen Lucio ñeñ't cireneo'marnesha' ñaña

allo'tsen Manaén ñeñt parro cheshat Herodes ñeñt amcha'tarettetsa all Galileo, ñaña allo'tsen Saulo.

² Allempo chocma cohuentatoñete't Yompor, ñaña errotenopa' choch tore'tete't.* Atteña añña Parets Puecamquëñpa' eñotatanet, atet otanet:

—Añ pocte' o'ch sene' Bernabé ñaña Saulo ñetpa' o'ch senanet nocop. Napa' o'ch napanet ñeñtcha' po'taruas pet nocop.

³ E'ñe allempopa' tore'tetset. Allempoñapa' ma'yochet. Ma'yochuetpa' o'net pot ñeshetopa' allsensarettet allcha' torroñet Yompor po'taruas.

⁴ Allsensarettet e'ñe Parets Puecamquëño'pa' ahuanmuet Seleucio. Seleucioñapa' ahuanm'pset boto, o' chapuet Chipro.

⁵ Allña pueblo all chapuetpa' añ pa'so'cheñ Salamina. Chapuet Salaminopa' o' ahuanmuet judionesha' po'prahuo allcha' serrpare'tosñañet Yompor po'ñoñ. Ñaña cotenanet Juan Marcos ñeñtcha' yenpahuet.

⁶ Atteñapa' o' ahuanmuet serrpare'tats erracmañen all oteñet Chipre. Chapuet po'poñ anetso añ pa'so'cheñ Pafos. Allñapa' entoset puesheñarr judionesha' ñeñt'pa' achyo'tañ añ pa'so'cheñ Barjesús. Ñaña'pa' nanac serrpare'taten, tarraña ama Yompor'eye' po'ñoñ a'ñteno.

⁷ Ñaña'pa' chocma yemtenana ñeñt amcha'tarettetsa atet ñerra'm gobierno' ñeñt allo'tsen. Añña amcha'taretpa' añ pa'so'cheñ Sergio Paulo, ñeñt'pa' nanac es eñot. Añña amcha'taretpa' o' agotatan Bernabé ñaña Saulo. Ñapa' mueneñ o'ch e'man Yompor po'ñoñ atet serrpare'tenet.

⁸ Tarraña ñeñt achyo'tañpa' ama muenatano amcha'taret o'ch ame'ña. Ñaña'pa' mueneñ o'ch a'mchettanet attoch amach ame'ñacheto amcha'taret. Añ ñeñt achyo'tañpa' ñeñtara oteñet ñaña Elimas.

⁹ Allempoña Saulopa' o' huomenc cohuanan ñeñt achyo'tañ. Ñehua, Saulopa' ñeñtara oteñet ñaña Pablo. Ñaña'pa' e'ñe chorreña Parets Puecamquëñ.

¹⁰ O' cohuan achyo'tañpa' atet och:

—Papa' nanac peshquëñ achen, nanac peyechcaten ñeñt ama cohue-nayaye. Aña p'ompor pepen oneñet. Nanac pe'moñe'teñ ñeñt poctetsa Yompor'ecop. Esemphoachñaca' peuna'ña atto p'oten ama cohuenaye Yompor po'ñoñ. Añpa' ñeñtña po'ñoñ ñeñt cohuentetsa.

¹¹ Te'ña Yomporpa' o'ch tsa'tataña. Te'pa' amach pecuerro. Allponmatcha' amach penterro puetare'.

Allempocma o' checmetmara enta. All chopeñe'chenpa' attach otyenanet:

—Sanmuen, o'ch secha'nmuen.

¹² O' entan amcha'taret atetpa' o' ame'ña. Atarr huomenc entan Yompor po'ñoñ. Allohua atet pete't all Pafoso.

Allempo ñanom asena' Pablo Asio

¹³ Allempoña Pablo ñaña ñeñt cotene'pa' o' ahuanm'pset boto o' chapuet Pergo ñeñt allara Panfilio. Chapuet Pergopa' Juanña Marcospa' o' sa'nerranet. O' alla ahuer Jerusalem.

¹⁴ Allempoña Pablo ñaña Bernabépa' ahuanerretter, o' chapuet anetso ñeñt pa'so'cheñ ñaña Antioquia ñeñt allara Pisidio. Allempopa' o' chapamuen allempo amesen judionesha' Pabloña ñaña Bernabépa' o' ahuanmuet judionesha' po'prahuo. Allñapa' anorrcha'toset ñamet.

* **13:2** Añ tore'teñetspa' añecop o'ch yetorra Yompor'ecop. Amach añecpayaye atomat, ñeñt'pa' añecpa mameshacop o'ch yequechpa' yerrar.

15 Allña judionesha' po'prahuopa' o' lleyoñet Moisés po'ñoñ ñaña po'poñ ñeñ a'mtaye't ahuat Yompor po'ñoñ. Allempoña o' lleya'huetpa' añña ñeñ añcha'tarettetsa puerahuopa' atet otanet:

—Eshaste' masheñeshare echene' ñoñets attoch soctape'chateypa' ñato' o'ch seserrpare'tatey.

16 Allempoña Pablopa' o' tomospa' echantan pot attoch muetsoñeñtuet atet otanet:

—Masheñesha judioneshacha' ñaña allohuenes ñeñes mecha'na'tene' Yompor, se'mñoten, o'ch notas:

17 Yapa' israelena'tarey ahuat Yomporpa' e'ñe pocte' entane't yatañeshañ. Nanac a'mratanet allempo a'puete't Egipto. E'ñe Yompor po'huamencotpa' o' ahuanerranet Egiptot.

18 Ama't atomat char allempo chopeñe'chete't amaratareropa' chocma cohuanpsanet e'ñe cohuen, ñato' pa'tatsoch çharra' charte' cohuanpsanet.

19 Allempoña çhaçherret alla Canaño Yomporpa' o' huapore'tatuerran cançherr po'poñe'ttsochma achen ñeñ yeçha'yestse't all attoch apa'yerran yatañeshañ po'patseñ, e'ñe ñocpuet ama't ñaña puechemereshacpuet.

20 Allempoteñ ñato' cuatrocientos cincuenta charte' o' nanet ñeñcha' añcha'tarettatsa ñocpuet. Atteñapa' o' çhap allempo orrta ñeñ a'mtaye't Yompor po'ñoñ ahuat, añ pa'so'cheñ Samuel.

21 Allempoña achenesha'pa' enamet Yompor o'ch apanet puesheñarr rey ñeñcha' nanac añcha'tarettatsa. O' nanet añ pa'so'cheñ Saúl ñeñ Cis puechemer ñeñfara pamo'tsna'tar Benjamín. Añña Saúlpa' o' añcha'taretta pa'tatsoch çharra' char.

22 Allempoña Yomporpa' o' puerratañper attoch o'huañ añcha'taretta Saúlpa' o' alla nerran po'psheñeñ ñeñ pa'so'cheñ David ñeñfara Isaí' puechemer. Añ Davidpa' e'ñe pocte' eñch Yompor ñeñto'marña atet ot ñocop: “Davidpa' e'ñe atfecma cotape'chen atet noctape'chen na neyoçhro. Ñeñto'mar neñoteñ ñapa' o'ch ame'ña'na na e'ñe poctacma.”

23 Alla oterraneterr Pablo:

—Ñeñ puesheñarr David po'mrenñoñ Yomporpa' o' orrtatonay yocop ñeñey israelena'tarey ñeñcha' ya'queshpaterre'. Añ pa'so'cheñ Jesús. Te'pa' o' etsota atet otye't Yompor ahuat.

24 Tarraña ama çhena' allempoch serrpare'tos Jesúsapa' añ ñanom orrtatsa Juanañ. Ñapa' serrpare'te't atet ochet, añ pocte' o'ch yoctape'cherr ello cohuen etserra allempoñapa' o'ch yapataretta Partsocop. Atet serrpare'tatey allohueney ñeñey israelena'tarey.

25 O' e'nuamochan ñeñ po'taruas pa'pa' Juanañapa' atet otanet: “Napa' ama añeyayno ñeñ soten ñeñcha' Cristotats. Ñapa' te'pa' ñeñña nocta'nene' chenta'. Napa' ama esoshe'mano attoch ama't po'sapatreçhapa' o'ch neypoñ.”

26 Alla oterraneterr Pablo:

—Sapa'tho'ña masheñeshacha' pamo'tsna'tarecmas penes Abraham. Ñaña arro'tsa'yen puesheña'tets achen ñeñ mecha'na'tene' Yompor. O'ch notas allohuenes, Yompor o' mueñonay cohuen ñoñets alloch yequeshperra allohueney.

27 Ama't o' çhap ñeñ Cristotatspa' añña ñeñ jerusaléño'marnesha', ñaña ñeñ pa'mcha'tareternesha' penet, ñetñapa' ama esesha' eñotaye. Ama

† 13:22 Isaípa' ñeñfara ñeñ sochenet Jesé.

chapaneto pueyočhreto atet ote't ahuat ñeñt a'mítaye't Yompor po'ñoñ ñeñt
čhocma lleyenet añ yetro allempocma amesenet. Ñeñto'mar te'ñapa' o'
etsotatoñet Yompor po'ñoñ. Te'ñapa' o' pomet Jesús attoch muetsset.

28 Ñapa' ama't ama eñalle po'chñar atta otteñe'chet attoch muetsachet. E'ñe
attota enamet Pilato muetsachepa'to'.

29 Allempoña o' etsotatuoñet ora allpon atet aquellcaret ahuatoteñ ñocoppa'
o' a'suachet corsochotpa' o' net mapuetpono.

30 Tarraña Yomporpa' o' tantater ama't o' rromua.

31 Allempoña tantaterpa' allponmat orrtame'tnerrana ñeñt ñanom
cota'nmue' Galileot allempo on Jerusaléño. Te'pa' ñetpa' o' a'potoñet atto
tanterra Jesús, o' a'potoñet allohuen acheñenesesho.

32 Yapa'cho'ña te'pa' o'ch yeserrpare'tatas samña añ ñeñtara cohuen ñoñets.
Ama't ahuat Yomporpa' otane't yatañneshañ atetcha' pa esempo

33 te'ñapa' o'cho' etsota yocop ñeñtey yatañneshañ po'nñrenñey. O' etsota
po'ñoñ allempo tantaterran Puechemer Jesús, tarro'mar atet oteney ñeñt
Salmos 2, atet Yompor otan Puechemer: "Papa' Nechemerep, te'ñapa' o'ch
neñotach acheñenesha' po'ñočh papa' Nechemer nepenep."

34 Ama't ahuat Yomporpa' ote't o'ch tantaterpa' amach alla rromuerre'te.
Ñeñpa' atet oteney añ ñoñets ñeñt ahuatoteñ aquellcaret: "Po'ñočh o'ch
na'natapa' paña atet na'nacha David."

35 Ñaña po'poñ capítulo Salmos all oten atet: "Yomporpa' amach muanato
Puechemer ñeñt nanac Parets o'ch puetsohua po'chets."

36 Añ ñoñetspa' yeñoteñ ama añecpayaye David tarro'mar yeñoteñ David
allempo e'nuan allpon atet muenach Yompor pamo'tsna'tarecoppa' allem-
poñapa' o' rroma. Allempo rromapa' o' pampuet allo'tsen pa'tañneshañ,
po'chetspa' o' puetsohua epuet.

37 Tarraña Jesús po'chetspa' ama puetso ama't coñe'ta tarro'mar Pom-
porpa' o' tantater.

38 Ñeño'marña añ poctetsa o'ch masheñeshacha' señočh añ Jesús ñeñt atet
pena. Ñach yepretnerre' yo'chñar. Ñeñto'mar te'pa' o' neserrpare'tatas.

39 Añ Moisés po'ñoñ ñeñt anaret ahuatoteñpa' amach errotenot
yepretnaterro allo yo'chñar. Tarraña te'pa' añña yame'ñeñot Jesúsapa' añepa't
alloch e'ñe apretna'huaretterra yo'chñar.

40 Alla oterrer Pablo:

—Te'pa' secuach, o'ch soctape'ch cohuen te't huaponasa ñeñt atet ote't ñeñt
a'mítaye't ahuat Yompor po'ñoñ. Atet otete't ahuat:

41 Se'mñot ñeñtes achmare'tets, te't secuanrrorteñoa sechenca'huerra.
Te'pa' allempo ora socrenmeñpa' napa' o'ch norrtatonas ñeñt
ama sentare. Tarraña ñato' sapa' amach same'ñyo ama'tcha'
serrpare'tataset. Añpa' allohua huañ atet serrpare'tatanet Pablo.

42 Allempoña čha'nmačherret acheñenesha'ñapa' atet ochet Pablo hua-
puepa'to' po'poñ semana o'ch serrpare'taterraneterr po'pocheño añ yetro
allempocma amesenet.

43 Allempo ahuanerretpa' shonte' judionesha' o' cota' huaneret Pablo ñaña
Bernabé. Ñaña o' cota'huaner shonte' ñeñt ama judioneshayaye tarraña
ñetpa' o' ame'ñatanet judionesha' ahuañacma. Añña Pablo ñaña Bernabé ser-
rpare'tatanet o' cotape'chatanet attoch čhocma o'ch cotape'choñet Yompor
pomuereña.

⁴⁴ Po'poñ semana o' cherrerr allempo amesenet. Huachhenerr shonte' acheñenesha' o'ch e'mñioteneterr Yompör po'ñoñ. Autsa ora allohuen acheñenesha' ñeñt yechetsa all e'ñe hua'cha'tuet.

⁴⁵ Allempoña judionesha' ñeñt ama ame'ñetsopa' o' eñchet shonte' acheñ hua'cha'tatsapa', puesope'cheñotetpa' o' cohua'na'chet Pablo. Ñeñt atet oten Paböpa' ñetñapa' o'ch otenet ama atteyaye. Nanac achm'are'chet.

⁴⁶ Tarraña ama mecha'to Pablo ñaña Bernabé. O' serrpare'tet huomenc, atet otet:

—Añ pöcetsa o'ch yeserrpare'tatas sanom Yompör po'ñoñ, tarro'mar sapa' judioneshas. Tarraña ñerra'm sapa' ama semno, ñerra'm ama pöcteye' señche attoch sapa' corretsasach e'ñe tayoteñ errponañohuen, amach erro't yepaso. Te'pa' añach yeserrpare'tat ñeñt ama judioneshayeye.

⁴⁷ Tarro'mar atet oteney Yompör po'ñoñ, arr oteney atet: Napa' o'ch nenas sa atet ñerra'm puetare', sach a'puetarsam'psats. O'ch sa'puetarsam'psoñ po'poñ acheñ pöc'apña ñeñt ama judioneshayeye. Ama't allohuen acheñenesha' ora allohuanen patspa' o'ch peñotatuanet attoch qeshperret.

⁴⁸ Allempoña ñeñt e'mhuet añ ñoñetspa' añña ñeñt ama judioneshayeye atarr coshet, nanac cohuen eñchet Yompör po'ñoñ. Allempoñapa' o' ame'ñenet allohuen ñeñt o' anare'tta attoch ñetpa' corretsetach tayoteñ e'ñe errponañohuen.

⁴⁹ Atteñapa' o' epa'hua Yompör po'ñoñ erracmañen.

⁵⁰ Tarraña puesheña'tets judionesha' o' cötape'chachet acheñenesha' attoch o'ch huapore'tateret Pablo ñaña Bernabé. Añña ñeñt atet cötape'ch coy-aneshachno ñeñt cohuen entaprete' acheñenesha' tarro'mar añ coyanesha' e'ñe cohuen cötape'che't Partocop. Ñaña ñeñt am'cha'tarettetsa all, judionesha'pa' o' e'moñe'tachet Pablo ñaña Bernabé. Ñeñto'marña orrtatet atsrre'mueñets o' huapore'tateret Pablo ñaña Bernabé.

⁵¹ Ahuanenetpa' o' pa'shetca'tnenet po'patser pa'tco't attoch eñoch judionesha' ama pöcteye' entaretteto ñeñt atet o' pohuet, te'ñapa' amach alla huacherrete'te. Allempoñapa' ahuanmuet ñaña Iconio.

⁵² Tarraña ñeñt o' ame'ña'hua all Antioquíopa', ñetñapa' nanac coshenet, ñaña o' chorr Janet Paret Pucamquëñ.

14

Allempo chapuet ñaña anetso pa'so'cheñ Iconio

¹ Allempoña chapuet Iconiopa' o' be'tos'cha'tet parro judionesha' po'prahuopa' o' serrpare'tatoset all. Nanac cohuen serrpare'tatet ñeñto'marña ame'ñachet shonte' acheñenesha' —ama't judionesha' ñaña ama't ñeñt griegonesha'.

² Añña judionesha' ñeñt atpare'tene' Yompör po'ñoñ ñetñapa' toma'tam'pset Pablo ñaña Bernabé. Nanac sasare'teñet taye'to' acheñenesha' ñeñt ama judioneshayayepa' cohuen enteññañet atto serrpare'ten.

³ Tarraña ama't e'moñe'tanet patantarr acheñenesha'pa' ñetñapa' ama mecha'teto. Alla atomatet serrpare'tet Yompör po'ñoñ. Orrtatet ñeñt acheñenesha' ama puentareto ñeñtña eñotatahuet po'ño'ch atto serrpare'tenetpa' añmapa' Yompör pomuereño' huapanet añ ñoñets. Yompörpa' nanac ahuamencat panet.

⁴ Atteñapa' añña patantarr acheñenesha'pa' e'ñe cohuen enteñet atet serrpare'tatanet Pablo ñaña Bernabé. Tarraña po'potantañña' ama. Ñetñapa' añña ame'ñatahuet judionesha'. Ñeñto'marña ama patrraye' cotape'chenoña acheñenesha' all.

⁵ Atteñapa' o'pacha shonte' judionesha' ama't ñaña ñeñt ama judioneshayaye ñaña ñeñt añcha'taretechnopa' o'pacha o'ch rromuet huomencpa' o'ch rrolle'chet.

⁶ O' e'mare'chet čha o'patarettenetpa' añña Pablo ñaña Bernabépa' o' yeterretpa' ahuanmuet ñaña Listro. Chapuet Listropa' čha asuanmuetpa' o' metet ñaña Derbo. Añpa' ñeñtara anets all otenet Licaonia. Erracmañen chopeñe'chet allo'mar.

⁷ All chopeñe'chneñetpa' all serrpare'tnenet Yompor po'ñoñ.

Allempo čhapuet ñaña anetso pa'so'cheñ Listra

⁸ Allempo Listro'tsenetpa' allñapa' allo'tsen puesheñarr acheñ, čha echar-rtena pa'tac, ama eshcaye' chope'cheno, ama't ahuatoteñ ñapa' atta eñalletña. Ñañapa' alla anen.

⁹ Allña anenpa' alla e'mñotenan atet serrpare'ten Pablo. Pabloñapa' cohue' allapa' o' eñoch añ acheñpa' o' yemtana Yompor ñapa' o'ch a'crrater.

¹⁰ Ñeñto'marña Pablopa' atet och huomenc:

—O'ch notap, o'ch paten.

Ahuepa'tcha' tanta allempocma allorocma čha chope'chnets.

¹¹ Allempo eñch allohuen acheñenesha'pa' čha rrannartet. Pocsheñořetpa' atet otet:

—¡Partsepa't! Ñeñt Parets yepen ñeñtēpa't puenasetsa acheñ. Te'pa' o' čhap e'ñe yesho. Añpa' atet otet po'ñoñeto ñeñt Licaonačh.

¹² Añña Bernabépa' o' sochet, atet otet:

—Añepa't ñeñt yeyomporer Júpiter.

Pabloñapa' sochet ñapa' añ ñeñt po'yompor-ret Mercurio. Tarro'mar sochet atet ñapa' nanac serrpare'ten cohuen atet ñerra'm po'yompor-ret Mercurio.

¹³ Ñehua, acheñenesha' allpa' echenet po'prahua' allecmach ma'yochyete't po'yompor-ret ñeñt otenet Júpiter. Ñeñtēpa' e'ñe ñehuaपो' anaret allempopa' o'ch taya yerro'tnmos pa'netsreto. Ñeñt corneshatets puerahuopa' o' huapa. Huapatan huaquēsh, huapatan ñaña shonte' ror. Mueneñ o'ch muetset huaquēsh Pablocop ñaña Bernabécop tarro'mar čhocma muetsete't huaquēsh po'yompor-recop. Ñaña tarro'mar atet muenen acheñenesha'. Ñetpa' čha otenapuetañ Pablo ñaña Bernabépa' añte' ñeñt po'yomporer penet.

¹⁴ Allempoña eñoch Pablo ñaña Bernabé ñeñt atet pena acheñenesha'pa' nanac lleca'rrtet. Puellquēñořetpa' o' rranre'tet pa'shtampa' o' matrra'tet allo'tsa'yen acheñenesha'. O' rrannaretnomuet, puerranarotetpa'

¹⁵ atet otet:

—Eso'marte'ca'ye masheñeshacha' atet sepena. Yapa'čho' arromñañeya attey ñerra'm sa. Ñeñto'marña o' yeserrpare'tatas cohuen ñoñets attotcha' sequēchpuerr ñeñt atet sepena ñeñt e'ñe orrena. Te'pa' añña poctetsa o'ch same'ñera Yompor ñeñt ama arromñañeshayaye, ñeñtara Yompor ñeñt yečcate' enet ñaña pats ñaña ñeñt añecmuen sa'p. Ñaña ora allohuen ñeñt yentyen ento ñaña ñeñt yentyen patsopa' ña yečcatue' ñaña ñeñt sapo'tsen ña yečcatue'.

¹⁶ Alla otterraneterr Pablo:

—Ahuat Yomporpa' muenatan acheñenesha' o'ch pa'yeset ñeñĩ atet muena'yenet e'ñe ñañeñeta.

¹⁷ Tarraña ama a'ypo'ñano acheñenesha'. Chocma apanete't attoch eñochet po'ñoçh eñall Yompor. Chocma mueranete't ñeñño'marña chocma huatache't ñocpuet attof yeçchanete't puenarmet, atto eñalletete't puerraret atto coshete't. Añpa' ñeñña ñeñĩ atet otan Pablo allohuen acheñenesha'.

¹⁸ Tarraña ama't atet otan acheñenesha'pa' o' alla muenereterr o'ch muetset huaquesh ñocpuet atet pete't po'yompor-recop. Tarraña Pablo ñaña Bernabépa' ama muenataneto.

¹⁹ O' atomatpa' huaçha'ta puesheña'tets judionesha' ñeñĩ huetsa Antioquío ñaña Iconiof. Cotape'chatoset acheñenesha' po'poñ. E'moñe'tachet Pablo. Atteñapa' rrolle'chet Pablo. Rrolle'tuetpa' çha otapuetañ o'te' rroma. Chetare'tnomet pueblot a'yenet.

²⁰ Ñeñña ame'ñatsapa' alla arrotampeñet alla cohueñetpa' ñaña'pa' ahuepa'tcha' alla tanterra, o' alla ahuerrerr pueblo. Tsapatñapa' Pablo ñaña Bernabépa' ahuanerret alla Derbo.

²¹ Chapuet Derbopa' serrpare'tuerretter Yompor po'ñoñ ñaña all. Shonte' acheñ ñeñĩ allo'tsen ame'ñenet ñamet. Allempoñapa' ahuanerretter Listro, ñaña asuerreta' Iconio ñaña Antioquío.

²² Ora allohuanen ta'yeset yenpuet ñeñĩ ame'ñetsa attotcha' huomenc pet pueyoçher. O' cotape'chatanet ñaña attoch çhocma yemchet Yompor ama't esempo huapanet mueroçhteñets. Tarro'mar e'ñe yemueroçhteñoç yeçhapcha' all amçha'tarettena Yompor.

²³ O' na'yeset puesheña'tets acheñ ñeñña' pompor pa'yes ñeñĩ pame'ñeñoç apçha'yetsa. Puetore'teñoçetpa' o' ma'yocham̄pesyet ñeñña' pompornesha' pa'yeset, atet ochet:

—Yomporepa'ch seyenpue', ñeññara Yompor ñeñĩ o' same'ña'huerra. Atet pa'yeset ora allohuen anetso all ame'ña'yesa acheñenesha'.

Allempo çhaçherret alla Antioquío allot ahuanmuet ahuaña

²⁴ Allempoñapa' asuanerret Pisidio'mar allotpa' ahuanerret Panfilio. Çherret anetso ñeñĩ pa'so'cheñ Perge.

²⁵ Serrpare'tuerretter Yompor po'ñoñ all Pergo, allempoñapa' ahuanmuet ñaña Atalio.

²⁶ Chapuet Ataliopa' allotñapa' ahuan̄pset boto, o' alla çhaçherret Antioquío ñeññara anets allot ahuaña ñeñĩ ame'ñetsa all ma'yocham̄psapanet attoch yenpanet Yompor esheccha' etsotoñet po'taruas. Te'ñapa' o' e'ñuet.

²⁷ O' çhaçherret allpa' apçhachet allohuen ñeñĩ ame'ñetsapa' serrpare'tatueret ora allohuen atto Yomporpa' yenpanet. O' serrpare'tatanet atto Yompor a'pocatanet, aña'na serrpare'tatet ñeñĩ ama judioneshayaye, añecop attoch ame'ñerret ñamet.

²⁸ Alla atomatet parro epuet ñeñĩ ame'ñetsa.

15

Allempo a'pocachet Jerusaléño ñeñña' atet pet

¹ Atteñapa' çhap ñaña acheñ ñeñĩ huetsa Judeof. Chapuetpa' o' yeçhatoset ñeñĩ ame'ñetsa all, atet otosanet:

—Te'pa' aña sepalltena attoch sequeshperra o'ch setsorranna'ta ñeññes asheñorres atet yeyçhena ya allempoteñ atet yeçhaterrey Moisés.

² Aña Pablo ñaña Bernabépa' ama pocteye' eñçheto atet. Ñetpa' atet otet:

—Ama po'ño'chaye' añ paltteto o'ch yetsorranna'ta ñeñfey asheñorrey.

Ñetñapa' alla nanac es otanna'tet. Ama a'pochtacheto. Ñeñfo'marña allem-popa' o' net Pablo ñaña Bernabé ñaña po'poñe'chno achen attoch ñetpa' o'ch ahuanmuet Jerusaléño o'ch enteñeta' Jesús puellsensarnesha' ñaña ñeñf pompornesha' pen ñeñf ame'ñetsa all. Añecop tet attoch o'ch a'pto'teneta' erra'tsente' pocte' ñeñfcha' atet pet.

³ O' so'tuanma ñeñf ame'ñetsapa' ahuanmuet. Arr oñmuet Fenicio'mar allotñapa' ahuanmuet Samario'mar. Allña oñemuanmuetpa' all serrpare'tyesnomuet. Añ serrpare'tyesnomuet atto o' ame'ña ñeñf ama judioneshayaye. Pame'ñeño'fetpa' o' a'ypo'ña'huerret ñeñf ahuat poctapñet. Ñeñfña nanac coshate'ña allohuen ñeñf ame'ñetsa.

⁴ O' chapuet Jerusaléñopa' e'ñe cohuen agapanet Jesús puellsensarnesha' ñaña ñeñf pompornesha' pen ñeñf ame'ñetsa all. Ñaña allohuen ñeñf ame'ñetsa allpa' o' agapanet e'ñe cohuen. Allempoñapa' serrpare'tatset ora allohuen atet yenpanet Yompor.

⁵ Tarraña patantarr fariseonesha' ñeñf ame'ñetsapa' o' tantapa' atet ot:

—Achen ñeñf ama't ama judioneshayaye, añ paltteta o'ch atsorrareta allohuen asheñornesha', ñaña allohuenetpa' otarettetepa' añ paltteta o'ch ame'ñeññañet ñaña Moisés po'ñoñ ñeñf atet anaret ahuatoteñ.

⁶ Ñeñfo'marña Jesús puellsensarnesha', ñaña ñeñf pompornesha' pen ñeñf ame'ñetsa allpa' o' ap'chet attoch a'pochtachet este' poctetsa ñeñfcha' atet pet.

⁷ Ñeñfo'marña alla nanac es otanna'tyeset. Allempoñapa' o' tanta Pedro. Tantapa' atet otanet:

—Sapa' seño'teñe'tña masheñeshacha' ahuaña Yomporpa' o' na'n na. Añecop na'n o'ch neserrpare'tach ama't ñeñf ama judioneshayaye. O'ch neserrpare'tatanet Yompor po'ñoñ attoch ame'ñerret ñamet.

⁸ Ñehua, Yomporpa' entennay yeyo'cher. Ñapa' eño'teñ ama't añ ñeñf ama judioneshayaye o' ame'ñyet pueyo'chreto. Ñeñfo'marña o' chorratanet Puecamquén atecma atet chorrenya yaña. Attoña eñotatey e'ñe pocte' entenanet ñamet.

⁹ Ñeñfo'mar yeño'teñ ama yaptayaya morrentenyo Yompor. Añña ama't ñetpa' morrentenanet ama't ñeñf ama judioneshayaye. Pame'ñeño'fetpa' ahuo't e'sshohueranet po'chñar ñeñf pueyo'chro'tsa'yenet.

¹⁰ Te'ñapa' eso'mare'tña ama pocteye' senteñe ñeñf atet o' pohua Yompor. Añecop ñeñf ame'ñetsapa' eso'mare'tña semneñ o'ch senanet ñeñf nanac torrapo' entenet. Ama't ya judioneshaypa' amach erroteno o'ch yetsotua allohuen ñeñf atet anaret. Ama't yatañeshañpa'cho'ña ama etsotete'te.

¹¹ Añcha'ña yeñot e'ñe Yepartseshar Jesús pomuereño'fpa' o'ch yequeshpa, atecmach qeshpet ñamet.

¹² Ñeñfña e'm allohuen ñeñf ap'chatsa allpa' alla moma'rrtet. Atto e'mño'chet. Bernabé ñaña Pablopa' ña nanac serrpare'tatahuet. Añ serrpare'tatanet atto Yomporpa' nanac ahuamencat panet ahuaña allempo serrpare'teneta' allo'tsa'yen ñeñf ama judioneshayaye. Ñeñfo'marña orrtatanet ñeñf ama puentareto ñeñfcha' eñotatahuet añmapa' po'ño'ch Yomporeshot huena.

¹³ O' serrpare'tuetpa' allempoñapa' atet ot ñaña Jacobo.

—O'ch masheñeshacha' se'mñoten naña.

¹⁴ Simón Pedropa' o' serrpare'tatuas atet Yompor te'pa' o' orrtatan pomuereña añecop ñeñf ama't ama judioneshayaye. Ñaña ahuo't orrtatan

pomuereña añecop ñeñtcha' ame'ñatahuet attoch aye'chochtatoñet Yompor pa'so'cheñ ñamet.

¹⁵ Po'ñoçh te'pa' o' etsota ñeñt atet oteney ñeñt a'mtaye't Yompor po'ñoñ ahuat. Añpa' ñeñt atet quellquë't ahuat atet ñerra'm Yompor otatse't:

¹⁶ Allempo o'ch meten shonte' charpa' napa' o'ch alla norrtaterr puešheñarr ñeñt David po'mrenñoñ ñeñtcha' ahuamencattatsa atet ahuamencatte't ahuat pa'tañ David. Tarro'mar shonte' char ama't puešheñarrapa' ama orrteno David po'mrenñoñ ñeñt nanac ahuamencat.

¹⁷ Añecopcha' norrtater allochñapa' ama't po'poñeçhno acheñenesha' ama't ñeñt ama judioneshayaye o'ch ame'ña'hueret ñamet Yompor, ñaña allohuen erra'tsencha' muenats.

¹⁸ Atet ot Yompor ñeñtara ñeñt eñotatay ahuatoteñ ñeñtcha' atet pa. Añpa' allohua ot ñeñt a'mtaye't Yompor po'ñoñ ahuat.

¹⁹ Alla oterrerr Jacobo:

—Te'pa' añña e'ñe pocte' nenten na amach ya'mñechatatsche ñeñt ama judioneshayaye ñeñt o' puešerran ñeñt ahuat poctaþña attoch ame'ñeret Yompor.

²⁰ Te'pa' añña pocte' o'ch yequellcanet ñeñtcha' ama þatsteto ñeñtapa' añ: Amach rratsteto po'chets ñeñt muetsenet ayeçhcataretocop ñeñt po'yomporer pen ñeñt ama judioneshayaye ñeñtara ñeñt ama ame'ñetso. Ñaña o'ch yotamet amach chetapretatsteto taporets. Ñaña o'ch yotamet amach rratsteto ñeñt muetsenet ñeñt atta a'pamaret, ñaña amach rratsteto ñeñt ño'shetsa oño. Ñaña amach es rratsteto es po'rras.

²¹ Alla oterrerr Jacobo:

—Añpa' ñeñtcha atet yequellcanet. Tarro'mar ahuatoteñ o' serrpare'tuoñet Moisés po'ñoñ ora allohuen anetso'mar. Ñaña pate'tets semana añ judioneshapa' çhocma lleyeññañet Moisés po'ñoñ all po'prahueto. Añpa' allohua atet otamet Jacobo.

²² Allempoñapa' o' a'pochtachet o'ch net puešheña'tets ñeñt e'ñe allo'marnesha' ñeñtcha' mueñet Antioquíu, o'ch coteret Pablo ñaña Bernabé. Atetpa' e'ñe pocte' eñch allohuen—Jesús puellsensarnesha' ñaña ñeñt pompornesha' penet, ama't ñaña allohuen ñeñt ame'ñetsa all. Añ net Judas Barsabás ñaña Silas. Añña epsheña acheñpa' e'ñe cohuen eñch allohuen ñeñt ame'ñetsa.

²³ Ñetpa' o' anmuet, ñeñt atet oten carta:

“Masheñeshacha' ñeñtes yeçhetsa anetso Antioquíu ñaña Sirio ñaña Cilio: Allohueney ñeñtey ame'ñetsa o'ch yehuomcha'tas sa añ yecartot—ñeñtey Jesús puellsensarneshay ñaña ñeñtey pompornesha' pen ñeñt ame'ñetsa arr. O'ch yehuomcha'tas sa ñeñtes ame'ñetsa sanña ñaña ama't ñeñtes ama judioneshayayso.

²⁴ O'ch yotas, yapa' o' ye'mare'ch o' çhap sesho puešheña'tets acheñ arrot ñeñt muenets o'ch a'mñechatasa. Ñetñapa' o' nanac moññe'tatasa soctaþña. Tarraña te'ñapa' o'ch yotas, añ acheñpa' ama yaye' mueñenaye.

²⁵ Ñeñto'mar pocte' yenteñ allohueney o'ch yene' epsheña acheñ ñeñtcha' yemñonas epuet Bernabé ñaña Pablo ñeñt nanac yemuerre.

²⁶ Tarro'mar nanac yemorrenenanet ahuañapa' all serrpare'teneta' autsañ muene' amtsanataretetuet all. Tarro'mar e'ñe puemorrenetñoñet Yepart-seshar Jesucristo atet aþaretet.

27 Añ yemñonas Judas ñaña Silas. Ñetpa' o'ch serrpare'tatenseta' ora atet yoten ya arr.

28 Parets Puecamquëñpa' o' eñotaley ñeñt e'ñe pocte' yenten ñeñtcha' yenonas. Amach aña yenonaso ñeñt nanac torrapo'. Te'pa' añ palltetsa ñeñtcha' atet sepa.

29 Amach serratsto po'chets ñeñt muetsenet ayeçcataretetecop ñeñt po'yomporer penet. Ñaña amach serratsto ñeñt muetsenet ñeñt atfa a'pañaret. Ñaña amach serratsto es po'rras. Ñaña amach sechtapretatsto taporets. Ñerra'm amach atet sepo ñeñt'pa' e'ñech pocte'. Añpa' ñeñt'fach yotas. Yomprepa'ch sa'nataya." Añpa' allohua huañ ñeñt atet oten carta.

30 Allempoñapa' o' mueñet Judas ñaña Silas epuet Pablo ñaña Bernabé. O' ahuanerret Antioquíu. Chacherret Antioquíopa' o' apçhatuet allohuen acheñenesha'pa' o' aposanet añ carta.

31 Ñeñt apçhatsapa' o' lleyet añ carta. Lleya'huetpa' nanac coshatanet ñeñt atet actape'chatarëtet cartot.

32 Añña Judas ñaña Silas, ñetpa'cho'ña nanac a'potoñet Yompor po'ñoñ ñamet. Ñetpa'cho'ña a'nñtenet Yompor po'ñoñ. Nanac serrpare'tatet. O' cotape'chachet e'ñe cohuen ñeñt ame'ñetsa allochñapa' huomenccha' pet pueyoçher.

33 O' allponmatet allpa' allempoñapa' secherret allot amñareçtet ahuaña. Ñeñt ame'ñatsa Antioquíopa' o' so'tneret e'ñe cohuen, otanet:
—Yomprepa'chña ya'nataya parro allohueney.

34 Tarraña Silaspá' mueneñ o'ch a'pa all, Judaspá' o'ch ahuer.

35 Añña Pablo ñaña Bernabé allponmaterret Antioquíu. Yeçhatapretereta' epuet po'poñeçhno ñeñt yeçhatets all. Serrpare'tapretereta' Yompor poñoñ epuet po'poñeçhno.

Allempo puepocheño ahuererr Pablo serrpare'tats allemeñ anetso'mar

36 Atteñapa' o' atomat Pabloñapa' otan Bernabé:

—O'ch ahuerrey, o'ch yaçchera' ñeñt ame'ñetsa ora allohuen anetso all yeserrpare'toñ Yompor po'ñoñ ahuaña attoch yeñoç errotentete'ña te'.

37 Bernabéñapa' aña e'ñe pocte' ent o'ch cota'ner Juan Marcos.

38 Tarraña Pablopá' ama pocteye' eñche tarro'mar ahuaña allempo çhapuet Panfilio, Juan Marcospá' çha sa'nerranet, o' puerrerra. Ama allo'na yenpuenaneto all serrpare'tyeset.

39 Ama erroteno a'pochtacheto, çha sa'nannerret. Bernabépa' aña aner Marcos. O' ahuanpset boto, çhacherret Chipro.

40 Pabloñapa' aña e'ñe pocte' ent o'ch anerran Silas. Ñeñt ame'ñetsa allpa' o' so'tneret, e'ñe cohuen otneret:

—Yompor e'ñe pomuereño'pa' a'natyepa'ch.

Allempoñapa' ahuanenet.

41 Asueneta' Sirio'mar ñaña Cilicio'mar. Allotñapa' yenpuet allohuen ñeñt pame'ñeñoç apçhetsa parro. O' yenpuet añecop attoch huomenccha' pet pueyoçher.

16

Allempo Timoteopa' cota'nerran Pablo ñaña Silas

1 Pablo ñaña Silaspá' asuerreta' anetso añ pa'so'cheñ Derbe. Allotñapa' ahuanerret alla Listro. Allñapa' allot'sen puesheñarr acheñ ñeñt ame'ñetsa

añ pa'so'cheñ Timoteo. Ñeññ Timoteopa' añ pachor pen judionesha' ñeññ ame'ñetsa. Pomporñapa' ama judioneshayaye añña griegonesha'.

² Ñeññ ame'ñetsa Listro ñaña Iconiopa' nanac cohuen enteñet Timoteo.

³ Ñeñño'marña e'ñe pocte' eñch Pablo o'ch cota'nerranet Timoteo. Tarraña ato'tña anemhueta' allcha' tsorreñet atet yeçhena joreyonesha', tarro'mar allcha' tetpa' shonte' judionesha'. (Ñehua, Pablopa' ama mueno o'ch at-srre'mach judionesha'.) Allohuenetpa' o' eñotuet ñeññ Timoteo pomporpa' ñeññ ama judioneshayaye añña griegonesha'.

⁴ All oñomyeset allemeñ añetsopa' otuosanet añ ñoñets atet a'pocpat Jesús puellsensarnesha' ñaña ñeññ pompornesha' penet Jerusaléño. Añ eñotatuosanet ñeññcha' atet pet.

⁵ Atteñapa' allohuen ñeññ ame'ñetsapa' e'ñe pame'ñeñofet allo'na senet huomenc pa'nmuet pueyoçher. Pate'tets yetpa' allo'na sen atonetnomtsa ñeññ ame'ñetsa.

Allempo Pablopa' entan macedonio'marnesha' atet ñerra'm çho çhopo'teñ

⁶ Allempoñapa' arr asuerreta' ñaña Frigio'mar ñaña Galacio'mar tarro'mar Parets Puecamquëñpa' ama muenataneto o'ch serrpare'toñet Yompor po'ñoñ all Asia'mar.

⁷ Allempoñapa' ahuanmuet ñaña tenonet, çhappmochet Misio ñaña arr sechet Bitinio'mar, tarraña Jesús Puecamquëñpa' ama muenataneto.

⁸ Atteñapa' metuet Misio'mar o' chaçha'tet Troaso.

⁹ Chaçha'tet Troaso tsapoñapa' añña Pablopa' orrtoña atet ñerra'm çho es yeçhopo'ten. Atet ñerra'm pueçhopoño'tpa' o' entan puesheñarr acheñ macedonio'marnesha' alla ten, atet otare'ch: "O'ch sonaçha't arr Macedonio, o'ch seyenpuenya'."

¹⁰ Allempoña errete' orretuoña macedonio'marnesha'pa' yañapa'* o' yesecha o'ch ahuey Macedonio, tarro'mar yoten po'ñoçhte' çhore'teney Yompor allochñapa' o'ch yeserrpare'teññaña' po'ñoñ all Macedonio.

Allempo çhap Pablo ñaña Silas Filiposo

¹¹ Allempoña Troaso'tpa' año ahuanpsey boto. E'ñe paçharra yepe' o'ch yeçhap anetso añ pa'so'cheñ Samotracia. Allñapa' all yetso'tnoma. Yahuanerrerr allotpa' tsapatñapa' o' yeçhap ñaña anetso Neápolis. Allñapa' all yetso'tuerrerr.

¹² Yahuanerrerr allotpa' o' yeçhap ñaña anetso añ pa'so'cheñ Filipos allpa'çho' all yetso'tosa. Añ anets Filipospa' nanac atarr anets. Po'poñeçhno anets alla Macedonio'marpa' ama atarroyaye. Allñapa' allo'tsa'yen shonte' solltarnesha' ñeññ romo'marnesha'. Yapa' alla ya'llponmatos all.

¹³ Allempoña çhap allempo amesen judionesha'pa' yañapa' yahuanma anetso't a'yo. O' yeçhap ontapo all ye'nen ñato' allcha' ma'yoçhet. Yaña allpa' yentos puesheña'tets coyaneshaçhno all anorrçhenet. Yañapa' o'çho' yanorrçha'tos yaña. Allempoña yapa' yeserrpare'tatanet Yompor po'ñoñ.

¹⁴ Puesheñarr coyanesha' ñeññ allo'tsen añ pa'so'cheñ Lidia ñeññ huetsa anetso't añ pa'so'cheñ Tiartira. Ñaña'pa' añña po'taruas pen atto vendenan shetamuets yetñorromamuen. Ñaña'pa' ame'ñenana Parets. Allempoña e'mñotan Pablo ñeññ atet serrpare'ten añña Yomporpa' o' çhapatoñ pueyoçhro ñeññ atet serrpare'ten Pablo.

* 16:10 Ñehua, e'ñe allempocmapa' o' cota'nmanet ñaña Lucas, ñeñfara ñeññ quellquë' añ ñoñets.

15 Lidiaña pame'ñeñoŋpa' allenta apataretta, ñaña o' apataretta ñeñŋ parro yechenet pocollo. Ñañaapa' o'cho' hua'ña'nerrey pa'paclo, atet ot:

—Ñerra'm e'ñe pocte' sentenen atto name'ñera Yepapar, o'ch sehuapa nepaclo ñato' allcha' sommosa.

Ñañaapa' otare'tey yonepa'to' ñeño'marña yapa' o' ahuey.

16 Parrochñaapa' allempo yeta ontapo allecma ma'yochenet toñoñaapa' yentnonñ puesheñarr shopshesha' ñeñŋ chorrena oneñet. Añña oneñetpa' ñach eñoratene' shopshesha' ñeño'marña ñerra'm erroten otanetpa' atto'chcho' pa. Amach pueno po'ñoñ ama't mamesha. Añña shopshesha'pa' eñall ñeñŋ pamo'mte' pen po'poñechno acheñ. Ñetñaapa' nanaccha' ganatenanet quelle atto eñotañtena.

17 Ñañaapa' thocmach cota'nomye't epay Pablo. O'ch cota'nmueypa' o'ch rranare'tnoma chenta'pa' atetcha' ot:

—Añ encaneshachnopa' añ sherbenet Yepapar Ñeñŋ Nanac Paret. Arrpa' añecop huenet attoch o'ch serrpare'tataset attoch sequeshperra.

18 Atteñaapa' ama't atomatpa' attecma pena. Atteñaapa' o' a'mñechatana Pablo. Pabloñaapa' allenta puetallsapa' o' otan oneñet:

—Te'pa' e'ñe po'huamencot Jesucristopa' o'ch notap, pequechpa'ner shopshesha'.

Allempocmuepa'tcha' quechpa'nerran shopshesha'.

19 Añña pamo'mtaynesha'pa' cotape'chetpa' otet:

—Te'pa' llequēñtsa, o' huañerr allo yeganena quelle.

Allempoña pa'tsrre'mueñoŋetpa' o' rromuet Pablo ñaña Silaspa' amaretet e'ñe po'huamencoma, o' achapataretet allo'tsa'yen añcha'taretnesha' allecma a'pocmatenet ñoñets.

20 Allempoña achapataretet allo'tsa'yen guardia pa'mcha'taretnesha'pa' o' otoset:

—Añmapa' ñeñŋ judionesha'. Nanac atrre'mochtenet arr ya'netsro.

21 Ñetpa' yechatenyet atet yechenet ñet ñeñŋpa' ama pocteye' yenteñe ya. Yapa' romo'marneshaypa' ama cohuen yenteñe o'ch atet yepa.

22 Allohuen acheñenesha'pa' nanac atrre'mateñet. Ñeñŋña guardia pa'mcha'taretnesha'pa' atet otan pueyochresha':

—Te'pa' o'ch serrotanetpa' o'ch senallanet.

23 Allempoñaapa' o' nallet Pablo ñaña Silas nanac huomenc. Allempoña o' anallaretetuetpa' o' abe'taretet ñaña cárcel; atet ochet ñeñŋ cohuañpene' cárcel:

—O'ch secuamñsanet e'ñe huomenc.

24 Allempoña atet otaretetuetpa' añña ñeñŋ cohuañpene' cárcelpa' o' abe'tanet nanac o'pono. Allñaapa' nanac echarr pañmñsanet ñaña o' armamñsaretet pa'tcot tablat e'ñe echarr.

25-26 Atteñaapa' o' ma'yocha Pablo ñaña Silas. Ñaña o' morrechet, puemor-recheñoŋetpa' nanac aye'chochtateññañet Yompor. Añña po'poñechno acheñ ñeñŋ abe'taret ñaña allpa' ñetñaapa' o' e'mñotanet. Allempoña chap rroch tsappa' machayotepa'tcha' pella pats nanac huomenc, ama't allo' tomatenet echarr cárcelepopa' cha pa'shoma huomenc. Puepelleñoŋ pats huomencpa' o' torna'tua ora allpon all ayottamñsarettenet. Ñaña ora allpon allo huanquēñet acheñpa' o' pueyna'tuen.

27 Allempoña ahuo't e'mansa ñeñŋ cohuañpene' cárcelepopa' ahuo't entan o' torna'tuen allo ayottamñsarettenetpa' o' chetan po'cchell o'ch muetsa ñañeña. Ñapa' cho' otapañ ñeñŋ ayottamñsaretpa' o'te' yetuena.

28 Añña Pablopa' o' chore'ch huomencpa' atet och:

—Amach errof pepatsto ama't mamesha. Yapa' allo'tsa'yenya allohueney.

29 Allempoñapa' aña enamnom lampareñpa' mata allo'tsen Pablo ñaña Silas. Puenchañoŕpa' cha pa'shmuena ñaña e'ñe puencha'na'teñoŕpa' o' concorposa e'ñe ñesheto.

30 O' cha'nma'cha'tatanetpa' atet otanet:

—Nomporneshacha' ¿esfe'ña pocte' te' ñeñ'cha' atet neŕa attoch nequesh-perra naña?

31 Ñetñapa' atet ochet:

—Añ pocte' o'ch pame'ñera Yepartseshar Jesucristo, allochñapa' attoch pequeshperra. Ñaña attoch queshperra ñeñ' parro peychena pepaclo.

32 Allempoña ñeñ' cohuañpene' cárcelepopa' o' a'secherranet pa'paclo, allñapa' serrpare'tachet Yompor po'ñon, ñaña allohuen ñeñ' pa'paclo'tsen o' e'ññotet ñamet.

33 Allempocma ñeñte tsaprocma o' e'pana'tyerranet all at-serrparettet. Allempoñapa' o' apataretta ña, ñaña allohuen ñeñ' pa'paclo'tsa'yenpa'cho'ña o' apatarettet ñamet.

34 A'tapatanet pa'paclopa' rratanet. Pame'ñeñoŕ Yompor atarr nanac cosha. Ñaña allohuen ñeñ' pa'paclo'tsenpa' atarr coshet ñamet.

35 Tsapat puetarenpa' añña guardia pa'm'cha'tareternesha' o' mueñet pueñeñarr guardia, ñeñ'cha' otosets:

—O'ch sa'rroyer Pablo ñaña Silas.

36 Ñeñ' cohuañpene' cárcelpa' atet otan Pablo:

—Oten añcha'taret se'cha'nerrepa'to'. Te'ñapa' orrerres, Yompore'pach sa'nataya.

37 Tarraña Pabloñapa' atet otanet:

—Yapa' romanona'tarey yaña. Ñeñ' ñoñets anaret Romoŕpa' oten ama pocteyaye o'ch yecoñchach acheñ ñerra'm ama yeñoteña' po'ñochte' eñall atto otteñe'cheñet acheñ. Tarraña añña añcha'taretnesha' ama e'nano ñeñ' e'ñe po'ño'ch atet yepena. Atta nallatyet allo'tsa'yen shonte' acheñenesha' allotñapa' o'cho' atta yottam'psatyet arr cárcelo. Te'ña ñetpa' mueneñet o'ch cha'nmaterryet e'ñe a'nahua. Ñeñ'pa' ama pocteyaye atet. Te'pa' o'ch sotuer añcha'taret huapuetepa' arr cha'nmaterryetepa' e'ñe ñet.

38 Añña guardiapa' otuerran pa'm'cha'tareternesha' atet oten Pablo. Ñetñapa' cha yorenet allempo e'mare'chet ñetpa'cho'ña romanona'taret ñamet.

39 Allempoña hua'cha'tetpa' enamaretterret peretneñets. Allempoña cha'nmatenanetpa' atet otanet:

—Te'pa' orrerres, sahanerra ba'chayo.

40 Allempoña cha'nenet cárceloŕpa' ahuanerret o'ch alla abchereta' Lidia. Allempoñapa' serrpare'tuerret parro ñeñ' ame'ñetsa, cotape'chatuanerret co-huen, allempoñapa' ahuanerret allot.

17

Allempo chap Pablo ñaña Silas Tesalónico

1 Allempoña ahuanerret allotpa' ahuanmuet anetso Anfípoliso, allotñapa' ahuanmuet ñaña anetso Apolonio. Allotñapa' o' chapuet ñaña anetso ñeñ' pa'so'cheñ Tesalónica. Allñapa' allo'tsen judionesha' po'prahua'.

² Pabloñapa' o' be'tosos ñeñt attecma pena. Allñapa' serrpare'tatosanet Yompor po'ñoñ. Allñapa' ma'panerr semana. Allempoña chen yet allempo amesenetpa' o'ch'cho' serrpare'tatanet Yompor po'ñoñ ñeñt atet aquellcaret.

³ Allpa' añ ye'chatanet atet anaretta ñeñt'cha' Cristotats ñerra'm esempoch huapa añ patsropa' nanaccha' mueröchtachet. Tarraña o'ch mueröchtatueta' elloch alla tanterra ama'tcha' rroma. Ate't otanet:

—Te'ñapa' o'ch notas, añ Jesús ñeñt'ara ñeñt o' neserrpare'tatuaspa' ñeñtña Cristotets.

⁴ Puesheña'tetspa' pocte' eñchet o' ame'nyet Jesús ñeñto'mar ñetpa' yemteñet Pablo ñaña Silas. Ñaña shonte' griegonesha' ñeñt ahuatoteñ cohuen cotape'chets Partsocoppa' o' ame'ñeñet Jesús. Ñaña shonte' coyeneshachno ñeñt e'ñe cohuen entyen acheñenesha' ñetpa'cho'ña o' ame'ñerret ñañet.

⁵ Judionesha'ña ñeñt ama ame'ñetsopa' ama pocteye' enteñeto attoch acheñenesha'pa' o'ch yemchet Pablo, ñeñto'marña puesope'cheñofetpa' o' e'moñe'chet. Ñeñto'marña a'sechet puesheña'tets acheñ ñeñt ama tama es sherbetso ñeñt atta ellapetse't anorrets all shontena acheñenesha'. A'sechet o'ch ap'chachet shonte' acheñ attoch e'moñe'tachet Pablo. Ñetña pa'tsrre'mueño'tetpa' ahuanmuet Jasón pa'paclo all a'posa Pablo ñaña Silas. O'pachet errototpa' o'te' cha'nma'cha'tet a'yot attoch acheñenesha'pa' o'ch rromuet.

⁶ Allempoña cha'cha'tet Jasón pa'paclopa' tarraña ama entaretteto. Ñap'ta rromuet Jasón ñaña po'poñe'chno acheñenesha' ñeñt ame'ñetsa. Ñetaña anmarettatset añcha'taretsho. Pa'tsrre'mueño'tetpa' nanac ama'töchetnomuet attotacho' chapuet allo'tsen añcha'taretnesha'. Allñapa' atet otoset:

—O' chap acheñ ñeñt muenene' o'ch a'po'poñetermay yoctapña. Atto' pöhuanmuet ama't po'poñ anetso'mar, te'pa' o' chapuet ñaña arr.

O' alla oterreterr:

—Añ Jasónpa' o' agapanet e'ñe cohuen te'pa' ñaña pa'paclo a'puenet.

⁷ Ñetpa' ama pocteye' enteñeto atto añcha'taret o'ch nan ñoñets all anetso Romo. Ñetpa' aña otenet eñallo' po'poñ añcha'taret ñeñt nanac ahuanencat ñeñt'pa' año' pa'so'cheñ Jesús.

⁸ Acheñenesha'ñapa' ñeñta e'muetpa' nanac atsrre'muet ñaña ama't añcha'taretnesha'.

⁹ Allempoña Jasón ñaña po'poñe'chno acheñpa' o' ayoran'psaretet allpon po'çllayoret. Allotpa' otarettet:

—Añ quellepa' allach yapuerres ato't ahuerra' Pablo ñaña Silas.

Allempoñapa' a'rroyeret Jasón ñaña po'poñe'chno acheñ.

Allempo chap Pablo ñaña Silas anetso Bereo

¹⁰ Allempoña acheñenesha' ñeñt ame'ñetsapa' o' mueñeret Pablo ñaña Silas Bereo. Tsapocma amñareñtenet a'nahua. O' chapuet Bereopa' be'tos'cha'toset judionesha' po'prahuo.

¹¹ Añña judionesha' ñeñt Bereo'tsa'yenpa' ñetñapa' e'ñe cohuen cotape'chenet ama atteyayeto atet ñerra'm judionesha' ñeñt Tesalónico'tsa'yen. E'ñe pocsheñesha' e'mñotofet Yompor po'ñoñ, allotña ñetpa' o' e'nyeset Yompor po'ñoñ all aquellcaret ahuatoteñ. Tarro'mar ñetpa' mueneñet o'ch eñochet ñato' po'ñochte' atet serrpare'ten Pablo ñaña Silas. Pate'tets yetpa' attecma pete't.

12 Ñeñto'marña shonte' acheñenesha' ñeñt' ame'ñatsa. Shonte' ñaña coyane-shachno ñeñt' griegonesha' ñeñt' nanac sherbetspa' o' ame'ñenet ñamet. Ñaña po'potantañ shonte' yacmanesha' o' ame'ñenet.

13 Añña judionesha' ñeñt' yeçhetsa Tesalónicopa' o' e'mare'chet Pablo o' alla serrpare'tuerranerr Yompor po'ñoñ ñaña Bereo. Ñeñto'marña huacha'tet ñamet all attoch atsrre'matachet acheñenesha' o'ch e'moñe'tachet Pablo.

14 Añña acheñenesha' ñeñt' o' ame'ñapa' o' mueñet Pablo tepa'to' ontoapo allo'tsen sa'p atarr. Añña Silas ñaña Timoteopa' alla a'pa Bereo.

15 Puesheña'tets acheñpa' o' cota'nmet Pablo. Ñetpa' alla neñeta' Pablo anetso ñeñt' pa'so'cheñ Atenas. Allña so'tanna'tuet Pabloñapa' atet otanet:
—O'ch sotuer Silas ñaña Timoteo onetepa' ñamet e'ñe tayecma.

Allempo chap Pablo ñaña Silas Atenso

16 Pabloñapa' alla cohuanet Atenso. Allña cohuanetpa' shonte' entosan ayeçcatareteçhno all Atenso, ñeñt' po'yomporer pa'yen acheñenesha'. Ñaña'pa' nanac llecacet.

17 Pabloñapa' mueneñ o'ch be'tos judionesha' po'prahuo attoch serrpare't epuet parro judionesha' ñaña po'poñeçhno acheñ ñeñt' cohuen cotape'chets Partsocop. Pate'tets yetpa' o'ch'cho' ahuo' all shontena acheñenesha' pueblo allña'pa' o'ch'cho' serrpare'tet parro ñeñt' allo'tsa'yen.

18 Parrochpa' aña huapatsa ñeñt' ame'ñenaya Epicuro pocta'ña, allotpa' o' huapa ñaña ñeñt' ame'ñenaya po'poñ cotapñats ñeñt' otenet estoico. Ñetña'pa' atet otet:

—¿Esté'ca'ye cotape'chenña añ acheñ ñeñt' atta nanac eñets?

Po'potantañña'pa' atet otet:

—Ñato' añte' muenen o'ch yeçhatey po'poñ po'yomporer ñeñt' ama yentare ya.

Tarro'mar Pablopa' añ serrpare'tatenanet atet pena Jesús ñaña ama't atto tanterra Jesús.

19 Ñetña'pa' o' anmet Pablo all oteñet Areópago allecma apçhena eñotañnesha'. Allña'pa' otoset:

—Ñehua, te'pa' o'ch potey este'ña potape'chen pa. Yapa' te'pa' yemneñ o'ch yeñoçh.

20 Tarro'mar ñeñt' peserrpare'tenpa' ama ye'mare. Yapa' yemneñ o'ch yeñoçh este' nanac poten.

21 Ñehua, allohuen atenso'marnesha' ñerra'm añ serrpare'tats ñeñt' ama puentaretopa' ellapenetcha' e'mñotet. Ñeñtach paterr ma'yoçhret. Ñaña ñeñt' yeçha'huerra Atensopa' ñeñt' huapyetsa po'poñ anetsotpa' te'pa' atta penet ñamet.

22 Allempoña Pablopa' tomos rroçho all oteñet Areópagopa' atet otanet:

—Atenso'marneshacha' napa' neñotenes sapa' aña atarr sema'yoçhrena ñeñt' seyomporer sepa'yen.

23 All nasuanempa' shonte' nentyesnom ñeñt' sema'yoçhyena ñeñt' seyomporer sepen. Paterr allecma sema'yoçhenapa' napa' nent all oten añ ñoñets: “Añpa' añecop Yompor ñeñt' ama yeñotena.” Ñeñt' sema'yoçhena ñeñt' ama señotena'pa' ñeñt'ara Yompor te'pa' ñeñt'cha'ña neserrpare'tatas.

24 Añ ñeñt'ara Yompor ñeñt' yeçhcate' añ pats. Ñaña yeçhcatan allohuen ñeñt' yentyen añe patsro. Ña Pamo'mte' pen enet ñaña pats. Ñeñto'marña ya ñeñt'ey arromña'fepa' ama pallteno o'ch yeyeçhcaton allcha' yeçha.

25 Ñaña ama pallteno o'ch es yaḅ. Ñocop ama es palltetso. Elloña ñaña yapuene' allohueney atto yocrrena, apueneý ñaña atto yo'rrerrena. Ñapa' apueneý ora esocmañen.

26 'Ora allpon pa'namen acheñ ñeñt' yeḅha'yetsa añe patsro Yomporpa' ña yeḅchatue' e'ñe puesheñarroña acheñ. Ñapa' o' nohuanet e'ñech allempohua corra'yese. Ñaña o' na'yeseuanet e'ñech erra yeḅha'yese añe patsro.

27 Tarro'mar Yomporpa' yeḅcatan pa'namen acheñ tarro'mar añ cotape'ch allochñapa' allohuen acheñpa' ñerra'm e'ñe acopa e'neretpa' po'ñoḅpa' enteretcha'. Ñapa' allame'ttso'tsenate' yeshot.

28 Tarro'mar e'ñe ñeshoḅ te'pa' yocrrena ñaña e'ñe ñeshoḅpa' yeḅhope'chen, ñaña e'ñe ñeshoḅpa' ye'ñalleta. Ama't atet quellquë't ahuat puesheñarr samo'ts sa ñeñt' etsotaye't ñoñets. Añmapa' ñeñt' quellquë't samo'ts ahuat: "Te'ña po'ñoḅ Yomporpa' puechemerasha' peneý."

29 Alla otererr Pablo:

—Ñehua, ñerra'm po'ñoḅ Yompor puechemerasha' peneý ya, ama pocteyaye o'ch yoch Yomporpa' arroḅ ayeḅcatareḅ oroḅ, amapa' arroḅ ayeḅcatareḅ asretoḅ, amapa' arroḅ ayeḅcatareḅ mapyot. Añmapa' ñeñt' ayeḅcatareḅpa' e'ñe ya yoctaḅñoña ayeḅcatareḅ, atet es yetma'ntatena ya.

30 Ahuat acheñpa' ama't ama eñotenano ñeñt' cohuentetsa Yomporcop, Yomporpa' amach erroḅ ḅaneto. Tarraña te'ñapa' oteney yoctape'cherrepa' ello cohuen Yomporcop, allohueney acheñey ñeñfey corra'yetsa añe patsro.

31 Yomporpa' tarro'mar mueneñ o'ch yoctape'cherr etserra tarro'mar ñapa' o' ne' esempoch allohueneypa' yorrterrach ñesho. Te'pa' o' nan Jesús ñach acrerre' allohuen acheñ ñeñt' e'ñe po'ñoḅ atet pete't. Acrancha' ñeñt' cohuen acheñ ñaña ama't ñeñt' ama cohueno acheñ. Ñeñto'marña te'pa' o' eñotatuay Jesús'pa' ñach acrerrets tarro'mar Pomporpa' o' tantater ama't o' rromua ñaña Jesús'pa' e'ñe pocte' es pen. Te'pa' o' eñotatuay allohueney acheñey.

32 Allempoña serrpare'tan Pablo attoch yetanterra ellopa' añña puesheña'tets acheñpa' o' achñare'chet. Tarraña po'potantañña' atet otet:

—Ñehua, ñato' esempochña ye'mñoterrerr po'pocheño.

33 Allempoñapa' ahuerr Pablo.

34 Tarraña puesheña'tetspa' yemchet Pablo ñaña o' ame'ñet. Añña puesheñarr ñeñt' ame'ñatsa añ pa'so'cheñ Dionisio ñeñtara ñeñt' añcha'taretetsa ñeñt' a'poctatene' ñoñets all oteñet Areópago. Ñapa' o' ame'ña, ñaña po'psheñey coyanesha' ñeñt' pa'so'cheñ Dámaris. Ñaña po'poñechno acheñ o' ame'ñet ñamet.

18

Allempo ÷hap Pablo Corinto

1 Allempo ahuo' ñaña anetso all oteñet Corinto.

2 Chap Corintopa' entosan puesheñarr judionesha' añ pa'so'cheñ Aquila. Ñapa' errote huetsa Italiot epuet puetapor ñeñt' pa'so'cheñ Priscila. Añ'o'mar huenet Italiot tarro'mar añcha'tareḅ Claudiopa' o' nan paterr ñoñets all Italio. Ñeñt'pa' atet ot: Allohuen judionesha'pa' ahuanerretepa'to' Romot. Aquilapa' arr eñalletña Ponto. Pabloñapa' ahuo' o'ch entenana Aquila epuet puetapor.

³ Ñetpa' ñeñña po'taruas penet atto ye'chcatenet shetamtso'. Pabloña'apa' alla a'pa epuet attoch taruaset parro.

⁴ Pate'tets semana allempo' chen yet allempo' amesenet Pabloña'apa' o'ch'cho' ahuo' judionesha' po'prahuo. Allña'apa' allcha' serrpare't epuet judionesha' ñaña ñeññ ama judioneshayaye. Ñapa' atarr mueneñ o'ch ame'ñatanet.

⁵ Allempoña'apa' huapa ñaña Silas epuet Timoteo'. Taya huapuet Macedoniot. Allempo'apa' añ nanac torrena Pablo serrpare'te'. Ñapa' añ eñotatenan judionesha' Jesús'pa' ñeñfaraca'ye Cristoterrets ñeññ atarr cohuenet ahuatoteñ.

⁶ Judionesha' ñapa' nanac e'moñe'chet Pablo, o' achñare'chet. Allempoña' Pablo'apa' o' pa'shman pa'shtam attoch eñochet nanac atpare'tenet. Allempo'apa' atet otanet:

—Sapa' sañeñach a'chencatuerrtsa. Tarraña napa' amach es seyohua'no. Te'pa' tayoteñ añach neserrpare'tat ñeññ ama judioneshayaye.

⁷ Allempoña'apa' ahuerr. Chap añ ñeññ pa'so'cheñ Justo pa'paclo ñeññ ame'ñenaya Yompor. Pa'paquellpa' allame'ttso'tsen allo'tsen judionesha' po'prahua'.

⁸ Ñeññ añcha'tarettetsa judionesha' po'prahuo ñeñña'apa' añ pa'so'cheñ Crispo. Crisopa' o' ame'ñerrana Yepartseshar Cristo ñaña allohuen ñeññ pa'paclo'tsen. Shonte' corinto'marnesha' e'mñotoñet Yompor po'ñoñ, o' ame'ñerret ñaña o' apatarettet Yomporecop.

⁹ Atteña'apa' orrtoña Pablo atet ñerra'm'cho es ye'chopo'ten. Yomporpa' ahuo't otan Pablo:

—Amach peñcha'tatsto, chocmach peserrpare't, amach atta pemamtetatsto.

¹⁰ Napa' o'ch necuanpenep' attoch amach esesha' errot es pe'paye. Tarro'mar napa' nechen shonte' acheñ añ anetsrot' ñeññicha' name'ñaya.

¹¹ Allña'apa' allena alla paterr char ñaña meterrerr pechapña' arrorr. Allpa' nanac ye'chatanet Yompor po'ñoñ.

¹² Allempoña'apa' añcha'taretta Galión e'ñe alla Acayopa' judionesha'ña o' ap'chetpa', o' pachet Pablo. Allempoña'apa' rromuetpa' anmet añcha'taretsho allecma a'poc'catenet ñoñets.

¹³ Chapuet allpa' atet otoset:

—Añ acheñña'apa' añ ye'chatenan acheñenesha' atto'ch ame'ñyet Yompor, tarraña ñeñña'apa' ama atteyaye atet otaney Moisés po'ñoñ ñeññ atet anaret.

¹⁴ Ahuo'ch eñoseñ Pablo'apa' Galiónña'apa' atet otanet:

—O'ch notas ñeññes judioneshas, ñerra'm'añ acheñ aññe' o' pohua ñeññ ama cohuenopa' amapa' atet ñerra'm'cho muetsenan acheñ, ñehua, pocte' napa' o'ch ne'mñnotas atto' sotteñe'cheñ.

¹⁵ Tarraña ñerra'm' amate' atteyaye, añpa' e'ñe socpa—atet sey'chaten sa ñeññes judioneshas, amapa' esesha'te' same'ñena, amapa' ñeññ atet oten ñoñets ñeññ atet anaret socop. Ñeñño'marña napa' notenes ñeñña'apa' socpa. Ñeñño'marña napa' amach neñoso añecop ñeññ e'ñe socpa.

¹⁶ Allempoña'apa' o' cha'nma'cha'taterranet.

¹⁷ Allempoña'apa' acheñenesha' añña rromuet Sóstenes. Sóstenespa' ñeññ añcha'tarettetsa judionesha' po'prahuo. O' rromuetpa' o' nalle'chet e'ñe alla allame'tets añcha'taretsho. Añcha'taret Galiónpa' ama cohua'psaneto.

Allempo' cherrerr Pablo Antioquí

¹⁸ O' atomaterrerr Pablo alla Corinto allempoña'apa' o' so'tnerran ñeññ ame'ñetsa. Aña coterre' Priscila ñaña Aquila. Allotpa' año ahuanpset boto, arrcha' tet Sirio'mar. Arr asuanmuet anets Cencrea. Allña'apa' o'

shopena'tatosa Pablo. Añecop shopena'tata attoch eñochet o' etsotuan po'ñoñ ña ñeñt atet otan ahuaña Yompor ñeñtcha' atet pa Yomporecop.

¹⁹ Allempoña chapuet Efesopa' allñapa' o' sa'nerran Aquila ñaña Priscila. Ñaña' o' ahuo' judionesha' po'prahuo allcha' serrpare'tet parro judionesha'.

²⁰ Allñapa' otare'chet Pablo a'puepa'to' alla atomat, tarraña Pablopa' amo' mueno.

²¹ Allempoña so'tnerranetpa' atet otanet:

—Napa' o'ch alla ahuerrren Jerusaléño allcha' nocshapretuerra añ yeter ñeñt anaret Partsocop allempoch alla cosherrerr judionesha'. Ñerra'm Yomporcha' muenatspa' ñato' o'ch nohuerrerr esempo.

Allempoñapa' ahuañperrerr boto.

²² Allempoñapa' arr etsotamñsosa Cesareo. Cesareoñapa' asuanom Jerusaléño allcha' abechnoman ñeñt ame'ñetsa all. Allempoñapa' o' alla ahuerr Antioquío.

Allempo poma'pocheño ahuerrerr Pablo serrpare'tats allemeñ anetso'mar

²³ Antioquiopa' alla allponmatnerr; allotñapa' o' ahuerrerr. Arr asuanerr Galacio'mar allotpa' ahuerr Frigio'mar. Ñeñt ame'ña'yetsa allpa' o' yenpanet attoch huomenc perret pueyo'cher.

Allempo Apolos atarr cohuen serrpare'tatosanet all anetso Efeso

²⁴ Ñehua, allempopa' eñall puesheñarr judionesha' añ pa'so'cheñ Apolos ñeñt huetsa Alejandriot. Ñaña' o' chap Efeso. Atarr cohuen serrpare'tenan Yompor po'ñoñ, atarr etsotenan Yompor po'ñoñ ñeñt atet aque'llcare't ahuatoteñ.

²⁵ Ñapa' ay'chataret ñeñt atetcha' perra Yepartseshar ñeñtara ñeñt Cristotats. Ñapa' e'ñe po'ño'ch serrpare't huomenc, ye'chatanet ñeñtcha' atet perra Jesús. Añaña ama e'ñe eñotueno ora atet pena Jesús. Aña eñoten atet ye'chate't Juanañ ñaña atet apate't Juanañ.

²⁶ Ñapa' serrpare'te't huomenc judionesha' po'prahuo. Allempoña e'mñ Priscila ñaña Aquila, ñetñapa' anmet ellonet allcha' eñotachet e'ñe ora ñeñt atet pa Yompor ñeñtñaña palltena o'ch eñoch e'ñe poctacma.

²⁷ Allempoñapa' secha Apolos Acayo. Añaña ñeñt ame'ñetsapa' o' yenpuet. Ñetpa' o' quellquét carta añecop ñeñt ame'ñetsa all Acayo attoch ñetpa' o'ch agapet Apolos e'ñe cohuen. Allempoña o' chap all Acayopa' nanac yenpan ñeñt ame'ñenaya cohuen ñoñets all.

²⁸ O' eñotatanet po'ño'ch Jesúsapa' ñeñtcha'yeña Cristoterrets ñeñt atarr cohuenet ahuatoteñ. Yompor po'ño'ñoñ ñeñt aquellcare't ahuatoteñ o' gatyesanet atto Jesús o' etsotatuan ñeñt aquellcare't ahuatoteñ. Ñeñt allo'tsa'yen allohuen acheñpa' e'ñe po'huamencocma ye'chatanet. Allempoña ama't puesheñarra judionesha'pa' ama errot otenaye' enteto.

19

Allempo çherrerr Pablo Efeso

¹ Allempo Corinto'senmeñ Apolos, Pabloñapa' alla chopeñe'chen aspentarero. Atteña'pa' o' alla çherr Efeso. Allñapa' all entosan allponsheña ñeñt ame'ñetsa. Tarraña ñetpa' allpon eñotenet allpon serrpare'tate't Juanañ.

² Pabloñapa' a'p'to'tan ñeñt ame'ñetsa, atet otanet:

—Sapa' allempoteñ same'ña, ¿ahuo't chorrasaña Parets Puecamquëñ?

Ñetñapa' o' anapuet:

—Yapa' ama ye'mareña ñato' eñallfe' Parets Puecamquëñ.

³ Pabloñapa' alla oterrerr:

—¿Errofenote'ña sapataretta?

Ñetñapa' atet otet:

—Yapa' yame'ñeño' atet otye't Juanañ attotña yapataretta.

⁴ Pabloñapa' alla oterrerr:

—Añoña apaten Juanañ atto o' cotape'cherret ello cohuen Yomporecop allotñapa' o'ch apatarettet attoch ame'neret ñeñtcha' huapatsa chenta'. Añoña ñeñ huapatsa chenta'pa' añepa't Jesús.

⁵ E'muet atetpa' apataretterret pame'ñeño'fet Yepartseshar Jesús.

⁶ Allempoña Pablota' o' a'p'lanet potot. Allempoñapa' ahuepa't chorraret Parets Puecamquëñ. Allempoñapa' o' eñosyaset po'poñ ñoñtso, o' a'potoñet atto eñorana'tanet Yompor.

⁷ Ñeñ eñosysets po'poñ ñoñtsopa' allo'tsen ñato' 'charrasheña puechena epsheña.

⁸ Pablota' nanac serrpare'tate't all Efeso. Pate'tets semana o'ch'cho' be'tosos judionesha' po'prahuo o'ch'cho' serrpare'tatanet atet pena Yompor po'cohuenña ñeñ'atto atarr ayochreshattena ña. Ama mecha'te'te ama't mamesha. O'ch'cho' yechatanet allochñapa' o'ch ame'ñatanet. Atteñapa' o' ma'pña arrorr.

⁹ Tarraña puesheña'tets acheña' nanac atpare'chete't ama ame'nyeto atet serrpare'tatanet Pablo. Patpare'teño'fetpa' ama't all shontena acheñenesha'pa' o' sasare'toñet Jesús pocta'pña. Allempoñapa' ahuer Pablo. Ñeñña ame'ñetsapa' o' coteret. O' ahuanmuet allo'tsen Tiranno pue'scuela. Allña'pa' pate'tets yetpa' añoña Pablota' o'ch'cho' serrpare'tatanet pue'scuelapahuo.

¹⁰ Atteñapa' o' met epa char. Allohuen asio'marnesha' o' e'mare'toñet Yompor po'ñoñ—allohuen judionesha' ama't ñaña allohuen ñeñ'ama judioneshayaye.

¹¹ Yomporpa' nanac ahuamencat pan Pablo. Ñeñ'to'marña nanac ortatanet Yompor po'partsoña ñeñ'ata puentareto.

¹² Atteñapa' añoña acheñenesha'pa' o'ch'cho' anerret ñeñ'es a'p'la'yen Pablo, atet ñerra'm es pañell amapa' pañoshe'm. O'ch'cho' anmet allo'tsen ñeñ'atsna'tets. O'ch 'chapachet allpa' o'ch'cho' correrraña atsnañe'. Ama't po'neñeferetpa' o'ch'cho' quechpa'nerranet.

¹³⁻¹⁴ E'ñe allempopa' allo'tsen puesheña'tets judionesha' ñeñ'achyo'tañesha' ñeñ'chocma chopeñe'chets erracmañen. Ñehua, ñetpa' añ puechemereshanet ñeñ'puesheñarr judionesha' ñeñ'tara ñeñ'cornesha' nanac amcha'taret añ pa'so'cheñ Esceva. Allo'tsen cancherrsheña puechemerasha'. Ñetpa'cho'ña o' topachet ahuo'ch quechpatachet ñamet acheñenesha' po'neñefer e'ñe pa'so'chño Yepartseshar Jesús. Ahuo'ch pet atet pena Pablo. Puesheñarrña ñeñ'chorrena oneñe'pa' otoñet po'neñefer:

—Napa' o'ch nota'p, e'ñe pa'so'chño Jesús ñeñ' serrpare'ten Pablo o'ch pequechpa'ner añ acheñer.

¹⁵ Allempoña atet ochet oneñe'pa' ahuepa'tcha' eñoraña, oneñe'pa' atet ot: —Jesúspa' neñoteññañ po'huamenc, Pablota'cho'ña neñoteññañ atet po'huamenc echen. Tarraña sapa' eseshasuñaca'ye. Ama neñotennaso sehuamenc.

16 Allempoña acheñ ñeñt chorrena oneñeïpa' omachana'tanet, orrotet parro epuet achyo'tañnesha'. Oneñeïpa' nanac atserrpatse'tanet allohuenet. Muelle'ncot atserrpatse'tuanet o' matra'tuet pocollot.

17 Añña allohuen efeso'marnesha'pa' o' e'mare'chet atet o' pet—allohuen judionesha' ñaña ñeñt ama judioneshayaye. Atarr yore'tanet. Allempoñapa' amcha'na'tpo' enteñet Yepartseshar Jesús.

18 Shonte' acheñ ñeñt ame'ñetsset allempoñapa' huapyeset, o' a'meta'yesoset atto achyo'tyesete't.

19 Patantarrpa' o' huapatyeset po'libro ñeñt allo eñotet achyo'tatset. E'ñe all shontena acheñnesha' o' chama'tuet po'libro. Allempoñapa' o' somuerret errponte' tsa'tena allpon libropa' o' sala amnaroch çharra' mil poçllayoret. Ñeñt allpon tsa'tena allohuen libro.

20 Ñeñto'marña atarr amcha'na'tpo' entoñet Yompor po'ñoñ. Atarr ame'ñet.

21 Allempoña e'ñe Yompor Puecamquëñoïpa' o' secherrerr Pablo o'ch ahurrerr Macedonio ñaña Acayo, allotña o'ch asuanerrpa' o'ch ahurr ñaña Jerusaléño. Allotñapa' atet ot Pablo:

—Te'pa' aña paltetsa o'ch ahuen ñaña Romo.

22 O' mueñan epsheña acheñ ñeñt yenpuene' ñeñtcha' ñanom tatsa Macedonio. Añña ñeñt epsheñapa' añ pa'so'cheñ Timoteo ñaña Erasto. Pabloñapa' o' a'pohuerra allponmat Asio.

Allempo nanac ama'toçhtena acheñnesha' all Efeso

23 Allempopa' o' atsrre'ma puesheña'tets acheñ. Añ atsrre'matahuet atto' pena ñeñt ame'ñetsa.

24 Allo'tsen puesheñarr añ pa'so'cheñ Demetrio ñeñt ñanom e'moñe'te' ñeñt ame'ñetsa. Ñapa' añ po'taruas pen o'ch yeçcatyesan pocollatollesha' añ toma'ntatena pocoll ñeñt allecma muechatse'tenet ñeñt po'yachorer penet ñeñt otenet yachor Diana. Añ pocollatollesha'pa' arroto' ayechcataretta asertalloç. Shonte' acheñ ñeñtara po'taruas penet, Demetrio ña apahuete't po'taruas atet. Shonte' quelle ganete't po'taruasot.

25 Atteñapa' Demetriopa' o' apçhatuan allohuen pa'taruasañer ñaña po'psheñeçhno, ñetpa'çho'ña ñeñtara po'taruas penet. Apçhatuanetpa' atet otanet:

—Masheñneshacha' sapa' señoteñ añ yetaruas ñeñtapa' alloch yegana shonte' quelle.

26 Te'pa' señoteñ ñaña añ ñeñt otenet Pablopa' ahuo't otuan acheñnesha' añ ñeñt yeyoser ñeñt yeyeçcaten yapa' ñapa' oten amo' Partsoyaye. Ñapa' o' cotape'chatuan shonte' acheñnesha', te'pa' shonte' o' ame'ñatua. Ñetpa' o' huapore'tuerret shonte' ñeñt yapuenanet ñeñtcha' ma'yochet. Sapa' o' sentue atet penet arr Efeso ñaña o' se'mare'ch atet pa'yenet ora erraparen Asio'mar.

27 Alla oterraneterr Demetrio:

—Ñeñto'mar te'pa' o'ch notas, ñato' o'ch huañerr yetaruas alloch yeganerra quelle. Tarraña ñeñtapa' ama pocteyaye. Ñato' ellopa' o'ch a'ypo'ña'hueret ñaña yachor Diana ñeñt puerahuo'tsen. Ñato' allempopa' ama't yachor Dianapa' o' huañcha' amcha'na'tpo' eñchet, ama't ñaña ora allohuen asio'marnesha' ñeñt po'yachorer pene'.

28 Ñeñta e'm allohuen acheñnesha'pa' nanac atsrre'matanet. Pa'tsrre'mueñoçetpa' o' rranare'tyeset, alla oterrete't:

—¡Paretsña'cho' yachor Diana!

²⁹ Shonte' acheñ nanac ama'to'chtenet allohuenet. O' rromuet Gayo ña'ña Aristarco ñeñt macedonio'marnesha' ñeñt parro chopeñe'chen Pablo. O' matrra'tet allo'tsen pocoll atarrpo' allecma ap'chena acheñenesha'.

³⁰ Pabloña'pa' mueneñeñ o'ch be'tos ña'ña all ama'to'chtenetpa' tarraña añaña ñeñt ame'ñetsapa' ama muenacheto.

³¹ Ña'ña puesheña'tets ñeñt am'cha'taretetsa all Asio ñeñt muerenaya Pablopa' o' mueñoñet ñoñets attoch amach tatsto all ap'chenet te't muetseñet.

³² Allña ap'chenetpa' atta rranare'tyenet. Puesheña'tetspa' atet otye-set atet cotape'chyenet ñet, po'potantañña'pa' atet otyeset po'poñ ñeñt atet cotape'chyenet ñamet. Allohuenet ama't ama eñotueñeto esocopte'ña ap'chenet, tarraña ataña nanac ama'to'chtenet.

³³ Puesheña'tets judionesha' o' cheta'nmet Alejandro o' huapachet attoch eñosachet. Ñaña'pa' o' echantosan pot attoch o'ch muetsoñeñtet añecop attoch o'ch a'pocatan ñoñets judioneshacop.

³⁴ Tarraña allempo acheñenesha' ñeñt ama judioneshayaye o' eñchet Alejandro ñapa' judionesha' ñeñña'pa' alla rranare'terret. Atarr tematen rranarnet. O'ch'cho' alla otterret allohuenet parro:

—¡Paretsña'cho' yachor Diana! ¡Paretsña'cho' yachor Diana!

³⁵ Allempoña'pa' puesheñarr am'cha'taret ñeñt taruaset gobiernocoppa' o' emma'huanet, atet otanet:

—Masheñeshacha', o'ch notas ñeñtes ye'chetsa arr Efeso. Ama't allohuen acheñenesha' erraparen e'ñe eñotueñet efeso'marneshaypa' yapa' ñeñtey cohuantpene' yachor Diana ñeñt puerahuo'tsen, ñeñtara yachor Diana ñeñt nanac Parets, ñeñt sohuatsa entot.

³⁶ Ñeñtpa' yeñotueñt allohueney acheñey. Amate' errotentot yoto ama atteyaye. Ñeño'marña e'ñe pocte' o'ch semtsoñeñta. Amachña 'cha sama'to'chtatsto.

³⁷ O' alla oterraneterr am'cha'taret, atet otanet:

—Secua' ahuo't sehuapach arr añ epsheña acheñ. Tarraña ñetpa' ama es yoreneto yachor po'prahuot ña'ña ama achm'are'teñeto yachor.

³⁸ Ñeño'marña te'pa' o'ch notas, ñerra'm mueneñ Demetrio ña'ña pa'taruasañe'chno o'ch otteñe'chatanetpa' te'pa' e'ñe pocte' temantanetepa'. Tarro'mar te'pa' atoraret allcha' a'pocatatet ñoñets. Ñeñt'cha' a'pocotate' ñoñetspa' allo'tsena.

³⁹ Tarraña ñerra'm este' semnen o'ch sa'pocatat po'poñpa' ñeñtpa' añ pocte' o'ch sa'poctach allecma ap'chena ñeñt nanac am'cha'tarete'chno.

⁴⁰ Ñato' temanta'yey ya tarro'mar yapa' e'ñe attota yama'to'chtena.

⁴¹ Ñeñta otuanetpa' o' mueñhuerranet. Allempoña'pa' ahuanomhuerrret.

20

Allempo cherrerr Pablo alla Macedonio

¹ Allempoña o' muetsoñeñtuerret Pabloña'pa' agotatuan ñeñt ame'ñetsa. O' cotape'chatnenanet e'ñe cohuen. Allempoña e'ñe pueomorrenteñoñanet e'ñe cohuen so'tuanenatetpa' o' ahuen, o'ch ahuer Macedonio.

²⁻³ All oñerr Macedonio'marpa' nanac serrpare'tatnerranet Yompor po'ñoñ. Atteña'pa' o' cherr Grecio ñeñtara all oteñet Acayo. Allpa' alla a'pohuerra ma'pña arorr. Autsaño' tam'psatsañ ña'ña Sirio botopa'tarraña

o' e'mare'ch allpa' čha o'pateña judionesha' o'ch rromapet. Ñeñt'o'marña alla secherra Macedonio (tarro'mar allpa' patso'marach chope'chnerr).

4 Allempoña ahuerri Macedoniopa' allpon acheñ o' coteret. Ñeñtpa' ñeñtara añečno: Sópater ñeñt bereo'marnesha', allotpa' ñaña Aristarco ñaña Segundo ñeñt tesalónico'marnesha', allotpa' ñaña Gayo ñeñt derbo'marnesha', allotpa' ñaña Timoteo, ñaña allo'tsen Tíquico ñaña Trófimo ñeñt asio'marnesha'. Allpon acheñ coterre'.

5-6 Arr čhačha'tet Filiposo. Allempoña ñetpa' ahuanmuet o'ch otet, archa' cohuosyet Troaso. Yapa' allá ya'pa Filiposo epan Pablo allponmat.* Allempoña o' huañ allempo coshenet allempo rrenet pan ñeñt ama achasareteyaye allempoñapa' o' yahuanma yaña. Allempo ahuanpsey botopa' pa'mnarmatñoñapa' o' yečhap yaña Troaso. Allñapa' allo'tsa'yen ñeñt otatsa ahuaña. Allñapa' alla ya'posa cančherrmat.

Allempo Pablopa' emo'tnom anetso Troaso

7 Allempoña čhap allempo motta'muena yeñtats temenčpa' yapčha allohueney ñeñtey ame'ñetsa. Yeyerpueñoť Yepartseshar Jesúsapa' o' yerra' pan ñeñt ashota'taret ñeñt atet anaret Yomporecop. Allempoña Pablopa' nanac serrpare'tatanet. Ñapa' otanet:

—O'ch ahuenen tsapať.

Ñeñt'o'marña ama't o' rroth tsapuenpa' alla serrpare'tatenanet.

8 Allña yapčhena pocollo enopa' nanac a'yohuen bať. Allpa' shonte' lampareñ ñeñt corra'yetsa.

9 Allñapa' allo'tsen puešheñarr huepuesha' añ pa'so'cheñ Eutico. Ñañaapa' alla anen ventanoť. Atto nanac serrpare'ten Pablopa' Euticoñapa' ahuo't alla ma' anatoť. Ahuo't alla ma'pa' machayoťa shora'nom patso. Ma'pa piso allot shora'nom. Allempoña echantoseťpa' o' rroma.

10 Allempoña sohuerra ñaña Pablo. O' huapa o' mo'capa' a'čhono'tos allempoñapa' otanet:

—Amach selcatsto, Yomporpa' o'ch alla tantater.

11-12 Añña huepuesha'ña ñeñt o' shora'nemuapa' o' alla aneret e'ñe huomech. Allempoña allohuenetpa' atarrepata'čha' coshet. Allempoñapa' o' alla a'terr Pablo. Allñapa' o' rrallme'chet. O'ña rrallme'chuetpa' o'huañ tematen all serrpare'tatannenet. Atteñapa' o' puetarespenet. O'ña puetaresuenpa' o' ahuen Pablo.

Allempo ahuanerret Troasot arr čhačha'tet anetso Mileto

13 Allempoña yapa' o' yahuanma o'ch yota o'ch yerrma' añecmuen noñt ñeñt otenet bote o'ch ahuanpsey Asóno allcha' yecuos Pablo. Tarro'mar otey Pablopa' ñapa' arro'ch oñom patso'mar o'ch čhap Asóno. Allotñapa' o'ch a'tap ñaña boto, tarro'mar atet o' ya'pocata epay Pablo ahuañacma.

14 Atteñapa' o' yečhap Asóno. Allñapa' all yentanna'ta epay Pablo. Allotñapa' a'tap ñaña boto, allotñapa' ahuanpsey parro. Atteñapa' o' yečhap Mitileneo.

15 Mitileneotñapa' o' alla ahuanperryerr boto. Tsapatñapa' a'yo'mara yoñem Quío. Allotña tsapatenerppa' alla yetsotosa Samso. Yemtererr Samso'tpa' alla yamesuerrerr Trogilio. Allotña tsapatenerppa' alla yetsouerrerr Mileto.

* 20:5-6 Lucas ñeñt quellquè' añ ñoñets ñapa' cota'nman ñaña Pablo.

16 Allñapa' ot Pablo amach yetatsto Efeso tarro'mar ñapa' ama mueno o'ch alla yatoma'tare'tnom Asio'mar. Ñapa' aña mueneñ o'ch ye'chap tecma Jerusaléño añecop o'ch yentapreterra' Pentecostepo.

Allempo e'ñe ñeñtshaña serrpare'tatnerranet Pablo Efeso

17 Ñeñto'marña allempo Mileto'tseneypa' Pabloñapa' agotatan ñeñt pomornesha' pen ñeñt ame'ñetsa Efeso, onetepa' Mileto all o' ye'chap ya.

18 Allempoña o' hua'cha'tet Pabloñapa' o' serrpare'tatanet, atet otanet:

—Sapa' señotenen atet o' ne'pohuanma sesho, ama't ahuatoteñ allempo ñanom ne'chap Asio all sey'chena.

19 Sapa' señotenen añecop netorrena Yomporecop ama añecpaye' netorreno attoch acheñenesha'pa' o'ch entenen e'ñe cohuen ñeñt e'ñe orrena. Napa' ama't neya'chpeñesha' netorrena Yomporecop tarraña judionesha'pa' nanac o'patnnet. Ama't pa'namen nehuapoya e'ñe nemuero'chteño'pa' 'hocma netorrena Yomporecop.

20 Señotenen ñaña napa' o' neserrpare'tatuas ora allohuen ñeñt potetsa socop. Ama es na' nasotam'psaso ama't coñe'ta. Napa' o' ney'chatuas allohuenes parro allempo sap'chena ñaña o' ney'chatyesnomues e'ñe sepa'cillo'mar.

21 O' neserrpare'tatuas añ pocte' o'ch soctape'cherr ello cohuen Yomporecop ñaña añ pocte' o'ch same'ñera Yepartseshar Jesucristo. Ñeñpa' atet o' notuas allohuenes ñeñtes judioneshas ñaña ama't ñeñtes griegoneshas.

22 Te'pa' o'ch ahuerren Jerusaléño, tarro'mar o' sechaterren Yompor Puecamquëñ. Tarraña o'ch ne'cherr Jerusaléño'pa' ama neñoteña' ñeñt'cha' allohuen nehuapoya all.

23 Aña neñoten o' eñotaten Parets Puecamquëñ ñeñt'cha' atet pa'net o'ch yottam'pesnetpa' o'ch muero'chtatnet. Ora allpon anetso attec'mach pa'net.

24 Tarraña ama't atetpa' napa' ama neñt'cha'teno. Ama't'cha' nerromapa' pocte' nenteñ o'ch nerroma. Te'pa' añ palltetsa o'ch ne'nua netaruas. O'ch netsotatuon ora allohuen ñeñt atet llesensa'n Yepartseshar Jesús. Ñeñt atet llesensa'n Yepartseshar Jesús'pa' ñeñt'pa' attoch neserrpare'tach acheñenesha' ñeñt cohuen ñoñets atto Yompor pomuereño'pa' a'queshpaterrey'cha'.

25 O' alla oterraneterr Pablo:

—Te'pa' neñoteñ sapa' amach senterrno po'pocheño, ama't allohuenes allo' nechopeñe'chuanom serrpare'tnomue' Yompor po'cohuenña. Aña neñoten amach senterrno.

26 Ñeñto'marña te'pa' o'ch neñotatas ñerra'm eseshas chenquërrtsapa' tarraña napa' ama es na'chencatam'psase'te tarro'mar napa' 'hocma neserrpare'tatase't attoch amach sechenquërrro.

27 O' neserrpare'tatuas ora allohuen atet cotape'chateney Yompor. Ama es na' nasotam'psaso ama't coñe'ta.

28 Allempoñapa' alla oterraneterr ñeñt pomornesha' penet:

—Te'pa' seño'ta'tach. Te'pa' añ pocte' o'ch secuan'peñ cohuen allohuen ñeñt ame'ñenaya Yompor. Atet'cha' se'pa atet ñerra'm ñeñt cohuan'pene' po'carrneror. Sapa'cho'ña atet'cha' se'pa sam'a o'ch secuan'peñ ñeñt ame'ñetsa. Ñeñt'cha' setaruas se'pa atet llesensenes Parets Puecamquëño't. Tarro'mar Yepartseshar Jesús'pa' o' rroma ñocpuet ñamet.

29 Napa' neñoteñ allempoch ama allo'tsennopa' o'ch huaponasa ñeñt'cha' seshquë', ñapa' mueneñ'cha' o'ch a'psatas Yompor po'ñoñ. Atet'cha' huapuet atet ñerra'm ma'yarrpa' ñerra'm huapapa' o'ch a'chencatuan allohuen carnero.

³⁰ Ama't e'ñe sagattsapa' orrtetcha' ñeñcha' seshquë', ñeñt ama Yomporeyaye po'ñoñpa' ñeñtpa' serrpare'tatasetcha'. Tarro'mar ñetpa' mueneñetcha' o'ch ame'ñatuaaset e'ñe ñet poctapña.

³¹ O' alla oterraneterr Pablo:

—Te'pa' seño'tach. Chocmach seyerpa'na tarro'mar sapa' seño'teñ o' ma'pa char'chocma noctape'chatas cohuen—ama't yeto, ama't ñaña tsapo. Ama't neya'chpeñesha' chocma noctape'chatase't.

³² Te' Yomporpa' cohuañpsasepa'ch. Yomporepa'chña po'ñoñ seño'tate' pueuereña. Yomporepa'chña po'ñoñ sey'chate' attoch huomenc sepa' seyo'cher. Yomporepa'chña po'ñoñ sa'queshpaterre' atet ñerra'm ñeñt allohuen ñeñt pame'ñeñofet o' a'cohuentatuaretterret.

³³ Ñaña napa' ama neye'chapreto po'psheñeñ po'çllayor, amapa' pa'shtam ama neye'chapreto.

³⁴ Sapa' seño'tenen ñeñt allpon nepalltenapa' e'ñe notot netaruasa' atto nechen ñeñt nepallta'yena. Ñaña e'ñe na netaruasotpa' es napa'yen ñaña ñeñt noctene'.

³⁵ E'ñe na netaruasotpa' chocma neñotatenes ñeñt poctetsa o'ch yetaruasa' attoch es yechyes alloch yeyenpue' ñaña po'psheñeñ ñeñt es palltetsa. Añ pocte' o'ch yeyerpueña atet otye't Yepartseshar Jesús. Ñapa' atet ote't: “Nanac yocshena ñerra'm esempo es yapa'yen po'psheñeñ'chno, añña ama tama yocsheno ñerra'm esempo po'psheñeñpa' o'ch es apueney ya.”

³⁶ Ñeñfa otuapa' o' concorpa o' ma'yochatnenanet.

³⁷ Añña acheñenesha'pa' pomorrenteñofet Pablopa' o' yahuanrrortet. A'chono'chetpa' o' tso'tstsapa'chet.

³⁸ Atarr lequët nanac. Atet o' otanet Pablo ñeñña nanac llecatahuet tarro'mar ñapa' otanet “amach senterrno arr patsro.” Allempoñapa' o' cota'neñet Pablo arrohua allo'tsen bote.

21

Allempo o'ch alla cherrerr Pablo Jerusaléño

¹ Allempoña o' yesa'nenanetpa' o' ahuañperryerr boto. Allotñapa' pacharra yepe'pa' o' ye'chap Coso. Tsapatñapa' arr ye'chap Rodaso. Allotñapa' arr yetsotosa Pátaro.

² Pátaroñapa' o' yentos po'poñ bote ñeñcha' tatsa Fenicio. Yañapa' o'cho' ya'tapos allotñapa' ahuañperryerr boto.

³ Allempoña yetamñena sa'popa' yentnom coñe't pats ñeñt pa'so'cheñ Chipre, e'ñe arrot yentnom ye'chcoterot. Atteñapa' o'cho' yemtamñes boto, arr yesechena Sirio. Allempoñapa' arr yetsotosa all oteñet Tiro, tarro'mar allpa' o'ch a'suatatsre'tet botot.

⁴ Yañapa' o' yesua attoch yentnom ñeñt ame'ñetsa all. Allñapa' alla ya'posa cancherrmat. Ñeñña ame'ñetsa allpa', ñetñapa' ochet Pablo:

—Amach petatsto Jerusaléño.

Tarro'mar Parets Puecanquëñpa' ahuo't eñotatanet atetcha' pet Pablo all Jerusaléño.

⁵ Tarraña allempoña o' met cancherrmatpa' o' alla yahuanerrerr. Allempoña allohuen yacmanesha'pa' cota'nemyet pueblot a'yenet, ñaña puetaporeshohuenet ñaña puechemerneshet. Allñapa' all yeconcorposa ontapopa' o' yema'yochosa all.

⁶ Allempoña o' yema'yochuapa' o' yeso'tenanet. Allempoña yapa' o' ya'tenerr boto, ñetñapa' o' ahuanerret pa'paclo.

⁷ Allempoña o' yener Tirotpa' arr yetsotuenerr Tolemaido. Allñapa' all yehuomcha'tnom ñeñt ame'ñetsa. Allñapa' all yepatrranom yet.

⁸ Tsapatñapa' o' yahuanenerr, allempoñapa' arr yeçhap Cesareo. Allñapa' o' yebe'tosos Felipe pa'paclo, allpa' allcha' yommosa. Añ Felipepa' ñeñt serrpare'tene' cohuen ñoñets. Ñaña ñeñfara Felipe ñeñt net ahuaña ñach epatyesahuet rreñets epuet po'psheññeçhno pechapshaña.

⁹ Añ ñeñfara Felipepa' echenan pa'tatssheña po'sñesha'. Ñetpa' ama arrol-lareteto. Ñetñapa' nanac a'poteññañet ñamet Yompor po'ñoñ.

¹⁰ Allempoña ya'llponmatos allpa' o' huapa ñeñt a'mtene' Yompor po'ñoñ añ pa'so'cheñ Agabo. Ñapa' Judeot huapa.

¹¹ Allempo huapapa' o' pueyosan Pablo po'chanar. Añña chanaretspa' Agabo ñañeña huancatatsa e'ñe potot ñaña pa'tcot. O' huanca'huapa' atet otan Pablo:

—Ñeñtpa' atet oten Parets Puecamquëñ, ñeñtep echene' añ chanaretspa' judionesha' ñeñt Jerusaléno'tsa'yenpa' atetcha' huancapet atet nehuanca te' nañeña. Ehuancaretcha' o'ch pomapet allo'tsen acheñenesha' ñeñt ama judioneshayayeto.

¹² Ñeñña atet ye'mpa' yotare'ch Pablo:

—Amach petatsterro Jerusaléno.

Ñaña ñeñt acheñenesha' ñeñt allo'tsa'yenpa' atet otare'chet Pablo ñamet.

¹³ Allempoña Pablopa' otanet:

—Eso'mare'tña nanac seyahuena, te'pa' o'ch sellcaten. Napa' e'ñe pocte' nenteñ huanca'netepa'. Ñaña e'ñe pocte' nenteñ nerromuepa' Jerusaléno, attoch nerroma e'ñe neserrpare'teñoi Yepartseshar Jesús po'ñoñ.

¹⁴ Pabloñapa' ama e'ññoty. Allempoña ama errot yepepa' o'huañ errot yoch, aña yoter:

—Ñehua, ñerra'm atette' muenen Yomporpa' ama'tpa' attepa'ch.

¹⁵ Allempoñapa' o' yañño'tatsre'tena. Allempoña o' yañño'tatsre'tuapa' yahuanenerr Jerusaléno.

¹⁶ Añña puesheña'tets cesareo'marnesha' ñeñt ame'ñetsapa' allenta cota'nenyet, arr nehuerryeta' all yeçhena Mnasón ñeñfara ñeñt chipro'marnesha'. Ñañapa' ahuatoteñ ame'ña hua. Pa'pacloñapa' all ya'posa.

Allempo Pablopa' emo'tuerr Jacobo ñeñt Jesús pa'mo'nasheñ

¹⁷ Allempoña o' yeçherr Jerusaléno'pa' añña ñeñt ame'ñetsa allpa' e'ñe pocsheñesha' agapyet.

¹⁸ Tsapatña puetarenpa' yahuanma parrocm Pablo o'ch yenteña' Jacobo. Añña allohuen ñeñt pompornesha' pen acheñenesha' ñetpa'cho'ña alla yentosanet, allo'tsa'yenet ñamet.

¹⁹ Pabloñapa' o' huomcha'tosanet allohuenet. Huomcha'tuanetpa' allempoñapa' serrpare'tatuerranet e'ñe ora allpon Yompor po'huamencot o' etsotoñ e'ñe ñocop. Serrpare'tatuerranet atto acheñenesha' ama't ñeñt ama judioneshayayetopa' o' ame'ñatuanet ñamet.

²⁰ Ñeñña e'mhuetpa' nanac aye'choçhtatoñet Yompor. Tarraña allempoñapa' atet ochet:

—Tarraña masheñe, ahuo't peñoçh te'pa' shonte' mil judionesha' o' ame'ñenet ñamet. Ñetpa' e'ñe huomenco otenet añ palltetsa allohueney ñeñtey judioneshay o'ch yepohua atet otye't Moisés.

21 Ñetpa' o' e'mare'tonapet peñoñ añe'no' pey'chaten judionesha' ñeññ ye'cha'yetsa po'poñ anetso all ye'cha'yena ñeññ ama judioneshayaye atfo año' pocte' o'ch puesuerret Moisés po'ñoñ. Ñaña o' e'mare'tapet ahuo' potuanet amach tsorratsteto puechemeretollesha', ñaña amo'ch patsteto atet yey'chena ahuatoteñ.

22 Allempoñapa' alla otereterr Pablo:

—Ñehua, te'pa' ¿errofe'tcha'ña yepaña te' tarro'mar po'ño'chpa' o'ch e'mare'tapet o' pe'cherr arr?

23 Ñehua, te'pa' o'ch pe'mñotey o'ch yotañ ñeñtcha' atet pe'pa. Ñehua, arrpa' arro'tsen pa'tatssheña ñeññ netset ñetañeña ñeñtcha' atet pet Yomporecop, ñeññ atet yey'chena ya ñeññey judioneshay.

24 Te'pa' aña pocte' ñeñtcha' atet pe'pa. O'ch panemñ añ pa'tatssheña e'ñe epaspa' o'ch sa'cohuentatena' ñeññ atet anaret Yomporecop ñeññ atet yey'chena ya ñeññey judioneshay. Ñaña añ pa'tatssheñapa' o'ch petsa'tanet attoch shopena'tatet, ñaña ora ñeññ palltetsapa' o'ch petsa'tanet. Allochñapa' allohuen judionesha' o'ch eñochet po'ño'chpa' ama atteyaye ñeññ atet e'mare'tet pocop, tarro'mar allempopa' o'ch eñotapet papa'cho'ña o' pe'pohua ñeññ atet otene'y Moisés po'ñoñot.

25 Tarraña añecop ñeññ ama judioneshayaye ñeññ o' ame'ñapa' yapa' o' yemñanet carta, o' yotuanet cartoñ ñeññ pocte' yenten ñocpuet ñeñtcha' atet pet. Ñeñt'pa' añe'chno: Amach rratsteto po'chets ñeññ muetsenet aye'chcataretocop ñeññ po'yomporer penet. Ñaña o' yotuanet amach rratsteto es po'r'ras, ñaña amach rratsteto ñeññ muetsenet ñeññ atta a'panaret. Ñaña o' yotuanet amach chetapretatsteto taporets. Ñeñña yot Janet yecartot.

Allempo rromapueret Pablo all Parets pa'paclo

26 Allempoña Pablopa' o' anman añ pa'tatssheña. Tsapañña o' a'cohuentatet e'ñe parro, ñeññ atet ye'chena judionesha'. Allempoñapa' ahuanmuet Parets pa'paclo o'ch eñotatenaneta' esempoch o'ch met allponmat e'ñe allempoch o'ch a'cohuentatuet. Allempochña Pablopa' o'ch muetsatanet Partsocop carrnero puesheña'tsocmuet, ñeñt'pa' atet pena judionesha' Yomporecop.

27 Tarraña o' taya chapmoch cantherrmat allempoch o'ch a'cohuentatuetpa' añña judionesha' ñeññ huetsa Asiotpa' o' eñchet Pablo all Parets pa'paclo. Ñetñapa' o' atsrre'matachet acheñenesha' attoch o'ch e'moñe'chet Pablo. Allempoñapa' o'ch rromuet Pablo.

28 Pa'tsrre'mueño'fetpa' o' rranare'tyeset, otyeset:

—Masheñnesha judioneshacha' o'ch seyepa'y. Te'pa' o' yenter añ acheñ ñeññ ye'moñe'tene' ñeññey judioneshay ñeññara ñeññ o' puesuerran Moisés po'ñoñ ñaña ñeññ o' a'sosyatuan Parets pa'paquëll. Te'pa' o' erracmañen atet o' ye'chatyesuan acheñenesha'. Elloña te'pa' o' abe'tatan ñaña acheñ ñeññ ama judioneshayaye arr Parets pa'paclo. Allochñapa' ahuo'ch a'sosyatuan Parets pa'paquëll.

29 Tarro'mar atet otet o' eñchet Pablo epuet Tróximo all chopeñe'chen epuet Jerusaléño. Tróximo ñeñt'pa' efeso'marnesha', ama judioneshayaye. Ñetpa' cho' otenapuetañ ñato' Pablopa' o'te' abe'tatan Tróximo all Parets pa'paclo ñeññ ama pocteye' enteno judionesha'.

³⁰ Allempoñapa' allohuen acheñenesha'pa' o' atsrre'muetpa' matrra'tet allo'tsen Pablo o' rromuetpa' o' cheta'nmet a'yenet Parets pa'pacllot. Al-lorocma yotetuet Parets pa'paclo.

³¹ O' muetsamochet Pablopa' añña ñeñt solltarnesha' pa'mñcha'tareterpa' o' e'manet atet nanac ama'tochtena allohuen acheñenesha' all Jerusaléno.

³² Ñañaapa' o' anman allpon solltarnesha' ñaña allpon capitánnesha'pa' o' matrra'tet allo'tsa'yen acheñenesha'. Allempoña acheñenesha'pa' o' entapan solltarnesha' epuet pa'mñcha'tareterpa' o'huañ čhota'chet Pablo.

³³ Allempoña čhap amñcha'taretpa' o' rromatan Pablopa' o' huanquët epa cadeno. Allempoñapa' a'p'to'tanet:

—¿Eso'tña pa'so'cheñ añ acheñer?

Ñaña o' a'p'to'tanet:

—¿Esfe'ña o' p'ohua ña?

³⁴ O' anapyeset po'poñe'ttsocma. Puesheña'tets acheñpa' otyeset atet cotape'chet ñet, po'potantañña'pa' atet otet po'poñ ñeñt atet cotape'chenet ñamet. Nanac ama'tochtenet ñeñto'marña ama eñocheto e'ñe po'ñočh ñeñt atet o' p'ohua Pablo. Ñeñto'marña amñcha'taretpa' anmatan Pablo pocollo all shontena solltarnesha'.

³⁵ Allempoña o' čhapuet allot a'tenet pocollopa' añña solltarnesha'pa' o' enatnomet Pablo eno, tarro'mar taye'to' acheñenesha' pa'tsrre'mueño'pa' muetseñet.

³⁶ Tarro'mar acheñenesha'pa' o' cota'huanmet. Puerranare'teño' otyesno-muet:

—¡Semtseñaca'ye!

Allempo Pablopa' e'ñe cohuen eños ñocop allo'tsa'yen ñeñt e'moñe'tene'

³⁷ A'tapachet pocollopa' Pabloñapa' otosan solltarnesha' pa'mñcha'tareter, eños griegačho, ot:

—Te' napa' nemneñ o'ch notap' paterr ñoñets.

Amñcha'tareñña' och:

—¿Po'ñoča't pe'muen griegačh?

³⁸ Alla otererr amñcha'taret:

—Papa' ¿ama't añeyaype egipto'marnesha' ñeñt atsrre'mate' ahuaña acheñenesha' atto ñetpa' atpare'chet gobierno', ñeñfara ñeñt ahuanmue' pa'tatsoch mil amtsañnesha' a'yo amarato?

³⁹ Pabloñapa' alla otererr:

—Napa' amaca'ye ñeñteyayno, napa' judioneshan ñeñten tarso'marneshan, ñeñfara anets nanac atarr ñeñt allara Cilicia. Napa' o'ch notare'tap' attoch pemnaten o'ch neños acheñenesha'cop.

⁴⁰ Allempoñapa' o' muenatan Pablo o'ch eños. Pabloñapa' alla tomos allotecma a'tenetpa' echantosan pot attoch muetsoñeñtua acheñenesha'. Allempoña o' muetsoñeñtuetpa' Pabloñapa' o' eños hebreačho, atet otanet:

22

¹—Masheñneshacha' ñaña nomporneshacha', o'ch se'mñnoten ñeñt'cha' atet neños e'ñe nocop.

² Allempoña e'mhuet atto o' serrpare'tatanet e'ñe ñet po'ñoñetopa', allempoñapa' o' e'ñe muetsoñeñtuet poctacma. Pabloñapa' alla oterranetter:

³—Napa' judioneshan, arr ne'ñalleta Tarso e'ñe alla Cilicia. Tarraña arrña e'ñe eñotñan Jerusaléno. Ñeñt neyčhate' napa' ñeñt'pa' Gamaliel. E'ñe ña pueyčhateño'fempa' netsotuoñ e'ñe poctacma ñeñt Moisés po'ñoñ ñeñt atet

anaret ñeñfcha' atet ña yatañneshañ. Nanac nema'yochra ñeñf Yomporecop ñeñf atet sepena te' sa.

⁴Napa'cho'ña ahuañmo'chapa' nanac nemuerochtache't ñeñf cotene' Jesús poctañoña. Napa' o'ch nerrmanatanet, allotña'pa' o'chcho' nehuancatanet, ñaña o'chcho' nabe'tatanet ñaña cárcelo. Ñaña nemtsatatu'e't—yacmanesha' ama't ñaña coyanesha'chno.

⁵Ama't cornesha' ñeñf nanac am'cha'taretpa' eñotuane't ñeñf atet nepe't. Ñaña allohuen ñeñf pompornesha' penetpa' e'ñe eñotuennet ñamet ñeñf atet nepe't. Ñet allempopa' ahuo't apnet orden ñeñfcha' napueña' yamo'ts judionesha' ñeñf Damasco'tsa'yen. Añ orden ñeñfpa' alloch mueñanet attoch o'ch nerrmanatue ñeñf ame'ñaye't Jesús. Ehuancaretetpa' o'ch nahuanmanet Jerusaléño allcha' yecoñchatuanet.

Allempo Pablopa' serrpare'tatanet atto ello cotape'cherran cohuen Yomporecop

(Hch. 9.1-19; 26.12-18)

⁶'Atteñapa' o'cho' ahuen Damasco. Allempoña ne'chapmoch Damascopa' allempo o' ch'apmoch pocto. Ñeñfña nanac poptetsa ento'tpa' machayotepa'tcha' choyo'tam'psapuen.

⁷Allempoña choyo'tam'psen e'ñe neshopa' nañapa' alla nerrmopra patso. Allempoña ne'chap patsopa' ne'm ñoñets ñeñf atet oten: “¿Eso'mare't Saule, pemuerochtatennañña ñeñf name'ñenaya?”

⁸Nañapa' o' not: “¿Eshape't Ayochreshate eñets?” Ñeñf eñetspa' alla oterrnerr: “Napa' ñeñfen Jesús en ñeñfen nazareto'marneshan, narramche'ña atarr pemuerochtaten.”

⁹Ñeñfña allo'tsenen e'ñe parropa' ñetpa'cho'ña entetca'yeña ñeñf ne'choyo'te' ñeñfñapa' cha yore'tanet tarraña ñetñapa' ama eñochetoña ñeñf atet notaretta.

¹⁰Nañapa' o' alla noterrerr: “¿Est'e' Partseshacha' poctetsa ñeñfcha' atet ne'pa?” Partsesha'ña Jesús'pa' alla oterrnerr: “Te'ñapa' o'ch petanta o'ch ahuep Damasco. Allcha'ña otapet allohuen ñeñf anaret ñeñfcha' atet pe'pa.”

¹¹Allempoñapa' o'huañ nenta tarro'mar o' rrechaten ñeñf po'ptetsa ñeñf ne'choyo'tam'pse'. Ñeñfña noctene' ñetñapa' echa'nomnet noto't. Attoña chapatnet Damasco.

¹²⁻¹³'Ye'chap Damascopa' allempoñapa' huapa puesheñarr añ pa'so'cheñ Ananías. Añña Ananías'pa' nanac ame'ñenana ora allohuen ñoñets ñeñf atet anaret yocop ñeñfey judioneshapay ñeñfcha' atet yepa. Añña judionesha' ñeñf ye'cha'yetsa Damascopa' nanac cohuen enteñet Ananías. Ñaña'pa' huapa neshopa' allenta ponmosnapa' otosen: “Te'pa' masheñe Saule pecuérrepa'ch.” Nañapa' allorocmuepa'tcha' necuerr, allempoñapa' neñch Ananías.

¹⁴O' alla oterrnerr Ananías: “Añ Yompor ñeñf Po'yomporer pe't yatañneshañ, ñaca'yeña ña'cerrer'ña ña ama't ahuatoteñ añecop o'ch peñotuerrñañ atet muenen ña. O' muenatap' ñaña o'ch penterrñañ ñaña Puechemer ñeñf e'ñe pocte' es pets. Ñaña o' muenatap' o'ch pe'mñotoñ e'ñe ña po'ñoñ ñeñf atet o' otua'p.

¹⁵Te'pa' ñeñfpa' atet'cha' pe'pa, o'ch ña'potoñ Jesús po'ñoñ erracmañen ñeñf atet o' pentua ñaña ñeñf atet o' pe'mua.

16 Te'pa' añ palltetsa o'ch petanta, e'ñe ðame'ñeñoŵ Yepartseshar Jesús'pa' o'ch ðapataretterra, attochña e'shohuaretterra ðo'chñar." Neñ'pa' allohua atet oten Ananías.

Atto Pablo'pa' e'ñotatanet ñapa' ña serrpare'tatene' ñeññ ama judioneshayaye

17 O' alla oterraneterr Pablo:

—Allempoña o' met allponmatpa' o' nohuerrerr arr Jerusaléño. Parrochña allempo ñema'yochena ðarets pa'paclopa' allña'pa' orrrtona atet ñerra'm cho es ye'chopo'ten.

18 Allempoña o' orrrtona Yepartsesharpa' atet oten: "Tayecma o'ch ahuerre'p arrot Jerusaléñoŵ, tarro'mar arrpa' amach esesha' pe'mñotaye allempoch ða'poton neñoñ."

19 Nañapa' alla notererr: "Partseshacha' ama't atetpa' allohuen acheñenesha'pa' e'ñe eñotuennet atet o' nepohua. Eñotuennet atto napa' nebe'tose't judionesha' po'prahuo atto nenalle'tache't ñeññ ðame'ñenaya, ñaña atto nabe'tatanete't cárcelo.

20 Ama't allempo muetset Estebanañ ñeññ ða'potaye't peñoñ'pa' napa'cho'ña allempopa' e'ñe pocte' neñch muetsetepa'. Napa' allña necuam'psanet pa'shtam ñeññ rolle'te'. All necuapretpa' napa'cho'ña e'ñe pocte' neñch attepa'ña pet."

21 O' alla oterrnerr Yepartseshar: "Ama't atetpa' te'pa' o'ch ahue'p o'ch nemña'p allapa' allo'tsa'yen acheñenesha' ñeññ ama judioneshayayeto."

Allempo solltarnesha' pa'm'cha'tareterpa' abe'tatan Pablo o'pono

22 Ñeñña otua Pablo'pa' añña acheñenesha' ñeñña e'muetpa' o'huañ e'mñochet. O' alla rrannarterreterr, atet otet:

—¡Semtseña'ca'ye! Ama pocteyaye o'ch corra ñeññ atet acheñ arr patsro.

23 Pa'tsrre'mueñoŵetpa' alla rrannarterreterrpa', o' gogo'tyeset pa'shtam enonet, allotpa' a'rrotsetyeset ñaña patspa' o' huapore'tyeset enonet.

24 Allempoñapa' añña ñeññ solltarnesha' pa'm'cha'tareterpa' o' abe'tatan Pablo o'pono. O'ch ashtet attotcha' a'meta'huan ñeññ atet o' ðohua. Ñapa' mueneñ o'ch eñoch esocopte' nanac ama'to'chtenet ñocop.

25 Allempoñapa' o' huanquët Pablo attoch ashtet. Huanca'huet Pabloñapa' otan capitán ñeññ tets allame'tets:

—Ta', ¿pocte't tents o'ch sashte' acheñ ñeññ romanona'tar, ñaña ama seño'teña' ñeññ atet pena? Ñoñets ñeññ atet anaret Romotpa' ta', ¿pocte'te'?

26 Ñeñña e'm capitánpa' o' ahuo' allo'tsen pa'm'cha'tareterpa' atet otos:

—¿Erro'fena't poctape'cheññañ añ acheñer? Añpa' romanona'tarca'ye.

27 Añña ñeññ solltarnesha' pa'm'cha'tareterpa' o' huapapa' atet otosan Pablo:

—¿Po'ño'cha't romanona'tare'p?

Pabloñapa' o' anap:

—Napa' ñeññenca'ye.

28 Ñeññña am'cha'taretpa' alla oterranerr Pablo:

—Napa' o' netsa'ta shonte' quelle attoch a'punta'net attoch napa' romanona'tar pennet.

Pabloñapa' alla otererr:

—Napa' attot ne'ñalleta, tarro'mar na nomporpa' romanona'tar.

29 Añña solltarnesha' ñeññ autsa ashtayeñ Pablo'pa', allorocmo' alla cheta'yerret a'yenet. Ñeññ pa'm'cha'tareterpa' ñapa'cho'ña cha yoren, tarro'mar o' chapoña pueyo'chro o' huanca'huet acheñ ñeññ romanona'tar.

Allempo eños Pablo allo'tsa'yen ñeñt'chocma a'pocatyene' ñoñets

³⁰ Tsapaña puetarenpa' añña añcha'taretpa' o' agotatan cornaneshá' ñeñt'pa'mcha'tareterneshá' pen allohuen judioneshá' po'cornaneshar, ñaña o' agotatan ñeñt'chocma a'pocatyene' ñoñets judioneshacop. Allempoña apchetpa' o' pueyamperet Pablo allo huanquétpa' o' anmet allo'tsa'yen amcha'taretneshá'. O' chapachetpa' o' tomatoset e'ñe allame'tets. Añña añcha'taret romanoneshá'pa' mueneñ o'ch eñoch e'ñe po'ñoçh esocopte' otteñe'cheñ judioneshá'.

23

¹ Pabloñapa' o' cohua'yesan allohuen ñeñt'chocma a'pocatyene' ñoñets. Allempoñapa' atet otanet:

—Masheñneshacha', napa' 'chocma nocrrena cohuen Yomporecop, ama't ahuatoteñ ama't ñaña ñeme'ttsen. Yomporpa' entennante' e'ñe cohuen neyoçher.

² Añña corneshá' Ananías ñeñt'ara ñeñt' nanac añcha'taretpa' atet otan ñeñt'tets e'ñe allame'tets Pableshe, atet otanet:

—Chosañaca'ye asnama'te'.

³ Allempoña Pablopa' otan añcha'taret, atet och:

—Yomporpa' tsa'tatuerrpepa'ch, tarro'mar ama't porrtenañ e'ñe cohuenpa' peyoçhropa' ama masosyape. Ñaña ñeñto'marña anareteþ þa arr attoch þapa' peñotaten ñato' çhate' nepena ñeñt' ama pocteyaye ñeñt' atet oteneý ñoñets ñeñt' atet anaret. Tarraña þañapa' o' atfa pasnama'taten. Tarraña ñeñt'pa' ama pocteyaye ñeñt' atet oteneý ñoñets ñeñt' atet anaret.

⁴ Añña ñeñt' tomcha'tets allame'tetspa' o' che'ptare'chet Pablopa' atet ochet:

—Papa' atarro't cohuen penteñña o'ch pesochatse'ch corneshá' ñeñt' nanac añcha'taret ñeñt' nen Yompor.

⁵ Pabloñapa' anapanetpa' atet otanet:

—Napa' ama masheñneshacha' neñoteñe añmapa' ñeñt'e' corneshá' ñeñt' nanac añcha'taret. Ñerra'm neñoteñeñpa' amach nochñe atet, tarro'mar anaret Yompor po'ñoño atet: “Ama asochatse'tpahuo acheñ ñeñt' añcha'taretetsa socop.”

⁶ Allempoñapa' o' cotape'ch Pablo. Añña ñeñt'chocma a'pocatyene' ñoñets patantarrñapa' saduceoneshá', po'potantaññapa' fariseoneshá'. Allempoña Pablopa' o' eñoch atetpa' allempoñapa' o' eños huomencpa', atet otanet:

—Masheñneshacha', napa'cho'ña fariseoneshan. Natañneshañpa'cho'ña fariseoneshet. Ñeñto'marña te'pa' otteñe'chennet tarro'mar napa' name'ñena atto ñerra'm yerroma, Yomporpa' tantaterreycha' esempohuañen.

⁷ Ñeñta otua Pablopa' allempoñapa' ama pañraye' cotape'cheto ñeñt' actape'chatañneshá'. Añña ñeñt' fariseoneshá' ñetpa'cho'ña cotape'chet pañerr; po'potantañña ñeñt' saduceoneshá'pa', ñetpa'cho'ña o' cotape'chet po'poñ. Amaña pañraye' cotape'cheto.

⁸ Ama pañraye' cotape'cheto tarro'mar saduceoneshá' ñetpa' cotape'chenet ñerra'm yerromapa' amach yetanterro. Ñaña ñetpa' otenet ama eñalle Yompor po'mllañoñeñer ñeñt' huetsa entot, ñaña ñetpa' otenet ama eñalle yecamquëñ. Tarraña fariseoneshá' ñetpa' cotape'cheñet po'ñoçh ñerra'm yerromapa' yetanerrach. Ñaña ñetpa' otenet po'ñoçh eñall Yompor po'mllañoñeñer ñeñt' huetsa entot, ñaña po'ñoçh eñall yecamquëñ.

⁹ Allempoñapa' ñetañeño' nanac ama'toçhtet. Atteñapa' puesheña'tets fariseonesha' ñeñt nanac etsotene' ñoñets ñeñt atet anaret o' tomosetpa' eñosotet Pablocop, atet otet:

—Añ acheñer yapa' ama yenteññañe erra'tsente'ña po'chñar. Po'ñoçhpa' ñato' orrtoña Yompor po'mllañofoñeñ ñeñt huetsa entot amapa' ñato' es ñeñt camquëñets ñompor ñeñt orrtenoya. Ñeño'marña yapa' amachña ÷ha yepatare'tatsche Yompor ñerra'm ñafe' atet muenatene'.

¹⁰ Allempo nanac ama'toçhtenetpa' añña solltarnesha' pa'mñcha'tareterpa' o' cotape'ch, atet ot:

—Ñato' o'ch rraquët Pablo.

Ñeño'mar o' çhore'tan po'poñ solltarnesha' o'ch huapuet o'ch chetereta' Pablo allotpa' o'ch aneret pocollo all shontena solltarnesha'.

¹¹ Tsapaña tsapopa' o' alla orrteññañerr Pablo Yeparteshar, atet otos:

—Amach pelcatsto, tarro'mar Romopa'çho'ña all palltena o'ch pa'poton neñoñ atet o' pa'potuon arr Jerusaléño.

Allempo judionesha'pa' atarr o'pachet Pablo o'ch muetset

¹² Tsapaña puetarenpa' añña judionesha'pa' atarr o'pachet Pablo ahuo'ch muetset. Ñetpa' o' a'pochtachet, atet otet:

—Yapa' amach yerreroña' ñerra'm amach o' yemtso Pablo ñaña amach es yorrero. Atteña ñerra'm amach attetopa' ama'tpa' esepa' yetantoya.

¹³ Ñeñña o'patenayapa' ñato' metente' pa'tatso' çharrasheña.

¹⁴ Allempoña o' a'pochtatueta' ahuanmuet ñaña allo'tsa'yen cornesha' ñeñt pa'mñcha'tareternesha' pen allohuen judionesha' po'corneshar ñaña allo'tsa'yen ñeñt pompornesha' penet. O' çhapuet allpa' atet otoset:

—Yapa' o' ya'pochtatuete atet: Yapa' yoten ñerra'm amach o' yemtso Pablopa' amach yerrero. O' ya'pochtata ñaña atet: Atteña ñerra'm amach attetopa' ama'tpa' esepa' yetantoya.

¹⁵ Alla oterretterr:

—Ñehua, te'pa' o'ch yotas ñeñtcha' atet sepa. O'ch soteña' ñaña ñeñt çhocma a'pochtatyene' ñoñets allotpa' e'ñe parrocmapa' o'ch semña ñoñets allo'tsen solltarnesha' pa'mñcha'tareter, o'ch soch huapachetepa' Pablo sesho attoch o'ch señoñ este' o' pohua. Tarraña ama'tcha' atet seshcanetpa' yañapa' allo'tsa'yeneycha' toño attoch yapa' o'ch yerrmaþ.

¹⁶ Añña Pablo pa'ñachorpa' o' e'mare'ch ÷ha o'pateññañet pa'go'pa' o' ahuo' solltarnesha' pa'paclopa' o' otenana' pa'go' Pablo.

¹⁷ Allotña Pablopa' o' çhore'tan puesheñarr capitán, atet och:

—Añ huepuesha'pa' o'ch panem' allo'tsen pa'mñcha'tareter tarro'mar ñapa' atarr mueneñ o'ch es a'metena'.

¹⁸ Capitánñapa' o'çho'ña anman huepuesha' allo'tsen pa'mñcha'tareter. Allempoña çhappa' atet otosan pa'mñcha'tareter:

—Añ Pablo ñeñt ehucaretpa' ahuo't çhore'ten allotpa' oten ahuo'ch nanem' añ huepuesha' pesho tarro'mar ñapa' nanac mueneñ o'ch es a'metena' pesho.

¹⁹ Añña amñcha'taretpa' o' echa'nman huepuesha' pototpa' o' anem' a'yenetpa' atet otos:

—Ñehua, o'ch poten este' pemnen o'ch poten.

²⁰ Huepuesha'ñapa' atet och:

—Añña judionesha'pa' o' a'pochtachet attoch o'ch enamapet o'ch pemñe Pablo tsapat allo'tsa'yen ñeñt çhocma a'pochtatyene' ñoñets. Ñaña o'ch otapet añeçpo'ch pemñe atto'ch eñoçet e'ñe po'ñoçh este' o' pohua.

²¹ Tarraña amach pame'ñatstaneto errotencha' otospet tarro'mar metente' pa'tatsoť charrasheña judionesha' ñeñcha' camroya toño ñeñcha' rromapue' go'. Ñetpa' o' a'pochtachet amach rrerreto ñaña amach es orreto ñerra'm amo'ch muetseto go'. Ñaña o' a'pochtachet ñerra'm amo'ch attetopa' ama'tpa' esepa'to' tantahuē. Te'pa' aña palltetsa ñeñcha' atē potanet.

²² Amicha'taretñapa' atē otan hupuesha':

—Tarraña amach esesha' potatsto papa' o' potuenna'.

Ñeña otuepa' allempoñapa' o' mueñer.

Allempo chapachet Pablo allo'tsen gobernador Félix

²³⁻²⁴ Allempoña amicha'taretpa' agotatan epsheña po'captáner. Allempoña o' chapuetpa' atē otapanet:

—Cherra'ch a las nueve tsappa' o'ch secamrat doscientos solltarnesha' ñaña setenta ñeñ montenaya cahuall, allotpa' ñaña doscientos ñeñ orrene' muetsamets alloch quellaret. Allotpa' o'ch sanem pater cahuall amapa' epa alloch monta'nma Pablo. Allotñapa' o'ch sahanma Cesareo attoch sechapach cohuen Pablo allo'tsen gobernador Félix.

²⁵ Allotpa' quellcan ñaña carta ñeñpa' atē ot:

²⁶ “Gobernador Félix ñeñep nanac cohuenep amicha'taret, na Claudio Lisiaspa' o'ch nehuomcha'tap añ necartot.

²⁷ Añ yacmapa' ahuo't rromue' judionesha' o'ch muetsetañpa' nañapa' o' neño ch ñapa' romanona'tar. Nañapa' nehuapa epan nesolltarnesharpa' o' na'royatatos.

²⁸ Napa' nemneñ o'ch neño ch esocopte' nanac otteñe'cheñet, ñeñfo'marña napa' o' nanem allo'tsa'yen ñeñ chocma a'pochtatyene' ñoñets ñeñ atē yechenet ñet.

²⁹ Tarraña napa' neñotoñ ñeñtecop otteñe'cheñet, tarro'mar ñetpa' otenet ama atteye' peno atē anaretet ñocpuet. Ñeñtecpaña otteñe'cheñet tarraña ama añecpayaye atoch o'ch yemtsach amapa' o'ch yeyottamñsach.

³⁰ Allempoña napa' o' ne'mare'ch judionesha'pa' cha o'pateña o'ch muetset. Ñeñfo'mar te'pa' o'ch nemñe pesho tayecma. Ñaña o' notueña ñeñ otteñe'chene' arrpa', te'pa' a'meteñetepa' pesho esocopte' otteñe'cheñet. Te'pa' ñeñfach notap.” Allohua huañ po'carta.

³¹ Allempo atē otanet pa'micha'tareterpa' aña solltarnesha'pa' e'ñe a'nahua anmet Pablo tsapocma. Allotñapa' o' chapuet all anetso pa'so'cheñ Antípatris.

³² Tsapatña aña solltarnesha' ñeñ chope'chets pa'tcopa' allota pueracherret Antípatrisot. Allotpa' aña anmue'ña Pablo Cesareohua ñeñ montetsa cahuallo.

³³ Allempoña chapuet Cesareopa' o' aposet gobernador carta. Ñaña o' chapachet Pablo e'ñe ñesho.

³⁴ Allempoña gobernadora' o' lleya'huan cartapa' a'pto'tan Pablo:

—¿Erra'tsena'tña anetsrot pehuapa?

Ñaña'pa' atē och:

—Arrot nehuapa Ciliciot.

Allempoña gobernadora' o' eñoch allot huapa

³⁵ allempoñapa' otan Pablo:

—Te'pa' allach ya'pochtachña' ato't hua'cha'ta' ñeñ potteñe'chene'.

Allempoñapa' o' mueñan po'solltarneshar cohuanñsetepa' Pablo allara amicha'taret Herodes po'palaciopahuo.

24

Allempo judionesha'pa' otteñe'choset Pablo allo'tsen amcha'taret Félix

¹ Pa'mnarmatñoñapa' huapa ñeñt pa'mcha'tareter pen allohuen judionesha' po'cornaneshar, ñeñt'pa' añ pa'so'cheñ Ananías. O' huapa ñaña allponsheña ñeñt pompornesha' penet. Allotpa' huapa ñaña puesheñarr ñeñt pa'so'cheñ Tértulo ñeñt'pa' ñeñt'cha' eñosapretahuet. Allempoña huapuetpa' o' ahuanmuet allo'tsen gobernador attoch otteñe'choset Pablo.

² Allempoñapa' huapachet ñaña Pablopa' o' chore'chet ñanom Tértulo attoch eños ñanom. Ñaña'pa' añe'ca eños attoch otteñe'chet Pablo. Ñanompa' o' eños e'ñe cohuen gobernadorocop ñeñt Félix, atet ot:

³—Pa gobernadoro, nanac cohuen yentene' tarro'mar e'ñe potot yocrrena e'ñe cohuen ama eñalle attoch ye'claranna'ta. Ñaña pa'pa' o' pa'pocatonay e'ñe cohuen ñeñt yepalltena arr yenyo. Ñeñto'mar ya te'pa' yemneñ o'ch yeparayoso't pocop attoch chocma peyenpueney cohuen.

⁴ Te'pa' attoch amach alla nellapso eñosetspa' napa' nemneñ e'ñe pemorrenetño'pa' o'ch pe'mñoten mame' ñeñt'cha' notap.

⁵ Yapa' yeñoteñ añ yacmapa' nanac atsrre'mo'chtana, nanac moññe'tatyenana ora allohuen judionesha' atto te'pa' ama patrraye' cotape'cheneto. Ñaña añmapa' ñeñt pompor pen allohuen ñeñt cotene' pocapña ñeñt huapatsa Nazaretot.

⁶ Elloña te'pa' mueneñeñ o'ch a'sosyatuanen ñaña Parets pa'paquell, tarraña yañapa' o' yerrmue'. Ñaña yapa' yemneñeñ o'ch ya'pocacheñ atet anaret yocoppa'

⁷ tarraña o' huapa amcha'taret Lisias epuet po'solltarnesharpa' e'ñe po'huamencocma o' puerratam'penyeta'.

⁸ Allotñapa' atet otey ñeñfey otteñe'chene' yehuapuepa'to' pesho. Te'pa' pachña a'p'to'tare'te' attoch peñoch paña ora allohuen attot yotteñe'cheñ. Añpa' allohua atet eños Tértulo ñeñt eñosapretahuet.

⁹ Judionesha'pa'cho'ña atet otet:

—Po'ño'chca'ye atet.

¹⁰ Allempoña gobernadorpa' o' yochan Pablo attoch eños ñaña. Allempoña Pablopa' atet ot:

—Napa' e'ñe no'csheñesha' o'ch neños pesho e'ñe nocop, tarro'mar napa' neñotene'p o' shonte' char atto pa'mcha'tarettena arr yenyo.

¹¹ E'ñe taya o' met charramat puechena epomuet atto o' nema'yochuena' Parets pa'paclo all Jerusalem. Ama't esesha' pa'p'to'tpa' atet'cha' otapat.

¹² Tarraña allempo ñetpa' ama entneto o' esesha' notnare't, ñaña ama na'tsrre'mo'chtana'che acheñenesha'. Ñaña ama na'tsrre'mo'chto ama't Parets pa'paclo, ama't ñaña judionesha' po'prahuo, ñaña ama't all chopeñe'chyen acheñenesha'.

¹³ Ñeñto'marña te'pa' amate' errotten eñotatapeto añmapa' ñeñt e'ñe po'ño'ch attota otteñe'chennet.

¹⁴ Napa' te'pa' añach na'meta' pesho, napa' name'ñena ñeñt e'ñe alloch yequeshperra. Po'ño'ch napa' añ name'ñena ñeñt'ara Yompor ñeñt Po'yomporer pe't yatañneshañ. Ñaña añ name'ñena ora allohuen ñoñets ñeñt atet anaret judioneshacop. Ñaña añ name'ñena ñeñt atet quellque't ahuat ñeñt a'mtaye't Yompor po'ñoñ.

15 Ñaña napa' añ name'ñena ñeñf attoch esempohuañen Yomporpa' tantaterrancha' allohuen acheñ—ñeñf e'ñe cohuen acheñ ñaña ama't ñeñf ama cohuenayaye acheñ. Ñetpa'cho'ña ñeñfara ame'ñenet.

16 Ñeñfo'marña napa' chocma nema'yochrena attoch Yomporpa' enten e'ñe cohuen, ñaña attoch acheñenesha'pa'cho'ña o'ch entennet e'ñe cohuen ñamet.

17 'Napa' shonte' char chocma nechopeñen erraparen anetso'mar. Te'pa' o' taya nohuerra arr attoch napa'yueser namo'tsesha' quelle ñeñf huochañnesha'chno. Añ quellepa' ñeñfara apa'yesen ñeñf ame'ñenaya Yompor. Napa'cho'ña eñalleñ ñeñfcha' nepomañ Yomporecop.

18 O' taya chapmochañ allempoch o'ch na'cohuentatuñ Yomporecoppa' judionesha'ñapa' o' entnet all Parets pa'paclo. Tarraña allempopa' ama tama shonteyaye acheñ ñeñfo'mar ama tama esesha' ama'tochtetso.

19 Tarraña e'ñe allempopa' o' cha'cha't ñaña judionesha' ñeñf huachetsa Asiot. Ta', te'ñapa' eso'marte'ña ama ñetaye'ña huapatseto arr attoch ñerra'm po'ño'ch mueneñet o'ch otteñe'chnet na.

20 Tarraña te'pa' ama huapueto ñetpa' ñehua, te'pa' otetepa' ñeñf huacha'tatsa te'. A'metetepa' ñerra'm po'ño'chte' este' nepanta' allempo natomos allo'tsa'yen ñeñf chocma a'pocatyene' ñoñets.

21 Allempopa' aña neños pa'terr huomenc atto notanet. Añecop napa' otteñe'chennet tarro'mar napa' name'ñena atto ñerra'm yerromapa' yetan-terrach esempo. Ñehua, ñato' ñeñfepate' otteñe'chennetña te'.

22 Ñeñfa otua Pablopa' aña Félixpa' ama mueno o'ch alla serrpare'tertererr; tarro'mar ñapa' o' eñotmoch atet ame'ñena ñeñf cotene' Cristo. Ñeñfo'marña atet otanet:

—Ñehua, te'pa' ñeñfach yot. EsemPOCHña huapa ñaña añcha'taret Lisiaspa' allempochña ya'pocatat ñoñets.

23 Allempoña atet oterran po'ca'ptáner:

—Te'pa' allach secuan'pererr Pablo. Amach tama sa'montsatsche. Ñaña chocmach semnach ñeñf yemtenaya o'ch es a'p ñeñf palltena.

24 Allponmaterrerrpa' o' huerra Félix Cesareo epuet puetapor ñeñf pa'so'cheñ Drusila, ñeñfpa' judionesha'. O'ña cherr Félix o' agotatuenan Pablo tarro'mar ñetpa' mueneñet o'ch serrpare'tatanet ñamet Pablo errotente' ame'ñenana Jesucristo.

25 Allempoña chap Pablopa' o' serrpare'tatanet cohuen ñeñf atet yepena ya ñeñfey ame'ñetsa. Ñaña atet otanet aña' yema'yochra attoch e'ñe pocte' es yepa'yen, ñaña amach yepatsto ñeñf ama cohuenayaye tarro'mar Yomporpa' tsatatuerryach allempoch acerrran allohuen acheñenesha'. Ñeñfa otua Pablopa' aña Félixpa' cha yoren. Allempopa' alla oter:

—Te'pa' orrerrep, esempochña e'ñe pocta'huernnanerrpa' o'ch alla ne'chore'taterrper.

26 Félixña'pa' atea cohuenan Pablo ñato' o'ch a'p quelle añecop attoch a'rroyer. Ñeñfo'mar errotenopa' o'chcho'ña agotach attoch serrpare'tet epuet.

27 Atteñapa' o' met epa charpa' o' can'yerra gobernador; huapa po'psheñeñ añcha'taret añ pa'so'cheñ Porcio Festo. Ñaña'pa' nanac mueneñ o'ch coshatan judionesha' ñeñfo'marña ama a'rroyerrano Pablo, atet ot:

—Allepa' preso.

25

Allempo chapachet Pablo allo'tsen amcha'taret Festo

¹ Allempoña amcha'taretta Festo all Cesareopa' poma'pamtañoñapa' o' ahuo' Jerusaléño.

² O' chap Jerusaléño'pa' añña cornaneshá' ñeñt' nanac amcha'taretnesha' ñaña epuet ñeñt' nanac sherbets judioneshacoppa', o' serrpare'tatapet Festo atto otteñe'cheñet Pablo.

³ Ñetpa' atet ochet Festo agotatanepa'to' Pablo attoch huapa Jerusaléño, tarro'mar ñetpa' ahuañacma a'pocstatuet o'ch cohuet Pablo toño attoch muetsapueret all.

⁴ Festoñapa' atet otanet:

—Pablo'pa' allo'tsena all yottampeñet Cesareo. Napa' o' nesecherra o'ch ahuerren Cesareo. Ñato' e'ñech na'llponmatena o'ch ahuerren.

⁵ Te'pa' ñeñt' nanac amcha'tarettetsa socoppa' cota'nerrnetepa' allochñapa' otteñe'cheñetepa' Pablo all, ñerra'm po'ñochte' eñall alloch otteñe'chet.

⁶ Festoñapa' alla a'pa Jerusaléño allponmat. Ñato' po'psocmatño amapa' po'charramatño'pa' o' ahuerren Cesareo. Cherr Cesareopa' tsapatña e'ñe ahuatecmapa' o' anorros allecma a'pocstatenet ñoñets. Alloña agotatan Pablo.

⁷ Allempoña huapachet Pablo'pa', añña judionesha' ñeñt' hua'cha'tatsa allpa' cha arrotampesyet. Allempoñapa' otteñe'choset. Shonte' esocmañen nanac sosey toma'tampesyesoset Pablo, tarraña ama errotenot eñotacheto amcha'taret Festo attoch otset e'ñe po'ñoche.

⁸ Pabloñapa' o' eños ñaña ñocop atet ot:

—Napa' ama cho nachm'are'teno ñoñets ñeñt' atet anaret judioneshacop. Ñaña napa' ama cho na'sosyateññañe Parets pa'paquell. Ñaña napa' ama cho natpare'teno ñoñets ñeñt' nen amcha'taret Romot.

⁹ Tarraña Festopa' nanac mueneñ o'ch coshatan judionesha', ñeñto'marña otan Pablo:

—¿Pocte't penteñ o'ch ahuep' Jerusaléño allñapa' allcha' nentona'p atto po'ñochte' alloch otteñe'chapet?

¹⁰⁻¹¹ Pabloñapa' alla anapuerrerr, atet ot:

—Napa' añña pocte' nenten o'ch a'pocstaton amcha'taret ñoñets ñeñt' romo'marnesha', tarro'mar amate' errotenot neto Jerusaléño, tarro'mar ama errot nepeñeña judionesha', ama't'papa' peñotueñ. Ñeñto'mar añña pocte' nenten o'ch a'pocstaton amcha'taret ñoñets ñeñt' romo'marnesha'. Te'pa' arro'tsenen pesho ñeñte'p eñets epa'p amcha'taret romo'marnesha' ñeñt' pocte' nenten na, ñach a'pocstate'ña ñoñets nocop. Tarraña ñerra'm po'ñochte' añ o' nepohua ñeñt' ama pocteyaye amapa' atet ñerra'm alloch muetsanet ñeñt'pa' e'ñe pocte' muetsanetepa'. Tarro'mar ama nemno o'ch na'queshpata nañeña. Tarraña ñerra'm e'ñe attotapa' ama pocteyaye o'ch pepomu'et judioneshesho. Ñeñto'mar napa' nemneñ o'ch a'pocstaton amcha'taret ñoñets ñeñt' romo'marnesha' e'ñe ñapueñ.

¹² Allempoña Festopa' o' serrpare'tet epuet ñeñt' parro cotape'chatannenet. Allempoñapa' atet otan Pablo:

—Te'pa' nanac amcha'taretesho pesechenapa' ama'tpa' allcha'ca'ye peta.

Atto eños Pablo allempo huapa amcha'taret Agripa

¹³ O' allponmaterrerrpa' huapa amcha'taret Agripa epuet po'ch Berenice. O' chapuet Cesareo all emo'teñeta' amcha'taret Festo.

14 O' allponmatosetpa' allempoña Festopa' serrpare'tatanet atto otteñe'cheñet Pablo, atet otanet: Arrpa' allo'tsen puesheñarr yacma ñeñt na'nom Félix ahuaña all yottampeñet.

15 Allempoña napa' Jerusaléno'tsenenpa', añña cornaneshá' ñeñt pa'mcha'tareternesha' pen allohuen judionesha' po'cornaneshar, ñaña po'potantañ ñeñt pompornesha' penet, ñetñapa' o' serrpare'tatnet attot otteñe'cheñet Pablo, ñaña otnet napa' nemtsachepa'to' Pablo.

16 Nañapa' atet notanet: “Ñeñt ñoñets anaret Romotpa' ama pocteyaye o'ch yemtsach acheñ ñerra'm ama eñorena' e'ñe ñocop attoch eñotatanet attot otteñe'cheñet.”

17 Ñeñto'mañña allempo huacha'ta judionesha' nesho, allempoña na tsapatñapa' o' nanorros allecma ya'poctaten ñoñets. Allempoña napa' o' nagotach Pablo.

18 Añña ñeñt huacha'tatsapa' allenta tomcha'toset attoch o'ch alla otte'chueñeterr Pablo, tarraña amaña añeye' a'meta'yeseto atto ñeñt poctetsa o'ch yemtsach acheñ.

19 Aña a'meta'yeset ñeñt e'ñe ñocpueta atet yeçhenet ñet judioneshet. Ñaña aña a'meta'yeset ñeñt poctapña puesheñarr ñeñt pa'so'cheñ Jesús, tarraña ñeñtpa' o' rroma, tarraña Pablopa' cha oten ñeñtpa' o' tanterra.

20 Ñeñto'mañña napa' ama tama neñoche attoch na'poctat ñoñets ñocpuet. Ñeñto'mañña atet noch Pablo po'tomña: “¿Pocte'te' penteñ o'ch ahuep Jerusaléno allcha' ya'poctatena' ñoñets?”

21 Tarraña Pablopa' ama mueno. Ñapa' aña muena' allach arr, allotcha'ña esempopa' entateñetepa'to' amcha'taret Augusto all Romo. Ñeñto'mañña napa' not: “Te'pa' allepa' arrma, esempochña napa' o'ch nemñe amcha'taretesho Romo.”

22 Allempoña amcha'taret Agripapa' atet otan Festo:

—Napa' atarr nemñeñ o'ch ne'mñ ñaña errotenete' serrpare'ten Pablo.

Allempoña Festopa' atet och:

—Tsapatcha'ña pe'mñota'mueñ.

23 Tsapatñapa' huapa'muena amcha'taret Agripa epuet ñaña po'ch Berenice. Ñetñapa' cha cohuenyeyeset. Allempoñapa' be'toscha'toset allecma serrpare'tatannena amcha'taretnesha'. O' be'toscha'tet epuet ñaña solltarnesha' pa'mcha'tareternesha' ñaña po'poñeçhno acheñenesha' ñeñt nanac sherbets all anetso. Allempoña Festopa' o' agotatenanerr Pablo.

24 Allempoña huapa Pablopa' Festoñapa' eñoratsapa' atet ot:

—Amcha'tarete Agripa, ñaña allohuenes ñeñtes arro'tsa'yenes: Te'pa' o' sentue añ yacma ñeñt nanac e'moñe'ten allohuen judionesha'. Ñetpa' o' otteñe'chuet e'ñe nesho allempo Jerusaléno'tsenen ñaña arrpa' o' otteñe'chueñeta' allempo necherr ñaña arr. Ama't arrpa' o' che'chame'tueñeta', atet otyeset: “Chosa muetse', tarro'mar añ acheñerpa' ama pocteyaye o'ch alla corra.”

25 Tarraña allempoña napa' na'pto'tare'chpa' ama nentoñeña ñeñt atto pocte' o'ch nemtsach. Ñaña e'ñe ña muenats o'ch entateñeta' amcha'taret Augusto all Romo ñeñto'mañña napa' pocte' nenteñ o'ch nemñe all.

26 Tarraña napa' ama neñoñe ñeñtcha' atet nequellcoñ ya'mcha'tareter ñocop tarro'mar ama eñalle errotenotcha' yotteñe'cheñ. Ñeñto'mañña te'pa' o' nechore'tach arr all seshontena te'.

Allotña Festopa' atet otan amcha'taret Agripa:

—Te'pa' p'ach ñanom a'p'to'tare'te' attoch napa' o'ch neñoch errotencha' nequellca' carta am'cha'taretecop.

²⁷ Napa' noctape'cheñ ama pocteyaye o'ch yemñe acheñ ehuncaret ñerra'm ama eñalle errotenot o'ch yotteñe'cheñ.

26

1 Allempoña am'cha'taret Agripapa' atet otan Pablo:

—Ñehua, te'pa' pocte' nenteñ o'ch peños p'ama p'ocop.

Allempoña Pablo e'ñe puehuom'cha'teño'pa' o' echantan pot, allempoñapa' eños ñocop, atet ot:

² —Te'pa' nocshena am'cha'tarete Agripa tarro'mar eñall attotcha' neños pesho ñocop, añecop tarro'mar cha otteñe'chenen judionesha'.

³ Napa' nocshena tarro'mar te'pa' o' peño'ch p'ama atet yey'chena ya ñeñey judioneshay. Ñaña o' peño'ch attot ama patrraye' yoctape'chyeno. Ñeño'marña te'pa' o'ch nenama'p attoch pe'mñoten cohuen.

Atet atarr cotape'che't Pablo allempo ama ame'ñerra'

⁴ 'Allohuen judionesha'pa' eñotuennet atet nocre't ahuat, ama't allempoteñ ne'ñalleta nenyoy, ñaña ama't allempo cheshenna' allempo yey'che't Jerusaléno epan namo'tsna'tarnesha'.

⁵ Ama't ahuatoteñpa' eñotuanete't napa' fariseoneshan ñeñtara ñeñt nanac etsotene' cotapñats nanac echarr allo yoctape'chen Partsocop. Ñeñt atet entnete't atet nocre'tpa', atetcha'ñacho' a'meta'netañ.

⁶ Ñeño'mar te'pa' arro'tsenen attoch sa'p'to'tare'ten, atto napa' name'ñena ñerra'm yerromapa' Yomporpa' tantaterreycha' esempohuañen. Añmapa' ñeñtara atet otane't ahuat Yompor yatañneshañ.

⁷ Ama't charrasheña puechena epa ñeñtara ñeñt yatañneshañ yepen ñeñt chemere'tyesahuetpa', ñeñtña po'mrenñetpa' e'ñe ame'ña'huenet ñeñt atet o' notuas. Ñeño'marña ñet te'pa' nanac ma'yo'chrenet Yomporecop—yeto ama't ñaña tsapo. Tarraña ama't atet penetañ allohuen judionesha'pa' te'ñapa' e'moñe'tennet ama't napa' ñeñtara name'ñena atet ame'ñenet ñamet. Attoña am'cha'tarete Agripa otteñe'chennetña te'.

⁸ ¿Eso'marte' sapa' soten amach errotenot tantaterrano Yompor arromñañesha'?

Atto Pablopá' atarr muero'chtatane't ñeñt ame'ñenaya Cristo

⁹ 'Napa'cho'ña ahuañmo'chapa' notenapañ ñato' ñeñte' poctetsa o'ch yemuero'chtach ñeñt co'tene' Jesús poctapña ñeñtara Jesús ñeñt nazareto'marnesha'.

¹⁰ Ñeño'marña napa' nanac nemuero'chtatyese't acheñ Jerusaléno ñeñt ame'ñaye't Jesús poctapña. Shonte' acheñ ñeñt nabe'tate't cárceloy, tarro'mar cornanesha' ñeñt pa'm'cha'tareternesha' pen allohuen judionesha' po'cornanesha', ñetñapa' o' apnet orden ñeñtecop. Ñaña allempo otyese't am'cha'taretnesha' ahuo'ch muetsachet ñeñt ame'ñenaya Jesús poctapñapa', napa'cho'ña o'chcho' not, pocte'ñacho' muetsetepa'.

¹¹ Chocma nemuero'chtatanete't ama't judionesha' po'prahuo'mar, ñaña nanaccha' nemne't o'ch nachm'are'tach ñeñt ame'ñatse't. Nanac natrre'mueño'pa' noctare'tanete't erracmañen anetso'mar.

Allempo Pablopa' ello serrpare'taterraneterr atto ello cotape'cherran cohuen Yomporecop

(Hch. 9.1-19; 22.6-16)

¹² Alla oterraneterr Pablo:

—Atteñapa' o'cho' ahuen ñaña Damasco. Allempopa' napa' nechen orden ñeñt apuen ñeñt pa'mcha'tareternesha' pen allohuen judionesha' po'cornaneshar.

¹³ Ñaña amcha'tarete te'pa' o'ch notap ñeñt atet norrtoya allempo. Allempoña o' yechapmoch Damasco allempopa' o' chap popto. Ñeñña nanac poptetsa entotpa' machayotepa'tcha' choyo'tamñsapuen ama't ñeñt epan nesen. Ate't poptenapa' metanenan atsne'.

¹⁴ Allempoña yapa' alla yerrmopra'yesa patso. Allempoña alla yerrmopra'yena patsopa', nañapa' o' ne'm ñoñets hebreyacho ñeñtpa' atet oten: “Eso'mare't Saule pemuerochtatennanña ñeñt name'ñenaya. Añpa' pañeña muerochtatetsa. Tarro'mar cha pottena ñerra'mrrate' ashen ñeñt e'ñie patpare'teñoñ ñañeñachña atserrpatetsa.” Añpa' atet oten ñeñt norrtoya.

¹⁵ Nañapa' not: “¿Esheshape'tña Ayochreshate eñets?” Ñañapa' alla otrerrerr: “Napa' ñeñten Jesús en ñeñtara pemuerochtaten.”

¹⁶ Te'pa' petanterra alla, ñeño'mar te'pa' o' norra pesho attoch o'ch nenap pa, pach torratsa nocop, ñaña pach a'pote' ñeñt o' pentua te' ñaña ñeñtcha' neñotap allempoch norrterrerr pesho.

¹⁷ Te'pa' o'ch nemñañ allo'tsa'yen ñeñt ama judioneshayayeto, tarraña napa' chocmach necuamñsap ñerra'm esempo o'pataña judionesha' ñaña ama't ñeñt ama judioneshayaye.

¹⁸ Tarro'marcha' nemñañ allo'tsa'yen ñeñt ama judioneshayayeña' allochñapa' attoch peserrpare'tatuanet attoch chapanet pueyothro, attoch o'huañcha' chope'chet checmeto. Añcha'ña o'ch alla chope'cherret puetaro. Ñaña attoch o'huañcha' ahuañmenca't panet oneñet, añcha'ña ahuañmenca't penahuet Yompor. Allochñapa' o'ch ame'ña'huernnet na, allempoñapa' ne'pretna'huernnetcha' po'chñar, attoch o'ch parrocmatuerret e'ñie atecma atet ñerra'm ñeñt o' na'cohuentatua.”

Atto Pablopa' ama atpare'tenano ñeñt atet gateñ Partsessa' Jesús

¹⁹ Alla oterraneterr Pablo:

—Ñeño'marña amcha'tarete Agripa te' napa' ama natpare'teñe Jesús ñeñtara ñeñt norrtoya entot.

²⁰ Ñanompapa' o' neserrpare'tatanet Damasco attoch cotape'cherret ello cohuen Yomporecop. Allochñapa' o'ch pa'yenet ñeñt cohuentetsa Yomporecop, attoch yeño'ch po'ño'ch o' cotape'cherret etserra. Atecma neserrpare'tatanet ama't Jerusaléño, ñaña ora erracmañen Judeo'mar, ama't ñaña allo'tsa'yen ñeñt ama judioneshayaye.

²¹ Attotña judionesha'pa' o' rroma'net Parets pa'paclo o'ch muetsanetañ.

²² Tarraña Yomporpa' ahuo't a'natna nanac atto teme'tsen nocrena, attoch neserrpare'tach allohuen acheñenesha' —ama't ñeñt ama esoshe'mayaye, ñaña ama't ñeñt amcha'taretnesha'. Tarraña ama añeye' neychatenaneto ñeñt ama cohuenayaye. Añña atecma neychatenanet atet serrpare'te't ama't ñeñt a'mtaye't Yompor po'ñoñ ahuat. Ñeñpa' ama't Moisés'pa' atet ote't ñeñtcha' atet perra esempo.

²³ Ñeñtara serrpare'tatanete't ahuo'ch huapa Cristo añ patsropa' nanaco'ch muerochtachet, allotpa' ahuo'ch rroma, tarraña ñapa' tanterrach.

Atto'chña tanterra ñanompa' o'ch a'puetarsam̄psanet pueyo'cher allohuen judionesha', ñaña ama't po'poñe'chno acheñ.

Allempo Pablopá' atarr mueneñ o'ch ame'ñatana an̄cha'taret Agripa

²⁴ Allempoña atet eñen Pablo ñocoppa', Festoñapa' atet och e'ñe huomenco: —Chate' Pablo pemospuena tarro'mar nanac es p̄octape'chenpa' ñato' ñeñte' o' mospaterre'p̄.

²⁵ Pabloñapa' atet och:

—Ama Ayochreshate Festo thoye' nemospueno. Añña neserrpare'tatenes ñeñt e'ñe po'ño'ch.

²⁶ Ama't an̄cha'taret Agripapa' e'ñe eñotueñ atet noten. Ñeñto'marña te'pa' o' neyemcha ña tarro'mar napa' neñoteñ, ñapa' o' entuon ñeñt atet nepena, ñaña tarro'mar ama a'nahua es ne'pa'yeno.

²⁷ An̄cha'tarete Agripa, p̄apa' ¿pame'ñeña't ñeñt a'n̄taye't ahuat Yompor po'ñoñ? Napa' neñotene'p̄ p̄apa' p̄ame'ñeña.

²⁸ Allempoña Agripapa' atet otan Pablo:

—Cha't p̄otenapañ tayecmapa' o'ch p̄ame'ñatna Cristo.

²⁹ Pabloñapa' alla otererr: Ama't tayecma amapa' tsapatonetpa' napa' atarr nemneñ Yomporpa' o'ch ame'ñaterrp̄a, ñaña ama't allohuenes ñeñtes ne'mñotene' te'. Atarr nemneñ o'ch same'ñerra allohuenes atet ñerra'm na, tarraña ama'tcha' ateseñ ñerra'm na, sapa' amuepa'chña ehuanca'reteyayso.

³⁰ Allempoñapa' o' tom'cha'terret allohuenet—an̄cha'taret Agripa, ñaña gobernador Festo, ñaña Berenice ñaña allohuen ñeñt allo'tsa'yen.

³¹ Allempoña ahuanerretpa' atet otanna'tyeset:

—Añ yacmapa' ama es peno attoch o'ch yemtsach amapa' attoch yemñe cárcelo.

³² Allempoña an̄cha'taret Agripa otan Festo:

—Amach ña muenetsñe o'ch a'p̄octatenana' ñoñets an̄cha'taretesho Romopa' yapa' o'te'ya' rroyereñ e'ñe tayecma.

27

Allempo anmet Pablo Romo

¹ Allempoña o' a'p̄octatuet o'ch mueñet Pablo anetso Romo allara Italiapa' o' anmet allo'tsen capitán ñeñt pa'so'cheñ Julio, ñeñt po'captaner penet ñeñt emchorrenaya an̄cha'taret Augusto. Ñaña o' anmet po'poñe'chno ñeñt ayottam̄psarete'chno o' apueñeta' Julio, allñapa' ñach cohuan̄pesnomahuet.

² Allempopa' allo'tsen ñaña Aristarco ñeñt macedonio'marnesha' ñeñt huetsa Tesalónicot̄. Ñeñtcha' parro yocta'nenñ Pablo.* Allempoñapa' o'cho' yebe'toscha't boto ñeñt huetsa anetso' Adramitio't, ñeñña bote'pa' o'ch et-sotyensoma allemeña sohua'puetso'mar ora Asia'mar. Allempoñapa' o'cho' ahuan̄p̄sey boto.

³ Tsapatñapa' arr yetstosa all oteñet Sidóno. Allña capitán Juliopa' morrentnomana Pablo ñeñto'mar o' muenach o'ch emo'tnoman pamot'sesha', ñeñt ye'cha'yetsa all Sidóno, attoch ñetpa' o'ch apapet Pablo ñeñt palltena.

⁴ Allempoña ahuan̄perryerrpa' nanac yorrnotam̄pesnoma. Morrrpa' ama muenatye o'ch yemet attoch o'ch ahuey e'ñe pacharr all oñenet, ñeñto'marña yepotesam̄pesuanma coñe't pats ñeñt pa'so'cheñ Chipre. Tarro'mar yepotesuanma attoch ñeñt patspa' o'ch a'npam̄p̄sey morr.

* 27:2 Lucas ñeñt quellqué' añ ñoñets ñapa' cota'nman ñaña Pablo.

⁵ Allempoñapa' arr yoñemuanom allame'tets Cilicio'mar, ñaña allame'tets Panfilio'mar. Allempoñapa' yečhap ñaña Miro all yetsotosa, allara ñeñt pa'netser Licia.

⁶ Allña capitán Juliopa' entosan po'poñ bote ñeñt huetsa Alejandriot ñeñfcha' tatsa Italio. Ñaña allempopa' otey ahuo'ch ya'tačha't all.

⁷ Allempoña o' allponmat ahuañpsey e'ñe acopa'a e'ñe yemueročhenñoťa yemet ñaña Gnidof. Allotpa'čho'ña ama muenaterryerro mïorr o'ch ahuer-ryerr e'ñe pačharr, ñeñfo'marña yepotesam̄pesuanerrerr coñe't pats ñeñt pa'so'cheñ Creta attoch ñeñt patspa' o'ch a'npam̄psey mïorr. Allñapa' allpono'mar yoñom allecma etsotenet ñeñt pa'so'cheñ Salmón.

⁸ Yemueročhenñoťa yemetua ñaña allot e'ñe acopa. Atteñapa' yečhap ñaña all oteñet Cohuen Sohua'puetso. Allotpa' e'ñe allame'ttsa anetso Lasea.

⁹ Yemueročhtame'teñoťpa' o' ya'llponmatnom ñeñfo'mar allempopa' o' čhen allempo nanac am̄cha'nočhtena o'ch ahuañpsey sapo'mar. Ñaña o' met allempo anaret judioneshacop allempocma ahuantenet pa'čhporrña Yomporecop, ñeñfo'marña yapa' o' yeñoch o' čhen allempo nanac orrnotena sapo'mar. Ñeñfo'marña Pablopa' o' yerpatanet,

¹⁰ atet otanet:

—Masheñneshacha', napa' noctape'čhen arepoña es yehuapoya toño allempoch ahuañperryerr. Napa' noctape'čheñ ñato' o'ch yechencatsre'tnoma, ama't ñaña yebotepa' čhach chenca; ama't yapa'čho'ña arepoña čha yechenca.

¹¹ Tarraña capitánñapa' o' ame'ñenana atet otanet ñeñt maneja'nene' bote ñaña ñeñt atet otanet ñeñt pamo'mte' pen bote. Ama ame'ñyeto atet otanet Pablo.

¹² Ñaña all Sohua'puetso Cohuenpa', ama tama cohuenayaye o'ch allaya allempo čhen orrnoteñtsopo. Ñaña allohuenetpa' o' e'ñe pocte' entuet o'ch ahuañperryerr allot. Arro'chña yečhap sohua'puetso all oteñet Fenice, tarraña allara anetso Creta. O' sechet Sohua'puetso Feniceo tarro'mar allpa' ama tama orrnoteno. Allñapa' allach ya'posa tarremphoua o'ch metuen orrnoteñtsopo.

Allempo huomenquëshatañpesnomuet sapo'mar

¹³ Allempoñapa' o' huapa mïorr po'pshem̄tañot, tarraña ñeñťpa' mamesha mïorraren. Allempoñapa' otyeset:

—Te'pa' pocte' o'ch ahuerryerr.

Allempoñapa' o'čho' cheterret ñeñt rremuene' botepa' o'čho' ahuañperryerr. Allotñapa' e'ñe toñña'so'mara yoñmañpes allara anetso Creta.

¹⁴ Tarraña e'ñe o'čhtapa' ahuepa'tcha' huapa ñaña mïorr onnatot alente'tsen anets Creta. Allempoñapa' o'čho' yorrnotam̄pesnoma nanac huomenç.

¹⁵ Botepa' ama eshcaye' to allenet anman̄penyet allempoña ama errot yepepa' o' anman̄psey orrno a'yenet.

¹⁶ Orrnoñapa' o' čhapatay po'pshem̄tañot allo'tsen coñe't rročhpe'čhañ añ pa'so'cheñ Clauda. O' čhapatay allotem̄ta'n ama tama hueno mïorr. Allña e'ñe yemueročhenñoťa yechant noñt ñeñt cheta'nen atarr bote. Allotpa' yesha'ch atarr boto.

¹⁷ Allempoña o' yesha'tua noñťpa' ñetñapa' huancatse'tet atarr bote attoch amach tare'che orrno. Ñaña ñetpa' añ mecha'tet ñato' botepa' o'ch čhap muelle'sato allo'tsen mueñ ñeñt ama echarroyaye ñeñt otenet Sirte.

Ñeñto'marña o' pueyhuet enot shetamuets ñeñf chope'chatene' bote attoch botepa' amach errenet to.

¹⁸ Allempoñapa' ahuepa'tcha' yorrnotam̄pes nanac huomenc. Tsapatñapa' chetanatet cargapa' sapprochet sa'po.

¹⁹ Poma'pamtañoñapa' o' sarronet ñaña ñeñf allpon echyen bote.

²⁰ Allempopa' allponmat ama orrterro atsne' ama't ñaña rantočhno, ama't mamesha. Nanac yorrnotam̄psa. Atteñapa' yot:

—Te'pa' amach erroteno yequeshperro.

²¹ Ñaña allponmat ama es yerro. Allempoña Pablopa' tompa' ot:

—Ñerra'm amach masheñeshacha' satpa'noñe atet notaseñ, amach yonñe Cretoñ, te'pa' amate' es yeyore'tenayñe ñaña allempopa' amate' yechencatsre'tañe.

²² Tarraña te'pa' o'ch notas, amach sellcatsto tarro'mar yapa' yequeshpach allohuene. Añachña chencatsre'tatsa bote.

²³ Napa' neñoteñ tarro'mar tsapopa' orrtona mellañoñeñ ñeñf huetsa Yomporeshot ñeñtara Yompor ñeñf puechemer nepene', ñaña ñeñtara ñocop netorrena.

²⁴ Ñeñf norrtoyapa' atet oten: “Amach Pablo pellcatsto tarro'mar pechapcha' allo'tsen añcha'taret all Romo. E'ñe potpa' Yomporpa' o'ch a'natana allohuen ñeñf epaḡ sechope'cham̄pen boto.”

²⁵ Ñeñto'marña notenes amach sellcatsto. Tarro'mar napa' neyemteña Yompor, ñerra'm erroten otenpa' atetcha' pa.

²⁶ Tarraña ama't atetpa' chocmach yepotam̄psa allempo o'ch yechapmoch patso. Añpa' allohua atet otanet Pablo.

²⁷ Allempoña o' met charramat puechena pa'tatsmat, atta yetam̄pena sa'po ñeñf otenet Adria. Allempopa'cho'ña yorrnotam̄pesnoma. Allempo chap roch tsapopa' añña ñeñf taruasetsets botopa' atet otet:

—Ñato' o' yechapmoch allo'tsen pats.

²⁸ Allempoñapa' o' topaso'tet sa'p. Allempoñapa' ahuo't eñochet allo'tsen ma'poch charrá' puechena pechap metro. Allempoñapa' o'cho' ahuaryerr allpononetpa' allpa'cho'ña o'cho' topaso'tuereterr. Allñapa' otet allo'tsen epoch charrá' puechena cancherr metro. Allempoñapa' añ mecha'tet taye'to yeto'mam̄psa mapyo.

²⁹ Allempoñapa' o'cho' a'sshore'tet puequ'e'nare'tot pa'tatsm̄aga ñeñfcha' rremue' bote. Allempoña a'sshore'tuetpa' o' cohuet ato't puetarena'.

³⁰ Añña ñeñf taruasetsets botopa' a'suaterret e'ñe a'nahua noñf tarro'mar ñetpa' añ muenenet o'ch cačhpá'nmuet alla bote. Ama't ahuepa't a'suaterret noñfpa' ñetpa' cha ottenet ñerra'mrrate' po'poñ a'sshore'tenet ñeñfcha' rromue' bote poñe'magot.

³¹ Allempoña Pablopa' eñot Janet atet cotape'chen ñeñf taruasetsets botopa' atet otan capitán ñaña po'poñečhno solltarnesha' atet otanet:

—Ñerra'm ama alla a'pueto botopa' sapa' amate' errotenot sequeshperro ama't puesheñarrotesa.

³² Allempoña solltarnesha'pa' o' tsorram̄pset noñf pochar attoch ahuo' a'yenet.

³³ E'ñe puetaresuanetsapa' añña Pablopa' atet otanet allohuenet:

—Te'pa' o'ch serra'muen tarro'mar o' charramat puechena pa'tatsmat sema'yočhreñot po'poñpa' ama semueno, ama es serreno.

³⁴ Ñeñto'marña o' nota'muenes serra'muen attoch cherr sehuamenc, tarro'mar amach eseshas chencatso, ama't puesheñarrotesa.

³⁵ Ñeñña otuanet o' chetan panpa' o' ma'yocha e'ñe alla all shontena acheñenesha'. Allotpa' shotan panpa' o' rre'.

³⁶ Allempoñapa' o' ye'chatanetpa' o' rret ñamet.

³⁷ Ñeñfey boto'tseney allohueneypa' allo'tsen doscientos setenta seis acheñenesha'.

³⁸ Allempoña ocha'huanet puerrarpa' alla saprroteneterr trigopo'r oño attoch o'huañcha' tama eñerrta bote.

Allempo taramp̄sanet sa'p po'bote

³⁹ Allempoña e'ñe puetaresuenpa' o' entet pats, tarraña ama puentareto ñeñt pats, tarraña allempo o' entet ñaña a'yohuen mueyapo's allñapa' a'yohuen ñaña pueme'tar. Allempoñapa' cotape'chetpa' otet:

—Ñato'yechapcha' all allochñapa' allcha'yetsotosa cohuen.

⁴⁰ Allotñapa' tsorro'tet ñaña ñeñt rromue' botepa' o' a'ypo'ña'nmet alla sa'po. Allempoñapa' o' pueyam̄peret allo huanquët ahuaña bote puepopaḡ. Allempoñapa' echantet ñaña poñe'magot shetamuets attoch morrpa' o'ch matatan bote. Allempoñapa' o' cho' ahuanp̄sey pueme'taronet.

⁴¹ Allempoñapa' o' chap bote all epchacra'stena sa'p all nanac epopa' rrochoñapa' cha muelle'sattena. Chap all botepa' cha a'chtosa poñe'magot, ama erro't yepere. Arro'tña puequë'nare'tot nanac emo'yarertena sa'p. Po'huamencpa' o' taramp̄sey yebote.

⁴² Allempoña solltarnesha'pa' mueneñ o'ch muetsanatuan ñeñt ayotamp̄saret ñaye'to' ñerra'm patetpa' ahuo'te' yetet.

⁴³ Tarraña capitánpa' nanac mueneñ o'ch a'queshp̄atan Pablo ñeñto'marña ama muenataneto o'ch muetsanachet. Atet otanet:

—Ñerra'm esesha'te' eñotene' patatsapa' o'ch sepata sanom attoch sepchata yonñta'n.

⁴⁴ Allotñapa' samña ñeñtes ama eñotenaye patatsapa' ñato' o'ch sanemyes tabla amapa' po'poñe'chno ñeñt ehyen bote, allochñapa' attoch sepchata samña.

Allempoñapa' o'cho' pechatuet allohuenet.

28

Allempo chapuet coñe't pats pa'so'cheñ Malta

¹ Allempoña o' yequeshp̄a' hua allohueneypa' allempoñapa' otyet añ coñe't patspa' año' pa'so'cheñ Malta.

² Añña acheñenesha' ñeñt ye'chetsa allpa' nanac muerapyet ñeñto'marña a'toronayet tso' allcha' yeshotosa, tarro'mar allempopa' cha huatena o' yesnate't. Tarraña e'ñe cohuen agapapuey allohuen acheñenesha'.

³ Pabloñapa' allenta tsella'tpechospa' o' a'tamo'ye' tso. Allempoñapa' machayota' cha'nom shechep̄ e'ñe tsot. Ahuo't atserr e'man tso'pa' o' cha'nomp̄a', cha a'chan Pablo pototpa' alla a'sope'ch.

⁴ Acheñenesha' ñeñt ye'chetsa allpa' eñchet Pablo cha a'sope'cheñ shechep̄ pototpa' atet otanna'tyeset:

—Añ acheñpa' amtsañe'ca'ye ñeñto'mar te'pa' ama't o' queshp̄a'hua sa'potpa' te'ña Yomporpa' o'ch tsa'tacha.

⁵ Tarraña Pablopa' pa'shque'cherra shechep̄ñapa' o' shora'nerr tso, amaña erro'teye' pe ama't mamesha.

⁶ Allempoña acheñenesha'pa' atta cohueñet Pablo ñato' machayotach añecmuenta potpa' o'ch tacro'ra rromue'. Allempoñapa' o' cohua'huet o'chet ama es atoto, allempoñapa' o' cotape'cherret po'poñ, atet otet:

—Añpa' po'ño'ch Paretste'.

7 Ñeñtña ane'tañtetsa allpa' añ pa'so'cheñ Publio. All ye'chap yapa' allotpa' allame'ttsa all ye'chena Publio, allpa' allo'tsen po'patseñ. Ñapa' o' agapapuey e'ñe cohuen ñeñto'mar allpa' yema'pamuetnom pa'paclo.

8 E'ñe allempopa' añña Publio pomporma' cha atсна'ten, nanac huoraten ñaña cha chemotse'ten, ama achñeno. Allempoña Pablopa' o' ahuo' o'ch enteña'. Allempoña chap Pablopa' ñaña' ma'yocham'psosya. Allempoña Pablopa' o' a'pillana'chpa' añña ñeñt atсна'tetspa' allenta correna.

9 Allempoña e'mare'ch allohuen acheñenesha' atet o' p'osa Pablopa' huapyesa acheñenesha' ñeñt atсна'tyets. Ñetpa'cho'ña e'ñe a'crratyesuanet Pablo.

10 Ñeñto'marña acheñenesha'pa' shonte' regala'yesyet pa'namen. Ñaña allempo ahuan'perryerr botopa' nonayet allpon ñeñt yepalltena.

11 Allempoña o' met ma'pña arrorrpa' o' alla ahuan'perryerr po'pnañ boto. Ñeñtña botepa' ñeñt cohuen' o'ch metuen allempo orrnoteñtsopten. Añ botepa' ñeñt huapatsa ahuaña Alejandro. Ñaña añ botepa' echenan poñe'magot acheñma't ñeñt epuesha' ñeñt toma'ntatenet po'yosret; ñeñtpa' añ pa'so'cheñ Cástor; po'psheñpa' añ pa'so'cheñ Pólux.

12 Allempopa' arr yetstnoma all oteñet Siracusa. Allña'p' alla yema'pamuetnom.

13 Allotpa' allampaño'mara yoctatoñe'ch pats, atteña'p' ye'chap all oteñet Regio. Allpa'cho' all yetstnoma. Tsapañña' o' m'orrarenerr mame-sha'tets. M'orrpa' arroñ huena yecha'ñeñta'not. Allempoña' o'cho' alla ahuan'penyerr. Allotña'p' e'ñe puepomtañocma ye'chap all oteñet Puteoli. Allpa' all yetstosa.

14 Allña'p' yentos ñeñt ame'ñetsa. Ñetpa' a'patapyet all ye'chenet, ñeñto'marña yapa' alla yecan'cherrmatnom ñesheto. Attotapa' o'cho' yeya'rrota ñaña Romo.

15 Añña ñeñt ame'ñetsa all Romopa' ahuo't e'mare'tyets o' ye'chap allampaño'p' allenta't onach'a'tet o'ch poctapyet. Puesheña'tetspa' o' chapuet all oteñet Foro ñeñtara Apio. Po'potantañña'p' alla't chapyeset rrocho all oteñet Ma'ppahua Pocoll. Allña'p' all pocta'yets. Allña'p' all entosanet Pablopa' nanac parasyso'tan Yompor tarro'mar allempopa' nanac coshatapet Pablo.

16 Allempoña o' ye'chap Romopa' atet otapet Pablo ye'chosepa'to' ellonet, tarraña chocma net solltar ñeñt'cha' cohuan'p'se'.

Allempo Pablopa' serrpare'tatosanet allempo chap anetso Romo

17 Poma'pamtañoñapa' añña ñeñt am'cha'tarettetsa judioneshacop allpa' Pabloñapa' agotatanet allohuenet. Allempoña o' e'ñe ap'cha'huetpa' Pabloñapa' atet otanet:

—Masheñeshacha', ama't napa' ama errot nepeñeña judionesha' ñaña ama cho nehuapore'tateno ñeñt atet ye'che't yatañeshañpa' te'ña judionesha'pa' o' atta rroma'net all Jerusaléño, o' pomnet allo'tsen romanonesha'.

18 Ñetpa' a'p'to'tare'tnet, tarraña amaña entoneto atto alloch muetsatnet, ñeñto'mar ñetpa' mueneñetañ o'ch a'rroyernetañ.

19 Tarraña judionesha'pa' ama pocteye' eñcheto o'ch a'rroyernet. Ñeñto'marña napa' nesecha o'ch entatenneta' am'cha'taret arr Romo. Tarraña napa' ama cho notteñe'cheñe namo'tsna'tar.

20 Ñeñto'marña te'pa' o' nagotatuas allochñapa' o'ch neserrpare'tatuas ñeñt atet pennet. Ñaña napa' name'ñena atto ñerra'm yerromapa' Yomporpa'

o'ch tantaterrey esempohuañen. Ñeñfo'marña te'pa' o' sentuan napa' ehuan-
careten, tarraña ama't allohuen judionesha'pa' attecma ame'ñenetañ.

²¹ Ñetñapa' atet ochet Pablo:

—Tarraña yapa' ama yaguëna' carta Judeot ñeñ atet otenet pocop. Ñaña
ñeñ ame'ñetsa ama't huapyenet arrpa' ama esesha' errof otetso pocop ñeñ
ama cohuenayaye.

²² Yapa' aña yeñoten po'ñoçhocma e'moñe'teñet erracmañen ñeñ cotene'
Jesús poctapña. Ñeñfo'marña yapa'çho'ña yemneñ te'pa' o'ch ye'mñotaþ
yaña errotente' poctape'chen þa.

²³ Allempoñapa' a'poctachet allempoch huaçha'tet allo'tsen Pablo
allempo'ch serrpare'tatanet. Allempoña o' çhap allempoch huaçha'tetpa'
allempopa' shonte' acheñ huaçha'tatsa Pablesho. Allempoña Pablopa' e'ñe
ellapen serrpare'tatahuet; a'potanet atet pena Yompor po'cohuenña ñeñ
atto ayochreshattena ña. Ñaña lleyatyesanet Moisés po'ñoñ all oten atetcha'
þa ñeñcha' Cristotats. Ñaña lleyatyesanet po'ñoñ ñeñ a'mtaye't ahuat
Yompor po'ñoñ all oten ñaña atetcha' þa ñeñcha' Cristotats. Ñapa' nanac
mueneñ o'ch ame'ñatanet atto Jesús pa' po'ñoçhoc ñeñ Cristotats.

²⁴ E'ñe allempopa' ame'ña'yesyet puesheña'tets, tarraña po'potantañpa'
ama es ame'ñatso.

²⁵ Atteñapa' ñañeñeta achmãre'tanna'tyeset. Allempo ahuanerrmochetpa'
allempoña Pablopa' otanet:

—E'ñe po'ñoçhoc atet ote't Isaiás ahuat allempo Parets Puecamquëñoþpa' otan
satañeshañ:

²⁶ O'ch soteña' judionesha' añ ñoñets: Ama'tcha' çhocma e'mñnotenetpa' ama't
ahuatapa' amach çhapaneto pueyoçhreto. Ñaña ama'tcha' çho es
entuetpa' amach çhapaneto pueyoçhreto.

²⁷ Alloþpa' o'ch sotenaneta', te'pa' pueyoçhretopa' nanac echartenet attoch
amach es çhaphueto pueyoçhreto. Te'pa' amach mueneto o'ch
es e'mñotet taye'to' çhapanet pueyoçhreto. Te'pa' amach mueneto
o'ch es entet taye'to' çhapanet pueyoçhreto. Attetach amach es
cotape'cherreto nocop ama't mamesha attoch na'queshþaterranet.

Añpa' allohua atet ote't Isaiás ñeñ a'mtaye't Yompor po'ñoñ ahuat.

²⁸ Allempopa' alla oterraneterr Pablo:

—Te'pa' o'ch neñotatas añ, tayoteñ Yompor po'ñoñpa' o'ch yeserrpare'tach
po'poñ acheñ ñeñ ama judioneshayaye. Tarro'mar ñetpa' ñerra'm e'moñet
Yompor po'ñoñpa' o'ch ame'ñet. E'ñe pame'ñeñoftetpa' queshperretcha'.

²⁹ Ñeñfa otuanet Pablopa' aña judionesha'pa' e'ñe
pachmãre'tanna'teñoftetpa' o' ahuanerret.

³⁰ E'ñe epa char all yeçha Pablo Romo. Allpon pallta'yese'tpa' e'ñe
tsa'tuauye't. Ñaña e'ñe cohuen agapyesane't ñeñ huapyestse't.

³¹ Ñaña e'ñe cohuen serrpare'tanete't atet pena Yompor po'cohuenña
atto ayochreshattena ña, ñaña yeçhatanete't atet pena Yepartseshar Jesu-
cristo. Tarro'mar allpa' ama esesha' epatare'taye'te. Allohua.

AÑ SAN PABLO PO' CARTA ÑEÑT' QUELLCAN ROMO' MARNESHA' ROMANOS

Atto Pablopa' quellcanet carta añecop ñeñt' ame' ñetsa netso Romo

¹ Masheñshacha' ñaña nochaneshacha' ñeñtes allohuenes yechetsa anetso ñeñt' añ pa'so'cheñ Roma ñeñtes Yomporpa' ahuo't nanac muerrsa, attoña o' hua'ñerres attoch sapa'cho'ña o'ch e'ñe poctacma pueyochresha' perres. Na Pablón sequellquëne'ña añ carta, ñeñten nanac torrets Jesucristocop tarro'mar ñeñtecopña llesenserrenña Yompor, nach ma'yochrerraya serrpare'tyene' añ cohuen ñoñets ñeñt' huetsa Yomporshot alloch po'ño'ch yequeshperra.

² Añ cohuen ñoñetspa' ñeñtara ñoñtsor ñeñt' ama't ahua't Yomporpa' e'ñe eñotatuane't ñeñt' a'mta'yese'te' po'ñoñ ñeñt'cha' atet perrnay te' añeñpo. Ñeñto'marña ñetpa' quellca'yese'te' ñeñt' atet otanete't Paretis.

³ Ñaña añ cohuen ñoñets alloch yequeshperra, ñeñt'pa' añ serrpare'ten Jesucristo ñeñt' Puechemer pen Yompor. Tarraña allempo acheñetos arr patsropa' ñapa' e'ñe David po'mrenño't eñalleta, ñeñtara David ñeñt' añcha'tarettatse't ahua't.

⁴ Tarraña Paretis Puecamquëño'tpa' nanac ahuamencattache't añecop ñeñt' cohuenetyetsa Partocop. Ñaña chemerrña allempo Pomporpa' ahuo't tantater po'rromño'tpa' allempoña e'ñe eñotuare'ta ñapa' po'ño'ch Yompor Puechemer ñeñtara Jesucristo ñeñt' Yepartseshar yepen.

⁵ Ñaña yame'ñeño't ñeñtara Jesucristo, Pomporña e'ñe puemuereño'teypa' ahuo't apuey llesens, allochñapa' yach ame'ñatyenuhuet ama't erraparen allohuen anetso'mar. Attochña e'ñe cosha'yëññañet Yompor Puechemer.

⁶ Atet ñerra'm sa ñeñtes yechetsa Romo, sapa'cho'ña ahuo't sa'hua'ñare'tterra attoch socter Jesucristo.

⁷ Te'pa' e'ñe nehuon'cha'teño'tes sa, napa' o'ch notas: Yomporepa'chña sebensare'tañpene' ñeñt' nanac Paretis epuet Puechemer Jesucristo ñeñt' Yepartseshar yepen. Ñetepa'chña socshatene' e'ñe sa seyo'chro allohuenes.

Atto Pablopa' mueneñ o'ch emo'tenana' romo'marnesha'

⁸ Ñehua, e'ñe ñanompa' añcha' notas, e'ñe neyemteño't Jesucristopa' chocma neparasyoso'teñ Yompor allohuenacpas, tarro'mar ora allemeneñ anetso'marpa' chocma serrpare'tyenet atto sapa' ahuo' e'ñe cohuen same'ñena.

⁹ Yomporpa' e'ñe eñotenen, napa' chocma nema'yochena socop. Ñaña añ Yomporpa' ñeñt'ña nanac nesherven, e'ñe neyo'chrocmañen neserrpare'tateño't po'ñoñ, ñeñt' atet perrnay Jesucristo ñeñtara ñeñt' Puechemer pen ña.

¹⁰ Napa' chocma nenamueñ Yompor attoch ama't esempopa' o'ch nabchensa' ñerra'm ñach muenats.

¹¹ Napa' atarr nemneñ o'ch nabchensa', o'ch ney'chatensa' attoch Paretis Puecamquëño'tpa' allote' sesen huomenctatsa ñocop.

12 Ñehua, añ noten, e'ñe yame'ñeñoť parropa' e'ñe pocte' o'ch yeychatanna'ta ñeñť cohuentetsa Yomporecop attoch yeyenpanna e'ñe yame'ñeñoť Yompor.

13 Ñaña te'pa' o'ch masheñeshacha' ñaña nočhaneshacha' notas, ama't ahuañmo'chofeñ nesechenañ o'ch nabchensa' tarraña teme'ttsenpa' ama errot nepeñe. Napa' añecop nesechena ñaña attoch seshopa'cho'ña o'te' name'ñateña' acheñenesha' atet nepa'yena po'poñ anetso'mar.

14 Tarro'mar ñeñť poctetsa nocoppa' o'ch neñotach allohuen acheñenesha' añ cohuen ñoñets attoch yequeshperra, ama't griegonesha' ñeñť nanac ayčhataretetsa amapa' ñaña acheñenesha' ñeñť ama ayčhatareteyaye, ama't ñaña acheñenesha' ñeñť nanac es eñotenet amapa' ñaña ñeñť ama es eñotetso.

15 Ñeñťo'marña e'ñe nocsheñeshocmañen nemneñ o'ch neserrpare'tatas samña añ cohuen ñoñets alloch yequeshperra ñeñťes yečhetsa anetso Romo.

E'ñe añ yame'ñeñoť ñeñť cohuen ñoñets, ñeñťpa' allochña Yomporpa' a'queshpaterrey

16 Tarro'mar napa' ama apenca'pahuoye' nenteno añ cohuen ñoñets atto Jesucristo rroma yocop alloch yequeshperra, tarro'mar ñerra'm esesha' ame'ñenaya añ cohuen ñoñets, ñeñťpa' ñeñťña Yompor po'huamenc alloch a'queshpaterrey allohueney ñeñťey ame'ñenaya ña, ñeñťey judioneshay e'ñe yanom allotpa' ñaña ñeñť ama judioneshayaye.

17 Ñaña añ ñeñťara cohuen ñoñetspa' eñotateney, e'ñe yeyemteñoťa Jesucristopa' Pomporña' e'ñech pocte' enteney, allochñapa' allo'nach yesen e'ñe yemtenaya ña. Tarro'mar añpa' ñeñťara anuaret ahuatoteñ e'ñe Yompor po'ñoño allohuenacpay, ñeñť otets atet: Ñeñťey ame'ñenaya Yomporpa' e'ñech pocte' entueney ñaña e'ñe yeyemteñoť ñapa' yañapa' corretsayach, ama't tayoten errponohuañen.

Atto allohuen acheñenesha' atpare'chete't Yompor

18 Tarro'mar yapa' yeñoteñ Yompor ñeñť pue'ntaña'tsen e'ñe po'yoročhenño'tsa'yena allohuen acheñenesha' ñeñť ama pocteye' es peneto ñocop, ñeñť sosya'tsañach eñotyenet. Ñaña e'ñe atet puepatse'teñoťetpa' ñeñťaña ama muenatenahueto o'ch orrtanet Yompor po'cohuenña ñeñť e'ñe po'ñoč.

19 Ñehua, ama't sosya'tsañach eñotyenetpa' tarraña ñetpa' e'ñe eñotueñet ñaña atet penaña Yompor, tarro'mar ñapa' ñaña eñotatenahuet e'ñe pueyočhreto ñeñť atet penaña ña.

20 Ama't yeñoteñ Yomporpa' ama entpahuoyaye tarraña yenteññañ pueyečcatarot po'partsoña ñaña allotña yenteññañña po'huomenc atarr. Ama't ahuatoteñ allempo e'ñe errote' yečcatene' pats, allotetña yenteññañña po'ñoč po'partsoteña ñeñťña' errponohuañen. Ñeñťo'marña acheñenesha' ñeñť yečhene' sosya'tsañpa' amate' errotetot oteto amo' eñoteñetotña ñeñť atet penaña Yompor po'partsoteña.

21 Ñaña ama't eñoteñetañ ñeñť atet penaña Yomporpa' tarraña ama mecha'na'teñetotña Paret, ñaña ama coshateñeto ñeñť ora añecop. Attoña o'huañcha' cotape'chenet ñeñť sherbets Partsocop. Ñeñťo'marña pueyočhretopa' o'huañcha' eñoteñet ñeñť cohuentetsa Yomporecop; atet ñerra'm pueyočhretpa' nanac a'checmetamšaret.

22 Ama't otenetañ atarro' es eñotenet, tarraña po'ñoçh ñetpa' ahuo't atta allo'na otatsña'etneten.

23 O'huañcha' cosheñet ñeññ po'ñoçh Parets ñeññ ama arromña'eshayaye. Añachña e'ñe coshenet ñeññ yeçhcatyenet ñet. Tarraña ñetpa' e'ñe arromña'ofota atet es yeçhcatyenet atet ñerra'm acheñma't ña'ma otma't, ña'ma po'yallopma't ña'ma es berrma't. Ñetñapa' ñeññach e'ñe ma'yochyenet ñeñño'ña e'ñe po'yomporer penet.

Atto acheñenesha' allo'na senet muenatse'tyese' ñeññ nanac sosey enten Yompör

24-25 Attoña o'huañcha' ame'ñeñet ñeññ po'ñoçh Parets, añachña ame'ñenet ñeññ ama po'ñoçho'yaye. O'huañcha' ma'yocheñet ñeññ e'ñe Yompöra', añachña ma'yocheññañet ñeññ e'ñe ña pueyeçhcatuar. Ña'ma o'huañcha' sherbeñet ñeññ e'ñe Yompöra', añachña sherbeññañet ñeññ e'ñe ña pueyeçhcatar. Tarraña Yomporepa'chña ñapue' aye'choçhtatarettatsa tayoteñ ama't erponohuañen. Ñeññpa' attetepa'ch. Tarraña atto a'ypo'ñeñet Yompörpa' ñapa'cho'ña e'ñe pa'ypo'ñeñofanet ña'mapa' ahuo't muenatyesanet o'ch allo'na senet muenatse'tyaset ñeññ nanac sosey enten Yompör. Ñeññ atto muenatse'tyenet atto o'ch agapannenet, ñeññotpa' nanaccha' apencoçhen yeçhenet.

26 Ñeñño'marña Yompör e'ñe pa'ypo'ñeñofanetpa' ahuo't muenatanet o'ch allo'na senet muenatse'tyestset ñeññ nanac apencoçhen enten ña. Attoña ama't coyanesha'pa' o'huañcha' aguënan puerrollar atto ñeññ e'ñe poçte' atet anareteyeñ. Ñagattsetach muenannetset o'ch agapanna'tyenet ñeññ e'ñe parro pacmacmuet. Ama't ñeññpa' ama atteye' anareteye.

27 Ña'ma ama't yacmapa' attecmaçh penet. O'huañcha' aguënan puetapor atto ñeññ e'ñe poçte' atet anareteyeñ. Añachña atarr muenen o'ch aguënan pacma e'ñe ñagattsa pacmacma, ama't ñeññpa' ama atteye' anareteye. Ñeññ atet pannenet yacma parro yacmacmapa' ñeññpa' nanac apencoçhen enteñ Yompör. Ña'ñeñetach coñchatetset ñeññ atet pätse'tyenet.

28 Attoña ama't mamesha o'huañcha' mueneñet o'ch yerpa'pesyet Yompör. Ñeñño'marña Yompörña'pa' pa'ypo'ñeñofanetpa' ahuo't muenatanet o'ch cotape'chatse'tyaset ñeññ ama poçteye' enteno ña. Añachña pätse'tyenet ñeññ ama a'papahuoyaye.

29 Añachña nenet pueyoçhreto ñeññ esocmañen ñeññ ama't mameshapa' ama poçteyaye ñeññara pa'namen sosya'tsañeçhno. Ñeññpa' añeçhno: agapanneñets ñeññ ama puerrollareyaye ña'ma ñeññ ama puetaporeyaye, ña'ma cotape'chatse'tyeñets ñeññ ama cohuenayaye, ña'ma ye'chatse'tyeñets, ña'ma ye'moñe'tanneño'pa' o'ch errot yepoñ po'psheñeñ, ña'ma yeye'chapreteño'pa' o'ch ye'moñe'ch po'psheñeñ, ña'ma muetsanna'teñets, eñoseñe'cheñets, ña'ma shecanna'teñets, ña'ma atsrre'moçhen entanna'tueñets, ña'ma a'metam'psare'tanna'teñets,

30 ña'ma sasare'tanna'teñets, ama't Yompörpa' ello e'moñe'teñet, ña'ma ama't po'psheñeñpa' amach mecha'na'teñeto ama't mamesha, attachña e'ñe ña'ñeñapa' cohuyen entetset, ello'pa' ommo'chenetcha'. Añach e'nyenet ñeññ ama cohuenayaye, attotcha'ña ama ame'ñeñeto ama't pomporet ama't ña'ma pachoret.

³¹ Amach chenaneo pueyoçhreto ñeñt cohuentetsa Yomporecop, amach a'pocateneto po'ñoñ ñeñt atet otenet. Amach es amorrentenaye' enteneto ama't mamesha, amach es apretenenaye' enteneto ama't mamesha, ñaña amach es amuerenaye' enteneto ama't memesha.

³² Ñeñt patse'tyetsa atetpa' ama't eñoteñetañ e'ñe Yomporeshot anaretetua ama't coñcheñets añecop ñeñt patse'tyetsa atetpa' tarraña ñetñapa' ñeñtarach atet patse'tyesnenet. Ama't pamo'tshetpa' ñerra'm e'ñe attecma ñohuenet ñametpa' chemerrña allempopa' ñeñtach erronaye' coshapretannenet.

2

Atto ama't judionesha'pa'çho'ña atpare'toñete't Yompor po'ñoñ

¹ Ñeñto'mar te'pa' o'ch notas allohuenes ñeñfes judioneshas, ñato' sapa' çhate' sotenapañ sapa'çho'ña año'te' atteye' seyçheno sosya'tsañ atet pena po'potantañ. Tarraña amate' errotentot soto atet tarro'mar allohueneypa' e'ñe attecma yepena. Ñerra'm çha yoten po'psheñeñpa' ama cohuenayaye, tarraña atetpa' yañeña atet otetsa ama't erra'tsenoteya ñeñtey atet otets.

² Tarraña ama't atetpa' yeñoteñ Yomporpa' çhocmach tsa'taterrana allohuen ñeñt atet es patse'tyets, errotentcha' e'ñe pocte' ent ña.

³ Sapa' çhate' sotenapañ saptate' atarr morrentensa Yompor, amachña tsa'taterrso sa, ama't sapa'çho'ña attecma se'patse'tyen sosya'tsañ ñeñt atet pena po'potantañ, tarraña sapa' çha sotenanet ñetpa' amo' cohuenayayeto.

⁴ Amapa' sapa' çhate' sotenapañ Yompor pueuereñoñ nanacpa' amach tsa'taterrso tarro'mar teme'ttsen ama errof penso, atta cohuenes. Ama't señoñe añecopña teme'ttsen muerensa Yompor attoch ellopa' o'ch e'ñe soctape'chuerr cohuen allohuenes.

⁵ Tarraña ñerra'm atta se'charrena seyoçhro, amachña soctape'chuerr cohuen, allempochña allo'nach sesen atontatnomue' attoch tsa'tatuerrsa Yompor esempohuañencha' tsa'tatuerrya allohueney errotentcha' e'ñe pocte' entyesuerrey e'ñe puesheña'ttsoy. Allempoña allohuen acheñenesha'pa' o'ch e'ñe eñotueret ñeñtcha' e'ñe atet tsa'tatuerrya e'ñe puesheña'ttsoy, ñeñtpa' e'ñech pocte'.

⁶ Ñaña tsa'tuerryach allohueney ñeñtey corra'yetsa arr patsro errotente' yepa'yena e'ñe ñocop.

⁷ Ñerra'm çhocma yoctape'chen e'ñe cohuen Yomporecop, ñaña ñerra'm çhocma yoctaññañ po'cohuenña, ñaña ñerra'm añ ye'nen attoch ñapa' e'ñech cohuen entuerrey, ñaña attoch aphuerreycha' ñeñt alloch yocrerra erponohuañen, allempoña po'ñoçhpa' aphuerreycha' attoch yapa' corretsayach yocsheñeshocmañen tayoten e'ñe errponañohuen.

⁸ Tarraña ñerra'm yapa' añ cohuen yenten ñeñt yemnen ya, Yomporña po'ñoññapa' ñerra'm çha yatpare'teñ, aña yocten ñeñt ama cohuenayaye Yomporecoppa' ñaña po'yoroçhenñoñ po'ñoçhpa' çhocmach tsa'tatuerrya.

⁹ A'coñchatare'terrach allohuen ñeñt co'tene' ñeñt ama cohuenayaye arr patsro, amuerochtataretterretcha' allohuenet ñeñt atet petsset, ama't ñanom atet ñerra'm judionesha' allotpa' ñaña ñeñt ama judioneshayaye.

¹⁰ Tarraña allohuen ñeñt co'tene' ñeñt cohuentetsa Yomporecop arr patrop'a Yomporñapa' cohuencha' enterranet, aphueranetcha' alloch e'ñe cohuentapreteret, aphueranetcha' ñaña attoch cosha'huerret e'ñe cohuen pueyoçhreto. Atetcha' perran allohuen ñeñt e'ñe cohuen corra'yetsa, ama't ñanom atet ñerra'm judionesha' allotpa' ñaña ñeñt ama judioneshayaye.

11 Tarro'mar Yomporpa' ama ñap̄ta judionesha' morrenteno, añña ñaña allohuen acheñenesha'pa' e'ñe morrentueña. Ñaña attecma Yomporpa' ama ñap̄ta coñchatenano ñeñt̄ ama judioneshayaye, ñapa' ama't judionesha'pa' e'ñech coñchatuer.

12 Ama't atet ñerra'm ñeñt̄ ama judioneshayaye ñeñt̄ ama echenaye Moisés po'ñoñ, ñerra'm añ cotenet ñeñt̄ ama cohuenayayepa' elloña ñetpa' chenca' huerretcha', tarraña ñetpa' amach a'ñeye' a'chencaterrahueto Moisés po'ñoñ. Tarraña judionesha'ñapa' ama't echeññañetañ Moisés po'ñoñ, tarraña ñerra'm attera, añach cotape' chyenet ñeñt̄ ama cohuenayaye, ñetpa' añachña a'chencaterrahueto ñeñt̄ara Moisés po'ñoñ.

13 Tarro'mar Yomporpa' ama pocteye' entenano ñeñt̄ atta e' muene' orrena po'ñoñ all serrpare'teññañet. Añña pocte' enten Yompor, o'ch atet penet ñeñt̄ e'ñe atet oten po'ñoñ.

14 Ñehua, o'ch yoctape'ch ñeñt̄ atet pena acheñenesha' ñeñt̄ ama judioneshayaye, añenesha' ñeñt̄ ama echenaye Yompor po'ñoñ. Ñetpa' ama't ama echeneto Yompor po'ñoñpa' errotenopa' e'ñe pueyoçhretof poctape'cheñoft̄epa' ahuo'tcha' atet pa'yenet ñeñt̄ e'ñe cohuentetsa Yomporecop, ñeñt̄ e'ñe atet o' anaretetua Yompor po'ñoño ñeñt̄ atet poctetsa ñocop. Ama't ama echeneto Yompor po'ñoñ ñeñt̄ atet aquellcaretpa' tarraña pueyoçhretoñapa' e'ñe eñoteñet erra'tsente' ñeñt̄ cohuentetsa.

15 Ñeñt̄ atet pa'yene' ñeñt̄ cohuentetsa, yapa' yeñoteñ pueyoçhretoña eñoteñet ñeñt̄ atet cohuentetsa, ñeñt̄ara ñeñt̄ atet oten Yompor po'ñoñ ñeñt̄ o' anaretetua. Ñehua, o'ch yetma'ntacha atet ñerra'mrate' Yompor po'ñoñpa' e'ñech pueyoçhreto aquellcareneta. Tarro'mar e'ñe ñet pueyoçhretotpa' eñotenet ñerra'm esempopa' o'ch pohuerret ñeñt̄ ama cohuenayaye, ñaña eñotenet ñerra'm esempopa' o'ch atet penet ñaña ñeñt̄ e'ñe cohuen.

16 Tarro'mar yeñoteñ esempohuañen Yomporpa' eñotatuerreycha' ñeñt̄ ora allpon ya' nasotena te'. Yompor Puechemerña ñeñt̄ Jesucristo ñach otats atoch tsa'tatya. Ñeñt̄pa' e'ñe atet ñeñt̄ o' notuas ñeñt̄ara noten allempo neserrpare'ten añ cohuen ñoñets alloch yequeshperra.

Atto judionesha' ama't echenetañ Yompor po'ñoñ patpare'teñoft̄epa' nanac ayohuarettenet

17 Te'pa' o'ch alla neserrpare'taterrerr ñeñtes judioneshas. Ñehua, sapa' cha soten sapa' judioneshaso' ñaña añña atarr seyemtena ñeñt̄ nonaset Moisés, ñaña atarr sommo'chena tarro'mar sapa' soteneñ e'ño' puechemer penes Yompor.

18 Ñaña soteneñ e'ño' señotueñ ñeñt̄ atet muenen ña. Ñaña po'ñoñ ñeñt̄ atet anaretpa' ñeñt̄o'ña seyçhatene' ñeñt̄ atarr cohuentetsa Yomporecop.

19 Ñeñt̄o'marña sapa' soteneñ, po'ñoçh atarro' es señoten, atoch seyçhateñ po'potantañ ñeñt̄ ama es eñoteneto. Cha sottena ñerra'm ñeñteso' echa'nene' ñeñt̄ ama entetso, amapa' ñerra'm ñeñteso' çhoyo'tañpene' ñeñt̄ chopeñe'çhets checmeto.

20 Ñaña sapa' çhate' sotenapañ po'ñoçh atarrte' cohuen seyçhateñ po'potantañ ñeñt̄ ama eñotenaye ñeñt̄ cohuentetsa, ñeñt̄ atet petsa ñerra'mrate' cheshatollesha' ñeñt̄ ama eñotenana' ñeñt̄ cohuentetsa. Ñaña sapa' soteneñ po'ñoçho' esocmañeno' señotuahuen, ora ama't allpon ñeñt̄ po'ñoçhotets, tarro'mar sapa' secheññaño' Yompor po'ñoñ ñeñt̄o'ña esocmañen señotatene'.

21 Ñehua, te'pa' o'ch notas, sapa' ama't o' atarr sey'chateñ po'potantañpa' tarraña amaña sey'chatenoña e'ñe sañeña ñeñt' cohuentetsa Yomporecop. Ñaña sapa' ama't o' atarr seserrpare'ten atto ama etanna'tpahuo, tarraña sañapa' 'hocma setanna'tyena.

22 Ñaña sapa' ama't seserrpareñeñ atto amo' achtapretpahuo taporets, tarraña elloña sapa' 'hocma sapretannena setapor. Ñaña sapa' ama't set-sena'teneñ ñeñt' aye'chcataret, tarraña sañapa' ahuo't seyorayesña puerahuot' ñeñt' atarr co'chnesha' ñeñt' allo arca'tam'penet ñeñt' po'yoser penet. Ñeñt' atet etetspa' ñeñt'pa'cho'ña attecma enteñ Yompor ama apapahuoyaye atet.

23 Ñaña sapa' nanac sommo'chena tarro'mar sapa' secheññañ' Yompor po'ñoñ ñeñt' atet anaret' ama't ahuatoteñ. Tarraña ama't atteñpa' amaña atteye'ña sepeno ñeñt' atet oteneñ añ ñoñets ñeñt'cha' atet sepa. Yomporñapa' 'cha sottatateñ ñerra'mrrate' ñapa' ama es eñotpeno ama't mamesha.

24 Ama't atet oten Yompor po'ñoñ ñeñt' atet anuaret' ahuatoteñ, ñeñt'pa' atet oten: "Ama't ñeñt' ama judioneshayayepa' achm'are'teñet Yompor e'ñe sesharmoro't, e'ñe sepatse'tyeñoñ ñeñt' ama't mameshapa' ama pocteye' enteneto ama't ñame'ttseta."

Atto ñeñt' po'ño'ch puechemer pen Yompor

25 Po'ño'chña ñerra'm añ semnen o'ch setsoteññañ Moisés po'ñoñ ñeñt' atet anuare'tpa' añ poctetsañ o'ch setsorrannena, tarro'mar ñeñt'pa' sherbeneñ. Tarraña ñerra'm elloña satpare'teññañ po'poñ Moisés po'ñoñ ñeñt' atet oteneñ ñeñt'cha' atet yepapa' ama't atto o' sa'tsorraretetuapa' ñeñt'pa' e'ñe orrena, attecma ñerra'm ama atsorrare'teyayye.

26 Ñeñto'marña yeñoteñ ñaña, ama't ñeñt' ama atsorrare'teyayepa' ñerra'm añ atet penet ñeñt' atet oteneñ Yompor po'ñoñot'pa' ama't ama atsorrare'teyayye, Yomporñapa' atet'cha' enteneñ ñerra'm e'ñe puechemer peney po'ño'ch. Attecmach enteneñ ñerra'mrrate' ñeñt' atsorraret', tarraña e'ñe'ch puechemer perrey po'ño'ch.

27 Ñeñto'marña yeñoteñ ama't ñeñt' atta corretsa atet eñalleta, ama atsorrare'teyaye, ñerra'm añ atet penet po'ño'ch ñeñt' atet oteneñ Yompor po'ñoñot'pa' ñet'ñapa' pencaterrsetcha', tarro'mar ñetpa' ello metanennaset ñeñt' allpon cohuen o' sephohua Yomporecop. Tarro'mar sapa' satpare'teññañ po'ñoñ ñeñt' atet anaret'. Metanenset sa, ama't sapa' secheññañeñ Yompor po'ñoñ ahuatoteñ, ñaña ama't sapa' e'ñe atsorrare'teseñ.

28-29 Ñeñt' e'ñe po'ño'ch puechemer pen Yomporpa' ama ñap'ayaye ñeñt' eñalletetsa judionesheshot'. Añña po'ño'ch e'ñe puechemer pen ñeñt' e'ñe'ch cohuen cotape'chenet pueyo'chreto' ñocop. Ñaña tsorraneñets e'ñe atta yecht'sopa' ama esoyaye Yomporecop. Añña sherbets Yomporecop atto cohuen es yoctape'chen e'ñe yeyo'chrot'. Ñaña ñeñt'pa' huena e'ñe Parets Puecamquëño't, ama añote'y' hueno o'ch e'ñe yepa'y'esua ñeñt' aque-l'ca'y'esaret' esheccha'ña puechemer perrey Yompor. Ñerra'm atet'cha' yoctape'cherr cohuen yeyo'chro Yomporecoppa' atto'chña Yomporpa' e'ñe'ch pocte' entuerrey, ama't'cha' acheñenesha'pa' ama pocteye' entenyeto.

3

1 Te'ña sapa' 'chate' sotenapañ judionesha'pa' amate' atarr sherbeno amapa' 'chate' sotenapañ ñeñt' atto tsorrannenetpa' amate' es sherbeno. Tarraña ñeñt'pa' ama atteyaye. Po'ño'chca'ye atarr sherba'yen judionesha'.

2 Ñehua, o'ch yot ñanóm ñeñĩ atto sherbenet. Ñetña aparetet Yompör po'ñoñ ñanóm atto ñetcha' a'potenet ñeñĩtara ñoñets.

3-4 Tarraña ama allohuenacmaye' ame'ñeneto ñeñĩ atet oteney Yompör po'ñoñof. Tarraña ama't atet pohuanenetpa' amate' errotenot a'psateretña Yompör ñeñĩ atet oteney po'ñoñof, ama't mamesha. Ñapa' chocmach a'pocatuonay po'ñoñ ñeñĩ atet o' otueney. Ama't allohuen erra'tsen acheñerpa' ama'tcha' ama a'pocatuenetto ñeñĩ atet eñorenepa' tarraña señoche'ch, Yompör e'ñe ñapta, ama puenesho po'ñoñ. Ama't atet oteney Yompör po'ñoñ ñeñĩ atet aquellca'huaret ahuatoteñ, ñeñĩpa' all atet oteney: Allohuen acheñenesha'pa' eñotetepa'ña atto Yompörpa' ama puenesho po'ñoñ, ñaña ñerra'm esesha' atta otatse'tyets atto Yompörpa' año' pocteye' es peno, tarraña eñochetepa'ña Yompörña e'ñe pocte' es pets.

5 Ñeñto'mar napa' o'ch notas, e'ñe ya yepeñoñ ñeñĩ ama cohuenayaye, attoña yorratetñañ Yompör ñapa' ñaña e'ñe cohuenare' es ña'yets. Ñehua, ñerra'm yo'chñaroñ atet yeyenpapeñeñ Yompör orrtate' po'cohuenña' sañapa' çhate' sotenapañ, Yompörpa' amate' pocteyeyña o'ch tsa'taterrya yo'chñaro'mar. Ñehua, añpa' atta notenes atet tarro'mar ñeñĩpa' atet eñosats'e'tyen acheñenesha'.

6 Po'ñoñch yeñoteñ e'ñe pocte' atetcha' tsa'taterrya Yompör. Tarro'mar ñerra'm ama pocteyaye ñeñĩ atet pena Yompörpa' ñeñĩepña' amate'cho' erroteno eñoteñe ñaña atetcha' entyesuerrey allohueney esempohuañen.

7 Ñaña yaña ñerra'm esempo yeñosats'e'tyen es ñeñĩ ama atteyayepa' attoña yorratetñañ Yompör ñapa' ñaña e'ñe po'ñoñchare' ñeñĩ atet es otyen. Ama't e'ñe yeñosats'e'teñoñpa' nanaccha' yecohuentateññañ Yompör. Ñehua, ñato' sapa' çhate' atet soten, ñerra'm atet yeyenpapeñeñ orrtate' Yompör po'cohuenña, amate' pocteyayeyña o'ch attera enteney Yompör ñerra'm ñeñĩey atarr sosey es ña'yets.

8 Sapa' año sotates'tyen, ama'tpa' a'papo'ch ñeñĩ ama cohuentetsonña al-lochña'pa' e'ñe atotpa' o'ch yorrateten ñeñĩ cohuentetsa. Puesheña'tets acheñ e'ñe pueyllatats'e'teñme'chatset neñoñpa' otyenet, ñeñĩña'cho' atarr otenña Pablo. Tarraña Yompörcha'ña tsa'taterrahuet ñeñĩ atet otatse'tyenet. Ñaña ñeñĩpa' e'ñe pocte' atsa'tataretterre'tepa'chña.

Atto allohueney ñeñĩey acheñey çhocma ochña'ecmay

9 Ñehua, sapa' çhate' sotenapañ yapa' po'ñoñchte' Yompörpa' enteney ñeñĩey judioneshay e'ñe cohuenare' es yepa'yen. Ñaña çhate' sotenapañ po'potantañ ñeñĩ ama judioneshayayepa' ñetña'pa' amo' attey'e' entenaneto Yompör. Tarraña ama't mameshapa' ama atteyaye. Tarro'mar napa' o' neñotatuanmas atto ama't allohueney ñeñĩey acheñey çhocma ochña'ecmay ama't ñeñĩey judioneshay. Ama't ñaña ñeñĩ ama judioneshayayepa' e'ñe attecmay ochña'ecmay.

10 Ama't Yompör po'ñoñ ñeñĩ atet aquellca'huaret ahuatoteñpa' e'ñe attecma oteney, ñeñĩpa' atet oten: Ama't puesheñarofeyapa' ama eñallyeña ñeñĩey e'ñe pocte' pene' ñeñĩ poctetsa Yompörecop.

11 Ñaña ama't puesheñarofeya ama çhennayo yeyo'chro attoch yeñotoñ Yompör po'cohuenña. Amachña añeye' ye'nenó ñeñĩ atet muenen Yompör, ama't puesheñarofeya.

- 12 Ama't allohueney ahuo't yesa'neñ Yompor, ama't mamesha o'huañ yeshërba' ñocop, ama't allohueney. Ama't puesheñarrofeya ama eñallyeña ñeñfey e'ñe cohuen es pets Yomporecop.
- 13 Atto e'ñe ya yeñosatse'teñoť sosa'tsañečno yeñyapñapa' čha ottena ñerra'mrrate' apampaña ñeñť atoramñsaret. Atto yeñen yenamotpa' nanaccha' yeshcannena. Atto yeshquēñ yamo'ts yenamotpa' čhach yottena ñerra'mrrate' shechep amsañep atserr yepene' puenamot.
- 14 Ñaña ñetpa' añach eñotenet parrnomarña, ñaña čhach chemama'tannenet.
- 15 Ñaña pa'tsrre'mueñoťetpa' machayoťach muetseñet ačeñ.
- 16 Pottatse'teñoťetpa' čhach nanac mueročhtatyeñet ačeñenesha', nanaccha' llecatyeñet.
- 17 Ama't ahuatoteñpa' ama añeye' yečheneto attoch e'ñe muetsoññenoťpa' cohuen yemtannenet.
- 18 Ñaña ama't mameshapa' amach añcha'na'tpahuoye' enteñeto Yompor. Arrpa' allohua ñeñť notenes e'ñe Yompor po'ñoñoť ñeñť atet aquelca'huaret ahuatoteñ.
- 19 Ñaña yapa' yeñoťeñ ñeñť atet otyen Yompor po'ñoñ ñeñť aquelca'huaret ahuatoteñpa' añecopña oten ñeñť echene' po'ñoñ, amaña añecpayaye ñeñť ama echaye'te po'ñoñ allempo. (Atet ñerra'm judionesha'pa' ama't ahuatoteñ echeññañet Yompor po'ñoñ, ñeñfara ñoñets ñeñť o' notuanmas ñorra' arr.) Ñeñťo'marña ama't puesheñarrofesa sa ama't ñeñfes judioneshaspa' amate' errotenot soto, sapa' e'ño' cohuen entenes Yompor. Attoña yeñoťeñ ama't allohueney ñeñfey corretsa aña patsropa' ama pocteye' entenye Yompor ñeñť atet yepa'yena.

20 Tarro'mar yeñoťeñ e'ñe yetsotateñoťa añ ñoñets ñeñť atet anaret ahuatoteñpa' amach errotenot ama't puesheñarrofeya e'ñe ya'pocatoña yañeña attoch e'ñe pocte' enteney Yompor. Añecpaña sherbeney añ ñoñets ñeñť atet anaret, ñeñfcha' yeñotatene' po'ñočh yapa' nanac ochñať enteney Yompor.

Atto Yomporpa' e'ñech pocte' entueney, e'ñe yeyemteñoťa Jesucristo

21 Tarraña te'ña Yomporpa' o' eñotatey atto ellonetpa' eñall po'poñ attoch pocte' entueney Yompor, ñeñfpa' ama añeyaye o'ch yetsotatuēn ora ñoñets ñeñť atet anaret ahuatoteñ. Tarraña Yompor po'ñoñ ñeñť anuaret ama't ahuatoteñpa' ñeñfarecpa eñen añecop.

22 Attochña Yomporpa' e'ñech pocte' entenanet ama't allohuen erra'tsencha' yemtenaya Puechemer ñeñfara Jesucristo. Ama't allohueney attecmar e'ñe pocte' entueney, e'ñe yeyemteñoťa Jesucristo.

23 Tarro'mar allohueney attecmay e'ñe yo'chña'tuen. Ama yetsoteññañe Yompor po'cohuenña ñeñť e'ñe atet muenen ña.

24 Ñeñť attoch e'ñe pocte' enteney Yomporpa' ñeñfpa' atet: E'ñe puemuereñoťey ahuo't apuey Puechemer ñeñť Cristo Jesús atto ñachña e'ñe yetsa'tuoya allohuen yo'chñar. Ñeñfpa' e'ñe atta apuey Yompor, ama eso yetsa'teño ama't coñe'ta.

25 Ñaña Yomporpa' ahuo't orrtatan Puechemer Cristo ñeñfcha' rromosets aña patsro, o'ch ashataretta po'rras e'ñe yocop. Allochñapa' e'ñech e'shohuaretterra yo'chñar ñerra'm yeyemterach ña. Ñaña ahuo't atet pa Yompor attoch yeñočh, ñapa' e'ñe pocte' atet pe't ahuat, tarro'mar ačeñenesha' ñeñť corratse't ahuatpa' Yomporpa' atta ahuantenanet

po'chñar, ama ahuenaye' atsa'tatarettuerreto po'chñaret. (Tarro'mar ñapa' e'ñe eñoteñ, Cristochña tsa'tuerrahuet po'chñaret ñamet ñeñt allpon ame ñaye't ña ahuat.)

²⁶ Ñaña ahuo't atet pa Yompor allochñapa' attoch yeñoch ñapa' e'ñe pocte' atet pena; teme'ttsen attochña e'ñech pocte' enteney e'ñe yeyemteñoñ Jesús.

Atto e'ñe yeḡa'yeñoña yañeña ñeñt cohuen yenten ya, Yomporñapa' amach cohuenaye' entenye

²⁷ Ñehua, atto e'ñe yeyemteñoña Cristo Yomporñapa' e'ñech pocte' enteney, ñeño'marña o'huañcha' eñalleta ñeñt allo yommo'chena e'ñe yañeña, ñeñt e'ñe yetsetoteñoñ. Tarro'mar e'ñe yeḡa'yeñoña yañeña ñeñt e'ñe cohuen yenten ya, Yomporñapa' amach pocteye' entenye.

²⁸ Ñeño'marña te'pa' e'ñe po'ñoñ yeñoteñ e'ñe yeyemteñoña Cristopa' e'ñech pocte' enteney Yompor ama't ama yetseteno ñoñets ñeñt atet anaret ahuatoteñ.

²⁹ Ñehua, o'ch noterrser masheñnesha judioneshacha', ñato' sapa' çhate' sotenapañ Yomporpa' saptate' Seyomporer sepeñ ñeñtes judioneshas, amate'ña añeçpa'ñayaye ñeñt ama judioneshayaye. Tarraña napa' o'ch notas, ama't ñeñt ama judioneshayepa' ñetpa'çho'ña Po'yomporer peñet.

³⁰ Tarro'mar e'ñe patrra Yompor. Ñaña ama't erra'tsena judionesha' ñeñtcha' ame'ñerraya Cristopa' Yomporñapa' e'ñech pocte' entenanet. Ñaña attecma ama't erra'tsena ñeñt ama judioneshayaye ñeñtcha' yemterraya Cristo, ñetpa'çho'ña e'ñech pocte' entenanet Yompor.

³¹ Ñato' sa te'pa' çhate' sotenapañ yeyemteñoñ Cristo, te'pa' Yompor po'ñoñ ñeñt atet anaret ahuatoteñpa' o'ch yehuapore'ch, o'huañcha' sherba'y. Tarraña o'ch notas, elloña attoña e'ñe yeñoten, ñeño'marña Yompor po'ñoñpa' atarr sherbeney.

4

Atto Yompor ahuatpa' e'ñe pocte' entane't Abraham

¹⁻² Ñehua, te'pa' o'ch neyerpatasa ñeñt atet pe't ahuat yatañ Abraham. Ñapa' ama añoteye' pocte' eñche'teña Yompor e'ñe ñañeña puetsotateñoñ ñeñt cohuen ente't ña. Ñeño'mar yatañ Abrahampa' ama eñalle ama't mamesha attoch ommo'chena ama't Yomporesho.

³ Tarro'mar yeñoteñ ñeñt atet oten Yompor po'ñoñ ñeñt aquellca'huaret ahuatoteñ. Ñeñtapa' atet oten: "Abrahampa' e'ñe atta yemtane't ñeñt atet ochet' Yompor, ñeño'mar allempoteñña Yomporpa' e'ñe pocte' eñche't e'ñe atta."

⁴⁻⁵ Ñeño'marña yeñoteñ yapa'çho'ña ama añoteye' e'ñe pocte' entenye Yompor e'ñe yetorreñoñ ñeñt cohuen yenten yañeña. Añotcha'ña e'ñech pocte' enteney Yompor e'ñe atta, ñerra'm esempo yapa' o'ch e'ñe yeyemtera ñeñt atet oteney; allochñapa' attoch e'ñech pocte' entueney ya ñeñtey ochñaey. Tarro'mar e'ñe pocte' enteney e'ñe atta, ama es yetorreñoñteye' ñeñt cohuen yenten yañeña. Ñehua, ñato' o'ch yetma'ntacha atet. Ñerra'm esempo yetaru- asen yepatronaresho, ñerra'm allempoch tsa'tyet yetaruasotpa' ama yoteno e'ñe atta apuenyet quelle, yetaruasotña tsa'tenyet. Tarraña attoch pocte' enterrey Yomporpa' ama atteyaye. Ñapa' e'ñe atta pocte' enteney, ama e'ñe ya yetorreñoñteye' ñeñt cohuen yenten ya attoch pocte' enteney Yompor.

6 Ñaña ama't yatañ Davidpa' ñeñfecaña eñose't ahuat. Ñapa' atet ote't nanac cosheñtso'tseney ñeñfey e'ñe pocte' enteney Yompor e'ñe atta, ñeñtpa' ama aňofeyaye o'ch es cohuen yepa'yes e'ñe yañeña.

7 Ñeñtpa' atet ote't David:

Nanac cosheñtso'tseney ñeñfey o' apretna'huaretterra yo'chñar, ñeñfey amach allo'na yerpuerrnaye'te Yompor yo'chñar.

8 Ñaña nanac cosheñtso'tseney ñeñfey Yomporpa' amach allo'na otteñ'chneye yo'chñaro'mar. Arrpa' allohua ñeñt atet ot ahuat yatañ David.

9 Ñaña añ cosheñetspa' yeñoteñ ama ñapfēcpayaya ñeñt judioneshacop ñeñfara ñeñt atsorrarettesha'. Añeepa'ñaña ñeñt ama judioneshayaye ñeñt ama atsorrareteyayeto. Ñehua, ñeñtpa' attotña yeñoteñ. O' notuanmas atto Abrahampa' e'ñe atta yemtane't ñeñt atet oche't Yompor, ñeñto'marña Yomporpa' e'ñe pocte' eñche't e'ñe atta.

10 Ñehua, te'pa' o'ch yoctape'ch allempo Yomporpa' e'ñe pocte' entane't Abrahampa' allempo Abrahampa' ama atsorrarettena', tarro'mar allempo' ama orrtena' atteñats.

11 Tarraña elloñapa' ahuo't tsorratena Abraham; ñeñtpa' ñeñtcha' eñotaterrahuet po'ñoçh Yomporpa' o' pocte' entenan Abraham e'ñe pueyemteñoña, ama't allempo ama atsorrarettena'. Ñeñto'marña atepa' ahuat attoch pompor pohueret ama't ñaña allohuenet ñeñt ama atsorrareteyaye; tarraña ama't ama atsorrareteyayeto, e'ñe pueyemteñoñeta Yomporpa' e'ñeç pocte' entenanet e'ñe atta.

12 Ñaña ñeñto'mar atepa' attoch pompor pohuer allohuen ñeñt atsorraret, tarraña añach ñapuef pompor perre' ñeñt po'ñoçh yemtenaya Yompor. Tarro'mar ama añeepaye' pompor peñeto atto atsorrarettenet, añecopña pompor peñet e'ñe pueyemteñoñeta Yompor ñeñt e'ñe atepa' pete't pompor Abraham, ama't allempo ama atsorrarettena'.

13 Yapa' yeñoteñ ahuat Yomporpa' ahuo't otan Abraham o'ch apuer eracmañen pats allohuen puechemereshohuen esempohuañen. Ñaña atepa' otan Yompor Abrahampa' ama puetotateñoñeye' añ ñoñets ñeñt atepa' anaret ocheña Yompor. Añña e'ñe pueyemteñoña Yompor atepa' och, tarro'mar Yomporpa' e'ñe pocte' eñch.

14 Ñerra'm po'ñoçh yetsotateñoña añ ñoñets ñeñt atepa' anaret apuerryeñ añ patspa' yapa' e'ñe'e' orrena yeyemteñañ Yompor; tarro'mar ñerra'm atepa' Yomporpa' amate' a'pocatanñeña po'ñoñ ñeñt atepa' otan ahuat Abraham.

15 Ñaña ñerra'm añ yoc ten añ ñoñets ñeñt atepa' anaretpa' nanaccha' a'coñchatarefey ñerra'm ama yetsotueno ora allpon ñoñets. Ñaña ñerra'm ama eñallñe añ ñoñets ñeñt atepa' anaretpa' amate' errottenof coñchatyeto tarro'mar amate' eñallñe ñoñets ñeñtcha' ya'pote' ñeñt ochñartsotets.

Attoch a'naterrya Yomporpa' ñeñtpa' e'ñeç yeyemteñoña ña

16 Ñeñto'marña yeñoteñ attoch a'naterrya Yompor ñeñt atepa' otahuapa' ñeñt po'ñoçhpa' e'ñeç yeyemteñoña ña attochña e'ñe pueyuereñoñey e'ñeç a'natuerrya allohueney. Amach ñapfayaya judionesha' ñeñt cotene' añ ñoñets ñeñt atepa' anaret, añeepa'ñaña allohueney ñeñfeycha' yemterraya Yompor e'ñe atecoptar atepa' pete' ahuat yatañ Abraham. Tarro'mar ñapa' po'ñoçh yatañ yepañ allohueney.

17 Ama't Yompör po'ñoño ñeñt atet anuaret ahuatoteña'pa' all orrtena ñeñt atet Yompörpa' otan ahuat Abraham, ñeñtpa' atet oche't: "Shonte' pa'namen acheña'pa' ñetña'pa' pomporcha' pohuerrpet. Añpa' e'ñe na atet o' neponañ." Ñeñto'mar yeñoteñ Abraham e'ñe pueyemteño't Yompörpa' atet eñche't Yompör ñapa' pomporcha' per shonte' pa'namen acheñ. Ñeñtña'pa' ñeñtara Yompör ñeñt nanac ahuamencat ñeñt eñotene' o'ch tantaterran ama't ñeñt rromuets, ñaña ñeñt eñotene' e'ñe po'ñoño'tpa' o'ch orrtatan ama't ñeñt ama eñalle te'.

18-19 Allempo Yompörpa' atet otan Abraham "peshotpa' merenach shonte' pa'namen acheñ ñeñtcha' pömpörtterraya" allempo Abrahampa' o' nanac po'nme'ten—charroch charra' charte' echen. Tarraña Abrahampa' ama't eñotena o' nanac po'nme'ten, o' meten allempo atoch chemere'ten, ñaña puetapor Sarapa'cho'ña o' nanac po'nme'ten, amate' errotent cheyore'terro, tarraña Abrahampa' ama' quechpuenano atto yemtenana ñeñt atet otue Yompör. E'ñe pueyemteño't Yompörpa' allo'na sen cohue'ne' Yompör o'ch a'p ama't patrra puechemer.

20 Ama echarrteno pueyo'chro ama't mamesha añecop ñeñt atet o' otue Yompör. Allo'na sen yemuetnomaya Yompör ñeñt nanac ahuamencat pene'. E'ñe pueyemteño'tan Yompör, ñapa' chocmach ota'psa'tyesanete't Yompörpa' ñap'a atarr ahuamencat.

21 Tarro'mar eñoch'e't e'ñe Yompör po'huamencot, po'ño'chpa' o'ch a'p ama't patrra puechemer ñeñt atet o' otue.

22 Ñeñto'marña Abraham e'ñe pueyemteño'tan Yompör Yompörña'pa' e'ñe pocte' eñche't.

23 Tarraña añ ñoñetspa' ama' ñap'fecpayaye Abrahamacop anarete.

24-25 Yocpa'ñaña anarette't allohueney ñeñtey yemtenaya Yompör, atto ñapa' a'rroyonay Puechemer ñeñt Jesús ñeñtcha' rromats e'ñe ya yo'chñarecop, ñeñtara Jesús ñeñt Yepartseshar yepen, ñaña atto Yompörpa' tantaterran Puechemer po'rromño't, attoch yeñoch yo'chñarpa' o' e'ñe atsa'taretetua. Ñeñto'marña te'pa' e'ñe yeyemteño't Yompör ñeñt atto a'poc'attonay, yapa'cho'ña e'ñech pocte' enteney yaña.

5

Atto e'ñe yeyemteño't Yompör; e'ñech pocte' enteney, atarrcha' cosheñto'tseney

1 Ñeñto'marña te'pa' yeñoteñ e'ñe yeyemteño'ta Jesucristo, Yompörña'pa' e'ñe pocte' enteney, o'huañcha' yoro'cheno'tseney Yompöreshot, tarro'mar Yepartseshar Jesucristopa' ahuo't a'poc'atuerrnay yo'chñar Yompöresho.

2 E'ñe atotña Cristopa' chapaterrey Yompör puemuereño attoch chocma bensare'tam'peney; ñeñtpa' e'ñe yeyemteño't Cristo. Ñaña yapa' e'ñech yocsheñsha' yecueñ esempohuañencha' e'ñe poc'acma yecohuentapretera Yompör.

3 Ñaña ama't yemuerochteño't o'ch yocshena tarro'mar yeñoteñ e'ñe yemuerochteño'tpa' allempoña yoc'ape'chen attoch ahuamencat pa'y Yompör attochña ya'huanten allohuen ñeñt echarr yentyen.

4 Ñaña attoña ya'huanten allohuen ñeñt echarr yentyenpa' yapa' yeñoteñ Yompörña'pa' e'ñech cohuen entuerrey. Ñaña ñerra'm yeñoteñ Yompörpa'

e'ñe cohuen enterrey, yapa' e'ñe yeyemteño' o'ch yecuerr ñeñ' o'patatenya Yompor.

5 Ñaña e'ñe yecueño' ñeñ' o'patatenya Yompor ñapa' chocmach a'pocatanan po'ñoñ ñeñ' atet oten yocop. Yapa' ama't esempapa' amach es ye'naterreye'te po'poñ, tarro'mar Yomporpa' ahuo't apuey Puecamquëñ ñeñ'cha' yechetsa yeyo'chro ñeñ'cha'ña yeñotatene' atto Yomporpa' nanac morrentenya.

6 Yapa' yeñoteñ nanac morrentenya Yompor tarro'mar ahuatpa' ama es yoctape'chpeno ama't mamesha Yomporcop attoch yequeshperrañ. Tarraña Yomporñapa' e'ñe allempocmapa' ahuo't mueñan Puechemer Cristo añe patsro ñeñ'cha' rromosets e'ñe yocop ñeñ'ey ama es cotape'chetso cohuen ama't mamesha Yomporcop.

7 Ñehua, yapa' arromña'eypa' yeñoteñ atarr torrapo' attoch yerroma po'psheñ'ecop, ama't añ acheñ'recop ñeñ' atarr cohuen. Tarraña errottenopa' ama tama torrapahuoye' yenteno o'ch yerroma añ acheñ'recop ñeñ' atarr amueraña.

8 Tarraña yapa' ama't allempo ora yepatse'tyen sosya'tsañpa' e'ñe allempocmaña Cristopa' ahuo't rroma yocop. Attoña Yomporpa' eñotaterrey yapa' nanac morrentenya.

9 Ñeño'marña te'pa' e'ñe pocte' enteney Yompor tarro'mar Cristopa' ahuo't rroma yocop. Elloña atotña a'queshpatey allochñapa' amach a'coñchatarefeye ama't errponaña.

10 Ama't allempo ora ye'moñe'teñ Yomporpa' Puechemerña po'rromño'pa' ahuo't e'ñe yamo'tstannerra epay Pompor. Elloña te'pa' atto correna Cristopa' attoña yapa'cho'ña a'queshpaterreycha'.

11 Elloña te'pa' e'ñe yocsheña Yompor tarro'mar Puechemer ñeñ'fara Yepartseshar Jesucristopa' ahuo't amo'tstaterrya e'ñe ña Pompor.

Atto yamo'mte' Adánpa' ñapa' cha a'chencatey; Yamo'mte'ña Cristopa' ñaña ya'queshpaterre'

12 Ahuat puesheñ'arr yacma ñeñ' pa'so'cheñ Adánpa' ahuo't orrtatan atpare'teñets añe patsro Yomporcop. Ñeño'marña allempoteñ allohueny ñeñ'ey acheñ'eypa' e'ñe attecma yepohua. Ñaña allempopa' ahuo't anaretta attoch yo'chñaro'pa' o'ch yerroma. Ñeño'marña allohueny ñeñ'ey acheñ'eypa' o'patuaya rromueñets tarro'mar allohuenyepa' ñeñ'ña yeñot ñeñ' atet pa' ñanom yamo'mte' Adán.

13 Ñaña allempoteñ corre't Adán, acheñ'enesha' arr patsropa' ñeñ'ña eñotet ñeñ' atet atpare'tan Adán Yompor. Tarraña allempopa' ama eñalletena' ñoñets ñeñ' atet anaret alloch a'coñchatarefterret.

14 Tarraña attera o'patenanet rromueñets e'ñe allempoteñ corre't Adán ñeñ'ña attera ñaña tarremphoua allempo corre't ñaña Moisés ñeñ' nahuet ñoñets. Ama't ama atpare'teññañeto Yompor po'ñoñ e'ñe atet atpare'te't Adán, tarraña attera o'patenanet rromueñets. (Ñeño'mar yeñoteñ Adán po'chñaro'pa' ahuo't anaretta attoch o'patuaya allohueny rromueñets.) Ñeñ'ña yamo'mte' Adánpa' aña o'patatuaya ñeñ' ama cohuenayaye, tarraña Yamo'mte'ña Cristopa' allempo huapapa' ñapa' añña o'patatosya ñeñ' e'ñe cohuenare'.

15 Tarro'mar e'ñe patparñesharmorõ Adánpa' ama atteyaye ñerra'm ñeñ' atet atarr muerenya Cristo. Tarro'mar e'ñe puesheñ'arra po'chñaro' o'patya rromueñets allohueny pa'namen acheñ'ey. Tarraña elloñapa' eñall

po'psheñeñ, ñeñfara Jesucristo ñeñt yemuererraya. Attoña Yomporpa' orrtatonay puemuereña yocop alloña nanac cohuen es apatueneý e'ñe atta allohueneý pa'namen ñeñfey acheñey.

16 Ñaña ñeñt atet muererrya Yompor, ñeñtpa' ama atteyaye ñerra'm ñeñt atet o'patuaya ochñarets ama't e'ñe puesheñarroña. Tarro'mar ñeñt atet pa Adán ama't parrochapa' ñeññaño yo'patatuenaya coñcheñets. Tarraña ñeñt atet a'qeshpaterrey Yomporpa' ñeñtpa' atet pa. Ama't shonteñ yo'chñarpa' ñaña'pa' e'ñech pocte' enteneý e'ñe atta tarro'mar ñeñtpa' o' a'pocatuonay Cristo.

17 Ñaña atto e'ñe puesheñarroña po'chñaroñ o'patenya rromueñets, tarraña elloña nanac muererrya Yompor attoña a'rroyernay Puechemer ñeñfara Jesucristo ñeñt o' a'pocatuernay yo'chñar Yomporesho attochña yapa' corretsayach.

18 Ñeño'marña yeñoteñ atto e'ñe puesheñarroña po'chñaroñ ahuo't o'patatyet coñcheñets, attecma ñaña puesheñarr ñeñt Jesucristopa' ahuo't pohua ñeñt e'ñe cohuen, alloña a'pocaterrey, attochña yapa' corretsayach yocsheñeshocmañen tayoteñ errponohuañen.

19 Atto e'ñe puesheñarra ñeñt Adán ñeñt atpare'tene' Yompor, ñeño'marña ñesharmoroñ Yomporña'pa' e'ñe ochñafoche' entueneý ama't shonte' pa'namenat'socmay ñeñfey acheñey. Tarraña puesheñarr ñeñt Cristo ñeñt e'ñe cohuen ame'ñenaya Yompor, ñeñfña'pa' alloch e'ñe pocte' enteneý Yompor, ama't shontey pa'namenat'socmay ñeñfey acheñey.

20 Ñaña allempo chap allempoch anaretta ñoñets ñeñfcha' eñotaterrahuet ñeñfcha' atet pet ñaña ñeñfcha' ama atet apapahuo elloña allempopa' ñetpa' o' eñoterret atarr atparña'atterret. Tarraña ama't atto nanac yatpare'tena elloña Yomporpa' nanac muererrya.

21 Attoña e'ñe yepatse'tyeñoñ ñeñt ama cohuenayayepa' ahuo't anaretta rromueñets ñeñfcha' yo'patenaya ñeñfña'pa' coñcheñets. Tarraña elloña Jesucristo ñeñt Yepartseshar yepen ahuo't orrtatonay atto Yomporpa' nanac muererrya attoña a'pocatuernay yo'chñar. Attochña yapa' corretsayach yocsheñeshocmañen tayoteñ errponohuañen.

6

Atto ñeñt toma'ntena allempo yapataretta Cristocop

1 Te'pa' e'ñe yeñoteñ ama't atet yepatse'tyese't ñeñt ama cohuenayaye, Yomporpa' elloña nanac muererrya, atto peretna'huernay yo'chñar. Tarraña ama't atteñpa' amach yotapsa'tatsto "ñeñtepña'pa' o'ch allo'na yepatse'tyesnena ñeñt sosya'tsañ tarro'mar Yomporpa' nanquëpa't muerenana ñeñf patse'tyene' ñeñt ama cohuenayaye ñaña ellopa' o'chcho' alla muererrya."

2 Tarraña amach errotentot allo'na yeseno patse'tyesnomue' ñeñt ama cohuenayaye tarro'mar o' ya'ypo'ñerr yo'chñar allempoteñ o' yaguër Cristo.

3 Ama't señoñeña ñeñt toma'ntena allempo yapataretta Cristocop. Añ toma'ntena atto o' yeparrocmaterr epay Cristo, atet ñerra'mrrate' cho yerromapreteña Cristo allohueneý ñeñfey apatarettetsa e'ñe yame'ñeñoñ Cristo Jesús.

4 Allempo yapatarettapa' e'ñe atet ñerra'mrrate' cho yerromapreteña Cristo ñaña atet ñerra'm cho yepampapreteña Cristo. Allempoña Yomporpa' ahuo't tantaterran Puechemer e'ñe po'huamencot ñeñt atarr cohuen,

yapa'cho'ña ñeñfara po'huamencarotña e'ñe cohuen o' etserrataterrnay yoctapña, ñeñfcha' atet yocrrena.

5 Tarro'mar e'ñe yeparrocmateñoñ epay Cristo o' yerromaprecha. (Attochña ya'ypo'ñerr ñeñf ama cohuenaye' entapretenye Cristo.) Ñaña ñerra'm yerromapreteña Cristo yeñoteñ o' yetantapretera attochña yocrrerra e'ñe cohuen ñocop.

6 Tarro'mar yeñoteñ ñeñfey acheñey ñeñf yeyochro'tsen ñeñf yoctape'chataye't sosya'tsañ ahuat ñeñfpa' o' a'mchechataretetuerra atet ñerra'mrrate' acorso'tamñsaretta epuet Cristo. Attochña o'huañcha' cotape'chatse'tatnenedy yo'chñarañeña. Amach allo'na taruasatnenedy yo'chñar.

7 Ñato' o'ch yetma'ntacha atet pena arromñañ. Ñehua, yapa' yeñoteñ ñerra'm esesha'rromatspa' amach errotenot allo'na cotape'chyessenano sosya'tsañ. Yapa'cho'ña atetfcha' yentena ñerra'mrrate' cho yerromuen, amach errotenot allo'na yoctape'chyessenano ñeñf sosya'tsañ enten Yompör.

8 Ñaña atto o' yerromaprecha Cristo, yapa' yeñoteñ ñaña e'ñe yeparrocmateñoñ Cristopa' alloña corretsayach, atet pena ñapa' e'ñe corretsa.

9 Tarro'mar yapa' yeñoteñ Cristopa' o' tanterra po'romñoñ, amach alla rromuerre'te. Amach errotenot alla o'patere'te rromueñets.

10 Tarro'mar ñapa' atto rroma yo'chñarecoppa' ñeñfpa' e'ñe parrocha rroma ama't allohuenacop. Ñaña atto correna te' ñeñfpa' e'ñe ora Pomporecpa.

11 Yapa'cho'ña attecnuempa'ch yentena yaña yañeña. E'ñe yerromapreteñoñ Cristo Jesúsapa' o'ch ya'ypo'ñerr yo'chñar ñeñfo'marña amach errotenot alla taruasaterryerro yo'chñar. Ñaña te'pa' e'ñe yeparrocmateñoñ Yepartseshar Cristopa' o'ch yocrraprecha e'ñe cohuen Yomporecop.

Attoch amach semnatatsche so'chñar o'ch alla taruasaterrnaserr sa'rromñañatechets

12 Ñeñfo'marña te'pa' o'ch notas, amach semnatatsche so'chñarpa' o'ch alla taruasaterrnaserr sa'rromñañatechets. Allochñapa' amach allo'na sepatse'tyesneno ñeñf atet muenatse'tatyenes sechets.

13 Amach semnatatsche sechets o'ch ña torrena ñeñf ama cohuenaye' enteno Yompör. Añcha'ña o'ch saphuer Yompör sechets allochñapa' ñachña torratenaya añecop ñeñf e'ñe cohuen enten ña. Ñato' o'ch yetma'ntacha atet ñerra'mrrate' cho yerromuen tarraña te'pa' o'ch alla yocrrerra cohuen Yomporecop.

14 Tarro'mar te'pa' amach errotenot allo'na taruasatnenedy yo'chñar, tarro'mar te'pa' añ yeyemtena Yompör atto muerenyapa' ahuo't a'pocatonay yo'chñar. Ama añeye' yeyemteno ñoñets ñeñf atet anaret ñeñfcha' atet yepohua esheccha' cohuen entenedy Yompör.

15 Te'pa' yeñoteñ ama añeye' yeyemteno ñoñets ñeñf atet anaret. Añña yeyemtena Yompör pueuereñoñ e'ñe yenpuenedy. Tarraña ama't atteñpa' ama pocteyaye o'ch allo'na yesen patse'tyerrayerr ñeñf ama cohuenaye' enteno Yompör ama't mamesha.

16 Ñato' o'ch yetma'ntacha atet. Ñehua, yapa' yeñoteñ ñerra'm esesha'yemnen ñeñfcha' yetaruasatene' añe patsro, ñeñfpa' po'ñoch ñeñfcha' yepatronar yepen, ñaña e'ñech pauner yentatena attochña ñeñfach yame'ñena ñeñf yepatronar yepen. Ñaña attecnoch yepena ñerra'm añ yemnen yo'chñarach yetaruasatene', tarraña ñerra'm añ yetaruasatene' yo'chñarpa'

ñeñtpa' tsa'taterryach rromueñtso ñeñfara coñcheñtso. Tarraña ñerra'm añ yame'ñena Yompor ñeñt atet oteneý po'ñoñof, ñeñtpa' alloch yorrtatyen e'ñe cohuen ñeñt e'ñe atet muenen ña.

¹⁷ Ñaña sapa' ahuatpa' aña setaruasataye't so'chñar, tarraña te'ñapa' e'ñe seyoçhrocmañen o' same'ñera ora ñeñt atet pena Yompor pa'poteñ ñeñfara ñeñt serrpare'tatasete't. Ñeñto'marña te'pa' napa' atarr nocshena, atarr neparasyoso'teñ Yompor socop.

¹⁸ Ñaña te'pa' o'huañcha' taruasaterrser so'chñar. Añcha'ña setaruasaterre' Yompor erra'tsente' muenen ña.

¹⁹ Ñehua, Yompor poctapñoñtpa' atet netma'ntatensa atto yocrrena acheñey arr patsro allochñapa' cohuencha' çhaponasa seyoçhro Yompor poctapña. Ñeñt notenes po'ñoçhpa' ñeñtpa' atet sepe't ahuat e'ñe pocte' sente't e'ñe ora sechtsohuen allo'na sete't patse'tnomue' sosya'tsañ ñeñt ama cohuenaye' enteno Yompor. Te'pa'çho'ña attecmuempa'ch e'ñe pocte' senteñ ora sechtsohuen o'ch sepómuerra Yomporcop, allochñapa' attoch sa'cohuentataretterra e'ñe cohuen Partsocop ñeñt e'ñe atet muenen ña.

²⁰ Ñehua, ahuat allempto aña setaruasataye't so'chñarpa' ama añeye' soctape'che'te ñeñt e'ñe cohuen enten Yompor.

²¹ Tarraña ñeñt atet sepatse'tyese't sosya'tsañ ahuatpa' ama es sherbase'te ama't mamesha, ñeñfara ama't te'pa' pencna'ntatenes. Yapa' yeñoteñ ñeñtpa' allach tsa'taterryañ rromueñtso, ñeñfara coñcheñtso.

²² Tarraña te'pa' o'huañcha' alla taruasaterryerr yo'chñar. Añcha'ña yetorratene' Yompor po'taruas attoch yesherbeñ. Allochñapa' ñach yetsa'tenaya alloch ya'cohuentataretterra e'ñe cohuen ñocop añe patsro. Allochñapa' attochña aphuerrey allochña yapa' corretsayach yocsheñeshocmañen tayoteñ errponañohuen.

²³ Tarro'mar yo'chñarpa' allach tsa'taterrya rromueñtso, ñeñfara coñcheñtso. Tarraña e'ñe yeparrocmateño't epay Yepartseshar Cristo Jesúsapa' Yomporñapa' aphuerreycha' e'ñe atta allochña yapa' corretsayach yocsheñeshocmañen tayoteñ errponañohuen.

7

Atto o'huañ amcha'noçhtana'tenya añ ñoñets ñeñt atet anaret ahuat Moiséseshof

¹ Te'pa' o'ch masheñeshacha' ñaña noçhaneshacha' netma'ntatasa po'poñ cotapñats. Ñehua, sapa' o' e'ñe señoñueñ atet pena ñoñets ñeñt atet anaret arr patsro ñeñtcha' atet yepena. Sapa' señoten añ ñoñetspa' sherben tarrempohuach allempto yocrrena añe patsro. Tarraña ñerra'm esempo yerromapa' añ ñoñetspa' amach erroteno't allo'na yame'ña'neño. O'huañcha' yame'ñeña.

²⁻³ Atet ñerra'mrrate' ñeñt oteneý paterr ñoñets ñeñt atet anaret. Ñeñtpa' atet oteneý: Coyaneshá' arrollare'tañpa' amach satstano puerrollar allempto correna añe patsro. Ñaña ñerra'm allempto correna puerrollar, ñerra'm o'ch yorer po'psheñeñ ñeñtcha' puerrollar perrpa' ñeñtpa' ama pocteyaye tarro'mar ñeñtpa' o'chña'tampeñets enteñ Yompor. Tarraña ñerra'm esempoçh rromapes puerrollarpa' allemptoñapa' o'huañcha' ame'ñatacha añ ñoñets ñeñt atet anaret puerrollarecop. Ñaña ñerra'm allempto yorer po'psheñeñ ñeñtcha' puerrollar perrpa' allempto ñeñtpa' e'ñe pocte' tarro'mar allempto, ñeñtpa' ama o'chña'tampeñtsoye' enteñe Yompor.

4 Ñeñto'marña o'ch masheñnesha ñaãna noçhanesha notas, yapa'cho'ña o'huañcha' añcha'noçhtana'tenya añ ñoñets ñeñt atet anaret ahuat Moiséseshoñ, tarro'mar ñeñtey o' yame'ñerrapa' o' yerromapretera Cristo. Ñeñto'marña te'pa' e'ñe pocte' o'ch yo'patera po'psheñeñ. Ñaãna ñeñt o' yo'patera te', ñeñtpa' Cristo ñeñtara ñeñt tanterrtsa rromot. Allochñapa' attoch yorrtatyen ñeñt e'ñe cohuen atet muenen Yompor.

5 Tarro'mar ahuat allempo e'ñe yañeña yoctaña ora yoctenpa' ama't yeñoteneñ añ ñoñets ñeñt atet anaretpa' attera muenateney o'ch allo'na taruasatneney yo'chñar. Attoña allach çapaterryeñ rromueñtso attoch e'ñe yechenca'huerrañ.

6 Tarraña te'pa' e'ñe yerromapreñoñ Cristo añ ñoñets ñeñt atet anaretpa' o'huañ añcha'noçhtana'tenya atet ñerra'm ahuat. Ñeñto'marña te'pa' e'ñe cohuen yocrena Yomporecop. Te'pa' ama añecpayaye ñeñt atet yepe't ahuat attoch e'ñe ya'mueroçhtame'teñoñ yetsotatuña ñeñt atet otye't ñoñets ñeñt atet anaret. Añecpña yocrena e'ñe cohuen Yomporecop tarro'mar te' Parets Puecamquëña' o' etserrataterrnay yoctaña.

Atto yo'chñarpa' atarr mopa'teney; amach muenatenye o'ch atet yeçohua ñeñt atet oteney ñoñets ñeñt atet anaret

7 Ñehua, ñato' sapa' çhate' sotenapañ napa' noteneste' Yompor po'ñoñ ñeñt atet anaretpa' ñeñtpa' amate' cohuenayaye. Tarraña ñeñtpa' ama atteye' noteno ama't mamesha. Atet napa' ñerra'm ama eñallñeña añ ñoñets ñeñt atet anaret, napa' amate' çhaponañeña neyoçhro ñeñt ama pocteye' enteno Yompor. Atet ñerra'm ama eñallñeña añ ñoñets ñeñt yotene' "amach yeye'chapretanna'tatsto", napa' amate' çhaponañeña neyoçhro ñeñt ama pocteye' enteno Yompor ñerra'm esempo es yeye'chapretannena.

8 Tarraña allempo çhaponañeña neyoçhro po'ñoçh atet oteney ñoñets ñeñt atet anaret ama es aye'chapretanna'tpahuo, no'chñar ñeñt neyoçhro'tsenpa' elloña nanaccha' es ye'chatse'tatyen. Ñerra'm ama neñotenñe añ ñoñets ñeñt yotene' ama es aye'chapretanna'tpahuo, ñerra'mañpa' amate' neñotenñe ñeñt atet neye'chapreteña po'psheñeñ ñeñtpa' ñeñtña po'ñoçh no'chñar entapretenen Yompor.

9 Ahuat napa' allempo ama neñotena' ñoñets ñeñt atet anaret, nañapa' nanac cosheñtso'tsennoñ allempo. Tarraña allempoña neñoter ñeñt atet oteney ñeñtcha' atet yeça cohuen ñaãna ñeñt ama atet aþapahuopa' allem-poteña napa' neñotena po'ñoçhpa' shonte' no'chñar ñeñt neyoçhro'tsen. Allempoteña napa' atarr nellquerra nanac. Neñoteñ añ no'patenaya rromueñets ñeñtara coñcheñets.

10 Ñaãna añ ñeñtara ñoñets ñeñt atet anaret allo'ch yocrenañ e'ñe cohuenpa' tarraña arepa't atteyaye, naña no'chñar allo natpare'ten ñoñets ñeñt atet anaret ñeñfach nanmayerñ rromueñtso.

11-12 Tarro'mar allempoteñ neñoterr añ ñoñets ñeñt atet anaretpa' no'chñar ñeñt neyoçhro'tsenpa' elloña nanac coçape'chatse'tatenen sosey. Ama't nanac cohueney Parets po'ñoñ ñeñt atet anareteñ, ñaãna atet oteney Parets ñeñtcha' atet yeça' cohuen, ñaãna ñeñtcha' ama atet aþapahuoyaye, ñeñtpa' e'ñe cohuen, pocteñ. Tarraña na no'chñarpa' ama muenatenno o'ch cohuen es neþa', ñeñtpa' attepa't sheca'ne't. Napa' ama errof nepeno, neñoteñ añ no'patenaya rromueñets ñeñtara coñcheñets.

13 Te'ña sapa' ch'ate' sotenapañ añ ñoñets ñeñt' e'ñe otets cohuenpa' ñeñt'epa'tña yo'patatenaya rromueñets. Tarraña ñeñt'pa' ama atteyaye. Añña ñeñt' yo'patatenaya rromueñets, ñeñt'pa' yo'chñar. Ñaña Yomp'or po'ñoñ ñeñt' atet anaret ñeñt' e'ñe cohuenpa' ñeñt'ña o' a'poterrnay yo'chñar. Attochña yeñoterr yo'chñarpa' nanac sosey entapretene' Yomp'or.

Atto eñall epa ñeñt' huomenc yepene' yeyochro

14 Yapa' yeñoteñ añ ñoñets ñeñt' atet anaret'pa' Partseshot' e'ñe cohuen anareteñ, tarraña atet ñerra'm napa' arromñafota atet nepena, ch'ocmach nepatse'tyen ñeñt' ama cohuenaye' enteno Yomp'or. E'ñe atet nepena ñerra'mrrate' añña netaruasatene' no'chñar.

15 Ama neñoteñe eso'marte'ña atet nepena, tarro'mar ama't ñeñt'cha' atet o' nepohuapa' ama't napa' amach e'ñe pocteye' nenteñe. Tarro'mar ama't nemneñeñ añte' atet nepohua ñeñt' e'ñe cohuen enten Yomp'or; tarraña arepa'tña atteye' nepeno. Añepa't atet nepen ñeñt' ama nemnenñe, ñeñt' po'ñoçh ama cohuenaye' enteno Yomp'or.

16 Ñaña esempo o'ch nepohua ñeñt' ama cohuenayaye, ñeñt' ama't napa' ama nemnenñe, ñañapa' neñoteñ attoña o' natpare'tua ñoñets ñeñt' atet anaret' ñeñt' e'ñe cohuen.

17 Neñto'marña neñoteñ ñerra'm esempo o' atet nepohua ñeñt' ama't napa' netsena'ten, ñeñt'pa' neñoteñ ama e'ñe naye' atet petso. Añña atet nepatene' no'chñar ñeñt' allo'tsenara neyochro.

18 Napa' neñotena e'ñe atta eñalletñan, neyochroñapa' ama eñalle attoch cohuen enten Yomp'or; ama't coñe'ta. Ama't nemneñeñ o'ch atet nepañ ñeñt' e'ñe cohuen enten Yomp'or; tarraña ama errot nepeñe atet patsa ñeñt' atet cohuentetsa.

19 Neñt' atet nepenapa' ama't napa' ama pocteye' nenteñe. Tarro'mar ama't nemneñeñ o'te' atet nepohua ñeñt' e'ñe cohuen enten Yomp'or; tarraña arepa'tña atteye' nepeno. Añach atet nepena ñeñt' ama nemnenñe ñeñt' po'ñoçhpa' ama cohuenaye' enteno Yomp'or.

20 Neñto'marña neñoteñ, ñerra'm esempo o' atet nepohua ñeñt' ama't napa' ama nemnenñe, ñeñt'pa' neñoteñ ama e'ñe naye' atet petso. Añña atet nepatene' no'chñar ñeñt' allo'tsenara neyochro.

21 Neñto'marña te'pa' neñotena ñerra'm esempo yemneñeñ o'te' atet yepañ ñeñt' e'ñe cohuen enten Yomp'or; tarraña yo'chñar ñeñt' yeyochro'tsenpa' ch'ocmach cotape'chateney ñeñt' ama cohuenaye' enteno Yomp'or.

22 Tarraña atto Yomp'or o' cotape'chaterrey cohuen yeyochropa' ñeñt'pa' alloch e'ñe yocsheññaña po'ñoñ.

23 Tarraña ama't atet'pa' yapa' yeñotena eñall po'poñ ñeñt' huomenc yepene' yeyochro ñeñt' ch'ocmach e'moñe'tenan ñeñt' atet yoctape'chen cohuen Yomporecop. Ñaña yo'chñar ñeñt' huomenc yepene' yeyochropa' ñeñt'ña nanac mopa'tene' yechets.

24 ¡Ee-say! Nanac llequēntso'tseney ya. Eshesha'huachca' ya'huañamperre'te' yo'chñar ñeñt' nanac yemueroçhtatene' ñeñt'cha' yanerre'te' rromueñtso.

25 Nanac neparasyoso'teñ Yomp'or tarro'mar neñoteññañ Puechemer ñeñt' Yepartseshar Jesucristo ñepa'tña e'ñe ya'huañamperre' yo'chñar. Neñto'marña e'ñe yeyochropa' yemneñeñ o'ch yoctape'cherrñañeñ Yomp'or

po'ñoñ, tarraña yo'chñarñapa' ñeññaña thocmach yetaruasatene' e'ñe yechtso.

8

Atto Parets Puecamquëñpa' ñeñña huomenc yepene' yeyoçhro

1 Ñeñto'marña te'pa' yeñoteñ amach a'coñchatarëfeyeye ama't puesheñarrofeya ñeñfey o' yeparrocmaterra Cristo Jesús. Ñehua, ñeñfey o' yeparrocmaterra Cristo, ñeñtpa' añ, atto o' cotape'chaterrey Parets Puecamquëñ, amaña añeye' yocotape'chatenaye yo'chñar ñeñf yeyoçhro'tsen.

2 Tarro'mar te'pa' atet ñerra'm napa' e'ñe neparrocmateñoñ Cristopa' añña Parets Puecamquëñpa' ñeñña huomenc nepene' neyoçhro, allochña napa' corretsanach tayoteñ ama't ñaña errponohuañen. Attotña o' a'huañamperren atto yo'chñarpa' ñeñña huomenc nepaye't neyoçhro, ñeñtcha' nanmayeñ rromueñtso, ñeñtara coñcheñets.

3 Ñehua, añ ñoñets ñeñf atet anaret ñeñtcha' yetsotateneñpa' amach erroteno't a'queshpaterreye, tarro'mar ya arromñafeý yo'chñarpa' ama muenatenye o'ch atet yepohua ora ñeñf atet oteneý añ ñoñets. Tarro'mar añ ñoñetspa' ama eñalle attoch huomenc ponay yeyoçher eshechca' yetsotue ora allpon ñeñf atet oteneý ñeñtcha' atet yepohueneñ. Tarraña atto Yomporpa' ahuo't a'pocatuonay yo'chñar ñeñtpa' atet pa. Ñapa' ahuo't mueñonay e'ñe ña Puechemer ñeñtcha' eñalletostsa arr patsro e'ñe atet ñerra'm ya ñeñfey arromñafeý, ñeñfey ochñafeý. Allochñapa' ñach rromosets yo'chñarecop; allochñapa' attoch tsa'tuonaya yo'chñar. Attochña a'huañamperrey atto yo'chñara ñeñña huomenc yepene' yeyoçhro.

4 Atet o' ponay Yompor attoch te' yapa' o'ch atet yepa cohuen ñeñf atet oteneý Yompor po'ñoñ, allohueneý ñeñfey atet petsa atet cotape'chateney Parets Puecamquëñ, ñeñfey o'huañ atet yepatse'tyesa ñeñf atet cotape'chatse'tateney yo'chñar ñeñf yeyoçhro'tsen.

5 Tarro'mar ñeñf atet petsa ñeñf atet cotape'chatenanet sosya'tsañ ñeñf pueyoçhro'tsenetpa' añachña e'nenet ñeñf atet muenatse'tatenanet po'chets. Tarraña ñeñf atet petsa ñeñf atet cotape'chatenanet Parets Puecamquëñpa' añcha'ña e'ññotenet ñeñf atet muenatenanet Parets Puecamquëñ.

6 Tarro'mar ñerra'm añach ye'nen ñeñf atet muenatse'tateney yechetspa' ñeñtpa' ñeñtcha'ña yanerre' rromueñtso ñeñtara coñcheñtso. Tarraña ñerra'm añ ye'ññoten ñeñf atet cotape'chateney Parets Puecamquëñpa' ñeñtpa' ñeñtcha'ña allochña yapa' corretsayach e'ñe cohuen yocsheñeshocmañen.

Atto ñerra'm añach ye'nen ñeñf muenatse'tateney yechetspa' amach erroteno't yame'ñeroña Yompor

7-8 Tarro'mar ñerra'm añach ye'nen ñeñf atet muenatse'tateney yechetspa' ñeñtpa' atet yepena ñerra'mrrate' cha ye'moñe'teñ Yompor, ñeñto'marña thach yatpare'teññañ po'ñoñ. Amach erroteno't yame'ñeroña Yompor ñerra'm añach ye'nen ñeñf atet muenatse'tateney yechets. Ñaña ñerra'm attach yepenapa' amach erroteno't yocshacheña Yompor.

9 Tarraña sapa' ama añeye' soctape'chatenaye sechets; añña soctape'chatene' Parets Puecamquëñ ñerra'm po'ñoçh Puecamquëñpa' o' yeçherra seyoçhro. Tarraña ñerra'm eseshas ama echenaye Cristo

Puecamquëñ seyochropa' ñeñtesña po'ñoçpa' ama puechemereyayso Yompor.

10 Ñehua, ya arromñafeypa' çhocmach yerroma arr patsro ochñartso'marecop. Tarraña ñerra'm Cristo yeçhena yeyoçhro yecamquëñoçpa' çhocmach yocrena tarro'mar Yomporpa' e'ñe pocte' enteney.

11 Yapa' yeñoteñ Yomporpa' ahuo't tantaterran Puechemer ñeñt Cristo Jesús po'rromñoñ. Ñaña ñerra'm Yompor Puecamquëñ yeçhena ya yeyoçhro, ama't arromñafeypa' yapa'çho'ña tantatuerreycha' yerromñoñ. Parets Puecamquëñoñapa' yocrra'huerrach, ñeñtara Puecamquëñ ñeñt yeçhetsa te' yeyoçhro.

12 Ñeñto'marña masheñnesha ñaña noçhanesha, te'pa' añ e'ñe poctetsa o'ch e'ñe atet yepena ñeñt atet cotape'chateney Parets Puecamquëñ, ama pocteyaye o'ch atet yepena ñeñt atet cotape'chateney yeçhets.

13 Tarro'mar ñerra'm allo'na yocrra'nena ñeñt atet cotape'chateney yeçhetspa' ñerra'm yerromapa' yeçhenca'huerrach yo'chñaroñ, tarraña ñerra'm Parets Puecamquëñoñ o'ch ya'ypo'ñerr ñeñt atet patse'tateney yeçhetspa' yañapa' corretsayach.

Atto ñeñtey e'mñotene' ñeñt atet cotape'chateney Parets Puecamquëñ, ñeñteyñapa' o' po'ñoç puechemer perrey Yompor

14 Tarro'mar allohueney ñeñtey e'mñotene' ñeñt atet cotape'chateney Parets Puecamquëñ, ñeñteyñapa' o' po'ñoç puechemer perrey Yompor.

15 Ñeñto'marña amach alla yencha'terrorro atet ñerra'mrate' ñeñt ñañrets, atarrcha' mecha'tenan pamo'mte'. Tarro'mar yapa' allempoteñ o' yaguerrñañ Yompor Puecamquëñ yañapa' o' puechemer perrey po'ñoç. Ñeñto'marña amach yencha'nañoñe' yema'yocheñoçpa' o'ch yeçhore'ch, o'ch yoch: "Apa."

16 Tarro'mar ñeñtara Parets Puecamquëñ ñeñtña yeñotatene' yeyoçhro po'ñoçpa' o' puechemer perrey Yompor.

17 Ñaña yapa' yeñoteñ atto o' puechemer perrey Yomporpa' yapa'çho'ña yagapapretercha' Cristo ora ñeñt allpon o'patatenya Yompor. Ñerra'm cho yemuerochta Cristo'marecop te', atet pe't ña atarr muerochte't ahuat aña patsro, esempohuañen yapa'çho'ña yecohuentapreterach.

Atto ama't yemuerochetuanena aña patsro, ñeñtpa' ama esoye' yenteñe

18 Ama't yemuerochetuanena aña patsro, ñeñtpa' ama esoye' nenteñe. Tarro'mar neñoteñ esempohuañenpa' ellochña nanac yecohuentapretera Cristo.

19 Ama't ora allpon ñeñt yentyen arr patsro ñeñt yeçhcatua Yomporpa' ñetpa'çho'ña elloña atarr cohueñet esempohuañencha' Yomporpa' orrtatuerrreycha' ñeñtey o' puechemerasha' perrey, attoch allempochña o'ch yecohuentapretera Cristo.

20 Tarro'mar ahuat allempo atpare'te't Adán, Yomporña' ahuo't a'huañatan atto atarr sherbañ nanac ñeñt ora allpon pueyechcatar. Allempoñapa' o'huañ tama sherba'. Tarraña pueyechcatarpa' ama errot po, tarro'mar atet muenen Yompor. Tarraña ama't atet panetañpa' elloña te'pa' çhocma cohueñet attoch esempohuañen Yomporpa' o'ch alla a'cohuentaterranet.

21 Tarro'mar ora allpon ñeñt yentyen aña patsropa' atet anaretet ñamet çhocmach mellasha'tuet, allempoñapa' o'huañcha' sherbet. Tarraña ñerra'm

esempohuañencha', ñeñfey o' puechemer perrey Yompör o'ch yecohuentapretera Cristo, ñaña allempoña ora allpon Yompör pueyechcatarpa' ñetpa'tho'ña o'ch alla a'cohuentataretetuerret ñamet.

22 Yapa' yeñoteñ ora allpon ñeñf yentyen aña patsropa' çhocma mueroche'tyenet ama't teme'ttsen, tarro'mar ama a'cohuentataretterra'. Nanac llecanrroreyenet atet ñerra'mrrate' coyanesha' ñerra'm o' chap allempoch cheyore'ten nanaccha' atsotenana pue'mar. Nanac llequẽntso'tsen tarremphuach allempoch eñalletatuan pue'mar. Allempoñapa' nanaccha' cosheñto'sten, tarro'mar o' eñalletatuan pue'maretoll. Atetcha' perraña ñaña Yompör pueyechcatarečno, nanaccha' cosha'r'rterret esempohuañencha' allempoch a'cohuentataretetuerret.

23 Ama ñapñayaya Yompör pueyechcatar mueroçhtetso. Yapa'cho'ña çhocma yemuerochetyena arr patsro, amach e'ñeyey' yeñmateno yeyoçhro. Tarraña ama't atetpa' o' yechen Parets Puecamquẽñ ñeñf yechetsa yeyoçhro ñeñf ñanom apueney Yompör, allotñapa' orameñ ñaña ñeñf o'patatenya pa'namen. Ñeñto'marña yeñoteñ esempohuañenpa' aphuerreycha' ora allpon ñeñf o'patatenya. Ñeñto'marña yecueñ esempohuañen Yompörpa' o'ch orrtatuerrnay ñaña atto yapa' o' puechemerasha' perrey. Allempoña ya yechetspa' a'po'poñetuernaycha' attochña yecohuentapretera Cristo.

24 Allempoteñ o' yaguẽrrñañ Yompör Puechemer ñeñf Cristo yapa' yeyemteññañ ñeñf o'patatenya ñeñicha' atet perrnay esempohuañen. Ñeñto'marña allempoteñ o' ya'queshpataretterra çhocmach yecueñ esempohuañen allempoch a'po'poñetuernay yechets attochña yecohuentapretera Cristo. Po'ñoçhpa' ama a'po'poñetuernaya' yechets, ñeñto'marña teme'ttsen yecueñ. Ñerra'm o' a'po'poñetuernayeñ yechetspa' allempoñapa' amate' palltenañe o'ch yeyemteññañ ñeñf atet muenateney ña.

25 Tarraña ñerra'm çhocma yeyemteña Yompör ñeñf atet oteney yeñoteñ atetcha'ña perrnay esempohuañen. Ñehua, ama't ama orrtena', te'pa' yeyemteñoñ ñapa' e'ñepa'chña yocsheñeshocmañen yecueñ. Amachña çha yemne'chatsche.

Atto enamuenay Parets Puecamquẽñ Yomproshot

26 Ñaña attecma Yompör Puecamquẽñ ñach yeyenpuene' ñerra'm esempo ama errot es apen yenteno. Ñehua, atet ñerra'mrrate' allempo yellquẽñesha' yema'yochena ñato' ama yeñoteñe escha'ña yenamña Yompör ñeñf e'ñe pocte' enten ña. Allempoña Parets Puecamquẽñpa' ñachña enamats yocop e'ñe puellcapreteñoñey ya, e'ñech pue'narña'teñoñ, amach çhoye' eñoreno attoña enamatenay Yompör yocop.

27 Tarraña Yompörpa' cohuennay allohueneñ ñeñf atet yoctape'chen yeyoçhro, ñeñto'marña ñapa' eñoteñ ñeñf atet enamuenay Puecamquẽñ, tarro'mar Puecamquẽñpa' añach enamuenay ñeñf e'ñe pocte' enten Yompör yocop ñeñfey o' pueyochresha' perrey Parets.

Ñeñfey e'ñe eñotuaye't ahuat Yompörpa' ñapa' atarr coçhnesha' o'patatenya

28 Ñaña ama't es yehuapoya, yapa' yeñoteñ Yompörpa' ñach a'pocstatene' yocop, allohueneñ ñeñfey morrentenaya ña, ñeñfey acrarerey o'ch atet yepoññañ ñeñf atet muenen ña.

29 Tarro'mar allohueneñ ñeñfey e'ñe eñotuaye't Yompör ahuat, ñeñfeycha' ame'ñerraya esempo, ñaña'pa' cotape'che't ahuat yocop ñeñficha' atet muenatey, allochñapa' yach cotape'cherrets cohuen attochña yeyechquerra

e'ñe ora atet ñerra'm Puechemer ñeñt Cristotets. Allochñapa' allohueney yepo'narcha' yepen Cristo ama't shontey ñeñtey ame'ñetsa.

³⁰ Ñehua, allohuen ñeñt atet cotape'che't Yompor yocop ahuatpa' allem-poña ahuo't chap allemPOCH ðhore'terrey o'ch yame'ñera. Allochña ñeñtey a'chore'tareteypa' ñañaapa' oten yocop e'ño' pocte' enteney e'ñe yeyemteño't Cristo. Allochñapa' allohueney ñeñtey e'ñe pocte' enteney, Yomporñapa' oten yocop yecohuentapretero'ch Cristo esempohuañen.

³¹ Ñeñto'mar te'pa' o'ch notas, Yomporpa' atarr cohuen morrentenya. Ñaña yapa' yeñoteñ atto nanac morrentenya Yomporpa' ama't eseshapa' amach errotenot a'huañañperetoña atto morrentenya.

³² E'ñe puemorrenteñotey ya ama't e'ñe ña Puechemerpa' ama mopa'tañpesye, elloña a'rroyonay Puechemer ñach rromosets yocop allohuenacpay. Atto atarr morrentenya attoña yapa' yeñoteñ elloña attecma esocmañencha' apa'yeney e'ñe allemPoteñ apuerrey ñaña Puechemer Cristo.

³³ Ñeñtey acerrr Yompor ñeñteycha' puechemer perr, ama't esesha' muenenayeñ o'ch otteñe'chenyetañ, tarraña ñeñtpa' ama esoye' yenteñe yocop, tarro'mar Yomporpa' oten e'ño' pocte' enteney. Amach errotenot esesha'yetsa'taterrayo yo'chñar,

³⁴ tarro'mar Cristo Jesús'pa' ña rromats yo'chñarecop, elloña ñaña tantertsa po'rromño't, ñaña te'pa' ña partsotapretenaya Pompor po'cohuenrot; alloteñña ñapa' eñorena yocop Pomposesho attoch es e'ñe a'pocattennay.

³⁵ Atarr nanac morrentenya Cristo. Ama't eseshapa' amach errotenot puerratanpesyetoña atto nanac morrentenya Cristo. Ñaña ama't errotenotsenya amach huañerroña atto nanac morrentenya Cristo. Ama'tcha' añ yechapoya muero'chteñets, ama'tcha' nanac llequeñtso'tseney, ama'tcha' ñerra'm esempo pue'moñe'teño'tetay cotare'tenyet, ama'tcha' ñerra'm esempo yepallta'yena ñeñtcha' yerren, ama'tcha' ñerra'm esempo yepallta'yena ñeñtcha' yechorrena, ama't ñerra'm esempo añcha'no'cheno'tseney, ama'tcha' ñaña allemPOCH muetsayet, amach errotenot puerratanpesyetoña atto nanac morrentenya Cristo.

³⁶ Atetcha' perryetña ya esempo e'ñe atet anaret Yompor po'ñoño ñeñt aquellca'huaret ahuatoteñ. All anuaret ñeñt atto puesheñarr ñeñt ame'ñatse'tpa' otane't Yompor, ñeñtpa' e'ñe atet ot:

E'ñe yame'ñeño'tep' p'apa' yellapene'tcha' e'ñe autsa yemtsanate' ñeñt ye'moñe'tene'. Ñetpa' e'ñe amtsen entenyet e'ñe atet ñerra'm carnero ñeñt ðhocmach aneñet allcha' muetsanachet.

³⁷ Ama't yemuero'chetuahuapa' elloña nanaccha' ahuañenat perrey Cristo ñeñt nanac amorrentña yenten.

³⁸ Ñeñto'marña napa' neño'teñ, ñeñtey ame'ñenaya Cristo Jesús ñeñt Yepartseshar yepenpa' ama't erroteno'tsenya amach errotenot huañerroña ñeñt atto nanac morrentenya Yompor. Ama't allemPOCH yerroma, ama't allemPO ñaña yocrenmeñpa' ðhocmachña morrentenya. Ama't Yompor po'mllañoteññaneshar ñeñt huetsa pue'ntañotpa' amach errotenot puerratanpesyetoña ñeñt atto morrentenya. Ama't ora allpon ñeñt añcha'no'cheteyetsa, ama't ñaña ora allpon ñeñt añcha'taretetyetsa arr patropa' ñetpa'cho'ña amach errotenot puerratanpesyetoña ñeñt atto Yomporpa' nanac morrentenya. Ama't ñeñtcha' yehuapoya te' ama't ñaña ñeñtcha' yehuapoya tsapatonet, ñeñtpa'cho'ña amach errotenot a'huañañpesyetoña atto Yomporpa' atarr morrentenya.

39 Ama't errponenaþaren yetuanena atarr eno, amapa' ñaña o'pono patso ama't ñaña oño o'pono, allpa'cho'ña amach errotenot yesa'nmoña atto Yomporpa' nanac morrentenya. Ama't ora allpon ñeñt ye'chcatua Yompor aña patsropa' ñetpa'cho'ña amach errotenot a huañañpesyetoña ñeñt atto nanac morrentenya Yompor, allohueny ñeñtey ame'ñenaya Puechemer ñeñt Cristo Jesús ñeñt Yepartseshar yepen.

9

Atto Pablopa' atarr llequénana pamo'tsna'tarnesha' ñeñt israelnesha' ñeñt acrañ Yompor ñeñtcha' pueyochresha' pañ

1 Ñaña ñeñtcha' notas te'pa' ñeñt'pa' e'ñe po'ño'ch atet, ama choye' neshquénso, tarro'mar napa' o' name'ñera Cristo. Ñaña Parets Puecamquén ñeñt yechetsa neyo'chro, ñeñtña e'ñe eñotenen ñeñtcha' atet notas ñeñt'pa' e'ñe po'ño'ch atet.

2-3 Napa' atarr nanac nellquéña nemo'nasheñnesha' ñeñt'ara judionesha' tarro'mar ñetpa' shontetañpa' ama ame'ñeñeto Cristo. Ñeñt'ara nenen neyo'chro atto atarr nellquénanet. Ñerra'm errotenot na'qeshp'atanet o'te' na'qeshp'aterranetañ. Ama't pocte' nenteñeñ o'ch na'cmare'tañ nañeña atoch nechenquér'ra allochñapa' amach nentere Cristo, ñerra'm atet neþapa' ñetpa' ñato' o'te' na'qeshp'aterranetañ. Tarraña ama't atet neþatstañpa' amach errotenot na'qeshp'aterraneto.

4 Ñaña namo'tsesha' judionesha' ñeñt'ara israelena'tarnesha' ñeñt acrañ Yompor ahuat ñeñtcha' puechemerasha' pañ, ñaña ñetpa' chocma entoñetañe't Yompor po'partsoña ahuat. Ñaña ñet Yomporpa' chocma a'pocatanetañe't ahuat atoch chocmach a'natenanet. Ñaña ñetpa' apañetañe't Yompor po'ñoñ ahuat, ñeñtña eñotatahuete't ñeñt atet pocte' enten Yompor. Ñaña ñeñt'ara judionesha' ñeñt eñotaye't atoch nanac e'ñe co'chneshot sherbeñetañ Yompor pa'paclo. Ñaña ñeñt'ara judionesha' Yompor ahuatpa' ahuo't otanetañ ñeñtcha' atet apuerranet esempohuañen.

5 Ñaña ñeñt ñanom yamo'mtayñeneshañ* yepe't ñeñt nanac sherbaye't Yompor ahuatpa' ñetpa' ñeñt'ara judionesha' pamo'tsna'tarneshañ. Ñaña ama't judiona'tareshotpa' ahuo't eñalletosa Cristo arr patsro ñeñt'ara ñeñt nanac Partsotets ñeñt pomnaren pene' allohuen esocmañen. Ya'ye'cho'chtatoñepa'ch tayoteñ ama't errponohuañen. Ñeñt'pa' attetepa'ch Nompore.

6 Tarraña ama't allohuen judionesha'ña ama'tcha' ama ame'ñereto Cristopa' Yomporñapa' amach errotenot huañerroña po'ñoñ ñeñt atet otanete't ahuat; ñeñt'pa' chocmach etsota ñeñt atet otanet, tarro'mar ñapa' ama puenesho po'ñoñ. Ñaña allohuen ñeñt israelena'tarpa' ama allohuenacmaye' Yomporena'tareyayeto.

7 Ñaña ora allpon po'm'renña Abrahampa' ama allohuenacmaye' po'ño'ch Abraham puechemer entapreteñe Yompor. "Aña e'ñe puechemer entapreteñ Yompor ñeñt Isaac po'm'renña", ñeñt atet otan Yompor Abraham ahuat.

8 Ñeñto'marña yeñoteñ allohuen Abraham po'm'reneñpa' ama allohuenacmaye' po'ño'ch puechemer penaneto Yompor. Añachña puechemer pen ñeñt yemtenaya Yompor ñeñt atet otanet.

* 9:5 Pablo otate't yamo'mtayneshañ tarro'mar ñapa' judionesha'.

9 Ñehua, yapa' yeñoteñ atet ahuat Yomporpa' otan Abraham ñeñcha' aþ, ñeñpa' atet ot: "Tsapat charo atet ñerra'm te' añempo, o'ch nohuerra allemponapa' petapor Sarapa' cheyore'tcha' ñeñpa' asheñorrcha' ñeñcha' Isaacatats." Arrpa' allohua ñeñ atet Yomporpa' otan Abraham.

10-13 Elloña te'pa' o'ch alla neyerpaterrrerr attó yatañ Isaacpa' ahuo't yoran Rebeca ñeñcha' puetapor þa'. Ñaña allempo Rebecapa' totana Isaac puechmer ñeñ epuesha' Yomporñapa' otan Rebeca, atet och: "Ñeñcha' eñalletatsa ñanom pechoyorpa' aña' pomnaren pene' ñeñcha' eñalletatsa chenta." Arrpa' allohua ñeñ atet Yomporpa' otan Rebeca. Ñaña allempo ama eñalletena' puechyoresha' Yomporñapa' ahuo't ye'choña paterr puechoyor ñeñ muenen ña, ama't allempopa' ama es ye'chcateneta' ama't ñeñ cohuen enten Yompor amapa' ñeñ ama cohuenayaye. E'ñe atta ahuo't ye'chana puesheñarr ñeñ muenen ña; cheshatollpa' ama pueyechcateño'feye' cohuen ye'chyña Yompor, tarro'mar cheshatollesha'pa' ama es ye'chcateneta' ama't coñe'fa. Attoña ahuo't etsota Yompor po'ñoñ ñeñ atet aquellca'huare' ahuatoteñ, ñeñpa' atet oten Yompor: "Jacobpa' atarr nemorrenteña, pa'mo'nasheñña Esaúpa' ama tama nemorrenteño." Atet þa' attoch ye'noch Paretspa' ña acrañitetsa ñapue' añecop ñeñ e'ñe ye'chena ña.

Atto Yomporpa' e'ñe pocte' entan o'ch puechmer þan ñaña ñeñ ama judioneshayaye

14 Te'ña ñato' sapa' chate' sotenapañ ñeñ atet ote't Yompor, ñeñpa' amate' pocteyaye. Tarraña o'ch notas ñeñpa' e'ñe pocte' atet ote't Yompor.

15 Tarro'mar yapa' yeñoteñ atet Yomporpa' otan ahuat Moisés, ñeñpa' atet och: "Ñerra'm esesha' neye'cha na ñeñcha'ña neyenpa'. Ñaña ñerra'm esesha' neye'cha na ñeñcha'ña atarr nemorrentena."

16 Ñeñto'marña yapa' yeñoteñ ñerra'm esesha' muenen Yompor ñeñcha'ña a'natena, ñeñpa' e'ñe pocte'. Ñeñpa' ama año'feyaye ñeñ atet yemnen ya acheñey, ñaña ama ya' muero'chtame'teño'fa ye'chenyoña Yompor. E'ñe'ña pue'wuereño'fa ye'chenana erra'tsen muenen ña.

17 Ñaña yeñoteñ ñeñ atet Yomporpa' otan ahuat ñeñ am'cha'tarettatset' Egipto. Ñeñpa' atet otan am'cha'tare't Faraón: "Na pene', ñeñteþ am'cha'tarettetsa, attoch peshoch norrtat nehuamenc acheñeshesho. Attoña ñetpa' o'ch serrpare'tyesonet erracmañen attó na ñeñten nanac ahuaencattetsa."

18 Ñeñto'marña yapa' yeñoteñ ñerra'm esesha' muenen Yompor o'ch a'natanetpa' ñeñcha'ña a'natena. Ñaña ñerra'm esesha' muenen Yompor o'ch echarrtenet pueyo'chreto, ñachña muenatenahuet.

19 Te'ña ñato' sapa' chate' sotenapañ: "Ñerra'm Yompor ñach yemnatene' ñeñ e'ñe atet muenen ñapa', yapa' amach errot yepe, ñeñto'marña amate' pocteyaye o'ch enteney yapa' amo' cohuenayaye, ñerra'm ña yemnatatene' o'ch es atet yepa." Ñato' sapa' attate' soctape'chatse'tyen seyo'chro.

20-21 Tarraña masheñeshacha' ñaña no'chaneshacha', o'ch notas, Yomporpa' ama asasare'tpahuoyaye. Ñato' o'ch netma'ntatasa atet: Ñato' esesha'pa' o'ch ye'chcatan coyem' ñeñ patsrro'. Ñeñ e'ñe atet muenen ña, ñapa' ñeñcha' atet ye'chcat. Ñato' o'ch ye'chcatan eprroga coyem', puerrogarrpa' atarrcha' cohuen, e'ñe'ch cohuenot sherbenan

pamo'mte'. Allotñapa' ñeñt a'pchat patspa' o'ch alla yechaterranerr po'prroguëñ puecoyem. Ñato' ñeñt'pa' amach tama cohuenaye' pe, tarro'mar ñeñt ye'hcate'pa' ama mueno o'ch orrtach acheñenesesho. Tarraña coyen'pa' ñerra'm eñoreña'pa' amach sasare'tanoña pamo'mte', amach oche: "Eso'marte' puey'caten atet, ama cohuenaye' pe'pa'no." Tarro'mar ñerra'm pamo'mte' muenets atet'cha' pan puecoyem, coyen'ñapa' amach errof es po. Ñeñto'marña yeñoteñ Yomporpa' ama't errofen muena' o'ch atet p'onay, ñeñt'pa' e'ñe pocte' ñocop, tarro'mar Parets añecoppa' ña otets ñapuef. Ñaña yapa' amach yesasare'che, tarro'mar Parets'pa' ama asasare'tpahuoyaye.

²² Ama't atet'pa' elloña Yompor ahuatpa' atarr ahuantane't atto nanac atpare'che't ñeñt o'pate't chenquëñets. Ñerra'm ña muenatseñ e'ñe poctet' attoch tsa'taterranetañ e'ñe allempocma po'yorothenño. Attochña entatanañ po'huamenc tarraña ama atteye' paneto, atña ahuantanete't po'chñaret.

²³ Allochñapa' attoch esempopa' chap o'ch orrtaterrnay allohueney po'cohuenña, ñeñtey o' muererrya yaña, ñeñtey ahuat Yomporpa' cotape'chonaye't yecohuentapretero'ch esempohuañen.

²⁴ Atet ñerra'm ya ñeñtey judioneshay, ama't ñaña ñeñt ama judioneshayaye, tarro'mar ama judioneshayaya ñapuef chore'tenoña Yompor ñeñt'cha' ame'ñaya. Allohueneyña te'pa' o' chore'terrey o'ch e'ñe yame'ña'huera.

²⁵ Ama't atet ote'teña Yompor ahuat, allempo otan Oseas ñach serrpare'te' ñeñt atet och Yompor, ñeñt'pa' atet ot Yompor:

Ama't ñeñt ama nechemereyaye te'pa' tsapatonetñapa' e'ñech nechemer nepohuerranet. Ama't po'poñ acheñ ñeñt ama nemorrenteno te'pa' tsapatonetñapa' e'ñech nemorrentuerranet ñamet.

²⁶ Ama't e'ñe all ahuat Yomporpa' otanete't: "Sapa' ama nechemereyayso", te'ña allpa' o'ch eñotueret, te'ñapa' e'ño' puechemeresha' o' pohuerranet Yompor, ñeñt Yompor ñeñt ama arromña'eshayaye ama't ahuaata.

²⁷ Elloña Isaías ñeñt a'ñtaye't Yompor po'ñoñ ahuatpa' ñapa'cho'ña atet eñose't, ñeñt'cha' atet perra israelena'tarnesha', ñeñt'pa' atet ot: "Israelena'tarnesha'pa' merenach nanac shonte' atet ñerra'm'rate' atet yenteññañ ontap po'mñer nanac shonte'. Tarraña ama't'cha' shontetañpa' amachña allohuenacmaye' a'queshpataretterreto; patanta'tsachña ñeñt'cha' a'queshpataretterrrta.

²⁸ Tarro'mar Yomporpa' e'ñech tsa'tatuerrana shonte' acheñ arr patsro ñeñt atet otane't ñeñt e'maye't po'ñoñ. Amach allo'na ahuaanta'nenaneto po'chñar."

²⁹ Ñeñt'pa' e'ñech atet perra ñeñt atet ote't Isaías, ñeñt'pa' atet ot:

Ñeñt nanac Parets'pa' ahuo't a'queshpaterrey ama't puesheña'ttso'teya. Ñerra'm ama atet pa'yeñepa' allohueneypa' e'ñech yoclla'huerrañ e'ñe poctacma, atet panet ahuat allempo a'cclatuaretta allohuenet ñeñt yechatse't añetso Sodommo ñaña Gomorro.

Arrpa' atto Yomporpa' ama pocteye' entenano judionesha'

³⁰ Ñeñto'marña te'pa' yeñoteñ acheñenesha' ñeñt ama judioneshayaye ama't ama e'neñeto attoch e'ñe pocte' entanet Yomporpa' ñetñapa' ahuepa't enteret ñeñt e'ñe atto pocte' enteney Yompor allohueney ñeñt'pa' ñeñtña atto yeyemteña ñeñt atet oteney Yompor.

³¹ Tarraña judionesha' ama't e'neñetañ attoch pocte' entenanet Yomporpa' tarraña ñetñapa' ama entereto, tarro'mar aña e'ñe yemtenet o'ch e'ñe etsotuetañ ora allpon ñoñets ñeññ atet anarettenet; tarraña ama es etsotuenaye ora allohuen.

³²⁻³³ Yeñoteñ ama enterreto attoch pocte' entenanet Yompor, tarro'mar ama yemteñeto Yompor ñeññ atet otenanet. Ñetpa' aña e'ñe yemtenet o'ch yechcatyenet ñeññ e'ñe cohuen entenet ñet. Ñeññtpa' e'ñe atet pohuet ñeññ atet oten Yompor po'ñoñ, ñeññ anuaret ahuatoteñ, ñeññtpa' atet of Yompor ahuat: Napa' o'ch nemñanet puesheñarr ñeññtcha' atarr sherberrets all añetso ñeññ pa'so'cheñ Sión ñeññara Jerusalén. Tarraña ñetpa' chach tsena'chet. Puetsena'teñoñetpa' o'huañ yemtennanet ñeññ atet noctape'chatanetañ. Tarraña ama't erra'tsena ñeññtcha' ame'ñerraya ñapa' ñetñapa' ellopa' amach alla es e'nerrete'te.

Ñeññtpa' atet toma'ntachet ahuat: Cristopa' ñach anarettatsa arr patso atet ñerra'mrrate' mapue' ñeññ atarrcha' sherben. Tarraña judionesha'ñapa' ama asherbenaye' eñcheto ama't mamesha, cha ottet ñerra'mrrate' atta epoto'tatse'tyeset ñesho ñeññ atma'ntataret mapue'.

10

¹ O'ch masheñneshacha' ñaña nochaneshacha' notas, napa' neyochrocmañen nemneñ namo'tsesha' ñeññara israelena'tarpa' o'te' queshpá'huerret ñamet. Ñeñño'marña ñocpue'tpa' chocma nema'yochamñpenanet Yompor.

² Napa' neñnotenetañ e'ñe po'ño'ch mueneñetañ o'ch e'ñe sherberet Yompor; tarraña ama't atet muenenetañpa' po'ño'chpa' ama chenanetoña pueyo'chreto ñeññ po'ño'ch atet muenen Yompor.

³ Po'ño'chpa' ama chenaneo pueyo'chreto ñeññ atet muenen Yompor atetcha' ye'pa attoch pocte' enteney ama't e'ñe allohueney. Ñetpa' otenapuetañ e'ñe pueyechcateño'otet ñeññ cohuen entenet ñetpa' Yomporñapa' pocte'te' entapretenanet. Elloña ñetpa' ama mueneñeto o'ch yemterrñañet ñeññ atet oteney Yompor, ñeññtcha' attoch e'ñe po'ño'ch pocte' enterrey ña.

⁴ Tarro'mar te'pa' o' huapa Cristo ñaña atet oteney Yompor ñerra'm yame'ñerrñaña Puechemer ñeññ Cristotetspa' attochña e'ñech pocte' enterreyña, ama't erra'tsena ñeññtcha' ame'ñerraya. Allochñapa' o'huañcha' aña yeyemtena o'ch atet yepohuen e'ñe cohuen ora allpon ñoñets ñeññ atet anaret attochña pocte' enterryeñ Yompor.

Arrpa' attoch e'ñe pocte' enteney Yompor ama't eseshaya

⁵ Ama't Moisés'pa' atet ote't ahuat: "Ñerra'm yepohuenach e'ñe poctacma ñeññ atet anare'tpa' esheccha'ña corretsayach errponohuañen."

⁶ Tarraña attoch po'ño'ch pocte' enteney Yompor ñeññtpa' e'ñech yeyemteño'ñ ña ñeññ atet oteney: "Amach yoc'tape'chatsto yeyo'chro, ñato' este' yepalltena tarro'mar ama yepallteno o'ch ahuey ento attoch ya'suater Cristo arr patsro.

⁷ Amaña yepallteno o'ch ahuey ñaña arromñañneshesho ñeññ o'pono'tsa'yen patso o'ch yetantatera' Cristo tarro'mar ñapa' ahuatoteñ o'tanterra, ama arromñañesho'tsenayaye."

⁸ Tarro'mar Yompor po'ño'ñpa' atet oten: "Añ cohuen ñoñets alloch yequeshperra, ñeññtpa' ama torrapahuoyaye attoch yenter, tarro'mar ñeññtpa' e'ñe yesho'tsen. Ñaña ama echarroyaye attoch ye'ñoroña, tarro'mar

ñeñtpa' e'ñe yeyothro'tsen." Ñeñtpa' ñeñtara ñoñets ñeñt' o' neserrpare'tatas atet añ poctetsa o'ch yame'ñera Cristo.

⁹ Tarro'mar ñerra'm cho ye ñorena atto Jesús'pa' Yepartseshar yepeñ, ñaña ñerra'm e'ñe yeyochrocmañen yame'ñeña atto Yompor'pa' ahuo't tantater po'rromño'pa', allochñapa' yapa'cho'ña a'qushpatareyecha'.

¹⁰ Tarro'mar ñerra'm yame'ñera Cristo yeyochrocmañen, Pomporñapa' e'ñech pocte' enteney, ñaña ñerra'm chochña ye'ñorena atto o' yame'ñera Cristo, atochña yapa' a'qushpatareyecha'.

¹¹ Ñaña Yomp'or po'ñoñ ñeñt' aquellca'huaret ahuatoteñ, ñeñtpa' atet oten: "Ama't erra'tsena ñeñtcha' ame'ñerraya Yomp'or'pa' ñetña ellopa' amach alla es e'nerrete'ie."

¹² Tarro'mar ama judioneshayaya ñapueñ ame'ñenayoña Yomp'or. Ama't ñeñt' ama judioneshayaye, ñetpa'cho'ña attecma ame'ñeñet Yomp'or. Tarro'mar e'ñe patrra Yepartseshar ñeñt' e'ñe allohuenacpay. Shonte'ch esocmañen apa'yesuay ama't eseshaycha' ñeñtey enamuene'.

¹³ Tarro'mar atet oten Yomp'or po'ñoñ: "Allohuenoteypa' ama't erra'tsenoteta chore'te' Yomp'or pueyochrocmañen attoch a'qushpataretterretpa' Yomp'orñapa' a'qushpaterranetcha'."

¹⁴ Tarraña amach errotent' ye'chore'cheña Cristo ñerra'm ama cho yeyemteño. Ñaña amate' errotent' yeyemterofña ñerra'm ama es ye'mare'tperro Cristocop. Ñaña amach errotent' ye'mare'che ñerra'm ama eñalle ñeñtcha' a'pote' po'ñoñ.

¹⁵ Ñaña amach errotent' a'poteññañetoña Yomp'or po'ñoñ, ñerra'm ama ña llesensenahueto. "Nanac cosheñto'tseney ñerra'm esempo huapa ñeñtcha' a'potose' cohuen ñoñets ñeñt' huetsa Yomp'oreshot alloch yocsherra e'ñe cohuen yeyothro'." Añpa' allohua ñeñt' e'ñe atet aquellca'huaret Yomp'or po'ñoño ahuatoteñ.

¹⁶ Tarraña ama't ñeñt' pue'maran Yomp'or po'ñoñ amaña allohuenacmaye' ame'ñereto añ cohuen ñoñets ñeñt' huetsa Yomp'oreshot. Ama't atet ote't' Isaiás ahuat, ñeñtpa' atet ot: "Ama Nompore eseshaye' ame'ñenayo ñeñt' atet o' neserrpare'tatuanet." Arrpa' allohua ñeñt' atet ote't' Isaiás ahuat.

¹⁷ Tarraña ama't atteñpa' elloña napa' o'ch notas, e'ñe yeserrpare'teñoñ Cristo po'ñoñ, acheñenesha'ñapa' o'ch e'mñoteñet. Allochñapa' e'ñe pue'mñoteñoñetpa' o'ch ame'ñeret Cristo.

¹⁸ Ñato' sapa' chate' sotenapañ judionesha'pa' ñato' amate' pue'mareto añ cohuen ñoñets ñeñt' huetsa Yomp'oreshot. Tarraña napa' o'ch notas, po'ñochca'ye pue'maret tarro'mar atet oten Yomp'or po'ñoñ: Ñeñt' a'potene' Yomp'or po'ñoñpa' o' eñotatyeset erracmañen arr patsro, o' epa'huamocho Yomp'or po'ñoñ erraparen.

¹⁹ Te'ña sapa' ñato' chate' sotenapañ judionesha' ñeñtara israelena'tarpa' ñato' amate' chenanelto pueyochreto ñeñt' atet cotape'chen Yomp'or. Tarraña napa' o'ch notas, po'ñochca'ye eñoteñetañ Yomp'orñapa' o'ch ame'ñaterrana ñaña po'poñ acheñ ñeñt' ama judioneshayaye. Ñehua, ñanompa' o'ch neyerpaterrsa ñeñt' atet ote't' Moisés. Moisés ahuatpa' ahuo't quellcanet añ ñoñets ñeñt' atet och Yomp'or, ñeñtpa' atet ot Yomp'or:

Napa' o'ch name'ñatera po'poñ acheñenesha' ñeñt' sapa' atta senteñ atet ñerra'mrrate' ama nechemereye' nepenaneto ñaña atta senteñ ñerra'mrrate' ama es eñoteneto. Tarraña napa' o'ch name'ñatuerranet ñetpa' sañapa' e'ñe sempa'teñoñenpa' o'ch se'moñe'terranet, tarro'mar

allempto ñetpa' o'ch nechemeresha' neperranet ñamet. Arrpa' allohua ñeñt Moisés po'ñoñ ñeñt atet och Yompor ahuat.

²⁰ Allotpa' ñaña Isaiás ahuat ñaña' ama mecha'tenano judionesha'. Ñapa' ahuo't eñotatanet ñeñt atet och Yompor, ñeñtpa' atet ot Yompor:

Po'poñ acheñ ñeñt ama judioneshayaye ama't ñetpa' ama eseshaye' ne'nenaye, ñetñapa' o' enterrnet. Ama't ama eseshaye' na'pto'tenaye errotenteña na ñeñt atet nepena, tarraña ñaña' o'ch neñotateranet ñeñt atet nepena.

²¹ Ñaña ellonet Isaiás' serrpare'te't atetcha' perra judionesha' ñeñt atet eñorena Yompor ñocpue't, ñeñtpa' atet ot Yompor: "Ñapa' nellapene'tcha' chore'tame'tene' añ acheñeneshar attoch ñetpa' o'ch ame'ñernnet. Tarraña amachña eseshaye' name'ñenayo, chachña po'poñ entuennet allohuenet."

11

Atto judionesha'pa' a'ypo'ñare'ttenetañ, tarraña ama poctacmaye' a'ypo'ñenanetoña Yompor

¹ Tarraña ama't atteñ, napa' o'ch notas, po'ño'ch Yomporpa' ama e'ñe poctacmo' a'ypo'ña'huerrano pueyochreshachno, ñeñtareta ñeñfet israelena'tarnesha'. Atet ñerra'm na, napa'cho'ña israelena'taren tarro'mar napa' po'mrenñen Abrahamañ ñeñtara Benjamíñeñ mereñsoren.

² Yomporpa' ama a'ypo'ña'huerrano pueyochreshachno. Ñetpa' e'ñe eñotuanete't ahuat ñeñt'cha' pueyochreshachno pa'. Ñaña napa' neñoteñ amach a'ypo'ña'huerraneto, tarro'mar ñeñtpa' atet aquellca'huaret Yompor po'ñoño ama't ahuatoteñ. Sapa' ama't seyerpuenoña ñeñt atet pe't Elías ahuat. Ñapa' ahuo't otteñe'chan israelnesha' e'ñe puema'yocheño'f Yompor.

³ Ñeñtpa' atet otan Yompor ahuat: "Nompore, namo'tsesha' ñeñtara israelena'tarpa' epaye' muetsanatennapet ñeñt pa'mtene' peñoñ. Ama't ñaña Nompore ñeñt altar ñeñt allot yeshervenpeñpa' o' e'ñe tore'tatuonapet. Ama't napa' o' e'ñe naptarña ñeñten pame'ñenaya. Ama't te' Nompore napa'cho'ña o'patannet ahuo'ch muetsanet ñaña." Arrpa' allohua ñeñt atet otteñe'chane't Elías pamo'tsesha' Yomporesho ahuat.

⁴ Arrña'pa' atto eñorana'tana Yompor Elías ñeñtpa' atet och: "Amaca' paptayaya ñeñte'p name'ñenaya, elloña eñallmeñ can'chroch mil israelena'tarnesha' ñeñt name'ñenaya ñeñt ama concorpana'tenana' ma'yochaya ñeñt aye'chcataret ñeñt sochenet Baal. Ñetñapa' nenenanet ellonet nocop." Arrpa' allohua ñeñt atet neyerpatensa atet ote't ahuat Yompor allempto eñorana'tana Elías.

⁵ Ñaña atet ñerra'm te'pa' attecma pena Yompor. Ama allohuenacmaye' a'ypo'ñenanetoña Yompor. Ñaña'pa' ama't puesheña'ttsapa' ahuo't ye'cherranet allochña'pa' attochña e'ñe puemuereño'fanetpa' o'ch a'qeshpateranet.

⁶ Tarraña e'ñe puemuereño'fanet ahuo't a'qeshpateranet. Amaña aña'oye'ye atto cohuen es ye'chcatyenet ñet. Tarro'mar ñeñt cohuen ye'chcatyenet ñerra'm allo a'qeshpateranetañpa' Yomporña puemuereña'pa' amate' a'qeshpatañe'ye'yenteñe.

⁷ Ñeñto'marña yeñoteñ, israelena'tarpa' ama allohuenacmaye' enterreto ñeñt e'nenet. Ñehua, ñeñt e'nenetpa' ñeñtpa' attoch e'ñe pocte' enteranet Yompor. Puesheña'ttsa enterre' ñeñt ye'chena Yompor. Tarraña

po'potantaññapa' ama entereto ñeññ atet muenen Yompor ñeññ attoch e'ñe pocte' entuerrey tarro'mar ñetpa' chocma echartenanet pueyoçhreto o'ch pet ñeññ atet muenen Yompor.

⁸ Ñetñapa' o' e'ñe atet pohuet ñeññ e'ñe atet anuaret Yompor po'ñoño ama't ahuatoteñ. Ñeñtpa' atet oten: "Yomporpa' ñach ama muenatahueto o'ch es çhapahueto pueyoçhreto. Ama'tcha' çho es entenetañ ñeññ atet pena Yomporpa' amach çhenaneto pueyoçhreto ñeññ atet muenen Yompor. Ña'ña ama'tcha' e'mñoteññañetañ Yompor po'ñoñpa' amach çhapaneto pueyoçhreto ama't ahuata ñeññ atet muenen Yompor. Ama't teme'ttsenpa' attecma penet." Arrpa' allohua ñeññ atet ote't Isaiás ñeññcha' atet perra judionesha'.

⁹ Elloña Davidpa' çho'ña ñapa' atet ote't ahuat, ñeñtpa' atet ot: Judionesha'pa' nanac a'nateña Yompor. Shonte' esocmañen echenet ñeññ alloch rrallme'chapretannenet. Tarraña ñeñtpa' çha shequënanet tarro'mar ñetpa' otenapuetañ Yomporpa' e'ñefe' pocte' entenanet. Tarraña ñeñtpa' ama atteyaye. Ñeñtpa' ñeññcha'ña a'çhencaterrahuet. Attoch e'ñe tsa'tatuerranet.

¹⁰ Ellopa' alla oterrerr David ñocpuet, ñeñtpa' atet ot:

Arepa'ch es çhapahueto pueyoçhreto ñeññ atet muenen Yompor, atetach ñerra'mrrate' aporo'yef ñeññ amach enteno. Chocmuepa'ch amue-roçhtatarettenet e'ñech atet ñerra'mrrate' eñerr a'mo'ca'nenahuet ñeññ nanac amue-roçhtatañ.

Atto Yomporpa' a'ypo'ñaneñ judionesha', ñeñtpa' añecop attoch a'quespatteran ña'ña ñeññ ama judioneshayaye

¹¹ Tarraña ama't atarr atpare'tena judionesha', napa' o'ch notas, amach e'ñe a'ypo'ña'huereto poctacma Yompor. Tarro'mar e'ñe patpare'teñofoet ñetpa' attoña Yomporpa' ahuo't ame'ñaterrana po'poñ acheñ ñeññ ama judioneshayaye attoch a'quespatteranet ñamet. Attochña judionesha'pa'çho'ña e'ñe puempa'teñofoet Yomporpa' ñato' o'ch alla ame'ñeret Yompor e'ñe cohuen.

¹² Atto atpare'tenan judionesha' Yomporpa' po'poñeçhnoña acheñenesha' arr patsopa' ahuo't çhapanet attoch ame'ñeret ñamet Yompor. Ñehua, atto ama't patpare'teñofoetpa' yenpueñet po'poñ acheñ ñeññ ama judioneshayaye, yapa' yeñoteñ esempohuañen allempoch alla ame'ña'hueret Yomporpa' el-loña pame'ña'hueñofoetpa' nanaccha' yenpueret po'poñ acheñ ñeññ ama judioneshayaye.

¹³ Ñeñtpa' atet notenes ñeññes ama judioneshayayso tarro'mar napa' allsensareten nach serrpare'tene' Yompor po'ñoñ socop ñeññes ama judioneshayayso. Ñeño'marña napa' nocshena, atarr cohuen asherben nenteñ ñeññ atet llesensenen Yompor.

¹⁴ Tarro'mar allochñapa' attoch name'ñatera ñeññ ama't ama judioneshayaye. Attochña ñato' judionesha' ñeññ e'ñe namo'tsna'taranetpa' e'ñe puempa'teñofoet Yomporpa' o'ch alla mueneret o'ch ame'ñerret ello atet sepena sa. Allochñapa' attochña a'quespataretterret ñamet, ama't puešheña'tsota.

¹⁵ Tarro'mar ñeññ atto Yomporpa' ahuo't a'ypo'ñan judionesha', ñeñtpa' añecop attoch amo'tsterrana po'poñeçhno acheñenesha' arr patsro ñeññ ama judioneshayaye. Ña'ña yapa' yeñoteñ ñerra'm esempohuañen allempoch

judionesha'pa' o'ch alla ame'ña'hueret Yompor, attochña o'ch alla aguërranet; ñetña allempopa' chach otterret ñerra'mrrate' rromot o' tantuerret.

16 Tarro'mar atto ñeñt ñanom judioneshatatse't ahuatpa' ñetpa' anarettete't Partsocop, allochñapa' po'ñrenñenesha'pa'cho'ña ñetpa' acraretterretcha' ñamet e'ñe attecma. Ñato' o'ch yetma'ntacha atet pete't ahuat pocrram' ñeñt nete't Partsocop. Ñeñt ñenma't pocrrametpa' ahuo'ch yoreñet coñe't ñeñt nanac cohuen ñeñtcha' nenet Yomporecop. Ñama atto ñeñt ñanom pocrram' yorenet Partsocoppa' ñeñt'pa' e'ñe cohuen, añña allot yoret pocrrametpa' ñeñtña pocrramet orapa' e'ñech cohuenare'. Ñama ñato' o'ch yetma'ntacha po'poñ ñeñt atet pena tsachrech. Ñehua, ñerra'm erra'tsen tsach ñerra'm puercho'chno e'ñe cohuenare' puetacrech'no'pa'cho'ña e'ñech cohuenare'.

17 Te'pa' ñeñtes ama judioneshayayso napa' o'ch notas, Yomporpa' ahuo't ellopa'tetstatan patantarr judionesha' ñeñt atpare'tene' ña. Allochñapa' attoch sapa' o'ch separrocmater epas ñeñt ame'ñenaya Yompor. Ñato' o'ch netma'ntacha atet pena tsach ñeñt otenet olivoch. Ñehua, judionesha'pa' ñetpa' atet ñerra'mrrate' olivoch ñeñt e'ñe cohuen narmets. Tarraña ñato' ñeñt allpon puetaquërpa' ahuo't pecha'tam'pset ahuo't huapore'chet. Allochñapa' attoch a'tapa'llateret epuet ñeñt puetsato'mar olivochtaquër ñeñt ama narmetsoyaye. Sa ñeñtes ama judioneshayaysopa' sapa' aña puetaquër sepene' ñeñt puetsato'mar olivochtaquër. Te'ñapa' o' a'tapa'llataterretset olivochtacro allot apecha'taret ñeñt ahupore'taret. Allochñapa' attochña sapa'cho'ña o'ch separrocmater epas ñeñt ame'ñenaya Yompor, ñama attoch sagapapreter Yompor pa'nateña ñeñt atet otane't Yompor judionesha' pa'tañeshañ ahuat.

18 Tarraña ama't atteña'pa' sapa' amach sañeña nanac asherben sentatsterro. Ñama amach sotatsto o'huañte' sherbenña añ judionesha' ñeñt toma'ntenaya olivochtaquër ñeñt ahupore'taret, tarro'mar sapa' señoche'pa'ch allotca'yeña huenaña sa sehuamenc tsachrechot ñeñt atma'ntataret judionesha' pa'tañeshañ ahuat. Ama atteyayso ñerra'm ñeñt e'ñe puetaques o'ch ahuamencat sepoñ puerech, tarro'mar ama atteyaye, puerechña e'ñe ahuamencat sepene'ña sa.

19 Ñeñtes ama judioneshayayso, sapa' chate' sotenapañ so'te'ña nanac sherbets ñeñto'maro' Yomporpa' ahuo't pecha'tam'psan judionesha' olivochtacro't allochñapa' atto'ch sapa' o'ch e'ñe separrocmater.

20 Tarraña napa' o'ch notas, ama't po'ño'ch o' a'ypo'ñare'tta judionesha' añecopña a'ypo'ñare'tterret e'ñe patpare'teño'fet Yompor. Ñehua, te'ña sapa' e'ñe seyemteño'fa Yompor o' separrocmater sa. Ñeñto'marña o'ch notas, amach sommo'chatsto, e'ñepa'chña sem'cha'na'teño' same'ñeña Yompor.

21 Tarro'mar atto Yomporpa' ahuo't huapore'tan olivochtaquër ñeñt e'ñe pueta'cra ñeñt toma'ntenaya judionesha' ñeñt ama ame'ñenayo ña, sapa'cho'ña ñerra'm attach sepene sañapa' ahupore'taret'esch'a' saña.

22 Señoche'pa'ch po'ño'ch Yomporpa' atarr cohuen amueraña. Tarraña ama't amueraña'ña'pa' ama allocchama'metsoyaye, tarro'mar ñapa' chocmach tsa'taterrana ñeñt ama ame'ñenayo ña. Ñerra'm chocmach seyemteña atto nanac muerensa ñaña'pa' e'ñech cohuen entenes. Ñerra'm amach atet se'popa' sapa'cho'ña ahupore'taret'esch'a' atet ñerra'm tsachtaquër.

23 Ñama ama't judionesha' ñeñt a'ypo'ñare'ttetsapa' ñerra'm o'ch alla ame'ña'hueret Yompor, ñaña'pa' o'ch allá parrocmataterranet po'pocheño.

Tarro'mar Yomporpa' nanac ahuamencat, ña po'huamencotpa' o'ch alla parrocmataterranet po'pocheño.

²⁴ Tarro'mar sa ñeñtes ama judioneshayayso Yomporpa' e'ñe pocte' eñch o'ch parrocmataterres, ama't sapa' atet entenes ñerra'mrrate' nanac alpa'aro'tsenes atet pena ñeñt puetsato'mar olivoch. Ñaña sapa' apech-tac'e'charetos po'pchaño', ñaña'apa' ahuo't a'parrocmaterres olivochitacro ñeñt narmets olivoch ama't sapa' ama e'ñe puetacreyayso ñeñt narmets olivoch. Atto pocte' eñch Yompor ñeñt atet ñonas sa, elloña judionesha'pa' nanaccha' cohuen enterranet o'ch alla parrocmataterranet, o'ch alla puetaquër paterranet olivoch ñeñt e'ñe ño puetaquër.

Atto judionesha'pa' a'queshpataretterretcha' ñamet esempohuañen

²⁵ Te'pa' o'ch masheñneshacha' ñaña no'chaneshacha' neñotatas ñeñt ahuatoteñ ama eñotpahuoyaye. Ñeñtes ama judioneshayayso napa' nemneñ o'ch e'ñe seño'ch allochñapa' attoch amach sota'psa'tatsto sapa' atarro' es señoten. Ñeñt atet atpare'tena patantarr israelena'tarpa' ñeñtpa' mamecpa atet muenatenanet Yompor tarrempohuach allempoch e'ñe etsotua attoch ame'ña'huerra allpon acheñenesha' ñeñt ama judioneshayaye.

²⁶ Allempochña allohuen israelena'tarnesha'pa' a'queshpataretterretcha' ñamet. O'ch etsoterra e'ñe atet aquellca'huare't Yompor po'ñoñ ahuatoteñ, ñeñtpa' atet ote't Yompor:

Ñeñtcha' a'queshpataerrahuetpa' huapach. Arrotcha' huapa ñeñt anet-serpa' añ pa'so'cheñ Sión. Ñeñto'marña pamo'tsna'tarcha' ñosan israelena'tarnesha'. O'ch huapapa' a'huañamperrancha' Jacoboñ po'mreneñ* ñeñt atto nanac atpare'teñet Yompor.

²⁷ Allempochña nahuanmanñperranet po'chñaretpa' allempochña etsoterra ñeñt atet notanete't ahuat ñeñtcha' atet neperranet esempo. Arrpa' allohua ñeñt atet ot Yompor ahuat.

²⁸ Tarraña te' Yomporpa' atet entenanet ñerra'mrrate' ñeñt e'moñe'tene' tarro'mar ñetpa' ama mueneto o'ch ame'ñeññañet po'ñoñ ñeñt alloch po'ño'ch yequeshperra. Tarro'mar atet pena allochñapa' o'ch sa'queshpataretterra samã ñeñtes ama judioneshayayso. Tarro'mar Yomporpa' ahuatoteñ acrane't judionesha' ñeñtcha' atarr morrentena tarro'mar ñeñt pa'tañneshañ pete'tpa' ña a'crahuete't ahuat ñeñtcha' atarr morrentena.

²⁹ Tarro'mar Yomporpa' ama puenesho po'ñoñ. Atet otanete't ahuat ñeñtcha' o'pataterranetpa' e'ñech etsotuerra. Ñaña atet otanete't ñeñtcha' atet chore'terranet attoch e'ñe ame'ña'hueretpa' ñeñtpa'cho'ña e'ñech etsotuerra.

³⁰ Ahuat sapa' atarr satpare'che't Yompor, te'ñapa' judionesha' atet petsa atet satpare'te't sa ahuat. Tarraña te'pa' allempo atpare'ta judionesha'pa' ñeñtpa' attoch Yomporpa' o'ch muererrsa samã.

³¹ Ñaña te'pa' atto judionesha' attecma atpare'teñet Yompor atet satpare'che't samã ahuat, ñetpa'cho'ña muererranetcha' atet muerensa samã te'.

³² Tarro'mar atet penaña Yompor. Ñapa' muenatenan ora pa'namen acheñ o'ch atpare'tyeñet allochñapa' attochña ello'pa' o'ch alla muererraneterr allohuenet.

* **11:26** Ñeñt otenet israelena'tarnesha', ñaña sióno'marnesha', ñaña Jacob po'mreneñ, ñaña jerusaléño'marnesha' ñetpa' ñeñfaretta judioneshet.

Atto Yomporpa' ama eñotpahuoyaye ñeñi e'ñe atet cotape'chen ña

³³ Yomporpa' puemorreneteño'pa' esocmañen apa'yeney, ñeñtara Parets ñeñt atarr eñotañtetsa. Shonte' esocmañen eñoten pa'namen. Ya arromñafeypa' amate' errotentot yeñotuoñeña ñeñt atet penaña ña. Ñaña ama't mameshapa' amate' errotentot çhaponayoña ya yeyoçhro ñeñt ora allpon ñeñt atet cotape'chyen ña.

³⁴ "Tarro'mar yapa' ama't puesheñarrofeya amate' errotentot yeñotuoña ora ñeñt atet cotape'chen Yompor. Ñaña yapa' ama't puesheñarrofeya amate' errotentot yoctape'chacheña Parets.

³⁵ Ñaña yapa' ama't puesheñarrofeypa' amate' errotentot yetsa'choña Yompor attoch aphuerrey ñeñt yemnen ya."

³⁶ Tarro'mar ama't allohuen ñeñt allpon es eñalletyetsa e'ñe Yomposhotecma huena, e'ñe ña po'huamencot eñalletena, ñaña e'ñe ñocop yechcatue. E'ñepa'ch ya'ye'choçhtateññañ tayoteñ ama't errponañohuen. Ñeñtpa' atetepa'ch Nompore.

12

Atto añ poctetsa o'ch e'ñe yaphuer Yompor yechets

¹ Ñeñto'marña te'pa' o'ch masheñneshacha' ñaña noçhaneshacha' notas, atto Yomporpa' atarr muerenya, yapa' añ e'ñe poctetsa o'ch yaphuer Yompor yechets. O'ch yaphuer allohuen yechets atet ñerra'mrrate' ñeñt muetsete't ahuat Yomporcop ñeñtcha' nenet ñocop. Tarraña ya yechets e'ñech betnatot yaphuer Yompor tarro'mar ñeñtpa' e'ñech ñocpa, ñeñtcha' nanac coshatene' ña. Attochña e'ñech yeyoçhrocmañen cohuen yocter Yompor.

² Allochñapa' amach allo'na atet es yepatse'tyesneno ñeñt atet yeychen ya añe patsro, ellochña yoctape'cherr etserra attoch etserrataterrnay Yompor yoctapña. Attochña e'ñe cohuen señoçh erra'tsente'ña muenen Yompor ñeñt e'ñe cohuen enten ña, ñaña ñeñtcha'ña coshatene' e'ñe poctacma.

Atto Yomporpa' ama pocteye' entenye o'ch yot yañeña yo'ña nanac sherbets

³ Yompor puemuereño'fepa' ahuo't llesensenen attoch nach torretsa ñocop. Ñeñto'marña te'pa' notenes ñeñt atet muenen Yompor. Ama't puesheñarrofesapa' amach sentatsto sañeña ñeñfeso' ello nanac sherbets. Añcha'ña pocte' sentena allpon sesherven atto puesheña'ttsos Yomporpa' ahuo't apa'yesas attoch e'ñe seyemteño'f setorra'yesa ñocop.

⁴ Ñato' o'ch yetma'ntacha ñeñt atet pena yechets. Ñehua, yechetspa' ama e'ñe patrrayaya, atet ñerra'm yeçlle' ñaña yot ñaña yetac. Ñaña ama e'ñe patrrayaye sherbenye, e'ñe po'poñe'ttsocma sherbeney. Tarraña ama't po'poñe'ttsocma sherbeneypa' e'ñe yocma yechets yepohueñ, tarro'mar e'ñe patrra yechets atet petsa.

⁵ Ñaña attecma yepena allohueney ñeñfey ame'ñenaya Cristo. Ama't shonteyeñ ñaña ama'tcha' po'poñe'ttsocma yetorra'yesa ñocoppa' ñaña'apa' e'ñech patrra enteney, atet ñerra'mrrate' e'ñe po'çhets peney. Attochña e'ñech yeparrocmaten e'ñe puesheña'ttsoy epay Cristo. Attoña e'ñe yeparrocmateño'f Cristopa' o'ch yeparrocmatuahua allohueney ñeñfey ame'ñenaya Cristo.

⁶ E'ñech po'poñe'ttsocma yetorra'yena Yomporcop, tarro'mar ñapa' ahuo't apa'yese e'ñe po'poñe'ttsocma ñeñtcha' atet yesherbe' e'ñe cohuen. Ñehua,

ñerra'm añ apueneý alloch ya'potoñ po'ñoñpa' ya'potepa'ch errponcha' yem-tatenya.

7 Amapa' ñerra'm añ apueneý attoch yesherbe' po'psheññechno e'ñepa'chña cohuen yesherbenañet. Amapa' ñerra'm añ apueneý attoch yeychateñ po'psheññechno e'ñepa'chña cohuen yeychatyenanet.

8 Amapa' ñerra'm añ yeñoten attoch yoctape'chatyenanet ñeññ cohuentetsa Yomporecop, e'ñepa'chña cohuen yoctape'chateñ acheñenesha'. Amapa' ñerra'm añ yeñoten attoch es yapa'yes acheñenesha' ñeññ es pallta'yetsapa' e'ñepa'chña yeñmañeshocmañen es yapa'yenanet, amachña cha yempa'tana'tatsche. Amapa' ñerra'm añ yeñoten attoch ya'mcha'tarettena, e'ñepa'chña yocsheñeshocmañen ya'mcha'tarettena, amachña cha yemuenme'chatsche. Amapa' ñerra'm añ yeñoten attoch yeyenpue' ñeññ muerochtetsa, e'ñepa'chña yocsheñesha' yeyenpuenanet.

Atetcha' pa'yesa ñeññ pueyochresha' pen Cristo

9 Amorrentanna'tpahuepa'ch yentannena e'ñe yeñmañeshocmañen. Ñaña allohuen ñeññ ama cohuenaye' enteno Yompor o'ch e'ñe ya'mñeçhya nanac attoch ya'ypo'ñe'. Tarraña allohuen ñeññ e'ñe cohuen enten Yomporpa' amach cha ya'ypo'ñatsche.

10 Ñaña añ poctetsa amorrentanna'tpo'ch yentannena allohueneý atet ñerra'm po'ñoçh e'ñe yemo'nasheñ yeñannena. O'ch atet yeñch po'psheññ ñapa' atarr sherben, amachña yañeña nanac asherben entetso.

11 Amach cha seçllana'tatsto torraya ñeññ cohuen enten Yompor. Añcha'ña e'ñeçh seyoçhocmañen sesherbe' Yepartseshar atto ahuañenat penes Parets Puecamquëñ.

12 Ñaña e'ñepa'ch socshena tarro'mar yapa' e'ñe yeyemteñoç yecuenña ñeññ o'patatenya Yompor. Ñaña ñerra'm esempo huaponasa mueroçhteñets e'ñepa'chña sa'huante'. Ñaña çhocmuepa'chña sema'yocheña Yompor.

13 Ñaña ñeññ pueyochresha' pen Yompor ñerra'm esempo es pallta'yenet, sañapa' sapa'yenanetcha' ñeññ pallta'yenet. Ñaña e'ñepa'chña cohuen sapa-pannena sepaçllo.

14 Ñaña añ poctetsa o'ch senamoñ Yompor attoch a'natana ñeññ se'moñe'tene'. Amachña cha sarrnomare'tatscho.

15 Ñaña ñerra'm esempo esesha' atarr coshetsa, sapa'çho'ña socshapretanetepa'ch. Ñaña ñerra'm esempo esesha' yahuetsa puellquëñoç, sapa'çho'ña sellapretanetepa'ch.

16 Amachña cha atsrre'moçhen sentanna'teno. Ñaña amach aña se'natsto attoch sommo'chena. Añcha'ña pocte' senten o'ch seyemteña ñeññ ama esoshe'maye' entyeneto. Ñaña amach sentatsto sañeña, so'ña e'ñe sapueç atarro' es señoten.

17 Ñaña ñerra'm po'psheññ erroten pa'spa' sapa' amach setsa'tatatsche ama't coñe'ta. Sapa' añcha'ña e'ñe sema'yoçhra ñeññ çhocma sepena ñeññ cohuen enten allohuen acheñenesha'.

18 E'ñe puesheña'ttsospa' çhochña se'nyes ñeññcha' atet sepa'yes ñeññ pocte' enten allohuen acheñenesha'; attochña e'ñe cohuen sentannena. Allochñapa' o'ch socrrena e'ñe cohuen muechet e'ñe sagattsa ñeññ parro'marneshas.

19 Te' o'ch masheñeshacha' ñaña noçhaneshacha' e'ñe nemor-enteñoçespa' o'ch notas, ñerra'm esempo po'psheññ errot pa'spa' sañapa' ama't coñe'tapa' amach setsa'tatatsche. Añcha'ña semnat Yompor atto ñapa'tsa'taterranetcha'. Tarro'mar ñeññpa' atet oten Yompor po'ñoñ ñeññ anuaret

ahuaŋoteñ. Allempo atet otaneteŋ Yompor, ñeñŋpa' atet ot: "Napa' naña ñeñŋen atsa'tatañen, napa' nach tsa'tatuerrahuet." Arrpa' allohua ñeñŋ atet oteŋ Yompor.

²⁰ Añcha'ña atet sepoñ ñeñŋ se'moñe'tene' ñeñŋ e'ñe atet oteneŋ Yompor po'ñoñ. Ñehua, ñeñŋpa' atet oten: "Ñeñŋ se'moñe'tene' ñerra'm esempo cheporrenapa' sañapa' sapepa'ch ñeñŋŋcha' rra'. Ñaña ñerra'm esempo oñpa'ten sañapa' sapepa'ch ñeñŋŋcha' orr. Ñerra'm atetcha' sepe'pa' ñaña'apa' o'ch penquëna nanac. Atarrcha' atserr e'man atto penquëna. Allempoñapa' ñato' e'ñe puepenquëñoŋpa' ñeñŋŋcha'ña cotape'chaterre' cohuen."

²¹ Ñeñŋto'marña notas, ñerra'm esempo po'psheñeñ erroŋ paŋpa' sapa' amach sañeña muenatstaye o'ch alla setsa'tatera. Añcha'ña atet sepa' ñeñŋ e'ñe cohuentetsa. Ñerra'm atet yepenapa' e'ñe yepeñoŋ cohuenpa' o'ch ya'huañat ñeñŋ ama cohuenayaye.

13

Atto añ poctetsa o'ch yame'ñeña ñeñŋ amcha'taretetyetsa añe patsro allochñapa' attoch yocrrena e'ñe cohuen muechet

¹ Ñaña añ poctetsa e'ñe puesheña'ttsoypa' o'ch yame'ñya ñeñŋ amcha'taretetyetsa ñeñŋ pueyochresha' pen gobierno'. Tarro'mar amach eñallñeña ñeñŋŋcha' amcha'taretetyetsa ñerra'm ama Yompor muenatenahueto o'ch atet pet. Tarro'mar ñeñŋ amcha'taretetyetsa arr patsropa' ñetpa' Yompor muenatenahueto o'ch atet pet.

² Ñeñŋto'marña yeñoteñ ñerra'm esesha' atpare'tene' ñeñŋ amcha'tarettetsa arr patsro ñapa' añe'na atpare'ten Yompor, tarro'mar Yomporpa' ña muenatenahueto o'ch amcha'taretetyenet arr patsro. Ñaña ñeñŋ atpare'tene' ñeñŋ amcha'tarettetsa arr patsro ñapa' e'ñe ñañeña patpare'teñoŋ atsa'tatarettach.

³ Ñaña ñerra'm chocma yeŋa'yen ñeñŋ cohuen enten amcha'taretpa' amach amcha'nochenaye' yenteñeña ñeñŋ amcha'tarettetsa, tarro'mar e'ñe attotapa' amach erroŋ pa'ye. Tarraña ñeñŋ atpare'tene' ñeñŋ atet muenen amcha'taretpa' ñetñapa' atarrcha' amcha'nochen enteñetña amcha'taret tarro'mar amcha'taretpa' chocmach tsa'taterranaña ñeñŋ atpare'tene' ña. Ñehua, ñerra'm ama semno o'ch amcha'nochen señch amcha'taretpa' e'ñechña cohuen es sepa'yen, attochña amcha'taretpa' e'ñech cohuen entenes, amach erroŋ paso ama't mamesha.

⁴ Tarro'mar ñeñŋ amcha'tarettetsa arr patsropa' añ torrenet ñeñŋ atet muenatenanet Yompor, allochñapa' attoch a'poctatenet esheccha' e'ñe cohuen yocrrena arr patsro. Tarraña ñerra'm añ atet sepen ñeñŋ ama cohuenayayepa' pocte'ña'cho'ña allochñapa' attoch señcha'teñ amcha'taret, tarro'mar ñapa' ama orrena amcha'taretteno, chocmach tsa'tatana ñeñŋ atpare'tene'. Tarro'mar ñapa' Yompor muenatene' ñapa' ñach tsa'tatenaya allohuen ñeñŋ atet pene' ñeñŋ ama cohuenayaye.

⁵ Ñeñŋto'marña añ pocte' o'ch yame'ñya ñeñŋ amcha'tarettetsa arr patsro, allochñapa' attoch amach tsa'taterrye Yompor e'ñe ya yatparñoŋ. Elloña ñeñŋ atet yame'ñena, tarro'mar e'ñe yeŋochropa' yeñotena ñeñŋpa' e'ñe pocte' o'ch e'ñe yame'ñena.

⁶ Ñeñŋto'marña ñaña añ poctetsa o'ch yetsa'ta impuesto, ñeñŋ atet anaret ñoñets ñeñŋ cobrenyet amcha'tareteshot tarro'mar ñeñŋ amcha'taretetyetsa

añ patsro, ñeñtpa' atet muenatenanet Yompor ñeñtcha' atet torrenet ñeñt po'taruas penet.

7 Chocmach setsa'ta allohuen ñeñt atet anaret ñoñets atto cobrenyet atet ñerra'm allpon quelle ñeñt enamueney amcha'taretnesha' atet ñerra'm impuestočno, chocmach setsa'cha. Ñaña acheñ ñeñt amcha'na'tpo' entenetpa' chocmuepa'ch semcha'na'tueñ. Ñaña acheñ ñeñt atarr amorrentaretapa' chocmuepa'ch semorrentueña.

8 Amach esesha' setebatsto, ama't puesheñarra. Añcha'ña sepa ñeñt poctetsa socop, o'ch semorreñcha samo'ts. Tarro'mar ñerra'm e'ñe yemorrenteña yamo'tspa' attochña yetsotua ora Yompor po'ñoñ ñeñt atet anaret ñeñtcha' atet yepenamet e'ñe cohuen.

9 Atet ñerra'm paterr ñoñets ñeñt atet anaret ñeñtpa' atet oten: "Amach sechtapretanna'tatsto setapor." Po'poñ ñoñetspa' ñeñtpa' atet oten: "Amach semtsanna'tatsto." Po'poñpa' atet oten: "Amach setyesatsto"; po'poñpa' atet oten: "Amach setoma'tamñsatsche samo'ts." Po'poñpa' atet oten: "Amach seye'chpretanna'tatsto", ñaña eñall po'poñečno ñoñets ñeñt atet yechateney. Allohuen añ ñoñets ama't po'poñe'tsocma atet yechateneyñ, tarraña po'ñoçhpa' e'ñe patrra oteneñ, ñeñtpa' atet oteneñ: "Atarrepachña yemorrenteña yamo'ts e'ñe atet atarr yemorrentena yañeña." Ñerra'm chocma yemorrenteña yamo'tspa' allempoña po'ñoçhpa' yetsotuach ora allohuen ñeñt atet yechatyeneñ po'poñe'tsocma ñoñets ñeñt atet anaret.

10 Tarro'mar ñerra'm po'ñoçh chocma yemorrenteña yamo'tspa' amach yemno o'ch errot yepanet te't cha yellcatenamet. Añečno atetpa' ama morrenteñtsoyaye. Ñeñto'marña yeñoteñ ñerra'm po'ñoçh chocma yemorrenteña yamo'tspa' ñeñtpa' attochña e'ñe yetsotua ora allohuen ñoñets ñeñt atet anaret ahuatoteñ Yomporshot.

11 Atetcha' sephua ñeñt atet o' notuas, tarro'mar yeñoteñ o' çhaphmoch allempoch huerra Cristo, ñeñto'mar socoppa' añ poctetsa o'ch alla setanterra Cristocop amachña seçllañoña es sepa'yeno atet ñerra'm cha semuen. Tarro'mar ahuañmo'cha allempo ñanom yame'ñera Cristopa' allempo atarr atomat palltenmeñ attoch ya'qeshpataretterra. Tarraña te'pa' ama atarr atomatmeñeyaye. O' mameshamerra attoch ya'qeshpataretterra.

12 Arr patsropa' eñall shonte' sosya'tsañečno. Ñato' o'ch yetma'ntacha atet ñerra'mrrate' yapa' checmeta yeychena. Tarraña te'pa' e'ñe atet pena ñerra'mrrate' o' metuamoch checmete' o' puetarenmoch, tarro'mar yapa' yeñoteñ o' çhaphmoch allempoch huerra Cristo. Ñeñto'marña añ poctetsa o'ch yesuanom allohuen ñeñt ama cohuenayaye ñeñt atet atma'ntataret checmete'. Añcha'ña atet yepa'yen ñeñt cohuen enten Yompor ñeñt atet atma'ntataret puetare'. Attochña yetorrena Yomporcop atet ñerra'mrrate' cho yeçllarena ñocop.

13 Añepachña yepa'yen cohuen ñeñt atet penet yeto, ñeñt ama apencothenayaye ñeñtpa' ama atteyaye ñerra'm ñeñt atet penet tsapo. Amach yocapretatsto all nanac coshena aposañeñečno, e'ñe porrare'teñofet all atarr pa'namen coshatsetyenet. Ñaña amach yechta'yestatsto coyaneshačno, amach atet yepatsto ñeñt pa'namen sosya'tsañečno. Amach ye'natsto atsrre'moçhen, ñaña amach ye'moñe'tanna'tatsto e'ñe yesope'cheñot.

14 Añcha'ña ahuamencat sepene' Yepartseshar Jesucristo, allochñapa'

attoch amach semnatatsto sechets o'ch muenatse'tatas ñeñf ama cohue-
nayaye.

14

*Atto eñall ñeñf epuoye' ame'ñenayañ Cristo tarro'mar ama huomencaye'
penano pueyoçher Yomporecop*

¹ Ña'ma te'pa' o'ch notas po'poñ ñeñfcha' atet sepa. Ñerra'm eñall sesho
acheñ ñeñf ame'ñetsañ tarraña ñapa' ama huomencaye' penano pueyoçher
Yomporecop tarro'mar ama e'ñe eñoteñe po'ño'ch atet yeyemteña Cristo,
sañapa' o'ch sagaþ e'ñe cohuen attochña e'ñech parrocma seyemteña Cristo.
Tarraña amach añeçpa sagape attoch sapa' o'ch sotnare'ch tarro'mar ñapa'
po'poñonef cotape'chyen.

² Atet ñato' eñall acheñ ñeñf ama huomencaye' penano pueyoçher
Yomporecop tarro'mar ama e'ñe eñoteñe ñeñf atet po'ño'ch yeyemteña
Cristo; ñeñfo'marña ñapa' çhach oten ama pocteyaye o'ch yerra'yes berr
po'chets, añach paterr yerren narmetsoçhno. Elloña po'psheññeçhno
e'ñe pseyemteñotet Cristo ñetñapa' otenet e'ñe pocte' o'ch yerra'yes ama't
erra tyesna rreñets.

³ Ñeñfey pa'namen es rra'yetspa' amuepa'ch yentatsche ñeñf tore'tetsa
ñapa' ama es eñoto. Ña'ma ñeñf es tore'tetsapa' amuepa'ch otatsetye ya
ñeñfey pa'namen es rra'yets ama pocteyaye o'ch yerratsetyes pa'namen
ñeñf ama arrapahuoyaye. Tarro'mar Yomporpa' ñaña o' aguërrey attoch
pueyoçresha' perrey.

⁴ Ñeñfo'marña yapa' yeñoteñ ama pocteyaye o'ch yotanna'tena e'ñe ya-
gattsa Yompor pueyoçresha'pa' ama pocteyaye ñeñf atet penet. Tarro'mar
ñetpa' Ayochreshatecpuet tarro'mar ñapa' ñaña ñapuef otets atto pocte' enten-
nan pueyoçresha' amapa' ñerra'm ama pocteye' entenan pueyoçresha'.
Ña'ma Ayochreshat Cristopa' çhocmach e'ñe pocte' entenan pueyoçresha'
tarro'mar ñapa' ñach ahuamencat pahuet pueyoçhro.

⁵ Ña'ma ñato' eñall acheñ ñeñf ama e'ñe eñotenaye ñeñf atet e'ñe
po'ño'ch yeyemteña Cristo, ñeñfo'marña ñetpa' cha otenet añ poctetsa
o'ch yonañcha'yen pate'tets yet ñeñfcha' atet yetsotayes attochña e'ñe
pocte' enteney Yompor. Ña'ma ñato' po'psheññeçhno ñeñf atet ñerra'm
yapa' otenet ama yepallteno o'ch yonañcha'yen pate'tets yet ñeñfcha' atet
yetsotayes tarro'mar allpon yetpa' Yomporecma pueyeçhcatuar. Tarraña
puesheña'tsoypa' yeñocheþa'ch ñeñf e'ñe pocte' yentyen ya e'ñe yeyoçhro
ñeñfcha' atet yeþa.

⁶ Tarro'mar ñerra'm esesha' onañcha'yene' yet ñeñfcha' atet etsotayes,
ñapa' atet oten ñeñfpa' atet yame'ñeña ya Yompor. Attecma yepena
yaña ñeñfey ama onañcha'yenaye yet, yapa'çho'ña atet yame'ñeña Yompor.
Ña'ma ñeñfey pa'namen es rra'yetspa' yapa'çho'ña atet yame'ñeña Yompor,
tarro'mar yeparasyoso'teñesha' Yompor es yerra'yen. Attecma pena ña'ma
ñeñf es tore'tetsa, ñetpa'çho'ña atet ame'ñeñet Yompor ña'ma ñetpa' e'ñe
pueparasyoso'teñeshet Yompor es tore'tyenet.

⁷ Tarro'mar ama e'ñe ya yemneññofeye' atet es yeþa'yeno añe patsro. Atto
yocrrena añe patsropa' ñeñfpa' ama e'ñe yapteçpayaye, ña'ma allempoch
yerromapa' ñeñfpa'çho'ña ama yemneññofeye' yerromueno.

8 Tarro'mar atto yocrrena allponmat añe patsro ñeñtpa' añecop attoch yeshberñ Yepartseshar. Ñaña allempo yerromuenpa' ñeñtpa' tarro'mar atet muenateney Yepartseshar. Ñeñto'marña yapa' yoten allempo yocrrena añe patsro ñeñtpa' ama yaptecpayey' yocrreno, ñeñtpa' Yepartsesharecop. Ñaña allempo yerromuen, ñeñtpa'cho'ña ama yaptecpayaye, ñeñtpa'cho'ña Yepartsesharecop. Ñeñto'marña ñeñtpa' chocma atet pena tarro'mar ñapa' e'ñe o'paterrya ñaña e'ñe ñocpay.

9 Tarro'mar Cristopa' ñeñtecop rroma, elloñapa' alla correrra attochña ñapa' ñach yamo'mte' yepen allohueny. Ama't allempo yocrrenmeñ, ama't ñaña allempo yerromuen, atterach yamo'mte' yepeñ, tarro'mar ñapa' pueñotuaran atet peney rromueñets ñaña atto yocrrena ñeñtey arromñatey.

10 Ñeñto'marña amach yotatsche yemo'nasheñ ñeñt atet pena ñapa' ñeñtpa' ama pocteyaye. Ñaña amach yotatsche ñapa' ama es eñoteno. Tarro'mar Cristo ñapa' ñach yoterre' errotentcha' entyerrey esempohuañen allempoch yapcherra allohueny ñesho.

11 Tarro'mar Yompor po'ñoñ ñeñt anuaret ahuatoteñpa' ñeñt allpa' Yompor otatse't atet:

Napa' na ñeñten ama arromñateşhayayno ñaña ama puenesho neñoñ. Po'ñoçhpa' atetcha' perra esempohuañen. Ora allohuen acheñenesha'pa' concorpanrrorterrnetcha'. Allñapa' otuerrnetcha': "Pa Yomporep ñeñtep atarr Partsop."

12 Attoña yeñoteñ allohueny puesheña'ttsoy Yomporpa' a'metataterreycha' ñeñt atet o' yeñohuahuaena arr patsro.

Atto ama pocteyaye e'ñe atet yepeñoi ya o'ch alla ya'puerratater yemo'nasheñ

13 Ñeñto'mar ama pocteyaye o'ch yañeña yotanna'ta ñeñt atet yentannena arr patsro. Añcha'ña yañeña e'ñech yeñotena ñeñt atet yepa'yena ya tarro'mar ñeñt atet yepa'yena yapa' ñato'rraña çhate' ya'puerratater yemo'nasheñ ñerra'm ñapa' ama pocteye' entenano ñeñt atet yepa'yen ya.

14 Napa' e'ñe neyemeteñoş Yepartseshar Jesús neñoteñ e'ñe pocte' o'ch es yerra'yes tarro'mar neñoten allohuen rreñetspa' e'ñe arrapahuocma Yomporecop. Tarraña ñerra'm esesha' ama arrapahuoye' entenaye ñeñt allohuen rreñetspa' e'ñe ñocoppa' ama pocteyaye o'ch rrenan ñeñt rreñets.

15 Ama't e'ñe pocteñ o'ch yerra'yes, tarraña ñerra'm yemo'nasheñpa' ama arrapahuoye' enteñe, yapa' e'ñe ya yerreño'tpa' ñato' o'ch yeyeçhateña allempoñapa' o'ch rre' ñaña, ñaña'pa' çhach enteñ ñeñtpa' ochña'teñets Yomporecop. Atteña'pa' ñato' o'ch alla puesuerran Yompor. Ñato' yerreño't ama't e'ñe cohueneñpa' o'te' yequeçhpatater yemo'nasheñ Yompor. Ñeñto'marña notenes, amach yerratsto allempo, te't ñeñto'mara yequeçhpatater yemo'nasheñ Yompor. Ñaña ñerra'm atet yepeñ yemo'nasheñpa' po'ñoçhpa' ama yemorrenteño, ñeñtara yemo'nasheñer ama't Cristopa' ñocpa'na rroma.

16 Ñeñto'marña notenes, ama't pocteñ ñeñt atet pepa'yena, tarraña ñerra'm yemo'nasheñpa' ama pocteye' enteñe, ñaña'pa' ñeñto'tach sasare'teny. Ñehua, ama't e'ñe pocteñ o'ch atet yepenañ, tarraña amach atet yepatsche.

17 Tarro'mar ñerra'm añ yocteññañ Yompor po'cohueneña atto pueyochresha' peney, ñeñt atto es yerra'yen amapa' atto es yetore'tyena, ñeñtpa' ama esoyayeña Yomporecop. Añña ñeñt nanac sherbets attoch yocteññañ

Yompör po'cohuenña, ñeñtpa' atto e'ñe pocte' es yeßannena aña patsro, ñaña atto e'ñe cohuen yentannena attochña yocrrena e'ñe cohuen muechet, ñaña attochña Parets Puecamquëñpa' ðhocmach coshateney yeyoçhro.

18 Ñerra'm atetcha' yame'ñeña Cristo, Pomporñapa' e'ñech cohuen enteney, ama't allohuen achenesha'pa'çho'ña e'ñech cohuen enteneyet.

19 Ñeñto'marña napa' notenes, añepa'chña ye'nen ñeñt attoch e'ñe yepar-rocmaterr allohueney ñaña attochña e'ñe cohuen yeyenpannena. Al-lochñapa' allo'nach e'ñe huomenc yeßanna'tnena yeyoçher Yomporecop.

20 E'ñe ya yerreño' po'chetSPA' amach ya'huañatsterrñañe po'psheññ ñeñt atet ame'ñenanañ Yompör. Ama't allohuen rreñtsöchno cohuenacmañ ñeñtcha' yerra'yeneñ, tarraña ñerra'm yerreño' o'ch alla ya'puerratater po'psheññ attoch o'huañcha' ame'ñenana Cristo, ñeñtepñapa' e'ñe pocte' amach yerratsto ñeñtcha' a'puerrataterre' po'psheññ, tarro'mar atetpa' ama cohuenaye' enteñe Yompör.

21 Ñeñto'marña notenes, ama't erra'tsena ñeñt atet yepeño' po'psheññpa' o'ch alla ya'puerratater, ñeñtepñapa' amach atet yeßatsto, allochñapa' amach puerrerro ama't puesheñarra ñeñt ame'ñenaya Cristo. Atet ñerra'm allempo yerren berr po'chets ñaña allempo yorren co'nes, *ñerra'm atet yepeño' o'ch alla ya'puerratater yemo'nasheñ, ñeñtepñapa' añ poctetsa amach yerratsto berr po'chets, amach yorratsto ñaña co'nes, tarro'mar allempopa' ama cohuenaye' enteñe Yompör.

22 Ñerra'm e'ñe pame'ñeño' Yompör peñotena ñeñt atet peßa'yena ñeñtpa' e'ñe pocte' entapretenep Yompör, tarraña papa' e'ñech peyoçhro poctape'cheñ Yompör atet, amachña cha pe'matare'tatstoña allo. Nanac cosheñtso'tseney ñerra'm yeñotena po'ñoçh e'ñe pocte' entapreteney Yompör ñeñt atet es yeßa'yen, tarro'mar yeyoçhropa' ama epuoye' es yeßa'yeno.

23 Tarraña ñerra'm esesha' ñeñt epuoye' es rra'yenpa' ñocoppa' ama pocteyaye o'ch rren, ñañaapa' ñeñtaña po'chñar pen. Tarro'mar ama pueñmañeshocmañenaye' es rreno, ñaña yapa' yeñoteñ ñerra'm ama yeñmañeshocmañenaye' es yeßa'yeno, ñeñtpa' ñeñta yo'chñar entennay Yompör.

15

Atto aña'ña ye'nen ñeñt e'ñe pocte' enten yemo'nasheñ

1 Ñeñto'marña napa' notenes, ñeñtey e'ñe huomenc pene' yeyoçher Yomporecop, ñeñtey ama epuoye' yame'ñeño Yompör, aña poctetsa o'ch yeyenpueñ yemo'nasheñ ñeñt ama huomencaye' penaye pueyoçher Yomporecop ñeñt ðhocma epuoye' ame'ñenana Yompör. Ñeñtpa' atetcha' yeyenpueñ, amachña aña atet es yeßa'yeno ñeñt atet yemnen ya.

2 Aña'ña ye'nen o'ch atet yepen ñeñt e'ñe pocte' enten yemo'nasheñ. Ñeñtpa' atetcha' yeyenpueñ allochñapa' o'ch e'ñe huomenc pa'nman ñaña pueyoçher Yomporecop, allochñapa' amach allo'na epuoye' ame'ñenano Yompör.

3 Amach aña atet es yeßa'yeno ñeñt atet yemnen ya tarro'mar Cristopa' ama aña atet pa'yese'te ñeñt atet muene't e'ñe ñañaña. Aña pa'yese't ñeñt muenache't Pompor. Tarro'mar ñapa' ñeñtecopña muerochte't ñeñt atet muenache't Pompor. Ñeñto'marña Cristopa' atet otane't Pompor, ñeñtpa'

* 14:21 Ñehua, Pablo añ toma'ntatanet vino ñeñt poco'nes penet all pa'nyo.

atet och: “Pa e’moñe’tetañpa’ attoña sasare’tennet.” Attoña e’ñe etsoterra ñoñets ñeñt atet aquellca’huaret ama’t ahuatoteñ.

4 Ñaña allohuen añ ñoñets ñeñt atet aquellca’huaret ahuatoteñ, ñeñtpa’ yocpa’ñaña atet anaret. Allochñapa’ attoch yapa’cho’ña o’ch ye’chaterryet ñeñt atet muenen Yompor. Allochñapa’ attochña huomenc yepen yeyo’ther Yomporecop. Ñaña añ ñoñets ñeñt atet aquellca’huaret ahuatoteñpa’ nanach’a’ coshaterrey allochñapa’ attotcha’ña e’ñe yocsheñsha’ yeyemteññaña Yompor ñeñt o’patatenya.

5 Yompor ñapa’ ñeñt ahuamencat yepene’ ñaña ñapa’ ñeñtña yocshatene’ yeyo’chro. Ñaña ñepa’chña e’ñe señotaterre’, allochñapa’ attoch e’ñe cohuen sey’cherr ñeñt atet muenen Cristo Jesús, allochñapa’ e’ñech cohuen sentanena.

6 Allochñapa’ allohuenespa’ e’ñech parrocmá sa’ye’chochtateññañ Yompor, ñeñtara Yepartseshar Jesucristo Pompor.

Atto ama’t ñeñt ama judioneshayayepa’ ahuo’t aserrpare’tatarettet añ cohuen ñoñets alloch yequshperra

7 Ñeño’marña napa’ notenes, e’ñech cohuen es se’panna’tyena allohuenes e’ñe atet cohuen o’ perrey Cristo, allochñapa’ attoch seyemteño’f parro cohuencha’ sa’cshapretarettena Yompor.

8 Ñaña te’pa’ o’ch notas, Cristopa’ ahuo’t huapa arr patsro attoch torrosa judioneshacop. Allochñapa’ attoch allohuen acheñenasha’pa’ o’ch çhapanet pueyo’chreto, Yomporpa’ ama puenesho po’ñoñ. Ñeñt e’ñe atet otane’t judionesh’a’ pa’tañneshañ ahuatpa’ ñeñtcha’ atet muenaterranet esempo, ñeñtpa’ çhocmachña e’ñe etsoterra poctacma.

9 Ñeñfecopña huapa ñaña attochña acheñenasha’ ñeñt ama judioneshayaye ñetpa’cho’ña o’ch aye’chochtatoñet ñamet Yompor tarro’mar Yomporpa’ ahuo’t muerenanet ñamet. Attoña etsoterra ñoñets ñeñt quellca’huet ahuat atet ñerra’mrrate’ e’ñe Cristo ote’ Pompor, ñeñtpa’ atet ot:

Ñeño’marña napa’ o’ch na’ye’chochtatonap’ allo’tsa’yen acheñenasha’ ñeñt ama judioneshayaye, allñapa’ na’çhotenep’cha’ nemorreñesha’.

10 Ñaña po’poñ ñoñets ñeñt atet aquellca’huaret ahuatoteñ, ñeñtpa’ atet oten: Ñaña sa ñeñtes po’poñ acheñes ñeñtes ama judioneshayaysopa’ socshepa’ch saña, atet coshena judionesh’a’ ñeñt pueyochresha’ pen Yompor.

11 Ñaña po’poñ ñoñets ñeñtpa’ atet oten:

Ñeñtes ama judioneshayaysopa’ sa’ye’chochtatoñepa’ch Yompor, ama’t allohuenes pa’namen acheñres sa’ye’chochtatoñepa’ch Yompor.

12 Elloña Isaiáspa’cho’ña atet ote’t ahuat:

Esempopa’ orrterrach puešeñarr ñeñt Isai* po’mreneñ. Ñapa’ orrterrach allochñapa’ ñeñtcha’ pa’mcha’tare’ter perr allohuen pa’namen acheñenasha’, ñaña allohuenet ñachña atarr yemterret. Arrpa’ allohua ñeñt atet a’potete’t Cristo ahuat.

13 Yomporpa’ ñachña atarr ayemuetpoterrtsa. Ñaña ñepa’chña socshatene’ e’ñe poctacma. Allochñapa’ amach eñalle ama’t coñe’ta ñeñtcha’ sellcatene’ atto same’ñeña ña. Allochñapa’ Paretsña Puecamquēñpa’ ñachña ahuamencat sepene’. Attochña e’ñech socsheñesha’ secuen ñeñt o’patatensa Yompor.

* 15:12 Isaípa’ ñeñtara Jesé. Ñehua, ñapa’ ñeñt puechemeran David ñeñt am’cha’tarettatse’t Jerusaléño.

Atto Pablopa' ahuo't llesenseñ Jesucristo attoch amach puencha'ñoŕeye' alla yerpaterraneto ñeñt e'ñe pocte' enten Yompor

14 Ñaña te'pa' o'ch masheñesha ñaña no'chanesha notas, napa' neñotenes sapa' atarr semorrentannena ñaña neñotenes o' e'ñe çhaponasa seyochro ñeñt atet muenatenes Yompor. Allochñapa' attochña e'ñe cohuen soctape'chatannena erra'tsente' cohuentetsa Yomporecop.

15 Tarraña ama't atetpa' ama nem'chañoŕeye' o' notuanmaso pa'namen arr necartot ñeñt atet pocte' enten Yompor. Attoña o' alla neyerpaterrerr ñeñt atet muenen Yompor. Ñeñño'marña atet nepenes, tarro'mar e'ñe Yompor puemuereñoŕenpa'

16 ahuo't muenatenen nach torretsa Jesucristocop. Erracmañen allemeñ anetso'mar netorrena, allo'tsa'yen acheñenesha' ñeñt ama judioneshayaye. Napa' na a'potenahuet Yompor po'ñoñ ñeñt po'ñoçh alloch yequeshperra. O'ch name'ñatuera ñeñt ama judioneshayaye, allempoñapa' attochña nehuapat Janet Yomporesho atet ñerra'mrrate' çho es yapueñ Yompor, ñaña'pa' ñeñcha'ña atarr coshatene'. Alloñapa' Paretsña Puecamquëñña'pa' ñachña a'cohuentatuerrahuet. Attochña e'ñe cohuen enteñet Yompor.

17 Ñeñño'marña te'pa' e'ñe neyemteñoŕ Cristopa' e'ñe pocte' nenteñ o'ch e'ñe nocsheña ñeñt allo netorrena Yomporecop.

18 Napa' aña paŕerr noten atto Cristopa' e'ñe ahuamencat penen, ñeñño'marña çhocma name'ñateña ama't ñeñt ama judioneshayaye. Atto neserrpare'tatanet Yompor po'ñoñ, ñetñapa' ahuo't e'ñe name'ñatuanet. Ñaña atto napa' e'ñe cohuenare' es norrtatyen, ñetñapa' ahuo't e'ñe cohuen ame'ñeñet Yompor.

19 Ñaña ñetpa' aña ame'ñatahuet ñeñt atto e'ñe ahuamencat penen Cristo attoña norrtatanet Yompor po'partsoña ñeñt ama puentareto. Ñetpa' ñeñña eñotatuahuet, ñeñtpa' po'ñoçh e'ñe Parets Puecamquëñoŕ ñeñt e'ñe ahuamencat yepene'. Atteñapa' ora erracmañen o' neserrpare'tua añ cohuen ñoñets atto e'ñe yame'ñeñoŕ Cristopa' o'ch yequeshperra. Atetña neserrpare'tyesnom allemeñ anetso'mar e'ñe Jerusaléñoŕeñ Ilírico'marohuen.

20 Napa' aña atarr nemnen o'ch neserrpare'tyen añ cohuen ñoñets erapären baçhayo'mar all ama pue'mareto ñeñt Cristotets. Attochña napa' amach arra neseno serrpare'tats all o' serrpare'tatuahua po'psheñeñ.

21 Attochña etsoterra añ ñoñets ñeñt atet aquellca'huaret ahuatoten, ñeñtpa' atet oten Cristocop:

Acheñenesha' ñeñt ama't ahuatapa' ama aserrpare'tataretteneto ñeñt atet pena ña, ñetñapa' enteretcha'. Ñeñtara acheñer ñeñt ama pue'marano ñeñt atet pena ña, ñetñapa' çherranetcha' pueyoçhreto ñeñt atet pena ña.

Atto Pablopa' atarr sechena o'ch ahuo' anetso Romo o'ch emo'tenana' ñeñt ame'ñetsa all

22 Napa' shonte' neserrpare'tatyen erracmañen arr, ñeñño'marña ama eshcaye' neseno sesho. Ama't ahuañoŕeñ atarr nesechenañ o'ch naŕchensa', ama erroŕ nepeñe.

23 Tarraña na te'pa' o' ne'nua netaruas ñeñt atto neserrpare'tyen arro'mar allemeña. Ñaña napa' ahuatoteñ nesechena o'ch naŕchensa'.

²⁴ Ñeñto'marña te'pa' e'ñe po'ñoçh nesechena o'ch ahuen sesho o'ch nabchensa'. Allochñapa' o'ch yaßchanna'ta allponmat, allempoñapa' ñato' attotpa' o'ch seyenpa'n attoch nechap ñaãna Españo.

²⁵ Ñehua, te'pa' ñanomcha' Jerusaléño neta, attoch nanmanet allpon ofrenda masheñeshacop ñeñt ame'ñetsa all.

²⁶ Tarro'mar allpon ñeñt ame'ñetsa Macedonio ñaãna Acayo, ñetpa' e'ñe pocte' enteñet o'ch apuet allpon ofrenda, ñeñtcha' oñmachtet masheñesha' Jerusaléño ñeñt nanac es pallta'yenet.

²⁷ Macedonio'marnesha' ñaãna Acayo'marnesha' ñetpa' ama judioneshayayeto. Tarraña e'ñe pocte' enteñet o'ch yenpueñet judionesha' ñeñt Jerusaléño'tsa'yen ñeñt nanac es pallta'yenet. Napa'çho'ña e'ñe pocte' nenteñ tarro'marña ñeñt judionesha' ñetpa' ñetña serrpare'taterret ñanom ñeñt ama judioneshayaye Yompor po'ñoñ. Ñeñt atet aþarettet ñetpa' ñeñtpa' puecamquëñecop. Ñeñto'marña te'pa' e'ñe pocte', ñeñt ama judioneshayayepa' o'ch alla yenpuerran ñaãna ñeñt judionesha' ñeñt poctetsa po'chtsoçpuet alloch correnet arr patsro.

²⁸ Allempoch nechap Jerusaléño o'ch napos masheñesha' ofrenda. O'ch naphuerranet attochña e'ñe ne'nua ñeñt netaruas nepen. Allempoñapa' o'ch ahuen ñaãna Españo. Ñehua, amach nechena' Españo'pa' o'ch nemo'tnomues allponmat, allotcha' nemterrerr seshotpa' allempochña o'ch ahuen Españo.

²⁹ Ñaãna neñoteñ ñerra'm esempoch nechap sesho e'ñe neserpare'tateñotes Cristo po'ñoñ, sapa' nanaccha' nocshaterres e'ñe nanac Yompor pa'nateñot.

³⁰ Ñaãna te'pa' o'ch masheñesha notas, e'ñe seyemteñot Yepartseshar Jesucristo, ñaãna attoch apueney Parets Puecamquëñ alloch e'ñe yemorrentanena, sapa' çhocmach sema'yochampesna. Nanaccha' sema'yochapretna,

³¹ o'ch senamaton Yompor attoch cohuañpsen allochñapa' amach çha rromapno judionesha' ñeñt ama ame'ñetso all Judeo. Ñaãna o'ch senamaton Yompor añecop judionesha' ñeñt ame'ñetsa Jerusaléño, attoch e'ñe cohuen entapretapnet ñeñtcha' napasnet.

³² Allochñapa' ñerra'm Yompor muenatspa' e'ñech nocsheñesha' nechap sesho. Allñapa' namesoste' e'ñe cohuen allponmat, ñaãna e'ñe yaßchanna'teño'tpa' o'te' alla e'ñe nocsherra neyoçhro.

³³ Yomporpa'çhña e'ñe cohuen sa'nataya allohuenes, ñeñfara Yompor ñeñt e'ñe cohuen yocshatene' yeyoçhro. Ñeñtpa' attetepa'ch Nompore.

16

Atto Pablo arr po'cartotpa' e'ñe huomcha'tuan ora allohuen ñeñt ame'ñenaya Cristo all anetso Romo

¹ Ñaãna te'pa' añ necartotpa' nemneñ o'ch neñotatas ñeñt yoçh yepen ya arr ñeñtpa' añ pa'so'cheñ Febe. Ñapa' ña sherbets Yompor pa'paclo allecma apçhenet Yomporcop añ anetso Cencreo.

² Ñapa' mueneñ ahuo'ch ahuo' sesho. Ñerra'm esempo çhap seshopa' o'ch sagap cohuen, ñeñt atet poctetsa o'ch yagapannena e'ñe cohuen, ñeñtey ame'ñenaya Yepartseshar Cristo. Ñaãna ñerra'm o'ch çhap sesho, ñerra'm escha' palltosa ama't erra'tsena, añ poctetsa sapa' o'ch seyenpueñ tarro'mar ñapa' atarr cohuen ayenpañ; ama't napa' nanac yenpuenen.

3 Napa' nemneñ añ necartot o'ch nehuom'cha'ch no'ch Priscila puerrolare'na ñeñtara masheñ Aquila, ñeñt parro netorrena ahuañmo'cha Cristo Jesúsocop.

4 Ñetpa' nanac yenpuennet ahuañmo'cha allempo muene' muetsanetañ. Ñetñapa' autsa rromatsetañ attot a'qeshpatnet na allempo muene' muetsaneñ ñeñt ne'moñe'tene'. Ñeñto'marña napa' atarr neparasyoso'tenanet ñaña ama naptayaya añña ñaña ñeñt allohuen ñeñt ama judioneshayaye, ñeñt e'ñe pame'ñeño'fet ap'cha'yenet allemeñ anetso'mar, ñetpa'cho'ña atarr parasyoso'teñet no'ch Priscila ñaña masheñ Aquila, tarro'mar ñetpa' ahuo't a'qeshpatnet, attot ellopa' o' alla neserrpare'tatererr ñeñt ama judioneshayaye.

5 Ñaña te'pa' o'ch nehuom'cha'ch allohuen masheñnesha' ñeñt pame'ñeño'fet ÷hocma ap'chenet masheñ Aquila pa'paclo, all ye'chena epuet puetapor Priscila. Ñaña arr necartotpa' nemneñ o'ch nehuom'cha'ch masheñ Epeneto ñeñt nanac nemorrentena. Ñapa' ña ñanom ame'ñenaya Cristo all anetso Acayo.

6 Allotpa' o'ch nehuom'cha'ch ñaña no'ch María ñeñt nanac torretsa sesho parro.

7 Te'ñapa' o'ch nehuom'cha'ch ñaña namo'ts ñeñtara masheñ Andrónico ñaña masheñ Junias, tarro'mar ñet ahuañmo'chapa' ñeñt parro ehuan-caretey. Ñetpa' ama't allsensaretnesha'pa' nanac asherben entarettet, tarro'mar ñetpa' ahuatoteñ ame'ñeret Cristo. Ama't allempo napa' ama name'ñena' ñetñapa' o' ame'ña'huet ñanom.

8 Allotpa' nemneñ o'ch nehuom'cha'ch ñaña masheñ Amplias ñeñt atarr nemuerena e'ñe yame'ñeño'f Yepartseshar parro.

9 Allotpa' ñaña masheñ Urbano, o'ch nehuom'cha'ch ñaña ñeñt parro yetorrena ñeñt po'taruas pen Cristo Jesús. Allotpa' e'ñe nemorrenteño'pa' o'ch nehuom'cha'ch ñaña masheñ Estaquis.

10 O'ch nehuom'cha'ch ñaña masheñ Apeles ñeñt ÷hocma ahuantene' allohuen pa'namen topateñets attoña e'ñe cohuen cotenan Cristo. Allotpa' ñaña o'ch nehuom'cha'ch allohuen ñeñt pamo'ts pen Aristóbulo.

11 Allotpa' ñaña namo'ts Herodión, allotpa' ñaña ñeñt pamo'tsesha' pen Narciso. Ñetpa' atarr ame'ñeñet Yepartseshar.

12 Te'ñapa' nemneñ o'ch nehuom'cha'ch ñaña no'ch Trifena ñaña no'ch Trifosa. Ñetñapa' nanac torreññañet Yepartseshar po'taruas, allotpa' no'ch Pérsida ñapa'cho'ña nanac yemorrenteña atto nanac torrena ñaña Yepartsharecop.

13 Ñaña arrpa' o'ch nehuom'cha'ch ñaña po'psheñeñ masheñ Rufo ñeñt pame'ñeño'f nanac asherben yenteñ Yepartsharecop. Ñaña pachore'na o'ch nehuom'cha'ch, tarro'mar ñapa' e'ñe atet nenteñ ñerra'mrrate' ñeñt e'ñe nachor nepen.

14 Te'ñapa' o'ch nehuom'cha'tererr po'potantañ masheñnesha' ñeñt añ Asíncrito, ñaña Flegonte ñaña Hermas, ñaña Patrobas, allotpa' ñaña Hermes, ñaña po'potantañ masheñnesha' ñeñt parrompañ'o'tsa'yenet.

15 Te'pa' o'ch alla nehuom'cha'tererr ñeñt masheñ Filólogo ñaña noth Julia, allotpa' ñaña masheñ Nereo epuet ñaña po'ch, allotpa' ñaña Olimpás, ñaña ama't allohuenet masheñnesha' ñeñt parrompañ'o'tsa'yenet.

16 E'ñe semorrentanna'teñoŕpa' atetcha' sehuomŕcha'tanna'tena* ñeñŕ atet poctetsa Partsocp. Ñaŕna allohuenet masheñnesha' ñeñŕ apŕha'yetsset allemeñ anetsom'ar e'ñe pame'ñeñoŕet Cristo, ñetpa'ŕho'ña mueneñet o'ch huomŕcha'taset ñaŕna arr necartot.

Atto Pablo arr po'cartotpa' o' alla cotape'chaterraneterr po'pocheño

17 O'ch masheñneschacha' ñaŕna noŕhaneshacha' noterrserre po'poñ añ necartot. Señoŕtcha' añ acheñeneschar ñeñŕ muenene' o'ch ellopa'tetstatonaset soctapña ñeñŕ atto same'ñeña Cristo, tarro'mar ñetpa' mueneñet o'ch cotape'chataset ñeñŕ ama atteyaye ñeñŕ atet o' yeyŕchatuas. Ñeñŕ acheñer atetpa' o'ch sello'tsentach seshot, amach seyemtatstaneto ñeñŕ atet yechatenet.

18 Tarro'mar ñetpa' ama aŕneye' sherbeneto Yepartseshar Jesucristo. Aña cotape'chenet ñeñŕ atet muenenet ñet po'chets atto correnet. Atto serppare'tenet coŕhnesha' ñoñets, ñeñŕpa' atta shequeneñet acheñenesha' ñeñŕ ama huomencaye' penaye pueyoŕher.

19 Ñehua, allohueney yeñotenes sapa' o' same'ñera Cristo ñeñŕo'marña napa' atarr nocshensa. Añaŕna nemnen o'ch e'ñe señoŕ ñeñŕ e'ñe cohuentetsa Yomporecop. Allochñapa' amach soctape'chatsto ñeñŕ ama cohuenayaye.

20 Allochñapa' Yomporpa' ahuencha' a'huañaŕmpsonas ñeñŕ atto atarr shequeneñe oneñeñ, ñeñŕara Yompŕo ñeñŕ e'ñe cohuen yocshatene' yeyoŕchro. Yepartsesharepa'chña Jesucristo e'ñe sa'natenaya.

21 Te'pa' o'ch alla neñotaterrserre añ necartot, masheñ Timoteopa'ŕho'ña mueneñ o'ch huomŕcha'tas ñaŕna, ñapa' ñeñŕ epan netorraena. Alloŕpa' ñaŕna añ namo'ts ma'psheño'maret ñetpa'ŕho'ña mueneñet o'ch huomŕcha'taset ñamet. Puesheñarrrpa' añ masheñ Lucio, alloŕpa' ñaŕna masheñ Jasón, ñaŕna masheñ Sosípater.

22 Napa'ŕho'ña ñeñŕten sochetsa Tercio, e'ñe name'ñeñoŕ Yepartseshar nemneñ o'ch nehuomŕcha'tas añ masheñ Pablo po'cartot. Napa' ñeñŕten quellcaten masheñ Pablo.

23 Masheñ Gayopa'ŕho'ña muenen o'ch huomŕcha'tas ñaŕna. Na te'pa' e'ñe pa'paclo'tsenen ña, tarro'mar all neŕchap. Ñapa' atet otenanet ŕhocmach apŕchenet allohuenet pa'paclo ñeñŕ ame'ñetsa arr. Ñaŕna masheñ Erasto mueneñ o'ch huomŕcha'tas ñaŕna. Ñapa' ña tesorerotets arr Corinto, ña añño'tene' quelle anetsocp. Ñaŕna masheñ Cuartopa'ŕho'ña mueneñ o'ch huomŕcha'tas ñeñŕara añ necartot.

24 Yepartsesharepa'chña Jesucristo sa'nataya allohuenes. Ñeñŕpa' attetepa'ch Nompore.

Atto all huañen Yompŕo po'ñoñ añ cartotpa' ya'ye'choŕtatoñepa'ch ora allohueney

25 Te'ñapa' ya'ye'choŕtatoñepa'ch Yompŕo tarro'mar ñapa' ñach ahuamencaŕ sepené, ñeñŕ e'ñe atet oten añ cohuen ñoñets alloch yequeshperra. Ñeñŕara añ cohuen cotapñats ñeñŕ neserrpare'tatenes ñeñŕ e'ñe atet pena Jesucristo ñeñŕ ahuatoteñ ama eñotpahuo.

26 Tarraña te'pa' Yompŕo ñeñŕ ama arromñaŕeshayayepa' muenaterrey o'ch yeñoter ñeñŕ ama eñotpahuo ahuatoteñ. Ñehua, ñapa' ahuatpa' añ

* 16:16 Po'ñoŕh oteneŕ, "E'ñe semorrentanna'teñoŕ ŕhoc setso'ttsa'pa'tannena ñerra'm esempo sehuomŕcha'tanna'tena." Ñeñŕpa' atet yechete't ahuat.

eñotate't ñeñĩ a'ñta'yesaye't po'ñoñ, ñetñapa' ahuo'ch quellquënet ñeñĩ atet eñotatenanet Yompor. Attochña yeñoter yamã, ama't ñamã allohuen pa'namen acheñenesha'; allochñapa' attoch e'ñe yame'ña'huerra ora eraparen, ñeñtey pa'namen acheñey.

²⁷ E'ñe puemueretey Jesucristo aye'chochtatarettepa'ch Yompor erponohuañen, ñeñtara Yompor ñeñĩ ñapue't e'ñe eñotañtetsa. Ñeñtpa' attetepa'ch Nompore. Allohua huañ añ necarta.

Pablo

AÑ ÑANOM SAN PABLO PO' CARTA ÑEÑT̄ QUELLCAN CORINTO' MARNESHA' 1 CORINTIOS

Atto Pablopa' quellcan carta añecop ñeñt̄ ame'ñetsa anetso Corinto

¹⁻² Masheñeshacha' ñaña nochaneshacha' ñeñtes allohuenes e'ñe same'ñeñoť Yompor ċhocma sapċhena parro all anetso Corinto, ñeñtes o' hua'ñerres Parets attoch pueyochresha' perres atto e'ñe separrocmateñoť epas Cristo Jesús'pa' sañapa' sa'cohuentataretterra Partsocop. E'ñe parrocmā hua'ñerres Parets attoch pueyochresha' perres, e'ñe attecma o' hua'ñerran allohuen ama't erra'tsena acheñer ñeñt̄ e'ñe pame'ñeñoť ċhore'tene' Yepartseshar Jesucristo ama't errate' yeċha'yenet. Ñeñña Jesucristo ñeñt̄ Yepartseshar yepen ora allohueney ñeñtey ame'ñenaya. Na Pablōn sequellquēne'ña añ carta epan masheñ Sóstenes. Napa' Jesucristo puellsensaren tarro'mar Yomporpa' ñeñecopña o' ċhore'teren attoch nesherber.

³ Te'ña e'ñe nehuomċha'teñoťespa' o'ċ notas: Yomporepa'ċhña sebensare'tamċpene' ñeñfara Parets epuet Puechemer Jesucristo ñeñt̄ Yepartseshar yepen. Ñetepa'ċhña soċshatene' e'ñe sa seyoċhro allohuenes.

Arrpa' all parasyoso'tamċsanet

⁴⁻⁵ Te'pa' o'ċ notas, napa' ċhocma neparasyoso'teñ Yompor socop tarro'mar ña puemuereñoťpa' atarr bensare'tamċpenes. E'ñe separrocmateñoť Cristo Jesús'pa' o' eñoťaterres pa'namen coċhnesha' cotapñats seyoċhro. Ñeñoť'mar te'pa' ama't ora allpon señoťsyen e'ñe ñeshoťpa' e'ñeċ cohuenare' señoťsyen. Ñaña ama't allohuen cohuen cotapñatspa' o' señoťtuer.

⁶ Ñeñt̄ atet yotuanmas ñeñċha' atet pōnas Cristo, te'pa' atetċho' o' etsotatunas.

⁷ Ñeñoť'marña te'pa' ama es palltetso ñeñċha' apuerrser po'poñ Yompor. Te'pa' aña palltetsa o'ċ secuame'teñ esempohuañencha' huerra Yeparteshar Jesucristo.

⁸ Ñeñfara Jesús ñeñċha' allo'na huomenc sepa'nene' seyoċher. Attotach ċhap allemċoch huerra Yeparteshar Jesucristo. Attoċhña allemċopā amach eñalle alloċ otteñe'ċharetas ama't mamesha.

⁹ Tarro'mar Yomporpa' ama puenesho po'ñoť, erroť otpa' atetċha' pa. Ñeñfara Yompor ñeñt̄ o' hua'ñerrey o'ċ yeyemterrñaña Puechemer ñeñfara Yepartseshar Jesucristo.

Arrpa' all yeċhatanet attoch e'ñe patrra cotapñats anmuet

¹⁰ Te'pa' o'ċ masheñeshacha' ñaña nochaneshacha' notas ñeñċha' atet sepa, e'ñeċ patrra soċtape'ċh allohuenes. Amach allo'na soċtape'ċhyesatsto po'poñe'ttsoċma. E'ñeċ patrra cotapñats soċtape'ċh allohuenes; erra'tsen soċtape'ċhpa' ñeñċach cohuen sent allohuenes. E'ñe patrra soċtapñoťpa' o'ċ separrocmatua allohuenes. E'ñe yame'ñeñoť Yepartseshar Jesucristo ñeñoť'marña notenes ñeñċha' atet sepa.

¹¹ Tarro'mar ñeñt̄ parro yeċhena Cloépa' ñetpa' e'mare'tatnet atto' sepena. Ñeñtpa' atet otnet atto sa masheñeshacha' ċhocma po'poñ sentanna'tyena.

12 Ñeññ notenespa' ñeññpa' atet sepena: Puesheña'ttsospa' atet sotyen: "Napa' añcha' name'ña masheñ Pablo." Po'potantaññapa' ñeññpa' atet otyenet: "Napa' añcha' name'ña masheñ Apolos." Po'potantaññapa' ñeññpa' atet otyenet: "Napa' añcha' name'ña masheñ Pedro."* Po'poñechnoñapa' atet otyenet: "Napa' añcha' name'ña Cristo."

13 Ñehua, ama't seño'teñeña, po'ño'chpa' ama eñalle attoch yellopa'tetstach Cristo. Po'ño'chpa' amaca'ye naye' corso'tam̄pseto ñeññ e'ñe socop attoch na'qeshp̄atas. Ñaña ama naye' same'ñeñof o' sapataretterroña Partsocop.

14 Napa' atarr neparasyoso'teñ Yompor tarro'mar napa' ama muenatno o'ch napatas ama't puesheñarrofesa Partsocop. Ñehua, napa' e'ñe epsheña napat Partsocop, ñeññpa' masheñ Crispo ñaña masheñ Gayo.

15 Napa' e'ñe nocshena tarro'mar te'pa' amach errotenof sotno e'ño' na same'ñeñof sapataretterra.

16 Ñehua, po'ño'ch ellopa' napach masheñ Estéfanas epuet pamo'tsesha'. Ñerra'm eñallfe' po'poñechno ñeññ napatpa' tarraña ñeññpa' ama neño'teñe.

17 Napa' ama añe'cpaye' llesensa'ñoña Cristo o'ch napatyes Partsocop ñeññ allpon ame'ñetsa, añe'cpaña llesensa'n attoch o'ch neserrpare't cohuen ñoñets alloch yequshperra. Ñaña ama añe'ye' co'chnesha' na neñoñ neserrpare'tatenso, tarro'mar ñerra'm añña neserrpare'tatenes co'chnesha' neñoñ name'ñatasapa' cháte' soten atto rroma Cristo corsochopa' ñeññpa' amaca'ye es sherbeno attoch yame'ñera Cristo.

Añ ñoñets atto rroma Cristo corsocho, ñeññña ñoñets Yomporo po'huamenc alloch a'qeshp̄atyerran acheñenesha'

18 Po'ño'ch ñerra'm esempo yeserrparen atto Cristo rroma corsocho e'ñe ya yo'chñaro'pa' añña acheñenesha' ñeññ chenquístapa' chach otenapuetañ attate' yotatse'tyen. Tarraña ya ñeñfe'ye a'qeshp̄atarette'ya' añña ñoñets atto rroma Cristo corsocho'pa' ñeññña ñoñetspa' yeñoteñ allotña huena Yompor po'huamenc attoch a'qeshp̄atyerran acheñenesha'.

19 Tarro'mar añ ñoñetspa' e'ñe anuaret ama't ahuatoteñ, ñeññpa' atet oten Yompor:

Ñeññ entetsa ñapa' nanaco' es eñoten patso'marecoppa' napa' o'ch na'huañam̄pesuanet ñeññ pueñoteñ. Ñaña ama't ñeññ entetsa ñapa' nanaco' eñotañtenapa' napa' o'ch nehuapore'tam̄pes atto es eñotatse'tyenet.

20 Ñehua, ama't seño'teñeña, ama't ñeññ nanac es eñotatse'tyets arr patro ama eñalleña ñeññ atarr asherben enten Yompor. Ñaña ñeññ atarr etsotayenayeñ ñoñets ñeññ atet anuaret ahuatoteñ ñaña ñeññ nanac eño'ñatetsañ añe patsro ama eñalleña ñeññ atarr asherben enten Yompor. Ñetpa' cháte' otenapuetañ atarrte' es eñotenet tarraña Yompor o' eñotatuay po'ño'ch ñeññpa' e'ñeca'ye orrena atet otatse'tyenet arr patsro.

21 Tarro'mar Yomporpa' e'ñe pueñoteñof ñapa' ama pocteye' enteñe e'ñe ya yoctapñofpa' o'ch yenter Yompor, ama't yapa' yoteneñ atarrte' es yeñoten. Añmapa' ñeññña pocte' enten Yompor: ñeññara cotapñats ñeññ atto rroma Jesucristo yocop ñeññ chach enteñet ñerra'mrate' atfa yotatse'tyen, añ ñeññara cotapñats ñeññña muenen Yompor o'ch yeserrpare'toñ alloch a'qeshp̄aterrey allohuene'ye ñeññame'ñenaya.

* 1:12 Añ Pedropa' ñeññara otenet Cefas.

22 Ñerra'm esempo yeserrpare'tach judionesha' atto Cristo rroma yocop, ñetñapa' amach asherbenaye' entenetoña yoctapña tarro'mar ñetpa' añach muenet yorratanetepa'to' Cristo po'partsoña. Ñaña ñerra'm esempo yeserrpare'tateñ ñeñf ama judioneshayeyeto atto Cristo rroma yocop ñetpa'cho'ña amach asherbenaye' entonayetoña yoctapña tarro'mar ñetpa' añach muenet yorratanetepa'to' ñeñfcha' eñotatahuet e'ñefe' po'ñoçh atet yoten.

23 Tarraña yapa' añcha'ña yeserrpare'tatanet atto Cristo rroma corsocho yocop. Tarraña añña judionesha' puetsena'teñoftetpa' amach cohuenaye' enteñeto. Ñaña ñeñf ama judioneshayaye ñetpa'cho'ña attach enteñet ñerra'mrrate' atfa yotatse'tyen.

24 Tarraña acheñenesha' ñeñf o' ame'ñerra ñetpa' o' çhapanet pueyoçhreto po'ñoçhpa' Cristo e'ñe Pompor po'huamencotpa' o'ch a'qeshpaterrey, ñaña e'ñe Pompor pueñoteñoftpa' o'ch a'qeshpaterrey. Attecma o' çhapanet pueyoçhreto ñeñf o' ame'ñerra ama't ñeñf judionesha' ñaña ama't ñeñf ama judioneshayaye.

25 Ñeñf ama ame'ñetsopa' ama't otenapuetañ Yompor poctapñapa' attate' otatse'tyen, tarraña ñeñfara poctapña e'ñe ña pueñoteñ ñeñfña nanac sherbets. Acheñpa' ama't atarr es eñoteneñpa' tarraña poctapñetpa' ama tama sherbeno tarro'mar acheñpa' ama tama es eñoteneto. Ñaña ama't otenetañ Yompor po'huamencpa' ama a'ñshe'maye' orrtenopa' tarraña yocoppa' ello metanennay allohueney yehuamenc tarro'mar yapa' arromñafaya.

26 Ñehua, masheñeshacha' ñaña noçhaneshacha' soctape'ch allempo hua'ñerres Cristo o'ch same'ñera. Allempo ama't acheñenesha'pa' entasete't sapa' ama esoye' señote'te tarraña Yomporpa' o' hua'ñerres, ñaña ama't ama sesherbena, ñaña ama't ama añeyayso puechemeres añcha'taret. Ñehua, ñato' puesheña'ttsospa' ñeñfes, tarraña ama allohuenacmaye' attecmaso.

27 Añña pocte' enten Yompor o'ch a'qeshpatan acheñ ñeñf acheñenesha'pa' çhach otenapuetañ ñeñfpa' amate' es eñoteno. Tarrecop pocte' enteñ Yompor allochñapa' o'ch pencatan acheñenesha' ñeñf nanac es eñotatse'tyets. Añpa'cho'ña pocte' enteñ Yompor o'ch a'qeshpatan acheñ ñeñf acheñenesha'pa' çhach otenapuetañ ñeñfpa' amate' esoyaye. Tarrecop pocte' enteñ Yompor allochñapa' o'ch pencatan acheñenesha' ñeñf çhach otenapañ ñetpa' atarrte' es sherbenet.

28 Añpa'cho'ña pocte' enteñ Yompor o'ch a'qeshpatan acheñenesha' ñeñf entenet ñeñf ama esoshe'mayaye ñaña ñeñf atsenat'aret. Ñaña añ acheñer muenen Yompor ñeñf ama es echeno attoch sherba' ama't mamesha. Tarrecop mueneñ Yompor allochñapa' ñoçteta' o'ch huapore'tañpsan acheñ poctapña ñeñf aña patso'mara. E'ñech orrena enteret acheñ poctapña.

29 Ñeñfo'marña ya acheñeypa' ama't puesheñarrofeya ama pocteyaye o'ch e'ñe yañeña cohuen yentena tarro'mar Yomporpa' ama atteye' entenye.

30 Tarro'mar ñapfa Yompor yapuene'ña attoch yapa' corretsayach. E'ñe yeparrocmateñoç Cristo Jesús a'crrateney Pompor. Ñaña Yomporpa' atto nan Puechemer Cristo ñach yeñotaterre' ñeñf cohuentetsa Yeyompor-recop, ñaña ñeñfara Cristo ñeñfcha' e'ñe cohuen a'pocateney yocop attoch cohuen entueney Pompor ñaña ñeñfara Cristo ñeñfña a'cohuentaterrey Partsocop, ñaña ñeñfara Cristo ñeñf yetsa'terroya yo'chñar attoch yeqeshperra.

31 Ñeñfo'mar atet anuaretta Yompor po'ñoñ ahuat: "Ñerra'm eseshaycha' es aye'choçhtatetspa' Yomprecpuepa'chña es ya'ye'choçhtaten."

2

Arrpa' all yerpaterranet atet serrpare'tatenaneta' ahuaña ñeñĩ atto Jesucristo rroma yocop corsocho

¹ O'ch notas masheñeshacha' ñaña noçhanshacha', ahuaña allempo neçhap seshopa' neserrpare'tatoses cohuen allempo na'potonas Yompor poçtaþña. Allempopa' ama coçhneshoteye' neñoñoĩ na'potonaso Yompor po'ñoĩ atet noñets coçhneshacha' entyen acheñenesha'. Ñaña ama coçhneshoteye' noctapñoĩ na'potonaso Yompor poçtaþña atet ñerra'mrrate' acheñ ñeñĩ nanac eñotañ entueñ allohuen acheñenesha'.

² Añña e'ñe patrra coçtaþñats neserrpare'tatenes ñeñĩ atto Jesucristopa' rroma yocop corsocho. Tarro'mar allempopa' atet noten neyoçhro ñeñfach paterr o'ch neserrpare'tatanet.

³ Ama't allempopa' ama asherbenoteye' norrtoso sesho. Ñaña allempopa' atarr nemcha'ten, çha neyoruos nellquẽñoĩ.

⁴ Ñaña ama ne'ñoreñoiteye' e'ñe cohuen neserrpare'tataso attoch same'ña'na e'ñe neñoñoĩta ñeñĩ atet pena ñeñĩ çhach otenapañ ñapa' nanacte' es eñoten. Añña e'ñe neserrpare'teñoĩta norrtatonas ñeñĩ atet þonay Parets Puecamquẽña e'ñe po'huamencot Yompor.

⁵ Ñaña ya acheñeypa' ama't coçhneshacha'tatsta yocþtaþña'p' tarraña napa' ama nemno e'ñe na neñoteñoĩpa' o'ch name'ñatasa. Napa' añña nemnen o'ch name'ñatasa e'ñe Yompor po'huamencot.

Yompor Puecamquẽña' ñeñña es yeñotatene'

⁶ Tarraña ama't atetpa' esempopa' o'ch neserrpare'tach ñeñĩ o' ame'ñerra huomenc. O'ch neserrpare'tatanet e'ñe coçhneshacha' coçtaþñats, ñeñtara Yompor poçtaþña ñeñĩ atarr es eñotets. Tarraña añ coçtaþñatspa' amach patso'mareyaye, ñaña amach añeyaye añcha'tareteçhno poçtaþña ñeñĩ añe patsro'tsen. Tarro'mar ñetpa'çho'ña huañerretcha' esempo.

⁷ Yomporepa'chña poçtaþña ya'pota ñeñĩ atarr es eñotets, ñeñtara ama't ahuatoteña'p' ama eñotpahu poçtaþña. Tarraña ama't allempo ama ayeçhcatarettena' patspa' ñeññapa' o' anaretetua attoch cohuencha' ya'qeshpataretterra esempohuañen.

⁸ Añña amcha'taretnesha' ñeñĩ añe patsro'tsa'yenpa' ama çhapaneto Yompor poçtaþña. Ñerra'm çhapanetañcha' ahuaña pueyoçhretopa' amate' corso'tamperetañeña Yepartseshar ñeñĩ atarr nanac cohuen.

⁹ Tarro'mar atet anuaretta Yompor po'ñoĩ ahuat, ñeñtapa' atet oten: Ama't ahuata ya ñeñtey arromñaiteypa' ama yentare ñeñĩ o'patatenya Yompor ñeñĩ coçhneshacha'tetsa yocop, ñaña ama ye'mare, ñaña ama çhaponaye'te yeyoçhro ñeñĩ o'patatenya Yompor ñeñteycha' morrenterraya ña.

¹⁰ Tarraña ñeñteyña ame'ñerraya ñeñtey allohueneypa' o' eñotaterrey Yompor e'ñe ña Puecamquẽñoĩ ñeñĩ chorratenya. Po'ñoçh yeñoteñ Yompor Puecamquẽña' ña eñotuene' allohuen Yompor poçtaþña ñaña ama't ñeñĩ ama eñotpahuoyaye.

¹¹ Attecma yepena yama ñeñtey acheñey. Amach errotentot po'psheñeña' eñotonay atet yocape'chen ya yeyoçhro, e'ñech yapta yeñoteñ. Attecma pena ñaña po'potantañ amach errotentot eñotano Yompor poçtaþña, e'ñech Yompora ñapuef Puecamquẽña eñotene'.

12 Yapa' o' yagapoñ Yompör Puecamquëñ, amaña acheña poctaþña yaguërro ñeñt patso'marecpa. Ñeñtara Yompör Puecamquëñ ñeñt chapatene' yeyoçhro ñaña ñeñt yeñotatene' atto ña muerenya. E'ñe puemuereñofey shonte' es apa'yeney.

13 Ñaña ñeñt ñoñets ñeñt yeçhateney Yompör Puecamquëñpa' ñeñtara ñoñets o'ch yeserrpare'tatas saña ama't ñaña po'potantañeçhno. Ñeñtþa' ama añeyaye ñoñets ñeñt atet yeçhatyen acheñenesha' ñeñt eñotañetyetsa. Ñaña ñeñt ñoñets atto yeçhateney Yompör Puecamquëñþa' ñeñt yeyçhatenes saña ñeñtes o' chorrersa saña Yompör Puecamquëñ.

14 Tarraña acheñenesha' ñeñt ama chorreña' Yompör Puecamquëñpa' amach errotenot çhapaneto Yompör poctaþña ñaña amach errotenot agapoñeto ñeñtcha' apanetañ Yompör Puecamquëñof. Ñerra'm yeserrpare'tatanet atto es apueney Yompör Puecamquëñþa' ñetpa' çhach otyeset atto' yotatse'tyen. Tarro'mar ñapña çhenana pueyoçhro ñeñt chorrena Yompör Puecamquëñ.

15 Tarraña añña ñeñt chorrena Yompör Puecamquëñpa' ñetpa' çhenanet pueyoçhreto ora ñeñt atet pena Yompör. Tarraña ñeñt ama chorreno Yompör Puecamquëñ, ñetþapa' amach errotenot çhapaneto pueyoçhro esoçpte' atet penaña ñeñt chorrena Yompör Puecamquëñ.

16 E'ñe attecma oteney Yompör po'ñoñ ñeñt anuaret ahuatoteñ, ñeñtþa' atet oten: "Esesha'huate'ca' eñote'ña ñeñt atet cotape'chen Yompör attoch ñetpa' o'ch cotape'çhateret ñamet Yompör." Tarraña te'ña yapa' attecma yoçtape'chen atet cotape'chen Cristo.

3

Arrpa' all ama patrraye' cotape'cheno corinto'marnesha'

1 Ñaña o'ch notas masheñeshacha' ñaña noçhaneshacha' ama't ahuañoñeñ noteneñ o'ch noctape'chatas e'ñe cohuen, atet noctape'chateñ acheñ ñeñt e'ñe chorrena Yompör Puecamquëñ. Tarraña amach errotenot noctape'chataso tarro'mar sapa' atta socrena atet muenatenes sechets. Cha sottena atet ñerra'm cheshatoll ñeñt ama eñotena'. Sapa' ama e'ñe çhennasa' ñeñt cohuentetsa Cristocop. Ñeño'mar teme'ttsen atta noctape'chatenes atet ñerra'm cheshatolleshasa.

2 Ñeño'marña ahuañoñeñ atta neñotatenes ñeñt ama torrapahuoyaye Yomporecop. Ñeño'marña amach erroteno noctape'chatterserro ello ñeñt nanac echarr cotapñats. Atta sottena ñerra'mrate' ematoll, napa' attach nemomatenes semomos atet peñet ematoll, ñeñtara yoten cotapñats Yomporecop ñeñt ama echarro. Ñaña ama echarroye' serrar napuenso, tarro'mar amate' erroteno setsoto, ama't teme'ttsenpa' ama setsoteññañe Yompör poctaþña ñeñt nanac echarr.

3 Tarro'mar teme'ttsen atta socrena atet muenatenes sechets. Po'ñoçh ñerra'm esempo es yeye'çharetannena, amapa' ñerra'm çho ye'moñe'tannena, ñeñtþa' atta yocrena atet muenateney yechets. Ñeñtþa' ama'tña attera sorrteno atet pena acheñ ñeñt ama ame'ñenayo Cristo.

4 Tarro'mar ñerra'm çha yotyen: "Napa' añcha' name'ña Pablo", po'psheñeñþa' ñato' oten: "Napa' añcha' name'ña Apolos." Ñeñt atet sepena çhachca'ye sottena ñerra'mrate' ñeñt ama Cristona'tareyaye.

Puesheña'ttsoypa' añ yetorra'yena Yomporecop ñeñt atet yechyena

⁵ Ñaña o'ch notas, yapa' ama esoyaye ama't Apolos, ama't na, añayaca'ye ñeñfey torretsa Yomporecop. Yapa' amñarefeya attoch o'ch yame'ñatasa. Puesheña'tsoypa' añ yetorra'yena Yomporecop ñeñf atet yechyena.

⁶ Atet ñerra'm napa' na ñanom same'ñate' Yomporecop po'ñoñ. Alotñapa' ahuo't huapa ñaña Apolos, ñapa' ña seserrpare'tate' attoch allo'na sesen huomenc pa'nmue' seyo'cher. O'ch netma'ntacha atet: Napa' atten ñerra'mrrate' ñeñf nare'tets. Alotñapa' o'ch huapa po'psheñeñ ñeñfcha' she'tamo're'tosets, Yomporeña' ñach a'chpate' narmets.

⁷ Ñeñto'mar yeñoteñ ñeñf nare'tetspa' ama esoyaye, ama't ñaña ñeñf she'tamo're'tetspa' ama esoyaye. Añña Yompore ñeñfña es a'chpatets ñaña sherbets.

⁸ Ñeñto'marña yeñoteñ ñeñfey nare'tets ñaña ñeñfey she'tamo're'tetspa' e'ñe parrocmá yetorrena Yomporecop. Elloña Yomporepa' apa'yerreycha' puesheña'tsoy cohuen ñeñfcha' atarr yocshaterre'. Apa'yerreycha' errotente' yetorra'yesnoma ñocop.

⁹ Yomporepa' enteney atet ñerra'mrrate' parro yetaruasen ñocop. Sapa' Yomporepa' entenes atet ñerra'm ña pa'mres, allcha' nanac torrena ña.

Ñaña Yomporepa' entenes atet ñerra'm pocoll o'ch tomatey ña.

¹⁰ Atet ñerra'm na, Yomporepuemueño'pa' o' ye'chaten na o'ch neño'ch e'ñe huomenc, attoch nanomcha' ame'ñaterraya acheñenesha' Jesucristo. Ñehua, o'ch netma'ntacha atet ñerra'm Yomporepa' o' ye'chatenen attoch o'ch neño'ch tomate' pocoll e'ñe huomenc. E'ñe neñoteño'f o'ch natomat ñanom quellpach e'ñe echarr. Alotñapa' o'ch huapa po'psheñeñ ñeñfcha' allo'na ye'chatnomue'. Tarraña ñeñfcha' allo'na ye'chatnomue'pa' cotape'chepa' ñanom, pocte'te' atet peñ, ñato' amate'.

¹¹ Ñehua, añ quellpach ñeñf anaret ñanompa' ñeñf toma'ntenaya atet ñerra'm ya ñanompa' o'ch yame'ñera Jesucristo. Ñap'fach Cristo yame'ñerra. Ama eñalle po'poñ ñeñfcha' yame'ñerra, tarro'mar amach erroteno'f yame'ño'yo po'poñ ñeñf ama Cristoyaye, añcha'ña ñeñfara Cristo ñeñf o' yotuanmas.

¹² Ñeñf o' yame'ñata Cristo, ñetpa' allo'nach yey'chatnenanet aco'pa attoch huomenc pa'nmuet pueyo'cher. Ñehua, o'ch netma'ntacha atet: Ñerra'm cho yey'chaten pocoll ñanemcha' quellpach yatomat. O'chña echarr yatomatua quellpachpa' allo'nachña yesen ye'chatnomue' pocoll. Erra'tsenpa' ñato' o'ch ye'chatenan oropo' pocoll ñeñf atarr nanac cohuen, ñato' po'psheñeñpa' o'ch ye'chaten asrepo' ñeñf nanac cohuen ñaña, po'psheñeñpa' o'ch ye'chaten cohuen mapyepo' ñeñf nanac tsa'te'. Tarraña ñato' po'psheñeñpa' o'ch tomatan tablapo' ñeñf ama tama cohuenayaye, ñato' po'psheñeñpa' aspanapo'ch, ñeñfpa'cho'ña amach tama cohuenayaye, ñato' po'psheñeñpa' at'fach ye'chaten atet ñerra'mrrate' posho'llpo' ñeñf ama cohuenayaye ama't mamesha.

¹³⁻¹⁴ Esemphuañeña allempoch huerra Cristopa' entatuaretey'cha' allohueny ñato' espo'te' yey'echatyes yepaquell, ñato' oropo', ñato' tablapo' amapa' ñato' atet ñerra'm posho'llpo'. Ñehua, añcha'ña yeñotate' tso'. Yomporepoyoro'chenño'pa' o'ch etomari'pesyonay yepaclachno. Ñehua, yeñoteñ ñeñf oropo' amach poyo, asrepo'pa'cho'ña amach poyo, mapyepo'pa'cho'ña amach poyo. Tarro'mar ñeñfpa' ama acrraño, ñeñto'marña nanac sherben. Tarraña tablapo'pa' ñeñfpa' poyuach, aspanapo'pa'cho'ña poyuach,

posho'llpo'pa'cho'ña poyuach. Tarro'mar ñeñtpa' ama es sherbeno, attochña eñotuarēyecha' e'ñe puesheña'tsoy errotente' yeyečcatyēs, ñato' cohuyente' ñato' amate' cohuenayaye allempo es yetorra'yēsnoḡa Cristocop. Ñerra'm esempoč etomañpesyēsnoḡa yeyečcatar ñerra'm amach poyo yeyečcatar, allempočña yeñoč atto es yetorra'yēsnoḡa Cristocoppa' ñeñtpa' e'ñe cohuen. Ñeñto'marña allempopa' apħuerreycha' e'ñe puesheña'tsoy ñeñtcha' atarr yocshaterre'.

15 Tarraña ñerra'm yeyečcatarña čha poyuapa' o'ch yeñoč atto yetorra'yēsnoḡa Cristocoppa' ama es sherbeno, čhach a'čencatonay yeyečcatar ñeñt Cristocpañ. Tarraña ama'tcha' a'čencatonay yeyečcatar, yaña yecamquēñpa' qeshperrach. Tarraña e'ñeč yemuerochenñota' yeqeshperra atet ñerra'm čho poyen pocoll yañapa' o'ch yeqeshp̄a.

16 Te'pa' o'ch notas po'poñ: Sapa' ama't señoťeña Paretspa' o' pa'paquēll perres allohuenes ñeñtes ame'ñetsa. Yeparrocmatueñoť allohueneypa' te'pa' e'ñe atet enterrey atet ñerra'm pa'paquēll, allcha' yečhena Puecamquēñ ña.

17 Tarraña ñerra'm esesha' alla soctape'čaterre' ñeñt ama cohuenaye' enteno Yompor ñeñña atet petsa čhach ottena ñerra'mrrate' čho a'matenan Parets pa'paquēll. Ñerra'm esesha'ña a'matene' Parets pa'paquēll ñeñña Yomporpa' čhocmach a'čencater. Tarro'mar Parets pa'paquēllpa' ñeñtpa' Partsocpa, saca'yeña o' pa'paquēll perresña Parets ñeñt e'ñe ñocpa.

18 O'ch noterrser po'poñ: E'ñeč señoťa sañeña. Ñerra'm eseshas otets, napa' atarr es neñoten añe patsro, añ poctē o'huañepa'ch es eñotatse'tyēs e'ñe patso'mara. Añña poctē o'ch orrta atet ñerra'mrrate' ama es eñoteno. Añepa'chña eñot ñeñt huetsa Yomporeshot.

19 Tarro'mar ñerra'm esempo ñeñtey ačheñey añe patsro ñerra'm čha yotenapañ yapa' atarrte' es yeñoten, Yomporñapa' atet enteney ñerra'mrrate' čha yotatse'tyen. Ñeñtpa' anuaret ñama ahuatoteñ Yompor po'ñoño, ñeñtpa' atet oten: "Ama't atto es eñotatse'tyenetpa' Yomporñapa' o'ch eñotanet atta otatse'tyenet, ama't ñetpa' otenapuetañ nanacte' es eñotenet tarraña ñeñtpa' shequēñtsa."

20 Añ ñoñetspa'cho'ña anuaret ahuatoteñ, ñeñtpa' atet oten: "Ñeñt čha otenapañ nanacte' es eñotenpa' añña Yomporpa' eñotananet ñeñt atet cotape'chenet ñetpa' e'ñe orrena."

21 Ñeñto'marña te'pa' o'ch alla noterrser: Amach ellocma sa'ye'chočtatanna'tyēsastto atet yocťape'chen ya ñeñtey arromñaťey. Tarro'mar allohuen ñeñt apuenes Yompor ñeñtcha' soctape'čate' cohuen.

22 Ama't na Pablonpa' Yompor o' na'n ñeñten allohuenacpas, ñama ama't masheñ Apolos, ñama ama't masheñ Pedro. Yomporpa' apueney allohuen ama't ñeñt yentyes añe patsro ñeñtcha' yeyenpue' ñeñt alloch yocsheña Yompor. Yocsheñepa'ch ama't allempo yocrrena, ñama ama't allempoč yerroma, ñama ama't ora allpon ñeñt eñall te' čhocmuepa'ch coshateney. Ñama ora allpon ñeñtcha' eñalletatsa tsapaťonetpa' ñeñtpa'cho'ña coshatasepa'ch. Ama't allohuen ñeñt pa'namen esočhno ñeñtpa' yocop ñeñtcha' yeyenpue'.

23 Elloña yapa' e'ñe pueyochresha' pohueney Cristo allohueney, Cristoñapa' Parets Puechemer pene'.

4

1 Ñeñto'marña te'pa' notenes, epsheño'marey na epan masheñ Apolos, añ pocte' o'ch senteney atet ñerra'm ñeñtey torretsa Cristocop. Ñaña añ pocte' o'ch senteney atet ñerra'm yapa' eyecharetey o'ch ya'potoñ Yompor po'cohuenña.

2 Ñehua, yeñoteñ ñerra'm erra'tseney eyecharetey'pa' añcha'ña atet yepena atet yechenyet.

3 Ñato' sapa' sentenente' napa' nepena atet eyechareten ñato' amate', ñeñtpa' ama añeçpayaye ñeñt atet nellquëna na. Ama't acheñenesha' ñeñt amcha'taretetyetsa, ñerra'm erro'tente' entennet ñeñt atet nepenapa' ñeñtpa'cho'ña ama añeyaye ñeñt atet nellquëna na. Ama't napa'cho'ña ama neyemteno ñeñt atet nentena e'ñe nañeña.

4 Ñehua, e'ñe cohuenare' nenteñeñ allohuen ñeñt atet es neça'yen, tarraña ñeñtpa' ama añeyaye alloch yeñoç e'ñe'te' cohuenare' es yeça'yen. Añña e'ñe pocte' nenten Yepartsesharcha'ña otats e'ñe'te' pocte' entenen, amapa' ñato' amate'.

5 Ñeñto'marña notenes, amach sotatsto atet: añ acheñer nanac cohuen, po'psheñeñpa' ama cohuenayaye. Te'pa' amach sotatsto atet, tarro'mar esempohuañencha' huerra Yepartseshar. Allempopa' ñachña eñotaturrets ñeñt ya' nasotyena te'. Ñaña ñachña eñotaturrets ama't ñeñt atet yemma'yen yeyoçhro. Errponeycha' ñeñtey cohuen entuerr Yomporpa' allponeycha'cho' aye'choçtatuerr.

6 O' notuas ñeñt poctetsa ñeñtcha' atet sentey ya epan masheñ Apolos, Masheñeshacha' ñaña noçhaneshacha' tarro'mar atet notenes, allochñapa' attoç señoç añ pocte' e'ñeç attecma senteñ ama't allohuen acheñ, e'ñe atet oteney Yompor po'ñoñ ñeñt atet anuaret ahuatoteñ. Allochñapa' amach yommo'chatsche acheñ ñeñt cohuen yenten e'ñe yañeña.

7 Sapa' atarr cohuen sentena sañeña tarraña amaña po'psheñeye' atarr eñotañ sentenaye ama't puesheñarra. Ama't allpon seño'tyenpa' amaca'ye e'ñe sotaye' es seño'tyeno; Yomporca'ye seño'tatene'. Po'ñoçhpa' atto Yompor es eñotatenespa' esomare'tña sommo'chyenaña atet ñerra'm e'ñe sofa es seño'tyen.

8 Cha't sotenapañ o'te' nanac setsotoñ Yompor poçtañña. Cha sottena atet ñerra'm ama es sepallteno ama't coñe'ta Yomporeshot. Yañapa' o'huañ acua'psenaye' senterrey. Sañapa' o' cha amcha'taretoyen sorrtena. Ñehua, e'ñe pocte' sa'mcha'tarettepa' tarro'mar ñerra'm po'ñoçh o'ch sa'mcha'taretterrapa' ñato' attotpa' o'ch semnatey yaña o'ch ya'mcha'tarettapreterrsa.

9 Tarraña napa' noctape'chen ñato' ya ñeñtey allsensaretey'pa' Yomporpa' ñato' o'ch muenatan acheñenesha' yapa' o'ch a'ypo'ñerryet. Acheñenesha' ñapa' çhach amtsen entenyet. Attach cohua'nyeney allohuen acheñenesha' arr patstro, ama't ñaña ñeñt Yompor po'millaño'eñnaneshar o'ch cohua'nyet ñamet.

10 E'ñe yame'ñeñoç Cristopa' añña acheñenesha'pa' çhach otenet yapa' amo' es yeñoteno, tarraña sapa' chaña atet sentena ñerra'mrrate' atarr nanac eñotañes. Ñaña yapa' çhach otenyet amo' esoshe'mayayye, tarraña sañapa' ataña ahuamencatoyen sentena. Ñaña sapa' nanac amcha'na'tpo' entenset, yañapa' amach acua'psenaye' entenyeto.

11 Yañapa' teme'ttsen yemueroçhtena ama't yachporrñoç, yo'ñpaño'e'na yemueroçhtena ñaña yemuelleño'e'na. Atta epaye' atserrpenyet, ñaña ama yecheno allcha' yeycha.

12 E'ñe yetorreñoŋ nanac yetaruasen e'ñe ya yotoŋ. Ñaña ñerra'm esempo sasare'tenyetpa' yañapa' o'ch yenamatenanet Yompor pa'nateña ñocpuet. Ñaña ñerra'm esempo pue'moñe'teñoŋet cotare'tenyetpa' yañapa' attach ya'huantenanet.

13 Ñaña ñerra'm esempo sochatse'tenyetpa' yañapa' čhach yamo'tstanet cohuen. Ñaña ama't teme'ttsen entenyet atet ñerra'mrrate' es ahuapore'taret, ñeñĩ ama es sherbetso ama't mamesha arr patsro.

14 Napa' ama añecpaye' nequellquënnaso añ ñoñets attoch o'ch nepencatas, añecopña nequellquënnas attoch noctape'chaterres e'ñe cohuen atet ñerra'm e'ñe nechemereres ñeñĩ nanac nemuerara.

15 Na po'ñočhpa' atet nentenes ñerra'mrrate' e'ñe nechemereshas. Tarro'mar ahuaña allempo neserrpare'tatoses cohuen ñoñets ñeñĩ Yomporshotpa' o' name'ñataso Cristo Jesús, ñeñĩpa' atet ñerra'm čho nechemere'tensa Cristocop. Ñeñĩ'marña te'pa' notenes, ama't eñall shonte' ačeñ ñeñĩča' soctape'chaterre' ñeñĩ cohuentetsa Cristocop, tarraña e'ñe patrra sompor sepen ñeñĩ ñanam same'ñate', ñeñĩpa' atet ñerra'm na.

16 Ñeñĩ'marña napa' notenes: Atet sentenen atet nepena na e'ñe cohuen, sapa'čho'ña atetča' sepa samña.

17 Ñeñĩ'marña nemñonas masheñ Timoteo; ñapa'čho'ña nechemer nepeñ. Ñapa' nanac nemorrenteña, ñapa' čhocma ame'ñenana Yepartseshar. Ñapa' ñach seyerpate' Cristo poctapña ñeñĩfara cotapñats neyčhatyes erracmañen errate' pame'ñeñoŋet apčhenet Yomporcop.

18 Patanta'ttsospa' nanac sommo'chena atto es señoŋyen. Sapa' čha't sotenapañ ñato' napa' amach nečhapoña sesho.

19 Tarraña po'ñočhča' nečhap sesho ñerra'm Yomporča' muenats. Ama't tayecmapa' pocte' o'ch ahuen ñerra'm ña muenats. EsemPOCH nečherrerrpa' allemPOCH ña neñotos ñeñĩ ommo'chetsa, ñato' po'ñočhte' ahuaencatet Yomporcop, amapa' ñato' attate' ommo'chenet.

20 Amaña e'ñe ñapfa yeserrpare'teñoŋ yorrtateññañeña Yompor po'cohuenña attoch atarr ayochreshattena ña; po'huamencote'nachña yorrtateñña po'cohuenña.

21 Ñehua, te'pa' o'ch na'p'to'tas: ¿Errofena't semnen ñeñĩča' atet neposes allemPOCH nečhap sesho? Ñato' o'ch necoñchatoses, ñato' o'ch soctape'cherr cohuen tayecma attoch esemPOCH nečhappa' amach eñalle attoch o'ch necoñchatoses. AllemPOCH ñato' ellochña čhach nemuerosa e'ñe cohuen.

5

Atto Pablopa' ama pocteye' entano atto puesheñarr corinto'marnesha' orrtatan ñeñĩ ama pocteyaye tarraña pamo'tsesha' ñapa' ama erroteye' oteñeto

1 Ñehua, te'pa' o'ch notas po'poñ. Tarro'mar atet otyenet, po'ñočh eñallo' sesho puesheñarr yacma ahuo' yorerran pachoretsoŋe'. Ñeñĩpa' nanac ochña'teñets atet, tarro'mar ama't ñeñĩ ama ame'ñetsopa' ama pocteye' entenetoña atet.

2 Tarraña sapa' čhocmo' cohuen senteñ ñeñĩ atet sepene. Eso'mare'tña ama čhoye'ña llecatenso. Tarro'mar ñeñĩ ochña'tets atetpa' amach allo'na senteñe attoch o'ch allo'na separrocmatnen epas.

3-4 Ama't napa' ama allo'tsenno parro, tarraña e'ñe neyerpueñoŋespa' allo'tseney parro. Ama't ama allo'tsennopa' napa' o'ch notas necartot

ñeñt pocte' nenten na, attecma ñerra'm allo'tseney parro. Napa' o' neñoche ñeñcha' atet sepe' ñeñt ochña'tets atet. O'ch notas ñeñcha' atet sepe': O'ch sap'cha allohuenes e'ñe same'ñeñoŋ Yepartseshar Jesús; napa'cho'ña e'ñe neyerpueñoŋespa' allo'tseneycha' parro. Allochñapa' e'ñe Yepartseshar Jesús po'huamencotpa'

⁵ O'ch sepoñ ñeñt yacmar o'ch sapuer oneñet attoch a'coñchatoñ po'chets. Allochñapa' puecamquëñpa' qeshperrach esempohuañencha' huerra Yepartseshar Jesús.

⁶ O'ch alla noterrser: Sapa' ama't sommo'chenañ atto e'ñe cohuenare' es sepeneñpa' tarraña ñeñtpa' ama pocteyaye, tarro'mar atfa e'ñe semnateñ acheñ o'ch allo'na ochña'tnen. Ama't señoŋeñe ñerra'm allo'na yemnatneñ o'ch ochña't ama't e'ñe puesheñarroŋapa' tsapaŋonetpa' o'ch pet allohuenet atet. Ñato' o'ch netma'ntacha atet: "Ñerra'm yena' coñe't chase' allempe yeyechcaten pan, ama't e'ñe coñe'ta yena'pa' o'ch epa'hua ora, attoch e'ñe rropa'ptatuan ora pan."

⁷ Ñeño'marña o' notas o'ch sa'ypo'ñerr ñeñt ahuaŋ soctapña ñeñt nanac sosey. Añcha'ña o'ch setserrataterr soctapña. Tarro'mar po'ñoche etserra o' yechcaterres Yompor. O'ch netma'ntacha atet pete't ahuaŋ allempe o'ch cherr pascuapo'chocmach huapore'tuet allohuen pan ñeñt a'chaset. O'ch yechcatet etserra pan ñeñt ama' a'chaseteyaye. Ñaña pascuapopa' chocmach muetsete't carrnerotoll, tarraña te'pa' Cristoña o' amtsareŋta yocop.

⁸ Ñaña ahuaŋ pascuapo añ coshatahuete't pan ñeñt ama' a'chaseteyaye tarraña te'pa' añcha'ña yocshaterre' attoch o'ch ya'ypo'ña huerr ñeñt ahuaŋ yocapña ñeñt allo yo'chña'tare'te't ñaña ñeñt nanac sosey Yomporecop. Añcha'ña o'ch yocŋape'cherr etserra ñeñt e'ñe cohuenare' cotapñats Yomporecop ñeñfara cotapñats ñeñt e'ñe po'ñoche cohuen.

⁹⁻¹⁰ Te'pa' o'ch notas po'poñ. Ahuaña po'poñ necartoŋpa' atet notuas: Amach seyemtatscho ñeñt cheta'yene' coyanesha' amach puetaporeyaye. Ñehua, allempe notas necartoŋpa' añecop noten ñeñt ame'ñetsa tarro'mar ñerra'm attera cheta'yenan coyanesha', amach seyemtatsche acheñ ñeñt atet petsa. Tarraña ama añecpaye' atet noteno ñeñt ama ame'ñetso ñeñt atet pet-sapa' amach seyemtatsche. Tarro'mar añe patsropa' chocmach yeyemcha ama't ñeñt ama ame'ñetso, atet ñerra'm ñeñt cheta'yene' coyanesha' ñeñt ama puetaporeyaye, ñaña atet ñerra'm ñeñt atarr es ye'chapretetsa, amapa' ñaña eñe, ñaña ñeñt ma'yochenaya ayeŋcateret. Ñerra'm ama yeyemtanelopa' amate' erroteno yocroña añe patsro.

¹¹ Añña notenes amach seyemtatsche ñeñt otets ame'ñenano' Cristo tarraña ñeñt attera cheta'yene' coyanesha' ñeñt ama puetaporeyaye, amapa' ñeñt attera es ye'chapretetsa, amapa' ñeñt attera ma'yochenaya ayeŋcateret, amapa' ñeñt attera sasare'tets, amapa' ñeñt attera posa'tarets, amapa' ñeñt attera etyets. Ñeñt atet pa'yetsapa' amach seyematstero, ñaña ama't attapa' amach serrallme'cherro epas.

¹² Ñehua, añecop atet o' notuas, tarro'mar yocoppa' ama pocteyaye o'ch yoteñe'cheñ ñeñt ama ame'ñetso. Yocoppa' añña e'ñe pocte' o'ch yoteñe'cheñ ñeñt pame'ñeñoŋet atterach es pantenet.

¹³ Yomporpa' ñachña otteñe'cherre' ñeñt ama ame'ñetso. Sapa' añña poctetsa socop sehuapore'ch ñeñt atterach sosya'tsañach orrtatyenet.

6

Atto ama pocteyaye o'ch yetmantanna'ta

1 Te'pa' o'ch noterserr po'poñ. Ñaña o' ne'mare'tas atto sapa' chocmo' setmantannena ñerra'm esempo errot sepannena, ñaña ama't ñeñfeso' pueyochresha' o' perrsoñ Parets. Eso'mare't chocma soteñña amcha'taret ñeñt ama ame'ñetso o'ch a'pocatonas ñeñt atto se'moñe'tannena. Socoppa' añña pocte' o'ch soch puesheñarr ñeñt e'ñe parrocmá same'ñena ñetcha'ña a'pocata'e' ñeñt atet sepannena.

2 Ama't seño'teñe ya ñeñtey o' pueyochresha' perrey Parets'pa' yach amcha'tarettertsa allohuen acheñenesahacop arr patsro esempohuañen. Ñehua, ñerra'm po'ño'ch yeñoteñ o'ch ya'micha'taretterra allohuen acheñenesahacop arr patsro esempohuañenpa' eso'mare'tña ama seño'teñe o'ch sa'pocata'ñoñets e'ñe sañeña ñeñt ama torrapahuoyaye.

3 Ñaña ama't seño'teñe esempohuañenpa' yach amcha'tarettertsa ama't Yompor po'mllaño'feññanesharecop. Ñeñfo'marña te'pa' notenes e'ñe pocte' o'ch ya'pocata'anna'ta ya yeñoñ ñeñt atet yeythena te' arr.

4 Ñerra'm esempo esocop setmantannenapa' eso'mare'tña o'ch sene' puesheñarr ñeñt ama cohuenaye' enteno ñeñt ame'ñetsa, ñach a'pocata'e' señoñ socop.

5 E'ñe nepencna'ntateño'fes sapa' ñeñfo'marña atet notenes: Seshopa' ¿ama'tña eñalleña ama't puesheñarra ñeñt ame'ñetsa ñeñt eñotene' o'ch a'pocata'ñoñets? Ñeñt eñotene'pa' e'ñe pocte' ñach a'pocata'ene' señoñ ñeñtes parro same'ñena.

6 Tarraña te'pa' ama atteye' sepeno. Chocmo' setmantannena ama't ñeñfeso' parro same'ñenañ. Sapa' ahuo'ch'cho' ahues tomantanna'tsa a'yo allo'tsen acheñ ñeñt ama ame'ñetso, ñapa' ahuo'ch'cho' a'pocatonas señoñ socop.

7 Tarraña ñeñtpa' ama pocteyaye ama't mamesha o'ch setmantannena. Tarro'mar ñerra'm chocma yetmantannenapa' ñeñtpa' ama añeye' yepeno atet muenen Yompor. Añña ñerra'm esempo errot ñonas po'psheñeñpa' eso'mare'tña amaña alla sa'huantannenoña ñeñt atto errot es sepanna'tyena. Ñaña ñerra'm esempo es puerrata'mpensetpa' eso'mare'tña amaña alla sa'huantananeto. Añ poctetsa o'ch alla ya'huantananet alla.

8 Tarraña sañapa' ama atteye'ña sepeno. Añña sapa' chocmo' errot sepannena, ñaña chocmo' es seprratam'psannena ama't e'ñe sagattsa ñeñtes ame'ñetsañ.

9 Ama't seño'teñeña ñeñt ama cohuen es petsopa' amach es o'paterroña all amcha'tarettena Yompor. Amach semnatatsche po'psheñeñ o'ch atta shecare'tas. Po'ño'ch atet notenes, ñeñt cañoresha'tetspa' amach es o'paterro all amcha'tarettena Yompor. Ñaña ñeñt po'yomporer pa'yene' aye'hcateretpa' ñetpa'cho'ña amach es o'patataretterretoña all amcha'tarettena Yompor, ñaña ama't ñeñt apretets taporets, ñaña yacmanesha' ñeñt agapannetsa e'ñe ñagattset.

10 Allotpa' ñaña ñeñt etyets ñaña ñeñt atarr es ye'chapretyetsa, ñaña ñeñt posa'tare'tyets, ñeñt atet pa'yetsapa' amach es o'patataretterreto all amcha'tarettena Yompor. Allotpa' ñaña ñeñt ach'mare'tets ñaña ñeñt puer-ratam'pesyets ñetpa'cho'ña amach es o'patataretterreto all amcha'tarettena Yompor.

11 Sapa'cho'ña puesheña'ttsos attecma sepe't sanña ahuaña. Tarraña te'pa' o' e'shohuaretterra so'chñar, attoña o' sa'cohuentataretterra Partsocop. E'ñe seyemteño'f Yepartseshar Jesucristo te'ña Pomporpa' o' pocte' enterres. Nãma e'ñe puechorreño'fes Yompor Puecamquëña' o' pocte' enterres Yompor.

Añ pocte' o'ch e'ñe yecuen cohuen yechets tarro'mar ñeññara yechetspa' po'chets peñ ñãma Cristo

12 Te'pa' o'ch noterrser po'poñ. Ñehua, napa' neñotenes puesheña'ttsospa' atet sotatse'tyen, "e'ño' pocte' ye'pa'yes ama't erra'tsente' yemnen." Ñehua, yapa' yeñoteñ Yompor po'ñoña' ama't ama atet otenyeñe amach es ye'pa'yesatsto, ñeñto'marña "e'ñe pocteñ allohuenpa' o'ch es ye'pa'yeneñ." Tarraña ama't e'ñe pocteñ o'ch atet es ye'pa'yeneñ allohuenpa' tarraña ñerra'm ñeññpa' ama añecpayaye alloch yeyenpueñ yamo'ts attoch e'ñe huomenc ye'pannena yeyo'cher Yomporecoppa' ñehua, ñeñte'pñapa' amach atet ye'patsto. Nãma ama't pocteñ allohuenpa' o'ch es ye'pa'yespa', tarraña ama pocteyaya o'ch nanac es yayoñatse'tyesa tarro'mar ñerra'm es nanac yayomenapa' ñeññaña pomnaren pene'ña yechets.

13 Nãma neñotenes puesheña'ttsospa' atet sotatse'tyen, e'ño' pocte' senteñ o'ch señmatat sechets e'ñe sa secañoresha'teño'f tarro'mar ñeñte'cpo' yechquënaña sechets o'ch atet se'pateñ. Ñeñto'marña atet setma'ntatenaña sechets ñerra'mrrate' allempo sachporrena'choch serra' serrar attochña e'ñe señmatat sat e'ñe ora sechtsohuen tarro'mar satpa' ñeñte'cpo' yechquëna. Tarraña te' napa' o'ch notas, ama't pocteñ o'ch yeñmatateneñ yat arr pat-sropa' 'chapcha' esempohuañen allempopa' o'huañcha' yemna' yat ñãma yerrar, tarro'mar atet ne' Yompor. Tarraña ama't pocteñ o'ch yeñmatateneñ yatpa' tarraña ama pocteyaye o'ch e'ñe yeñmataten yechets yecañoresha'teño'f tarro'mar ama añecpaye aye'chcatareteña yechets attoch yecañoresha'ten. Yechetspa' añecopña aye'chcataret attoch yetorra'yesa Yepartsesharecop. Nãma ñapa' ñach yecuanpene'ña yechets.

14 Ñeñto'mar Yomporpa' o' tantaterran Puechemer ñeññ Yepartseshar yepen ya. Ñeñto'marña yeñoteñ yapa'cho'ña esempohuañenpa' tantaterrnaya'cha' yanña yechets. E'ñe po'huamencotpa' tantatuerreycha'.

15 Ama't seño'teñeña e'ñe yeparrocmateño'f Cristopa' ñeññ ya yechetspa' po'ño'chpa' ñeññara po'chets pen ñãma Cristo. Ñeñto'marña notenes, atto ñeññ po'chets pen Cristo ñeññara ya yechetspa' eso'mare'tña e'ñe pocte' sentenña e'ñe ya yechtso'tpa' o'ch yecañoresha'tach Cristo. Amaca'ye pocteyaye o'ch yetsetach Cristo po'chets epuet yecañoresha'.

16 Ñehua, ama't seño'teñeña ñerra'm esempo yo'chña't epay ottatsña'ipa' epsheño'marey o'ch e'ñe yeparrocmatatach yechtso. Po'ño'ch atet enteney Yompor atet oteney po'ño'ño'f ñeññ anuaret ahuatoteñ, añmapa' ñeññ atet oten: "ñeññ epsheño'maretpa' e'ñech patrpa' po'chets penet."

17 Tarro'mar e'ñe yeparrocmateño'f Yepartsesharpa' epsheño'mareypa' e'ñech patrpa' yoctape'chen yeyo'chro ñeññ yecamquëñecop.

18 Ñeñto'marña notenes añ pocte' o'ch sa'ypo'ñer cañoresha'teñets. Po'poñe'chno ñeññ ye'pa'yen soseypa' ñeññpa' ama yechtsoye' ya'sosyateno. Tarraña añña cañoresha'teñetspa' ñeññpa' e'ñe ya yechets ya'sosyaten.

19 Ama't seño'teñeña ye'narpa' ñeññara pa'paquëll pen Parets Puecamquëñ ñeññ chorratenya Yompor. Ñeñto'mar yeñoteñ yechetspa' ama yoyaye, ñeññpa' Yomporo tarro'mar

²⁰ ñapa' ahuo't rañferrya. Atto rañferryapa' nanac mueroçhta Puechemer attoch tsa'tuerrnaya yo'chñar. Ñeñto'marña notenes, ama't atto yocrrena yechtso'tpa' Yomporepa'chña yecohuentaten e'ñe yecamquëño'huen tarro'mar ñeñt epo'marpa' Yomporo.

7

Atetcha' yeña ñerra'm yemneñ o'ch yesna'ta

¹ Te'pa' o'ch neserrpare'tatas ñeñt atet sa'p'to'ten ahuaña secartot. Ahuo't sa'p'to'ten pocte'te' o'ch yesna'ta. Ñehua, ñanom o'ch notas atet, e'ñe pocteñ amate' yeyoratsche coyanesha' ñeñt'cha' yetapor yeña'.

² Tarraña ellopa' añ pocte' ñaña allohueney yacmaneshay o'ch yeyore puesheñarr coyanesha' ñeñt'cha' yetapor yeña'. Coyanesha'pa'çho'ña pocte' ñaña echanepa' e'ñe ña puerrollar. O' notas atet tarro'mar ñerra'm ama çho seyoro puesheñarr ñeñt'cha' setapor seña'pa' attate' allo'na secañoresha'tnen.

³ E'ñe pocte' epas setaporpa' sagapanna'tepa'ch.

⁴ Tarro'mar coyanesha' ñeñt arrollaretpa' ama e'ñe ñapfayaye po'chets, ñeñt'pa' puerrollaro'nach. Ñaña yacmapa'çho'ña amach ñapfayaye po'chets, ñeñt'pa' puetaporo'nach.

⁵ E'ñe pocte' çhocmach sagapannena. Tarraña ñerra'm erroteno esempo pocte' senteñ epsheño'mares o'ch sa'p'octat ñoñets e'ñe sañeña amach sagapanna'terro allponmat attoch añach sema'yoçhra ma'yochatsa. Tarraña ñerra'm o' met allponmat allempo o' sa'p'octatuepa' pocte' o'ch alla sagapannerra. Tarro'mar ñerra'm ama ahuen sagapannerropa' çhate' oneñt'pa' topatas amate' sa'huanto.

⁶ Tarraña ama notenso ñeñt'ach paterr poctetsa o'ch yesna'ta, aña'p' atta notenes ñerra'm semneñ o'ch sesna'tepa' pocte' sena'tepa'.

⁷ Tarraña napa' e'ñe pocte' nenteñ ñerra'm allohuenes atteseñ ñerra'm na.* (Tarro'mar Yomporpa' ahuo't apuen attoch amach nemno coyanesha'.) Tarraña allohueneypa' ama attecmayaye. Tarro'mar Yomporpa' ahuo't apa'yese yellocma atetcha' yesherbe' e'ñe cohuen.

⁸ Ñaña o'ch notas, ñeñtes ama ataporetosopa' e'ñe pocteñ amate' sesna'tatsto. Ñaña ñeñtes rretorraneshaspa' e'ñe pocteñ ñaña amate' sesome'terro. E'ñe pocteñ o'te' socrañ e'ñe atta atet nepena na.

⁹ Tarraña ama't notensoñ atepa' ñerra'm ama erroteno sa'huantopa' e'ñe pocte' sesna'tepa'. Ama pocteyaye o'ch atta nanac yemneñ coyanesha'. Añña pocte' yesna'tepa'. Tarraña añña nanac cohuen ñaña amach yesna'to.

¹⁰ Te'pa' o'ch notas ñeñtes arrollaretes ñeñt'cha' atet seña. Ñehua, po'ñoçh ama naye' otetso, añña Yepartsesharña otets. Añ pocte' amach sesatstere serrollar.

¹¹ Tarraña ñerra'm eseshas serre' serrollarpa' añ pocte' amach sesome'tatstero ello, amapa' o'ch alla samo'tstera serrollareshe'mañ. Ñaña o'ch notas samña ñeñtes ataporetos, amach sesatstere setapor.

¹² Te'pa' o'ch notas ñeñt atet pocte' nenten na. Ama't Yepartsesharpa' ama otenñe ñeñt poctetsa añecop, tarraña napa' o'ch neñotatas ñeñt pocte' nenten na. Ñerra'm puesheñarr yacma ñeñt o' ame'ñerra ñeñt atapore'tañ, tarraña ñerra'm puetaporpa' ama ame'ñeno, añ pocte' amach satsterrano puetapor ñerra'm puetaporpa' ama mueno o'ch ahuer.

* 7:7 Ñehua, Pablopa' ama eñalle puetapor.

13 Attecma ñaña puesheñarr coyanesha' ñeñt o' ame'ñerra ñeñt arrolare'tañ, tarraña ñerra'm puerrollarpa' ama ame'ñeno, añña pocte' amach satsterrano puerrollar ñerra'm puerrollarpa' ama mueno o'ch ser.

14 Tarro'mar ñerra'm puetaporpa' ame'ñena, çhocma eñall attoch o'ch ame'ñatana puerrollar. Attecma ñaña ñerra'm puesheñarr yacma ñeñt ame'ñetsa, çhocma eñall attoch ame'ñatana ñaña puetapor. Ñaña ñerra'm sesannenapa' ñato' sechemereshapa' amach es eñoterro Partsocop. Tarraña ñerra'm ama sesannerropa' sacñefarnesha' ñapa' o'ch so'patacha ñaña Parets.

15 Tarraña ñerra'm puesheñarr yacma ñeñt ama ame'ñetso, ñerra'm mueneñ o'ch serran puetapor ñeñt ame'ñetsa, ñehua, pocte' serepa'. Tarro'mar puetapor ñeñt ame'ñetsapa' ama es palltetto puerrollarecop. Ñaña Yomporpa' ama mueno ellopa' o'ch allo'na ye'moñe'tanna'tnena yerrollarecop. Attecma ñerra'm puesheñarr coyanesha' ñeñt ama ame'ñetso, ñerra'm mueneñ o'ch serran puerrollar ñeñt ame'ñetsa, ñehua, pocte' serepa'.

16 Atet notenes sesannerrepa' tarro'mar ñeñtes arrollaretespa' po'ñoçpa' amach erroteno señoche ñato' sa'qeshpachcha' serrollar, ñato' amate'. Ñaña ñeñtes ataporetespa' amach erroteno señoche ñato' sa'qeshpachcha' setapor, ñato' amate'.

17 Ñeñto'mar te'pa' o'ch noterrser, erroteno'tseneste' ama't allempo errote' same'ñera Yepartsesharpa' atterasepa'ch. Ñaña atet muenatyeney Yomporpa' atepa'ch yepena puesheña'ttsoy. Ñeñtpa' attecmaç neyçhatyes ama't ñaña ora allohuen ñeñt pame'ñeñotet apçha'yetsa allemeñ anetso'mar.

18 Atet ñaña ñerra'm puesheñarr yacma allempo errote' ame'ñerrtset, ñerra'm allempopa' o' atorraretetuet atet yeche't judionesha'pa' te'pa' ama pallteno o'ch a' huañerran all tsorret ahuat. Attecma ñaña po'psheñ allempo errote' ame'ñerrtset, ñerra'm ñetpa' ama atorrareteto, te'pa' ama pallteno o'ch atorraretet atet yeçhena judionesha'.

19 Ama't ya'tsorrarettatstapa' ñeñtpa' ama es sherbeno. Ñaña ama't ama ya'tsorrarettatstapa' ñeñtpa'çho'ña ama es sherbeno. Añña nanac sherbets o'ch yepa ñeñt atet oteneç Yompor.

20 Ñeñtpa' o'ch alla noterrser, añ pocte', ama't erroteno'tseneste' allempo errote' same'ñerrapa' atterasepa'ch.

21 Ama't allempo errote' pame'ñerra, ama't añepte' ñeñt ataruasataret e'ñe atpapa' e'ñe pocte', amach pellcatsto. Atterach petaruasen peparonarecop, tarraña ñerra'm errotent o'ch pa'rroyaterra petaronareshotpa' e'ñeç pocte' a'rroyrpetepa' allot taruasatenpet e'ñe atfa.

22 Ñato' o'ch netma'ntacha atet: Eñall puesheñarr yacma ñeñt ataruasataret e'ñe atfa, tarraña o'çhap allempo agapan Yepartseshar ñeñtcha' Pamo'mte' perr. Allempopa' ama't attera taruasateñeñ ñeñt po'patronar pen arr pat-sopa' tarraña te'ña Cristopa' a'rroyatamper po'chñar ñeñt nanac taruasataye't ahuaña. Te'pa' añcha'ña taruasaterre' Cristo ñeñt Yepartseshar yepen. Ñaña eñall puesheñarr yacma ñeñtñapa' cohueno'tsen ñeñt ama ataruasatareteyaye. Ñapa'çho'ña o'çhap allempoch aguerran Yepartseshar Cristo ñeñtcha' Pamo'mte' perr. Te'ña Pamo'mte' Cristopa' ñachña taruasaterre' e'ñe cohuen ñeñt ahuaña'pa' ama ataruasataret e'ñe atfa.

23 Cristopa' o' rañterrya. Atto rañterryapa' nanac mueroçta attoch tsa'tuerrnaya yo'chñar. Ñeñto'marña notenes, amach acheña ñapuef samo'mte' sepatsto, añña e'ñe po'ñoçh Yamo'mte' yepen Cristo.

24 Ñeñto'marña masheñneshacha' ñaña nochaneshacha' o'ch noterrser alla, ama't erroteno'tseneste' allempo errte' same'ñera Cristopa' pocte' atterasepa'ch. Tarraña Yomporepa'chña seyempue'.

25 Te'pa' o'ch noterrser po'poñ. Añpa' ñeñt atet sa'pto'ten ahuaña ñato' pocto'te' ahuo'ch some'ta ñeñt shopsheshare'. Ñehua, napa' o'ch notas, Yepartsesharpa' ama otenyeñe ñeñtcha' atet yepe' shopshesharecop, tarraña napa' o'ch neñotatas ñeñt pocte' nenten e'ñe na, tarro'mar Yepartseshar puemuereno'pa' ahuo't eñotañ pa'n attoch sapa' seyemuetna.

26 Ñehua, ñanompa' o'ch notas: Ama't te'pa' chocma huennaya shonte' esocmañen ñeñt echarr yentyen ñeñto'marña pocte' nenteñ amate' sesome'to, ñaña amate' sesna'to. Añña poctetsa attate' yocrra.

27 Tarraña ñerra'm o' seyore coyanesha'pa' e'ñe pocte'; te'pa' amach sesastere. Atteña ñerra'm ama seyoreña' coyanesha'pa' pocte' ñaña; te'pa' amach seyoratsche.

28 Tarraña ñerra'm esempo semne' o'ch sesna'tapa' e'ñe pocte'. Ñaña ñerra'm esempo coyanesha'pa' mueneñ o'ch some'ta, ñeñtpa'cho'ña e'ñe pocte', tarro'mar ñeñtpa' ama ochña'teñtsoyaye Yomporecop. Tarraña ñerra'm yacmapa' o'ch sena'ta, ñaña ñerra'm coyanesha'pa' o'ch some'ta ñaña, allempopa' o'ch echan shonte' ñeñtcha' llecatyese' attoch corret arr patsro. Ñeñto'marña notenes amach sesna'tatsto, coyanesha'pa'cho'ña amach some'tatsto, tarro'mar napa' ama nemno o'ch sechen shonte' ñeñtcha' sellcatyene'.

29 Ñeñto'marña masheñneshacha' ñaña nochaneshacha' nemneñ o'ch alla noterrser. Te'pa' ama atonaye' pallteno char attoch yetorrena Yomporecop. Ñeñto'marña o'ch notas ñeñfes o' setapore't, ama't o' setapore'tpa' añña poctetsa e'ñe tayoteñ amach patrra sellcatsto ñeñt setaporecpa. Añcpa'nachña setorrena Yomporecop.

30 Ñaña ñerra'm esempo huaponasa llequëñetspa' amach ñeñto'a yequechpatsterro atto yetorrena Yomporecop. Ñaña ama't esempo es nanac yocshatene'pa' amach ñeñto'a yepsatstere Yompor. Ñaña ñerra'm esempo yapa' esocmañen yechenpa' tarraña amach ñeñto'a yepsatstere Yompor.

31 Ñaña ñerra'm esempo es ye'pa'yen ñeñt pats'o'marecpapa' amach e'ñe ñeñfa yocshatsto ñeñt patso'marecpa. Tarro'mar ñeñt atet yeythen añ patso'marpa' ñeñtpa' huañerrcha' esempo.

32 Ñeñto'marña notenes añechno, tarro'mar nemneñ sapa' amach eñalletatsto po'poñ ñeñtcha' nanac sellcate'. Atet pena yacma ñeñt ama ataporetepa' añach e'ñe llequëna ñeñt Yomporecop. E'ñech ma'yo'chrenana attoch coshatenan Yepartseshar.

33 Tarraña yacmaña ñeñt ataporetpa' añach e'ñe llequëna ñeñt atto yocrra añe patsro. Ñaña añach ma'yo'chrena attoch coshatenan puetapor.

34 Ñeñto'marña amach errotenot patrra ma'yo'chreno ñeñt Yomporecop. Attecma pena ñaña coyanesha' ñeñt ama arrollarete. Añach ma'yo'chrena ñeñt Yomporecop. E'ñe po'chtsohuenpa' mueneñcha' o'ch a'rroya Partsocop. Ñaña ama't ora poctapñohuenpa' o'ch ma'yo'chrena Partsocop. Tarraña coyanesha' ñeñt arrollaretpa' añach lleca ñeñt atto yocrra añe patsro, ñaña añach lleca attoch coshatañ puerrollar.

35 Ñeñt notenespa' ama añecpayaye attoch o'ch nompata's amach sesna'tatsto. Añecopña atet notenes attoch napa' neyenpas, attoch chocma cohuenare' es sorrtyaten. Ñaña chocmach socsheñsha'pa' o'ch sema'yo'chrena Yomporecop, amach eñalletatsto ñeñt'cha' sepatene'.

36 Te'pa' o'ch noterrser po'poñ: Ñerra'm eseshas echene' seseñ ñeñt o' po'natuena, ñaña ñerra'm pocte' senteñ o'ch some'tapa' ñehua, pocte' some'tapa'. E'ñe pocte' o'ch semnach some'tepa' tarro'mar ñeñt'pa' ama ochña'teñtsoyaye Yomporecop.

37 Tarraña ñerra'm erra'tsenotespa' sechen seseñ, ñaña ñerra'm ama semno o'ch some'ta, ñaña ñerra'm seseñpa' e'ñe pocte' enteñ amach some'tatstopa' ñehua, pocte' ñaña amach sesome'tatatsche. Ñerra'm po'ño'ch seño'teñ seyo'chro aña' e'ñe pocte' atet, ñehua, amach sesome'tatatsche. Elloña ñeñt'pa' nanac cohuen.

38 Ñeño'marña te'pa' o' notas: Ñerra'm erra'tsenotes muenate' seseñ o'ch some'tapa' ñeñt'pa' pocte'. Tarraña ñerra'm erra'tsenotes ama some'tataye seseñpa' elloña ñeñt'pa' nanac cohuen.

39 Te'pa' o'ch noterrser po'poñ. Ama't esempapa' ama pocteyaye coyane-sha'pa' o'ch serran puerrollar. Ama't errponmatcha' correna puerrollarpa' amach satstere. Tarraña ñerra'm esempo rroma puerrollar, allempopa' e'ñe pocte' o'ch some'terra ello, tarraña ñerra'm erra'tsencha' muenerr ñeñt'cha' yorerre' ñeñt'pa' ame'ñenach ñaña.

40 Tarraña ama't o' notuaseñ e'ñe pocte' o'ch some'terra rretornaneshá', elloña napa' noctape'cheñ ñerra'm o'ch some'terra, ñato' allempopa' cosh-errañcha' mame'. Tarraña ñerra'm amach some'terro, napa' noctape'cheñ ñato' allempopa' ellochña nanaccha' cosherra ñapueñ. Napa' noten Yompor Puecamquëño't neñoten atet.

8

Arrpa' all cotape'chatan corinto'marnesha' añecop ñeñt amtsaret aye'chcataretecop

1 Te'pa' o'ch neserrpare'tatas po'poñ ñeñt atet sa'p'to'tenen ahuaña, ñeñt'pa' atet sotenen: Ñeñt'ame'ñenaya Cristopa' ñato' ¿pocto'te' o'ch serra' po'chets ñeñt muetsenet aye'chcataretecop? Napa' neñotenes puesheña'ttsospa' so'tyen sapa' seño'teno' ñeñt cohuentetsa Yomporecop. Ñehua, po'ño'ch al-lohueneypa' yeño'teñ ñeñt cohuentetsa Yomporecop. Tarraña ñerra'm esempo yoten: "Napa' e'ñe neñotuen ñeñt cohuentetsa Yomporecop", ñerra'm e'ñe yommo'cheño'ta yotenpa' ñeñt'pa' e'ñech orrena atet yoten. Yommo'cheño't'pa' amach choye' yeyenpanno attoch huomenc ye'pa' yeyo'ther Yomporecop. Yemorrentanna'teño't'pa' chochña yeyenpanna'ta.

2 Tarro'mar ñerra'm esempopa' chach yotenapañ o'te' e'ñe es yeñotua poctacma, tarraña yeño'teñ po'ño'chpa' chocma yepalltena o'ch e'ñe yeñotua poctacma ñeñt cohuentetsa.

3 Tarraña e'ñe yemorrenteño't Yomporpa' ñapa' eñoteney yapa'tho'ña yeño'teñ ñeñt cohuentetsa ñocop.

4 Te'pa' o' notuas atet te'ñapa' o'ch neserrpare'tatas ñeñt cohuentetsa Yomporecop. Ñeñt'ame'ñenaya Cristopa' pocte'te' o'ch yerren po'chets ñeñt amtsaret aye'chcataretecop, ñato' amate' pocteyaye. Ñehua, yeño'teñ ñeñt

ayeĥcataret ñeñt toma'ntatenet ñetpa' po'ñoĥpa' ama eñalle Yompör ñeñt atet. Yapa' yeñoteñ Yomporpa' e'ñe patrra.

5 Po'ñoĥpa' ñetpa' pa'namen po'yomporer pa'yenet ama't atet ñerra'm ñeñt ento'tsa'yen, ñaña ama't ñeñt añe patsro'tsa'yen. Ñetpa' pa'namen po'yomporer pa'yenet, ñaña pa'namen po'partseshar pa'yenet.

6 Tarraña ya yocoppa' yeñoteñ Yompör Apapa' e'ñe patrra, ñeñt Yompör ñeñt yeĥcatue' allohuen ñeñt yentyen, ñaña yapa' ahuo't yeĥcatey e'ñe ñocop. Ñaña yeñoteñ Yepartsesharpa' e'ñe patrra ñeñfara Jesucristo ñeñt yeĥcate' allohuen ñeñt yentyen. Te' yapa'ĥo'ña apueney atto yocrena.

7 Tarraña acheñenesha'pa' ama allohuenacmaye' yoctape'chueno atet. Ñeñto'marña puesheña'tetspa' ahuatoteñ yeĥchete't o'ch nenet es po'chets ayeĥcatarefecop. Ñeñto'marña ñerra'm esempo rrenet ñeñt po'chets ñeñt muetsenet ayeĥcatarefecoppa' e'ñech atta rreñet po'tomña. E'ñe po'tomña'pa' otenet ñato' ama pocteyaye o'ch yerren po'chets ñeñt nenet ayeĥcatarefecop. Ñetpa' atta enteñet ama arrapahuoyaye ñeñt Yomporecop. Tarro'mar ama ĥenaneto pueyoĥro atto ñeñt e'ñe poctetsa Yomporecop.

8 Ñehua, yapa' yeñoteñ ñeñt yerrenpa' ama añecpayaye attoch e'ñe cohuen entey Yompör. Ama't yerreñ, ñaña ama't ama yerreñe ñehua, e'ñe atecma enteney Yompör.

9 Tarraña e'ñech seña: E'ñech acopa es sepa'y'es. Ama't yapa' yeñoteñ Yomporpa' e'ñe pocte' enteñeñ o'ch yerren po'chets ñeñt anaret ayeĥcatarefecoppa' tarraña ñato' yerreñoñ añeĥnopa' ĥate' alla ya'puerratatuer ñeñt ama tama huomenc penaye pueyoĥer Yomporecop.

10 Tarro'mar ñato' sapa' atette' sepene. Ñato' o'ch ahuenes puerahuo allo'tsen ayeĥcataret, allña'pa' ñato' o'ĥĥo' serros po'chets ñeñt amtsaret ayeĥcatarefecop. Ñaña ñato' sapa' e'ñech socsheñesha' serreñ tarro'mar sapa' señaoteñ ñeñtpa' ama esoye' enteñe Yompör. Tarraña ñato' e'ñe allempoña serreña'pa' ñato' o'ch entas po'psheñeñ ñeñt parro same'ñena. Tarraña ñapa' ñato' ama pocteye' enteñe o'ch yerren po'chets ñeñt amtsaret ayeĥcatarefecop. Ñato' o'ch peye'chateña ñaña pemo'nasheñ o'ch rreñ ñaña ñato' ama't ñapa' ama pocteye' enteñe.

11 Tarraña ñerra'm ñapa' o'ch rrenan po'chets ñeñt anaret ayeĥcatarefecoppa' ñapa' o'ch enteñ atetpa' ochña'teñets Yomporecop. Atteña'pa' ñato' o'ch alla puesuerran Yompör. Ñeñto'marña notenes, ñato' e'ñe yeñoteñoñ ñeñt cohuentetsa Yomporecoppa' o'te' ya'ĥencatach yemo'nasheñ ñeñfecop Jesús'pa' rroma ñaña.

12 Ñerra'm esempo atet yeĥapa' ĥate' yeyora yo'ĥñar yemo'nasheñecop tarro'mar o' yeye'chatera o'ch perra ñeñt ama pocteye' enteno ña. Ñehua, ñerra'm esempo yeyora yo'ĥñar yemo'nasheñecoppa' e'ñe ñoĥpa' o'ch yo'ĥña't ñaña Cristocop.

13 Ñeñto'marña te'pa' o'ch notas atet, ñerra'm esempo yerren po'chets ñeñt anaret ayeĥcatarefecop, ñerra'm yerreño'pa' ñato' ya'puerratater yemo'nasheña'pa' e'ñe pocteñ amach yerratsto ñeñt po'chets. Ñeñto'marña napa' ama't esempapa' amach nerratsto ñeñt po'chets te'ta' neyoren no'ĥñar nemo'nasheñecop atotcha' na'puerratater.

9

Atto e'ñe poctēñ ñeññ torretsa Yomporecoppa' o'ch es yesherbeñ

¹ Te'pa' o'ch ñeñotatas po'poñ ñeññ atet nepena na. Napa' e'ñe poctēñ o'ch ne'pa'yēs e'ñe erra'tsencha' nemnen na tarro'mar sapa' señotenen atto napa' ama eñalle ñeññ neyechare'tenaya na, tarro'mar napa' allsensareten Yomporeshot. Ñaña señotenen napa' o' orrternana Yepartseshar Jesús, ñaña señotenen ña ahuamencat nepene' tarro'mar e'ñe na netorreñoñ ñocop attoña same'ñerra samña.

² Nehua, ama't po'potantañpa' otyenetañ napa' amo' allsensareteyayno tarraña sapa' señotenen po'ño'ch napa' allsensaretenca'ye tarro'mar napa' ñeññen same'ñaterraya samña. Atto sapa' e'ñe cohuen same'ñera Yompor, attoña señotateñña allohuen po'ño'ch napa' Yomporeshot allsensareten. Ñeñño'marña e'ñe poctēñ o'ch ne'pa'yēs e'ñe erra'tsencha' nemnen na ñeññen allsensareten, tarraña ñeññpa' ama atteye' nepeno tarro'mar napa' ama nemno e'ñe atet nepeñoñ o'ch nepatare't cohuen ñoñets alloch Cristopa' a'qeshpaterres.

³ Ñeñño'marña te'pa' o'ch notas ñeññcha' atet nanapanet ñerra'm esempo a'p'to'tare'tnet, pocto'te' ñeññ atet ne'pa'yena.

⁴ Po'ño'chpa' e'ñe poctēñ nocop o'ch serratallme'chennoñ allempo neserppare'tatenes. Ñaña poctēñ sapa' o'ch sapnoñ ñeññcha' norryen.

⁵ Ñaña nocop e'ñe poctēñ ñerra'm eñalleñ netapor o'ch nanemñ ñeññ parro yame'ñena all nechopeñe'chyen. Atet pena po'potantañ allsensaretnesha', ñaña atet pena Yepartseshar pa'mo'nasheñnesha', ñaña ñeññ atet pena Pedro.

⁶ Ñaña sapa' ñato' chate' soten e'ñe poctē' e'ñe epsheño'marey epan masheñ Bernabé yaptach yetaruasen attoch yechen ñeññcha' yerren. Po'ño'chpa' po'potantañe'chno ñeññ torra'yetsa Yomporecoppa' ñetñapa' ar-ratarettenet e'ñe atta.

⁷ Po'ño'chpa' ñeññ atet pena solltarnesha'pa' ñetpa' e'ñe atta aparettenet ñeññ palltenet, amach es tsa'teneto. Ñaña atet pena ñeññ nare'tene' narmets. Ñetpa' e'ñe puenare'teño'pa' chocmach tsomueññañet puenaremñ pue'mer. Ñaña atet pena ñeññ po'taruas pene' o'ch cohuanpenan carrnero ñaña cabra. Ñetñapa' chocmach orreññañet pueмомos.

⁸ Sapa' chate' sotenapañ ñeññ atet notenes, ñeññpa' e'ñe'e' nañeña noctapñoñ atet notyenes ñeññ atet yoctape'chyen ya allohueney ñeññey arromñatey. Tarraña ñeññpa' amaca'ye atteyaye tarro'mar ñeññpa' ñeññara ñoñets ñeññ atet anaret ahuatoteñ.

⁹ Tarro'mar Moisés po'ñoñ ñeññ atet anuaret ahuatoteñ, ñeññpa' atet oten: "Ñerra'm esempo satmama'tateñ huaquesh attoch es serrocllome'chach pa'tcot allempopa' amach sempanma'tatsche attoch ñapa'cho' rranepañña ñeññ serrocllome'chateñ." Nehua, yapa' yeñoteñ Yomporpa' ama e'ñe ñap'te'cpa huacshecop eñose'te.

¹⁰ Po'ño'chpa' yocpa'ñaña eñose't ñeññey torra'yetsa ñocop. Tarro'mar e'ñe pueморrenteñotey yapa' Yomporpa' e'ñe poctē' enteñ arratareteycha' yamñ all yetorra'yena ñocop. O'ch netma'ntacha atet: Ñerra'm cho yetamuena' chocmach yeyemtena ñeññcha' yenare't all, o'ch choppa' ñeññcha'ña yetso-muerr. Ñaña ñerra'm cho es yerrocllome'chenpa' chocmach yeyemtena ñeññ yerrocllome'chen, tarro'mar yapa' yeñoteñ chocmach apuerryet allpon.

11 Ñehua, o'ch alla netma'ntatererr po'poñ. Allempo yeserrpare'tatenes Yompor po'ñoñ ñeñtpa' attecma ñerra'm cho yenare'ten narmets pue'llomer sesho. Ñeñt atet nare'teñetspa' sherben attoch e'ñe yocrra Yomporecop. Ñehua, ñerra'm yapa' o' yeñotatas ñeñt sherbets errponohuañen yecamquëñecoppa' ama'tña pocte' senteñeña sapa' o'ch sapuenyeyñ ama't coñe'ta ñeñt yepalltena alloch yocrra añe patsro.

12 Po'ñoçhpa' po'potantañeçhno ñeñt seserrpare'tatene', ñetpa' enamuenset o'ch sapanet ñeñt alloch correnet. Ñehua, ñeñtpa' e'ñe pocte'. Atto ñetpa' es enamuensetpa' elloña yocoppa'cho'ña e'ñe pocte' o'ch es yemas yama.

Tarraña ama't e'ñe pocteñ o'ch es yenamaseñpa' po'ñoçhpa' ama't coñe'ta ama es yeamuenso. Chocma ya'huanteñ ñeñt echarr yenten yocop. Ama't e'ñe pocteñ o'ch es yeamuensaspa' tarraña amaña es yeamuenso tarro'mar ñerra'm ama pocteye' señchepa' yeñoteñ amate' se'mñoto Yompor po'ñoñ ñeñt atet yeserrpare'tatenes. Yapa' ama yemno o'ch yepatare't cohuen ñoñets alloch Cristopa' a'qushpaterres.

13 Elloña sapa' señoteñ ñeñt torretsa Parets pa'paclopa' e'ñe allara Parets pa'paclopa' chocmach entenet puerrar. Ñaña añ cornesha' ñeñt muetsene' huaquësh amapa' carrnero Yomporecoppa' ñetpa'cho'ña e'ñe allotpa' rrenet ñeñt amsaret Yomporecop.

14 Attecma ñaña Yepartsesharpa' nan po'ñoñ. Ñeñtpa' atet ot: Ñeñt serppare'tene' cohuen ñoñets alloch sequeshpapa' e'ñe pocte' pueserrpare'teñoñ ñeñt e'mñotene'pa' pocte' o'ch apueñet ñeñt palltena alloch corra.

15 Ñehua, ama't e'ñe pocteñ o'ch sapuenñoñ ñeñt nepalltenapa' tarraña napa' ama't ahuatapa' ama es notase'te o'ch es sapuen. Ama't te'pa' ama ñeñtecpaye' nequellquënnaso atet. Tarro'mar ama nemno o'ch huañ atto neserrpare'tatenes e'ñe atta. E'ñeçhña nocsheñesha' neserrpare'tatenes e'ñe atta. Ñerra'm o'ch huañ atto neserrpare'tatenes e'ñe attapa' añate' pocte' nenten o'ch nerroma. Tarro'mar napa' ama nemno ama't eseshapa' o'ch puerratamñsenña ñeñt allo e'ñe nocshena.

16 Ñaña e'ñe neserrpare'teñoñ cohuen ñoñets napa' amate' errotenot e'ñe atta nommo'cho, tarro'mar napa' e'ñe atet eyechareten. Ñerra'm ama atet neçopa' napa' nanacte' llequëntso'tsenen.

17 Ñerra'm e'ñe na nemneññoña neserrpare'teneñpa' ñehua, pocteñ o'ch tsa'tenna Yompor attoch coshaterren. Tarraña ñerra'm atet ötenen Yomporpa' ñeñtpa' ama nañeña nemneññoñe'ye' neserrpare'teno. Po'ñoçhpa' allsensareten ñeñfo'marña neserrpare'taterña acheñenesha'.

18 Ñeñt ellonet apuenen Yompor ñeñtcha' atarr nocshate' na, ñeñtpa' attot neserrpare'tatenes cohuen ñoñets e'ñe atta. Ama't e'ñe pocteñ o'ch setsa'tnapa' tarraña napa' ama nemñoña atet.

19 Ñaña ama't ama eñalle puesheñarr ñeñtcha' neyechayapa' po'ñoçhpa' añña nanac netorratenaya allochuen acheñenesha' tarro'mar na atet muenets. Ñaña tarro'mar netorrena ñocpuet attoch name'ñacha shonte' acheñenesha'.

20 Ñaña allempo allo'tsenen parro epan namo'tsesha' judionesha'pa' napa' o'ch nepena atet yeçhenet ñet. Allochñapa' ñetpa' o'ch e'mñoternnet; e'ñe pue'mñoteñoñetpa' ñato'rraña o'ch name'ñatera namo'tsesha' judionesha'. Ñerra'm esempo allo'tsenen parro epan ñeñt cotene' Moisés po'ñoñ ñeñt atet anaretpa' napa' ama'tcha' ama nocteno ñeñt atet cotape'chenet ñetpa'

tarraña napa' amach nachmäre'taneto ñeñĩ atet penet ñet, allochñapa' ñato' attotpa' o'ch name'ñatanet ñamet.

21 Ñaña ñerra'm allempo allo'tsenen parro epan ñeñĩ ama cotape'chenaye ñoñets ñeñĩ atet anaret Partsocop, napa'cho'ña o'ch nepena atet ñerra'mrrate' ama nocteno ñoñets ñeñĩ atet anaret Partsocop. Ñehua, po'ño'chpa' nocteneña ñeñĩ ñoñets ñeñĩ atet anaret Partsocop tarro'mar añcha'ña e'ñe nocten Cristo po'ñoñ. Atetcha' nepeña ñeñĩ ama es cotape'chetso Partsocop allochñapa' attotcha' name'ñaterranet ñamet Cristo ama't ñeñĩ ama es cotape'cheno Partsocop ama't mamesha.

22 Ñaña ñerra'm esempo allo'tsenen parro epan ñeñĩ ama huomenc penaye pueyo'cher Yomporecoppa' napa'cho'ña o'ch nepena atet ñerra'mrrate' ama huomencayaye ñaña neyo'cher Yomporecop, allochñapa' attoch noctape'chach cohuen ñeñĩ ama huomenc penaye pueyo'cher Yomporecop. Ñaña ama't erra'tsena acheñ erroten'cho' cotape'chenpa' napa'cho'ña allempo allo'tsenen parro epan atetcha' nepena ñaña atet pocté' entenet ñet, allochñapa' attoch ama't errotenette' attochña na'queshpätterrancha' ama't patanta'ttsa.

23 Atetcha' nepena attoch name'ñatanet ñerra'm esempo neserpare'tatanet cohuen ñoñets atto Cristopa' ñach ya'queshpäterre'. Attoch napa'cho'ña e'ñe name'ñeñoñ Cristopa' nocshapretancha' ñerra'm ame'ñeret ñamet Cristo.

24 Te'pa' o'ch noterrerr po'poñ, ñato' o'ch netma'ntacha atet. Ñehua, po'ño'ch sapa' seño'teñ ñerra'm esempo o'ch eño'chet esesha'te' nanac matetsapa' shonte'ch acheñ matatsa. Allohuenetpa' mueneñetcha' o'ch meshe'tuet po'poñe'chno acheñ attoch ganet premio. Tarraña ama'tcha' shonte' matatsapa' eñallachña puesheñarr ñeñĩcha' ganatanuaya allohuen ñeñĩ parro mata'cha'tet. Ñeñĩto'marña te'pa' añ poctetsa o'ch yetorrena yaña e'ñe cohuen Yomporecop attoch yegana ñeñĩ o'patatenya ña.

25 Ñaña yeño'teñ allohuen ñeñĩ po'taruas pene' johueñetspa' ñetpa' o'ch pohuanmuet ora ñeñĩ atet poctetsa attoch echet po'huamenc esheccha' ganet. Ñeñĩto'marña ñetpa' o'ch que'chpa'huet ñeñĩ ayoram'psañ yehuamenc. Ñeñĩtpa' añecop atet penet attoch ganet premio atet ñerra'm copa.* Ñehua, ñeñĩ atet penet ñet attoch ganet copa, ama't ñeñĩ copapa' ahuañaña, ñeñĩepñapa' yapa' o'ch yetorra yaña Yomporecop attoch yegana ñeñĩ o'patatenya ñeñĩ ama ahuañaño.

26 Atet pena ñeñĩ matetsapa' e'ñech pa'charr matena. Ñehua, napa'cho'ña e'ñech pa'rra nema'yo'chra Yomporecop. Atet ñaña ñerra'm esempo ye'chotna'tena, ñerra'm atta ya'ñtapechpa' amach errotenot yegano. Ñeñĩepñapa' napa' amach atta na'mtapechatsto ñeñĩ Yomporecop.

27 Chochña neunat ñañeña nechets. E'ñe nach taruasate' nechets Yomporecop. Atetcha' ne'pa tarro'mar ama't na serrpare'tate' po'psheñe'chnopa' ñato'rraña ellopa' te't alla ahua'pore'tareten ñañeña tarro'mar ama netsotoñe ñeñĩ muenen Yompor.

10

Arrpa' all yerpatanet ñeñĩ atet pätse'tyese't ahuat israelena'tarnesha'

* 9:25 Po'ño'ch añpa' oten choyo'mets tarro'mar ñeñĩ po'premio pete't ahuat.

1 Ñeñto'mar te'pa' masheñneshacha' ñaña no'chaneshacha' o'ch noterr serr po'poñ. Nemneñ o'ch neñotatas ñeñt atet pe't ahuat yatañneshañ. Allempo chopeñe'chyesete't amaretarero'marpa' añ anmahuete't os ñeñt cohuanpsatanete't Yompor e'ñe allohuenet. Ñaña Yomporpa' ellopa'tetstatan sa'p attoña orrtatanet toñ allcha' e'ñe cohuen oñmuet patso. Attoña metanuet sa'p ñeñt otenet Sa'p Tsasasen.

2 Ñaña ahuo' na'nmet Moisés ñeñt'cha' pa'm'cha'tareter pet. Ñaña e'ñe pame'ñeñofet Moisés allohuenetpa' ahuo't a'natenanet os. Ñato' o'ch netma'ntacha atet, ñetpa' allohuenet apatarettet oñof ñaña osot e'ñe pueyemteñofet Moisés.

3 Ñaña allohuenet Paretpa' apanete't puerrar ñeñt rrete't allohuenet ñeñt mueñanete't entot.

4 Ñaña allohuenetpa' chocmo' apanete't Parets ñeñt orrete't allohuenet. Tarro'mar ahuat allempo potanet oñ e'ñe mapuetot allot orretpa' ñeñtña mapue'pa' toma'ntenana Cristo ñeñt Partotets ñaña. Po'ño'ch Cristo ñeñt onahuete't ñaña ñeñt'ara ñapa' ña co'a'nmahuete't.

5 Ama't Yomporpa' nanaco' a'natanetañe'tpa' tarraña ñapa' amo' pocteye' entane'te atto ñetpa' atpare'tyesete't. Ñeñto'marña ahuo' a'cllatuanet e'ñe alla amarato. Puesheña'ttso' pocte' ente't Yompor ñeñt e'ñe cohuen cotape'chyeset'e't.

6 Ñaña ñeñt atet patse't ñeñt ama pocteyayepa' añ ye'chateney yaña amach yeye' chapretatsto yaña atet.

7 Ñaña amach yeyomporer yepatsche ñeñt aye'chcataret ñeñt ma'yochyesete't ñet patanta'tets. Yapa' yeñoteñ añecop atet pete't, tarro'mar atet anuaret Yompor po'ñoñ, ñeñt'pa' atet oten: "Acheñenesha'pa' o' anorr'cha'tet, o'ña anorr'cha'tuetpa' o' rrallme'chapretet. Allotpa' orryeset ñaña. Allempoña o' rrallme'chapretuetpa' o' fantrra'terret o'cho' alla coshame'tamperret pueyechcatar."

8 Ñaña ama pocteyaye o'ch yecañoresha'ten atet pete't ñet patanta'tets. Ñeñto'marña shonte' acheñenesha' colla'huatsa allempo, e'ñe vientitrés mil acheñenesha' rromats e'ñe pamtarrocma.

9 Ñaña ama pocteyaye e'ñe po'tomñapa' o'ch ya'llocchame'ch Yompor. Ñeñt atet pe't patanta'tets acheñenesha'pa' ñeñto'maro'ña shonte' acheñenesha' ñeñt a'chanatyes shecheppa' e'ñe colla'huet.

10 Ñaña ama pocteyaye o'ch yefanmare'cha Yompor. Ñeñt atet pe't ñaña patanta'tets acheñenesha'pa' ñeñto'maro'ña amñare'ttet ñeñt amtsañpa' o' a'cllatuanet.

11 Tarro'mar ñetpa' atet huapyesanete't pa'namen allochña yapa'cho'ña o'ch yeñoch yaña ama pocteyaye o'ch atet ye'pa yaña. Ñeñto'marña ama't ahuatpa' atet quellquét atet pete't allempo, ñeñt'pa' e'ñe yocpa'naña ñeñt'ey te'pa'cho'ña huaponayach allempoch mellapoterra. Añpa' ñeñt atet ye'chateney yaña amach ye'patsto atet pete't ñet.

12 Ñeñto'marña te'pa' o'ch notas, e'ñech seño'ta. Amach sota'psa'tatsto, napa' amach nepo ñeñt atet pete't ahuat. Tarro'mar ñerra'm esempo yot atetpa' ñato'rraña machayota alla atet yeperra yaña ñeñt ama pocteyaye.

13 Tarro'mar allohueneypa' chocmach huaponaya topateñets, ñeñt'ara topateñets ñeñt ye'chenoya allohueney ñeñt'ey arromña'tey. Tarraña Yomporpa' chocmach yeyomcha tarro'mar ñapa' ama muenatenye o'ch

topatey attoch metanonay yehuamenc. Tarraña ñerra'm esempoch çhaponaya topateñetspa' ñapa' çhocmach orrtatonay attoch ya'huante' attoch amach metanonaye yehuamenc.

14 Ñeñto'marña masheñfeshacha' ñaña noçhaneshacha' notenes, e'ñe pocte' o'ch sa'ypo'ña'huerr ñeñt ayeçcatareteçhno ñeñt po'yomporer penet ñet.

15 Sapa' señoTueñ ñeñt cohuentetsa Yomporecop. Ñeñto'marña o'ch notas, çama't pocte' senteñe ñeñt o' notuas?

16 Ñeñto'marña allempo yorreññañ ñeñt toma'ntenaya Cristo po'rراس ñeñt atet anaret Yomporecoppa', çhoch ñanom yema'yochamïpesya attoch yeparasyoso'ch Yompor. Allempo yorreñ allohueneypa' e'ñech yeyemteñoç Cristo ñeñt rromats yocop po'ñoçhpa' o'ch yeparrocmatua allohueney ama't ñaña Cristo. Ñaña attecmach yepena ñerra'm esempo yerren pan ñeñt toma'ntenaya Cristo po'chets. Allempo yeshota'ten pan, o'ch yerreñ parro allohueneypa' e'ñech yeyemteñoç Cristo ñeñt a'rroye' po'chets yocop po'ñoçh allempopa' e'ñe yeparrocmatuen allohueney ama't ñaña Cristo.

17 Ñaña ama'tcha' shonteypa' e'ñech patrra pan yeshota't ñeñtcha' yerra'yes ama't allohueney. Ñeñto'marña yeñoteñ ama't shonteypa' e'ñe yeparrocmateñoç Cristopa' e'ñe patrra enteney allohueney, ñaña ñeñtara e'ñech po'chets penyey.

18 Ñehua, o'ch yoctape'ch ñaña ñeñt atet pe't israelena'tarnesha'. Ñetpa' o'ch muetset huaquesh amapa' carrnero Yomporecop. Allotñapa' o'ch rrenet ñeñt puecha'yetsa. Allempo rreñetpa' po'ñoçh e'ñech pueyemteñoçet Yomporpa' o'ch parrocmatet epuet Parets.

19-20 Ñehua, po'ñoçhpa' ama notenso ñerra'm esempo serren po'chets ñeñt amtsaret ayeçcataretecoppa' o'ch separrocmat epas, tarro'mar ama't toma'ntateñetañ Paretspa' ama Partsoyaye. Añña notenes ñerra'm esempo ñeñt ama ame'ñenayo Cristopa' o'ch es muetset ayeçcataretecop, tarraña po'ñoçhpa' añeçpa muetseñet oneñefecop, ama añeçpaye' muetseñeto Yomporecop. Ñeñto'marña napa' notenes ñato' amach serratsche tarro'mar ama nemno e'ñe serreñoçpa' te't separrocmaten epas oneñet.

21 Po'ñoçhpa' amate' errotenot yeparrocmatoña epay Yepartseshar Cristo ñerra'm çha yeparrocmaten epay oneñet. Ñeñto'marña notenes amate' errotenot e'ñe yeyemteñoç Cristopa' o'ch yorr ñeñt ñocop, ñaña ñerra'm añña yetsoten ñeñt oneñefecop. Ñaña amate' erroteno yerroña parro ñeñt anaret Yepartsesharecop, ñaña ñerra'm añña yetsoten ñeñt oneñefecop.

22 Ñerra'm atet yeçapa' çhate' ya'llocchame'ch Yompor ñaña e'ñe puempa'teñoçeypa' çhate' ya'tsrre'mach. Chate' yotta ñerra'm yapa' nanac ahuamencatey, ñaña' amate' ahuamencateye' yenteñe.

Atto ama't e'ñe pocteñ o'ch es yeça'yeseñpa' tarraña amach yeçatsto

23 Ñeñto'mar te'pa' o'ch alla noterrser, e'ñe pocteñ o'ch yerreneñ po'chets ñeñt amtsaret ayeçcataretecop, tarro'mar Yompor po'ñoçhpa' ama otenñe amach yeçatsto atet. Tarraña ama't eñalleñ pa'namen ñeñt e'ñe pocteñ o'ch yeçapa' tarraña ñerra'm ñeñt'pa' ama añeçpayaye alloch huomenc yeça' yeyoçher Yomporecoppa' ñehua, ñeñteñ'pa' amach atet yeçatsto. Ama't eñalleñ pa'namen ñeñt e'ñe pocteñ o'ch yeçapa' tarraña ñerra'm ñeñt'pa' ama añeçpayaye alloch yeyenpue' po'psheñt attoch huomenc pan pueyoçher Yomporecoppa' ñehua, ñeñteñ'pa' amach atet yeçatsto.

24 Añcha ña o'ch yepena attoch yeyenpue' yamo'ts attoch o'ch huomenc pet pueyo'cher. Amachña aña yellcatsto ñeñt e'ñe yocpa.

25 Ñaña o'ch notas ñeñt'cha' atet sepa: Ñerra'm esempo seta allecma vendenet po'chetspa' amach sa'pto'tatsche ñeñt vendets, amach sotatsche atet: "Añ po'chetspa' ¿añe't ñeñt amtsaret aye'chcataretecop?" Amach sa'pto'tatsto allochñapa' esheccha' serre' e'ñe cohuen.

26 E'ñe pocte' o'ch yerren ama't erra'tsen'te' po'chets tarro'mar allohuen es yentyen arr patsro ñeñt'pa' Yomporo pueye'chcatuar. Ñaña ama't ora patspa' e'ñe ñocma.

27 Te'pa' o'ch notas po'poñ ñeñt'cha' atet sepa. Ñerra'm esempo ñeñt ama ame'ñenaye Cristopa' o'ch hua'ñas o'ch serrallme'chapreteña' ñaña ñerra'm sapa' sesechapa', e'ñe pocte' o'ch ahues ñaña o'ch serra' ama't erra'tsencha' po'chets apaset. Po'tomña amach sotatsto atet: "Ta', ¿pocte'te' o'ch yerren añ po'chets? Nato' ñeñfara añ po'chets ñeñt'e' amtsaret aye'chcataretecop."

28-29 Tarraña o'ch notas po'poñonef: Ñerra'm allo'tsen puesheñar ñeñt ama pocteye' entenaye o'ch yerren po'chets ñeñt amtsaret aye'chcataretecoppa' ñerra'm ñapa' o'ch otas: "Añ po'chetspa' ñeñt amtsaret aye'chcataretecop", ñehua, allempopa' añ pocte' amach serratsche. Amach yerratsche tarro'mar añ pocte' amach ye'patsto ñeñt ama pocteye' enteno po'psheñeñ, ñato' ama't yapa' e'ñe pocte' yenteñeñ o'ch yerre'.

Ñehua, ñato' sapa' o'ch sot: "Ta', ¿eso'marte' pocte' yapa' o'ch ye'pa ñeñt atet pocte' enten po'psheñeñ? ¿Eso'marte'ña ama pocteyaye o'ch ye'pa ñeñt atet pocte' yenten ya?"

30 Ñaña ñato' o'ch sot atet: "Ñerra'm po'ño'ch neparasyoso'teño'pa' nerren nerrarpa' ¿eso'marte'ña otenet ama pocteyaye o'ch nerra' ñeñt o' neparasyoso'tam'pesua?"

31 Ñeño'mar te'pa' o'ch notas: Ama't erra'tsena es ye'pa'yenpa' añ pocte' o'ch yorrtena e'ñe cohuen, attoch acheñenesha' o'ch aye'cho'chtateññañet ñamet Yompor. Ama't allempo es yerra'yen, ñaña ama't allempo es yor-ryenpa' añ pocte' o'ch yorrtaten e'ñe cohuen Yomporocop.

32 Añ pocte' amach ye'patsto ñeñt ama pocteye' enteno judionesha'. Ñaña añ pocte' amach ye'patsto ñeñt ama pocteye' enteno ñeñt ama judioneshayaye. Ñaña amach ye'patsto ñeñt ama pocteye' enteno allohuen acheñenesha' ñeñt ame'ñenaya Yompor. Tarro'mar ñerra'm atet ye'pa ñeñt ama pocteye' entenetopa' 'chate' ya'psatateranet Yompor.

33 Ñeño'marña napa' ama't erra'tsena ne'pa'yenpa' añña nemneñ o'ch nocshach allohuen acheñ ñeñt atet pocte' entenet ñet. Tarro'mar napa' ama ne'nen ñeñt e'ñe nocpa, añña ne'nen ñeñt sherbets allohuen acheñenesha'cop. Tarro'marña napa' 'chocma ne'nen atet, allochñapa' attoch na'q'eshpaterranet.

11

1 Ñeño'marña napa' notenes: Atet sentenen ñeñt atet nepena napa' ñeñt'pa' e'ñe pocte' ñeñt'cha' atet sepa sam'a, tarro'mar napa' añ nepena ñeñt atet pena ñaña Cristo.

Ñeñt poctetsa ñeñt'cha' atet pa coyanesha'chno allempo yap'chena Parets pa'pacillo

2 Te'pa' o'ch masheñeshacha' ñaña nothanesacha' notas po'poñ. Napa' e'ñe pocte' nentenes atto sapa' ama sepseno ñeñt' atet ney'chatuanmas ñeñcha' atet sepa, ñaña atto chocma seyerpueña.

3 Te'ña añmapa' ñeñt' nemneñ o'ch seño ch samta, atto ya allohueney ñeñfey asheñorreypa' añ pomnaren yepene' Cristo. Añña coyanesha'pa' añ pomnaren penahuet puerrollar. Cristoñapa' añ pomnaren pene' Pompor.

4 Ñeñto'marña yoten ama pocteyaye ya ñeñfey asheñorreypa' o'ch yeca'matamō'ta allempo yema'yochena, amapa' allempo ya'poteññañ Yompor po'ñoñ. Tarro'mar ñerra'm esempo yeca'matamō'tenapa' chach yottena ñerra'mrrate' po'psheñña' acheñ pomnaren yepene', amach añeye' pomnaren yepenaye Cristo. Atteñapa' o'ch cha yepencna'ntach Cristo ñeñt' po'ño ch pomnaren yepene'.

5 Yapa' añña yoten coyanesha'pa' e'ñe pocte' o'ch ca'matamō'ta ñerra'm esempo ma'yochena, amapa' ñerra'm allempo a'potenan Yompor po'ñoñ. Tarro'mar ñerra'm ama ca'matamō'topa' chach ottena ñerra'mrrate' ama puerrollareye' pomnaren penaye. Ñeñto'marña yapa' atarrcha' pencna'ntatene y poñ tarro'mar ama choye' ca'matamō'teno. Ñerra'm ama ca'matamō'topa' añ poctetsa penquēpa' tarro'mar cha ottena atette'ña ñerra'm ashopena'taret.

6 Atteña ñerra'm coyanesha' ama mueno o'ch ca'matamō'tapa' ñehua, ama'tpa' shopena'tatepa'. Attochña ñerra'm o'ch cha pencana atto shopena'tenapa' ñehua, ama'tpa' ca'matamō'tepa'. Ñaña ñerra'm puetsormō'tateño'tpa' o'ch pencapa' ñehua, ama'tpa' ca'matamō'tepa' ñaña.

7 Yocopña ama pocteyaye ñeñfey asheñorreypa' o'ch yeca'matamō'ta, allempo yeserrpare'ten Yompor pa'paclo tarro'mar ya Yomporpa' puetma'ntaterey ña, ñaña yapa' chocma po'cohuenña peney. Tarraña coyanesha'pa' aña po'cohuenña pene' puerrollar.

8 Ñehua, tarro'mar ahuat Yomporpa' asheñorro'f yechcatan coyanesha'. Asheñorrrpa' ama coyaneshoteye' yechcache.

9 Ñaña yeñoteñ asheñorrrpa' ama añecpaye' yechcache coyaneshapoc. Añecopña yechcatan coyanesha' attoch o'ch yenpa'y ya ñeñfey asheñorrey.

10 Ñeñto'marña añ pocte' coyanesha'pa' o'ch ca'matamō'tena attoch ama't Yompor po'mllaño'feññanesharpa' o'ch eñochet añ po'ño ch pomnaren pene' puerrollar.

11 Tarraña e'ñe yame'ñeñof Yepartsesharpa' añ pocte' ya ñeñfey asheñorreypa' o'ch yeyenpueñ yañña coyanesha'. Coyanesha'pa'cho'ña pocte' o'ch yenpueñey ya ñeñfey asheñorrey.

12 Ñeñto'marña yeñoteñ ahuat Yomporpa' asheñorro'f yechcatan coyanesha'. Ñaña e'ñe allempoteñ ama't ya ñeñfey asheñorreypa' ahuo't eñalletatene y coyanesha'. Tarraña po'ño ch'pa' yeñoteñ ñeñtpa' e'ñe Yomporeshotecma huena.

13 Ñehua, o'ch na'pto'tas: Ñeñt' atet sey'chena sa ¿ama't pocteye' senteñeña coyanesha'pa' o'ch ma'yochenana Yompor ñerra'm ama ca'matamō'teno?

14 Ñeñt' atet sey'chena yapa' ñeñtpa' añ yeñotatene' ñerra'm ya ñeñfey asheñorreypa' esempo atesha'ta yechpa' o'ch pencatene y.

15 Tarraña ñerra'm coyanesha'ña atesha'tatsa pue'chpa' e'ñech cohuen entapreteñ allohuen acheñenesha'. Ñaña ñerra'm ateshet pue'chpa' ñeñtpa' alloch ca'matamō'tenet, tarro'mar ñetpa' atet yechcatanet Yompor.

16 Ñehua, ñerra'm eseshas ama pocteye' entaye ñeñt atet o' notuaspa' ñehua, pocte' o'ch alla noterrser; tarro'mar ñeñt atet o' notuaspa' ñeñtpa' atetcha' sepa tarro'mar ama eñalle po'poñ ñeñt pocte' yenten. Ama't ñaña allohuen ñeñt pame'ñeñoŕet Yompor ñeñt apcha'yetsapa' ñetpa'cho'ña pocte' enteñet ñeñt atet o' notuas.

Añpa' ñeñt ama aq̄apahuo allempo yorren ñeñt toma'ntenaya Cristo po'rras

17-18 Te'pa' o'ch notas po'poñ ñeñtcha' atet sepa allempocma sap̄chena. Tarraña ñanompa' o'ch notas, ama pocteye' nentenso ñeñt atet sepena te' allempocma sap̄chena. Tarro'mar ñeñt atet sepenapa' ama añecpayaye attoch seyepannena e'ñe cohuen, elloña ñeñtpa' cha epatenes. Tarro'mar napa' o' ne'mare'tas ñeñt atet sepena. Ñerra'm esempo sap̄chena e'ñe same'ñeñoŕpa' amo'ch patrraye' soctape'cheno. Elloña sapa' atto'ch nanac es sotnare'tannena. Ñeño'marña napa' noten ñato' po'ñochte' atet sepena.

19 Po'ñoŕ ñeñtey ame'ñetsapa' chocmach eñall ñeñtcha' ama pačharroye' ame'ñatso, ñeño'marña ya allempopa' o'ch yeñoŕ ñeñt e'ñe pačharr cotape'chets, ñaña o'ch yeñoŕ ñeñtcha' ama pačharroye' cotape'chatso.

20 Ñaña ñerra'm esempo sap̄chenapa' e'ñe seyerpueñoŕ Yepartsesharpa' ahuo'ch serrallme'chen, tarraña po'ñoŕpa' ama Yepartsesharecpaye' serrallme'cheno.

21 Tarro'mar puesheña'tets e'ñe pa'chporrñoŕetpa' ahuo'chcho' rrenet ñanmacma, amo'chña parrocma' serrallme'cheno. Ñeño'marña ñato' puesheña'tetspa' ahuo'ch atta nanac cheporrena, ñato' po'psheñeñapa' ahuo'ch cha posa'tyes.

22 Ñeñt atet sepenapa' ama pocteyaye tarro'mar sapa' sechenca'yeña sepaquëll allcha' serren ñaña allcha' es sorryen. Eso'mare'tña amaña añcha'na'tpahuoye' senteññañeña Yompor pa'paquëll. Allñapa' o'ch atta sepencateñ ñaña ñeñt ama es echetso. Te'ña po'ñoŕ napa' o'ch notas, amaca'ye nocshapretensoña sa ñeñt atet sepena.

Atet pa Jesús allempo ñanom toma'ntatana po'rras orrpapo'

(Mt. 26.26-29; Mr. 14.22-25; Lc. 22.14-20)

23 Añmapa' ñeñtña atet yečhatnerrey Yepartseshar ñeñtcha' attoch yeyerpueña. Ñeñtara ñoñets sapa' o' neñotatuas ahuañacma. Ñeñtpa' atet oten: Ñeñte tsaprocma allempo Judaspa' pomuerran Yepartseshar Jesús, ñañapa' chetan pan. Chetan panpa'

24 parasyoso'tam̄pes allotñapa' shota'chpa' atet otanet: "Añmapa' ñeñt toma'ntenaya nechets ñeñtcha' atserrp̄arettertsa socop. Añmapa' ñeñtcha' atet sepa. Ñerra'm esempo serren pan atetpa' e'ñech seyerpueñoŕen napa' o'ch serre'."

25 Allempoña o' rrohuetpa' attecma pa' o' chetan ñaña orramets allocma orrete'ŕpa' atet otanet: "Añ ñeñtcha' sorrpa' ñeñt toma'ntenaya nerras ñeñtcha' etserra anaret allochñapa' attoch ap̄retna'huaretterra so'chñar. Añmapa' ñeñtcha' atet sepa: Ñerra'm esempoch sorren ñeñt toma'ntenaya nerraspa' e'ñech seyerpueñoŕen napa' sorreñcha'." Añpa' allohua ñeñt atet otnerrey Yepartseshar.

26 Ñeño'marña te'pa' ñerra'm esempo yerren añ pan, ñaña yorren añ orrpapo'pa' chocmach yeñotach acheñenesha' atto rroma Yepartseshar yocop. Ñeñtpa' e'ñech tayoteñ atet ye'pa tarrempohuach esempohuañencha' huerra.

Añpa' ñeñicha' atet yepa allempo yorren ñeñi toma'ntenaya Cristo po'rras

²⁷ Tarraña ñerra'm yapa' ama yeyerpueño'te'ye' e'ñe ña yerreno pan, ñaña o'ch yorr ñeñi toma'ntatana Yepartseshar po'rraspa' yapa' chate' yeyora yo'chñar e'ñe ya'llocchame'teño'f Yepartseshar po'chets ñaña po'rras.

²⁸ Ñeñto'marña te'pa' o'ch notas, amach sorreña'pa' o'ch soctape'ch ñanom, o'ch seño'ta sañeña ñeñi atet o' se'pohua.

²⁹ Tarraña ñerra'm atta ama es yep'cheno rre', ama yoc'tape'cho ñanom ñeñi toma'ntatana Yepartseshar po'chetspa' ñerra'm atta yerre' ñaña atta yor'pa' e'ñe yerreño'f ñaña yorreño'tpa' atsa'tatarete'ycha'.

³⁰ Ñeñto'marña seshopa' shonte' acheñenesha' ñeñi ama a'ñshe'mtetso, ñaña po'potantañpa' cha atsna'tyeset, po'potantaññapa' o' rromayeset.

³¹ Tarraña ñerra'm cho ñanom yoc'tape'ch e'ñe cohuen, o'ch yeño'ta yañeña ñanomp'a' allempoña po'ño'chpa' amach atsa'tatarete'ye.

³² Tarraña ñeñicha' atet tsa'tatya te' Yomporpa' ñeñi'pa' añecop attoch cotape'chaterrey e'ñe cohuen attoch esempohuañenpa' amach a'coñchatarefeye epay ñeñi ama ame'ñetso arr patsro.

³³ Ñeñto'marña masheñeshacha' ñaña no'chaneshacha' te'pa' o'ch noterrerr: Ñerra'm esempo sap'cha allohuenes o'ch serra' ñeñi anaret Yepartsesharecoppa' añ pocte' choch ñanom secuanna'ta attoch o'ch serreñ e'ñe parrocoma.

³⁴ Tarraña ñerra'm eseshas cheporratsapa' e'ñe pocte' o'ch serrerra' sepaclo. Tarro'mar ama pocteyaye e'ñe sap'cheño'pa' o'ch secoñchatanna'ta. Ñaña po'poñe'chno ñeñi palltetsapa' allach neserrpare'tatoses ñerra'm esempoch nechap sesho.

12

Atto Parets Puecamquëñpa' apa'yeney po'poñe'ttsocma attoch yetorra'yesa Yomporecop

¹ Te'pa' masheñeshacha' ñaña no'chaneshacha' o'ch yeserrpare't ñaña atto Parets Puecamquëñpa' ñach ahua'mencat yepa'yese' attoch yetorra'yesa po'poñe'ttsocma Yomporecop. Tarro'mar napa' nemneñ o'ch seño'ch ñeñi e'ñe atet pennay Parets Puecamquëñ.

² Ama't sapa' seño'teñ ahuañmo'cha allempo ama same'ñerra'pa' atta sema'yochatse'tyese't ayech'catare'techno. Ñaña aye'ch'catare'technopa' ama't ama eño'renopa' atta nanac ame'ñatasete't, ama't all seta'yese't.

³ Tarraña ñerra'm machaya esesha' eño'ratsa, napa' nemneñ cho'chña e'ñe seño'ch ñato' po'ño'chte' añ eño'ratene' Parets Puecamquëñ, ñato' amate'. Ñeñto'marña o'ch neño'tatas atet attoch sapa' seño'ch: Ñerra'm esesha' achm'are'tene' Jesús'pa' ñeñiña sapa' o'ch seño'ch ama añe'ye' eño'ratenaye Yompor Puecamquëñ. Tarraña ñerra'm esesha'ña otets: "Jesús'pa' ñeñi po'ño'ch Yepartseshar yepen", ñeñiña po'ño'chpa' o'ch seño'ch añ eño'ratene' Parets Puecamquëñ.

⁴ Ñaña Yomporpa' ama't e'ñe pa'rra Puecamquëñpa' tarraña ñapa' o'ch ahua'mencat pa'yese'y attoch yetorra'yesa e'ñe po'poñe'ttsocma Yomporecop.

⁵ Ama'tcha' po'poñe'ttsocma yetorra'yesañpa' tarraña ñeñi'arach paterr Yepartseshar yesher'ba'huen allohueny.

⁶ Ñaña ama't eñalleñ po'poñe'ttsocma atto ahua'mencat pohueney allohueny tarraña e'ñe pa'rra Yompor ñeñi ahua'mencat yepene' allohueny.

7 Ñaña allohueney Parets Puecamquëñpa' ahuo't apa'yeseý attoch yorrtayesoñ Yompor po'huamenc. Ñeñtpa' añecop aparetey attoch yeyenpanna'ta alloch huomenc yepa'yese yeyo'cher Yomporecop.

8 Atet ñerra'm ñato' puesheñarr Parets Puecamquëñtpa' o'ch ap attoch e'ñe eñotan ñeñt cohuentetsa Yomporecop, attoch ñapa' o'ch cotape'chatan pamo'tsesha'. Ñato' po'psheñeñ añ Parets Puecamquëñpa' o'ch nanac chapatoñ pueyo'chro ñeñt cohuentetsa Yomporecop, attoch ñapa'cho'ña o'ch yenpan pamo'tsesha'. Tarraña ñeñfara Parets Puecamquëñ ñeñña eñotatenahuet.

9 Ñato' po'psheñeñpa' nanaccha' yemtenana Yompor. Ñeñfara Parets Puecamquëñpa' o'ch ap attoch yemcha nanac. Ñato' po'psheñeñpa' o'ch ap po'huamenc attoch a'crratyasan atснаñe'fethno. Tarraña ñeñfara Parets Puecamquëñ ñeñña apuene' attoch a'crratyese.

10 Ñato' po'psheñeñpa' o'ch ap attoch orrtatyasan Yompor po'partsoña. Ñato' po'psheñeñpa' nanaccha' cohuen a'potan Yompor po'ñoñ. Ñato' po'psheñeñpa' o'ch eñotyasan pa'namen cotapñats, attoch ñapa' o'ch eñoch errotte' huena ñeñt cotapñats, ñato' Parets Puecamquëño' amapa' oneñe'fate' pocta'ña. Ñato' po'psheñeñpa' Parets Puecamquëñcha' eñotatene' eñosysets po'poñ ñoñtso. Amapa' ñato' po'psheñeñpa' o'ch a'mtan ñoñets atet eñenet po'poñ ñoñtso.

11 Tarraña allohueneypa' e'ñe patrra Parets Puecamquëñ ñeñtcha' yeñotatene' ñeñfara ñeñtcha' yapa'yese' puesheña'tsoy erra'tsencha' muena' ña attoch yetorra'yesa pa'namen ñocop.

Ama't e'ñe po'poñe'ttsocma yetorra'yena Yomporecoppa' tarraña ñapa' e'ñe attecma cohuen enteney

12 Ñato' o'ch netma'ntacha ñeñt atet ye'chquëna yechets. Ñehua, allemeñ yechetspa' ama'tcha' ellopa'tetstenañpa' tarraña allohuenpa' e'ñe patrra yechtsot. Attecma yepena yanña allohueney ñeñfey ame'ña'yenaya Cristo. Ama't shonteyeñ po'poñe'ttsocmaypa' tarraña e'ñe yame'ñeño' Cristopa' o'ch yeparrocmatuahua allohueney.

13 Tarro'mar allempo o'yapataretetuapa' Parets Puecamquëñpa' o'ch parrocmatatuer allohueney. Ama't ñaña po'poñe'ttsocmay a'cheñey atet ñerra'm patanta'tsoypa' judioneshay, ñato' po'potantañpa' amach judioneshayaye. Tarraña allohueney e'ñe puechorreño'fey Parets Puecamquëñpa' e'ñe allempoteñpa' o'ch yeparrocmatua allohueney. Ama't ñaña a'cheñ ñeñt ataruasataret e'ñe atta ñeñt ama esoye' enteñeto ñaña a'cheñ ñeñt e'ñe cohueno'tsen. Tarraña e'ñe puechorreño'fey Parets Puecamquëñ ñeñt e'ñe patrrapa' e'ñe allempoteñpa' o'ch yeparrocmatua allohueney.

14 O'ch alla netma'ntatererr ñeñt atet ye'chquëna yechets. Ñehua, atet ñerra'm allemeñ yechetspa' ama patrraye' ye'chquëtsa, shonte'ca'ye ye'chquëtsa. Tarraña ama't shonte' ye'chquëñañ yechetspa' e'ñe patrra yechets ottetsa. Attecma yepena yanña allohueney ñeñfey ame'ña'yenaya Cristo. Ama't shonteyeñ po'poñe'ttsocmaypa' tarraña e'ñe yame'ñeño' Cristopa' o'ch yeparrocmatuahua.

15 Ñehua, o'ch netma'ntatererr po'poñ: Ñato' atet ñerra'm yetacpa' o'ch ot: "Napa' ama es nesherbeno atet sherben otats, ñeñto'marña ama pocteye' nenteñe o'ch neparrocmat epan ye'nar." Tarraña ama't atet oteneñ yetacpa' ñeñtpa' ama atteyaye, çhocma parrocmaten.

16 Amapa' ñato' atet ñerra'm yetpa' o'ch ot: "Napa' ama es nesherbena atet sherben quëllo'yets ñeñto'marña napa' ama pocteye' nenteñe o'ch neparrocmat epan ye'nar." Tarraña ama't atet oteneñ yetpa' ñeñtpa' ama atteyaye, ñocma parrocmaten ñañña.

17 Ñerra'm yechetspa' e'ñe yeclloyochayapa' amate' erroteno ye'mueno. Ñaña ñerra'm yechetspa' e'ñe yetochayapa' amate' erroteno es yemosyeno.

18 Tarraña po'ñoçhpa' ama atteye' yeçhcatye Yompor. Ñapa' ahuo't ne' attoch yeçhca'yesa allemeñ yechets ñeñt atet pocte' ent ña. Ñeñto'marña yeñoteñ ama't errotencho' yetorra'yesa Yomporecop puesheña'tsoypa' ñeñtpa' ñocma sherba'yen.

19 Po'ñoçhpa' ñerra'm yechetspa' aña yeçhcatsa paterr atet ñerra'm e'ñe yeclloyochayapa' amate' errotenot orrtoña e'ñe cohuen ora yechets.

20 Tarraña po'ñoçhpa' ama atteye' ayeçhcatareteye. Añña ñocma eñalletesa allemeñ yechets. Tarraña ama't ellopa'tetstenañpa' e'ñe patrã yechets ottetsa. Ñeñtpa' attecma yepena yaña allohueny ñeñtey ame'ña'yenaya Cristo. Ama't po'poñe'tsocma yetorra'yesa Yomporecoppa' tarraña e'ñe yame'ñeñoñ Cristopa' o'ch yeparrocmatuahua allohueny.

21 Ñato' o'ch netma'ntatererr po'poñ: Atet ñerra'm yeclle'pa' ama pocteyaye o'ch otan yot: "Napa' ama nepallteno ñeñt atet pesherben pa." Ñaña yoñpa' ama pocteyaye o'ch otan yetac: "Napa' ama nepallteno ñeñt atet pesherben pa."

22 Ñeñto'marña ama pocteyaye o'ch yoctape'chyes atet, tarro'mar ora allohuen yechetspa' e'ñe sherba'huen. Ñato' yapa' çhach yotenapañ ñato' erra'tsen yechetspa' amate' es sherbeno. Tarraña ñato' ñeñtara yechetspa' ello metana'tuenan atto sherben po'poñeçhno yechets. Attecma yepena yaña allohueny ñeñtey ame'ña'yenaya Cristo. Ñato' yapa' çhach yotenapañ ñato' erra'tsen acheñpa' amate' es sherbeno. Tarraña ñato' ñeñña acheñpa' ello metana'tuenan atto sherben po'poñeçhno acheñ.

23 Ñaña ñerra'm erra'tsen yechets ama tama cohuenaye' yentenopa' ñato' o'ch yehorrataña e'ñe cohuen attoch ellopa' o'ch yorrta nanac cohuen. Ñaña ñato' erra'tsen yechets ñeñt yepencatene'pa' ñato' o'ch ya'nach e'ñe cohuen.

24 Tarraña ñeñt e'ñe cohuen yechetspa' amach yemno o'ch ya'nach, añña çhochña yorrtañe. Atet yeçhcatonay Yompor yechets attoch ama't ñeñt ama tama cohuenaye' yentenopa' o'ch yañño'teñ e'ñe cohuen attoch ellopa' o'ch orrta nanac cohuen.

25 Allempoña allemeñ yechetspa' o'ch parrocmatet e'ñe cohuen, ñaña allempopa' o'ch e'ñe cohuen yenpannet.

26 Ñeñto'marña ñerra'm esempo paterr yechetspa' atserrtena allohuen yechetspa'çho' o'ch atsotapretannenet. Ñaña ñerra'm paterr yechetspa' o'ch orrta e'ñe cohuen allohuen yechetspa'çho' o'ch coshapretannenet. Attecma yepena yaña ñeñtey ame'ña'yenaya Cristo. E'ñe yeparrocmatanna'teñoñ ñerra'm puesheñarr yamo'ts çha llequëna ñeñt parro yame'ñenapa' allohueny ñeñtey ame'ñetsapa' o'ch yellcapretannena. Amapa' ñerra'm puesheñarroyepa' nanac yocshenapa' allohueneypa'çho'ña o'ch yocshapretannena.

27 Ñehua, añ yechets ñeñt o' notuapa' añ toma'tena ya allohueny ñeñtey o' yame'ñera, Cristopa' o' enterrey atet ñerra'm e'ñe ña po'çhtsoy, tarro'mar o'

yeparrocmat epay Cristo. Ñaña ama't shonteyen e'ñe po'poñe'ttsocmaypa' tarraña e'ñe yeparrocmateño'pa' o' atet yeperra atet ñerra'm Cristo po'chtsoy.

²⁸ Ñaña allohueney e'ñe yame'ñeño'f Yomporpa' e'ñe po'poñe'ttsocma yetorra'yena Yomporecop. Tarro'mar Yomporpa' atto na'yesonay pa'namen attoch yetorra'yesa ñocop. Ñanompa' ahuo't nan puesheña'tets allsensaretnesha'. Allotpa' ahuo't nan po'poñe'chno ñeñ'cha' a'pote' po'ñoñ. Allotpa' ahuo't nan ñaña po'potantañ ñeñ'cha' ye'chatenahuet Yompor po'ñoñ. Allotpa' ahuo't nan po'potantañ ñeñ'cha' orrtate' po'partsoña. Allotpa' ahuo't nan po'potantañ ñeñ'cha' torratsa attoch a'crratyaset ñeñ' atsna'tyets. Po'potantañña'pa' ahuo't ne' ñeñ'cha' torratsa yempue' allohuen acheñenesha'. Po'potantañña'pa' ahuo't ne' ñeñ'cha' yechenahuet allohuenet. Po'potantañña'pa' ahuo't ne' ñeñ'cha' e'ñosysets pa'namen ñoñtso.

²⁹ Po'ño'chpa' ama allohuenacmaye' allsensareteye. Ñaña ama allohuenacmaye' ya'poteno Yompor po'ñoñ. Ñaña ama allohuenacmaye' yey'chateno. Ñaña ama allohuenacmaye' yorrteañña'ne Yompor po'partsoña.

³⁰ Ñaña ama allohuenacmaye' ya'crratyene' atsnañe'fe'chno. Ñaña ama allohuenacmaye' ye'ñosyeno po'poñ ñoñtso. Ñaña ama allohuenacmaye' ya'mteno ñoñets ñeñ' e'ñets po'poñ ñoñtso.

³¹ Tarraña ama't ama allohuenacma atteyepa' e'ñe pocte' o'ch yeye'chena ñeñ'cha' yetorra'yena e'ñe cohuen puesheña'tsoy Yomporecop. Tarraña ellopa' o'ch neñotatas po'poñ ñeñ' nanac sherbets Yomporecop.

13

Eñall paterr ñeñ' nanac sherbets, ñeñ'pa' añ: atto amorrentanna'tpahuepa'ch allohueney

¹ Ama't ye'ñosysets e'ñe cohuen pa'namen acheñ po'ñoñetoña' ñerra'm ama yemorreñcho yamo'tspa' e'ñe ye'ñosyeno'pa' añña Yomporpa' attach enteney atet ñerra'mrrate' con ñeñ' atta ama'to'chtetsa. Tarro'mar ama yemorrenteño'feye' ye'ñosyeno pa'namen ñoñets. Ñato' ama't yapa' ye'ñosatsetyes e'ñe cohuen atet ñerra'm Yompor po'millaño'feñ'nanesharña' ñerra'mña ama yamo'ts yemorrentenopa' e'ñe ye'ñosyeno'f Yomporpa' attach enteney atet ñerra'mrrate' patashtalla challachallatspenet. Tarro'mar ama yemorrenteño'feye' ye'ñeno.

² Ñaña ama't yapa' ye'ñotatsat a'mte' Yompor po'ñoñ, tarraña ñerra'm ama yemorreñcho yamo'ts, atetpa' amach esoye' entenye. Ñaña ama't ye'ñotatsat o'ch ya'pota ñeñ' ñapia' e'ñoten Yompor tarraña ñerra'm ama yemorreñcho yamo'tspa' ñeñ'pa'cho'ña amach esoye' entenye Yompor. Ñaña ama't ye'ñotatsat ora allpon ñeñ' eñall, tarraña ñerra'm ama yemorreñcho yamo'ts, ñeñ'pa'cho'ña amach esoye' entenye Yompor. Ñaña ñato' nanac yeyemteño'f Yomporpa' aphueney allohuen ñeñ' yenamueñ, ama't ñeñ' echarr yentyen. Ñato' o'ch netma'ntacha atet: Ñato' o'ch yoch Yompor, añ aspenetpa' chenquëpa'. Ñato' e'ñe yeyemteño'f Yomporpa' o'ch'cho' chenca. Tarraña ama't yeyemteño'f Yomporpa' o' yepohua atet, tarraña ñerra'm ama yemorreñcho yamo'tspa' attecma enteney Yompor, ama esoyaye.

³ Ñaña ama't es yapa'yestatsech huocchañnesha' ora allohuen ñeñ' yechyenña', ñerra'm ama yemorrenteño'feye' es yapa'yenanetopa' ama't

atet yeḡatstapa' Yomporpa' amach cohuenaye' entenye. Ñaña ama't e'ñe yame'ñeñoŧ pocte' yentatsech pue'moñe'teñoŧetay o'ch chamayet ora betnatoteypa' tarraña ñerra'm ama yemorrenteño yamo'ts, ama't atet yeḡatstapa' Yomporpa' atterach amach cohuenaye' entenye.

4 Tarraña ñerra'm esempo po'ñočh čho yemorrenteña yamo'tspa' e'ñech acoḡa es yeḡa'yenanet, attach ya'huantenanet ñaña čhochña ya'muerañtena. Ñaña amach čha es yeye'chapreyenaneto, ñaña amach čha yommo'chana'tatstaneto.

5 Ñaña amach yañeña entatstatso e'ñe cohueney. Ñaña ñerra'm esempo po'ñočh čho yemorrenteña yamo'tspa' e'ñechña pocte' es yeḡa'yenanet, ñaña amach aña ye'natsto ñeñŧ e'ñe atet yemnen ya. Añcha'ña ye'nen ñeñŧ atet muenen po'psheñeñ. Ñaña ñerra'm esempo po'ñočh čho yemorrenteña yamo'tspa' amach čha ye'moñe'tyenaneto, ñaña amach čha atsrre'močen yentuenaneto.

6 Ñaña ñerra'm esempo es ḡohua po'psheñeñ ñeñŧ ama pocteye' enteno Yomporpa' ñerra'm po'ñočh amuerañaypa' yapa' amach čha yocshatsto. Añcha'ña yocshapretena ñerra'm esempo e'ñe cohuenare' es penet.

7 Ñerra'm po'ñočh čho yemorrenteña yamo'tspa' ama't čho errot ḡonaypa' yapa' čhocmach ya'huantoñ. Ñaña ñerra'm po'ñočh čho yemorrenteña yamo'tspa' čhocmach yeyemcha ñeñŧ atet pena amapa' ñeñŧ atet oten. Ñaña ñerra'm po'ñočh čho yemorrenteña yamo'tspa' e'ñe yeyemteñoŧanet čhocmach yeyenpuanet attoch huomenc pet pueyočher ñamet Yomporcop. Ñaña ñerra'm po'ñočh čho yemorrenteña yamo'tspa' čhocmach ya'huanta'huanom pa'namen topateñsočhno.

8 Atto yemorrentannenapa' ñeñŧpa' amach ahuañañaŧto ama't errponaña. Ñaña te'pa' ama't ya'poteññañeñ Yompor po'ñoñ tarraña esempohuañenpa' huañcha' atto ya'poteñ te'. Ñaña ama't atto te'pa' yeñosyen po'poñ ñoñtsopa' ñeñŧpa'čho'ña esempohuañenpa' huañcha'. Ñaña ama't atto yeñotañtena te'pa' ñeñŧpa'čho'ña esempohuañenpa' huañerrcha'.

9 Tarro'mar ama't allpon es yeñotyen te'pa' ama e'ñe yeñotueñe poctacma. Ñaña ama't te'pa' ya'poteññañ Yompor po'ñoñ ñeñŧpa'čho'ña ama e'ñe yeñotueñe poctacma.

10 Tarraña ñerra'm esempoch huerra Cristo ñeñŧ e'ñe eñotañtetsa poc-tacmapa' allempoña yapa' o'ch e'ñe es yeñotuahua yaña.

11 Ñehua, ñato' o'ch netma'ntacha atet: Napa' allempo cheshenna'pa' atta neñosatse'tyese't atet eñen cheshatollesha'. Ñaña allempopa' atta noctape'chatse'tyese't atet cotape'chyen cheshanesh'. Ñaña añach cohuen nentapreyese't atet cohuen entyen cheshatollesha'. Tarraña te'pa' o' nepo'npa' o'huañ noctape'chatse'tyes atet pena cheshatollesha'.

12 Ñaña yapa' ama yeñotueno e'ñe ora atet pena Parets. Ñehua, ñato' o'ch netma'ntaterer atet: Yapa' čha yottena atet ñerra'mrrate' rerpatota yecueñ Yompor, amach tama yechme'teñe. Tarraña esempohuañenpa' yentercha' e'ñe allame'tets. Ñaña te'pa' atto es yeñotyen mamesha'tets, tarraña esempohuañenpa' yeñotuerrcha' ñeñŧ e'ñe atet pena Parets, e'ñech yeñotañtuerra atet pena te' Yomporpa' e'ñe eñotueney ñeñŧ atet yepena.

13 Ñeñto'mar te'pa' yeñoteñ eñall ma'pa ñeñŧcha' ama ahuañañaŧtato ñeñŧpa' añ: atto yeyemteña Yompor, ñaña atto yeyemteñoŧ yecuame'teñ ñeñŧ

o'patatenya, ñaña atto yemorrentannena. Tarraña añ ma'po'marpa' añña nanac sherbets Yomporecop atto yemorrenteña allohuen acheñenesha'.

14

Ama't yeñosatsetyes po'poñ ñoñtsopa' ñeñtpa' ama tama sherbeno

¹ Ñeñto'marña te'pa' añ poctetsa o'ch yema'yoçhrena attoch yemorrentanna'ta e'ñe poctacma. Ñaña añ pocte' o'ch yeye'chaprecha Yompor attoch o'ch apa'yesey e'ñe Puecamquëñoñ attoch yetorra'yesa ñocop. Añña e'ñe pocte' o'ch yeye'chaprecha nanac attoch apuey o'ch ya'potoñ po'ñoñ e'ñe eñotoçhen.

² Tarro'mar ñeñ eñets po'poñ ñoñtsopa' añeçpa sherben attoch eñora epuet Yompor, tarro'mar añña acheñenesha' ñeñ e'mñotenahuetañpa' amach esesha' eñotenaye ñeñ atet oten. Ama't añ ye'ñoratatste' Parets Puecamquëñ ñeñ ama eñotpahuo ñoñetsña' ñerra'm acheñenesha'pa' ama eñoteñeto atet yotyenanet, ñeñtpa' e'ñe Yompora ñapueñ e'muene'.

³ Tarraña ñerra'm esempo ya'potoñ Yompor po'ñoñ e'ñe eñotoçhenpa' ñeñtpa' po'ñoçh çhoch es yeñotatenanet attoch huomenc penet pueyoçher Yomporecop. Ñaña çhoch yeñotatenet ñeñ atet oteney Yompor po'ñoñ ñeñtcha' atet yepa e'ñe cohuen. Ñaña çhoch yeñotatenet Yompor po'ñoñ attoch ñetpa' coshenet Yomporecop.

⁴ Tarraña ñeñ eñets po'poñ ñoñtsopa' ñeñtpa' amach atteye' peno. Añeçpach eñen e'ñe ñocpa attoch huomenc pan pueyoçher e'ñe ñañeña. Tarraña ñerra'm esempoña ya'poteññañ Yompor po'ñoñ e'ñe eñotoçhenpa' ñeñtpa' çhoch po'ñoçh es yeñotateñ allohuen ñeñ ame'ñetsa attoch huomenc penet pueyoçher Yomporecop.

⁵ Ñehua, po'ñoçhpa' pocte' nenteñ o'ch seños po'poñ ñoñtso allohuenes, tarraña ñeñ nanac nemnen o'ch señospa' ñeñtpa' añ: o'ch sa'potoñ Yompor po'ñoñ e'ñe eñotoçhen ñeñ allo yeñen. Tarro'mar ñerra'm esempo ya'potoñ Yompor po'ñoñ e'ñe eñotoçhenpa' nanaccha' yesherven Yomporecop. Tarraña ñerra'm esempoña yeñen po'poñ ñoñtsopa' amach tama yesherbena. Ñehua, pocte' enteñ Yompor ñerra'm po'ñoçh eñall puesheñarr ñeñ a'mtene' ñoñets e'ñe ya yeñoño, attoch allohuene ñeñtey ame'ñetsapa' o'ch çhaponaya Yompor po'ñoñ yeyoçhro attoch huomenc yepa' yeyoçher.

⁶ O'ch notas masheñeshacha' ñaña noçhaneshacha' ama't napa' ñerra'm machayota neçhap seshopa' ñerra'm nañapa' aña neserrpare'tatoses po'poñ ñoñtso ñeñ ama yeñenopa' errotenuate'ñaca'yeña señoçh tarro'mar amaca'ye se'muenoña ñeñ ñoñtsor ñeñ atet notenes attoch e'ñe cohuen neyenpas. Tarraña añña pocte' socop napa' çhocmach na'potonas e'ñe eñotoçhen ama't coñeña'ttsa ñeñ atet eñotatenen Yompor. Ñaña napa' elloña çhochña es neñotatyesas po'poñ ñeñ ama señoçheno sa. Ñaña napa' çhochña na'potonas mamesha'tets Yompor po'ñoñ, ñaña çhochña es neychatas ñeñ cohuentetsa.

⁷ Nato' o'ch netma'ntacha ñeñ atet pena pencoll, ama't pencollpa' ama acheñeyaye. Ateñ ñerra'm napa' esempo nepencilla'tenña' ñerra'm ama cohuenaye' na'poçhe'teno nepencollpa' amach esesha' eñotaye errotente' nepçhateñ. Amapa' atet ñerra'm napa' esempo netoca' yetarra,* ñerra' ama atteye' netoco atet toquëñetpa' amach esesha' eñotaye errotente' nepçhateñ.

* 14:7 Po'ñoçh aña' oten arpa.

8 Ñehua, ñato' o'ch netma'ntatererr po'poñ. Atet ñerra'm esempo o'ch ahuanmuet quellaratstapa' choch ñanom puesheñarr solltarpa' o'ch corneta't quellareñtsore'cho, attoch solltarnesha'pa' o'ch eñoch o' chap allem-poch ahuanmuet quellaratset. Tarraña ñerra'm solltarpa' ama cohuen a'poche'tano po'cornetpa' añña solltarnesha'pa' amach eñocheto ñato' añecopfe' a'toreñet attoch ahuanmuet quellaratset.

9 Attecma pena ñaña yocop ñerra'm esempo yeserrpare'ten po'poñ ñoñtso ñeñt' ama allo eñeno acheñenesha', ñetpa' amach errotent' chapaneto pueyo'chreto ñeñt' atet yotenanet. Atetpa' chach yottena atette'ña ama eñalle acheñenesha' ñeñt' ye'mñotene'.

10 Po'ño'chpa' eñalleñcha' shonte' po'poñe'ttsocma ñoñets ñeñt' atet yeñosyen añ patsro. Ñaña po'poñe'ttsocmay acheñey ñeñtey eñotyene' ñeñt' e'ñe yeñoñ allo yeñosyen.

11 Tarraña ñerra'm po'psheñeñpa' o'ch serrpare'tatey e'ñe ña po'ñoño ñeñt' ama allo yeñeno yapa', ñeñt'pa' amach yeñoche errotente' otene' ña po'ñoño. Yapa' attach ye'mueñ ñerra'mrrate' atta otatsen. Ñaña attecmay yañña ñerra'm yapa' o'ch yeserrpare'tach ñeñt' ama eñetso yeñoñopa' amach eñoche errotente' yoteñ yeñoño. Ñapa'cho'ña attach e'muene' ñerra'mrrate' atta yotatsen.

12 Napa' tarro'mar atet notenes tarro'mar sapa' chocma seye'chyena atto Parets Puecamquēñpa' o'ch patyesas ñeñt' atet semna'yen sa. Tarraña napa' añcha'ña o'ch notas, añña pocte' o'ch seye'chena attoch señot e'ñe cohuen alloch huomenc sepoñ pueyo'cher allohuen ñeñt' ame'ñetsa.

13 Ñeñto'mar te'pa' o'ch notas: Ñerra'm esesha' eñosets po'poñ ñoñtsopa' añ pocte' ma'yochanepa' Yompor attoch eñotach o'ch a'ñitan ñoñets e'ñe eñoto'chen añ ñeñt'ara ñoñtso.

14 Tarro'mar ñerra'm esempo yema'yochena po'poñ ñoñtsopa' ama't e'ñe Parets Puecamquēñ yema'yochatate'pa' tarraña allempto po'ño'chpa' amach añeye' yocape'cheno attoch yeyenpue' yamo'ts.

15 Ñehua, ñeñto'marña te'pa' o'ch notas ñeñt'cha' atet yepa'yesa e'ñe cohuen. Po'ño'chpa' e'ñe pocte' o'ch ma'yochatey Parets Puecamquēñ po'poñ ñoñtso, tarraña añ e'ñe pocte' ñaña o'ch yema'yochena e'ñe eñoto'chen. Ñaña attecma e'ñe pocte' Parets Puecamquēñpa' o'ch yemorrecha Yomporrecha po'poñ ñoñtso, tarraña añ pocte' ñaña o'ch yemorrecha allo e'ñe yeñen.

16 Tarro'mar ñerra'm po'poñ ñoñtsa ya'ye'cho'chtateññañ Yompor atet eñoratey Puecamquēñ, tarraña ñerra'm allo'tsa'yen po'poñe'chno acheñenesha' ñeñt' e'ñe errote' e'mñotetspa' amach errotent' pocte' entapreyeto atto ya'ye'cho'chtateññañ Yompor, tarro'mar ama e'muennayeto yeñoñ.

17 Ñaña ama't e'ñe cohuen yeparasyoso'teñeñ Yomporpa' tarraña ñerra'm po'poñ ñoñtsa yema'yochena, ñeñt'pa' ama añecpayaye alloch huomenc yepoñ po'psheñeñ pueyo'cher, tarro'mar ama eñoteñeto errotente' yoten.

18 Napa' atarr neparasyoso'teñ Yompor, tarro'mar ama't napa'cho' neñoteñ eñosets po'poñ ñoñtso. Ñato' ñeñt'pa' ello metanennas allohuenes atto señosyen po'poñ ñoñtso.

19 Tarraña allempto yap'chena allohueney ñeñtey ame'ñetsapa' napa' añña pocte' nenten o'ch neserrpare't ama't e'ñe coñe'ta ñoñets ñeñt' eñoto'chen attoch e'ñe yeñotue. Añña ama tama cohuenaye' nenteno ama'tcha' neserrpare'ten shonte' ñoñets, tarraña ñerra'm po'poñ ñoñtsa neñenpa' ñeñt'pa'

amach choye' neyenpueñe namo'ts.

²⁰ Ñeñto'marña masheñneshacha' ña'ña no'chaneshacha' amach soctape'chatsto atet cotape'chen cheshaneshach' ñeñt' ama eñotenaye ñeñt' atet cohuentetsa. Ñehua, po'ño'ch ñerra'm esempo yoctape'chyen sosya'tsañ allempoña pocte' o'ch yoctape'chen ñeñt' atet cotape'chen cheshatoll, tarro'mar cheshatollpa' ama tama cotape'cheneta' sosya'tsañ. Tarraña allempo yoctape'chen ñeñt' cohuentetsa Yomporecoppa' allempoña po'ño'chpa' o'ch yoctape'chen atet cotape'chen po'naneshach' ñeñt' atarr es eñotets.

²¹ Añpa' ñeñt' Yompor po'ñoñ ñeñt' atet anaret ahuatoteñ allempo Yomporpa' atet otane't israelena'tarnesha'. Ñeñtpa' atet otanete't: "O'ch noñmatas po'poñ acheñ ñeñt'cha' seserrpare'tatene' e'ñe ñet po'ñoñeto tarraña ama'tcha' atet neponaspa' amach esesha' name'ñerraye tarro'mar amach eseshaye' eñotaye ñeñt' atet aserrpare'tatarettenet." Ñeñtpa' Yompor atet otahuete't ahuat.

²² Ñeñto'marña te'pa' atet notenes ama't yeserrpare'tatset po'poñ ñoñtsopa' ñeñtpa' ama añecpayaye attoch yame'ñacha ñeñt' ama ame'ñetso tarro'mar añ ñoñets ñeñt' ahuatoteñ anaret ñeñt'ña yeñotatene'ña ama'tcha' yeserrpare'tatatset po'poñ ñoñtso amach esesha' yame'ñerrayo. Ñeñt'cha'ña yeñotate'ña erra'tsente' po'ño'ch ñeñt' ama ame'ñetso. Tarraña ñerra'm esempo ya'poteññañ Yompor po'ñoñ e'ñe ya yeñoño ñeñt' atarr eñoto'chen, añña ñeñt' ame'ñetsa ñetñapa' e'ñech cohuen e'mñoteñet allochña huomenc yepenanet pueyo'chret Yomporecop. Ñeñt'cha'ña yeñotate'ña ñetpa' po'ño'ch ame'ñenet tarro'mar ñeñt' po'ño'ch ama ame'ñetso, ñetpa' amach mueneñeto o'ch e'mñotet ama't ñeñt' atarr eñoto'chen ñoñets.

²³ Ña'ña o'ch notas, ñerra'm esempo sap'chena allohuenes ñeñtes ame'ñetsa, ñerra'm allohuenespa' atta señosyen po'poñe'ttso'cma ñoñtsopa' ñerra'mña machaya huapa ña'ña ñeñt' ama ame'ñetso amapa' ñeñt' errete' e'mñotetspa' ñetpa' ama'te'ña cha otaseto cho'te' semospuena.

²⁴ Tarraña ñerra'm esempoña sa'poten allohuenes Yompor po'ñoñ e'ñe eñoto'chen ñerra'm allempoña huapa ñeñt' ama ame'ñetso amapa' ñeñt' errete' e'mñotetspa' ñeñt'ña atet seserrpare'ten Yompor po'ñoñpa' ñato' allohuenetpa' o'ch chapanet pueyo'chro, o'ch eñotet ña'ñeñeta ñeñt' atet cotape'chyenet ñetpa' ñeñtpa' ama pocteyaye Yomporecop.

²⁵ Allempoñapa' ñato' o'ch yore'tanet po'chñaret ñeñt' cotape'chatyenuhuet pueyo'chro e'ñe a'nahua ñato' puellqueñotetpa' o'ch concorpuet ñato' o'ch agu'eret ñamet Yompor. Tarro'mar ñato' allempopa' o'ch ot: "Po'ño'chepa't Yompor se'ñoratyene'."

Parets pa'paclopa' ama aserrpare'tpahuo e'ñe parro'cma

²⁶ Ñehua, masheñneshacha' ña'ña no'chaneshacha' ñeñt'cha' atet sepa' cohuen ñeñtpa' atet: Sapa' allempo sap'chenapa' ñato' puesheña'ttsospa' o'ch semorrechena, ñato' po'psheñeñpa' o'ch ye'chatenet, ñato' po'psheñeñpa' o'ch a'potan ñeñt' atet eñotateñ Yompor, ñato' po'psheñeñpa' o'ch eños po'poñ ñoñtso, ñato' po'psheñeñpa' o'ch'cho' a'mtan añ ñoñets. Tarraña ñeñtpa' añecopcha' atet sepa' attoch huomenc sepoñ po'psheñeñ pueyo'cher.

²⁷ Tarraña ñerra'm eseshas eñosets po'poñ ñoñtsopa' ama pocteyaye o'ch seños e'ñe allohuenes, ñato' e'ñech epsheña eñosets amapa' ma'psheña allotpa'

ñeñfach. Ñaña añ pocte' ñeñfcha' eñosetspa' ñapfepa'tetscha' eñoset. Tarraña añ pocte' ñaña eñallcha' ñeñfcha' eñotatenahuet ñoñets ñeñf atet eñenet.

28 Tarraña ñerra'm ama eñalle ñeñfcha' eñotatahuet ñoñetspa' amach eñosatsteto e'ñe alla allempo sapçhena allohuenes ñeñfes ame'ñetsa. Allempopa' eñorana'chetepa' Yompor e'ñe ñapfeto e'ñe pueyoçhreto.

29 Ñaña añ pocte' e'ñech epsheña, amapa' ma'psheña ñeñfcha' a'pote' Yompor po'ñoñ. Po'poñeçhno acheñenesha'pa' añ pocte' çhoch e'mñochet, ñaña çhoch çotape'chet po'ñoçhte' atet oteneý Yompor.

30 Ñaña ñerra'm esempo po'psheñeñ mueneñ o'ch a'potan ñeñf eñotateñ ñaña Yompor Puecamquëñpa' añ pocte' allempopa' amach serrpare'tatsto ñeñf ñanom serrpare'tets.

31 Attochña o'ch sa'potuoñ allohuenes Yompor po'ñoñ e'ñe saptepa'tets, ñaña attoch allohuenespa' o'ch e'ñe señoç, ñaña attoch allo'na coshatnenes Yompor po'ñoñ.

32 Tarro'mar ñeñfey a'potene' Yompor po'ñoñpa' çhocmach eñall attoch yeunata yañeña ñanom attoch çhocma yemnatannena.

33 Yomporpa' ama mueno o'ch atta yano'tatse'ten allohueney, añña mueno o'ch yesen e'ñe cohuen.

Ñaña atet pena allemeñ anetso ñeñf apçha'yetsa ñeñf pueyoçhresha' pen Parets. Ñaña allempo sapçhena allohuenes ñeñfes ame'ñetsapa'

34 coyaneshaçhno'pa' amach serrpare'tatsteto, tarro'mar ñeñfpa' ama pocteyaye. Añña pocte' çhoch ame'ñyet ñeñf añcha'tarettetsa, ñeñfpa' atet oteneý ñoñets ñeñf atet anaret ahuatoteñ.

35 Ñehua, ñerra'm mueñenet o'ch es eñotetpa' a'p'to'chetepa' puerrollaret allempo çherret pa'paclo, tarro'mar ama pocteyaye coyanesha'pa' o'ch serrpare't allempo yapçhena ñeñfey ame'ñetsa.

36 Ñehua, ñerra'm ama pocteye' senteñe ñeñf atet o' notuaspa' ñehua, o'ch notas atet: Yompor po'ñoñpa' ama e'ñe sa soçta'pñoñfey' hueno, ñaña ama e'ñe saptecpa hueno.

37 Ñaña ñerra'm esesha' otats, "napa'çho'ña na'poteññañ Yompor po'ñoñ", ñehua, eñotanepa' ñeñf atet noten necartotpa' ñeñfpa' po'ñoçh atet oteneý Yepartseshar ñeñfcha' atet ye'pa. Ñaña ñerra'm esesha' otats, "napa'çho'ña chorrenna Parets Puecamquëñ", ñehua, ñapa'çho'ña eñotanepa' ñeñf atet noten necartot ñeñfpa' po'ñoçh atet oteneý Yompor ñeñfcha' atet ye'pa.

38 Tarraña ñerra'm esesha' ama name'ñayo ñeñf atet o' notuaspa' ñehua, ñapa' amach se'mñotatsche.

39 Ñeñto'marña te' masheñeshacha' ñaña noçhaneshacha' o'ch noterrser: Añ pocte' o'ch sema'yòchrena a'pote' Yompor po'ñoñ e'ñe eñotoçhen ñoñtso, tarraña pocte' o'ch semnatamet eñosetepa' po'poñ ñoñtso.

40 Tarraña ama't erra'tsencha' se'pa'yespa' e'ñech cohuen sesen ñeñf poçtetsa, ñaña çhocmach semnatanna'ta o'ch es se'pa'yes e'ñe saptepa'tets.

15

Allempo tanterra Cristopa' ahuo't orrterrana shonte' acheñenesha'

1 Te'pa' o'ch masheñeshacha' ñaña noçhaneshacha' notas po'poñ. Napa' nemneñ ellopa' o'ch alla neyerpaterrser e'ñe errotente'ña ñeñf e'ñe atet pena cohuen ñoñets ñeñf neserrpare'tatuanmas, ama't ahuatoteñ. Ñeñfpa'

ñeñfara cohuen ñoñets ñeñf o' same'ñerra, ñaña ñeñfara ñoñets ñeñf allo o' huomenc seperr seyoçher.

2 Ñaña ñeñfara ñoñets allo o' sa'queshpataretterra ñerra'm amach sequeçhpue, tarraña ñato' po'ñoçhpa' ama çhoye' same'ñeno.

3 Ñaña ñeñf neserrpare'tatas ama't ahuatoteñpa' ñeñfara cotapñiats ñeñf atet eñotatennet naña, ñeñf nanac sherbets, ñaña ñeñfara ñoñets ñeñf atet anuaret Yompor po'ñoño ama't ahuatoteñ. Ñeñtpa' atet o' neserrpare'tatuas: Cristopa' rroma yo'chñarecop,

4 allotpa' apampareta, tarraña poma'pamtaño'pa' alla tanterra. Ñeñtpa' attecma oten ñaña ñeñf atet anuaret ahuatoteñ Yompor po'ñoño.

5 Allempo tanterrapa' ñanempa' orrterrana Pedro, allotpa' orrterrana allohuen pueyochresha'.

6 Allotpa' orrterrana ñaña shonte' acheñenesha' ñeñf ame'ñetsa. Ñato' meta-nenante' quinientos acheñenesha' ñeñf enterre' allempo e'ñe parrocmuet. Ñeñf enterre' allempopa' ama't teme'ttsen shontet corra'yenet. Tarraña puesheña'tetspa' o' colla' huenet.

7 Allotñapa' orrterrana ñaña Jacobo, allotpa' orrterrana ñaña allohuen po'poñeçhno ñeñf allsensaretnesha'.

8 E'ñe chenta'ñapa' orrtona naña, ama't napa' ama esoyayno. Atta nentena ñerra'mrrate' sapeñtsoma'tota ne'ñallettera Yomporcop.

9 Po'poñeçhno allsensaretnesha'pa' ñetpa' nanac sherbenet, tarraña napa' ama't allsensaretneñpa' ama tama neshoben. Ñaña napa' pocte' nenteñ amach otatsetneto allsensareten, tarro'mar napa' nanac na'mueroçhtache't ñeñf ame'ñenaya Yompor.

10 Tarraña ama't atet nepe'tpa' Yomporpa' atarr morrentna. E'ñe puemuereño'pa' attoña a'pnaserren ñeñf nanac sherbets ñocop. Tarraña ama orrena morrentno Yompor, tarro'mar te'pa' nanac netorrena Yomporcop. Po'potantañ allsensaretnesha'pa' ama't torra'yenet Yomporcoppa' tarraña napa' ello nanac netorrena atet torrenet ñet. Ñehua, ama't noteneñ napa' netorrena Yomporcop, po'ñoçhpa' ama naye' torretso, añña Yompor puemuereño'pa' ñeñfña torretsa na nechtsot.

11 Ñehua, amach yoto ñeñfey nanac sherbets, ñato' na amapa' po'poñeçhno allsensaretnesha'. Añcha'ña yot ñerra'm ya po'ñoçh yeserrpare'teño' o' same'ña'huerrapa' ñeñfña nanac sherbets.

Atto esempohuañenpa' yetantuerrach rromot

12 Ñehua, ñerra'm po'ñoçh o' same'ñerra ñeñf atet yeserrpare'tatenes atto Cristopa' o' tanterra allempo rroma, eso'mare'tña soten ñerra'm yerromapa' amach errotentof yetanterro. Po'ñoçh ñeñtpa' atet oten puesheña'tets ñeñf sesho'tsen.

13 Ñehua, ñerra'm po'ñoçh ama eñalle attoch yetanterra yapa', Cristopa'çho'ña amate' tanterraña ama't teme'ttsen.

14 Ñerra'm po'ñoçh Cristopa' teme'ttsen rromueneñpa' ñeñf atet yeserrpare'tatenes te'pa' amate' es sherbenñe. Ñaña ñerra'm po'ñoçh ama tanterrañe Cristopa' te'pa' e'ñe' orrena yeyemteñañ.

15 Ñaña ñerra'm po'ñoçh ama tanterraña Cristopa' yapa' attate' yeshquênsoñ atto' pena po'ñoçh Yompor, tarro'mar yapa' o' yeserrpare'tuon Yompor atto ñapa' o' tantaterran Puechemer Cristo. Tarraña ñerra'm po'ñoçh ama eñallñe attoch yetanterra rromotpa' ñeñfña atet o' yeserrpare'tatuas

atto Yomporpa' o' tantaterran Puechemer Cristo, ñeñtpa' amate' po'ñochoyayñe.

¹⁶ Po'ñoçhpa' ñerra'm amach yetanterro yapa', Cristopa'çho'ña teme'ttsente' ama tanterrañe.

¹⁷ Ñaña ñerra'm po'ñoçh teme'ttsen amach tanterrañe Cristopa' e'ñete' orrena seyemteñañ, ñaña so'chñarpa' amate' apretnareteñe teme'ttsen.

¹⁸ Ñaña allohuen ñeñt' o' colla'huenta ñeñt' ame'ña'nmaya Cristopa' ñetpa' o'te' e'ñe poctacma chenca'huerretañ.

¹⁹ Ñaña ñerra'm añecpa yeyemteñañ Cristo allempo huomchenya', ñaña ñerra'm po'ñoçh amach yetanterro, ñerra'm atteña' nanacte' llequëntsosenyeñ. Ñeñt' llequënetspa' ellote' metanenaneñ ñeñt' atet yellcatyene' aña patsro.

²⁰ Tarraña ñeñtpa' ama atteyaye, tarro'mar po'ñoçh Cristopa' o' tanterra ñanom. Atto tanterrapa' amach alla rromuerre'te allochñapa' esempohuañen allohueny ñeñtey ame'ña'nmaya Cristopa' yapa'çho'ña attecmaçh yetanterra.

²¹ Atet pa' ñaña ahuat Adán e'ñe ña po'chñaro' o' anarettta attoch yerroma, ama't e'ñe puesheñarrota. Te'pa'çho'ña e'ñe puesheñarrotpa' o' orrterra attoch yetanterra ama't esempoch yerroma.

²² Tarro'mar e'ñe po'chñaro' Adán ñeñtey pamo'tsna'tareypa' yocoppa'çho'ña o' anarettta attoch yerroma yaña allohueny. Tarraña te'pa' e'ñe yeparrocmateño' Cristopa' elloch alla yocra'huerra allohueny.

²³ Tarraña ñeñtpa' atetcha' perra: Cristo ñanom o' tanterra allochñapa' ñerra'm esempoch huerra, yapa'çho'ña ñeñtey ame'ñenayapa' attecmaçh yocra'huerra allohueny.

²⁴⁻²⁸ Allempoña Cristopa' o'ch puerratampesuan po'huamenc allohuen ñeñt' añcha'taretetyetsa, ama't ñaña ñeñt' añcha'noçhetyetsa, ñaña ñeñt' ahuamencatetyetsa. Tarro'mar añ poctetsa Cristopa' ñach añcha'tarettertsa e'ñe ñapue' esempohuañencha' yorampesuan po'huamenc allohuen ñeñt' e'moñe'tene'. Ñaña esempohuañen e'ñe chenta'pa' o'ch a'huañamperrey rromueñets ñeñt' o'patatarey te' allohueny. Tarro'mar Cristopa' o' aphue Pompopor po'huamenc attoch pomnaren penan allohuen esocmañen. Ñehua, ama't oteneñ Yompor po'ñoñ Cristopa' pomnaren penano' allohuen esocmañenpa' tarraña yeñoteñ amach pomnaren pano Pompopor; tarro'mar Pomporpora' ña apuene' po'huamenc. Esemphuañencha'ña pomnaren pohuan allohuen esocmañen allempoña Cristopa' o'ch aphuerran Pompopor ñeñt' nanac Parets atto añcha'tarettena. Allempoña Pomporpora' o'ch alla pomnaren perran Cristo ñeñtara Pompopor ñeñt' o' ahuamencat' o' pohue. Allempoña Pomporpora' ñach añcha'tarettertsa, ñaña allempopa' ñach pomnaren perre' allohuen esocmañen. Allempopa' o'ch mellapoterra.

²⁹ Te'pa' o'ch alla noterrserri po'poñ. Ñerra'm po'ñoçh ama eñalle attoch yetanterra esempohuañenpa' eso'mare'tña puesheña'tets acheña' apatarettenañña añecop ñeñt' o' rroma. Po'ñoçh ñerra'm amach errotenot tanterro ñeñt' o' rromapa' eso'mare'tña apatarettenetña ñeñtecop.

³⁰ Ñaña ñerra'm po'ñoçh amach errotenot yetanterropa' eso'mare'tña pocte' nenteñ e'ñe name'ñeño'pa' ama't çocma nemueroçhtena ñocoppa' e'ñe pocte' nenteñ.

³¹ Napa' atet noten tarro'mar pate'tets yetpa' e'ñe na'llpuepñoña ama muetsayenneto. Ñehua, neñoteñ ñeñtpa' attecmaçh pa'net. Tarraña

masheñeshacha' ñaña nothanesacha' errponcha' nemuerochtapa' allponcha' nocshapretensa saña, tarro'mar e'ñe yeparrocmateño' epay Yepartse-shar Jesucristo.

³² Ñaña arr Efesopa' e'ñe na'llpuepño'a a'queshp̄atnet atet ñerra'mrrate' cho norrotena epan ma'yarr. Tarraña ñerra'm amach errotenot yetanterropa' ñeñña atto na'llpuepño'a a'queshp̄atyennetpa' amach es sherba'no, tarro'mar ñeñt patso'marepapa' ama sherbeno. Po'ño'chpa' ñerra'm amach eñallñe attoch yetanterraña' e'ñe pocte' o'ch yoteneñ: "Te'pa' acsha'yepahuepa'ch, ñaña o'ch yotanna'ta arrallme'chapreyepahuepa'ch, ñaña o'ch yotanna'ta orrare'tyepahuepa'ch tayepa'tñapa' huonchay. Tsapatoneña o'ch yerromapa' amach allo'na atet yepa'nenno."

³³ Tarraña amach sotapsa'tatso atet, tarro'mar yeñoteñ "ñerra'm esempo yeyemteña ñeñt atta cotape'chatse'tyets ñeñt ama cohuenayaye Yomporecop yapa'cho'ña chach shequenyet tarro'mar tsapatonetpa' ñato' o'ch alla atet yeperra yaña atet pa'yenet ñet, ama't te' yapa' e'ñe cohuen yoctape'chen Yomporecop."

³⁴ Aña pocte' o'ch soctape'cherr ello, ñaña o'ch sequechpuerr ñeñt atet sepa'yese't ñeñt ama pocteyaye Yomporecop. Te'pa' sepenquëpa' tarro'mar ñato' po'ño'ch ama seño'teñe Yompor allohuenes.

Atetcha' yepo'poñet allempoch yetanterra rromot

³⁵ Te'pa' o'ch notas po'poñ. Ñehua, ñato' puesheñarrofespa' atet sotenen: "Amate' errotenot yetanterroña rromot. Ñerra'm po'ño'ch atanterrapo' rromot, yechetsña allempopa' ¿errofena'tcha'ña orrterra?"

³⁶ Sapa' are'tña es seño'teno. Ñehua, ñato' o'ch netma'ntacha atet: Yeñoteñ ñerra'm es yenare't pue'llomerpa' amach ahuen chopo. Choch ñanom puetsa' pa'tall eshecha'ña chop.

³⁷ Ñaña ama añeye' yenare'teno narmets ora ñeñt e'ñe atet chopuets. Atet ñerra'm chop* yenare'tpa' pue'llomr̄ach yenare'teñña.

³⁸ Ñaña ñeñtpa' Yomporcha' a'chpate', tarraña ñeñtcha'ña chopatspa' o'ch po'poñet ñeñt atet orrtena ahuaña pue'llomer. Ñeñtpa'cho' Yompor a'po'poñetatene'tarro'mar atet muenen ña. Ñaña ñerra'm po'poñe'ttsocma es yenare't pue'llomerpa' e'ñech po'poñe'ttsocma chopyes ñaña narmets ñeñt e'ñe atet anaret.

³⁹ Aña'cho' chetsotspa' e'ñe po'poñe'ttsocma chetsots, ama e'ñe attecmayaye. Atet ñerra'm ya acheñeypa' po'poñ'cho' yechets yechen. Ñaña es herrochnopa' po'poñ'cho' po'chets pen. Ñaña otechnopa'cho' po'poñ po'chets pen ñaña. Cacathnopa'cho'ña po'poñ'cho' po'chets pen ñaña.

⁴⁰ Ñaña ñeñt allpon ento'marnesha' ama e'ñe attecmayayeto ñerra'm patso'marnesha'. Tarraña ñeñt ento'tsa'yenpa' ellonet'cho' cochnesha'tyenet tarro'mar atet anaretet. Ñeñt patso'tsa'yenpa'cho'ña ellonet'cho' cohuenetyenet ñamet tarro'mar ñetpa'cho'ña atet anaretet.

⁴¹ Ñaña atet cohuentena atsne'pa' ñeñtpa' po'poñ poptena tarro'mar atet anaret ñaña. Arrorrrpa'cho'ña po'poñone'cho' cohuentena tarro'mar atet anaret. Rantochnopa'cho'ña po'poñone'cho' cohuenetyenet. Ñaña pate'tets rantopa' po'poñe'ttsocma cohuenetyenet ñamet tarro'mar atet anaretet.

* 15:37 Po'ño'ch aña'pa' oten trigo.

42 Attecmach yeperra yaña ñerra'm esempohuañencha' yetanterra. Ñeñt atet orrtena te' yechetspa' allempoch yetanterrappa' amach atteraye' yorrterro. Te'pa' arromñañayapa' chocmach yerroma allotpa' o'chcho' pampa'yet allcha' puetsouherr yechets. Tarraña esempoch yetanterrappa' amach alla ya'rromñañterre'te.

43 Ñaña te' yechetspa' atarr pencna'ntateney tarro'mar chocmach yat-sna'ten. Ñerra'm yatsna'tpa' o'chcho' yerroma, allotñapa' o'chcho' pampa'yet. Tarraña ñerra'm esempoch yetanterrappa' allempo yechetspa' amach alla pencna'ntaterrye'te. Allempopa' e'ñech cohuen yorreyena. Ñaña te'pa' ama ahuaencateye ñeñto'marña chocma yerromuen, allotñapa' o'chcho' pampa'yet. Tarraña ñerra'm esempoch yetanterrappa' allempopa' nanaccha' ahuaencateye.

44 Atet yeyeçquëna te' arr patso'marpa' ñeñtpa' chocmach yerroma, allotñapa' o'chcho' pampa'yet. Tarraña ñerra'm esempoch yetanterrappa' allempopa' camuecñetsotach yorrterra. Po'ñoçh yeñoteñ atet yorrtena te' yecht-sotpa' yeñoteñ ñaña yecamquëño'pa'cho'ña yorrterrach esempohuañen.

45 Ñeñto'marña ama't Yompor po'ñoño atet anuařet ahuatoteñ, ñeñtpa' atet oten: "Allempo Adánpa' yeçcach Yompor allempoñapa' ahuo't a'p po'rřerrña attoch corra e'ñe po'çhtsot. Ñeñto'mar Adánpa' ñeñt ñanom acheñetats." Tarraña chenta'ñapa' acheñetos ñaña Cristo attoch ñach yapuerre' ello o'ch alla yocrra'huerra yecamquëño'.

46 Tarro'mar Yomporpa' atet na'y. Ñanompa' o'ch yocrra e'ñe ychtsot, esempohuañenñapa' o'ch alla yocrra'huerra ñaña yecamquëño'.

47 Tarro'mar ñeñt ñanom acheñ ñeñtara Adánpa' patsa ayeçcataret, ñeñto'marña ñapa' atta patso'marneshat. Tarraña puepañ ñeñt acheñetosets ñeñtara Yepartseshar Jesucristo ñeñtpa' entot huapa.

48 Ñaña ñeñtey arromñañenesaypa' yapa'cho'ña attaya ñerra'mrrate' Adán ñeñt ayeçcataret pats. Tarraña ñeñtey ame'ñenaya Cristo ñeñt huaptsa entotpa' yapa'cho'ña yocrra'huerrach yecamquëño' ento atet ñerra'mrrate' Cristo ñeñt huaptsa entot.

49 Atteña te'pa' atta yeyeçquëna ychtsot atet ñerra'mrrate' Adán ñeñt ñanom ayeçcataret pats tarraña esempohuañenpa' yeyeçquërrach ello atet ñerra'mrrate' Cristo ñeñt huaptsa entot.

50 Ñeñto'marña masheñneshacha' ñaña noçhaneshacha' notenes: E'ñe yechtso'tpa' amach es yo'pato all amçha'tarettena Yompor. Tarro'mar allempo arromñañayapa' amate' erroteno' es yo'patoña ñeñt ama ahuañaño.

51 Ñehua, o'ch neñotatas ñeñtcha' atet perra esempo, ñeñt ñapta' eñoteñ te' Yompor. Po'ñoçhpa' amach e'ñe allohueney yerromhuo. Tarro'mar ñeñtey orameñ corretsas allempoch huerra Cristopa' amach yerromo. Allempopa' attach yepo'poñet

52 e'ñech machayota e'ñe allempocma esempoch e'morrterra Yompor po'pactor e'ñe allohuanen. Ñehua, ñeñtpa' atetcha' perra allempo. Ñanompa' o'ch e'morrterra Yompor po'pactor. Allempoñapa' o'ch tanrra'tuena ñeñt colla'huatsa ahuatoteñ. Allempochña tanterretpa' amach alla arromñañterre'te. Yaña ñeñtey orameñ corretsapa' yapa'cho'ña o'ch yepo'poñet e'ñe allempocma.

53 Tarro'mar yechets ñeñt aptsaña' añ palltetsa o'ch puenasa ñeñt ama aptsaña. Tarro'mar ñeñtey arromñañeypa' añ palltetsa o'ch yepnasa ñeñt

ama arromñateyaye.

⁵⁴ Ñerra'm esempo yechets ñeñt' aptsañapa' ñerra'm o'ch puenasa ñeñt' ama aptsañ, ñaña ñerra'm esempoch ñeñtey arromñateypa' o'ch yepnasa ñeñt' ama arromñateyayepa' e'ñe allempopa' o'ch e'ñe etsotua ñoñets ñeñt' atet anaret ahuatoteñ, ñeñtpa' atet oten: "Allempo o'ch huañerrña ñeñt' atto o'patenya rromueñets.

⁵⁵ Ñeñto'marña allempopa' amach yerromuerre'te, tarro'mar amach eñallettere'teña ñeñt'cha' alla ya'tserrperrayerr ama't yerromñoa."

⁵⁶ Tarro'mar te'pa' yo'chñaro'f o'patenyaña rromueñets, tarraña allempopa' amach eñalle yo'chñar. Ñaña yatpare'teño'f ñoñets ñeñt' atet anaretpa' ñeñtña yo'patataye'tña rromueñets allempo nanac yeyore't yo'chñar.

⁵⁷ Ñeñto'marña te'pa' yeparasyoso'chepa'ch Yompor tarro'mar atto apuey Puechemer ñeñt'ara Yepartseshar Jesucristo ñeñt'cha' 'chocma ya'pocstatene' allohuen pa'namen ñeñt' yocop.

⁵⁸ Ñeñto'mar e'ñe nemorrenteño'tpa' o'ch masheñneshacha' ñaña nochaneshacha' noterserr: Te'pa' huomenquëpa'ch sepa' seyo'cher, amach seque'chpatstere. Ñaña 'chocmuepa'ch setorrena Yomporecop. Ñaña sapa' señoche'pa'ch ñeñt' atto yetorrena Yomporecoppa' ama orrena yetorreno.

16

Añ quellepa' ñeñt' apete't huocchañneshachno

¹ Te'pa' o'ch notas po'poñ. Añ allpon quelle ñeñt' 'chocma senen huocchañneshachnocop ñeñt' ame'ñetsa, ñeñtpa' attec'mach sepa. Tarro'mar ñeñt' ame'ñetsa Galaciopa' o' neñotatuanet ñeñt'cha' atet pet, ñeñto'marña sapa'cho'ña atet'cha' sepa samña.

² Ñeñtpa' atet'cha' sepa: Pate'tets temencpa' añ pocte' 'chocmach sena'yes ellopa'tets errponcha' semna'yes o'ch sena'yes Yomporecop. Ñaña erponte'ña sechyen ñeñt'cha' sena'yes Yomporecop, ñato' aton amapa' ñato' coñe't. Ñeñtpa' o'ch sañño'tue e'ñe ellocma attotach o'ch satontatyes. Allochñapa' ñerra'm esempoch ne'chap seshopa' amach pallteno e'ñe allempopa' o'ch taya sena'yes.

³ Ñaña ñerra'm esempoch ne'chap seshopa' o'ch nequellca' carta ñeñt'cha' nemña Jerusaléno. Ñaña o'ch nemñe acheñ ñeñt'cha' anmue' quelle, ama't erra'tsena acheñ ñeñt'cha' pocte' senten sa.

⁴ Ñaña ñerra'm pocte' senteñ o'ch ahuen nanñapa' e'ñe pocte' o'ch yahua-nena e'ñe parro.

Allempo sechena Pablo o'ch ahuo' po'poñ anetso'mar

⁵ Ñaña ñerra'm esempoch ahuen arrot' attoch ne'chap seshopa' napa' noctape'cheñ arrcha' noñem Macedonio'mar.

⁶⁻⁷ Añ atarr nemnen ñerra'm Yompor muenatspa' allate' na'llponmat sesho, ñato' allate' nechara'pena. Tarro'mar napa' ama nemno o'ch atta nepomuet-nom sesho, añña napa' nemneñ ñerra'm Yompor muenatspa' allate' natomat. Ñaña ñato' e'ñe allo'tpa' o'te' sanemyesen errach'cho' neshecha allempo.

⁸⁻⁹ Tarraña te'pa' amach erra neto. Allanach arr Efeso tarro'mar te'pa' eñall attoch o'ch neserrpare'tatyes shonte' Yompor po'ñoñ. Ñaña te'pa' neñoteñ ñato' o'ch ame'ñenna shonte' acheñ, tarraña 'chocma eñall ñaña shonte' ñeñt'cha' nepatare'tene'. Tarraña o'ch 'chap Pentecostepopa' o'ch ahuerren arrot.

Atet otanet Timoteocop

¹⁰ Ñaña o'ch notas, ñerra'm esempoch chap masheñ Timoteopa' o'ch sagañ e'ñe cohuen, allochñapa' amach cha llecoso sesho. Tarro'mar ñapa'cho'ña nanac torrena Yomporecop atet ñerra'm na.

¹¹ Ñaña ñerra'm esempoch chap seshopa' añ pocte' chocmach se'mñoch e'ñe cohuen. Ñaña e'ñech cohuen seyempue' allochñapa' ñerra'm esempo puerrera allotpa' e'ñech pocsheñsha' cherr nesho. Tarro'mar napa' chocma necueñ masheñ Timoteo epan po'poñechno masheñnesha'chno.

¹² Ñaña masheñ Apolospa' nanac nemñare'teñ o'ch emo'tensa' epuet po'poñechno masheñnesha'pa' tarraña te'pa' ñapa' ama mueno. Tarraña esempopa' chomach chap sesho ñerra'm esempoch pocta'huoña.

Allemo so'terranet po'cartot

¹³ E'ñe allohuanenpa' o'ch noterrser: Te'pa' e'ñech señota, tarro'mar chocma eñall ñeñtcha' ya'psaterre' Yompor. Ñaña e'ñe same'ñeño'pa' huomenguëpa'ch sepa' seyo'cher. Ñaña amach señcha'tatsto, chocñña seu-mencta Yomporecop.

¹⁴ Ñaña ora allpon ñeñt sepa'yenpa' e'ñepa'ch semorrentanna'teño' es sepa'yen.

¹⁵ Te'pa' o'ch masheñnesha' ñaña no'chaneshacha' notas po'poñ. Sapa' seño'teñ ñaña atto masheñ Estéfanasa' ña ñanom ame'ñerrtsa' ahua't all Acayo. Ñaña ahuo't ame'ñerret epuet pamo'tsesha'. E'ñe allemoteñ ñetpa' ahuo't torra'yenet añecop attoch yenpuet allohuen ñeñt pueyochresha' o' perr te' Parets.

¹⁶ Ñeño'mar te'pa' o'ch notas: E'ñe pocte' o'ch se'mñoch Estéfanas, ñaña ama't allohuen po'poñechno acheñ ñeñt chocma torrapretetsa Yomporecop.

¹⁷ Napa' te'pa' atarr nocshena tarro'mar o' huapa arr nesho masheñ Estéfanas ñaña Fortunato ñaña Acaico. Tarro'mar sapa' ama't ama sehuapopa' ñetpa' o' huapuet.

¹⁸ Ñetpa' atarr coshatosnet neyo'chrocmañen. Ñato' sapa'cho'ña o'te' coshataset. Cohuenepa'ch señch acheñ ñeñt atet petsa.

¹⁹ Ñaña allohuen ñeñt ame'ña'yetsa arr Asio'marpa' mueneñet o'ch huomñcha'taset ñamet añ necartot. Masheñ Aquilapa'cho'ña mueneñ o'ch huomñcha'tas epuet pueta'por Priscila. Ñaña allohuen masheñnesha' ñaña no'chaneshachno ñeñt pame'ñeño'fet apchetset Aquilapahuo mueneñet o'ch huomñcha'taset ñamet. Tarro'mar e'ñe yeparrocmateño' epay Yepartse-sharpa' o' huomñcha'taset añ necartot.

²⁰ Ñaña allohuen masheñnesha'chno ñaña no'chaneshachno ñeñt arro'tsa'yenpa' mueneñet o'ch huomñcha'taset ñamet. E'ñe semorrentanna'teño'pa' atet'cha' sehuomñcha'tanna'tena ñeñt atet poctetsa Partsocop.*

²¹ Añ coñe'tpa' o'ch nequellca' nanña e'ñe na notot, attoch o'ch nehuomñcha'tas nanña.

²² Ñerra'm esesha' ama morrentenaye Yepartseshar Jesucristo ñeñtña atet petsa a'coñchatare'tepa'ch. Te'pa' ñeñt'ach notas, huernayepa'te' ñeñt Yepartseshar yepen.

²³ Yepartsesharepa'chña Jesucristo sa'natenaya allohuenes.

* **16:20** Po'ño'ch oteneý, "E'ñe semorrentanna'teño'f chocch setso'ttsa'pa'tannena ñerra'm esempo sehuomñcha'tanna'tena ñeñt atet poctetsa Partsocop." Ñeñt'pa' atet ye'chete't ahua't.

²⁴E'ñe name'ñeñoĩ Cristo Jesús atarr nemorrentensa. Te'pa' ñeñfach notas, ñeñtpa' attetepa'chña Nompore. Allohua.

Pablo

AÑ PUEPAÑ SAN PABLO PO' CARTA ÑEÑT QUELLQUËRRANERR CORINTO' MARNESHA' 2 CORINTIOS

Atto Pablopá' alla quellquërranerr carta añecop ñeñt ame'ñetsa anetso Corinto

¹ Masheñeshacha' ñaña nochaneshacha' ñeñfes allohuenes ame'ñenaya Yompor ñaña e'ñe same'ñeñoť čhocma sapčhena Yomporecop all anetso Corinto. Ñaña añ cartapa' añepa'ñaña nequellquëñ allohuenacop ñeñť o' pueyochresha' perranet Parets ñeñť apčha'yetsa allemeñ anetso Acayo'mar. Na Pablón o'ch alla nequellquërrnaserr po'poñ carta epan masheñ Timoteo. Napa' ñeñfen Jesucristo puellsensaren tarro'mar atet muenen Yompor.

² Te'pa' e'ñe nehuomčha'teñoťes sa napa' o'ch notas: Yomporepa'chña sebensare'tampene' ñeñť nanac Parets epuet Puechemer Jesucristo ñeñť Yepartseshar yepen. Ñetepa'chña socshatene' e'ñe sa seyočhro allohuenes.

Yomporpa' ñachña čhocma yocshatene' allempo es yehuenoya

³ Aye'chočhtaterrapo'ch Yompor, ñeñfara ñeñť Pompör pen Yepartseshar Jesucristo. Ñeñfara Yompor ñeñť atarr amueraña, ñeñťcha' čhocma yocshaterre' allempo es yelcatene' yeyočhro.

⁴ Ñerra'm esempo huennaya pa'namen ñeñť amueročhtatañtetsa ñapa' ñachña čhocma yocshaterre'. Tarro'mar o' coshaterrey Yompor, allochña yapa'čho'ña attoch yeñoteñ o'ch yocshater yaña masheñeshash' ñerra'm esempo huapanet ñamet ñeñťcha' mueročhtatahuet. Añ poctetsa o'ch yocshateranet ñet atto Yomporpa' o' coshaterrey yaña.

⁵ Atto nanac yemueročhtapreteña Cristo tarraña ñachña ello atarr yocshaterre'.

⁶ Ñeñťo'marña te'pa' o'ch notas, ñerra'm esempo nemueročhtena na, ñeñťpa' e'ñe po'ñočh socop, tarro'mar ñerra'm esempo nemueročhtena napa' ñeñťpa' alloch socsherra samä attotčha'ña sequeshperra. Ñaña ñerra'm esempo coshaterren Yompor ñeñťpa'čho'ña alloch nocshaterres samä. Allochñapa' e'ñe socsheñeshocmañen čhocmach sa'huanten allohuen mueročhteñes ñeñť atet nepena na.

⁷ Ñeñťo'mar napa' neñotenes čhocmach sa'huanta' ñeñť echarr senten. Tarro'mar napa' neñoteñ ñerra'm allpon semueročhtapretna, elloña allempopa' o'ch alla e'ñe socshapreterrna atto Yomporpa' ñachña čhocma yocshaterre'.

⁸ Ñehua, te'pa' nemneñ o'ch masheñeshacha' señoten ñeñť atet nemueročhtosa ahuaña all anetso Asia. Allempopa' napa' atarr nanac nellquëna. Napa' notapañ čach nerroma, amach erroť nepe o'ch na'queshpata nañeña.

⁹ Po'ñočh napa' neñoteñ neyočhro te'pa' o' čhapona ñeñť nocop allempoch nerroma. Tarraña añepa huapona echarrteñes atet, allochñapa' attoch e'ñe neñoteñ Yomporcha'ña neyemtena. Amachña nañeña yemtetso. Tarro'mar Yompor po'huamencot ama't arromñaťpa' čhocmach tantater.

¹⁰ Tarraña ama't muene' nerromañ Yomporpa' allorocma tantaterren po'huamencot attoch ama nerromo. Ñeñťo'marña napa' neñoteñ Yomporpa' čhocmach a'queshpaterrey. Ñeñťo'marña te'pa' ñachña čhocma neyemtena.

Neñoteñ allo'na sen na'queshp̄atnene' ñerra'm esempo es nohuerroyerr ñeñt̄ atarr echarr.

¹¹ Ñaña añ poctetsa o'ch sema'yochampenna attoch seyempa'n. Ñaña shonte' acheñenesha' ñerra'm esempo eñotennet atto Yomporpa' chocma a'natenna e'ñe puema'yocheñotet ñet, allempopa' chocmach parasyoso'teñet Yompor atto a'natenna.

Atto Pablopa' ama eñotenano p̄eshquẽñ

¹² Ñehua, te'pa' o'ch notas po'poñ ñeñt̄ atet noctape'chen. Napa' ñeñña atarr nocshatene' nanac. Napa' neñotena neyoçhro po'ñoçh arr patsropa' chocma noctape'chen ñeñt̄ atet pocte' enten Parets. E'ñe name'ñeñoçh Yompor, napa' ama nemno o'ch esesha' neshca'yes ama't mamesha. Elloña sapa' ama nemno o'ch neshcas ama't e'ñe mamesha. Ama ña neyemteno ñeñt̄ atet yoctape'chen ya acheñey arr patsro, añcha'ña neyemteñoçh Yompor attoch ñach neyenpuene'. E'ñe puemuereñoçh ñachña neñotatene' ñeñt̄ cohuen enten ña.

¹³ Ñehua, sapa' çhate' sotapañ napa' attate' neshquẽnes ñeñt̄ notenes necartot̄. Tarraña ñeñt̄ allpon notenes necartotpa', o'ch selleye' allochñapa' esheccha' señoçh ñeñt̄pa' e'ñe po'ñoçh atet, añ ñoñetspa' ama shequẽnt̄soyaye. Napa' necuenes esempohuañen o'ch e'ñe seyemtena e'ñe poctacma, o'ch e'ñe señoçh ñeñt̄ atet notenes necartot̄ ñeñt̄pa' e'ñe po'ñoçh atet. Napa' ama çhoye' neshquẽns̄o.

¹⁴ Ama't te'pa' ama e'ñe poctacmaye' seyemtenno, tarraña ñerra'm seyemtena e'ñe poctacma, allempoñapa' ñerra'm esempoch huerra Yepart-seshar Jesús'pa' atto socshenna na, napa'çho'ña allempopa' nocshersach sam̄a.

Atto Pablopa' sechenañ o'ch emo'tenana' corinto'marnesha'

¹⁵⁻¹⁶ Napa' notenapañ chocmate' seyemtenna, tarro'mar napa' ama çhoye' neshquẽns̄o. Ñeñto'mar napa' ahuaña nesechena o'ch ahuen Macedonio, napa' noctape'cheñ o'ch nemo'tnomues. Choncha'ña metats ñaña Macedonio, allempoña noctape'cheñ o'ch nerr Macedoniotpa' o'ch alla nemo'tnerserr. Attoch puepocheño o'ch nocshatterres, ñaña attoch seyempa'n sam̄a o'ch alla ahuerren Judeo.

¹⁷ Tarraña ama't atet noctape'cheneñ o'ch nemo'tersañpa' tarraña ama neseno o'ch nabçherrs̄a; ñeñto'marña sapa' çhate' sotenapañ napa' epuote' noctape'chen cohuen. Sapa' attate' sentenen atet ñerra'm acheñ ñeñt̄ attach es puechena arr patsro. Ama'tcha' otenan acheñenesha' ñeñt̄cha' atet p̄a, tarraña pueyoçhroñapa' cotape'chenayach po'poñ.

¹⁸ Tarraña napa' ama atteye' noctape'cheno. Ñerra'm es notenes ñeñt̄cha' atet ne'papa' neyoçhroñapa' ama esoye' noctape'cheno po'poñ. Tarro'mar Yompor ñerra'm es oteneñ ñeñt̄cha' atet p̄onaypa' atetcha'çho' pennay tarro'mar ñapa' ama puenesho po'ñoñ.

¹⁹ Ñaña Yompor Puechemer ñeñt̄ara Cristo Jesús ñerra'm es oteneñ ñeñt̄cha' atet p̄onaypa' atetcha'çho' pennay, chocmach orrtateñ e'ñe po'ñoçh, tarro'mar ñapa'çho'ña ama puenesho po'ñoñ. Ñeñt̄ara Jesucristo ñeñt̄ chocma yeserrpare'tatenes epan masheñ Silvano ñaña masheñ Timoteo.

²⁰ Tarro'mar allohuen ñeñt̄ allpon atet oteneñ Yompor ñeñt̄cha' atet p̄ernay, Puechemerña ñeñt̄ Cristo Jesús ñaña e'ñe etsotatuene' po'ñoñ. Ñeñto'mar ñerra'm esempo yoten "attetepa'ch Yompore yocop" yeñoteñ

Cristopa' ñaña e'ñe etsotatuene' Pompor po'ñoñ yocop. Allochñapa' attoch e'ñe cohuen ya'ye'chochtateññañ Yompor.

²¹ Ñeñfara Yompor ñeñf ahuamencat pene' allohueney yeyo'cher e'ñe yame'ñeño' Puechemer Cristo. Ñeñfara Yompor ñeñf yellsensene' attoch yetorra'yesa ñocop.

²² Ñaña ñapa' ahuo't apuerrey attoch yeñoter o' puechemer perrey ña. Ñeñpa' ñato' o'ch netma'ntacha atet ñerra'mrrate' aynatuaretey Yomporcop. Ñaña ahuo't apuerrey Puecamquëñ ñeñfcha' yecherrtsa yeyo'chro ñeñpa' ñeñfcha'ña yeñotatene' orameñ shonte' ñeñf o'patatenya Yompor.

²³ Te'pa' o'ch neñotaterrser ñeñf atet noctape'chen ñeñto'marña ama nemo'terrso ahuaña. Yomporpa' eñotenen ñeñfcha' atet notas ñeñpa' e'ñe po'ño'ch atet. E'ñe nemorrenteño'es sapa' ama ne'cherro all sey'chena Corinto. Tarro'mar ama neto, ñerra'm netañ o'ch ne'chap seshopa' 'chate' muene' neche'ptare'tyesoses e'ñe sa satpare'teño'en. Ñerra'm atetpa' 'chate' alla nellcaterres. Ñeñto'mar te'pa' o'ch notas e'ñe nemorrenteño'es sapa' atotña ama ne'cherro sesho. Ñerra'm po'ño'chte' ama atteye' notensopa' Yomporpa'chña na'chencaterre'.

²⁴ Ama añe'cpaye' notenso attoch sapa' o'ch sa'n'cha'tareter seperren na, ñeñes ame'ñenaya Yompor. Añcha'ña netorrapretasa attoch neyenpas. Ama't atto o' huomenc same'ñeññañ Yompor, napa' 'chocmach netorrrena socop allochñapa' attoch señmañeshocmañen socter Yompor e'ñe poctacma.

2

¹ Ñehua, ama'tcha' nemneñeñ o'ch alla ne'cherrerr sesho tarraña napa' ahuo't alla noctape'cherr ello neyo'chro, noten amach neto tarro'mar ama nemno o'ch ne'chap nellquëñesha' sesho te't sapa' o'te' alla nellcaterreserr saña.

² Tarro'mar noten ñerra'm ne'ñotare'teño'es na o'ch alla nellcaterrespa' attoch nellcaterres sa, sellquëñapa' amach nocshapretaso, tarro'mar sapa' sañeña e'ñe nocshatene'.

³ Ñeñto'marña ama ne'cherro sesho ahuaña, aña nequellconas carta ñeñfcha' soctape'chaterre' e'ñe cohuen. Allochñapa' ñerra'm machayota ne'cherr sesho ñerra'm o'ch alla soctape'cherr cohuen, ñeñfcha'ña atarr nocshapretuerrsa. Allochñapa' amach tama nellquënsa tarro'mar añ poctetsa socop 'chocmachña e'ñe socshaterren. Ñaña neñotenes ñerra'm esempo nocshena na sapa'cho'ña allohuenespa' o'ch e'ñe socsherra.

⁴ Ñaña allempo nequellconas añ carta ahuañapa' e'ñe nellquëñesha' nequellquënnas. Ama neñmateno neyo'chro ama't mamesha, e'ñe ñeñfa nenen neyo'chro. Elloñapa' e'ñe neya'chpeñesha' nequellquënnas ñeñf carta. Napa' ama añe'cpaye' nequellquënnaso carta attoch nellcatas sa; añe'cpaña nequellquënnas attoch sapa' o'ch seño'ch atarr nanac nemorrentensa.

Arrpa' all cotape'chatanet attoch peretnet atparñã

⁵ Ñaña añ acheñer ñeñf atpare'tetsa seshopa' ama naptayaya llecatenno na, añña ama't sapa'cho'ña allohuenespa' 'chocma llecatenes. Ñehua, tarraña ama't atteñpa' ñato' o'ch notas ama allohuenacmas atet petso, te't atfa atarr natontaten ñoñets ñeñf ama atteyaye po'ño'ch.

⁶ Ñaña te'pa' o'ch notas, e'ñe pocte' atto o' secoñchatue ñeñf acheñer, te'pa' allohuach. Ama't shonteseñ ñeñes pocte' entenayeñ o'ch secoñchatererr ñeñf atparñã, tarraña te'pa' ñeñfch.

7 Te'pa' añña poctetsa o'ch alla sepretner, allochñapa' attoch socshater, te'tatta nanac llequëna, puellquëño'pa' o'te' alla quechpuerran Yompör.

8 Ñeño'mar te'pa' notenes añ poctetsa o'ch sorrtaoñ cohuen ñocöp attoch eñoter po'ño'chpa' atarr semorrenteña.

9 Ñeñtecpaña noctape'chatas ahuaña necartot ñeñ'cha' atet sepe' ñeñ'atpare'tetsa attoch netpatenes o'ch neñotas ñerra'm po'ño'chte' e'ñe same'ñena ñeñ'poctetsa Yomporecop, ama't erroteno'tensa.

10 Ñaña o'ch noterserr; ñerra'm esesha' sepretner sa, napa'cho'ña e'ñech pocte' nenteñ namä apretneretterrepa'ch. Ñeñ'chocma natpare'tene' ahuaña te'ña ñapa' o' nepretner, ñeñ'pa' e'ñe socöp. Ama't Cristopa' e'ñe entenen.

11 Ñaña añ e'ñe poctetsa o'ch ye'pretannena. Allochñapa' ama't oneñe'tpa' amach alla a'psaterrye Yompör. Tarro'mar ñapa' yeñoteñ'chocma e'nenan attoch shequëny.

Atto Pablo' atarr llequënana corinto'marnesha' allempo ama huerra' Tito Corintot

12 Te'pa' o'ch neñotatterserr ñeñ' atet ne'pa' ahuaña. Ahuaña allempo ne'cherr Troaso, napa' o'ch neserrpare'tatanetañ Cristo po'ñoñ ñeñ' alloch yequeshperrapa' shonte' acheñenesha' mueneñetañ o'ch e'mñiotoñet Yepartshesar po'ñoñ,

13 tarraña napa' ama't mamesha ama neñmateno'neyo'chro tarro'mar allpa' ama nentose masheñ Tito. Ñeño'mar ama na'po all, atta neso'tnerranet, o'ch ne'cherr all anetso Macedonia.

Yompörpa' chocma moñenya allempo es yehuenoya

14 Yeparasyoso'chepa'ch Yompör tarro'mar ñapa' chocma moñenya allempo es yehuenoya. Ñaña e'ñe yeyemteño' Puechemer Cristo Jesús'pa' chapäterreycha' cosheñ'tso. Ama't yapa' o' muenaterrey attoch ya'poterrñañ po'ñoñ erraparen, allochñapa' attoch epa'huerra po'cohuenña erracmañen. Ñato' o'ch netma'ntacha atet ñerra'mrrate' ñeñ' atarr es eñmosa'tetsa, chach epa'hua e'ñe cohuen erracmañen pue'ñmosa'teña.

15 Tarro'mar ñeñey a'potene' Cristo, Pomporñapa' e'ñe atet enteney ñerra'mrrate' ñeñ' eñmosa'tetsa e'ñe cohuen ñocöp, ñeñ'cha' epa'huerrtsa erracmañen allo'tsa'yen acheñenesha' añ patsro. Patanta'tetspa' pame'ñeñotetpa' a'queshpataretterretcha', patanta'tetsña ñeñ'cha' ama ame'ñerrtsopa' ñetpa' chenca' huerretcha'.

16 Acheñenesha' ñeñ'cha' chenquerrtsapa' e'ñech atet enteññañet Yompör po'ñoñ ñeñ' yeserrpare'ten ñerra'mrrate' ñeñ' amtsañtetsa, añña ñeñ'feycha' queshperrtsapa' yañapa' o' yenterrñañ Yompör po'ñoñ atet ñerra'm es ñeñ' ama ahuañaño alloña yapa' corretsayach. Ñato' o'ch netma'ntacha ñerra'mrrate' ñeñ' atarr eñmosa't ñeñ'cha'ña ya'crraterre' errponohuañen. Esesha'huachñaca' pocte' enterrña Yompör ñeñ'cha' serrpare'terre' po'ñoñ.

17 Añ pocte' enten Yompör ñeñ'cha' serrpare'tene' po'ñoñ ñeñ' e'ñe pueñmañeshocmañen serrpare'tene'. Atet ñerra'm ya, tarro'mar yapa' ama choye' yetseteno Yompör po'ñoñ acheñ' pocta'ño ñeñ' atet pena shonte' po'potantañ acheñenesha'. Ñetpa' atet penet attoch pocshateño' acheñenesha'pa' o'ch es apa'yenanet. Añcha'ña e'ñe yeñmañeshocmañen yeserrpare'teññañ po'ñoñ atet llesenseny Yompör. Ñapa' enteney ñeñ' atet ye'ñorena ñocöp e'ñe yeyemteño' Puechemer Cristo.

3

Atto Pablopa' ama pallteno o'ch quellcoñet carta attoch cohuen enteñ acheñenesha'

1 Sapa' çhate' sotenapañ napa' o' alla neñerrerr e'ñe cohuen, ñato' noc-pate', ñato' çhate' nommo'chena. Tarraña ñeñtpa' ama atteyaye. Amapa' ñato' sapa' çhate' sotenapañ añfe' nepalltena carta ñeñtcha' señotate' atto po'poñ anetso'marnesha'pa' e'ñech cohuen entapretennet atto napa' cohuen netorrena Yomporecop. Tarraña napa' ama es nepallteno. Ñehua, ñaña çhate' sotenapañ añfe' nepalltena carta ñeñtcha' sequellcon sa alloch señotach po'potantañ acheñ atto e'ñe cohuen sentenen na, atet pena po'psheññechno ñeñt serrpare'tets attoch cohuen enteñ acheñenesha' e'ñe ñañeña.

2 Tarraña napa' ama nepallteno ñeñt po'poñ carta ñeñtcha' e'ñotate' po'potantañ acheñenesha' ñeñt atto netorrena na Yomporecoppa' ñeñtña atarr sherbets. Tarro'mar sapa' saña e'ñe sherbets atet ñerra'mrrate' necarta nepenes. Tarro'mar allempo acheñenesha' e'ñotenset sa atto te'pa' o' soctape'cherr cohuen Yomporecop, ñeñtcha'ña e'ñotatenahuet ñeñt atto netorrena na, ñeñtpa' ñeñtña e'ñe sherbets Yomporecop. Ñato' o'ch netma'ntacha atet: Na necarta ñeñtña e'ñotatenahuet ñeñtpa' all aquellcaret e'ñe neyoçhro ñeñtcha' lleyen allohuen acheñenesha' ñeñtcha'ña e'ñotatenahuet.

3 Ñaña sa atto te'pa' sorrntaten ñeñt e'ñe cohuentetsa, acheñenesha'ñapa' o'ch e'ñotapretaset ñeñtpa' po'ñoçh Cristo po'taruas pene'. Ñato' o'ch netma'ntacha atet: Sapa' atet sesherben ñerra'mrrate' yecarta ñeñtcha' e'ñotatenahuet, ñeñt cartapa' o' quellca'huonay Cristo e'ñe ña. Añ cartapa' ahuo't aquellca'huaretta ahuañmo'choteñ allempo yapa' yeçhapatonas Yompor po'ñoñ ñeñt same'ñatate' Yompor. Tarraña añ cartapa' ama añoye' aquellcaretto tinto, añaña Yompor Puecamquëño' anaretta, ñeñtara Yompor ñeñt ama arromña'feshayaye. Tarraña añ cartapa' ama arreye' aquellcarete mapyettallo. Añpa' arrña aquellcaret e'ñe ya yeyoçhro ama't ñeñtey arromña'fey.

Atto Yomporpa' a'pocatterrnay e'ñe etserra

4-5 Napa' neñoteñ ama nepallteno po'poñ carta ñeñtcha' e'ñotatenahuet. Saña ñeñfes e'ñe necarta nepenes. Ama notenso e'ñe ñañeña nohuamencot es ne'pa'yen. Añaña e'ñe neyemteño' Cristo napa' netorrena Yomporecop. Ora allohuen es ne'pa'yen Yomporña ahuamencat nepene'.

6 Ñeñtara Yompor ñeñt ahuamencat yepene' allochñapa' attoch yeserrpare'terrñañ pocattaña ñeñt atet a'pocatterrnay e'ñe etserra. Añpa' ama atteyaye atet pa' ahua't Yompor allempo apan Moisés po'ñoñ ñeñt anarettatse't ñeñtcha' e'ñe yetsotuañ esheccha' a'queshpateney Yompor. Ñeñt ama etsotaye'te, ñocpuetpa' o' anarettet rromuetcha', chenquërretcha'. Tarraña ñeñt atto a'pocattuerrnay Yompor etserra, ñeñtpa' atto apueney Puecamquëñ alloch yocrra'huerra, tayoteñ errponohuañen.

7 Añ ñoñets ñeñt aquellcarettatsa mapyettallo, ñeñt ama etsotenaye, ñocpuetpa' o' anarettet rromuetcha', chenquërretcha'. Ñaña ahua't allempo Yomporpa' apan Moisés po'ñoñ atet, e'ñe po'cohuenteno' apan Moisés.

Moisés pa' atet orrta pa' cloyot' cha poptena, atarr a'rrechatañ. Ama't israelneshapa' ama eshcaye' cohucacle' cheto. Tarraña ama't atet pañpa' acopoteñ maya' huanerr ñeñ' atto poptena.

8-9 Ama't añ cotapñatser ñeñ'cha' ya' chencaterrayeñpa' tarraña Yomporpa' atarr cohuenot orrtach allempo. Te'ña e' ñe ellonetpa' o' alla orrtaterrnayerr ña' poptañña atoch e' ñe pocte' entuerrey. Ñeñ'pa' e' ñe Parets Puecamquëño orrtatuerrnay ñeñ' marña ñapa' ello cohuentena nanac.

10 Ñeñ' atet popta ahuat Moisés pa' cloyot' allempo ap' Yompor po'ñoñ, te'ña ñeñ'pa' o' huañ e' ñeye' cohuenaye' yeñch tarro' mar te'pa' eñall Cristo po'ñoñ ñeñ' atarr cohuen yenten, ello metanenan atto cohuenete' Moisés po'ñoñ.

11 Tarro' mar ñeñ' atet cohuenete' Moisés ñeñ'pa' acopoteñ maya' huanerr atto cohuentena. Tarraña te'pa' atto cohuentena Cristo po'ñoñ ñeñ'pa' amach ahuañaña' terro, ñeñ' marña ñeñ'pa' ello metanenan Moisés po'cohuenña.

Atto Cristo po'cohuenña ñeñ'pa' amach ahuañaña' terro

12 Yapa' o' yeñoterrñañ Cristo po'cohuenña ñeñ'pa' amach ahuañaña' terro. Ñeñ' marña yapa' ama yepenquëño'teye' yeserrpare' teññañe po'ñoñ.

13 Yapa' ama atteye' yepeno atet pa' ahuat Moisés. Ñapa' cha huañerr atto popta pa' cloyotpa' ahuo't ca' macle' cha allochña israelneshapa' amach eñcheto pa' cloyot' o' huañerr atto poptena.

14 Israelneshapa' ama çhapaneto pueyoçhreto atoch cotape' cherret cohuen Yomporecop. Ama't teme'ttsen ñerra'm esempo lleyeññañet ñeñ' a'pocht Yompor ahuat attaretach amach çhapaneto pueyoçhro ñeñ' atet muenen Yompor. Po'ñoçhpa' añoçha'ña çhaponaya yeyoçhro ñeñ' atet muenen Yompor e' ñe yeyemeño' Puechemer ñeñ' Cristo. Israelneshapa' ama cohuenaye' enteñeto Cristo ñeñ' mar noten ñetpa' teme'ttsen atet penet ñerra'mrrate' çho ca' macle' chenet.

15 Po'ñoçh ama't teme'ttsen ñerra'm esempo e'ññotenet all lleyeññañet Moisés po'ñoñ amach es eñotenet. Chach ottenet ñerra'mrrate' cha es a'npuenahuet atoch amach eñotoñeto Yompor poptañña.

16 Tarraña ama't puesheñarroçeya ñeñ'ey erra'tseney acheñey, allem-poteñ yaguër Yepartseshar Cristo, allem-poteñcha'ña çhaponaya yeyoçhro ñeñ' atet muenen Yompor; Cristopa' ñachña yehuapore'tam'pse'ña ñeñ' ya'npuenayeñ.

17 Ñeñ' yoten Parets Puecamquëñ, ñeñ'tara Yepartseshar Cristo Puecamquëñ. Ñaña atarr cosheñ'tso'tseney ñerra'm esempoch çhaponaya Cristo Puecamquëñ yeyoçhro. O' huañcha' yemueroçhtame'ta atoch puechemer perrey Yompor, e' ñech yocsheñesha' yocter Yompor.

18 Allohueney ñeñ'ey ame'ñenaya Yepartseshar Cristo, ña Puecamquëñpa' ñachña ya'po'poñeterre', allochña'pa' allo'nach yesen cohuentapretaya Cristo. Yapa' ama atteyayye ñerra'mrrate' ñeñ' a'natacle' chare't atoch amach enteññañeto Cristo po'cohuenña. Yapa' e' ñe yecueño' Cristo po'cohuenña, yapa' çho'ña o'ch yecohuentapreteña yañña, atet ñerra'mrrate' rerep poptetsa ñerra'm çho yecuach atsretonet.

4

Atto Pablop' atarr cohuen yeçhatenanet Yompor po'ñoñ

¹ Yomporpa' e'ñe puemuereñoŋ muenatenen o'ch netorreññaña ñeñŋ nanac sherbets ñocop. Ñeñŋo'marña napa' ama nellquëñoŋeye' neserrpare'teññañe po'ñoñ.

² Ñeñŋ a'nahua es pa'yenet ñeñŋ apencoŋhen yenten yocop ya ñeñŋey torretsa Yomporecoppa' ñeñña napa' o' na'ypo'ñamper. Ñaña napa' ama es neshquëñoŋ nepa'yeno masheñneshacop. Ñaña napa' allempo neserrpare'tateñ acheñenesha' ama çoye' na'po'poñeteññañe Yompor po'ñoñ. Añcha'ña e'ñe na'poteññañ Yompor po'ñoñ e'ñe po'ñoçh ñeñŋ atet oten po'ñoñ. Yomporpa' entenen ñeñŋ atet notenes ñeñŋpa' e'ñe po'ñoçh atet. Ñaña ama't erra'tsena acheñer ñeñŋ eñotene' ñeñŋ e'ñe poçte' entenet ñet pueyoçhretopa' ñetpa'çho'ña e'ñeç cohuen entapretennet.

³ Atto yeserrpare'teññañ Yompor po'ñoñ ñeñŋ po'ñoçh alloch yequeshperra tarraña patantarr acheñenesha'pa' amach çhapaneto pueyoçhreto ñeñŋ alloch yequeshperra. Ñeñŋ atet petsapa' allo'na senet allcha' chenca'huerret.

⁴ Ñeñŋara acheñenesha' ñeñŋ ama ame'ñetso, ñetpa' añña po'yomporer penet arr patsro ñeñŋ oneñeŋ, ñeñña ama muenatenaneto o'ch çhapanet pueyoçhreto Yompor po'ñoñ; allochñapa' attotcha' amach eshcaye' cohuen enteññañeto Cristo po'cohuenña. Ñapa' attecma cohuentena ñerra'mrrate' Pompor Parets ñeñŋ ama entpahuoyaye. Ñeñŋ po'cohuenñapa' ñeñŋara yoten cohuen ñoñets alloch yequeshperra. Ñato' o'ch netma'ntacha atto oneñeŋpa' a'nataçle'chenanet attoçhña amach eshcaye' cohuen enteññañeto Cristo po'puetarenña.

⁵ Tarro'mar ñeñŋey e'ñe yeñmañeshocmañen seserrpare'tatene'pa' ñeñŋpa' ama añcepaye' atet yepeno attoçh senteney ya ñerra'mrrate' samo'mte' sepeney. Añcha'ña yeserrpare'tatenes Jesucristo, ñachña Separtseshar sepen. Yapa' añña atarr yetorrena socop e'ñe yemorrenteñoŋ Jesús.

⁶ Ñehua, yapa' yeñoteñ atet ot ahuat Yompor, ñeñŋpa' atet ot: "Eñalletepa'ch pueta're' allochñapa' o'huañcha' checmet." Ñeñŋara Yompor te'ñapa' o' a'puetarsampernay yaña yeyoçher allochñapa' attoçh yeñotater po'potantañ acheñenesha' atto Cristopa' ña orrtatene' Pompor po'cohuenña.

Ama't ama esoshe'mayayye e'ñe yeyemteñoŋ Yomporpa' ñapa' çhocmach ahuamencat peney

⁷ Ñeñŋpa' atto Yomporpa' ahua't chorrerrya yeyoçhro po'cohuenña, ama't yapa' arromñataya, ama esoshe'mayayye. Añecopña o' chorrerrya ya ama't ñeñŋey ama esoshe'mayayye, allochñapa' attoçh eñochet ñeñŋ atto atarr ahuamencat yentenapa' ñeñŋpa' ama yoyaye yehuomenc, ñeñŋpa' Yomproeshot huena. Ñato' o'ch netma'ntacha atet ñerra'm ahuat po'poñ acheñ ñerra'm esempo atarr es morrentenetpa' o'ch esha'teñet patsrrogo ama't ñeñŋ coyempa' ama e'ñe cohuenayaye.

⁸ Ñehua, ama't allemateñcha' huaponaya ñeñŋcha' atarr ya llpatate', tarraña çhocmach eñall attoçh yesuanem. Ñaña ama'tcha' atarr yellquëñañ nanacpa' tarraña çhocmach eñall attoçh yesuanem allohuen ñeñŋ allcatañtetsa.

⁹ Ñehua, ama'tcha' cotare'teney ñeñŋ ye'moñe'tene' tarraña Yomporpa' amach a'ypo'ñenye ama't mamesha. Ama'tcha' o'shshe'mayet patsopa' çhocmach alla yetanterra.

10 Chocmach muene' yerromañ atet pete't Jesús. Tarraña atto Jesús'pa' o' alla tanterra yapa'cho'ña attoña o' a'queshpaterrey allempto es yehuenoya. Attochña yeñotach acheñenesha' atto Jesús te'pa' o' betterra.

11 Atto allponmat yocrrena añe patsro yapa' chocmach pomatatenyet yerromuepa'to'. E'ñe yemorrenenteño Jesús atet penyet. Tarraña atto Jesús'pa' o' alla tanterra, yapa'cho'ña attoña a'queshpaterrey allempto es yehuenoya ama't yapa' arromñañenesaya. Attochña yeñotach acheñenesha' atto Jesús te'pa' o' betterra.

12 E'ñe netorreño Cristocop chocmach nanac nemueroçhetuanena autsancha' rromuets. Tarraña ñeñtpa' atarr cohuen socop tarro'mar ñeñtpa' alloch e'ñe sequeshpa'huerra saña.

13 Añmapa' ñeñt atet oten Yompor po'ñoñ ñeñt atet anuaret ahuatoteñ ñeñtpa' atet oten ñeñt quellqué' libro Salmos, "Napa' atarr neyemteña Yompor ñeñto'mar atet ne'ñorena ñocop." Yapa'cho'ña e'ñe attecma yoctape'chen yaña. E'ñe attecma yeyemteña Yompor, ñeñto'mar yapa'cho'ña attecma ye'ñorena yaña.

14 Yapa' yeñoteñ Yomporpa' ahuo't tantaterran Puechemer ñeñfara Yepart-seshar Jesús. Ñeñto'mar yeñoteñ yapa'cho'ña tantatuerreycha' Yompor e'ñe atet pan Puechemer Jesús, allochñapa' ama't sapa' o'ch çapatuerres allohuenes e'ñe parro ñesho.

15 Ñeñto'marña napa' Yomporña nemnate' o'ch nemueroçhtame'ta; ñeñtpa' e'ñe socop, allochñapa' attotcha' Yompor puemuereña çapcha' shonte' acheñenesesho, allochñapa' shonte'ch acheñenesha' allo'nach senet parasyoso'tnomuet Yompor, attochña e'ñe cohuen ya'ye'choçhtateñañ Yompor.

16 Ñeñto'marña napa' ama nellquëñoteye' netorreñañaña Yompor po'taruas. Ama't nechetspa' allo'na sen huañuanmats atto noumencna'ntena, tarraña necamquëññapa' allo'na sen huomencatnomuets e'ñe pate'tets yet.

17 Tarro'mar ñeñt atto allpon yemueroçhtame'tyena añe patsro, ñeñtpa' ama esoyaye, e'ñe mamecpa. Ñeñtpa' añeçpaña huennaya allochñapa' attoch huapatuerrnay ñeñt atarr nanac cosheñets ñeñt ama ahuañaño ama't erponaña, ñeñt ello nanac atarr coçhnesha'tetsa, ñeñt atarr nanac cohuen.

18 Tarro'mar yapa' ama añeye' yeyemteno ñeñt allpon coçhnesha' yentyen arr patsro, tarro'mar añeçño ñeñt allpon yentyenpa' huañerrcha'. Yapa' añña yeyemtena añeçño ñeñt cohuentetsa Yomporcop ñeñtpa' ama entpahuoyaye ñaña ñeñtpa' amach huañerro ama't erponaña.

5

Atto Yomporpa' o' añño'terrnay ñeñtcha' yepaquëll yeperr all pue'ntañ

1 Yapa' yeñoteñ ñeñtey arromñañey, yechetspa' chocmach huañerr. E'ñe mamecpa sherbeney añe patsro, atet ñerra'mrrate' yequërpachet ñeñt pocollashe'm all yemanatena. Ñeñt pocollashe'mpa' mamecpach sherba'y. Yechetspa'cho'ña mamecpa sherbeney atto yocrrena añe patsro ñeñt yepacillashe'm yepen. Tarraña yapa' o' yeñoter ñerra'm esempoch yerroma, Yomporpa' o' añño'terrnay ñeñtcha' yepaquëll yeperr all pue'ntañ allcha' yeycha'huerra, ñeñtpa' amach ahuañañañterro. Ñeñtcha' yepaquëll yeperr allpa' ama arromñañeshaye' yëchcatenaye, Yomporña yëchcatene'.

2 Po'ño'ch arr patsro yechets ñeñt' yepaquëll yepenpa' 'chocmach es e'mnatatuene'. Ñeñto'marña yapa' atarr yemneñ o'ch yechorrerra ñeñt'cha' yepaquëll yeperr Yompor pue'ntaño.

3 Tarro'mar yemneñ yecamquëñpa' o'ch chorrerrana ñeñt'cha' pa'shtam perr Yompor pue'ntaño, allochñapa' yecamquëñpa' amach atta huocchaterro 'chocmach eñall ñeñt'cha' chorrena.

4 Tarraña atet ñerra'm te' orameñ yechets ñeñt' yepaquëll yepen atto yocrena arr patsro, 'chocmach eñall ñeñt'cha' e'mnatatuene'. Ñeñto'marña yapa' atarr yemneñ ama't ama yerromuena', yechetspa' o'ch a'po'poñeterney Yompor tayoteñ ama't esempo huerra, ñeñt'cha'ña pa'shtam perr yecamquëñ. Allochñapa' attoch yocrrerra etserra correñets ñeñt' amach ahuañaña'ferro, ñeñt'cha'ña a'huaña'aterra'ña ñeñt' atto ya'rromña'fete'. Ñato' o'ch netma'ntacha atet ñerra'mrate' o'ch yechorra shetamuets ñeñt' e'ñe etserra emarr ñeñt'cha' yena' enot' o'ch yepmata. Allochñapa' ñeñt'cha' yena' enot', ñeñt'cha'ña a'natue'ña mellashañ ñeñt' yechorre't ahuaño'teñ. Allochñapa' attoch eñall ñeñt'cha' yechorratenaya.

5 Ñeñt' yemnatene' e'ñe atet ñeñt'pa' Yompor ña atet yepatene', tarro'mar ñapa' chorrenya Puecamquëñ ñeñt'ña yeñotatene' orameñ eñall cohuenñats ñeñt' o'patatenya ñeñt'cha' aphuerrey Yompor.

6 Ñeñto'marña e'ñe yeyemteño' Yompor 'chocmach yecueñ ñeñt'cha' atet perrnay esempo. Yeñoteñ yechets yepaquëll yepenmeñ arr patsro al-laparo'tsenmeñey attoch yey'cha'huerra Yepartsesharesho.

7 E'ñe yeyemteño' Yomporpa' allo'nach yesen eñotnomue' ñeñt'cha' atet perrnay ña, ama a'ñeye' es yeñotatenaye ñeñt' yentyen arr patsro.

8 E'ñe yeyemteño' Yompor 'chocmach yecuen ñeñt'cha' atet perrnay ña. Ñaña yapa' añ atarr cohuen yenten o'ch huañ atto yocrena arr patsro, o'ch yesa'nom yechets ñeñt' yepaquëll yepen arr attoch yechap allcha' yocrra'huerra Yepartsesharesho.

9 Yapa' ñeñt'ach paterr yema'yothrena 'chocmuepa'chña yochateñ Yepartseshar, ama't allempo orameñ yocrena e'ñe yechtso arr patsro, ñaña ama't allempoch yerroma o'ch yesa'nom yechets e'ñepa'ch Yepartsesharesho'tseney attoch yochateñ e'ñe all pue'ntaño.

10 Tarro'mar o' anareta allohuenacpay yehuapuepa'to' Cristesho allcha' eñotatarey e'ñe pueña'ntsoy. Allochñapa' allcha'ña atet pa'yese'y er-rotencha' entapretuerrey, ñato' e'ñech cohuen entapretuerrey atto e'ñe cohuen es yepa'yen e'ñe yechtsot allempo yocrena arr patsro, ñato' amach cohuenaye entapretuerrey.

Atto Pablopa' e'ñe pueñmañesha' e'ñe cohuen es orrtatyen

11 Ñeñt'pa' ama't atarr yoro'chen yenteñeñña Yompor, tarraña nocoppa' ama yoro'chenayaye tarro'mar Yomporpa' entenen e'ñe cohuen ñeñt' atet nepena. Te'pa' aña palltetsa o'ch noctape'chater allohuen acheñenesha' attoch ñetpa'cho'ña e'ñech cohuen entapretennet. Ama't sapa'cho'ña te'pa' necuena, nemneñ o'ch señoter samña e'ñe seyo'chro atto e'ñe neñmañesha' cohuen es ne'pa'yen.

12 Ñeñt' atet notenes te'pa' ñeñt'pa' ama añecpayaye o'ch alla neñerrerr cohuen ñeñt' e'ñe nocpa. Añecopña o' alla neñerrerr atet allochñapa' o'ch alla

socshapreterrna, allochñapa' attoch señocho ote' ñeñf e'ñe ñañeña cohuen entetsa e'ñe poctapño'mara. Ama añeye' eñoteno pueyoçhro ñeñf cohuentetsa Yomporecop.

13 Ñehua, sapa' çhate' sotenena napa' çho' muene' nemospuena. Ñerra'm po'ñoçh çha nemospuena napa' ñeñtpa' e'ñe pocte' Yomporecop. Ñaña ñerra'm ama çhoye' nemospuena atto e'ñe cohuenare' es noctape'chen ñeñtpa'çho'ña e'ñe pocte' allo nesherbenes sa.

14-15 Ñaña atto Cristopa' atarr morrentenya ñeñfña ama yemnatenaye o'ch allo'na yesen corrata e'ñe yocpa. Ñaña atto te'pa' yeñoteñ Cristo ahuo't rroma allohuenacpay, allochñapa' atto yocrrena yapa' o'huañcha' yocrra e'ñe yocpa. Ñeñtpa' ñeñfara yoten o' yerromaprecha Cristo, allohueney ñeñfey ame'ñenaya. Añcha'ña atet yocrrena e'ñe ñocop, ñeñf rromats yocop, elloñapa' alla tanterra yocop.

16 Ñeño'marña napa' ama't puesheñarrapa' o'huañcha' cohuen nenteñ ñeñf e'ñe cohuen enten po'potantañ acheñenesha' arr patsro e'ñe ñet poctapño'maret, ñeñtpa' arromñaata poctapña. Tarraña ama't na ahuatpa' cohuen nentapretanete't poctapña. Ñeño'marña napa'çho'ña tsena'tatnete't Cristo allempo, tarraña te'pa' o'huañ atet neñch Cristo.

17 Ñeño'marña ñeñfey o' yeyemtera Cristo, Yomporpa' o' etserrataterrnay yocpaña e'ñe poctacma. Ñeñf atet yoctape'che't ahua't, ñeñtpa' o' huañerr, te'ñapa' o' e'ñe yoctape'cherr ñeñf e'ñe cohuenare' etserra.

18 Ñeñfña o' atet perrnay Yompor ñeñf muenatan Puechemer Cristo, ñachña yamo'tstaterre' Pomprosho. Ñeñfara Yompor ama't napa' ahuo't llesensa'n attoch neñotach acheñenesha' allochñapa' ñetpa'çho'ña o'ch amo'tsterranet ñamet Yompor.

19 Ñaña atto Yomporpa' muenatan Puechemer Cristo allempopa' ñachña allo'na sets yamo'tstataya allohueney acheñeneshay Pomprosho. Allochñapa' o'huañcha' allo'na ochñañenesha' enteney Yompor. Attoña yapa' apuerrey llesens ellonet attoch yach eñotatyese' pa'namen acheñenesha' allochñapa' ñetpa'çho'ña attoch e'ñe amo'tsterranet Yompor.

20 Ñeño'marña yapa' allsensaretey ñeñfcha' yetaruas yeperr ñeñfeycha' eñosets cohuen Cristocop attoch yame'ñacha allohuen acheñenesha'. Ñeñtpa' atto Yomporpa' o' hua'ñerres o'ch same'ñera, tarraña ñeñtpa' e'ñe ya yeserppare'tateño'tes o' hua'ñerres Yompor. Ñeño'mar te'pa' o'ch notas Cristocop, ñach same'ñerra allochñapa' attoch e'ñe amo'tsterrsa Yompor e'ñe poctacma.

21 Añ ñeñfara Cristo ñapa' ama't parrochapa' ama ñano ñeñf ama pocteye' enteno Pompor Parets, tarraña Pomporñapa' ahuo't muenateñ o'ch atet a'paretta ñerra'mrrate' acheñ ñeñf atarr ochñañ. Tarraña ñeñf atto a'parettapa' ñeñtpa' e'ñe yocop. Allochñapa' e'ñe yeyemteño' Puechemer Cristo, Pomporña yapuerre' alloch e'ñe pocte' enterrey.

6

Ñeñf torretsa Yomporecoppa' añ poctetsa ñocop çhocmach orrtatenan ñeñf e'ñe pocte' enten Yompor

1 Te'pa' atto yetorraprecha Yompor, napa' o'ch notas, amach e'ñe orrena sagapatstoñe Yompor puemuereña.

2 Ñehua, ñeñtpa' atet oteney Yompor po'ñoñ ñeñf anuaret ahuatoteñ, ñeñtpa' Yompor atet otets:

Allempo se chore'tenen napa' e'ñe ne'mñotenes ñeñt' atet sotenen, tarro'mar allempopa' o' chap ñeñt' poctetsa o'ch saguerren. Nañapa' o'ch naguérres saña. Attoña napa' ahuo't neyenpas tarro'mar allempopa' o' chap ñeñt' poctetsa attoch na'qushpaterres.

Ñeñto'marña na te'pa' o'ch notas, o' e'ñe chap allempo ñeñt' poctetsa o'ch saguér Yompor, tarro'mar te'pa' o' chap allempoch a'qushpaterrey.

³ Ñehua, yapa' yeñoteñ ñeñfey ame'ñetsa ñerra'm o'ch yepa'yen ñeñt' ama pocteyaye Yomporecop ñeñña ama ame'ñetsopa' chach ya'npare'teñ attoch ame'ñerret ñamet. Ñeñto'marña yapa' ama yemno ama't mamesha o'ch ya'npare'ch ama't pueheñarra allochñapa' attoch ame'ñeret ñamet Yompor. Ñaña ya atto yetorrena Yomporecoppa' ama yemno o'ch atet entapreyet ñeñt' ama cohuenayaye. Allochñapa' amach achñare'teññañeto Yompor po'taruas e'ñe ya atet yepatse'tyeñot.

⁴ Yapa' añña yemnen ama't erroteno'tsenya chocmach yemneñ o'ch yeñotach acheñenesha' po'ño'ch e'ñe cohuen yetorrena Yomporecop ñeñt' atet poctetsa yocop ñeñfey torreta Yomporecop. Ñeñtpa' añe'chno ñeñt'cha'ña eñotaterahuat: allpon es yehuapoyapa' chocmach ya'huanteñ e'ñe cohuen, ama't allpon atto yemuero'chtame'tyena, ama't allpon ñeñt' yepallta'yena, chocmach ya'huanteñ allohuen. Ama't ora allohuen ñeñt' allpon ñeñt' allcatañtetsa, tarraña ñeñtpa' chocmach ya'huanteñ.

⁵ Ñaña atto ashta'yenyet, atto yottañpenyet, atto ama'to'chtana'tenyet pa'tsrre'mueñotet, atto atarr nanac yetaruasen, atto yarepen torratsa Yomporecop, atto yemuero'chtana yachporrñot, ñeñt'ña eñotatene'ña allohuen acheñenesha' atto yapa' e'ñe cohuen yetorrena Yomporecop.

⁶ Ñaña atto yeñmañesha' yocrena, ama sosya'tsañeye' yoctape'chyeno, ñaña atto yeñoten ñeñt' e'ñe po'ño'ch Yompor po'ñoñ ñeñt' ama shequēñtsoyaye, ñaña atto es ya'huanta'yen, amachña cha'atsrre'matenye, ñaña attochña e'ñe ya'muerañtena, ñaña atto chorrenya Parets Puecamquēñ, ñaña atto e'ñe cohuen yemorrenteña allohuen masheñnesha'chno, ñeñtpa'cho'ña ñeñt'ña eñotatene'ña acheñenesha' atto yapa' e'ñe cohuen yetorrena Yomporecop.

⁷ Ñaña atto ye'ñorena ñeñtpa' e'ñe po'ño'ch atet. Yomporña po'huamenc ñeñt' ahuamencat yepene'. Ñaña ñeñt' e'ñe pocte' enten Yompor, ñeñtpa' ñeñt'ña allo' chocma es yepa'yen, alloña ye'cllarena Yomporecop, ñeñtpa' alloña yemoñeññaña Yompor pocta'ña.

⁸ Erroteno e'ñech cohuen entapreyet, tarraña errotenoñapa' amach cohuenaye' entapreyet; erroteno e'ñech cohuen eñosyenet yocop, errotenoñapa' chach sasare'tenyet. Errotenopa' attach entenyet ñerra'mrrate' atta yeshquēñ, ama't amach choye' yeshquēno.

⁹ Errotenopa' e'ñech cohuen emchorrenyet, errotenoñapa' amach acua'psenaye' entenyet. Errotenopa' autsaycha' rromuets, tarraña chocmach allo'na yesen huomchetsa. Erroteno ama'tcha' a'coñchatarey, yañapa' corretsayach.

¹⁰ Ñaña erroteno ama'tcha' yellquēnañpa' tarraña chocmach alla yocsherra. Ñaña ama't e'ñe huocchañeypa' shonte'ch coñnesha' cotapñats yapa'yes po'potantañ. Ama't ama es yechenñe arr patsro, tarraña shonte' esocmañen es yechen Yomproshot.

Atto Pablopa' e'ñe pueyo'chrocmañen morrentenana allohuen ñeñt'

ame'ñenaya Yompor

11 Te'pa' masheñneshacha' corinto'marnesha o' neñotatuas ora allpon ñeñt atet noctape'chen neyoçhro. E'ñe neyoçhrocmañen nemorrentensa.

12 Nocoppa' ama palltenmeñe ama't mamesha attoch nemorrenterra e'ñe poctacma. Añña sapa' çhocmate' sepalltena attoch semorrenterra namã.

13 Napa' e'ñe nechemerasha' nepenes. Ñeñto'marña o'ch nenamas, o'ch notas, atto napa' e'ñe neyoçhrocmañen nemorrentensa sa, sapa'çho'ña añ poctetsa e'ñe seyoçhrocmañenpa' o'ch semorrenterra namã.

Atto ama ayemuetpahuo ñeñt ama ame'ñetso

14 Te'pa' o'ch noterserr po'poñ, amach e'ñe seyemtatsche ñeñt ama ame'ñetso, tarro'mar amach patrraye' soctape'chueno. Acheñ ñeñt e'ñe pocte' es pa'yetspa' amate' errotenot yemtanoña acheñ ñeñt ama cohuenaye' es pa'yetsa, tarro'mar ama attecmaye' es pa'yeneto. Ñato' o'ch netma'ntacha atet ñerra'mrrate' checmete'pa' amate' errotenot alla epteto parro epuet puetare'.

15 Ñeñt atet pena Cristo ñaña oneñeñ amate' errotenot cohuen amo'tstanna'teto. Attecma ñaña ñeñt ame'ñetsapa' amach patrraye' cotape'chueneto epuet ñeñt ama ame'ñetso.

Atto yapa' pa'paquëll peney Yompor

16 Ñaña ñeñt pa'paquëll pen Yomporpa' ama atteyaye ñerra'mrrate' ñeñt ayeçhcataret ñeñt po'yomporer pa'yen po'potantañ acheñenesha' arr patsro. Tarro'mar ama't yapa' allohueney ñeñtey ame'ñenaya, yañapa' pa'paquëll peney Yompor ñeñt ama arromñateshayaye. Añpa' ñeñt atet oten Yompor: Napa' çhocmach neyçhena e'ñe ñesheto parro allcha' nechopeñe'chen. Napa' Po'yomporer pennet, ñetpa'çho'ña e'ñe neyochrenesha' nepenanet.

17 Ñeñto'marña Yomporpa' oteney:

Añ poctetsa o'ch sesuanemñ ñeñt ama ame'ñetso, allochñapa' o'ch sel-
lopa'tetstatua soctapñña. Amach seyçhapretatsto sosya'tsañ ñeñt orrtatyenet. Allochñapa' attochña napa' o'ch naguërres e'ñe nosheñesha'.

18 Allochña sapa' attochña e'ñe Sompore sepperren na, napa'çho'ña o'ch nechemerasha' nepohuerres ama't ñaña allohuen nesñeneshohuen. Ñeñpa' atet ot Yompor ñeñt nanac partsotets.

7

1 Ñehua, e'ñe nemorrenteñoñes, masheñneshacha' ñaña noçhaneshacha' o' notuas atet oteney Yompor ñeñtcha' atet perrnay. Ñeñto'marña te'pa' añ poctetsa yocop yapa' o'ch yesuanem ora allohuen ñeñt çhocma a'sosyatene' yechets ñaña ñeñt çhocma a'sosyatene' ama't yecamquëñ. Añña e'ñe yençha'na'teñoñ Yomporpa' añcha'ña yema'yoçhrena ñeñt pocte' enten ña.

Atto Pablopa' o' alla atarr coshater corinto'marnesha' tarro'mar o' cotape'cherret cohuen e'ñe etserra

2 Napa' atarr nemneñ, masheñneshacha' o'ch alla semorrenterra e'ñe seyoçhrocmañen. Napa' ama't puesheñarroñesapa' ama çho errot nepaso, ñaña ama't puesheñarroñesa ama añeye' neyçhataso ñeñt ama cohuenayaye, ñaña ama't puesheñarroñesapa' ama çhoye' neshcare'taso ama't e'ñe mamesha.

3 Ñeñtpa' ama añecpaye' notenso o'ch neyohuare'tasa. Añecopña o' alla noterrerr e'ñe nemorrenteñoñes ñeñt atet o' notuanmas. Po'ñoçhpa' atarr nemorrentensa e'ñe neyoçhrocmañen. Ñeñto'marña napa' e'ñe pocte' nenteñ e'ñech parrocma yocrrena ama't ñaña e'ñech parrocma yerroma.

4 Napa' neñotenes sapa' çhocmach sepa'yen ñeñt cohuentetsa Yomporecop. Ñeñto'marña napa' atarr nocshapretensa. Ama't nellquënañ nemue-roçhteñoñpa' elloña o' alla nanac socshaterren.

5 Ama't allempo neçherr Macedoniopa' çhocma atarr nellca'huerrerr alla. Allpa'çho'ña çhocma es nehuapoya pa'namen ñeñtña ama't mameshapa' ama eshcaye' neñmatataye neyoçhro attoch e'ñe cohuen nellapsos mueçhet.

6 Atteñapa' o' çherr masheñ Tito. Atto çherr masheñ Titopa' allempoña Yomporpa' alla coshaterren neyoçhro, ñeñtara Yompor ñeñt çhocma yocshatene' allempo es yelcatene'.

7 Ama e'ñe aña nocshataye atto çherr Tito, aña atarr nocshatene' ñeñt atto e'ñe cohuen entapretensa', ñapa'çho'ña atarr socshater. Ñehua, ñapa' eñotatuerrren atto sapa' atarr o' seyerpuenna, ñaña o' eñotatuerrren atto sellquëñoñ sapa' o' alla same'ñerra e'ñe cohuen, ñaña o' eñotatuerrren atto o' alla sellcapreterrna ñeñt atto sellcatenen na. Ñeñt allpon serrpare'tatuerrren, napa' ñeñtña ello atarr nanac nocshaterre'.

8 Carta ñeñt nequellconas ahuaña, ñeñtpa' çha llecatas. Ñeñto'marña allempo napa'çho'ña çha muene' llecatna ñaña tarro'mar o' nemñonas atet carta. Ama't te'pa' neñoteñ añ necarta çha llecatenes tarraña ñeñtpa' e'ñe mamecpa, ñeñt e'ñe pocte' nenteñ.

9 Attoña te' napa' e'ñe cohuen nocshena. Ñeñtpa' ama añecpaye' nocsheno atto sapa' nellcatas. Te' napa' añecopña nocshena atto sapa' e'ñe sellquëñoñ o' alla same'ñerra e'ñe cohuen. Tarraña atto sellquëna sapa' ñeñtpa' atet senteñ ñerra'm Yompor sellcatene' ñeñtçha'ña same'ñaterraya e'ñe cohuen ñocop. Ñeñto'marña ñeñt atet neponas, ñeñtpa' e'ñe cohuen socop, ñeñt allopa' ama çhoye' errotten nepenso ñeñt ama pocteyaye ama't mamesha.

10 Tarro'mar ñerra'm esempo atet yenteñ Yomporña atet yelcatene' ñeñtpa' e'ñech pocte' yenteñ tarro'mar ñeñtpa' alloch yoctape'çherr cohuen ñocop, allochñapa' attoçhña yequeshperra. Tarraña atto yellquëna arr patsro, ama Yomporecpaye' yellquëno ñeñtpa' ñeñtña allo'na aneñey rromueñtso, allcha' yechenquërra poctacma.

11 Sa sellquëñapa' e'ñe atet senteñ ñerra'm Yompor e'ñe sellcatene'. Ñeñto'marña allempoten yoroçhen senten sa so'chñar ñeñto'marña sapa' semneñ o'ch alla cohuen nentapreterres. Ñaña ñeñtpa' apencoçhen senteñ ñeñt atarr atparñañ. Ñeñto'marña semçhañoñpa' atarr semneñ o'ch alla senterren, attoch e'ñe cohuen na'poctatonas. Ñaña allempoteñña e'ñe pocte' senteñ o'ch secoñchach ñeñt atparñañtetsa. Ñeñto'marña te'pa' atet o' sepoçuerra ñeñt e'ñe pocte' nenten, allochñapa' amach allo'na sa'yohuaretteno.

12 Ñaña o'ch notas, ahuaña allempo nequellquërrnaserr añ necartapa' ama atparñañecpaye' nequellquërrnaserro ñaña ama nocpaye' nequellquërrnaserro ñeñten atarr atpare'tenet. Añecpa'ñaña nequellquërrnaserr carta allochñapa' attoch çhaponasa seyoçhro po'ñoçh sapa' atarr semorrentenna. Ama't Yomporpa' eñotenes.

13 Ñeñto'marña attoña o' alla atarr socshaterrey.

Elloña napa' añ atarr nocshaterre' atto nenter masheñ Tito atto ña ahuo't alla atarr socshater, e'ñe pueyoçhrocmañen o' atarr cosherra.

¹⁴Ñehua, ahuaña allempoch ahuo' masheñ Tito sesho, napa' atet noch sapa' atarrcha' cohuen same'ña. Allempoña çhap seshopa' e'ñe atet same'ña ñeñt atet noch. Ñeñto'marña napa' ama't mameshapa' amach erroteno' sepencatno, ama atta nommo'chenso. E'ñe po'ñoçh atet sepohuena ñeñt atet noch Tito. Ñaña ñeñt ora allpon atet notas, ñeñtpa' e'ñe po'ñoçh atet.

¹⁵Ñaña e'ñe semcha'na'teño'pa' ahuo't sagap Tito e'ñe cohuen. Ñaña ñeñt ora allpon cotape'chatas Tito sapa' ahuo't e'ñe cohuen ame'ñaterra. Ñeñto'marña te' Titopa' e'ñe pueyerpueño'es, ñapa' atarr morrentensa nanac.

¹⁶Ñeñto'marña napa' atarr nocshena tarro'mar neñotenes sapa' o' same'ña'huerra e'ñe cohuen.

8

Atto macedonio'marnesha'pa' e'ñe pocsheñeshocmañen es apa'yenet Yomporecop

¹Ñehua, te' masheñeshacha' ñaña noçhaneshacha' o'ch neñotaterrerr atto Yomporpa' orrtateranet puemuereña allohuenacop ñeñt pame'ñeñotet çhocma apçha'yenet all anetso Macedonio'mar.

²Ñehua, macedonio'marnesha'pa' ama't shonte' pa'namen huenanet ñeñt atarr topatenahuet, tarraña ñetpa' çhocma atarr coshenet. Ñaña ama't atarr huocchañetyenet, tarraña ñetpa' çhocma apa'yeñet po'potantañ ñeñt atarr es nanac palltetsa. Apa'yeñet e'ñe pocsheñeshocmañen atet ñerra'mrrate' ñetpa' shonte' esocmañen echenet po'checom.

³Napa' neñotenanet ñetpa' ahuo't pomyenet ñeñt allpon muena'yenet ñet puesheña'ttset. Ama't ñocpuetpa' palltenetañ tarraña ellonetña'pa' o' alla apa'yereter po'psheñeñ po'pocheño, ama't ñocpuetpa' palltenetañ. Ñet e'ñe puemnenñotet atet penet.

⁴Ñetpa' çhocma a'pto'tennet pocte'te' o'ch notanet attoch yenpuet ñamet ñeñt masheñeshachno huocchañeshachno.

⁵Napa' e'ñe allpona notanet ñetña ellonetpa' atarr shonte' pomyeset, tarraña ama't allempo ama pomuena'te' po'çllayor Yomporecop, ñetña'pa' ñanmacmuet o' e'ñe pomhuerret Yomporecop, allotpa' ñaña yocop ñeñt atet muenateney Yomp' allohueney.

⁶Atet nenteñ macedonio'marnesha' atarr es pomuenet Yomporecop, ñeñto'marña te'pa' o' alla notererr masheñ Tito o'ch alla ahuererr sesho, allochña'pa' attoch allo'nach señotnen e'ñe cohuen pomuene' Yomporecop, ñeñt allpon yechatensa' ahuaña Tito.

⁷Ñaña sapa' atarr setsoteññañ allohuen ñeñt cohuen enten Yompor. Ñanompa' atarr seyemteña Yompor, ñaña atarr cohuen seserrpare'teññañ po'ñoñ, pa'namen esocmañen es seño'tyen, ñaña e'ñe socsheñesha' es sepa'yen Yomporecop, ñaña e'ñe cohuen semorrentenya. Ñaña e'ñe setsotuen ñeñt atet cohuentetsa Yomporecop. Ñeñto'marña te'pa' aña sepalltena paterr attoch o'ch setsota eñote' apa'yese' po'potantañ ñeñt es pallta'yetsa.

⁸Napa' ama neyechare'teño'teye' notenso atet, añña nemnen o'ch neñotatas ñeñt atet pena po'potantañ ñeñt e'ñe pocsheñeshocmañen es apa'yeñet ñeñt es pallta'yetsa. Allochña ñerra'm ñeñt señot, napa' neñotenes atetcha'

sepo'huerra samña. Attoña neñotenes e'ñe po'ño'ch semueranna'tuena allo-huenes.

⁹ Ñehua, sapa' o' señoter ñeñĩ atet pa Yepartseshar Jesucristo. Ñapa' atarr amuerañtosa, ñapa' esocmañen echeneñ Pomproesho, tarraña e'ñe puemor-renteñofey ya, ñaña'apa' atta huocchañetos. Allochña e'ñe puehuocchañeteñof yocop, yaña'apa' shonte'ch esocmañen yecherr Yomproeshot.

¹⁰⁻¹² Ñehua, sa ahuaña charopa' atarr semneñ o'ch es sapa'yeñ acheñenesha' ñeñĩ es pallta'yetsa. E'ñe socsheñesha' sapa' ahuo't samofech es apa'yese' po'potantañ. Ñeño'marña te'pa' añ e'ñe pocte' nenteñ socop. Te'pa' allo'nach sesen socsheñeshocmañen es apa'yeshuet, e'ñe alpon semna'yen puešheña'tsos, e'ñech alpon sapa'yesanet. Tarro'mar ñerra'm e'ñe yemeneñof es yap Yomproecop, ñapa' e'ñech pocte' enteñ ama't e'ñe errona yemneñ o'ch yap. Tarro'mar ñapa' amach enamy e'aton ñerra'm ama yecheñe. Allochña'apa' o'ch senue e'ñe poctacma. Atto'cha'ña setsotua allohuen ñeñĩ atet poctetsa Yomproecop.

¹³ Napa' ama notenso tarrecopcha' es sapa'yen allochña'apa' o'ch atta atarr es sepalltena sa.

¹⁴ Añecopña notenes o'ch satecmatua. Atet ñerra'm te'pa' shonte' sechen, socoppa' añ poctetsa o'ch sapa'yeñ ñeñĩ es pallta'yetsa te'. Allochña'apa' ñerra'm esempo es sepalltena samña'apa' añ poctetsa o'ch apuerrset ñamet, allochña'apa' attochña e'ñech satecmaten.

¹⁵ Ñeñĩ'pa' atet oteney Yompor po'ñoñ ñeñĩ atet anuaret ahua'otoñ, ñeñĩ'pa' atet oten: "Ñeñĩ echene' shonte'pa' amach es a'pchateno. Ama't ñaña ñeñĩ echene' coñe'pa' amach es pallteno."

Atto Titopa' alla ahuererr po'pocheño Corinto

¹⁶ Napa' 'hocma neparasyoso'teñ Yompor tarro'mar añ nenan masheñ Tito pueyo'chro atto ñapa'cho'ña hocma llecapretensa atet ñerra'm na.

¹⁷ Ñeño'marña allempo noteñ o'ch ahuererr sesho, ñapa' e'ñe pocte' enteñ. Elloña ñapa' e'ñe puemeneñof atarr sechena o'ch alla ahuererr o'ch abcherra'.

¹⁸ Ñaña yapa' o'ch yemñererr masheñ Tito epuet ñaña po'psheñeñ masheñ. Ñehua, añ masheñerpa' allohuen ñeñĩ ap'cha'yetsa pame'ñeñofetpa' atarr cohuen enteñet atto serrpare'tatenanet añ cohuen ñoñets ñeñĩ alloch yequesh-perra.

¹⁹ Elloña ñeñĩ masheñerpa' allohuen ñeñĩ ap'cha'yetsa pame'ñeñofetpa' o' net o'ch yechopeñe'ch parro attoch ñach yeyenpuene' ñeñĩ atto yetorrera o'ch yeyenpueñ po'potantañ. Ñeñĩ'pa' añecop sherben attoch aye'chochtateññañet Yompor, ñaña añecop sherben attoch eñoteñet e'ñech yocsheñesha' yemneñ o'ch yeyenpanna e'ñe cohuen.

²⁰ Ñeño'marña o' net ñaña po'psheñeñ masheñ allochña'apa' atto yap'chaten quellepa' amach cha sasare'tenyeto quellayo'mara.

²¹ Tarro'mar yapa' añña yema'yo'chrena o'ch yorrtat ñeñĩ e'ñe cohuen enten Yompor, ama't ñaña ñeñĩ cohuen enten acheñenesha'.

²² Ñehua, te'pa' o'ch yemñonas po'poñ masheñ ñeñĩ'cha' tatsa, ma'psheña. Ñeñĩ po'psheñeñ masheñ'pa' napa' neñoteñ ñapa' e'ñe pocsheñeshocmañen atarr cohuen es ma'yo'chra'yena ñeñĩ cohuentetsa Yomproecop. Ñaña ama't te'atto e'mare'tenes sa e'ño' cohuen same'ñeña Yompor, elloña te' ñapa' atarr mueneñ o'ch allo'na sen torra'nmatsa e'ñe cohuen Yomproecop.

²³ Ñaña ñerra'm esesha' sa'pto'tene' o'ch otaset, "¿ama't se'mare'teñe masheñ Tito, erro'tsente'?" sañapa' o'ch soch "ñapa' añ epuet torrena masheñ Pablo taruasats Yomporecop attoña e'ñe sherbeney yamã." Amapa' ñerra'm a'pto'taset ñaña añ po'psheñ masheñecop, sañapa' o'ch señotatanet ñetpa' arrot amñareitenet all apçhena allohuen masheñeshaçhno ñeñt ame'ñetsa all Macedonio. Ñetpa' e'ñe cohuen orrtatenet Cristo po'cohuenña.

²⁴ Ñeñto'marña te'pa' o'ch notas e'ñech cohuen sagaḡ añ masheñesha', allochña ñetpa' esheccha' eñotaset sapa' po'ñoçh atarr semuerenanet, attochña eñotas ñaña allohuen masheñesha' ñeñt pame'ñeñofet apçha'yetsa allot amñareitenet. Allochñapa' o'ch eñotaset po'ñoçh e'ñe cohuen same'ñena ñeñt atet notenanet socop.

9

Yomporpa' añ atarr morrentena ñeñt e'ñe pocsheñeshocmañen es apa'yets ñocop

¹ Ñaña ñeñtcha' sapçhen alloch seyenpue' masheñesha' ñeñt atarr es pallta'yetsa Jerusaléno, napa' neñotenes ama sepallteno o'ch alla noctape'chaterserr necartot ñeñtcha' atet seḡa.

² Tarro'mar napa' neñotenes ñeñt'pa' atet atarr semnen sa. Ñeñto'marña arr Macedonio çhocma noteñ macedonio'marnesha' sapa' çhocma semneñ o'ch es sapa'yes añecop ñeñt atarr es pallta'yetsa. Ñeñto'marña napa' e'ñe nosheñeshocmañen neñotateñ macedonio'marnesha' ñeñt atet seḡena sa ñeñtes acayo'marneshas ñeñtarasa corinto'marneshas. Ñehua, napa' o' neñotatanet atto ahuaña charo sapa' semneñeñ o'ch e'ñe sa'poc'at attoch es sapa'yes ñeñt atarr es pallta'yetsa. Atto sapa' atarr semneñ o'ch seyenpue' ñeñt atarr es pallta'yetsa, ñeñto'marña all Macedoniotpa'çho'ña te'pa' eñall shonte' ñeñt muenets o'ch es apa'yenet ñamet.

³ Tarraña ama't napa' neñotenes atarr semneñeñ o'ch seyenpue' ñeñt atarr es pallta'yetsa, ñeñto'marña napa' o'ch nemñonas añ masheñesha' ñeñtcha' otatsa. Ñetpa' o'ch yenposset attoch sapçha' añecop ñeñt es pallta'yetsa. Allochñapa' ñerra'm e'ñe cohuen sañño'tue, attochña eñotaset ñeñt e'ñe cohuen notenanet socop, ñeñt'pa' e'ñe po'ñoçh atet seḡohuena.

⁴ Allochñapa' ñerra'm esempo neçhap namã sesho epan ñaña masheñeshaçhno macedonio'marnesha' ñerra'm yentoses ama sapçhatueña', allempoña yapa' çhate' parrocmã yepencna'ntatanna'ta. Allempoña e'ñefe' orrena neyemtensa.

⁵ Ñeñto'marña napa' añ pocte' nenten o'ch noch po'psheñeñ masheñesha' ñetpa' otetepa' ñanmacmuet, ñeñtcha' sabçherrya' attoch ñetpa' o'ch yenposset attoch e'ñe sapçha'hua ñeñt semnen sa o'ch e'ñe saphue ñeñt es pallta'yetsa Jerusaléno, ñeñt atet sot ahuatoteñ. Tarro'mar napa' e'ñe pocte' nenteñ sa e'ñe semneñto' e'ñech señmañesha' es sapa'yes ñeñt atarr es pallta'yetsa. Amachña çha es enamare'tyenseto attoch es sapuenanet.

⁶ Chocmach seyerpuena añ ñoñets, ñeñt'pa' atet oten: Ñerra'm ya atarr coñe't es yapa'yen Yomporecop, yapa'çho'ña o'ch alla yaguërr ñeñt atarr coñe't. Ñerra'm atarr aton es yapa'yen Yomporecop, yapa'çho'ña o'ch alla yaguërr ñeñt atarr aton. Ñehua, ñato' o'ch netma'ntacha atet ñerra'mrrate'

cho yenare'tatse'ten ya'mro. Ñerra'm atarr coñe't yenare'tatse'tpa' atarrcha' coñe't ya'yapaçherr ñerra'm esempo po'nen. Ñerra'm atarr aton yenare'tatse'tpa' atarrcha' aton ya'yapaçherr ñerra'm esempo po'nen.

7 Ñaña añ poctetsa e'ñe puesheña'ttsoy o'ch yapa'yen e'ñe allpon ñeñ pocte' yentyen e'ñe ya yeyoçthro. Amachña yempañoña es yapa'yeno ñaña amachña puenamare'teñoñeta es yapuenaneto. Tarro'mar Yomporpa' añña atarr morrentena ñeñ e'ñe pocsheñeshocmañen es apa'yets.

8 Ñaña Yomporpa' shonte' esocmañen echen ñeñtcha' apuerres allochñapa' attoch çhocma sechencha' shonte' ñeñt atarr cohuen socop, ñaña sechencha' shonte' attoch seyenpuen pa'namenot ñeñt cohuentetsa Yomporecop.

9 Añpa' ñeñt atet oten Yompor po'ñoñ ñeñt anuares ahuatoteñ, ñeñtapa' atet oten:

Ñeñt atarr es apuene' huocchañnesha' ama't ahuatapa' amach apsaletterro ñeñt atto e'ñe cohuen es pen.

10 Yomporpa' apuenescha' shonte' esocmañen allochñapa' attoch çhocma sechencha' shonte' attoch seyenpuenanet pa'namenot ñeñt cohuentetsa Yomporecop. Ñaña ñapa' allo'nach sen es sapuene' pa'namen allochñapa' allo'nach sesen yepuene' pa'namenot ñeñt cohuentetsa Yomporecop. Ñeñtapa' ñerra'm netma'ntacha ñato' o'ch not: Ñeñtara Yompor ñeñt yapuene' puerets ñeñtcha' yenare'ten o'ch çhap allempo po'nenpa' allempochña yeyoren ñeñtcha' yerrar yepen, ñeñtapa' Yomporña a'torene' attoch ya'yapaçheñ o'ch yeshonten.

11 Attochña sapa' sechencha' allohuen shonte' esocmañen allochñapa' attochña shonte'ch esocmañen sapa'yeyñ ñeñt es pa'namen pallta'yetsa. Ñerra'mña atet seþapa' yañapa' yach apuerrahuet attochña ñetpa' çhore'teñet Yompor o'ch ochet "Parasyos Nompore, þa yapuene' ora allohuen."

12 Ñerra'm atetcha' seþena es apa'yese' masheñnesha' ñeñt ame'ñetsa, ama e'ñe añecpa sherbeno attoch es sapuananet ñeñt palltenet. Añecpa'ñaña sherben attoch ñetpa'çho'ña atarrcha' çhore'chet Yompor o'ch ochet: "Parasyos Nompore, þa yapatene' ñeñt allpon yepalltena."

13 Ñaña attoña ñetpa' aye'choçhtateññañetcha' Yompor, tarro'mar o'ch eñotenset sapa' po'ñoçh attera same'ñeññaña Cristo po'ñoñ. Tarro'mare'ñaña ñetpa' aye'choçhtateññañetcha' Yompor, atto sapa' sapuananet pa'namen ñeñt allpon palltenet ñet, ñaña po'potantañecop.

14 E'ñech pueyerpueñoñetas sapa' ñetpa' atarrcha' nanac çhore'tatonaset Yompor, tarro'mar sapa' o'ch sorratanet Yompor puemuereña allo atarr muerenya.

15 Yeparasyoso'cheþa'ch Yompor tarro'mar ña yapuene' Puechemer, ñeshoñña huena ora muereñets ñeñt atarr coçhnesha'e'. Ama't yemneñeñ o'ch ya'ye'choçhtatue e'ñe poctacma, tarraña ya arromñañeypa' amach erroñ yepe, ñaña ama yeno yeñoñ attoch ya'ye'choçhtatuoñ e'ñe poctacma ñeñt atet yocshena yeyoçthro.

10

Atto Pablopa' eñotatan corinto'marnesha' ñapa' e'ñe po'ñoçh allsensaret Yomporeshot

1-2 Ñehua, te'pa' na Pablon o'ch alla noctape' chaterrser e'ñe nemuereñoŕes atten ñerra'm Cristo ñeñt nanac amuerañtosta. Puemuereñoŕey ya ñapa' e'ñe pocte' eñche't o'ch atet enteñet ñerra'm ñapa' ama esoshe'mayaye. Ñehua, sapa' patanta'ttsospa' attach sentenen ama erroŕ notenso atsrre'moçhen ñerra'm esempo allo'tsenen sesho. Tarraña ñerra'm esempo allaparo'tsenen, allempo nequellquénnas cartapa' allempoña sapa' atet sentenen ñerra'mrrate' ama çhoye' nerñcha'tenso ama't e'ñe mamesha, e'ñech eche'çharr notenes necartot. Tarraña ñeñtpa' ama atteyaye. Ama't allempo allo'tsenen sesho, ñerra'm nemneñeñ atet ne'ñoronasapa' e'ñefe' eche'çharr ne'ñorennasa. Ñeñto'marña te'pa' e'ñe neyoçhrocmañen o'ch notas, soctape'çherr cohuen e'ñe tayecma allochñapa' ñerra'm esemepoch necherr seshopa' amach çha se'ñoratno eche'çharr. Tarro'mar ñerra'm ama soctape'çherro cohuen, po'ñoçh ñerra'm esempo necherr seshopa' çhach se'ñoraten eche'çharr, ñeñtes notene' napa' e'ño' nañeña noctapñoŕ atet es nepatse'tyen ñeñt atet pa'yena acheñenesha' arr patsro, ñeñtpa' e'ñe ñocueta sherben. Tarraña napa' ama atteye' nepeno.

3 Ñehua, ama't napa' nocrena arr patsro atet yocrena allohueney acheñey tarraña ñeñt atet nema'yoçhrena Yomporecop, ñeñtpa' ama atteyaye ñeñt atet ma'yoçhrena acheñenesha' arr patsro.

4 Tarro'mar ñeñt atet yema'yoçhrena Yomporecoppa' ñeñtpa' ama añeyaye ñeñt atet yoctape'chen ya acheñey arr patsro. Añña atto yema'yoçhrena ñocop, e'ñe ña po'huamencot atet yepena. Attoçña yehuapore'toñ allohuen ñeñt epatare'tene' Yompor poctapña.

5 Ñaña allohuen serrparñatsoçhno ñeñtña epatare'tene' Yompor po'ñoñ ñeñtcha'ña yehuapore'tua. Ñaña allohuen cotapñatsoçhno atto nanac ommo'çhenet, ñeñtña ama muenatenahueto attoch enteret Yompor, ñeñtpa'çho'ña Yomporcha'ña po'huamencot o'ch yehuapore'tue. Ñaña ñeñt allpon yoctape'chyen arr patsro ñeñtña atpare'tatene' Yompor poctapña, ñeñtcha'ña ya'meta'huerr Cristesho, allochñapa' attoçña Cristopa' o'ch ame'ñatera.

6 Ñaña ñerra'm o' alla name'ñatuersa e'ñe cohuen, tarraña ñerra'm esesha' ora atpare'tetsa, napa' e'ñe pocte' nenteñ o'ch yecoñchach ñeñt atet atpare'tetsa.

7 Sapa' aña cohuen senten ñeñt allpon sentyen seclloyot. Ñerra'm esesha' entetsa atet ñapa' Cristo mueñene', ñeñt acheñerpa' eñoche'pa' napa'çho'ña Cristoña nemñene'.

8 Ama't atarr natontaten neñoñ atto alla noterrser napa' Cristo puellsensaren, tarraña napa' ama çhoye' neyllateno neñoñ attoch nepenca. Tarro'mar atto llesensa'n Yepartseshar Cristopa' ñeñtpa' añecopña attoch neyenpas attoch allo'na sesen huomenc pa'nmue' seyother Yomporecop. Ñeñtpa' ama añecpayaye alloch na'puerrataterres ñeñt atto same'ñena.

9 Napa' ama nemno o'ch añcha'noçhen sentenen e'ñe necartota.

10 Tarro'mar patanta'ttsos atet sentennan necarta ñerra'mrrate' atarr eche'çharroŕ es notenes ñeñt atarr echarr senten. Ñaña ñerra'm esempo allo'tsenen sesho sapa' ama ahuamencatoyenaye' sentenno ama't mamesha, ñaña atto neserrpare'tatenespa' ama't e'ñe mameshapa' ama asherbenaye' senteñe.

11 Tarraña acheñenesha' ñeñt atet otetspa' eñoçhetepa'çh ñerra'm erroŕ notas necartot ama't atarr allaparo'tsenen atetcha'çho' po'ñoçh nepennas ñerra'm esemepoch necherr sesho.

Atto Yomporpa' ama pocteye' entenano acheñenesha' o'ch cohuen entenet e'ñe ñañeñeta

12 Napa' ama't mameshapa' ama nemno o'ch sentenen napa'cho'ña ñato' attente' ñeñt atet pena po'potantañ ñeñt atarr cohuen eñosyets e'ñe ñocpueta. Napa' ama nemno o'ch not napa' e'ñe attecma nepena atet penet ñet. Tarro'mar ñeñt atet penet ñetpa' ama cohuenayaye. Ñetpa' e'ñe ñañeñeta poctapñetpa' coshapretannenet e'ñe ñagattseta. E'ñe ñañeñeta poctapñetpa' cohuen entapretanna'tyenet, ñeñt'pa' atta otatse'tyenet.

13 Tarro'mar yapa' ama yoyaye yoctapña ñeñt atarr yocshapretannena. Añña Yompor poctapña ñeñt'pa' allohua onañcharef yocop ñeñt'cha' e'ñe cohuen yocshapretannena. Ñaña Yompor poctapña ñeñt atet onañchennaypa' ñeñt'pa' añecpa'ñaña sherben attoch yechapatonas Yompor po'ñoñ e'ñe seshohuen ñeñtes corinto'marneshas.

14 Ñeñto'marña yapa' ama cho yatontateññañe Yompor poctapña tarro'mar ñeñt allpon onañchennay, ñeñt'pa' e'ñech allohua yetorrrena ñocop. Ñeñt'pa' añecpa'ñaña sherben attoch yechapat Yompor po'ñoñ ama't seshohuen. Ñeñto'marña ya ahuatpa' yanom chapate' Yompor po'ñoñ sesho ñeñtara añ cohuen ñoñets alloch yequeshperra e'ñe yame'ñeñota Cristo.

15 Ñaña ya e'ñe yocoppa' ama yemno o'ch yommo'choña po'psheñeñ po'taruas ñeñt ñanom torratsa all Yomporecop. Tarraña yapa' yecuenes ñerra'm esempo sa o'ch allo'na sesen ame'ñetsa cohuenpa' allempoña napa' noctape'chen ellonet o'ch alla netorrerra sesho.

16 Attochña ama't allpon anetsochno ñeñt allemeñ allo'tsa'yen ellonet seshotpa' allña nesechena ñaña allcha'ña neserrpare'tatyesosanet Yompor po'ñoñ, ñeñtara cohuen ñoñets alloch yequeshperra. Nemneñ o'ch na'potoñ Yompor po'ñoñ all ama aserrpare'tataretteneta' allochñapa' amach cha nommo'choñe po'psheñeñ po'taruas ñeñt ñanom serrpare'tats all.

17 Ñerra'm esesha' muenetseñ o'ch e'ñe cohuen eños puesheñarrocop tarraña ñeñt'pa' Yomporecopcha'ña e'ñe cohuen eñen.

18 Tarro'mar añ acheñer ñeñt eñoretsa e'ñe cohuen ñocpapa' ñeñt'pa' ama pocteye' enteñe Yompor. Tarraña ama't erra'tsena acheñer Yomporcha' eñosets cohuen ñocop, ñeñtña e'ñe pocte' enten ña.

11

Atto ommoñañenesha'pa' ahuo't shequënan corinto'marnesha' ñetpa' allsen-sareteto'

1 Napa' atarr nemneñ o'ch se'mñoton atto cha muene' atta es notatse'tyen. Po'ñoch o'ch notas, se'mñoton ñeñt atet es notatse'tyen, allochñapa' attoch neñotatas ñeñt atet noctape'chen.

2 Tarro'mar napa' atarr necuenes atet ñerra'm Yompor ña secuene'. Tarro'mar napa' añ no'patatensa Cristo attoch allohuenes o'ch e'ñe napuas poctacma. Atfo o'patataretes, napa' o'ch necuenes attoch amach yoratstaso po'psheñeñ. Ñehua, o'ch netma'ntatasa atet ñerra'mrrate' puesheñarr yacma ñeñt esñet. Po'seññapa' o'ch o'patacha puesheñarr yacma ñeñt'cha' puerrollar pa'. Ñapa' o'ch cohuanpenan po'señ e'ñe cohuen tarrempohuach esempoch huapa ñeñt o'patenaya allempochña pomanña po'señ ñeñt ama a'plaretayaye. Ñeñto'marña napa' e'ñe atet nentenes ñerra'mrrate'

nesñenesha' nepenes attoch napuas Cristo ñeñt' atet ñerra'mrrate' ñeñt'cha' e'ñe serrollar sepa' ñapuef.

³ Tarraña napa' cha sellcatenen. Napa' noten sapa' o'te' cha semnatena o'ch shecaset samã, atet pa ahuat shechep allempo shecan Eva tarro'mar ñeñt' shecheppa' atarr etsotenan shequẽñets. Ñerra'm sapa'cho'ña puehquẽñotetaspa' añach yechatenset ñeñt' ama cohuenayaye cotapñats, ñeñto'marña o'huañcha' allo'na sesen ame'ñenaya Cristo ñapuef ñeñt' e'ñe cohuen.

⁴ Tarro'mar sapa' ñerra'm esempo huena po'potantañ sesho, ama't serppare'tatensetañ ñeñt' atet pe't Jesús tarraña ñeñtpa' ama atteyaye ñeñt' atet yeychatuas ya ahuañmo'cha, sañapa' eso'mare'tña allorocma e'ñe socsheñesha' same'ñeña. Ama't serrpare'tatenset po'poñ cotapñats ñeñtpa' ama añeyaye Yompor poctapña, sañapa' allorocma'tña e'ñe pocte' senteñ o'ch same'ñya. Ama't serrpare'tatensetañ po'poñ ñoñets alloch sequeshperrañ, ñeñtpa' ama añeyaye ñeñt' e'ñe cohuen ñoñets ñeñt' same'ña'hua ahuañmo'cha, tarraña sañapa' e'ñe't pocte' senteñ o'ch ame'ñataset po'poñ ñoñets.

⁵ Ñaña ñetpa' atta ommo'chenet allsensareteto' Yomproshot, ñetpa' atarro' sherbenet. Tarraña napa' elloña atarr asherben nentena.

⁶ Ama't napa' ama ayçhatareteno attoch neserrpare't coçhneshare' ñoñets tarraña napa' e'ñe neñotueññañ Yompor po'ñoñ. Sapa' señotenen ñeñt' atet notenes ñeñtpa' e'ñe po'ñoçh atet tarro'mar shonte' pa'namen norrtatyen erracmañen ñeñt'ña e'ñe señotatene'.

⁷ Ñehua, sapa' amate' pocteye' sentenno tarro'mar ama't ahuañmo'chapa' ama çhoye' necobraso atto neserrpare'tatensa' Yompor po'ñoñ ñeñt' alloch yequeshperra. Nato' amate' asherbenaye' sentenno atto ama necobraso. Tarraña ñeñtpa' añecop sherben attoch sapa' o'ch tantaterres Yompor sosya'tsañoç allochñapa' o'ch puechemer perres samã.

⁸ Ñehua, po'poñ anetso all apçha'yenet pame'ñeñoçet Yompor, na errotenopa' çhocma naguënanet ñeñt' allpon muenenet o'ch tsa'tnet e'ñe ñet poctapñoçet. Neñto'marña ama pallteno o'ch setsa'tna samã atto neserrpare'tatenes. Neñt' napa' atet nenteñ ñerra'mrrate' po'poñ anetso all apçha'yenet pame'ñeñoçet Yompor, napa' ahuo't neprratamñsanet ñet attoch nesherbãsa.

⁹ Ahuañmo'cha allempo na'posa seshopa' ñerra'm esempo nanac es nepalltena, sapa' ama't pueheñarroçesapa' ama na'tsrre'moçhtana'taso es senamare'te' ñeñt' nepalltena. Tarraña allempo atarr es nepalltenapa' o' huaçha'ta masheñesha' Macedoniot, ñetñapa' o' aposnet allpon ñeñt' atarr nepalltena. Attoña allponmat na'puena sesho ahuañmo'cha, napa' ama't mameshapa' ama nemno o'ch na'tsrre'moçhtana'tasa ama't e'ñe pueheñarroçesa. Ñaña napa' çhocmach atet nepena.

¹⁰ Napa' neñotena Cristopa' entenen e'ñe po'ñoçh cohuen ñeñt' atet nepena, ñeñto'marña napa' ama't eseshapa' amate' errotenot queçhpatatnetoña atto e'ñe cohuen neserrpare'teññañ Yompor po'ñoñ e'ñe atta ñeñt' allo atarr nochshena, ama't erraparen nesen Acayo'mar.

¹¹ ¿Eso'marte'ña atet notenes? ¿Ama't señoçe'ne? Chate' sotenapañ amate' nemorrentenso. Tarraña ñeñtpa' ama atteyaye. Yomporña nentene' atarçay'e nemorrentensa.

¹² Napa' çhocmach atet nepena amach necobrenso ñeñt' atet pena

po'potantañ ñeñt pommo'cheñoŕeta serrpare'tatyenset. Allochña ñetpa' amach errotenoŕ otneto napa'cho'ña ahuo' na'tsrre'moŕhtana'ch naña acheñesha' atet penet ñet. Tarro'mar napa' ama pocteye' nenteñe o'ch otet e'ño' atecma yetorraena Yomporecop.

¹³ Tarro'mar ñeñt atet acheñpa' ama Yomporeye' llesensenaye, ñetpa' aña po'taruas penet shequëñets atfoch ganenet e'ñe atfa. Atfa mueneñet o'ch po'poñtet ahuo'ch orrtet atet ñerra'm Cristo puellsensar.

¹⁴⁻¹⁵ Ñehua, yapa' yeñoteñ oneñetpa' ŕhocma atet pena ñaña o'ch po'poñet attotcha' shequëney. Oneñetpa' ŕhocma orrtatennay ñeñcha' cohuen yenten ya, o'ch orrtatennay atet ñerra'mrrate' ñapa' Yompor po'puetarenñoŕ amñareŕ ñeñt atarr cohuen. Ñeñto'marña yeñoteñ oneñet pueyochresha' ñeñt torretsa ñocoppa' ñetpa'cho'ña atarrcha' ashcañareret, mueneñet o'ch po'poñtet attotcha' orrteten atet ñerra'm añ acheñer ñeñt e'ñe po'ñoŕch torretsa Yomporecop. Tarraña ñeñt atet petsapa' añ o'patenahuet coñcheñets ñeñt poctetsa añecop ñeñt atet p̄atse'tyetsa.

Atto Pablopa' pa'namenot mueroŕhtateñet e'ñe pame'ñeñoŕ Cristo

¹⁶ Ñehua, te'pa' o'ch alla noterrser. Amach sentatsetno napa' attate' notatse'tyen. Ñehua, ama't sentenen atet ñerra'm otatsñaŕenpa' notatse'teñoñapa' se'mñoten. Tarro'mar napa'cho'ña o'ch e'ñe cohuen neños ñeñt e'ñe nocpa atet ñerra'mrrate' ŕcho nommo'chena mame'.

¹⁷ Ñehua, ñeñt atet notenes te'pa' ama cohuenayaye tarro'mar ama añecpaye' llesensa'noña Yepartseshar o'ch e'ñe cohuen neñen ñeñt e'ñe nocpa. Te'pa' e'ñe na notatse'teñoŕ e'ñe cohuen neñen ñeñt e'ñe nocpa atet ñerra'mrrate' cho nommo'chena. Tarraña ñeñt atet notenes neñoteñ ñeñtpa' e'ñe po'noŕch netsotueñ.

¹⁸ Atto shonte' po'potantañ ommo'chyenet ñeñt atet etsotenet ñet arr patsro, napa'cho'ña o'ch neñosatse'tapretyesamet atet ñerra'mrrate' ŕcho nommo'chapretyenanet.

¹⁹ Sapa' e'ñe atet sentena sañeña atarro' es señoten ñeñto'marña e'ñe pocte' senteñ o'ch se'mñoteññañ ama't otatsñaŕ ñeñt atto ommo'chena.

²⁰ Ama't ñet atto pomnaren penset, sañapa' e'ñech pocte' senteñ. Ama't es puerratam̄psaset ñeñt allpon sechyen, sañapa' e'ñech pocte' senteñ. Ama't es puerratam̄psaset ñeñt allpon sechyen, sañapa' e'ñech pocte' senteñ. Ama't atarr puet-sena'teñoŕetaspa' sañapa' e'ñech pomnaren sepatena. Ñerra'm esempo ama't ŕcho taclapechenset, sañapa' e'ñech pocte' senteñ atto atarr pencna'ntatenset.

²¹ Napa' ama nepenquëñofeye' notenso, napa' ama nemno nehuamen-coŕpa' o'ch pomnaren nepenes, atet penes po'potantañ.

Ñehua, tarraña ama't errotenote' ommo'chyenetpa' napa'cho'ña o'ch atet neñosatse'tapretyesamet. Notatse'teñoŕpa' ŕchach nottena atet ñerra'mrrate' ŕcho nommo'chapreteña ommoñafenesha'.

²² Ñetpa' pommo'cheñoŕetpa' otenet ñetpa' hebreonesheto'. Ñehua, napa'cho'ña o'ch notas, hebreoneshan naña. Ñetpa' pommo'cheñoŕet otenet israelena'tareto'. Ñehua, napa'cho'ña o'ch notas israelena'taren naña. Naña ñetpa' otenet po'mrenñaneto' yatañ Abraham. Ñehua, napa'cho'ña po'mrenñen yatañ Abraham.

²³ Ñetpa' pommo'cheñoŕet otenet ñetpa' atarro' torrenet Cristocop. Ñehua, napa'cho'ña elloña atarr nanac netorraena Cristocop. Ama't e'ñe notatse'teñoŕa noten, ñeñtpa' e'ñe po'ñoŕch atet. Ama't allpon torrenet ñet, elloña

napa' atarr nanac netorrena na. Ñaña ama't allpon amuerochtataretetyenet ñet elloña napa' atarr nanac amuerochtatareten. Allpon ayottam̄psarefen all coñchatennet, ñeñtpa'cho'ña nanac atonoche'tats. Ñaña allpon ashtennetpa' ñeñtpa'cho'ña atarr nanac atonoche'tats. Ñaña ñeñt allpon autsancharromueteñ, ñeñtpa'cho'ña atarr nanac atonoche'tats.

24 Ñaña judionesha' e'ñe pue'moñe'teñoŕetan napa' atet ashtennet e'ñe amnaroche'tats. Allempoña ashtennetpa' ma'poch çharra' puechena escon ñeñt atto pacapacatspennet.

25 Ñaña ellonetpa' o'chcho' alla nallerrneterr ñaña tsachpo, e'ñe ma'poche'ttsoema nallennet. Po'pocheño'pa'cho'ña parrochpa' o'cho' alla rrolle'terrneterr. Po'pocheño'pa'cho'ña allempo nesen noñto sapo'marpa' alla nepotam̄perrerr ma'poche'ttsoema. Allempopa' alla narepen alla nellapen oño enopa'rrtatsa.

26 Napa' çhocma nechopeñe'chyen ellaþar allo'tsa'yen pa'namen ñeñt atarr am̄cha'noçhenare', atet ñerra'm allempo netam̄pena noñto oño'mar, ñaña allempo nechap all am̄cha'noçhtena eñeŕeçhno, ñaña allempo am̄cha'noçhtana'tenen namo'tsesh'a' ñaña po'poñ acheñ ñeñt ama judioneshayaye. Ñaña ñeñt am̄cha'noçhetyetsa all anetso'mar, ñaña ñeñt am̄cha'noçhetyetsa all puetsaŕo'mar, ñaña ñeñt am̄cha'noçhetyetsa all oño'mar. Ñaña ñeñt atto am̄cha'noçhtena po'potañ ama't otenetañ masheñpa' tarraña ama masheñeyayeto, ñetpa' ama ame'ñeñeto Yompor.

27 Elloña çhocma atarr netaruasen, ñaña shonte' ñeñt atarr echarr nentyen. Ñaña atonoche'tats atarr nanac na'huanten nemoñ torratsa Yomporecop. Ñaña epaye' nemueroçhtena nachporrñoŕ, ñaña no'ñpañoŕ tarro'mar ama eñalle ñeñcha' nerren ñaña ñeñcha' norren. Ñaña epaye' mueroçhtatenen senet tarro'mar ama eñalle neshtam ñeñcha' nechorra, o' e'ñe neptsapesua.

28 Ñaña ellonet napa' çhocma nellquëña ñeñt pame'ñeñoŕet allemeñ apçha'yetsa. Napa' aña'ñaña çhocma nellcatene' ñeñt atarr torrapo' nentyen pa'namen.

29 Ama't erra'tsena acheñer ñerra'm ama huomencaye' penano pueyoçher Yomporecop, nañapa' atarrcha' nellcapreteña. Ñeñña atet nellcapreteña nañapa' o'ch atet ne'muen neyoçhro ñerra'mrrate' o'huañ huomenc neþa' neyoçher Yomporecop. Ñaña ama't erra'tsena acheñer ñerra'm o'ch a'puerratateret o'ch atet perran ñeñt ama pocteye' enteno Yompor, naña nepencapreteño'pa' ama't mameshapa' amach pocteye' nenteñe.

30 Ñato' te'pa' o'ch noterrser serr po'poñoneŕ cotapñats. Sapa' po'ñoçh señosats'e'tatyenen cohuen ñeñt e'ñe nocpa. Añña cohuen nenten attoch neños cohuen ñeñt e'ñe nocpa, ñeñtpa' atto ama ahuamencatoyenaye' entenno acheñenesha'.

31 Yomporpa' eñotenen ñeñt atet notenes, ñeñtpa' ama shequëntsoyaye. Ñeñtara Yompor ñeñt Pompor pen ñaña Yepartseshar Jesucristo ñeñcha'ña ya'ye'choçhtaterr tayoteñ errponohuañen.

32 Ñehua, napa' o'ch neyerpatasa atet aþareten ahuañmo'cha allempo Damasco'tsenen. Ñehua, ñeñt am̄cha'tarettatse't all Damasco, ñeñtpa' ñeñtara am̄cha'taret Aretas pueyochresha'. Ñeñña nene'ña guardianesha' ñeñt camretsa allemeñ yetarroŕ. Ñetpa' añecop camrenet attoch rroma'netañpa' o'ch yottam̄pesnetañ allcha' coñchatnetañ.

33 Tarraña napa' arr esha'tnet cañtro attoña cha'nmaternnet ventanot allotña a'suatañperrnet conchtot. Attotña e'ñe cohuen nequeshperra, ñeño'marña ama eshcaye' rroma'noña guardia.

12

Atto Pablopa' a'tapataretta Yompor pue'ntaño ñeñi e'ñe poma'ptaño hua

1 Ñeñi atto señosatse'tatyenen e'ñe cohuen nocpa, ñeñtpa' ama es sherbeno. Tarraña ama't atteñpa' o'ch alla neserrpare'taterr serr atto Yepartseshar ñaña es negatyene' ñeñña es neñotatyene'.

2-3 Ñehua, napa' neñoteñ na puesheñarrana ñeñten ame'ñenaya Cristo te'pa' o' met çharra' puechena pa'tats char, allempoña napa' a'tapaten Yompor pue'ntaño ñeñi e'ñe poma'ptaño hua. Napa' ama neñoteñe, ñato'orate' nechtso a'tapatareten, amapa' ñato' necamquëñoñate' a'tapatnet. Ñeñtpa' Yomporña eñotene'. Napa' e'ñe neñoteñ po'ñoçh a'tapatareten Yompor pue'ntaño all atarr nanac cosheñtso'tsa'yenet.

4 Ñoñets ñeñi ne'muena' allpa' ama aserrpare'teno tarro'mar ya aromñafey ama pocteyaye o'ch yeserrpare't allo.

5 Ñeñi atet apareteneñ allempo, ñeñtpa' e'ñe poctey o'ch cohuen neñoseñ e'ñe nocpa, tarraña amach atet neñatsto, añachña nocshena atto ama ahua-mencatoyenaye' entenno acheñenesha'.

6 Ñehua, ñeñi atet apareteneñ allempo ñeñtpa' e'ñe poctey o'ch cohuen neñoseñ e'ñe nocop, ñeñtpa' ama çhoye' notatse'teno, tarro'mar ñeñtpa' e'ñe po'ñoçh atet apareten. Tarraña napa' ama nemno o'ch cohuen neños e'ñe nocpa. Añachña nemnen ñeñtcha' cohuen entapretennet ñeñi e'ñe allpona entapretennet ñeñi atet es nepa'yen cohuen ñaña ñeñi e'ñe allpona e'mñotapretennet ñeñi atet e'ñe cohuen neserrpare'ten.

7 Atto Yepartseshar ñaña es negatyene' ñeñña es neñotatyene' ñeñtpa' atarr cohuen nanac yenteñ. Tarraña napa' attoch amach nocsheno e'ñe nañeñapa' Yomporña nemnatene' e'ñe nechtso ñeñña atarr nemueroçhtatame'tene' nanac. Ñeñi atto nanac nemueroçhtena, napa' atet nenteñ ñerra'mrrate' aj nechtsoñatpena ñeñtpa' oneñeshotña huennana ñeñña atarr atserr nepeñe'. Attoña Yomporpa' ama muenatenno o'ch nocshena e'ñe nañeña.

8 Napa' o' ma'poche'tats nenamueñ Yompor a'huañamperreñe' ñeñi atarr nemueroçhtatene'.

9 Tarraña ñapa' ahuo't otenen: "Amach na'huañamperreñe, tarraña napa' atta çhocma atarr nemuereñpa, ñapa' ñeñña pepalltena. Tarro'mar ñeñi ama eñalle e'ñe ña po'huamencpa' ñeñtcha'ña orrtatene' na nehuamenc." Ñeñtpa' atet otenen Yompor. Ñeño'marña atto napa' ama eñalle e'ñe na nehuamenc, ñeñtpa' ñeñña atarr nocshatene' na, tarro'mar neñoteñ ñerra'm attenpa' Cristo po'huamencña ñeñi nechorrenaya; ñeñña norrtatempa', ama noyaye nehuamenc, ñeñtpa' Cristo.

10 Ñeño'marña napa' añ atarr nocshatene' atto napa' ama ahua-mencatoyenayayno ñaña atto atarr pencna'ntatennet tarro'mar ama esoye' entenneto. Ñaña napa' añña nocshatene' ñeñi allpon atarr echarrare' nentyen, ñaña atto çhocmach cotare'tennet, ñaña ama't allpon ñeñi nehuenoya ñeñña atarr nocshatene'. E'ñe pocte' nenteñ o'ch nemueroçhta Cristocop. Tarro'mar neñoteñ ñerra'm esempo ama ahua-mencatoyenaye' yenteno e'ñe ya, allempoña Cristopa' ahua-mencat peney.

Atto Pablopa' atarr llequēnana corinto'marnesha' ñeñĩ ame'netsa

11 Sapa' atto señosatse'tatyenen e'ñe cohuen ñeñĩ e'ñe nocpa, tarraña ama't atteñpa' napa' e'ñe po'ñoçh notatse'tyen, tarro'mar napa' ama nepallteno o'ch neños e'ñe cohuen ñeñĩ e'ñe nocpa. Añña palltetsa sa o'ch señosapreten cohuen ñeñĩ e'ñe nocpa. Tarro'mar sapa' señotenen atarr asherboyenen. Ama't po'potantañ ñeñĩ atarr se'mñotatene' atarr ommo'chenetañ, ñetpa' allsensarefeto' Yomporeshot, ñetpa' atarro' nanac sherbenet, elloña napa' atarr asherben entenen Yompor, ama't napa' ama esoye' nenteno.

12 Tarro'mar ahuañmo'cha allempto na'puena sesho, napa' allña norrtatyesonas Yompor po'huamenc ñeñĩ atarr echarrare' ñeñĩ sapa' ama't ahuañapa' ama sentare ñeñĩcha'ña señotate' ñeñĩpa' Parets po'huamenc ñaña ñeñĩcha' señotate' napa' po'ñoçh Yomporña nellsensene'. Ñeñto'marña e'ñe cohuen na'huantennas ñeñĩ atarr torrapo' sentyen.

13 Attecma es norrtatyennas ñeñĩ atet nepa'yes po'potantañ ñeñĩ pame'ñeñoçet ap'cha'yetsa allemeñ anetso'mar. Añña ama na'tsrre'moçhtana'taso es senamare'tyese'. Tarraña ñerra'm ama pocteye' sentono ñeñĩ cohuenare' neponaspa', ñehua, ñato' o'ch sepretnerren.

14 Te'pa' poma'pocheño'pa' o'ch ahuerrierr sesho. Attecmach nepohuerrerr, amach na'tsrre'moçhtana'taso es senamare'te' ñeñĩ nepalltena na. Tarro'mar napa' ama añeye' ne'nen ñeñĩcha' es sapuen na; napa' añña nemnen o'ch sepomhua sañeña Cristesho. Tarro'mar napa' atet nentenes ñerra'mrate' po'ñoçh e'ñe nechemer nepenes. Ñehua, cheshanesha'pa' ama añeye' pallteneto o'ch es a'yapaçhet ñeñĩcha' añño'tet pamo'mtayecop. Añña nanac palltetsa, pamo'mte'chña es a'yapaçhets ñeñĩ puechemereshacop.

15 Ñeñto'marña e'ñe nocsheñesha' o'ch nepomhua e'ñe nañeña ñeñĩpa' e'ñech socop. Allochñapa' attoch sequeshperra saña. Ñaña allpon nechyen, e'ñe nocsheñesha'pa' o'ch nepomyeñ e'ñe socop. Ama't napa' elloña atarr nemorrentensa sañapa' o'huañ e'ñeye' semorrentenna na.

16 Sapa' señotenen napa' ama na'tsrre'moçhtana'taso es senamare'te' ñeñĩ e'ñe nocop. Tarraña sapa' çhate' sotenapañ napa' atarrte' neñoteñ attoch neshcare'tas ñeñĩ e'ñe po'poñe'ttsocma shecare'teñets.

17 Ñeñĩ nemña ahuañmo'cha epsheña sesho, çhate' sotenapañ ñeñĩpa' tarreçcate' attoch shecare'tas.

18 Ñehua, na te'pa' o' nesechach masheñ Tito ñeñĩcha' tatsa sesho, epuet po'psheñeñ masheñ o' nemñanet epsheño'maret sesho. Sapa' çhate' sotenapañ masheñ Titopa' o'ch shecare'tensa'. Ama't señoteñeña yapa' attecma cohuen yocape' chen yeyoçhro epan masheñ Tito ñaña attecma es yepa'yennas e'ñe cohuen.

19 Sapa' çhate' sotenapañ añeçpate' neñen cohuen nocop allochñapa' attoch o'ch alla cohuen sentuerren. Tarraña e'ñe nemorrenteñoçes masheñeshacha' ñaña noçhaneshacha' o'ch notas, ñeñĩpa' ama nocpayaye. Añecopña notenes ñeñĩ e'ñe socop allochñapa' o'ch alla huomenc seperr seyocher Yomporecop. Napa' e'ñe neyemteñoç Cristo, Yomporña' entenen ñeñĩ atet notenes.

20 Tarro'mar e'ñe nellquēñoçes sa noten, ñato' esempoch neçherr sesho, ñerra'm attera nentyesuerrerr ñeñĩ atet seçatse'tyena, napa' ñeñĩcha'ña atarr nellcatuerrayerr sesho. Attoña ñerra'm sentapuerren nellquēñesha' neçherr seshopa' ñeñĩcha'ña sellcate' saña. Ñato' o'ch

nentuerrerr attera se'moñe'tannena, attera es seye'chapretannena, attera sa'tsrre'mare'tatannena sañeña attoch o'ch sa'micha'taretta; ñato' attera sesasare'tanna'tyena, attera sa'metare'tamñsannena, ñaña e'ñe pueheña'ttsos attera atarr cohuen sentena sañeña, ñato' attera se'moñe'tanna'teño'pa' seche'chame'tanna'tyena.

²¹ Ñaña napa' nellquëño'fes sa noten, ñerra'm esempo neherrerr sesho po'pocheño'pa' ñato'rraña o'te' alla pencna'ntaterrnerr Yompor e'ñe so'mara. Tarro'mar ñato' patanta'ttsos ama seque'chpueno ñeñt ama pocteye' enteno Yompor ñeñt atet sey'cha'yen sa sosya'tsañe'chno, ñaña atto sechta'yeñ coyanesathno ñeñt ama setaporeyaye, ñaña coyanesha'pa'cho'ña aguënan yacma ñeñt ama puerrollareyaye, ñaña atto sayom'atse'tyena ñeñt po'ño'ch ama atet apapahuoyaye. Ñato' attera sepatse'tyena atet sepe't ahuat ama llecatensoña so'chñar attoch soctape'cherr etserra cohuen. Ñeño'marña ñerra'm esempo neherrerr sesho ñerra'm attera nentuerrerr, nellquëño'pa' chate' neya'na'tuerres.

13

E'ñe allohuanen atet cotape'chatyesnerranet pa'namen esocmañen

¹ Ñato' poma'pocheño o'ch alla ahuerrnerr sesho. Ñaña o'ch notas po'poñ, ñeñt otteñe'charettsa, ñerra'm epsheña a'metare'tamñpene' amapa'ma'psheña, allemppa'pocte' o'ch ye'mño'ch ñato' po'ño'chte' atet patse'tyena.

² Ahuañmo'cha allemppa'puepocheño neherr sesho, ñeñt attera patse'tyetsa ñeñt ama pocteyaye, napa' o' notuanet allemppa'ñeñ'cha' atet aparettet ñerra'm atteretach. Ñehua, te'pa' necartotpa' o'ch alla noterraneterr ñet, ama't e'ñe allohuenes o'ch notas, ñerra'm esempo neherrerr po'pocheño'pa' o'ch ne'ñotare'tuerres allohuenes ñeñtes attera patse'tyetsa.

³ Allochñapa' sapa' e'ñech seño'tuenen po'ño'ch nach eñorosta ñeñt atet muenatenen Cristo. Ñehua, ñeñt'pa' tarro'mar sapa' chocma senamuenen o'ch norrtatennasa' attoch seño'ten napa' po'ño'ch Cristo ne'ñoratene'. Ñaña Cristopa' e'ñe po'huamencotña chocmach erroten es pa'yennas, ñaña atarr ahuamencat penes.

⁴ Ñehua, po'ño'ch yeñoteñ allemppa'corso'tamñset Cristopa' ama ahua-mencateye' enteñeto tarraña Pomporña e'ñe po'huamencot alla tantater. Yapa'cho'ña attecma yeñotena ama ahua-mencateye' yenteno ñerra'm ña, tarraña te'ña yapa' o' yocrrerra po'huamencot Yompor attey ñerra'm ña. Attoña po'huamencot Yompor e'ñe cohuen yesherbene.

⁵ Te'pa' o'ch noterrerr; socoppa' añ poctetsa o'ch seño'ta sañeña, ¿po'ño'chte' same'ñena? O'ch seño'ta esheccha' seño'ch po'ño'chte' sapa' same'ñena. Ama't seño'teñe Jesucristoña sehorrenaya. Ñehua, ñerra'm po'ño'ch ama same'ñeño, amachña errotentof chorraso.

⁶ Tarraña napa' chocma necuenes o'ch chaponasa seyo'chro attochña seño'ten po'ño'ch napa' añ nellsensene' Yompor.

⁷ Napa' nema'yocheño'pa' chocma nenamuennas Yompor socop attoch amach allo'na atet sepatsto ñeñt ama cohuenayaye Yomporcop. Ñeñt'pa' ama añecpayaye attoch sapa' o'ch seño'tenen napa' po'ño'ch allsensareten Yomporshot. Añecopña nenamuennas Yompor socop attoch sapa' chocmach sepa'yen ñeñt cohuen enten Yompor, tarro'mar ñeñt'pa' ñeñt'ña

e'ñe cohuentetsa Yomporecop. Ñeñt'pa' atetña nemnen socop ama't napa' atet sentennoñ atet ñerra'mrrate' ama allsensareteno Yomporeshot.

8 Tarro'mar napa' ama nemno o'ch nepatare't ñeñt' e'ñe po'ño'ch cohuentetsa Yomporecop. Napa' añña atarr nemnen o'ch nepatua'huoñ ñeñt' e'ñe po'ño'ch cohuentetsa ñocop.

9 Ñerra'm soctape'cherr cohuen attochña huomenc seperr seyo'cher Yomporecop amach nepallteno o'ch norrtatonas nehuamenc atto allsensarefen Yomporeshot. Tarraña atetpa' e'ñe pocte'. Ama't napa' ama ahuamencatoyenaye' sentenno, tarraña ñerra'm sapa' ahuamencat perres Yompore, ñeñt'pa' e'ñe pocte' nenteñ. Ñaña atto nema'yochena socop allo'nepa'chña sesen e'ñe huomenc pa'nmue' seyo'cher Yomporecop.

10 Ama't ellaparo'tsenen o'ch nequellquërnaserr necarta, ama't ama nesena' sesho, allochñapa' o'ch alla soctape'cherr cohuen Yomporecop. Attochña ñerra'm esempo ne'cherr seshopa' amach cha muene' neche'chame'tyesuerrso attoch se'noton ñeñt' atet llesensenen Yepartseshar. Tarro'mar atet allsensareten, ñeñt'pa' ama añecpaye' sherbeno alloch na'puerratatuerres, ñeñt'pa' añecopña sherben attoch neyenpas huomenc pa'nmue' seyo'cher Yomporecop.

Arrpa' all e'ñe poctacma so'tnerranet po'cartot

11 Te' masheñeshacha' ñaña no'chaneshacha' allohuach notas añ necartot. E'ñe neso'teño'espa' o'ch notas, Yomporepa'chña sa'nataya. Te'pa' ñeñt'ach noterrser mame'. Allo'nepa'chña sesen cotape'chnomue' ñeñt' e'ñe cohuentetsa Yomporecop. Ñeñt' atto o' noctape'chaterrser añ necartot, se'mñotonepa'ch neñoñ attoch socsherra e'ñe poctacma. E'ñepa'chña patrra soctape'chuen allohuenes, attochña e'ñech cohuen sentannena. Yomporepa'ch sa'nataya ñeñfara Yompore ñeñt' atarr amorrentña ñeñt'ña atarr yocshatene' yeyochro.

12 E'ñe semorrentanna'teño'pa' atetcha' sehuom'cha'tanna'tena ñeñt' atet poctetsa Partsocop.*

13 Ñaña arrpa' allohuen ñeñt' o' pueyochresha' perr Parets, ñetpa' mueneñet o'ch huom'cha'taset ñamet arr necartot.

14 Yepartsesharepa'chña Jesucristo sebensare'tan'pene' allohuenes, ñaña Yomporepa'chña semorrentaya attoch semorrentannena samña, ñaña Puecamquëñepa'chña sechorrenaya attoch e'ñe separrocmatuahua allohuenes epas Cristo. Te'pa' ñeñt'ach notas, ñeñt'pa' atetepa'chña Nompore. Allohua.

Pablo

* **13:12** Po'ño'ch oteney, "E'ñe semorrentanna'teño'f' choch setso'ttsa'pa'tannena ñerra'm esempo sehuom'cha'tanna'tena ñeñt' atet poctetsa Partsocop." Ñeñt'pa' atet yechete't' ahuat.

AÑ SAN PABLO PO' CARTA ÑEÑT' QUELLCAN GALACIO' MARNESHA' GÁLATAS

Atto Pablopa' quellcan carta añecop ñeñt' ame' ñetsa anetso Galacio

¹⁻² Masheñneshacha' ñaña nochaneshacha' ñeñtes allohuenes same' ñeñot' ap'cha'yetsa allemeñ anetso Galacio'mar. Na Pablón sequellquêne'ña añ carta ñeñten Jesucristo puellsensaren. Napa' ama acheñeye' nellensenenaye, Jesucristoña nellensene' epuet Pomporets ñeñt' tantaterre' Puechemer rromot. Ñaña allohuen masheñneshachno ñeñt' parro arro'tsenen, ñetpa'cho'ña mueneñet o'ch huom'cha'taset ñamet añ necartot.

³ Te'pa' e'ñe nehuom'cha'teñofes o'ch notas: Yomporepa'chña sebensare'tam'pene' ñeñt' atarr Parets epuet Puechemer Jesucristo ñeñt' Yepartse-shar yepen. Ñetepa'chña socshatene' e'ñe sa seyo'chro allohuenes.

⁴ Ñeñtara Jesucristo ñeñt' e'ñe pocte' ente' o'ch rroma yo'chñarecop attochña yapa' cohueno'tseneycha' ama't añ patsropa' sosya'tsaño'tsenya, tarro'mar ñeñt'pa' atet pocte' eñch Pomporets ñeñtara Yomporets ñeñt' nanac Parets.

⁵ Ñeñtara Parets'pa' aye'cho'chtaterrapo'ch e'ñe tayoteñ errponohuañen. Ñeñt'pa' atetepa'ch Nomporets.

All eñotatanet atto ama eñalle po'poñ alloch yequeshperra

⁶ Te' napa' o'ch notas: Eso'mare'tña e'ñe mamecmapa' o' alla soctape'chyerr po'poñ. Sapa' cha semneñ o'ch sequeshpuer Yomporets ñeñt' o' hua'ñerres o'ch same'ñerrñaña Puechemer Cristo ñeñt' rromats attoch sequeshperra. Tarraña sañapa' cha semneñ o'ch alla soctape'cherr po'poñ ñeñto'ch sa'queshpaterrayeñ.

⁷ Po'ño'chpa' ama't ama eñalle po'poñ alloch yequeshperrapa' añña ñeñt' huapyetsa seshopa' ñetpa' cha mueneñet o'ch alla moññe'taterrset soctapña. Ñaña ñetpa' mueneñet o'ch a'po'poñetonaset soctapña ñeñt' cotapñats po'ño'ch alloch yequeshperra e'ñe yame'ñeño'fa Cristo.

⁸⁻⁹ Tarraña napa' o'ch notas: Ama't erra'tsencha' seserrpare'tate' po'poñ cotapñats ñeñt' ama ñeñtarayaye ñeñt' atet o' same'ñerra ahuañapa' ñeñt' acheñerpa' amuepa'ch yenpueñe Yomporets. Ama't yapa'cho'ña ñerra'm o'ch alla yeserrpare'taterrset ello ñeñt' ama ñeñtarayaye ñeñt' atet o' neserrpare'tatuas ahuaña ñeñt' po'ño'ch alloch yequeshperra yapa'cho'ña amuepa'ch allo'na yenpa'nenye Yomporets. Ñaña ama't añ atet patsa ñeñt' Yomporets po'mllaño'feñer entotpa' ama't ñapa'cho'ña amuepa'ch yenpueñe Yomporets. Ama't ñeñt'pa' o' notuaseñ ahuatoteña' tarraña te'pa' o'ch alla noterrset; amuepa'ch yenpueñe Yomporets ñeñt' atet petsa.

¹⁰ Te' sapa' señotenen napa' ama añecpaye' notenso attoch cohuen entenen acheñ, añña nemnen o'ch cohuen entenen Yomporets. Ñaña ama acheñeneshaye' nemneno o'ch nocshach tarro'mar ñerra'm añña orameñ nemneñ o'ch nocshach acheñpa' ñeñtepñapa' amate' erroteno noto napa' pueyocher penen Cristo.

Atet pa Pablo allempo errte' allsensaretterra

11 Napa' nemneñ masheñeshacha' ñaña nochaneshacha' o'ch señoñ ñeññ atet neserrpare'tatas ahuañapa' ñeññpa' ama acheñooyaye poctapña alloch yequeshperra.

12 Napa' ama acheña neñotatenaye atet, ñaña napa' ama esesha' neyçhatenaye. Añña e'ñe Jesucristo ñaña e'ñe neñotatene' atet.

13 Sapa' o' se'mare'tuan atet nepe't ahuañmo'cha allempo noctoñe't judionesha' poctapña. Napa' allempo nanac noctare'che't ñeññ ame'ñenaya Yompor. Napa' atarrcha' nemne't o'ch na'cllatuanet.

14 Napa' e'ñe netsotoñe't judionesha' poctapña. Napa' ello nemtana'tue't shonte' nacmanesha' judionesha' ñeññ parro neyemte't. Napa' nanac nema'yochroñe't judionesha' poctapña ñeññ atet yeche't ahuatnaneshañ, ñaña ñeññara atet yeçhatyesete't ñaña puechemerashañ.

15-16 Tarraña Yomporpa' ahuo't acrerren ahuatoteñ ama't allempo ama ne'ñalletena'. Tarro'mar allempo çhap allempoch eñotaterrenpa' o' yemtater-rna Puechemer ñeññara Jesús. E'ñe puemueñofofen nanacpa' o' çhore'terren attoch nach serrpare'te' po'ñoñ allo'tsa'yen ñeññ ama judioneshayaye. Ñaña allempo e'ñe pocte' enteñ Yompor o'ch eñotaten atetpa' napa' ama esesha' na'p'to'to ama't puesheñarra.

17 Ñaña ama't Jerusaléñapa' ama neto o'ch nenteña' ñeññ allsensaretnesha' ahuatoteñ. Elloña napa' arra ahuen all oteñet Arabia, allpa' ama acheñempañooyaye. Allñapa' all na'lponmatena' e'ñe alla; allotñapa' alla nepuerrerra Damasco.

18 O'ña met ma'pa char allempañapa' ahuen Jerusaléño o'ch nenteña' masheñ Pedro.* Allñapa' alla na'pa ñesho çharramat puechena amnarmat.

19 Tarraña allempo allo'tsenenpa' ama nenteño po'psheññeçhno ñeññ allsensaretnesha', ñapfa nenteña' masheñ Jacobo† ñeññara ñeññ pa'mo'nasheñ pen Yepartseshar Jesús.

20 Po'ñoçhpa' ama't Yomporpa' eñotenen ñeññ atet notenespa' ñeññpa' e'ñe po'ñoçh atet.

21 Allempoña nerr, arr nasuanerr Sirio'mar ñaña Cilicio'mar.

22 Tarraña ama't allempo ñeññ ame'ñenaya Cristo all Judeo'marpa' ñetñapa' ama eseshaye' nechme'tenaye.

23 Tarraña ahuo't e'mare'chet ñeññ cotare'tahuete't ahuaña te'ñapa' o' serrpare'terran attoch yame'ñerra ñeññara cotapñats ñeññ çhocma mueneñ ahuaña o'ch huapore'tater.

24 Ñeñto'marña te'pa' e'ñe no'marpa' nanac aye'choçhtateññañet Yompor.

2

Atto po'psheññeçhno allsensaretnesha' e'ñe pocte' eñchet Pablo

1 Allempoña o' meterrerr çharra' char puechena pa'tatspa' o' alla ahuernerr Jerusaléño epan ñaña masheñ Bernabé. Ñaña o' nanenñ masheñ Tito.

2 Napa' ahuernerr alla tarro'mar atet oten Yompor. Allempoña neçhap Jerusaléño'pa' neserrpare'tatosanet ora allohuen ñeññ atet o' neserrpare'tatue ñeññ ama judioneshayaye. Neñotach ñaña jerusaléño'marnesha' ñeññ atet neserrpare'tatyeñ acheñenesha' e'ñe yame'ñeñoña Cristopa' o'ch yequeshperra. Ñehua, ñanompa' neserrpare'tach

* 1:18 Añ Pedropa' ñeññara otenet Cefas. † 1:19 Jacobopa' ñeññara ñeññ sochenet Santiago.

ñeñĩ añcha'taretetyetsa Jerusaléno e'ñe ñap̄teto. Napa' tarro'mar notanet atet allochñapa' attoch neñooh ñato' pocte'ch entapretnet ñeñĩ atet nepena, allochñapa' atto neserrpare'tatyenpa' amate' e'ñe örrena neserrpare'tyeno.

³ Allempoña neserrpare'tatuanet atetpa' e'ñe pocte' eñchet ñeñĩ atet neserrpare'tyen. Ñeñto'marña ama't allo'tsen masheñ Tito ñeñĩ ama judioneshayayepa' ama't e'ñe puesheñarrofetapa' amaña eseshaye' notaye netsorachepa'to' masheñ Tito tarro'mar ñapa' ama judioneshayaye.*

⁴ Tarraña ama't allempopa' ama eñallñeña ñeñĩ torrapo' yentyenpa' añña puesheña'tetspa' o' huapyesa yesho. Ñaña ñetpa' ama't otenetañ ahuo' ame'ñerret atet ñerra'm ya tarraña e'ñe a'nahuapa' mueneñetañ ahuo'ch nonayet ñoñets ñeñĩ nanac torrapo' yenten. Ñetpa' añecpa huapuet a'nahua o'ch e'monayet atto yapa' yoten e'ñe yame'ñeñoña Cristo Jesúsapa' o'ch yequeshperra. Tarraña ñetpa' añña mueneñetañ o'ch alla nerrnayet judionesha' poctaḡña ñeñĩ nanac torrapo' yenten.

⁵ Tarraña yapa' ama yemnataneto ama't e'ñe mamesha, tarro'mar yapa' ama yemno o'ch alla ya'po'poñetaḡperres ñeñĩ cohuen ñoñets ñeñĩ e'ñe po'ñooh alloch yequeshperra.

⁶ Allempoña neñotach añcha'taretnesha' ñeñĩ Jerusaléno'tsa'yen ñeñĩ atet o' nepohuapa' tarraña amaña errot otneto ñeñto' nepalltena ñeñĩcha' atet neḡa. Ñehua, po'ñooh napa' ama nepallteno o'ch e'mñotaten añcha'taret tarro'mar ama ñap̄a añcha'taret pocte' entenoña Yompor. Ñeñto'marña ñeñĩ pa'ñcha'taretneshar penet ñeñĩ ame'ñetsa amaña errot otneto ñeñto' nepalltenmeñ ñeñĩcha' atet neḡa.

⁷ Añña ñetpa' e'ñe pocte' entnet, tarro'mar o' eñochet napa' po'ñooh allsensareten o'ch neserrpare'tach acheñenesha' cohuen ñoñets, ama't ñeñĩ ama judioneshayaye. Ateccma ñaña masheñ Pedro allsensaret o'ch serrpare'tan cohuen ñoñets judioneshacop, napa'cho'ña attecma allsensareten o'ch neserrpare't cohuen ñoñets añecop ñeñĩ ama judioneshayaye.

⁸ Tarro'mar ñeñfara Yompor ñeñĩ llesense' Pedro o'ch serrpare'tatan judionesha', napa'cho'ña ñeñfara Yompor ñeñĩ nellsense' nam̄a o'ch neserrpare'tach ñeñĩ ama judioneshayaye.

⁹ Ñeñto'marña ñeñĩ añcha'taretetyetsa atet ñerra'm masheñ Jacobo ñaña masheñ Pedro ñaña masheñ Juanpa' ñetpa' e'ñe eñochet po'ñooh napa' Yompor o' yenuerren. Ñeñto'mar ñetpa' e'ñe cohuen agapyet epan masheñ Bernabé. Pagapueñoŷetaypa' orratyep pot po'cohenroŷ attoch yeñotanna'ta e'ñe attecma yoctape'chen Yomporecop. Allempoña ñetpa' e'ñe pocte' entyet yeserrpare'tachepa'to' ñeñĩ ama judioneshayaye, atet ñerra'm ñetpa' o'ch serrpare'tachet ñeñĩ judionesha'.

¹⁰ Ñetpa' añña paterr otyet, es yapa'yeseḡa'to' huocchañneshaçhno; ñeñfña ama't napa' e'ñe pocte' neñch nam̄a.

Allempo Pablopa' muene' che'ptare'tan Pedro

¹¹ Tarraña allempo çhap ñaña masheñ Pedro Antioquíopa' napa' çha muene' neche'ptare'ch allempo yeserrpare'ten parro, tarro'mar allempo ñapa' añ ḡa ñeñĩ ama pocteyaye. Ñeñfpa' atet ḡa,

* 2:3 Añ ñoñets "atsorret", añ ñeñĩ otets atet yeche't judionesha'. Ñeñfpa' atet: Ñerra'm allempo eñalletena asheñorrofollesha' ñeñĩ e'ñe judionesha'pa' añña pomporpa' o'ch tsorrateñet po'chtso. Ñehua, ñeñĩ tsorratenetpa' ematollach o'ch çhapa'muen po'psocmatño. Ñehua, po'chtso allcha' tsorret asheñorrofolḡpa' all e'ñech poteretollo e'ñe poñoñ pa'rmatollo.

12 allempo e'ñe errte' çhets masheñ Pedro Antioquíopa' ñapa' allenta rralme'chapretosan ñeñt ama judioneshayaye. Tarraña allempoña cha'cha't ñaña puesheña'tets ñeñt huetsa masheñ Jacobueshotpa' allempoña masheñ Pedropa' o'huañ rralme'chapretan ñeñt ama judioneshayaye, tarro'mar ñapa' añ mecha'ten ñeñt cotene' judionesha' pocta'pña. Ñeñto'marña e'ñe allempopa' o'huañ rralme'chapretanet, ñaña o'huañ yemtanet.

13 Añpa'cho'ña judionesha' ñeñt ame'ñetsapa' ñetpa'cho'ña o' atet pa'yeset ñamet ñeñt atet pena masheñ Pedro. Ñeñto'marña allempopa' ama't masheñ Bernabépa' o' pachet ñaña ñeñt atet penet ñet. Po'ñoçhpa' ama't eñoteñetañ ama atet a'papahuo.

14 Tarraña allempo nentanet ama e'ñe paçharroye' peneto ñeñt cohuen ñoñets ñeñt po'ñoçh Yompor po'ñoñ allempoña napa' atet noch masheñ Pedro e'ñe allo'tsa'yen allohuen acheñenesha', ñeñtpa' atet noch: "Papa' ama't judioneshapeñpa' tarraña o' pe'pohua ñeñt atet pena ñeñt ama judioneshayaye, te'ñapa' eso'mare'tña pañapa' pemneñ o'ch penoñña ñeñt ama judioneshayaye añ ñoñets ñeñt atet anaret judioneshacop ñeñt ama't papa' ama atteye' pepeno atet anaret añ ñoñets."

Ama't judionesha'pa' e'ñech attecma a'queshpataretterret ñerra'm ame'ñeretcha' Jesús

15 Yapa' e'ñe judiona'tareshot e'ñalletñay. Tarraña yapa' ama atteyayye ñerra'm ñeñt ama judioneshayaye ñeñt nanac ochñañ.

16 Tarro'mar ya ama't judioneshaypa' yeñoteñ e'ñe yame'ñeñoa Jesucristopa' o'ch pocte' enterrey Yompor, ñeñtpa' ama añoñeyaye o'ch e'ñe ye'pohua ñeñt atet anaret judioneshacop. Añña e'ñe yame'ñeñoa Jesucristopa' o'ch pocte' enterrey Yompor, ñeñto'marña o' yame'ñera Cristo, tarro'mar yeñoteñ e'ñe yetsoteñoa ñeñt atet anaret judioneshacoppa' amach pocte' enterrey Yompor ama't puesheñarroñeya.

17 Ñaña te' yapa' e'ñe yame'ñeñoa Cristopa' yeñoteñ e'ñech pocte' enterrey Yompor. Tarraña ama't atarr yeyemteñapa' çhocmach yentena yapa' ochñañey. Ñeñto'marña sapa' çhate' sotenapañ Cristopa' ñeñte'ña ochña'tatañtetsa. Tarraña ñeñtpa' amaca'ye atteyaye.

18 Tarraña ñerra'm o'ch alla yoctape'cherrerr ora allohuen ñoñets ñeñt atet anaret judioneshacop ñeñt o' yepuesuanom ahuañapa' elloña allempopa' o'ch alla yenterra yapa' nanac ochñañey.

19 Tarro'mar ñeñt ñoñets ñeñt atet anaret judioneshacop ahuatpa' te' napa' neñoteñ ñeñtpa' ama añe'pçayaye attoch o'ch ya'queshpaterra yañeña. Ñeñto'marña ya ñeñfey o' yame'ñera Cristo yapa' o' ya'ypo'ña'mper attochña te'pa' o'ch yocrrerra cohuen Yomporecop e'ñe yeyo'çrohuen.

20 Ñeñto'marña yapa' o' yequeçhpa'huerr atet muenatse'tatyesye'tyechets. Ñeñto'marña o' e'ñe atet yeperra ñerra'mrate' o' corso'tañperryet epay Cristo. Te'pa' ama't ora yocrenañpa' tarraña ama yaye' corretso, añña Cristo ñeñt yechorrenayapa' ñeñtña corretsa te' yechtso. Te'pa' e'ñe yeyemteñot Yompor Puechemerpa' yocrena e'ñe cohuen arr patsro, tarro'mar ña yemorrenterraya, ñaña ña rromats yocop.

21 Ñeñto'mar te'pa' ama yemno o'ch yehuapore'terrñañ Yompor puemuereña atto apuey Puechemer alloch yequeshperra. Tarro'mar

ñerra'm eñalleñ attoch yequeshperrañ e'ñe yetsoteñoña ñoñets ñeñt atet anaretpa' ñeñtepa' atto rroma Cristopa' amate' es sherbeno.

3

E'ñe yame'ñeñoña Cristopa' o' yequeshperra, ama añ yetsoteñoña ñoñets ñeñt atet anaret judioneshacop

¹ Sapa' nanac galacio'marneshacha' sepanteñ. Po'ñoçh sa o'ca'ye ÷ha shecaset attoña te' sapa' o'huañ same'ñenaña ñeñt e'ñe po'ñoçh alloch yequeshperra. Ama't ahuaña allempo yeserrpare'tatensa'pa' yapa' añ yeñotatuas atto po'ñoçh Jesucristopa' o' acorso'tam̄psaretta e'ñe yocop. Ñeñña po'ñoçh same'ñaña sa allempo.

² Ñeñto'marña te'pa' nemneñ o'ch neñotatas ama't añ paterr ñoñets: Sapa' e'ñe seyemteñoñ ñeñt Cristo po'ñoñ attoña chorrasaña Parets Puecamquëñ. Amaña añoñeye' chorraso e'ñe setsoteñoñ añ ñoñets ñeñt atet anaret judioneshacop.

³ Eso'mare'tña sapa' nanac sepanteñ. Atto sa ahuañapa' añ seyemtena Parets Puecamquëñ ñeñt ahuamencat apanpa' eso'mare'tña te'ñapa' o'ch alla seyemterrerr e'ñe sañeña setsotateñ.

⁴ E'ñehuachñaca' orrena atarr semueroçhetyesa. Po'ñoçh ñato' ñeñtpa' amate' e'ñe orrenayaye ñerra'm o'ch alla soctape'cherr cohuen.

⁵ Ñaña allempo Yomporpa' chorratasa Puecamquëñpa' ñapa' añ orrtatonas partsoteñets e'ñe sesho. Ñehua, ñeñtpa' amaca'ye añoñeye' orrto e'ñe sa setsoteñoñ ñeñt atet anaret judioneshacop, ñeñtpa' añoñca'yeña orrta e'ñe same'ñeñoña ñeñt atet yeserrpare'tatuas.

Abrahampa' e'ñe pueyemteñoñ Yomporpa' o' pocte' eñch Yompor

⁶ Ñehua, Abrahampa' nanac yemtane't ñeñt atet och Yompor, ñeñto'marña Yomporpa' e'ñe pocte' eñche't.

⁷ Ñeñto'marña yeñoteñ ñeñt nanac yemtenaya ñeñt atet oten Yompor ñeñña Yomporpa' e'ñe pocte' enteñ atet ñerra'm puechemereshanet Abraham.

⁸ Yomporpa' e'ñe eñotue't ahuatoteñ ama't ñeñt ama judioneshayayepa' o'ch ame'ñeret esempo, ñaña e'ñe pame'ñeñoftpa' pocte'ch enterranet. Ñeñto'marña ama't ahuatoteñpa' e'ñe anuaret po'ñoño. Yomporpa' atet oten Abraham: "E'ñe peshotpa' o'ch nebensare'tam̄ps allohuen pa'namen acheñ." Ñeñto'marña yeñoteñ ama't ahuatoteñ Yomporpa' serrpare'tatane't Abraham ñeñt cohuen ñoñets alloch yequeshperra.

⁹ Ñeñto'marña yeñoteñ te'pa' allohuen ñeñt ame'ñenaya Cristopa' e'ñe attecma cohueno'tsenacma atet ñerra'm Abraham ñeñt nanac ame'ñaye't Yompor ahuat.

¹⁰ Tarraña allohuen ñeñt yemtenaya ñoñets ñeñt atet anaret judioneshacop o'ch e'ñe etsotuet ñetñapa' o' anarettet allohuenetpa' a'coñchatare'tetcha' tarro'mar atet anuaret Yompor po'ñoño ama't ahuatoteñ, ñeñtpa' atet oten: "Allohuen ñeñt ama etsotuenaye e'ñe poctacma allohuen allpon ñoñets ñeñt atet anaret quellco, ñaña ñerra'm ama p̄ohueto allohuen ñeñt atet anaretpa' a'coñchatare'tetepa'ch."

¹¹ Ñeñto'marña yeñoteñ amach pocteye' enterrye Yompor e'ñe yemneññoña o'ch yetsotua añ ñoñets ñeñt atet anaret, tarro'mar amach errotenot

yetsotuo ora allpon ñeñt atet anaret. Ñeñto'marña ama't puesheñarrofeyapa' amach pocteye' enterrye Yompor. Ñeñto'mar ama't Yompor po'ñoñopa' atet anuaret ahuatoteñ, ñeñtpa' atet oten: "E'ñe yeyemteñofo Yompor ñapa' o'ch pocte' enterrey attoch ello yocrrerra errponohuañen."

12 Tarraña ñeñt ñoñets ñeñt atet anaret judioneshacoppa' ama atteye' oteno, ñeñtpa' atet oten: "Ñerra'm yepohuencha' e'ñe poctacma ñeñt atet anaretpa' esheccha' ello yocrrerra errponohuañen."

Cristopa' e'ñe pocte' eñch attoch ñach arnomarettatsa yocop

13 Ñoñtsopa' ama't o'patatenañ coñcheñets tarraña Cristopa' ñaña coñchernts e'ñe yocop attochña yapa' amach yecoñcherro. Ñeñtpa' yeñoteñ tarro'mar ama't ahuatoteñpa' atet anuaret Yompor po'ñoño, ñeñtpa' atet oten: "Ama't erratsena acheñer puepencateñme'chatset cho echañchet tsachopa' ñeñtpa' a'coñchatarefcha' entyes acheñenesha'."

14 Ñeñto'marña yeñoteñ e'ñe pame'ñeñofet Jesucristopa' o'ch eñalleta attoch Yomporpa' e'ñech pocte' entanet ñamet ñeñt ama't ama judioneshayaye, attecma pe't ahuatoteñ Yompor e'ñe pocte' entane't Abraham. Ñaña e'ñe yame'ñeñopa' attoña eñall attoch chorreryya allohueney Parets Pucamquén, atet Yomporpa' otan ahuat Abraham.

Ñeñt atet Yomporpa' otan ahuat Abraham ñeñtcha' atet poñ

15 Ñehua, masheñeshacha' ñaña nochaneshacha' te'pa' o'ch alla neñotaterrser po'poñ. Ñehua, ñato' o'ch netma'ntacha ñeñt atet yocrena añ patso. Atet ñerra'm puesheñarr yacmapa' o'ch a'poctachet epuet po'psheñeñ, o'ch quellcatet, allotpa' o'ch quellca'huet pa'so'cheñ all, allochñapa' amach errotent esesha' a'po'poñterroye po'ñoñ ñeñt atet o' quellcatuet, ñaña attoch amach esesha' huapore'terroye po'ñoñ. Atet yepena yama' ama't acheñaya atet petsa ellohuate'ñaca' Yomporpa' ama pueno po'ñoñ.

16 Yompor ahuatpa' atet otan Abraham ñeñtcha' atet poñ e'ñe puesheñarrof po'mrenñoñ. Tarraña ama allohuenaye' po'mrenñecop atet oche, e'ñe puesheñarrocpa atet och, ñeñtpa' yeñoteñ ñeñtara ñeñt Cristotats. Ñeñtpa' attecma oten ama't ahuatoteñ Yompor po'ñoñ.

17 Añmapa' ñeñtña atet neychatenes. Ñehua, yapa' yeñotueñ atto Yomporpa' a'poctachet ama't ahuatoteñ epuet Abraham. Alloitñapa' allempto o' met cuatrocientos treinta charpa' allemptoñapa' chap allempoch anaretta añ ñoñets judioneshacop ñeñt atet quellcanet Moisés. Tarraña ama't o' anaretta añ ñoñets ñeñt quellcanet Moiséspa' tarraña ñeñtpa' yeñoteñ amach erroteno huapore'tatereto ñeñt atet o' anaretetua ñeñt atet o' a'poctatua Yompor epuet Abraham ama't ahuatoteñ, tarro'mar Yomporpa' ama puenesho po'ñoñ.

18 Ñaña ñerra'm eñalleñ attoch yequeshperrañ e'ñe yetsoteñofo añ ñoñets ñeñt atet quellca' ahuat Moiséspa' ñeñtpeñapa' amate' palltenañe attoch Yomporpa' otan ahuat Abraham o'ch eñalleta e'ñe ña po'mrenñoñ puesheñarr ñeñtcha' ya'queshpatterre' e'ñe yame'ñeñofo ñeñt atet oteneý.

19 Añ ñoñets ñeñt atet net allempopa' ñeñtpa' atet pa: Yomporpa' ahuo't mueñan po'mllañofoñaneshar attoch ñetpa' o'ch eñorana'chet Moisés attoch ñach a'mte' añ ñoñets judioneshacop. Tarraña añ ñoñetspa' e'ñe tarremphoua sherba' allempto huapa Cristo atet Yompor otan ahuat Abraham. E'ñe po'ñoch yame'ñeñofo a'queshpatterreycha'. Te' ellonetpa' o'ch neñotatas

ñeñtecop nanña ellonet Moisés po'ñoñ. Ñehua, ñeñtpa' añeepa anaretta attoch yeñoç ñeñt allpon ochña'teñets enten Yompor ñaña attoch ñeñtcha' yeñotatene' ñerra'm esempo o' yepohua ñeñt ama pocteye' enteno Yompor.

²⁰ Tarraña allempo Yomporpa' eñorana'tana Abraham ñeñtcha' atet poñpa' allempopa' e'ñe ña ote' allame'tets. Allempo Yomporpa' ama esesha' oto po'sheñeñ ñeñtcha' a'ñtahuet añ ñoñets.

Añ ñoñets ñeñt atet anaret ahuatoteñ judioneshacop añecopña sherben ñeñtcha' yame'ñaterraya Cristo

²¹ Ñehua, ñato' sapa' o'ch soten, ñeñteppña' añ ñoñets ñeñt atet quellcanet Moiséspa' ta', çhote' epatenan Yompor po'ñoñ ñeñt atet otan ahuañ Abraham. Ñeñtpa' amaca'ye atteyaye. Tarro'mar ñerra'm eñalleñ e'ñech ñoñtsofa ñeñt atet anaret o'ch etserrataterrnayeñ cohuen yeyoçher Yomporecoppa' amate' palltenañeña po'poñ attoch pocte' enterrey Yompor; ñeñtpa' e'ñete' ñoñtsofa ñeñt atet anaretpa' o'ch pocte' enterreyeñ Yompor, tarraña ñeñtpa' ama atteyaye.

²² Tarro'mar Yompor po'ñoñ ñeñt anuaret ahuatoteñpa' oteneý, allo-hueneýpa' e'ñe yo'chña'tuen, amach errotenot e'ñe yetsotuoñe ñeñt atet anaret Yomporecop. Ñeñto'marña ñeñtpa' ama añeepayaye alloch yequeshperra. Añña e'ñe yame'ñeñoña Jesucristopa' o'ch yequeshperra, ñeñtara Cristo ñeñt atet Yomporpa' otan ahuañ Abraham.

²³ Ahuañ allempo ama huena' Cristo ñeñtcha' yame'ñerrapa' amach errotenot ya'ypo'ñerro añ ñoñets ñeñt atet anaret. Atta yepet tarremphua allempo huapa Cristo atfoña e'ñe yame'ñeñoña ñapa' o'huañcha' allo'na añcha'noçhta ñoñets yocop.

²⁴ Ñehua, ñato' o'ch netma'ntacha atet. Añ ñoñets ñeñt atet anaret judioneshacoppa' ña yecuañpsaye't ahuañ. Ñeñtpa' tarremphua atet pa' allempo huapa Cristo, ñaña añ ñoñetspa' añeepa sherba' attoch ame'ñaterraya Cristo, allochñapa' e'ñe yame'ñeñoña ñapa' o'ch pocte' enterrey Yompor.

²⁵ Tarraña te'ña o' yame'ñera Cristopa' ama yepallteno ñeñtcha' allo'na yecuañpse'.

E'ñe yame'ñeñoñpa' atetcha' enterrey Yompor ñerra'mrrate' e'ñe puechemerey Abraham

²⁶ Tarro'mar te'pa' e'ñe yeparrocmateñoñ Cristo Jesúsapa' o'ch puechemerperrey allohueneý Pompor, tarro'mar e'ñe yame'ñeñoñ Puechemer.

²⁷ Ñaña allohuenes ñeñtes o' sapataretterra e'ñe same'ñeñoñ Cristopa' o' chorrerra Cristo.

²⁸ Ñaña te'pa' e'ñe yeparrocmateñoñ epay Cristo, Yomporpa' ama po'poñe'ttsocmaye' entenye, e'ñe attecma' entenye allohueneý, ama't judionesha', amapa' ñeñt ama judioneshayaye, amapa' ñeñt ataruasaret e'ñe atta, amapa' ñeñt ama ataruasatereye e'ñe atta. E'ñe attecma' entenye allohueneý ama't asheñorrey, ama't ñaña coyanesha'. Tarraña Yomporpa' e'ñe attecma' entenye. Tarro'mar e'ñe yeparrocmateñoñ epay Cristo Jesús e'ñe puesheña'ttsoypa' o'ch e'ñe yeparrocmatua allohueneý e'ñe parro.

²⁹ Ñaña ñerra'm yapa' Cristona'tareypa' añña Yomporpa' e'ñe atet entenye ñerra'mrrate' po'ñreñeñ peney Abraham. Ñeñto'marña yapa' o'ch yagapapreter ñeñt atet Yomporpa' otan ahuañ Abraham ñeñtcha' atet a'nacha.

4

Atto Cristopa' a'huañaamperran acheñenesha' atto amcha'nochtanete' ahuat ñoñets ñeñi' atet anaret

¹⁻² Ñeñi' notenespa' ñato' o'ch netma'ntacha atet. Ñerra'm puesheñarr yacma eñall puechëmer, esempoña o'ch po'nerr allempoch o'paterrana ora allpon echen pompor. Ñehua, ama't yeñoteñ ñapa' o'ch o'paterrana ora allpon echen pomporpa' tarraña allempo ama po'nená'pa' amach es o'patena' ama't coñe'ta. Ñaña allempo ama po'nená'pa' amach errotenot es pa'yesoña e'ñe ñoña, tarro'mar allempopa' chocma eñall puesheñarr ñeñi' cohuanpene', ñaña allempopa' chocmach es tsa'teññañet ñeñi' cheshar. Allempoña atet penapa' chach ottena ñerra'mrrate' atta ñañreteñet, ama't ora allpon echeneñ pomporpa' ñocpañ. Tarraña esempoña chap pompor ponañcho allempoch po'n puechemerpa' allempoñapa' o'ch agapan ora allpon echen pompor.

³ Ñeñi'pa' atet yepe't yañá ahuat. Allempopa' atet yepe't ñerra'mrrate' cheshanesha'. Ñaña allempopa' aña yame'ñataye't ñeñi' poctapña pa'yese't ahuatnanesha' arr patsro.

⁴ Tarraña allempoña o' etsota allempo onañche' ahuat Yomporpa' o' mueñonay Puechëmer arr patsro. Arrñapa' eñalletach puesheñarr cóyanesha' ñeñi' judiona'tar. Añña ñoñets ñeñi' atet anaret judioneshacoppa' nanac amcha'nochte't allempo ama't ñocop.

⁵ Tarraña Cristopa' añecop eñalleta attoch a'huañaampërrey atto amcha'nochtëna añ ñoñets yocop. Ñeñi'pa' añecop atet pa' attoch puechëmer perrey Yompor.

⁶ Te'ña Yomporpa' o' puechëmer perrey ñeñi'to'mar o' mueñerrnay Puecamquëñ ñeñi'cha' yetherrtsa yeyochro. Ñeñi'ña Puechëmer Puecamquëñpa' ñeñi'cha' yeñotatene' ñerra'm esempo yechore'ch ama't Paretspa' e'ñe pocte' o'ch yoch, "Apa."

⁷ Ñeñi'to'marña te'pa' yeñoteñ o' puechëmer perrey Yompor, ama pueñañrayaya penye. Ñeñi'to'mar yeñoteñ ñerra'm po'ño'ch o' puechëmer perrey Yompor, yapa' yo'patapreterach ora allpon o'patatenya te' Yompor.

Ñerra'm yapa' o'ch alla yeyemterrerr añ ñoñets ñeñi' atet anaret judioneshacoppa' ñeñi'pa' e'ñech orrena nanac yetorrerra

⁸ Ahuat allempo ama señoterra' ñeñi' e'ñe po'ño'ch Yomporpa' aña sey-omporer sepe't ñeñi' po'ño'ch ama Yomporeyaye. Sañapa' ñeñi'ña nanac ame'ñatasete't.

⁹ Tarraña te'pa' o' senterr ñeñi' e'ñe po'ño'ch Yompor, amapa' ñato' o'ch yot, Yomporpa' o' enterres sa. Te'ñapa' eso'mare'tña semneñ o'ch alla sepurrerra, o'ch alla same'ñerra añ cotapñats ñeñi' ama es sherbeno sañapa' allo'ch po'no'ch sequeshperra. Eso'mare't semneñña o'ch alla setorrerrerr nanac ñeñi' e'ñe orrena.

¹⁰ Ñaña sapa' chocma sonañcha'yen yet ñeñi'cha' atet setsotayen atto'ch sequeshperrañ—pueña'tets arrorr, ñaña pate'tets char, amapa' allempo chocma coshena judionesha'.

¹¹ Ñeñi'to'marña nellquëño'pa' atet noten, ñeñi' atto netorrëna ahuaña socoppa' ñato' amach es sherberro.

Arrpa' all yerpatanet atto ñetpa' e'ñe cohuen agapet allempo ñanom asena' Galacio

¹² Te'pa' o'ch masheñeshacha' ñaña nochaneshacha' notas, atarr nemneñ o'ch soctape'cherr atet noctape'chen na. Tarro'mar napa' o' na'ypo'ñerrñañ

judionesha' poctapña. Te'pa' o' noctape'cherr ñeñt atet sepe't ahuat sa, allempo ama soctape'cherrñaña' judionesha' poctapña. Ahuañmo'cha allempo allo'tsenen seshopa' e'ñe cohuen semuera ne't.

13 Sapa' seño'tuenen atto napa' allempo ñanom ne'chap seshopa' napa' 'cha natsna'tos ñeñfo'mar allempopa' eñall attoch neserrpare'tatas añ ñoñets alloch yequeshperra.

14 Ñaña ama't añ atsnañtsorpa' nanac sosey nenteñpa' tarraña sapa' ama setsena'tno, ñaña ama sa'ypo'ña'no. Elloña sapa' o' sagapuen e'ñe cohuen atette'ña ñerra'm Yompor po'mllañoteñer huetsa sesho, ñaña e'ñe atet sagapuen ñerra'mrrate' naña Jesucristotets.

15 Ñehua, te'pa' eso'mare'tña o'huañ tama socsha'na. Ahuañmo'chapa' nanac semuera'ne't, ñaña allempopa' ama't esa nepalltapa' sañapa' o'ch'cho' sapuen, ñaña ama't añcha' nepalltañe't necle'pa' napa' neñotenes ñerra'm erroteno't serrotañ seclle'pa' ama't ñeñtpa' ñeñite' sapnoñe't.

16 Ñato' sapa' 'chate' sotenapañ 'chote' o' ne'moñe'tas, tarro'mar napa' o' neserrpare'tatas ñeñt e'ñe po'ño'ch atet noten.

17 Po'potantañ ñeñt sey'chatene' judionesha' poctapña'pa' ama't nanac ma'yo'chrenetañ socoppa' tarraña ñeñtpa' ama añecpayaye attoch yenpaset e'ñe po'ño'ch. Ñetpa' añecpa mopa'tenset attoch o'ch socshapretanet nanac e'ñe ñañeñeta.

18 Ñehua, napa' e'ñe pocte' nenteñ o'ch yemneñ acheñenesha' o'ch coshaprenetyet ñerra'm po'ño'ch añecop yema'yo'chrena attoch yeyenpanet e'ñe po'ño'ch. Atet napa' 'cho'ña nemneñ 'chocmach socshapretna ama't allempo ama allo'tsenye parro.

19 E'ñe nemorrenteñotes atet nentenes ñerra'mrrate' nechemereshas, ñaña te'pa' alla nemuero'chterrerr socop. Atet nanen atserr atette'ña coyanesha' atsotenaya pue'mar. Tarraña napa' 'chocmach nemuero'chta esempohuach e'ñe chorrasa Cristo, attoch ñach soctape'chaterre' e'ñe poctacma cohuen.

20 Esuaca' alla nene' tayecma sesho attote' neserrpare'tatas e'ñe cohuen, allochñapa' amate' 'cha muene' neche'ptare'taso. Tarraña ñeñtpa' amach erroteno't, po'ño'chpa' 'chocma sellcatenen.

Te'pa' e'ñe yame'ñeño't Cristopa' o'huañcha' yeyemta añ ñoñets ñeñt atet anaret; ñeñtpa' añ toma'ntena Agar ñaña Sara

21 Ñehua, te'pa' o'ch se'mñoten sa ñeñtes muenets o'ch alla seyemterra añ ñoñets ñeñt atet anaret ahuatoteñ. Sapa' ama't seño'teñe ñeñt atet oten añ ñoñets ñeñt atet anaret.

22 Ñehua, te'pa' o'ch neñotatas ñeñt atet oten ñoñets ñeñt atet anaret Yompor po'ño'ño ahuatoteñ. Ñeñtpa' atet oten: Abrahampa' eñall epsheña puechemer. Puesheñarrpa' arrot chemere't pueñañresho't ñeñt pa'taruasañer pe't. Ñeñt coyanesha'pa' añ sochena Agar. Po'psheñeñña'pa' e'ñe puetaporesho't chemere't ñeñt ama pa'taruasañreyaye.

23 Ñeñt puechemer ñeñt eñalletatsa pueñañresho'tpa' atet eñalleta ñeñt e'ñe attecma yeyechuëna allohueney acheñey. Tarraña po'poñ puechemer ñeñt eñalletatsa puetaporesho't ñeñt ama pa'taruasañreyaye ñeñtpa' añecop eñalleta attoch etsota Yompor po'ño'ñ ñeñt atet otan ahuatoteñ Abraham.

24 Ñeñt atet p'apa' ñeñtpa' añ ye'chateney tarro'mar añ epsheño'mar coyanesha'pa' añ toma'ntena atto Yomporpa' epsheño't a'poctatonay. Ñeñt Agarpa' añ toma'ntena atto Yomporpa' eñorana'tanet ahuat

Sinaíþno. Allempoteñ anarettá añ ñoñets ñeñticha' atet etsotetañ. Ñeññañoñetspa' añ toma'ntena Agar, tarro'mar ña puechoyoresha'pa' aña amcha'nochtana'tenahuet añ ñoñets ñeñt atet anaret.

²⁵ Agarpa' po'ñoç shallchenana aspenet Sinaípen ñeñt Arabio'tsen. Ñaña ñeñtara Agarpa' toma'ntenana judionesha' ñeñt pa'netser pene' Jerusalén. Tarro'mar allohuen judiona'tarpa' teme'ttsen aña amcha'nochtana'tenahuet añ ñoñets ñeñt atet anaret ahuatoteñ.

²⁶ Tarraña ñeñtey ame'ñenaya Cristopa' añ ñoñets ñeñt atet anaret ahuatoteña' ama amcha'noçhteno yocop. E'ñe yame'ñeñoña allohueney Cristopa' e'ñe cohueno'tseney. Ñaña ñeñtpa' e'ñe cohuen yenteñ atet ñerra'mrrate' yachor. Ñaña ñeñtpa' atetcha' netma'ntatererr atet: E'ñe yeparrocmateñoñ allohueney epay Cristopa' e'ñe attey ñerra'm Yompor pa'netser etserra Jerusalén, ñaña ñeñtpa' e'ñe atet yenteñ ñerra'mrrate' yachor.

²⁷ Ñeñto'marña atet anuaret Yompor po'ñoñ ahuatoteñ, ñeñtpa' atet oten toma'nteñtso:

Coshepa' coyanesha' mueçhoþ ñeñt ama achyore'tño, ñaña pocsheñeshoþpa' rranare'tepa' ñeñt ama't ahuatapa' ama patsotarano pue'mar, tarro'mar ama't añ coyanesha' ñeñt aqueçhparet mame' (ñeñtara Sarapa') shonte'ch acheñenesha' pachor perre'. Elloch metanerran allpon puechoyor echen ñeñt agapue' puerrollar (ñeñtara Agar).

Ñeñt ñoñetspa' añ toma'ntena atto te'pa' yame'ñeñoñ Cristo ñeñña nanac sherbets attoch atonterra acheñ ñeñticha' pueyochresha' perr Yompor. Tarraña ñoñets ñeñt atet anaret ahuatoteña' ñeñtpa' ama tama sherbeno attoch atonterra ñeñticha' pueyochresha' perr Yompor.

²⁸ Nehua, o'ch notas masheñeshacha' ñaña noçhaneshacha', allohueney ñeñtey ame'ñenaya Cristo, yapa' attey ñerra'm Abraham puechemer ñeñt Isaac ñeñt eñalletatsa attoch etsota Yompor po'ñoñ ñeñt atet otoñ pompor Abraham. Tarro'mar yapa'çho'ña attoña ye'ñalleterra ello attoch etsota Yompor po'ñoñ ñeñt atet ote't ama't ahuatoteñ.

²⁹ Tarraña ñeñt eñalletatsa ahuat ñeñt e'ñe attecma yeyeçhquëna allohueney acheñey (ñeñt sochet Ismael) ñapa' çhocma e'moñe'tane't ñeñt eñalletatsa atto etsota Yompor po'ñoñ. Attecmach perra ñaña te'. Ñeñticha' eñalleterrtsa ñeñt e'ñe attecma yeyeçhquëna allohueney acheñey ñeñtara ñeñt muenene' o'ch etsotan judionesha' poçtaþña ñetpa' çhocmach e'moñe'tenyet ñeñtey eñalleterrtsa Yompor Puecamquëñoñ.

³⁰ Nehua, ama't señoñeña ñeñt atet oteney Yompor po'ñoñ ñeñt anuaret ahuatoteñ. Po'ñoç oteney atto Yomporpa' otan ahuat Abraham ñeñtpa' atet och: "O'ch pehuapore'ch peñañra epuet puechoyor, tarro'mar ña puechoyorpa' amach es o'patapretaþo, amach atteye' þo puechoyor ñeñt eñalletatsa petaporeshot ñeñt ama þa'taruasañreyaye."

³¹ Ñeñto'marña te' masheñeshacha' ñaña noçhaneshacha' o'ch alla noterrser: Ama pallteno o'ch yame'ña judionesha' poçtaþña. Nato' o'ch netma'ntacha atet: Ama puechoyoreyaye Abraham pueñañra ñeñt pa'taruasañer e'ñe atta. Añña puechoyorey Abraham puetapor ñeñt ama pa'taruasañreyaye. Ñeñtara ñeñt yoten e'ñe yame'ñeñoña Cristopa' e'ñeç cohueno'tseney.

5

Atto te'pa' atarr cohueno'tseney, te'ñapa' amach yequeçhpastere

¹ Cristopa' o' a'pocdaterrnay attoch e'ñe yame'ñeño'pa' cohueno'tseneycha'. Attoch yocoppa' amach am'cha'noçhteno ñoñets ñeñt atet anaret judioneshacop. Ñeñto'mar te'pa' amach allo'na same'ñatsterrero judionesha' poc'apña ñeñt nanac amuerochtatañ. E'ñepa'chña huomenc sepa' seyoçher Cristocop.

² Ñehua, te'pa' o'ch se'mñnoten na ñeñten allsensareten ñeñtcha' atet notas: Ñeñt atet seyemtenañ atto'ch sequeshperra e'ñe setsorranna'teño'fapa' tarraña ñeñtot Cristopa' amach errotenot yenpaso.*

³ Tarraña te'pa' o'ch alla noterrser; ñeñt muenets o'ch atsorrarettapa' ñehua, po'ñoçh añ palltetsa ñaña o'ch e'ñe etsotuan ama't ñaña allohuen ñoñets ñeñt atet anaret judioneshacop.

⁴ Ñeñtes muenets o'ch pocte' entas Yompor e'ñe setsoteño' ñoñets ñeñt atet anaretpa' sañapa' o' alla sequetçhpuerña Cristo. Ñeñto'marña te'pa' amach errotenot muererrso Yompor.

⁵ Tarraña yapa' e'ñe yeyemteño' Cristopa' e'ñe yocsheñesha' yecuen esempohuañencha' yechaçherr Yomporeho tarro'mar yeñoteñ o' pocte' entuerrey Yompor. Ñaña e'ñe ña Puecamquëño' te'pa' o' ya'pocataretterra.

⁶ Ñerra'm o' yeparrocmaterr epay Cristo Jesús'pa' ama sherbeno atto yetsorranna'tena, ñaña ama't ama atsorrareteyepa' ñeñtpa'çho'ña ama sherbeno Yomporecop. Aña ñapue' sherbets e'ñe yame'ñeño' Cristopa' o'ch yemorrentanna'ta.

⁷ Sa ahuañmo'chapa' e'ñe cohuen same'ñye't Cristo. Te'ñapa' po'ñoçhca'ye o'cha a'psaterrsetña añ ñoñets ñeñt e'ñe po'ñoçh Yompor po'ñoñ.

⁸ Ñeñtpa' ama Yomporeye' sa'psatenaye, tarro'mar ñapa' o' hua'ñerres o'ch same'ñerrñaña Puechemer Cristo.

⁹ Ama't señoteñe ama't puesheñarra yeçhatats po'poñ ñeñt ama po'ñoçhoyayepa' mameshapa' o'ch epa'hua erracmañen ñeñt atet yeçhaten. Ñato' o'ch netma'ntacha atet pena chase'. Ama'tcha' coñe'ta chasetoll yena'pa' mameshapa' o'ch a'chasa'huan emasa.

¹⁰ Tarraña ñeñt semoññe'tatene'pa' tsa'taterach Yompor, ama't erra'tsena atet petsa. Tarraña na e'ñe neyemteño' Yepartsesharpa' neñotenes te'pa' o'ch alla sequetçhpuer ñeñt atet yeçhatenes po'psheñeñ, o'ch alla same'ñerra ñeñt neyçhatenes.

¹¹ Ñato' napa'çho'ña çhate' otyennet año' neserrpare'taten o'ch yetsorranna'ta attoch yequeshperra. Ñehua, masheñeshacha' ñaña noçhaneshacha' ñerra'm po'ñoçh ñeñtara neserrpare'tateneñ atetpa' amate' errotenot e'moñ'tennoñeña judionesha' ñeñt serrpare'tene' o'ch yetsorranna'ta. Tarraña po'ñoçhpa' ama atteye' neserrpare'tateno. Aña neserrpare'taten atto Cristopa' rroma corsocho yocop atto tsa'tuerrnaya yo'chñar, allochñapa' e'ñe yame'ñeño'fa ñapa' o'ch yequeshperra. Ñeñtña atet neserrpare'teño' aña ñeñt serrpare'tene' o'ch yetsorranna'tapa' ñetñapa' ñeñtña nanac atsrre'matenahuet. Ñerra'm o'huañcha' atet neserrpare'tañpa' o'huañte' e'moñ'tnetañ.

¹² Napa' atarr nemneñ ñeñt çhocma semoññe'tatene'pa' o'te' alla queçhpá'nerres.

* 5:2 O'ch secue' nota 2.3.

E'ñe yemorren̄teñoi yamo'tspa' o'ch e'ñe yetsotua allohuen ñoñets ñeñĩ atet anaret Yomporeshot

13 Tarro'mar sa masheñeshacha' ñaãna noçhaneshacha' o' hua'ñerres Yompor attoch cohueno'tsenescha'. Ñapa' ama mueno o'ch añcha'noçhtena socop ñoñets ñeñĩ atet anaret. Tarraña ama't o' hua'ñerrey Yompor attoch cohueno'tseneypa' ñeñĩpa' ama añecpayaye o'ch yepa'yesa nanac sosey ñeñĩ atet muenateney yechets. Ñapa' mueneñ e'ñe yemorrentanna'teñoĩpa' o'ch yeyenpanna'ta, tarro'mar yapa' cohueno'tseney.

14 Ñerra'm çho yemorren̄cha yamo'tspa' ñeñĩpa' attoch ama't e'ñe par-roçapa' o'ch yetsotua ora allohuen ñoñets ñeñĩ atet anaret ahuatoteñ Yomporeshot, tarro'mar Yompor po'ñoĩpa' oteneý: "Atarrepa'ch semorren̄cha samo'ts e'ñe atet atarr semorrentena sañeña."

15 Tarro'mar ñerra'm sapa' çhocma se'moñe'teñ samo'ts, amapa' çha amtsen senteñ samo'ts, ñeñĩpa' ama pocteyaye atet sepena, tarro'mar ñerra'm atet sepenapa' señochepa'ch attotcha'ña çhach sa'çhencatannerra e'ñe sagattsa.

Ñeñĩ atet cotape'chateney Parets Puecamquẽñ, ñaãna ñeñĩ atet muenateney yechets

16 Tarraña napa' o'ch notas ñeñĩ poctetsa ñeñĩcha' atet sepa. E'ñepa'chña cohuen socrena Partsocop ñeñĩ atet cotape'chatenes Parets Puecamquẽñ. Allochñapa' amach allo'na sepa'yenseno ñeñĩ atet muenatyenes sechts.

17 Tarro'mar ñeñĩ atet muenatse'tateney yechetspa' ñeñĩpa' ama yemtenano ñeñĩ atet cotape'chatyeny Parets Puecamquẽñ. Añpa'çho'ña Parets Puecamquẽñpa' ama yemtenano ñeñĩ atet muenatse'tateney yechets. Ñeñĩ'marña amach errotenot yotape'cho e'ñe patrra cotapñiats, tarro'mar ñetpa' çha e'moñe'tannenet.

18 Tarraña ñerra'm po'ñoçh yepa atet cotape'chateney Parets Puecamquẽñpa' allempopa' amach errotenot añcha'noçhto yocop añ ñoñets ñeñĩ atet anaret ahuatoteñ, tarro'mar ñapa' añcha' pateney ñeñĩ atet muenen Yompor.

19 Ñehua, yapa' o' yeñotuer ñeñĩ atet muenatse'tateney yechets. Ñeñĩ allpon yemnatse'tyenpa' ñeñĩpa' atet ñerra'mrrate' erra'tsente' cheta'yene' coyanesha' ñeñĩ amach puetaporeyaye, atet ñaãna erra'tsente' coyaneshar ñeñĩ cheta'yene' yacma ñeñĩ ama puerrollareyaye, ñaãna atet ñerra'mrrate' ñeñĩ nanac cotape'chyene' sosya'tsañ, ñaãna ñeñĩ nanac yomenaya ottatsñats.

20 Ñaãna ñeñĩ po'yomporer pa'yene' po'poñeçhno ñeñĩ ama po'ñoçh Yomporeyaye, ñaãna atet pena achyo'tañeçhno, amapa' ñeñĩ atet pena pa'llernanesha' ñaãna ñeñĩ atet pena amase'ñe. Ñaãna po'poñ ñeñĩ atet muenatse'tyen yechetspa' ñeñĩpa' atet ñerra'mrrate' e'moñe'tanna'teñets, ñaãna orroteñets, ñaãna ye'chapretanna'teñets, ñaãna atsrre'mare'teñets, ñaãna moparrñats, ñaãna elloptanneñets atto amach e'ñe amo'tstanneneto, ñaãna atet pena ñeñĩ cotape'chyene' po'poñ cotapñiats ñeñĩ ama po'ñoçhoyaye.

21 Ñaãna po'poñeçhno ñeñĩ atet muenatse'tyen yechetspa' atet ñerra'm ye'chapreteñets, ñaãna muetsanna'teñets, ñaãna posa'tarñats, ñaãna arep-sarñats porrare'teño, ñaãna eñallmeñ po'poñeçhno shonte' attema't ñeñĩ atet o' notua. Te'pa' o' alla noctape'chaterserr ñeñiara atet notuanmas ama't ahuaña, ñeñĩ atet petsapa' amach es o'patatereto all añcha'tarettena Yompor.

22 Tarraña ñeñt pene' cohuen ñeñt atet yechateñ Parets Puecamquëñpa' ñeñpa' atetcha' pena, o'ch morrentenana pamo'ts, ñaña e'ñech cosha'huenta pueyocho Yomporecop, ñaña amach es llecatenaye ama't e'ñe mamesha, e'ñech ahuenta'huenan allohuen ñeñt echarr entyen. Ñaña ñeñt pene' cohuen ñeñt atet yechateñ Parets Puecamquëñpa' o'ch amuerañteta, ñaña o'ch yenpa'yenan pamo'tsesha', ñaña errot otpa' atetcha'cho' pena.

23 Ñaña amach atsrre'ma'peno ñaña e'ñech puetpara es pa'yen. Ñerra'm ñeñña atet o' yepohuapa' o'ch yetsotua allohuen ñoñets ñeñt atet anaret Yomporeshot.

24 Ñaña ñeñt po'ñoçh o' pueyochresha' perr Cristo Jesús'pa' o' huennan ñeñt atet muenatse'tyen yechets ñeñt atto es yeye'chyena ya acheñey. Ñeñtpa' e'ñech atet yentena ñerra'm acorso'tamñsaretey.

25 Atto Parets Puecamquëñpa' o' apuerrey attoch yocrrerra e'ñe cohuen Yomporecop, te'pa' añ pocte' o'ch yepa'yena e'ñe cohuen ñeñt atet cotape'chateney Parets Puecamquëñ.

26 Amachña ÷ha yommo'chueno, ñaña amach ÷ha es yotnare'tanna'tyeno, ñaña amach ÷ha yeye'chapretanneno.

6

Añ pocte' ÷hocmach yeyenpanna'ta attoch yemesha allohuen topateñets

1 Ñaña o'ch masheñneshacha' ñaña noçhaneshacha' notas, ñerra'm esempo señoñeñ po'psheneñ o' pòhua ñeñt ama pocteye' enteno Yomporpa' sa ñeñtes o' cotape'chaterres cohuen Yompor Puecamquëñpa' sach alla cotape'chatterahuet cohuen attoch alla tanterret Yomporecop. Tarraña e'ñe semuereñoñpa' e'ñech acopa soctape'chatanet cohuen. Tarraña sapa'cho'ña e'ñech señoña, te't sapa'cho'ña attecma sepa samña ñerra'm esempo topatenes oneñeñ o'ch patenes ñeñt ama pocteye' enteno Yompor.

2 Ñaña añ poctetsa ÷hocmach yeyenpanna'ta attoch ya'huanta'hua allohuen topateñets. Ñerra'm ateña yepohuapa' o'ch yetsotuoñ Cristo po'ñoñ ñeñt atet oteneñ o'ch yemorrentanna'ta.

3 Ñerra'm esesha' pommo'cheñoñ oten, "napa' ama ÷ho es neyechateno Yomporecop ñeñt ama pocteyaye", ñeñtpa' ñañeñach shequëtsa, tarro'mar po'ñoçh ñeñt atet acheñpa' amach es sherbeno Yomporecop.

4 Tarro'mar puesheña'ttsoypa' ÷hoc ñanom yeñota errotente'ña yocrrera. Ñerra'm yeñotena e'ñe po'ñoçh cohuen yoctape'chen yeyoçhropa' ñeñña nanac acsha'po'. Tarro'mar ama acsha'pahuo ñerra'm esempo yeñch po'psheneñpa' o' pòhua ñeñt ama pocteye' enteno Yompor.

5 Ñaña añ pocte' e'ñe puesheña'ttsoy o'ch ya'huanten topateñets ñeñt yehuenoya.

6 Ñaña te'pa' o'ch notas po'poñ: Ñeñt e'mñotene' Yompor po'ñoñpa' añ pocte' o'ch es cohuen apa'yestet ñeñt yechatenahuet Yompor po'ñoñ.

7 Amach sepantatsche, o'ch señoçh po'ñoçh Yomporpa' ama allocchame'tpahuo. Tarro'mar ñerra'm yeyeçcaten ñeñt cohuentetsa Yomporecop arr partsropa' ñach yapuerre' ñeñtcha' yocshattere' tsapatonet. Tarraña ñerra'm yepa'yes ñeñt ama cohuenayaye, ñeñtpa'cho'ña ñach yetsa'taterraya esempohuañen. Ñato' o'ch netma'ntacha atet. Ñerra'm es yenare'tpa' ñeñtcha'cho' emere'tats tsapatonet.

8 Attecmā ñāma ñerra'm āña yeṗatse'tyen ñeñt̄ atet muenatse'tyen yechetspa' ñeñfara ñeñt̄ yeṗa'yenapa' a'chencataterreycha'. Tarraña ñerra'm añ yoctape'chen cohuen ñeñt̄ atet cotape'chateney Parets Puecamquēñpa' ñeñfara Puecamquēñōtpa' yocrrerrach esempohuañen. Ñato' o'ch netma'ntatererr atet: Ñerra'm te'pa' e'ñe cohuen yenare'ten, tsapatonetpa' nanaccha' coshaterrey. Tarraña ñerra'm te'pa' ama cohuenaye' yenare'teno, tsapatonetñapa' nanaccha' llecaterrey.

9 Ñāma amach yemuenme'chatsche ṗa'yese' ñeñt̄ cohuenetyetsa Yomporecop. Tarro'mar esempohuañen allempoch e'ñe pocte' enteñ Yompōrpa' apuerreycha' ñeñfcha' yocshaterre' ñerra'm amach čha yequečpuere. Ñato' o'ch netma'ntatererr atet: Ñerra'm te'pa' ama yemuenme'cheñe nare'tatspa' tsapatonetñapa' nanaccha' shonte' me'tarsats.

10 Ñeñt̄o'marña te'pa' o'ch notas: Chocmach yeyenpa'yes allohuen yamo'tsesha' tayepa'tña orameñ attoch yeyenpanna'ta. Ñāma añña nanac cohuen ñerra'm čho yeyenpueñ yamo'ts ñeñt̄ parro o' yame'ñera Cristo.

Arppa' all so'terranet añ cartot

11 Te'pa' e'ñe na nototpa' o'ch nequellconas mame'. Sapa' o'ch sent ñeñt̄ ateshaclo'yerr quellecpa' ñeñtpa' na quellquēne'.

12 O'ch alla noterrser: Ñeñt̄ muenene' o'ch tsorrataspa' añecpa mueneñet attoch judionesha'pa' o'ch cohuen entanet. Tarro'mar ñetpa' ama mueneñeto o'ch e'moñe'tanet judionesha'. Ñetpa' eñoteñet ñerra'm o'ch serrpare'tet atto e'ñe yame'ñeñoña Cristo ñeñt̄ rromats yocop o'ch yequeshṗapa' añña judionesha'pa' o'ch e'moñe'tanetpa' o'ch cotare'tanet.

13 Tarraña ama't ñeñt̄ o' atorraretuapa' ama ame'ña'hueneto allohuen ñoñets ñeñt̄ atet anaret judioneshacop. Ñetpa' añña muenenet e'ñe same'ñeñoñ ñetpa' o'ch tsorratatenset attoch ñetpa' o'ch ommo'chuernaset judioneshesho sechets.

14 Tarraña napa' ama't ahuatapa' ama nemno o'ch atet nommo'chena. Napa' añña nemnen čhocmach na'ye'chočtatoñ Yepartseshar Jesucristo ñeñt̄ rromats corsocho yocop. Ñeñt̄ña name'ñeñoñ o' neunerr ñeñt̄ atet nemnatse'tyese't ahuañmo'cha ñeñt̄ patso'marecpa. Te'pa' o'huañ nommo'cha ñeñt̄ patso'marecpa. Napa' atet nentena ñerra'm acorso'tamṗsareten.

15 Ama't ya'tsorrarettatstapa' ñeñtpa' ama es sherbeno. Ñāma ama't ama ya'tsorrarettatstapa' ñeñtpa'čho'ña ama es sherbeno. Añña nanac sherbets Yomporecop, o'ch yet serrataterr yoctapña, o'ch yeyečquērra etserra Yomporecop.

16 Yomporepa'chña sa'nataya allohuenes ñeñtes atet petsa ñeñt̄ atet o' notuas ñeñt̄ cohuentetsa Yomporecop. Ñāma Yomporepa'chña semueraya allohuenes ñeñtes po'ñočh Yomporena'tares.

17 Te'pa' ama pocteyaye ama't puesheñarrapa' o'ch alla orrtaterrnanerr ñeñt̄ atarr echarr nenten nocop tarro'mar ñeñt̄ atet neyčhatenpa' ñeñt̄ña po'ñočh Yompōr poctapña. Tarro'mar teme'tsen orretyena nechets all mareta'yena all atserrṗatse'tyesnet ahuañmo'cha. Te'pa' ñeñt̄ña eñotatyenuhuet po'ñočh napa' netorrena Jesúsocop ñeñt̄ Yepartseshar yepen.

18 Te'pa' ñeñfach masheñeshacha' ñāma nočhaneshacha' notas, Yepartesharepa'chña sa'nataya, ñeñfara Jesucristopa' ñepa'chña semueraya. Ñeñtpa' attetepa'chña Nompore. Allohua.

AÑ SAN PABLO PO' CARTA ÑEÑT' QUELLCAN EFESO' MARNESHA' EFESIOS

Atto Pablopa' quellcan carta añecop ñeñt' ame' ñetsa anetso Efeso

¹ Masheñeshacha' ñaña nochaneshacha' ñeñtes allohuenes pueyochresha' o' perres Parets ñeñtes ame' ñenaya Cristo Jesús all anetso Efeso. Na Pablon sequellquene' ña añ carta ñeñten Jesucristo puellsensaren tarro' mar ñeñpa' atet muenen Yompör.

² Te'pa' e'ñe nehuom'cha'teño'es sa, napa' o'ch notas: Yomporepa'chña sebensare'tarñpene' ñeñt' nanac Parets epuet Puechemer Jesucristo ñeñt' Yepartseshar yepen. Ñetepa'chña socshatene' e'ñe sa seyo'chro allohuenes.

Atto Yompörpa' e'ñe pa'nateño'tey 'chocma apueney ñeñt' atarr cohuen sherbets yecamquëñecop

³ Te'pa' aye'cho'chtatpahuëpa'ch Yompör ñeñt' Pompör pen Yepartseshar Jesucristo. E'ñe yeparrocmateño't epay Cristo, Pompörñapa' e'ñe pa'nateño'tey 'chocma co'tape'chateney ora allpon ñeñt' esocmañen co'chnesha'tetsa all pue'ntaño ñeñt' atarr sherbets yecamquëñecop.

⁴ Atet ahuat pa'motroteñ allempo ama aye'chcatarettena' añe patserpa' Yompörñapa' allempoteña acram'perrey parro epay Puechemer Cristo attoch yapa' a'parrocmataterreycha' epay Puechemer. Tarro' mar añecop acram'perrey Puechemereshot allochña yapa' añach e'ñe yema'yo'chrena ñeñt' cohuentetsa Partsocop. Allochñapa' attochña e'ñe pocte' entueney Yompör, amach eñalle attoch otteñe'cherrey ama't e'ñe mamesha.

⁵ Ñapa' atarr morrentenya; e'ñe puemorrenteño'eyepa' o' e'ñe a'poc'atunay yocop ama't ahuatoteñ. Ñeñpa' attochña e'ñe puechemer perrey. Ñeñpa' añña e'ñe etsotatuërrer' Puechemer Jesucristo. Yompörpa' e'ñe atet a'poc'atunay tarro' mar ñeñt' atto morrentenya ñapa' atetña muenen.

⁶⁻⁷ Aye'cho'chtatpahuëpa'ch Yompör atto ñapa' atarr nanac cohuen muerenya. Atto ñapa' ahuo't mueñonay Puechemer Cristo ñeñt' rromosets yocop. Atto ashataretta po'rras ñeñpa' alloña tsa'tuërrnaya yo'chñar. Te'ña ya e'ñe yeyemteño't Puechemer, Pompörñapa' attoña o' e'shohuërrnaya ñeñt' yo'chñar yepe't. Ñeñto'marña yapa' yeñoteñ ñapa' atarr morrentenya. Atto atarr morrentenana Puechemer Jesús'pa' yapa'cho'ña attecma atarr morrentenya e'ñe yeparrocmateño't Yompör Puechemer.

⁸⁻¹⁰ Yapa' yeñoteñ Yompörpa' atarr morrentenya tarro' mar ña te'pa' o' eñotatuërrer e'ñe ora ñeñt' atet co'tape'chen ña ama't ñeñt' ama eñotpahuë ahuatoteñ. Ñapa' o' e'ñe eñotaterrey yeyo'chro ñeñt' atet muenen ña. Ñeñpa' añña atet muenen ña: Ñerra'm esempoch 'chap allempoch etsoterra allempo onañche' ahuat Yompörpa', allempoña Cristo ñach etsotatuërrer' allohuen ñeñt' allpon eñall, ama't ora allpon ñeñt' pue'ntaño'tsa'yen ama't ñaña ora allpon ñeñt' añe patsro'tsa'yen. E'ñech Cristesho a'yapa'cha'huerret allcha'ña e'ñe yeparrocmatuërr allohueney.

¹¹ Yompörpa' atarr co'chnesha' o'patatenana Puechemer Cristo. Ya'ñaña e'ñe o'patatena atto e'ñe yeparrocmateño't Cristo. Ñehua, ñeñpa' atet

cotape'che't Yompor ahuat yocop. Ñeñfo'marña te'pa' atetña o' perrnay ñeñf atet cotape'che't ña ñeñf e'ñe pocte' ente't e'ñe ña pomnenñot. Tarro'mar Yomporpa' ama puenesho po'ñoñ, thocmach e'ñe etsotuerra ñeñf allpon atet onañchen ña.

12 Ñeñtpa' atet e'ñe cohuen ñonay Yompor allochñapa' attochña ya'ye'chochtaterrñañ ora allohuen ñeñf po'cohuenña pen ña, allohueney ya ñeñfey yanom o' yeyemterrñaña Puechemer ñeñfara Cristo.

13 Sapa'cho'ña te'pa' o' se'muerrñañ Yompor po'ñoñ ñeñf ñoñets e'ñe po'ñoçh alloch sequeshperra samã. Attoña sapa'cho'ña o' same'ñera Cristo. E'ñe seyemteñoña sa, Yomporñapa' o' chorraterrsa Puecamquẽñ ñeñfcha' señotate' po'ñoçh o' puechemer perres. Ñehua, ñeñtpa' ñeñfara Parets Puecamquẽñ ñeñf atet ote't ahuat Yompor ñeñfcha' aphuerrey esempo.

14 Ñeñfara Puecamquẽñ ñeñf apueneñ ñanom ñeñtpa' ñeñfcha'ña yeñotate' orameñ ñeñf o'patatenya Yompor. Attochña ñerra'm esempo a'queshpaterrey poctacma ñeñfey o'patatena, allempochña yaguẽrr ñeñf allpon orameñ o'patatenya. Ñeñfo'marña añ poctetsa ya'ye'chochtatoñepa'ch ora allohuen ñeñf po'cohuenña pen ña.

Arrpa' atto ma'yochampanet Pablo

15 Ñeñfo'marña na te'pa' o'ch notas, napa' o' ne'mare'tas atto sapa' atarr same'ñeña Yepartseshar Jesús ñaãa ne'mare'tenes atto sapa' e'ñe cohuen semuerannena allohuenes ñeñfes pueyochresha' perres Parets.

16 Ñeñfo'marña napa' thocma neparasyoso'teñ Yompor allempo nema'yochampanesa.

17 Ñaãa nenamuennas Yompor ñeñf Pompom pen Jesucristo, ñeñfara Yompor ñeñf atarr cohuen Partotets. Añ nenamuennas, Yompor Puecamquẽño'pa' eñotatasepa'ch ñeñf e'ñe atet pena ña poctapña. Attochña sapa' esheccha' señoterrña ñeñf atarr cohuen sherbets ñocop ñeñf ama't ahuata sapa' ama señoiteñe.

18 Ñaãa ñapa' çhapatonascha' seyoçhro attochña señoterrñañ ora allpon ñeñf po'cohuenña ñeñf yecuen ñeñfcha' aphuerrey Yompor esempo tarro'mar yapa' ñeñfocopña thore'terrey ahuatoteñ. Ñaãa o'ch señoçh atarr nanac cohuen ñeñfcha' aphuerrey Yompor, ñeñtpa' alloch yapa' corretsayach errponañohuen allohueney ñeñfey pueyochresha' pen.

19-20 Ñaãa te'pa' o'ch señoterrñañ Yompor po'huamenc atarr nanac huomenc ama atpa'huapahuo ñeñf atet ahuamencat peneñ allohueney ñeñfey ame'ñenaya ña. Ñeñtpa' ñeñfara po'huamenc ñeñf atarr huomenc orrtatan allo tantaterran Puechemer Cristo allempo rroma. O' tantater ñeñfara po'huamencot attoña çhapater ñesho allñapa' anorrueerr Pompom po'cohuenrot all pue'ntaño allña e'ñe partotsuerr epuet Pompom.

21 Ña te'pa' atarr amcha'tarettena nanac. Atto amcha'tarettena ñapa' ñeñtpa' e'ñe metana'tuenan ora allpon allohuen ñeñf amcha'taretetyetsa ñaãa ora allpon allohuen allsensaretetyetsa ñaãa ora allpon allohuen ñeñf ahuamencatetyetsa ñaãa ora allpon allohuen ñeñf ayochreshatetyetsa ñaãa ora allpon allohuen ñeñf cohuen entyetsa ama't allohuen so'chñetsoçhno. Cristoña po'huamencot e'ñe metana'tuenanet allohuenet. Ñaãa ñapa' ama mamecpayaya atet peno, ñapa' tayoteñña ñaãa errponañohuencha' atet pena.

22 Ñaña Yomporpa' o' nan Puechemer Cristo allochñapa' ñach pomnaren pene' ora allpon ñeñt esocmañen eñall. Ñaña allohuen allpon ñeñt ame'ñenaya, Yomporpa' attoña apanet Puechemer allochñapa' ñach yochresha'tenahuet allohuenet.

23 Ñato' o'ch netma'ntacha atet: Allohuene y allpone y ñeñtey ame'ña'yenaya Cristo, Cristoñapa' e'ñe yeyo'cher* yepohueñ allohuene y, yañapa' Cristo po'chets yepene' allohuene y. Ñeñto'mar ñeñtey ame'ñenaya Cristo e'ñe allohuene y e'ñe parrocmay, Cristoñapa' e'ñe ña yechorra'huenaya, tarro'mar ñapa' e'ñe po'chets pohuene y allohuene y.

2

Atto Yomporpa' e'ñe puemuereñoŕey ya o' a'qeshpaterrey

1 Ama't atet ñerra'm sa. Sapa'cho'ña ahuatpa' aña soctape'chyese't ñeñt ama cohuenaye' enteno Yompor.

2 Aña seyche't ñeñt atet patse'tyena acheñenesha' arr patsro ñeñt ama ame'ñetso. Allempo sapa' aña same'ñataye't oneñe't ñeñt pa'm'cha'tarefer pen allohuen ñeñt erracmañen an'cha'nochetsetsa entot ñeñt ama entpahuoy-aye. Ñeñtña oneñe't poctapñapa' ñeñt atarr coshatene' allohuen acheñenesha' ñeñt atparñañetsa te' arr patsro.

3 Ñehua, ama't allohuene y ahuatpa' e'ñe attecma yeyche't. Aña yoctape'chyese't ñeñt e'ñe atet yemnatse'tyen ya, ñeñt atet muenatse'tatene y ya yechets ñaña ñeñt cohuen yente't e'ñe yañeña yoctapñoŕ. E'ñe ya yoctapñoŕ ñeñt atet yeyche'tpa' ñeñtña e'ñe yoctape'chatse'tatyesaye't. Ñeñto'marña Yomporpa' aña o'patatye't attoch coñchaterrey. Ñehua, ama't allohuen po'potantañ acheñenesha' ñeñt atet patse'tyesete'tpa' Yomporñapa' e'ñe attecma o'patatanete't ñeñtara coñcheñets. Ñerra'm allempocmach yerromañpa' e'ñech yechenca'huerrañ,

4 tarraña Yomporñapa' atarr nanac amorrentña, atarr muerenya. E'ñe ña puemuereñoŕeypa' o' a'qeshpaterrey.

5-6 Ñato' o'ch netma'ntacha atet ñerra'm o' yerroma yo'chñaroŕ tarraña Yomporpa' o' alla tantaterrey. Ñehua, allempo tantaterran Puechemer Cristopa' ya'ñañ tantaterr tarro'mar e'ñe yeparrocmaten epay Cristo. Ñaña atto chapaterran Po'cristor pue'ntaño allcha' atarr cosheñtso'tsen, ya'ñañ o' chapaterr allcha' atarr cosheñtso'tseney yaña tarro'mar e'ñe yeparrocmaten epay Po'cristor. O'ch netma'ntacha atet ñerra'mrrate' o' yechap Yompor pue'ntaño allcha' yecohuentapretera Cristo.

7 Attoña Yomporpa' chocmach orrtatennay puemuereña ama't errponañohuen. Attoña o' chapuonaya yeyo'chro Yomporpa' atarr muerenya nanac. Atto atarr muerenana Po'cristor ya'ñañ atarr muereña tarro'mar yapa' yeparrocmaterrñaña Po'cristor ñeñtara Jesús.

8 Tarro'mar po'ñoŕch e'ñe puemuereñoŕey Yomporñapa' a'qeshpaterrey e'ñe yeyenteñoŕa ña. Ama añofe'ña a'qeshpaterrey atto e'ñe cohuenare' es yepa'yen ya. Yomporpa' e'ñe atfa a'qeshpaterrey.

9 Ñaña ama yetorreñoŕe'ye' ñocop a'qeshpaterreyeña Yompor attoch tsaterrya ñeñt allpon yetorra ñocop. Tarro'mar ñerra'm e'ñe yetorreñoŕa ya'qeshpatenañ, yañapa' chate' atarr cohuen yentena yañeña ñeñt atto ya'qeshpatena. Allempoña Yomporpa' amate' a'qeshpatañe'ye' yenteñe.

* 1:23 Ñehua, po'ñoŕch Cristopa' arr atma'ntataret atet ñerra'mrrate' ñeñt yoñ yepen.

10 Tarraña Yomporpa' o' etserrataterrnay yocapñña allochñapa' attoch e'ñe cohuen es yepa'yen. Po'ñoch e'ñe yeparrocmateñoŋ Cristo, Yomporñapa' o' etserra yechcaterrey. Tarro'mar ñapa' ama't ahuatoteñpa' atet cotape'che't yocop attochña yapa' e'ñepa'chña cohuenare' es yepa'yen.

Cristopa' e'ñe cohuen amo'tstatanna'tña allohuenacop

11 Ñehua, te'pa' o'ch alla seyerpueerra ñeñt atet sepe't ahuat. Allempopa' atarr allaparo'tsa'yenes Yomporeshot. Ñehua, sapa' atet eñalletñas ama judioneshayayso. Añña ñeñt atet eñalletena judionesha' ñetpa' aña yeçhenet o'ch tsorranenet. Ñeñto'marña ñetpa' otarettenet atSORRAREtNesha'. Ñeñto'mar ñet sañapa' atta sochatse'tsunset sapa' año' atSORRAREtNeshayayso año' puechemereyayso Yompor.

12 Po'ñoch allempo sapa' atarr allaparo'tsa'yenes Cristeshot tarro'mar ama separrocmaterra' epas. Ñaña ama't israelena'tarnesha' ñeñt otenet Yompor pueyochresha', sañapa' ama parro'marneshayayso. Ñaña atto Yompor a'pocatan israelena'tar allempo otanete't ñeñtcha' atet yenpuerranet es-empo, saña allempopa' ama't mameshapa' ama se'mare'tpera'. Ama es secueno ama't mamesha' ñeñtcha' sa'queshpaterre' tarro'mar allempo sapa' ama eñalle Seyomporer ñeñtcha' po'ñoch seyemtena samã arr patsrot.

13 Tarraña te' sapa' o' señoter Cristo Jesús ñeñt rromats ñaña socpa'na. Ashataretta po'rراس ama't samã so'chñarecpa'na. Ñeñto'marña yoten e'ñe po'rراسot attoña o' çhapterres samã Yomporesho ama't sa ñeñtes ahuat atarr allaparo'tsa'yenes Yomporeshot.

14 Tarro'mar Cristopa' atarr amo'tstatanna'tña allohuenacop. Ama't ya ñeñtey judioneshay ñaña sa ñeñtes ama judioneshayayso, Cristoñapa' ahuo't parro'marneshatatey allohueney. Ñaña ñeñt atto atsrre'moçhen yentanna'tyese't ahuat ñaña'pa' o' huapore'tamipesyenyey ñeñt yellopa'tetstatyesaye't ahuat.

15 Ñeñt'pa' atet ponay Cristo allempo rroma yocop. E'ñe ña po'çhtso'tpa' o' a'huañañpeney atto am'cha'noçhen yenten añ ñoñets ñeñt atet anaret ahuat judioneshacop, ñeñtara pa'namen a'pocateñtsoñ ñeñt atet anarettetañ ñocpuet ñeñtcha' atet ðohuetañ. Attoña allempoteñpa' o' e'ñe patra yocape'chen ñeñt atet cotape'chatenyey Cristo. Allempoteña amach alla atsrre'moçhen yentanna'tyerre'te. Ñato' o'ch yot atto ahuat allohuen acheñenesha' ellopa'tetstete't e'ñe ñet poctapñ'o'mareta, Cristoñapa' o' a'huañañpsanet attoña e'ñe parrocmataterrey, e'ñe cohuen yamo'tstanna'tuerra allohueney.

16 Attoña epotanto'marey e'ñe yeparrocmateñoŋ, Cristoñapa' e'ñe cohuen amo'tstaterrya ñaña Pomporesho. E'ñe puerromñoŋ corsochopa' ñaña'pa' o' a'pocatonay Pomporesho. Atto ñapa' o' a'huañañperrey ñeñt ahuat atto çhocma ye'moñe'tanna'tyese't.

17 Ñeñto'marña Cristopa' huapa. Ñach yeserrpare'tatose' cohuen ñoñets atto ñapa' ña amo'tstanna'tatañtetsa. Attecma serrpare'tatosey allohueney, ama't sa ñeñtes ama judioneshayayso ñeñtes atarr allaparo'tsa'yenes atet entyenesña Yompor. Attecma serrpare'tatosey ama't yanña ñeñtey judioneshay ñeñtey e'ñe allame'tsa entyenyey Yompor.

18 Attoña allohueney ama't ñeñtey judioneshatets ñaña ñeñt ama judioneshayaye e'ñe Cristeshotecma e'ñnotenyña Yompor tarro'mar Puecamquëñpa'çho'ña e'ñe patra ñeñt yechorrenaya allohueney.

¹⁹ Ñeñto'marña te'pa' o'ch notas, sa ñeñtes ama judioneshayayso, te'pa' e'ñe parro'marneshacmay enteneyña Yompor, ama't allohuen ñeñt pueyochresha' pen Parets, tarro'mar allohueney e'ñe puechemerasha' peney Yompor. Ñeñto'marña te' sa ama atteye' entenso atet ñerra'mrrate' ñeñt ama puentare ña, o'huañ atteye' entenes ñerra'mrrate' ñeñt atta huetsa po'poñ anetsot.

²⁰⁻²² Ñeñt atet entenes te'pa' ñato' o'ch netma'ntacha ñeñt atto yatōmaten pocoll. Ñehua, atto cohuen torra'yese't allohuen ñeñt allpon Yompor puellsensarnesha' epuet ñaña allohuen ñeñt allpon a'nta'yese't po'ñoñ, ñetpa' añ toma'ntete't ñeñt ñanom yatōmaten allo echarr yepen yepaquëll. Ñaña Jesucristopa' añ toma'ntena pocoll po'quellpach ñeñt atarr echarr orrene' pocoll. Ñehua, sa ñeñt atto o' separrocmaterra Yepartseshar Cristo, pueconer penes ñaña pueyoßacher penes allohuenes ñeñtes e'ñe huomenc rremuene' pocoll. Attoña e'ñe cohuen sa'yechcataretterra puepahuarr pocoll, ñeñtes pa'paquëll o' perres Parets, attoña o' yecherra Puecamquëñ sesho.

3

Atto Pablopa' allsensaretterra o'ch serrpare'tatan ñeñt ama judioneshayaye

¹ Ñeñto'marña napa' 'hocma nema'yochena socop. Neserrpare'tateñoñes sa Cristo Jesús ñeñtes ama judioneshayayso ñeñto'marña na te'pa' yotam'pennet.

² Ñehua, sapa' o'te' se'mare'tuan atto Yomporpa' o' llesenserren e'ñe puemereñoñen, nach a'potene' po'ñoñ socop sa ñeñtes ama judioneshayayso.

³ Señoteñte' ñaña atto gaterren Yompor atto te'pa' o' neñoterrñañ ñeñt ahuatoteñpa' ama eñotpahuoyaye. Ñehua, ñeñtpa' o' notuanmas mame' necarotot.

⁴ Ñerra'm esempoch selleyon ñeñt nequellquënnas allempochña señoñ napa' po'ñoñ o' 'chapona neyo'thro e'ñe ora ñeñt atet sherbeney Cristo, ñeñt ama't ahuatoteñ ama eñotpahuoyaye.

⁵ Tarro'mar ahuatpa' ama 'chena' allempo pocte' enteñ Parets o'ch eñotatey ya ñeñfey arromñatenesha' ama't ñeñt corretsa allempo. Ñeñto'marña allempopa' ama e'ñeye' eñotatuanete'te atet ñerra'm te'pa' e'ñe Puecamquëñoñ e'ñe eñotatuenan allohuen ñeñt pueyochresha' pen ña atet ñerra'm ñeñt puellsensarnesha' pen ñaña ñeñt a'ntene' po'ñoñ.

⁶ Ñeñt eñotateney te'pa' ñeñtpa' atto ama't ñeñt ama judioneshayaye, ñetpa'cho'ña o'patapreteretcha' Yompor ñeñtcha' apuerranet atecma o'patatenya yamña ñeñfey judioneshay. Te'pa' e'ñe separrocmateñoñ Cristo, te'ña sapa' e'ñe po'chets penes atet ñerra'm ya ñeñfey judioneshay. Attoña o' e'ñe yeparrocmatuahuerr allohueney. Ñaña atet ote't Yompor ahuat ñeñtcha' atet cohuen pernay esempo e'ñe Cristeshot atoch a'queshpatarreypa' ñeñtpa' añe'cpa'ñaña ñeñt ama judioneshayaye. Ñehua, ñet añof a'queshpataretterret atto e'ñe pame'ñeñoñet añ cohuen ñoñets ñeñt alloch yequeshperra allohueney.

7 Ñeñto'marña napa' o' naparetterra llesens attoch nach torrerraya serpare'terre' añ cohuen ñoñets ñeñt alloch yequeshperra. Napa' atto naparetterra amaña añafoye' o' naparetterro atto e'ñe cohuen es nepa'yen ñeñt e'ñe nocpa. Ñapa' e'ñe puemuereñoen o' ahuamencat perren,

8 ama't napa' ama esoyayno ama't mamesha, atarr coñe'tot nesherven. Ora allohuen allpon ñeñt pueyochresha' pen Parets ñeñt sherber' ña, ñaña ellone'tpa' e'ñe atet ñentena ñerra'mrrate' atarr coñe'tot nesherbeñ Parets. Tarraña ama't ama esoyaynopa' Yomporña puemuereño o' muenaterren nach serrpare'tatyese' ñeñt ama judioneshayaye. Attochña nach eñotatyenahuet atto Cristopa' shonte' esocmañen echyen pa'namen ñeñtña yo'patapreteña ñeñfey yemtenaya ña. Ama't ya arromñafaya amate' er-roteno't e'ñe çhaphuonayo yeyoçhro ñeñt ora allpon o'patatartey e'ñe yeyemteño't Cristo.

9 Ñaña nach eñotatyene' ama't allohuen acheñenesha' ñeñt atet cotape'chennay Yompor. Tarro'mar ñeñt'pa' ahuatoteñ ama eñotpahuoyaye tarro'mar ama çhena' allemPOCH a'poterrnay Yompor, ñeñtara Yompor ñeñt e'ñe yechcatuahue' ora allpon ñeñt yentyen.

10 Allochñapa' allohuen ñeñt'cha' allpon ame'ñerrtsapa' ñetñapa' orrtateññañet'cha' Yompor atto ñapa' atarr esocmañen es eñoten. Attochña ama't allohuen ñeñt añcha'taretetyetsa ñaña allohuen ñeñt allsensaretetyetsa all ento, ñetpa'çho'ña eñotueñet atto Yomporpa' atarr esocmañen es eñoten ñeñt nanac sherbets yocop.

11 Ñeñt'pa' atet cotape'che't Yompor ahuat pueyochreshacop ñeñt'cha' sherbats allempoteñ e'ñe errponañohuen. Ñaña añ onañche't ñeñt'cha' et-soterre' pocta'ña ñeñt'pa' añ Cristo Jesús ñeñtara Yepartseshar yepen.

12 Ñeñto'marña yapa' e'ñe yame'ñeño't Cristo e'ñech yeñmañesha' yeçhore'teñ Yompor. Amach yen'cha'ñañafoye' yeçhore'teñe tarro'mar añ yeyemteññaña Puechemer Cristo ñeñt o' a'pocaterrey Pomporesho.

13 Ñeñto'marña napa' o'ch notas, atto señotenen napa' atarr nemueroçhtena socop, sapa' amach sellquëño'ta se'charrtatatsto seyoçher. E'ñepa'chña cohuen socshapretenna.

Atto Cristopa' atarr morrentenya

14 Ñeñto'marña napa' çhocma neconcorpuena Yomporshonet allot nema'yocham'pensa.

15 Ñeñtara Yompor allot huena ora allpon pa'namen acheñenesha' ñeñt e'ñe pamo'tsna'tarecma pannenet ama't ñeñt pue'ntaña'tsa'yen ama't ñaña allot ñeñt patso'tsa'yen.

16 Atto Yomporpa' shonte' esocmañen echyen ñeñt atarr nanac cohuenñatsotets Puecamquëño'tpa' ñepa'chña atarr ahuamencat sepene' e'ñe seyoçhro. Nema'yochëño'tpa' atet nenamuennas Yompor.

17 Ñaña çhocmuepa'ch yeçhena Cristo e'ñe seyoçhro e'ñe seyemteño't ña. Allochñapa' attochña e'ñe sagapoñ Yompor puemorrenteña attoch e'ñe huomenc sepa' seyoçher Yomporecop. Atet ñerra'mrrate' tsach ñeñt atarr erçhat e'ñech huomenc orrena patso, allochña pue'chorpa' e'ñech cohuen ten.

18-19 Allochñapa' attochña atarrcha' huomenc çhaponasa seyoçhro atto Cristopa' atarr nanac morrentenya. Ñeñt allpon atto atarr morrentenya'pa'

ñeñt'pa' ama ahuañaño. Ñato' o'ch netma'ntacha atto yehope'chen patso. O'ch ahuey tenonet, ama'tcha' yechap bachayo amach yemtanhuoñeña ñeñt' atto morrentenya Cristo. Attecma ña'ña toponet ama'tcha' yechap bachayo amach yemtanhuoñeña ñeñt' atto morrentenya Cristo. Attecma ña'ña onatonet ama'tcha' yechap bachayo amach yemtanhuoñeña ñeñt' atto morrentenya Cristo. Attecma ña'ña enonet ña'ña o'pononet, ama'tcha' yechap atarr alla'parpa' amach yemtanhuoñeña ñeñt' atto morrentenya Cristo. Ama't ña'ña allohuen ñeñt' allpon ñeñt' ame'ñenayapa' eñochetepa'ch ñamet atto atarr morrentenya Cristo. Tarraña ama't ama e'ñeye' eñotpahuoyaye ora allpon ñeñt' atet pena Cristo puemorrenteña yocop, tarraña sapa' señoche'pa'ch ama't e'ñe allpona. Ñeñt'pa' atet nenamatennas Yompor. Allochña'pa' attochña e'ñe poctacma chorrersa Yompor.

Aye'chochtatpahu'epa'ch Yompor allohu'eny e'ñe yame'ñeño'

²⁰⁻²¹ Te'ñapa' aye'chochtatpahu'epa'ch yenteñ Yompor tarro'mar ña ahua'mencat yepene'. Ña po'huamencot'pa' atetcha' patonay ya ñeñt' allpon yenamueñ, elloña ñapa' atetcha' pennay elloch metana'tuonay ñeñt' allpon yenamueñ. Ña'ña elloña metana'tuennay ñeñt' allpon yocape'chyen. Elloña nanacmañen e'ñe cohuen es pennay e'ñe po'huamencot' ña. Ya'ye'chochtatone'pa'ch Yompor allohu'eny ñeñtey yame'ñeño' thocma yap'cha'yena ñocop. Aye'chochtatpahu'epa'ch tayoteñ ama't ña'ña erponañohuen tarro'mar ña yapuerre' Puechemer ñeñt' Cristo Jesús. Ñeñt'pa' atetepa'ch Yompor yocop.

4

Attoch e'ñe yeparrocma'tuen allohu'eny ñeñtey ame'ñenaya Cristo

¹ Ñeñto'marña te'pa' añ notenes ama't na ñeñten ayottam'psareten e'ñe netorreño' serrpare'te' Yepartseshar Cristo. Te'pa' o'ch notas: E'ñech cohuen es sorrattyen ñeñt' atet poctetsa añecop ñeñt' o' hua'ñerr Yompor ñeñt'cha' pueyochresha' perr atet ñerra'm sa.

² Ama't mameshapa' amach sañeña entatstatso ñeñteso' atarr nanac sherbets. E'ñe semorrentanna'teño' e'ñech acopa es sepanna'tyena. Chocmuepa'ch sa'huantannena ñerra'm erro' penes po'psheñeñ, amachña se'moñe'tatsche saña. Añcha'ña e'ñech cohuen semorrentanna'tuena allohuenes.

³ Añepa'chña se'nen attoch sepaterrtat soctapña allohuenes ñeñt' e'ñe atet paterr cotape'chatenes Parets Puecamqu'ñ. Allochña'pa' e'ñe separrocma'teño', e'ñech cohuen sentannena, amachña cha po'poñ sentanna'tueno.

⁴ Tarro'mar po'ño'chpa' e'ñe yeparrocma'tuen allohu'eny ñeñtey ame'ñenaya Cristo ña'ña ñeñt'ara paterr Parets Puecamqu'ñ ñeñt' yechorra'yenaya allohu'eny. Ña'ña ama't pa'nameney shontey ñeñtey o' chore'terrey Yompor tarraña e'ñe ñeñt'ara yeyemteño' yecuen allohu'eny ñeñt' o'patatenya Yompor ñeñt'cha' apa'yേശer.

⁵ Po'ño'chpa' e'ñe patrra Yepartseshar Cristo ña'ña ñeñt'ara patrra poctapña ñeñt' yame'ña huena allohu'eny, ña'ña e'ñe allohu'eny attecma yapatare'tta e'ñe yame'ñeño' Cristo.

⁶ Ña'ña e'ñe patrra Parets ñeñt' Yeyomporer yepohuen allohu'eny, ñeñt'ara ñeñt' ya'mcha'tareter yepohuen allohu'eny. Ña'ña ñeñt'ara Yompor

ñeñt yetorratyenaya pa'namen allohueney ñaña ñeñtara Yompor ñeñt yechorra'yenaya yeyochro allohueney.

Atto Cristopa' apa'yeney allohueney attoch yetorra'yesa e'ñe po'poñe'ttsocma

7 Ñaña Cristopa' apa'yeney allohueney e'ñe po'poñe'ttsocma attoch yetorra'yesa Yomporecop e'ñe pa'namenot. Puesheña'ttsoypa' o'ch apa'yesey erropce' enten ña.

8 Ñehua, ñeñtpa' atet oteney Yompor po'ñoñ ñeñt aquellca'huaret ahuatoteñ, ñeñtpa' atet oten Cristocop:

Allempo a'terr pue'ntañopa' ahuanerran allohuen ñeñt e'moñe'tene' attotña a'mchechahuerranet. Allempoñapa' e'ñe pocsheñesho' shonte' es apa'yesnerran acheñenesha'.

9 Ñehua, all oten "a'terr pue'ntaño." Ñeñto'marña yeñoteñ allempo ama a'terra'pa' ñapa' entot asuaña, chap ama't allohuanen patso o'pono.

10 Ñeñtara ñeñt sohuatsa entot ñeñtpa' ñeñtara ñeñt a'terrets ama't e'ñe allohuanen ento. Attotña e'ñe erracmañen epa'huena Cristo.

11 Ñaña ñeñt atet oten ñoñets ñeñt anaret ahuatoteñ atto shonte' es apa'yenan acheñenesha' ñeñtpa' añ oten ñeñt atto ñapa' e'ñe po'huamencot es apa'yeney attoch yetorra'yesa po'poñe'ttsocma ñocop. Patantarr acheñpa' atet aparetet o'ch torrenet atet ñerra'm ñeñt allsensarettsa Yomporecop; po'potantaññapa' añcha' torrenet o'ch a'mteññañet Yompor po'ñoñ; po'potantaññapa' añcha' torrenet o'ch serppare'tatoñet po'ñoñ acheñeneshesho'mar; po'potantaññapa' añcha' torrenet o'ch cohuañpenan allohuen ñeñt ama'ñetsa ñeñtara ñeñtcha' yechatanahuat Yompor po'ñoñ.

12 Attoña ahuañecat pa'yeney allochñapa' ñach po'huamencaro yetorra'yesa po'poñe'ttsocma e'ñe puesheña'ttsocmay ñeñtey pueyochresha' o' perrey Parets. Attochña e'ñe cohuen yeyenpanneñtpa' o'ch huomenc yepanna'ta yeyocher Yomporecop allohueney ñeñtey ame'ñenaya Cristo.

13 Attochña e'ñe yeparrocmatuen e'ñe yame'ñeñt Yompor Puechemer ñeñt Cristo tarro'mar allohueneypa' o'ch yeñotuerr ñeñt e'ñe cohuenare' ñeñt atet yechateney Yompor Puechemer. Attochña o'ch e'ñe atet yepohuen yaña ora allpon ñeñt cohuentetsa ñeñt atet pena Cristo ñeñt yechorra'yenaya. Ñato' o'ch netma'ntacha o'ch not, yapa' o' e'ñe yepo'n Cristocop.

14 Ya te'pa' ama atteye ñerra'm cheshanesha' ñeñt ama es eñotetso ñeñt epuoye' cotape'chene' cohuen. Ñehua, atet ñerra'm cheshanesha' te'pa' ñato' po'poñcha' cotape'chyenet, ñato' tsapatñapa' o'ch'cho' cotape'chyeneterr po'poñ. Yapa'cho'ña atet yepena yaña allempo ama yepo'nena' Cristocop. Yaña ñeñtey ama epuoye' yocteñe Cristopa' amach errotentot ye'mñocheña ya ashcañ attoch ame'ñatya ña poctapña, attoch o'ch pantatey.

15 Yapa' añachña e'ñech patrra yoctape'chen ñeñt e'ñe po'ñoñ alloch yequeshperra ñeñt atet oteney Yompor po'ñoñ. E'ñech yemorrentanna'teñot es yepa'yen. Attochña e'ñe yepohuen allohuen ñeñt atet cotape'chateney Cristo. Attochña yapa' e'ñech ora yoctape'chen e'ñe atet cotape'chen Cristo. Ñeñto'marña esheccha'ña yeparrocmat epay Cristo, ñeñtña Cristopa' yeyocher* yepañ ñeñt chocma yoctape'chatene' cohuen Yomporecop.

16 Ñato' o'ch netma'ntacha ñeñt atet pena yechets. Ñehua, yechetspa' amach errotentot ellopa'tetsteno. Ama't allemey meyna'ten yechets chocma

* 4:15 O'ch secue' nota 1.23.

parrocmaten atto rremannenet e'ñe cohuen attoña yenpannenet. Ñaña yapa' yame'ñeñoſ Cristo e'ñe po'chets ðohueney allohueney ama't pa'namen acheñrey. Attoña Cristopa' e'ñe parrocmatateney ñeñto'marña e'ñe yemorrentanna'teñoſ o'ch yeyenpannena e'ñe cohuen. Attochña allo'nach yesen atontatnomue' ñeñt atet eñotateney Yompor o'ch yemorrentannerra allohueney.

Atto Yomporpa' o' etserrataterrnay yocpaña ñeñt atet muenen ña

¹⁷ Ñeñto'marña te'pa' o'ch notas ñeñt po'ñoſ sherbets Yepartsesharecop. Sapa' amach allo'na atet sepa'yesneno ñeñt atet ðatse'tyena ñeñt ama ame'ñenayo Yompor. Tarro'mar ñeñt atet cotape'chatse'tyenet ñetpa' ñeñtpa' e'ñe orrena ama't mameshapa' ama es sherbeno.

¹⁸ Ñetpa' ama thenaneto pueyoſhreto ñeñt Cristo poptaña. Ñetpa' cha ottenet ñerra'mrrate' atarr checmeto'tsenet. Tarro'mar ñetpa' atarr echarretenet pueyoſhret attoch coteret Yompor. Ñeñto'marña amach enterreto correñets ñeñt huetsa Yomporeshot tarro'mar ama eñoteñeto Yompor.

¹⁹ Ñet po'chñaret ama't mamesha o'huañcha' apencoſhen eñchet. Ñetñapa' e'ñech pocsheñsha' pomuenet po'chets attochña e'ñe ñeñña yomña'yenet ñeñt pa'namen sosya'tsañechno ñeñt ama aſapahuoyaye ama't mamesha.

²⁰ Tarraña sapa' amaña atteye' seyçheno. Sapa' añaña seyçhen ñeñt atet yeçhateney Cristo.

²¹ Tarro'mar napa' neñotenes sapa' o' se'nñoterrñañ Cristo po'ñoñ allempo yeychatas ñeñt e'ñe po'ñoſ attoch yeyemtera Jesús.

²² Sa ahuatpa' atta soctape'chatse'tyese't te'ña ñeñtpa' o'ch sa'ypo'ñamper. Sapa' ñeññaña atarr seshcare'taye't attoña añach e'ñe semnatse'tyese't ñeñt ama cohuenayaye ama't mamesha.

²³ Te'ña sapa' añepa'chña setserrataterre' Yompor e'ñe ora ñeñt atet soctape'chyen seyoſhro.

²⁴ Añepa'chña chorraterra Yompor ñeñfcha' soctape'chaterre' cohuen e'ñe etserra. Ñeñtpa' attochña etserrataterrnas Yompor soctaña e'ñe atet cotape'chenña. Allochñapa' attoch e'ñe pocte' es sepa'yen arr patsro ñeñt e'ñe po'ñoſ cohuen enten Parets.

Arrpa' all cotape'chatyenanet pa'namen ñeñt atarr sherbets

²⁵ Ñeñto'marña te'pa' añ poctetsa socop amach allo'na seshcare'tanna'tyesneno. E'ñe puesheña'tsos erroten sotannena, e'ñepa'ch po'ñoſ sa'pocpaten señoñ samo'tseshacop. Tarro'mar e'ñe yame'ñeñoſ Cristo e'ñe yeparrocmatuen.

²⁶ Ñaña ñerra'm esempo sa'tsrre'mapa' amach alla señoſatoña' o'ch sorrtat ñeñt ama cohuenayaye. Ñaña çhocmach semaçha'nerr e'ñe mamecma amachña ñeññaña sellapſateno.

²⁷ Allochñapa' attoch amach yemnatatsche oneñeſ o'ch atarr topateney, tarro'mar yocop ama pocteyaye o'ch yemnach oneñeſ o'ch atarr ahuamencaſ peney.

²⁸ Ñaña ñerra'm eseshas etetspa' añ poctetsa te'ñapa' amach allo'na setyetsatsetneno. Ñeñt acheñerpa' taruasepa'ña e'ñe ña potot. Ama't erra'tsena ñeñfcha' po'taruas pa'pa' ñeñt taruaspas e'ñe cohuen ama apencoſhenayaye. Allochñapa' attotcha' echenan shonte' attoch apa'yesan ñaña po'potantañ ñeñt atarr es pallta'yetsa.

29 Amach yeñosatse'tyesatsto ñeñt ama cohuenayaye ama't mamesha. Añcha'ña yeñosyen ñeñt e'ñe cohuen entuen allohuen acheñenesha' ñeñtcha' yenpuene' ñeñt e'mñotets. Attochña ñetpa' o'ch huomenc pet pueyoçher Yomporecop.

30 Attochña amach çha yellcateññañe Yompore Pucamquëñ ñeñt yeçhetsa yeyoçhro ñeñfara ñeñt Pucamquëñ pen ñeñt atarr cohuen Parets. Tarro'mar puechorreñoey ya, Parets Pucamquëñ ñeñtpa' ñeñtña yeñotatene' yapa' puechemer peney Yompore tayoteñ ñaña esempohuañencha' allempoch ya'queshpataretterra.

31 Amach atsrre'mochen sentanna'tatsto ama't seyochra. Allochñapa' attoch amach çha sa'tsrre'mare'tatanneno, attochña amach seche'çhame'tanneno. Ñaña amach sesasare'tanna'tatsto. Ama't mameshapa' amach se'moñe'tanna'tatsto.

32 Añcha'ña e'ñech cohuen yentannena ñaña e'ñech cohuen yemueran-nena. Ñaña añña poctetsa çhocmach yepretnannena atto Yomporepa' o' peretnerrey yaña. Ñeñtpa' añoç peretnerrey atto rroma Puechemer Cristo yocop.

5

Ñeñtey puechemer pen Yomporepa' o'ch yorrtaten ñeñt atet muenen ña

1 Yomporepa' atarr morrentenya, attoña e'ñe puechemer peney. Ñeñto'marña yocoppa'çho'ña añ poctetsa o'ch yorrtateññañ ñeñt atet cohuenare' es pa'yen ña ñeñt Yeyompore yepen.

2 Elloña Cristopa' atarr morrentenya. Ñeñto'marña e'ñe pocte' eñch attoña poma ñañeña atto rroma yocop atet pete't ahuat allempo muetsete't carrnero Yomporecop. Ñeñtña e'ñe cohuen ente't Yompore e'ñe atet ñerra'mrrate' ñeñt allo atarr eñmosañtampsachete't ahuat ña. Atto atarr morrentya Cristo, yocoppa'çho'ña añ poctetsa e'ñech cohuen yemorrentanna'tuena.

3 Ñaña amach yeña'yestatsto ñeñt ama poctey'e' enteno ña. Ama't parrocha amach yeçtatsche ñeñt ama yetaporeyaye, ñaña coyanesha'pa' amach agapatstano ñeñt ama puerrollareyaye. Ñaña ama't mameshapa' amach yepatsto ñeñt atarr sosya'tsañetyets ñaña ama es aye'chapretanna'tpahuo. Ñeñt atet poctetsa allohuenacpay ñeñtey pueyochresha' o' perrey Parets. Allochñapa' ama't parrochapa' amach errofenot otyeto' yapa' atto yepena.

4 Ñaña serrpare'tatse'teñets sosya'tsañ ñeñt ama aserrpare'tpahuoyaye ñeñto'marña yapa' amach atet yepatsto ama't mamesha. Ñaña otatse'teñets ñeñtpa' ama sherbeno Yomporecop ñeñto'marña yapa' amach atet yepatsto. Ñaña allocchame'tanneñets ñeñt ama ayellsheñe'çhpahuoyaye allo, ñeñtpa'çho'ña amach atet yepatsto. Añcha'ña yapa' Yomporepa'chña yeparasyoso'ten.

5 Sapa' señoñeñ ñeñt cañoresha'tetspa' amach es o'paterroña Yomporecho ama't e'ñe esempaña allcha' añcha'taretterra Cristo epuet Pompore. Ñaña allohuen ñeñt eñotene' pa'namen sosya'tsañ, ñeñtpa'çho'ña amach es o'patatertterrtsoña all añcha'tarettena Yompore. Ñaña ñeñt atarr es ye'chapretetsa añña po'yompore pen ñeñt atarr es ye'chatse'tatene'. Ñeñto'marña ñapa'çho'ña amach es o'patateñoña Yompore all añcha'tarettena.

⁶ Amach se'mñnotatsche acheñ ñeñt muenene' o'ch shecare'tas o'ch otas ñeñcha' atet sepatse'ta sama ñeñpa' e'ñe pocte' Yomporecop. Tarraña napa' o'ch notas, ñeñpa' ama po'ñoçhoyaye, tarro'mar Yomporpa' çhocmach coñchatuerran allohuen ñeñt atet atpare'tetsa, ñeñpa' o' e'ñe notuanmas.

⁷ Ñeñto'marña te'pa' o'ch notas, sapa' amach socshapretatstaneto ñeñt atet patse'tyenet.

Ñeñt atet yorrtatyen allempo o' yocrrerra e'ñe cohuen puetaro

⁸ Ñehua, sapa' ahuatpa' po'ñoçh e'ñe atet socshapretatse'tyese't allempo sapa' checmeta socrra'yese't. Tarraña te' e'ñe seyemteñoi Yepartseshar o' çhapatonas seyoçhro ñeñt cohuen enten ña. Ñeñto'marña te' socoppa' añ poctetsa o'ch sorrtrateñañ ñeñt cohuen enten ña, atto sapa' o' socrrerra puetaro.

⁹ Ñehua, ñerra'm puetaroch yocrrena, ñeñpa' atetcha' yorrtatyen. E'ñech cohuenacma es yeþanna'tyena ñeñt e'ñe pocte' enten Yompor ñaña ñeñpa' ama shequëñtsoyaye ama't mamesha.

¹⁰ Ñaña socoppa' añ poctetsa o'ch sema'yoçhra eñotnomue' ñeñcha' atarr cohuen entaprefenes Yepartseshar.

¹¹ Ñaña te'pa' o'ch alla noterrser, amach socshapretatsche ñeñt atet patse'tyenet, ñeñpa' ama es sherbeno ama't e'ñe mamesha. Tarro'mar ñetpa' checmeta correnet. Sapa' añcha'ña sorrratyent ñeñt e'ñe cohuenare' allochñapa' attoch eñochet ñeñt atet patse'tyenet ñet, ñeñt ama't mameshapa' ama cohuenaye' enteñe Yompor. Ñeñpa' ñato' yapa' o'ch yot, yapa' o' ya'puetarsañpsanet ñet ñeñt atet patse'tyenet checmeto.

¹² Ñehua, sapa' señoñeñ ñeñt atet patse'tyenet a'nahua. Ñerra'm ya'mete'pa' ñeñpa' atarr apencoçhen.

¹³ Ñaña ñerra'm ya'puetarsañpsanet ñet ñeñt patse'tyenet ñeñt ama cohuenayaye, attoña ñetpa' o'ch çhapanet pueyoçhro ñeñt atet penet ñetpa' po'ñoçh ama cohuenayaye.

¹⁴ Ñeñto'marña socoppa' atet açhotenes añ ñoñets:

Papa' ñeñteþ atet patse'tyetsa e'ñe atteþ ñerra'm cha atarr rroma pemuen. Te'ñapa' o'ch pe'manerra o'ch petanterra atto rroma pemuen. Cristopa' ñach pa'puetarsañperre'.

¹⁵ Ñeñto'marña te'pa' o'ch notas: Señoñta e'ñe errotente' seþa'yen, ñato' cohuenta' ñato' amaté' cohuenayaye. Amach atet sepatsto atet ñerra'mrrate' ñeñt ama es eñotetso. Añcha'ña atet seþa'yen atet ñerra'm ñeñt atarr es eñotets ñeñt cohuentetsa Yomporecop.

¹⁶ Te'pa' arosña atta es pueçhatstatsa çhochña yetorra Yomporecop tarro'mar te' acheñenesha' atarr sosey yethcatyenet arr patsro.

¹⁷ Ñeñto'marña notenes amach atta es sepçhatsto ñeñt atet pena ñeñt ama es eñotetso. Sapa' añcha'ña o'ch señoñtoñ ñeñt atet muenen Yepartseshar ñeñcha' atet yepa' ñeñt cohuen enten ña.

¹⁸ Ñaña o'ch notas, amach seposa'tatsto; ñeñpa' çhach cotape'chatenes sosya'tsañeçhno attoch a'puerratarres. Amach seposa'tatsto, añepa'çhña sechorrenaya ñeñcha' socshatene' ñeñfara Parets Puecamquëñ.

¹⁹ Añepa'çhña e'ñe socshapretannena ñeñt atet saçhoteñ Yepartseshar. E'ñepa'çhña socsheñesha' seyoçhrocmañen semorrechena allo ya'ye'choçtateñañ Parets, ñaña allohuen morreñtsoçhno ñeñt Partsocop.

20 E'ñe yeyerpueñoť Yepartseshar Jesucristo ťhocmuepa'ch yeparasyoso'teññañ Pompōr allohuenacop pa'namenacop.

21 E'ñe semorrenteñoť Cristopa' e'ñepa'chña cohuen same'ñannena. Attochña yecohuentateññañ Cristo.

Arrpa' all cotape'ch atan yacma epuet puetapor

22 Ñeñfes arrollaretēs o'ch notas, añ pocte' serrollarpa' ñachña e'ñe same'ñena atet yepen ñaña Yepartseshar Cristopa' ñachña e'ñe same'ñena.

23 Tarro'mar serrollarpa' añ poctetsa atetcha' senteñ ñerra'mrrate' samo'mte' sepeñ. Attecma yepena yamā allohueney ñeñfey ame'ñetsa, añ Yamo'mte' yepen Cristo ñeñf yecuam̄pene'. Tarro'mar ñapa' o' a'queshpaterrey ñeñfey o' po'chets perrey.

24 Ñeñto'mar añ pocte' serrollarpa' ñach pomnaren sepene' allohuenacop, attecma yamā ñeñfey ame'ñetsapa' añcha' pomnaren yepene' Cristo.

25 Te'pa' o'ch notas samā ñeñfes ataporetes, añ poctetsa e'ñech cohuen semorreñcha setapor. O'ch semuerya nanac atet peney Cristo atarr muerenya yamā ñeñfey ame'ñenaya ña. Ñeñto'marña puemorrenteñoťey ya ñapa' e'ñe pocte' eñch o'ch rroma yocop.

26 Allochñapa' attochña e'ñe e'sshohuerrnay allohuen yo'chñar o'ch a'cohuentaterrey Partsocop. Ñehua, ñeñf toma'ntena allempo yapataretterra Yomporecop. Ñaña po'ñoñpa' ñeñfña e'ñe ya'cohuentaterre'.

27 Allempoña o' ya'cohuentataretterrappa' ñapa' mueneñ o'ch aguerrey allohueney ñeñfey ame'ñenaya ña. Ñaña ya atto o' ya'cohuentataretterrappa' amach alla eñalletterte ama't mamesha ñeñcha' ya'sosyaterayerr. Amach alla enterrye'te atto ama cohuenaye' yorrteno ama't errotena. E'ñechña ya'cohuentataretterra Partsocop.

28 Po'ñoçhpa' ñeñfes ataporetespa' añ poctetsa socop e'ñepa'ch cohuen semuerya setapor e'ñe atet atarr semorrentena sañeña. Tarro'mar ñerra'm atarr yemorrenteña yetapor ya'ñaña atarr morrentetsa, tarro'mar yetaporpa' ñeñfara yechets yepen.

29 Ñehua, yapa' yeñoťeñ ama't e'ñe puesheñarroťeya ama yetsena'tenoña e'ñe ya yechets. Chochña e'ñe cohuen yerren esheccha' e'ñe huomencna'ntateney. E'ñech cohuen yecuen e'ñe ya yechets. Attecma peney ñaña Cristo atarrcha' cohuan̄peney ya allohueney ñeñfey ame'ñenaya ña.

30 Tarro'mar ñapa' ña e'ñe po'ñoçh po'chets pohueney ya. Pa'namenot po'chets pa'yeney allohueney ñeñfey ame'ñenaya ña.

31 Ñehua, Yompōr po'ñoñ ñeñf aquellcaret ahuatoteñ ñeñfpa' atet oten: "Ñeñto'marña ñerra'm esempo yesna'ta amapa' coyanesha'pa' o'ch echan puerrollar; añ pocte' o'huañcha' tama yeyemteña yachor ñaña yompōr. Allochñapa' attoch e'ñe yeparrocmaten epay yetapor. Attoña e'ñe epsheño'mareypa' e'ñech patrra yechets yepen."

32 Ñeñfpa' ahuatoteñ ama eñotpahuoyaye ñeñf toma'ntatenya añ cotapñats. Tarraña te'pa' napa' noten añ yetma'ntenaya ñeñf atarr cohuen ñeñf atto e'ñe yeparrocmaten epay Cristo allohueney ñeñfey ame'ñenaya ña, ñeñfara ñeñf po'chets yepene' allohueney.

33 Ñeñto'marña o'ch alla noterrser, e'ñe puesheña'ttsospa' e'ñepa'ch cohuen semuerya setapor atet atarr semorrentena e'ñe sañeña. Ñaña ñeñfes coyaneshaspa' o'ch notas, añ poctetsa ñaña socop semorrenteñoťpa' same'ñyach serrollar, ñaña e'ñech cohuen senteñ.

6

Arrpa' all cotape' chatan cheshanasha' epuet pamo'mte'

1 Te' cheshaneshacha' o'ch notas ñeñt' puctetsa socop ñeñt'cha' atet sepa. E'ñe same'ñeño' Yepartseshar Cristo chocmuepa'ch e'ñe cohuen same'ñeña sompor ñaña sachor, tarro'mar ñeñt' puctetsa socop.

2 "Ñaña e'ñe semorrenteño' somporpa' chocmuepa'ch sem'cha'na'ch ñaña sachor" tarro'mar ñeñt'pa' ñeñt' e'ñe ñanom atet ot Yompor ñeñt'cha' atet yepañ yamo'mte' allochñapa' attoch e'ñe cohuen a'natenya Yompor.

3 "Attoch pa'nateño'es e'ñe cohuenpa' atomatcha' socrena arr patsro."

4 Te'pa' o'ch notas sam'a ñeñes pamo'mte' pen cheshanasha', se'moñe'teño'pa' amach sa'tsrre'mare'tatatsche sacñefarnesha'. E'ñechña añeñolloteñ e'ñe secuanpeño' cohuenpa' o'ch seychatyenanet e'ñe cohuen attoch ñetpa'cho'ña o'ch ame'ñeret ñamet Yepartseshar Cristo. Ñaña amach semnatatstaneto o'ch atta atarr atpare'taset.

Arrpa' all cotape' chatan ataruasañ epuet po'patronar

5 Te'pa' o'ch notas sam'a ñeñes ataruasataretes ñeñt' puctetsa socop. Chocmach same'ña ñeñt' setaruasatene' arr patsro. Ama't erra'tsena apuñset ñeñt'cha' setaruas sepa' e'ñechña sem'cha'na'teño' setaruasen e'ñe cohuen seyo'chrocmañen. Ama't acheñe'pa setaruasenpa' atetcha' setaruasen ñerra'mrrate' Cristocop setaruasen.

6 Amachña e'ñe puecuampeño'esema'yore'teno taruasats attoch e'ñe cohuen socshach sepatronar attoch e'ñe pocte' entenes. Añcha'ña ama't acheñe'pa setaruasenpa' e'ñechña atet sesherbeñ cohuen ñerra'mrrate' Cristo sesherben. E'ñechña seyo'chrocmañen sepena cohuen ñeñt' atet muenen Yompor.

7 E'ñe semneñño'pa' e'ñech cohuen socsheñeshocmañen setaruasen tarro'mar ama ñap'a acheñecop setaruaseno, Yompre'pa'ñaña setaruasen.

8 Te' sapa' e'ñe seño'teñ ama't erra'tsente' cohuen es yepa'yen, Yepartsesharñapa' chocmach alla aphuerrey e'ñe puesheña'tsoy ñeñt'cha' atarr cohuen yocshaterre' ama't añ acheñer ñeñt' ataruasataret amapa' añ acheñer ñeñt' e'ñe cohuen'tsen, attec'mach apa'yesuerranet ñeñt'cha' atarr cohuen coshaterrahuet ñet.

9 Ñaña te'pa' o'ch notas ñeñes taruasatets. Sapa'cho'ña atetcha' sepoñ sa'taruasañer ñeñt' atet puctetsa, amachña cha sechemama'tyenaneto. Seño'chepa'ch sapa'cho'ña sechen Samo'mte' Cristo ñeñt' pue'ntañ'tsen. Ñeñtara ñeñt' Pamo'mte' pen allohuen sa'taruasañrenesha'. Ñaña ñapa' ama puesheña'tsa morrenteno.

Ñeñt' apuñey Yompor ñeñt'cha' yemoñenaya attoch amach alla a'puerrataterrye oneñeñ

10 Allohuanen arr necartot o'ch masheñneshacha' ñaña nochaneshacha' notas, ahuañencat'epa'ch p'as Yepartseshar tarro'mar ñapa' ña atarr ahuañencattetsa.

11 Neñto'marña añ puctetsa yocop o'ch yaguèrrñañ ora allpon ñeñt' apuñey Yompor allochñapa' ñeñt'cha'ña yemoñenaya attoch amach alla a'puerrataterrye oneñeñ. Tarro'mar yeño'teñ oneñe'pa' chocma e'nenan attoch shecare'teny.

12 Tarro'mar po'ño'chpa' ama acheñeye' yeçllareno ñeñt' entpo' po'chets. Yapa' añña yeçllaren oneñe'f'echo'ño ñeñt' ama errot a'papahuo e'ñe ya yotot

tarro'mar ñeñt'pa' ama entpahuoyaye po'chets errotenete'ña. Tarraña ñeñt'pa' atarr añcha'nochetiyena ñaña atarr ahuamencatechno. Attoña pomnaren penan allohuen acheñenesha' arr patsro ñeñt' patse'tyene' ñeñt' ama cohuenayaye ñeñt' checmeto'tsena. Ñeñt'ara oneñetechno ñeñt' ama cohuenaye' ye'chcatsetso ñeñt' erracmañen añcha'nochetiyetsa entot.

13 Ñeñto'marña notenes, o'ch saguërrñañ allohuen allpon ora ñeñt' apueney Yompor allochñapa' ñeñt'cha'ña allo yemoñena attoch amach alla a'puerrataterrye oneñet' ñerra'm esempo atarr nanac topateney. Tarraña ama't allempo pa'namenot atarr topateney yañapa' amach errotenot a'puerrataterrye.

14 Te'pa' o'ch neñotatas ñeñt' apueney Yompor ñeñt'ña yemoñenaya attoch ama a'puerrataterrye oneñet' allempo topateney. Ñato' o'ch netma'ntacha ñeñt' atet pa'namen chorra'yena solltarnesha' allempo quellarenet.* Ñeñt' ñanom ñeñt'pa' Yompor po'ñoñ ñeñt' e'ñe po'no'ch ama shequëñtsoyaye ama't mamesha. Ñeñto'marña yapa' e'ñech yeñmañesha' es ye'pa'yen, amach yeshcare'tanna'tyesatsto. Ñato' o'ch netma'ntacha ñeñt'pa' ñeñt'ña yechanar yepen ñeñt'cha' ahuamencat' yepe' atet ñerra'm solltar apueñet chanarets alloch chanena ñeñt' quellaratén. Elloñapa' e'ñepa'ch cohuen es ye'panna'tyesnoma ñeñt' atet e'ñe pocte' enten Yompor. Ñeñt'pa' añ toma'ntena asrom atet ñerra'mrrate' ñeñt' chorrena solltar ñeñt' a'natene' puesomap allempo quellarena.

15 Te'ñapa' o'ch se'shpo'cha e'ñe socsheñesha' o'ch ahues allcha' seserrpare'tyena' atto Yomporpa' o' amo'tsterrya attochña e'ñe cohuen a'queshpaterrey. Ñeñt'pa' añ toma'ntena atet pena solltar o'ch nan po'sapatpa' o'ch ahuo' allcha' quellarosa.

16 Elloña ñeñt' nanac sherbets ñeñt'pa' añ, 'hocmuepa'ch e'ñe cohuen yeyemteña Yompor ñeñt' atet oteney. Ñeñt'pa' añ toma'ntena solltar pue'scudo allo a'natena allochñapa' attoch ama etaretteneto. Ñehua, atto huomenc topateney oneñet' ñato' o'ch netma'ntacha ñerra'mrrate' ñapa' 'cho sanapecheney po'chopapo ñeñt' huoretnets. Tarraña ya e'ñe yeyemteño' Yompor ñeñt'pa' ñeñt'ña ye'scudo yepen ñeñt'cha' 'hocma emayene' oneñet' po'chopap ñeñt' huoretnets allo sanapecheney.

17 Ñaña yapa' yeñoteñ Yomporpa' te'pa' o' a'queshpaterrey, ñeñt'ña yemoñenaya. Ñeñt'pa' añ toma'ntena atet pena solltar o'ch na'nman asret poño attoch ama etto'cheto. Ñaña o'ch yerrmoñ Yompor po'ñoñ yeyo'chro ñeñt' atet eñotateney ña Puecamquëño; ñeñt'pa' ñeñt'ña yepanmet yepen alloña ye'cllareñña oneñet'.

18 Ñaña sapa' 'hocmuepa'ch sema'yochena ama't erroteno'tsensa. Añcha'ña seyenpuene' Parets Puecamquëñ. Allochñapa' attochña 'hocma sema'yochrena ma'yochatsa. O'ch senam Yompor ora allpon ñeñt' sepalltana, ñaña 'hocmuepa'chña e'ñe sema'yocham'pesueña allohuen ñeñt' pueyochresha' pen Parets.

19 Napa'cho'ña 'hocmuepa'chña sema'yocham'penna. O'ch senamon Yompor nocop allochñapa' ñachña ne'ñoratene' attoch amach nem'cha'ñaño'a neserrpare'teññañe po'ñoñ. Allochñapa' attochña neñotatyesanet cohuen

* 6:14 Ñehua, ñeñt'pa' atet chorra'yese't ahuat solltarnesha' allempo quellarete't.

ñoñets ñeñĩ alloch e'ñe yequshpa'huerra allohueney; ñeñĩpa' ama eñotpahuoyaye, ama't ahuatoteñ.

²⁰ Napa' allsensareten ñeñĩten eñosyets e'ñe cohuen Yomporecop. E'ñe neñosyeñoť Yomporecop ñeñĩto'marña te'pa' yottantpennet. Ñeñĩto'marña nemneñ o'ch sema'yochamĩpenna attoch amach nemĩcha'nañoťa neserrpare'teno ñeñĩ e'ñe cohuen ñoñets alloch yequshpa'huerra. Attochña e'ñe nocsheñeshocmañen neserrpare'ten tarro'mar ñeñĩ e'ñe cohuen atet poctetsa nocop.

Arrpa' all so'tnerranet e'ñe po'cartot

²¹⁻²² Te'ñapa' o'ch notas, o'ch nemñonas masheñ Tíquico ñeñĩ atarr nemorrentena. Ñapa'cho'ña chocma atarr cohuen torrena Yepartsesharecop. Ñapa' ñeñĩto'marña o' nemñe sesho allochñapa' ñach señoťatuerre' ñeñĩ atet yepena ya arr. Attochña atarr coshatuerres seyo'chro.

²³ Te'ña masheñeshacha' ñaña no'chaneshacha', Yomporepa'chña semorrentanna'tataya e'ñe same'ñeñoť, ñeñĩara Parets epuet Puechemer Jesucristo ñeñĩ Yepartseshar yepen. Ñetepa'chña socshatene' seyo'chro.

²⁴ Ñaña ñetepa'chña e'ñe sa'natenaya allohuenes ñeñĩes e'ñe cohuen morrentenaya Yepartseshar Jesucristo. Ñeñĩ atto semorrenteñapa' amach ahuañaña'attherro ama't e'ñe ahuata. Ñeñĩfach notas, ñeñĩpa' attetepa'ch Nom-pore. Allohua.

Pablo

AÑ SAN PABLO PO' CARTA ÑEÑŦ QUELLCAN FILIPOSO MARNESHA' FILIPENSES

Pablopa' quellcan carta all ayottam̄psarettena; añecop quellquë' ñeñŦ ame'ñetsa anetso Filipino

¹ Masheñeshacha' ñaña nochaneshacha' ñeñŦes allohuenes o' pueyochresha' perres Parets e'ñe separrocmateñoŦ Cristo Jesús all anetso Filipino, ama't ñaña sa'mcha'tareterneshohuen ñaña ñeñŦes diáconoçhnos ñeñŦes sherbets all puerahuo. Na Pablón epan masheñ Timoteo ñeñŦen sequelquëne'ña añ carta.

² Te'pa' e'ñe nehuom̄cha'teñoŦes sa, napa' o'ch notas: Yomporepa'chña sebensare'tam̄pene' ñeñŦ nanac Parets epuet Puechemer Jesucristo ñeñŦ Yepartseshar yepen. Ñetepa'chña socshatene' e'ñe sa seyoçhro allohuenes.

Arrpa' atet ma'yocham̄penanet Pablo

³⁻⁴ Te'pa' o'ch notas, allempo nema'yocheña Yompör ñeñŦ neyemtena na, neyerpueñoŦespa' çhocma nocshensa Yomporeshot. ÑeñŦo'marña allempo es nenamuennas Yomporpa' çhocma nocshensa Yomporeshot allohuenes.

⁵ Tarro'mar allempoteñ saguër Cristopa' sapa' allo'na't sesen ame'ñatsa teme'ttsen. E'ñe same'ñeñoŦpa' attoña sellcapretna attoch errotenotpa' o'te' epa'huerra erracmañen añ cohuen ñoñets alloch yequeshperra.

⁶ Ñaña napa' neñotenes atto Yomporpa' o' ame'ñatasa ahuaña, te'ñapa' ñepa'chña allo'na ahuamencat sepa'nmue' e'ñe ñocop, tayoteñ ama't esempohuañencha' huerra Jesucristo pue'ntañöŦ.

⁷ ÑeñŦ atet nentaprentespa' ñeñŦpa' e'ñe pocte' tarro'mar atarr nemorrentensa e'ñe neyoçhrocmañen. ÑeñŦo'marña yellcanna'teñoŦpa' yeñoteñ Yompör e'ñe puemuereñoŦpa' amach a'ypo'ñerrno na ama't ñaña sa. Atet napa' ama't cárcelot'senen Yompör puemuereñoŦenpa' amach a'ypo'ñerrno. Ñaña ñerra'm allempo achm̄are'tenet añ cohuen ñoñets alloch yequeshperra, atto napa' nemoñena añ cohuen ñoñets, Yompör puemuereñoŦenpa' çhocma ahuamencat penen. Ñaña allempo name'ñateña acheñenesha' añ cohuen ñoñets alloch yequeshperra, Yompör puemuereñoŦpa' çhocma ahuamencat penen.

⁸ ÑeñŦo'marña te' Yomporpa' eñotenen po'ñoçh te'pa' nanac neyerpuensa. E'ñe atet nanac nemorrentensa ñerra'm atet morrentenya Jesucristo e'ñe cohuen.

⁹ Atet nenamuennas Yompör socoppa' atet noten, allo'nepa'ch sesen morrentanna'tnomtsa nanac ñaña allo'nepa'ch sesen eñotnomue' ñeñŦ nanac sherbets yamo'tseshacop. Allochñapa' attoch çhocma yorrtaten yemorrenteña e'ñe po'ñoçh.

¹⁰ Attochña señoçh erra'tsente'ña nanac cohuen sherbets Yomporecop. Allochñapa' e'ñe señoŦeñoŦpa' añepa'chña atet sepa'yen ñeñŦ e'ñe cohuenare'. Allochñapa' amach çha sa'yohuaretterro ñerra'm esempohuañencha' huerra Cristo.

¹¹ Ora atet nenamuennas Yompör socoppa' atet noten, e'ñe same'ñeñoŦ Jesucristo poctacmapa' añepa'chña cohuen atet sepa'yen ñeñŦ nanac

sherbets Yomporecop. Ñerra'm atet yepenapa' attochña e'ñe cohuen ya'cshapretare'ttena Yompor po'cohuenña.

Atto epatuan allohuenacop Yompor po'ñoñ e'ñe cárceloĩ

12 Ñeñto'marña masheñneshacha' ñaña nochaneshacha' o'ch neñotatas, ama't atto ayottam̄psareten cárcelo ñeñtpa' ama añecpayaye attoch o'ch epatare'tenan cohuen ñoñets alloch yequeshperra. Elloña e'ñe attotpa' allo'nach sen epa'huatsa Yompor po'ñoñ.

13 Ñeñto'marña te'pa' allohuen guardianesha' ñeñĩ cohuan̄pene' añcha'taretepo' ñetpa'cho'ña o' e'ñe eñotuanet atto ayottam̄psareten cárcelopa' añoñña e'ñe name'ñeñoĩ Cristo atet pennet. Ñaña ama't pa'namen acheñenesha' te'pa' o' eñotuanet ñeñfecop nemueroçhtena.

14 Ñeñto'marña te'pa' shonte' masheñnesha' e'ñe allo'na senet yemuet-nomuet Yepartseshar Cristo poctacma, tarro'mar ñetpa' atet entennet e'ñe name'ñeñoña Cristo nemueroçhtena cárcelo. Ñeñto'marña ñetpa'cho'ña o'huañ mecha'na'tet serrpare'tet Yompor po'ñoñ.

15 Ñehua, po'ñoçhpa' eñall puesheña'tets tarrecpach serrpare'tenet Cristo e'ñe pue'matare'teñoñetan na. Tarraña po'psheññeçhnopa' e'ñech pocsheñeshocmañen a'poteññañet Yompor po'ñoñ.

16-17 Añpa' e'ñe pueморrenteñoñetan atet penet tarro'mar ñetpa' eñotennet napa' anareten atto nach moñenaya añ cohuen ñoñets alloch yequeshperra ñerra'm esempo achm̄are'teñet. Tarraña ñeñña serrpare'tene' Cristo po'ñoñ e'ñe ñocueta'pa' amach pueñmañeshacmaye' serrpare'teneto. Ñetpa' çhate' otenapuetañ allo'nach atrse'ñoñen entatnennet ama't cárcelo'tsenen.

18-19 Ñehua, ama't atetpa' nocoppa' e'ñe pocte'. Ama't erroteno serrpare'tenet cohuen ñoñets Cristocop, nocoppa' e'ñe pocte' nenteñ. Tarro'mar ama't puehquẽñme'chatsa serrpare'tenet Cristo, ama't ñaña pueñmañeshoçha' serrpare'tenetpa' napa' ñeñtcha'ña nanac nocshatene'. Ñeñto'marña napa' çhocmach nocshena tarro'mar napa' neñotenes sapa' çhocma sema'yocham̄pene ñaña neñotena Jesucristo Puecamquẽñpa' ñeñña ahuamencat nepene'. Ñeñto'marña neñoteñ añ mueroçhteñets tsapatonetpa' a'poctataretcha' e'ñe cohuen nocop.

Atto Pablopa' ora allpon corre't arr patsropa' ñeñtpa' e'ñe ora Cristocop

20 Ñeñto'marña e'ñe nocsheñesha' necueñ tarro'mar neñoteñ amach apenatare'teno ama't mamesha. Ñaña amach neñtcha'nañofayaya ne'ñoreno e'ñe cohuen Cristocop. Attochña napa' acshapretpo' entapre'tennet Cristo, ama't napa' erroteno'tsenencha' ama't ñerra'm nerroma amapa' ñerra'm ora nocrrnemeñ. Atet ahuatoteñpa' te'pa'cho'ña attecmuepa'ch pena.

21 Tarro'mar napa' allpon nocrrna arr patsropa' ñeñtpa' e'ñe ora Cristocop. Ñaña ama't çho nerromapa' ñeñtpa' elloña nanac cohuen nocop.

22 Ñaña ñerra'm allempo nocrrnemeñpa' torrenayanach Yompor po'taruas tarro'mar attotcha'ña allo'nach nesherbateññañ Yompor po'ñoñ. Ñeñto'marña ñeñtcha' nanac nemna' te'pa' ama neñoteñe erra'tsente'ña ñeñĩ nanac sherbets, ñato' o'ch nerroma tayecma amapa' ñato' corretsanach.

23 Ñeñĩ nanac torrapo' nenten o'ch notas ñeñĩ atarr cohuen nenten, ñato' o'ch nerroma amapa' corretsanach. Napa' nemneñeñ o'huañcha' nocrra añe patsro allochñapa' o'ch neçhap tecma Cristesho, tarro'mar ñeñtpa' elloña nanac cohuen nocop.

24 Tarraña ñerra'm amach nerromopa' ñeñtcha'ña nanac sherbats socop.

25 Ñeñto'marña napa' neñoteñ amach nerromo, amach nesa'nerrso, allochñapa' allo'nach nesen seychatnomue' allohuenes atto ñerra'm allo'na yesen yemtaya Cristopa' chocmachña yocshena.

26 Allochñapa' ñerra'm esempo neçherr seshopa' allempochña alla neñotaterr serr nanac, attoch allo'na sesen nanacmañen coshaya Cristo.

Chocmuepa'ch yocrrena e'ñe cohuen ñeñi atet oteney Yompor po'ñoñō

27 Te'pa' añach notas, chocmuepa'ch socrra e'ñe cohuen ñeñi atet yortaten ñeñtey ameñenaya Cristo po'ñoñ. Allochñapa' ñerra'm machayoña nabcherrsa' amapa' ñerra'm ama'tcha' ama yabchannerropa' e'ñepa'chña cohuen ne'mare'tenes atto e'ñe huomenc sepen seyoçher attoch e'ñe patrra soctape'chen. Ñaña o'ch ne'mare'tas atto sapa' sema'yoçhrena allohuenes parro attoch semoñena añ cohuen ñoñets alloch yequeshperra.

28 Ñaña amuepa'chña añña seyore'tatstaye ama't mamesha ñeñi se'moñe'tene' tarro'mar ñetpa' ñeñfcha'ña eñotatahuet po'ñoçh ñetpa' amach quesherreto. Tarraña yocopñapa' ñeñña yefotatene' po'ñoçhpa' yequeshpa'huerrach. Añeçhnopa' Yomporo poctapña.

29 Ama patrrayaya muenatenye Yompor atto o' yame'ñera Cristo. Añña e'ñe puemuerenofey muenateney ñaña e'ñe yame'ñeño'pa' çhocña yemue-roçhta ñocop.

30 Ñeñto'marña sapa'çho'ña e'ñe pocte' o'ch sa'mueroçhtataretta Cristocop e'ñe atet sentenen na ahuaototeñ ama't teme'tsenpa' se'mare'tenen napa' allo'tsenarana all nemueroçhtena e'ñe name'ñeño' Cristo.

2

Atetcha' yentena yañeña e'ñe puesheña'ttsoy atet ente't Cristo e'ñe ñañeña

1-2 Te'pa' o'ch notas ñaña po'poñ. Ñerra'm po'ñoçh yame'ñeño' Cristo e'ñeçh yocshatannena allempoña po'ñoçh sapa' socshatterrencha' ñaña. Añña ñeñfcha' nocshatene' e'ñe poctacma ñerra'm e'ñeçh patrra soctape'chuen allohuenes. Ñaña ñerra'm po'ñoçh e'ñe yemorrentanna'teño' e'ñeçh yeyemtanna'tuenapa' ñehua, te'ñapa' çhocmuepa'ch semorrentannena ama't e'ñe sagatssa ñeñtes e'ñe parro'marneshacmas. Ñaña ñerra'm allohueney po'ñoçh chorra'huenya ñeñfara Parets Puecamquëñpa' ñeñtotcha'ña e'ñepa'ch sepatrratuen soctapño' allohuenes. Ñaña ñerra'm po'ñoçh e'ñe socsheñesha' semuerannenapa' ñeñtotcha'ña amach po'poñ sentanna'tuatsto.

3-4 Ñaña amach añña atarr sellcatsto ñeñi e'ñe socpa. Añña'ña puesheña'ttsospa' sellcapreta ñeñi llecatyene' samo'ts. Ñaña amach sañeña entatstatsto atet ñerra'mrrate' ñeñtes nanac sherbets. Añña'ña atet sent samo'ts atet ñerra'mrrate' ñeña nanac sherbetset, pañapa' amach es asherbenaye' penteno.

5 Añña pocte' o'ch senta sañeña atet ente't Cristo Jesús e'ñe ñañeña allempo huapa añe patsro.

6 Ñehua, ñapa' ama't nanac Paretspa' ama ommo'chane'te po'partsoña.

7-8 Ñapa' e'ñe pocte' enche't o'ch atet enteñ acheñenesha' ñerra'mrrate' ñapa' ama Partsoyaye, o'ch atta orrtena ñerra'm ama esoyaye atet pena acheñ ñeñi e'ñeçh pauner a'parettena. Tarraña añecop atet pe't attotcha' sherbenan Pompopor ama't ñaña acheñenesha'. Ñaña ñapa' ama't Paretspa' o' acheñetos arr patsro, e'ñe atet orrtosa ñerra'm ya ñeñtey arromña'fey. Ñaña'pa'

allo'na sen pauner entatatsa attotña e'ñe pue'mñoteñoŧ Pomporpa' e'ñe pocte'eñch o'ch rroma corsocho ñeñt nanac apencothen entete't ñerra'm esesha'rromats atet corsocho.

⁹ Ñeñto'marña attotña Pomporpa' o' alla nanac a'cohuentater ñaña o' alla apguer ello pa'so'cheñ ñeñt nanac cohuen sherbets. Ñeñña so'chñetspa' ello metana'tuanenan allohuen po'poñechno so'chñetsochno.

¹⁰⁻¹¹ Ñeñto'marña esempohuañenpa' allohuenet po'yorñoetpa' a'meta'hueretcha' e'ñe poctacma, Jesucristepa'tña ñeñt nanac partsotets. Allochñapa' atto e'ñe pame'ña'rртеñoŧet Jesús pa'so'chñopa' concorpa'rretueretcha' allohuenet ñeñt allpon eñall ama't allohuen ñeñt ento'marnesha' ñaña allohuen patso'marnesha' ñaña allohuen o'pono'tseneshachno ñeñt patso'tsen. Attochña allempopa' aye'chochtataretterra Yompor ñeñt nanac Parets.

Añach yema'yochrena attoch allo'nach yesen ama't acoŧa etsotyeshomue' ñeñt poctetsa Cristocop

¹² Te'pa' e'ñe nemorrenteñoŧes masheñnesha ñaña nochanesha o'ch notenes, ahuañmo'chapa' chocma se'mñotne't ñeñt atet notase't allempo sesho'tsenen. Te'pa'cho'ña attecmach se'mñoten ñeñtcha' atet noterserr ama't te'pa' nanac ba'chayo'tsenen seshoŧ. Te'pa' añach notas ñeñtcha' atet seŧa. Chocmuepa'ch sema'yochra attoch allo'nach sesen etsotnomue' ñeñt cohuen enten Yompor, tarro'mar ñapa' ñeñtēcopña o' a'queshpaterres. Tarraña e'ñech señtcha'na'teñoŧ seyomcha Yompor tarro'mar yeñoteñ yoro'cheno'tsenya ñerra'm ama Yompor po'huamenco yeyemto.

¹³ Tarro'mar Yompora e'ñe yemnatene' e'ñe yeyochro ñeñt cohuen enten ña. Ñaña ñapa' ñach ahuamencat yepene' attoch yetsotoñ ama't ora erra'tsencha' coshatene' ña.

¹⁴ O'ch noterserr ellonet te'pa' ñeñt ama atteye' es sepeno. Ama't eseshacpa amach epuoye' es atet sepeno, señoŧesheshoŧpa' amach es sotnare'tanna'tatsto.

¹⁵ Allochñapa' ñerra'm ama atet yepenopa' e'ñech cohuen entyeneý allohuen acheñenesha', amach eñalle attoch esesha'pa' o'ch eñosyeney yocop año' pocteye' es yepa'yeno, tarro'mar e'ñech cohuen es yoctape'chyen attoch yorrtaten atet penaña ñeñt po'ño'ch o' puechemer per Yompor. Amach eñalle ñeñtcha' a'sosyatene' atto yocrrena e'ñe cohuen Yomporecop añe patsro. E'ñech cohuen yorrtena acheñenesnacop ama't ñeñt ama ame'ñetso ñeñt atarr nanac sosey cotape'chenet. Cohuencha' yorreyena atet ñerra'mrrate' rantochno ñeñt a'puetarene' checmete' tsapo.

¹⁶ Attoch sa'puetarsamŧsanetpa' choch señoŧaterranet ñoñets ñeñt huetsa Yomporeshoŧ alloch yocrerra e'ñe cohuen. Allochñapa' ñerra'm esempohuañencha' huerra Cristopa' socshaterrencha', tarro'mar neñotercha' ama e'ñe orrena nanac netorrerro socop.

¹⁷ Ñaña ama'tcha' machayota muetsaterrnet arr atto napa' o' name'ñatasa, napa' atarr nocshena ñaña te'pa'cho'ña nocshapretensa atto same'ñerra. Añña same'ñeñapa' ñeñtcha' yehuapateññañ Yompor atet ñerra'mrrate' ñeñt amsarettetsa ñocop. Ñaña nerraspa' ñeñtcha' orrtatsa ñerra'mrrate' ñeñtcha' ashatarettatsa all ñeñtcha' o'patateñet Yompor.

¹⁸ Ñeñto'marña napa' nemneñ sapa' amach cha sellcatsto, chochña socshapreterra ñeñt atet o' notuas.

Timoteopa' nanac cohuen llecapretane't pamo'tsesha'

19 Te'pa' o'ch notas ñeñt atet noctape'chen. Añ noctape'chen o'te' nemñer masheñ Timoteo tayecma o'ch enterrsa', ñerra'm atetcha' muena' Yepartseshar Jesús. Allochñapa' ñach neñotaturre' errotente' sepa'yena, allochñapa' atoch socshaterren ñerra'm cohueno'tseneste'.

20-21 Añcha' nemñonas masheñ Timoteo tarro'mar ama eñalle ama't puesheñarra ñeñt cotape'chene' cohuen atet ñerra'm ña ñeñtcha' e'ñe po'ñoçh sellcapretenaya ñeñt echarr sentyen. Tarro'mar ama't eñalleñ ñeñt parro yetorra, ama allohuenacmaye' llecapretenseto ñeñt echarr sentyen. Añach torra'yenet ñeñt e'ñe ñocpueta. Amachña añeye' llecapreteneto attoch torrenet ñeñt nanac sherbets Jesucristocop.

22 Ñaña sapa' e'ñe señotueñ atet masheñ Timoteopa' e'ñe cohuen pa'yena allempo parro yeserrpare'tatyen añ cohuen ñoñets alloch yequeshperra. E'ñe cohuen torrapretenna atette'ña ñerra'm yechemerpa' e'ñech cohuen yenpueney yetaruas.

23 Ñehua, esempoch e'ñe neñoçh ñato' errotente' poctetsa nocoppa' napa' noctape'cheñ o'ch nemñonas masheñ Timoteo.

24 Na te'pa' aña necuen Yepartseshar Cristo ñerra'm ñach muenats, napa'cho'ña nabcherrsa'ch amach atarr natomatatsche.

Atto Epafroditopa' yenpa'yesosan Pablo all cárcelo

25 Ñaña o'ch notas po'poñ, e'ñe pocte' nenteñ te'pa' o'ch alla nemñer sesho masheñ Epafrodito ñeñt parro yetaruaseño'pa' nanac yetorre't Yomporecop. Ñeñtara masheñ Epafroditopa' ñeñt semñon ahuaña ñach neyenpa'yesose' all es nepalltena ñeñtcha' neyenpose' arr.

26 Napa' e'ñe pocte' nenteñ te'pa' o'ch alla ahuer sesho, tarro'mar ñapa' nanac yerpuensa attoch o'ch alla entuerres. Tarro'mar ñapa' añ nanac llecatene' atto sapa' ahuo't se'mare'ch ñapa' cha atсна'tos arr.

27 Ñehua, po'ñoçh ahuañapa' cha atсна'tos cha muene' rromañ, tarraña Yompor e'ñe puemuereño'teypa' o' alla a'crrater atto ñerra'm rromaña' ellote' na'na llecatañ arr cárcelo.

28 Neñto'marña e'ñe poctennana o'ch nemñer e'ñe tayecma sesho allochñapa' o'ch socshapuera ñerra'm esempoch cherr e'ñe sesho. Allochñapa' amach ña'na allo'na nellcatnenaye.

29 E'ñech separasyoso'teñesha' Yepartseshar Cristo o'ch sagapapuer ñaña e'ñe socsheñeshocmañen. Ñaña o'ch notas, chocmuepa'ch semorrenteña ama't erra'tsena acheñer ñeñt e'ñe atet senten ñerra'm ña.

30 Atto ñapa' e'ñe puemneñño't o'ch torra Cristocop cha atсна't ama't cha muene' rromañ. Atarr yoreretsot corrrera arr, tarraña ñapa' ama ñeñtayaya mecha'to attoch ñapa' o'ch yenposen, ñeñt sapa' amate' errot sepe attoch sehuacha'ta baçhayot e'ñe puesheña'ttsos attoch seyenpuenna' arr.

3*Arrpa' all eñotatyesanet ñeñt e'ñe po'ñoçh sherbets Yomporecop ñaña ñeñt e'ñe orrena cotapñats*

1 Ellonetpa' o'ch alla masheñesha ñaña noçhanesha noterrser po'pocheño, e'ñe same'ñeñot Yepartseshar Cristopa' chocmuepa'ch socshena. Ama't te'pa' o'ch alla noterrser atet tarro'mar amach nemuenme'che sotare'te' atet, tarro'mar ñeñt'pa' ñeñtcha' nanac seyemta sa.

² Ñaña te'pa' o'ch notas po'poñonef. Señota'tach ñato'tña seyemteña' ñeñf acheñeneshar ñeñf añach torrenet ñeñf ama cohuenayaye, ñeñf e'moñe'tene' cohuen serrparñats ñeñf alloch po'ño'ch yequeshperra. Ñetpa' e'ñe atet nentenanet ñerra'mrrate' ochec ñeñf nanac atsena'taret. Ñeñf judionesha' ñeñf o' notuanmaspa' añach ma'yo'chrenet cotapñats attoch tsorrannenet atto'ch puechemer perranetañ Yompor.

³ Tarraña yapa' yaña e'ñe po'ño'ch puechemer o' enterrey Yompor, tarro'mar yapa' e'ñe yeñoteñ ama yetsorranna'teñofeye' puechemer penyey Yompor. Po'ño'ch puechemer perrey tarro'mar yapa' e'ñe yocsheñof Parets ñeñfpa' e'ñe Puecamquëñof huena. Ñaña puechemer o' perrey Yompor tarro'mar yapa' yocsheññaña Puechemer Cristo Jesús ñaña tarro'mar yapa' ama añeye' yeyemteno ñeñf atet yetsotaten e'ñe yañeña, ñeñf e'ñech yechtsochaya.

⁴ Ñehua, ñerra'm esesha' ñetpa' cha'te' otenapuetañ añte' poctetsa o'ch yeyemtena ñeñf allo es yepenañ alloch yequeshperra e'ñe yototapa' nocoppa'cho' eñalleñ shonte' ñeñf neyemtenañ, tarro'mar ñeñf allpon o' netsotatuena' ello metana'tuenan allohuen po'psheñe'chno namo'tsesha'chno puetsotateñ.

⁵ Tarro'mar napa' o' e'ñe allpon netsotueññañ judionesha' poctapña: Ama't po'psocmatño'feñ allempo ne'ñalletuapa' napa' atsorrata'tolle'tareten* ñeñf atet anuaret allohuen asheñorro'folleshacop ñeñfey judioneshay, tarro'mar e'ñe israelena'tareshot ñeñf e'ñe judiom'reyot eñalletñan. Ellonetpa' ñaña napa' Benjamín po'mrenñen. Ñaña napa' e'ñe hebreoneshan tarro'mar ach ñaña apapa' e'ñe judioneshet poctacma ñeñf eñets e'ñe ya yeñoño ñeñfara hebreacho. Allo'pa' ñaña na ahuatpa' e'ñe fariseoneshan ñeñf ten nanac ma'yo'chraye't attoch netsotua ora allpon ñoñets ñeñf aquellca'huaret judioneshacop.

⁶ Nanac netsote't judionesha' poctapña. E'ñe nemoñseñof yoctapña napa' ne'moñe'che't allohuen ñeñf o' ame'ñerrana Cristo. Ñeñto'marña epaye'ch ne'name'tanete't attoch errotentopa' o'te' errot nepatanet. Ñaña ora atet oteney ñoñets ñeñf atet anaret judioneshacop napa' chocma e'ñe atet nepohuahue't. Ñeñto'marña ama eñalle'te ama't patrra ñeñf nepalltena attoch ello po'psheñeñpa' o'ch otnet ñeñto' nepalltenmeñ.

⁷ Allempo atet netsotrrote't ñeñfecop nañapa' ñeñfa notenapañ ñeñfte'ña nanac sherbets nocop. Tarraña te'ñapa' e'ñe nemorrenteño' Cristopa' o' neñoter ñeñf allpon o' nepohuahua'pa' amach es sherberro nocop ama't coñe'ta.

⁸ Ama't ellonet allohuen po'poñe'chno ñeñf nente't ñeñto'ch sherbatseñ nocoppa' te'ña e'ñe neyemteño' Cristopa' ama asherbenaye' nenteñe, ama't coñe'ta, tarro'mar te'pa' o' neyemtera Yepartseshar Cristo Jesús ñeñf nanac sherbets. Ñapa' ello metana'tuenan allohuen po'poñe'chno ñeñf atet nente't na ñeñto'ña nanac sherbets. Ñeñto'marña nemorrenteño' Cristo te'pa' o' nepuesuerr ora po'poñe'chno, nocop te'ñapa' ama esoye' nenteñe eshechca' te'pa' e'ñech nocsheñesha' nocter Cristo.

⁹ Allochñapa' e'ñe yeparrocmateño' Cristo, Pomporpa' e'ñech pocte' enteney tarro'mar amach añofeye' a'queshpaterrye e'ñe yotota ama't yetsotat-

* 3:5 O'ch secue' nota San Lucas 1.59.

setuahua ñoñets ñeñt atet anaret judioneshacop. Añoñcha'ña te'pa' e'ñech pocte' enterrey e'ñe yeyemteñoña ñeñt Puechemer pen ñeñpa' Cristo.

¹⁰ Atto e'ñe yeparrocmateñoñ Cristopa' o'ch yaguerrñañ po'huamenc atto ñapa' nanac ahumencattena allempoteñ tanterra puerromñoñ. Ñaña e'ñe yeyemteñoñ Cristopa' e'ñech pocte' yeñch ama't e'ñe errotentopa' o'ch yemue-roçhta e'ñe ño'mara atto ñapa' nanac amuerochtatarette't. Ñaña ama't yemuerochetuanenoñ Cristocopcha' yerromapa' ñeñpa' e'ñepa'ch pocte' yeñch tarro'mar atetcha' yerromaprecha Cristo.

¹¹ Attochña yapa'cho'ña yetantuerrach esempohuañen.

Ñeñiach e'ñe paterr llequë't Pablo

¹² Ñehua, napa' ama noteno napa' o' e'ñe poctacma netsotuahuen ora allpon ñeñt pocte' enten Cristo. Ñaña po'ñoçhpa' ama noteno napa' e'ñe es coçhneshare' noctape'chuen. Tarraña ama't atet neñotenapa' elloña te'pa' allo'ña nesen ama't acopa' o'ch netsotnom ñeñt pocte' enten Cristo Jesús, tarro'mar ñapa' ñeñtecop o' pueyochresha' perren.

¹³ Napa' masheñnesha ñaña noçhanesha neñotena po'ñoçhpa' ama atteye' nepohueno ora allpon ñeñt cohuentetsa Cristocop. Tarraña ama't atetpa' amach ñeñta neyerpuerre'te, çhochña nepuesuanom ñeñt atet nepatse'tyese't ahuatoteñ. Te'ñapa' añach nema'yoçhrena attoch allo'nach nesen ama't acopa' etsotayesnomue' ñeñt poctetsa Cristocop.

¹⁴ Tarro'mar ñeñtecop o' chore'terrey Yompor pue'ntañoñ attoch e'ñe yeparrocmateñoñ epay Puechemer ñeñt Cristo Jesús, esempopa' yeçpohuerrach ora errponte' e'ñe pocte' enten ña. Allochñapa' aphuerreycha' ñeñt o'patatenya ñeñtcha' nanac yocshatuerre' allohueney ñeñtey o' yame'ñera.

¹⁵ Ñaña o'ch notas ñeñtes po'ñoçh o' same'ña'huera Cristo ahuañmo'çoteñ, te'pa' ñeñtña o' notuanmas e'ñepa'ch seyothre'cha. Ñaña ñerra'm erra'tsente' soçtape'chyen ñeñt ama atteye' poctetso Yomporecoppa' ñeñtpa'cho'ña e'ñe ña Puecamquëño'tpa' ñach e'ñe señotatuerre'.

¹⁶ Añoñcha'ña e'ñe pocte' o'ch yeçpohuena ñeñt allpon o' çhapatuonay Yompor e'ñe yeyoçhro ñeñt yeñoten erra'tsente' e'ñe pocte' enten ña.

E'ñech cohuen yocrrena atet corre't Pablo

¹⁷ Ñaña o'ch masheñneshacha' ñaña noçhaneshacha' o'ch notas, ñeñt atet sentenen atet nocrrena napa' sapa'cho'ña atetcha' socrra samña allohuenes. Ñaña añoñcha'ña secua' ñeñt señoten erra'tsente' ñeñt e'ñe atet corretsa cohuen ñeñt atet entenyet ya.

¹⁸ Tarro'mar añ patsropa' eñall shonte' acheñenesha' ñeñt atet penetpa' yapa' yeñoteñ ama ayemuetpahuoye' enteñeto atto Cristopa' rroma corsocho attotcha' yequeshperra. Ama't ñeñtpa' shontoch o' notuanmas ahuañapa' te'pa'cho'ña e'ñe nanac nellquëñesha'pa' o' alla noterrser.

¹⁹ Ñetpa' añ o'patenahuet attoch allohuenetpa' e'ñech chencha'huerret. Añoñ yoma'yenet attoch rra'yenet amapa' orrare'tyenet. Ñeñt atet yomats'tyenetpa' ñeñtpa' atet ñerra'mrrate' ñeñta po'yomporer penet. Ama't ñeñtcha' pencatahuetañpa' tarraña ñeñtapa' ñeñtch atarr coshatenahuet. Ñaña añach e'ñe nenet pueyoçhro ñeñtcha' atet coshatse'tatyenahuet arr patsro.

²⁰ Tarraña yapa' o'huañ attey' yoctape'ch tarro'mar añ patsropa' ama't all yeychenañpa' tarraña po'ñoçhpa' ama ya'netsreyaye. Tarro'mar ya'netsro allcha' yeyçherra ya errponohuañenpa' ñeñtpa' all Yompor pue'ntaño. Ñeñfara pue'ntaño'pa' yecueñ allot esempohuañencha' huerra Yepartseshar Jesucristo ñeñt Ya'queshpatañer yepen.

²¹ Ñerra'm o'ch huerra añe patsropa' ya ñeñfey arromña'feypa' ñapa' o'ch a'po'poñetuerriy yechets, allochñapa' yapa'çho'ña yorrterrach e'ñech attey ñerra'm ña po'partsoteño'pa' nanac cohuentena. E'ñech ña po'huamencot a'po'poñetuerrey ñeñfara po'huamencotpa' e'ñech pomnaren ðohuerran allohuen allpon ñeñt eñall.

4

¹ Ñeñto'marña masheñneshacha' ñaña noçhaneshacha' e'ñe nemorrenteño'fepa' o'ch notas, çhocmuepa'ch huomenc sepa'nem seyoçher Cristocop ñeñt Yepartseshar yepen. Añpa' atet notenes tarro'mar sapa' çhocma neyerpuensa ñaña çhocma socshatenen atto sapa' e'ñe cohuen same'ñena. Nanac nocshensa tarro'mar napa' nentenes atet ñerra'mrrate' necopa' ñeñt o' naguërr e'ñe netorreño' Yomporecop e'ñe so'mar. Atarr nanac nemorrentensa.

² Ñaña o'ch noteñ noçhanesha' Evodia ñaña Síntique, amach allo'na po'poñ entanna'tatsetneneto tarro'mar e'ñe yame'ñeño'f Yepartseshar Cristopa' e'ñech cohuen yemuerannena.

³ Ñaña o'ch notas, ama't erra'tsenotesa ñeñtes po'ñoçh nanac neyentenapa' o'ch samo'tstatanna'terranet añ epsheña coyanesha' tarro'mar ahuañmo'chapa' e'ñe parrocmá nanac yema'yochre't attoch epa'hua añ cohuen ñoñets alloch yequeshperra, ñaña epay Clemente ñaña po'potantañ ñeñt parrocmá nanac yetorre't ahuañmo'cha. Ñet pa'so'chñe'çhnopa' o' aquellca'huaretterret attochña ñetpa' corretsetach.

E'ñe yame'ñeño'f Yomporpa' çhocmuepa'ch yocshena

⁴ Te'ñapa' o'ch noterrser atet, e'ñe same'ñeño'f Yepartseshar Cristopa' çhocmuepa'ch socshena. O'ch alla noterrser, çhocmuepa'ch socshena.

⁵ Eñotuasepa'ch allohuen acheñenesha' atto sapa' e'ñe cohuen acheñres, amach çha po'poñ es sentatatsetuenaye, ama't erroteno'tsenes. Tarro'mar yeñoteñ po'ñoçhpa' alla'tsena Yepartseshar Cristo.

⁶ Amach es sellcatsto ama't e'ñe mamesha. Añcha'ña ama't erroteno'tsenes e'ñe sema'yocheño'pa' çhocmuepa'ch sotue Yompor ñeñt sellcatyene' ñaña e'ñe socsheño'f Yomporpa' çhocmuepa'ch senamyeyñ ñaña ñeñt sepallta'yena.

⁷ Ñerra'm atetcha' çhocma sepena, Yomporpa' ñachña ama semnatenaye o'ch es sena'yen seyoçhro ama't coñe'ta. Áttoch eñmataterrnay Yompor yeyoçherpa' ya acheñey e'ñe yoctapño'fapa' amate' errotenot e'ñe yotapa' yeñmataterro atet. Ñeñto'marña e'ñe yeparrocmateño'f epay Cristo Jesús, Pomporñapa' cohuañpennaycha' yeyoçher attoch amach allo'na yena'nenoyeyoçhro ñeñt allcatañtetsa.

Añcha'ña e'ñe cohuen yoctape'ch ñeñt e'ñe cohuen entuen allohuen acheñenesha'

⁸ Te'ña masheñnesha ñaña noçhanesha e'ñe allohuanenpa' o'ch noterres, añcha'ña soctape'chyes ora erra'tsente' seño'ten ñeñt e'ñe cohuenetyetsa ñaña ñeñt ora cohuen entuapotetsa. Ñeñfcha'ña soctape'chyes

ora erra'tsente' ñeñt ama shequëñtsoyaye, allotpa' ñaña ora erra'tsente' asherben entpahuotets, allotpa' ñaña ora erra'tsente' ñeñt poctetsa, allotpa' ñaña ora erra'tsente' ñeñt ama sosya'tsañeyaye, ñaña ora erra'tsente' amorrentanna'tatañtetsa, ñaña ora erra'tsente' ñeñt e'ñe cohuen aserpare'tpahuotets. Ora allpon añechnopa' ñeñtcha'ña atet soctape'chyes.

⁹ Ñaña o'ch noterrserrr po'poñ ñeñtcha' atet sepa. Allpon o' neychatuas, ñaña allpon o' neçhapatuonas seyoçhro, ñaña allpon o' neñotayesas, ñaña allpon sentenen ñeñt atet es nepa'yena napa' sapa'çho'ña te'ñapa' e'ñepa'chña atet es sepa'yen saña. Allochñapa' Yompor ñeñt acshatañtetsa yeyoçhropa' ñachña parro'tsenes allohuenes.

Atto filiposo'marnesha'pa' es apueñet Pablo ñeñt pallta'yena

¹⁰ Ñaña o'ch notas, e'ñe neyemteñoñ Yepartseshar Cristo, napa' atarr nocshena tarro'mar sapa' o' alla seyerpuerrna. Ñehua, napa' ama notenso o'te' sepuesuerren, añña noten sapa' ama't errot sepeñe attoch seyenpa'n.

¹¹ Ama çho es nemnapreteñoñeye' notenso atet, tarro'mar na te'pa' o' çhapona neyoçhro ñeñt atet cohuentetsa, ñeñto'marña te'pa' o' attaña neyçha ama't erroteno'tsenanapa' tarraña attachña çhocma nocshena neyoçhro.

¹² Ñehua, napa' neñotena errotenopa' nanaccha' es nepallta'yese't atto yocrena añe patsro, ellonetña errotenopa' esocmañencha' nechyese't. Tarraña ama't erroteno'tsenenpa' na te'pa' o' neñoch o'ch attaña neyçha; ñerra'm es nepalltena errotenopa' amach çha llecatenno, ama't çho esocmañen es nechy es errotenopa' amach çha nommo'cheño. Ñaña attecmaçh nocshena ama't esempo eñall shonte' nerrar ñeñtcha' neyetená, amapa' esempo ama eñalle ñeñtcha' nerrén, amach es ne'nenó.

¹³ Ñeñto'marña napa' e'ñe neñoteñ, yapa' ama't erroteno'tsenyapa' çhocmach ahuañcatey tarro'mar Cristopa' ñach nanac ahuañcateyepene'.

¹⁴ Tarraña ama't o' notuanmas atetpa' e'ñe pocte' nenteñ atto sapa' sellcapretenna ñeñt nemueroçhtatene' arr.

¹⁵ Ñaña sa ñeñtes filiposo'marnesha' e'ñe señotueñ allempo ñanom neserpare'tnom cohuen ñoñets alloch yequeshperra, allempo non Macedonioñ, allempopa' ama't allemeñ anetso'marpa' ama eñalle acheñenesha' ñeñt atet apçherrtsa Yomporecop ñeñtcha' nellcapretenaya attoch e'ñe parroçma es yapanna'ta. Sapa' saña e'ñe sapta ñeñtes es napuene' ñeñt allpon nepalltena.

¹⁶ Napa' ama't ahuañmo'cha allempo Tesalónico'tsenenpa' ama parroçhotayaya sapa' çhocma soñmaten ñeñt sapuenen añecop ñeñt nepallta'yena all.

¹⁷ Ñehua, napa' ama nocpaye' nemnapretenso o'ch es sapuenen. Añña nemnen ñaña allochñapa' socoppa'çho'ña ellopa' o'ch atonetnoma attoch coshatuerres Yompor.

¹⁸ Te'pa' o' aposen masheñ Epafrodito ñeñt allpon soñmaten nocop. Ñeñt allpon o' nagaponaspa' te'pa' ama es nepallteno' ama't coñe'ta, elloña çha metanuosan allpon ñeñt nepalltena. Ñeñt allpon sapuanpa' napa' e'ñe attecoptar nenteñ ñerra'mrate' ñeñt apuenet Yomporecop ñeñt eñmosañtetsa ñeñtcha' e'ñe pocte' enten, ñaña ñeñtcha' nanac coshatene' ña.

¹⁹ Ñaña Yompor ñeñt e'ñe neyemtena napa' ñachña sapuerre' saña ama't ora ñeñt allpon sepallta'yena sa, tarro'mar e'ñe yeparroçmateñoñ epay

Puechemer ñeñĩ Cristo Jesús ñeñĩ e'ñe esocmañen es echyetspa' nanacocmañencha' esocmañen apuerrey yaña.

²⁰ Aye'chochtataretepa'ch Yompor ñeñĩ atarr Parets. Ñeñĩpa' attetepa'ch ama't tayoteñ errponohuañen.

Arrpa' all so'tnerranet e'ñe po'cartot

²¹ Ñaña o'ch notas, o'ch sehuom̃cha'ch allohuen ñeñĩ pueyochresha' o' perr Cristo Jesús. Ñaña allohuen masheñnesha' ñeñĩ e'ñe parro'tseneypa' ñetpa'cho'ña mueneñet o'ch huom̃cha'taset ñamet arr necartot.

²² Ñaña allohuen ñeñĩ pueyochresha' o' perranet Parets arr Romopa' ñetpa'cho'ña mueneñet o'ch huom̃cha'taset ñamet necartot. Ñeñĩ nanac muenets atetpa' ñeñĩpa' ñeñĩ parro yechena ñeñĩ atarr am̃cha'tarettetsa arr Romo.

²³ E'ñe Yepartseshar Jesucristopa' ñepa'chña e'ñe sa'natenaya allohuenes. Te'pa' ñeñĩfach notas, ñeñĩpa' attetepa'chña Nompore. Allohua.

Pablo

AÑ SAN PABLO PO' CARTA ÑEÑĪ QUELLCAN COLOSASO' MARNESHA' COLOSENSES

Atto Pablopa' quellcan carta añecop ñeñĪ ame'ñetsa anetso Colosaso

1-2 Masheñmeshacha' ñaña nočhaneshacha' ñeñĪes o' pueyochresha' perres Parets e'ñe seyemteñoĪ Cristo, sa ñeñĪes yečhetsa all anetso Colosaso. Na Pablón sequellquēne'ña añ carta epan masheñ Timoteo. Napa' ñeñĪen Cristo Jesús puellsensaren tarro'mar atet muenatenen Yompor. E'ñe nehuomĪcha'teñoĪes sa napa' o'ch notas: Yomporepa'ch Parets sebensare'tañpene' ñepa'chña sočshatene' e'ñe sa seyočhro allohuenes.

Arrpa' all parasyoso'teñet Yompor ñocpuet

³ Yapa' allempo yema'yochañpensapa' čhocma yeparasyoso'teñ Yompor, ñeñĪara Yepartseshar Jesucristo Pompor.

⁴ Tarro'mar yapa' o' ye'mare'tas atto sapa' atarr same'ñeña Cristo Jesús. Ñaña ye'mare'tenes sapa' atarr semuereña allohuen ñeñĪ pueyochresha' pen Parets.

⁵ ÑeñĪpa' tarro'marña sapa' atet atarr seyemteña sapa' e'ñe same'ñeñoĪ Cristopa' sapa' añ atarr seyemtēna ñeñĪ o'patatēna all pue'ntaño. ÑeñĪña sapa' ahuañoĪeñ se'mñotenña cohuen ñoñets ñeñĪ e'ñe po'ñočh Yompor po'ñoñ alloch yequeshperra.

⁶ ÑeñĪña cohuen ñoñets ñeñĪ čhapats sesho ñeñĪña te'pa' allemeñ čhapyen, allpa'čho'ña nanac ame'ñatenana shonte' achenēnesha'. Allpa' allo'na senet orrtatyeset ñeñĪ e'ñe cohuen enten Yompor. Ñetpa' e'ñe atet penet atet sepena saña. Sa po'ñočh allempo errtes e'muerre' Yompor po'ñoñ atto ñapa' atarr morrentēnya, sañapa' e'ñe allempoteñ čhaponasa seyočhro ñeñĪña ñoñetspa' e'ñe po'ñočh Yomporo po'ñoñ. Allempoteñña sapa'čho'ña allo'na sesen orrtatyesnomue' ñeñĪ e'ñe cohuen enten Yompor.

⁷ ÑeñĪara cohuen ñoñets ñeñĪ ñanom yečhatas masheñ Epafras. Ñapa' ñeñĪ e'ñe parrocmā yetorrena Yomporecop, atarr yemuerannēna. Ñapa' čhocma atarr cohuen torrena Cristocop ñeñĪñapa' e'ñe socop.

⁸ Ñapa' e'ñe cohuen eñotatuerrey atto sapa' atarr semorrentannēna e'ñe same'ñeñoĪ Cristo.

Arrpa' all ma'yochampeñet colosaso'marnesha'

⁹ ÑeñĪo'marña allempo ye'mare'tas allempoteñ yapa' ama yequēchpueno semā'yochamĪpsaya Yompor. Yapa' añ yenamūēnnas Yompor: Sapa' čhocmuepa'chña eñotatenes ñeñĪ atet muenen ña ñeñĪcha' atet sepa'yes e'ñe cohuen ñocop. Ñaña čhaponasepa'ch seyočhro ora allohuen ñeñĪ atarr cohuentēsa yecamquēñecop.

¹⁰ Allochñapa' o'ch e'ñe seycherr ñeñĪ atet poctētsa allohuenacop ñeñĪey pueyochresha' pen Yepartseshar. Allochñapa' attochña e'ñe sočshateñ. E'ñe atto es cohuen sorrtatēyēpa' nanaccha' cohuenot sesherbeñ. Allo'nepa'chña sesen eñotnomue' ñeñĪ atet penaña Parets.

11 Ñaña añ yenamuenas Yompor: Po'partsoteña ñeññ cohuenñatsotetspa' e'ñepa'chña ahuamencat pa'yesas e'ñe pöctacma allochñapa' amach cha sequehpatstere. E'ñechña socsheñesha' sa'huanta' huanomña allohuen ñeññ atarr echarr sentyen.

12 Ñaña sapa' chöcmuepa'ch separasyoso'ch Yompor tarro'mar ñapa' a'pöctaterrnay atoch yagapapreter yamña ñeññ o'patatenana allohuen pueyochreshachno. Ñeññapa' ñeññ po'cohuenña pen ñeññ atarr cohuentetsa allñapa' puetaretsa.

13 Tarro'mar te' Yomporpa' o' cheterrey checmetot all amcha'noçhtena oneñeñ. Te'ña yapa' o' chapaterrey po'cohuenño all ayochreshattena e'ñe ña Puechemer ñeññ Jesucristo ñeññ atarr morrentena ña.

14 Ñeññña Jesucristo ñeññña rromats yocop ñapa' attoña e'ñe tsa'tuerrnayaña yo'chñar atoch e'ñe peretna' huerrnay yo'chñar esheccha'ña e'ñech cohuen a'queshpaterrey Yompor.

Allempo ashataretta Cristo po'r ras corsocho, ñeññña e'ñe a'mchechatue'ña allohuen esocmañen

15 Yompor Paretspa' ama entpahuo, tarraña Cristoña ama't entpo'pa' ñapa' e'ñe parro attecma ñerra'm Pompor Parets ñeññ ama entpahuoyaye. Ora allohuen allpon eñalletyestsas, Cristoñapa' e'ñe ñanom eñall ñeññcha' pomnaren penahuet allohuenet.

16 Allohuen ñeññ allpon ayeçcataretetyestsas ña e'ñe yeçcatuahuet, ama't ora allpon ñeññ ento'tsa'yen ñeññ ama entpahuoyaye ñaña allohuen ñeññ yentyen arr patsro, e'ñe ñocma pueyeçcatuar. Ñaña allohuen ñeññ allpon amcha'taretetyestsas, ñaña allohuen ñeññ allpon ayochreshatetyestsas, ñaña allohuen ñeññ allpon amcha'noçhetyestsas erracmañen, ama't ñaña allohuen ñeññ allpon huomenc entyestsas, ora allohuenet ñeññet ayeçcataretet e'ñe ñocma pueyeçcatuaranet. E'ñe ñocpacma ayeçcataretetyesuahuet.

17 Ora allpon ñeññ esocmañen eñallpa' ñaña'pa' e'ñe ñanom eñall. Ora allpon ñeññ esocmañen eñallpa' ñapa' ña orratyenahuet.

18 Cristoñapa' yeyoçher* yepohueñ allohueney ñeññey parrocmatenaya e'ñe yame'ñeñoñ ña, tarro'mar ñapa' ña yocape'chatene' e'ñe cohuen allohueney ya ñeññey e'ñe po'chets pohueney. Ñeñño'mar Cristopa' pomnaren peney allohueney ñeññey ame'ñenaya ña. Ñapa' e'ñe ñanom orrtatene' allochña yapa' corretsayach allohueney ñeññey e'ñe po'chets pohueney e'ñe yeparrocmateñoñ epay ña. Ñaña ñapa' ñanom tanterrtsa rromoñ, ñeñññapa' ellochña nanac sherberr. Ñeññpa' tarro'mar atet pa' allochñapa' ora ñeññ esocmañen allpon eñall, ñeññapa' Cristochña e'ñe ñanom nanac cohuen entyenet.

19 Pompor Parets e'ñe pocte' enteñ o'ch e'ñe cohuen chorrataña ora allohuen po'partsoña.

20 Ñaña'pa' e'ñe alla parrocmaten Pomproesho e'ñe parrocmata allohuen esocmañen, ama't ñeññ patso'tsa'yen, ama't ñeññ ento'tsa'yen. Allempo ashataretta Cristo po'r ras corsocho, ñeññña e'ñe a'mchechatue'ña allohuen esocmañen.

21 Ama't sa ahuatpa' atarr ellaþaro'tsa'yenes Yomproeshot. E'ñe se'moñe'teñoñ Yompor seyoçhro sañapa' aña seyeçcatyese't ñeññ ama cohuenayaye.

* 1:18 Ñehua, po'ñoçh Cristopa' arr atma'ntataret atet ñerra'mrrate' ñeññ yoñ yepen.

22 Tarraña te'ña Yomporpa' o' e'ñe parrocmataterres e'ñe ñesho. Ñehua, allempo amuerochtataretta Cristo e'ñe ña po'chtso atto rroma, ñeñtpa' attochña e'ñe parrocmataterres saña. O' e'ñe parrocmataterres attoña sapa'cho'ña o' sa'cohuentataretterra Partsocop, ñaña attoch amach sa'tanmaretterro, amach eñalle attoch sotteñe'charetterra. Te'pa' atetca'ye enterresña Yompor.

23 Ñerra'm po'ño'ch chocmach same'ñera Cristo, ñerra'm e'ñech huomenc seperr seyo'cher attochña sapa' amach sepuererro. Cohuen ñoñets ñeñt o' se'mhua alloch yequeshperra ñerra'm amach cha sa'ypo'ñañpere ñeñt o' seyemterra Yomporña'pa' enterrescha' o' e'ñe sa'cohuentataretterra. Añ cohuen ñoñets ñeñt o' se'mare'tua sa, te'ñapa' aserrpare'tataretterrach ñaña allohuen ñeñt corra'yetsa aña patsro. Ñeñto'marña na ñeñten Pablon nach sherberrets te'ñapa' nach serrpare'taterrahuet.

Atto Pablo a'potan ñeñt ahuatoteñ ama eñotpahuo

24 Te'ña na e'ñe nemuerochteño' socoppa' atarr nocshena. E'ñe nemuerochteño' nechtsopa' ñeñtpa' attoña netsotatenas allpon ñeñt palltetsa attoch nemuerochtaprecha Cristo allohuenacop ñeñt ame'ñenaya ña ñeñt e'ñe po'chets pen Cristo ñeñt e'ñe a'parrocmataten.

25 Ñeñto'marña te'pa' nach sherberre' allohuen ñeñt ame'ñenaya Cristo. Atet llesensenen Parets e'ñe socop, attochña napa' o'ch e'ñe na'potuerrñañ ora Yompor po'ñoñ.

26 Añcha' na'poterr ñeñt ama't ahuatapa' ama eseshaye' eñotaye'te e'ñe yatañeshapoteñ tarro'mar allempopa' ama chena' allempoch eñotaterranet Yompor. Tarraña te'ñapa' e'ñe eñotaterrey Yompor allohueney ya ñeñfey pueyochresha' pen Parets.

27 Te'ña Yomporpa' atarr mueneñ o'ch eñotaterrey ñeñt atarr co'chneshare' ñeñt po'cohuenña e'ñe ahuatoteñpa' ama eseshaye' eñotaye'te. Te'ña ñeñt po'cohuenña'pa' o' e'ñe orrtataretterra añecop ama't ñeñt ama judione-shayaya. Ñeñfña ama eñotete'te ahuatpa', ñeñtñapa' añepa't Cristo ñeñt chorrenaya yeyo'cher. Attoña e'ñe yeyemteño'ñ ña yañapa' o'ch yecohuentapretera.

28 Ñeñto'marña Cristopa' chocmach ya'poteñ. E'ñechña cohuen yoytaye'chatyeyñ allohuen ama't erra'tsena acheñer. Ñaña e'ñech cohuen yeychatyeyña allohuen ama't erra'tsena acheñer attochña ñetpa'cho'ña e'ñech eñotyeyñet ñeñt atet pena Cristo. Attoña e'ñe pueyemteño'fet Cristopa' o'ch ame'ñeñet e'ñe poctacma.

29 Ñeñto'marña napa' nanac netorrena ñocop. E'ñe po'huamenco ñeñt atarr ahuamencat nepene' attoña napa' chocma atarr netorra'yena ñocop.

2

1 Napa' nemneñ o'ch seño'ch atto napa' e'ñe nellquëño'fes sa atarr nanac netorrena socop. E'ñe attecma netorrena ñaña laodiceo'marneshacop, ama't ñaña allohuenacop ñeñt ama puentarno.

2 Allochñapa' attochña e'ñe socsherra seyo'chrohuen atto e'ñe semorentanna'teño'pa' o'ch e'ñe separrocmaterr. Attochña chaponasa seyo'chro attoch atarr es seño'tyerr. O'ch seño'terr ñeñt ama eñotete'te ahuatoteñ, ñeñtpa' ñapaña Yompor eñotene'. Ñeñtpa' e'ñepa'tca'ye Cristesho'tsenña

³ allohuen pa'namen eñoteñets ñeñt nanac cochneshare' yentyen. Ñeñt'pa' e'ñe yeyemteñoña Cristo esheccha' yeñoterrña ñeñt ama't ahuatapa' ama eñotpahuo.

⁴ Ñeñt'o'marña napa' atet notenes allochñapa' sapa' amach esesha' se-shquërraye ama'tcha' cotape'chatyesaset ñeñt atarr cohuen ñoñets sentyer-
reñ.

⁵ Ama'tcha' ama allo'tsenno e'ñe na tarraña neyerpueñoñes neyoçhropa' e'ñe parro'tsa'yenacmay. Sapa' e'ñech nochsheñesha' nentyenes atto e'ñe cohuenare' es sorrattyen. Ñaña nentenes atto e'ñe same'ñeñoñ Cristo o' e'ñe huomenc sepa'yen seyoçher ñocop.

⁶ Atto o' sagapuer Yepartseshar Cristo Jesús, te'ña sapa' allo'nepa'ch sesen e'ñe parrocmatats epas.

⁷ Attochña sapa' e'ñech huomenc sermuerrñañ po'ñoñ atet ñerra'mrrate' tsachrech atarr huomenc rromuenan pats, e'ñe separrocmateñoñ epaspa' allo'nepa'chña atonetnomaña ñeñt atto same'ñena. E'ñe same'ñeñoñpa' huomenquëpa'chña sepa'yenom seyoçher. Atterepa'chña allo'na sesen ñeñt atet yeçhatyenes. Ñaña çhocmuepa'chña separasyoso'chña Yompor.

E'ñe yame'ñeñoñ Cristopa' o'ch yesuanomña atet muenatyesy'e't yechets

⁸ Señota tach allochña sapa' amach esesha' seshquërraye. Ñato'rraña po'poñ cotapñatsofpa' çhate' shequërrset. Ñeñt cotapñatserpa' e'ñe orrena tarro'mar ñeñt'pa' atta shequënsset. Ñeñt'pa' arromñaña a'ntene'ña poctapña ñeñt atto shecare'tyenet. Ñeñt'pa' patso'marnesha, ñeñt'ñapa' ama poctenanoña Cristo poctapña.

⁹ Tarro'mar Cristo atto acheñetos ñepa'tña chorrenayaña allohuen Yompor po'partsoña.

¹⁰ Sapa' e'ñe separrocmateñoñ Cristo sa'ñaña chorrapretenayaña Paret. Ñeñt allohuen allpon amcha'taretetyests, Cristoñapa' e'ñe ñapña atarr sherben. Ñaña allohuen ñeñt allsensaretetyests, ñaña'pa' e'ñe ñapña atarr sherben.

¹¹ Sapa' e'ñe separrocmateñoñ Cristo te'pa' sesuanom atet muenatyese't sa sechets. Ñeñt'pa' ama añoñeye' hueno o'ch setsorratannena e'ñe sañeña sechets ñeñt atet yeçhena judionesha'. Ñeñt'pa' Cristeshotña huena e'ñe seyemteñoñ ña. Ñeñt'o'marña e'ñe separrocmateñoñ Cristopa' te'ña sapa' o' seyemporena'tarterra e'ñe po'ñoçh.

¹² Tarro'mar allempo sapataretta Yomporecop sapa' añ setma'ntena ñerra'mrrate' çho sepampapreteña Cristo. Elloña e'ñe sa same'ñeñoñpa' attoña o' setantapreteraña Cristo. Tarro'mar sapa' añ same'ñate' atto Yomporpa' orrtatan po'partsoteña allo tantaterran Puechemer allempo rroma.

¹³ Ahuat sapa' so'chñaoroña ama es soctape'çhperra' seyoçhro ama't e'ñe mamesha ñeñt cohuentetsa Yomporecop. E'ñe atet sepe't ñerra'm po'poñ acheñ ñeñt ama Yomporena'tareyaye. Ñeñt'o'marña sapa' çha sottet ñerra'mrrate' secamquëñpa' çha rromuen. Tarraña te'ña Yomporpa' o' apueres atoch sapa'çho'ña corretasach e'ñe atet pena Cristo, tarro'mar ñapa' o' peretna'huerrnas allohuen so'chñar.

¹⁴ Tarro'mar ñapa' o' e'ñe e'shohuerrnay ñoñets ñeñt o' quellca'huetañ alloch yotteñe'çharetterrañ ya, atet oten ñoñets ñeñt atet anaret ahuatoteñ.

Ñeñĩ ñoñets Paretsñapa' alla a'huañatamperrey atet ñerra'mrrate' ñeñĩ aparrettetsa corsocho.

¹⁵ Ñeñĩña amcha' nochetsetsa añe patsro ama't ñaña ñeñĩ huomenc entyetsapa' Cristoñapa' e'ñe puerratampesueranet allo amcha'nochetset. Atto rroma corsocho allotña e'ñe a'mtsoññetuerranet. Allempoñapa' orrtatanet allohuenet acheñeneshesho attoch ñetpa' eñochet ñeñĩpa' o' aprrataretterra po'huamenc.

¹⁶ Ñato't same'ñeñaña ama't erra'tsena acheñer ñeñĩcha' sote' sa amo' pocteyaye ñeñĩ atto es serra'yen ama't ñaña atto es sorryen. Ñaña amach same'ñatsche ñeñĩcha' sotene' sapa' amo' setsotenoña añ yetñatser ñeñĩ allpon ana'yesarẽt judioneshacop, ama't allempoch ðherrerr pate'tets char, ama't ñaña allempoch e'ñe errte' orrterrtsa puenã'tets arrorr. Ñaña amach same'ñatsche ñeñĩcha' sotene' sapa' año' setsotenoña ñeñĩ yetñatser ñeñĩ anaret allempocma yamesen.

¹⁷ Ñeñĩpa' pa'choyeshemaca'ye peñña ñeñĩ huapatsa. Ñeñĩ huapatsapa' po'ñoçhpa' ñeñĩca'yeña Cristo ñeñĩ atarr sherbets.

¹⁸ Ñaña amach same'ñatsche ñeñĩcha' soterre' sapa' año'ch saguërroña attoch coshaterres Yompor tarro'mar sapa' año' atteye' sepeno ñeñĩ atet penet ñet. Ñeñĩ acheñer atet, ñetpa' aña cotape'chyenet o'ch mueroçhtatenet e'ñe ñañeñeta, tarraña ñetpa' pommo'cheñoña atet penet ñeñĩ po'ñoçhpa' ama es sherbeno Yomporecop. Ñeñĩ'marçayña ñetpa' añaca'ye ma'yochyenet Yompor po'mllañoñeñer. Ñaña ñetpa' aña nanac yemtenet ñeñĩ entpesa'tyenetañ. Poctapñoñet ñeñĩ e'ñe ñeta po'chtsetet huena, ñetpa' ñeñña atarr ommo'chenet, ñeñĩ'marña ñeñĩpa' e'ñe orrena atet penet.

¹⁹ Ñetpa' ama parrocmateñeto Cristo ñeñĩ'marña ama pueyoðhreye' peñetoña Cristo. Ñehua, yapa' yoten yeyoðher* ñeñĩña atarr sherbets tarro'mar ñeñĩ atarrtatene'ña ora yechets. Atet pena yelloquẽm ñaña yechsorech ñeñĩña orrene'ña yechets ñeñĩ'marña e'ñe parrocmateñ attoña ora yechetspa' atarrtena. Atet penaña Cristo atet ñerra'm po'ñoçh ñeñĩ yeyoðher yepen. Allohuenyet ñeñĩfey ame'ña'yenaya Cristo e'ñe parrocmatateney, allochña yapa' allo'nach yesen orrtatyesnomue' ñeñĩ atarr sherbets Yomporecop tarro'mar yapa' atet muenateney Yompor.

²⁰ Sa atto o' serromapretera Cristo ñeñĩ'marña añ cotapñatser arr patsro ñeñĩ arromñañatesha poctapña, ñeñĩpa' amaca'ye socpayaye. Sa atto o' serromapretera Cristo ñeñĩpa' añecop attoch sequeçhuerrñañ arromñañatesha' poctapña. Te'ñapa' eso'mare'tcha'ña alla same'ñerrerrña patsro'mar cotapñats. Ñato'tña same'ñena'ña ñerra'm esempo otenset:

²¹ "Amach es sa'pñlatsetyesatsto, amach es serratsetyesatsto, amach es sechta'yestatsto." Tarraña ñeñĩpa' e'ñech orrena atet otenset,

²² tarro'mar ñeñĩ allohuen ñeñĩ añe patsro'tsen ñeñĩpa' e'ñeca'ye e'nuapo'. Ñerra'm ye'nuepa' o'ch e'ñe huañ. Ñeñĩ'marña ñeñĩcha' atet sotyese' ñeñĩpa' arromñañaca'ye poctapña yechatenset.

²³ Ñetpa' po'ñoçhpa' orrtenetañ atet ñerra'm esocmañen eñotuenetañ ñeñĩ cohuentetsañ tarro'mar puema'yochreñoñetpa' muechatsettyenet, ñaña ñetpa' e'ñe ñañeñeta mueroçhtatset po'çhets, tarraña e'ñe pommo'cheñoñeta atet penet. Tarraña ñeñĩ atet penet ñeñĩpa' amaña

* 2:19 O'ch secue' nota 1.18.

añeye'ña atet peneto alloch huenaterret ñeñĩ atet muenatse'tatyenanet po'chets pa'namen sosya'tsañe'chno.

3

Añach soctape'chen ñeñĩ atet muenen Cristo ñeñĩ pue'ntañ'o'tsen

¹ Atto po'ño'ch o' setantapretera Cristo, te'ñapa' añach soctape'chen ñeñĩ atet muenen Cristo ñeñĩ pue'ntañ'o'tsen. Ñapa' allña atarr partsoten e'ñe Parets po'cohuenrot.

² Ento'marecopcha'ña sema'yo'chra. Sapa' amachña aña sema'yo'chratsto ñeñĩ patso'marecpa

³ tarro'mar sapa' o'huañcha' socshenaña ñeñĩ patso'marecpa. Te'ña sapa' e'ñe attes ñerra'mrrate' puesheñarr ñeñĩ rromuets o'huañcha' allo'na cosha'nenana ñeñĩ patso'marecpa. (Ñeñto'marña yapa' yoten o' yerromapretera Cristo.) Te'ñapa' ñeñña yocshatene' ñeñĩ ora allpon atarr cohuen enten Cristo. Te'pa' atto yocrrerra ello e'ñe yeparrocmateñoi Cristo ñeñĩ parrocmatene' Pomporets, ya'ñaña o' yeparrocmaterr epay Parets ama't ñeñĩpa' ama entpahuoyaye.

⁴ Ñeñto'marña ñerra'm esempoch orrterra Cristo ñeñĩ allo e'ñe yocrrrena, allempoña sapa'cho'ña sorrterrach saña epas Cristo. Attochña sapa' o'ch secohuentapretera saña.

O'chyesuanom ñeñĩ mellashañ cotapñats ñeñĩ ama pocteye' enteno Yompor

⁵ Ñeñto'marña socoppa' añ poctetsa: Ama't erra'tsena sechets ñeñĩ soctape'chatene' patso'marpa' chosaña a'mchechatterre', ñeñĩ atto sechta'yey ñeñĩ ama setaporeyaye, ñaña pa'namen sosya'tsañe'chno ñeñĩ atet muenatse'tatyenyey yechets, ñaña allpon yemnatse'tyen ñeñĩpa' ama cohuenaye' entapretenye Yompor, ñaña atto es atarr yeye'chapretanna'tyena, ñeñĩpa' ñeññaña yeyomporer yepen.

⁶ Ñeñto'mar'ña Yomporpa' entaterranetcha' po'yoro'chenña ama't allohuen ñeñĩ atpare'tene'.

⁷ Sapa'cho'ña ahuatpa' e'ñe attecma soctape'chyses't allempo sapa' sosya'tsañe'cpa socrr'e't.

⁸ Tarraña te'ña ñeñĩpa' chosaña a'ypo'ña'mperre', ama't ora allohuen e'moñe'tanna'teñets, atsrre'mueñets, o'patarñats, achm'are'tanna'teñets, ama't allohuen eñosatse'teñso'chno ñeñĩ atarr sosya'tsañe'chno.

⁹ Ñaña amach seshcare'tanna'tatsto tarro'mar te'pa' o' sesuanemñ ñeñĩ mellashañ ñeñĩ atet soctape'chatyesaye't seyo'chro. Ñeñĩ atet sepa'yese't ahuat ñeñĩ ama pocteye' enteno Yompor ñeñĩpa'cho'ña o' sesuanemñ.

¹⁰ Sapa' añcha'ña sechorrerraya ñeñĩ etserra ñeñfcha'ña soctape'chatterre' ello etserra allochña setserrataterrña soctapñña. Attoña e'ñe setserrateño'pa' o'ch soctape'cherr e'ñe cohuen ñeñĩ atet cotape'chen Yompor ñeñĩ seye'chcate'. Attochña sapa' allo'nach sesen eñotnene' ñeñĩ atet cotape'chen ñña.

¹¹ Atto yetserrataterr yocapñña Cristocop, yaña allohueneypa' e'ñechca'ye attecma puechemer pohueneyña Yompor. Ñeñto'marña yocoppa' ama eñalleña attoch yotaretta yapa' po'poño'acheñrey, yapa' ellopa'tetstataretayo' año' judioneshayayye, año' atsorrareteyayye, ñaña po'poño'acheñrey ñeñĩ ahuapña po'poñ anetso't ñaña ñeñteyo' yapa' año' es yeñoteno ñaña ñeñĩ

acheñrey ñeñfeyo' ataruasatareŧey e'ñe atta ñaña ñeñŧ acheñrey e'ñe cohueno'tseney, tarro'mar Cristopa' ñeñŧca'yeña e'ñe allohuenacpay, ñapa' ña e'ñe yehorra'huenaya allohueney pa'namen acheñrey ñeñŧ parrocmate-naya.

12 Yomporña puemorrenteñoŧes sapa' o' acrerres ñeñŧescha' a'cohuentatareŧtertsa Partsocop. Atto acrerrespa' e'ñepa'chña seyçhen attoch e'ñe cohuen semuerannena, e'ñepa'chña cohuen es sorrŧatyen po'potantañecop. Sapa' e'ñepa'chña pocte' señch ñerra'm po'psheñeñ o'ch entenes sapa' ama esoshe'mayayso. Ñaña sapa' amachña aña se'natsto ñeñŧ e'ñe socpa ñeñŧ atet soctape'chen sa tarro'mar sapa' ñeñŧes alleshoncatets. Ñeñŧo'marña sapa' e'ñepa'chña sa'huanta'huanomña ñeñŧ atarr echarrare' sentyen.

13 Ñaña e'ñepa'chña cohuen es sa'huantannena ñerra'm esempoch señch po'psheñeñ ñeñŧ ama pocteye' orrtateno socop, sapa' e'ñechña cohuen sepretnannena. Atto Yepartseshar Cristopa' o' peretna'huerres sa, sapa'çho'ña çhocmachña sepretnannena samña.

14 Ñeñŧ atarr nanac sherbets o'ch seyçherr attoch semorrentannena e'ñe cohuen. Tarro'mar ñerra'm po'ñoçh yemorrentannena' amate' errotenoŧ ya'ypo'ñerroña po'poñeçhno ñeñŧ cohuenteyetsa ñeñŧ atet yeŧa'yen. Attochña allo'nachña yesen etsotnomue'ña parrocmateñes.

15 Atto Yompor o' e'ñe coshaterres seyochro, ñeñŧcha'ña soctape'chatterre'ña e'ñe cohuen, tarro'mar ñeñŧecopña o' çhore'terreyña Yompor attoch e'ñe yeparrocmatuerr allohueney ñeñŧey ame'ñenaya. Ñaña o'ch notas: Sapa' çhocmuepa'chña separasyoso'teñ Yompor.

16 Cristo po'ñoñpa' çhocmuepa'chña e'ñe cohuen soctape'cheñ sa seyochro, attochña e'ñe ora señoŧeñoñhuenpa' çhocmuepa'ch seyçhatannena attoch e'ñe cohuen soçhatannena. Ñaña separasyoso'teñoñpa' semorrechepa'ch allohuen morreñtsoçhno ñeñŧ Partsocop attoch sa'ye'choçhtatoñ atto saçhoteñ. Socsheñeshohuenña seyochropa' separasyoso'chepa'ch Yompor.

17 Ama't esa ñeñŧ atet es seŧa'yen ama't esa ñeñŧ atet señosyen, e'ñechña seyemteñoŧ Yepartseshar Jesús attochña sapa' es seŧa'yes. Ñeñŧo'marña sapa' çhocmuepa'ch separasyoso'teñ Yompor Parets e'ñe Yepartseshar Jesucristo pa'so'çhño.

Atetcha' yocrra añecop ñeñŧ parro yepacallo'tsa'yen

18 Te'pa' o'ch notas samña ñeñŧes arrollaretes: Ñeñŧ serrollar sepenpa' e'ñech cohuen same'ñeña tarro'mar atet poctetsa yocop allohuenacpay ñeñŧey ame'ñenaya Yepartseshar Jesucristo.

19 Ñaña sa ñeñŧes ataporetespa' o'ch notas samña: E'ñech cohuen semuerya setapor, amachña çha muene' errotuaneñ sepeñeña setapor.

20 Ñaña sa cheshaneshacha' o'ch notas samña: Chocmach same'ña sompor ñaña sachor amachña çha satpare'tatsto. Ñerra'm atetcha' seŧapa' e'ñech cohuen coshensa ama't Yompor Parets.

21 Ñaña o'ch notas samña ñeñŧes achemereshatneshas: Amachña çha sa'tsrre'mare'tatatscheña sechemerasha', te't çha nanac sellcatyenanet. E'ñe puellquëñoŧetpa' çhach atarr quellañtsotyeset, amach e'ñe cohuenaye' ame'ñenseto.

22 Ñaña sapa' o'ch notas samña ñeñŧes ataruasatareŧes e'ñe atta: Chocmachña e'ñe cohuen same'ñyaña ñeñŧ samo'mte' sepen aña patsro. Amachña puecuampeñoŧesaña sema'yoreñ setaruasatsto, ñeñŧpa' añecpaña

atet sepena attoch e'ñe cohuen entenes samo'mte'. E'ñechña sema'yorñecma seyoçhrocmañen e'ñech cohuen setaruasen. E'ñechña sem'cha'na'teñoť Yompör setaruasen e'ñe cohuen.

²³ Ama't erra'tsena ñeñť setaruas sepa'yen e'ñechña seyoçhrocmañen e'ñe cohuen setaruasen. Tarro'mar ama't acheñecpa setaruasenpa' e'ñechña atet sepena ñerra'mrrate' Yamo'mtayecop Jesucristocop setaruasen.

²⁴ Sapa' e'ñe señoťeñ ñapa' añ o'patatensa ñeñťcha' atarr socshaterre' tarro'mar sapa' po'ñoçh añ sesherben Cristo ñeñť e'ñe po'ñoçh Yamo'mte' yepen.

²⁵ Tarraña allohuen ñeñť atet pa'yene' ñeñť ama pocteye' enteno Yompör, ñetñapa' atsa'tatařetřetřecha' ñeñť allpon pa'yesaye't ñeñť ama pocteyaye. Ñeñťo'marña ama't puešeñarřofeta ñocueta'pa' amach eñalleña attoch pocte' enterranet Yompör.

4

¹ Ñaña sapa' o'ch notas saña ñeñťes pamo'mte' pen ñeñť setaruasaten. Sapa' atet'cha' sepe'ña sa'taruasañer ñeñť e'ñe pocte' entenet ñet. Ñaña sapa' señoçhepa'ch sapa'çho'ña sechenca'yeña Samo'mte' ñeñť pue'ntaño'tsen.

² Ñaña te' allohuenespa' o'ch notas saña: Chocmuepa'chña sema'yochrenaña ma'yochatsa, amach seçllañoťa sema'yochenoña Yompör. E'ñechña separasyoso'teñesha' sema'yochena.

³ Ñaña o'ch sema'yochena Yompör yocop, o'ch senamonay attoch eñalleta allcha' yeserrpare'toñ po'ñoñ, allcha' e'ñe ya'potua ñeñť ahuatoteñ ñeñť ama't puešeñarřapa' ama eseshaye' eñotenyaye ñeñť atet penaña Cristo. Ñeñťo'marña na te'pa' ayottamřsareten cárcelo.

⁴ Ñaña añcha' senamon Yompör allochña napa' o'ch e'ñe neñotaterranet e'ñe eñoťoçhen ñeñť atet poctetsa nocop o'ch e'ñe na'potuer allohuen.

⁵ Ñaña añecop ñeñť ama ame'ñetso sapa' señoťepa'chña ñeñť cohuentetsa ñeñťcha' atet sepanet. Ama't taya sapa' arosña atfa es pueçhatstata.

⁶ E'ñe semuereñoťpa' çhocmuepa'chña e'ñe cohuen se'ñorana'tyenanet, allochña ñetpa' e'ñech cohuen entonaset ñeñť atet señen. Allochña sapa' señoçhcha' eñorana'tyesahuet attoch e'ñe cohuen sanapyesanet e'ñe puešeña'tsocmuet.

Arrpa' all so'terranet po'cartot

⁷ Ñaña te'pa' o'ch notas, masheñ Tíquico ñach señoťatenaya' allohuen ñeñť atet nepena na arr. Ñapa' atarr yemuerrannena, ñapa' çhocma e'ñe cohuen yenpuenen atto yetorrana Yepartsesharecop.

⁸ Ñeñťo'marña napa' ñeñťecopña nemñeñña sesho ñach señoťatenaya' ñeñť atet yepena ya arr. Ñaña ñach socshatose' e'ñe seyoçhrohuen.

⁹ O'ch nemñe epuet masheñ Onésimo. Ñapa'çho'ña çhocma atarr cohuen yenpuenen, nanac yemuerrannena. Ñapa' e'ñe parro'marneshas. Ñet'cha'ña señoťatose'ña allohuen ñeñť atet yepena ya arr.

¹⁰ Ñaña masheñ Aristarcopa'çho'ña muereñ o'ch huom'cha'tas añ necartot. Ñapa'çho'ña e'ñe parro'ca ayottamřsaretey. Allotpa' o'ch huom'cha'tas ñaña masheñ Marcos ñeñťara añ paterr necartot. Ñapa' Bernabé puepa'ñer. Napa' o' notuas atet'cha' sepe' masheñ Marcos. Ñerra'm esempoch çhap seshopa' e'ñech cohuen sagař.

11 Ñaña masheñ Jesús ñeñfara sochetsa Justo, ñapa'cho'ña mueneñ o'ch huom'cha'tas añ necartot. Ñetpa' ñeñfet ñapuef judioneshet ñeñf ame'ñetsa, ñetña netorrapretenet Yomporecop attoch atarr ayochreshattena ña. Ñetña atarr nocshatene'.

12 Ñaña masheñ Epafras ñeñf parro'marneshas, ñapa'cho'ña mueneñ o'ch huom'cha'tas ñaña. Ñapa'cho'ña nanac torrena Cristocop. E'ñe puema'yocheñoñ huomencpa' atarr torrena socop. Puema'yocheñoñpa' çhocma enamatennas Yomporeshot attoch e'ñe huomenc sepa'nom seyoçher Yomporecop. Ñaña añ enamuennas attoch e'ñech poctacma çhaponasa seyoçhro ora allohuen ñeñf atet muenen Yompor.

13 Ñocoppa' o' e'ñe neñotatuas ñeñf atet nanac torrena socop ñaña añecop ñeñf Laodiceo'tsa'yen, ñaña ñeñf Hierápoliso'tsa'yen.

14 Ñaña masheñ Lucas ñeñf apartañtetsa, nanac yemuerannena, ñapa'cho'ña mueneñ o'ch huom'cha'tas añ necartot. Masheñ Demaspa'cho'ña mueneñ o'ch huom'cha'tas ñaña.

15 Te'ña sapa' o'ch sehuom'cha'ch saña nocop masheñneshachno ñaña noçhaneshachno ñeñf Laodiceo'tsa'yen. O'ch sehuom'cha'ch ñaña Ninfas, sehuom'cha'ch ñaña allohuen ñeñf çhocma apçhetsa ña pa'paclo e'ñe pame'ñeñoñet Cristo.

16 Esempoch lleya'huet añ carta sesho allotpa' o'ch selleyach ñaña laodiceo'marnesha' ñeñf pame'ñeñoñet Cristopa' çhocma apçhenet ñamet. Ñaña po'poñ necarta ñeñf nemñen Laodiceo sapa'cho'ña selleye'ch ñerra'm esempoch huapateret Laodiceot o'ch çherr sesho.

17 Ñaña o'ch soch masheñ Arquipo ñeñf atet noten na, po'ñoçhpa' et-sotanepa'ña ñeñf atet yecheña Yepartseshar ñeñfcha' po'taruas pa' ñocop.

18 Na ñeñfen Pablon arppa' nequellquëñoñ e'ñe na nototpa' o'ch nehuom'cha'tnerres. Te'pa' o'ch seyerpa'na napa' ayottamñsarëten. Te'pa' ñeñfach notas, Yomporepa'chña sa'nataya. Ñeñfpa' attetepa'ch Nompore. Allohua.

Pablo

AÑ ÑANOM SAN PABLO PO' CARTA ÑEÑT̄ QUELLCAN TESALÓNICO'MARNESHA' 1 TESALONICENSES

Atto Pablopa' quellcan carta añecop ñeñt̄ ame'ñetsa anetso Tesalónico epuet Silvano ñaña Timoteo

¹ Masheñeshacha' ñaña no'chaneshacha' ñeñtes allohuenes ap'chetsa all anetso Tesalónico e'ñe seyemteño' Yompor Parets epuet ñaña Puechemer Jesucristo ñeñt̄ Yepartseshar yepen. Na Pablon sequellquëne'ña añ carta epan masheñ Silvano ñaña masheñ Timoteo. E'ñe nehuom'cha'teñotes sa napa' o'ch notas: Yomporepa'ch sebensare'tam'pene' ñeñt̄ara Parets epuet Puechemer Jesucristo ñeñt̄ Yepartseshar yepen. Ñetepa'chña socshatene' e'ñe sa seyo'chro allohuenes.

Atto ame'ñena ñeñt̄ ap'chetsa Tesalónico

² Yapa' yema'yocham'peñotes sa 'hocma yeparasyoso'teñ Yompor socop allohuenacpas.

³ Tarro'mar allempo yema'yocheña Yompor 'hocma yeyerpuensa atto sapa' e'ñe seyemteño' Yompor atarr seforra'yena ñocop ñaña e'ñe semorrentanna'teño'tpa' atarr seyepannena. Ñaña e'ñe seyemteño' Yepartseshar Jesucristo sapa' o' huomenc se'pa' nom seyo'cher e'ñe ñocop.

⁴ Masheñeshacha' ñaña no'chaneshacha' Yomporpa' atarr morrentensa. E'ñe yeñoteñ Yomporpa' ahuatoteñ acrerres sa ñeñtescha' ame'ñerraya.

⁵ Tarro'mar añ cohuen ñoñets ñeñt̄ yeserrpare'tatoses ahuaña, ñeñt̄pa' ama ñoñtsenochayayo, yapa' añña ahuañenat̄ yepene' Parets Puecamquëñ allochñapa' atto sapa' o' 'chaponasa seyo'chro ñeñt̄ ñoñetspa' e'ñepa't po'ño'ch ñeñt̄pa' ama shequëñtsoyaye. Sapa' e'ñe seño'teney ñeñt̄ atet e'ñe cohuen yorrtatyesonas allempo allo'tseney sesho.

⁶ E'ñe atet sentey ya ñeñt̄ atet yepena, sapa'cho'ña te'pa' e'ñech atet sepena samña, ñaña e'ñe atet cohuen orrtatyen Yepartseshar Jesucristo sapa'cho'ña te'pa' ñeñt̄ara sorrtatyen samña. Atto sagapoñ Yompor po'ñoñ e'ñe socsheñesha' Paretsña Puecamquëñ socshate'ña e'ñe sa seyo'chro. E'ñe same'ñeño' ama't atarr sa'muero'chtataretetyena tarraña sapa' 'hocma atarr socshena.

⁷ Ñeñto'marña allohuen ñeñt̄ ame'ñetsa Macedonio'mar ñaña Acayo'mar, ñeñt̄apa' atet eñotenset e'ñe cohuen sorrtatyen Yomporecop, ñetpa'cho'ña te'pa' e'ñe attecma orrtatyenet ñamet Yomporecop.

⁸ Te'ña e'ñe sesho't o' epa'hua Yompor po'ñoñ all serrpare'tyeñet. Ama allayayo Macedonio ñaña Acayo, oraña o' e'ñe epa'hua erraparen allemeñ. Erraparen o' e'mare'tuaset sapa' atarr same'ñeña Yompor. Te'ña ñet o' e'mare'tuetpa' ñocpuetpa' ama pallteneto o'ch alla yoterraneter ya ello.

⁹ Ñetñapa' serrpare'tyenyet atto sapa' e'ñe cohuen sagapapuey. Ñaña serrpare'tatanna'tyenet atto sapa' o' soctape'cherr ello cohuen Yomporecop o' sequëchpa'huerr ñeñt̄ semchatse'tyese't ayechcataret. Te'ña ñeñt̄pa' o' sequëchpa'huer e'ñe poctacma attotña allemputeñ e'ñe cohuen sesherber Yompor ñeñt̄ ama arromñateshayaye ñeñt̄ e'ñe po'ño'ch Yompor.

10 Ñaṃa serrpare'tyeñet atto sapa' e'ñe seyemteñoṭ atarr secueññañ Yompor Puechemer esempohuañencha' huerra pue'ntañoṭ ñeñfara Puechemer ñeñṭ tantaterr allempo rroma, ñeñfara Jesús ñeñṭcha' ya'qushpaterre' ñerra'm esempoch yoroçhtatuer Yompor.

2

Atet pa Pablo allempo Tesalónico'tsen

1 O'ch masheñeshacha' ñaṃa noçhaneshacha' notas: Saña po'ñoçhpa' e'ñe señoṭeñ ahuañmo'cha e'ñe cohuen sagapapuey, ama orrena yemo'tenso.

2 Ellonetpa' e'ñe señoṭeñ ama't epaye' mueroçhtayete't Filiposo, ama't erroṭuanen pa'yetañe't, tarraña Yomporña atarr ahuamencat pa'ye't atto yapa' e'ñe yeyemteñoṭ ña yeserrpare'tatas saña añ cohuen ñoñets ñeñṭ huetsa Yomproeshot. Ama't allo'tsa'yen ñaṃa ñeñṭ nanac epatarña'fetyetsa, yañapa' çhocmaña yeserrpare'tatase't.

3 Ñeñṭpa' ama panteñsofeye' yoctape'chataso, ñaṃa ama sosya'tsañeye' yoctape'chataso, ñaṃa ama e'ñe ya yeshquēñoṭ yoctape'chataso.

4 Elloña ya Yomporpa' e'ñe pocte' enteney ñeñṭo'mar llesensa'y yach a'poterre' po'ñoñ ñeñṭ e'ñe po'ñoçh cohuen ñoñets alloch a'qushpaterrey. Ñeñṭ atet ye'ñoṛenapa' ama añecpayaye o'ch e'ñe orrena yocshach acheñenesha', yapa' añecopña ye'ñoṛena attoch yocshateñ Yompor ñeñṭ e'ñe yentuene' ñeñṭ atet yoctape'chyen yeyoçhro.

5 Ñeñṭo'marña sapa' señoṭeney ya ama't ahuatapa' ama e'ñe ya yeñoñoṭ yocshatenso attoch e'ñe cohuen sentuene'y. Ñaṃa ama't ahuatapa' ama erra yeshquēnsa attoch sapa' o'ch sapuey ñeñṭ yemnapretenes. Ñeñṭpa' ama't Yomporpa' e'ñe pocte' entapreteney ñeñṭ atet yepenes.

6 Ñaṃa ama't ahuata ama añeye' yellquēno attoch sapa' o'ch secohuentatennay ama't ñaṃa allohuen po'potantañeçhno. Ñaṃa yapa' ama't Cristo yellsenenayeñ ñeñṭo'marña yocoppa' e'ñe pocteñ o'ch atet yepennaseñ ñeñṭ atet pena añcha'taret, tarraña yapa' amaña yemo o'ch atet yepennasa.

7 Tarro'mar yapa' yemuereñoṭes sapa' e'ñe cohuen es yorrtatyennas. E'ñe atet yentenes ñerra'mrrate' cheshatollesha' e'ñeçh cohuen muereña pachor.

8 Atarr nanac yemorrentensa ñeñṭo'marña ama e'ñe ñapña cohuen ñoñets yapuenso ñeñṭ Yompor po'ñoñ. Elloña yocoppa'çho'ña pocte' yenteñ o'ch yesuanom ñeñṭ e'ñe yocpa attoch yeyenpas saña tarro'mar sapa' atarr yemorrentensa.

9 Ñeñṭ atet yepena ya, amate' masheñeshacha' çha sepsenye atto nanac yetaruase't yeto e'ñe tsapome'tets allempo allo'tseney sesho. Ñeñṭpa' añecop atarr yetaruase't allochñapa' attoch sa ama't puesheñarroṭesapa' amach çha ya'tsrre'moçhtana'taso allempo yeserrpare'tatase't cohuen ñoñets ñeñṭ Yompor po'ñoñ.

10 Sapa' e'ñe sentye't, Yomporpa'çho'ña e'ñe enteney atto yapa' e'ñe cohuen yorrtatyenes socop ñeñṭes ame'ñetsa all. Ñeñṭpa' e'ñe cohuen yorrtatyen Part-socop ñeñṭ e'ñe pocte' enten ña allochñapa' attoch amach errotenot otenyeto "ama pocteyaye ñeñṭ atet sepena."

11 Sapa' señoṭeñ yapa' e'ñe atet yentenes ñerra'mrrate' e'ñe yechemeresha' yepohuenes. Ñeñṭo'marña e'ñe cohuen yoctape'chatase't e'ñe puesheña'ttsos. E'ñe cohuen yocshaterres, e'ñe cohuen yoctape'chatase't

12 po'ño'ch sapa' e'ñepa'chña cohuen sorrrtatyen ñeñt atet poctetsa añecop ñeñt po'ño'ch ame'ñenaya Yompor tarro'mar ñapa' o' hua'ñerres o'ch so'patapretera all am'cha'tarettena ña, attochña secohuentapretera sam'a.

13 Ñeñto'marña añecop chocma yeparasyoso'teñ Yompor ña'ña atto sapa' allempo ye'mñotaterres Yompor po'ñoñ sañapa' e'ñe cohuen saguërrñañ po'ñoñ. Ama't ya seserrpare'tatosayeñ ama acheña po'ñoñ senteñe, ñeñtpa' Yomporoña po'ñoñ sentña allempo. Ñehua, ñeñtpa' e'ñe po'ño'ch Yompor po'ñoñ. Te'ña sa ñeñfes o' same'ñerra, Yomporña po'ñoñ o' cotape'chaterres e'ñe cohuen seyo'chro o' e'ñe huenaterres ñeñt atet chocma sepatsetyese't ahuat; te'ña sapa' añ sorrrtatyen ñeñt e'ñe cohuen enten Yompor.

14 Sapa'cho'ña masheñeshacha' e'ñe atet sa'muero'chtatarettana Yomporecop e'ñe atet pe't ñeñt ñanom ap'chatsa Yomporecop ñeñt Judeo'tsa'yen. Ñetpa' e'ñe pueyemteño'et Cristo Jesús, judionesha'ña ñeñt e'ñe pamo'ts penetpa' atarr muero'chtatenanet. Sapa'cho'ña e'ñe seyemteño'et Cristo atarr muero'chtatenes sam'a samo'tsesh'a.

15 Ñeñfara judionesha' ñeñt muetse' Yepartseshar Jesús ña'ña ñet muet-sanatete't ñeñt a'mta'yese't ahuat Yompor po'ñoñ. Ama't te' yapa'cho'ña pue'moñe'teño'etay o' cotare'terryeterr ya'ña. Ñeñto'marña Yomporpa' ama't e'ñe mameshapa' ama cohuenaye' entenaneto tarro'mar ñetpa' añe'ña e'moñe'tenet allohuen pa'namen acheñenesha'.

16 Ñetpa' atarr epatare'tenyet attoch yeserrpare'tach po'poñ acheñ ñeñt ama judioneshayaye attoch ñetpa'cho'ña o'ch a'queshpataretterret. Attoña ñetpa' atarr nanac yorenet po'chñaret. Tarraña te'ña Yomporpa' o' entatuer-mochanet po'yorothenña.

Secherra Pablo o'ch abcherraneta'

17-18 Ña'ña o'ch masheñeshacha' ña'ña nothaneshacha' notas: Yaña po'ño'ch allempo cha'nmataterryet sesho't allempoteñña ama't esempapa' ama yabchanna'terro e'ñe teme'ttsen. Chemerrña te' yapa' o' e'ñe yaptamerra. Tarraña ama't ama allame'tsa yabchannenopa' yeyo'chroñapa' e'ñe par-rocmatetsey. Yapa' chocma yesechenañ o'ch yabcherrsa' ama't napa' allponoche'tats nesechenañ. Tarraña oneñeññapa' chocma epatare'teny.

19-20 Tarro'mar sapa' saña ñeñfes atarr yocshatene'. Ama't allempoch huerra Yepartseshar Jesucristo sapa' saña ñeñfescha' atarr yeyemterra, ñeñfescha' atarr yocshaterre' allempo, tarro'mar sapa' ñeñfescha' yap-ataterre' ñeñtcha' atarr yocshatene'ña ya allempo.

3

1 Allempoña na o'huañ na'huanta' ñeñt atto nellquënsa ñato' erroteno'tseneste', ñeñto'marña napa' e'ñe pocte' neñch o'ch alla na'pa napuet Atenso

2 attoch nemñonas masheñ Timoteo ñach semo'terraya', ñach seserrpare'tatose' attoch e'ñe huomenc sepa' seyo'cher ñeñt atto same'ñena. Ñach socshaterre' ello ñeñt atto same'ñena. Tarro'mar masheñ Timoteo ñapa'cho'ña atarr cohuen yetorrena parro Yomporecop. Atarr serrpare'tatyenanet cohuen ñoñets atto Cristopa' ña'a'queshpatañtetsa.

3 Ñach soctape'chaterre' e'ñe cohuen Yomporecop allochñapa' ama't atto atarr amuero'chtataretes, amachña ñeñtota sepurratstero ama't puesheñarrofesa. Ñehua, sapa' e'ñe seño'teñ chocmach huaponaya ñeñt amuero'chtatañ yenten.

4 Allempo e'ñe allo'tsa'yenacmay allohueney e'ñe parro allempo yapa' atet o' yotuas chocmach huaponaya muerochteñets. Ñeñña te'pa' atetcho' o' pōnasa, te'pa' e'ñe'e' seño'teñ e'ñe po'ño'ch atet.

5 Ñeñto'marña ahuaña allempo o'huañ na'huanta' ñeñ' atto nellquēnsa naña allempo nemñe masheñ Timoteo attoch neñotas sapa' erroteneste'ña sa, ñato' atterate' sesen ame'ñaya Yompor. Napa' nellquēño'tpa' atet noten ñato'rraña oneñe't puetpateño'tes o'te' cha que'chpaterres Yompor. Ñerra'm atet seperra napa' atet noten ñeñ' atto netorrena e'ñe socoppa' ñato'rraña ñeñ'pa' e'ñe'e' orrena.

6 Tarraña allempo huerra masheñ Timoteo seshot, ñapa' serrpare'tatuerrey cohuen ñoñets, sapa' attera e'ñe cohuen same'ñena, e'ñe cohuen attera semorrentannena. Ñaña serrpare'tatuerrey atto sapa' chocma seyerpuenya socsheñsha' ñaña atarr semneñ o'ch yabchannerra parro. Yapa'cho'ña e'ñe attecma atarr yemneñ yaña.

7 Ñeñto'marña masheñshacha' ñaña no'chaneshacha' yapa' ama't allohuen es yehuenoya ñaña ama'tcha' atarr yemuerochetuanena, te'ñapa' o' alla socshaterrey. Atto yeñoterres sapa' attera cohuen same'ñena ñeñña atarr yocshaterre'.

8 Atto sapa' e'ñe cohuen huomenc sepen seyo'cher Yepartsesharecop, napa' ñeñña e'ñe cohuen nocshatene' atto nocrena arr patsro.

9 Ñeñto'marña atarr nanac yeparasyoso'teñ Yompor socop. E'ñe yeyochropa' chocma yocshensa Yomporesho ñeñto'marña chocma yeparasyoso'teñ Yompor socop.

10 Chocma yenamueñ Yompor yeto ama't ñaña tsapo attoch yabchannerra. Atarr yemneñ o'ch yoctape'chaterra' erra'tsente'ña sepalltena attoch same'ñera e'ñe poctacma.

11 Yompor Parets ñaña Yepartseshar Jesús ñetepa'chña ye'chapaterre'ña sesho.

12 Yepartsesharepa'chña atontaterre'ña semorrenteña allochñapa' allo'nach nanac sesen morrentanna'tsa e'ñe sagattsa attochña allo'nach sesen morrentenaya allohuen acheñenesha', e'ñe atet yepena ya sapa' nanac yemorrentensa.

13 E'ñe semorrentanna'teño' seyo'herñapa' e'ñech huomenc pennas Yepartseshar Cristo. Ñerra'm atetcha' sepa' allempopa' amach erroteno't otteñe'chuerrsoña Yompor tarro'mar sapa' e'ñech cohuen es sorratyen Partsocop e'ñe tayoteñ. Attepa'chña entuerresña Yompor Parets ñerra'm allempoch huerra Yepartseshar Jesús. Esemppō po'ño'chpa' huerrach epuet allohuen ñeñ' pueyochreshachno pen ñeñ' e'ñe pocte' enten Parets.

4

Allo'nepa'chña cohuen yesen orrtatyesnene' ñeñ' atet e'ñe pocte' enten Yompor

1 Te'ña masheñshacha' ñaña no'chaneshacha' napa' o'ch notas, e'ñe yame'ñeño't Yepartseshar Jesús, sapa' allo'nepa'chña cohuen sesen orrtatyesnene' ñeñ' atet e'ñe pocte' enten Yompor ñeñ' yey'chatuas ahuañmo'choteñ.

2 Sapa' po'ño'chpa' o' seño'ter ñeñ' atet yey'chatuas e'ñe yame'ñeño't Yepartseshar Jesús attochña sapa'cho'ña o'ch sorratyen ñeñ' cohuen enten ña.

3 Po'ño'ch ñeñ'pa' Yomporña muene'ña atet, sapa' o'ch sa'cohuentataretterra ñocop attochña ama't puesheñarro'apa' amach sechtatscheña ñeñ' ama setaporeyaye.

4 E'ñe puesheña'tsospa' 'chochña e'ñe seño'ch attoch e'ñe cohuen seyore coyanesha' ñeñ'cha' e'ñe ñapue' setapor sepa'. Atetpa' e'ñech pocte' entapretenes Parets, ama't ñaña allohuen acheñenesha'. E'ñechña cohuen senteña setapor.

5 Amachña e'ñe añe'cpa seyoroña setapor attoch e'ñe socshaten sechets ñeñ' atet pena po'potantañ acheñenesha' ñeñ' ama eñotenaye Yompor.

6 Ama't puesheñarro'esapa' amach so'chña'tam'psatscheña semo'nasheñ, amach sechtapretatsche puetapor. Allohuen ñeñ' atet ye'pa'pa' 'chocmach tsa'taterrya Yompor esempo. Ñeñ'pa' ahuañmo'choteñ e'ñe po'ño'ch o' yotuas.

7 Yomporpa' ama añe'cpaye' 'chore'tenye o'ch ñaña atet ye'pa'yes ñeñ' atarr sosey, añecopña 'chore'teney o'ch e'ñe ya'cohuentataretterra ñocop.

8 Ñerra'm esesha'ch atpare'tene' ñeñ' atet ney'chatenes ñetpa' ama acheñeye' po'ñoñ atpare'teneto, ñeñ'pa' Yomporña po'ñoñ atpare'tenet ñeñ'ara Yompor ñeñ' yapuene' Puecamquëñ ñeñ'cha' ya'cohuentatene' e'ñe ñocop.

9 Atto semorrenteña allohuen masheñneshach'npa' te'ña sapa' ama sepallteno o'ch alla noterrerr necartot, sapa' o' eñotaterres Yompor attoch semorentannerra allohuenes.

10 Po'ño'ch e'ñe semorrentueña allohuen ñeñ' ame'ña'yetsa allemeñ Macedonio. Tarraña ama't atet sepenañpa' ellopa' o'ch masheñneshacha' ñaña no'chaneshacha' alla noterrerr: Allo'nepa'ch sesen morrentanna'tnomtsa e'ñe cohuen.

11 Sapa' añcha'ña se'nen attoch e'ñe cohuen muechet sey'chena sa'netsro, amachña ñaña sorrtratatsetyeso attoch se'moñe'tannena. Ñaña o'ch alla noterrerr e'ñe sa soto'pa' 'chocmachña setaruasa'yes ñeñ' atet o' notuas.

12 Cohuencha' setaruasa'yes allochñapa' e'ñech cohuen entenes ama't ñeñ' ama ame'ñetso. Ñaña sapa' añecopcha'ña setaruasa'yes attoch amach 'cha es sepallteno.

Attoch tantuerra ñeñ' arromñañesha' allempoch huerra Jesús

13 Masheñneshacha' ñaña no'chaneshacha' yapa' yemneñ o'ch e'ñe seño'ter erroteno'tsa'yente'ña ñeñ' pame'ñeño't rromuets. Allochñapa' amach atta atarr sellquënaneto ñeñ' atet pena po'potantañ, ñetpa' ama es yemteneto.

14 Yapa' atto yame'ñeña Jesús ña ama't rroma ellopa' alla tanterra, yame'ñeña ñaña Yomporpa' attec'mach tantatuerrey allohueney ñeñ'eycha' e'ñe yame'ñeño' Jesucristo yerroma.

15 Ñeño'tmarña te' sapa' o'ch neñotatas ñeñ' atet eñotaterrey Yepartse-shar Jesucristo, ñeñ'pa' atet ye'chatey: Allohueney ñeñ'eycha' orameñ corretsa allempoch huerra ña ñeñ'eycha' ama rromhuetsa' allempo, yañapa' amach yotam'pesyoña yanom ñeñ' o' rromhua, añcha' ñanom oterrtsa ñeñ' o' rromhua allotñapa' yanña ñeñ'ey orameñ corretsa, tarro'mar allempopa' atet'cha' perra.

16 Partsesha'pa' ñachña eñerrets huomenc ñaña ñeñ' pa'ñcha'tareter pen allohuen mellaño'eñnashesha' ñachña rrana'nerrtsa, e'ñech allempocma e'morrterra ñaña Yompor po'pocctor. Attochña ñapa' sohua'nerra pue'ntañ.

Ñeñña rromuets ñeñt ameña'nmaya Cristo ñetña allempopa' ñanmuetcha' tantrra'tuerret.

¹⁷ Allotña'papa' yama ñeñtey orameñ corretsa arr patsro a'tapatareycha' yama oso e'ñe parro epay ñeñt o' tantrra'tuena rromot attochña e'ñech parrocmá yepocter Yepartseshar eno. Attochña e'ñe allohueneypa' parro'tseneycha' epay Yepartseshar e'ñe allempoteñ errponañohuen.

¹⁸ Ñeñño'marña sapa' chocmach seyerpatannena añ cohuen ñoñets attoch e'ñe cohuen socshatannena.

5

¹ Te'ña masheñeshacha' ñama nochaneshacha' socoppa' ama pallteno o'ch alla noterrserañ necartot e'ñech esempo etsoterrá allempoch huerraña Yepartseshar.

² Tarro'mar sapa'cho'ña o' e'ñe señoter cherrcha' paterr yet allempoch huerra Yepartseshar Jesús. Allempopa' e'ñech machayota huerra e'ñe atet ñerra'm esempo huennaya eñeñ tsapo e'ñech machoyota huapa.

³ Allempo amach chena' ñeñt yeter allempoch huerra Yepartseshar acheñenesha'ña arr patsro ñetñapa' atetcha' otyerret allempo: "Te'ña yapa' e'ñe cohuen muechet yeychena arr patsro. Yocoppa' ama't ahuatapa' amach eñalletterña ñeñtcha' yeyore'tame'terre'." Tarraña e'ñech allorocma machayotach huerranet ñeñtcha' e'ñe a'clatuerrahuet. Allempo ama't pueheñarrapa' amach eñalleña attoch yeterret. E'ñech atet cherranet ñerra'mrrate' allempo atsotenana coyanesha' pue'mar amach eñalleña attoch yetamñsana atto atserrepeñ pue'mar attoch amach atserrepe.

⁴ Tarraña saña po'ñoch masheñeshacha' ñama nochaneshacha' sapa' ama checmeto'tsenayayso ñeñt atet pena acheñenesha' ñeñt ama ame'ñetso. Sapa' e'ñe señoteñ ñeñño'marña ama'tcha' machayota huerra e'ñe atet machayota huennaya eñeñ, sañapa' amach cha seyorenatsto.

⁵ Tarro'mar sapa' e'ñe same'ñeñot Cristo e'ñe señoteññañ po'cohuenña ñeñño'marña napa' o'ch netma'ntatasa sapa' puetarenana'tarneshas ñama yetena'tarneshas. Po'ñoch yapa' ama tsapo'marneshayayye ñama ama checmeto'marneshayayye tarro'mar yapa' ama añeye' yepa'yeno ñeñt atet patse'tyen ñeñt ama ame'ñetso.

⁶ Ñeñño'marña o'ch notas: Yapa' amach cha yeçllatsto Yomporecop, tarro'mar ñerra'm atet yepapa' chach yottena ñerra'm cha yemuen Yomporecop atet pena po'potantañ ñeñt atta es puecha'yetsa. Yapa' amachña cha yemanrra'tatsto chochña e'ñe yeñotena attochña yeñose're'tyesuena.

⁷ Ñehua, yeñoteñ ñeñt manrretspa' tsapoch manrrenet ñama ñeñt posa'tare'tyetspa' tsapoch posa'tare'tyenet.

⁸ Tarraña yapa' yeto'marneshay ñeñño'mar chocmuepa'ch e'ñe yeñoteñot yeñose're'tyesuena. E'ñe yame'ñeñot Yompor ñama yemorrentanna'teñot ñeñña cohuanñpene'ña yeyocher Yomporecop attoch amach aña yoctape'chatsto ñeñt ama pocteye' enteno Yompor. Ñeñtpa' añ toma'ntena asrom atet ñerra'mrrate' ñeñt chorrena solltar ñeñt a'natene' puesomap allempo quellarena attoch ama etaretteneto. Ñama yapa' yeyemteñot Cristo te'ñapa' e'ñe a'queshpatarey ñeñtpa'cho'ña ñeñña yemoñenaya. Ñeñtpa' añ toma'ntena atet pena solltar o'ch na'nman asret poño attoch ama etto'taretteto.

9 Tarro'mar Yompor po'ñoçpa' ama añeye' o'patatenyo attoch coñchatuerrey; yapa' añña o'patatenya attoch e'ñe cohuen a'queshpaturrey allohuene y e'ñe yame'ñeñoa Yepartseshar Jesucristo

10 ñeñt rromats yocop, attochña ama'tcha' o' yocla'huenañ allempoch huerra amapa' ñato' orameñ yocrenmeñ allempoch huerra atterayach yañapa' corretsayach epay ña e'ñe parro.

11 Ñeño'mañña te'pa' notenes, sapa' çhocmuepa'ch socshatannena Yomporecop. Chocmuepa'chña huomenc sepanna'ta seyoçher Yomporecop e'ñech atet sepa tayoteñ.

Pablopa' e'ñe cohuen cotape'chatyesanet

12 O'ch masheñneshacha' ñaña noçhaneshacha' notas po'poñ, semcha'na'teño'pa' e'ñepa'ch cohuen semorrenteña allohuen ñeñt torra'yetsa Yomporecop sesho tarro'mar ñetpa' e'ñe Partsesheshot anarettenet ñeñfcha' añcha'tarettatsa socop, ñetcha'ña soctape'chatene'ña e'ñe cohuen.

13 Atto atarr torrenet Yomporecop sañapa' e'ñepa'chña cohuen sentenanet, atarrcha' semorrentenanet. Ñaña ama't allohuenes e'ñe sagattsapa' e'ñepa'chña cohuen sentannena attoch e'ñe cohuen seyçhena e'ñe señañesha'.

14 Ñaña o'ch masheñneshacha' alla noterrser ñeñfcha' atet sepa: Ñeñt atarr quellañtsotyets sesho sachña cotape'chaterrahuet cohuen attoch amach allo'na quellañtsoteneto. Ñaña ñeñt ama coshetso sachña e'ñe cohuen coshaterrahuet ñaña ñeñt ama huomencaye' penaye pueyoçher Yomporecop, sachña e'ñe cohuen coshaterrahuet attoch e'ñe huomenc perret ñamet pueyoçher Yomporecop. E'ñe allohuenet saña e'ñe semorrenteño'fanet ñetpa' çhocmuepa'chña e'ñe cohuen sa huantenanet.

15 Ñaña sapa' çhocmuepa'ch e'ñe cohuen seño'tena allochñapa' ñerra'm po'psheñeñ errof ðonaspapa' sapa' ama't e'ñe puesheñarrotesa amach setsa'tatatsche ama't coñe'ta. Añcha'ña e'ñechña cohuen sepeñ samo'ts ama't ñaña allohuen po'potantañ acheñenesha'.

16 Ñaña sapa' çhocmuepa'ch e'ñe cohuen socshena.

17 Ñaña çhocmuepa'chña sema'yochena.

18 Ñaña ama't erroteno'tsena çhocmuepa'ch separasyoso'teñ Yompor tarro'mar ñeñtpa' atet muenen e'ñe yocop allohuenacpay ñeñfey yemtenoya Puechemer ñeñt Cristo Jesús.

19 Ñaña amach satpare'tatsche ñeñt atet cotape'chatenes Parets Puecamquëñ e'ñe seyoçhro, tarro'mar ñerra'm atet seppapa' çhate' sa'huañaterrñañ ñeñt atet eñotatyenes Yompor Puecamquëño. Ñeñtpa' e'ñe atet ñerra'mrrate' o' semayerrñañ Yompor po'urare.

20 Ñaña amach atet sentatsche ñeñt atet eñoratan Parets Puecamquëñoñ ñerra'm ama asherbenaye' senteñe.

21 Allohuen ama't erra'tsena çhocñña ñanom seño'ch ñato' e'ñeñe' cohuen ñato'pa' amate' cohuenayaye. Ñeñt allohuen erra'tsencha' e'ñe cohuen sentyes ñeñfñapa' amach sequèçhpatsere ama't ahuata.

22 Tarraña allohuen erra'tsencha' ama cohuenaye' sentyeso ñeñfñapa' çhosaña a'ypo'ñerre'.

23 Yompor ñeñt e'ñe yocshatene' yeyoçhro, ñepa'chña e'ñe sa'cohuentaterrere' e'ñe cohuen Partsocop. Chocmuepa'ch allo'na sesen e'ñe cohuen allochñapa' ñerra'm esempoch huerra Yepartseshar Jesucristo,

socoppa' amach eñalleña ama't coñe'ta attoch otteñe'chuerres ama't secamquẽño'huen, ama't seyo'chrohuen, ama't ña'ña sechtsohuen.

²⁴ Tarro'mar Yompor ñeñĩ o' chore'terres ñapa' ña atarr ayemuetpotetsa, ñachña setsotatue'ña e'ñe ora allohuen ñeñĩ e'ñe cohuentetsa ñocop.

Arrpa' all so'terranet po'cartot

²⁵ O'ch masheñneshacha' ña'ña no'chaneshacha' notas, ðhocmach sema'yocham'pesya ya'ña.

²⁶ Ña'ña te'pa' nemneñ o'ch nehuom'cha'tas allohuenes ñeñĩtes ame'ñetsa.*

²⁷ Ña'ña te'pa' o'ch notas, e'ñe ye'ñcha'na'teño' Yepartseshar Cristo añ cartapa' o'ch selleyach allohuen masheñneshach'no ña'ña no'chaneshach'no.

²⁸ Yepartsesharepa'chña Jesucristo sa'natenaya e'ñe allohuenes. Ñeñĩfach notas, ñeñĩpa' attetepa'ch Nompore. Allohua.

Pablo

* **5:26** Po'ño'ch oteney. "Choch setso'ttsa'pa'tannena ñerra'm esempo sehuom'cha'tanna'tena ñeñĩ atet pocetsa Partsocop." Ñeñĩpa' atet ye'chete' ahuat.

AÑ PUEPAÑ SAN PABLO PO' CARTA ÑEÑĪ QUELLQUËRRANERR TESALÓNICO'MARNESHA' 2 TESALONICENSES

Atto Pablopa' quellquërranerr carta añecop ñeñĪ ame'ñetsa anetso Tesalónico epuet Silvano ñama Timoteo

¹ Masheñneshacha' ñama nočhaneshacha' ñeñĪes allohuenes apčhetsa all anetso Tesalónico e'ñe seyemteñoĪ Yompor Parets epuet ñama Puechemer Jesucristo ñeñĪ Yepartseshar yepen. Na Pablon o'ch alla nequellquërrnaserr po'poñ carta epan masheñ Silvano ñama masheñ Timoteo.

² E'ñe nehuončha'teñoĪes sa napa' o'ch notas: Yomporepa'chña sebensare'tarĪpene' ñeñĪara Parets epuet Puechemer Jesucristo ñeñĪ Yepartseshar yepen. Ñetepa'chña socshatene' e'ñe sa seyothro allohuenes.

Allempoch huerra Cristopa' a'coñchatarëĪterrach allohuen ñeñĪ ama eñotaye'te Yompor

³ O'ch masheñneshacha' ñama nočhaneshacha' notas, e'ñe pocte' čhocmach yeparasyoso'teñ Yompor socop tarro'mar sapa' po'ñočh allo'na sesen ame'ña'nmaya Yompor ñama allohuenes e'ñe puesheña'ttsospa' allo'na sesen morrentanna'tyesnomtsa.

⁴ ÑeñĪo'marña yañapa' atarr yocshensa. E'ñe yocsheñoĪpa' atarr cohuen yeñosyen socop all allampaño'mar all apčha'yenet Yomporecop. Ñetpa' čhocma yeñotatyenanet atet sepena sa, ama't ñeñĪ se'moñe'tene' ñeñĪ čhocma soctare'tene' atto mueročhtatenset, tarraña sañapa' čhocma atarr sa'huantenanet e'ñe same'ñeñoĪ Yompor.

⁵ Ñehua, yapa' yeñoteñ Yomporpa' e'ñe pocte' es pa'yen. ÑeñĪo'marña yeñoteñ sapa' e'ñe same'ñeñoĪ ña, ñañapa' e'ñeca'ye pocte' entenes allochñapa' attoch sečherr all añcha'tarettena ña, sapa' ñeñĪecopña atarr sa'mueročhtatarettenañña te'.

⁶ Tarraña Yomporpa' e'ñe pocte' enteñ ñach tsa'taterraya mueročhteñtso allohuen ñeñĪ semueročhtatene' sa te'.

⁷ ÑeñĪ atto atarr semueročhtena te' e'ñe ñocop, Yomporñapa' e'ñe pocte' enteñ socop, ñachña ello socshaterre'ña sa e'ñe atet atarr coshateney ya. Yapa' ñeñĪcha'ña atarr yocshaterre' ñerra'm esempoch orretuerra Yepartseshar Jesús allempoch huerra pue'ntañoĪ. Ña po'ñočhpa' orretuerrach epuet po'mllañoĪfeñnaneshar ñeñĪ atarr ahuamencatesha' pa'yen. Ñapa' e'ñečh po'yoročhenñoĪ huerra atet ñerra'mrate' tso' huoretnets.

⁸ Allempoch huerrapa' coñchatuerranča' allohuen ñeñĪ ama eñotaye'te Yompor ñeñĪ ama ame'ña'poye' entaye'te cohuen ñoñets ñeñĪ Yepartsesharecop Jesucristo.

⁹ Ñetñapa' attoch a'coñchatarëĪterretpa' chenca'huerretča' errponañohuen. Attoch ñetpa' o'ch ellopa'tetstataretterret amach entereto Yepartseshar, amach enterrñañeto po'cohuenña all nanac partsoĪena.

¹⁰ Ñapa' tarro'marča' huerra attoch allohueney ñeñĪey pueyochresha' pen Parets, yañapa' yecohuentatapuerrñañča'. Allohueney ñeñĪey ame'ñaye't atarrča' yecuanrrortapuer. Sa'nachña cohuentatapuerre' tarro'mar sapa'čho'ña same'ñena cohuen ñoñets ñeñĪ yeñotatenes.

11 Ñeñto'marña yapa' chocma yema'yochanmpensa allochñapa' attoch Yomporpa' e'ñe pocte' entenes atto ñapa' o' chore'terres o'ch pueyochresha' perres saña. Ñaña yapa' añ yenamuennas Yompor e'ñepa'chña po'huamencot etsotatonasña allohuen ñeñt atet soctape'chyen cohuen ñocop ñaña ora ñeñt allpon setorra'yena e'ñe same'ñeñot ña.

12 Attochña sapa' e'ñech cohuen secohuentaterrñañ Yepartseshar Jesús, ñaña'pa' cohuentaterrescha' saña. Ñeñtpa' e'ñe Yompor puemuereñofey ñaña Yepartseshar Jesucristo.

2

Allempoch orrterra puesheñarr acheñ ñeñt atarr atparñañtetsa

1 Te'pa' o'ch masheñeshacha' ñaña no'chaneshacha' neñotatas po'poñ ñeñtpa' añ allempoch huerra Yepartseshar Jesucristo attoch ñapa' o'ch ap'chatuerrey allohueney e'ñe ñesho.

2 Te'pa' ñeñto'marña notenes: Ama't puesheñarroñesapa' ñato't cha yore'tensa'ña po'poñ cota'pñats. Sapa' amach cha seyorenatsto ama'tcha' se'mare'ter o' cherr allempoch huerra Yepartseshar. Ama'tcha' otasetañ ñetpa' e'ño' Parets Puecamquëñ eñoratenahuet, sañapa' ñato'tña cha seyorena'. Ama'tcha' pueserrparñofet atet otaset, sañapa' amach seyorenatsto. Ama'tcha' atet otasetañ te'pa' o' chap carta ñeñt mueñen Pablo ñeñtpa' atet oten carta, te'pa' o' cherr allempoch huerra Yepartseshar, saña e'ñe seyorno'pa' ñato'tña ñeññaña same'ñena'.

3 Ama't puesheñarroñesa sapa' amach se'mñotatstaneto ama't e'ñe errotench'a' otyesaset, tarro'mar ñetpa' atetcha' shecare'tasetañ. Ñeñto'marña napa' o'ch notas, allempopa' amaca'ye cherra' ñeñteño po' ñeñte yetñatsroch huerra Yepartseshar, ato'tña atarr atonterra' ñeñtcha' quechpuerre' Yompor. Ñaña allempopa' orrterrach puesheñarr acheñ ñeñt atarr atparñañtetsa, ñeñtpa' chenquëñtsa o'patenaya. Ñaña'pa' Yomporach atarr e'moñe'terr ñaña allohuen acheñenesha' ñeñt muechatse'tyene' pa'namen ñeñt po'yomporer pa'yenet ñachña e'ñe tanterrahuet.

4 Ñaña ñeñtña atparñañtpa' e'ñe pommo'cheño'pa' atetcha' oterran acheñenesha' ñapa' ño'ña e'ñe Yomporeretets. Attochña ama't Parets pa'paclopa' o'ch anorruerr, o'ch e'ñe atet perra ñerra'mrrate' ña po'ño'ch Yomporeretets.

5 Sapa' ama't seyerpuenoña allempo allo'tsenmeñen sesho na ama't ñeñtpa' e'ñe notuase't.

6 Sapa' seño'teñte' ñeñt onare'tatene'ña ña attot amo' huerro tarraña chocmach orrterra allempoch cherr e'ñe atet onañchare't ñocop.

7 Ama't e'ñe tayoteñ atto atpare'tenet ñoñets ñeñt atet anaretpa' ñetña e'ñe a'nahuapa' chocma atet penet. Tarraña te'pa' eñall ñeñt onare'tatene' ñeñt acheñer ñeñtcha' atarr atparñañterrtsa, ñeñtña'pa' chocmach atet pena tarremphuach esempoch aprratamñsaretterra ñeñt onare'tatene'te'.

8 O'ch aprratamñsaretterrapa' ñeñtña acheñer ñeñtcha' atparñañterrtsa allempochña orrtaterrterra. Tarraña allempoch huerra Yepartseshar Jesús ñachña e'ñe puenamot po'rreñno'pa' ñeñtcha' muetserre'ña ñeñt atarr atparñañtetsa. Attoch orrterra Jesús e'ñe ña po'partsoteño't ñeñtcha'ña e'ñe a'mchechaterre'ña ñeñt atparñañtetsa.

⁹ Ñehua, ñeñt'acheñerpa' oneñeñ atarr ahuamencat pene' attoch orterra. Ñeñto'marña pa'namencha' orrtaterr ñeñt' po'partsoña pen ña ñeñt' ama't ahuata acheñenesha' arr patsropa' ama't puesheñarrofetapa' ama puentareto. Tarraña ñeñt' po'partsoteña pen ñapa' ñeñt'pa' ama Yomporeye' apuenaye, ñeñt'pa' oneñeña apuene' atto shecare'tyen an acheñenesha'.

¹⁰ Attach e'ñe pa'namenot atarr shecare'tyerran acheñenesha' ñeñt' ama't mameshapa' ama pocteyaye. Añcha' ashcattertertsa allohuen ñeñt' ama ame'ñetso ñeñt' o'patena chenquëñets. Tarro'mar ñetpa' ahuatoteñ ama ame'ña'poye' enteññañetoña Yompor po'ñoñ ñeñt' e'ñe po'ñoçh alloch a'qeshp'atatterretañ.

¹¹ Ñeñto'marña Yomporpa' muenaterranetcha' o'ch atarr ashcatterterret, attochña ñetpa' e'ñech aña ame'ñerret shequëñets ñeñt' ama po'ñoçhayaye ama't mamesha.

¹² Attochña allohuen ñeñt' ama ame'ña'poye' entaye'te Yompor po'ñoñ ñeñt' e'ñe po'ñoçh qeshpeñets, ñetpa' aña coshete't ñeñt' ama pocteye' enteno Yompor, ñeñto'marña ñetpa' a'coñchatare'tterretcha' allempo.

Yapa' e'ñe ahuatoteñ acrerrey Yompor attoch a'qeshp'aterrey

¹³ Tarraña saña masheñnesha ñaña noñhaneshacha', yapa' ðhocma yeparasyoso'teñ Yompor socop ñeñtes atarr muerena Yepartseshar. Tarro'mar Yomporpa' ahuatoteñ acrerres sa attoch a'qeshp'aterres e'ñe cohuen. Ñeñt'pa' añcha' sa'qeshp'aterre' atto Parets Puecamquëñpa' e'ñe a'cohuentatenes ñocop atto sapa' e'ñe cohuen same'ñerrñaña po'ñoñ ñeñt' e'ñe po'ñoçh alloch yequshperra.

¹⁴ Sapa' ñeñt'ecopña ðhore'terresña Yompor allempo yeserrpare'tatase't cohuen ñoñets alloch a'qeshp'aterrey Yompor. Attochña sapa'cho'ña secuuentapreterach Yepartseshar Jesucristo esempohuañen.

¹⁵ Ñeñto'marña o'ch masheñneshacha' ñaña noñhaneshacha' noterserr: Sapa' e'ñepa'chña huomenc sepa'nom seyocher Yomporecop. Ñaña ora allpon ñeñt' yeyçhatyesase't e'ñe ya yenamot yeserrpare'tatase't ama't ñaña yecartot ñeñt'ñapa' e'ñepa'ch huomenc seyochre'cha.

¹⁶⁻¹⁷ Te'ñapa' o'ch notas: Yepartseshar Jesucristo ñaña Yompor Parets ñetepa'chña e'ñe cohuen socshaterre'ña sa seyochro, ñetepa'chña ahuamencat sepa'yese' allochñapa' attochña sapa' ðhocmach señosyen ñeñt' e'ñe cohuen ñoñets ñaña e'ñechña cohuenare' es sorrtatyen. Tarro'mar Yomporpa' ñeñt'ña atarr yemorrenenaya, ñapa' ña ñeñt' ðhocma yocshatene' yeyochro. Ñeñt'ña cosheñetspa' amach ahuañañaiterro ama't errponaña. Ña e'ñe puemuereño'pa' ðhocma eñotateney e'ñe cohuen ñeñt' atarr yeyemtena.

3

Atto Pablopa' otanet ðhocmach ma'yocham'peñet

¹ Masheñneshacha' ñaña noñhaneshacha' te'ña e'ñe allohuapa' o'ch notas: Sapa' ðhocmach sema'yocham'pesya yaña. O'ch senamueñ Yompor attoch epa'huerra tecma Yepartseshar po'ñoñ erraparen, cohuenepa'ch entyëññañet po'ñoñ e'ñe atet atarr cohuen señch sarña allempo chap sesho.

² Tarro'mar acheñenesha'pa' ama allohuenacmaye' ame'ñeneto, shonte' ñeñt' atpare'tene' Yompor ñaña shonte' atsrre'mñañnesha' ñeñt' ama cohuenayaye. Ñeñto'marña sapa' añcha' senamueñ Yompor amuepa'chña ðha atpare'tatsetyeto.

³ Tarraña Yepartsesharpa' ñachña atarr yeyemtena, ñachña ahuamenca't sepene', ñach secuam'pene', ñach sa'nataya, amach muenatano o'ch chaponasa ñeñt ama cohuenayaye.

⁴ Ñaña yapa' e'ñe yeyemteñof Yepartseshar sapa' e'ñe yeñotenes ñeñt atet yotenes sañapa' e'ñech atet sepene te' ama't ñaña tsapatonet chocmachña atet sepene.

⁵ Yepartsesharepa'chña Jesús e'ñe cohuen señotatene'ña seyo'chro atto Yomporpa' atarr morrentensa, attochña e'ñech cohuen sa'huanta'huanom allohuen topateñets e'ñe atet pe't Cristo.

Yocoppa' añ poctetsa chocmach yetaruasen

⁶ Te'ñapa' masheñneshacha' o'ch notas e'ñe Ya'mcha'tareter Jesucristo pa'so'chño, sapa' ñato't seyemteña'ña ñeñt atarr quellañets ñeñt amach mueno taruasa'. Ñeñt atet petsapa' ama mueno o'ch ame'ñanaña ñeñt atet yey'chatenes.

⁷ Sapa' e'ñe señoteñ añ poctetsa socop o'ch atet sepene sam'a e'ñe atet senteney ya. Yapa' allempo allo'tseney parro yapa' chocma yetaruasen.

⁸ Yapa' ama't errotena ama't puesheñarrapa' ama yerraprecheña puerar e'ñe at'a. Ñamche'ña yapa' chocma yetaruasen yeto e'ñe tsapome'tets atot yentña ya yerrar allempo allo'tseney sesho. Yapa' ama choye' ya'tsrre'mochtana'taso ama't puesheñarrofesa.

⁹ Ama't e'ñe pocten o'ch serratapyeñ e'ñe at'a, tarraña yapa' ama yemno tarro'mar yapa'cho'ña yemneñ o'ch yetaruasos yan'a allochñapa' attoch yorrtatonas ñeñt e'ñe cohuentetsa socop allochñapa' atetcha' sepa sam'a.

¹⁰ Allempo allo'tseney seshopa' atet yotas, ñerra'm esesha'ch atarr quel-letspa' arepa'ña rratstats, rranepa' po'çllañ.

¹¹ Yapa' ye'mare'tenes puesheña'ttsos sapa' seçllaño'pa' at'a sellapene't, ama choye' setaruaseno ama't mamesha, añaña e'ñe setorra'yena sa ñeñt ama es sherbeno.

¹² Allohuenes ñeñtes atarr quellañsarerespa' te'pa' o'ch notas e'ñe Ya'mcha'tareter Jesucristo pa'so'chño, sapa' choñaca'yeña setaruasa'ña e'ñe cohuen señañesha' atotcha' sechen allpon ñeñt sepallta'yena arr patsro.

¹³ Ñaña sa masheñneshacha' ñaña nochaneshacha', sapa' ñato'tña cha semuenme'chena'ña orrtatyese' cohuen ñeñt attecma sepa'yena.

¹⁴ Ñerra'm esesha'ch ama e'mñotaye atet yotenes añ yecartot, ñeñña acheñerpa' o'ch se'ñotortach ñapa' chocma atet pena. Sañapa' ñato'tña seyemteña'ña ñeñt atet petsa, allochñapa' atotcha' penquerra.

¹⁵ Tarraña amach atet sentatsche ñerra'mrate' cho se'moñe'teñ. Sapa' chochña e'ñe cohuen soctape'chater atet e'ñe cohuen yoctape'chateñ yemo'nasheñ.

Arrpa' all so'terranet po'cartot

¹⁶ Yepartseshar ñeñt e'ñe yocshatene' yeyo'chro ñepa'chña socshaterre' sa seyo'chro ama'tcha' erroteno'tsenes. Yepartsesharpa' e'ñepa'chña parro allo'tsenes allohuenes.

¹⁷ Na ñeñten Pablon arrpa' nequellqueñof e'ñe na nototpa' o'ch nehuom'cha'tnerres. Sapa' ñeñcha'ña señotate' añmapa' e'ñe no necarta. Allohuen ñeñt e'ñe no necartapa' attecma nequellqueñ.

¹⁸ Yepartsesharepa'chña Jesucristo sa'natenaya e'ñe allohuenes. Ñeñtach notas, ñeñpa' atetepa'ch Nompore. Allohua.

Pablo

AÑ ÑANOM SAN PABLO PO' CARTA ÑEÑT̄ QUELLCAN TIMOTEO 1 TIMOTEO

Atto Pablopa' quellcan carta Timoteocop

¹⁻² Masheñe Timoteo ñeñt̄ep̄ e'ñe yame'ñeñoť e'ñe atet̄ nentenep̄ ñerra'mrrate' e'ñe nechemer nepenep̄, na Pablon pequellquêne'ña añ carta ñeñfen Jesucristo puellsensaren, tarro'mar ñeñtpa' atet̄ llesenserren Yompor Parets epuet Puechemer Jesucristo ñeñfcha' nanac yeyemterra. Ñeñtpa' ñeñtara Yompor ñeñt̄ Ya'queshpatañer yepen, ñaña ñeñtara Puechemer Jesucristo ñeñt̄ Yepartseshar yepen. Te'pa' e'ñe nehuom̄cha'teñoťeppa' o'ch notap̄, Yomporepa'chña pebensare'tam̄pene' ñeñt̄ nanac Parets epuet Puechemer Cristo Jesús ñeñt̄ Yepartseshar yepen. Ñetepa'chña pemuerenaya. Ñetepa'chña p̄ocshatene' e'ñe p̄a peyočhro.

Timoteopa' ña cotape'chaterrahuet cohuen all anetso Efeso all ayčhatarettenet po'poñ cotap̄ñats

³ Ñaña te'pa' o'ch notap̄, ahuañmo'cha allempo nesechena o'ch ahuen Macedoniopa' atet̄ notnomuep̄, p̄apa' allach p̄a'pa Efeso attoch p̄ach cotape'chatyese' ñeñt̄ yečhatyets po'poñ cotap̄ñats, attoch ñetpa' amach allo'na yečhatneneto ñet poctap̄ñet ñeñt̄ ama po'ñočoyaye. Te'pa' ñeñt̄ecop̄ña nequellquēnnaḡ añ carta allochñapa' o'ch alla neyerpaterrperr.

⁴ Ñaña te'pa' p̄ach otyesahuet attoch amach allo'na cotape'chatyesneneto e'ñe ñet pueserrparñet ñeñt̄ ama po'ñočoyaye. Ñaña p̄ach otyesahuet attoch amach allo'na cotape'chatyesneneto ñeñt̄ atet̄ serrpare'tatyesanete't̄ pa'tañeshañ. Tarro'mar ñeñt̄ serrparñatspa' atta nanac moññe'tateñet acheñenesha'. Ñeñtpa' ama añecpayaye alloch e'ñe yeñoter erra'tsente' e'ñe po'ñoč alloch yesherber Parets ñeñt̄ atet̄ muenen ña. Añña e'ñe yame'ñeñoťa Cristopa' o'ch yeñoter.

⁵ Yomporpa' añña muenen o'ch yeyčhach acheñenesha' amorrentanna'tpahuepa'ch allohueney. Tarro'mar e'ñe yame'ñeñoť Cristo poctacma arrña yeyočropa' e'ñech cohuenare' yoctape'chyen Yomporecop. Ñaña e'ñech yeñmañesha' yoctape'chen cohuen.

⁶ Tarraña puesheña'tets acheñenesha'pa' ahuo't̄ alla quečpa'huerret ñeñt̄ atet̄ muenen Yompor. Ñeñt̄ña atet̄ serrpare'tatenet po'poñ cotap̄ñats, ñeñt̄ñapa' ama es sherbeno ama't̄ mamesha Yomporecop.

⁷ Ñetpa' añña muenenet ahuo'ch orrtet̄ atet̄ ñerra'mrrate' nanac etsotenet añ ñoñets ñeñt̄ atet̄ anaret̄ judioneshacop̄ ahuat. Tarraña ama't̄ atet̄ penetañpa' amaña eñoťeñeto este'ña yečhatenyña añ ñoñets ñeñt̄ čhocma serrpare'tenet. Ama't̄cha' ñeñt̄a nanac torrenetañpa' amachña čhenaneto pueyočhro ñeñt̄ po'ñoč atet̄ yečhateny ñeñt̄ ñoñets.

Attoch yeñoch eseshacopte' sherben añ ñoñets ñeñt̄ atet̄ anaret̄

⁸ Ñehua, allohueneypa' e'ñe yeñotueñ, ama't̄ erra'tsena ñoñets ñeñt̄ atet̄ anaret̄ ñeñt̄cha' atet̄ yeḡapa' čhocma sherben ñerra'm añecop̄ yesherbaten añ ñoñets ñeñt̄ atet̄ muenen Yompor.

⁹ Ñaña allohueneypa' e'ñe yeñotueñ añ ñoñets ñeñt atet anaret ñeñticha' atet yepapa' ama añecpaye' anarete acheñenesnacop ñeñt cohuenare' es pa'yets, tarro'mar ñetpa' o' yecha'hueñet e'ñe poctacma. Ñeñtpa' añecpa anaret añ acheñrecop ñeñt ama es otapespahuo, ñaña ñeñt nanac atpare'tetsa, ñaña ñeñt ama es chenoyo pueyoçhro ñeñt cohuentetsa Yomporecop, ñaña ñeñt nanac ochña'tare'tets, ñaña ñeñt ama amcha'na'tpo' entenaye Yompor po'ñoñ, ñaña ñeñt ama't Paretspa' achmñare'teñcha'. Ñaña añecpa anaret añ ñoñets añ acheñrecop ñeñt amtsañtetsa, ñaña ñeñt muetsene' pompor, ama't ñaña pachor.

¹⁰ Ñaña añecpa anaret añ ñoñets añ acheñrecop ñeñt cañoresha'tets, ñaña ñeñt aguene' pacma, ñaña ñeñt a'yetyene' acheñ, ñaña ñeñt atta toma'tyets, ñaña ñeñt shecare'tyets ama'tcha' atarr huomenc nenaneñña po'ñoñ Yompor pa'so'chño, ñaña ama't erra'tsente' acheñer ñeñt atpare'tene' ñeñt atet cohuen yeçhateney Yompor po'ñoñ.

¹¹ Ñaña ñeñt atet yeçhateney Yompor po'ñoñ ñeñtpa' ñeñtara cohuen ñoñets ñeñt alloch a'queshpaterrey Yompor e'ñe po'cohuenño, ñeñtara Yompor ñeñt nellsenserre' na o'ch neserrpare'toñ po'ñoñ, ñaña ñeñtara Yompor ñeñt atarr ya'ye'choçhtatyen allohueney.

Atto Pablopa' atarr parasyoso'ten atto atarr ahuamencat per Yompor

¹² Tarraña ama't ña nellsenserrayeñpa' napa' nanac neparasyoso'teñ Yepartseshar Jesucristo tarro'mar atto nanac ahuamencat pa'n. Ñaña nanac neparasyoso'teñ Yompor, tarro'mar ñapa' e'ñe pocte' enterren o'ch nesherber

¹³ ama't na ahuatpa' nanac nachmñare'che't Cristo, ñaña nanac noctare'che't ñeñt ame'ñaye't ña, ñaña nanac na'tserrpa'yesanete't. Tarraña ama't atet nepetpa' Yomporpa' ama coñe'ta morrenterno tarro'mar allempora' ama es nechenoyo neyoçhro, ñaña allempora' ama name'ñe'te.

¹⁴ Tarraña Yomporpa' ama coñe'ta morrenterno, ñeñto'marña ame'ñataterna attotña te'pa' e'ñe neyemteñoñ ñapa' nemorrentera allohuen acheñenesha'.

¹⁵ Ñeñto'mar te'pa' o' neñoter añepa'tña ñoñets ñeñt e'ñe po'ñoçh: Cristo Jesús pa' añecopña huapa añ patso attoch a'queshpatosan allohuen ochña'tenesha'. Ñeñto'marña te' napa' neñotena, allohuen ñeñt ochña'tenesha'pa' na ello metana'tuenahuet po'chñaret. Ñeñto'mar te'pa' añ poctetsa o'ch yame'ña'huerra ñeñtara añ ñoñets.

¹⁶ Ñeñto'mar Yomporpa' attotña peretnerren na, ama't napa' nanac ochña'ten, allochñapa' attoch eñochet ama't erra'tsente' acheñer ñeñt nanac ochña'tpa' attera nanac morrenteña Jesucristo. Allochñapa' ñerra'm esesha'ña ame'ñerrayapa' ñetñapa' corretsetach pocsheñeshocmañen tayoteñ e'ñe errponañohuen.

¹⁷ Ñeñto'marña te'pa' nanac nocsheñoñ noten, amorrentpahuepa'ch Yompor ñeñt partsotets e'ñe ñapue't ahuatoteñ errponohuañen, ñeñtara ñeñt ama arromñateshayaye ama't ahuata, ñeñt ama't eseshapa' ama puentare, ñeñtara ñeñt e'ñe ñapue't eñotañ. Ñeñto'marña yecohuentatoñepa'ch tayoteñ errponohuañen. Ñeñtpa' attetepa'ch Nompore.

Añpa' ñeñt atet otan Timoteo ñeñticha' atet pa

18-20 Te' masheñe Timoteo ellopa' o'ch alla noterrperr po'pocheño ñeñtcha' atet peḡa, tarro'mar atet nenteneḡ atet ñerra'mrrate' e'ñe nechemer nepeneḡ. Te'pa' e'ñech peyočhrocmañen petorra Yomporecop atet ñerra'mrrate' cho yečllarena. E'ñe ḡame'ñeñoť Cristo e'ñech peñmañeshocmañen es porrtatyen. Napa' añ noctape'chen ñeñť atet eños e'ñe cohuen ḡocop ahuañmo'cha ñeñť a'mtene' ñoñets Yomporeshot. Ama't ḡapa' čhocmuepa'ch peyerpa ñeñť atet a'pocata ḡocop, tarro'mar ñeñť atet eños ḡocoppa' ñeñtcha' allo'na ahuañmencat pepene'. Ñaña čhocmach ḡame'ñya Cristo e'ñe cohuen e'ñe peñmañesha', tarro'mar ñerra'm ama e'ñe yeñmañesha' yoctene Cristopa' ñato' acoḡonetpa' o'huañcha' yame'ñera Cristo. Ñeñť atet ḡa ahuaña epsheña yacma ñeñť pa'so'cheñ Himeneo ñaña Alejandro, ñaña po'poñečhno acheñ ñeñť atet petsa. Ñeñťo'marña napa' napuenanet oneñeñ ñeñťara epsheña yacma attoch ñapa' o'ch mueročhtatanet allochñapa' o'ch eñochet ama achñiare'tpahuo Yompor.

2

Atto e'ñe pocte' o'ch yema'yochamḡesy ñaña ama't amcha'taretečhno

1 Te'pa' o'ch notapḡ po'poñ ñeñtcha' atet ḡoctape'chatyes acheñenesha' ñeñtcha' atet pet. Ñanompma' ma'yochamḡesyetepa'ch allohuen acheñenesha', ñaña enamatoñetepa'ch acheñenesha' Yompor, ñaña parasyoso'chetepa'ch Yompor.

2 Ñaña ma'yochamḡesyetepa'ch allohuen amcha'taretečhno ama't ñaña gobierno'. Allochñapa' attoch Yomporpa' cotape'chatanet e'ñe cohuen attoch amcha'tarettet e'ñe cohuen, allochñapa' attoch yocrrena yaña e'ñe cohuen muechet. Ñerra'm atet penetpa' attochña eñall ñaña yocop attoch yema'yothrena e'ñe cohuen Yomporecop, ñaña attoch e'ñe cohuen yentanena.

3 Ñerra'm atetña yepenapa' e'ñech cohuen enteney Yompor ñeñť Ya'queshḡatañer yepen.

4 Tarro'mar ñapa' mueneñ allohuen acheñenesha'pa' o'ch a'queshḡaterranet, ñaña mueneñ o'ch eñotatuerranet añ ñoñets ñeñť e'ñe po'ñočh Yompor po'ñoñ.

5 Tarro'mar yapa' yeñoteñ Yomporpa' e'ñe patrra. Ñaña yeñoteñ e'ñe puesheñarra ñeñť čhocma eñets yocop Yomporesho, ñeñťara Yompor Puechemer ñeñť Jesucristo ñeñť acheñetosets arr patsro.

6 Ñaña ñeñťara ñeñť a'rroyatsa e'ñe ñañeña attoch puerromueñoť ñapa' o'ch tsa'tuonaya yo'chñar e'ñe allohueney ñeñťey acheñey. Ñeñťpa', atet orrtatonay Pompor allochñapa' attoch yeñoch ñeñť atet cotape'chen ña. Allempoña čhap allempo e'ñe pocte' enteñ Pompor o'ch čhap añ patsropa' allempoña e'ñe eñotatey ñeñťepa't atet cotape'chen Pompor.

7 Ñeñťo'marña napa' na allsensařet atto nach chopeñe'chats erracmañen atto e'ñe na neserrpare'tateñoťpa' o'ch name'ñatyesanet ñeñť e'ñe po'ñočh Yompor po'ñoñ, ama't ñeñť ama judioneshayaye. Ñeñť atet noten e'ñe name'ñeñoť Cristo ñeñťpa' e'ñe po'ñočh tarro'mar ñeñťpa' ama sheqēñtsoyaye.

Añ poctetsa e'ñech yeñmañesha'yema'yochena

8 Ñaña napa' nemneñ ora ama't errate' apčha'yenet Yomporecoppa' añ yacmanesha' allempo echantenet pot puema'yocheñoťetpa' e'ñepa'ch

pueñmañesha' ma'yochenet, amachña čha po'poñ entueneto pueyočthro, ñaña amach čha atsrre'močhen entueneto.

⁹⁻¹⁰ Atet ñaña coyanesachnopa' chorretepa' atet chorra'yena po'potantañ pacmanesha' ñeñt po'nanesha'. Amachña aña chorra'yesatsteto attoch aye'charettenet e'ñe ñet po'llchapota. Ñaña pue'chetpa' e'shorretepa' atet e'shorra'yena po'potantañ. Añña ama pocteyaye o'ch aña ma'yochret attoch añño'tet e'ñe cohuen pue'ch. Aññepa'chña orrtet e'ñe cohuen atto amuerañtenet, ñaña atto cohuenare' es pā'yenet. Amachña aña cohuen orrtatenahueto atto na'yenet oro, amapa' seretsma't ñeñt nanac tsa'te', ñaña atto es chorra'yenet ñeñt nanac cočhnesha' ñeñt nanaccha' tsa'te'. Aññepa'chña atet penet ñeñt e'ñe cohuentetsa Yomporecop, ñeñt poctetsa coyanesacop ñeñt otets ñapa' o' ame'ñerrana Yompor.

¹¹ Ñaña allempo sapčhena Yomporecoppa' añ coyanesachnopa' e'mñotetepa' e'ñe muetsoññen attoch es eñotet. Amachña čha atpare'teneto ama't mamesha.

¹² Ñaña allempo sapčhena Yomporecoppa' napa' ama pocteye' nenteñe coyanesha'pa' o'ch yečhaten all chorren allohuen yacmanesha', ñaña amach pomnaren pātstano yacma. E'ñepa'chña mamtetenet allempo sapčhena Yomporecop.

¹³ Tarro'mar Adánpa' ñanom ayečcataret acheñ, allotpa' ñaña Eva ñeñtcha' puetapor pā' Adán.

¹⁴ Ñaña Adánpa' ama esesha' shecaye. Aña shecoñet puetapor Eva, allot orra atparñats Yomporecop.

¹⁵ Ñeñto'marña te' allempo cheyore'ten coyanesha'pa' e'ñeč pa'llpuepñoča cheyore'ten. Tarraña ama't atteñpa' Yomporñapa' čhocmach yenpueñ attoch čhocma queshpenet e'ñe cohuen, ñerra'm po'ñoč čhocma ame'ñenet, ñaña ñerra'm čhocma amuerañtenet, ñaña ñerra'm e'ñe cohuen es orrtatyet Partsocop, ñaña ñerra'm e'ñe cohuen yečhenet.

3

Attoch yeñoch erra'tsente' pocte' ñeñtcha'yena' amčha'taret puerahuo

¹ Te'pa' o'ch notap po'poñ ñeñt e'ñe po'ñoč atet. Ñerra'm esesha' muenats o'ch amčha'taretta allohuenacop ñeñt ame'ñetsa ñeñt atarr muenene' o'ch torrena Yomporecop ñeñtapa' e'ñe poctet ñeñt atarr mueneneñ tarraña eñočepa'chña atarr torrapo' attoch e'ñe cohuen orrtatyesan ñeñt atarr sherbets.

² Tarro'mar ñeñt muenets o'ch amčha'taretta allohuenacop ñeñt ame'ñetsapa' añcha' se'n ñeñt etsotuene' ahečhno. Ñeñtcha' sena' amčha'taretpa' añcha' se'n ñeñt e'ñe cohuenare' es pets. Ñeñt ama't ahuatapa' amach eñalle attoch tanmare'cha acheñenesha' ama't mamesha. Ñaña ñeñtcha' pa'mčha'tareter pā'yes allohuen ñeñt ame'ñetsapa' añcha' sena'yes erra'tsente' senten e'ñe patra puetapor pen (ñerra'm ataporet), ñaña ñeñt nanac ma'yochrenaya ñeñt cohuentetsa Yomporecop, ñaña ñeñt e'ñe eñotuene' ñeñt cohuentetsa, ñaña ñeñt amčha'na'tpo' entuen allohuen acheñenesha'. Ñaña añ e'ñe pocte' o'ch amčha'taretta ñeñt e'ñe cohuen aguēne' acheñenesha' pa'paclo, ñaña ñeñt e'ñe cohuen yečhatene' acheñenesha' Yompor po'ñoč.

³ Ñaña añcha' se'n ñeñt ama posa'tare'tetso, ñaña ñeñt amach orroñateyaye. Ñaña añcha'ña se'n ñeñt e'ñe cohuen muerenana pamo'ts, ñaña

ñeñt ama atsrre'mñaŕeyaye, ñaãa ñeñt ama nanac ye'chapretetso quelle ñeñt apencoçhenot o'ch gana.

4 Ñaãa ñeñtcha' añcha'tarettatsapa' añcha' se'n ñeñt e'ñech cohuen ame'ñatuenana puechemerasha', ñaãa ñeñt e'ñech mecha'na'tueñ allohuen ama't ñeñt parro yeçhena.

5 Tarro'mar ñerra'm ama eñotenano attoch e'ñe cohuen ame'ñatuana ñeñt parro yeçhena'p' amachca'ye cohuenaye' añcha'tarettoña allohuenacop ñeñt ame'ñenaya Yompor.

6 Ñaãa ñeñtcha' añcha'tarettatsapa' amach aña senatsto ñeñt errte' ame'ñetsa, tarro'mar ñerra'm aña sena' añcha'tareñt ñeñt errte' ame'ñetsapa' ñeñtpa' amach e'ñe eñotuenano ñeñt cohuentetsa Yomporecop, allempopa' e'ñe ña pa'mcha'taretteñoŕpa' çhate' atarr ommo'cha. Tarro'mar ñerra'm çha yommo'chapa' ñeñtpa' ama pocteye' enteñe Yompor. Çhate' ahua-pore'taretey atet pet ahuat oneñeñt e'ñe pommo'cheñoŕpa' ahuo't hua-pore'çhet.

7 Ñaãa ñeñtcha' añcha'tarettatsapa' añcha' sena' ñeñt ama't ñeñt ama ame'ñetsopa' e'ñech cohuen entueñet ñamet. Tarro'mar ñerra'm nanac sasare'teñ ñeñt ama ame'ñetso, e'ñe puesasare'teñoŕetpa' ñato'rraña çhate' oneñeñtpa' nanac topachpa' ellopa' o'te' alla nanac atpare'terran Yompor.

Attoch yeñoçh ñaãa erra'tsente' pocte' ñeñtcha' yena' diácono

8 Attecmach pa ñaãa ñeñtcha' sherbets Yompor pa'paclo, ñeñt otenet diácono. Ñeñtcha' sherbatspa' añcha' se'n ñeñt añcha'na'tpo' entuen allohuen acheñenesha', ñaãa ñerra'm erroŕ otpa' amach shequeno, ñaãa ñeñt ama posa'tare'tetso, ñaãa ñeñt ama nanac ye'chapretetso quelle ñeñt apencoçhenot o'ch gana.

9 Ñaãa ñeñtcha' sherbats Yompor pa'paclopa' añcha' se'n ñeñt e'ñech pueñmañesha' ma'yochrenaya ora ñeñt atet yame'ñera Cristo ñeñt e'ñe po'ñoçh cohuen.

10 Ñeño'marña añ pocte' çhoch ñanom secue' ñeñtcha' sena' diácono. Ñerra'm atette' pena ñeñt atet o' notuapa' ñehua, pocte' o'ch sene' ñeñtcha' sherbats Yompor pa'paclo.

11 Attecmach ñaãa coyanesaçhnopa' añcha'na'tpo'ch enteñ allohuen acheñenesha', ñaãa amachña atta nanac puetomañentenetso, ñaãa ñeñt nanac ma'yochrenaya ñeñt cohuentetsa Yomporecop, ñaãa e'ñech cohuen cotape'çhenet Partsoçop.

12 Ñaãa ñeñtcha' sena' diáconopa' añcha' sena' erra'tsente' senten e'ñe patrpa puetapor pen (ñerra'm ataporet), ñaãa erra'tsente' senten ñeñt e'ñe cohuen ame'ñatuenaya puechemerasha' ñaãa ñeñt e'ñe cohuen ame'ñatuena'ya ñeñt parro yeçhena pa'paclo.

13 Tarro'mar ñeñt e'ñe cohuen sherbets atet ñerra'm diáconopa' e'ñech cohuen entueñ allohuen acheñenesha', ñaãa o'huañcha' poñtcha'nañoŕayaya serrpare't ama't e'ñe mamesha atto atarr ame'ñenana Cristo Jesús.

Ñeñt atet cotape'chateney Yompor attoch yame'ñerapa' ñeñtpa' nanac coçhnesha' ama't ahuatoteñpa' ama eseshaye' eñotenaye

14 Te'pa' o'ch notaŕ po'poñ. Napa' neseçhenañ o'ch naçcherrpa'.

15 Tarraña ñerra'm ama nehuapopa' amach sepallteno sapa' o'ch señoçh ñeñtcha' atet sepa, tarro'mar o' notuap añ necartot ñeñtcha' atet sepa ñeñes

parro same'ñeña Yompor, ñerra'm esempo sap'chena Yomporcop, ñeñ'fara Yompor ñeñ' ama arromñat'eshayaye. Ñaña ñeñ'fara Yompor ñeñ' e'ñe yame'ñeñ' allohueneypa' 'chochña yorrtatyen ñeñ' e'ñe po'ño'ch Yompor po'ñoñ amachña 'cha ya nasoteño.

¹⁶ Ñaña yapa' yeñoteñ ñeñ' atet cotape' chateney Yompor atto yame'ñerapa' ñeñ'pa' nanac co'chnesha' ama't ahuatoteña' ama eseshaye' eñotenaye. Aña' ñeñ' atet ya'choteñ Cristo:

Ama't Paretspa' o' acheñetos aña patsro, tarraña Yompor Puecamquëñoña nanac ahuamencattosa ñeñ' eñotateneña acheñenesha' ñapa' e'ñe po'ño'ch cohuen. Ama't allohuen mellaño'efñaneshapa' e'ñe entuoñete't ñeñ' atet pa'yese't añ patsro, ñaña ñeñ' ame'ñaye'tpa' 'chocma a'potet Cristo erracmañen arr patsro ama't all ama judione-shayaye. Ñaña shonte' acheñ ame'ñerraya Cristo, allotña Yompor po'cohuenño'pa' o' alla aguër pue'ntaño.

4

Atto esempohuañenpa' puerruerrach patantarr ama't ñeñ' ame'ñetsa te'

¹ Te'pa' o'ch notap' po'poñ. E'ñe po'ño'ch atet eñotateney Parets Puecamquëñoñ. O'ch mellapotermochapa' puerruerrach patantarr acheñ ama't ñeñ' ame'ñetsa te'. Allempopa' o'ch alla ame'ñeret ñeñ' ashcañtetsa, ñaña o'ch aña ma'yochreret oneñet poctapña.

² Tarro'mar o'ch alla ame'ñeret acheñ ñeñ' ashcañtetsa, ñeñ'fara acheñ ñeñ' ama es 'chenoyo pueyo'chro ama't mamesha ama't allempo o' achm'are'tuan Yompor.

³ Ñaña ñeñ'fara añ acheña' o'ch otyenan acheñenesha', ama pocteyaye o'ch sesna'ta. Ñaña ama pocteyaye o'ch es serratse'tyes. Tarraña allohuen ñeñ' yerrenpa' e'ñe pocte' o'ch yerreñ, ñeñ'fo'mar ye'chcach Yompor ñeñ'cha' yerren. Tarro'mar ñeñ'ey o' yeñoterr ñeñ' e'ñe po'ño'ch Yompor po'ñoñ, ñaña ñeñ'ey ame'ñetsapa' e'ñe pocte' o'ch yerren e'ñe yema'yocheño' Yompor.

⁴ Tarro'mar allohuen ñeñ' ye'chcatua Yompor ñeñ'cha' yerrenpa' e'ñe cohuenacma, ñeñ'fo'marña amach errotenot yoto ama pocteyaye o'ch yerre'. Aña pocte' 'chocmach es yerren e'ñe yeparasyoso'teño' Yompor.

⁵ Yema'yo'cham'peño' yerrarpa' e'ñe pocte' Partsocop o'ch yerreñ, tarro'mar ñeñ'pa' atet oteney Yompor.

Atto Timoteo atarr cohuen sherbenan Jesucristo

⁶ Te'pa' o'ch masheñe Timoteo notap' po'poñ. Ñerra'm atetcha' pey'chatyes acheñenesha' ñeñ' ame'ñetsa ñeñ' atet o' notuap'pa' allempoña po'ño'chpa' e'ñech cohuen pesherbeñ Yepartseshar Jesucristo. Tarro'mar atto poctape'cheñan Yompor po'ño'pa' ñeñ'cha'ña allo'na ahuamencat pepene'. Ñaña atto poctape'chen e'ñe cohuen Yomporcoppa' ñeñ'cha'ña allo'na ahuamencat pepene'.

⁷ Ñaña amach pe'mñotatsto serrparñats ñeñ' ama añeyaye ñeñ' atet ye'chateney Yompor po'ñoñ attot yame'ñera Cristo, tarro'mar ñeñ'pa' ama es sherbeno. Añcha'ña pema'yo'chra ñeñ' atet ye'chateney Yompor po'ñoñ.

⁸ Ñaña añcha'ña o'ch pema'yo'chra attoch huomenc pe'pa' peyo'cher Yomporcop. Atet pena po'potantañ acheñenesha' ma'yo'chraya attoch

huomenctatet e'ñe ñañeñeta po'chets, ama't ñeñt'pa' ama tama es sherbeno. Tarraña p'apa' añcha'ña pema'yoçhra attoch huomenc pe'pa' peyoçher Yomporecop, tarro'mar ñeñt'pa' ello nanac sherben attoch yocrra cohuen añe patsro, ñaña sherben attoch ello yocrra'huerra cohuen esempohuañen.

⁹ Ñeñt' atet notene'ppa' e'ñe po'ñoçh atet, ñeñto'marña añ pocte' o'ch ame'nyet allohuenet.

¹⁰ Ñeñto'marña te'pa' ama't e'ñe yemuerochteño'p'a' çhocma yetorrena Yomporecop, tarro'mar ñapa' ñach yeyemterra e'ñe poctacma, ñeñt' Yompor ñeñt' ama arromñateshayaye, ñaña ñeñt'ara Yompor ñeñt' Ya'qushp'atañer yepen allohueney añecop ñeñtey ame'ñenaya.

¹¹ Te'pa' ñeñt' atet o' notuappa' ñeñt'cha' atet p'oty es acheñenesha' ñeñt'cha' atet pet, ñaña e'ñech cohuenacma peyçhatyesanet.

¹² Ñaña çhocmach p'orra e'ñe cohuen acheñenesha'cop, attoch ñetpa' e'mñotapet ama't p'apa' nanac huepuesha'p. Ñaña çhocmach p'orra cohuen ama't atet pe'ñorena, ñaña ama't allempo es pe'pa'yen. Ñaña çhocmach pemuerña acheñenesha', ñaña çhocmach p'ame'ña e'ñe cohuen Yompor, ñaña ama't peyoçhropa' çhocmach p'octape'ch e'ñe cohuen ñeñt' atet pena ñeñt' e'ñe po'ñoçh Cristona'tartetsa. Allochñapa' e'ñe pesho' añña acheñenesha' ñeñt' ame'ñetsapa' o'ch çhapanet pueyoçhreto ñeñt' atet cohuentetsa Yomporecop.

¹³ Ñaña te'pa' ama't ama neçhena' napa', çhocmach pelleyatanet Yompor po'ñoñ allempo çhocma sapçhena allohuenes. Ñaña çhocmach peserpare'tatanet, ñaña e'ñech cohuen peyçhatenanet.

¹⁴ Ñaña çhocmach peyerpa atto ahuañmo'cha Yomporpa' ahuañmocat p'ap allempo ñeñt' pompornesha' pen ñeñt' ame'ñetsapa' ñetpa' net pot pesho. Ñaña atto eñoratanet Yompor ñetña allemppa' e'ñe cohuen eñosyaset p'ocop. Ñeñto'marña te'pa' añ poctetsa çhocmach petorra Yomporecop.

¹⁵ Chocmach pema'yoçhra ñeñt' cohuentetsa Yomporecop, ñaña çhoch p'ayon'ya, attoch acheñenesha'pa' entonapet ñeñt' atet petsoten Yomporecop.

¹⁶ Ñaña çhocmach peñota p'añeña, ñato' cohunte' p'octape'chen, ñato' amate'. Ñaña çhocmach peñota p'añeña ñato' e'ñe'ete' atet peyçhaten. Ñaña çhocmach peyçhat cohuen e'ñe atet oteney Yompor po'ñoñ attoch pequeshperra pa, ñaña allohuen ñeñt' pe'mñotene'.

5

Añpa' ñeñt'cha' atet yepannena ñeñtey ame'ñetsa

¹ Masheñe Timoteo, te'pa' o'ch noterrperr po'poñ. Amach peche'ptare'tatsche ñeñt' po'nare' yacma ñerra'm esempo pantenet. Elloña çhochña p'octape'chaterranet cohuen e'ñe aco'pa. Atet'cha' pentanet ñerra'mrrate' e'ñe p'ompor pepenanet. Añña allohuen hueparnesha'çhnopa' atet'cha' pentanet ñerra'mrrate' e'ñe pemo'nasheñ pepenanet poctacma.

² Ñaña coyaneshachno ñeñt' po'nare'pa' atet'cha' pentanet ñerra'mrrate' e'ñe p'achor pepenanet poctacma. Añña ñeñt' shopshare'pa' atet'cha' pentanet ñerra'mrrate' e'ñe p'och pepenanet poctacma. Amachña çha muene' p'allocchame'tyenaneto ama't mamesha.

³ Ñaña añ poctetsa çhocmach seyempue' rretorrnanesha' ñerra'm esempo ama eñallete ñeñt'cha' yenpahuet.

4 Tarraña ñerra'm erra'tsen rretorraneshar echene' puechoyoresha' amapa' pue'ñaresha', ñeñtpa' aña pocte' ñetach cohuanpset pachor. Tarro'mar añ pocte' e'ñe ñet o'ch eñochet ñanomcha' añ yecuanpset yamo'ts attochña yesherber Yompor ña'ña attoch yesherbeñ yamo'mte' atto ñetpa' cohuanpset yama' ahuat. Tarro'mar ñerra'm atet yepapa' e' ñech yochshateñ ama't Yompor.

5 Añpa' attoch señoche erra'tsente' rretorraneshar palltetsa o'ch seyenpue': Añcha' seyenpa' ñeñt rratotetsa e'ñe ñapfa ñeñt ama echenaye puechoyoresha', ña'ña ñeñt e'ñe yemtenaya Yompor, ña'ña ñeñt ðhocma ma'yochenaya Yompor pate'tets yet, ña'ña ama't tsapo.

6 Tarraña erra'tsen rretorraneshar ñeñt atfa coshatse'tyetsapa' ðhach ottena ñerra'mrrate' o' rroma, ama't allempo correnmeñ.

7 Te'pa' o'ch potanet ñeñtcha' atet pet attoch ama eñalle ama't eseshapa' o'ch sasare'tanet.

8 Ñerra'm esesha' ama muenenaye o'ch cohuanpset pamo'ts ama't ñeñt parro yechena ñeñtña achen atetpa' amaca'ye po'ñoche' ame'ñenano ñeñt atet oteney Yompor. Ña'ña ñeñt atet achenpa' amach pocteye' enteñe Yompor ama't mamesha. Ñeñtpa' elloch metaneñ ama't ñeñt ama ame'ñetso.

9 Ña'ña po'poñ attoch señoche erra'tsente' rretorraneshar ñeñt pocte' ñeñtcha' seyenpa', ñeñtpa' erra'tsente' po'nmeneshar ñeñt echene' pechapoch çharra' po'charña, ña'ña ñeñt patrrach puerrollar pe't.

10 Ña'ña erra'tsente' senten ñeñt e'ñe cohuenare' es pets, ñeñt e'ñe cohuen cohuanpene' puechoyoresha', ña'ña ñeñt nanac amueraña, ña'ña ñeñt e'ñe cohuen aguene' puemo'to', ña'ña ñeñt e'ñe pueñmañesha' sherbene' allohuen ñeñt ame'ñetsa, ña'ña ñeñt nanac yenpuene' ama't ñeñt mueroçhtetsa, ña'ña ñeñt nanac pa'yene' po'poñeçhno ñeñt cohuentetsa.

11 Tarraña ñeñt rretorraneshar attera shopsheshameñ ñeñt ama echenana' pechapoch çharra' po'charñaapa' amach sagapatsche, tarro'mar ñerra'm machaya muenme'cherran sherbe' Cristopa' o'te' alla some'terra,

12 çhate' tanmare'cha achenenesha' tarro'mar amach etsotano ñeñt atet otan Cristo ahuañmo'cha.

13 Ña'ña ñato' o'ch atfa nanac quella', ñato' po'çllañoipa' ñato' o'ch atfa ta'yesa po'poñ pocollo'mar serrpare'tatsetyesets pa'namen ñoñets, ña'ña ñato' o'ch atfa a'metare'tyesan ñeñt atet pa'yena po'psheññeçhno ama't ñeñt ama otenayaye.

14 Ñeñto'marña napa' e'ñe pocte' nenteñ ñeñt shopsheshameñpa' some'terrepa' ña'ña cheyore'terrepa' attoch añach ma'yoçhrena ñeñt pa'paçllacop. Ñerra'm atet penetpa' attochña amach eñalle ama't ñeñt ye'moñe'tene'pa' amach sasare'tye.

15 Tarro'mar puesheña'tets rretorranesha'pa' o' alla puerruerret o' alla coteret oneñe't.

16 Te' ellopa' o'ch notap po'poñone't. Ñerra'm eñall ama't coyanesha' ñeñt ame'ñetsa, ña'ña ñerra'm ña pamo'ts rratotatsapa' e'ñe pocte' ñañeñach cohuanpse' pamo'ts. Allochñapa' amach pallteno allohuen ñeñt ame'ñetsapa' o'ch apueñet ñeñt pallta'yena. Allochñapa' attoch añcha'ña yenpuenet po'poñeçhno rretorranesha' ñeñt ama echenaye pamo'ts ñeñtcha' yenpuene'.

Añ poctetsa ñeñtcha' atet yepañ ñeñt nanac torretsa Yomporcop

17 Te'pa' o'ch notap̄ po'poñ. Ñeñt̄ pompornesha' pen ñeñt̄ ame'ñetsapa' ñerra'm e'ñe cohuen am̄cha'tarettenetpa' e'ñe pocte' acheñenesha'pa' cohuencha' cosheñet, ñaña ellopa' añ pocte' o'ch es apueñet ñeñt̄ palltena. Ñeñt̄pa' ñeñt̄cha' atet sepeñ erra'tsencha' ñeñt̄a po'taruas pe' atto serrpare'ten, ñaña ñeñt̄ e'ñe ma'yočhrenaya yečhatets Yompor po'ñoñ.

18 Tarro'mar ama't Yompor po'ñoñ ñeñt̄ anuaret̄ ahuatoteñpa' atet toma'ntateney, ñeñt̄pa' atet oten: "Ñerra'm esempo satmama'tateñ huaquësh attoch es serroclome'chach pa'tcoť, allempopa' amach sempanma'tatsche. E'ñe pocte' rranepa' ñaña ñeñt̄ serroclome'chateñ." Ñaña ñeñt̄ atet oten po'poñ Yompor po'ñoñ: "Ñeñt̄ ataruasañpa' e'ñe pocte' čhocmach agapan po'tsa' atto taruasen."

19 Ñaña ñerra'm eñall puesheñarr ñeñt̄ a'metare'tam̄pene' ñeñt̄ pompor pen ñeñt̄ ame'ñetsapa' sapa' amach same'ñatscho. Añña ñerra'm epsheña a'metare'tam̄pene' amapa' ma'psheña, allempopa' pocte' o'ch se'ññoč, tarro'mar allempopa' o'ch señoč ñato' po'ñočhte' atet.

20 Atteña ñerra'm po'ñočhte' atet pena, allempo allo'tsa'yen allohuen acheñenesha'pa' añ poctetsa o'ch soch ñeñt̄ atetpa' ama aña'pahuo. Allochñapa' po'potantañpa' čho'ña esheccha' mecha'na'tenen.

21 Añpa' čhocmach atet peña ñeñt̄ atet o' notuap̄ ama't errotente' o' p̄ohua ñeñt̄ parro nanac peyemtena ahuaña. Tarro'mar Yomporpa' en-tenep̄ epuet Puechemer Jesucristo ñeñt̄ara Yepartseshar yepen, ñaña epuet po'millañoťeññaneshar ñeñt̄ epuet yemtena ña. Allohuenetpa' e'ñe entuenpet ñeñt̄o'marña te'pa' añ pocte' o'ch pepena ñeñt̄ atet o' notuap̄.

22 Te'pa' o'ch noctape'chaterrperr po'poñ ñeñt̄cha' atet sepa. Ñerra'm esempo semneñ o'ch sena'yes ñeñt̄cha' am̄cha'taretterrtsa Yomporecop, amach ahuen senatstere ñeñt̄cha' am̄cha'taretterrtsa, čhochña secua'yes erra'tsente' acheñer ñeñt̄ e'ñe cohuen es pa'yets. Tarro'mar ñerra'm aña sena'yes ñeñt̄ ama cohuen es petsopa' te't e'ñe ña po'chñaroťpa' atet sepena samña. Ñeñt̄o'marña te'pa' čhocmach pa'ypo'ñañpes ñeñt̄ ama cohuenayaye ama't mamesha.

23 Te'pa' o'ch notap̄ po'poñ. Atto p̄apa' čhocma p̄atsna'tame'ten, ñaña atto atserrpare'teneť p̄atopa' añ pocte' amach p̄orratsterrerro e'ñe ñapueť oñ, añcha'ña epuet p̄orr coñe't vino.

24 Ñaña te'pa' o'ch notap̄ po'poñ attoch peñoč. Eñall puesheña'tets acheñ ñerra'm esempo pena ñeñt̄ ama cohuenayaye Yomporecoppa' yapa'čho'ña o'ch yeñotanet allorocma. Allempoña yapa' o'ch yot, po'ñoč añpa' ama pocteyaye. Tarraña eñall ñaña po'poñečhno acheñ ama't esempo pet ñeñt̄ ama cohuenayaye Yomporecoppa' ñeñt̄pa' amach esesha' eñotaye ama't puesheñarroťa. Tarraña esempohuañenpa' orrtatuaretterrach.

25 Attecma pena ñaña ñerra'm esempo yepena e'ñe cohuen, acheñenesha'pa' o'ch entuenyet e'ñe cohuen. Tarraña errotenopa' ama't e'ñe cohuen enteney Yomporpa' acheñenesha'pa' amach e'ñe cohuenayae' entenyeto. Tarraña esempohuañenpa' čherranet̄cha' pueyočhro.

6

Añpa' ñeñt̄ poctetsa ñeñt̄cha' atet p̄a ñeñt̄ ataruasataret e'ñe atta

1 Te'pa' o'ch notap̄ po'poñ ñeñt̄ poctetsa ñeñt̄cha' atet p̄a ñeñt̄ ataruasataret e'ñe atta ñeñt̄ara ñeñt̄ o' ame'ñerrana Cristo. Añ pocte' ñetpa' cohuencha'

eñchet po'patronar, attoch e'ñe ñofofetpa' amach errotenot eñalle attoch achñare'tachet Yompor, ña'ña ñeñt atet yeychaten Cristocop.

² Ña'ña ñeñt ataruasataret e'ñe atfa, ñerra'm po'patronarpa' ame'ñenet ñametpa' elloña allempopa' amach atpare'tatscheto ama't mamesha, tarro'mar o' pa'mo'nasheñ peret e'ñe pame'ñeñofet Yompor. Amach ota'pa'statsteto "te'pa' ama'tcha' ama e'ñe name'ñyo nepatronarña' o' ame'ñerrapa' amach errot pa'no." Elloña te'pa' e'ñech yemorrenteñesha' yesherbeñ yemo'nasheñ e'ñe cohuen. Masheñe Timoteo, a'ña'pa' chocmach peychatanet, ña'ña o'ch potanet ñeñtcha' atet pet.

Cotapñats ñeñt ama po'ño'choyaye

³ Ñerra'm esesha' yechatats po'poñ cotapñats ñeñt ama atteyaye atet yechatene yepartseshar Jesucristo ñeñt po'ño'ch atet muenen Yomporpa'

⁴ ñeñt achein atetpa' attach ommo'chena, po'ño'ch ñeñt'pa' ama choye' es eñoteno. Ñeñt atet achein'arpa' añecpach atet pena attoch es otnare'tyesan achein'esha' e'ñe po'poñ cotapñatso'mara. E'ñe potnare'tanna'teñofetpa' o'ch atfa atsrre'mare'tet, ña'ña o'ch atfa e'moñe'tanna'tet, ña'ña o'ch atfa sasare'tanna'tyeset, ña'ña allempopa' o' huañcha' eñoranna'tet.

⁵ Po'ño'ch añ achein ñeñt atfa cotape'chatse'tets e'ñe ñañeña poctapño'pa' po'ño'chpa' amach cotape'chenano ama't mamesha ñeñt cohuentetsa ña'ña amach eñotenano ñeñt po'ño'ch alloch yequeshperra. Ñetpa' attach chocma mueneñet o'ch es otnare'tanna'tyeset. Ña'ña ñetpa' añecpach mueneñet o'ch serrpare'tet Yomporecop attoch ganet esocmañen. Ñeñto'marña ñeñt atet achein'pa' amach peyemtatscho.

⁶ Ñehua, po'ño'ch yapa' yeñoteñ e'ñe yame'ñeñof Cristopa' shonte' yechen esocmañen. Ñeñto'marña yapa' ñeñtach nanac yocshena.

⁷ Tarro'mar allempo ye'ñalleta ahuatpa' atfa ye'ñalleta muelle'mcot. Te'pa'cho'ña ñerra'm esempo yerromuenpa' amach errotenot yahuanmo yechecom.

⁸ Ñeñto'mar yapa' amach es yellcatsto. Ñerra'm yechen ñeñtcha' yerra' ña'ña ñeñtcha' yechorrappa' ñeñtach yocshena.

⁹ Tarro'mar ñeñt muenets o'ch echan esocmañenpa' amach errotenot ahuantano atto topatyeny oneñet. Attach pa'namen ye'chatse'tyenet ñeñt ama es sherbetso. Elloña ñeñt'pa' ñeñtcha' anmahuet chenquẽntso esempo-huañen.

¹⁰ Tarro'mar e'ñe yeye'chapreteñof quellepa' allot huenaña esocmañen sosya'tsañ. Tarro'mar puesheña'tets ñeñt nanac muenets o'ch ganet shonte' quellepa' atteñapa' o' huañcha' ame'ñyet Yompor. Ñeñto'marña aco'ponetpa' o'ch huapanet shonte' ñeñtcha' nanac llecatahuet.

Añach paterr yema'yo'chra ñeñt cohuentetsa Yomporecop

¹¹ Tarraña p'apa' amach atet pe'patsto tarro'mar p'apa' anarete'p Yomporecop. Ñeñto'marña p'apa' añach pema'yo'chra ñeñt cohuentetsa Yomporecop, ña'ña chocmach peyere'ya Yompor, ña'ña chocmach pame'ñya cohuen, ña'ña chocmach pemorrencha pamo'ts, ña'ña chocmach pa'huanta'huanom ñeñt atarr echarr pentyen amach p'añeña e'ñe cohuen entatstatso.

¹² Ña'ña chocmach pame'ñya cohuen Yompor atet ñerra'm cho pe'cllarena Yomporecop. Allochñapa' esheccha' pe'ño'ch p'apa' corretsapach tayoteñ e'ñe

errponañohuen. Ñeñfo'mar Yomporpa' thore'taḡ ahuaña allempo peñotach allohuen acheñenesha' atto papa' o' ḡameñerra.

¹³⁻¹⁴ Te'pa' o'ch masheñe noterrperr po'poñ ñeñfcha' atet peḡa. Chocmach petsotua ora ñeñf atet oteneḡ Yompor. Amach poctape'chatsto po'poñonef attoch amach eñalle attoch tanmare'taḡa acheñenesha'. Añpa' atetcha' peḡa tarremphua esempohuañencha' huerra Yepartseshar Jesucristo. Tarro'mar ama't te' Yomporpa' enteneḡ, ñeñfara Yompor ñeñf yapuene' yocorreña teme'ttsen, ñaña allohuen ñeñf yentyen. Ñaña Puechemer Jesucristopa'cho'ña enteneḡ, añ ñeñfara Cristo ñeñf eñosets e'ñe cohuen allempo a ḡto'tare'teñ Poncio Pilato.

¹⁵ Esemphuañencha'ña pocte' enter Yomporpa' allempochña mueñerranerr alla Puechemer arr patsro, ñeñfara Yompor ñeñf e'ñe patrra, ñaña ñeñfara ñeñf atarr ya'ye'chochtatyen allohueneḡ, ñaña ñeñfara ñeñf nanac ahuamencat, ñeñf Pompor pen ama't allohuen ñeñf añcha'taretetyetsa, ñaña allohuen ñeñf ayochreshatetyetsa.

¹⁶ Ñaña ñeñfara Yompor ñeñf ñapuef ama arromñañeshayaye, ñeñfara Yompor ñeñf yeçhetsy allo'tsen puetare' ñeñf nanac a'rrechatañ all amach errotenoḡ yeçhapo. Ama't puesheñarra acheñpa' ama puentare all, tarro'mar amate' errotenoḡ yeçhapo. Ñeñfo'marña ya'ye'chochtatoñepa'ch Yompor, ñaña ahuamencatepa'ch tayoteñ errponohuañen. Ñeñfpa' attetepa'ch Nompore.

Arrpa' all cotape' chatan ñeñf nanac eçllayoret

¹⁷ Te'pa' o'ch notap po'poñ. Ñeñf nanac echeçmattetsy añ patsropa' o'ch ḡotanet amach ommo'chatsteto e'ñe po'cheçmot, ñaña amach cotape'chatsteto ñato' poçllayorotpa' amach es pallterreto, tarro'mar ñeñfpa' huañerrcha' esempohuañen. Añña yemchetepa' Yompor ñeñf ama arromñañeshayaye ñaña ñeñf yapuene' shonte' esocmañen ñeñfcha' çhocma yocshatene'.

¹⁸ Ñaña o'ch ḡotanet petepa' e'ñe cohuen Yomporecop, ñaña es apa'yesetepa' ñeñf es palltetsy, ñaña amuerañtetepa'.

¹⁹ Ñerra'm atetcha' petpa' eñallcha' shonte' alloch coshaterranet tsapatonet Yompor. Ellopa' o'ch apanet ñaña attochña ñetpa' corretsetach poçsheñeshocmañen tayoteñ e'ñe errponañohuen.

Ñeñf atet otan Timoteo e'ñe allohuanen

²⁰ E'ñe allohuanenpa' o'ch masheñe Timoteo noterrperr alla: Chocmach petsotua ora ñeñf atet oteneḡ Yompor. Amach pe'mñotatsche ñeñf çhocma mamesha o'ch es otnare'tanna'tyesa. Ñeñfpa' ama sherbeno ama't mamesha Yomporecop. Ama't ñetpa' otenetañ po'ñocho' es eñnotenetpa' tarraña yapa' yeñoteñ ñeñfpa' ama po'ñoçhoyaye.

²¹ Tarro'mar puesheña'tets ñeñf coçtene' atetpa' ama çhenaneto pueyoçhro ñeñf atet yame'ñeña Cristo.

Te'pa' Yomporepa'ch ḡa'nataya. Ñeñfach notaḡ, ñeñfpa' attetepa'ch Nompore. Allohua.

Pablo

AÑ PUEPAÑ SAN PABLO PO' CARTA ÑEÑÏ QUELLQUËRRANERR TIMOTEO 2 TIMOTEO

Atto Pablopa' alla quellquërranerr carta Timoteocop

¹⁻² Masheñe Timoteo, ñeñteḗ nanac nemuerena tarro'mar atet neneḗ ñerra'mrrate' e'ñe nechemer nepeneḗ. Na Pablon o'ch alla nequellquërraneperr po'poñ carta, ñeñten Jesucristo puellsensaren tarro'mar atet muenen Yompor attoch nach eñotatyese' allohuen acheñenesha' ñeñt atet oteneḗ Yompor: E'ñe yeyemteñoḗ Puechemer Cristo Jesús pa' yañapa' corretsayach yocsheñeshocmañen tayoteñ e'ñe errponañohuen. Te'pa' e'ñe nehuomñcha'teñoḗḗpa' o'ch notap: Yomporepa'chña pebensare'tañpene' ñeñt nanac Parets epuet Puechemer Cristo Jesús ñeñt Yepartseshar yepen. Ñetepa'chña pemuerenaya. Ñetepa'chña ḗocshatene' e'ñe ḗa peyoḗhro.

Atto Timoteo e'ñe cohuen ame'ñena

³ E'ñe neyerpueñoḗḗpa' napa' ḗhocma neparasyoso'teñ Yompor ḗocop, yeto ama't ñaña tsapo allempo ḗhocma nema'yocheña Yompor ḗocop. Ñeñtara Yompor ñeñt ḗhocma neñmañesha' neshherben, atet sherbe't ñaña ahuat natañneshañ.

⁴ Ñaña napa' ḗhocma neyerpuena allempo peya'na'tapuen ahuañmo'cha. Ñeñto'mar te' napa' nemneñ errotenuhuc'a' yentannerra attote' ḗocshaterren.

⁵ Ñaña ḗhocma neyerpuenḗa atto ḗapa' e'ñe cohuen ḗame'ñena, ñaña atet ame'ñena ñaña ḗacnor Loida ñaña ḗachor Eunice. Ñeñto'marña napa' neñoteñ ḗapa'ḗo'ña ḗhocmate' ḗame'ñena e'ñe cohuen.

Atto ama apenca'pahuo e'ñe yeserrpare'teñoḗ Yompor po'ñoñ

⁶ Ñeñto'mar napa' nemneñ o'ch alla neyerpaterrperr atto ahuañmo'cha Yomporpa' ahuañmencat ḗapḗ allempo nena' namña not pesho. Ñeñto'marña te'pa' amach pemuenme'chatstoñe ñeñt atet otaḗ Yompor.

⁷ Tarro'mar Yomporpa' ama añeḗpaye' chorratenyona Puecamquëñ attoch yapa' o'ch ḗha yeñcha't, añeḗcopña chorratenya attoch ahuañmencat ḗa'y, ñaña attoch yemorrentanna'ta allohueney, ñaña attoch e'ñe cohuen yorrtayen ñeñt atet muenen Yompor.

⁸ Ñeñto'marña te'pa' amach pepencatsto atto peserrpare'teññañ ñeñt atet pena Yepartseshar Cristo. Ñaña amach pepencatsto e'ñe no'mar atto napa' o' cárcele'terrnet e'ñe name'ñeñoḗ Cristo. Elloña ḗhochña pocte' peñch ḗaña o'ch pemueroḗhtapretna e'ñe peserrpare'teñoḗ Cristo po'ñoñ tarro'mar Yomporpa' attoña ahuañmencat peneḗ.

⁹ Ñeñtara ñeñt o' a'qeshḗatterrey, attoña o' ḗhore'terrey attoch yema'yoḗhra ñeñt cohuentetsa Partsocop. Tarraña añmapa' ama añoteyaye atto e'ñe cohuen e yepa'yese't ahuat, añmapa' tarro'mar atet muenen ña. Yomporpa' nanac morrentye't ñeñto'mar ama't ahuañtoteñpa' ahuo't o'patatya Puechemer Cristo Jesús.

¹⁰ Ñeñt huapatsa attoña te'pa' o' yeñoter atto nanac morrentya Pompor. Ñeñtara Puechemer Jesucristo ñeñt Ya'qeshḗatañer yepen, tarro'mar ñach

ya'qushpaterre' yerromñoof attoch elloch yocrra'huerra, allempopa' amach alla ya'rromñaaterra'te. Ñeñto'marña yoten te'ña yapa' o' a'huañamperrey Cristo atto o'patye't rromueñets. Te'pa' o' yeñoter tarro'mar atet yechateney cohuen ñoñets ñeñi huetsa Yomproshot.

11 Ñeñña añ cohuen ñoñetspa' ñeñfecop allsensareten attoch nach a'pote' allemeñ acheñenesesho'mar ama't ñaña ñeñi ama judioneshayaye, ñaña attoch nach yechatyesahuet ñeñtara añ ñoñets.

12 Ñeñto'marña te'pa' e'ñe neserrpare'teñoif añ ñoñetspa' muerochtatennet, tarraña napa' ama nepenqueno tarro'mar napa' neñoteñ Yompor ñeñi neyemtenapa' nanac ahuamencat. Ñeñto'marña neñoteñ e'ñe po'huamencotpa' o'ch cohuanmpson ora all netorra'yese't ñocop ñeñi atet yechenna ama't tayoteñ esempohuañencha' huerra.

13 Papa' chocmach poctape'ch ñeñi atet o' neychatuanmañ, ñeñtara ñoñets ñeñi e'ñe pa'charr cotapñats. Ñaña peparrocmateñoif Cristo Jesúsapa' chocmach pame'ña cohuen, ñaña chocmach pa' mueraña.

14 Ñaña chocmach peñota, amach pa'po'poñetatstoñe Yompor poctapña ñeñi atet yechenpa Yompor. E'ñe po'huamencot Parets Puecamqueni ñeñi yeçheta yeyochro ñepa'chña peyenpue'.

Atto puesheña'tetspa' a'ypo'ña'huaneret Pablo

15 Napa' o' notañ atet tarro'mar ama't papa' peñoteñe' shonte' acheñ ñeñi ye'cha'yetsa Asio'marpa' o' sohuanernret, atet ñerra'm Figelo ñaña Hermógenes.

16 Te'pa' ña chocma nocshatene' Onesíforo tarro'mar ñapa' ama penqueno ama't napa' cárcelot'senen. Ñeñto'marña Yomporpa' a'natanepa' Onesíforo pamo'tsesha'.

17 Ahuañmo'cha allempo chap Onesíforo arr Romopa' ñapa' nanac e' name'terren atot enterren.

18 Ama't papa' nanac peñoteñ, ahuañmo'cha Efesopa' ñapa' nanac yenpa'y. Ñeñto'marña Yomporpa' muera'huerepa'ch esempohuañencha' huerra po'yoro'chenñoif.

2

Ñeñicha' atet yetorra e'ñe cohuen Jesucristocop

1 Nechemere Timoteo, e'ñe peparrocmateñoif Cristo Jesúsapa' huemenquipa'ch pe'pa' peyo'cher tarro'mar ñapa' chocmach yenpañ.

2 Allpon pe'mone't ñeñi atet neserrpare'tache't shonte' acheñenesha'pa' papa'cho'ña te'pa' attemach pey'chach po'poñe'chno ñeñi ame'ñetsa attoch netpa'cho'ña eño'chet ye'chatet allohuen pamo'tsesha'.

3 Ñaña o'ch notañ po'poñ. Papa' amach peñcha'tatsto attoch pemue-rochtapreya. Chochña pocte' peñch o'ch pemuero'chta atet ñerra'mrrate' cho pe'cllarena e'ñe cohuen Jesucristocop.

4 Ñato' o'ch netma'ntacha ñeñi atet pena solltarnesha'. Solltar ñeñi ejército'tsenpa' amach es cotape'cheno po'poñone' ñeñi atet pena ñeñi ama ejército'tseno. Añach paterr cotape'chen attoch coshatan ñeñi mandene'. Añ toma'ntena yapa'cho'ña añach paterr yoctape'chen attoch yocshach Jesucristo ñeñi yeyechenaya yaña.

5 Ñato' o'ch netma'ntatererr po'poñ ñeñi atet pena ñeñi atarr jueguëtsa. Ñeñi atarr cohuen jueguëtsa chocmach jueguënet e'ñe cohuen e'ñe atet

anarettenet ñocpuet attoch e'ñe cohuen ganet. Ñerra'm ama e'ñe atet jueguëto e'ñe atet anarettenet ñocpuet, amach errotentot aparettoña ñeñicha' coshatahuet ñeñecop atarr jueguënet. Ñeñipa' añ toma'ntena yapa'cho'ña ñerra'm amach atet yeperro ñeñit atet anaret Yompor po'ñoñ yocop, amach errotentot apuerrye ñeñicha' nanac yocshaterre'.

6 O'ch netma'ntatererr po'poñ. Ñeñit nanac taruasets pa'mropa' ñapa' ñanomcha' rre' ñeñit nare'ten. Ñeñipa' añ toma'ntena ñeñit nanac torretsa Yomporecop ñapa'cho'ña nanaccha' coshateñ po'taruas ñeñit atet torrena Yomporecop.

7 Ñehua, pöctape'ch ñeñit atet noteneþ tarro'mar Yepartsesharpa' chapatonapcha' peyoçhro ora ñeñit atet toma'ntena añeçhno.

Añ pocte' çhocmach yeyerpueña Jesucristo

8 Amach pepsatsto atto Jesucristopa' tanterra allempo rroma, ñeñitara ñeñit po'mreneñ David, ñaña ñeñitara Cristo ñeñit çhocma neserrpare'ten attoch yequeshperra.

9 Ñeñito'marña napa' attotña huanca'net atto te'pa' nanac nemueroçhtena atet ñerra'mrrate' amtsañen. Tarraña Yompor po'ñoñpa' amach errotentot huanquëto.

10 Ñeñito'marña napa' çhocma na'huanten atto nemueroçhtena, allochñapa' ñerra'm erra'tsencha' acerrr Yompor ñeñicha' ame'ñerrayapa' queshperretcha' e'ñe pame'ñeñoft Cristo Jesús. Ñaña all Yompor po'cohuenñopa' correrretcha' errponohuañen.

11 Añ ñoñets allo çhocma ya'çhoteñ Yomporpa' e'ñe po'ñoçh atet:

Ñerra'm e'ñe yame'ñeñoft Cristo yerromapa' yeyçherrach parro epay Cristo.

12 Ñaña ñerra'm çho yemueroçhtaprecha Cristopa' ya'ncha'tarettapreterach esempohuañen. Tarraña ñerra'm çha ya'nasoteñapa', ñapa'cho'ña a'nasoterryach esempohuañen.

13 Ama't allempo yapa' ama yeyemteño, tarraña po'ñoñ ñeñit atet otenpa' çhocma po'ñoçh atet, tarro'mar amach errotentot alla a'po'poñeterrano ñañeña po'ñoñ.

Atto Yomporpa' e'ñech cohuen pa'taruasañer peny

14 O'ch alla noterrperr po'poñ: Chocmach peyerpacha acheñenesha' ñeñit atet o' notuap, ñaña o'ch potanet e'ñe Yompor po'huamencot amach allo'na otnare'tanna'tyesneneto e'ñe ñañeñeta pöctapño'maret. Tarro'mar atto es otnare'tanna'tyenetpa' ama't mameshapa' ama es sherbeno. Ñerra'm attach penetpa' atteñapa' o'ch alla puerruerra allohuen acheñenesha' ñeñit e'mñotenahuet.

15 Tarraña papa' añcha'ña pema'yoçhra ñeñit cohuentetsa Yomporecop attoch ñapa' entap e'ñe cohuen ataruasañeþ. Amach eñalle ñeñicha' pepencate' all petorra'yena ñocop. Attochña çhocmach pesherbatoñ po'ñoñ ñeñit e'ñe po'ñoçh ama shequëñtsoyaye.

16 Ñaña papa' amach pa'na otnare'tatstahueto ñerra'm esempo es otnare'tanna'tyenet. Tarro'mar ñeñit atet serrpare'tatyenetpa' ama añeyaye alloch huomenc yeþa' yeyoçher Yomporecop. Ñaña ñeñit atet petsapa' atteñapa' o'ch allo'na senet puesuanmuet ñeñit atet yeçhateney Yompor.

17 Ñaña ñerra'm allo'nach yechatnenet ñeñt ama es sherbetsopa', atteñapa' ñerra'm o'chña epa'hua orapa' allo'nach senet puesuanmuet ñeñt atet muenen Yompor. Ñato' o'ch netma'ntacha ñeñt atet pena atснаñets ñeñt otenet cáncer ñeñtpa' mamesha o'ch epa'hua ora yechtso o'ch muetsay. Ñeñtpa' atet pa epsheña ñeñt pa'so'cheñ Himeneo ñaña Fileto, tarro'mar ñetpa' aña yechatenet po'poñ cofañats.

18 Ñetpa' atta aycha'natateññañet Yompor po'ñoñ all oteney esempopa' yetanerrach. Ñetpa' ahua't serrpare'tatieset acheñenesha' atet: "All oteney Yompor atoch yetanterra esempopa' ñeñtpa' toma'nteñsa. Ñeñtpa' aña toma'ntena atto yapataretta ahuaña oño." Ñeñto'marña patanta'tets ñeñt ame'ñetsapa' alla quechpa'hueret atto ame'ñeñet Yompor.

19 Ama't atet pañ patantarrpa' tarraña Yompor po'ñochpa' ama pueno po'ñoñ. Ama't Yompor po'ñoñ ñeñt aquellcaret ahuatoteñpa' atet eñotateney eñallach pate'tets acheñ ñeñt po'ñoch ame'ñenaya. Ñeñtpa' atet oten: "Yomporpa' cheme'tenan ñeñt po'ñoch ame'ñenaya." Añpa' arr eñotateney po'poñ Yompor po'ñoñ ñeñt aquellcaret ahuatoteñ, ñeñtpa' atet oten: "Allo-huene y ñeñey cotene' Cristopa' yequechpa'huerrepa' allohuen sosya'tsañ."

O'ch netma'ntacha ñeñt atet pena pocoll

20-21 Po'ñochpa' choch yesuanom allohuen sosya'tsañ, allochñapa' atoch añach yema'yochra atoch yesherbe' e'ñe cohuen Yompor. Tarro'mar allohuene y ñeñey ame'ñetsapa' ama e'ñe attemaye' yesherbeñe Yompor. Ñato' puesheña'tetspa' nanaccha' cohuen sherbeñet Yompor, ñato' po'potantaññapa' amach. Ñato' o'ch netma'ntacha ñeñt atet pena pocoll. Ñeñt acheñ eçllayoretpa' arrña pa'paclopa' shonte'ch eñall pa'namen coymechno. Ñato' patantarrpa' ororro'ch ñato' po'potantañpa' asrerro'ch, ñato' po'potantaññapa' tsachro'ch, ñato' po'potantaññapa' patsrro'ch. Tarraña allohuenpa' amach e'ñe attemaye' sherbenano pamo'mte'. Atet ñerra'm ñeñt ororro'pa' nanaccha' cochneshot sherbenan pamo'mte', tarraña atet ñerra'm patsrro'pa' amach tama cochneshotey' sherbenano pamo'mte'. Ñeñto'marña yapa'cho'ña ñerra'm yemneñ o'ch yesherbe' e'ñe cochneshot Yamo'mte' Cristopa' añ palltetsa choch ñanom yesuanom allohuen sosya'tsañ atoch añach yema'yochrena ñeñt cohuentetsa Yamo'mtayecop. Allochñapa' ama't erra'tsena es yeña'yenpa' e'ñech cohuenacma yochshateñ Yamo'mte' Cristo.

22 Ñeñto'marña papa' noteneñ o'ch pesuanom allohuen sosya'tsañ ñeñt atet muenatse'tyen huepanesha'chno ñeñt ama po'ñochaye' sherbenaye Yompor, allochña papa' añach pema'yochrena ñeñt cohuentetsa Yomporcop, ñaña choch pame'ña Yompor e'ñe peñmañesha', ñaña chocmac pemuerya allohuen pamo'tsesha'. Allochñapa' atoch peparrocmat epañ allohuen ñeñt e'ñe cohuen pueyocher pene' Yepartsesharecop.

23 Ñaña ñerra'm esempo es otnare'tanna'tyenetpa' papa' amach pe'mñotatstaneto, tarro'mar ñeñt atet otatse'tyetspa' e'ñe orrena atet penet. Ama't papa' peñoteñ ñerra'm cho es yotnare'tanna'tapa' allot huena shonte'atsrre'mueñets.

24 Tarro'mar ñeñt torrets Yepartsesharecoppa' ama pocteyaye o'ch atta atsrre'mare'tyesa allemeñ. Elloña chochña ya'muerañta allohuenacop. Ñaña chochña yeychatyes e'ñe cohuen acheñenesha' ñeñt atet cohuen enten

Yompor. Ñaña ama't ñetpa' erro't pa'yetpa' yapa' e'ñe yemorrenteño'pa' o'ch ya'huantoñ.

²⁵ Ñaña añ pocte' o'ch alla yoctape'chater cohuen ñeñt ye'moñe'tene'. Tarraña e'ñech aco'pa yoctape'chatyerranet e'ñe cohuen. Ñaña o'ch yecuenanet e'ñe aco'pa esempohuañencha' çhapanet pueyoçhro ñeñt e'ñe po'ñoçh cohuen enten Yompor. Ñaña o'ch yecuenanet esempohuañencha' cotape'cherret ello e'ñe cohuen Yomporecop.

²⁶ Ñerra'm atet yepapa' ñato' attotpa' o'ch a'rroyerranet oneñe't atto huanquënanet atto te'pa' pa'yenet sosya'tsañ ñeñt atet muenatenanet ña.

3

Ñeñtcha' atet perra esempoch mellapoterrmocha

¹ Ñehua, te'pa' o'ch neñotata'p po'poñ ñeñtcha' atet perra esempoch mellapoterrmocha. Allempopa' nanaccha' echarr attoch yocte' Cristo.

² Tarro'mar allempopa' atetcha' perra acheñenesha'. Allempo acheñpa' nanaccha' moparrareret, ñaña añach paterr cotape'chenet ñeñt atet muenet e'ñe ñocueta. Ñaña allempopa' nanaccha' ye'chapretenet quelle. Ñaña allempopa' nanaccha' ommo'chenet ñeñt e'chyenet, atarra' cohuen entyerret e'ñe ñañeñeta, po'potantañña'pa' amach esoye' asherben entyerreto. Ñaña allempopa' nanaccha' achmãare'teret Yompor, ñaña allempopa' o'huañcha' ame'ñyet ama't ñeñt pamo'mte' penet, ñaña ñetpa' amach es coshatenahueto ama't coñe'ta. Ñaña allempopa' nanaccha' tsena'teret allohuen ñeñt anaret Partsocop.

³ Ñaña allempopa' o'huañcha' esesha' mueranna'terrtsa, ñaña o'huañcha' muenet o'ch amo'tstanna'terret. Ñaña allempopa' nanaccha' toma'tam'psanna'tyerret ñaña allempopa' erro'tencho' muenetpa' atetcha' pãtse'tyenet, ñaña allempopa' nanaccha' muerochtatanna'tyerret attoch nanac coshenet, ñaña nanaccha' tsena'terret ñeñt cohuentetsa.

⁴ Ñaña nanaccha' apomatatañterret, ñaña allempopa' amach es yepuer entyerreto, ñaña allempopa' e'ñech ñañeñeta nanac cohuen entetset, ñaña allempopa' ñañeñetach e'nenet alloch nanac coshenet, amachña añeye' e'neneto atet muenen Yompor.

⁵ Ñaña allempopa' ama'tcha' ottenetañ ñerra'mrrate' ame'ñenetpa', tarraña amach po'ñoçhaye' ame'ñeneto. Tarro'mar ñetpa' amach po'ñoçhaye' mueneñeto o'ch çhapanet pueyoçhro ñeñt cohuentetsa Yomporecop attoch huomenc pa'nmuet pueyoçher e'ñe po'ñoçh.

Ñeñt atet acheñpa' amach pecua'psatsche.

⁶ Tarro'mar ñeñt acheñ atetpa' attach mueneñ o'ch sheca'yesan acheñenesha'. Ñato' o'ch ahuanmuet po'ppauño'marpa' ñerra'm be'toset a'nahua pocollopa' añña coyanesachno ñeñt ama es eñotopa' o'ch atta ame'ñateñet e'ñe ñet pocta'pñet. Tarro'mar ñeñt coyanesachnopa' nanaccha' yorateñet po'chñar. Ñaña ñetpa' añach e'nenet pa'namen ñeñtcha' coshatenahueto.

⁷ Neñto'marña añ coyanesachnopa' pa'namencha' topatyenetañ cotapñats. Tarraña ama't ahuatapa' amach erro'tenot enterreto ñeñt po'ñoçh Yompor pocta'pña.

⁸ Yacma ñeñtcha' atet shequërre' acheñenesha'pa' ñeñt'pa' aña muenen o'ch epatare'tan añ cotapñats ñeñt e'ñe po'ñoçh Yompor pocta'pña. Atet pa' ñaña

ahuat Janes epuet Jambres ñeñt muenatseñ o'ch epatare'tan Moisés. Ñeñt yacma ñeñt atet shequëne' acheñenesha'pa' amach cotape'chenano ñeñt cohuentetsa ama't mamesha. Ñetpa' chach a'po'poñetenet ñeñt atet yame'ñena.

⁹ Tarraña ñet poctapñetpa' amach allohuenacmaye' anetso'mar epuerro tarro'mar esempopa' ñato' allohuen acheñenesha'pa' o'ch eñotuet ñeñt atet otatse'tyenetpa' ñeñtpa' shequëñtsa. Ñato' atetcha' pa atet pa ahuat epsheña yacma ñeñt muenatseñ o'ch epatare'taneñ Moisés.

Arrpa' all cotape' chatan e'ñe cohuen Timoteo

¹⁰ Tarraña papa' ama atteye' pepeno. Tarro'mar papa' añ pocta'nen ñeñt atet nepena na. Ñaña papa' peñotuennan ñeñt atet neychatyen Yomporecop, ñaña ñeñt atet nocrrena e'ñe cohuen Yomporecop, ñaña atto e'ñe patrra nema'yochrena ñeñt cohuentetsa. Ñaña papa' peñotueñ ñeñt atet nanac neyemteña Yompor ñaña atto nanac na'huanten allohuen ñeñt echarr nentyen, ñaña atto nanac nemorrenteña allohuen acheñenesha', ñaña atto ama't nemuerochteño'pa' chocma nocteñ Cristo.

¹¹ Ñaña peñotueñ atto pue'moñe'teño'etanpa' chocma cotare'tnete't atto muerochtatyesnete't. Ñaña ama't papa' peñotueñ ñeñt atet muerochtatyesnet a'yo anetso ñeñt pa'so'cheñ Antioquío, ñaña Iconio, allo'pa' ñaña Listro. Tarraña ama't atet pa'yesnete'tpa' Yomporñapa' chocma a'queshpatesne't allot.

¹² Ñehua, yapa' yeñoteñ erra'tsencha' muenats o'ch cotan e'ñe cohuen Cristo Jesús'pa' chocmach muerochtatanet ñeñt e'moñe'tenahuet.

¹³ Tarraña ñeñt ama cohuenayaye acheñpa' allo'nach senet patse'tnomuet sosya'tsañ. Ñaña ñeñt atta sheca'yetspa' allo'nach senet shecanna'tatset.

¹⁴ Tarraña papa' chocmach poctape'ch ñeñt atet aychatarete'p, ñeñtara ñeñt ama't papa' o' peñoter ñeñt e'ñe po'ño'ch cohuen cotapñats. Tarro'mar papa' peyemtenya ñeñtey peychate' ahuatoteñ.

¹⁵ Ñaña papa' e'ñe cheshoteñ aychatarete'p Parets po'ñoñ ñeñtara añ ñoñets ñeñt peñotaterre' atto e'ñe yame'ñeño'a Cristo Jesús'pa' o'ch yeqesh-perra.

¹⁶ Allohuen Yompor po'ñoñ ñeñt aquellcaretpa' e'ñe Partseshotecma anaret. Ñeño'to'mar añ ñoñetspa' nanac sherben ñeñtcha' yeychate' ñeñt atet muenen Yompor, ñaña ñeñtcha' alla yoctape'chaterre' cohuen ñerra'm esempo es yepanten, ñaña ñeñtcha' yeñotatene' e'ñe cohuen ñeñt atet poctetsa Yomporecop.

¹⁷ Allochñapa' attoch ñeñtey o' puechemer perrey Yomporpa' e'ñech yeñotuen allohuen ñeñt cohuentetsa Yomporecop, ñaña attoch huomenc yepa' yeyo'cher allohuenacop ñeñt cohuentetsa Yomporecop.

4

Añ pocte' chocmach yeserrpare'toñ Yompor po'ñoñ ama't erroteno'tsenya

¹⁻² Te'pa' o'ch alla noterrperr ñeñtcha' atet pe'pa: Chocmach yeserrpare'toñ Yompor po'ñoñ ama't esempo erroteno'tsenpa. Tarro'mar Yomporpa' enteny epuet Puechemer Jesucristo, ñeñtara ñeñt Yepartseshar yepen, ñaña ñeñtarach huerrtsa ama't esempohuañen, ñaña ñeñtarach añcha'taretetuerrtsa esempohuañen, ñeñtcha' acrerre' allohuen acheñenesha' ñeñt e'ñe cohuenare', ñaña ama't ñeñt ama cohuenayaye.

Atetcha' pan allohuen ñeñt corretsmeñ allempo, ñaña ama't ñeñt o' colla huena. Ñaña te' papa' o'ch peñotaytes acheñenesha' ñerra'm esempo ñetpa' ama pocteye' es peneto. Pañapa' pach otyesahuet amach atet ye'patsto, allotpa' o'ch poctape'chatyerranet e'ñe peñmañesha'. Ñaña chocmach peychatyesanet ñeñt poctetsa Yomporecop.

³ Tarro'mar esempohuañenpa' chapcha' allempo acheñenesha'pa' o'huañcha' muenet o'ch ame'ñet ñeñt e'ñe pacharr cotapñats, ñeñt atet ye'chateney Yompor po'ñoñ. Allempopa' añach e'nyerret erra'tsente' serrpare'tene' cotapñatser ñeñt e'ñe cohuen entenet ñet attotcha'ña atonterraña ñeñtcha' ye'chaterrahuet ñeñt e'ñe ñet poctapñet.

⁴ Allempopa' amach esesha' muenerraye o'ch e'mñotet cotapñats ñeñt e'ñe po'ñoñ. Atteñapa' o'ch aña e'ñe cotape'cherret ñeñt e'ñe ñet pueserrparñet.

⁵ Tarraña papa' añach paterr poctape'ch ñeñt cohuentetsa Yomporecop, ñaña chocmach pa'huanfa' ñerra'm huaponapa muerochteñets, ñaña añach paterr pema'yo'chra serrpare'taytesets cohuen ñoñets alloch yequeshperra. Ñaña chocmach petorra ñeñt atet petaruas apa'p Yompor.

Allempo o' muetsamochet Pablo

⁶ Napa' amach erro't nepere'te tarro'mar o' chapmoch allempoch na'mtsaretta Yomporecop. Te'pa' neñotena napa' o' muetsamochnet.

⁷ Tarraña napa' o' epaye' netorra'nma Yomporecop atet ñerra'mrrate' cho neçllarena Yomporecop. Ñaña napa' o' netsotua ora ñeñt atet oterren Yompor. Ñato' o'ch netma'ntacha ñeñt atet nepena: Ñerra'm cho erra yesechapa' chocmach ye'chap all yesechena. Ñaña napa' ama't mameshapa' ama neque'hpue'te atto name'ñeña Yompor.

⁸ Te'ña napa' aña necuen esempoch nagap ñeñt o'patatenna Yompor ñeñtcha' nanac nocshaterre', tarro'mar napa' añ ne'pa'yese't ñeñt atet muene't Yompor. Ñeñto'marña te' esempoch huerra Yepartseshar Cristopa' allempo napa' aphuerrencha' ñeñt o'patatenna. Tarraña amach napa' aphuerrno ñeñt o'patatenya. Añe'nachña aphuerr ñaña allohuen ñeñt chocma cohume'tene' te' Cristo o'ch huerra. Ñeñtara Yepartseshar Cristo ñeñtcha' ye'notaterre' ñeñt po'ñoñ atet ye'pa'yena te'.

Arrpa' all otyesan Timoteo ñeñt atet a'parettena

⁹ Te'pa' o'ch notap ñaña ñerra'm errotenotpa' o'te' pon arr tayecma.

¹⁰ Tarro'mar arr masheñ Demaspa' o' a'yo'ña'nerren arr napue't, ñapa' o' ahuerr Tesalónico, tarro'mar ñapa' aña nanac morrentena ñeñt patso'marecpa. Añpa'cho'ña masheñ Crescentepa' o' ahuo' ñaña Galacio. Ñaña masheñ Titopa' o' ahuo' anetso Dalmacio.

¹¹ Te' arrpa' aña arro'tsen masheñ Lucas. Ñaña o'ch pa'sech masheñ Marcos ñeñtcha' epa'p pon arr, tarro'mar ñato' ñapa' o'ch yenpa'n arr.

¹² Masheñ Tíquicopa' o' nemñe a'yo anetso Efeso.

¹³ Ñaña o'ch notap ñerra'm poncha' arrpa' panmoncha' necapa ñeñt nena'nom Troaso e'ñe Carpo pa'paclo. Ñaña panmoncha' allohuen nelibro'chno, ñaña nepaplle'chno. Ñeñtara añ nepaplle'chnopa' ñeñt nanac nemnen.

¹⁴ Alejandro ñeñt po'taruas pene' asre'chnopa' ñapa' atta nanac a'metare'tam'psen. Tarraña Yomporpa' tsa'taterach ñeñt atet pa'n.

15 Ñeñto'mar ðapa' e'ñech peñota ñocop, tarro'mar ñapa' nanac epatare'tenan Yompor po'ñoñ ñeñt atet yeserrpare'ten.

16 Ñaña o'ch notap. Ama't ahuañmo'cha allempo ñanom na'pocstat neñoñ añcha'taretshopa' ama't puesheñarrapa' ama esesha' neñosapretaye. Elloña ñeñtapa' cha a'ypo'ña' huanet. Tarraña ama't atet ða'netañpa' napa' ama nemno Yomporpa' o'ch tsa'taterranet.

17 Tarraña Yepartseshar Cristopa' ama a'ypo'ña'no, elloña nanac ahua-mencat ða'n. Ñeñto'marña o' alla neserrpare'terrerr Yompor po'ñoñ attoch e'mare'ch allohuen acheñenesha' ama't ñeñt ama judioneshayaye ñeñt alloch yequeshperra. Atto nequeshperra allempo all atarr amueroçhtatareten, napa' atet nenteñ ñerra'mrrate' Yepartsesharpa' o' a'queshpaterren e'ñe ma'yarr puenamot.

18 Ñeñto'marña te'pa' neñoteñ Yepartsesharpa' çhocmach a'queshpaterren arrot all ama cohuenayaye, ñaña napa' neñoteñ çhocmach cohuanpenen, attochña çpaterren all añcha'tarettena ña pue'ntaño. Ñeñto'marña çhocmuepa'ch ya'ye'choçtatoñ errponohuañen. Ñeñtpa' attetepa'ch.

Arrpa' all huomcha'tyesnerranet po'cartot

19 Ñaña añ necartoþpa' nemneñ o'ch nehuomcha'ch noçh Prisca epuet puerrollar Aquila, ñaña o'ch nehuomcha'ch Onesiforo pamo'tsesha'.

20 Ñaña masheñ Erastopa' alla a'pa anetso Corinto, ñaña masheñ Trófimopa' alla nesa'neñ patsnañoñ Mileto.

21 Ñaña ðapa' ñerra'm errotenotpa' çhocmate' pehuapa allempo ama huapuenta'. Ñaña añ necartoþpa' mueneñ o'ch huomcha'tap masheñ Eubulo, ñaña Pudente, alloþpa' ñaña Lino, ñaña noçh Claudia ñaña allohuen masheñeshaçhno ñeñtey ame'ñetsa arr Romo.

22 E'ñe allohuanenpa' o'ch notap, Yepartseshar Jesucristopa' çhocmuepa'chña e'ñe parro'tseneþ. Ñaña Yomporpa'ch sa'natenaya allohuenes. Ñeñtpa' attetepa'ch Nompore. Allohua.

Pablo

AÑ SAN PABLO PO' CARTA ÑEÑÏ QUELLCAN TITO TITO

Atto Pablopa' quellcan carta Titocop

¹⁻⁴ Masheñe Tito ñeñteḡ e'ñe parro yame'ñeñoḡ e'ñe atet nenteneḡ ñerra'mrrate' e'ñe nechemer nepeneḡ, na Pablón pequellquene'ña añ carta ñeñten nanac torretsa Yomporecop. Ñaña napa' ñeñten Jesucristo puellsensaren. Ñapa' atto llesenserren attoch nach ame'ñaterre'ña allohuen acheñenesha' ñeñt acre't Yompor ahuatoteñ attochña ñetpa' o'ch ame'ñeret. Ñaña añecop llesensa'n attoch nach eñotaterrahuet ñeñt e'ñe po'ñoḡ atet poctetsa Partsocop, ñaña nach eñotaterrahuet e'ñe yeyemteñoḡ ña yañapa' corretsayach yocsheñeshocmañen tayoteñ e'ñe errponañohuen. Tarro'mar ñeñtpa' atet oteneḡ Yompor ama't ahuatoteñ ñeñtcha' atet ḡonay, ñaña yapa' yeñoteñ Yomporpa' ama puenesho po'ñoñ. Ñeñto'marña te'pa' o' cherr allempo e'ñe pocte' enteñ ña o'ch eñotaterrey ña po'cohuenña. Ñeñto'marña napa' o' llesenserren Yompor ñeñt Ya'queshpatañer yepen, nach serpare'terre' po'ñoñ ñeñt atet oteneñ. Te'pa' e'ñe nehuomtcha'teñoḡppa' o'ch notap: Yomporepa'chña pebensare'tamḡpene' ñeñt atarr Parets epuet Puechemer Jesucristo ñeñt Yepartseshar yepen ñeñtara Ya'queshpatañer yepen. Ñetepa'chña pemuerenaya. Ñetepa'chña ḡocshatene' e'ñe ḡa peyothro.

Ñeñt po'taruas ḡa' Tito Yomporecop all anetso Creto

⁵ Te'pa' o'ch notap, napa' atto nena'nmaḡ ahuaña Creto attoch ḡach a'pocatyese' ñeñt pallta'yetsa, ñaña ḡach acra'yese' puesheña'tets ñeñtcha' pena'yes allemeñ anetso'mar ñeñtcha' pompornesha' ḡa'yes ñeñt ame'ñetsa. Añmapa' ñeñtña atet notnomueḡ ahuañmo'cha.

⁶ Ñeñtcha' pompornesha' ḡa'yeseḡpa' añcha' pena'yes acheñ ñeñt e'ñe cohuenare' es ḡa'yets, ñeñt amach eñalle attoch tanmare'teña acheñenesha'. Ñaña ñeñtcha' pompornesha' ḡa'yeseḡpa' añcha' pena'yes erra'tsente' penten e'ñe patrra puetapor pen (ñerra'm ataporet), ñaña erra'tsente' penten ama't puechemereshap' e'ñe ch ame'ña'huenet, ñaña puechemereshetpa' amach atteḡ' enteñe acheñenesha' atet ḡa'yena po'poñechno acheñenesha' ñeñt atta coshate'tyenet, ñaña ñeñt ama atpare'tetso puechemereshap'.

⁷ Tarro'mar ñeñtcha' ḡa'ñcha'tareter ḡa' ñeñt ame'ñetsapa' añcha' pena'yes acheñ ñeñt e'ñe cohuenare' es ḡa'yets, ñeñt amach eñalle attoch tanmare'teña acheñenesha', tarro'mar ñapa' anareḡ ñach a'pocatyene' ḡa'namen ñeñt poctetsa Yomporecop. Ñaña ñeñtcha' ḡa'ñcha'tareter ḡa'yese' ñeñt ame'ñetsapa' amach añeyaye acheñer ñeñt añach pocte' enten o'ch chocma ḡatanet ñeñt atet muenen e'ñe ña, ñaña amach cha atsrre'moḡhen tuenno, ñaña ñeñt ama posa'tare'tetso, ñaña ñeñt amach orroñaḡeyen, ñaña ñeñt ama nanac ye'chapretetso quelle ñeñt apencoḡhenot o'ch gana.

⁸ Añña e'ñe pocte' o'ch añcha'taretta ñeñt e'ñe cohuen aguene' acheñenesha' ḡa'paclo, ñaña ñeñt nanac muenene' o'ch e'ñe cohuenare' es ḡa'yes, ñaña ñeñt e'ñe eñotene' ñeñt cohuentetsa, ñaña ñeñt e'ñe pocte'

es pa'yets acheñenesha cop ñańa Partsocop, ñańa ñeñt e'ñech puetpara es pa'yen.

9 Ñańa ñeñtcha' pa'mcha'tareter pa'yets ñeñt ame'ñetsapa' e'ñech yemtenana poctacma añ ñoñets ñeñt e'ñe po'ñoçh Yompor po'ñoñ ñeñt atet yeçhateñet. Allochñapa' ñapa'çho'ña e'ñech attecma yeçhatan ñańa po'potantañeçhno ñeñt e'ñe paçharr cotapñats, ñańa ñeñt eñotene' attoch anapuanan e'ñe cohuenacma ñeñt achmāre'tene' Yompor po'ñoñ attoch ñetpa' amach errotenoç anapeto.

10 Tarro'mar eñall shonte' ñeñt atpare'tets, ñańa ñeñt e'ñe orrena otate'tyets, ñańa ñeñt shecare'tyets. Po'ñoçh ñeñtapa' atet pena shonte' judionesha'.

11 Ñeñto'marña añ palltetsa o'huañcha' yeçhatyenet po'poñe'ttsohma cotapñats. Tarro'mar ñetpa' atta nanac moñne'tateñet acheñenesha' poctapña; ama puesheña'ttsayaya atet petso ama't allohuen ñeñt parro yeçha'yenet. Ñetpa'çho'ña añ yeçhatenet ñeñt ama pocteyaye. Ñańa añecpa yeçhatenet attoch ganet quelle, tarraña ñeñtapa' apencoçhena.

Ñeñt atet pena creto'marnesha'

12 Puesheñarr creto'marnesha' ñeñt nanac etsotene' e'ñe ñañeñeta poctapñetpa' ñeñtña acheñer ama pocteye' entenano pamo'tsesha' ñeñto'marña atet oten pamo'tseshacop: "Allohuen namo'ts creto'marnesha'pa' ñetpa' çhocma nanac toma'tampeñet pamo'tsesha', ñańa ñetpa' nanac atsrre'mñatet e'ñe atet ñerra'mrrate' berr ñeñt nanac bellac, ñańa nanac quellañsareret, atarr araquēt ama ayetñateto."

13 Ñeñt atet a'metampenan pamo'ts ñeñtapa' e'ñe po'ñoçh atet. Ñeñto'marña o'ch notap, te'pa' paçh otahuet, "te'pa' amach allo'na atet sepanna'tneno." Allochñapa' attoch allo'na ame'ña'nmuēt añ cotapñats ñeñt e'ñe paçharr;

14 ñańa allochñapa' amach allo'na e'mñotneññañeto ñeñt pueserrparña pe't ahuatnaneshañ judionesha', ñańa allochñapa' amach allo'na e'mñotneñe acheñenesha' ñeñt atet yeçhatyenanet ñeñtcha' atet pet, tarro'mar ñetpa' çhach atpare'tenet ñoñets ñeñt e'ñe po'ñoçh Yompor po'ñoñ.

15 Ñańa o'ch señoçh: Ñeñt acheñer e'ñe cohuenare' es cotape'chen pueyoçhro Yomporecoppa' ñocoppa' ama es eñalle attoch sosey enteñ Parets. Tarraña ñeñt nanac sosey cotape'çhets pueyoçhro ñańa ñeñt ama ame'ñetsopa' ñocoppa' ama eñalle ñeñt cohuen enten ña. Tarro'mar poctapñetpa' atarr sosey. Ñeñto'marña ñetpa' amach çhapaneto pueyoçhro ama't esempo o' pohuet ñeñt ama pocteye' enteno Yompor.

16 Ñeñt atet acheñpa' ama't otenetañ eñoteñeto' Yomporpa' tarraña ñeñt atet pa'tse'tyenetpa' yeñoteñ ñeñtapa' ama atteyaye. Ñeñt Yomporpa' ama pocteye' entapretenaneto, tarro'mar ñetpa' ama es otapahueto, ñańa ñetpa' ama es sherbeneto ama't mamesha.

2

Ñeñt e'ñe paçharr cotapñats Yomporecop

1 Tarraña pocoppa' añña poctetsa o'ch peyçhateñ acheñenesha' ñeñt e'ñe paçharr cotapñats Yomporecop.

2 Ñańa ñeñt po'mneshachno yacmapa' o'ch peyçhatanet atet: Amach orrare'tatsteto attoch çhocma cotape'çhenet e'ñe cohuen, allochñapa' pamo'tsesha'pa' amcha'na'tpo'ch enteñ, ñańa attoch nanac eñotenet

ñeñfcha' atet p̄a'yaset ñeñf cohuentetsa Yomporecop. Ñaña o'ch p̄otanet e'ñe cohuenacma, ame'ñetepa' ñeñf e'ñe pacharr cotapñats Yomporecop, ñaña morrentanna'tetepa' ñaña ahuenta'huetepa'ch allohuen topateñets.

³Attecmach peychach ñaña po'nmenesha'chno coyanesha' ñetpa' añepa'ch orrtatyenet ñeñf e'ñe pocte' enten Parets ñaña ama't allohuen acheñenesha'. Amachña chaña atomañetneto, ñaña ñetpa'cho'ña amach orrare'tatsteto. Añña pocte' o'ch yechachet pacmanesha' ñeñf cohuen enten Yompor.

⁴Ñetpa' yechachetepa' pacmanesha'chno ñeñf shopshare' ñeñf o' some'tua allochñapa' attoch e'ñe cohuen mueryet puerrollaret, ñaña attoch e'ñe cohuen mueryet puechyoreshet,

⁵Ñaña attoch ñetpa' eñotenet nanac ñeñfcha' atet p̄a'yaset ñeñf poctetsa ñaña attoch muechettenet, ñaña attoch amach muenme'cheneto ñeñf po'taruas penet pa'pacletto, ñaña e'ñech amuerañitenet, ñaña e'ñech ame'ñeñet puerrollaret. Allochñapa' e'ñe ñesho'tetpa' amach errotenot acheñenesha'pa' achm̄are'toñeto Yompor po'ñoñ.

⁶Attecmach peychach ñaña yacmanesha' ñeñf huepaneshameñ attoch ñetpa'cho'ña o'ch eñochet ñeñfcha' atet p̄a'yaset ñeñf poctetsa.

⁷Papa'cho'ña e'ñech cohuenare' es pe'pa'yep̄aña, allochñapa' attoch entap̄ acheñenesha' ñeñf cohuen enten Yompor. Ñaña allpon peychatenanetpa' e'ñepa'chña pacharr peychatenanet, amachña cha muene'peyllsheño'a peychatenaneto attoch añcha'na'tpo' entoñet Yompor po'ñoñ.

⁸Tarro'mar e'ñe peychateño'f Yompor po'ñoñ ñeñf e'ñe pacharrpa' amach errotenot ama't eseshapa' oto añpa' ama atteyaye. Ñaña ama't ñeñf pe'moñe'tyene' ñerra'm e'ñe peychateño'f e'ñe cohuenpa' allempoña ñetpa' o'ch penquët, tarro'mar e'ñe peychateño'f cohuen pacharr. Allempoña ñetpa' amach errotenot alla sasare'terrpeterro.

⁹Ñaña e'ñech cohuen poctape'chatyes acheñenesha' ñeñf ataruasatartetsa e'ñe atfa. O'ch p̄otanet ame'ñyetepa' e'ñe cohuen ñeñf po'patronar penet. Ñaña añ pocte' allpon muenenet po'patronaretpa' e'ñepa'chña ame'ña'hueñet, allochñapa' attoch coshateñet po'patronar. Amachña cha anapare'teñeto.

¹⁰Ñaña amachña cha etyeneto attoch po'patronaretpa' e'ñech yemtenanet poctacma. Allochñapa' e'ñe pame'ñeño'fet cohuen po'patronaretpa' añña acheñenesha'pa' e'ñech cohuen entapretenet Yompor poctapña, ñeñfara ñeñf Ya'qeshpatañer yepen.

Atto Yomporpa' orrtatan puemuereña allohuenacpay

¹¹Yomporpa' orrtaterrnay pomuereña e'ñe allohuenacpay pa'namen acheñeneshapo attoch yeqeshperra.

¹²Ñaña ñeñf ama cohuen enteno Yomporpa' añ pocte' o'ch ya'ypo'ña'huer, ñaña ñeñf allpon yemnatse'tyen arr patsropa' añ pocte' ñaña o'ch ya'ypo'ña'huer, tarro'mar puemorrenetño'f Yomporpa' ñeñfo'mar ye'chatey atet. Añña pocte' ama't añe patsropa' o'ch yepena ñeñf cohuentetsa, ñaña o'ch yepena ñeñf atet pocte' enten Yompor, ñaña ñeñf atet muenen o'ch yetsotoñ.

¹³Añpa' attoch yecuame'teñ e'ñe yocsheñesha' esempohuañencha' huerra po'cohuenño Jesucristo ñeñf nanac Parets ñeñf Ya'qeshpatañer yepen.

¹⁴Tarro'mar ñapa' ña pocte' ente' o'ch rroma yocop attoch o'huañcha' allo'na yepatse'tnena sosya'tsañ. Ñaña ñapa' attoña e'shohuerrnay allohuen

ñeñt ama pocteyaye. Allochñapa' attoch pueyochresha' perrey, ñaña attoch yapa' yema'yoçhrena ñeñt cohuentetsa.

¹⁵ Allohuen ñeñt atet o' notuaþ papa' ñeñtcha'ña peyçhatyesanet. Ñaña o'ch poctape'chatyesanet e'ñe cohuen, ñaña ñerra'm pa'yenet ñeñt ama pocteyayepa' o'ch potanet, amach patsteto atet, tarro'mar papa' ñeñtecop anareteþ. Ñaña ñeñt ama pocteyayepa' amach atet pepatsto, te't acheñenesha'pa' amate' acua'psenaye' entenpeto.

3

Ñeñt atet poctetsa allohuenacop ñeñtey ame'ñetsa

¹ Ñaña o'ch peyerpacha acheñenesha' añ pocte' o'ch ame'ñeñt ñeñt enenet nanac amcha'taret, ñaña allohuen po'psheññeçhno ñeñt amcha'taretetyetsapa' añ poctetsa o'ch ame'ñeñt. Ñaña añepa'chña pocsheñesha' çhocma torra'yenet erra'tsente' cohuen enten acheñenesha'.

² Ñaña o'ch peyerpatanet amach allo'na sasare'tneñeto ama't puesheñarra, ñaña e'ñepa'chña cohuen entannenet, ñaña e'ñepa'ch acoþa es penet po'psheññecop ñaña e'ñepa'ch cohuen amuerañtenet allohuenacop.

³ Ñeñtpa' e'ñe pocte' atetcha' þannenet tarro'mar yapa'çho'ña yeñoteñ ahuatpa' aña yepatse'tyese't ñeñt ama pocteyaye. Yapa'çho'ña attach ama es yepçhe'te allempo nanac yepatse'tyese't sosya'tsañ. Ñaña nanac yatpare'te't ahuat, ñaña aña yeçhatyesyete't ñeñt ama po'ñoçho'yaye cofaþñats. Yechetspa' aña nanac muenatse'tatyete't ñeñt ama cohuenayaye ñaña allempopa' aña nanac yocshe't pa'namen sosya'tsañeçhno. Ñaña allempopa' nanac atrre'moçhen yentanna'tyese't ñaña nanac es yeye'chapretanna'tyese't. Ñaña allempopa' ñerra'm esesha' ye'moñe'te'pa' yapa'çho'ña o'chçho' ye'moñe'chçho' yaña.

⁴ Tarraña allempoña Yomporpa' eñotatey e'ñe ña puemuereñoþpa' mueneñ o'ch yenpa'y, e'ñe allempocma yapa' attotña a'quesþaterrey, ñeñto'marña Yomporpa' ñeñt Ya'quesþatañer yepen.

⁵ Ñeñtpa' ama añoteyaye atto e'ñe cohuen es yeþa'yen, añña e'ñe puemuereñoþeya ñapa' a'quesþaterrey. Attoña e'sshojuerrnayña yo'chñar attochña ellopa' o'ch yoctape'cherr e'ñe cohuen etserra ñocop, ñaña Puecamquëñoþpa' o' e'ñe etserrataterrnay yoctapña.

⁶ Ñeñto'marña Puechemer Jesucristopa' attoña a'poctatuonay yocop attoch Pomporpa' chorrateryya Puecamquëñ e'ñe poctacma. Jesucristopa' ñeñña Ya'quesþatañer yepen.

⁷ Ñeñto'marña te'pa' yeñoteñ e'ñe puemuereñoþey Yomporpa' o' pocte' entuerrey allohueney, ñeñto'marña te'pa' e'ñe yeyemteñoþ çhocma yecuame'ten ñeñt o'patatenya, ñeñtpa' attochña yapa' corretsayach yocsheñeshocmañen tayoteñ e'ñe errponañohuen.

⁸ Ñeñt atet notenpa' e'ñe po'ñoçh. Ñeñto'marña napa' atarr nemneñ o'ch poctape'chatanet e'ñe huomenco atet, allochñapa' ñeñt ame'ñenaya Yomporpa' e'ñeçh aña ma'yoçhrene't o'ch penet ñeñt cohuen enten ña. Ñeñt o' notuapa' ñeñña cohuentetsa ñaña ñeñña nanac sherbets allohuenacop.

⁹ Ñaña o'ch notap, amach þa'na anapare'tatstahueto ñerra'm esempo anapare'tanna'tyena acheñenesha' e'ñe ñet poctapño'maret. Ñaña amach þa'na anapare'tatstahueto ñerra'm esempo anapare'tanna'tyenet atet

pa'yese't pa'ta'ñesha'ñet. Ñaña amach pa'na otnare'tatstahueto ñerra'm esempo pueserrparño'tetpa' es otnare'tanna'tyenet. Ñaña amach pa'na anapare'tatstahueto ñerra'm esempo anapare'tanna'tyenet e'ñe Moisés po'ñoño'mar. Tarro'mar atto yanapare'tannenapa' ñeñ'tpa' ama es sherbeno, ñaña ñeñ'tpa' e'ñe orrena.

¹⁰ Ñaña ñerra'm esesha' ñeñ't muenets o'ch atta e'moñe'tatyesan acheñesha'pa' ñeñ'tpa' atet'cha' pepe', o'ch peñotach atet'pa' ama a'papahuo. Ñerra'm ama huenano ñeñ't atet penapa' ñato' o'ch alla poterr po'pocheño. Ñerra'm allempoña ama huenerropa' añ pocte' o'ch sa'ypo'ñe'.

¹¹ Tarro'mar ñeñ't atet acheñpa' yeñoteñ ñeñ'tpa' po'chñaro'tcha' nanac es panten. Ama't ñapa' eñoteñ ñeñ't atet pena ñeñ'tpa' ochña'teñets.

¹² Ñehua, o'ch noterrperr po'poñ. Ñerra'm esempoch chap pesho masheñ Artemas amapa' masheñ Tíquico ñeñ'tcha' nemña peshopa' ñerra'm errotentpa' chocmate' pon, o'ch pechap Nicópolis, tarro'mar napa' noctape'cheñ ñato' allcha' nechara'perra.

¹³ Ñaña chocmach peyenpue' masheñ Zenas ñaña masheñ Apolos attoch ñetpa' chapuet all sechenet, ñaña attoch amach es pallteto. Zenaspa' ñeñ't nanac etsotene' ñoñets ñeñ't atet anaret.

¹⁴ Allochñapa' ñeñ't parro yame'ñena allpa' añ pocte' o'ch pa'yenet ñamet ñeñ't atet cohuenteyetsa, ñaña attoch ñetpa' yenpueñet ñaña ñeñ't nanac es palltetsa. Allochñapa' ñetpa'cho'ña o'ch sherbeñet pamo'ts.

Arrpa' all huom'cha'tyesnerranet po'cartot

¹⁵ Allohuenet ñeñ't parro'tsenenpa' mueneñet o'ch huom'cha'tapet ñamet añ necartot. Ñaña o'ch pehuom'cha'ch allohuen ñeñ't pame'ñeñotetpa' chocma morrentenyet. Yomporepa'chña sa'nataya allohuenes. Te'pa' ñeñ'tach nota'p, ñeñ'tpa' attetepa'ch Nompore. Allohua.

Pablo

AÑ SAN PABLO PO' CARTA ÑEÑĪ QUELLCAN

FILEMÓN FILEMÓN

Atto Pablopa' quellcan carta Filemónacop

¹ O'ch masheñe Filemóna nequellconap añ carta, na Pablon epan masheñ Timoteo. Napa' o' yottam̄pennet e'ñe neserrpare'teñoŋ Cristo Jesús po'ñoñ. Te'pa' o'ch masheñe yehuoñcha'tap̄ pa ñeñteŋ atarr yemorrentena ñeñteŋ atarr yetorrapretenaya Yomporecop.

² O'ch yehuoñcha'teñ ñaña allohuen ñeñĪ pame'ñeñoŋet čhocma apčhenet pepaclo. Ñaña o'ch yehuoñcha'teñ yoč Apia ñaña masheñ Arquipo ñeñĪ nanac yetorrapretenaya ñaña Yomporecop.

³ E'ñe nehuoñcha'teñoŋes sapa' napa' o'ch notas: Yomporepa'ch sebensare'tam̄pene' ñeñĪtara Parets epuet Puechemer Jesucristo ñeñĪ Yepartseshar yepen. Ñetepa'chña socshatene' e'ñe sa seyočhro allohuenes.

Atto Filemón e'ñe pame'ñeñoŋan Cristo atarr morrentenana allohuen ñeñĪ ame'ñetsa

⁴⁻⁵ Ñaña te'pa' o'ch notap̄ masheñe. Napa' atet ne'mare'teneŋ papa' nanac peyemteña Yepartseshar Jesús ñaña atarro' pemorrenteña allohuen Yompor pueyochresha'chno. ÑeñĪto'marña na atet ne'mare'teneŋpa' čhocma neparasyoso'teñ Yompor allemo nema'yocham̄penpa.

⁶ Ñaña o'ch notap̄, añ nenamueñ Yompor pocop, ñeñĪ allpon pame'ñatena e'ñe pame'ñeñoŋ Yompor, ñetpa'čho'ña čhapanetepa'ña pueyočhreto atto nanac shonte' e'ñe cohuen bensare'tam̄peney Yompor e'ñe yame'ñeñoŋ Puechemer ñeñĪ Cristo Jesús.

⁷ Ñehua, masheñe atarr nocshena atto papa' atarr pemorrenteña allohuen ñeñĪ pueyochresha' pen Parets. Atto atarr pemuerenanetpa' ñeñĪto'marña na'ñaña atarr pocshaten neyočhrohuen.

Atto Pablopa' otenan Filemón e'ñech cohuen aguërran pa'taruasañer Onésimo

⁸ ÑeñĪto'marña te'pa' o'ch noterrperr po'poñ: Napa' ñeñĪten Cristo puellsensaren ñeñĪto'marña pocoppa' e'ñe pocteñ o'te' atet notapeñ e'ñe ne'mueñocma ñeñĪ poctetsa atetča' peŋa.

⁹ Tarraña neñoteneŋ papa' atarr amuerañaŋ ñeñĪto'marña te'pa' o'ch notap̄ e'ñe pa pemuereñoŋ atetñaca'yeña peŋa. Ñehua, na Pablon ñeñĪten atet potene' napa' po'nñota o' yottam̄pennet e'ñe neserrpare'teñoŋa Cristo Jesús po'ñoñ.

¹⁰ Tarro'mar na potene' añecop ñeñĪ atet nenteñ ñerra'mrrate' nechemer. Ñehua, ñapa' o' name'ñacha arr all ayottam̄psareten ñeñĪto'marña te'pa' e'ñe nechemer nepeñ. ÑeñĪtpa' añ pa'so'cheñ Onésimo ñeñĪ pa'taruasañer pepe't allemo ama yetam̄penpa'.

¹¹ Ña ahuatpa' ama es asherben peñche'te allemo petaruasache't e'ñe atta. Te'ñapa' nanaccha' asherben penter e'ñe atet atarr asherben nenteñ nanña.

¹² Te'pa' o' alla nemñer pesho, e'ñepa'chña cohuenacma alla paguëŋ, e'ñech atet peŋapuer ñerra'mrrate' e'ñe no nechemer paguëŋ, tarro'mar ñapa' e'ñe neyočhrocmañen atarr nemorrenteña.

13 Napa' atarr'cho' nemneñeñ o'ch na'pacheñ arr ñeñfcha' epan atto ñapa' ñafe' neshherbenayeñ. Ñehua, napa' neñoteñ ñerra'm þa arro'tsenpeñcha'pa' þate'ña neshherbenayeñ arr all ayottamþsareten e'ñe neserrpare'teñoť Cristo po'ñoñ. Tarraña þapa' amaña arro'tsenayape ñeñfo' marña napa' nemneñeñ o'ch na'patonapeñ þa'cheñer ñeñfcha' neshherbenayeñ.

14 Napa' ama't atarr nemneñeñ o'ch atet nepeñ, tarraña ama nemno o'ch atet neþa ñerra'm ama þa atet notaye, atfoña e'ñe þa þoctaþñoþa' añcha'ña þorratonay pemuereña. Ama nemno o'ch e'ñe na ne'mueñoþmapa' o'ch notap atetcha'ña peþa'y, ñeñfo'marña te'pa' o'ch alla nemñer masheñ Onésimo pesho.

15 Ñaña o'ch notap ñato' tarrecpate' yetamþsaþa mame' attoch e'ñe parrocmaterreþ e'ñe tayoteñ errponañohuen.

16 Te'pa' o'huañcha' atet peñch ñerra'mrrate' þa'taruasañra pepeñ ñeñť ama esoye' pente'te. Te'pa' e'ñechña atet penter ñerra'mrrate' e'ñe pemo'nasheñ ñeñť atarr pemorrentena. Napa' atarr nemuereña elloña þapa' o'ch atarr pemuerya nanac tarro'mar ñapa' ama e'ñe atfa pemo'nasheñ pepeñe atet yeþannena allohueney acheñey, te'ñapa' e'ñe yame'ñeñoť Yompor o'ch e'ñe pemo'nasheñtera e'ñe þoctacma.

17 Ñerra'm po'ñoč atette' pentenen na ñeñey parro attecmay yeyemtanena, ñeñteþñaþa' e'ñechca'ye cohuen þaguërña yemo'nasheñ Onésimo atet ñerra'mrrate' na e'ñe cohuen þaguën.

18 Ñerra'm čhote' erroť pennaþ ñeñť ama cohuenayaye amapa' ñerra'm čhote' tebeneþ, te'ñapa' nach petsa'terraya.

19 Na Pablonpa' te'pa' o'ch nequellconap e'ñe na notot attoch e'ñe cohuen neñotataþ nach petsa'terraya. Tarraña ñato' o'ch neyerpataþa atto na þame'ñaterraya attoch þa'qeshþataretterra, ñeñfo'marña þocoppa' añ þoctetsa te'pa' o'ch alla þocshaterren naña.

20 Po'ñoč masheñe, napa' añ e'ñe nemnen te'pa' o'ch alla þocshaterren naña e'ñe þame'ñeñoť Yepartseshar Jesucristo. Allochñapa' napa'čho'ña attoch e'ñe cohuen nocsherra neyočhro e'ñe name'ñeñoť naña Cristo.

21 Napa' neñoteneþ þapa' čhocmach pe'mñoten ñeñfo'marña nequellquénnaþ añ carta. Neñoteneþ amach ñeñtayaya atet peþo ñeñť o' notuaþ, þapa' ellochña atarrcha' cohuen peþa'yes allohuen ñeñť atarr cohuentetsa.

22 Te'pa' o'ch noterrperþ po'poñ: þañño'toncha' ñaña nocop allcha' nečhap ñerra'm esempoch a'rroyernnet. Sema'yochamþeñoťen Yomporpa' napa' añ atarr necuen ñato' esempopa' a'rroyernnetcha'. Allempopa' eshecte' neta sesho o'ch nemo'tersa'.

Arrpa' atto so'tner po'cartot

23 Arr necartot all huom'cha'teneþ ñaña masheñ Epafras ñeñť parro yotamþenyet e'ñe yeserrpare'teñoť Cristo Jesús po'ñoñ.

24 Huom'cha'teneþ ñaña masheñ Marcos ñaña masheñ Aristarco ñaña masheñ Demas ñaña masheñ Lucas. Ñetpa' čhocma torrapretennet Jesucristocop.

25 Te'ñapa' ñeñfach notap masheñe. Yepartsesharepa'chña Jesucristo sa'nataya allohuenes. Ñeñťpa' attetepa'ch Nompore. Allohua.

Pablo

AÑ CARTA ÑEÑT̃ HEBREONESHACOP HEBREOS

Te'ña Yompor Puechemerpa' ña e'ñeye'ñorana'terraya ñeñt̃ atet oteñ Pompor yocop

¹ E'ñe ahuatoteñ Yomporñapa' chocma eñorana'tyesane't ñeñt̃ pueyochresha' pe't ñeñt̃cha' a'mta'yese't po'ñoñ ñeñt̃ara profetanesha'. E'ñe pa'namenot eñotatyesanete't. Ñetñapa' o'ch eñotatenneyet yatañneshañ ju-dionesha' ñeñt̃ atet otenanet Yompor.

² Tarraña te'ña yapa' e'ñe ña Puechemer o' eñorana'terraya ñeñt̃ atet eñoreññaña Yompor yocop. Ñehua, ñeñt̃pa' ñeñt̃ara Puechemer ñeñt̃ Jesu-cristotet ñeñt̃ ne't Pompor ahuatoteñ, ñach o'patenaya allohuen ñeñt̃ ora allpon eñall, tarro'mar ña ye'hcataprete' ahuat Pompor añ patser ñaña allohuen ñeñt̃ esocmañen pa'namen eñalleyesta.

³ Ñeñt̃ara Cristo atto atarr cohuentena ña pa'tsnomueño't, ñeñt̃pa' Pomporña orrtaten po'partsoña. Ñeñt̃ atet cohuen orrtatyen ñapa', Pomporpa'cho'ña e'ñe parro atecmuet. Ñapa' e'ñe po'ñoño'ta orrtatuan ora esocmañen ñeñt̃ allpon pa'namen eñall tarro'mar ña po'ñoñpa' atarr huomenc. Ñeñt̃ara ñeñt̃ rromats attoch e'ñe e'shamperrey yo'chñar. Allempoña o' orrtatuan atto e'shamperrey yo'chñar allempoñapa' o' alla anorruerr Pompor Parets po'cohuenrot allña atarr partsotapretuerrana Pompor po'conaño e'ñe all pue'ntaño.

Ñeñt̃ Yompor Puechemerpa' ña metana'tuene' allohuen mellaño'eñnesha' atto atarr sherben ña

⁴ Ñeñto'marña te'ña ñapa' atarr amcha'tarettena, ello metana'tuenan allohuen mellaño'eñnesha', tarro'mar ñapa' ñeñt̃ otenet ñapa' e'ñe Parets Puechemer. Ñeñt̃ña mellaño'eñnesha' ñetpa' ama atteye' otaretteneto.

⁵ Ñaña yeñoteñ ñapa' ña e'ñe metana'tuenahuet tarro'mar mellaño'eñnesha' ama't pueseñarrofetapa' ama otaneto ñeñt̃ atet otan Puechemer, ñeñt̃pa' atet ot Puechemerecop:

Papa' pa ñeñt̃ep e'ñe Nechemerep, te'ñapa' o'ch e'ñe neñotach acheñnesha' po'ño'ch papa' e'ñe Nechemer nepenep.

Po'pocheñoñapa' atet oterrerr Puechemerecop:

Ñapa' na ñeñten Pomporen, ñapa' no Nechemer.

⁶ Po'pocheñoña allempo chapatan Puechemer po'moter ñeñt̃ atarr nanac sherbets atet patsro atet eñora ñocop, ñeñt̃pa' atet ot:

Te'pa' concorpana'teñepa'ch allohuen nemllaño'eñneshar.

⁷ Po'mllaño'eñneshar ñetpa' añecpa anarettenet ñetcha' sherbenet Yompor. Ñeñto'marña atet eñorena ñocpuet:

Ñerra'm erra nemñayenat e'ñech poma'yorñecma erra senet e'ñe atet penet ñerra'm mōrr. Atarr cohuen sherbennet atet ñerra'mrrate' tso' ñeñt̃ atarr cohuen huoretyets.

⁸ Tarraña Puechemerecoppa' ama atteye' oteno. Ñocoppa' atet eñora:

Papa' atarr Partsoþ, ñeñteþcha' ðhocma añcha'tarettetsa peconaño ñeñt errponañohuen. Ñama ñeñt atto þa'mcha'tarettena þapa' e'ñe pocte' es peþa'yenanet.

⁹ Ñama ñeñt e'ñe pocte' nenten napa' ñeñña atarr þocshatene'. Ñama ñeñt ama pocteye' nenteno napa', þapa'cho'ña ñeñt atarr petsena'ten. Ñeñto'mar napa' ñeñten Peyomporer pepenen, ahuo't atarr nanac nocshaterreþ. Atto atarr þocshena þapa' ello penñtana'tueñ allohuen po'potantañ ñeñt nesherþa'yene' ñamet.

¹⁰ Yomporpa' alla eñorererr Puechemerecop, ñeñþpa' atet otererr: Partshacha' þa yeþcatue' ahuat pats, e'ñe echarr þorratue. Enetpa'cho'ña e'ñe pehuamencotecma peyeþcatue.

¹¹ Ñeñt e'ñe peyeþcatuapa' ñeñþpa' huañerrcha' e'ñech chenca'huerra esempo, tarraña þapa' ama arromñafeshayape ama't e'ñe errponaña. Allohuen ñeñt peyeþcatua ñeñþpa' e'ñech mellasha'tua e'ñech atet pena ñerra'mrrate' shetamuets ñeñt atarr amllasha'tña.

¹² Atetcha' peperr peyeþcatar atet ñerra'mrrate' shetamsoshe'm ñeñt o' mellasha't. O'ch a'metatse'chet o'ch huapore'chet allempo chorrenet po'poñ ñeñt atarr cohuen emarr. Tarraña þapa' atterapach errponañohuen. Atto þocrrena þapa' ama't ahuatapa' amach ahuañañatferro.

¹³ Po'pocheño Yomporpa' alla otterrannerr Puechemer, ñeñþpa' atet och: Te'pa' o'ch alla þanorruerr arr necohuenrot allcha' pepartsotapretuer-rna. Esemphuañencha' allohuen ñeñt pe'moñe'tene' o'ch e'ñe na'mchechuerranet attochña pomnaren peþohuerranet.

Tarraña mellañoñeñnanesha'ñapa' ama atteye' oche ñeñt atet otan Puechemer. (Ñeñto'mar yeñoteñ Yompor Puechemer ña atarr sherbets, ello metana'tuanan allohuen mellañoñeñnanesha'.)

¹⁴ Yeñoteñ allohuen mellañoñeñnanesha'pa' añeþca allsensarettenet atet ñerra'm Yompor Puecamqueñ, ñetcha' sherbenet Yompor. Attochña ñetcha' yenpuenet allohuen ñeñtcha' a'qeshþataretterrtsa.

2

Amach atta es yepchatsto esheccha' ya'qeshþataretterra

¹ Te'pa' atto o' yeñoterrñañ Yompor Puechemer atto atarr nanac partsoten ñeñto'marepa'chña te'pa' elloch yema'yoþhrerra o'ch ye'mñoter e'ñe poc-tacma ñeñt atto o' ye'muerrñañ po'ñoñ. Ye'mñoterrepa'chña e'ñe cohuen te't acopoteñpa' ñato'rraña o'te' alla yepserrñañ ñeñt atet o' yeþhaterrey Yompor Puechemer.

² Tarro'mar yeñoteñ Yomporpa' ama puenesho po'ñoñ ñeñt atto eñorana'tanet ahuaþ. Tarro'mar allempo ñeñt ama e'mñotaye ñeñt atta atpare'te'pa' e'ñe tsa'tatuanete't allohuen ñeñt allpon e'ñe pocte' ent ña. Ama't añ ñoñets ñeñt orrtat po'mllañoñeñrenesha' ðhocma tsa'tatanete't ñerra'm esempo atpare'tenet ñeñt ñoñets.

³ Ñeñto'marña yapa' yeñoteñ ñerra'm ama ye'mñoterrñañe e'ñe ña Puechemer, yañapa' errotentuaçhñaca'yeña yeqeshperrate'ña ñerra'm atta ama es yepcheno; e'ñe atta eñalleñca'yeña attoch ya'qeshþataretterrañ e'ñe cohuen. Ñehua, ñenmaþpa' Yepartseshar Jesúsña serrpare'tatahuet attoch ya'qeshþataretterra. Allempoña ñeñt e'muene' atet otanet Yepartseshar

Jesús, ñetñapa' o' serrpare'tatyet yamã attoch yeñooh ñeñĩ e'ñe po'noh ña a'qeshpatañtetsa.

⁴ Ñaña Pomporñapa' ñaña yeñotate' Puechemer po'ñoñ ñeñĩ atet oteneypa' e'ñe po'ñooh. Ñapa' orrtatyesanet po'partsoña ñaña po'huamenc ñeñĩ acheñenesha'pa' ama puentareto. Ñaña ña Puecamquẽñoïpa' o' apa'yesey e'ñe puesheña'ttsoy errotencha' muenatey ña ñeñĩcha' atet yetorra'yesa ñocop.

Atto Jesucristopa' e'ñe poctacma acheñetos arr patsro attoña e'ñe pa'mo'nasheñ pohuerrey

⁵ Te'pa' o'ch noterrser po'poñoneĩ añ patser ñeñĩcha' huerrtsa tsapatonet. Ñeñĩpa' ama mellañofoẽñeshaye' noña Yompor ñeñĩcha' pomnaren perre'. Ñapa' aña na' acheñ ñeñĩpa' arromñañenesha'.

⁶ Tarro'mar atet anaret Yompor po'ñoñ ahuatoteñ allempo puesheñarrpa' atet otan Yompor:

Ama't acheñaya ama't mamesha ama esoyayye, tarraña ña Nomporepa' atarrepã't peyerpuenya. Ama't ya ñeñfey arromñañena'taraya tarraña ña Nomporepa' atarrepã't pemuerenya.

⁷ Ñeñĩ arromñañenesha'pa' ama tama ahuamencateyayeto atet atarr sherben mellañofoẽñanasha'. Tarraña ñeñĩpa' mamecpa atet pemnach. Tarraña ama't atteñpa' elloña o'ch alla pecohuentater atet ñerra'mrrate' esempo o'ch net ñeñĩcha' añcha'taretterrtsa, allemppopa' o'ch nachet po'choyo'm ñeñĩ atarr cohuen.

⁸ Ñeñĩpa' tarro'marña atet pene' arromñañena'tar allochñapa' attoch e'ñe pomnaren penan allohuen ñeñĩ alpon es pueychcatua. Arrpa' allohua atet oten ñoñets ñeñĩ ahuatoteñ anaret.

Ñehua, ñeñĩ ñoñets all oten arromñañena'tar ñeñĩcha' e'ñe pomnaren perre' allohuen, ñeñĩpa' añca'yeña oteney allohuenacop ñeñĩ errañaren eñall; amach eñalleña ama't e'ñe patrra ñeñĩcha' ama pomnaren perreto. Tarraña ama't atet oteneñ ñeñĩpa' amaña yentera' allempoch pomnaren es perr arromñañena'tar; tarro'mar ama çherra' allempoch etsoterra ñeñfecop anaret.

⁹ Tarraña e'ñe yeñoteñ puesheñarr ñeñĩ arromñañecoptartostsa ñeñĩ atet poſta ñeñĩca'yeña Jesús. Allempo acheñetos arr patsro Pomporña muenate' amach tama ahuamencattoso atet atarr ahuamencattena mellañofoẽñanasha'. Tarraña ñeñĩpa' mamecpa atet muenach attoch e'ñe arromñañecoptartosa arr patsro. Ñeñĩpa' añecopña atet ña attoch mueroçhtosa o'ch rromos allohuenacpay ñeñfey arromñañenesha'. Yompor e'ñe puemuerẽñoſey ya attoña muenatan Puechemer o'ch rroma yocop. Ñeñĩto'marña Pomporpa' o' alla atarr cohuentaterran Puechemer allempo o' alla ner ñeñĩcha' atarr añcha'taretterrtsa.

¹⁰ Ñehua, Yomporpa' yeçcatan allohuen ñeñĩ eñalleyetsa. Ñaña allohuenpa' tarro'mar yeçcatue attoch cohuentateññañet ña. Ñaña ñapa' añ muenen shonte' ñeñĩcha' e'ñe puechemerasha' perr ñeñĩcha' cohuentapreterraya ña. Yomporpa' e'ñe pocte' enteñ o'ch muenatan Puechemer attoch mueroçhtateñ acheñenesha'. Attochña e'ñe etsotatoñ Puechemer esheçcha' a'qeshpaterran allohuen ñeñĩcha' puechemerasha' perr; attochña e'ñe ahuanerranet allcha' cohuentapreterrñañet Pompör.

¹¹ Ñehua, Puechemer ñeñĩ Jesús, ñapa' a'cohuentatan acheñenesha' Partscop, attoña e'ñe e'shanpesuanet po'chñar. Te'ña ñeñfey

a'cohuentatuaretey ñaña ñeñt̄ ya'cohuentaterre' ñeñt̄pa' ñeñt̄ña e'ñe ñeñt̄ena'tarecmay tarro'mar ñeñt̄ara Yompor yepen ñeñt̄ Pompor pen ña. Ñeñt̄o'marña Jesús'pa' ama puepencñofey'e' pa'mo'nasheñ penye.

12 Yeñoteñ ama penquēnyo tarro'mar Yompor po'ñoñ ñeñt̄ anaret ahuatoteñ ñeñt̄pa' atet oten ñerra'mrrate' Puechemer otets:

Napa' neserrpare'tachcha' nemo'nasheñnesha' atet e'ñe cohuenare' es pe'pa'yen pa. E'ñe naçhoteñofep' papa' çhocmach na'ye'choçhtatonap̄ all apçhena allohuen masheñneshaçhno.

13 Yompor po'ñoñ ñeñt̄ aquellcaretpa' atet oterrerr ñerra'mrrate' Cristo o' alla oterrerr:

Napa'çho'ña neyemteña Yompor.

Ñaña atet oterrerr Cristo:

Te' arro'senen epan Nompör puechemeresh'a' ñeñt̄ cohuan̄psatenen ña.

14 Ñehua, allohuen ñeñt̄ e'ñe pa'mo'nasheñecmuet p̄annetsa, ñetpa' e'ñe ñeñt̄ena'tarecmuet. Ñeñt̄o'marña Jesús'pa' e'ñe acheñetos attoch pa'mo'nasheñ posey. E'ñe arromña'atena'tartosa e'ñe atet ñerra'mrrate' ya. Ñapa' tarro'marña atet posa allochñapa' attoch rromos. Tarro'mar allempo rromapa' attoña puerratañpesuan oneñet po'huamenc atto atarr añcha'noçhtana'teney allempo yerrömuēn.

15 Ñeñt̄pa' Jesús'ña a'huañatañpesuose' ñeñt̄ ama't cheshoteñ çhocmach yemcha'ten atto yerrömuēn, ñeñt̄pa' atarr añcha'noçhen yenteñ.

16 Ñehua, yeñoteñ ama mellañofeññaneshaye' llequēnoña Jesús ñeñt̄cha' yenpos arr patsro. Yaña llecosa ñeñt̄ey arromña'atēneshay ñeñt̄ey e'ñe po'ñoçh po'mrenñey pen Abraham; ñeñt̄o'marña ñapa' mueneñ o'ch yenposey.

17 Ñeñt̄o'marña ñocoppa' e'ñe poctoña o'ch acheñetos, o'ch e'ñe attetos ñerra'm ya ñeñt̄ey pa'mo'nasheñnesha' pen. Allochñapa' e'ñe puellcapreteñofey ya ñeñt̄ey e'ñe pamots penpa' e'ñech cohuen a'pocaterrey Partsesho. Attoña ñapa' çhocma e'ñe cohuen sherbenan Pompor atet ñerra'mrrate' ñeñt̄ corneshatyets Partsocop. Ñapa' e'ñe po'ñoçh Pa'micha'tareter peñ allohuen ñeñt̄ cornaneshatyets Partsocop. Ñeñt̄o'marña ñapa' e'ñe ña tsa'tuerraya allohueney acheñēneshay yo'chñar allempo ashataretta e'ñe ña po'rras. Attoña e'ñe a'pocaterernay yo'chñar Yomporesho.

18 Ñapa' atarr mueroçhtosa allempo huapoñe't̄ topateñets; ñeñt̄pa' attoch a'ypo'ñereñ Pompor. Ñeñt̄o'marña te'pa' e'ñe puellcapreteñofey ya ñapa' e'ñe eñoteñ o'ch yenpa'y attoch ahuañencat̄ p̄onay yeyoçher allochñapa' amach alla a'puerrataterrey topateñets ñeñt̄cha' allpon yehuapoya yaña.

3

Jesús ñeñt̄ Yompor Puechemer ña metanene' ama't Moisés atto atarr sherben ña

1-2 Ñehua, masheñneshacha' ñaña noçhaneshacha' sapa' ñeñtes o' sa'cohuentatere'terra Partsocop ñeñtes o' çhore'terres Yompor o'ch çhapaterres all pue'tñaño. Te'pa' o'ch notas, o'ch soçtape'ch e'ñe cohuen ñeñt̄ atet perrnay Cristo Jesús ñeñt̄ yame'ñerra. Ñapa' atto allsensarettapa' e'ñe cohuen etsotuan ñeñt̄ atet llesense' Pompor. Ñaña ñapa' ña Yecorneshar yepen ñeñt̄ atarr sherbets Partsocop allohuenacpay ñeñt̄ey ame'ñenaya Yompor. Ñapa' e'ñe atecma cohuen etsotuan ora allpon ñeñt̄ atet muenach

Pompor acheñeneshacop atet pe't ñaña Moisés ñapa'cho'ña e'ñe etsotan ñeñt atet och Yompor allohuen pueyochreneshacop. Ñehua, allohuen ñeñt pueyochrenesha' pen Yomporpa' ñetpa' pa'paquëll penanet Yompor.

³ Ñehua, yeñoteñ ñerra'm eñall puepahuarr pocoll ñeñt tomatenet e'ñe cohuen añcha'ña atarr cohuen yenten ñeñt tomatene'. Amachña aña cohuen yenteno pocoll tarro'mar pocollpa' ama ñoñaye' cohuenteno; eñallca'yeña pamo'mte' ñeñt a'cohuentatene'. Attecmach yeñch ñaña Jesús atarr cohuen tarro'mar ñapa' atto amé ñatana shonte' ñeñtcha' pueyochrenesha' pa' Pompor attoña tomatosan ñaña pocoll ñeñt atarr cohuen ñeñtcha' pa'paquëll pen Pompor. Moiséspa' amachña ñañeña atarr cohuen yenteno tarro'mar ñapa' ama ñaye' tomataye ñeñtcha' pa'paquëll perr Yompor.

⁴ Ñehua, yeñoteñ allohuen pocollpa' ama ñoñaye' yeçhquëno; çhocmaca'yeña eñall ñeñt yeçhcatene'. Ñeñt yeçhcate' esocmañen ñeñt eñalleyetsa ñeñtpa' Yomporña yeçhcatuahue'.

⁵ Aña Moiséspa' e'ñe cohuen etsotan ñeñt atet yechya Yompor; ñeñtpa' o'ch es eñotatyesan acheñeneshas' tarraña ñeñtpa' toma'nteñtsa. Tsapatoneña Yomporpa' o'ch eñotaterranet ñeñt e'ñe eñotochen. Ama't e'ñe cohuen etsotenaneñ Moisés allohuenacop ñeñt pa'paquëll pen Yompor allempo, tarraña ñeñt atto sherbenan Yompor pa'paclopa' ñapa' atta pueñaña peñ Yompor. Amaña Puechemereye'ña peñe.

⁶ Ñapa' aña'yeña Puechemer pen Cristo ñeñtcha' sherberrets tsapatonet allohuenacop ñeñtcha' e'ñe pa'paquëll perr Pompor. Ñapa' e'ñe cohuen etsoteran ñeñt e'ñe Pomporcop. Allohueneypa' e'ñe pa'paquëll pohueney Yompor allcha' yechena ña ñerra'm allo'nach huomenc yeyemuetteña attochña e'ñe yocsheñeshocma yecua'huanom ñeñt o'patatenya.

Yomporpa' e'ñech cohuen amesaterran pueyochreshachno ñeñtcha' e'ñe cohuen amé ñerraya attoch e'ñe cohuen cosherret

⁷ Ñeñto'marña Parets Puecamquëño'pa' atet oten all aquellcare't Yompor po'ñoño ñeñtpa' atet oten:

Ñerra'm se'mueñ Yompor atto çhore'tenes te',

⁸ sañapa' çhochña se'mñoch, amachña çha se'charrtatatsto seyoçher. Amach çha satpare'tatsche atet pe't israelnesha' ahuat allempo chopeñe'chyesete't amayo. Allñapa' epaye' atrsrre'moçhtana'tyesnete't.

⁹ All amayo satañneshaññapa' atarr topatnete't atto'ch eñotnet po'ñocho'te' atsa'tatañen. Ñetpa' atet pa'yenesete't ama't çhocma entyesonete't ñeñt norrtatyesanete't. Pa'tatsoch çharra' charohua entyesonete't ñeñt çhocma negatyesanete't.

¹⁰ Ñeñto'marña napa' atrsrre'moçhen nentyesanet, napa' atet not: “Ñeñt atet cotape'chenet pueyoçhro ñeñt ama cohuenayaye ñetpa' atarr panteñet nocop. Ama añeye' mueneneto o'ch cotape'chet ñeñt cohuen nentena.”

¹¹ Atarr atrsrre'moçhen nentanete't. Ñeñto'marña atet not ñocpuet: “Ñetña po'ñoçh ama't ahuatapa' amach neçhapaterraneto allcha' pocsheñesho'pa' o'te' amesapreterrnetañ.” Ñeñto'marña ñocpuetpa' atet nena' neñoñ e'ñe na nesochño.

¹² Ñeñto'marña masheñneshacha' ñaña noçhaneshacha' te'pa' o'ch notas saña, e'ñech señota seyoçhro atet soctape'chyen e'ñe puesheña'ttos, ñato'pa'

amate' cohuenaye' soctape'cheno, ñato'pa' amate' po'ñoçhaye' same'ñeñoña Yompor. Ñerra'm po'ñoçh atet sepenapa' ñeñtpa' ñeñfach sequeçhpaterre' Yompor ama't ñeñt Yomporer ñeñt ama arromñateshayaye.

¹³ Sapa' e'ñepa'chña cohuen soctape'chatanna'noma pate'tets yet tayepa'tñapa' orameñ yet allempoteñ o' çhore'terrey Yompor. Attochña so'chñarpa' amach errotent' alla shequërserro. Attoch amach çha se'charrteno seyoçhro allochñapa' amach alla satpare'tere Yompor, ama't e'ñe puesheñarrofesa.

¹⁴ Allo'nepa'chña e'ñe huomenc yepa'nom yeyoçher. E'ñepa'chña yeyoçhrocmañen yeyemteña Cristo atet yeña allempo e'ñe errtey ame'ñenaya. Ñerra'm atetcha' yeyemuetnonña allempopa' yagapapretercha' Cristo ñeñt o'patateña Yompor.

¹⁵ Ñeñfo'marña o'ch alla neyerpaterserr ñeñt atet oten Yompor po'ñoñ ñeñt aquellcare't ahuatoteñ, ñeñtpa' atet oteney:

Ñerra'm se'mueñ Yompor atto çhore'tenes te' sañapa' çhocña se'mñoçh, amachña çha se'charrtatstato seyoçher. Amach çha satpare'tatsche ñeñt atet pe't israelnesh'a ahuat allempo chopeñe'chyesete't amayo.

¹⁶ Ñaña te'pa' o'ch neyerpaterserr ñeñt atpare'tyesaye't Yompor allempo pueçhore'teño'tpa' eñorana'tanete't, ñetpa' ñeñtareta ñeñtet çha'nmaçha'taterr Moisés Egiptot.

¹⁷ Ñaña o'ch neyerpaterserr, ñeñt atarr atsrre'moçhen entyese't Yompor ahuat ama't pa'tatsoch çharra' charohua, ñetpa' ñeñtareta ñeñtet atarr ochña'tare'tatsete't. Ñeñfo'marña ñet allempopa' e'ñe alla colla'huet amayo.

¹⁸ Ñaña o'ch neyerpaterserr, ñeñt otarettatsa allempo ñetpa' ama't ahuatapa' amach amnataretterreto attoch pocsheñesho'tetpa' o'te' amesapreteretañ Yompor, ñeñtpa' ñeñtara ñeñtet atarr atparña'atsete't. Ñeñt atet otarettete't allempo, Yomporña nahuet po'ñoñ e'ñe ña pa'so'chño, tarro'mar ñapa' ama puenesho po'ñoñ.

¹⁹ Attoña yeñotenanet ñetpa' ama't puesheñarrofetapa' amach eshcaye' çhapueto allcha' yeçha'huerretañ e'ñe cohuen pueñmañesha' tarro'mar ñetpa' ama eseshaye' cohuen ame'ñayo Yompor.

4

¹ Ñehua, Yomporpa' po'ñoçh oteney yeçhapcha' allcha' yamesapretera allcha' e'ñe cohuen yocsha'huera Yompor ñerra'm po'ñoçhcha' yame'ñera yanña. Tayepa'tñapa' orameñ atet oteney yanña e'ñe yen'cha'naño'tpa' yame'ñyepa'ch te't puesheña'ttsotespa' amate' seçherro saña all.

² Tarro'mar ñeñt atpare'taye't all amayopa' aserrpare'tatarettetañña cohuen ñoñets Yomporeshot tarraña ama huenetoña patparñet tarro'mar ama't e'metañpa' ama eseshaye' ame'ña'pahuoye' entaye. Yapa'çho'ña o' serrpare'taterryet yanña cohuen ñoñets Yomporeshot.

³ Ñeñfeycha' e'ñe po'ñoçh ame'ñerraya Yompor ñeñfeycha'ña çherrets allcha' yamesapretera allcha' e'ñe cohuen yocsha'huera Yompor. Ñeñtña ama ame'ñetsopa' ñetpa' amach esesha' çherrtso allcha' coshapreteret Yompor. Ñeñtpa' e'ñe attecma ñeñt atet otareta ahuat ñeñt ama ame'ñatso. E'ñe atet oteney Yompor po'ñoñ all aquellcare't, ñeñtpa' atet oten Yompor:

Atarr atsrre'moçhen nentanete't ñeñfo'marña atet nena' neñoñ ñocpuet: "Ñet po'ñoçh ama't ahuatapa' amach neçhapatterraneto allcha' amesapreterrnet allcha' e'ñe cohuen cosha'huerrnetañ."

Attoña ñetpa' amach eseshaye' çhertso allcha' e'ñe cohuen coshapreteret Yompor. Ñehua, ahuat Yomporpa' ña orrtate' ameseñets e'ñe allempoteñ yeçhcatuahuan pats ñaña enet. Ñeñña ameseñetspa' atarr coshateney yeyoçhrocmañen.

⁴ Tarro'mar all po'ñoño yeñoteñ atet aquellcaret, ñeñtpa' atet oten:

O' yeçhcatuan Yompor allohuen ñeñt allpon yeçhcatyesua, po'cançherrmatñoñapa' o' ames Yompor.

⁵ Tarraña po'pocheño all oterrerr Yompor po'ñoñ ñeñt aquellcaret, ñeñtpa' atet oten:

Ñeñt ama name'ñenayopa' amach eseshaye' çhertso allcha' amesapreterrnet attoch e'ñe cohuen coshapreterrnet.

⁶ Ñeño'mar yeñoteñ ñeñt e'mayeñ ahuat cohuen ñoñets ñetpa' amach eseshaye' çhertso allcha' amesatteranet Yompor attoch e'ñe cohuen yeyoçhrohuen cosherret tarro'mar ñetpa' ama eseshaye' ame'ña'pahuoye' entaye Yompor. Tarraña ama't atteñpa' yeñoteñ Yomporpa' ama puenesho po'ñoñ. Ñeño'marña te'pa' yeñoteñ Yomporpa' atterach e'ñe cohuen amesatteran ama't erra'tsena ñeñtcha' po'ñoçh ame'ña'po' enterre', attochña ñetpa' çherretcha' allcha' e'ñe cohuen cosherret.

⁷ Ñehua, ñeño'marña Yomporpa' onañcherran po'poñ po'yeter, ñeñtpa' o' çherr te' esheccha' ama't patantarra acheñpa' o'ch ame'ñeñet. Ñeño'marña yeñoteñ Yomporpa' ora attera cohueney tarro'mar ama't metuen aton char allempoteñ atpare'çhete't all amayopa' o' çhap allempo atto eñosatan David. Ñeñtpa' ñeñfara ñeñt o' notuanmas:

Ñerra'm esempoch se'mueñ Yompor atto çhore'tenes sañapa' çhochña se'ññoçh tayepa'tña orameñ yet allempo o' çhore'teres Yompor, amachña çha se'charrtatatsto seyoçher.

⁸ Ñehua, yeñoteñ Josué ahuatpa' e'ñe çhapatan israelnesha' puechemere-shaçhno all patso ñeñt all sechete't ahuatoteñ allcha' yeçhoset. Tarraña ama't çhapatanetañ allpa' ama eseshaye' pocsheñeshoç pueyoçhrohuen amesostsoña all. Ñerra'm e'ñech cohuen amesatuerranetañ Josuépa' amach onañcherranñerroña Yompor po'poñ po'yeter attoch coshaterrey e'ñe cohuen yeyoçhrohuen.

⁹ Ñeño'marña yeñoteñ te'pa' e'ñallmeñ ñeñt o'patatenya Yompor ñeñtey pueyoçhresha' pen allcha' e'ñe yocsheñeshocmañen yamesuerr. Ñeñtpa' e'ñe atet ñerra'mrrate' allempo ames Yompor ahuat po'cançherrmatño.

¹⁰ Tarro'mar allohuen erra'tsencha' çherrets allcha' amesatteranet Yomporpa' ñetñapa' amach alla es llecaterrahuete'te; e'ñe pameseñoçet cohuenpa' e'ñech eñmattered pueyoçhrohuenet atet ñerra'mrrate' allempo e'nuan e'ñe poctacma Yompor po'taruas, e'ñe pocsheñeshocma ames.

¹¹ Yapa'çho'ña añepa'çhña ye'nen attoch yeçherr yanña allcha' amesaterrey Yompor attochña e'ñe yocsherra yeyoçhro. Te'ñapa' ama't puesheñarroçeyapa' amuepa'ch alla yatpare'terre'te'te't ama yeçherro yanña all.

¹² Yompor erroç oteney, po'ñoñpa' atarr ahuamencat ñeñtpa' ama ahuañañate. Ñeñt po'ñoñpa' e'ñe atet etsotenan ñeñt atet muenen ña. Po'ñoñpa' allo çhocma ñerra'mrrate' cochell ñeñt atarr etsotantatareç emoto'mar. O'ch es yepata' allopa' e'ñech be'tosua ora, e'ñech pecha'tampesuoñ ama't posapohuen. Atetca'ye penaña Yompor po'ñoñ e'ñech çhaponaya e'ñe yeyoçhro ama't e'ñe yecamquëñohuen, ñeñtcha'ña

e'ñe yeñotaterre' ñeñt̄ yeyoçhro'tsen ama't ñeñt̄ allpon yoctape'chyen ora esocmañen.

¹³ Ama't puesheñarrofeya amach erroteno't ye'potan̄pesyoña Yompor ñeñt̄ yeyeçcate'. Amate' erroteno't ya'nasotan̄pesyoña, ñapa' e'ñeca'ye entuennayña yeyoçher ñeñt̄ ora allpon es yoctape'chyen. Ñapa' ñach ya'metatatuerre' allohuen ñeñt̄ allpon yoctape'chyen.

Jesús pa' ña corneshaterrets, e'ñe metana'tuerran allohuen cornaneshachno atto atarr sherben ña

¹⁴ Ñehua, yeñoteñ eñall ñeñt̄ Yecorneshar yepen ñeñt̄ atarr Partseshatets, ñeñt̄pa' ñeñt̄fara Jesús ñeñt̄ Yompor Puechemer. Ñañapa' o' alla çherr allohuanen pue'ntaño e'ñe all Pomproesho, allña e'ñe cohuen a'pocstatennay yocop. Ñeñto'marña yapa'çho'ña allo'nepa'ch yeyemuetneña. Amuepa'chña yequeçpatstere.

¹⁵ Tarro'mar Jesús ñeñt̄ Yecorneshar yepen ñapa' e'ñe eñoteñ attoch e'ñe cohuen llecapretenya allempo ama e'ñeye' huomencaye'yenteno yeyoçhro. Tarro'mar ñapa'çho'ña attecma huapoñe't allohuen pa'namen topateñets, e'ñe atet yepena ya te' çhocma huennaya pa'namen topateñets. Tarraña ñapa' ama't pa'namen huapoye't topateñets, ñapa' ama't parrocha ama ñano ñeñt̄ ama pocteye' enteno Pompor.

¹⁶ Ñeñto'marepa'chña e'ñe yeyemteño't Yompor Puechemer, amach yemcha'naño'eye' yeçhore'teñe Yompor ama't ñeñt̄ atarr partsotets po'conaño. E'ñe puemuereño'fey e'ñech cohuen e'mñoteney, çhocmach yenpueney. Ñaña ñerra'm esempo huennaya ñeñt̄cha' yelcatene' ñachña e'ñe ahuamencat yepene'.

5

¹ Ñehua, yeñoteñ allohuen ama't erra'tsena ñeñt̄ pa'mcha'tareter pen ñeñt̄ corneshatets judioneshacop, ñeñt̄pa' acheña, arromñaña. Ñapa' añecop acarretta ñach anarettatsa attoch eñen acheñeneshacop Yomporesho. Allempo es apueñet Yomporpa' ñach anene' o'pono Yompor pa'paclo. Allempo muetsenet payara ñeñt̄ allo sherbeñet Yomporpa' ñach nene' eyarra po'rراس allo tsa'tenana pueyochreshaçhno po'chñar.

²⁻³ Ñapa'çho'ña ama huomencaye' enteno pueyochro tarro'mar ñapa' arromñaña ñeñto'marña ama e'ñe pueyochreshacpayaya nenanoña eyarra po'rراس; ñeñt̄pa' ñocpa'naña neñ allo tsa'tenana ñaña po'chñar Yomporesho. Atto ñapa'çho'ña ama huomencaye' enteno pueyochro ñeñto'marña ñapa' e'ñe eñoteñ o'ch llecapretana pueyochresha' allempo es pantenet ñet ñaña allempo yeçcatenet ñeñt̄ sosey enten Yompor tarro'mar amaña e'ñe ñeñña neneto pueyochreto; çhocmaña puesenet Yompor.

⁴ Ñaña yeñoteñ ama't e'ñe puesheñarrapa' ama eseshaye' netso e'ñe ñañeña attoch corneshat Partsocop. Ñeñt̄pa' Yomporña çhore'tene' ama't erra'tsena puesheñarr ñeñt̄cha'ña corneshatats. Atet ña ñaña Aarón, ñapa' Yomporña ne' atto corneshate't Partsocop.

⁵ Cristopa'çho'ña attecma ña ñaña ama ñaye' otatso, "ñapa' nach corneshatats." Pomporña ne' ñeñt̄cha' corneshatats attoch yecohuentateñña. Yeñoteñ Pomporpa' atet cohuentateñ tarro'mar Yompor po'ñoñ ñeñt̄ aque-lcaret ahuat ñeñt̄pa' atet oten:

Papa' Nechemereþ, te'ñapa' o'ch neñotach acheñenesha' po'ñoçh papa' Nechemer nepeneþ tarro'mar te'pa' o'ch nenap' þach añcha'tarettertsa.

6 Po'poñ aquellcaretopa' all otererr:

Papa' attoch pecorneshaterrpa' ñeñtpa' amach huañerro ama't e'ñe erponaña. E'ñe atet o' þa'llsensaretterra atet ñerra'm Melquisedec ñeññ corneshatats'e' ahua't.

7 Allempo allo'tsenmeñ Cristo arr patsropa' ma'yochamþsa ñañaña. Ma'yochamþsa e'ñe huomenc puellquēñesha'. Pueya'chpeñesha' enaman Pompor ñeññ atarr ahuamencatesha' attoch a'queshþach puerromueñoñ. E'ñe pomtcha'na'teñoñan Pomporpa' atet och: "Amach añeye' atet peþatstono ñeññ nemnen na; añcha'ña atet peþon ñeññ pemnen þa." Ñeñño'marña Pomporpa' e'ñe e'mñoçh.

8 Ñehua, Cristo ama't e'ñe Yompor Puechemerpa' ñapa'çho'ña atarr mue-roçhta, attoña e'ñe yeçhan attoch e'ñe cohuen e'mñnotenana Pompor.

9 Atto yeçhan pue'mñoteña' ñeñño'marña e'ñe etsotun ora attoch a'queshþataña, allochñapa' attoch a'queshþaterran e'ñe poctacma allohuen erra'tsencha' e'mñoterre'ña.

10 Ñeñño'marña Pomporpa' ne' ñach corneshaterrets Partsocop e'ñe atet corneshate't ahua't Melquisedec.

Ñeññ ama huomencaye' penaye pueyoçher Yomporcop çha ottena ñerra'm ematoll

11 Ñeñtpa' orameñ shontemeñ nemneñeñ o'ch notaseñ. Tarraña ama'tcha' notaseña' atarr torrapo' o'ch neçhapatonas seyoçhro tarro'mar te'pa' o'huañ tama semne' ama't erra'tsenapa' o'ch se'mñoteñ.

12 Sapa' ahuatoteñ same'ñenañ ñeñño'marña te'pa' socoppa' añ poctet-sañ o'ch seyçhatyeseñ po'potantañeçhno ñeññ allpon shonte' seño'tyeneñ. Tarraña saña'papa' amaña atteye'ña sepeno tarro'mar sapa' teme'ttsen sepall-tena o'ch alla yeçhaterrseterr Yompor po'ñoñ ñeññ yeçhatuaset e'ñe ñenma't ama't ñeñtpa' ama torrapahuoyaye yocop o'ch yeñoçh. Sapa' ama huomen-caye' sepeno seyoçher tarro'mar sapa' çha sottena ñerra'mrrate' ematoll ñeññ añach orren pachor pomosos ñeññ ama etsotenana' o'ch rran rreñets ñeññ yerren ya.

13-14 Ñaña yeñoteñ allohuen ñeññ añach pocrrañ pen pomosos, ñeñtpa' ematolla ama eñnotenana' o'ch e'nan rreñets ñeññ çhocma yerren. Ñaña ñeññ ottetsa ñerra'mrrate' ematollpa' ama eñnotenanoña Yompor po'ñoñ attoch pocte' eñch Yompor. Tarraña ñeññ po'ñoçh atet enten Yompor ñerra'mrrate' po'nanesha' ñetpa' e'ñeçh eñnotenet ñeññ pocte' enten Pomporret ñaña ñeññ ama pocteye' enteno; tarro'mar ñetpa' ahuatoteñ ame'neret Pomporret. Ñeñño'marña ñetpa' allo'na senet etsotnomuet Yompor po'ñoñ ama't ñeññ atarr echarr ñeññña e'ñe pocrrañ penet.

6

1-3 Allo'nepa'ch yesen e'ñe yeçha'nmue' Yompor poctapña ama't ñeññ atarr echarr. Allochñapa' yepeñoñ atet muenen ñapa' e'ñeçh po'n enteneña Yompor. Ñehua, sapa' o' e'ñe seyçherr ñeññ ñenma't yeçhataset Cristocop, attoch sequeçhpa'huerrña ñeññ atet seyeçhcatyeseñ ñeññ ama a'queshþatañeyaye. Añca'yeña o' ello soctape'cherr cohuen Yomporcop çhoca'yeña o' same'ñera. O' seño'terr ñaña ñeññ atet

yapatarettena Yomporecop, ñańa atto chocma yenen yot ñesheto ñeń ame'ńatsa. Ñańa o' sa'ychataretterra attoch yetanterra ñańa attoch esempohuańepa' ya'craretterrach allohueneý errotencha' entyesuerrey Yompor, ñato' cohuyente' ye'pa'yen, ñato' amate' cohuenaye' yepeno. Ñeń o' ye'chaturanmaset ahuañoteń Cristocoppa' amachńa ñeńtańa alla seserrpare'tame'terre'te. Ańcha'ńa allo'nepa'chńa yesen eńotnomue' po'pońe'chno Yompor poctapńa ñerra'm Yomporcha' yemnate'.

4-6 Tarro'mar yeńoteń ñerra'm esesha' o' chapońa pueyothro ñeń cohuen enten Yompor ñańa ñerra'm o' agapan Yompor ñeń apueneý attochńa yapa' corretsayach tayoteń errponohuańen pue'ntańo, ñańa ñerra'm o' agapan Yompor Puecamquẽń ñańa ñerra'm cho yomenana Yompor po'ñoń ñańa ñerra'm eńotuanman Yompor po'huamenc ñeń ama ahuañafeyaye, tarrańa ñerra'm o'ch alla puerreret, ñetpa' amach errotenot alla yoctape'chaterranete'te attoch cotape'cherret etserra cohuen Yomporecop. Tarro'mar ñeń acheńepa' ań toma'ntena ñeń atarr muenene' o'ch alla corso'tam'perranerr po'pocheńo Yompor Puechemer; attońa o' alla achma'retererr allo'tsa'yen shonte' acheńenesha'.

7 Ñeń atet petsapa' o'ch netma'ntacha ñeń atet pena pats. Ñehua, allempo e'ńe cohuen huapotam'psatenan Yompor pats ñerra'm o'ch chepares pa'namen narmetso'chno ñeńcha' coshatene' pamo'mte' ñeń nare'tene', Yomporńa chocma a'torene' ñeń pats esheccha' pa'namen ye'chquẽtsa all.

8 Tarrańa ñerra'm ańa cheparsats pa'namen aja'chno ñeń ama cohuenayaye, ñeńńa patspa' amach es sherbeno. Yomporshotpa' arnomaretterrach attoch a'poyaretterra.

Atto e'ńe yeyemteńo' Yompor chocmach yecuen ñeń o'patatyenya

9 Tarrańa ama't atet notensoń masheńeshacha' sa ñeńtes atarr nemorentena, napa' necuenes ñańa neńotenes sapa' o'ch alla sorrtatyerr e'ńe cohuenare' ñeń atet orrtatyen allohuen ñeńcha' qeshperrtsa.

10 Tarro'mar Yomporpa' e'ńe pocte' es pennay. Ñapa' chocma po'ño'ch entenes ñeń atet setorra'yena ñocop ñańa atto semorrenteńńańa allohuen ñeń pueyochresha' pen Paret. Neńto'marńa e'ńe same'ńeńo' ñapa' e'ńe cohuen seyepa'yeń allohuen masheńeshachno ñeń pueyochresha' pen ña, ama't teme'ttsen attecma sepena.

11 Ańa atarr nemnen ama't allohuenespa' allo'nepa'chńa sesen ortatyesnomue' ñeń cohuen enten Yompor, e'ńe'chńa socsheńeshocmańen sorrtatyesuanom allohuen ñeń cohuen enten Yompor e'ńe atet socsheńo' chocma seyepa'yeń ñeń pueyochresha' pen Paret. Attońa e'ńe seyemteńo' Yompor secuen ñeń o'patatenya.

12 Attochńa amach cha se'cllatsto Yomporecop, ańcha'ńa sepna samńa ñeń atet pa'yena po'potantańe'chno ñeń pame'ńeńo'fet Yomporpa' ama't errotuaneńo'tsa'yenet ñetpa' chocma ahuanta'huaneńet. Attochńa e'ńe o'patueńańet Yompor ñeń oteneý Yompor ñeńcha' aphuerrey.

13 Tarro'mar yapa' yeńoteń chocmach aphuerrey ñeń atet oteneý. Ñehua, yeńoteń Yompor ahuatpa' atet otane't Abraham ñeńcha' atet perrńań tsapatone' po'mren'ecop. E'ńe ñańeńa pa'so'chńo atet otan Abraham tarro'mar ama eńalle po'poń ñeń atarr ahuamencatesha' atet ñerra'm ña allcha' a'poctatan po'ñoń.

14 Ñeñto'mar e'ñe ña pa'so'chño atet otan Abraham: "Na po'ño'chpa' atarrcha' nebensare'tam̄psañ attochña na'nraterrnaḡ ñeñtcha' penĩreneñ peperr."

15 Ñeñto'marña Abrahampa' e'ñe pueyemteñoḡ Yompör po'ñoñ atet oteñ ñapa' ama quechpueñe, çhocma cohuenan ñeñt atet oteñ Yompör. Ñeñto'marña Abrahampa' po'ño'ch agapater Yompör ñeñt atet oche't ahuatoteñ.

16 Nehua, yapa' yeñoteñ acheñ arr patsro ñerra'm es muenenet o'ch es otenet e'ñe po'ño'ch, ñetpa' o'ch otenet e'ñe añ pa'so'chño ñeñt atarr ahuamencatesha'. Ñerra'm atet penetpa' attoña eñoteñet ñeñt ñoñetspa' o' anaretta, o'huañcha' allo'na otnare'tanna'tnenet po'ñoño'maret.

17 Yompörpa'cho'ña e'ñe attecma nan po'ñoñ e'ñe ña pa'so'chño tarro'mar ñapa' muenen o'ch eñotateney amachña a'po'poñetañperryeña po'ñoñ, allohueney ñeñtey o'patatena ñeñt atet oteney o'ch apuerrey.

18 Ñeñto'mar yeñoteñ Yompörpa' e'ñe epoch eñotateney e'ñe po'ño'ch atetcha' perrnay, ñaña Yompör po'ñoñpa' ama çhoye'shequēnye. Ñeñto'marña e'ñe yeyemteñoḡ ñapa' yeñoteñ po'ño'chpa' a'queshpaturreycha' ñeñt atet oteney. Ñeñto'marña yecueñ ama't allohueney ñeñtey e'nene' ña ñiachña ya'queshpaturre'.

19 Ñeñto'marña yeñoteñ ñeñt yecuen ya o'ch a'queshpaturrey Yompör ñeñtpa' e'ñe po'ño'ch, ñeñt ama ahuañañayaye. Ñeñto'marña yeñoteñ e'ñe yeyemteñoḡ ña yecamquēñña' e'ñe cohueno'tsen amach errotenot chenquerro. Yeyemteñoḡ Yompör ñeñtpa' añ toma'ntena ñeñt orrene' barco oño ñeñt otenet ancla. Allochña barcopa' amach errotenot chenco. Ñeñt atto yeyemteña Yompör ñeñtña anclatetsña yecamquēñecop ñaña ñeñtpa' e'ñe po'ño'ch allo e'ñe huomenc orrena yecamquēñ tarro'mar ñeñtpa' Yomporeshot anaret e'ñe allohuanen ñeñt allo'tsen Parets pa'paclo pue'ntaño, e'ñe allohuanen allo'tsen besom allo yottam̄peññañet Parets po'poner. Allca'yeña anarettenaña ñeñt toma'ntenaya ancla atto ya yeyemteña Yompör.

20 Tarro'mar e'ñe all Parteshopa' allña o'çherrña Jesús ñeñt o'otam̄perrya allcha' a'pocatosnay e'ñe cohuen yocop Pomposho. Allña'pa' o' corneshatuerr Partesho. Atto o' corneshatuerr ñeñtpa' amach huañerro ama't errponaña. E'ñe atet o'allsensaretterra o'ch corneshatuerr ñerra'mrrate' atet corneshate't ahuat Melquisedec.

7

Jesúspa' atarr cohuen corneshatos Partsocop atet corneshate't ñaña Melquisedec Partsocop ahuat

1 Nehua, te'pa' o'ch alla neyerpaterrsa ñeñt atet pe't ñeñt corneshatatset' ahuat ñeñtpa' añ pa'so'cheñ Melquisedec. Ñapa' ñeñt corneshatatset' Partsocop ñeñt atarr partsotets. Ñaña ñapa' ñeñt am̄cha'tarettatset' all anetso ñeñt pa'so'cheñ Salem. Allempopa' correna ñaña yatañ Abraham. Parrochña Abrahampa' ahuo' allcha' quellarenana' po'potantañeçhno ñeñt am̄cha'taretetyetsa allo'mar. E'ñe a'mchechuahuananeta'pa' huerra. Allempo err, toñopa' all poctapueñ cornesha' Melquisedec. Allña pocteñpa' allentá bensare'tam̄psapuenan Abraham.

2 Ora ñeñt allpon yoram̄psan ñeñt o' quellara'huenta'pa' allempoña Abrahampa' aphuenan cornesha' Melquisedec allpon ñeñt Partsocop. Allpon

aphueñpa' ñeñtpa' ñeñt allpon otenet la décima parte. Ñeñtpa' atet ñerra'm es eñall ñeñt yechen çharrapa'ttsocma, pate'tetsñapa' o'ch yeneñ e'ñe Partsocop. Ñehua, ñeñt so'chñetser Melquisedecpa' añ otenet "ñeñt pompopor pen allohuen amcha'tareteçhno ñeñt e'ñe pocte' enten Parets." Allotpa' ñaña ñapa' arr amcha'tarettena anetso añ pa'so'cheñ Salem. Ñeñt anetser pa'so'cheñ añ otenet "muechetteñtsompañño" tarro'mar all amcha'tarettena ñapa' ña orrtatene' e'ñe cohuen morrentanna'teñets attoña yeçhenet e'ñe cohuen muechet.

3 Ñeñt Melquisedecpa' ama eñotpahuoyayeña ñeñt pompopor pe't ñaña ñeñt pachor pe't tarro'mar ama aquellcareteyaye ñeñt pa'so'cheñ. Ñaña ñeñt pa'tañneshañ pe't ñeñtpa'çho'ña ama eñotpahuoyaye. Ama't ñaña allempoteñ eñalleta Melquisedec ama't ñaña allempo rroma ñeñtpa'çho'ña ama eñotpahuoyaye. Ñapa' tarro'mar atet pe't añ toma'ntena ñeñt Puechemer pen Parets. Ñeñto'marña atto corneshaten ñeñtpa' amach huañerro ama't errponaña.

4 Señoçhepa'ch cornesha' Melquisedec ñapa' atarr sherben. Ama't yatañ Abrahampa' çhocma es apane't Melquisedec atet ñerra'mrrate' ñeñt es yenen ñeñt Partsocop. Añ aphueñ ñeñt allpon yoramñsan ñeñt o' quellara'huená'. Allpon aphueñ ñeñt atet ñerra'm çho es yenen Partsocop ñeñtpa' atet ñerra'mrrate' ñeñt allpon es yechyen e'ñe çharrapa'ttsocma, pate'tetsñapa' o'ch yeneñ e'ñe Partsocop.

5 Ñehua, yeñoteñ levína'tarnesha'pa' ñeñtēna'tarña anarettatset' judione-shacop ñeñtcha' corneshatets Partsocop. Ñocpueña nanña Moisés po'ñoñ, ñeñtña ñoñetspa' atet oten ñocpue: E'ñe pocte' secobreñ acheñenesha'. Apa'yenetepa'ña allponapa'tets ñeñt Partsocop, atet ñerra'mrrate' ñeñt allpon yechyen e'ñe çharrapa'ttsocma, pate'tetsñapa' o'ch yeneñ e'ñe Partsocop (ñeñtara otenet diezmo). Ñeñto'marña çhocma cobreñetña pamo'tsesha' ama't e'ñe ñeñtēna'tarecmuet, tarro'mar Abrahampa' ñeñtara pa'to' pohueñet allohuenet.

6 Tarraña Melquisedec ama't ñapa' ama levína'tarneshayaye ñaña'pa' ello metana'tuenanet ñet tarro'mar ñapa' ama't yatañ Abrahampa' agapoñet allpon ñeñtcha' aþ Partsocop. Elloña bensare'tamñenan Abraham ama't Abrahampa' o' otue Yompor ñach bensare'tamñse'. (Abrahampa' e'ñe pocte' enteñ tarro'mar atarr ahuamencatesha' entenan Melquisedec.)

7 Ñehua, yeñoteñ po'ñoçh ñeñt atarr nanac amcha'tarettetsa ñapa' ñachña bensare'tamñene' po'potantañeçhno ñeñt ama tama amcha'tarettetso atet ñerra'm ña. Ñeñto'marña yeñoteñ Melquisedecpa' atarr sherben tarro'mar ama't amcha'taret Abrahampa' ñapa' ello bensare'tamñeñ.

8 Ñeñt yenten arr patsro ñeñt corneshatets Partsocop, ñetpa' arromñaçota atet penet. Tarraña ama't arromñaçota atet penet çhocma aguēññañet acheñenesha' ñeñt apa'yenet Partsocop. Melquisedecpa'çho' ñaña agapaye't ñeñt apa'yesete't Partsocop. Tarraña Melquisedec ñeñt atet anaret Yompor po'ñoño ñocop ñeñtpa' atet oten ñerra'mrrate' ñapa' ama arromñaçeshayaye.

9-10 Ñehua, ñato' o'ch yot Leví ama't allohuen pue'ñareshohuen, ñeta'ñaña agapamñsanet Melquisedec ñeñt allpon apueñet Partsocop e'ñe allempocma agapan ñeñt aþ Abraham Partsocop. Ama't ama eñalletena' Leví allempopa' te'pa' o'ch yot ñapa' e'ñe pa'to' Abraham po'çhtso'tsen allempo, allempo pocten Melquisedec. Ñeñto'mar te'pa' o'ch yot levína'tarnesha' ñeñt

po'taruas pene' o'ch cobran acheñenesha' attoch allpon apa'yenet Partso-
cop, ñeta'netepa'tña cobra'ña allempo Melquisedec. Ñeñfo'marña yeñoteñ
Melquisedecpa' atarr sherben, ello metana'tuenan levína'tarnesha' ñeñ
corneshatyets Partscop.

11 Ñehua, yeñoteñ ahuat allempo aparetta israelnesha' ñoñets ñeñ atet
anaret, ñeñtpa' añ orrtate' levíneshá' ñeñ corneshatyets'e't ahuat Partscop.
Tarraña añ ñoñets ñeñ orrtat cornaneshachno ñeñtara levíneshá'pa' ñeñtpa'
amach erroteno't a'cohuentaterranetoña Yomporecop. Ñerra'm po'ño'chcha'
a'cohuentateneñ amate' eso'mar huapoña Cristo ñeñtcha' corneshatosets
ello ñeñ atet corneshate't Melquisedec, ñeñtpa' ama atteye' corneshatoso
ñeñ atet corneshaten Aarón ñeñtara levína'tarnesha'.

12 Ñehua, yeñoteñ ñerra'm esempo Yomporpa' orrtaterran po'psheñeñ
ñeñtcha' corneshaterrets po'poñone't, yeñoteñ añ ñoñets ñeñ atet anaret
ñeñ orrtat cornaneshá' levína'tarnesha' ñeñ ñoñtsorpa'cho'ña o'ch cha
po'poñetuerr.

13-14 Yeñoteñ Yepartseshar Cristo ñeñtña otenña Yompor po'ñoñ
ñeñtcha'ña ello corneshatosets. Yeñoteñ ñapa' ama levína'tareyaye, ñapa'
judámereñtsoro't eñalleta, ñeñ po'poñ mereñtsor ñeñtara israelena'tar.
Ñetpa' ama anaretayayo o'ch corneshatet Partscop ñeñ atet anaretta
levína'tarneshacop. Moiséspa' ama esoye' sochaneto ñocpuet ama't
puesheñarrofa attoch corneshatet. Ñaña ñetpa' ama't puesheñarrofeta
ama eseshaye't tetso altaro allotecma sherbeñet Parets.

15 Elloña yeñoteñ o' po'poñet ñeñtcha' e'ñe cohuen corneshaterrets
tarro'mar allempo orrta Cristo, ñach corneshaterrets atet anarette't
Melquisedec. Ñapa' ama atteyaye ñerra'mrrate' atet anarette't
levína'tarnesha'.

16 Atto corneshatos Cristo ñeñtpa' ama añecpayaye attoch allo'na cor-
neshatnen levína'tar ñeñ atet anarettenet ñocpuet. Ñapa' añecopña cor-
neshaterr Partscop tarro'mar ñapa' ña atarr ahuamencatesha' ñeñ ama
arromñafeshayaye ama't errponaña.

17 E'ñe Cristocop eñotateney añ ñoñets ñeñ atet anaret Yompor po'ñoño,
ñeñtpa' atet oteñ Pompor:

Papa' attoch pecorneshaterrpa' ñeñtpa' amach huañerro ama't e'ñe er-
rponaña. E'ñe atet o' pa'llsensaretterra atet ñerra'm Melquisedec ñeñ
corneshatatse't ahuat.

18-19 Ñeñt ahuatoteñ ñoñets ñeñ atet nonaye't Moisés ñeñtcha' atet
ye'pohueneñ ñeñtña te'pa' o'huañcha' ye'cua'per tarro'mar ñeñtpa' ama
eñalle po'huamenc attoch ñeñtcha' ya'cohuentaterre' Yomporecop, e'ñe
orrena atarr yetorra'yese't. Tarraña te'pa' o' orrtternaya po'poñ ñeñtña'pa'
ello atarr sherben ñeñtcha' ya'cohuentaterre' Yomporecop esheccha'
yecherr Yomporesho ñeñtcha'ña atarr yeyemterraña te'.

20 Yomporpa' e'ñe ña pa'so'chño nan po'ñoñ allempo llesensan Cristo ñach
corneshaterrets errponañohuen.

21 Po'potantañe'chno ñeñt corneshatyets ñeñtara levína'tarnesha' allempo
acornesha'taretetyeset ñetpa' ama Yomporeye' nahueto pa'so'chño attoch
corneshatyaset. Tarraña Cristo allempo allsensaretta attoch corneshatos,
ñeñ eñoraten Yompor Cristocoppa' ñeñtña'pa' atet oten:

Yompor o' nan po'ñoñ e'ñe ña pa'so'chño ñeñfo'mar amach errotenot a'po'poñetuerrano po'ñoñ; (ñeñtpa' atet ot Cristocop): "Papa' attoch pecorneshaterrpa' ñeñtpa' amach huañerro ama't e'ñe errponaña. E'ñe atet o' pa'llsensa'etterra atet ñerra'm Melquisedec ñeñt corneshatset' ahuat."

22 Ñeñfo'marña Jesús'pa' eñoöchtaterrnay po'ñoñ atto Yomporpa' a'pochtaterrnay etserra ñeñña atarr sherbets, ello o' metana'tuerran ñeñt atet a'pochtatonaye't ahuat.

23 Ñeñt ahuatoteñ cornaneshachño ñeñfara levína'tarnesha', ñetpa' epaye' shonta'nmuet tarro'mar chocmach rromayesete't attoña o'huañcha' allo'na corneshatyesnenet. Ellopa' o'chcho' huapa po'psheñeñ ñeñfara levína'tar ñeñcha' alla corneshatrets. Ñeñfo'mar epaye'shonta'nma ñeñt corneshatyesnomtset' ahuatoteñ.

24 Tarraña Cristopa' errponañohuencha' corneshaterr tarro'mar ñapa' ama arromñateshayaye.

25 Ñeñfo'mar Cristopa' ña eñotene' attoch chocma a'queshpätenan allohuen ñeñt e'nene' Yompor ñerra'm e'ñe pueyemteñofo't ña, tarro'mar ñapa' chocma allo'tsen Pomproesho allecma a'pochtatenay ñeñt e'ñe cohuen yocop.

26 Ñeñtpa' e'ñeca'ye pocte'ña yocop o'ch yechen Yecorneshar ñeñt Cristo tarro'mar ñapa' e'ñe cohuen Parets, ama eñalle po'chñar ama't mamesha ñeñcha' a'sosyatene'. Ñapa' o' sohuannerran allohuen ñeñt cotene' sosya'tsañ o' alla cherr allohuanen Yompor pue'ntaño allña partsotapretenan Pompor.

27 Ñapa' ama atteye' pöso ñerra'm po'potantañ cornaneshachño ñeñt ahuatoteñ. Ñet pate'tets yetpa' epaye' muetsete't payarachño; ñeñt eyarra po'rraspa' alloña peretnatane'tña cornaneshachño po'chñar. Ellonetpa' o'ch peretnateñet ña'ma allohuen acheñenesha' po'chñar ñeñfara eyarra po'rroso. Tarraña Cristo ñapa' e'ñe parrocha shatan e'ñe ñañeña po'rras allohuenacop ochñartsocop allempo rroma yocop e'ñe ña puenmenñoñ; ñeñtpa' attoña tsa'tuerrnaya yo'chñar Pomproesho.

28 Moisés ñeñt atet nan ñoñets ahuatpa' ñeñtpa' acheña na'yes ñeñcha' corneshatyesets atteta ñerra'mrrate' ya ñeñfey ama cohuenacmaye' es petso. Tarraña allempo met allpon charpa' allempoña Yomporpa' o' alla nerran po'ñoñ e'ñe ña pa'so'chño. Allempoñapa' nerran Puechemer ñeñcha' corneshatrets ñeñt e'ñe cohuenare' es pa'yets Partsocop; ñeñtpa' amach huañerro ama't errponaña. (Ñeñfo'marña Cristopa' e'ñe etsotuan ñeñt nanac sherbets.)

8

Jesús'pa' ña a'pochtatañtertsa e'ñe etserra yocop

1 Ora allpon ñeñt o' notuanmas ñeñtpa' e'ñe po'ñoñ atet notenes: ñeñt atto atarr sherben Cornesha' Cristo te'ña ñapa' o' alla anorruerr Parets po'cohuenrot all anen po'conaño all pue'ntaño. Allñapa' o' alla partsotuerr ña'ma.

2 Allñapa' o' atarr sherba'huerr e'ñe allohuanen Parets po'prahuo all e'ñe po'ñoñ allo'tsen Yompor. Ñeñtpa' ama atteyaye ñerra'm patso'mar puerahua' ñeñt tomaten acheñ. Allpa' Yomporña tomatene'ña po'prahua' e'ñe ña pue'ntaño.

3 Yeñoteñ allohuen ñeñt corneshatets Partsocop, ñetpa' añecopña anarettenet attoch ñetcha' es apuenet Yompor ña'ma ñetpa' o'ch muetsenet

payaraçhno Yomporecop attoch peretnatenet po'chñaret. Ñeñño'marña Cornesha' Jesús, ñocoppa'çho'ña e'ñe pocte' o'ch es apan Pompopor. (Ñeñtpa' aña apuerran Pompopor e'ñe ñañeña po'chets attoch rröma yocop.)

4 Ñehua, ñerra'm ñapa' allo'tsenaraña aña patsropa' ama't mamesha amate' pocteye' enteññeña ñeññ cornaneshatyets aña patsro, tarro'mar ñetpa' añach e'ñe cohuen entenet o'ch es apueñet Yompopor ñeññ e'ñe atet nanete't Moisés po'ñoñ.

5 Ñeñño'marña yeñoteñ ñeññ atet sherbenet ñet ñeñtpa' atta toma'nteñet ñeññ atto po'ñoçh Cristo e'ñe cohuen sherben Parets po'prahuo ñeññ pue'ntaño'tsen. Añach sherbenet ñeññ attema'ttetsa ñeññ e'ñe po'ñoçh atet muenen Yompopor. Yeñoteñ ñeññecma sherbete't tarro'mar ahuat allempo Moiséspa' ahuo'ch tomataneñ ñeññcha' po'prahua' pa' Parets arr patsro, all aspeno Yomporna gate' ñeññ toma'ntenaya e'ñe ña po'prahua' ñeññ pue'ntaño'tsen. Allempoñapa' atet otan Moisés: "Po'ñoçhpa' e'ñech atet pueyehcaton ñeññcha' neprahua' nepa' añ patsro allcha' yeçhena Necamquëñ." Arrpa' allohua atet otan Yompopor Moisés.

6 Tarraña Cornesha' Cristo te' atto sherberr all pue'ntaño, ñeñtpa' e'ñe po'ñoçh poctacma cohuen. Ello metana'tuenan ñeññ atet sherba'yese't ahuatoteñ cornaneshaçhno arr patsro. Tarro'mar te' ñeññ atet o' a'pocaterannay Pomporeshopa' ñeññña e'ñe poctacma cohuen yocop, tarro'mar añ a'pocateñetspa' pa'namen oteney ñeññcha' atet perrnay coshateñtso.

7 Yeñoteñ ñerra'm e'ñe cohuen a'pocatyene't ñeññ ñenma't allempopa' amach palltenañe o'ch alla a'pocaterreyeterr e'ñe ello etserra.

8 Yeñoteñ ñeññ ahuat a'pocateñetspa' ama e'ñeye' cohuen yenpa'ye'te tarro'mar allempo Yomporpa' ama pocteye' entane'te israelnesha'. Tarro'mar po'ñoñpa' atet oten ñeññ aquellcayet ñeñtpa' atet o' Yompopor: Chapcha' allempoch nenerrerr po'poñ neñoñ israelena'tarneshacop ñaña judána'tarneshacop, ñeñtpa' allochña na'pocaterannanet e'ñe cohuen etserra.

9 Ñeñtpa' amach atteyaye ñerra'm ñeññ atet na'pocatanet ñenma't pa'tañneshañ allempo nerraneta' Egiptot e'ñe cohuen na nehuamencot. Tarro'mar allempo ñetpa' ama atteye' poneto ñeññ atet nenanet ñeññcha' a'pocatahuetañ. Ñeñño'mar napa'çho'ña atta na'ypo'ñanet. Ñeñtpa' atet o' Yompopor allempo.

10 Allempoñapa' o' alla otererr Yompopor ñeññara:

Esempohuañenpa' o'ch alla na'pocatererr po'poñ ñeññ israelena'tarneshacop. Ñeñtpa' atetcha' neperranet allempo esheccha'ña neçhapaterannanet neñoñ e'ñe ñet pueyoçhreto, ñeñtpa' ñato' o'ch netma'ntacha atto neñoñpa' o' aquellcayeterr et e'ñe ñet pueyoçhreto ñeññcha' cotape'chaterrahuetña e'ñe cohuen. Allempoña po'ñoçhpa' e'ñech Po'yomporer perrnet, napa'çho'ña e'ñech neyoçhrenesha' neperranet ñamet.

11 Ñaña allempo allohuenetpa' e'ñech eñotuerrnanet ñeññcha' atet noctape'chaterranet cohuen pueyoçhreto. Allohuenetpa' e'ñech attecma eñoterrnet pomporneshohuenet ama't ñaña añeñolleshohuen ama't ñeññ atarr sherbets ama't ñaña ñeññ ama esoye' enteñeto. Ñeñño'marña allempo ñeññ amcha'na'tpo' entetsapa' ama pallteno o'ch yeçhatan po'potantañ pamo'ts ama't ñaña pa'mo'nasheñ.

Amach esesha' oterrahuete'te te'pa' añ poctetsa o'ch señoter Yompor, tarro'mar allempopa' o'ch e'ñe eñotuernnet.

12 Ñaṃa napa' e'ñe nemuereñoñanetpa' neṓretnerranetcha' po'chñaret, amach alla neyerpuerranete'te po'chñaret. Arrpa' allohua atet ot Yompor ahuat.

13 Ñeñño'marña yeñoteñ ñeññ atto Yomporpa' all oten e'ñe etserra o'ch a'poctaterrey, ñeññpa' tarro'mar ñapa' o' a'ypo'ñerran ñeññ attoch ñanom a'poctatyeyñ. Ñaṃa ñeññ ahuatoteñ a'po'tateñets te'pa' o' a'ypoeñare'terra, ñeññpa' huañerrcha'.

9

Ñeññ patso'mar Yompor po'prahua'pa' añ toma'ntateññañet ñeññ e'ñe ña pue'ntaño'tsen po'prahua'

1 Ñehua, yeñoteñ ñeññ atet a'poctatanetañ ahuat Yompor ñeññpa' echenan ñoñets anaret ñeññcha' atet sherba'yaset Parets. Ñaṃa arrcha' e'ñe et-sotetña ñeññ Yomporcop e'ñe ña po'prahuo, ñeññ puerahua'pa' ama'tacheña tomatene' arr patso.

2 Ñehua, ñeññ puerahuatate't ahuat ñeññpa' shetamtsopo'. Ñeññ tomatenet ñehuaपोपा' ñeññ otenet Partsopahuesho allo'tsen all orratenet huerare ñaṃa allo'tsen mesa allecma nenet pan Partsocop.

3 Allohuanen allohua ayottamṓsaret besmo po'ppahueñ shetamtsopo' ñeññ otenet, E'ñe Partsopahuesho Po'ponro.

4 Allñapa' allo'tsen altar, enoññapa' allecma a'crratenet tsach puese' ñeññ atarr eñmosa'tetsa Partsocop; ñeññña altar eno'marpa' e'ñe cohuen orotattena. Ñaṃa allohuanen po'ppauño allo'tsen tsapot; ñeññpa'cho'ña eno'marpa' orotaten. Allña añño'tenet mapuettall allo aquellcare't Yompor po'ñoñ ñeññ a'poctat Yompor ahuat acheñenesacop. All añño'tenet ñaṃa pajo' orotaten, allña esha'taret coñe't maná ñaṃa tsapoto allo'tsen Aarón po'carr ñeññ tapa'llatse't ahuat.

5 Tsapot enot all ten epsheña mellaño'eñma't ñeññ aye'chcataret ñeññ otenet querubíñ ñeññ toma'ntenaya Parets po'partsoña ñeññ chorrets all. Querubíñ pa'pa'yopa' alloña ca'matenan tsapot enot allot e'tamṓpenet tsapot. Allñapa' allecma peretnanete't Yompor po'chñaret. Ñehua, te'pa' o'ch noterrserre po'poñe'chno ñeññ pa'namen atma'ntataret all.

6 Allpa' pa'namen añño'taretetyetsa ñeññ all puerahuo. Ñaṃa ñeññ cornaneshatyets Partsocoppa' chocmach be'tosyenet ñeññ all puerahuo ñehuaपो, allcha'ña etsotayenet ñeññ atet anaret Partsocop.

7 Tarraña ñeññ allohuanen po'ppahueñ Parets po'poner ama eseshaye' be'tetsoña all. Allpa' añach be'tets puesheñarr cornesha' ñeññ pa'mcha'tareter pen po'potantañ cornaneshachno. Ama't ñapa' paterr charpa' e'ñech parrocha be'ten. Ñaṃa chocmach anman eyarra po'rراس alloch peretnenanet Yompor po'chñaret. Ñeññpa' e'ñe ñocpa'na po'chñarecop ama't ñaṃa allohuen acheñenesha' po'chñarecpuet.

8 Ama't ñeññ ñehuaपो'e'tsen puerahua' allecma sherba'yen cornaneshachno ñeññ atet anaret Partsocop, tarraña e'ñe allohuanen Parets po'ponro añach be'tets ñeññ nanac corneshatets e'ñe ñapuef. Ñeñño'marña te'pa' Parets Puecamquëñña yeñotatene' atto ama atoramṓsareteyaye allohuenacpay attoch ye'chapanpeña Yompor all partsoten.

⁹ Ñeñt allempopa' aña toma'ntena ñeñtcha' atet cohuen p̄osa tsapatonet Cristo allempoch huapa; atet ñerra'm te'ña o' huapa Cristopa' o' et-sotua. Tarro'mar allempo all Parets po'prahuo ama't es apuenetañ Yomporecop ñaãa ama't es muetsayenetañ Yomporecop, ñeñtpa' arepa't a'cohuentananoña añ poctaḡña ñeñt atet sherbenayeñ Yompor.

¹⁰ Tarro'mar ora atet anaretet allempo ñeñtpa' añecpa sherben ñeñt e'ñe po'chtsoapueta ñeñt atet ñerra'm ñeñtcha' rrenet ñaãa ñeñtcha' orrenet ñaãa atto apa'yese't Partsocop. Ñeñt orapa' añecpa sherbe't attoch a'pocpatenet po'chets Partsocop. Ñaãa ñeñtpa' mamecpa anaretta esempohuañeñña Yomporpa' orrtaterrnaycha' po'poñ ñeñtcha' ello nanac yesherberre'.

¹¹ Ñeñtpa' e'ñe tarremphua e'ñe etsoterra allempo huapa Cristo, ñeñtña orrtatose' ñeñt ello nanac sherbets te' yocop. Ñapa' atto corneshatospa' o' alla be'tosuerr allohuanen Partsopahuesho all pue'ntaño ñeñtña ello nanac sherbets Partsocop. Ñapa' e'ñe metana'tuerran ñeñt sherḡa'yestse't ahuat puerahuo Partsocop ñeñt tomaten acheñ arr patsro. Tarro'mar ñeñt Parets po'prahua' ñeñt pue'ntaño'tsenpa' ama acheñeye' tomatenaye ñaãa ñeñtpa' ama añe patsroye' atomatareyaye.

¹² Ñaãa Cristo allempo be'tosuerr allohuanen Partsopahuesho ñeñtpa' e'ñe parrocha be'tosuerr all pue'ntaño. Ñaãa ñapa' ama añeye' anmo eyarra po'rras – cabra amapa' huacshetoll. Ñapa' e'ñe ñañeña po'rras pomhuerr. Ñaãa ñapa' e'ñe parrocha pomanña po'rras all ama't allohuen pa'namen acheñeneshacop po'chñarecop. Attoña e'ñe cohuen a'pocpatonay attotcha' a'qeshḡaterrey, ñaãa ñeñtpa' amach ahuañañatterro ama't errponaña.

¹³ Ñehua, yeñoteñ ñeñt atto shellcapechyesane't cornesha' acheñeneshap cabra po'rraso amapa' huaquesh po'rraso amapa' huacshetoll po'tsapñero ñeñt a'poyenet altar, ñeñtpa' attoña a'pocpatenan ama't erra'tsena acheñer po'chets Partsocop, ama't erroteno a'sosyatena Partsocop.

¹⁴ Tarraña ñeñtpa' e'ñe po'chtsochaya a'pocpatarettenet Partsocop. Tarraña allempo ashataretta Cristo po'rras, ñeñtpa' ellonet añecopña nanac sherḡos attoch a'pocpaterrnay ama't ñeñt atet yoctape'chyen yeyochro. Ñeñto'marña allempoteñpa' amach alla yeyemtererro ñeñt atet yeyechatyen arr patsro ñeñt ama a'qeshḡatañeyaye. Añcha'ña e'ñe cohuen yesherven Yompor ñeñt ama arromña'feshayaye. Cristopa' ñeñto'marña ello atarr sherbeney atto pomuerra ñañeña o'ch rroma yocop ama't ñapa' ama eñalle po'chñar ama't e'ñe mamesha. Ñeñtpa' e'ñe Yompor Puecamquẽñoñ atet p̄osa; ñeñtña Camuecñetserpa' ama ahuañaño.

¹⁵ Atto Jesucristopa' ña eñosets yocop attoch a'pocpatuerrnay e'ñe cohuen etserra. Tarro'mar allempo rroma Cristo ñeñtpa' añecopña sherben attoch peretna'huerrnay yo'chñar ñeñt o' allpon yeḡohuen ahuatoteñ allempoteñ yocta'nom ñeñt ñanom a'pocatañtatsañ. Allochñapa' allohueney ñeñtey o' ya'hua'ñaretterra o'ch yame'ñera, ñapa' aphuerreycha' ñeñt o'patatenya ñeñt atet oteney attochña yapa' corretsayach errponohuañeñ.

¹⁶⁻¹⁷ Ñehua, yeñoteñ arr patsro ḡocma eñall p̄uesheña'tets acheñ ñeñt atet petsa o'ch quella'nman ñoñets all oten ñeñtcha' allpon puechat-sreḡno apa'nman pamo'tsesha' ñerra'm esempoch rroma. Tarraña allempo orameñ correna ñeñt quellquẽne' e'ñe ña po'ñoñ, añña ñeñt o'patatenya' amach errotenot amnataretteto o'ch yoret e'ñe allempocma. Tarraña

ñerra'm esempoch eñoteñet po'ñoch o' rromuen ñeñt o'patatenahuet, allemponapa' aparetetyesetcha' ñeñt allpon o'patataretetyenet. (Ñeñto'marña yapa' yeñoteñ allempo rroma Cristo atto ashataretta po'rraspa' ñeñt allpon o'patatyenya yama ñeñtpa'cho'ña e'ñe yocma.)

¹⁸ Ñeñto'marña ahuat allempo ñenma't a'pocatatete't Partsocop, ama't allempopa'cho'ña o'ch muetset eyarra, po'rrasoñapa' allochña shellcata'tyeset. Ñeñtpa' attoña e'ñe a'pocatatete'tña po'ñoñ.

¹⁹ Ñehua, Moiséspa' atet pa allempo. E'ñe eñotatuan acheñenesha' ora allpon atet oten Yompor po'ñoñ ñeñcha' atet pet, allempoña ñapa' o' yoran carrnero pue'ch ñeñt e'chomaret tsama'to ñeññapa' huanqu'e' hisopoch puetacro, allotñapa' yoran ñama huacshetoll po'rras ñama cabra po'rras, tsech epuet oñ. Allña e'choman carrnero pue'ch ñeñt huanqu'en tsachpo allemponapa' shellcata'tan allo libro ñeñt all anaret Yompor po'ñoñ, attoña shellcana'tampesuan ñama allohuen acheñenesha'.

²⁰ Allemponapa' atet otan acheñenesha': "Añ po'rras ñeñtpa' alloña Yomporpa' a'pocatatennas ñeñt atet nenan po'ñoñ socop ñeñcha' atet sepa."

²¹ Ñama attecma ñan ñama puerahua' ñeñt shetamtso' o' shellcapo'ch ñeññara errasatso. Ñama ora allpon coymechno ñeñt allo'tsa'yen allecma sherbeñet Parets, ñeñtpa'cho'ña e'ñe shellca'ta'tue.

²² Ñehua, yeñoteñ ñeñt atet oten ñoñets ñeñt atet anaret, allohuen es po'rrasochña e'ñe a'cohuentatenet Partsocop. Allohuen pa'namen ñeñt allo'tsa'yenpa' e'ñe autsa allohuen a'cohuentatue atto ashellcana'taretta eyarra po'rraso. Ñeñto'marña yeñoteñ ñerra'm ama es muetseneto attoch shatatoñet po'rraspa' amach eseshaye' a'pretnarettetso po'chñaret.

Atto amtsaretta Cristo yo'chñarecoppa' attoña e'shohuerrmayo'chñar

²³ Ñeñto'marña yeñoteñ a'ne patso puerahua'pa' eyarra po'rrasoña a'cohuentatyenetña allohuen ñeñt Partsocop. Ñeñt puerahua' añ patso'marpa' añ toma'ntena Parets po'prahua' ñeñt pue'ntaño'tsen, ñeñtpa'cho'ña attecma errasatso a'cohuentatarettena allohuen ñeñt allpon allo'tsa'yen. Tarraña ñeñt rromats Parets po'prahuacop ñeñt pue'ntaño'tsen ñeñtpa' añ muenen errasats ñeñt ello atarr cohuen sherbets.

²⁴ Ñeñto'marña Cristopa' ñeñecopña rroma. Tarro'mar Cristopa' ama arr-eye' be'tosuerro ñeñt patso'mar puerahua' ñeñt ye'chcaten acheñ ñeñt atta toma'ntenaya Yompor po'prahua' ñeñt pue'ntaño'tsen. Allña be'tosuerrña Cristo Parets po'prahuo ñeñt pue'ntaño'tsen ñeñto'marña te' ñapa' allo'tsen e'ñe allohuanen Yomposesho allña torra'huerra cohuen yocop.

²⁵ Ñama Cristopa' ama atteye' ñoso atet pena cornaneshachno ahuat. Ñetpa' chocma be'tosete't allohuanen Parets po'ponro e'ñe pate'tets char. Ñama errasats ñeñtcha' anenet o'pono ñeñtpa' ama ñetoyaye po'rraset.

²⁶ Tarraña Cristopa' e'ñe parrochepa anaret o'ch pomuerra ñañeña o'ch rroma attoch ashataretta po'rras. Tarro'mar ñerra'm ama atteye' anareteñepa' chocmate' rromame'tañ ama't tarrempoten allempoteñ e'ñe erрте' aye'chcatarettetsa pats. Tarraña ñeñtpa' ama atteye' po. Ñapa' añecopña huapa attoch e'ñech parrocha amtsaretta allohueny yo'chñarecop attoch ñachña yahuanmanperre' yo'chñar. Ñeñto'marña huapa allempohuach cherr yet allempoch mellapotermocha.

27 Yeñoteñ ama't allohueney acheñey çhocmach yerromuen. Tarraña e'ñech parrocha yerroma allempoñapa' o'ch huernnaya attoch Yomporpa' eñotatyesuerrey e'ñe errotench'a' entyesuerrey – ñato' e'ñech cohuen entyesuerrey amapa' ñato' amach cohuenaye' entyesuerrye.

28 Aftecma ña ñaña Cristo e'ñe parrocha rroma allempo amtsaretta allohuen ochñartsocop. Attoña ñapa' e'ñe ahuanmamperrey shontey allohueney yo'chñar. Ama't amtsarettañ ochñartsocop, tarraña Cristopa' allach orrterra po'pocheño. Allempoch huerra po'pocheño'pa' po'cohuenño amach añecpaye' huerro o'ch alla rromuerrerr ello ochñartsocop. Añecopcha'ña huerra po'pocheño o'ch e'ñe a'queshpaturran allohuen ñeñt çhocma cohue'ña.

10

1 Ñeñto'marña yeñoteñ Moisés po'ñoñ ñeñt atet anaret ahuat judioneshacop, ñeñtpa' ama e'ñeye' cohuenteno ñeñt atet cohuentena te' ñeñt orrtatosnay Cristo. Añ ñoñets ñeñt atet anaret ahuat ñeñtpa' aña toma'ntena ñeñtcha' e'ñe po'ñoç cohuenetuerrtsa ñeñtcha' orrterrtsa tsapatonet. Ñeñto'marña añ ñoñets ñeñt atet anaret ahuat ñeñtpa' amach errotenot a'cohuentatanoña acheñenesha' ama't puesheñarra ñeñt muenenayeñ o'ch yemtenanañ Yompor. Ama't çhocma muetsa'yesetañe't eyarraçhno po'chñarecop e'ñe atet oteneñ añ ñoñets ñeñt atet anaret, ñeñtpa' amach errotenot e'ñe a'cohuentatanoña acheñenesha'. Ama't pate'tets char çhocma muetsa'yesetañe't ñeñt Yomporecop, ñeñtpa' ama e'ñeye' a'cohuentatane'teña acheñenesha' Yomporecop ama't puesheñarra ñeñt muenenayeñ o'ch yemtenanañ Yompor.

2 Ñerra'm e'ñe po'ñoç a'cohuentatenaneña acheñenesha' eso'marte'ña o'ch alla muetsereterrña po'poñeçhno shonte' eyarra. Ñerra'm po'ñoç a'cohuentatenaneñ acheñenesha' ñeñt atet cotape'chyene' sosya'tsañ pueyoçhreto, eso'marte'ña alla yerpapa'taterranete'tña po'chñaret ñeñt pueyoçhro'tsa'yenet.

3 Tarraña po'ñoç epaye' yerpapa'taterranete'tña po'chñaret. E'ñe pate'tets char allempopa' o'ch alla muetserreterr eyarraçhno añecop ñeñt atto yerpapa'taterraneterr po'chñaret.

4 Ñeñto'marña yeñoteñ eyarra po'rraspa' amate' errotenot ahuanmamperryeña yo'chñar ama't toro po'rras amapa' cabra po'rras.

5 Ñeñto'marña Cristopa' atet otosan pompor allempo acheñetos arr patsro ñeñtpa' atet ot:

Pa te'pa' ama añeye' pemneno eyarra ñeñt amtsarettetsa pocop ñeñtcha' atarr pocshatene'. Ama't ñaña ñeñt es apa'yenet pocop. Ñeñto'marña nocop te'pa' o' peyeçcatuerrnan nechets añ patsrecop ñeñt e'ñe atet pemnen ña, e'ñech nechtsot nesherboset attoch e'ñe cohuen nocshatenep.

6 Po'ñoç te'pa' ama añeye' atarr pocshatenaye atto chamuenet eyarra pocop amapa' allempo muetsanatenet eyarra ñeñt po'chñarecpuet.

7 Ñeñto'marña Nompore te' napa' o'ch notap: "Napa' añecopña nohuapa arr patsro attoch netsotosnañ ñeñt atet pemnen ña, ñeñt e'ñe atet anaret peñoño nocop." Arrpa' allohua atet otan Cristo pompor.

8 Ñehua, ñeñt atet ot Cristo arr ñeñtpa' atto Yomporpa' ama añeye' mueneno eyarra ñeñt amtsarettetsa ochñartsocop attoch coshateñet ña. Ama't

ñaña ñeñt es apa'yenet ñocop ñeñt'pa'cho'ña ama ñeñfeye' e'nen ñeñt'cha' coshatene' ama't ñeñt achamaret ñocop ama't ñaña ñeñt amsarettetsa ochñartsocop. Ñeñt ora añe'chno ñeñt atet nane't Moisés po'ñoñ atetcha' es apueñet Yompor; te'ña ñeñt'pa' ama coshatenano Yompor; atet oten Cristo.

⁹Elloña ñapa' atet oten, "Napa' añecopña nehuapa Nompore, o'ch netsotosnañ ñeñt atet pemnen pa." Ñeñt'pa' añ eñotatosey, ña a'huañatose' ñeñt ahuatoteñ atto muetsete't eyarra po'chñarecop. Attoña ñapa' nosan po'ñoñ ñach rromosets yo'chñarecop.

¹⁰Ñeñto'marña Jesucristopa' pomosa ñañeña yo'chñarecop. Ama't parrocha rromapa' ñeñt'pa' allohuenacpay. Atto ñapa' etsotenan ñeñt atet muenen Pompór yañapa' e'ñe a'cohuentaterrey Partsocop.

¹¹Ñaña ñeñt cornaneshatyets judioneshacop ñet pate'tets yetpa' chocma tenet all altaro allotecma sherbeñet Yompor allecma muetsanaterretañe't eyarra'chno ñeñt ochñartsocop. Tarraña ama't amsarettenañpa' amach er-rotenoñ ahuanmanoña ochñarets.

¹²Tarraña Jesucristopa' e'ñe parrocha pomuerra e'ñe ñañeña ñach amsarettertsa ochñartsocop. Ama't parrocha rroma ñeñt'pa' allohuena-cop e'ñech errponohuañenacop. Allempoñapa' o' alla anorrueer Pompór po'cohuenroñ allña partsotuer.

¹³Allotña cohueñan allohuen ñeñt e'moñe'tene' esempohuañenpa' a'mchechatuerranetcha'.

¹⁴Jesucristo allempo pomuerra ñañeña, ñapa' e'ñe etsotatuerrnay attoch e'ñe a'cohuentaterrey Partsocop. Ama't parrocha rroma ñeñt'pa' e'ñe allohuena-cop ama't ahuatoteñ errponohuañenacop añecop ñeñt pueyochresha' pen Parets.

¹⁵⁻¹⁶Ama't Yompor Puecamquëñ ñeñt'pa'cho'ña eñotochtatennay tarro'mar ñapa' añ eñotatye't ñeñt atet otye't Yompor, ñeñt'pa' atet ot:

Esempohuañenpa' napa' o'ch na'pochtateranet po'pocheño. Ñeñt'pa' atetcha' neperranet. Allempo esheccha'ña neçapaterranet neñoñ e'ñe pueyochreto. Ñeñt'pa' ñato' o'ch netma'ntacha atto neñoñpa' o' aquellaretterret e'ñe ñet pueyochreto ñeñt'cha'ca'yeña cotape'chaterrahuetña e'ñe cohuen.

¹⁷Ellonetpa' atet ote't allempo:

Napa' amach alla neyerpuerranete'te po'chñaret. Ama't ora atto atpare'tnete'tpa' amachña ñeñt'ña alla neyerpuerranete'te.

¹⁸Ñeñto'marña yeñoteñ atto Yomporpa' o' peretna'huerrnay yo'chñar amach alla yerpuerrnaye'te ñeñto'marña amach alla es yemterre'te ñeñt yo'chñarecop.

Te'pa' ama es palltetso yocop attoch e'ñe cohuen ye'ñorana'tera Yompor Parets

¹⁹Ñeñto'marña masheñneshacha' ñaña noçhaneshacha' te'pa' yeñoteñ e'ñe pocte' yocop e'ñe ya yeçhore'teñoñ Yomporpa' e'ñech yeyemteña e'ñe atet ñerra'm yamo'ts yeyemtena e'ñe allame'tets. Ñeñt'pa' añ toma'ntena ñerra'mrrate' o' yebe'terr e'ñe allohuanen Parets po'ponro all po'prahuo atet pe't ahuat cornanesh' ñeñt be'tostse't ñapuef ñeñt anmaye't eyarra po'r-ras all, tarro'mar te'ña atto o' rroma Jesucristo yocop, po'r-rasña ñeñt'ña e'ñe ya'pochtaterre'ña ya attoch ye'ñorana'tera ama't ñeñt atarr Parets.

²⁰Po'ñoçh Jesucristo e'ñe ña po'chtsot orrtaterrnay po'poñ etserra attoch yapa'cho'ña o'ch yeçhapanpera Yompor attoch ye'ñorana'tera. Ñeñt'pa' e'ñe

cohuen attoch yeyemteña e'ñe po'ñoch. Ñeñtpa' añ toma'ntena ñerra'mrate' Cristopa' o' chapaterrey allohua yottampeññañet besmo Parets po'ponro all po'prahuo.

21 Jesús te'pa' yeñoteñ ñeñña atarr Yecorneshar yepen ñeñt' chets Yompor pa'paclo, ñapa' allña amcha'taretetuerra Yomporepahuo añecop allohuen ñeñt' pueyochreshachno pen Parets.

22 Ñeño'marña e'ñe yeyemteño'pa' amach yemcha'naño'ayaya yechore'teñe. E'ñepa'chña yeñmañesha' yeyochrocmañen yechore'teñ, tarro'mar Cristo po'rrasoña o' a'cohuentaterrnay yeyocher atto te'pa' o' e'ñe cohuen yoctape'chyerr; amachña allo'na yerpapa'tatnenye yo'chñar. Ñeñtpa' añ toma'ntena atto yapa' e'ñe cohuen apatareyeño ñeñt' poctetsa Partocop.

23 Chocmuepa'chña yecueñña ñeñt' yeyemtena allochñapa' a'queshpaterreycha', amuepa'chña cha ye'charrtatatstenoña yeyocher tarro'mar Yompor ñapa' thocmach a'pocataerrnay po'ñoñ ñeñt' atet oteneý.

24 Ñaña añepa'chña e'ñe cohuen ye'nen attoch yeyenpannena allohueney allochñapa' attoch e'ñe cohuen yeychen morrentanna'teñets ñaña e'ñech cohuen es yeyenpannena.

25 Ñaña thocmuepa'ch yesen all thocma yapchena e'ñe yame'ñeño' Cristo. Amachña atfa ye'patsto ñeñt' atet pena po'potantañ ñeñt' ama huetso allecma yapchena. Añcha'ña atet yepena allempo yapchena e'ñech cohuen yoctape'chatannena Yomporecop. Elloña te'pa' chocmach yapchena ñeñt' nanac cohuentetsa yocop tarro'mar yeñoteñ te'pa' o' chermoch allempoch huerra Yepartseshar Cristo.

26 Tarro'mar ñerra'm o' yeñoter po'ñoch Cristo rromats yocop attoch a'queshpaterrey ñaña ñerra'm ñeño' yame'ñerra tarraña ñerra'm allo'na yesen ochña'tare'tnomuets e'ñe ya yemneñño'pa' allempopa' amach eñalleña ñeñt'cha' rromuerttser po'pocheño ñeñt'cha' yetsa'terroyerr ello yo'chñar.

27 Ñeñt' allo'na sets ochña'tare'tnomuets añach o'paterrahuet coñcheñets ñeñt' atarr amcha'nochtetsa ñeñt'ara Yompor po'yorochenña ñeñt' tso'pa' e'ñech e'nuerran allohuen ñeñt' e'moñe'tene' Yompor.

28 Ñehua, ahuat ñerra'm eñall ama't puesheñarra ñeñt' atpare'taye't Moisés po'ñoñ, ñerra'm eñall epsheña amapa' ma'psheña ñeñt'cha' a'metanpene' ñeñt'ña atparña'tpa' ahuo'ch muetse allohuen acheñenesha'. Ama't puesheñarrapa' amach eñalleña ñeñt'cha' morrentaya.

29 Elloña ñeñt' ama esoye' entenaye Yompor Puechemerpa' atarrcha' nanac a'coñchatare'tterret. Elloña po'rras ñeñt'cha' a'cohuentaterrahuetañ Partocop ñeñt'pa'cho'ña ama esoye' enteñeto ama't ñeñt' errasatser ñeñt' etserra a'pocatañtetsa. Elloña ama't Yompor Puecamquëñ ñeñt'pa'cho'ña chach sasare'teññañet ñeñt'ara Puecamquëñ ñeñt'cha' morrenterrahuetañ attoch chorreranetañ. Ama't seño'teñeña elloña atarrcha' nanac acoñchatare'tterra ñeñt' atet atarr tsena'tene' Yompor Puechemer.

30 Tarro'mar yapa' yeñoteñ Yomporña atet otets: "Napa' ñeñt'ench'a' coñchaterahuet, napa' ñeñt'ench'a' tsa'taterahuet." Elloñapa' atet oten Yompor: "Napa' ñeñt'ench'a' otteñe'cherrahuet attochña necoñchatteranet ama't ñeñt' neyochreshachno nepeneñ."

31 Ñeño'marña yeñoteñ atarr yorocheno'tsen ama't allohuen ñeñt' añña o'patenaya ñeñt' po'yorochenña pen Yompor ñeñt' ama arromñateshayaye.

32 Tarraña te'pa' o'ch notas, o'ch alla seyerpuerra atet sepa ahuañmo'cha allempo e'ne errtes eñoterre' po'ñoch Cristepa'tña a'gueshpatañ. Ñeñtpa' allempo ñanom a'puetarsam̄psareta seyochro soctapña. Allempopa' ama't atarr amuerochtatareteseñ sañapa' e'ne sa'huinta'huanom pa'namen topateñtsöchno ñeñt̄ setantyesoya; ñeñtpa' e'ne atet ñerra'mrrate' sapa' cho atarr secllarena.

33 Patanta'tsospa' atarrca'ye che'tatsetasete't e'ne allo'tsa'yen allohuen acheñenesha'. All atarr sa'muerochtataretta. Elloña ñerra'm esempo muerochtateñet po'potantañ samo'tsesha' sapa'cho'ña chocmach semue-rochtapretanete't.

34 Po'ñoch ñeñt̄ arrmanatarettatse't o'ch ayottam̄psarettet, sañapa' e'ne sellcapreteño'fanetpa' chocmach e'ne cohuen seyenpuenanet. Ama't allempo puerratam̄psatsre'tase't ñeñt̄ se'moñe'tyesaye't, sañapa' e'ñech socsheñesha' sa'huintenanet. Tarro'mar sapa' señoñeñ o' secherr ento ñeñt̄ atarr sherbets ñeñt̄ ello metana'tuene' atto sherbenes sechatser, tarro'mar ñeñtpa' ama' apsaño.

35 Ñeñto'marña masheñeshacha' o'ch alla noterrser, amach alla sequechpaterrñañe ñeñt̄ atto atarr seyemteña Cristo tarro'mar Yomporpa' ñachña atarr cohuen setsa'terraya.

36 Te' sapa' aña sepalltena attoch e'ne aco'pa sa'huinta'huanom ñeñt̄ atarr echarr sentyen, attochña allo'nach sesen pa'yesnomue' ñeñt̄ atet muenen Yompor, attochña Yomporpa' apuerrescha' ñeñt̄ e'ne atet otenes.

37 Tarro'mar yeñoteñ Yompor po'ñoñ ñeñt̄ aquellcayet ahuatoteñ ñeñtpa' Cristocop atet oten: O' mameshamerra o'ch orretuerra ñeñt̄cha' huerrtsa, te'pa' amach alla atomato pue'ntaño.

38 Tarraña Yomporpa' atet oten:

Ñeñt̄ e'ne pocte' nenten na ama't erra'tsena acheñer tarro'mar e'ne pueyemteño'ten na, ñeñt̄ñapa' corretsach. Tarraña ñerra'm esesha' nepuerram̄perraya ñapa' o'huañcha' allo'na coshatenen.

39 Tarraña yapa' ama' atteyayye ñerra'mrrate' ñeñt̄cha' puerram̄perraya Yompor ñeñt̄cha' chenquerrtsa. Yapa' añeyca'yeña ñeñteycha' chocma yemterraya Yompor ñeñteycha' a'queshpatarettertsa e'ne yecamquëñohuen.

11

E'ne yeyemteñoi Yomporpa' e'ñech cohuen es yetsotayen ñocop

1 Ñehua, allempo po'ñoch yeyemteña Yompor e'ne yeñoteñ chocmach apuerrey ama't esempo ñeñt̄ atarr yecuen te' e'ne yenamueño't. Ama't ama'yenteña' e'ne yeyochroña yeñoteñ ñeñt̄ yecuen te' po'ño'chpa' apuerreycha' ama't esempo.

2 Yatañneshañ ahuatpa' atarr yemuetyesete't Yompor. Ñeñt̄ atto yemueyete't Yomporñapa' e'ne pocte' entyesanete't.

3 Ñaña ya e'ne yeyemteñoi Yompor te'ñapa' o' yeñoter allpon ñeñt̄ yentyen arr patsro ñeñtpa' e'ne po'ñoñoña ye'chca'hua. Allempopa' ama't coñe'ta ama'es orrtetso ñeñt̄cha' pa'namen ye'chcatyes ñeñt̄ atet yentyen te'.

4 Ñaña Abel ahuat atto yemtane't Yompor, ñapa' apan Yompor ñeñt̄ atarr coshate'. Pa'mo'nasheñña Caín ama't apañeñ ñaña Yompor, ñeñt̄ñapa' ama' coshatano Yompor. Ñeñto'mar Yomporpa' e'ne cohuen agapan ñeñt̄ ap̄

Abel; attoña Yomporpa' eñotatanet e'ñe pocte' entapretan Abel. Tarraña Abel ama't rromaña'pa' atto atarr yemtane't Yompor, ñeñtpa' e'ñe teme'ttsen eñotateney ñeñt cohuen enten Yompor. Ñeñtpa' attema't ñerra'mrrate' Abelpa' teme'ttsen serrpare'tateney cohuen.

5 Ñaña ahuat Enoc ñeñt atarr cohuen yemtaye't Yompor, ñapa' e'ñe ora aner Yompor pue'ntaño e'ñe betnatot. Ñapa' ama çhoye' rromo arr patsro. E'ñe atta a'chencach pamo'tsesha' ama esesha' enterraye tarro'mar Yompor erraya'. Ñehua, allempo ama a'tapatera' Yompor pue'ntaño ñapa' atarr cohuen coshatane't Yompor allempo a'ñe patsro'tsen, tarro'mar ñeñtpa' atet oten Yompor po'ñoñ ñeñt aquellcayet.

6 Ñerra'm ama yeyemteñe Yompor amach errotenot yochateñe ama't e'ñe mamesha. Tarraña ñerra'm esesha' muenene' o'ch yemteret ñamet Yompor añ pocetsa o'ch otet po'ñoçhpa' Yomporpa' eñall, ñaña eñoteretepa'chña Yomporpa' çhocmach coshaterran allohuen ñeñt e'nene' ña.

7 Ñaña ahuat Yomporpa' eñotatan Noé ñeñtcha' atet e'choñan oñ tsapatonet. Allempo atet otan Noé ama't mameshapa' ama huate'te. Tarraña Noéñapa' e'ñe yemtenana atet och Yompor allempo. Ñaña'pa' yeçhcaturan po'compuer allochñapa' attoch a'queshpátan pamo'tsesha'. Atto yeçhcaturan po'compuer e'ñe ñapue't e'ñe pueyemteño't Yomporpa' eñotataneñña allohuen po'potantañeçhno pamo'tsesha' ñetpa' coñchatuerranetcha' Yompor. Ñeñto'marña e'ñe pueyemteño't, Yomporña'pa' e'ñe pocte' entenan Noé.

8 Ñaña ahuat Abrahampa' allempo çhore'ch Yompor o'ch mueñe allaþar allcha' apuer pats, ñaña'pa' e'ñe pueyemteño't Yompor e'ñe cohuen ame'ñya. Allempoñapa' sa'nman pa'netser o' ahuo' ama't ñapa' ama eñoteñe allcha' ta tarro'mar ama puentare all sen.

9 Allempo çhap anetso all oteñ Yompor ñeñtcha' apuer esempohuañen, allñapa' all yeçhosa e'ñe pueyemteño't Yompor. Tarraña ña allpa' atta yeçhosa atet ñerra'm ahuaþña. Ama't ñeñt patspa' ñeñt o'patateña Yompor ñeñtcha' apuer, tarraña allempopa' ama apueña' Yompor ñeñt atet oteñ. Ñeñto'mar ñapa' atta shetamtso'ptos all manatoset. Ñaña ama't ñeñtcha' po'mreneñ perr Isaac ñaña Jacob ñetpa'çho'ña attera yeçherret shetamt-sopahuo. Ñetpa'çho'ña atta cohueñet esempohuañencha' apuerranet Yompor ñeñt patser e'ñe atet otenanet ñamet.

10 Abraham po'ñoçhpa' aña cohuen ñeñt Yompor pa'netser ñeñt e'ñe echarr aparet tarro'mar Yompor yeçhcataene' e'ñe echarr peñ.

11 Puetapor Sarapa'çho'ña e'ñe pueyemteño't Yomporpa' cheyore'terr ama't ñapa' o' atarr po'nme'ten. Ama't o' meten allempo atto cheyore'ten coy-anesha' e'ñe pueyemteño'ta Yomporpa' ña ahuamencat pe' attoch cheyore't. Tarro'mar ñapa' atarr ayemuetpo' entenan Yompor atet oteñ.

12 Attoña e'ñe Abrahamota atarr mererra shonte' acheñenesha' nanac ama't ñapa' o' atarr nanac po'nme'ten allempo. Allpon acheñenesha' ña e'ñe po'mreneñ þohuenahuet ñeñt allpon shonte' nanac atet ñerra'mrrate' ora allohuen rantoçhno ñeñt ento'tsa'yen ñaña atet yenteññañ sa'p po'mñer ñeñt ama e'ñotuapahuoyaye.

13 Ñeñtet allponet atarr yemuetnomuet Yompor ama't allempo Yomporpa' ama apuananeta' ñeñt patser ñeñt o'patatanete't. Tarraña ama't ama aparetterreta' ñeñt patser ñeñt o'patatanete't Yompor, ñetñapa' pueyemuet-neño'tet Yompor eñoteñet ñetpa' aparetterretcha' ñeñtcha' po'ñoçh pa'netser

perret. Ñeñtcha' atarr coshaterrahuuet. Tarro'marña ñetpa' eñoteñet añ patser po'ñoçh ama pa'netsreye' peñeto. Ñetpa' ahuaupñanesheta entenet arr patsro.

14 Ñehua, yeñoteñ acheñ ñeñt atet entetsa ñerra'm ahuaupñanesheta ñetpa' añña e'nenet ñeñtcha' e'ñe pa'netser perret po'ñoçh.

15 Ñaña ama añeye' pa'netser peneto allot onet tarro'mar ñerra'm ñeñña e'nenetañpa' po'ñoçhpa' o'ch alla puererretañ allot onet tarraña ñetpa' ama ñeñfeye'ña e'name'teneto.

16 Ñetpa' añña e'nete't ñeñtcha' e'ñe pa'netser perret po'ñoçh ñeñt atarr nanac cohuen, ñeñtpa' añepa't Yompor pa'netser ñeñt pue'ntañotsen. Ñeñto'marña Yomporpa' e'ñe pocte' entenanet ama penquënaneto atto Po'yomporer peñet. Ñaña'pa' o'patatenanet ñeñtcha' e'ñe po'ñoçh pa'netser perret all pue'ntaño.

17 Ñaña allempo Yomporpa' atarr topatan Abraham; ñeñtpa' atet otan Abraham: "Te'pa' o'ch pemtser pechemer Isaac e'ñe atet ñerra'm ñeñt muetsenet nocop." E'ñe pueyemteño'f Yompor Abrahamñapa' e'ñe pocte' eñch o'ch poman puechemer Isaac o'ch muetse Yomporecop. Ñehua, Yomporpa' atet o' otuan Abraham ahuaototeñ:

18 "E'ñe pechemereshot Isaacpa' mererrach shonte' acheñenesha' ñeñtcha' e'ñe pemreneñ peper." Tarraña ama't atet oteñeñ Yompor, ñaña'pa' e'ñe pueyemteño'f Yomporpa' e'ñe pocte' eñch ahuo'ch muetsan po'patror allempo atet otterr Yompor.

19 Tarro'mar ñapa' atet oten, Yomporpa' atarr ahuaamencatesha' ñach tantatuerre' ama't ñeñtcha' rromats. Ñeñtpa' atet ñerra'mrrate' Yomporpa' o' alla tantaterrñañ puechemer rromot, o' alla agapuer pompor po'pocheño.

20 Isaacpa'cho'ña allempo po'n e'ñe pueyemteño'f Yomporpa' enaman puechemereshacop Yompor pa'nateña añecop Jacob ñaña Esaú; ñeñtcha' atet bensare'tam'perranet tsapatonet.

21 Jacobpa'cho'ña allempo rromamoch e'ñe pueyemteño'f Yomporpa' enamatnoman Yompor pa'nateña pue'ñare'follëshacop ñeñt puechemer José puechemeretollesha' puepo'nmeño'fpa' po'carra quellpuena allña ma'yochenanaña Yompor.

22 Josépa'cho'ña e'ñe pueyemteño'f Yompor allempoch rroma alla'par all anetso Egipto, ñapa' atet otnoman pamo'tsesha': "Po'ñoçhpa' çhocmach çhap allempoch allohuenes israelena'tarneshas secha'nerrcha' arrot Egipto, o'ch sahanerra allo'tsen pats ñeñt o'patatye't ahuaototeñ Yompor ñeñtcha' apuerrey. Ñaña ñerra'm esempoch ahuerres arrotpa' sanerrnancha' nenpa'ts."

23 Ñaña allempo eñalleta Moisés, pamo'mte'ñapa' e'ñe cohuenatoll entan ematoll. Ñetpa' e'ñe pueyemteño'fet Yomporpa' o' e'pochet. Ama mecha'teññañeto añcha'taret po'ñoñ ñeñt atet nen attoch çhocma muetsanachet allohuen asheñorrofollesha' ñeñt eñalletyetsa. E'ñe ma'pmña arrorr alla e'poteñet.

24 Tarraña Moisés allempo o' po'n ñapa'cho'ña e'ñe pueyemteño'fa Yomporpa' ama mueno o'ch oteñet ño' pue'ñar penña añcha'taret, tarro'mar ñapa' atta ñañreteña añcha'taret po'señ ñeñt egipto'marnesha'.

25 Ñapa' añña e'ñe pocte' ent o'ch muerotçhapretana israelnesha' ñeñt e'ñe pamo'tsesha' pen ñeñtara ñeñt pueyochresha'çhno pen Yompor. Ama pocteye' entano o'ch coshapretana egipto'marnesha' ñeñt atet yeçhenet ñeñt

ama pocteye' enteno Yompor tarro'mar ñapa' eñoteñ ñeñt'pa' e'ñe mamecpa atet coshenet.

²⁶ Ñapa' atta ahuantenan atto atarr sasare'teñet israelnesha'. Tarro'mar ñapa' añ pocte' enten o'ch muerochta Cristocop. Ñapa' ñeñt'ña atarr cohuen enten, ello metana'tuenan ñeñt' atet sherben allohuen ñeñt' esocmañen ñeñt' atarr morrentena egipto'marnesha'. Tarro'mar ñapa' añña cohuen ñeñt'cha' apuer Yompor ñeñt'cha'ña atarr coshaterre'.

²⁷⁻²⁸ Ñeñto'marña Moisés e'ñe pueyemteñoñ Yomporpa' atet otan allohuen israelena'tar ñeñt' Egipto'tsa'yen: "Te'pa' o'ch semtsa carrnerotoll tarro'mar Yompor otets. Ñeñt'ña po'rraspa' o'ch seshellcata'tyes allot sebe'ten so'ponro, allochñapa' ñerra'm esempoch huapa mellañoñeñ ñeñt' amñareñ ñeñt'cha' muetsanatuena' allohuen egipto'marnesha' po'moternesha' attochña sa ñeñtes israelena'tarneshaspa' ama't puesheñarroñesapa' amach muetsenso." Ñaña Moisés e'ñe pueyemteñoñ Yomporpa' sa'nerran anets Egipto, ama mecha'tnomano ñeñt' amcha'tarettetsa all Egipto ñeñt' atarr atsrre'mñañ. Moiséspa' atta ahuanta'huanman allohuen ñeñt' atarr echarr entyen tarro'mar ñapa' añ e'ñe yemtena Yompor ñeñt' ama't ama entpahuoyaye.

²⁹ Ñaña allempo onacherr allohuen israelena'tarnesha' Egiptot allempo chacha'tet atarr sa'po ñeñt' otenet Sa'p Tsasasen, israelena'tarnesha' e'ñe pueyemteñoñet Yomporpa' e'ñe atta ahuanmoset all chope'chnomuet atet ñerra'mrrate' e'ñe porrare' patso chope'chenet. Egipto'marnesha'ña ñeñt' cotahuetañpa' ñetpa'cho'ña ahuanmosetañ ñamet all sa'po, tarraña ñetñapa' e'ñe allohuenet ño'shrra'tuoseña all oño.

³⁰ Ñaña allempo chacha'tet all anetso Jericó ñeñt'ña allo'marnesha'pa' ama mueneñeto o'ch abe'tosamñsaretet. Tarraña israelena'tarnesha' e'ñe pueyemteñoñet Yomporpa' cancherrmatoset; o' canchroch puetesamñsame'toset ñeñt' anetser Jericó ñeñt' atet otanet Yompor. Allempoña e'ñe pueyemteñoñet Yomporpa' ñeñt'ña conchet allo aconcha'tamñsaret ñeñt' anetser all puetesme'tet canchroch e'ñepa'tcha' ñoña mata'nom.

³¹ Ñaña Rahab ama't ñeñt' atarr ecañoreshaítatse't' ahuatpa' atto atarr yemterrana ñaña Yompor; ñeñt' coyansharpa' ama romo allempo a'cllataretta allohuen pamo'tsesha' ñeñt'ara jerico'marnesha' ñeñt' atarr atpare'tyesaye't' Yompor all anetso. Tarro'mar ñapa' e'ñe cohuen agapan pa'paclo allponsheña israelena'tar ñeñt' ñanom amñarettatsa all anetso ñeñt'cha' eñotenaya' errotente'ña ñeñt' anetser ñaña ñeñt' yechetsa all, ñato' ahuamencatarerette' ñato'pa' amate'.

³² Po'potantañechnopa' shontemeñ ñeñt'cha' alla neyerpaterrsañerr ñeñt' atarr yemtaye't' Yompor ahuat. Tarraña ama eñalle allponmat yet attoch alla neyerpatuerrsa allohuen ñeñt' atarr yemtaye't' Yompor, atet ñerra'm Gedeón, ñaña Barac, ñaña Sansón, ñaña Jefe'té, ñaña David, ñaña Samuel ñaña allohuen ñeñt' a'mta'yese't' Yompor po'ñoñ ahuat.

³³ Tarraña allohuenet e'ñe pueyemteñoñet Yomporpa' pa'namen etsotayenet ñeñt' atet muenatenanet Yompor. Puesheña'ttsetpa' e'ñe a'mchechueñet po'potantañ amcha'taretnesha'chno ñeñt' e'moñe'tenahuet. Po'potantañña' e'ñe pueyemteñoñet Yompor e'ñe cohuen amcha'tarettenet. E'ñe pueyemteñoñet Yompor ñapa' alla yempuerranet ñeñt' atet otanete't'. Ama't po'psheñeñpa' e'ñe pueyemteñoñ Yompor ama muenatano ma'yarr o'ch errot pe'.

34 Ñaña ama't tso'ña ama't atarr huomenc huorten ama muenache o'ch atserpe'. Po'psheñeñpa' e'ñe pueyemteño'f Yompor ñapa' a'queshpach attoch ama muetseto espado. Po'potantañpa' ama't ama eñallete po'huamenc, e'ñe pueyemteño'fet Yompor atarr ahuamencat panet. Ñeñña huomencñatserpa' alloña quellarenet. Atto e'ñe a'mchechuet ñeñt' e'moñe'tenahuet.

35 Ama't po'potantañ coyaneshačno ñetpa'cho'ña e'ñe pueyemteño'fet Yompor, o' alla atatantarefterret pamo'ts ñeñt' rromuets.

Po'potantañ ama't atarr atserrpätse'tarettenet, ñetpa'cho'ña e'ñe pueyemteño'fet Yompor ama mueneñeto o'ch quechpuet Yompor attoch a'rroyaretetyerret. E'ñe pocte' enteñet o'ch rromuet pueyemteño'fet Yompor tarro'mar ñetpa' eñoteñet allach tanterret ello ñeñt' atarr nanac cohuentetsa.

36 Po'potantañečno ñetpa'cho'ña e'ñe pueyemteño'fet Yompor ahua'tyenet pa'namen atto atarr atserrpätse'tarettyesete't – attoña atarr ache'tatsetarettete't, all ashtarettete't, ehuananatarettete't, ayottam̄psarettyesete't.

37 Po'potantañ amsanatarettete't atto arrollapecharettete't. Po'potantañpa' ashesharettyesete't e'ñe puerrochreto atto amsanatarettetyesete't, atarr huomenc huapanete't topateñets. Po'potantañ espado amsanatarettetyesete't. Po'potantañ atto chopeñe'chyesete't, aña chorra'yese'te't carnerorrom, ñaña cabrarrom. Atarr huocchañetyesete't ataña atarr amurochtatarettete't atto atserrpā'yese'tete't.

38 Atta chopeñe'chyesete't amayo'mar, aspeno'mar. Esho'tyesete't arrototo'mar, mapuetpono'mar añe patsro. Allohuenet ñet ñeñt' atto atarr amurochtatarettete't, Yomporñapa' atarr cohuen entanete't. Ello metana'tueñet ora allohuen acheñenesha' arr patsro.

39 Allohuenet ñeñt' atarr yemtete't Yompor ahuat, Yomporñapa' e'ñe cohuen entanete't, tarraña ñetpa' amaña enterretoña ora allpon ñeñt' atet atanete't Yompor ahuat ñeñt'cha' atet apuerranet.

40 Tarro'mar Yomporpa' ama't ahuatoteñ añ cotape'chen ñeñt' ello nanac cohuen enten ña. Ñeñt'pa' yocpa'na allohuenacpay. Ñapa' añ muenen allohueney parro o'ch etsotaterrnay ñeñt' o'patatenya ñeñt'cha' e'ñe cohuen ya'cohuentaterre' allohueney.

12

Chocmuepa'chña e'ñe yeyemuetneña Yepartseshar Jesús

1 Ñeñto'marña yeñoteñ shonte' achen ñeñt' orrtatyesaye't ahuatoteñ; e'ñe pueyemteño'fet Yompor e'ñe etsotayesete't Yomporecop ñeñt' atarr echarr. Ñaña ñet te'pa' o'ch netma'ntatanet ñerra'mrrate' allohuenetpa' o' cohuapreterryet yaña o'ch entyesyet errotencha' yetsota yaña ñeñt' atet muenateney Yompor. Ñeñto'marña yocoppa' añ poctetsa o'ch e'ñe yesuanom ama't erra'tsena ñeñt' yepatare'tene' ama't ñaña yo'chñar ñeñt' atarr yetpatyene'. Ñaña e'ñepa'ch ya'huanta'huanom allohuen ñeñt' echarr yentyen. Allochñapa' attoch e'ñe cohuen yetsoteññañ ñeñt' atet muenateney Yompor. Ñeñt'pa' e'ñe atet ñerra'mrrate' ñeñt' matetsa ñetpa' chocmach chapuet allohua onañchareñtenet ñocpuet.

2 Añcha'ña chocmuepa'chña e'ñe yeyemuetneña Jesús ñeñt' orrtaterre' attoch yeyemtera ñaña ñeñt'cha' yetsotaterre' ñeñt' atto atarr yeyemuetneña. Tarro'mar ñapa' e'ñe pocte' eñche't o'ch ahua'ta'huan allohuen

ñeñt̄ echarr ente't̄ ama't̄ atto rroma corsocho. Ama't̄ ñeñt̄ atarr apencochen entyenet, ñapa' e'ñe poctacma ahuantahuanem̄. Tarro'mar e'ñe pueyementeñota Pomp̄or ñapa' eñoteñ ñach apapuerre' ñeñt̄cha'ña atarr coshatuerre'. Ñeñto'marña te'pa' o' alla anorrueer Pomp̄or po'cohuenrot̄ all anen po'conaño allña partsotuerr̄ ñama.

3 Ñehua, te' sapa' o'ch̄ alla seyerpuera Jesús atto ñapa' atarr muerochtater ñeñt̄ atarr ochñafenesha' ñeñt̄ atarr e'moñe'taye't̄. Tarraña ñapa' allohuen muerocht̄eñetspa' e'ñe ahuantahuanem̄. Allochñapa' sapa'cho'ña amach̄cha semuenme'chatsche ñeñt̄cha' atarr echarr sehupoya, attochña amach̄cha llecatenso.

4 Tarraña saña ama't̄ atarr satpare'tyeñeñ̄ atto atarr topatase't̄ so'chñar amaña choye' muetsenseto ñeñt̄ atet̄ aḡaretta Jesús, ashataretta po'rras ochñartsocop.

5 Ñama sapa' o'te' cha sepuesua ñeñt̄ atet̄ cotape'chateney Yomp̄or po'ñoño allohueney ñeñt̄ey puechemer pen. Ñeñt̄pa' atet̄ oteney po'ñoñ:

Nechemere, ñerra'm̄ esempo cotape'chaterres cohuen Yomp̄or amachña at̄ta sentatsche ñerra'm̄ ama esoye' sherbeno. Ñama ñerra'm̄ esempo coñchatas mame' attoch o'ch̄ alla soctape'cherr cohuen amachña ñeñto'tā cha muene' sequechpatstere.

6 Tarro'mar allohueney ñeñt̄ey morrentena Yomp̄or ñeñt̄eycha'ña cotape'chaterr cohuen. Ñama allohueney ñeñt̄ey puechemereshā' pen ñeñt̄eycha'ña coñchatyes mamesha'tets attoch o'ch̄ alla yoctape'cherr cohuen ñocop.

7 E'ñepa'chña ya'huanta'huantom̄ atto coñchateney mame' tarro'mar ñapa' añ muenen o'ch̄ e'ñe puechemer perrey poctacma. Ñehua, yeñoteñ e'ñe pocte' atto ñeñt̄ achemereshat̄ errotēnopa' o'ch̄ coñchachet̄ puechemer mame' allochñapa' attoch e'ñe cohuen ame'ñenanet̄ puechemer.

8 Tarro'mar ñerra'm̄ esesha' ama coñchatenaye mame' puechemer attoch e'ñe cohuen ame'ñachet̄ ñeñt̄pa' po'ñoñ̄ ama puechemereye' peñe; ñeñt̄pa' cha ottēna ñerra'm̄ ellapnanesha'. Ñeñto'mar sapa'cho'ña ñerra'm̄ ama coñchatenso Yomp̄or mame' attoch same'ñya e'ñe cohuen po'ñoñ̄ amaca'ye puechemereye' penso.

9 Elloña yeñoteñ̄ allempo cheshenya' ñeñt̄ yomp̄or yepen arr patsro atto e'ñe cohuen cotape'chatyesye't̄, ñeñt̄pa' e'ñe pocte' yeñche't̄ tarro'mar yeñoteñ̄ ñeñt̄pa' e'ñe cohuen yocop. Ñeñto'marña te'pa'cho'ña e'ñepa'chña cohuen yenteñ̄ atto Yomp̄orpa' o' cotape'chaterrey cohuen ñeñt̄ara Yomp̄or ñeñt̄ pue'ntaño'tsen ñeñt̄ pamo'mte' pen yecamquēñ̄ attoña yapa' correstayach.

10 Ñehua, ñeñt̄ yamo'mte' yepen arr patsro ñetpa' e'ñe allponmata cotape'chatyesyete't̄ allempo yapa' cheshenya'. Ñetpa' chocma coñchatyesyete't̄ allpon pocte' entyesete't̄ ñet. Ñama Yomp̄or atto allpon coñchatyeny mamesha'tets ñeñt̄pa'cho'ña e'ñe cohuenacma yocop allochñapa' yapa'cho'ña e'ñech̄ cohuenare' es yorrtatyen e'ñe atet̄ ñerra'm̄ ñapa' e'ñe cohuenare' es orrtatyen.

11 Ñama yapa' yeñoteñ̄ ñerra'm̄ esesha' yecoñchatene' ñeñt̄pa' ama cohuenaye' yenteñe e'ñe allempo coñchatenyet, tarro'mar ñeñt̄pa' chocmach̄ llecatenyet. Tarraña puecoñchateñotaypa' o'ch̄ yeñot̄er̄ ñeñt̄ atarr cohuen enten Yomp̄or. Allochñapa' attochña e'ñech̄ yocsheñesha' yeythēna cohuen muechet̄.

Ñato'tña atta es sep'cham'pena'ña ñeñt atet anaret Partseshot socop te'tña ama se'cherro ñesho

¹² Ñeñto'marña te'pa' o'ch notas, o'ch alla setanterra o'ch alla sa'huamencaterra Yomporecop. Atetcha' netma'ntatasa atet ñerra'mrrate' o' alla ahumencat seperr sot ñeñt 'cha yoncota'ten ñaña atto seyonllocme'chenpa' o'ch alla ahumencat seperr selloquẽm.

¹³ E'ñepa'ch cohuen es sorratatyen allochñapa' ñerra'm esesha' ama e'ñeye' huomencaye' penaye pueyo'cher Yomporecop, sañapa' amach aña sorrateno ñeñt'cha' a'puerrataterrahuet. Añcha'ña sorrateññañ ñeñt'cha' e'ñe cohuen yenpuene'. Ñeñpa' atetcha' netma'ntatasa ñerra'mrrate' sapa' añ se'nen toñ ñeñt atarr cohuen pa'charr sets muepñarero allcha' e'ñe cohuen sechope'chen. Allochñapa' ñerra'm eseshas checa'repueys amach 'cha sepoto'tatse'tnomo amach 'cha sa'tserrpa'nmo attochña e'ñe cohuen sechope'chnom e'ñe huomenc.

¹⁴ Añepa'chña sema'yo'chrena attoch e'ñe cohuen samo'tstannena, e'ñech muechet sey'chena epas allohuen samo'tsesha'chno. Ñaña añcha'ña soctape'chyen ñeñt e'ñe cohuenare' enten Parets. Tarro'mar ñerra'm añ ama yoctape'cheno ñeñt cohuenare' enten Paretspa' amach errotenot yentereña Yompor.

¹⁵ Ñaña se'notanna'tnomuepa'ch, ñato' eseshaspa' ama a'ñeye' e'нено Yompor ñeñt'cha' yenpue'. Ñaña se'notanna'tepa'ch ñato'tña ama't e'ñe mameshapa' sorratena'ña attoch se'moñe'tanna'ta. Ñerra'm atet sepenapa' acopoteñpa' o'ch e'ñe epa'huapa' 'chach orrtatan atsrre'mo'chen. Attoña ñerra'm shonte' acheñenesha'pa' 'chach a'sosyatuanet; ñeñpa' ama pocteye' enteñ Parets. Ñeñpa' atetcha' netma'ntacha ñerra'mrrate' narmets ñeñt atarr pesherr ye'muen.

¹⁶ Ñaña se'notanna'tnomuepa'ch ñato'tña esesha' chetenaya'ña ñeñt ama puetaporeyaye. Amapa' ñato'tña atta es sep'cham'pena'ña ñaña ñeñt atarr sherbets Partsocop, ñeñt atet pa' ahuat Esaú. Ñapa' e'ñe pa'chporrño'fa pomhuan ñeñt anaret ñocop Partseshot. Ñeñpa' ñeñt o'patacha pompor ñeñt metana'tuene' ñeñt'cha' allpon apa'nman po'poñ puechemerasha' tarro'mar ñapa' ñeñt e'ñe po'moter pen pompor. Tarraña Esaúpa' ama esoye' enteñ ñeñt anaret ñocop Partseshot ñeñto'mar e'ñe pomhuan ñeñt o'patacha pompor ama't e'ñe parrocha rrachet.

¹⁷ Tarraña e'ñe allponmatapa' yeñoteñ o' alla muenerran ñeñt anaret ñocop Partseshot, tarraña allempopa' amach errotenot alla apuereterro. Ama't pueya'chpeñesha' enamuerreñ allempopa' amate' errotenot a'po'poñeterretoña ñeñt atet o' pohuet ñenmañ.

¹⁸ Ñehua, yeñoteñ ahuat allempo Yomporpa' e'ñotatan israelena'tarnesha' attoch a'pocatanetañ Parets all aspeno Sinaí'pno, ñeñpa' atarr yoro'chen. Allña aspeno ñerra'm esesha' 'chápats ama't pa'rr'papa' allorocmach errotto'set all. Ñeñtña aspen'terpa' all huorten tso' ñaña ama mache'cmeto, añcha'no'chtana, huomenqu'eshaten.

¹⁹ All e'morrtena ñaña poctor atarr yoro'chen. Atto eñorana'tanet Paretspa' atarr añcha'no'chen enteñet. Ñeñto'marña acheñenesha' ñeñt e'mñotene' atto eñorena Parets, ñetñapa' atet otyenet. "Ñeñtepa'ta amach allo'na eñorana'tnenye Parets."

²⁰ Ama eshcaye' ahuantenaye' enteñeto ñeñt atet otarettenet: "Ñerra'm esesha' 'chápats ñeñt aspen'tero ama't pa'rr'papa' amsaret'tetepa' — ar-

rolle'taretetepa'ch amapa' enapecharettetepa' panmeto. Ama't ñaña eyarra muetsetepa'."

²¹ Ama't Moiséspa'cho'ña atarr yoro'chen enteñ, ama't ñapa' atet otanet: "Ama't napa' nem'cha'na'teño'pa' cha neyonsHEMA'ten."

²² Tarraña sapa' ama sentare aspenet all am'cha'no'chtena Parets. Sapa' aña senterr ñeñt Siónapen ñeñt toma'ntenaya all ye'chena Yompor ñeñt ama arromñafeshayaye. Ñaña aña senterr Jerusaléñt ñeñt toma'ntenaya Yompor pa'netser ñeñt pue'ntaño'tsen. Allñapa' shonte' coshame'tam'peña mellaño'teñ'nesha' shonte' nanac. Ñeñt allpon allo'tsa'yenpa' ama e'ñotuapahuoyaye.

²³ Ñaña sapa' aña senterr allohuen ñeñt puechemeresha' o' perr Parets ñeñt ap'chetsa pame'ñeñofet ña. Ñetña allohuenetpa' ñeñtet aquellcaretet pa'so'ch'ñe'chno Yompor pue'ntaño. Ñaña sa te'pa' o' senter Yompor ñeñt'cha' yeñotaterre' allohueney erra'tsencha' cohuen entyesuerr ñaña erra'tsencha' ama cohuenaye' entyesuero. Ñaña allo'tsa'yen allohuen acheñ'nesha' puecamqu'ñe'chno ñeñt e'ñe pocte' enten Yompor; ñeñt'ñapa' o' e'ñe etsotatu'net all pue'ntaño.

²⁴ Ñaña te' o' senter ñaña Jesús ñeñt eñosets yocop Yomporesho attoch e'ñe cohuen a'pocatonay etserra. Ñaña o' señoterrñañ po'rras ñeñt ashatarettatsa alloña o' ap'retnaretterraña yo'ch'ñar. Ñeñt'pa' elloña e'ñe cohuen yenpuerrey. Ñeñt'pa' ama atteyaye ñerra'm Abel po'rras ñeñt ashatarettatsa ahuat.

²⁵ Ñeñto'marña te'pa' o'ch notas, se'mñoterepa'ch Yompor ñeñt se'ñorana'tenaya te'. Tarro'mar ahuat israelena'tarnesha' ñeñt ama e'mñotaye'te Yompor allempo eñorana'tanete't arr patsro, ñet'ñapa' ama eseshaye' queshpatso. Ñeñto'marña yeñoteñ ñerra'm yapa' amach ye'mñotere yaña Yompor ñeñt ye'ñorana'tenaya te' pue'ntaño't, elloña yapa'cho'ña ama't puesheñarro'feyapa' amach eseshay queshperrtso.

²⁶ Ahuat allempo eñorana'tanet aspentot, po'ñoñ'ñapa' cha pelle'llchatenan pats. Ñaña te'pa' elloña o' alla atet oterrerr Yompor ñeñt'cha' atet perrerr; ñeñt'pa' atet oten: "Elloña esempohuañen po'pocheño'pa' o'ch alla nepelle'llchaterrerr pats, tarraña amach ñap'ayaya pats nepelle'llchatterro, enta'nachña nepelle'llchaterr."

²⁷ Ñeñt'ña po'ñoñer all oten "po'pocheño" ñeñt'ña yeñotatene' esempohuañenpa' ahuapore'taretterrach allohuen ñeñt aye'chcataret ñeñt apelle'llchatpo'. Allempopa' añach a'puerrtsa ñeñt ama apelle'llchatpahuoyaye.

²⁸ Ñaña atto am'cha'tarettena Yompor, ñeñt'pa' ama apelle'llchatpahuoyaye. Ñeñto'marña yeparasyoso'chepa'ch Yompor tarro'mar ñeñt o'patatenyapa' ama ahuapore'tpahuoyaye. E'ñe yer'm'cha'na'teño'pa' e'ñepa'ch'ña cohuen yesherebñ Yompor ñeñt'cha' e'ñe coshatene' ña.

²⁹ Tarro'mar yeñoteñ ñeñt Yeyomporer yepen ñapa' atarr Parets e'ñe atet ñerra'm tso' ñeñt e'nuene' ama't erra'tsena ñeñt ama errot apen yenteno.

13

Atetcha' yepa attoch e'ñe cohuen yocshach Yompor

1 Atterepa'ch 'hocma semorrentannena allohuenes atet ñerra'm e'ñe semo'nasheñ sepanna'tuena.

2 Ñaña amach sepsatsto attoch e'ñe cohuen sagaḡ allohuen ama't esesha ñeñ huapyetsa sepaclo. Tarro'mar ama seño'tanna'tueno; ñato'rraña añ saguën ñeñ mueñen Yompor atet pena po'potantañ ñetpa' aña'pa't agapuet mellaño'eñ.

3 Ñaña 'hocmuepa'chña seyerepya ñeñ ayottam̄psaretetyetsa. E'ñech cohuen sellcapreñanet atet ñerra'mrrate' sapa'cho'ña ayottam̄psaretes e'ñe parro. Ñaña ñeñ amuero'chtataretetyetsa e'ñepa'ch cohuen sellcapreñanet ñamet tarro'mar sapa'cho'ña seño'teñ attecma errotenopa' 'hocmach semuero'chtena saña e'ñe sechtso.

4 Ñaña o'ch notas po'poñ: Allohuenes ñerra'm esempo sesna'tena o' e'ñe seyoranna'ta epas setapor e'ñepa'ch cohuen sentña ñeñ atto seyorannena. Ama't parrochapa' amuepa'chña se'nam̄psanna'tatsto. Yacmapa' amach chetatstano coyanesha' ñeñ ama puetaporeyaye ama't e'ñe parrocha. Coyanesha'pa'cho'ña amach agapatstanoña ñaña ñeñ ama puerrollareyaye ama't e'ñe parrocha. Tarro'mar Yomporpa' 'hocmach tsa'taterrana ñeñ chetene' ñeñ ama puetaporeyaye ama't ñaña ñeñ aguëne' ñeñ ama puerrollareyaye.

5 Ñaña te'pa' o'ch noterrser po'poñ: Amuepa'chña aña atarr seye'chapretatsetyesatsto quelle. E'ñepa'chña aña socshena ñeñ e'ñe allpona sechyen. Tarro'mar Yomporpa' atet otene: "Napa' ama't ahuatapa' amach neque'chpuerreso, amach na'ypo'ñerreso ama't ahuata."

6 Ñeño'marña yeyemteño' Yompor e'ñech yocsheñesho' 'hocmuepa'ch atet yoten:

Yomporpa' ñeñña yeyenpuene' ñeño'marña amach es yem'cha'tatsto. Ama't errotuanen muene' peney po'potantañ Yomporpa' ñach yecua'mpené'.

7 Ñaña seyerpueño' 'hocmuepa'ch cohuen senteñ ñeñ a'potene' Yompor po'ñoñ socop, ñeñ'cha' seño'tatnomue' cohuen. Ñaña o'ch soctape'ch ñeñ atarr cohuenare' orrtatyesnomuet sesho, atto ñetpa' e'ñe cohuen yemteñ Yompor, sapa'cho'ña atetcha' sepa saña yemtenaya Yompor e'ñe cohuen.

8 Jesucristo ñapa' atterach yeyemteña ama't ahuatoteñ, ama't teme'ttsen, ama't ñaña errponañohuen ñeñ'ach attera ayemuetpotena.

9 Ñeño'marña amach seyemtatstoña ñeñ po'poñe'chno yechateñets ñeñ ama atteye' ay'chatareteso ahuam̄'choteñ. Tarro'mar aña pocetsa o'ch huomenc yepa' yeyo'cher e'ñe Yompor puemorrenteño'fey atto atarr yenpueny e'ñe atfa. Ama año'feye' huomenc yepenoña yeyo'cher atto es yerra'yen amapa' atto es yetore'tyena. Tarro'mar ñeñ cotene' añ yechateñets rreñtsocpa'na, ñeñ yechateñetsorpa' ama yenpuenaneto attoch huomenc pa'nmuet pueyo'cher Yomporcop.

10-11 Ñehua, yeñoteñ ñeñ corneshatets judioneshacop ñerra'm esempo muetsenet eyarra all altaro ñeñ po'chñarecquet, ñeñña eyarra po'rraspa' ñeñ'pa' o'ch anem̄ cornesha' e'ñe allohuanen Parets po'ponro ñeñ ochñartsocpatets. Tarraña ñeñña eyarra po'chetspa' amach esesha' rrenaye. Ñeñña po'chetspa' o'ch anmet a'yo all ama acheñempaño'yaye, allcha' chamoset. Tarraña te'ña yocop ñeñ amtsaretterrtsa yo'chñarecquet ñeñ'pa' Cristo. Yapa' ñeñ po'ñoñ pocrram̄ pen yecamquën allohueney ñeñtey yemtenaya ña. Tarraña ñeñ attera corneshatets judionesha' poctaḡñacop all po'prahuo peñet, ñetpa' amach errotent pocrram̄ petoña Cristo.

12 Ñaña atto anenan judionesha' eyarra po'chets a'yo all ama acheñempañooyaye, ñeñtpa' añ toma'ntena atto Cristopa'cho'ña anmet a'yo all ama acheñempañooyaye allcha' e'ñe puemuerochtateñoetpa' o'ch rroma. Attoña e'ñe ña po'rroso a'cohuentaterrey Partocop.

13 Ñeñto'marña te'pa' e'ñepa'chña yesuanom ñeñt ahuat yocapña ñeñfara ñeñt ya'netser yepenpa' o'ch ahuey a'yo allo'tsen Jesús. Allcha'ña yemueorchtaretosya yama all atarr otnare'tyeñet.

14 Tarro'mar a'ne patserpa' ama a'neyaye ñeñt po'ñoch ya'netser yepen tarro'mar ñeñtpa' huañerrcha'. Yapa' a'ña ye'nen ñeñfcha' ya'netser yeperr ñeñfcha' yenterr Yompor pue'ntaño ñeñt ama ahuañaño ama't e'ñe erponaña.

15 E'ñe yeyemteño Jesucristo chocmuepa'chña ya'ye'chochtateñañ Yompor. Atto chocma ya'ye'chochtateñañ ñeñtpa' añ toma'ntena ñeñfcha' yapueñ Yompor atet pete't ahuat o'ch muetset eyarra ñocop. E'ñepa'chña ya yenamot ya'ye'chochtateñañ pa'so'cheñ attochña e'ñech yocshateñ.

16 Ñaña chocmuepa'chña e'ñe cohuen seyenpannena ñaña e'ñech cohuen sa'muerañtana. Tarro'mar te'pa' ñeñfña atto es yapueñ Yompor ñeñfcha' atarr coshatene' ña.

17 Ñaña ñeñt sa'mcha'tareternesha' sepa'yenpa' chocmuepa'chña same'ñenanet, tarro'mar ñetpa' añecop anareñtenet ñetcha' cohuañpenet secamqueñ Yomporcop. Ñaña Yomporpa' eñotatuerranetcha' ñeñt atet pa'yenet, ñato' e'ñefe' cohuen cohuañpenset ñato'pa' amate' cohuenaye' cohuañpenseto. Ñeñto'marña socoppa' añ pocetsa e'ñechña cohuen same'ñenanet attochña ñetpa' e'ñech pocsheñeshocmañen torrenet socop. Amuepa'ch cha sellcatatstenaneto tarro'mar ñerra'm atetpa' amach errotenot coshaterrsetoña saña.

18 Ñaña te'pa' o'ch notas, chocmach sema'yochampenya. Yapa' yeñotena yeyochro ama eñalle attoch po'poñ yentannena. Yapa' a'ña yemnen chocmach yorrtatyen ñeñt atarr cohuen enten Yompor.

19 Ellopa' o'ch alla noterrser chocmach sema'yochampesna allochñapa' amach atarr atomatatstopa' o'ch alla ne'cherrerr sesho.

Arrpa' all so'tnerranet po'cartot

20-21 Te'ñapa' Yomporpa'chña e'ñe ahuañencat sepene' ama't allohuen pa'namenacop ñeñt atarr sherbets ñocop. E'ñe yame'ñeñto' Puechemer ñeñt Jesucristo ñachña ya'cohuentatene'ña ora yocapña ñeñt atet yocape'chyen yeyochro allochñapa' attochña e'ñe cohuen yocape'cherr ora allohuen ñeñt cohuen enten ña. Attochña e'ñech cohuenare' sorrtatyen ñeñt e'ñe atet muenen ña. Ñeñtpa' ñeñfara Yompor ñeñt e'ñe yocshatene' yeyochro ñaña ñeñfara ñeñt tantaterre' Puechemer rromot ñeñt Yepartseshar yepen, Jesucristo ñeñfña atarr cohuen yecuañpene' atet ñerra'mrate' ñeñt atarr cohuen cohuañpene' po'carrneror. E'ñe po'rrosoña alloña a'pocatonay ñeñt e'ñe etserra ñeñfña a'pocateñetspa' ama't errponañapa' amach huañerro. Te'ña e'ñe tayoteñpa' yecohuentatoñepa'ch Cristo ama't errponohuañen. Ñeñtpa' atetepa'ch Nompore yocop.

22 E'ñe allohuanen masheñeshacha' ñaña nothaneschacha' o'ch alla noterrser, e'ñepa'ch cohuen se'mñoton neñoñ ñeñt allpon o' alla notape'chaterres tarro'mar ama atonaye' ñoñets nequellquënnaso.

23 Ñaña o'ch neñotatas masheñ Timoteopa' o' alla a'rroyeret. Ñerra'm ahuencha' chap arrpa' epsheño'mareypa' o'ch ahuey o'ch yemo'tensa'.

²⁴ Ñaña napa' nemnen o'ch nehuom'cha'ch necartot' allohuen ñeñĩ sa'n'cha'tareternesha' sepa'yen, ñaña allohuen masheñnesha'chno ñeñĩ pueyochresha' pen Parets all sesho. Ñaña italio'marnesha' ñeñĩ ame'ñetsapa' ñetpa'cho'ña mueneñet o'ch huom'cha'taset ñamet añ necartot.

²⁵ Te'ñapa' Yomporepa'ch sa'nataya allohuenes. Ñeñĩfach notas, ñeñĩpa' attetepa'ch Nompore. Allohua.

AÑ SANTIAGO PO' CARTA SANTIAGO

Atto Santiago quellcan carta allohuenacop ñeññ atta parratse'tyets allemeñ

¹ Masheñneshacha' ñaña nočhaneshacha' ñeññes Israel puechemerasha' po'mrenñes, ñeññ čharrasheña puechena epsheña ñeññña po'mreneñ sepene'ña sa, ñeññes atta parratse'tyets allemeñ anetso'mar. Na Santiagon sequellquène'ña añ carta ñeññen torretsa Yomporecop ama't ñaña Puechemeracop Jesucristo ñeññ Yepartseshar yepen. Te'pa' o'ch nehuom'cha'tas allohuenes añ necartot.

Attoch ya' huanten allohuen topateñets

² Ñaña te'pa' o'ch masheñneshacha' ñaña nočhaneshacha' notas, ñerra'm esempo huaponasa pa'namen topateñetspa' sapa' socshepa'ch nanac.

³ Tarro'mar sapa' señoñeñ ñerra'm čho huaponaya topateñets, ñeññpa' añecopcha' huapa attoch topatenya' ñerra'm po'ñočhte' yame'ñena. Al-lochñapa' attoch čhocma es ya' huanten.

⁴ E'ñe pocte' allo'nepa'ch sesen ahuantahuanmue' allohuen topateñets, allochñapa' attoch poctacma huomenc sepa' seyočher Yomporecop, ñaña attoch amach es sepallateno ama't mamesha atto same'ñeña Yompor.

Yomporpa' čhocma mueneñ o'ch es eñotatey

⁵ Ñerra'm eseshaste' ama e'ñeye' eñotenaye ñeññ cohuem enten Yomporpa' sapa' añcha'ña senam Yompor, ñapa' čhocmach es eñotatey, tarro'mar ñapa' e'ñech pocsheñesha' es apueney allohueney, amachña ñeññapa' čha čhe'ptare'tye.

⁶ Tarraña ñerra'm esempo es sanamueñ Yomporpa' e'ñech seyemteñof es sanam. Amach čha se'čharrtatsto seyočhro ama't mamesha. Tarro'mar ñeññ čhocma echarttetsa pueyočhropa' amach e'ñeye' yemtenano Yompor ñeñño'marña ñeññ atet petsapa'čhach ottena ñerra'mrrate' oñ pue'mo'yer ñeññ allemateñ anen mōrr.

⁷⁻⁸ Ñeññ atet petsapa' eñochetepa' po'ñočhpa' amach es ape Yompor, tarro'mar ñeññ atet petsapa' amach patrraye' cotape'cheno. Atet ñerra'm te'pa' ñato' po'poñcha' cotape'chen, ñato' tsapatñapa' o'chčho' cotape'chenan po'poñ. Ñeññ acheñerpa' čhocmach atet pa'yena.

⁹ Tarraña ñerra'm eseshas masheñre esempo atet sentena ñerra'm ama esoshe'mayaysopa' socshepa'ch, tarro'mar allempo Yomporpa' atetča' entenes ñerra'mrrate' ñeññes nanac sherbets.

¹⁰ Ñaña añ masheñer ñeññ echene' shonte' po'čllayorpa' coshepa'ch ñerra'm esempo es huapoya. Allempopa' amach esoshe'maye' entereto. Tarro'mar ñeññ ečllayoret ñeññpa' mamecpa atet pena ñerra'mrrate' ta'te' puerorer ñeññ nanac auyaña.

¹¹ Tarro'mar ñeññ ror atetpa' ñerra'm o'ch huapa'muena atsne', ñerra'm o'ch atserrtapa' čhach a'uyatoñña pue'chor; añña puerorerñapa' o'ch shorna'tua; ñeññña atto cohuentenapa' o'ch huañ. E'ñe atet penaña ñeññ ečllayoret. E'ñe puechecma'teñofpa' huañerrcha' ñaña.

E'ñe yañeña yemnenñof topateney oneñeñ

12 Nanac cosheñtso'tsen allohuen ñeñt' ahuantene' ora pa'namen topateñets, tarro'mar ñerra'm esempo ahuanta'huan ora topateñetspa' nanaccha' cohuen entuer Yompor. Allempopa' aphuercha' Yompor ñeñt'cha' atarr coshaterre' aloch ñapa' corretsach tayoteñ ama't errponañohuen. Ñeñt'pa' aña o'patatena allohuen ñeñt' morrentenaya ña.

13 Ñaña te'pa' o'ch notas, ñerra'm esempo e'ñe sañeña semneñto' o'ch sepa ñeñt' ama cohuenayayepa' amach sotatsto, "añpa' Yomporte' o' topaten." Tarro'mar Yomporpa' ama esesha' topatenaye attoch ñapa' o'ch pa ñaña ñeñt' ama cohuenayaye. Ñeñto'marña ñapa'cho' amach erroteno' topaty yañña.

14 Elloña añmapa' e'ñe sañeña semneñto' attoch huaponasa topateñets o'ch sepa ñeñt' ama cohuenayaye.

15 Tarro'mar ñerra'm esempo es yemnatse'tyen yeyo'chro, ñerra'm o'chcho' ye'pa atet'pa', ñeñt'pa' ñeñt'ña yo'chñar yepen. Ñaña ñerra'm chocma allo'na yesen pa'nmue' ñeñt' ama cohuenayayepa' e'ñe yo'chñarot'pa' o'ch yechenquerra.

16 Masheñeshacha' ñaña no'chaneshacha' e'ñe nemorrenteño'fesp'a' o'ch alla noterrser, amach sepantatsche sañeña. Po'ño'chpa' ama Yomporeye' yetpatenaye attoch ye'pa' ñeñt' ama cohuenayaye.

17 Yomporpa' e'ñe cohuenare' es apueney ñeñt'cha' allo'na yeyenpuene' ñeñt'ara ñeñt' mueñennay pue'ntañto'. Ñaña ñeñt'ara Yompor ñeñt' yechcate' allohuen ñeñt' yechoyo'tam'pene' pue'ntañto'. Tarraña erroteno e'ñe puechope'cheño'tpa' amach tama choyo'tam'penye. Tarraña Paretspa' ama atteye' peno. Ñapa' amach ellopa' alla a'po'poñetam'perrye ñeñt' atet muenateney.

18 Allempo yame'ñerrñaña po'ñoñ ñeñt' e'ñe po'ño'ch atet otene' ñeshoñña'pa' ye'ñalleterra atet ñerra'mrrate' e'ñe puechemerey ñeñt' e'ñe po'moter pen ñeñt' anaret e'ñe ñocop. Tarro'mar ñeñt'pa' atet muenen ña.

Añpa' ñeñt'cha' atet yesherbe' Yompor e'ñe cohuen

19 Ñeñto'marña masheñeshacha' ñaña no'chaneshacha' e'ñe nemorrenteño'fesp'a' o'ch neñotaterrser po'poñ. Sa allohuenes añ poctetsa chocmach pocte' señch o'ch se'mñoch cohuen ama't erra'tsena ñeñt'cha' serrpare'tatets. Añcha'ña chocmach serrmuen señoñ. Ñaña amach e'ñe attofa sa'tsrre'ma'yeno, chocña ñanom es soctape'ch ñato' atsrre'mochente' ñeñt' atet otenset, ñato' amate'.

20 Tarro'mar e'ñe ya'tsrre'mueño'tpa' amach erroteno' yetsotoña ñeñt' atet pocte' enten Yompor.

21 Ñeñto'marña sapa' o'ch seque'chpa'huerr sosya'tsañ ora allohuen ñeñt' shonte' sepa'yen ñeñt' ama pocteyaye Yomporecop. Añcha'ña sapa' o'ch sagapoñ Yompor po'ñoñ e'ñe señmañesha'. Tarro'mar ñerra'm o'ch chaponaya Yompor po'ñoñ e'ñe yeyo'chropa' ñeñt'pa' ñeñt'cha' ya'queshpaterre' esempohuañen yecamqueno'.

22 Ñaña sapa' amach e'ñe orrena se'matstoñe Yompor po'ñoñ, chocña sorrtatyesña ñeñt' atet otene'. Tarro'mar ñeñt' e'ñe orrena e'muene' Yompor po'ñoñpa' ñeñt'pa' ñañeñach shequëtsa tarro'mar chate' otenapañ ñato' ñeñtate' poctetsa ñocop attoch qeshperra.

23 Ñaña ñeñt' atet petsapa' chach ottena ñerra'mrrate' ñeñt' atta cohuetza rerro.

24 Añecpach cohuena o'ch entan errotente' orrtena pa'clloyot. O'chña entuan ñeñt atet orrtenapa' allempoñapa' o'ch ahuerr. Allempoña cherr a'yopa' o'ch alla puesuerran ñeñt atet orrtena pa'clloyot.

25 Tarraña ñeñña e'ñe pomnenñoŋ ma'yočhrenaya Yompor po'ñoñ ñeñt e'ñe cohuen atet oteneypa' ñeñña' ama atteye' peno ñeñt atet pena ñeñt e'ñe orrena e'muene' Yompor po'ñoñ ñeñt atta puesene' ñeñt atet oteneypa' Yompor. Añchaña čhocmach orrtatyanen ñeñt atet oten Yompor po'ñoñ. Elloña ñeñt atet petsapa' nanaccha' cosheñtso'tsen.

26 Ñerra'm esesha' otets ñapa' nanaco' cohuen sherbenan Yompor, tarraña ñerra'm ña ama anenano po'ñoñpa' ñeñtpa' ñañeñach shequëtsa. Tarro'mar ñerra'm atterach yeñosatse'tyenpa' amach po'ñočhaye' yesherbeñe Yompor.

27 Añña e'ñe pocte' enten Yompor Apa ñeñtcha' atet yesherbeñ ña e'ñe cohuen: O'ch yeyenpueñ huocchaneshachno, ñaña rretornanesh'a ñerra'm esempo es mueročhtatenahuet. Ñaña yapa' amach ya'sosyatatsto yechets ñeñt atet patse'tyena ñeñt ama ame'ñetso arr patstro.

2

Atto amach pueseña'tsa cohuen yentatsto

1 Masheñneshacha' ñaña nočhaneshacha' te'pa' o'ch noterrser po'poñ. Sa e'ñe same'ñeñoŋ Yepartseshar Jesucristo ñeñt e'ñe cočhneshare' orrtatetspa' amach pueseña'tsa e'ñe cohuen sentatsto. Sapa' e'ñech cohuen senteñ allohuen acheñenesha'.

2-3 Ñato' sa errotentapa' o'ch sapčhena allohuenes Yompor pa'paclo. Allempoña sapčhenapa' ñato' o'ch huapa pueseñarr ñeñt chorrenaya ñeñt nanac cohuen, ñeñt nene' anillo orotlullen. Ñato' ñapa' e'ñech cohuen sagaŋ o'chčo' sotaŋ: "Panorros arr allame'tets e'ñe cohueno." Ñato' e'ñech allempocma o'ch huapa ñaña ñeñt atarr huocchañ ñeñt čha shetsre'she'muen pa'shtam. Ñato' ñeñtña' čhach sotaŋ: "Papa' alla patomos tarronet, amapa' alla panorros patso."

4 Tarraña ñerra'm atet sepenapa' ñeñtpa' amach allohuenacmaye' cohuen sentanneno. Ñaña čhach sottena ñerra'mrrate' sañeña eñotene' ñeñt acheñer nanac sherbets. Tarraña ñerra'm atet yepenapa' ñeñtpa' amach cohuenaye' yoctape'cheno.

5 Masheñneshacha' ñaña nočhaneshacha' e'ñe nemorrenteñoŋes te'pa' nemneñ o'ch se'mñoten ñeñtcha' atet notas. Elloña Yomporpa' añña nanac muenen o'ch acerran allohuen ñeñt nanac huocchañetets añ patstro, attoch e'ñe pame'ñeñoŋet ñetpa' echerretcha' esocmañen Yomporshot. Esemphuañeñapa' o'ch aguërret ñaña ñeñt o'patatenanet Yompor all amcha'tarettena pue'ntaño. Ñaña ñeñt o'patatenya allohueney ñeñtey morrentenaya ña.

6 Tarraña sañapa' čhaña semneñ o'ch sepenacch ñeñt huocchañetets. Sapa' ama't señoteñeña ñeñt nanac ečllayoretpa' ñeñña es aprratamñsañ, amapa' o'ch'te mantamas amcha'taretsho.

7 Ñaña ama't señoteñeña ñeñt nanac ečllayoretpa' ñeñña nanac achmāre'tene' Cristo pa'so'cheñ ñeñfara ñeñt nanac amcha'na'tpo' yenten ya ñeñtey Cristona'tarey.

8 Ñerra'm čhocma semorrentannenapa' allempopa' o'ch setsotua añ ñoñets ñeñt atet anaret Yompor po'ñoño ahuatoteñ, ñeñtpa' atet oten: "O'ch atarr

cohuen pemuerya p̄amo'ts e'ñe atet atarr pemorrentena p̄añeña." Añ ñoñets ñeñña nanac sherbets, ello metana'tuenan po'poñechno. Ñerra'm atetcha' seḡapa' allempopa' amach es sepallteno Yomporecop.

⁹ Tarraña ñerra'm sapa' e'ñe puesheña'ttsa semorrentenapa' ñeñtpa' al-
lotña chocma yo'chña'ten. Ñaña ñerra'm atet yepenapa' nanaccha' yeyoren
yo'chñar, tarro'mar ama atet yepeno ñeñt atet otene y Yomp̄or po'ñoñ ñeñt
atet anaret.

¹⁰ Ñaña ama't e'ñe yeychatset allohuen Yomp̄or po'ñoñ ñeñt atet anareña',
ñerra'm paterrñapa' ama atteye' yepeñepa' Yomp̄orñapa' o'ch entene y
ñerra'mrrate' o' ora yepanta'huoñ.

¹¹ Añ Yomp̄or ñeñt yotene' "amach sechtapretatsto taporet" ñeñtara
Yomp̄or ñeñt yotene' ñaña "amach semtsanna'tatsto." Ñeñto'marña ama't
ama yechtapretatsto taporetsña' ñerra'm errotenopa' machayota yemte
acheñ Yomp̄orñapa' o'ch entene y ñerra'mrrate' o' ora yatpare'tuoñ po'ñoñ
ñeñt atet anaret.

¹² Ñeñto'marña sapa' chocmach seyepa atto esempohuañen Yomp̄orpa'
eñotatyesuerreycha' e'ñe errotencha' entyesuerrey. Tarro'mar ñato' yepena
ama't ñeñt atet otene y te' Cristo po'ñoñ ñeñt atet anaret ñeñt ama amue-
rochtatañeyaye. Ñeñto'marña sapa' e'ñe señooteño' atetpa' ama't errotena
señepa' e'ñepa'chña cohuenare' señosyen. Ñaña e'ñe señooteño' atetpa'
e'ñepa'ch cohuenare' es sorrtyaten.

¹³ Ñaña sapa' señochepe'ch ñeñt ama morrentenayo te' pamo'tspa'
ñapa'cho'ña esempohuañen allempoch eñotatyesuerrey Yomp̄or e'ñe er-
rotencha' entyesuerrey, ñapa'cho'ña allempopa' amach eseshaye' mor-
renterrayo. Añña ñeñt morrentenaya te' pamo'tspa' esempohuañeña allemp-
och eñotatyesuerrey Yomp̄or e'ñe errotencha' entyesuerrey, allempoña ñapa'
nanaccha' amueraretterra.

Ñerra'm po'ñoñch yame'ñenapa' choch yorrtat ñaña ñeñt cohuentetsa ñocop

¹⁴ Masheñeshacha' ñaña nochaneshacha' te'pa' o'ch notas. Po'ñoñch ama
sherbenoña añ acheñer ñeñt otets ñapa' ame'ñeno', tarraña ñerra'm ama
orrtatenano ñeñt cohuentetsa Yomp̄orecop. Ñeñña acheñer atetpa' amach
po'ñoñchaye' ame'ñeno. Amachca'ye a'queshp̄atereña ñeñt atto oten e'ñe
orrena ñapa' ame'ñeno'.

¹⁵ Ñehua, ñato' o'ch netma'ntacha atet. Ñerra'm puesheñarr masheñ, amapa'
yo'ch palltenet ñeñtcha' chorret, amapa' ñeñtcha' rret allempo,

¹⁶ tarraña ñerra'm sapa' atta sotyeñ: "Ahua'ta, Yomp̄orepa'chña p̄a'nataya.
Eñalletepa' ñeñtcha' pechorra, ñaña ñeñtcha' perra'." Tarraña ñerra'm amaña
es sape ñeñt palltenapa' atetpa' amaca'ye choye' es sesherbena.

¹⁷ Ñeñtpa' atet pena ñaña ñerra'm esempo atta yoten, "napa' name'ñena",
tarraña ñerra'm ama yorrtateno ñeñt cohuentetsa Yomp̄orecoppa', ñeñtña
atto yoten, napa' name'ñenapa' amach es sherbeno. Chach yottena
ñerra'mrrate' o' huañerr atto yame'ñena.

¹⁸ Ñato' o'ch netma'ntacha atet. Ñato' puesheñarrpa' o'ch otan po'psheñeñ:
"Papa' e'ño' peyemteññaña ñeñt atet otene y Yomp̄or po'ñoñ, tarraña
amaña p̄orrtatyenoña ñeñt atet otene y Yomp̄or po'ñoñ. Tarraña napa'
e'ñe nepohuen ñeñt cohuentetsa Yomp̄orecop. Ñehua, ¿erra'tsenoteyte'ña
e'ñe pocte' enten Yomp̄or?" Ñehua, te'pa' o'ch notap̄ ñeñteḡ atet otets:

Po'ño'ch ñerra'm ama yepeno ñeññ cohuentetsa Yomporecoppa' amach errotenot yeñotache po'psheññ ñato' po'ño'chte' yeyemteññaña Yomporecoppa' po'ño'ñ. Tarro'mar ñerra'm po'ño'ch yame'ñenapa' 'chocmach yorrtat ñaña ñeññ cohuentetsa Yomporecop.

19 Ñaña papa' puyemteño'pa' peñoteñ Yomporpa' e'ñe patrira. Ñehua, ñeñ'pa' e'ñe pocte' atet, tarraña oneñe'pa' 'cho'ña eñotenan ñaña atet. Tarraña ñapa' ama't eñotenaneñña Yomporpa' ama't e'ñe patrira, tarraña po'yorño'fach eñoteñ, tarro'mar ñapa' eñotena amach quesherro.

20 Te' papa' amate' peñoteña'. Chote' pemneñ o'ch neñotata'p atto ñerra'm ama yepeno ñeññ cohuentetsa Yomporecoppa' ama't yoteneñ yame'ñena e'ñech orrena atet yoten.

21 Ñehua, Yomporpa' e'ñe pocte' entan ahuat yatañ Abraham allempo muene' muetsaneñ puechener Isaac Yomporecop,* tarro'mar ñapa' añ orrtaten ñeññ cohuen enten Yompor.

22 Ñapa' e'ñe pocte' entan Abraham tarro'mar e'ñe puyemteño'pa' orrtatuan ora ñeññ atet och Yompor. Ñeñño'marña yeñoteñ Abrahampa' e'ñe poctacma ame'ñane't Yompor.

23 Allempo atet pe'tpa' attotña e'ñe etsotuan Yompor po'ño'ñ ñeññ atet aque'llcaret ahuatoteñ Génesis, ñeñ'pa' atet oten: "Abrahampa' nanac yemtana Yompor, ñeñño'marña e'ñe puyemteño'pa' Yomporña' e'ñe pocte' eñche't. Ñeñño'mar Abrahampa' atet ochete't, añmapa' ñeññ e'ñe parro yemtana epuet Yompor."

24 Ñeñño'mar yeñoteñ Yomporpa' e'ñech pocte' enteney ñerra'm esempo yorrtatyehñañ ñeññ cohuentetsa ñocop. Ama't errpon yotatset yapa' e'ñe cohuen yame'ñena tarraña ñerra'm ama yepohueno ñeññ atet muenen ñapa' amach errotenot pocte' entyeña Yompor.

25 Tarro'mar ama't Yomporpa' e'ñe pocte' entan ahuat coyanesha' ñeññ pa'so'cheñ Rahab, ama't ñapa' allempo pa' ñeññ e'ñe pocte' ent Yompor ñocop. Ama't ñeññ coyanesha'pa' nanac ecañoresha't, tarraña ñapa' e'ñe año'fa pocte' eñch Yompor atto ñapa' agapan e'ñe cohuen pa'paclo ñeññ mueña ahuat Josué ñeññcha' entenaya' ñanom pats. Allo'tpa' ñaña ahuo't gaterranet po'poñ toñ allcha' oñerret attoch ama rromuerraneto allo'marnesha' ñeññ e'moñe'tenahuet. E'ñe atet puepeño'fa Yomporña' e'ñe pocte' eñch e'ñe attecma ñerra'm Abraham.

26 Ñeñño'marña te'pa' yeñoteñ ama't errpon yotatset yapa' e'ñe cohuen yame'ñena, tarraña ñerra'm ama yorrtateno ñeññ poctetsa Yomporecoppa' amate' eso yesherbeña Yompor. Ñato' o'ch netma'ntacha atet. Allohueneypa' e'ñe yeñotueñ ñerra'm esempo yeñch yamo'ts o' rromapa' o'ch yeñoch ñeñ'pa' o' sa' nem' puecamquëñ tarro'mar ñerra'm ñeñño' o' yerromapa' añ yechetspa' amach es sherberre'te.

3

E'ñe yeñosats'e'teño'fa nanac yochña'ten Yomporecop

* 2:21 Ñehua, ahuat Yomporpa' ahuo't oten Abraham muetsanepa'to' puechener ñocop. Tarraña ñapa' añe'pa atet och attoch topach ñato' po'ño'chte' ame'ñeña. Ñeñño'marña Abrahampa' autsa muetsayeñ puechener Yomporecop, tarraña ellopa' ama muenache Yompor.

¹ Masheñeshacha' ñaña nochaneshacha' te'pa' o'ch notas po'poñ. Ama pocteyaye o'ch sechen shonte' ñeñt muenets o'ch cotape'chaten ñeñt cohuentetsa Yomporecop. Tarro'mar señoteñ ñeñfey cotape'chatets cohuen Yomporecoppa' ello nanachcha' yoro'cheno'tseney ñerra'm esempo yepena ñeñt ama cohuenayaye tarro'mar Yomporpa' amach pocteye' entenye ama't e'ñe mamesha.

² Tarro'mar allohuenyepa' 'chocma es yepanten. Ñerra'm esesha'ña ama es panteno pueñosatse'teño'tpa' ñeñtña po'ño'chpa' e'ñech cohuen cotape'chen, ñaña ñeñt atet'acheñpa' e'ñech eñoteñ attoch huenatan ora ñeñt atet muenatse'tyen yechets.

³ Atet pena ñaña cahuall. Ñerra'm echenan attoch yame'ñacha, E'ñe puenamotpa' esheccha' yanem all yesechateñ. E'ñe puenamotpa' o'ch yame'ñacha ora pue'mocrohua.

⁴ Ñato' o'ch netma'ntacha ñaña ñeñt atet pena bote ñeñt chope'chets oño. Ñehua, botepa' ama'tcha' nanac añecmuen noñt'pa' e'ñe puepopa'otpa' o'ch aneñet all sechateñ pamo'mte'. Ñaña ama'tcha' puepopa'ppa' añetoll'pach, ñaña ama't mörppa' mueneñeñcha' o'ch anem a'yene't allenet ama yesechateñ, e'ñe puepopa'otpa' o'ch e'ñe cohuen aneñet allenet sechateñ pamo'mte'.

⁵⁻⁶ Atet pena ñaña yenam. Yenampa' ama't añeñolla yechetspa' atar'cha' pa'namen esocmañen yeñosyen allot. Ñaña ñeñt atto yeñosatse'ten sosey e'ñe yenamotpa' ñeñt'pa' atet pena ñerra'mrrate' tso'. Ñehua, tso'pa' ama'tcha' añeñolla ya'torapa' mameshapa' o'ch epa'hua erracmañen puet-sato'mar, allotpa' o'ch a'poyuonay ama't ora ñeñt nanac yemorrentena. Ñeñt'pa' atet pena ñaña eñosatse'teñets. Eñosatse'teñetspa' ama'tcha' mamesha yeñosatse'tpa' mameshapa' o'ch epa'hua erracmañen. Allempoñapa' o'ch 'cha a'huañeran ñeñt cohuentetsa Yomporecop. Tarro'mar ñeñt atto yeñosatse'tyenpa' allot huena esocmañen sosya'tsañe'chno ñeñt añe patsro'tsen. Ñaña ñeñt'pa' a'sosyatennay ora allohuen yocpa'ña. Ñaña allohuen eñosatse'teñetspa' arrot huena e'ñe oneñe't pa'netsrot, allara coñcha'puetso all parraren tso' erraparen. Ñeñt'cha' a'sosyatene' ora allohuen ñeñt atet yocrena arr patsro.

⁷ Ñehua, allohueney acheñeypa' e'ñe pomnaren yepohueñ allohuen berro'chno, ñaña ote'chno, ñaña allohuen shechpe'chno, ñaña ama't ñeñt ye'cha'yetsa oño'mar. Ora añe'chnopa' e'ñe pomnaren yepohueñ.

⁸ Tarraña atto yeñosatse'tyen yenamotpa' ama esesha' pomnaren penaye. Tarro'mar atto yeñosatse'tenpa' amate' errotentot yeunache, ñeñto'marña 'chocmach yeñosatse'tyen. Ñeñto'marña yeñosatse'teñapa' e'ñe atet pena ñerra'mrrate' shechep' ñeñt nanac amtsañ. Shechep' amtsañpa' ñerra'm 'cho a'chay mameshapa' o'ch muetsay.

⁹ Ñaña añ ñeñtara yenamotpa' ñato' errotenopa' o'ch ya'ye'cho'chtatoñ Yompor ñeñt Yepartseshar yepen. Tarraña errotenopa' ñeñtara añ yenamotpa' ñato' o'ch yesasare'ch yamo'ts ñeñtara ñeñt ye'chcat Yompor ñeñt puetma'ntatara atet ñerra'm ña.

¹⁰ Ñeñto'marña masheñeshacha' ñaña nochaneshacha' sapa' amach atet sepatsto tarro'mar ama pocteyaye e'ñe yenamotpa' allot yenamateññañ yamo'ts Yompor pa'nateña, ñato' elloñapa' o'ch'cho' alla yesasare'ter yamo'ts ñeñtara añ yenamot. Sapa' amach atet sepatsto tarro'mar po'poñ Yompor

pueyečhcatar; ñeñt'pa' ama atteye' p'anneneto.

11 Ñato' o'ch netma'ntacha atet: Ama't sapa' señoteñ ñerra'm errot poten oñ e'ñe cohuenpa' amach erroteno poto ñaña all oñ ñeñt' cha rreno'sen.

12 Ñaña masheñeshacha' ñaña nočhaneshacha' ama't sapa' e'ñe seño tueñ, ñerra'm yenare't popor'pa' amach pue'mer p'anoña ñaña parte allempo me'ten, amapa' ñerra'm yenare't ompa' amach pue'mer p'anoña ñaña poporr.* Ñaña ellopa' e'ñe seño tueñ, ñerra'm errot poten oñ e'ñe cohuenpa' amach erroteno't poto ñaña all oñ ñeñt' cha poserr'sastena. Ñeñto'mañña yeñoteñ yocoppa' ama pocteyaye o'ch yorrtat ñeñt' epa ñeñfara yenamot. Ñeñt' paterrpa' atto ya'ye'chočhtateññañ Yompor, po'poññapa' o'ch'cho' alla yeñosatse'terr allohuen pa'namen sosya'tsañ ñeñfara yenamot.

Añpa' ñeñt' atet pena eñoteñets ñeñt' huetsa e'ñe yañeña yocap'ño

13 Ñehua, te'pa' o'ch noterr'serr po'poñ. Ñerra'm eñall sesho ñeñt' otets ñapa' nanaco' eñotenan esocmañen, ñaña ñapa' e'ño' es etsotuen, ñehua, orrtepa' atet pena ñeñt' e'ñe cohuen acheñ attoch acheñenesha'pa' eñochet po'ñoche'pa't eñotuenan ñeñt' cohuentetsa Yomporecop. Tarraña ellopa' amachña čha ommo'chatsteto atto e'ñe cohuenare' es p'a'yenet. Tarro'mar ñerra'm po'ñočh es yeñotenpa' o'ch yeñoch ñaña ñeñt' atto es yepa'yen e'ñe cohuenpa' ama ommo'čhpahuoyaye.

14 Tarraña ñerra'm sapa' attera nanac sa'tsrre'muena seyochro e'ñe sesope'chapreteño't samo'ts ñaña ñerra'm aña sema'yočhrena ñeñt' e'ñe socpa ñeñte'p'ñapa' ama pocteyaye o'ch sommo'chena atto es señotyeneñ mamesha'tets. Tarro'mar ñerra'm ñeñta atarr yommo'chatene'pa' ñeñt'pa' attaca'yeña yeshquën.

15 Tarro'mar ñeñt' atet eñoteñetspa' ama arroteye' hueno Yomporeshot. Ñeñt'pa' arrota huena e'ñe ya yocap'ño't ñeñt' patso'marecpa. Ñaña ñeñt' atet eñoteñetspa' arrota huena e'ñe oneñet' poctap'ño't.

16 Tarro'mar ñerra'm čhocma ya'tsrre'muena yesope'chapreteño't yamo'ts amapa' ñerra'm aña yema'yočhrena ñeñt' e'ñe yocpa, ñeñt'pa' allot huenaña e'moñe'tanna'teñets, ñaña allohuen sosya'tsañečhno.

Atet pena eñoteñets ñeñt' huetsa Yomporeshot

17 Tarraña ñerra'm po'ñočh Yompor eñotañ yepene'pa' ñeñt'pa' atet'cha' yepena: Ñanompa' o'ch yesuanom allohuen sosya'tsañečhno ñeñt' ama pocteye' enteno Yompor, ñaña amach allo'na atarr atsrre'močhen yenteno, ñaña e'ñech cohuen yentueñ allohuen yamo'tsesha', amachña čha po'poñ yentueno. Ñaña ñerra'm po'ñočh Yompor eñotañ yepene'pa' čhocñña ya'muerañtana, ñaña e'ñech cohuenare' es yorrtatyen yamo'tseshacop, ñaña ñerra'm erroten yotenpa' e'ñech po'ñočh atet yepena, amachña čha yesh-care'tanneno.

18 Ñeñt'ña ma'yočhrenaya attoch e'ñe cohuen yentannenapa' ñeñt'pa' añ muenen o'ch etsotan attoch allohueneypa' o'ch yepohuerra ñeñt' atet pocte' enten Yompor.

* 3:12 Po'ñočh ar'pa' añ toma'ntatanet higočh ñaña uva ñaña aceituna tarro'mar ñeñt' chopuets Palestino. Ñeñt'pa' atet oten: "Ñerra'm yenare't higočh'pa' amach pue'mer p'anoña ñaña aceituna, amapa' ñerra'm yenare't uvachpa' amach pue'mer p'anoña ñaña higo."

4

Ñeñt coshatse'tyenaya ñeñt patso'marecpapa' ñeñña e'moñe'tene' ñeñt cohuentetsa Yomporecop

¹ Ñehua, te'pa' o'ch yoctape'ch po'poñ attoch señoche errofote' huenaña e'moñe'tanna'teñets ñaña orroteñets ñeñt chocma orrtatyenet sesho. Ñehua, ñeñtpa' arrot huena e'ñe sa seye'chapretanna'teñoñ pa'namen ñeñña quellara'yetsaña seyo'chro.

² Tarro'mar ñerra'm errofeno nanac es yeye'chapretena, ñerra'm yapa' ama yecheñepa' o'ch'cho' ñeñto'mara yemtsanna'ta. Ñaña ñerra'm esempo es yesope'chapreten, ñerra'm yapa' ama yecheñepa' o'ch'cho' ñeñto'mara yorrota, amapa' o'ch'cho' ñeñto'mara yeçllaranna'ta. Ñehua, yapa' añoñ ama yechedo ñeñt nanac yemna'yen, tarro'mar ama añ yenamueno Yomporecop.

³ Ñato' ama'tcha' es yenañpa' amach yagape, tarro'mar ñato' añeçpach es yenamueñ ñeñt ama pocteyaye ñocop. Tarro'mar ñato' añeçpach es yenamueñ attoch yañapa' o'ch nanac es yocshatse'tyena allo.

⁴ Ñehua, ahuañapa' soten ahuo'ch same'ñera Cristo, tarraña te'ñapa' añoñ socshatse'tyena po'poñ. Ama't señoche ñeñt coshatse'tyenaya ñeñt patso'marecpapa' ñeñña e'moñe'tene' ñeñt cohuentetsa Yomporecop. Ñeñto'marña ñerra'm yapa'cho' o'ch alla yocshatse'terra ñeñt patso'marecpapa' o'ch'cho' alla ye'moñe'ter yaña Yomporecop.

⁵ Ñeñtpa' ama orrena oteno Yomporecop po'ñoñ ñeñt aquellcayet ahua'otoñ, ñeñtpa' atet oten. "Yomporecop Puecamqueñ ñeñt chorratenya ñapa' e'ñe puemorrenetño'eyapa' nanac mopa'teney."

⁶ Ñeñto'marña Yomporecopa' chocmach mueneñ o'ch ahua'mencat pa'y attoch amach alla yepsere ña. Ñeñto'mar ama't Yomporecop po'ñoñopa' e'ñe anua'et ahua'otoñ ñeñtpa' atet oten: "Yomporecopa' amach errofoteñ yenpano ñeñt e'ñe cohuen etetsa ña'ñeña, amachña Yomporeyey' ame'ñeno. Ñeñto'marña Yomporecopa' añach nanac yenpuen ñeñt e'ñe pueñmañesha' ame'ñenaya ña."

⁷ Ñeñto'marña sapa' chocmach e'ñe cohuen same'ñeña Yomporecop. Añcha'ña satpare't oneñeñ tarro'mar ñerra'm atetcha' se'papa', oneñe'pa' que'chpa'nerrescha'.

⁸ Ñeñto'marña o'ch alla se'parrocmaterr epas Yomporecop. Tarro'mar ñapa' chocmach alla agu'eres. Te'pa' ama't o'te' se'pohua ñeñt ama cohuenayaye Yomporecoppa' te'pa' añ poctetsa o'ch alla soctape'cherr cohuen attoch Yomporecopa' o'ch alla enterres e'ñe cohuen. Tarro'mar sapa' ama't semeneñ o'ch semorrentera Yomporecopa', tarraña chocma semorrenena ñaña ñeñt patso'marecpa. Ñeñto'marña te'pa' añoñ poctetsa o'ch sa'ypo'ña'huerr sosya'tsañ ñeñt seyo'chro'tsen.

⁹ E'ñe satpare'teñoñ Yomporecopa' chosa llequ'ertsa. E'ñe sellqu'eno'pa' seyahu'epa'ch. Ñaña amach allo'na seche'tatsetneno, chocña seyahua. Ñaña amach allo'na nanac es socshatse'tneno, chocña sellca.

¹⁰ Ñaña o'ch sa'meterr so'chñar Yomporesho attoch Yomporecopa' o'ch alla tantaterres.

Atto ama atopare'tpahuo yamo'ts

¹¹ Mash'eñeshacha' ñaña no'chaneshacha' amach sesasare'tanna'tatsto. Tarro'mar ñerra'm esesha' sasare'tene' pamo'ts, amapa' ñeñt tompare'tene' pamo'tspa' po'ño'chpa' o' achm'are'tan ñaña Yomporecop po'ñoñ ñeñt atet

anaret. (Tarro'mar Yompor po'ñoñ ñeñĭ atet anaretpa' atet oten, yemor-
rentanna'tepa'ch allohueney.) Tarro'mar ñetpa' ĉhach otenapuetañ Yompor
po'ñoñ ñeñĭ atet anaretpa' ñato' amate' es sherbeno. Tarraña ñerra'm esempo
atet yepenapa' ĉhach yottena ñerra'mrrate' yañeña e'ñe es eñotuets. Tarraña
ñeñĭtpa' ama atteyaye. Añña pocte' ĉhocmach yame'ñya Yompor po'ñoñ ñeñĭ
atet anuaret.

¹² Tarraña yapa' yeñoteñ e'ñe puesheñarra ñeñĭ nene' añ ñoñets ñeñĭfara
Yompor ñeñĭ e'ñe po'ñoĉ es eñotets. Ñeñĭfara Yompor ñeñĭ eñotene' ñeñĭtcha'
allpon a'qeshpaterr, ñaña ñeñĭtcha' allpon chenquěrtsa. Eso'mare'tña
sañapa' ĉhate' sotenapañ ñato' e'ñech sañeña eñote' ñeñĭ ama cohuenayaye
acheñ.

Atto ama eñotpahuo ñeñĭtcha' yetantoya tsapatonet

¹³ Te'pa' o'ch notas ñaña po'poñoneñ. O'ch se'mñoten ñeñĭes atet otets;
"Te'ch amapa' ñato' tsapatcha' o'ch ahuen baĉhayo po'poñ anetso, allcha'
netaruasena' paterr char attoch negana shonte' quelle."

¹⁴ Tarraña ama't atet soteneñpa' amaña señoteñeña ñato' escha' setantoya
tsapatonet. Tarro'mar añ patsropa' e'ñe mamecpa yocrrena. Atto yocr-
rena arr mame' añ patsropa' e'ñe attey ñerra'mrrate' os ñeñĭ yenta'muene't
ahuatecma ĉhach rrema'ĉhen e'ñe patso. O'ĉhña enome'ta'muen atsne'pa'
o'ch huañerr.

¹⁵ Ñeñĭo'mar añ pocte' o'ch soten atet: "Ñerra'm Yomporcha' muenatspa'
a'natnepa' attoch ne'pa'y es ñeñĭ atet noctape'ĉhen."

¹⁶ Tarraña sapa' ama atteye'ña sepeno. Ñeñĭfapa' attachña pa'namen
sotyen e'ñe sommo'cheñot. Tarraña ñeñĭ atto yommo'chyenapa' ñeñĭpa' ama
cohuenayaye.

¹⁷ Ñeñĭo'marña ellopa' o'ch alla noterrser: Ñerra'm esempo yeñoteñ
yeyoĉhro ñeñĭ cohuentetsa Yomporecop, ñerra'm amaña atet ye'popa' ñeñĭpa'
ñeñĭña yo'ĉhñar yepen.

5

Ñeñĭ atet otan eĉllayorettesha'

¹ Te'pa' o'ch se'mñoten ñeñĭes nanac eĉllayorettes. Te'pa' e'ñe
seya'ĉheñesha'pa' serranare'ta tarro'mar po'ñoĉ ĉhocma eñall ñeñĭtcha'
sheuapoya esempo ñeñĭtcha' semueroĉtate'.

² Ama't te'pa' o' atta puetsana'tuen sechecom. Sapa' ñeñĭñaña atarr se-
morrentena. Ñaña ñeñĭ nanac coĉhnesha' ñeñĭ sechorra'yenapa' o' atta
pompere'ĉhua.

³ Ñaña ama't te' seĉllayorpa' o' atta chomatlle'ĉhuen. Te'pa' ama es sher-
beno. Yeñoteñ e'ñe puechmatlle'cheñot seĉllayorpa' ñeñĭtcha'ña se'nuerre'
samã sechets esempohuañen atet ñerra'mrrate' achamarettes tso. Te'ña ama't
o' mellapoterrmochapa' sañapa' allo'na seshonta' huanen seĉllayor.

⁴ Ñaña te' ñeñĭ atta setaruasatyse't ñeñĭ ama setsa'tyese'tepa' te'ña ñetpa'
puellquẽñotetpa' nanac eñenet socop. Ñeñĭo'marña te' Yompor ñeñĭ nanac
Paretpa' e'muenanet ñeñĭ atet pueya'ĉheñesha' ĉhocma eñenet socop.

⁵ Ñaña sa añe patsropa' esocmañen sechen ama es sepallteno ama't mame-
sha. Ñeñĭo'marña ñerra'm errotenĉho' nanac cohuen sentenpa' atetĉa'ĉho'
sepena. ĉhach sottena ñerra'mrrate' ĉhañcho ñeñĭ nanac errataret attoch

nanac ota'. Ñerra'm o'chña nanac esoya'tpa' allempoñapa' o'ch muetset. Sapa'cho'ña atetcha' perres samña Yompor esempohuañencha' huerra.

6 Tarro'mar sapa' chocma semuerochtatyeñ acheñ ñeñt ama es yeçcatetso attachña sapa' semtsatyenanet. Ñaña ñetpa' amach errotent a'qeshpateto ñañeñeta allempo sapa' soteñe'chenanet.

Atto ama amuenme'chpahuo cohuame'te' Cristo

7 Ñeñto'marña masheñneshacha' ñaña noçhaneshacha' o'ch notas, chocmach e'ñe sa'huanta'huanom ñeñt echarr sentyen, attoch secuame'ch Yepartseshar Cristo esempohuañencha' huerra. Atetcha' sepa atet yepena ñerra'm esempo yemneñ o'ch es yenare't. Ñerra'm yemneñ o'ch es yenare'tpa' chocmach ñanom yecuen esempohuañencha' huapotyena esheccha' e'ñech cohuen es yeçcatsa ñeñt nanac yemorrentyena.

8 Ñeñto'marña sapa'cho'ña chocmach es sa'huanten. Amach semuenme'chatsche tarro'mar o' mameshamerrapa' o'ch huerra Yepartseshar.

9 Masheñneshacha' ñaña noçhaneshacha' amach setanmare'tanna'tatsto, attoch Yompor ñeñt e'ñe es eñotetspa' amach otteñe'chuerrso samña ñerra'm esempoch huerra. Tarro'mar Yomporpa' o' allanerrmoch.

10 O'ch masheñneshacha' ñaña noçhaneshacha' soctape'ch ñeñt atet pa'yese't ahuat ñeñt a'nta'yese't Yompor po'ñoñ. Tarro'mar ñetpa' nanac ahuantete't atto nanac amuerochtataretete't. Ñeñto'marña sapa'cho'ña atetcha' sepa samña.

11 Po'ñoçpa' yeñoteñ ñeñt nanac ahuantene' muerochteñetspa' ñeñtpa' nanaccha' cosheñtso'tsen. Ama't sapa' señotueñ ñeñt atet pa'ahuat Job. Ñapa' nanac ahuantan topateñets. Ñaña sapa' e'ñe señotueñ ñeñt atet poñ Yompor. Allempo muerochetua Job Yomporñapa' alla apuer esocmañen attoch eñoch Yomporpa' nanac amueraña.

12 Ñeñto'marña sa masheñneshacha' ñaña noçhaneshacha' añ pocte' sapa'cho'ña añcha' ñanom sequeçhpa'hua. Ama't e'ñe erra'tsena pa'so'chñopa' ñato't senena'ña señoñ; amach sotatsto o'ch sena' señoñ Yompor pue'ntañ pa'so'chño, ñaña amach sotatsto o'ch sena' señoñ Yompor po'patseñ pa'so'chño. Añcha'ña ñerra'm esempo e'ñe pocte' es sentenpa' attach sanap: "Atette'ca'ye." Ñaña ñerra'm esempo ama es pocte' sentenopa' attach sanap: "Ama atteyaye." Allotpa' ñeñtach. Allochñapa' amach eñalle attoch otteñe'chuerres Yompor.

Añ pocte' chocmach yema'yocham̄psannena

13 Añña ñeñt poctetsa ñeñtcha' atet sepa. Ñerra'm erra'tsenotes muerochtatsapa' choçña sema'yocha. Ñaña ñerra'm esesha' e'ñe coshetsapa' e'ñe pocte' morrechetepa' allo ya'ye'choçhtateñ Yompor.

14 Ñaña ñerra'm eseshas atсна'tetspa' añ pocte' o'ch sagotach ñeñt pompornesha' pen ñeñt ame'ñetsa, attochña ñetcha' ma'yocham̄pset atснаñeñ. Allotpa' e'ñe pueçhore'teñofet Yomporpa' noñetepa' coñe't es puese' atснаñefesho.

15 Ñerra'm e'ñe pueyemteñofet Yompor ma'yochetpa' atснаñeññapa' corrrach. Tarro'mar Yomporpa' ñach ahuamencat perre'. Ñaña ñerra'm añ o' pohua ñeñt ama pocteyayepa' allempo Yomporpa' o'ch alla peretnerrñañ po'chñar.

¹⁶ Ñeñfo'marña añ pocte' o'ch sa'meta'huerr allohuenes so'chñar. Allochñapa' thocmach sema'yocham̄psannena attoch soçrerra e'ñe cohuen. Ñaña ama't erra'tsena acheñer ñerra'm e'ñe cohuen cotape'chen Yomporecop ñaña ñerra'm e'ñe pueyo'chrocmañen ma'yochetpa' atetña e'mñiotenña Yompor.

¹⁷ Atet pa ahuat Elías ñeñt a'mtaye't Yompor po'ñoñ. Ñeñña Elías ama't atta ñerra'm ya ñeñfey arromñañey. Tarraña allempo ma'yochana Yompor atto enam amach huaterropa' e'ñe allempoteñña ama huaterro ma'pa char ñaña meterrerr pechapña arorr ama huateno.

¹⁸ Allempoñapa' o' alla ma'yocherrerr attoch enamuerran Yompor huaterrepa'. Allempoñapa' o' alla huaterra, ñaña allempopa' o' alla choparesyerr narmetso'chno.

¹⁹ Masheñeshacha' ñaña no'chanesha ñerra'm sa puesheñarrotes o'ch alla sepurrerra ñeñtes te'pa' cotene' cohuen Yompor po'ñoñ, tarraña ñerra'm eseshaña alla soçtape'çhaterre' e'ñe cohuenpa'

²⁰ sapa' señoche'pa'ch ñeñt atet cotape'chatets e'ñe cohuenpa' thoch a'qushp̄atenan pamo'ts puecamqueñ ñeñt atarr ochñañ ñaña thoch peretnateññañ allohuen shonte' po'chñar. Te'pa' ñeñtach notas. Allohua.

Santiago

AÑ ÑANOM SAN PEDRO PO' CARTA 1 SAN PEDRO

Atto Pedropa' quellcan carta allohuenacop ñeñĩ ame'ñetsa ñeñĩ atta a'parratse'tataret

¹⁻² Masheñeshacha' ñaña nochaneshacha' ñeñĩes a'yetatn ñeñĩ sa'muerochtatene'. O' e'ñe sesuanom seney o' atfa a'parratse'tataset allemeña anetso'mar, all anetso Ponto ñaña Galacia, ñaña Capadocia, ñaña Asia ñaña Bitinia. Sapa' ñeñĩes ahuatoteñ nase't Yompor Parets e'ñe ñocop. Ñapa' e'ñe eñotuase't sach a'cohuentatarettertsa Partsocop. E'ñe ña Puecamquēñpa' ñeñĩña sa'cohuentaterre'ña sa attotña e'ñe same'ña'hueraña Jesucristo. Attoña ña po'rraspa' ñeñĩña o' e'shohuernasña so'chñar. Na Pedron sequellquēne'ña añ carta, napa' ñeñĩen Jesucristo puellsensaren. E'ñe nehuomñcha'teñofes sa napa' o'ch notas: Yomporepa'chña atarr sebensare'tarñpene', ñepa'chña socshatene'ña e'ñe sa seyochro allohuenes.

E'ñe yeyemteñoĩ Yepartseshar Jesucristo ñhocmach yecuame'ten ñeñĩ o'patataretey

³ Te'ñapa' aye'chochtaterrapo'ch Yompor Parets ñeñĩ Yepartseshar Jesucristo Pompor ñeñĩara ñeñĩ Po'yomporer pen, tarro'mar o' ye'ñallettera etserra e'ñe ña nanac puemuereñofey. Allempoteñña ya e'ñe yeyemteñoĩ ña ñhocmach yecuame'teñ esempohuañen tarremphua allempoch ama ya'rromña'terro. Atto Jesucristopa' o' tanterra, ñeñĩto'marña yapa'cho'ña yecuen yama attoch amach ya'rromña'terro.

⁴ Ñaña yeyemteñoĩ ñhocmach yecuame'ten ñeñĩ o'patataretey pue'ntañoĩ tarro'mar allpa' allña añño'tarettenaña alloch yequeshperra. Ñeñĩña qeshpeñetspa' amach ahuañña'terro, ñaña ama asosyatño, ñaña ama añllasha'tño.

⁵ Sapa' e'ñe seyemteñoĩña Cristo Yomporpa' a'natasepa'ch. A'natasepa'ch ñhocma attoch sequeshpa'huerra esempohuañencha' mellapoterra. Yompor po'huamencopa' a'natasepa'ch attoch e'ñe seño'uerr po'ño'ch e'ñech sequeshpa'huerra.

⁶ Ñeñĩto'marña te'pa' allohuenespa' socshepa'ch. Ama't te'ña atto semue-rochtenapa' ñeñĩpa' e'ñe mamecpa. Tarraña ama't o' çhaponasa pa'namen topateñetspa' sapa' ñhocmuepa'ch socsheña Yompor.

⁷ Tarro'mar nanac huomenc echarr yenteñ, tarraña Yomporpa' eñochcha' ñerra'm po'ño'ch e'ñe yame'ñeña ña. Ate't ñerra'm oropa' çhoch ñanom atserrtacht huomenc allochñapa' o'ch eñochet ñerra'm po'ño'ch ñeñĩpa' e'ñefe'rorche'. Ñeñĩña ama't oropa' huañerrcha' esempo. Ama't nanac tsa'te' oro, tarraña atto po'ño'ch yame'ñera Cristo, ñeñĩña ello nanac sherbets. Ñerra'm po'ño'ch yeyemteña ña, yeyemteñoĩ ñapa' e'ñech cohuen entyesuerrey esempohuañencha' huerra Jesucristo, attochña e'ñe cohuen yecohuentapretera, e'ñech cohuen ya'ñcha'tarettapretera.

⁸ Jesucristo ama't ama sentarñepa' te'ñapa' o' semorrentera. Ama't ama senteña, te'ñapa' o' same'ñera. E'ñe socsheñeshocmañen o' same'ñeña, ñeñĩña cosheñetspa' atarr nanac cohuen. Te'pa' amach erra yenerre'te yeñoñ ñeñĩcha' atet yoterrerr.

⁹ Attoña e'ñe same'ñeñoĩ Cristopa' sa'queshpaterrcha' secamquēñ.

10 Ñaña o'ch notas, ama't ñeñt a'mta'yese't Yompor po'ñoñ ahuatpa' ñeñña serrpare'tete't allempo attoch orrtaterrnay Yompor puemuereña alloch yequeshperra. Tarraña ñetpa' ama e'ñeye' eñochete'te errotente'ña alloch yequeshperra. (Ñehua, allempopa' amaca'ye orrtena' Cristo arr patsro.) Ñetpa' ñeñña nanac e'netañe't errotente'ña ñeñcha' a'queshpatañtertsa. Ñetpa' nanac a'pto'tanna'tyesete't e'ñe ñagattseta errotente'ca'yeña Yompor puemuereña alloch e'ñe yequeshperra.

11 Ñetpa'cho'ña e'ñe Cristo Puecamquëñña chorrahuete't ñeñña eñotatahuete't o'ch orrterra ñeñcha' Cristoterrets arr patsro. O'ch chap añe patsropa' elloñapa' o'ch muerochtateret. O'ch amuerochtataretetuapa' allempochña orrtaterranña po'cohuenña. Tarraña ñeñt a'mta'yese't Yompor po'ñoñ ahuatpa' o' alla a'pto'tanna'tyerretter, ta', zesesa'chña Cristoterrets? ¿Esempto'tcha'ña orrterra?

12 Yomporpa' eñotatanet ñeñpa' amachca'ye ahuenaye' etsoterro; shonte'ch char allempochña etsoterra atet eñotatanet Yompor. Tarraña ñeñt eñotat allempopa' ñeñpa' ama ñocpuetayaye, ñeñpa' e'ñechca'ye yocop. Te'ñapa' ñeñt seserrpare'tatene' cohuen ñoñetspa' ñeñña señotatene' e'ñe cohuen ñeñt atet penaña ñeñt cotapñats. Parets Puecamquëñ ñeñt huetsa pue'ntañotpa' ñeñña eñotatenahuetña attoch serrpare'tataset sanña añ cohuen ñoñets. Ama't Parets po'mllañoteñaneshar ñetpa'cho'ña atarr mueneñet o'ch eñochet ñamet ñeñt o' señotuerr sa.

Añ poctetsa o'ch yepomhuerra yañeña e'ñe Partsocop

13 Ñeño'marña te'pa' añ poctetsa e'ñe sa señoñotpa' e'ñech cohuen soctape'chen. E'ñe seyemteñoñ ñapa' o'ch secuame'teñ esempoch huerra Jesucristo. Allempopa' ellochña nanac muera'huerrsa, cohuencha' es aphueres.

14 Se'mño'ch Yompor atet ñerra'm ñapa' puechemerasha'ch perres. Amach añ seychatsto atet ñerra'm ahuat allempo ama señoñeña'; allempopa' añ semnatse'tyese't ñeñt ama cohuenayaye.

15 Yomporpa' e'ñe cohuenare' es pen. Ñeñfara Yompor ñeñt o' hua'ñerrey ya. Ñeño'marña yapa'cho'ña añ poctetsa o'ch yepomhuerra yañeña e'ñe Partsocop. Atet ñapa' e'ñe cohuenare' es pen, yapa'cho'ña añ poctetsa o'ch yepa' atet es pen ña.

16 Atet otene'y Yompor po'ñoñot ñeñt anuaret ahuatoteñ: "Atet nepena na ñeñten Seyomporer sepen, napa' e'ñe cohuenare' es nepen, sapa'cho'ña e'ñepa'ch cohuenare' es sepen."

17 Yomporpa' ñach tsa'taterrahuet allpon ye'chcatyese'te't ñeñt ama cohuenayaye. Amach eñalleña ama't puesheñarra ñeñcha' queshpatsa ñeñt ama ame'ñenaye ña. Atto yema'yocheña Yompor ñeñcha' yetsa'tatuerraya, ñeñtepñapa' te'pa' añcha'na'tpo'ch Yompor. Ama't allponmat socrena arr patsro ñeñpa' ama sa'netsreyaye, e'ñech tayoteñ semcha'na'tnoñ Yompor.

18 Sapa' satañneshañpa' apa'ñmaset poctapña atet pete't e'ñe orrena. Te'ña sapa' o' seño'ter Yomporpa' o' tsa'tuonasa attoch sesuanom ñeñt ahuatneshañ poctapña. Ama quellayoye'tsa'tonaye. Quellepa' ahuañaña.

19 Añña atto tsa'tonaya po'rroso Puechmer ñeñt Cristo. Po'rraspa' ñeñt nanac sherbets atet ñerra'm carrnerotollpa' e'ñech co'chnesha' muetsete't Partsocop.

20 Ama't ama ayechcatarettena' pats Yomporpa' o' nan Puechemer Cristo, ñach tsa'terraya yo'chñar. Ama't ahuatoteñ anaretpa' tarraña ama orrteno añe patsro. Te'ñapa' orrta e'ñe yocop, tarro'mar te'pa' o' mellapoterrmocha.

21 Yame'ñeñot Cristopa' o'ch yeyemterrñaña Pompor, tarro'mar Pomporpa' o' tantater ama't o' rromhua. Tantater attoch alla e'ñe cohuentater Pompor. Ñeñto'marña te' yapa' o'ch yeyemcha Yompor, o'ch yecuame'toñ ñeñt o'patatenya.

22 Sapa' o' same'ña'hua ñoñets ñeñt e'ñe po'ño'ch Yompor po'ñoñ. Ñeñto'marña e'ñe Parets po'huamencot o' sesuanom allpon sosya'tsañ ñeñt seyo'chro'tsen, attotcha' e'ñe semorrentanna'ta. Te'ñapa' semorrentanna'tepa'ch poctacma e'ñe seyo'chrocmañen.

23 E'ñe yame'ñeñot Yompor po'ñoñpa' o' ye'ñallettera etserra. Añ eñalleteñetspa' ama atteyaye ñerra'm allempo eñalletey yachor. Atto eñalletey yachorpa' ñeñtpa' huañerrcha'. Añña Yompor po'ñoñotña ye'ñallettera ñeñtpa' amach ahuañaña'aterra ama't errponaña.

24 Tarro'mar Yompor po'ñoñ ñeñt anuaret ahuatoteñ ñeñtpa' atet oten: Allohueney ñeñtey arromña'teypa' attey ñerra'mrate' ta'te' tarro'mar mamecpa yocrrena. Ñaña ñeñt cohuen yentyen ya, ñeñtpa' atet ñerra'mrate' ta'te' puerorer. Ta'te'pa' o'ch hueya'hua pue'chorpa' puerorerpa'cho'ña ama't co'hnesha'tenañpa' shorcha'tuach.

25 Tarraña ñeñt Parets po'ñoñpa' amach ahuañaña'ito ama't errponaña. Ñeñt po'ñoñpa' ñeñtara cohuen ñoñets ñeñt o' serrpare'tatuaset saña.

2

1 Te'ñapa' añ poctetsa o'ch sesuanem allohuen ñeñt ama cohuenaye' enteno Yompor. Atto ora allpon allo seshcanna'tenapa' o'ch seque'chpa'huer. Añ shecanneñets ñeñt attoch entenes po'psheñeñ e'ñe cohuenpa' ñeñtpa'cho'ña añ palltetsa te'pa' o'ch seque'chpa'huer. Atto seye'chapretannenapa'cho'ña o'ch sepuesuer ñaña. Sasare'teñetspa'cho'ña o'ch sepuesuer.

2 Añña poctetsa atarrcha' yeye'cheññaña Yompor po'ñoñ e'ñe atet pena ematollpa' nanaccha' ye'chenana puemomos. Yapa'cho'ña añ poctetsa o'ch yeye'chya atet ñerra'm ñeñt yemomos yepen, tarraña ñeñtpa' ñeñtara Yompor po'ñoñ. Yompor po'ñoñpa' nanac cohuenare' alloch yochaten yecamguñ, attotcha' allo'na yesen eñotnomue' ñeñt poctetsa Yomporcop attochña a'queshpatareycha'.

3 Sapa' o' señotuerrñañ Yompor puemuereña atto ñapa' nanac muerensa. Ñeñto'marña añ poctetsa sapa'cho'ña o'ch seye'choña po'ñoñ.

Atto Cristo atma'ntataretta mapue'; elloña ñapa' nanac sherben alloch e'ñe yocrerra

4 Añ poctetsa o'ch separrocmaterr epas Cristo. Cristo ñeñt atarr sherbets atet ñerra'm mapue' ñeñt nenet quellpach pa'rropot allo orratenet pocoll ñeñt nanac echarr. Tarraña mapue' ama't nanac sherbenpa' ama añeyaye alloch e'ñe yocrra. Añña Cristo atto sherbenpa' allochña e'ñe yocrra po'ño'ch. Ama't acheñnesha' ama't ama cohuenaye' enteñeto Cristopa' Pomporñaapa' e'ñe pocte' enteñ. Pomporñaapa' ña acre' ñeñtcha' nanac sherbats ñocop atet ñerra'm mapue' ñeñt nanac cohuen allochña tomatenan pa'paquell.

5 Yomporpa' pa'paquell penan allohuen ñeñt ame'ñenaya ña. Yapa'cho'ña attey ñerra'mrate' mapue' alloch tomatenan pa'paquell. Tarraña yapa'

attheyñ ñerra'mrrate' mapue'pa' tarraña yapa' ñeñfey o'rrerrña'ot yocrrena. Yapa'cho'ña añ pochtetsa o'ch yattecmatuerr ñerra'mrrate' Parets pa'paquëll. Allñapa' yesherberrcha' Partsocop. Yecamquëño'tpa' o'ch yepomhuerra e'ñe yeyo'chrohuen yepomuerra attoch Paretspa' coshena. Yame'ñeño' Jesu-cristopa' o'ch yesherber errottencha' muenateney Parets.

⁶ Tarro'mar atet oteney Yompopor po'ñoñ ñeñf anuaret ahuatoteñ, ñeñtpa' atet oten Yompopor Cristocop:

All anetso Sión ñeñfara Jerusalén o'ch nemñanet puesheñarr ñeñf atarr sherbets ñeñf atet ñerra'mrrate' mapue' ñeñf acra'ret ñeñf nanac sherbets ñeñf alloch natomat nepaquëll. Ñerra'm esesha' ame'ñenaya ñapa', ñetñapa' amach alla e'nerrete'te po'psheñeñ.

⁷ Ñeñfey ame'ñenaya Cristopa' e'ñech yocsheñeshocmañen yenteñ. Añña ñeñf atpare'tene' Yomporpora' atetcha' enteñet Cristo ñerra'mrrate' mapue' ñeñf huapore'ten ñeñf tomatene' pocoll tarro'mar atet enteñet Cristo ñerra'mrrate' ama es sherbeno. Ñeñfo'marña Yompopor po'ñoñpa' atet o'terryerr:

Añ mapue' ñeñf huapore'ten ñeñf tomatene' pocoll, ñeñfña mapue'pa' Yompopor nene' ñeñfcha' nanac sherbets.

⁸ Añ ñeñfara Cristo ñeñf toma'ntenaya

Mapue' allcha' epoto'tena ñeñf ama ame'ñetso ñeñfcha'ña a'shoratahuet chenguëntso.

Añ epoto'teñetspa' añ toma'tena atto atpare'teññañet Cristo po'ñoñ. Ñeñfo'marña atet anaret, ñerra'm ama yame'ñyopa' e'ñech yechenca'huerra.

Ya ahuatpa' ama esona'tareyayye, te'ñapa' e'ñe Yomporena'tarey

⁹ Tarraña sapa' ama añeyayso ñeñf atpare'tene' Yompopor. Ya ñeñfey ame'ñenaya Yomporpora' atetcha' enteney ñeñfey acra'retterrtsa ñocop. Ñaña atetcha' enteney ñeñfeycha' sherberrets Partsocop, ñeñfeycha' anare'tterrtsa ñocop. Ñaña e'ñech Yomporena'tar enteney. Ñeñfo'marña yocoppa' añ pochtetsa o'ch yorrtatyesoñ po'cohuenña. O'ch yeserrpare'toñ atto ñapa' cheterrey checmetot all sosya'tsañoñ, te'ñapa' o' chapaterrey e'ñe ña po'puetarenño all e'ñe cohuentena ña.

¹⁰ Ahuatpa' ama esona'tareyayye, te'ñapa' Yomporena'tarey. Ahuatpa' ama amuerarefeyayye, te'ñapa' o' ya'muerare'terra.

Atto cohuen es yepen attochña e'ñe cohuen yesherbeñ Yompopor

¹¹ O'ch masheñeshacha' ñaña no'chaneshacha' e'ñe nemorrenteño'es o'ch notas: Sapa' ama't sey'chenañ añe patsro ñeñtpa' ama sa'netsreyaye. Ñeñfo'marña añ pochtetsa o'ch sa'ypo'ñañpes ñeñf muenatse'tyese't sechets. Atet muena'yen yechetspa' ñeñfña quellarene'ña yecamquëñ; mueneñ o'ch a'chencatonay yecamquëñ.

¹² Ñeñf ama ame'ñetso seshopa' añ pochtetsa o'ch sorrtratoñ ñeñf atet e'ñe cohuenare' es sepen. Allochñapa' ñerra'm mueneñet o'ch sasare'tasetpa' o'ch entonaset atto e'ñe cohuenare' es sepen. Allochñapa' ñerra'm esempo huerra Cristo attoch e'ñotaturrey ñeñf atet yepa'yena, ñetpa'cho'ña o'ch aye'cho'chtaterrñañet Yompopor.

¹³ Te'pa' o'ch notas ñaña, allpon ñoñets ñeñf nen am'cha'taret añ patsropa' añ pochtetsa o'ch same'ñya. Yame'ñeño' Yepartseshar Cristopa' añ palltetsa o'ch yame'ñera ñaña allpon ñoñets ñeñf nen ñeñf atarr am'cha'tarettetsa arr patsro.

14 O'ch same'ñera ñaña ñeñt muenen ancha'taret ñeñcha' a'coñchatuene' allohuen ñeñt ama pocteye' es petso, ñaña ñeñfara ñeñcha' coshapretene' allohuen ñeñt e'ñe cohuenare' es pets.

15 Tarro'mar atet muenen Yompor: ðhocmach yorrtaten atet e'ñe cohuenare' es yepen. Ñato' yorrtateñoť e'ñe cohuenpa' o'ch queçhpa'huerret atto eñosatse'tyenet. Ñetpa' patpare'teñoťet eñosatse'tyenet tarro'mar ama es eñoteneto. Ñato' yorrtateñoť e'ñe cohuenpa' o'ch yequeçhpatuerranet atto eñosatse'tyenet.

16 Ñaña e'ñech same'ña cohuen ama't Yompor po'ñoñpa' ama ancha'noçhenaye' senteñe socop. Tarraña ama't ama ancha'noçhteno po'ñoñ yocoppa' amach allo'na yeña'yeneseno ñeñt sosya'tsañ. Añcha'ña o'ch atet yame'ña atto pueyochresha' perrey Yompor.

17 Añ poctetsa o'ch semcha'na'ch allohuen acheñ. O'ch semorrentanna'ta allohuenes ñeñtes ame'ñetsa. O'ch semcha'na'ch ñaña Yompor. O'ch same'ña ñaña ñeñt ancha'taretetyetsa arr patsro.

Añ poctetsa o'ch yemueroçhtaprecha Cristo

18 Ñeñtes ataruasataretespa' o'ch notas, añ poctetsa socop. Semcha'na'teñoťpa' o'ch same'ña samo'mte'. O'ch same'ña samo'mte' ñeñt amueraña. Alloťpa' o'ch same'ña ñaña ñeñt ama't ama amueraño.

19 Ñaña ama't po'psheñeñ mueroçhtateney ama't allempo yepen ñeñt cohuenare', e'ñe yame'ñoť Yomporpa' amach ya'tsrre'matsto, ñeñtpa' e'ñech pocte' enteney Yompor.

20 Ñerra'm esempo ðho errot yepen po'psheñeñ ñerra'm coñchatuerrey, ñeñtpa' e'ñe pocte' yecoñchepa'. Ama't ama ya'tsrre'mo allempo, tarraña amach cohuenaye' enteney Yompor, tarro'mar ñeñtpa' ðhocma mueneñ o'ch yecoñcha. Tarraña ñerra'm esempo ama't yepena ñeñt cohuenare' ñato' ama't mueroçhtatey po'psheñeñpa' ñerra'm ama ya'tsrre'mopa' ñeñtpa' e'ñech pocte' enteney Yompor.

21 Ñeñto'marña te'pa' yapa' o' hua'ñerrey Cristo attoch yame'ña'huera, allochñapa' o'ch yemueroçhtaprecha ña. Ñapa' ña ñanom mueroçhtatsa, tarraña ñapa' yeçhatnerrey attoch añ poctetsa o'ch yemueroçhtapretera ña.

22 Ñapa' ama eñalletatane'te po'chñar ama't coñe'ta. Ñapa' ama sheca'ye'te ama't parrocha.

23 Ama't allempo sasare'çhete'tpa' ñapa' amach ellopa' sasare'terraneto ñaña. Ama't allempo mueroçhtachete'tpa' ñapa' amach ellopa' o'terraneto o'ch nemueroçhtaterres saña. Ñapa' aña e'ñe yemte't Pompor, tarro'mar eñoteñ Pomporpa' a'poctaterñañcha', tarro'mar ñapa' ña e'ñe pocte' es pets.

24 Ñapa' ña yecoñchater e'ñe ya yo'chñarot allempo mueroçhta all corsocho. Allempoña rroma e'ñe ña po'çhtsoťpa' o' ahuanmanñperrey yo'chñar. Te'ña yocoppa' añ poctetsa o'ch ya'ypo'ña'huerr ora yo'chñar o'ch yeperra ñeñt atet poctetsa Partsocop. Atto atarr atserrparetterra ahuat ñeñtpa' attoña a'qeshpaterrey ya.

25 "Yapa' ahuatpa' attey ñerra'm carrnero. Ya'ypo'ña'uye't ñeñt yecuanpene'." Tarraña te'ñapa' o' alla yoctape'çherr e'ñe cohuen, o' yeyemtera Cristo ñeñt yecuanpene', ñeñfara ñeñt Pamo'mte' pen ñaña yecamquēñ.

3

Arrpa' all cotape' chatan ñeñi arrollaretnesha'

1-2 Sapa'cho'ña ñeñes arrollaretas, o'ch notas samã. Añ pochtetsa o'ch same'ñya serrollar. Chocmach same'ñya serrollar ama't serrollarpa' ama ame'ñenano Yompor po'ñoñ. E'ñe cohuen same'ñeñof serrollarpa' ama't ama erroten es soteno ñato' attotpa' o'te' ame'ñerra ñaña serrollar. Ñetpa'cho'ña o'ch cotape'cherret e'ñe cohuen ñerra'm esempo entennaset atef e'ñe cohuenare' es sepen.

3 Amach e'ñe patrã sema'yoçhratsto atto secohuentena e'ñe orrena. Atet ñerra'm sechpa' amach ñeñta sellquëno o'ch sañño'teñ e'ñe cohuen attoch enteney yamo'tsesha' e'ñe cohuen, tarraña ñeñtpa' e'ñe orrena. Ñaña amach e'ñe patrã sema'yoçhratsto attoch sech alloch secohuenta atef ñerra'm oro, tarraña ñeñtpa'cho'ña e'ñe orrena. Amach sema'yoçhratsto ñaña attoch sechorra'yesa e'ñe coçhnesha'. Añ añño'teñets ñeñt yentapretannena e'ñe yechsopa' ñeñtpa' e'ñe orrena orrtateney e'ñe cohuen.

4 Añcha'ña yema'yoçhra o'ch yecohuentena yeyoçhro attoch Yomporpa' entapretey e'ñe cohuen. Añ cohuentetets yeyoçhro ñeñtpa' ama entpahuoyaye tarraña ñeñtpa' amach ahuañañatferro. Atet ñerra'm muereñets ñeñtpa' e'ñech cohuen entapreteney Yompor. Ñerra'm ama atsrre'mñatayaye ñeñtpa'cho'ña e'ñech cohuen entapreteney Yompor. Ñerra'm e'ñe cohuen yoctape'chen, Yomporpa' entapreteney yoctapña atef ñerra'm ñeñt nanac sherbets, ñaña ñeñt nanac coçhnesha'.

5 Atet pa'yese't ahua't coyanesachno ñeñt e'ñe cohuenare' es pa'yestse't Partsocop. Ñetpa' e'ñe pueyemteñotet Yomporpa' e'ñe cohuen ame'ñyete't puerrollaret. Ñetña pueyoçhretpa' e'ñe a'cohuenchete't Yomporecop.

6 Atet pe't ñaña ahua't Sara. Ñapa' e'ñe cohuen ame'ñane't puerrollar Abraham. Ñapa' e'ñe atet entane't puerrollar ñerra'mrate' ñeñt pamo'mte' pen, nanac ame'ñye't. Sapa'cho'ña te'pa' sachorcha' seper Sara ñerra'm ama semchañoña es pocte' sepa'yeno samã.

Attecma cotape' chatan ñaña ñeñi ataporetnesha'

7 Attecmach notas samã ñeñes ataporetas. O'ch semuerya setapor e'ñe cohuen. Sapa' o'ch senteñ samã setapor e'ñe cohuen, tarro'mar coyanesha' ama tama ahuamencate. Añcha'ña o'ch sagaphuer parro ñeñtcha' apas Yompor. E'ñe pueyuereñotes sapa' apascha' allochña sapa' corretsasach socsheñeshocmañen e'ñe tayoteñ errponañohuen. O'ch seycha e'ñe cohuen epas setapor, attotcha' Yomporpa' e' mñotas ñerra'm esempo sema'yochya.

8 Te'ñapa' o'ch notas allohuenes. Añ pochtetsa o'ch soctape'cherr e'ñe patrã ñeñt amuerañtetsa. Ñaña o'ch sellcapretanna'ta ñerra'm esempo es sellcatyene'. Ñaña e'ñech cohuen yemorrentanna'ta allohueney ñeñfey ame'ñetsa, ñaña e'ñech cohuen yemueranna'ta. O'ch es yentaprech po'psheñeñ e'ñe cohuen, amachña yañeña e'ñe cohuen entatstatso.

9 Ñerra'm po'psheñeñ erro't paspa' sapa' amach setsa'tatatsche eso. Ñerra'm po'psheñeñ sasare'taspa' sapa' amach sesasare'tatsterraneto. Añcha'ña o'ch senamoñ Yompor a'nachepa', tarro'mar atef muenen Yompor atetcha' yepã. Allochñapa' ñerra'm atef yepãpa' ñapa' o'ch a'natenya yanã.

10 Tarro'mar atef oteney Yompor po'ñoñ:

Ñerra'm yemneñ o'ch yeycha e'ñe cohuen, ñaña ñerra'm yemneñ o'ch yocsherrapa' ñeñpa' añ poctetsa, amach yesasare'tatsto, ñaña añ poctetsa, amach yeshcare'tatsto.

11 Ñerra'm yemneñ e'ñe cohuen yocsherra, añ poctetsa o'ch yesuanem ñeñ ama cohuenaye' enteno Yompor. Ñeñ e'ñe atef muenen Yomporpa' ñeñtcha'ña atef yeña. Ñaña añ poctetsa, o'ch ye'nerr attoch yentannena e'ñe cohuen epay yamo'tsesha'. Te'ñapa' allo'nepa'ch yesen entanna'tsa e'ñe cohuen.

12 Yomporñapa' e'ñech cohuanpeneñ ñeñfey e'ñe pocte' es pets. Ñapa' e'mñoteney allempo es yenamueñ e'ñe ñesho. Añña ñeñ petsa ñeñ ama pocteyayepa' Yomporñapa' amach cohuenaye' enteñe ama't mamesha.

Ñerra'm esempo e'ñe attota muerochtatenyet yapa' atarrcha' cosheñtso'tseney

13 Ñerra'm sapa' chocma sema'yoçhrena ñeñ cohuentetsa Yomporecop, allempoñapa' amach esesha' errofenot semuerochtataye.

14 Tarraña ñato' errotenopa' o'ch muerochtataset ama't añ sema'yoçhrena ñeñ cohuentetsa Yomporecop. Tarraña ñerra'm e'ñe attota muerochtatasetpa' sañapa' atarrcha' cosheñtso'tsenes. Amach semcha'tatstaneto ñaña amach sellcatsto.

15 Añcha'ña o'ch seyemcha Cristo e'ñe seyoçhrohuen. O'ch senteñ Cristo atarr cohuen Parets ñeñ Yepartseshar yepen. Ñerra'm esempo esesha'pa' o'ch a'pto'tas ¿eso'marte'ña atarr same'ñeñaña Cristo? sapa' chocmuepa'chña e'ñe cohuen señoñeña atetcha' sanap e'ñe cohuen. E'ñe semuereño' e'ñech acopa sanapanet e'ñe cohuen e'ñe semcha'na'teñoñanet.

16 Chocmach e'ñe señañesha' seyoçthro e'ñech cohuenare' es sepen. Allochñapa' ñerra'm ama't esempo sasare'tenyetpa' ñeñña atto e'ñe pocte' es yepa'yen Cristocoppa' ñeñpa' ñeñtcha'ña pencatahuet.

17 Añ pocte' ama't yemueroçhta atto ama't e'ñe cohuenare' es yepen. Ñerra'm atef muenen Yomporpa' pocte' o'ch yemueroçhta. Añña ñerra'm e'ñe yo'chñaro'pa' o'ch yemueroçhta, ñeñpa' orrenach yemueroçhta.

18 Ama't Cristopa'cho'ña ahuatpa' atarr mueroçhtachete't. Ñapa' ña rromats e'ñe parrocha allohuenacpay attotña tsa'tuernaya yo'chñar. Cristo ama't ña ñeñ e'ñe pocte' es petspa' attoña rroma yocop ñeñfey ama pocteye' es petso. Tarro'mar rroma yocop attotcha' yeparrocmaterr epay Yompor. Ña ama't rroma po'chtso'tpa' puecamquëññapa' ama rromo.

19 E'ñe puecamquëñño'pa' arr ahuo' allo'tsa'yen ahuatnaneshañ puecamquëñnesha' ñeñt alla ayottam'psaret, ñeñt ama cha'netso. Ñaña puecamquëñ allñapa' serrpare'tatosanet.

20 Ñehua, añ puecamquëñ ñeñt ahuatnaneshañ ñeñt nanac atpare'taye't Yompor po'ñoñ allempo corre't Noé. Allempopa' Yompor nanac cohume'tanetañe't o'ch ame'ñyet. Allempoteñ Noépa' yeçcatane't po'compuer, Yomporpa' cohume'tanete't esesha'ch ame'ñatsa. Tarraña ama eseshaye'ña ame'ñatso, e'ñe posocsheña ñeñt ame'ñatsa. Añ posocsheña ñeñt ame'ñaya Yomporpa' ñeñfara posocsheña ama esesha' ño'sha'tso, ñetpa' qeshpet oño't.

21 Tarro'mar yapa'cho'ña te' ñerra'm yapataretta oño't Partsocop e'ñe atef pena ñerra'm ahuat Noépa' o' qeshpa e'ñe oño't. Ñeño'marña

yapa'cho'ña ñerra'm yame'ñeñof o' yapataretta Partsocop e'ñe oñotpa' yeñoteñ o' yequeshpa. Ñehua, ñeññ apataretteñetspa' ama añecpayaye o'ch yapa oño attoch huañ yepatser. Añcha'ña ñeññ alloch yequeshpa. Atto yapataretta Partsocop o'ch yenam Yompor etserrataterrnayepa' yoctapña e'ñe cohuen. Atto yapataretta Partsocoppa' yeñoteñ o' yequeshpa tarro'mar Jesucristo atto tanterra ama't rromhua.

²² Allempo tanterra Cristopa' o' ahuer pue'ntañ. Te'ñapa' allo'tsen epuet Pompor e'ñe po'cohuenrot, allñapa' all partsoten. Ama't allohuen ñeññ Pompor po'millañoteñmanesharpa' ñetpa'cho'ña te'pa' e'ñe cohuen ame'ñeñet ñamet. Ñaña ama't allohuen ñeññ añcha'taretetyetsa pue'ntañopa' ñetpa'cho'ña ello ame'ña hueñet ñamet. Ama't allohuen ñeññ ahuamencatechnopa'cho'ña ello ame'ña hueñet.

4

Atto e'ñe yemuerochteñotpa' o'ch huomenc yeþa' yeyocher Yomporecop

¹ Cristo allempo añe patsro'tsenpa' ñapa' e'ñe pocte' enteñ attoch muerochtateñet nanac. Ñeñño'marña sapa'cho' e'ñepa'chña pocte' senteñ o'ch semuerochta e'ñe ñocop. E'ñe yemuerochteñotpa' o'ch huomenc yeþa' yeyocher. Yemuerochteñof yechsopa' o'ch yequechpa'huerr ñeññ ama pocteyaye Yomporecop.

² Allochñapa' amach allo'na yeþa'nenno atet muenatyesyet' yechets ahuat. Yocoppa' añ poctetsa o'ch yoctape'chen ñeññ atet muenen Yompor.

³ Te'ñapa' ñeññeshañach atet seþa atet seþa'yese't ahuatoteñ ñeññ atet pena te' ñeññ ama ame'ñetso. Ñetpa' añ pa'namen þa'yenet ñeññ atarr sosya'tsañechno ñeññ allohuen pa'namen muenatse'tyeñets sosya'tsañ ñaña posa'tarñats ñaña coshatse'teñets ñaña orrare'teñets ñaña muechatse'teñets ñeññ ama't mameshapa' ama pocteye' enteñe Yompor. Te'ñapa' ñeññeshañach atet seþa' ñeññ semnatse'tyen sa.

⁴ Ñeññ peyemte't ahuat ñeññ epaþ þorrare'te'tpa' te'ñapa' amach chapaneto pueyo'chro eso'marte' o'huañ þorrare'tapretanet. Attoña ñetpa' mueneñetcha' o'ch achñare'taset.

⁵ Tarraña te'pa' o'ch notas, ama't ñeññ ama ame'ñetso, esempohuañenpa' a'metatuerranetcha' Yompor. Po'ño'ch ñapa' ñach tsa'taya ñeññ ame'ñetsa. Ñaña ama't ñeññ ama ame'ñatsopa'cho' ñach tsa'tatuerrahuet, ora allohuenet, ama't ñeññ corretsa, ñaña ama't ñeññ o' colla'huen.

⁶ Ñeñño'marña ama't ñeññ arromñañesha' o' aserrpare'tatuarettet cohuen ñoñets. Allochñapa' ama'tcha' a'coñchatareftetañ po'chtsotet atet pena allohuen arromñañesha', puecamquëñofetñapa' corra'huerretcha' e'ñe atet correna Yompor.

⁷ Te'ñapa' o' mellapoterrmocha. Ñeñño'marña añ poctetsa, e'ñe yeñotateñotpa' o'ch yema'yochera Yompor. E'ñech yetpara es yepen attotcha' amach yepseñe Yompor ma'yochaya.

⁸ Añpa' ñeññña ñanom nanac sherbets: o'ch yemorrentanna'ta nanac e'ñe yeoyochnomañen. Yemorrentanneñotpa' o'ch yeþretnanna'ta atto erroten yeþannena.

⁹ Ñaña e'ñech socsheñesha' o'ch sagapannena e'ñe sepa'clo.

¹⁰ Yompor puemuereñotpa' o' e'ñe apa'yguas attoch setorra'yesa e'ñe ñocop. Te'ñapa' o'ch notas, o'ch seyenpanna'ta año ñeññ apuenes Yompor. Attochña sesherbatesñañña Yompor puemuereña.

11 Ñeñtpa' atet ñerra'm eseshas serrpare'tatspa' Yomporepa'chña po'ñoñ seserrpare'ten. Ñerra'm eseshas yenpuene' po'psheñeñpa' Yomporepa'chña po'huamencot seyenpanna. Allochñapa' yeparrocmateño't epay Jesucristopa' o'ch ya'ye'chochtatuerrñañ Yompor. Yomporepa'chña aye'chochtatuapo' allohueney. Añcha'na'tpahuepa'ch po'partsoña tayoteñ erpronohuañen. Ñeñtpa' atepa'chña Nompore.

Ñerra'm esempo sasare'tenyet atto yapa' yecristona'tarterra yañapa' atarrcha' cosheñtso'tseney

12 Amach masheñneshacha' ñaña nochaneshacha' seyorenatsto ñerra'm huaponasa topateñets nanac huomenc; tarro'marcha' huaponasa o'ch topatensa'. Amach seyorenatsto atet sepena ñerra'm esempo huaponasa ñeñt ama sentare. Attecma ama't masheñneshacha' ñeñto' ame'ña'huapa' attecma o' topatuanet.

13 Allempoteñ o' semueroçhtaprecha Cristo, e'ñe semueroçhteño'pa' socshepa'ch. Allochñapa' ñerra'm esempoch orrterra po'cohuenñapa' sapa'cho'ña socshapreterach e'ñe cohuen.

14 Ñerra'm cho sasare'tenset atto o' secristona'tarterra, sañapa' atarrcha' cosheñtso'tsenes, tarro'mar e'ñe allempoteñ Yompor Puecamquëñ ñeñt cohuenñatsotetspa' çhaponasa sesho. Po'ño'ch ñetpa' Cristo'na' sasare'tenet tarraña sapa' e'ñe cohuen secohuentateññañ Cristo.

15 Añña ama cohueno o'ch yemueroçhta yemtseño't acheñ, ama't ñaña yeteño't, ama't ñaña yepeño't ñeñt ama cohuenayaye, ama't ñaña ya'metanpeño't attochcha' ye'moñe'tanna'ta. Ñerra'm attotña yemueroçhtapa' ñeñtpa' e'ñech orrena yemueroçhta.

16 Añña ñerra'm añecop yemueroçhta tarro'mar o' yecristona'tarta, amach yepencatsto. Chocmach yecohuentatoñ Yompor tarro'mar o' yanerrñañ pa'so'cheñ.

17 O' çhappmoch allempoch Yomporpa' acranatuerrey allohueney ya. Yapa' yanomcha' a'meterr atet enteney ama't ñeñtey puechemereshay o' perrey Yompor. Ñerra'm yapa' yanomcha' a'metanperr ama't ñeñtey ame'ñatsapa', allempopa' errotenuachca' queshperrate' ñeñt nanac atpare'tene' cohuen ñoñets ñeñt Yompor po'ñoñ.

18 Ama't ñeñtey e'ñe pocte' es petspa' e'ñech yemueroçthenño'fa yequeshperra, allempopa' errotenuachca' çhapña ñeñt ochñañenesha' ñeñt atarr atpare'tene' Yompor.

19 Ñeñto'marña ñerra'm esempo yemueroçhta e'ñe Yompor yuemneñño'pa' allempopa' amach yelcatsto. Añña poctetsa o'ch alla yeyemtera Yompor e'ñe yocsheñeshocmañen yeyoçro, tarro'mar ñapa' ña ñeñt yeyeçcate'. Ñapa' ña ñeñt e'ñe pocte' es pets, ñapa' e'ñech a'poctatonay. Añcha'ña allo'nepa'ch yesen cotape'cherre' ñeñt cohuentetsa Yomporecop.

5

Atto cotape'chatan allohuen ñeñt pompornesha' pen ñeñt ame'ñetsa

1 Te'pa' o'ch notas samã ñeñtes pompor pen ñeñt ame'ñetsa sesho. Napa'cho'ña nach pompor pen ñeñt ame'ñetsa nesho. Napa' neñche't atet mueroçhte't Cristo. Tarraña ñerra'm esempo huerra po'cohuenñopa' yapa' o'ch yecohuentapretera yaña.

² Napa' te'pa' o'ch notas sa ñeñtes pompör pen ñeñt ame'ñetsa. Atet pena ñeñt cohuanmpene' po'carrneror, sapa'cho'ña secuanmpescha' e'ñe cohuen ñeñt ame'ñetsa sesho, tarro'mar ñetpa'cho' po'carrneror penanet Yompör. Amachña secllañoña secuanmpsatstaneto atet sepeñ ñeñt ama tama cohuenaye' senteno. E'ñechña socsheñesha' secuanmpenanet atet muenen Yompör. Tarraña amach sagapueñoña quelle secuanmpsatstaneto. Ñerra'm quellayecop yecuanmpaña' o'ch yepenca. Añcha'ña e'ñech yocsheñesha' yecuanmpsanet.

³ Amach cha sa'mcha'nochteñoñey'e' secuanmpenaneto, ñeñtes atet anaretés sach cohuanmpenahuet. Añcha'ña thocmach yentatanet atet e'ñe cohuen es yepen. E'ñe yoctape'chateñoñ cohuenpa' o'ch yeychatenanet allohuen ñeñt e'ñe po'carrneror pen Yompör.

⁴ Cristoñapa' ñeñt yecuanmpene' allohueney atet ñerra'm po'carrnerorey. Ñerra'm esempo huerra, allempopa' yapa'cho' atsa'tareteycha'. Atsa'tareteycha' po'cohuenño ñeñtcha' atarr nanac yocshaterre' ñeñtpa' ama ahuañaña ama't errponaña.

⁵ Ñeñtes huepaneshas, te'pa' napa' o'ch notas sama. Añ poctetsa o'ch same'ñaña ñeñt po'n yacma ñeñt sompor sepen. Po'ño'ch o'ch notas allohuenes, e'ñech cohuen same'ñannena amach sañeña e'ñe cohuen entatstatso tarro'mar:

Yompörpa' ama pocteye' entenano ñeñt atet ommo'chetsa. Añña ñeñt ama esoye' entetso ñeñña atarr muerenaña Yompör.

⁶ Yapa' yeñoteñ Yompörpa' nanac ahuañencat. Yapa' ama ya yehuamencoteye' yommo'cheno. Ñeñto'marña yeñoteñ Yompörpa' ama cohuenaye' entenano ommo'cheñets. Amach yeyematsto e'ñe yañeña, tarro'mar yapa' ama es yeshobenno. Añcha'ña e'ñe cohuen yeyemtena Yompör; allochñapa' ñerra'm esempo ña muenats, ñachña yocshatuerre'ña e'ñe cohuen.

⁷ Ora allpon ñeñt yellcatene' añ poctetsa o'ch yotue Yompör. Tarro'mar ñapa' po'ño'ch thocma llecapretenya ñeñt yellcatene'. Allochñapa' ñachña ya metuerre' yellquëña attoch yocsha'huerra e'ñe cohuen.

⁸ E'ñe señotateño'pa' señota'tach, tarro'mar oneñeñ ñeñt se'moñe'tene'pa' thocma chopene'chen erraparen atet ñerra'm ma'yarr, chach añcha'nothetnena e'nyese' ñeñtcha' a'chencat.

⁹ Añcha'ña satpare't oneñeñ. E'ñe yame'ñeñoñ Cristo o'ch huomenc yepa' yeyo'cher. O'ch seño'ch attemach muero'chtatuan allohuen masheñesha' ama't ñeñt o' ame'ña'huerra ora erraparen añe patsro.

¹⁰ Ama't muero'chtatyesasetcha' mame' tarraña Yompörpa' nanac amueraña. Ñapa' ñachña a'poctatuerre'ña socop, attoch huomenc pernas seyocher. Allochñapa' amach alla sepuesuere. Atetcha' patonay Yompör; ñeñtey muenene' o'ch yecohuentaprecha po'cohuenño. E'ñe yame'ñeñoñ Cristo yecohuentapreterach po'cohuenña ñeñtcha' ama ahuañaña'aterrtso.

¹¹ Yompörpa'chña aye'cho'chtatuapo' allohueney. Añcha'na'tpahuepa'ch po'partsoña tayoteñ errponohuañen. Ñeñtpa' attetepa'chña Nompore.

Arrpa' all so'tnerranet po'cartot

¹² Te'ñapa' ñeñt'ach e'ñe notas necartot. Te'pa' o' notuas o'ch same'ña'huera e'ñe po'ño'chocmañen. Ñaña o' notuas añpa' ñeñña e'ñe po'ño'ch Yompör pueñuereña alloch atarr bensare'tammpeney. Te'ñapa' o'ch alla noterrser; po'ño'chpa' o'ch seyemtoña Yompör pueñuereña. Ñeñt masheñ Silvanopa'

ña nequellcaten attoch neserrpare'tatas mame' añ necartot. Ateñ nenteñ masheñ Silvano, ñapa' nanac cohuen ame'ñenana Yompor.

¹³ Ñaña ñeñt ame'ñetsa arr Babilonia* mueneñet o'ch huomcha'taset ñamet añ necartot. Ñetpa'cho'ña o' acerranet Yompor e'ñe atet ñerra'm sa. Ñaña neyoche Marcospa'cho'ña mueneñ o'ch huomcha'tas ñaña necartot.

¹⁴ E'ñe semorrentanna'teñoť o'ch sehuomcha'tanna'ta.†

E'ñe seyemteñoť Jesucristo, Yomporepa'chña socshatene'ña e'ñe cohuen seyo'chro. Te'pa' ñeñfach notas, ñeñtpa' attetepa'chña Nompore. Allohua.

Pedro

* **5:13** Anets ñeñt pa'so'cheñ Roma te'ñapa' añ toma'ntateñet anets Babilonia. † **5:14** Po'ño'ch oteneý, "E'ñe semorrentanna'teñoť 'choch setso'ttsa'pa'tannena ñerra'm esempo sehuomcha'tanna'tena." Ñeñtpa' atet yechete't ahuat.

AÑ PUEPAÑ SAN PEDRO PO' CARTA 2 SAN PEDRO

Atto Pedropa' quellquërranerr carta allohuenacop ñeñt ame'ñetsa

¹ Masheñneshacha' ñaña nochaneshacha' allohuenes ñeñtes e'ñe attecma cohuen same'ñena atet yame'ñena yañña, tarro'mar allohueneypa' e'ñe ñapta Jesucristo ñeñt Yeyomporer yepen ñeñtara ñeñt Ya'queshpatañer yepen, ñeñtña e'ñe pocte' es pets. Na Simón Pedronpa' o'ch alla nequellquërrnaserr po'poñ carta, ñeñten torretsa Jesucristocop, ña puellsansaren.

² E'ñe nehuom'cha'teñoñes sa napa' o'ch notas: Yomporepa'chña atarr sebensare'tañpene'; ñepa'chña socshatene'ña e'ñe sa seyo'chro allohuenes e'ñe seyemteñoñ Yompor ñaña Puechemer Jesús ñeñt Yepartseshar yepen.

Atetcha' yepa'yena allohueney ñeñtey e'ñe cohuen ame'ña'yenaya Cristo

³ E'ñe yeyemteñoñ Yompor ñapa' chocma apueney allohuen ñeñt allpon yepalltena alloch yocrena e'ñe cohuen ñocop. Ñaña apueney attoch yoctape'cherr ñeñt e'ñe pocte' enten ña. Ñeñtpa' e'ñe ña po'partsoteñoñ apueney. Ñapa' añ muenen o'ch yecohuentapretera ña. Ñaña añ atarr muenen o'ch yorrtatapreter po'cohuenña.

⁴ E'ñe po'cohuenñoñ ñapa' atet otnerrey ñeñt'cha' apuerrey ñeñt'cha' nanac cohuen yenterr, ñaña ñeñt'cha' atarr nanac sherberrets yocop. Añ apuerrey po'huamenc attoch amach añ atarr yemna'yeno ñeñt yentyen arr patsro. Attochña amach atarr nanac ya'sosyateno e'ñe yañña. Allochñapa' e'ñe yeyemteñoñ Paretspa' o'ch yaguërrñañ ñeñt e'ñe atet pena ña.

⁵ Ñeñto'marña añ poctetsa, ñanomcha'ña Cristo yeyemta. Allotpa' ñaña o'ch yorrtaten atto e'ñe pocte' es yepen. Allotpa' ñaña añ poctetsa, o'ch yeñotua e'ñe ora atet muenen Yompor.

⁶ Allotpa' ñaña o'ch yepuesuanom ñeñt atet yemnatse'tyen ya. Allotpa' ñaña e'ñech ya'huanta'hanom allohuen ñeñt atarr echarr yentyen, aloteññapa' o'ch yoctape'ch ñeñt poctetsa Partsocop.

⁷ Allotpa' ñaña o'ch yemorrentanna'ta, e'ñech yemo'nasheñsha' yepannena. Allotpa' ñaña e'ñech yemuerannena.

⁸ Ñerra'm atetcha' sepa' añe'chno atet ñeñt o' notuaspa', allempoñapa' allo'nach sesen parrocmatats epas Yepartseshar Jesucristo. Allochñapa' amach e'ñe orrena señoñere, añcha'ña e'ñe sorrtatyen ñeñt atet muenen Yompor. Allempoñapa' nanaccha' sesherberr Cristocop.

⁹ Ñerra'm ama allo'na yeyemuetneño Cristopa' yapa' amach e'ñe es cohuenaye' yeñotueno. Chach yottena ñerra'mrrate' puesheñarr ñeñt ama cheme'tetso a'yo. Añach cheme'ten ñeñt alla'tsena. Amapa' chach yottena ñerra'mrrate' puesheñarr aporo'yet ñeñt ama entetso, ama't e'ñe mamesha. Tarro'mar ñapa' o' cha puesuerran atto Cristopa' e'ñe e'sshohuerrñañeñ po'chñar.

¹⁰ Ñeñto'marña masheñneshacha' ñaña nochaneshacha' te'pa' o'ch alla noterrsserr. Allo'nepa'ch sesen yemuetnomaya Cristo atto ñapa' o' hua'ñerres attoch same'ñeño'tpa' o'ch sequeshperra. Ñerra'm atetcha' se'papa' ama't ahuatapa' amach sepsere, ñaña amach alla sepuererro atarr toñonef.

¹¹ Allochña sapa' se'cherrcha' all añcha'tarettena Yepartseshar Jesucristo ñeñt' Ya'queshpatañer yepen. Allñapa' o'ch agüerres e'ñe pocsheñeshocmañen all partsoten. Ña po'partsoñapa' ñeñtpa' amach ahuañañat'erro ama't e'ñe errponaña.

¹² Ñeñto'marña napa' noten, 'hocmach neyerpatasa atet noctape'chen. Ama't sapa' o' seño'tue añe'chno, napa' o'ch alla noterr'serr. Ama't o' 'chaponasa seyo'chro ñeñt' ñoñets po'ño'chpa' napa' nemneñ allo'nach neyerpatnensa.

¹³ Napa' noten, te'pa' orameñ nocrrena e'ñe pocte' o'ch neyerpatnom'sa attoch o'ch setorroña Yompor po'ñoñ.

¹⁴ Napa' neñoteñ o' mañamenapa' o'ch nerromuen, tarro'mar atet otne't Yepartseshar Jesucristo.

¹⁵ Allochña'apa' amach nemnatenso o'ch sepuesuer ama't errponaña. Ama't allempoch o' nerromuenpa' sapa' allo'nach seyerpuerra ñeñt' atet o' notuanmas.

Pedropa' e'ñe entane't Cristo allempo orrtatyesanete't po'partsoña

¹⁶ Ya te'pa' o' e'ñe yeñotatas atto Yepartseshar Jesucristo ña partsotets, ñapa' ñach huerrtsa po'pocheño. Añ ñoñets po'ño'chpa' ama shequ'eñtsoyaye ñoñets ñeñt' o' yotuas. Ñeñtpa' ama yaye' yoc'apña yotenso, ñaña ama ahuatnaneshañeyaye pueserrpareñ. Ya po'ño'chpa' e'ñeca'ye allame't'sa yeñche'tña Yepartseshar Cristo. Yapa' e'ñe yentuone'tña po'partsoña.

¹⁷⁻¹⁸ Tarro'mar yapa' e'ñe parro allo'tseney all aspen'to allempo Yompor Parets galey Puechemer po'cohuenna. Yapa' allempopa' e'ñe ye'mhuaña ñoñets ñeñt' ye'morrtoya ento't. Yompor ñeñt' nanac partsotets pue'ntaño, po'cohuennopa' atet cohuentatendan Puechemer, ñeñtpa' atet oten: "Añmapa' ñeñt' Nechemer ñeñt' nanac nemorrentena, ñapa' ña nanac nocshatene'." Ñeñtpa' attoña aye'cho'chtatendan Puechemer.

¹⁹ Te'ña ñeñt' otyese't ahua't ñeñt' a'mta'yesaye't Yompor po'ñoñpa' te'ña e'ñe po'ño'chpa' o' e'ñe etsotuerra. Ñeñto'marña yapa' attoña yeñoteñ ñapa' e'ñe po'ño'ch otye't po'ñoñot'. Ñeñto'marña yocoppa' añ poctetsa o'ch yame'ña ñaña ñeñt' a'mta'yesaye't ahua't Yompor po'ñoñ. Ñeñtña ñoñetspa' a'puetarsañpennay yoc'apña atet ñerra'mrrate' lampareñ a'puetarene' checmete'. Te'ña o' huapa Cristo; ñapa' ñeñfcha'ña a'puetarerre' yañña yeyo'cher. Yapa' atarr cohuen yenteñ Cristo atet ñerra'm ranto atarrenñ.

²⁰⁻²¹ Ñaña seño'chepa'chña ñeñt' a'mta'yesaye't ahua't Yompor po'ñoñ ñetpa' ama añaye' orrtatete'te ñeñt' atet cotape'chete't ñet. Atto ñet ma'yochrete't Partsocop, Paretsña Puecamqu'eñña eñotatahuete't atetcha' serrpare'toñet Yompor po'ñoñ. Ñeñto'marña seño'chepa'ch ama pocteyaye e'ñe yañeña yoc'apño't o'ch ye'nachata'teññañ po'ñoñ.

2

Ñeñt' ashcañtetsa amach Yomporeye' po'ñoñ serrpare'teno (Jud 4-13)

¹ Te'pa' o'ch notas ñaña po'poñ. Ahuatpa' orrte't ashcañ ñeñt' ama Yomporeye' po'ñoñ orrtatete'te, ñeñtpa' atta shecane't israelena'tarnesha'. Sapa'cho'ña attec'mach orrtonasa ñeñt' amach Yomporeye' po'ñoñ a'poteno. E'ñe a'nahuapa' o'ch ye'chatas po'poñ poctapña. Tarro'marcha' ñetpa'

atet pet attotcha' a'chencatatuerras. O'ch a' nasotam̄psasa atto Yepartse-shar Cristopa' ñeñña tsa'terroyaña yo'chñar. Tarraña ñetpa' machayotach a'chencatatuerrēt ñañeñeta.

² Esemepoch orrta, shonte'ch acheñ ñeñtcha' ame'ñaya atetcha' ye'chatanet. Ashcañpa' e'ñech pocte' entan ama't ñeñt atarr ye'chene' sosya'tsañ. Ñeñto'marña e'ñe ñofo't acheñenesha'pa' o'ch achm̄are'teññañet Cristo po'ñoñ ñeñt po'ño'ch Yompor po'ñoñ.

³ E'ñe pueye'cheño'tpa' o'ch shecaset attoch yoram̄pesuas se'çllayor. E'ñe pocta'ño'tpa' shecasetcha'. Tarraña ama't ahuatoteñ Yomporpa' ote't ahuo'ch mueñanet coñcha'puetso. Yomporpa' ama orrena ote'te, ama pueno po'ñoñ; atet oten, atetcha' ña. Ñeñt ama Yomporeye' po'ñoñ ye'chatetsopa' chenca'huerretcha'.

⁴ Tarro'mar ahuatpa' ama't Yompor po'mllaño'teññaneshar allempo atpare'chete'tpa' ama esesha' qeshp̄atse'te. Yomporpa' allempoña huapore'tanete't o'pono coñcha'puetso, allña'pa' all ehuanca'ttenet checmeto. Allotpa' amach cha'nerreto, allotña esempohuañenpa' a'coñchata're'terrach.

⁵ Ñaña acheñenesha' ahuatpa' ama esesha' qeshp̄atso allempo nanac atpare'chete't Yompor. Ñaña'pa' e'cho'pam̄psanet oñ, ora errap̄aren patso. Ñap̄ta Noé a'qeshp̄at epuet can'cherrsheña ñeñt pamo'tsesha'. Tarro'mar Noé'pa' serrpare'te't ñeñt atet poctetsa Yomporecop.

⁶ Ñaña ahuatpa' ñeñt ye'chatse't anetso ñeñt pa'so'cheñ Sodoma ñaña Gomorra, Yomporpa' etomam̄psanet pa'netser. Atto etomam̄pse'rranet pa'netserpa' allohuenetpa' e'ñe poctacma poyuerret. Ora e'ñe tsap̄uere'tuet, o' a'chencatuerranet e'ñe poctacma. Atto te'pa' e'notatenan po'psheññe'chno ñerra'm o'ch atpare'teñet Yomporpa' attec'mach perraneterr. Ñeñto'marña yeñoteñ erra'tsencha' orrtatene' ñeñt ama Yomporeye' po'ñoñ a'po'teno, ñetpa'cho'ña attec'mach chenca'huerret ñamet.

⁷ Tarraña Yomporpa' a'qeshp̄atan puešheñarr ñeñt pa'so'cheñ Lot ñeñt e'ñe pocte' es p̄atse't. Ñaña'pa' epaye' entenan pamo'tsesha' atto' ña'yesete't ñeñt nanac sosey enten Yompor. Ñapa' epaye' llecachete't.

⁸ Ñapa' e'ñe cohuen cotape'che't. Pamo'tsesha'ña'pa' nanac ña'yesete't ñeñt ama cohuenayaye. Ñaña'pa' epaye' entapretanete't ñeñt cotape'chete't ñet, ñaña epaye' e'mapretanete't atto eñosatse'tyesete't. Ñaña'pa' epaye' llecanete't tarro'mar ñapa' e'ñe cohuen cotape'che't pueyo'chro.

⁹ Ñeñto'marña Yomporpa' eñoteñ attoch a'qeshp̄atan ñeñt e'ñe pocte' es pets, ñerra'm esempo o' huapanet topateñets huomenc. Ñaña eñoteñ attoch muero'çhtatan ñeñt ama pocteye' es petso. Allo'nach muero'çhtatnenanet esempohuañencha' acrareretueterra allohuen acheñenesha'. Allempo'pa' mueñuerranetcha' coñcha'puetso.

¹⁰ Po'ño'chpa' coñchatancha' ñeñt aña ma'yo'chrenaya ñeñt atta mue'natse'tyets e'ñe po'çhtsot, atto nanaccha' sosyare' ye'cha'yenet, añach e'ñe yomenet ñeñt e'ñe ñet pocta'p̄ñet. Ñeñto'marña ama't Yepartsesharpa' ama añcha'na'tpahuoye' enteñeto, attoña ama't ñaña allohuen ñeñt ahuamen'catetyetsapa'cho'ña e'ñe achm̄are'tueñet. Amach añcha'na'tpahuoye' enteñeto.

¹¹ Tarraña Yompor po'mllaño'teññaneshar ama't nanac ahuamen'catet, ñaña ama't nanac añcha'taretet, ñetña'pa' ama't Yompore'sho'tsenet, ama sasare'teñetoña ñeñt ahuamen'cattetsa.

12 Tarro'mar ñeñt ama Yomporeye' po'ñoñ yeçhatetso ñetñapa' sasare'tenet tarro'mar ama es eñoteneto, e'ñe attet ñerra'm es berr ñeñt ama es eñotetso. Atet muena'yenetpa' atetcha' penet. Ñeñt atet eñalletetsa atet ñerra'm es berr; tsapatone'pa' o'ch rromueñet. O'ch rromuetpa' o'ch muetset. Ñeñt ama Yomporeye' po'ñoñ yeçhatetsopa' ñetpa'çho'ña esempohuañen attemach a'çllatuaretterret.

13 Tarro'mar attoch atsa'tatuaretterret allohuen po'chñaret. Tarro'mar e'ñech ellapenete't coshatsetatset ñeñt ama pocteyaye. Ama't atto rrallme'çapretasetpa' nanaccha' pencatenset tarro'mar ñetpa' nanac sosyare' es penet. E'ñech pocsheñesha' mueneñet o'ch shecaset.

14 Ñeñt ama Yomporeye' po'ñoñ yeçhatetsopa' çhocmach mueneñ o'ch cohua'yesan coyanesha' attoch nanac cañoresha'tenet. Amach huañeno atto cotape'çhenet sosey. Nanaccha' shequëñet coyanesha' ñeñt ama tama es eñoto attoch aguëñet. Añach yeçhenet atto es ye'chatsetyenet. Tarraña ñeñt atet petsapa' o'patataretetcha' coñcheñets.

15 Tarro'mar ñetpa' o' puesuerret ñeñt poctetsa. O' sa'nmet Yompor nanac ellapar. Ñetpa' cota'neñet atet pe't Balaam ñeñt Beor puechemer. Ñapa' ahuatpa' añach cohuen ente't o'ch pa'yesa ñeñt ama pocteyaye alloña gane't shonte' quelle.

16 Allempoña atet pe't Balaam ñeñt ama pocteyaye, pashanorñapa' o' che'ptare'ch, atto' eños atet ñerra'm acheñ eñets, ama't ashenpa' yeñoteñ ama eñeno. O'ña eñosuapa' Balaamñapa' allempoteñña o'huañ atet pa'yesan sosey.

17 Ñeñt ama Yomporeye' po'ñoñ yeçhatenetopa' ñetñapa' amach es sherberrtso. Ñetpa' ama't attetañ ñerra'mrrate' oñ allot potenpa' te'ñapa' o' masohua. Ñetpa' amach es sherbatso ama't attetañ ñerra'mrrate' os, tarraña ñerra'm o' matach mōrr a'yopa', amach huato. Tarraña ñeñt atet petsapa' o'patataretcha' all ama machecmeto o'pono.

18 Ñaña nanaccha' ommo'çhenet atto pa'yenet ñeñt nanac sosyare'. Ñaña o'ch a'secheñet po'psheñet attoch o'ch pachet ñeñt nanac muenenet po'çhets attotcha' a'psataretterret, allempoñapa' o'chçho' alla puerrerret. Shonte' acheñ ñeñt e'ñe etserra puesuanmue' ñeñt atet yeçha'yesete't ñeñt nanac sosyare', tarraña allempoñapa' o'ch alla muenereterr ñeñt o' puesuanmuetañ ahuat poctapñet.

19 Ñeñt ama Yomporeye' po'ñoñ yeçhatetsopa' o'ch alla oterraneterr: "Ama palltenoña o'ch es yesuanom. Yapa' e'ñe cohueno'tseney. Yocoppa' ama eñalleña ñeñtcha' yeyore'terre'." Ama't atet oteneñ ñeñt atpare'tetspa' tarraña napa' o'ch notas, ñeñt atetpa' aña yeçhenet e'ñe ñet poctapña ñeñt nanac sosyare'. Tarro'mar ñerra'm erra'tsen es yeyçhatene' ñeñt pa' ñeñtaña pomnaren yepene'.

20 Attemca ñerra'm ya. O' yeñotuer Yepartseshar Jesucristo, ñeñtara Ya'qushpatañer yepen. Yeparrocmateñoç Cristo o' yesuanomo sosya'tsañ. Tarraña ñerra'm yo'chñarpa' alla a'psaterrey Yompor po'ñoñpa' yañapa' elloña nanaccha' yoroçcheno'tseney.

21 Ahuatpa' yoroçcheno'tseney tarro'mar ama yentare ñeñt poctetsa Partocop. Te'ñapa' o' yenter ñeñt poctetsa. Tarraña ñerra'm te'pa' o'ch alla yepuerrera ñaña o'ch alla yepuesuerrñañ po'ñoñ atet oteneñ Parets, te'ñapa' yañapa' elloña nanaccha' yoroçcheno'tseney.

22 Yapa' po'ñoñ ñerra'm o'ch alla yepuerrera çha yottena ñerra'mrrate' ochec. Yapa' o'ch alla yepuerrera "atet ñerra'm ochec o'ch a'tatsta; o'ch

a'tatsetuapa' tematenpa' o'ch alla puerrerra allo'tsen pa'tatsña." Amapa' cha yotena ñerra'm atet pena ñaña chañcho. "Chañchopa' o'ch apa; o'chña apuapa' o'ch'cho' alla puerrerra atstso allcha' e'yapna' tuerra o'ch alla atsotseñ'chuerr." Ama't ahuatoteñ atet otete't atet pena ochec, ñaña atet pena chañcho.

3

Esempoch huerrmocha Cristopa' orrterrach ñeñtcha' achmāre'terre' Yompor

¹ Te'ñapa' masheñneshacha' ñaña nochaneshacha' o'ch notas, po'pocheño o' alla nequellquerrnaserr carta. Tarro'mar añecop nemneñ o'ch alla noctape'chaterrser; o'ch alla neyerpaterrser soctapña e'ñe cohuen.

² Ñaña o'ch alla noterrser; añ poctetsa amach sepsatsche ñeñt otye't ñeñt a'mta'yese't Parets po'ñoñ. Atet otye'tpa' atet'cha' etsoterra esempohuañen. Ñaña amach sepsatsche atet o' otuas ñeñt Yompor puellsensarnesia'. Ñetpa' o' ye'chatuaset Yepartseshar Cristo po'ñoñ ñeñt'pa' atet'cha' sepa, ñeñtara Cristo Ya'queshpatañer yepen.

³ Ñanom o'ch señoach añ, ñerra'm esempoch o' huerrmocha Cristopa' huapach ñeñt'cha' achmāre'tene' Yompor poctapña. Ñeñt'pa' attach cotape'chen atet muenatse'tyenet ñeñt cohuen entenet po'chets.

⁴ Pachmāre'teño'tpa' o'ch otet: "Cristopa' otnerr esempopa' ahuo'ch huerra. Te'ñapa' jesomarte' amo' huerro? Ama't yatañneshañpa' o' colla'huenet; teme'tsen yenten ora erraparen e'ñe attera atet orrte't ahuatoteñ allempo errete' aye'chcataret pats."

⁵ Ñetpa' mueneñet o'ch puesuerret atto ahuat Yompor e'ñe po'ñoño'a o' ye'chcatuan enet. Patspa'cho'ña e'ñe po'ñoño'a ye'chca'hua. Ñaña e'ñe oño'tpa' ye'chca añ pats.

⁶ Ahuatpa'cho'ña e'ñe puechopeño' oñpa' chenca'hua pats allempo e'ñe chorra oñ erraparen.

⁷ Ñaña Yompor po'ñoño'tpa' te'pa' ama't patspa' esempohuañenpa' poyuercha'. Enetpa'cho'ña attec'mach poyuercha' ñaña. Aña cohuen esempohuañencha' acaretetuerra allohuen achenesha'. Allempochña melapoterra. Ñeñtña ama ame'ñenaye ñapa' o'ch mueñanet coñcheñtso.

⁸ Tarraña te'ña masheñneshacha' ñaña nochaneshacha' amach atta es sep'chatsto. Añcha'ña o'ch señoach; Yomporpa' entenan ama't mil char atet ñerra'm pam'tarra. Ama't ñeñt ñapa' pam'tarr enten, yocopñapa' yenteñ atet ñerra'm mil char.

⁹ Puesheña'tets aheñpa' otenet o' meten shonte' char amo' huerro. Tarraña yapa' yeñoteñ Yepartseshar 'chocmach a'pocatan po'ñoñ o'ch huerra. Yapa' yeñoteñ tarro'mar amo' huerro añ cohuen ñato' esempoch o'ch yoctape'chuerr ello cohuen Yomporcop allohueney. Ñapa' nanac muerenya ama mueno ama't eseshapa' o'ch chenquerra.

¹⁰ Tarraña ama't amo' huerro, esempopa' machayotach huerra. Atet ñerra'm eñeñ amach es yep'chenopa' machayotach huapa tsapo. E'ñech atet perraña ñaña Yepartseshar Cristo, e'ñech machayota huerra. Allempopa' huañercha' enet. E'ñe puepotrrareño'tpa' huañcha'. Huañcha' ora ñeñt orreyetsa ñaña ama't ora allpon eñall, pañna'tuerrcha' ñaña e'yohuach. Tso'ñapa' ñach e'ñe e'yatuerrre' allohuen ñeñt eñall. Patspa'cho'ña ñaña ora ñeñt aye'chcataret arr patsropa' poyuach.

¹¹ O'ch poyuapa' o'ch e'yohua ora esocmañen. Ñeñto'marña sapa' añ poctetsa socop. O'ch soctape'cherr e'ñe cohuen Partsocop, ñama o'ch se-pomhuerra sañeña e'ñe Yomporecop.

¹² Ñama añ poctetsa o'ch secuame'teñ esempoch yoroçhtatuer Yompor. Sapa' o'ch setorreññaña attochña mameshapa' o'ch huerra. Esem-poch yoroçhtatuer allempopa' ñachña a'crratuerrre' enet. O'ch a'crratuerran enetpa' allempochña potlle'chuerr e'ñe poctacma. Ñama ora ñeñt orre-tyetsa entopa' ñeñt'pa'çho'ña e'ñech poyuahuer. O'ch poyuahuerppa' o'ch e'yohuerra poctacma. Tso'ñapa' ñach e'ñe e'yatuahuerre' ora allohuen ñeñt eñall.

¹³ Tarraña yapa' yecueñ o'ch etsoterra atet oterrey. Ñapa' ña yotnerre', eñalleterro'ch po'poñ enet etserrare', Patspa'cho'ña o'ch eñallettera etserra. Allñapa' añach orrtatsa ñeñt e'ñe cohuenare' es pa'yets.

¹⁴ Ñehua, masheñeshacha' ñama noçhaneshacha' o'ch secuame'teñ. Se-cuame'teño'tpa' o'ch sema'yochrena attoch entuerres Yompor e'ñe pocte', attoch amach eñalle ñeñt'cha' sepencate'. O'ch cohuen sentannena epas samo'tsesha'.

¹⁵ Ñama o'ch seño'ch e'ñe eso'marte' amo' huerro Yepartseshar Cristo. Ñapa' atarr muerenana allohuen acheñenesha'. Ñapa' mueneñ yapa' o'ch yame'ñatuera acheñenesha' attoch yequeshpa'huerra allohueney. Ñeñfara o' quellconas ñama masheñ Pablo po'cartot. E'ñe Yompor pueñotateño'tey atet quellconas ñama. Yapa' nanac yemuerannena.

¹⁶ Ora allpon Pablo po'cartotpa' o' eñotatey atet'cha' perra esempo. Pate'tets ñoñets ñeñt quellquë't Pablopa' nanac echarr yenteñ o'ch yeño'ch e'ñe atet otene'y. Puesheña'tets acheñ ñeñt ama tama es eñotopa' atarr moññe'toñete't Pablo po'ñoñ. Tarro'mar ñetpa' ama tama cosheññañeto Yompor po'ñoñ ñeñto'marña çhocmach mueneñet o'ch e'naçhaterrñañet atet otene'y Pablo po'cartot. Ñama po'poñ Yompor po'ñoñ ñetpa' çhocma mueneñet o'ch e'naçhaterrñañet atet otene'y. Ñetpa' attot'cha' a'chencatatuerrret ñetañeña.

¹⁷ Ñeñto'marña masheñeshacha' ñama noçhaneshacha' te' napa' o' no-tuas necartot ama't ama etsotena' atet notenes, attochña seño'ch. Te'ñapa' seño'ta'tach allochñapa' amach shecaseto atto es panten ñeñt atpare'tets. Saña te'pa' amach sequeçpatsterrñañe Yompor po'ñoñ atet atarr same'ñena te'.

¹⁸ Añcha'ña e'ñe Yompor puemuereño'tpa' allo'nepa'ch sesen cotape'chnomue' e'ñe cohuen, ñama allo'nepa'ch sesen yemuet-nomaya Yepartseshar Jesucristo ñeñfara Ya'queshpatañer yepen. Ya'ye'choçhtatoñepa'ch tayotet e'ñe errponohuañen. Te'pa' ñeñfach notas, ñeñt'pa' attetepa'ch Nompore. Allohua.

Pedro

AÑ ÑANOM SAN JUAN PO' CARTA 1 SAN JUAN

Jesucristo ñeñi po'ñoñ pen Yompor, yañapa' allochña e'ñe yocrerra

¹ Te'pa' o'ch neserrpare'tatas arr nequellcot ñeñt atet pena Jesucristo; ñapa' chocma eñall ama't ahuatoteñ ama't allempo ama ayeçcatarettena' pats. Ñeñña yapa' e'ñe ye'me't atet serrpare'tatyese't allempo orrtosa arr patsro, ama't ya yecloyotpa' e'ñe yeñche't e'ñe allame'tets, ama't e'ñe ya yototpa' ya'plla'yese't. Ñeñña Jesucristo ñapa' ñeñña po'ñoñ penña Pompor Parets tarro'mar ñach e'ñe eñotaterre'ña acheñenesha' atet oten Pompor Parets. Ñeñña ña po'ñoñpa' po'ñoñch yapa' allochña corretsayach.

² Ñeñña Jesucristo allempo acheñetos arr patsro yañapa' e'ñe yeñche't. Ñeñto'marña te' yapa'cho'ña chocma yeñotatenes saña. Ñeñto'marña yeserrpare'tatenes ñeñña Cristopa' ñeñt alloch yocrrena ama't tayoteñ e'ñe erponañohuen. Ña ahuatpa' e'ñe parro'tsen epuet Pompor Parets. Te'ña atto orrtosnaya arr patsro yapa' e'ñe yeñche't e'ñe ye'me't atet serrpare'tatyese't. Ñeñto'marña te' ya ñeñt atet yentyese't, ñeñt atet ye'myesoñe't, te'ñapa' o'ch yeserrpare'tatas saña.

³ Allochñapa' attoch allohueney yeparrocmaterr epay Yompor Parets ñaña Puechemer ñeñt Jesucristo.

⁴ Ñeñto'marña nequellquennas ñeñt e'ñe po'ñoñch yeñoten attochña sapa'cho'ña o'ch e'ñe socsherra saña.

Yomporpa' añ toma'ntena puetare' tarro'mar ñapa' e'ñech cohuen es ortatyen

⁵ Añ ñoñets ñeñt ye'mapreyese't Jesucristo, te'ñapa' o'ch yeserrpare'tatas. Ñeñtpa' atet eñotateney: Yomporpa' ña e'ñe cohuenare' es pa'yets, ñapa' e'ñe atet pena ñerra'm puetare' e'ñech cohuen yenteñ. Ñapa' ama't mameshapa' ama orrtatenanoña ñeñt ama cohuenayaye; ñeñto'marña yoten, ñeshopa' ama't coñe'tapa' ama eñalleña checmete'.

⁶ Yapa' ama't yoteneñ o' e'ñe yeparrocmaterr epay Yompor, tarraña ñerra'm ora yorrtatyen ñeñt ama cohuenaye' enteno ña, yañapa' atña yeshquën. Ñeñto'marña chach yottena ñerra'm checmeta yechope'chen tarro'mar ama e'ñe yeychena' ñeñt e'ñe po'ñoñch cohuen enten Yompor.

⁷ Tarraña ñerra'm e'ñe cohuenare' es yorrtatyen atet pena Yompor, ñeñtñapa' e'ñe atet yepena ñerra'mrrate' arr yechope'chen puetaro e'ñe allo'tseney epay Yompor. Attoña allohueney e'ñech cohuen yeparrocmatuen ñaña Yompor Puechemer ñeñt Jesucristo ña po'rrosoña chocma e'shennayña allohuen yo'chñar.

⁸ Tarraña ñerra'm cha yoten, "ñapa' amaca'ye eñalle no'chñar", ñeñtñapa' yañeñaca'ye shequëtsa tarro'mar Yompor poctapña ñeñt e'ñe po'ñoñch cohuenpa' amaca'ye chennayoña yeyochro.

⁹ Tarraña ñerra'm cho ya'meten yo'chñar, Yomporñapa' e'ñech peretna'huerrnay allohuen yo'chñar, e'ñech e'shohuerrnay allohuen ñeñt ama pocteye' entapretenye tarro'mar ñapa' ama puenesho po'ñoñ, ñapa' e'ñe pocte' es pen, ñeñto'marña ñapa' chocmach peretnerrey.

¹⁰ Ñaña ñerra'm čha yoten, "napa' ama no'chña'tpeno", Yomporñapa' čha yottatateñ ñerra'mrrate' ñapa' atarr ashcañ tarro'mar po'ñoñpa' atet oteneý ya allohueneýpa' e'ñe yo'chña'tuen. Ñeñña po'ñoñpa' yañapa' ama't e'ñe mameshapa' ama čhappennayoña yeyo'čhro.

2

Jesucristo ñeññ e'ñe cohuen eñets yocop Yomporesho

¹ Nechemerneshacha' te' socoppa' o'ch nequellconas attoch amach allo'na sepa' neno ñeññ ama't mameshapa' ama pocteye' enteno Yompor. Tarraña ñerra'm esesha' orrtatene' ñeññ ama cohuenayaye, ñerra'm o'ch enamuerr peretneñets, Yomporpa' o'ch peretner tarro'mar eñall yocop ñeññcha' eñosets Apuesho. Ñeññapa' añ Jesucristo ñeññ e'ñe pocte' es pa'yets.

² Ñapa' ña aparet attoch tsa'tuerrnaya yo'chñar. Ñeññpa' ama e'ñe yaptecpayaye, añe'cpa'ñaña allohueneý ñeññey añe patsro'tsa'yeneý.

³ Ñerra'm e'ñe po'ño'ch yame'ñerrñaña Yompor po'ñoñ ñeññ atet oteneý allempoñapa' e'ñech po'ño'ch yeñoter ñeññ atet pena ña.

⁴ Ñeññ otets, ñapa' e'ño' eñoteñ atet pena Yompor, ñerra'm attera atpare'tenan Yompor po'ñoñ ñeññ atet oteneý, ñeññña atet otetspa' ñapa' atfaca'ye shequén. Ama't e'ñe mameshapa' ama čheññañoña Yompor po'ñoñ pueyo'čhro ñeññ e'ñe po'ño'ch atet oteneý.

⁵ Tarraña ñerra'm esesha' e'ñe po'ño'ch ame'ñerraya Yompor po'ñoñ ñeññ atet oteneý, ña po'ño'chpa' o' morrenterrana Yompor e'ñe pueyo'čhrocmañen. Ñeññpa' attoña yeñoteñ po'ño'chpa' o' yeparrocmaterr epay Yompor.

⁶ Ñerra'm esesha' otets, ñapa' e'ño' parrocmaten epuet Yompor, ñeññepñapa' orrtatyesanepa'ña ñeññ atet pa'yese't Yompor Puechemer ñeññ Jesucristo.

Cristopa' ña orrtaterre' etserra morrentanna'teñets attochña e'ñe cohuen yemorrentannerra

⁷ O'ch masheñeshacha' ñaña no'chaneshacha' notas, ñeññ atet notenes nequellco't te' amorrentanna'tpahuepa'ch sentannena allohuenes ñeññpa' ama añeyaye ñoñets ñeññ ama se'mare. Ama't allempoteñ e'ñe errete same'ñerrapa' allempoteñ se'muerrña ñeññ ñoñets ñeññcha' atet sepa e'ñe cohuen ñeññara Yompor po'ñoñ ñeññ e'ñe erertes e'muene' allempo.

⁸ Tarraña morrentanna'teñets ñeññ atet nequellquénnas te' ñeññpa' e'ñe atet ñerra'mrrate' o' tayo' orrtatonasetña atet morrentanna'teñets, tarro'mar Cristo e'ñe po'ño'ch orrtatonayña e'ñe etserra attoch e'ñe cohuen yemorrentanna'terra, ñeñño'marña sapa'čho'ña te'pa' o' e'ñe etserra sorrtaterñña sam'a attoch se'morrentannerra. Morrentanna'teñets po'ño'chpa' ñeññña atarr sherbets tarro'mar ora allohuen ñeññ ama cohuenaye' enteno Yompor, ñeñññapa' allo'na sen huañuanmats. Ñeññpa' e'ñe atet pena ñerra'mrrate' checmete'pa' allo'na sen metuanmats. Allohuen ñeññ e'ñe po'ño'ch cohuen enten Yompor, ñeññpa' atet ñerra'mrrate' puetare', ñeññña po'ño'ch o' a'puetarsañperres.

⁹ Ñeññña otets ñapa'čho'ña Yomporo' po'puetarenño'tsen tarraña ñerra'm orameñ e'moñe'tyanan pamo'ts, ñapa'čho' orameñ checmeto'tsena.

¹⁰ Tarraña ñeññ e'ñe po'ño'ch muerenaya pamo'tsesha', ñeñññapa' e'ñe Yompor po'puetarenño ye'čhena. Allñapa' ama eñalleña ñeññcha' p'aterrayerr ñeññ ama pocteye' enteno Yompor.

11 Ñeñña e'moñe'tyene' pamo'ts ñapa' orameñ checmeto'tsen. Ñaña'pa' atet pena ñerra'mrrate' puesheñarr ñeñt' checmetch chopeñe'chyen, ama eñoteñe erreñette'ña sen tarro'mar checmete'pa' ñeñña a'nataclle'chene'.

12 Nechemerneshacha' sa so'chñarpa' o' apretna'huareterra Cristeshot, ñeñfo'marña te'pa' atet nequellquënnas.

13 Ñaña te'pa' o'ch notas saña allohuenes ñeñtes e'ñe pompornesha' penset. Sa te'pa' o' señoter Cristo ñeñt' e'ñe ahuatoteñ eñall ama't e'ñe allempoteñ ama ayeçhcatarettena' pats; ñeñfo'marña te'pa' atet nequellquënnas saña. Ñaña te'pa' o'ch notas saña allohuenes ñeñtes huepueshares, sapa' o' e'ñe satpare'ter oneñet; ñeñfo'marña socop te'pa' atet nequellquënnas saña.

Ñaña sa nechemerneshacha' te' sapa' o' e'ñe señoter atet penaña Yompor Parets; ñeñfo'marña te'pa' atet nequellquënnas e'ñe socop.

14 Ñaña sa ñeñtes pompornesha' e'ñe penset, sa te'pa' o' señoter Cristo ñeñt' e'ñe ahuatoteñ eñall ama't e'ñe allempoteñ ama ayeçhcatarettena' pats; ñeñfo'marña te'pa' atet nequellquënnas. Ñaña sa ñeñtes huepueshares, sapa' atarr ahuañencates tarro'mar Yompor po'ñoñpa' o' e'ñe çhaponasa seyoçhro ñeñfo'marña sapa' o' atarr satpare'ter oneñet; ñeñfo'marña te'pa' atet nequellquënnas.

15 Amachña aña atarr semorrentatsto allohuen ñeñt' yentyen aña patsro tarro'mar ñerra'm aña atarr yemorrentena ñeñt' aña patsro'tsenpa' Yomporña Parets po'ñoçhpa' amach yemorrenteño, (ñeñfo'marña amach errotenot çhaponayoña yeyoçhro ñeñt' atet muenen ña).

16 Allohuen ñeñt' eñall aña patsro, atet ñerra'm ñeñt' atet muenatyenyey yechets, ñaña ñeñt' yeye'chapretyena e'ñe ya yecueñot, ñaña ñeñt' e'ñe yemenen ya o'ch e'ñe cohuen entapretyenet, ñeñña allohuenpa' ama Yomporeshoteye' hueno, ñeñtpa' aña patsro'marnesha poçtapaña.

17 Allohuen ñeñt' yentyen aña patsropa' ñeñtpa' atarr ahuañaña, ñaña ñeñt' yemnats'e'tyen aña patsro ñeñtpa'çho'ña atarr ahuañaña. Tarraña ñeñt' atet petsa ñeñt' e'ñe atet muenen Yomporpa' ñeñt'ña'pa' amach huañerro ama't errponaña.

Atet pena cotapñats ñeñt' e'ñe po'ñoçh Yompor poçtapaña ñaña atet pena po'poñ cotapñats ñeñt' shequëntsa

18 Te' nechemerneshacha' o'ch notas po'poñoneñ. Te'pa' o' mame-shamerra o'ch huañerr allempochña mellapoterra. Atet se'myen te' ñeñtpa' allempochña orrterra ñeñt'cha' atarr e'moñe'terre' Cristo pueyochreshohuen. O' e'ñe tayoteñ orretyesa shonte' ñeñt' çhocma e'moñe'tene' Cristo. Ñeñfo'marña te'pa' yeñoteñ o' mellapoterrmocha.

19 Ama't ahuañmo'cha e'ñe parrocmaya yapçhañe't ñeñta te'pa' o' ahuanmuet ellonet o' sohuanerryet tarro'mar po'ñoçhpa' ama allohuenacmaye' yeparrocma'terro. Ñerra'm po'ñoçhcha' allohuenacmay yeparrocma'terreñ allempoña ñetpa' allo'tsa'yenetañate' ñamet yesho. Tarraña te'ña ñetpa' o' ahuañerret ellonet attoña o' yeñoterranet po'ñoçhpa' ama allohuenacmaye' yeparrocma'terro.

20-21 Tarraña te'ña sapa' Cristoña sechorratenayaña Parets Puecamquëñ. Attoña allohuenes o' e'ñe señotuer. Sapa' o' e'ñe señotuerr ñoñets ñeñt' po'ñoçh, ñeñtpa' ama shequëntsoyaye. Te' sapa' ama e'ñe sepallteñoteye' nequellquënnaso ñeñt' atet poçtetsa socop. Tarro'mar sapa' señoteñ ñeñt'

ñoñets shequëñetspa' ama Yomporeshoteye' hueno tarro'mar ñeññ Yompor po'ñoñpa' ñeñña e'ñe po'ñoñ ama shequëñtsoyaye.

²² Te'ña sapa' señocheпа'ch ñeññ atarr nanac ashcañtetsapa' ñeññca'yeña otets Jesúsapa' año' Cristoyaye ñeññ atarr yecuen ya ahuatoteñ ñeññcha' llesenserr Yompor. Ñeñño'marña ñetpa' cha e'moñe'teñeña Cristo, ama choye' ame'ñeñeto, Pompore'naña ama ame'ñeññañeto, cha a'nasoteñet.

²³ Allohuen ñeññ a'nasotenaya Yompor Puechemer, ñetpa' Pompore'naña ama aguëññañeto. Tarraña allohuen ñeññ otets, Jesúsapa' Yomporo Puechemer ñeññ Cristotets, ñetñaпа' e'ñe aguëññañet Pompore'.

²⁴ Ñeñño'marña o'ch notas, Yompor po'cohuenña ñeññ se'muerr ahuañmo'choteñ, te'ña sa atto o' e'ñe señoter seyoçhro allo'nepa'ch sesen ame'ña'nmatsa allochñaпа' attoch e'ñe cohuen separrocmaterr epas Yompor Puechemer ñaña epas Yompor Parets.

²⁵ Jesucristopa' atet oñterrey o'ch apuerrey e'ñe po'ñoñ attochña yapa' corretsayach yocsheñeshocmañen tayoteñ e'ñe errpoñañohuen.

²⁶ Ñeññ notenes añ nequellcot ñeññpa' añeçpa nequellquënnas attoch sapa' e'ñech señoter allochñaпа' attoch ama sa'shcaretterro.

²⁷ Tarro'mar Jesucristo o' chorraterresa Parets Puecamquëñ, ñeñño'marña sapa' ama sepallteno o'ch esesha' yeçhatas tarro'mar ñapa' eñotatascha' allohuen. Ñaña ñeññcha' atet yeçhaterres ñapa' e'ñeca'ye po'ñoñ atet, ñeññpa' ama shequëñtsoyaye. Ñeññ atet yeçhatenes sapa' allo'nepa'ch sesen parrocmatenaya Cristo.

²⁸ Te'ña nechemerneshacha' allo'nepa'ch sesen parrocmatenaya Cristo allochñaпа' ñerra'm esempoch huerra ñapa' ñachña e'ñe seyemtapuerra attoch sapa' amach cha sepencapuero ñerra'm esempoch huerra.

²⁹ Ñehua, sa te'pa' o' e'ñe señoter Jesucristo ñapa' e'ñe poçte' es pa'yen. Ñeñño'marña señocheпа'ch ñaña allohuen ñeññ e'ñe poçte' es orrtatyets ñeññapa' e'ñe po'ñoñ puechemer peñ Yompor.

3

Yomporpa' e'ñe puechemerasha' peney

¹ Te' sapa' çhosaña e'ñe cotape'cherre', Yomporpa' atarrca'ye nanac morrentenya. Ña e'ñe puemorreneteñoçey ñapa' e'ñe puechemer peney, ñeñño'marña yapa' e'ñe po'ñoñ Yomporena'tarey. Ñeñño'marña acheñenesha' arr patsro ñeññ ama ame'ñetso ñetñaпа' ama eseshaye' eñotenayeña ñeññ atet yocape'chyen Yomporecop tarro'mar Yomporpa' cho'ña ama eseshaye' eñotenaye ñeññ atet cotape'chen ña.

² O'ch masheñeshacha' ñaña noçhaneshacha' o'ch alla noterrserre, te'ña yapa' e'ñe po'ñoñ puechemer peney Yompor. Ama't ama e'ñe eñotatenya' erroteneycha'ña ya esempohuañen tarraña yapa' e'ñe yeñoteñ ñerra'm esempo orrterra Jesucristo, yañapa' e'ñech attey yaña ñerra'm ña tarro'mar allempo yapa' yentercha' ñeññ atet atarr cohuentena ña.

³ Allohuen ñeññ atet ame'ñetsa, ñetña e'ñe pueyemteñoçet cohuañe'teñet, attoña ñetpa' e'ñech cohuen a'cohuentaterrretterret ñamet e'ñech atet ñerra'm Jesucristo ñeññ e'ñe cohuenare' es orrtatyets.

⁴ Allohuen erra'tsen ochña'tetspa' ñeñññaпа' cha atpare'tenan Yompor po'ñoñ ñeññ atet anaret. Tarro'mar ñerra'm esempo yatpare'ten ñoñets ñeññ atet anaret, ñeñña yapa' çhach yeyoren yo'chñar.

5 Sapa' e'ñe señoteñ Cristo ñapa' tarro'mar huapa arr patsro ñach ahuanerre' ya yo'chñar ama't ñapa' ama eñalle po'chñar ama't coñe'ta.

6 Ñeñto'marña allohuen esesha'ch parrocmaterre' Cristo, ñetñapa' ama choye' ochña'tare'teneto. Tarro'mar ñeñt atarr ochña'tare'tetspa' ñeñtñapa' ama puentaranoña Cristo, ama cheññañoña pueyo'chro ñeñt atet pena Cristo.

7 Nechemerneshacha' sapa' señoche'pa'ch ñeñt'cha' atet noterr'serr te', allochñapa' attoch amach esesha' seshquërraye. Po'ño'ch ñeñt orrtatyene' ñeñt e'ñe pocte' enten Yompor, ñeñtña po'ño'chpa' e'ñe cohuen acheñer, e'ñech atet pena ñerra'm Cristo ñeñt e'ñe pocte' es pa'yets.

8 Tarraña ñeñt chocma orrtatyene' ñeñt ama pocteye' enteno Yompor, ñeñtña acheñerpa' po'ño'ch oneñe'tena'tar, tarro'mar oneñe'tpa' e'ñe ahuatoteñ ñapa' aña orrtatyes ñeñt ama't mameshapa' ama pocteye' enteno Yompor. Ñeñto'marña Yompor Puechemerpa' huapa, allochñapa' ñach e'nuerre' atet patse'tyena oneñe't.

9 Allohueney ñeñtey po'ño'ch eñallete'rrtsa Yomporotpa' amach allo'na yo'chña'tare'tneno tarro'mar yapa' o' yey'cherrñañ ñeñt atet pena Yompor Parets. Yapa' po'ño'chpa' o' ye'ñallete'rra Yomporot ñeñto'marña amach errento't alla yo'chña'tare'terre'te.

10 Arrpa' attoña yeñoteñña ñeñt Yomporena'tar ñaña ñeñt oneñe'tena'tar. Allohuen ñeñt ama pocteye' es orrtatyetso ñeñt ama morrentenaye pamo'tsesha', ñetñapa' amaca'ye Yomporena'tareyayeto.

Amorrentanna'tpahuepa'ch yentannena e'ñe allohueney

11 Añ ñoñetspa' e'ñe ahuatoteñ eñotatasete't amorrentanna'tpahuepa'ch e'ñe allohueney.

12 Amach atet yepatsto atet pa' ahuat Caín, ñapa' oneñe'tena'tara. Ñaña'pa' pa'mo'nasheña muetsa. Tarro'marca'yeña muetse ñapa' amaca'ye cohuenaye' cotape'che'te; pa'mo'nasheña Abel ñeñt muetsa, ñaña'pa' e'ñe cohuen cotape'che't Yomporecop.

13 Ñeñto'marña masheñeshacha' ñaña no'chaneshacha' e'ñepa'ch seño'ta sapa' ñeñto'marcha'ña e'moñe'tasña acheñenesha' añ patsro ñeñt ama ame'ñetso.

14 Tarraña ya e'ñe yemorrenteño' yamo'tspa' e'ñe yeñoteñ yapa' o' yem'tanerrña allcha' e'ñe poctacma yerromuerreñ. Yapa' o' yecherr allña yapa' corretsayach. Ñeñtña ama muerenayo pamo'ts ñetñapa' allo'tsenareta allcha' e'ñe rromuerret e'ñe poctacma.

15 Allohuen ñeñt cha' e'moñe'tyenan pamo'tspa' ñeñt po'ño'chpa' amtsaña enteñña Yompor. Ama't e'ñe sapa'cho'ña señoteñ ñeñt amtsaña' pueyo'chropa' ama eñalleña attoch ñapa'cho'ña corretsach tayoteñ e'ñe erponañohuen.

16 Arrpa' attoña e'ñe yeñoteñña ñeñt atet penaña e'ñe po'ño'ch morrenteñets, attoña Jesucristopa' arroya ñañeña attoch rroma yocop. Yapa'cho'ña e'ñepa'chña pocte' yeñch o'ch ya'rroya yañeña attoch yerroma yamo'tseshacop.

17 Tarraña yaña ñerra'm yechyen attoch e'ñe cohuen yocrena arr patsro, allempo yenteñ yamo'ts cha' atarr es pallta'yenet yañapa' ama yemorrenteño, Yomporpa'cho'ña ama't e'ñe mameshapa' amaca'ye yemorrenteñoña yeyo'chro.

18 Amach nechemerneshacha' e'ñe yeññoñochaya yotanna'tatsto atarr yemorrentannena. Chochña yorrtatyesña yemorrenteña e'ñe po'ñoñch atet es yepa'yen po'psheññecop e'ñe cohuen.

Attoch e'ñe cohuen yeyemtera Yompor

19 Alloña yapa' e'ñech yeñotena yapa' e'ñe po'ñoñchey ñeññey atet petsa e'ñe cohuen. Ñeñño'marña yapa' e'ñech yeñmataten yeyo'cher Yomporeshonēt.

20 Tarro'mar ñerra'm ama e'ñe yeñmañeshocmaye' es yepa'yeno Yomporecop, Yomporñapa' elloña e'ñe po'ñoñch atet eñoteny tarro'mar ñapa' ña atarr eñotañesha'.

21 Tarraña nechemerneshacha' ñerra'm e'ñe yeñmañeshocmañen es yepa'yen Yomporecop ñeññepñapa' Yomporcha'ña e'ñe cohuen yeyemtena.

22 Atto yame'ñerrñaña po'ñoñ ñeññ atet oteneý, ñapa' atarr coshenya; ñeñño'marña ñerra'm es yenamueñ, ñapa' 'chocmach e'ñe po'ñoñch apueneý.

23 Yompor po'ñoñot atet oteneý o'ch e'ñe cohuen yame'ñerrñaña Puechemer ñeññ Jesucristo. Ñaña oteneý amueranna'terrapo'ch allohueneý, atet oteneýña ña.

24 Erra'tsencha' e'ñe cohuen ame'ñenaya Yompor po'ñoñ ñeññ atet oteneý, ñetñapa' e'ñe parrocmatenet epuet Yompor. Ñeñño'marña yeñoteñ yeparrocmaten, Parets Puecamquëñoñ ñeññ chorratenya ñeññña yeñotatene'ña e'ñe yeparrocmateña Yompor.

4

Attoch yeñoch erra'tsente'ña ñeññ e'ñe po'ñoñch eñoraten Yompor Puecamquëñ; attoch yeñoch ñaña ñeññ epatare'tene' Yompor poctapña

1 Ñaña te'pa' o'ch masheññeshacha' ñaña no'chaneshacha' noterrserri, sapa' ñato't same'ñena'ña allohuen pa'namen cotapññats tarro'mar ñetpa' ama't otenetañ Partso' Puecamquëñ eñoratenahuet, sapa' 'chochña seño'tyesña ñeññ pa'namen cotapññatser attochña sapa' e'ñe seño'ch erra'tsente'ña ñeññ e'ñe po'ñoñch huetsa Yomporeshot. Tarro'mar shonteñ ñeññ otetseñ ñetpa' Yomporo' po'ñoñ a'ñtenet tarraña ñeññpa' ama Yomporeyaye po'ñoñ. Ñeññpa' errañaren o' orretyesa añ patsro.

2 Arr sapa' alloch seño'ch erra'tsente'ña e'ñe po'ñoñch eñoratenña Parets Puecamquëñ: Erra'tsencha' otats Jesucristopa' ña po'ñoñch partsot acheñetos arr patsro, ñeññña cotapññatserpa' e'ñe po'ñoñch Parets Puecamquëñ eñoratene'.

3 Erra'tsencha' ñeññ amach atteye' otetso Jesúsocop, ñeññña cotapññatserpa' ama po'ñoñch Parets Puecamquëñ eñoratenahueto. Ñeññpa' ñeññña po'ñoñch e'moñe'tene'ña Cristo ñeññ atet se'mare'tyese't o'ch huapa. Te'ñapa' o' orrtonaya añ patsro.

4 Saña po'ñoñch nechemerneshacha' e'ñe po'ñoñch Yomporena'tares tarro'mar sapa' ama ña se'ññoteno atto pa'namenot shecare'tyensetañ. Yompor Puecamquëñ ñeññ sechorrenayapa' ñeññña sapa' atarr ahuamencattatenes. Ñeññña chorrenaya añ patso'marnesha'pa' ñapa' ama e'ñeye' ahuamencattatenaneto.

5 Ñeññña shecare'tyets e'ñe ñet poctapñño'tet po'ñoñchpa' patso'marnesheta. Ñeñño'marña ñerra'm eñosetpa' añach serrpare'tyenet ñeññ patso'marecpa. Ñeñño'marña ñetpa' patso'marneshach e'ññotenuhuet.

6 Yaña po'ñoñchpa' Yomporena'tareý. Ñeññ po'ñoñch eñotene' Yompor, ñetñapa' e'ñech cohuen e'ññotenyet ya. Ñeññña ama Yomporena'tareyaye,

ñetñapa' amach e'mñoteneyeto. Yapa' alloña yeñotenña cotapñats ñeñt po'ñoç huetsa Yomporeshot attoña yeñotenña ñaña cotapñats ñeñt shequëñets.

Atto Yomporpa' ña atarr amorrentañtetsa

7 Masheñneshacha' ñaña noçhaneshacha' amueranna'tpahuepa'ch allohueny tarro'mar ñeñtapa' Yomporeshot huena. Allohuen amorrentñapa' ñetpa' o' eñalleterret Yomporot, po'ñoç o' eñoteret ñeñt atet pena Yompor.

8 Ñeñña ama amorrentñopa' ñocpuepa' ama eñoteñetoña atet penaña Yompor, tarro'mar Yompor ñapa' ña atarr amorrentañtetsa.

9 Añpa' Yompor orrtate' yocop allochñapa' yapa' o'ch yeñoter Yomporpa' atarr morrentenya. Attoña mueñan Puechemer arr patsro ñeñt po'patrorr pen attochña yapa' corretsayach e'ñe ñeshoç.

10 Arrpa' all orrtatonay Yompor ñeñt e'ñe po'ñoç morrenteñets: Allempo ya ama't mameshapa' ama yemorrentpeño Yompor, ñañapa' allemptetñ atarr morrentenya ya. Ñeñto'marña ñapa' mueñonay Puechemer ñeñtcha' yetsa'terroya yo'chñar.

11 Ñeñto'mar masheñneshacha' atto Yomporpa' atarr nanac morrentenya, yapa'cho'ña e'ñepa'chña yemorrentanna'tuena allohueny.

12 Yomporpa' ama esesha' puentare. Tarraña ñerra'm e'ñe yemorrentanena allohueny, po'ñoçhpa' e'ñe yeparrocmaten epay Yompor. Ña puemorrenteñapa' e'ñech chorrenya poctacma.

13 Ña atto apuerrey e'ñe ña Puecamquëñ ñeñtña yeñotatene'ña yapa' e'ñe yeparrocmaten epay Yompor.

14 Ñaña yapa' e'ñe yentuone't Yompor Puechemer ñeñto'marña ya te'pa' o' ya'potonas saña atto Yompor po'ñoçhpa' mueñonay Puechemer ñeñtcha' ya'queshpaterre' ya ñeñfey yecha'yetsa añ patsro.

15 Ñeñt ame'ñenaya Jesús ñapa' po'ñoç e'ñe Yomporo Puechemer, ñetñapa' e'ñe parrocmatenet epuet Yompor.

16 Attoña ya te'pa' e'ñe yeñoteñ ñaña yame'ñeña atto Yomporpa' atarr morrentenya. Yompor ñapa' ña atarr amorrentañtetsa. Ñerra'm e'ñe po'ñoç yemorrentanena po'ñoçhpa' o' yeparrocmaterr epay Yompor.

17 Attoña yapa' e'ñech cohuen yemorrenteña Yompor e'ñe poctacma, allochñapa' yapa' amach yemcha'nañoçayaya yeyemtero Yompor ñerra'm esempohuañen eñotatyesuerrey e'ñe errotentcha' entyesuerrey. Tarro'mar e'ñe atet pena Jesucristo, yapa'cho'ña e'ñech atet yepena yaña arr patsro.

18 Ñerra'm po'ñoç yemorrenteña Yomporpa' amachña cha yemcha'teñe. Tarro'mar atto e'ñe poctacma cohuen yemorrentanena epay Yompor, ñeñtña po'ñoç yehuapore'tampene'ña yemchañ. Ñerra'm esempo cha es yemcha'tenpa' attoña e'ñe yañeña coñchatetsa. Ñaña ñerra'm orameñ yemcha'ten amaca'ye e'ñe yeychena'ña attoch e'ñe cohuen yemorrentanena e'ñe poctacma.

19 Yomporpa' o' e'ñe morrenterrya yanom, ñeñto'marña yapa'cho'ña te'pa' o'ch e'ñe yemorrentera yaña.

20 Ñerra'm esesha' otets, ñapa'cho'ña e'ño' cohuen morrentenana Yompor, tarraña ñerra'm cha e'moñetyan pamo'ts, ñeñtña atet otetspa' attaca'ye shequëñ. Atto ama morrentenano pamo'ts ama't ñeñtapa' e'ñe enteñ, amach errotenot morrentanoña ñaña Yomporña' tarro'mar ñeñtapa' amaca'ye choye'enteñe.

21 Yompor po'ñoñ ñeñt̃ yotene': Ñerra'm po'ñoñ yemorrenteña Yompor, yamo'tspa'cho'ña e'ñepa'chña cohuen yemorrentenanet.

5

E'ñe yeyemteñoĩ Cristo chocmach pomnaren yepen allohuen ñeñt̃ ama pocteye' enteno Yompor arr patsro

1 Allohueney erra'tseneycha' ame'ñerraya Jesúsapa' ña Cristotats ñeñteyña yapa' o' e'ñe puechemer perrey Yompor. Ñehua, yeñoteñ arr patsro ñerra'm yemorrenteña puesheñarr acheñ ñeñt̃ achemereshat, puechemereshana'ña e'ñe yemorrentuena.

2 Ñeño'marña yeñoteñ ñama ñerra'm esempo yemorrenteña Yompor ñaña yame'ñerrñaña po'ñoñ atet oteneý, aña'ña e'ñe yemorrentuena ñeñt̃ puechemereshana' pen Yompor.

3 Atto yemorrenteña Yompor choch yame'ñerrñaña po'ñoñ ñeñt̃ atet oteneý. O'ch e'ñe yepena ñeñt̃ atet oteneý, ñeñt̃pa' ama torrapahuoyaye.

4 Tarro'mar allohueney ñeñtey puechemer pen Yompor, yañapa' e'ñe yeyemteñoĩ Jesús chocma pomnaren yepen allohuen ñeñt̃ ama pocteye' entyeno Yompor arr patsro.

5 Allohuen ñeñt̃ ame'ñenaya Jesús ñapa' Yomporo' Puechemer, ñetña e'ñe ñap̃tet pomnaren penetña allohuen ñeñt̃ ama pocteye' entyeno Yompor arr patsro.

Allpon ñeñt̃ yeñotaterre' Jesucristopa' e'ñe po'ñoñ Yomporeshot huapa

6 Ñeña Jesucristo allempo huapa arr patsro eñall ñeñt̃ yeñotaterre'ña ñapa' e'ñe po'ñoñ Yomporeshot huapa. Ñeñt̃ ñanompa' allempo atto apataretta Yomporcop oño. Tarraña ama e'ñe ñap̃ta oña yeñotataye ñapa' e'ñe po'ñoñ Yompor Puechemer. Po'rraso'ñaña yeñotate'ña allempo acorso'tam̃psaretterra; ñapa' e'ñe po'ñoñ Yompor Puechemer. Ñama Parets Puecamquẽñ ñeñt̃pa'cho'ña ña yeñotaterre'ña Jesúsapa' e'ñe po'ñoñ Yompor Puechemer tarro'mar Parets Puecamquẽñpa' erroten es eñotateney ñeñt̃pa' e'ñe po'ñoñ atet.

7 Ñama eñall ma'pa ñeñt̃ pue'ntaño'tsen ñeñt̃ña yeñotatene'ña ya. Ñeñt̃pa' Yompor Parets ñama po'ñoñ ñama Puecamquẽñ. Ñetpa' ama't ma'po'maret e'ñe patra atet petsa.

8 Ñama arr patsro eñall ma'pa ñeñt̃ña yeñotatene' Jesúsapa' ña po'ñoñ Yompor Puechemer. Ñeñt̃pa' Parets Puecamquẽñ, allotpa' oñ allempo apataretta Yomporcop allotpa' ñama po'rras atto acorso'tam̃psaretterra. Ñetpa' ama't ma'po'maret eñotatenet, e'ñe patra eñotatyenet ñeñt̃ Jesús ñapa' e'ñe po'ñoñ Yomporo Puechemer.

9 Ñehua, arr patsro chocma e'ñe pocte' yenteñ ñeñt̃ atet eñotateney acheñ tarro'mar ñeñt̃pa' chocma sherbeney. Ñama ñeñt̃ atet eñotateney Yompor elloña ñeñt̃pa' atarr nanac sherbeney. Tarro'mar ñeñt̃pa' e'ñe ña Puechemerecop eñotateney Jesúsapa' Yomporo Puechemer.

10 Ñerra'm esesha'ch ame'ñerraya Yompor Puechemer, ñeñt̃ña' echerrancha' e'ñe ña pueyo'chro ñeñt̃cha' eñotaterre' e'ñe pocte' o'ch e'ñe yemterrana Jesucristo ñeñt̃ e'ñe po'ñoñ Yompor Puechemer. Ñeñt̃ña ama ame'ñenayo Yomporpa' cha ottatateñ ñerra'mrrate' ñapa' atarr ashcañ tarro'mar ñeñt̃ acheñerpa' ama ame'ñenano Yompor ñeñt̃ atet eñotateney Puechemerecop.

11 Yomporpa' atet eñotateney atto yapa' apuey Puechemer, e'ñe ñeshoñña yapa' corretsayach yocsheñeshocmañen tayoteñ e'ñe errponañohuen.

12 Ñeñña aguërre' Yompor Puechemer aña'naña o' aguërret attochña ñetpa' corretsetach tayoteñ e'ñe errponañohuen. Añña ñeññ ama aguërraye Yompor Puechemer, ñetñapa' amach esesha' aguërraye alloch correrret.

All pa'namen cotape'chatnerranet e'ñe allohuanen allempo so'tnerranet po'cartot

13 Ñeññ allpon o' nequellconas sa ñeññes ame'ñenaya Yompor Puechemer, sapa' ñeññcha'ña señotaterre' po'ñoçh sapa' corretsasach socsheñeshocmañen e'ñe tayoteñ errponañohuen.

14 Yapa' e'ñe yeyemteñoñ Yompor ñeñño'marña yeñoteñ es yenamñ ñeññ pocte' enten ña, yapa' çhocmach e'mññoteny.

15 Ñaña atto yeñoteñ ñapa' çhocma e'mññoteny ñerra'm es yenamñ ñeñño'marña yeñoteñ e'ñe allorocma o' yo'patataretta ñerra'm escha' yenamueñ.

16 Ñerra'm eseshascha' eñote' samo'ts ñeññ atet pene' ñeññ ama pocteye' enteno Yompor, ñeññña po'chñarpa' ñerra'm ama añecpayaye alloch rromuerr attoch chenquërra e'ñe poctacma, sañapa' añcha' senamoñ Yompor attoch ñach a'crraterre' e'ñe puecamquëñoñ. Yomporpa' o'ch a'crrater ñerra'm po'chñarpa' ama añecpayaye alloch rromuerr attoch chenquërra e'ñe poctacma. Po'ñoçhpa' eñall yo'chñar alloch yerromuerr attoch yechenquërra e'ñe poctacma. Ñeñño'marña napa' ama añecpaye' notenso sapa' çhocmach sema'yochampeña ñeññcha' chenquërtsa e'ñe ña patpare'teñoñ.

17 Ñehua, yeñoteñ allohuen ñeññ ama pocteye' enteno Yompor ñeññpa' ochña'teñets enteñ Yompor. Tarraña eñall ñaña ochñarets ñeññpa' ama añeyaye ñeññ alloch yerromuerr attoch yechenquërra e'ñe poctacma.

18 Yeñoteñ allohueneñ ñeññey po'ñoçh eñalleterrtsa Yomporotpa' amach allo'na yeña'nenno ñeññ ochñarets enten Yompor. Tarro'mar Yompor Puechemerpa' çhocma cohuanpeney ñeñño'marña oneñeñpa' ama't e'ñe mameshapa' amach alla errot perrye'ñe.

19 Te'ña yapa' yeñoteñ o' yeyomporena'tarterra ya. Po'potantañña acheneshasha' arr patsro ñeññ ama ame'ñetso, ñetñapa' aña yochresha'tenahuet oneñeñ.

20 Yañapa' yeñoteñ ñeññ Puechemer pen Yomporpa' ñañapa' o' huapa. Ñaña yeçhapaterre'ña yeyoçhro attochña yapa' o'ch yeñoter Yompor ñeññ e'ñe po'ñoçh Parets. Ñeñño'marña yeñoteñ o' yeparrocmaterr epay ñeññ e'ñe po'ñoçh Yompor Puechemer ñeññpa' Jesucristo. Attoña yapa' o' e'ñe yeñoter Yompor ñeññ e'ñe po'ñoçh Parets, ñeññña yapa' allochña e'ñe corretsayach yocsheñeshocmañen tayoteñ e'ñe errponañohuen.

21 Te'ña nechemerneshacha' sapa' e'ñech señoñnoma, ñato'tña seyomporer sepeña'ña po'poñ ñeññ ama po'ñoçh Partsoyaye. Te'pa' ñeññach notas, ñeññpa' attetepa'ch Nompore. Allohua.

Juan

AÑ PUEPAÑ SAN JUAN PO' CARTA 2 SAN JUAN

Attoch cohuen yemorrentannena e'ñe po'ñoçh atet oteneý Yompor po'ñoñ

¹ Napa' na ñeñten pompor pen allohuen ñeñt ame'ñenaya Yompor, te'pa' o'ch nequellconas añ carta. O'ch nequellconañ pa ñeñteþ e'ñe noçhesha' nepeneþ, pa ñeñteþ o' acerr Yompor. O'ch nequellconañ ña'ña ora pechoyoreshohuen ñeñt e'ñe pachor pepene'. Napa' e'ñe po'ñoçh atarr nemorrentensa, ama e'ñe napa nemorrentenso, elloña po'potantañeçhno ñeñt o' enterran ñeñt e'ñe po'ñoçh Yompor po'ñoñ, ñetpa'çho'ña e'ñe morrentuenset.

² Tarro'marña sapa' atarr yemorrentensa atto yapa' o' e'ñe çhernaya ya yeyoçhro ñeñt e'ñe po'ñoçh Yompor po'ñoñ. Ñeñtpa' allach e'ñe a'puena yeyoçhro errronañohuen.

³ E'ñe nehuomçha'teñoñes sa napa' o'ch notas: Yomporepa'ch sebensare'tamþene' ñeñtara Parets epuet Puechemer Jesucristo ñeñt Yepartseshar yepen. Ñetepa'çhña semuerenaya attochña sapa' e'ñech cohuen socshena seyoçhro. Ñeñtpa' añecop attochña sapa' señoñterñaña ñeñt e'ñe po'ñoçh Yompor po'ñoñ attochña sapa' o'ch semorrentannerra e'ñe cohuen allohuenes.

⁴ Te'pa' o'ch notañ, pa ñeñteþ e'ñe noçhesha' nepeneþ na atto nentenaþ puesheña'tets ñeñt pechoyoresha' pepen, ñetpa' çhocma e'ñe cohuen cotape'cheññañet Yompor Parets po'ñoñ ñeñt e'ñe po'ñoçh atet oteneý, napa' ñeñña atarr nochshatene'.

⁵ O'ch noçheshaça' neyerpataþa, allo'nepa'ch amorrentanna'tpo' sentannena allohuenes. Ñeñt atet noteneþ arr nequellcotpa' ñeñtpa' ama añeyaye ñoñets ñeñt ama se'mare. Ama't allempoteñ e'ñe errte' same'ñerrapa' allempoteñ se'muerrña ñeñt ñoñets.

⁶ Ñerra'm yemneñ yemorrentanna'tapa' añcha'ña atet yepohuerra ñeñt atet oteneý Yompor. Ñerra'm añ yemneñ o'ch e'ñe atet yepohuerra ñeñt atet oteneý Yomporpa' çhocña e'ñe cohuen yemorrentannerra allohueney. Ñeñtpa' e'ñe ahuatoteñ atet serrpare'tatyesasete't.

Atet pena ashcañnesha' ñeñt çhocma e'moñe'tene' Cristo

⁷ Ñeñto'marña te'pa' atet notenes tarro'mar ñeñt shequëne' acheñpa' o' epa'hua añ patsro. Shonte'ch ñeñtcha' shequëne' acheñ, ñetpa' atet otyenet Jesucristo ama partsoye' acheñetostso. Ñeñt otets atetpa' ñeñña po'ñoçh ashcaña ñeñña e'moñe'tene' Cristo.

⁸ Sapa' e'ñech señoña allochñapa' amach shecaso. Ñerra'm shecas allempopa' e'ñete' orrena setorrerra Yomporecop. Añcha'ña setorrrena attochña sapa' e'ñech sagaphuerr ora allpon ñeñt alloch tsa'tuerrsa ña.

⁹ Ñerra'm erra'tsencha' ama atecmaye' yeçhatatso ñeñt atet yeçhateneý Cristo, ñerra'm çha a'po'poñeteñña po'ñoñ, ñeñt atet petsapa' amach Yomporeye' yemteno. Añcha'ña erra'tseneyte' allo'na cotene' Cristo po'ñoñ yapa' e'ñe po'ñoçh yeyemteña Yompor Parets e'ñe Puechemere'na.

¹⁰ Ñerra'm esesha'ch huapatsa sesho ñapa' atetçha' otos ñapa'çho' año' yeçhaten Yompor po'ñoñ tarraña ñapa' ñerra'm ama ateye' yeçhateno

atet yečhaten Cristopa' ñehua, amach sagapatsche sepaclo. Ama't sehuomñcha'teñoŋapa' amach sotatsche, "Yompore't pa'natenaya."

¹¹ Amach sehuomñcha'tatsche tarro'mar ñerra'm sehuomñcha'teñ, sapa' ñeñfate' seyčhaprech ñeñf ama po'ñočoyaye.

Atto so'terranet po'cartot

¹² Shontemeñ po'poñečno ñeñtcha' notaseñ tarraña ama nemno o'ch e'ñe notuas arr necartot. Tarro'mar napa' nesechena o'ch nemo'tensa' allempochña attoch yeserrpare't e'ñe parro, attochña e'ñech cohuen parro yocsherra.

¹³ Añ pemo'nerr puechyoresha'pa' ñetpa' huomñcha'tenpet ñamet arr necartot. Ñetpa'cho'ña ñeñfet o' acerranet Yompor. Te'pa' ñeñfach notas, Yomporepa'ch sa'nataya. Ñeñtpa' attetepa'ch Nompore. Allohua.

Juan

AÑ POMA'PAÑ SAN JUAN PO' CARTA 3 SAN JUAN

Atto Juanpa' eñotenan Gayopa' e'ñe cohuen ame'ñena

¹ O'ch masheñe Gayo nequellconap añ carta, napa' na ñeñfen pompor pen allohuen ñeñf ame'ñenaya Yompor. O'ch notap, napa' e'ñe po'ñoçh atarr nemuerenpa.

² Ñehua, masheñe çhocma nema'yochampenpa allochñapa' Yomporpa' e'ñech a'natenpa. E'ñepa'ch cohuen pehuonchena, tarro'mar napa' neñoteneþ e'ñe pecamquëñoþpa' e'ñe cohuen poctape'chen Yomporcop.

³ O'ch notap, napa' atarr nocsha allempo huerra masheñesha' peshot. Ñetpa' atet serrpare'tatuernret papa' e'ño' po'ñoçh cohuen þame'ñena, e'ño' cohuen poctape'cheññañ Yompor po'ñoñ ñeñf e'ñe po'ñoçh atet oteneý.

⁴ Allempo ne'mare'tas atto sapa' e'ñe cohuen soctape'chen ñeñf e'ñe po'ñoçh atet oteneý Yompor po'ñoñ, napa' ñeñña atarr nocshatene'; ama eñalle po'poñ ñeñf atet atarr nocshatene'. Napa' e'ñe atet nentenes ñerra'mrrate' nechemerer ñeñfo'marña napa' atarr nocshensa.

⁵ Ñehua, masheñe o'ch notap, þapa' e'ñe pocte' atet pepena ñeñf atto þaguëñ e'ñe cohuen pepaclo masheñesha' ñeñf huapyetsa po'poñ anetsof.

⁶ Ahuaña allempo yapçhena allohueney ñeñfey ame'ñetsa, ñetñapa' atet serrpare'tatueryet atto papa' e'ñe cohuen pemuerapanet. Ñaña o'ch notap, çhocmach peyenpuenanet, þapanetcha' ñeñf palltenet attoch anerret Yompor po'ñoñ po'poñ anetso. Ñerra'm atet pepenapa' ñeñtpa' e'ñech pocte' enteneþ Yompor tarro'mar ñetpa' Yompor sherbenet.

⁷ Ñehua, ñetpa' o' ahuanmuet attoch serrpare'teññañeta' Jesucristo po'ñoñ tarraña ñetpa' ama mueneñeto o'ch es apapanet ñaña ñeñf ama ame'ñetso.

⁸ Ñeñfo'marña yapa' e'ñe pocte' o'ch es yapapanet tarro'mar ñeñtpa' attoña yetorrapretenañña Yompor po'ñoñ.

Atto Diótrespa' ama't mameshapa' ama cohuenaye' entenano ñeñf ame'ñetsa

⁹ O'ch noterrperr po'poñ. O' nequellca'hua carta allohuenacop ñeñf apçhetsa all þa'netsro. O' notuanet ora allpon atet notuaþ arr necar-tof, tarraña Diótrespa' çha achmare'tey. Ñapa' e'ñe pommo'cheñoť e'ñe ñañañapa' aña muenen o'ch pomnaren þa'yenan acheñesha' ñeñf o' ame'ñerrana Yompor, ñeñfo'marña ama e'ññoteny.

¹⁰ Ñeñfo'marña esempoch neçhap peshopa' o'ch neyerpatosanet ñeñf atet pena Diótresfes. Ñapa' çhocma toma'tamþeney attach eñosatse'tyen yocop. Ama ñeñtayaya atet peno, elloña ama aguënano masheñeshaçhno ñeñf anene' Yompor po'ñoñ. Ama aguënaneto ñaña ama muenatanano acheñesha' o'ch aguëñet ñamet masheñeshaçhno. Ñerra'm esesha'ña aguënahuetpa' ñañaþa' o'chçho' mueño'terranet arrot all sapçhena.

¹¹ Ñehua, masheñe þapa' amach peyçhapretatsto ñeñf atet pentapreten ñeñf ama pocteyaye. Papa' aña'ña peyçha' ñeñf pentapreten atto e'ñe pocte' es þa'yenet. Ñeñfo'marña atet noteneþ tarro'mar erra'tsen ñeñf e'ñe pocte' es

petspa' ñeñca'yeña Yompor pueyochresha'; ñeñña ama pocteye' es pa'yetso ñeñña ama't mameshapa' ama eñnotenanoña Yompor.

Atto e'ñe cohuen orrtaten Demetrio

¹² Ñehua, o'ch notap ñaña po'psheññecop ñeñpa' añ pa'so'cheñ Demetrio. Ñaña po'ñoçhpa' e'ñe cohuen enteñ allohuen acheñenesha'. Ñapa' e'ñe atet pena atet oten Yompor po'ñoñ ñeñt e'ñe po'ñoçh cohuen. Ñeñto'marña yapa'cho'ña yeñoteñ ñapa' e'ñe cohuen acheñer. Ñehua, ñapa' e'ñe peñoteny ñerra'm erroten yoten, ñeñpa' e'ñech po'ñoçh atet.

¹³ Shontemeñ ñeñcha' notapeñpa' tarraña amach e'ñe notuape añ necartot.

¹⁴ Tarro'mar napa' atarr nemneñ ahuenepoña neçhap pesho. Ñerra'm esempoch neçhappa' allempochña e'ñe yeserrpare'tatanna'ta parro.

¹⁵ Ñeñt arro'tsa'yen masheñnesha' ñetpa'cho'ña huomcha'tenpet ñeñtara añ necartot. Pañapa' o'ch pehuomcha'tyesanet e'ñe puesheña'tt socma masheñnesha' ñeñt parro'tseneñ. Te'pa' ñeñtach notap masheñe, Yomporepa'chña pa'natenaya. Allohua.

Juan

AÑ SAN JUDAS PO' CARTA SAN JUDAS

Atto Judaspa' quellcan carta allohuenacop ñeñt pueyochresha' pen Yompor

¹ Masheñeshacha' ñaña nochaneshacha', allohuenes ñeñtes o' hua'ñerres Yompor Parets attoch pueyochresha' perres, ñeñtes o' sa' cohuentataretterra Partsocop, ñeñtes e' ñe cohuañpen Yompor e' ñe separrocmateñoj Jesucristo. Ñeñto'marña napa' nequellquënnas añ carta na Judason ñeñten torretsa Jesucristocop.

² E'ñe nehuomcha'teñoñes sa napa' o'ch notas: Yomporpa'chña semuerenaya, ñaña nanquëpa'chña mörrentensa, nanquëpa'chña coshatenes seyöchro.

*Ñeñt ashcañtetsa amach Yomporaye' po'ñoñ serrpare'teno
(2Pe. 2.1-17)*

³ Te'pa' o'ch notas, masheñeshacha' ñaña nochaneshacha' napa' atarr nemneñ o'te' nequellconas attoch neñotatas ñeñt e'ñe errotenotcha'ña a'qeshpataretey e'ñe allohueney ñeñtey ame'ñenaya Jesucristo. Tarraña te'pa' añ nenten ñeñt atarr palltetsa o'ch notas, nanquëpa'ch sema'yöchra añ ñeñt atto yame'ñena attochña e'ñech cohuen semoñena, attoch amach semnateñe ama't puesheñarra o'ch a'po'poñetonaset ñeñt atet yame'ñeña Jesucristo.

⁴ Añecopña notenes tarro'mar chocma orreyena acheñenesha' ñeñt ashcañtetsa ñeñt ama Yomporaye' po'ñoñ cotape'cheneto. Ñet puesheñotetsa' ñato'rraña chate' a'po'poñeterrnayet ñeñt atto po'ñoñ yame'ñerñaña Yompor po'ñoñ. Ñetpa' atetcha' otyeset, e'ñeca'ye pocte' o'ch sosya'tsañechna yeythen tarro'mar Yomporpa' chocma peretnened, ñapa' atarr amueraña ñeñto'mar amach coñchaterrye. Ñetpa' po'ñoñ ama pamo'mtayeye' peñeto Yompor ñeñt ñapueñ Yamo'mte' yepen ya. Ñaña ñetpa' ama po'partseshareye' peñetoña Jesucristo. Tarraña sapa' señoche'pa'ch e'ñe ahuatoteñ anuaretta ñeñt atet petsapa' ñeñtña o'patatenetña coñcheñets.

⁵ Ñehua, sapa' po'ñoñ e'ñe señoñeñ ñeñt atet pa' ahuat, tarraña te'pa' o'ch alla neyerpaterrsa atto Yomporpa' cha coñchatuerran ñeñt alla quechpuerre' ñeñt e'ñe atet otene' Yompor. Ñeñtpa' atet pa' allempo a'qeshpaterran israelneshá' allempo erraneta' Egiptot all atarr amueröchtatarettete't. Tarraña ama't a'qeshpaterranetañ allempo, elloña tsapañonetpa' o' alla a'cclatuerran allohuen ñeñt ama cohuenaye' ame'ñaye'te. E'ñech attecma perran allohuen ama't te' ñeñt ama ame'ñetso.

⁶ Te'pa' o'ch alla neyerpaterrsserr po'poñ ñeñt atet pa' ñaña patanta'tets mellañoñeñesha'. Ñetpa' anaretetañ ñetcha' sherbenet Yompor, tarraña ñeñt atet anaretetañpa' ñetña ellopa' o' a'ypo'ña'nmu'et pue'ntañ e'ñe patpare'teñoñet Yompor. Ñeñto'marña Yomporpa' alla huancanet cadeno ñeñt ama apyapahuoyaye' ama't errronañña alla huapore'tanet nanac checmeto. Ñetñapa' alletach tarremphua esempoch mellapoterra allem-pochña mueñerranet ñaña coñcha'puetso.

⁷ Te'pa' o'ch alla neyerpaterrrerrr ñaña ñeñt atet pe't sodomo'marnesha' ñaña gomorro'marnesha' ñaña allohuen ñeñt allampaño'marnesha' all. Ñetpa' e'ñe atet pete't atet pa patantarr mellañoñeñnesha' atto nanac ye'hcatenet ñeñt nanac sosey enten Yompor. Cañoresha'tyenet nanac ama't yacmapa' agapannena e'ñe parro yacmacma, ñeñt'pa' amaca'ye atteye' anareteye. Ñeñto'marña Yompor allpa' attoña coñchatanet o' etomanñpsanet attoch e'ñe a'poyatatuerranet tso' ñeñt ama emaya'pahuoyaye. Ñeñto'marña yeñoteñ allohueny eñall coñcheñets ñeñt ama ahuañaño.

⁸ E'ñe attecma patse'tyena ñaña ashcañnesha' ñeñt orretyetsa te'. Ñaña ñetpa' po'poñonña es cotape'chyenet ñeñt ama po'ño'ch atteyaye. Attoña ñetpa' a'sosyatenet po'chets e'ñe ñañeñeta. Ñeñto'marña ama't Yepartsesharpa' ama añcha'na'tpahuoye' enteñeto, attoña ama't ñaña allohuen ñeñt ahua-mencatetyetsapa'cho'ña e'ñe achmāre'tueñet.

⁹ Tarraña ama achmāre'tpahuoyaye ama't Yepartseshar ama't ñaña allo-huen ñeñt ahua-mencatetyetsa. Ñehua, ama't Miguel ñeñt pa'ñcha'tareter pen mellañoñeñnesha' ñapa' ama achmāre'tapanoña oneñet. Allempo rroma Moisés oneñeñña' huapa, ñapa' añ atarr mueneñ o'ch enana' ar-romñañ, tarraña Miguelñapa' ama muenache o'ch aner. Ama't muene' es otnare'tanna'tetañpa' Miguelñapa' amaca'ye achmāre'tanoña oneñet. Ñeñt'pa' atta och: "Ñehua, ñeñt atet pepena te' Yomporpa' ñach pōtteñe'che'."

¹⁰ Tarraña ñeñtña ashcañnesha' ñeñt orretyetsa te'pa' ñeñt'pa' chocma achmāre'teñet ama't ñeñt atarr ahua-mencatesha' tarro'mar ñetpa' ama eñoteññañeto po'huamenc. Añach e'ñe paterr eñotenet ñeñt e'ñe pats'o'marecpa. Ñetpa' e'ñe atet penet ñerra'mrrate' berr ñeñt añach pa'yen ñeñt atet muenatyenanet po'chets, ama es cotape'chpenayeña o'ch eñotet erra'tsente'ña ñeñt po'ño'ch cohuentetsa. Ñeñto'marña ñetpa' a'chencataterretcha' e'ñe ñañeñeta.

¹¹ Atarr yoro'cheno'tsa'yenet tarro'mar ñetpa' ama morrenteñeto pamo'ts, e'ñe atet penet ñerra'mrrate' atet pe't Caín allempo muetsan pa'mo'nasheñ Abel. Attoch aparetet quelle, ñetpa' añach cotape'chenet o'ch shecare'teñet acheñenesha' atet pe't Balaam. Ñeñto'marña ñetpa' chenquērretcha'tarro'mar e'ñe atet penet ñeñt atet pe't Coré ñeñt amtsarettatsa ahuat e'ñe ña patpare'teño.

¹² Ñeñtña ashcañnesha'pa' sapa' ñeñtña sepencna'ntatene' allempo sap'chena o'ch serratallme'channena ñeñtes ame'ñenaya Yompor. Sapa' serratallme'channena e'ñe semorrentanna'teñoñ, tarraña ñetpa' attach nanac rratse'tyenet amach ayetñañteneto amach cohua'peñetoña ñaña po'psheñeñ ñeñt cheporretsa ñeñt muenets o'ch rra' ñaña. Ñetpa' e'ñe atet penetañ ñerra'mrrate' ñeñt cohuañpenayeñ carrnero ñeñt'cha' rratenayeñ tarraña amachña carrneroye'ña rrateno, ñeñt'pa' ñañeñetach atarr rretset. Ñetpa' ama es sherbeneto e'ñe atta penet atet ñerra'mrrate' os ñeñt ama huatetso attach matateñ mōrr. Ñaña e'ñe atet ñerra'mrrate' narmetsoch ñeñt ama ame'tño, ama'tcha' 'chen pueme'teñporopa' amach me'teno. Ñaña ñeñtña narmetsocherpa' e'ñech atet pena ñerra'mrrate' rromuech o'ch ya'mare ora puer'chohlenpa' o'ch e'ñe puetsohua o'ch huañ. Ñeñtña ama't mameshapa' amach es sherberrye.

13 Amach pueñmañeshofoye' es orrtatyeneto e'ñech pommo'cheñofoeta es orrtatyenet. E'ñe atet penet ñerra'mrrate' oñ apellche' puemo'yer. Ama't mameshapa' amach muechecheno. Ñeñña emo'ypa' ÷hach huapore'tenan sosyare' topña'so all pa'so'ten. Ñeñpa' e'ñe atet penaña ashcañnesha' amach pasayaya orrtatenetoña apenco÷hen. Ñetpa' e'ñe atet ñerra'mrrate' shep-ranño' ñeñt yenten o'ch shora'nom o'ch ahuo' patso ñeñpa' ama es sher-beno. Yomporpa' o'patenanet o'ch mueñanet coñcha'pueto all atarr nanac checmete', allotña ñetpa' amach ÷ha'nerreto ama't errponaña.

14 Ñaña te'pa' o'ch notas, ahuatpa' e'ñall puesheñarr yacma añ pa'so'cheñ Enoc ñeñt Adán po'ñreneñ po'can÷hrrroñoohua. Ñaña'pa' ñeñt a'ñtaye't Yompor po'ñoñ. Ñapa' e'ñotatan acheñenesha' atetcha' a'paretterra ama't ñeñt ashcañnesha'. Ñocpueta'naña atet ote't: "Huerrach Partsesha' e'ñe pueyochre-shachnohuen ñeñt nanac po'nnacaren patsopueñ.

15 Huerrach allochñapa' o'ch entuerran allohuen acheñenesha' ñato' cohuenette' ñato' amate' cohuenayayeto. Allohuen ñeñtcha' ama cohuenaye' entuerro Yompor, ñetña'pa' amñare'tterretcha' coñcheñto. Attochña tsa'tatuerrana allohuen ochñañenesha' ora allpon patse'tyese'te't ñeñt ama pocteye' enteno Yompor Parets ama't mamesha. Ñaña atetcha' tsa'tatuerranet ora allpon atto sasare'chete't Yompor e'ñe pachmāre'teñofoet." Arrpa' allohua huañ ñeñt atet eñose't Enoc ahuat.

16 Ñaña ñeñt ashcañnesha'pa' atarrcha' ÷anmare'tyeñet, ÷hach po'poñ entuenet. Añach cotape'chyenet ñeñt muena'yenet e'ñe ñocpueta. Cho'nate' ñetpa' atarrcha' ommoñañet. Ñaña ñerra'm esempo e'ñe cohuen eñosyenet acheñenesha'cop, ñetpa' añeñpach e'ñe cohuen eñosyenet attoch es apuenanet acheñenesha'.

Atto pa'namen cotape'chatenan allohuen ñeñt ame'ñetsa

17 Tarraña sa masheñeshacha' ñaña no÷haneshacha' amachña ñeñña same'ñatsto. Sapa' añcha'ña seyerpā ñeñt atet otyese't Yepartseshar Jesu-cristo puellsensarnesha'. Ñetpa' ahuatoteñ atet otete't ñeñtcha' orreyerrtsa tsapatonet.

18 Ñeñt'pa' atet otyete't: "Allempoch mellapoterrmochapa' orrtarrach ñeñtcha' achmāre'terre' Parets. Añach ye÷henet ñeñt muenatse'tyenet ñañeñeta, ñeñt'pa' ama't mameshapa' ama cohuenaye' enteñe Parets."

19 Ñeñt ashcañnesha'pa' ÷hocmach mueneñet o'ch ellopa'tetstateret ñeñt ame'ñenaya Yompor. Ñeñfara ashcañnesha'pa' añach cotape'chenet ñeñt atet muenatenanet ñet po'chets; ñetpa' ama chorrenaneto Parets Puecamquēñ.

20 Tarraña sa masheñeshacha' ñaña no÷haneshacha' e'ñe nemuereñofoespa' o'ch notas, amach sey÷hatstaneto ñeñt atet penet ñet. Sapa' e'ñechña same'ñofoñ Yompor huomenquēpa'ch sepa' seyocher tarro'mar ñeñt same'ñena sapa' e'ñeca'ye Partseshotecma huena. Chocmach sema'yochena. Sapa' amach sotaye' se'ñoreno allempo sema'yochena. Añcha'ña se'ñoratene' Parets Puecamquēñ ñeñt atarr ahuamencatesha'.

21 Atetcha' sepaña sa allochñapa' ÷hocmach señofoetatto atarr mor-rentenya Yompor, amach sepurratsterro. Socsheñesha'pa' ÷hocmach seyemteña Yepartseshar Jesucristo; ña e'ñe puemuereñofoey esempohuañen a'qeshpaterreycha', attochña yañapa' corretsayach yochsheñeshocmañen er-ponañohuen.

22 Ñehua, o'ch notas ña'ña atet'cha' sepe' po'potantañe'chno. Patanta'tets ache'ña' atarr echarr enteñet o'ch ame'ñerrñañet Yompor po'ñoñ. Ñetpa' choch soctape'chaterranet e'ñe cohuen attoch ame'ñerret ñeñt e'ñe po'ño'ch Yompor po'ñoñ,

23 atarr yorotheno'tsenet po'chñarotet. Ñeñto'marña sapa' o'ch sa'qeshp'atateranet, ñeñt'pa' e'ñech atet sepenanet ñerra'mrrate' cheshatoll ya'qeshp'aten o'ch yechter all poyapen pocoll. Po'potantañe'chno ñeñt ye'chene' atarr sosya'tsañe'chno, ñetpa' chochña semuerenanet tarraña ama'tcha' semuerenaneta'ña' amach socshapretatstanetoña ñeñt atet ye'chenet sosya'tsañ. Sapa' chochña setsena'tapretanet ñeñt atet p'a'yenet sosey, te't sa'ñaña a'shoratatenet.

E'ñe yame'ñeñt Yepartseshar Jesucristo aye'chochtaterrapo'ch Yompor

24-25 Te'ña Yompor ñeñt e'ñe ñapue' partotets, ñeñt allohuen es eñotyets, ña'ña ñeñt Ya'qeshp'atane' yepen, ña'ña'pa' atarr ahuamencatesha', ñachña ahuamencat sepené' allochña'pa' amach alla seshora'nerro. Attochña sapa' chapatuerrescha' e'ñe ñesho all atarr cohuentena ña. E'ñech socsheñeshocmañen se'cha'cherr, amach eñalle ama't coñe'ta ñeñt'cha' entapreterres ñeñt ama pocteye' enteno ña. Te'pa' e'ñe yame'ñeñt Yepartseshar Jesucristo aye'chochtaterrapo'ch Yompor attoch e'ñe cohuen yecohuentaterrñañ. Chocmuepa'ch e'ñe ñapue' Yepartseshar yepañ, chocmuepa'ch am'cha'tarettena e'ñe tayoteñ errponañohuen ñeñt atet p'a ahuatoteñ. Te'pa' ñeñf'ach notas, ñeñt'pa' attetepa'ch Nompore. Allohua.

Judas

ATTO SAN JUANPA' EÑOTATER YOMPOR ÑEÑT'CHA' ATET PERRTSA TSAPATONET EL APOCALIPSIS

Atto Yomporpa' gatyesan Puechemer Jesucristo

¹ Añ ñoñets ñeñt'pa' atto Yomporpa' gatyenan Puechemer Jesucristo, allochñapa' ñachña eñotatyese' allohuen ñeñt' torra'yetsa Yomporecop. Ñeñt'cha' eñotatanetpa' ñeñt'pa' ñeñt'cha' ahuen atet perra ama't esempo. Atto eñotaten na, ñapa' ahuo't mueñon po'mllañofeñer, allochñapa' ñach negatyese' na ñeñt'en sochetsa Juan ñeñt'en torretsa ñocop, allochñapa' attoch eñoch ñaña allohuen ñeñt' torra'yetsa Yomporecop.

² Tarro'mar napa' nach eñotatahuet allohuenet ñeñt' e'ñe po'ñoch ñeñt' atet eñotatenen Yompor po'ñoñ ñaña ora ñeñt' allpon eñotatenen Jesucristo ama't ñaña ñeñt' ora allpon gatyennet.

³ Atarrcha' cosheñtso'tsen ñeñt'cha' lleyatene' acheñenesha' añ ñoñets ñeñt' huetsa Yomprosho't ñeñt' yeñotatene' ñeñt'cha' atet perra esempo. Atarrcha' cosheñtso'tsa'yen ñaña allohuen ñeñt'cha' e'mñotene' añ ñoñets ñaña e'ñech ayemuetpo' enteñet, ora allpon ñoñets ñeñt' aquellcayet arr. Tarro'mar o' chapmoch allempoch etsotuerra añ ñoñets.

Atto Juanpa' quellcan cançherr ñeñt' anetser all apçha'yena allohuen ñeñt' ame'ñenaya Cristo

⁴⁻⁵ Napa' o'ch nequellconas carta allohuenacpas ñeñtes apçha'yetsa e'ñe same'ñeñof Yompor all ñeñt' po'poñe'ttsochma anets ñeñt' cançherr ñeñt' Asio'tsa'yen. E'ñe nehuomñcha'teñofespa' o'ch notas: Yomporepa'chña semueraya epuet ñaña Puecamquëñ epuet ñaña Puechemer ñeñt' Jesucristo. Ñetepa'chña sebensare'tampene'. Añ ñeñt'ara Yompor ñeñt' çhocma eñall, ama't ahuatoteñ çhocma eñall ñaña ñeñt'ara ñeñt'cha' huerrtsa po'pocheño. Ñaña Puecamquëñ ñeñt'pa' ñeñt'ara cançherr ñeñt' sherba'yets e'ñe all po'conaño e'ñe po'poñe'ttsochma sherbenet. Ñaña ñeñt'ara Jesucristo ñeñt' atarr ayemuetpo' yenten ñeñt' ora allpon ñeñt' eñotateney; ñaña ñeñt'ara Jesucristo ñeñt' ñanom tanterrtsa puerromñof ñapa' amach alla rromuerre'te. Attoña pa'mcha'tareter peñ allohuen ama't allohuen amcha'tareteçhno añe patsro. Ya'ye'choçhtatoñepa'ch ñeñt'ara Jesucristo ñeñt' atarr amorrentña, e'ñe ña puemorrenteñofeypa' attoña rroma yocop allochñapa' attoch ashataretta po'rrias e'ñe yocop allochñapa' attoch e'ñe e'sshouaretterra yo'chñar.

⁶ Ñaña ñapa' attoña e'ñe cohuen aguëney attochña ya'mcha'tarettapretera attochña yesherbapreterrñañ Pompore ñeñt' atarr Parets, attey ñerra'mrrate' ñeñt' corneshatets Partsocop. A'cohuentaterrapo'ch Jesucristo, amcha'tarettapa'ch tayoteñ ama't errponohuañen. Ñeñt'pa' attetepa'ch Yompor.

⁷ O'ch secueñ huerrach Cristo, oscha' a'suatamperre'. Ama't allohuen acheñenesha'pa' entuapueretcha' e'ñe pa'clloyotet. Ama't ñeñt' pata'te'pa' entuapueretcha' ñamet. Allempoña ñeñt' shonte' pa'namen acheñenesha' ñeñt'

ye'cha'yetsa arr patsropa' ya'na'tapueretcha' e'ñe puellquëñofet. Ñeñtpa' e'ñech atet perra.

8 Yompor ñeñt nanac Parets ñeñt Yepartseshar yepen ñapa' ÷hocma eñall, ama't ahuatoteñ ÷hocma eñall, ñeñtpa' ñeñtara ñeñtcha' huerrtsa po'pocheño. Ñapa' atetña ot: "Ñapa' e'ñe pa'motroteñ eñallen atten ñerra'mrrate' quellec A ñeñt pa'moter pen alfabeto. Allempoteñña napa' ÷hocma eñallen esempohuañencha' huañerr ñeñt allpon eñall, napa' atten ñerra'mrrate' quellec Z ñeñt all puen alfabeto." Añpa' allohua ñeñt atet toma'ntatena Cristo.

Atto Cristopa' orrtana Juan e'ñe po'cohuentaño

9 Te' napa' ñeñten sochetsa Juan o'ch alla noterrser. Napa' ñeñten e'ñe semo'nasheñ se'pohueneñ sa. Napa' ñeñten semueroçhtapretenaya e'ñe yame'ñeño Jesús. Ñaña e'ñe yeyemteño ñapa' e'ñech aco'pa es ya'huanten esheccha' ya'mcha'tarettapretera. Ñehua, napa' o'ch neñotatas ñeñt atet nepena na arr. Ahuañmo'cha napa' e'ñe neserrpare'teño Yompor po'ñoñ ñeñt atet eñotatenen Yepartseshar Jesucristo, añña ñeñt ne'moñe'tene'pa' o' huapore'tenneta' arr atarr allapa' all rroçhpe'chañefollo ñeñt otenet Patmos.

10 Pamtarr allempo ÷hapa'muen añe yetro allempo ÷hocma yeyerpueña Yompor napa' neyerpueño ñapa' e'ñe machayota chorratna huomenc Yompor Puecamquëñ. Allempoñapa' machayota ne'm ñoñets huapa necha'ño. Atarr huomenc eñen atet ñerra'mrrate' poctor e'morrtetsa huomenc. Ñeñtpa' atet oten añ ñoñets:

11 —Ñapa' ñeñten ñanom eñallen, allempoteñña napa' ÷hocma eñallen ama't esempohuañencha' huañerr ora allpon ñeñt eñall, napa' atten ñerra'mrrate' quellec A ñeñt ñanom huetsa alfabetot, arrohua all huañen alfabeto ñeñt yoten Z. Te' napa' o'ch notap ñeñt ora allpon ñeñtcha' negatyesa' añ poctetsa o'ch pequellcha'yetsa yes pepa'illo allotpa' o'ch pemñe all anetsoçhno ñeñt cançherr ñeñt ap'cha'yetsa all pa'namen anetso ñeñt ame'ñetsa. Ñeñt ñanom añ pa'so'cheñ Efeso, allotpa' Esmirna, allotpa' Pérgamo, allotpa' Tiatira, ñaña Sardis, ñaña Filadelfia, allotpa' ñaña Laodicea. Ora añeçhno anetspa' ñeñt Asio'tsen.

12 Allempoña ne'muen atet ñoñetspa' nañapa' neptallsa o'ch neñch esha'te' ne'ñorana'tenaya. Allñapa' nent cançherr ñeñt all orratenet huerare allo ÷hoyo'tenet ñeñtpa' oro ayeçhcataret.

13 E'ñe rroçho ñeñt cançherr all orratenet huerare all orrtana puesheñarr yacma ñeñtpa' Jesucristo ñeñtara Ñeñt Acheñetosets. Ashtamat, pa'shtampa' e'ñe çhen pa'tcohua. Achanaret, po'chanarpa' orotommuen ñeñt allo charena puesomapo.

14 Poño' pue'chpa' e'ñe ora atarr huallama't atet ñerra'mrrate' carrnero pue'ch ñeñt e'ñe huallama't. Amapa' o'ch not pue'chpa' e'ñe ora huallama't atet ñerra'm senet ñeñt otenet nieve ñeñt atarr huallama't. Pa'c'le'pa' atarr poptena atet ñerra'mrrate' tso' po'huorter nanac a'rrechatañ.

15 Pa'tacpa'çho'ña attecma poptena atet ñerra'm aser yachamuen. Allempo eñorena e'ñe atet e'morrtena po'ñoñ atet ñerra'mrrate' shonte' oñ atarr huomenc ma'moreten.

16 Pot po'cohuenrotpa' orrenan cancherr ranto. Puenamotpa'cho'ña all orrtena cochell ñeñt emoshen'to'mar etsotañtataref. Ora pa'tsa'pot e'ñe atet poptena ñierra'mrrate' atsne' atarr huomenc a'rrechatañ.

17 Allempo neñchpa' e'ñe neñcha'na'teño'tpa' nañapa' o' nerrmosa patso e'ñe pa'tco. Neyorño'tpa' ama nepelleno ama't mamesha, cha nottena ñierra'mrrate' cho nerromuen. Tarraña ña potot po'cohuenrot a'p'lla'n, oten:

—Amach peñcha'tatsto, napa' ñeñfen ñanom eñallen, allempoteñña napa' chocma eñallen ama't esempohuañencha' huañerr ora allpon ñeñt eñall.

18 Napa' ñeñfen ama arromñafeshayayno. Ama't nerromhua ahuaña tarraña te'pa' o' alla nocrrerra, amach alla nerromuerre'te ama't ahuaña. Ñaña napa' nechen llave, ñeñt nehuamenc nepen alloch pomnaren nepen rromueñets ñaña ñeñtcha' aguërre' allohuen ñeñt rromuets.

19 Te'pocoppa' añpocetsa o'ch pequellca'yes ora ñeñt allpon o' negatyeseþ ñaña allpon ñeñtcha' negatyerrperr ñeñtcha' atet perrtsa esempohuañen.

20 Ñehua, te'pa' o'ch neñotataþ ñeñt atet toma'ntena añ cancherr ranto ñeñt penten e'ñe notot necohuenrot ñeñt ama eñotenaye' penteno. Ñeñt cancherr rantopa' añ toma'ntena ñeñt cohuanþesyenahuet ora allohuen ñeñt name'ña'yenaya allemeñ ñeñt cancherr anetso ñeñt apcha'yetsa all. Ñaña ñeñt atet pent ñeñt ayeçhcataret oroch all orratenet huerare, ñeñt pa' añ toma'ntena ora allpon ñeñt apcha'yetsa allemeñ anetso ñeñt cancherr ñeñt name'ña'yenaya.

2

Atto Juanpa' quellcan carta añecop ñeñt ame'ñetsa anetso Efeso

1 Ñeñt neserrpare'tatene' ñapa' alla oterrnerr, ñapa' atet oten:

—An pocetsa o'ch pequellca' carta añecop ñeñt cohuanþene' allohuen ñeñt ame'ñetsa all anetso Efeso, o'ch þotanet atet: “Napa' o'ch nequellconas carta attoch neñotatas ñeñt atet otenes Jesucristo ñeñt orrene' cancherr ranto e'ñe all poto po'cohuenrot, ñeñtara Cristo ñeñt chope'chets rroçho e'ñe allo'tsen ñeñt ayeçhcataret oroch all orratenet huerare.

2 Ñaña pa' atet otenes: 'Napa' neñotuennas ñeñt ora allpon atet seþa'yena all. Napa' e'ñe nentuenas ñeñt allpon nanac setorra'yena ñaña allpon ñeñt e'ñe cohuen acoþa es sa'huanta'huanen. Ñaña napa' e'ñe nentuenes sapa' ama saguëñe ñeñt ama cohuenaye' es þa'yetso. Sapa' atto setpatyeñ ñeñt otetseñ ñetpa' allsensareteto' tarraña ñetpa' atta shecare'tenet. Attoña setpateño' o' señotanet ñetpa' atta shecare'tenset.

3 Ñaña napa' neñotuenes ñeñt allpon semueroçhtena nocop ñaña atto e'ñe cohuen sa'huanta'huen mueroçhteñets, ama semuenme'cheñe allo setorrena.

4 Tarraña ama't atteñpa' nentuenas paterr ñeñt ama cohuenaye' nen-tapretensu. Ñeñt pa' añ atto sapa' o'huañ e'ñe semorrentna ñeñt atet seþa ahuat allempo e'ñe errte' same'ñernna.

5 Te'pa' o'ch notas, o'ch seyerpuerra atto ahuañmo'cha nanac cohuen semorrentenna. Te'pa' ama atteye' sepeno. Añ pocte' o'ch alla soctape'cherr e'ñe cohuen attoch o'ch alla seperra cohuen ñeñt atet seþa allempo e'ñe ñenma't same'ñenna. Ñerra'm amach ello soctape'cherru cohuen napa' tayecma o'ch ahuen o'ch neprratanþperres ñeñt atma'ntataret socop ñeñtara ñeñt all orratenet huerare.

⁶ Tarraña ama't atteñpa' napa' añña e'ñe cohuen nentuenas atto sapa' ama pocteye' senteno ñeñt atet ðatse'tyen acheñenesha' ñeñt cotene' Nicolás poctapña. Napa'cho'ña ama pocteye' nenteno ñeñt atet ðatse'tyenet sosya tsañ.

⁷ Ñeñt e'mñotene' añ ñoñetspa' çhapanetepa'ch pueyochreto ñeñt atet neñotatenanet na Necamquëño, ora allohuen ñeñt pame'ñeñoet çhocma apçha'yenet allemeñ anetso'mar. Ñeñt metana'tue' allohuen pa'namen topateñtsoçhno, ñeñt ama nepuerranperrayo, ñetñapa' naphuerranetcha' ñeñt no'patatenanet ñeñtcha' atarr yoma'huerret e'ñe poctacma Nompore-sho, allpa' e'ñech cosheñtso'tsenet. Ñeñtña napa' o'ch not, napa' o'ch nemnaterranet attoch o'ch tsohmuerret añ tsach pue'mer alloch corra'huerret e'ñe poctacma amach alla rromuerrete'te ama't ahuata.' " Arrpa' allohua huañ atet ot efeso'marneshacop.

Atto Juanpa' quellcan carta añecop ñeñt ame'ñetsa anetso Esmirno

⁸ Allempoña ñeñt neserrpare'tatene' ñapa' alla oterrnerr:

—Te'pa' o'ch pequellquërrerr carta añecop ñeñt cohuanpene' ñeñt ame'ñetsa all anetso Esmirna, o'ch ðotanet atet: "Napa' o'ch nequellconas carta attoch neñotatas ñeñt atet otenes Jesucristo ñeñt ñanom eñall, allempoteñña ñapa' çhocma eñall ama't esempohuañencha' huañerr ora allpon ñeñt eñall. Jesucristo ñapa' ñeñt rromhuats tarraña te'pa' o' alla betterra.

⁹ Na te'pa' atet otenes: 'Napa' neñotuennas ora allpon ñeñt atet sepa'yena. Neñotuennas ñaña atto atarr sa'mueroçhtatarettena, ñaña atto atarr huocchañes. Nehua, ama't huocchañsoñpa' Yomporeshot shonte' esocmañen ñeñt seçyen. Naña ñeñt se'moñe'tene' neñotuennas atto atarr sasare'tenset. Ama't otenetañ ñetpa' judionesheto' tarraña ñetpa' ama Yomporeye' pueyochresha' penahueto; ñetpa' aña pueyochresha' penahuet oneñeñ ama't allohuenet.

¹⁰ Amach yore'tatstaso mueroçhteñets ñeñtcha' ahuen sehuapoya. Tarro'mar ñeñtcha' seyottamþse' patanta'ttsos, ñeñtpa' oneñefeshoñ huena añecopña attoch topatuas ñerra'm po'ñoçhte' same'ñena. Puesheña'ttsos mueroçhtatasetcha' e'ñe çharramat. Ama'tcha' muetsasetpa' añ pocte' o'ch serromapes atto same'ñena. Allochña napa' naphuerrescha' ñeñt no'patatensa alloch socrra'huerra e'ñe socsheñeshocmañen. Ñeñtpa' ñeñtara noten po'poñ ñoñtso naphuerrescha' seprenio ñeñtcha' socshatuerre' e'ñe poctacma.

¹¹ Ñeñt e'mñotene' añ ñoñetspa' çhapanetepa'ch pueyochreto ñeñt atet neñotatenanet na Necamquëño, ora allohuen ñeñt pame'ñeñoet çhocma apçha'yenet allemeñ anetso'mar. Ñeñt metana'tue' allohuen pa'namen topateñtsoçhno, ñeñt ama nepuerranperrayo, ñetpa' ama't puesheñarrofetapa' amach amñareterreto coñcheñtso ama't ahuata. Ñetpa' amach alla rromuerreterro po'pocheño.' " Arrpa' allohua huañ atet ot esmirno'marneshacop.

Atto Juanpa' quellcan carta añecop ñeñt ame'ñetsa anetso Pérgamo

¹² Allempoña ñeñt neserrpare'tatene', ñapa' alla oterrnerr:

—Te'pa' o'ch pequellquërrerr carta añecop ñeñt cohuanpene' ñeñt ame'ñetsa all anetso Pérgamo, o'ch ðotanet atet: "Napa' o'ch nequellconas

carta attoch neñotatas ñeñt atet otenes Jesucristo ñeñt orrtatene' cochell puenamot, po'cchellpa' ñeñt emoshen'to'mar etsotañtatare't.

13 Ñapa' te'pa' otenes: 'Napa' neñotuennas ora allpon ñeñt atet sepa'yena. Napa' neñotenes all seyçhena ñeñtpa' all atarr am'cha'noçhtena oneñe't. Tarraña ama't atteñpa' sapa' ama sequeçhpueno atto same'ñenna, ña'ma çhocma sa'meten atto same'ñenna, ama't e'ñe allempo muetsennanet ñeñt name'ñenaya ñeñtara Antipas ñeñt çhocma neserrpare'tene' neñoñ sesho, allara ñeñt pa'netser peñ oneñe't.

14 Tarraña ama't atteñpa' napa' nentuennas coñe't ñeñt ama pocteye' nentapretenso ñeñt atet sepatse'tena. E'ñe all Pérgamo patanta'ttsos ama semno o'ch sequèchpa' ñeñt pueyçhateñ pe't atet yeçhate't Balaam ahuat. Balaam ahuatpa' atet cotape'chatane't Balac attoch shecare'tane't israe'lenta'tarnesha' allochñapa' attoch ñetpa' o'ch patse'tyenet ñeñt ama pocteye' enteno Yompor. Ñeñt atet patse'tyenet ñeñtpa' atet pete't o'ch rrallme'çhapretan po'poñ acheñ ñeñt po'yomporer pene' ñeñt ayeçhcatare't, ñerra'm esempo rrenet po'chets ñeñt muetsenet allo sherbeñet pueyèchcatar. Elloña allempo ñetpa' e'ñe pocshapreteño'etpa' o'ch agapanna'tet ama't ñeñt ama puetaporeyaye, allñapa' o'ch cañoresha'tenet.

15 E'ñe attecma seshopa'çho'ña patanta'ttsos atarr ashcaretes ñeñtes puesheña'ttsos ñeñtes ama semno o'ch sequèchpoñ Nicolás pocta'ña ñeñt atet yeçhatenes ñeñt ama pocteye' nenteno.

16 Tarraña napa' o'ch notas, sequèchpa' ñeñt añ cotapñatser, o'ch alla soctape'cherr e'ñe cohuen. Ñerra'm amach ello soctape'cherro cohuen, napa' e'ñe tayecma o'ch ahuen o'ch neçllarenaneta' nocchello't ñeñt nenamo'tsen.

17 Ñeñt e'mñotene' añ ñoñetspa' çhapanetepa'ch pueyoçhreto ñeñt atet neñotatenanet na Necamquëno't ora allohuen ñeñt pame'ñeño'tet çhocma ap'cha'yenet allemeñ anetso'mar. Ñeñt metana'tue' allohuen pa'namen topateñsoçhno, ñeñt ama nepuerranperrayo ñetñapa' napanetcha' maná ñeñtcha' pocrrañ perret ñeñt ama entpahuesho. Ña'ma o'ch napanet mapyetoll ñeñt atarr huallamemen allo aquellcarettena so'chñets e'ñe et-serra. Ñeñtcha' agapue' ñeñtpa' ñapfa eñotenan añ so'chñets ñeñt aquellcaret all.' " Arrpa' allohua huañ atet ot pérgamo'marneshacop.

Atto Juanpa' quellcan carta añecop ñeñt ame'ñetsa anetso Tiatiro

18 Allempoña añ ñeñt neserrpare'tatene' ñapa' alla oterrerr:

—Te'pa' o'ch pequellquèrrerr carta ña'ma añecop ñeñt cohuam'pene' ñeñt ame'ñetsa all anetso Tiatira, o'ch potanet atet: "Napa' o'ch nequellconas carta attoch neñotatas ñeñt atet otenes ñeñt Yompor Puechemer, ñeñtara ñeñt pa'c'le'pa' atarr a'rrechatañ atet ñerra'mrate' tso' po'huorter, ña'ma ñeñtara pa'tacpa' atarr poptena atet ñerra'm aser ñeñt bronce ñeñt atarr cohuen poptetsa.

19 Ñapa' te'pa' atet otenes: 'Napa' neñotuennas ora allpon ñeñt atet cohuen sepa'yen, atto atarr semorrentannena ña'ma atto atarr same'ñena, ña'ma atto atarr seyenpanna, ña'ma atto e'ñe cohuen sa'huanta'huen ñeñt atarr echarr senten. Ña'ma elloña allo'na sesen atet pa'nmue' ñeñt atarr cohuen enten Yompor.

20 Tarraña ama't atteñpa' e'ñall paterr ñeñt ama pocteye' nentapretenso. Ñeñtpa' atto sapa' semnateñ coyanesha' ñeñt soçhetsa Jezabel atto ñapa'

aña yeçhaten ñeñf ama cohuenaye' nenteno na. Ama't ñapa' oteneñ ño' a'mtene' Yompor po'ñoñ tarraña ama atteyaye, ñapa' atta shecare'tenes ñeñfes torretsañ nocop. Ñaña ñapa' aña yeçhatenes ñeñf atto secañoresha'ten, ñapa' otenes ñeñtpa' e'ñe pocte' enteñ Yompor. Ñaña aña yeçhatenes ñeñf atto serrapreten po'chets ñeñf muetsenet ayeçhcataretecop, ñapa' otenes ñeñtpa'çho'ña e'ñe pocte' enteñ Yompor. Tarraña Yomporñapa' ama't mame-shapa' ama pocteye' enteñe.

²¹ Napa' atta necueñ allponmat, noten ñato' o'ch cotape'cherran cohuen tarraña teme'ttsenpa' ama mueno o'ch cotape'cherran cohuen. Ñapa' aña atarr cohuen enten atto cañoresha'ten.

²² Ñeñto'mar te' napa' o'ch nemnach o'ch atsna'ten attoch amach çha'nerro po'mayot. Ñaña ñeñf epuet atet penet ñerra'm ama cotape'cherreto cohuen attoch queçhpuenet ñeñf atet yeçhatenanet ña, ñetpa'çho'ña o'ch necoñchatanet nanac.

²³ Ama't ñaña puechoyoreshohuen napa' o'ch ne'nuerranet. Allochñapa' attoch allohuen ñeñf pame'ñeñofet apçha'yetsa allemeñ anetso o'ch eñochet ñeñf atetpa' ama aþapahuo. Napa' e'ñe nentuennas ama't ñeñf atet soctape'chen seyochro. Napa' ñeñfencha' saphuerre' allpon ñeñf poctetsa e'ñe puesheña'tsopas, ñeñf allpon atet seþa'yen.

²⁴ Tarraña po'potantañes ñeñfes tiatiro'marneshas sapa' ama socteññañe ñeñf atet yeçhaten coyanesha'. Ama't ñaña ñeñf otenet oneñeþ poctapña ñeñf ama eñotpahuoyaye, puesheña'ttsa e'ñe etsotene' – ñeñtpa'çho'ña sapa' ama seycheñe. Ñeñto'mar te'pa' o'ch notas, napa' amach nenonaso po'poñ ñoñets ñeñf atarr echarr senten.

²⁵ Añña notenes, amach sequeçhpatsche ñeñf atto soctape'chen cohuen Yomporcop, ama't tayoteñ ñaña esempohuañen allemepoch nohuerra.

²⁶⁻²⁷ Ñeñf metana'tue' allohuen pa'namen topateñtsoçhno, ñeñf ama nepuerramþerrayo, ñeñf allo'na sets pa'nmue' ñeñf pocte' nenteno na, ñetpa' naphuerranetcha' attoch añcha'taret entenanet allohuen pa'namen acheñenesha' ñeñf yeçha'yetsa añe patsro. Ñeñtpa' atet Nompor apuenen naña. Neyoroçhenñoçh añcha'noçhtapreterrnetcha'. E'ñe po'huamencotet ñerra'm ñet muenats atarrcha' muerochtateret allohuen pa'namen acheñenesha' arr patsro. Ñeñtpa' o'ch netma'ntacha ñerra'mrrate' ñeñf echene' po'carr asreþ, ñerra'm allo aso'tet patsro'pa' çhach a'mllo'tstach e'ñe poctacma.

²⁸ Ñeñf metana'tue' allohuen pa'namen topateñtsoçhno elloña ñetpa' napanetcha' ranto ñeñf atarr ateshamerr.

²⁹ Ñeñf e'mñotene' añ ñoñetspa' çhapanetepa'ch pueyoçhreto ñeñf atet neñotatenanet na Necamquëñoç, ora allohuen ñeñf pame'ñeñofet çocma apçha'yenet allemeñ anetso'mar.' ” Arrpa' allohua ñeñf atet ot tiatiro'marneshapoc.

3

Atto Juanpa' quellcan carta añecop ñeñf ame'ñetsa anetso Sardiso

¹ Allempoña ñeñf neserrpare'tatene' ñapa' alla oterrerr:

–Te'pa' o'ch pequellquerrerr carta añecop ñeñf cohuañpene' ñeñf ame'ñetsa all anetso Sardis, o'ch potanet atet: “Napa' o'ch nequellconas carta attoch neñotatas ñeñf atet otenes Jesucristo ñeñf e'ñe chorratena

Yompor Puecamquëñ cançherr ñeñfara cançherr ñeñ sherba'yets. Ñetpa' po'poñe'ttsoema sherbenet. Ñaña ñeñfara Cristo ñeñ orrene' cançherr ranto. Ñapa' te'pa' atet otenes: 'Napa' neñotuennas ora allpon ñeñ sepa'yen. Ñaña neñotuennas atto sa acheñenesha'pa' atet entensetañ ñerra'mrrate' e'ñe cohuen socrena Yomporecop. Tarraña ñeñpa' ama atteye' sepeno çhaña sottena ñerra'mrrate' çho serromuen, amaña es sesherbenaña Yomporecop.

² Ama't atto same'ñenañ mame' tarraña ñeñpa' allo'na sen huañuanmats. Napa' nentuenes ama setsotenoña ñeñ e'ñe pocte' enten Nompor. Te'pa' o'ch notas, e'ñechña señoata, o'ch alla setanterra Yomporecop.

³ Chocmachña seyerpueña ñeñ atto aserrpare'tataretes ahuañmo'choteñ. Amach sepsatsche añ ñoñets ñeñ same'ñataya. Ñeño'marña te'pa' añ poctetsa o'ch alla soctape'cherr cohuen Yomporecop. Ñerra'm ama atteye' sepeno napa' machayotach nohuernasa atet ñerra'mrrate' eñe'pa' amach señoateñ esempopa' machayotach huaponasa.

⁴ Tarraña ama ye'atete'ña' all anetso Sardiso e'ñe puesheña'ttsaña ñeñ ama açhenaye sosya'tsañ ñeñ ama pocteye' enteno Yompor. Ñetpa' atet atma'tatarettenet ama't pa'shtamueta' ama a'sosyateñeto. Ñeño'mar ñetpa' e'ñe pocte' nentenatet ñaña attochña nemnaterranet o'ch yechope'cherr e'ñe parro tarro'mar ñet ñeñ neshtamtatenanetpa' ama a'sosyateñeto, e'ñe cohuenarer orrtenet e'ñe huallama'tareret.

⁵ Ñeñ metana'tue' allohuen pa'namen topateñets ñeñ ama nepuer-ramperrayo, ñetpa' neshtamtaterranet shetamuets ñeñ atarr huallama't. Ñetpa' amach ne'sherraneto pa'so'cheñ all aquellcarettenet Yompor po'libro attochña ñetpa' corretsetach. Ñetñapa' nechme'taterranetcha' ñeñ na Nompor ñaña allohuen po'mllaño'eñnashar.

⁶ Ñeñ e'mñotene' añ ñoñets çhapanetepa'ch pueyoçhreto ñeñ atet neñotatenanet na Necamquëño' ora allohuen ñeñ pame'ñeño'et çhocma apçha'yenet allemeñ anetso'mar.' " Arrpa' allohua ñeñ atet ot sardiso'marneshacop.

Atto Juanpa' quellcan carta añecop ñeñ ame'ñetsa anetso Filadelfio

⁷ Ñeñ neserrpare'tatene' ñapa' alla oterrnerr:

–Te'pa' o'ch pequellquërrerr carta añecop ñeñ cohuanmpene' ñeñ ame'ñetsa all anetso Filadelfia, o'ch potanet atet: “Napa' o'ch nequellconas carta attoch neñotatas ñeñ atet otenes Jesucristo ñeñ e'ñe Parets ñeñ e'ñe po'ño'ch allohuen es oten. Ñeñfara Cristo ñeñ allsensaret ñach amçha'tarettertsa e'ñe atet amçha'tarette't David. Ñato' o'ch netma'ntacha o'ch not ñapa' echenan David po'llave. Ama't erra'tsencha' o'ch torampenanet attoch çhapanet Yompor po'cohuenña ama't eseshapa' amach errotenot alla epatare'terraneto. Ñaña ñerra'm ñach yottamperre' ama't eseshapa' amach errotenot torampereto.

⁸ Cristopa' te'pa' atet otenes sa: 'Napa' e'ñe neñotuennas ñeñ atet cohuen es sepa'yen. Ama't ama tama ahuañencateso Yomporecop, tarraña ama't coñe'ta sehuamenc sepen çhocma same'ñennana neñoñ ñaña çhocma sa'meten atto same'ñenna ama sa'nasotenko. Ñeño'mar napa' o'ch ne-toramponas allcha' sa'potennan neñoñ, ñaña ama't eseshapa' amach errotenot alla yottamperrnaso.

9 Ñaña añña ñeñf otetseñ ñetpa' judionesheto' — ñehua, ñetpa' ama Yompor-eye' pueyochresha' penahueto tarro' mar ñetpa' añña pueyochresha' penahuet oneñet, ñetpa' atta shecare'tenset. Tarraña ñetña te'pa' o'ch name'ñatanet allochñapa' o'ch çhapanet pueyoçhreto sapa' ñeñfes atarr nemorrentena. Ñeñto'marña ñetpa' o'ch huapuet sesho o'ch concorposet allo'tsenes.

10 Sapa' e'ñe cohuen açopa setsoton allpon neñoñ, ama sa'ypo'ñenno na, ñeñto'marña napa'çho'ña amach na'ypo'ñaso. O'ch necuamperres tarremphua allemphoç muerochteñsopoterra ñeñfcha' topaterre' ora allohuen acheñenesha' ñeñf yeçha'yetsa añe patsro.

11 O'ch e'ñe mamerrerrpa' o'ch nohuerrnasa. Ñeñf atto allpon same'ñena o'ch e'ñe señoñuanem amach sequeçhpatsche. Allochñapa' ama't eseshapa' amach errotent puerratanpsaso ñeñf no'patatensa ñeñfcha' atarr soçhaterre'.

12 Ñeñf metana'tue' allohuen pa'namen topateñtoçhno ñeñf ama nepuer-ranmperrayo ñetpa' amate' errotent ahuapore'taretterreto allot, ñetpa' e'ñe attet ñerra'mrrate' all orratenet pocoll ñeñf pa'paquell pen Nompore' ñeñf e'ñe huomenc echarr açaret. Ama't eseshapa' amate' errotent huapore'che. Ñaña e'ñe ñesheto napa' o'ch nequellcoñ Nompore' pa'so'cheñ, allotpa' o'ch nequellcoñ ñaña Nompore' pa'netser e'ñe allara ñesheto, ñeñfara pa'netser ñeñf soçhetsa Jerusalén, ñeñfcha' sohuerrtsa entot e'ñe etserrare'. Allotpa' o'ch nequellca' ñaña neso'cheñ all e'ñe ñesheto ñeñf e'ñe etserrare' neso'cheñ.

13 Ñeñf e'mñotene' añ ñoñets çhapanetepa'ch pueyoçhreto ñeñf atet neñotatenanet na Necamquëño' ora allohuen ñeñf pame'ñeñotet açha'yenet allemeñ anetso'mar:' " Arrpa' allohua ñeñf atet ot filadelfio'marneshacop.

Atto Juanpa' quellcan carta añecop ñeñf ame'ñetsa anetso Laodiceo

14 Ñeñf neserrpare'tatene' ñapa' alla oterrerr:

—Te'pa' o'ch pequellquërrerr carta añecop ñeñf cohuanmpene' ñeñf ame'ñetsa all anetso Laodicea, o'ch potanet atet: "Napa' o'ch nequellconas carta attoch neñotatas ñeñf atet otenes Jesucristo ñeñf ama puenesho po'ñoñ. Ñeñf atet oteney Pomporecop ñeñfpa' atetcha' perrnay, ñaña ñeñf allpon oten, ñeñfpa' e'ñe po'ñoçh atet, ñaña ñeñfara Cristo ñeñf ñanom eñall, allotña Pomporpa' yeçhcatyesan allohuen ñeñf allpon eñall.

15-16 Cristoña te'pa' atet otenes: 'Napa' e'ñe neñotuennas ñeñf ora allpon atet sepa'yen. Tarraña sapa' seçllaño'fetsetsa same'ñenna, ama e'ñe huomencaye' same'ñenno. Ñerra'm ama semno o'ch same'ña'na huomencpa' amachña same'ñatsetno ama't mamesha. Tarraña sapa' seçllaño'fetsetsa same'ñenna. Ñato' o'ch netma'ntacha atet. Sapa' ama atteyayso ñerra'mrrate' oñ ñeñf atarr sose', ñaña ama atteyayso ñerra'mrrate' oñ ñeñf atarr atserrsasen. Sapa' atta sepena ñerra'mrrate' oñ ñeñf mamesha shorrsastetsa ñeñf nanac netsena'ten. Ñeñto'marña napa' e'ñe atet nentenes atet ñerra'mrrate' oñ ñeñf çha aya'pesatañtena. Ñerra'm yorrrpa' çhach ya'pesatey o'ch ya'tatstera. Ñeñto'marña sapa' e'ñe atet nentenes çhach nemneñ o'ch nehua-pore'tamperres.

17 Sapa' ama't soteneñ año' es sepallteno e'ño' sechuen ora ñeñf allpon poçtetsa socop e'ñe sa setaruasot. Tarraña ñeñf sherbets secamquëñecoppa' ama secheñe ama't coñe'ta. Napa' atta nentenes atet ñerra'mrrate' ñeñf

nanac atsena'taret, atarrcha' amueroçhtatarettēna ñeñĩ e'ñe huocchañ ñaĩa aporo'yēt atfatch muelle'mquēn.

18 Ñeñĩomarĩa na te'pa' o'ch noctape'chaterres sa o'ch notas sapa' ñeñĩ sepalltena. O'ch senamuen nesho ñeñĩ po'ñoçh nanac sherbets scamquēñecop. Allochñapa' attoch sechuerr shonte' esocmañen ñeñĩ e'ñe po'ñoçh sherbets. Ñeñĩ ama sherbetsopa' o'ch sa'ypo'ñer. Ñato' o'ch netma'ntacha atto allempoñapa' o'ch e'ñe orochayamã ñeñĩ nanac sherbets. Ñeñĩ atarr sherbets atet ñerra'm oro ñeñĩcha'ña se'nenña nesho. Elloña napa' o'ch netma'ntatasa atet'cha' sepa, o'ch serañfa nesho shetamuets ñeñĩ atarr huallama't. Allochñapa' ñeñĩcha' sechorrerra attoch o'huañcha' sepenca ñeñĩ atto semuelle'mquēn. Attoch serañfena ñaĩa quēllo'yēfītopar alloch separterr seclle' allochñapa' attoch secuerr o'ch senterra e'ñe cohuen.

19 Ñehua, allohuen ñeñĩ po'ñoçh atarr nemorrentenapa' çhocmach e'ñe cohuen noctape'chaterranet ñerra'm esempo atpare'tennet. Ñaĩa erroteno allohuen ñeñĩ nemorrentena o'ch neçoñchach mame', tarraña ñeñĩpa' e'ñe ñocpueta allochñapa' attoch o'ch alla cotape'cherret cohuen nocop, o'ch alla amē'ñerrnet huomenc.

20 Señoche'pa'ch ñeñĩcha' atet netma'ntaterrsa. Napa' atet'cha' nepena ñerra'mrrate' esesha' ñeñĩ çhocma çhore'tets yetarro't. Ñerra'm eseshas se'mapuerannan neñoñ ñaĩa ñerra'm setorampnen, nañapa' o'ch nebe'tos all, allñapa' o'ch yerrallme'chen parro.

21 Ñeñĩ metana'tue' allohuen pa'namen topateñtsoçhno ñeñĩ ama nepueramperraye, ñetñapa' nemnatanet'cha' o'ch am'cha'tarettapreterrnet e'ñe all neçonaño. E'ñech atfet ñerra'mrrate' na, napa' e'ñe nemñana'tua allohuen pa'namen topateñtsoçhno. Ñeñĩomarĩa napa' na'm'cha'tarettapreteña Nompor e'ñe all po'çonaño.

22 Ñeñĩ e'mñotene' añ ñoñets çhapanetepa'ch pueyoçhreto ñeñĩ atet neñotatenanet na Necamquēñot ora allohuen ñeñĩ pame'ñeñotet ap'cha'yenet allemeñ anetso'mar.' " Arrpa' allohua ñeñĩ atet ot laodiceo'marneshacop.

4

Atto Juanpa' entan Yompor po'çonaño e'ñe alla pue'ntaño

1 Allempoñapa' alla gatyerrnerr po'poñ. Necuerrerr, allñapa' nentos yetarr atoraret allcha' nebe'tos o'ch neçhap ento. Alla ne'muerrerr ñoñets ñeñĩ atet e'morr'tetsa ñorra' atarr huomenc atet ñerra'mrrate' poctor atarr huomenc eñen. Neññña ñoñetspa' atet oten:

—Apon arr, o'ch pebe'tosampesna o'ch negatyesa'p allohuen ñeñĩcha' atet perr'tsa tsapa'onet.

2 Allempoña Yompor Puecamquēñ e'ñe chorrenna, atto neçhap ento all nentos puesheñarr alla anen po'çonaño.

3 Ñeñĩ anets all po'çonañopa' atarr nanac cohuen aspanamcoquēno pop-tamco'tena atet ñerra'mrrate' mapue' ñeñĩ atarr cohuen pop'tetsa ñeñĩ otenet jase. Ellonetpa' po'poñon'to atarr nanac cohuen tsamcoquēno pop-tamco'tena atet ñerra'mrrate' mapue' ñeñĩ otenet cornalina. Ñaĩa allo arca'tampenapa' ñeñĩpa'çho ña atet ñerra'mrrate' ayon tarraña ñeñĩpa' atarr nanac cohuen aspano shemashro pop'tena; e'ñe atet pop'tena ñerra'mrrate' mapue' ñeñĩ otenet esmeralda.

4 Ñaña topño'mar ñeñt rroçhtam'pene' all shonte' po'poñ conañeçhno. Ñeñt conañeçhno topño'tsa'yen ñeñt rroçhtam'pene' allo'tsen epoch çharra' puechena pa'tats. Ñaña ñeñt anorrçhets allohuen conañeçhno ñeñtpa'çho'ña allo'tsen epoch çharrasheña puechena pa'tats ñeñt sherbene' Yompor all pue'taña. Coçhneshareret pa'shtam atarr huallama'tarer, po'choyo'met oro ayechcataret ñeñt choyo'mtenet.

5 E'ñe rroçh conañotpa' allot huena meratste', allot huena ñaña tatste'. Allpa' atarr huomenc ma'moreten. E'ñe alla allame'tets po'conaño ñehuapof allo'tsen cançherr huerare ñeñt huoretyets all. Ñeñtpa' ñeñt toma'ntenaya Yompor Puecamquëñ ñeñt cançherr ñeñt sherba'yets e'ñe po'poñe'ttsocma.

6 E'ñe alla a'yenet po'conañof all orrtena erracmañen atet ñerra'mrrate' ñeñt añecmuen rerpat ñeñt e'ñe orrtatuene' ora ñeñt allpon eñall all.

Allo'tsen po'conañ e'ñe pa'tatsshemto'marot all tomçhen pa'tats ñeñt berrma'ttetsa. Ñeñtñapa' shonte' pa'cloyeçhno emota cohua'yen. Pa'chco'tagotpa'çho' shonte' pa'cille' allot cohuen.

7 Ñeñt ñanom ñeñt berrma'ttetsa all, ñeñtpa' e'ñe atet ñerra'mrrate' ma'ñor. Po'poñpa' allo'tsen ñaña atet ñerra'mrrate' toro, po'poñ pa'tsa'pot pa'cloyotpa' e'ñe atet orrtena ñerra'mrrate' acheñ. Po'poñ all orrtena attema't ñerra'mrrate' ñeñt otenet contor ñerra'm esempo anena.

8 Ñeñt pa'tatso'mar berrma'tpa' e'ñe apa'pa'yetarerochet, pate'tetspa' echenan pechapa'ttsocmueta pa'pue' penet. Pa'pa'yot enotpa' e'ñe aclo'yetarerochet, puelleca'notpa'çho'ña aclo'yetareret emoto'mar allot cohua'yenet. E'ñe ellapenete't arepenete't all açhoteñet Yompor, ama't mameshapa' ama ameseneto atto açhoteñet Yompor. Ñeñtpa' atet otenet:

Parets, parets, parets ñeñtara Yompor ñeñt atarr ahuamencat nanac ñeñt Yepartseshar yepen ñeñt çhocma eñall. Ama't ahuatoteñ eñall ñaña ñeñtara ñeñtcha' ello huerrtsa po'pocheño.

9 Ñaña ñeñt berrma'ttetsa allpa' cohuentateññañet Yompor ñeñt anets all po'conaño, atarr añcha'na'tpo' enteñet, ñaña çhocma puema'yocheñofet parasyoso'teñet Parets ñeñt ama arromñaeshayaye ama't ahuaata.

10 Ñetpa' ñerra'm esempo ayechochtateñet Parets, añña ñeñt epoch çharrasheña ñeñt puechetsa pa'tats ñeñt sherbene' Yompor allpa' ñetpa'çho'ña o'chçho' concorpa'rretenet e'ñe all ñesho, o'chçho' ma'yocheñet ñamet Yompor ñeñt ama arromñaeshayaye ama't errponaña. Allotpa' o'ch a'meyet po'choyo'm o'chçho' net e'ñe Yomporeshonet ñeñt anets all po'conaño. O'chçho' aye'choçhtateñet Yompor ñamet, ñeñtpa' atet otenet:

11 Yompore, ñeñteþ Yepartseshareþ, ñeñteþ nanac Partsoþ, ya añ poctetsa o'ch yecohuentatonap ñeñteþ añcha'na'tpahueþ ñaña atarr ahua-mencateþ. Tarro'mar pa' yeçhcatyena' ora allpon ñeñt eñall, e'ñe pa pemneñto' ahuo't eñalletesa, e'ñe pa peñoño' ahuo't yeçhca'yena ñeñt allpon eñall.

5

Atto Juanpa' entan Cristo ñeñt atma'ntataret Carrnero, e'ñe ñapia toran Yompor po'libro

1 Allempoñapa' alla necuererr ñeñt anets all po'conaño. Potof po'cohuenrotpa' all nent all orrenan libro apco'nottataret, e'ñe emoto'mar

aque'llca'huaret o'ponot ña'ña enot. Echenan can'cherr ñe'ñt' allo ayomrraret atto e'ñe echarr a'paret.

² Ña'ña all nent puesheñarr mellaño'feñ ñe'ñt' atarr ahua'encat. Ña'ñapa' rrana huomenc, ñe'ñt'pa' atet oten:

—Esha'huaca' e'ñe cohuenare' cotape'chetsña Yomporecop ñe'ñt'cha'tore' añ Yomporecop po'libro allo echarr a'parettena.

³ Tarraña ama't puesheñarrapa' ama eñalle ñe'ñt'cha'tore' Yomporecop po'libro. Ama't puesheñarra ñe'ñt' ento'tsen ña'ña ama't ñe'ñt' patso'tsen ña'ña ama't ñe'ñt' o'pono'tsen patso, ama eñalle ñe'ñt'cha' muenatet ñe'ñt'cha'tore' Yomporecop po'libro attoch eñorachet.

⁴ Napa' ñe'ñt'ña atarr neyarre' atto ama't puesheñarrapa' ama neñche ñe'ñt' e'ñe cohuenare' es cotape'chets Yomporecop ñe'ñt'cha' muenatet o'ch toran Yomporecop po'libro ñe'ñt'cha' eñorate'.

⁵ Allempoña ñe'ñt' epoch 'charrasheña ñe'ñt' puechetsa pa'tats ñe'ñt' sherbene' Yomporecop, puesheñarrña'pa' oten:

—Amach peyahuatsto, tarro'mar eñall puesheñarr ñe'ñt' e'ñe pocte' ñe'ñt'cha'tore' Yomporecop po'libro ñe'ñt' can'cherr allo echarr a'parettena, tarro'mar ñapa' ñe'ñt' metana'tue' allohuen pa'namen topateñtso'chno, ñe'ñt'ña'pa' añepa't Cristo ñe'ñt'ara atma'ntataret Ma'ñor. Ñe'ñt'pa' judámerena'tar ñe'ñt'ara David po'mreñeñ.

⁶ Necuerer, allña'pa' nent Cristo ñe'ñt' toma'ntenaya Carrnero. All ten e'ñe rrocho allo'tsa'yen Parets po'conañ ña'ña añ pa'tatso'mar ñe'ñt' berrma'ttetsa ña'ña e'ñe allo'tsa'yen ñe'ñt' sherbene' Yomporecop. E'ñe rrocho all ten Cristo ñe'ñt' atma'ntataret Carrnero. Orrtena atet ñerra'mrrate' carrnero ñe'ñt' amtsarettetsa ochñartsocop. Ñe'ñt' carrneropa' can'cherr po'ucor, echenan ña'ña can'cherr pa'clle'. Ñe'ñt' can'cherr pa'clle'pa' ñe'ñt'pa' añ Yomporecop Puecamquëñ ñe'ñt'ara can'cherr ñe'ñt'cha' sherb'a'yets e'ñe po'poñe'ttsocma ora erracmañen añe patsro allcha' amñarefetyerret.

⁷ Allempoña añ Carrneropa' o' huapa o' chap allo'tsen Yomporecop ñe'ñt' anets all po'conañ. Ña'ñapa' chetsosan Yomporecop po'libro ñe'ñt' orren po'cohuenrot.

⁸ O' chetan libropa' allempoña añ ñe'ñt' pa'tatso'mar berrma't' ña'ña ñe'ñt' epoch 'charrasheña ñe'ñt' puechetsa pa'tats ñe'ñt' sherbene' Yomporecop, allohuenetña'pa' concorpa'rreñet Cristo ñe'ñt' atma'ntataret Carrnero. Puesheña'tsetpa' orrenet arpa ña'ña pajo' ñe'ñt' orotaten all anaret ñe'ñt' atarr eñmosa'ttetsa Yomporecop. Ñehua, añ ñe'ñt' eñmosa'ttetsa añ toma'ntena ñe'ñt' atto ma'yochena ñe'ñt' pueyochresha' pen Parets.

⁹ Añña ñe'ñt' concorpa'rretetsapa' ñe'ñt'ña'pa' morrechenet ñe'ñt' etserra morreñets ñe'ñt'pa' atet a'choteñet Cristo ñe'ñt' atma'ntataret Carrnero:

Papa' e'ñe cohuenare' es pe'pa'yen ñe'ñt'o'mar e'ñe pocte' p'ach chete' Yomporecop po'libro, e'ñe pocte' p'ach tore' allo echarr a'parettena tarro'mar papa' pa' amtsarettetsa, perrasoña papa' allo petsa'tuonaya yo'chñar allochñapa' attoch e'ñe puechemer perrey Yomporecop ama't allohueney ñe'ñt'ey pa'namen acheñey, ama't erra'tsena mereñt'sorey allot yehuena, ama't ña'ña erra'tsena ñoñtsro allo yeñosyen e'ñe po'poñe'ttsocma, ama't ña'ña pa'namenana'tarey allohuen errohuanen ñe'ñt' e'ñe ya'netser ye'pa'yen.

10 Ñeñfey allohueneypa' ÷a yemnatene' o'ch ya'mcha'tarettapreta÷a attochña yesherbapreteney Yompor ñeñt atarr Parets. Attoña yecorneshaten Partsocop. Ñaña attoch ya'mcha'taretterra añe patsro.

11 Allempoña alla necuererr o' ne'muererr mellañoñeñsha' atet eñosyenet. Shontet nanac che'muechenet all rroçhtañpeñet a'yohuen erra÷aren. Ñaña ñeñt berrma'ttetsa all ñaña ñeñt sherbene' Yompor ñeñt allohuenet ma'potanto'maretpa' ñeñt e'ñe rroçhtañpene' Yompor ñeñt anets all po'conaño.

12 Ñeñt mellañoñeñsha' ñetñapa' e'morrtenet huomenc all achoteñet Cristo ñeñt atma'ntataret Carrnero. Ñeñtapa' atet otenet:

Cristo ñeñt toma'ntenaya Carrnero ñeñt amsarettatsa, ñapa' e'ñe cohuenare' es ÷a'yen ñeñto'marña ñapa' e'ñe pocte' ahuamencattena, agapanepa' shonte' esocmañen ñaña e'ñe pocte' eñotañtepa'ch, ñaña e'ñe pocte' partsotepa'ch, ñaña e'ñe pocte' añcha'na'tpahuotepa'ch. Ñaña e'ñe pocte' ya yecohuentateñoñ ya'ye'choçhtatoñepa'ch.

13 Allempoña ne'muerrerr atet ama't allohuen ñeñt Yompor pueyechcatar aye'choçhtateññañet Yompor ama't ñeñt ento'tsa'yen ñaña ama't allohuen ñeñt patso'tsa'yen, ñaña allohuen ñeñt o'pono'tsen patso ñaña oño. Ama't e'ñe allohuen pueyechcatar ñeñt allo'tsa'yen allohuenet aye'choçhtateññañet Yompor, atet otenet:

Ya'ye'choçhtatoñepa'ch Yompor ñeñt anets po'conaño ñaña Puechemer Cristo ñeñt atma'ntataret Carrnero. Añcha'na'tpahuopa'ch yenteñ, yecohuentatoñepa'ch tarro'mar ñetpa' atarr ahuamencatet tayoteñ ama't errponañohuen.

14 Ñaña ñeñt berrma'ttetsa pa'tatso'mar all ñetñapa' otenet:

–Ñeñtapa' attetepa'ch.

Ñaña añña ñeñt sherbene' Yompor ñeñt epoch çharrasheña ñeñt puechetsa pa'tats o' concorpa'rrtet all ma'yocheñet Yompor ñeñt ama arromñañeshayaye.

6

Atto Cristopa' toran ñeñt cançherr allo echarr a÷arettena Yompor po'libro

1 Allempoñapa' nent Cristo ñeñt toma'ntenaya Carrnero attoch ñach tore' ñeñt cançherr allo echarr a÷arettena Yompor po'libro. Allempoña ñapa' o' tore paterr ñeñt e'ñe ñanom allo ayomrraret ñeñt libro. Allempoña o' tore, añña pa'tatso'mar ñeñt berrma'ttetsa, puesheñarrñapa' eños. Nañapa' o' ne'muerrerr ñeñt atet eñen huomenc, po'ñoñpa' e'ñe atet e'morrtena ñerra'mrrate' çho tatstena. Ñeñtapa' atet oten:

–¡A÷on, pecue'!

2 Naña necue'pa' nent paterr cahuall atarr huallañnanen. Ñeñtña montenayapa' echenan paterr po'ca'not ñeñt orra'nen potot. Allña'apa' apet paterr choyo'mets ñeñtcha' choyo'metnoma. Nañapa' ahuo' o'ch quellara'yena' o'ch e'ñe a'mchechuan ñeñt e'moñe'tyen.

3 Allempo torerranerr ñeñt puepañ allo ayomrraret Yompor po'libro, nañapa' alla ne'muererr ñeñt puepañ berrma'tpa' o' alla eñorerrerr. Ñeñtapa'çho'ña ñeñtara atet oterrerr:

–¡A÷on, pecue'!

4 Allempoñapa' cha'nerrerr po'poñ cahual, ñeññapa' atarr tsañnanen. Ñeñña montenaya allñapa' apat paterr espada atarr allpocha'p. Ñaña'pa' o' muenateñet o'ch quellaratanna'tatan acheñenesha' arr patsro attochña muetsatanna'tatenanet. Attoña ñetpa' o'huañcha' muechet ye'thenet arr patsro.

5 Allempo torerranerr ñeññ puema'pañ allo ayomrraret Yompor po'libro nañapa' alla ne'muererr ñeññ puema'pañ berrma'tpa' o' alla eñorererr. Ñeñtpa'cho'ña ñeññara atet oterrerr:

—¡Añon, pecue'!

Naña necuererrpa' nenterrerr po'poñ cahual ñeññapa' atarr quel-lueñnanen. Ñeññ montenayapa' orra'nenan paterr pesamets.

6 Allo'tsa'yen ñeññ berrma'ttetsapa' e'ñe all rrocho'tpa' ne'muererr ñeññ atet e'morrterrerr ñoñets, ñeñtpa' atet oten ñoñets:

—Paterr kilo trigopa' nanquëpa'ch tsa'teter ama't ñeññ paterr denario*, ñaña ma'pa kilo cebadapa' nanguëpa'ch tsa'terra. Tsa'terrepa'ch ñaña paterr denario. Tarraña olivose' ñaña vinospa' chocmuepa'ch eñall, amach seprratam'psatsetye.

7 Allempo torerranerr ñeññ puepa'tatseñ allo ayomrraret Yompor po'libro, nañapa' alla ne'muererr ñeññ puepa'tatseñ berrma'tpa' o' alla eñorererr. Ñeñtpa'cho'ña ñeññara atet oterrerr:

—¡Añon, pecue'!

8 Naña necuererrpa' nenterrerr ñeññ paterr cahual atarr shemashreñnaneno puerrama'pnen. Ñeññ montenayapa' añ pa'so'cheñ Rromueñets. Ñeññ cotene' chenta'pa' añ toma'ntena ñeññcha' aguëne' allohuen ñeññcha' rromuets. Ñeñtpa' aparet llesens añecop attoch a'cllatatan shonte' acheñenesha' arr patso. Ama't pasheparr pats, allpon otenet un cuarto, allponcha' a'cllatatuerran acheñenesha'. Ñeñtpa' atetcha' a'cllatatanet, quellareñtsoterrcha', chaporrñatsoterrcha', atsnaitoterrcha', orrterrach berr ñeññ atarr atsrre'mñat ñeññ atarr bellac arr patso.

9 Allempoñapa' o' torerranerr ñeññ pa'mnareñ allo ayomrraret Yompor po'libro, naña necuererrpa' allñapa' nenterrerr altar ñeññ allecma a'crratete't ñeññ eñmosañtetsa Yomporcop. E'ñe all patso't altaro all nent shonte' camuecñetsoçhno ñeññ amtsanatarettatse't all e'ñe pueserrpare'teñofet Yompor po'ñoñ atto a'metete't ñaña atto ame'ñeñet Cristo.

10 Añña ñeññ camuecñetsoçhnopa' ñetñapa' rrannartenetpa' oteñet Yompor:

—Yompor pa atarr Partsoñ, atarr ayemuetpo' atet poteney. Esemphuachca' pecoñchatuerna' acheñenesha' all patsro, esempohuachca' petsa'tateraña ñeññ acheñer yemtsanataye't ñeññ patso'tsen. Añpa' allohua atet o't camuecñetsnesha'.

11 Ñetña puesheña'ttsetpa' aparettenet pa'shtam atarr huallama'tarer. Ñaña ñetñapa' otareñcet ato't e'ñe ameseta'. “O' mameshaña o'ch etsotua allpon po'potantañecop semo'nasheñ ñeññcha' amtsanataretttertserr ñeññes e'ñe attecma sesherbeñ Cristo.”

12 Allempo torerranerr ñeññ po'pechapueñ allo ayomrraret Yompor po'libro naña o' alla necuererrpa' nent ñaña cha puetalle'chena pats huomenc. Atsne'ñapa' o' checmet atet ñerra'mrrate' shetamuets ñeññ atarr

* 6:6 Denariopa' quelle ñeññ allpon tsa'tenet pamtarr ñeññ taruasetts all pa'nyo.

quellue ñeñt chorrena ñeñt atarr llequëtsa. Arrorrñapa' o' cha tsama'tta atet ñerra'mrrate' errasats.

13 Rantočno ñaña ñeñt ento'tsa'yen allohuenpa' o'cha shor'cha'tua o' cha'cha't patso. O'ch netma'ntacha atet ñerra'mrrate' parte ñeñt e'meret o'ch huomenquëshatpa' pue'merñapa' o'ch a'shore'tam'pesue huomenquëshá', ama't atarr emeñ pue'mer.†

14 Enetpa'cho'ña o' e'ñe chenca'hua atet ñerra'm papell eparetpa' o'huañcha' orrta. Ama't ora allpon aspentarerpa'cho'ña o' e'ñe rrote'tyesuahua ñopa'tets. Ñaña ora allohuen o'ñečno ñeñt rro'chpe'chañečno ñeñt'pa'cho'ña o' e'ñe rrote'tyesuahua.

15 Allempoñapa' allohuen acheñenesha' ñeñt ye'cha'yetsa añe patsropa' o' e'ñe e'potrra'tuet arrototo'mar ñaña mapuetpono'mar ñeñt aspentarero'tsa'yen. Ama't allohuen añcha'taretnesha'čno o' e'ñe e'potrra'tuet, ñaña allohuen ñeñt atarr sherba'yets, ñaña ñeñt e'cllayoretečno, ñaña ñeñt pa'm'cha'tareter pen solltar, ñaña ñeñt atarr ahuamencat entyetsa, ñaña ama't allohuen acheñ ñeñt ama esoye' enteneto ñeñt ataruasataret e'ñe atfa, ama't ñaña allohuen ñeñt ama ataruasareteyaye ñeñt e'ñe cohueno'tsen, allohuenet e'ñe e'potrra'tueten.

16 Allohuenetpa' chore'teñet aspenet ñaña mapuetačno atet otenet:

—Te'ñapa' yeñgata'mperrepa' atfo'cha' e'poterrey attoch amach enterrye Parets ñeñt anets all po'conaño allochñapa' amach errotenot coñchaterrye Cristo ñeñt toma'tnenaya Carrnero.

17 Tarro'mar te'pa' o' chap añ yetro allempoch yoro'chterra allempoch atsa'tataretterra allohuen acheñenesha'. Ama't eseshapa' amach errotenot ahuanotoño Yompor po'yoro'chenña.

7

Atto Israel po'm'reneñ ñeñicha' ayato'ma'taretetyestsá

1 Allempoña napa' nent mellañoñeñnesha' pa'tatssheña. E'ñe allohuanen pats, ñeñt pa'tats po'topñaro'mar allñapa' all tomyen puesheña'tets mellañoñeñ ñeñt pa'tatssheña. Ñeñt pa'tatssheña ñetñapa' ñet epatare'tenet m'orr pa'tatsshem'to'marot allot huapyena m'orr. Allochñapa' attoch amach atarr m'orrarsañpeno añ patser, ama't ñaña o'ñečno, ñaña ama't patrra tsachpa' amach m'orrarsañpeno.

2 Allempoña napa' o' alla nenterrerr po'psheñeñ mellañoñeñ, arr orrtena allot huena atsne'. Ñapa' añ orren yapets ñeñt alloch yanatan allohuen ñeñt pueyochresha' pen Yompor ñeñt ama arromñafeshayaye ama't ahua. Ñaña' rrana huomencpa' otan mellañoñeñnesha' ñeñt pa'tatssheño'mar ñeñt añecop ahuamencattenet attoch ñetcha' pomnaren pet pats ñaña o'ñečno.

3 Ñeñt'pa' atet otanet:

—Amach erro't sepatsto añ pats ama't oñ ama't tsach ato'tña yeyato'ma'tueya' allohuen ñeñt torra'yetsa Yomporecop.

4 Allempoña ne'muerrerr ñeñt atet oteñet ñeñicha' allpon ayato'ma'tarettatsa. Ciento cuarenta cuatro mil ñeñt'pa' allpon otenet. Ñeñt ciento cuarenta cuatro mil acheñenesha' ñetpa' e'ñe po'poñe'ttsocmuet

† 6:13 Nehua, Juanpa' añ toma'ntatena higo ñeñt puenarent penet all pa'nyo.

mereñtsoret. E'ñe ñeñña mereñtsorecmuet ñeññ çharrasheña puechena epa ñeññ pa'tañ pene' Israel ñeññ corrats'e't ahuat.

⁵ Ñehua, pate'tets mereñtsorpa' allponsheña ñeññcha' ayato'ma'tarettatsa: Judána'tarpa' allo'tsencha' çharra' puechena epa mil acheñenesha'; Rubénna'tarpa'çho'ña allo'tsencha' çharra' puechena epa mil acheñenesha'; Gadna'tarpa'çho'ña allo'tsencha' çharra' puechena epa mil acheñenesha';

⁶ Aserna'tarpa'çho'ña allo'tsencha' çharra' puechena epa mil acheñenesha'; Neftalína'tarpa'çho'ña çharra' puechena epa mil acheñenesha'; Manasésna'tarpa'çho'ña çharra' puechena epa mil;

⁷ Simeónna'tarpa'çho'ña çharra' puechena epa mil; Levína'tarpa'çho'ña çharra' puechena epa mil; Isacarna'tarpa'çho'ña çharra' puechena epa mil;

⁸ Zabolónna'tarpa'çho'ña çharra' puechena epa mil; Joséna'tarpa'çho'ña çharra' puechena epa mil; Benjamínna'tarpa'çho'ña çharra' puechena epa mil acheñenesha'.

Atto shonte' pa'namen acheñenesha' ñetpa' e'ñe huallama'tarerochet pa'shtam

⁹ Allempoña napa' o' alla nenterrerr shonte' acheñenesha', nanac che'muechenet ama e'ñotuenteno ñeññ allpon allo'tsen. Shonte' pa'namen acheñenesha'. Ñeññpa' pa'namen anetsot huacha'tyenet, shonte' pa'namen mereñtsoret ñeññ huachetsa all, shonte' pa'namen ñoñets e'ñe po'poñe'ttsoema eñosyenet. Ñetñapa' all tomçhenet e'ñe ñehuapo' allo'tsen Yompor po'conañ allo'tsen ñaña Cristo ñeññ toma'ntenaya Carrnero. Ñetpa' e'ñe huallama'tarerochet pa'shtam. Pototetñapa' añ orra'yenet atet ñerra'm shequëpan.

¹⁰ Allohuenetpa' rranenet, otenet:

Yompor ñeññ po'conañotsen ñapa' o' a'queshpaterrey epuet ñaña Puechemer ñeññ toma'ntenaya Carrnero.

¹¹ Ñeññ berrma'ttetsa pa'tatso'mar ñaña ñeññ sherbene' Yompor all, ñaña allohuen mellaño'eñnesha' ñeññ tomçhets a'yohuen errañaren, ñetña allohuenetpa' e'ñe rroçhtañpuesueñet Yompor ñeññ po'conañotsen. Ñeññ mellaño'eñnesha' all rrema'rartenet Yompor po'conañ atet ma'yocheñet Yompor.

¹² Ñeññpa' atet aye'choçhtateññañet Yompor, ñeññpa' atet otenet:

Attetepa'ch yocop ya'ye'choçhtatoñepa'ch, yecohuentatoñepa'ch, amuepa'ch ahuañaño atto eñotañtena Yompor, yeparasyoso'chepa'ch, añcha'na'tpahuepa'ch yenteñ, amuepa'ch ahuañañaatto ñeññ atto ahuamencattena Yompor, añcha'tarettepa'ch tayoteñ errponohuañen. Ñeññpa' attetepa'ch.

¹³ Allempoña puesheñarr ñeññ sherbene' Yompor, ñañaapa' a'p'to'ten, atet oten:

—Papa' çama't peñoteñeña eseshaçhnote'ña ñeññ chorrenaya huallama'tarer, ñaña ama't peñoteñe erro'tte'ña huaçhenet?

¹⁴ Nañapa' atet noch:

—Amaca'ye Nompore neñoteñe. Pate'ca'yeña eñotene'.

Ñañaapa' o' alla oterren:

—Añenesha' ñeññ chorrenaya huallama'tarer ñetña ahuanterret allempo orrterra pa'namen mueroçhteñtsoçhno. Ñaña ñetpa' atto e'sshouarettet po'chñaret e'ñe Cristo po'rroso, ñeññña ottetsa atet ñerra'mrrate' ñetpa'

o' atsama'tarettet pa'shtam attoch e'ñe cohuen a'huallama'ttarettet pa'shtamuet e'ñe cohuen.

15 Ñeñfo marña ñetpa' allo'tsa'yenet Yompor po'conaño. All chocma sherbeñet Yompor — ellapenete't, arepenete't sherbatset all Yompor pa'paclo. Yomporña ñeñt anets all po'conaño, ñachña e'ñe a'natenahuet e'ñe ñesho.

16 Ñetpa' amach mueroc'hterrete'te pa'chporrñoť ama't po'ñpañoť. Ñaña ñetpa' amach errotenoť chemuerranete'te atsne' ñaña amach a'mñechaterranete'te ñaña huerate'.

17 Tarro'mar Cristo ñeñt atma'ntataret Carrnero ñeñt allo'tsen all Yompor po'conaño, ñachña cohuam'penahuet e'ñe atet ñerra'mrrate' carrnero e'ñech cohuan'peñ pamo'mte'. Ñapa' chapatanetcha' all poten oñ ñeñtcha' apahuet attoch correnet errponañohuen. Yomporña ñach a'huañam'psahuet puelquēña ama't ahuatapa' amach yahuerrete'te.

8

Allempo Cristopa' toruan po'cančhroñ ñeñt allo ayomrrarettena Yompor po'libro allempoñapa' orra ñaña puesheñarr mellañoēñ ñeñt orrene' po'pajo' orotaten

1 Allempoña Cristo ñeñt toma'ntenaya Carrnero, ñapa' allempo e'ñe toruan po'cančhroñ ñeñt allo ayomrraret Yompor po'libro, e'ñe muetsoñeñtua poctacma pue'ntaño tematuanen.

2 Allempoña napa' alla nenterrerr mellañoēñesha' ñeñt cančherrsheña ñeñt tomčhets e'ñe all Yomporesho. Ñetña puesheña'ttset allpa' aparetet poctor.

3 Allempoña o' huapa po'psheñeñ mellañoēñ. Huapapa' o' tomos all altaro. Añ altarpa' allecma a'crratenet tsach puese' ñeñtña atarr amostetsa all. Pamosoñña' ñeñt atarr eñmosaťtetsa Yomporecop. Ñeñt mellañoēñpa' añ orren pajo' orotaten allcha' nenan ñeñtcha' eñmosaťtetsa. Ñeñt mellañoēñpa' allña apet shonte' eñmosať ñeñtcha' eñmosaťtate' ñeñt atto ma'yochena Parets pueyochresha'. Ñeñtña eñmosaťtetsapa' ñeñtcha' net altaro ñeñt ayečcataret oro ñeñt e'ñe ñehuapoťe'tsen Yompor po'conaño.

4 Ñeñt orram'pen mellañoēñ eñmosaťpa' čha amosoñe'chnen enonet allo'tsen Yompor, ñeñtña eñmosaťtatene' ñeñt atto ma'yochena Parets pueyochresha'.

5 Allempoña mellañoēñpa' cheterran pajo'pa' o' esha'tan tso' puecallam'shor ñeñt cheta' altarot e'ñe e'chorran tso' pajo. Allempoñapa' huapore'ch patso. Chap patsopa' meratstosa, tatstosa, e'morrtosa huomenc, pellatan pats.

Atto Juanpa' entan cančherrsheña mellañoēñ ñeñt poctorets

6 Allempoña mellañoēñ ñeñt cančherrsheña ñeñt epoctorerarer puesheña'ttsetpa' o' echantyeset po'poctor o'ch a'toret.

7 Allempoña ñeñt ñanom mellañoēñpa' o' poctora', poctora'huatsapa' orra ñeñt ma'po'mar ñeñtcha' ahupore'tarettatsa patso. Ñeñtpa' añ hue' allotpa' ñaña tso' ñeñt tsetetsa errasatso. Atto ahupore'taretta patso allempo chap patsopa' e'ñe a'huortatuosan ñeñt allo'tsen all chap patso. Tso'ñapa' erraparen e'ñe a'poyuosan ñeñt allpon tsachečhno ñaña allpon ta'tečhno ñeñt allo'tsa'yen ama't allohuanen pats allpon ñeñt otenet la tercera parte.

8 Allempoña po'psheñeñ mellañoñeñ ñeñt puepañpa' o' poctorerrerr. Poctora'huerrtserrpa' orrtterrerr atet ñerra'm ñeñt nanac atarr aspenet. Ñeñtñapa' cha huorten. Ñeñt aspenetpa' ahuapore'taretta sa'po. O'ña chap oñopa' errañarenña oñpa' puenasa errasats allohuanen oñ ñeñt allpon otenet la tercera parte.

9 Ñaña ñeñt allpon yeçhetsa all oño errañaren, e'ñe colla'hua, allpon colla'huatsa ñeñt otenet la tercera parte. Ñaña ñeñt allohuen boteçhno ñeñt chope'chyets all oño errañaren e'ñe chenca'huet, allpon chenca'huatsa ñeñt otenet la tercera parte.

10-11 Allempoña po'psheñeñ mellañoñeñ ñeñt puema'pañpa' o' poctorerrerr. Poctora'huerrtserrpa' orrtterrerr ranto ento ñeñt añecmuen atarrenñ. Shora'nerrerr cha huerarere'tnena. Chap allo'tsa'yen po'ñesoçhno ñaña allot potayen oñeçhno errañaren arr patsro. Ñeñt'pa' arrohua chap ñeñt allpon otenet la tercera parte. Ñeñt rantopa' añ pa'so'cheñ Peshrremñ. Chap allo'tsa'yen oñeçhno ñeñt'pa' cha a'pesherrretuosan oñeçhno errañaren arr patsro. Ñeñt'pa' allponohua a'pesherrtatan oñeçhno ñeñt allpon otenet la tercera parte. Oñ po'peshrroña ñeñtña a'cclatue'ña shonte' acheñenesha' all.

12 Allempoña po'psheñeñ mellañoñeñ ñeñt puepa'tatseñ o' poctorerrerr. Poctora'huerrtserrpa' allempocma çho'te' errotetyesa atsne' ñaña arrorr ñaña rantoçhno, o' attañña checmetyeset. Ñetpa' allpon checmetyesets ñeñt allpon otenet la tercera parte. Ñeñt atto çhoyo'tenet yeto ñaña tsapopa' o'huañ atsnomyeset. Ñeñt allpon o'huañ çhoyo'tyeset yeto ñaña tsapo ñeñt'pa' allpon otenet la tercera parte.

13 Allempoña napa' o' alla necuererrpa' allñapa' nenterrerr po'psheñeñ mellañoñeñ ñapue't all anoma'mtena ento allpononet. Allñapa' ne'muerrerr ñeñt atet eñosnom huomenc. Panoma'mteño'tpa' atet oten:

—Llequẽntsa-bee ñeñt allohuenacop ñeñt yeçha'yetsa añe patsro. O' mame-shañña o'ch poctora'huerrerr po'poñ ma'psheño'mar mellañoñeñ.

9

Atto o' e'ñe ma'psheñaña mellañoñeñ ñeñt'cha' poctorerrtserr e'ñe allohuanen

1 Allempoña po'psheñeñ mellañoñeñ ñeñt pa'mnareñpa' o' poctorerrerr. Poctora'huerrtserrpa' nañapa' all nenterrerr ranto atarrenñ ñeñt shora'nmats entot o' e'ñe chap patso e'ñe atet orrtosa ñerra'm mellañoñeñ. Ñeñtña mellañoñeñ allñapa' apet paterr llave alloch toran allo e'tañpsaret arrorot ñeñt atarr o'pononet arrorotena pats.

2 Ñaña'pa' o' torañpsan arrorot. Ñeñtña arrorot allotña cha'nom amos shonte' atet ñerra'mrrate' cho chemue'chenet. Chepoten amos cha muene'mayenan ama't atsne', erracmañen chepoten, e'ñe chorren amos.

3 Atto atarr chepoten amospa' cha'nmaçha'tatan ñaña allot ahuañchencla nanac shonte', pamçha'tyesa erracmañen patso. Ñehua, ñeñt ahuañchenclapa' o' apet attoch epotaña atet pena ñerra'mrrate' yellas ñeñt atarr epotañ.

4 Ahuañchenclañapa' atet otaretta amach errot patstano ta'te' ñeñt patso'tsen, amach errot patstano ñaña tsach. Ama't ñaña allohuen ñeñt

pa'namen choppyets añe patsro amach erroṭ ṽatsche. Añcha'ña erroṭ ṽa'acheñ ñeñt ama ayato'ma'tareteyaye Yompor pueyotsaparo.

5 Ama muenacheto o'ch muetsan ama't patrra acheñ allempo. Ñeñt ahuañchencllapa' añe oteñet o'ch mueroçhtatan acheñ amnarnña arrorr. Ñeñtpa' atetcha' atserřpanet atet atserřtena yellas ñerra'm tho epota'y.

6 Allempoña acheñenesha'pa' e'netcha' attoch rromuet tarraña amach erotenot rromueto. Ama'tcha' atarr ya ñametare'tenetañpa' amach rromueto.

7 Ñeñt ahuañchenclla atet orrtena ñerra'mrrate' cahuall allempo o'ch natyeñet attoch quellarachet. Poñpa' e'ñe atet orrtena ñerra'm choyo'mets ñeñt orotaten. Pa'cloyotpa' e'ñe atet orrtena ñerra'mrrate' acheñ.

8 Echet, pue'chpa' añecmuen atet ñerra'mrrate' coyanesha' pue'ch. Pa'spa' e'ñe atet orrtena ñerra'mrrate' ma'yarras.

9 Pa'tallpa' e'ñe atet orrtena ñerra'mrrate' asertall ñeñtcha' moñenaya, amach etsoto allo saneñet. Ñaña ahuañchenclla ñerra'm esempo anomthenapa' e'ñech atet e'morrtena ñerra'mrrate' shonte' carro ma'moretets allempo matateñ cahuall huomenc attoch chapuet allcha' quellaroset.

10 Pa'sme'llpa' e'ñe atet orrtena ñerra'mrrate' yellas pa'sme'll allot epotañtena. Pa'sme'llotsen puepotañer allot atserřpenan acheñenesha'. E'ñech amnarnña arrorr mueroçhtatenanet.

11 Ñeñt ahuañchenclla ñetpa'cho'ña añ pa'mcha'tareter penet mellañoñeñ ñeñt añcha'tarettetsa all allo'tsen arroroṭ ñeñt atarr arroroṭ o'pononet pats. Mellañoñeñ ñeñt pa'mcha'tareter pen ahuañchenclla, hebreyachopa' añ socheñet Abadón; griegachñoñapa' añ socheñet Apolión. Ñeñt epo'mar so'chñets ya yeñoño ñeñt yoten amtsanatañ.

12 Allempopa' met ñeñt ñanom ñeñt allcatañtetsa, tarraña señochepa'ch palltena po'poñ epa ñeñtcha' allcatañterrtserř.

13 Allempoña po'psheñeñ mellañoñeñ ñeñt po'pechapueñ o' poctorerrerr. Poctora'huerrtserřpa' naña allpa' ne'muerrerr ñoñets ñeñt e'morrtsa altar pa'tatso'maroṭ po'ucoroṭ. Añ altar ñeñt ayeçhcataret oro, ñeñtpa' e'ñe ñehuapoñe'tsen Yompor po'conaño.

14 Ñeñtña ñoñetspa' atet otenan mellañoñeñ ñeñt po'pechapueñ ñeñtara ñeñt o' poctora'huerrerr. Ñeñtña ñoñetspa' atet otenan mellañoñeñ:

—Te'pa' o'ch pepyanmper mellañoñeñnesha' pa'tatssheño'mar ñeñt ehuan-carettetsa all ñeñt atarr po'ñeso ñeñt pa'so'cheñ Eufrates.

15 Ñehua, ñeñt mellañoñeñ pa'tatssheño'maretpa' añecop añño'tarettenet all atomat o'ch chap allempo onañchareñ allempochña ñetpa' o'ch a'cclatuert shonte' acheñenesha'. Ñeñt ora allpon acheñenesha' ñeñt yecha'yetsa arr patsro allponcha' colla'huerrtsa ñeñt allpon otenet la tercera parte. Te'pa' o' e'ñe etsotua ñeñt atet onañchareñ ñeñt hora, ñaña ñeñt yetro, ñaña ñeñt arrorro ñaña ñeñt chararo. Allempoña ñeñt mellañoñeñ pa'tatssheño'marpa' o' a'royaretterret.

16 Ñeñt mellañoñeñ pa'tatssheño'mar ñetñapa' ahuanmet po'solltarer ñeñt monta'yetsa puecahualloro. Nañapa' ne'muen allpon ñeñt atet oten ñeñt allo'tsa'yen. Ñeñtpa' atarr aton shonte'. Ñeñt che'muechets all, allo'tsen docientos millones solltarnesha'.

17 Ñeñt atet gatennet all nent ñaña cahualleçhno, ñaña nent ñeñt atet orrtena ñeñt montenaya. Puesomapotpa' añ chorra'yenet asrom.

Patanta'tetspa' añ chorra'yenet tsamamuenare', po'potantañpa' añ chorra'yenet asollemamuenare', po'potantañpa' añ chorra'yenet shemashremamuenare'. Ñaña cahuallečno poñpa' atet orretyena ñerra'mrrate' ma'yarroto'. Puenamoñpa' allot' cha'nen tso' huorte' epuet ñaña amos epuet ñaña ñeñt huoretnets shemashrepñeñen ñeñt otenet azufre.

¹⁸ Añña ñeñt' cha'nets puenamoñ atsetaren ma'po'marpa' ñeñtpa' ñeñtña amtsañtetsa ñeñtcha' a'cllatuerre' shonte' acheñenesha' ñeñt allpon otenet la tercera parte.

¹⁹ Ña po'huamenc allo muetsenan acheñenesha' ama puenamotayaya atet peno, añña ama't pa'sme'llotpa'cho'ña amtsañtena. Tarro'mar pa'sme'llpa' shechpeto' ñeñt' poso'sme'll pen. Ñeñtpa' alloña atserrpenan acheñenesha'.

²⁰ Allpon acheñenesha' ñeñt' qeshpatsa ñeñt' ama muetsanato ñeñt' amtsañtetsa ñetñapa' attera atpare'feñet Yompor. Ama cotape'cherreto cohuen attoch quechpuet ñeñt' atet patse'tyenet sosya'tsañ. Ñetpa' attera mueneñet o'ch ma'yochyet oneñefecho ñeñt' ama cohuenayaye. Ñaña ñetpa' attera mueneñet o'ch yechcatatse'tyeset pa'namen ñeñtcha' ma'yochenet atet ñerra'm oro ñaña quellema't, ñaña bronce, ñaña mapue', ñaña tsach. Allo-huenet ñeñt' yechcatyenet ñeñtña po'yomporer penet, ñeñt' ma'yochenet ama't ama enteno, ama't ama e'mueno, ama't ama chope'cheno.

²¹ Ñaña ama quechpueneto ñeñt' atto muetsanna'tenet ñaña atto tsamñannenet ñaña atto nanac cañoresha'tenet ñaña atto etatsre'tanna'tyenet. Ora añechnopa' alloña ama cohuenaye' cotape'cheneto.

10

Atto Juanpa' entan puešeñarr mellañoñeñ ñeñt' orrene' po'librotoll

¹ Allempoña napa' o' alla nenterrerr po'psheñeñ mellañoñeñ ñeñt' atarr ahuamencattetsa. Ñaña'pa' sohua'nena ento't, e'ñe oso't sohuanñpena. Poñoñpa' añ arca'tampesnene' ayon. Pa'clloyotñapa' e'ñe atet poptena ñerra'mrrate' atsne' choyo'tetsa. Pa'tac pa'chepohuen ora atet orrtena ñerra'mrrate' tso' huortets enonet.

² Sohua'nenapa' orra'nenan po'librotoll. Ñeñtña librotollpa' e'ñe cohuen atorare't ñeñt' rremuen potot. O' chap patsopa' pa'tacña po'cohuenrotpa' tomos oño, po'ptecañña ñeñt' pue'chcoterotpa' tomos patso.

³ Allempoña tomospa' rranosa huomenc. Po'ñoñpa' e'ñe atet e'morrtosa ñerra'mrrate' ma'yarr tecoretsa. Atto rranosapa' e'ñe atet e'morrtena ñerra'mrrate' tecore' anapuene' ñeñt' canchroche'tats tecorena.

⁴ Allempoña e'morrtta ñeñt' canchherr tecore' napa' nemneñeñ o'ch nequell-cañ ñeñt' atet ne'm tecore', tarraña na allempopa' ne'muerrerr ñoñets all e'morrtena ento. Ñeñtña ñoñetspa' atet otenen:

—Amach pequellcatsche ñeñt' atet pe'mueñ tecore' chochña pa'nasocha.

⁵ Allempoña añ mellañoñeñ ñeñt' tomosets oño ñaña patso, ñaña'pa' echan-tosan pot enonet po'cohuenrot.

⁶ Allña eñosospa' e'ñe huomenc nosan po'ñoñ Yompor pa'so'chño, ñeñtpa' atet otos:

—Yompor ñeñt' ama arromñañeshayaye ñeñt' yechcate' enet ñaña ora allpon ñeñt' allo'tsa'yen pue'ntaño, ñaña ñeñt' yechcate' pats ñaña ora allpon ñeñt' allo'tsa'yen po'patsño, ñaña ñeñt' yechcate' oñechno ñaña ora

allpon ñeñt allo'tsa'yen pueyechcatareso, ñaña'pa' entenen ñeñt atet noten te' ñeñt'pa' e'ñech po'ño'ch atet perra. Te'pa' amach alla yecuame'tere'te atomatuaenen.

⁷ Ñerra'm esempoch poctorrerr po'psheñeñ mellaño'feñ ñeñt po'can'chroñpa' allempochña e'ñe etsotuerra Yompor poctapña ñeñt ama e'ñeye' eñotpahuoyaye ama't ahuatoteñ ama't allempo ñanom eñotatyesane't ñeñt'cha' a'mta'yese't po'ñoñ ñeñt'ara ñeñt nanac torra'yestse't ñocop. Allohua ñeñt atet eños mellaño'feñ.

⁸ Allempoña napa' o' alla ne' muerrerr ñoñets ñeñt'ara ñeñt atet ne'm ñorra' ñeñt e'morr'tetsa pue'ntañot, alla oterrerr:

—Te'pa' o'ch peponem'ya mellaño'feñ ñeñt tets oño ñaña patso o'ch pechtosñañ potot po'libro ñeñt e'ñe cohuen atoraret.

⁹ Ñaña'pa' ahuen allo'tsen mellaño'feñ, ne'chap ñeshopa' notos:

—Te'pa' o'ch papuen pelibrotoll.

Ñaña'pa' atet oten:

—Añca'ye peyore o'ch perre'. Penamo'tpa' atarr'cha' nanac puetsarr pe'mñ atet ñerra'm pets po'moñ, tarraña ñerra'm o'ch chap patopa' atarr'cha' pesherr pe'mñ.

¹⁰ Allempoña napa' o' nechtosñañ po'libro pototpa' o' nerre'. Allempo nerruepa' nenamo'tña atarr puetsarr ne'mñ atet ñerra'm pets po'moñ tarraña allempo chap natopa' atarr pesherr ne'mñ.

¹¹ Allempoña napa' o' alla oterr'neterr:

—Te'pa' añ pocte' o'ch alla peserrpare'terrerr ñeñt'cha' atet etsotaterr Yompor esempohuañen. Añ'cha' peserrpare'tyes ñeñt'cha' atet perra shonte' pa'namen acheñenesha' ñaña atet'cha' perra pa'namen anetso'marnesha' ñaña atet'cha' perra pa'namen mereñtsore'chno ñeñt eñosyets po'poñe'ttso'cma ñoñtso ñaña atet'cha' perra pa'namen añ'cha'tarete'chno.

11

Atto epsheña ñeñt pueyochresha' pen Paretspa' ñet'cha'ña eñertset Yomporecop

¹ Allempoña napa' apnet tepapets ñeñt atarr allpocha'p e'ñe atet ñerra'm carrots. Ñaña allpa' atet otnet:

—Te'pa' o'ch ahuep o'ch petpueññaña' Yompor pa'paquell allo, ñaña altar ñeñt allo'tsen. Ñaña o'ch pe'ñotena' errosheñafe' ñeñt ma'yochetsa all.

² Tarraña amach petpamñsatscheña ñeñt a'yote'tsa'yen cha'petot. Tarro'mar all ñetpa' aparet'tet'cha' po'poñ acheñ ñeñt ama ame'ñetso. Ñet'napa' atmama'terret'cha' all anetso ñeñt anaret Partsocop. Pa'tatsoch çharraña puechena epña arrorr allponmatcha' a'sosyateñet all ñeñt anaret'tetsa Partsocop.

³ Ñaña allempopa' o'ch nemñe epsheña ñeñt neyochresha' nepen. Nach ahuamencat pahuet attoch a'potet ñeñt'cha' atet perra esempohuañen. Mil doscientos sesenta yet allponmatcha' serrpare'tennanet neñoñ. Puel-lqueño'fet chorret'cha' pa'shtamashe'm. Arrpa' allohua ñeñt atet otnet all Yompor pue'ntaño.

⁴ Ñehua, añ epsheño'mar ñeñt'cha' eñerrets Yomporecop ñetpa' atma'ntarettenet epcha olivoch ñaña epa all orratenet huerare ñeñt

e'ñe tomčhets all Yomporesho, ñeñčara Yompor ñeñč pomnaren pòhuene' allohuen acheñenesha' arr patsro.

⁵ Ñaña añ epsheña ñeñčha' eñerrets Yomporecop, ñerra'm ama't esesha ñeñč muenene' o'ch erroč pet añ epsheña, ñetñapa' puenamočpa' o'ch čha'nmamet tso' huorte' ñeñčha' e'nue' ñeñč e'moñe'tenahuet. Ñeñč'o'mar yeñoteñ ñerra'm esesha' e'moñe'tenahuet, ñetñapa' e'ñech rromhuet poc-tacma.

⁶ Ñaña añ epsheña ñeñčha' eñerrets Yomporecop, ñetpa' atarrcha' ahua-mencatet. E'ñe ñet po'huamencot epatare'teñet o' entot attotcha' ama hu-ateno e'ñech allponmat eñorenat Yomporecop. Ñaña e'ñe ñet po'huamencot oññapa' o'ch a'pnaseret errasats. Ñaña e'ñe ñet po'huamencotet o'ch čhapaterret añ arr patsro pa'namen ñeñčha' amtsañterrtsa. Ama't esempo allempo atet muenenet ñet, allempocmach atet pet.

⁷ Tarraña ñerra'm esempoch e'ñe e'nuet ñeñčha' allpon eñoret arr patsro, allempoñapa' o'ch čha'nom ñaña ñeñč berrma'ttetsa ñeñč atarr bellac. Arrotcha' čha'nom arrotot ñeñč atarr o'pononet arrottena pats. O'chña čha'nompa' o'ch quellarosan añ ñeñč epsheña ñeñčha' eñerrets Yomporecop. Ñeñč berrma'ttetsa ñachña ganatsa o'ch muetsan añ ñeñč epsheña.

⁸⁻⁹ Añña epsheña ñeñč amtsaretpa' attach o'shshe'muet toño allecma chopeñe'čhen allohuen acheñenesha'. E'ñe ma'pamuet ñaña po'poñ puesh-met yet allach o'shshe'muena all atarr anetso, ñeñčara anetser Jerusalén all corso'tamčset Yepartseshar Jesucristo ahuač. Ñeñčña anetserpa' ñato' o'ch netma'ntacha ñerra'mrrate' ñeñč atet pete't anetso Sodoma ñaña anetso Egipto. Añña epsheña ñeñč amtsaret attach o'shshe'muet all amach esesha' muenateto o'ch pampuet. Allñapa' allcha' huačhena shonte' pa'namen acheñenesha' ñeñčha' cohuanrrortene', shonte' pa'namen mereñtsorečhno ñeñč eñosyets po'poñe'ttsocma ñoñtso. Shonte' pa'namen anetsočhno allot huačhena.

¹⁰ Acheñenesha' ñeñč yečha'yetsa erračparen arr patsro ñetñapa' o'ch coshame'tamčsesyet añ epsheña arromñač. Atarrcha' nanac cosherret. Pocsheñeshočetña ñetpa' o'ch es apanna'tyeset e'ñe afta. Ñetpa' añecopcha'ña atarr coshenet tarro'mar o' rroma añ epsheña ñeñč atsrre'moçhen entenet ñeñč yore'tatenahuet po'chñaret e'ñe pueserrpare'teñočet Yompor po'ñoñ.

¹¹ Allempoña o'ch met ma'pamuet ñaña po'poñ pueshmet yet, añña ñeñč epsheña machayotepa'tcha' alla tanterret tarro'mar Yomporña alla tanta-terre'. Allohuen acheñenesha' ñeñč cohuanrrortene'pa' atarrep'a'tcha' nanac yorenat.

¹² Allempoña tanterret epsheño'maret, e'muet ñoñets ñeñč e'morrtsa atarr huomenc entot. Ñoñetsñapa' atet otenanet:

—Sa'tap arr ento.

Ñetñapa' o'čho' a'tapuet, ospa' ñeñčña anmahuet ento.

¹³ Cohuanrrortets ñeñč e'moñe'tenahuetpa' e'ñe allempocmaña pella pats huomenc. Allña anetsopa' shonte' matna't pocoll, allpon otenet la décima parte. Ñaña cančherr mil acheñenesha' ñeñč allpon colla'huatsa. Ñeñčña allpon qeshčatsapa' atarr yorenat. Pueyorñočetpa' e'ñe allempocma añcha'na'tpo' eñchet Yompor ñeñč pue'ntaño'tsen. Allñapa' cohuentatoñet.

¹⁴ Allempopa' o' metuaña ñeñč puepañ ñeñč allcatañtetsa, tarraña señočepa'ch palltena po'poñ paterr ñeñčha' tecma allcatañtatsa ñeñčha'

puema'pañ.

Allempoch poctora'huerr mellañoiteñ e'ñe allohuanen allempochña amcha'taretetuerra Yompor arr patsro

15 Allempoña po'psheñeñ mellañoiteñ ñeñt' po'cançhroñpa' o' poctorerrerr ñaña. Poctora'huerrtserrpa' entoñapa' atarr huomenc e'morrterrerr ñeñt' eñoretza all ento. Ñeñt'pa' atet otenet:

Ñeñt' allpon amcha'taretetyetsa arr patsro te'ñapa' o'huañcha' allo'na amcha'taretetnenet tarro'mar ñeñt' atto amcha'taretetyenetpa' ñeñt'pa' allochña amcha'taretterra Yompor epuet ñaña Puechemer ñeñt' Cristo. Ñeñt'cha' atto amcha'taretterra Yomporpa' ñeñt'pa' amach ahuañaña'aterra ama't errponaña.

16 Allempoña añ ñeñt' epoch çharrasheña ñeñt' puechetsa pa'tats ñeñt' anorrçhets all e'ñe ñet po'conañeto allot sherbeñet Yompor all pue'ntaño, ñetñapa' rrema'rrartenet Yomporëshonet atet ma'yocheñet Yompor.

17 Ñetñapa' atet otenet:

Pa Yompore ñeñt'ep atarr nanac Partsoþ ñeñt'ep Yepartseshar yepeneþ, ñeñt'ep çhocma eñalleþ ama't ahuatoteñ ñaña ñeñt'epcha' alla huerrtserr po'pocheño aña patsro, yañapa' atarr yeparasyoso'teneþ tarro'mar te'pa' o'ch alla po'paterra þa pehuamenc atotcha' o'ch allá atarr þa'mcha'taretterra.

18 Shonte' pa'namen acheñenesha', pa'namen anets allo'tsa'yenet, ñet pa'tsrre'mueño'fetpa' e'ñe e'moñe'tuenpet, tarraña te'pa' o' çhap allempoch pecoñchatuerranet. Ñaña te'pa' o' çhap allempo onañchareñ añecop ñeñt' colla'huetsa ahuatoteñ allempoch peñotatuerranet ñeñt' atet þa'yese'te. Añña ñeñt' torra'yestse't atto a'mtonapete't peñoñ ñeñt' e'ñe peyochresha' pepe't, te'ñapa' o' çhap allempoch petsa'tuerranet. Ama't allohuen ñeñt' þame'ñaye't þa ama't ñeñt' atarr asherben entyese'te't ñaña ñeñt' ama asherben entete'te, te'ñapa' o' çhap allempoch petsa'tuerranet allohuenet ñeñt' þame'ñenaya þa. Ñaña te'pa' o' çhap allempoch e'ñe þa'chencatuer allohuen ñeñt' a'chencatañtetsa aña patsro.

19 Allempoña añ Yompor pa'paquell ñeñt' ento'tsenpa' e'ñe cohuen atorare'ttena. O'ponoña all nentoñ Yompor po'tsapot all çhocma añño'tenet ñeñt' aquellcare't ñeñt' a'poctat Yompor yocop. Allñapa' meratstena, tatsllaren ma'moreten huomenc, pellená pats ñaña atet huechen huomenc.

12

Atto Juanpa' entan puesheñarr coyanesha' ñeñt' emaret, pue'maretollpa' ñeñt'ara Cristo, añañañapa' mueneñeñ o'ch añañapes pue'maretoll

1 Allempoña all pue'ntaño'pa' all orrtena ñeñt' ama't ahuata ama't puesheñarro'teyapa' ama yentare. Ñeñt'pa' ñeñt'cha'ña yeñotaterre' ñeñt'cha' atet perra esempohuañen. Allñapa' all orrtena puesheñarr coyanesha'; añ po'cashe'm pen atsne'. Pa'r'rpoñapa' allo'tsen ñaña arrorr. Poñoñapa' echoyo'met. Po'choyo'mopa' all orrtena çharra' ranto puechena epa.

2 Ñeñña coyanesharpa' a'chomen, o' çhen allempoch eñalletatan pue'mar. Atto atsotenana pue'marpa' çha rranare'tena, atarr allpatateñ pue'mar.

3 Allempoña all pue'ntaño all orrtena po'poñ ñaña ñeñt' ama't ahuatapa' ama yentare. Ñeñt'pa' añ orrtetsa añañ ñeñt' atarr amcha'noçhen. Ñeñt'

añyañpa' atarr añecmuen ñaña atarr tsama't orrtena. Poñpa' cancherrmāga. Cancherrmāgo'mar poñpa' e'ñe echoyo'metareroche'. Ñaña po'ucorpa' allo'tsen çharra'.

⁴ Pa'sme'll ñeñt chetare'tnen alloña tarra'huanenanña shonte' rantoçhno e'ñe a'shore'tuaneñ patso. Ñeñt allpon ranto ñeñt ento'tsen, allpon a'shore'tuare't ñeñt otenet la tercera parte. Ñeñña añyañpa' alla tomos e'ñe coyanesesho ñeñt atsothenaya pue'mar all cohueñ ñerra'm o'ch eñalletatan pue'marpa' ñach añyañpse'.

⁵ Allempoña coyanesha'pa' o' eñalletatan pue'mar ñeñtpa' asheñorr. Allempo eñalletua ñeñt asheñorro'tollpa' e'ñe allempocma a'tapachet Yompor po'conaño tarro'mar ñapa' ñach anarettertsa ñeñtcha' añcha'tarettertsa allohuen pa'namen acheñenesacps. E'ñech po'yorothenñot añcha'taretterranet, atet ñerra'mrrate' ñapa' a'sreperet o'ch añcha'noçhtana'terranet.

⁶ Allempoña coyanesha'pa' allorocma o' yeta o' çhap allañar all amarato. Allña Yomporpa' e'ñe cohuen añño'tatoñ allcha' cohuanpeñet allcha' rrateñet allponmat yet ñeñt otenet mil doscientos sesenta yet.

Atto quellarenet Yompor pue'ntaño

⁷ Allempoña quellarenet Yompor pue'ntaño. Ñeñt pa'mcha'tareter pen allohuen ñeñt e'ñe cohuen mellaño'eñnesha'pa' añ pa'so'cheñ Miguel.

⁸⁻⁹ Miguelñapa' all quellara po'mllaño'eññanesharohuen. Quellareñet añyañ, añyaññapa' o' quellara ñaña pueyochreshohuen. Miguelpa' chetanna'tet parro epuet añyañ all Yompor pue'ntaño. Ñehua, ñeñt pueyochresha' pen añyañ ñeñtpa'çho'ña mellaño'eñnesha' tarraña ñeñt mellaño'eñnerpa' ama cohuenayaye. Tarraña añyañ atto quellaran Miguelpa' ñapa' ama gano. Ñeñto'marña añyañpa' huapore'chet entot pueyochreshohuen a'shoraretterret patso. Attoña ahuaapore'tarettaña añyañ ama't atarr nanac añcha'noçheneñ. Ñehua, añyañpa' ñeñt shechep ahuatoteñ ñeñfara yoten oneñeñ ñaña ñeñt otenet Satanás ñeñt atarr ashcañtetsa ora erraparen añe patsro.

¹⁰ Allempoña napa' o' alla ne'muerrerr po'poñ ñoñets ñeñt atarr e'morrtetsa huomenc all Yompor pue'ntaño. Ñeñt ñoñetspa' atet oten:

—Te'ñapa' po'ñoçh o' çhap allempoch queshpa'huerra allohuen acheñenesha' ñeñt pueyochresha' pen Yompor, tarro'mar o'ch alla o'paterrana po'huamenc e'ñe poctacma o'ch alla añcha'taretterra ñapue't epuet Puechemer ñeñt Cristo ñeñt nen ña ñeñtcha' añcha'tarettapretenaya. Añ oneñeñ ñeñt çhocma atta toma'tam'pesyene' masheñneshaçhno all Yomporesho yeto ama't ñaña tsapome'tets ñeñtñapa' o' ahuaapore'taretta.

¹¹ Ñeñt masheñneshaçhñor ñeñt ame'ñenaya Yompor, ñetñapa' o' e'ñe a'mchechueret oneñeñ ñeñt toma'tam'pesyenahuet e'ñe atta. Añ a'mchechatterre' ñeñt atto Cristo rroma, ashataretta po'rras ñeñt toma'ntenaya Carrnero ñeñt muetsete't ochñartsocop. Ñaña añ a'mchechatterre' ñeñt atto masheñneshaçhno çhocma eñosyenet e'ñe cohuen ñeñt atet pena Cristo po'cohuenña. Ama't amuerochtataretetyenetpa' ñetpa' ama queçhpueñeto atto eñosyenet e'ñe cohuen Cristocop, tarro'mar ñetpa' ama mecha'teneto ama't mamesha o'ch rromuet e'ñe pame'ñeñotet Cristo.

¹² Atarr cosheñets Yompor pue'ntaño allohuenacop ñeñt allo'tsa'yen. Tarraña atarr llequëñets allohuenacop ñeñt yetcha'yetsa añe patsro ama't

ñaña ñeñt oño'tsa'yen. Tarro'mar oneñe'pa' o' sohuam'perranet e'ñe pa'tsrre'mueñesha'. Ñapa' eñoteñ e'ñech mameshapa' o'ch alla ahua-pore'tare'terrerr.

Atto añaña'pa' attera cotare'tenan coyanesha' ñeñt o' eñalletatuan puechoyor

¹³ Allempoña añ añañ ñeñtara oneñe't o' eñota ñapa' o' ahua-pore'taretta entot, ña pa'tsrre'mueño'pa' o' alla cotare'terranerr coyanesha' ñeñt o' eñalletatuan puechoyor asheñorro'oll.

¹⁴ Tarraña coyanesha'pa' allempo cotare'terrerr añaña'pa' ñeñtña coyanesha'pa' o' apet eppa'ya pa'pue' ñeñt atesha' contor pa'pue'. Ñeñt'pa' alloch anomam'psana po'yallo'p ñeñtara añañ o'ch sa'neni' o'ch chap ba'chayo all amarato all añaño'teññañet ñocop e'ñe cohuen allcha' cohua'mpeñet. E'ñech ma'pa char ñaña po'poñerrerr puehmet char, ñeñt'pa' allponmatcha' r'rachet all.

¹⁵ Allempoña añ po'yallo'ppa' e'ñe puenamo't cha'nmatan shonte' oñ atet ñerra'mrrate' po'ñes apellchetsa. Ñapa' cha otapañ ñeñt'cha' rremuer-aya' coyanesha' ñeñt cotare'ten attoch a'ño'shach. Tarraña ñeñt'pa' ama attetache.

¹⁶ Ama't patspa' yenpan coyanesha', attoña tara'nom all esha'tanña oñ e'ñe masohua ñeñt allpon cha'nmat po'yallo'p puenamo't.

¹⁷⁻¹⁸ Ñeñtña atarr atsrre'mate'ña añañ, ello alla atarr e'moñe'terranerr coyanesha'. Allempoña'pa' ahua' allo'tsa'yen po'potantañ coyanesha' puechoyoresha' o'ch quellarasanet ñamet. Tarro'mar ñetpa'cho'ña chocma ame'ñeñet Yompor po'ñoñ ñeñt atet anaret ñaña chocma coteññañet Jesucristo poctapña.

13

Atto Juanpa' entan berrma't ñeñt atarr am'cha'no'chen ñeñt cha'nets oño't

¹ Allempoña napa' natomos sa'patopño, allña'pa' nenterrerr berrma't atarr am'cha'no'chen ñeñt cha'nmatas oño't. Poñpa' can'cherrm'aga, po'ucorpa' charra'. Pate'tets po'ucorpa' e'ñe echoyo'metoche'. Puen'aga'ttso all aquell-care't sochatse'teñets ñeñt pa'namen sosya'tsañ allo achmare'teñet Yompor.

² Ñeñtña berrma't pue'moqu'er e'ñe atet ñerra'mrrate' ma'yarr tarraña pa'tacña'pa' e'ñe atet ñerra'mrrate' orranatec. Puenampa' e'ñe atet ñerra'm ma'ñorenam. Añañña'pa' ñeñt apue' po'huamenc, a'p ñaña llesens attoch am'cha'no'chtaprecha all po'conaño.

³ Puen'agarr poñpa' all orrtena' cha'atserrpena nanac huomenc'cha metagu'en ñeñt'cha' muetsayeñ tarraña ama rromo alla correrra. Ñeñto'marña allohuen acheñenesha' arr patsro ñetpa' atta cohuanrrorteñet'cha otapuetañ ñato' chach rroma, tarraña ama rromo. Ñeñt atto ama rromopa' acheñenesha'ña arr patsro ñeñtña ame'ñatenahuet. Ñetpa' otenapuetañ ñato' ñeñt'e'ña Parets.

⁴ Ñeñto'marña acheñenesha' ma'yocheñet ma'yarrma't. Ñetpa' atet otanna'tyeset:

—Ama eñalle po'poñ ñeñt nanac ahua'mencat atet ñerra'm añ ma'yarrma't ñeñt yenten. Ama't e'ñe eseshapa' amate' errotentot a'mchechachetoña añ ñeñt atarr ahua'mencat.

Ama't añaña'pa'cho'ña ñeñt ma'yochena acheñenesha' tarro'mar añaña'pa' ña ahua'mencat pe' ma'yarrma't.

5 Añyañpa' muenatenan ma'yarrma't o'ch ommo'chatse'tyesa. Pommo'chatse'teño'pa' o'ch achm'are'tenan Yompor. Ñaña muenatan ma'yarrma't o'ch am'cha'taretta pa'tatsoch çharram'ña ñaña puechena ep'ma arrorr.

6 Atet pa ma'yarrma't achm'are'tenan Yompor, sochatse'teñña' pa'so'cheñ. Ñaña Yompor pa'paquell ñaña allohuen ñeñ' allpon allo'tsa'yen pue'ntaño e'ñe achm'are'tueñ.

7 Ñaña muenateñ o'ch quellaran ñeñ' pueyochresha' pen Parets. Ñaña muenateñ o'ch ganana Yompor pueyochresha'. Ñaña muenateñ o'ch am'cha'taretta allohuenacop ñeñ' pa'namen acheñenesha', allpon ñeñ' pa'namen mereñtsor ñeñ' e'ñe eñsyets po'poñe'ttsocma ñoñtso ñeñ' ora allpon allemeñ anetso'mar.

8 Ora allohuen acheñenesha' ñeñ' aña patsro'tsa'yen añach ma'yochenet ma'yarrma't tarro'mar ñeñ' acheñenesha'pa' ama aquellcareteyayeto pa'so'cheñ Cristo po'libro all aquellcarenna allohuen ñeñ' corretsetach ñeñ' ame'ñenaya Cristo ñeñ' amtsarettsa ochñartsocop atet ñerra'm carnero. Ahuat allempo errete' ayeçhcataretta pats, Cristoña po'libropa' all aquellcaret so'chñetsoçhno attochña ñetpa' corretsetach.

9 Ñerra'm esesha' e'mñotene' añ ñoñets, çhapoñepa'ch pueyoçhro ñeñ' atet yechateney añ ñoñets. Ñeñ' ñoñetspa' atet oten:

10 Ñerra'm esesha' rromanatene' po'potantañ attoch yottam'psatanet, ñetpa'çho'ña ayottam'psaretterretcha'. Ñaña ñerra'm esesha' muetsanateney po'potantañ espado, ñetpa'çho'ña amtsaretterretcha' espado. Ñeño'mar añ ñeñ' poctetsa yocop e'ñe yeyemteño' Yompor o'ch ya'huanten acopo'teñ ñerra'm es yehuapoya, allohueneñ ñeñ'tey o' pueyochresha' perrey Parets.

Atto Juanpa' entan po'poñ berrma't ñeñ' çha'nets o'ponot patsot

11 Allempoña na allpa' nenterrerr po'poñ ñeñ' berrma'ttetsa. Ñeñ'pa' arrot çha'nom o'ponot patsot. Ñeñ'ñapa' e'ñe epa po'ucor atet ñerra'm carnero po'ucor, tarraña ñeñ'pa' atarr am'cha'nochen eñen e'ñe atet eñen ñerra'mrrate' añañ eñoretsa.

12-13 Ñapa'çho'ña atarr am'cha'taretta e'ñe atet am'cha'tarettena ma'yarrma't ñeñ' ñanom nent ñeñ' çha'nmats oño'. Allña'pa' am'cha'tarettapretenana ñeñ' ma'yarrma'ttetsa all. Ñeñ' çha'nmats o'ponot patsot ñeñ'ñapa' muenatenan allohuen acheñenesha' ñeñ' aña patsro'tsa'yen o'ch ma'yochyet ñeñ' ma'yarrma't. Ñeñ'tara ma'yarrma't ñeñ' correrrtsa e'ñe mamecma allempo mettaguën. Ñeñ' atto mettaguën ñeñ'tcha' muetsayeñ tarraña ñapa' ama rromo. Añ berrma't ñeñ' çha'nmata o'ponot patsotpa' ñerra'm esempo allo'tsen parro epuet ma'yarrma't ñaña'pa' eñall attoch orrtatenan acheñenesacop pa'namen ñeñ' ama puentareto ama't ahuaata. Attoña a'shoran ento' huorte' tso' ñeñ'ña tso' huorte'pa' o' e'ñe çhap patso allña'pa' cohuanrrortatan shonte' acheñenesha'.

14 Ñeñ'ñapa' allo shequënan shonte' acheñenesha' ñeñ' aña patsro'tsen. Ñeño'marña ñerra'm allempo otenan acheñenesha', o'ch seyeçcat ma'yarrma't, ñetñapa' e'ñech pocte' enteñet. Añ ñeñ'tara ma'yarrma't ñeñ' metto'ten espada tarraña ñapa' e'ñe mamecma o' alla correrria.

15 Aña berrma't ñeñ' çha'nmats o'ponot patsot ñeñ'ñapa' muenateñet o'ch orrerratan ayeçhcataret ñeñ' toma'ntatenet ma'yarrma't. Allochña'pa'

attoch eñorana'tanet pueyechcatar. Ñaña ma'yarrma'tpa' atet nanet po'ñoñ, ñeñtpa' atet oten: Ñerra'm esesha' ama ma'yochenaye ayechcataret muet-nasachetepa'ch.

¹⁶⁻¹⁷Elloñapa' oterranerr acheñenesha':

—Te'pa' o'ch seyaco'mta'tyesa sotoť secohuenrot amapa' arr seto'mo'mar. Allcha'sena'yeson nesochēñ amapa' sena'yeson ñeñt nenúmero nepen. Atet p̄atan allohuen acheñenesha' ama't ñeñt ama esoshe'mayaye acheñ, ama't ñaña ñeñt atarr sherbets, ama't ñaña acheñ ñeñt atarr ec̄llayoret, ama't ñaña ñeñt atarr huocchañetets, ama't ñaña acheñ ñeñt e'ñe cohueno'tsen, ama't añ acheñer ñeñt ataruasataret e'ñe atfa. Allohuen acheñenesha' ñeñt ama ayaco'mta'tarete all neññañet ma'yarrma't pa'so'cheñ amapa' ñeñt po'número pen ma'yarrma't, ñetñapa' amach errotenot es pomueneto ñaña amach errotenot es raññeneto ñeñt muenenet ñet.

¹⁸Ñehua, ñeñt allpon po'número pen ma'yarrma'tpa' ñeñtpa' allo'tsen seiscientos sesenta seis. Ñeñt número añ toma'tena puesheñarr acheñ pa'so'cheñ ñeñtcha' ñanom orrterrtsa tsapatonet. Ñerra'm esesha'ch atarr es eñoterrets eñoterrñañetepa'ch pa'so'cheñ ñeñt atma'ntataret añ número.

14

Allempo Juanpa' entan Cristo ñeñt atma'ntataret Carrnero, all ten Siónaño epuet ñaña shonte' acheñenesha'

¹Allempoña na cohuerrtsanerrpa' alla nenterer Cristo all ten Siónaño. All orrtena e'ñe atet orrtena ñerra'm Carrnero. All tomchen ñaña shonte' acheñenesha'. Ñeñt acheñenesha'pa' allo'tsen ciento cuarenta cuatro mil acheñenesha' ñeñt emchorrenaya Cristo. Ñeñña acheñenesha'pa' e'ñe ayato'ma'taretoche'. Pueto'muetopa' all na'yēññañet Cristo pa'so'cheñ ñeñt atma'ntataret Carrnero, ñaña Pompor pa'so'cheñ ñeñtara ya Yeyomporer.

²Allñapa' ne'muen ñeñt huomenc e'morrtsa, arrot huena entoť. Atarr huomenc e'morrtena atet ñerra'm all etsase'tena shonte' oñechno ñeñt atarr huomenc ma'moretets. Po'ma'moreteñapa' atarr huomenc e'morrtena cha ottena ñerra'm cho tecor-raren huomenc ñeñt yoten tatsllare'. Ñeñt ma'moretets all añepa't ma'moretets ñeñt shontetsa acheñenesha' all añepa't a'ma'moretenet arpa.

³Allñapa' cohuentatenet morreñets ñeñt e'ñe etserra morreñets all Yompor po'conaño. Allo'tsen ñaña pa'tatso'mar ñeñt berrma'ttetsa, ñaña allo'tsa'yen ñeñt sherbene' Yompor ñeñt epoch çharra' ñeñt puechetsa pa'tatsheña. Ama't e'ñe puesheñarrapa' ama eseshaye' yeçhenayeña añ morreñets ñeñt etserra. Añña eñotene' ñeñt ciento cuarenta cuatro mil acheñenesha' ñeñt a'qeshpatarettetsa añe patsrot.

⁴Ñetpa' ama a'sosyateneto atfo yorayeñet coyanesha' tarro'mar ñetpa' e'ñe cohuen correnet. Ñetpa' añ e'ñe cohuen cotenet Cristo ñeñt toma'tenaya Carrnero. All ama't erra muene' sen Cristo, ñetñapa' e'ñech co'tañeñet cohuen. Ñetpa' e'ñe ñanom a'qeshpatarettet atfoña ñetpa' anarettenet atet ñerra'mrrate' ñeñt ñanom yapueñ Yompor ñeñt atarr cohuen, ñeñtara o'patena ñaña Cristo ñeñt atma'ntataret Carrnero.

⁵Ama't puesheñarrotetapa' ama shequēneto ama't e'ñe mamesha. Ñetpa' e'ñe cohuen orreyenot amach errotenot otteñe'charetterreto ama't ahuata all Yompor po'conaño.

Allempo Juanpa' enterranerr ma'psheña mellañoñeñ ñeñt eñosyetsnets anoma'matof

⁶ Allempoña napa' alla nenterrerr po'poñ mellañoñeñ all anoma'mtena allpononet enonet. Ñapa' ñeñña serrpare'tatenahuet cohuen ñoñets ñeñt ama ahuañaño ñeñt alloch yequeshperra. Añ cohuen ñoñets ñeñtcha' serrpare'tatan allohuen pa'namen acheñenesha' ñeñt yecha'yetsa añe patsro, ama't ora allemen pa'namen anetsočno ñeñt pa'namen mereñtsorečno ñeñt eñosyets e'ñe po'poñe'ttsochma ñoñtso.

⁷ Ñeñt atto anoma'mtena all, eñosnen, atarr huomenc e'morrtena, ñeñtpa' atet otnen:

—Semtcha'na'chepa'ch Yompor, thochña secohuentatoñ tarro'mar te'pa' o' chap allempoch entyesas e'ñe puesheña'ttsos errotente' sepa'yena. Te'pa' ñachña sema'yocha ñeñt yeçcate' enet ñaña ñeñt yeçcate' pats, ñaña oñečno ama't allot potayen oñ.

⁸ Allempoñapa' alla cota'nererr po'poñ mellañoñeñ ñeñt puepañ mellañoñeñ. Ñapa'cho'ña eñosnerrerr, ñeñtñapa' atet otnom:

—Te'pa' o' ahuapore'taretta añ anets ñeñt atma'ntataret Babilonia ñeñt nanac atarr anets. Tarro'mar ñeñtpa' añ yeçhatyenan ora allpon po'poñečno anetsočno ñeñt atarr sosya'tsañečno ñeñt atet muenatse'tatyenanet ñet po'chets.

⁹ Allempoñapa' alla cota'huerrerr po'poñ mellañoñeñ ñeñt puema'pañ. Ñapa'cho'ña eñosnerrerr, po'ñoñpa' atarr huomenc e'morrtena, ñeñtñapa' atet otnerrerr:

—Ñerra'm esesha' ma'yochenaya ma'yarrma't amapa' ayeçcataret ñeñt toma'ntenaya ma'yarrma't, amapa' ñerra'm esesha' muenatenet o'ch yaco'mta'chet ma'yarrma't pueyotsaparo amapa' pueto'mo ayato'ma'taretta,

¹⁰ ñetñapa' a'coñchatare'tterretcha', tarro'mar Yomporña e'ñe po'yorochenño'pa' ñachña e'ñe coñchatuerrahuet e'ñe poctacma. Tso'pa' ñeñtcha'ña mueroçhtatuerrahuet ñaña ñeñt epuet huorten tso'pa' ñeñtpa' atarr shemasher ñeñt otenet azufre. Allcha' a'coñchatare'tterret, allotcha'ña cohueretña allohuen mellañoñeñnashesa'čno ñeñt pueyochresha' pen Parets. Cohueretcha' ñaña Cristo ñeñt atma'ntataret Carrnero.

¹¹ Attoch achamare'tterret, tso'ñapa' chepoten pamosoñ enonet ñeñtñapa' amach ahuañaña'tterro ama't errponaña. Amach huañerro ama't mamesha ñeñt atto a'coñchatare'ttenet ama't yeto ama't ñaña tsapo. Tarro'mar ñetpa' añ ma'yochenet ma'yarrma't ñaña ayeçcataret ñeñt toma'ntenaya ña. Ñaña muenateñet acheñ o'ch yaco'mta'chet o'ch noñet pa'co'meto ma'yarrma't pa'so'cheñ amapa' pueto'mo. Arrpa' allohua ñeñt atet ot mellañoñeñ ñeñt anoma'mtetsa eno'mar.

¹² Neñto'marña allohueney ñeñtey e'ñe pueyochresha' peney Parets ñeñtey ame'ñenaya Yompor po'ñoñ ñeñt atet oteney ñeñtey e'ñe yemtenaya Jesús, yocopñapa' añ poctetsa o'ch ya'huanta'huen e'ñe acopa ñeñt allpon pa'namen es yehuenoya.

¹³ Allempoña na allpa' ne'muerrerr ñoñets arrot huena entot, ñeñtpa' atet oten:

—Te'pa' o'ch pequellca' añ ñoñets: “Te'ñapa' atarrcha' cosheñtso'tsa'yen allohuen ñeñtcha' rromayets e'ñe pame'ñeñofet Yepartseshar Jesucristo.” Po'ñoçh atet oten Yompor Puecamquëñ, ñetpa' amesatare'tterretcha'. Te'pa'

amach alla torrerrete'te tarro'mar ñeñt allpon o' torra'yenet añ patsro, ñeñtpa' e'ñe eñotuařeť all Yompor pue'ntaño.

Attoch çherr ñeñteñpo allempoch apçherret narmets ñeñt o' pomella'huen

14 Allempoña na cohuerrtsanerrpa' nenterrerr os atarr huallama't. Ñeñtña ospa' all anen puesheñarr ñeñtpa' añepa't Jesús ñeñtara Ñeñt Acheñetosets arr patsro. Ñeñtña' echoyo'met, ñeñtña po'choyo'mpa' oro ñeñt choyo'mtena. Pototña'pa' orrenan cochell ñeñt atore'gorrot ñeñt atarr nanac etsotañ ñeñt otenet hoz.

15 Allempoña Yompor pa'paclotpa' çha'nom po'psheñeñ mellaño'eñ. Ñaña'pa' otosan ñeñt anets oso. Po'ñoñña'pa' atarr huomenc e'morrtena, ñeñtpa' atet otenan ñeñt anets oso:

—Pamat pöcchello ñeñt pomellets allochña'pa' o'ch pa'yapaçhe' tarro'mar o' çhap ñeñteñpo allempo yapçhen ñeñt o' pomella'hua yenarenť.

16 Allempoña ñeñt anets oso, ñaña'pa' o'çho' amatan ñeñt o' pomella'huen ora erraparen añe patsro. Ñaña'pa' o' a'yapaçhan allemateñ ñeñt pomellets añe patsro.

17 Allempoña çha'nerrerr po'psheñeñ mellaño'eñ Yompor pa'paclot ñeñt ento'tsen. Ñapa'çho'ña orrenan po'cchell ñeñt atarr nanac etsotañ.

18 Allempoña'pa' çha'nerrerr po'psheñeñ mellaño'eñ. Ñapa' arrot huapa allo'tsen altar. Ñaña'pa' ñeñt ahuamencattetsa attoch pomnaren penan tso'. Ñaña'pa' otan ñeñt occhellet. Po'ñoñña'pa' atarr huomenc e'morrtena, ñeñtpa' atet oten:

—Te'pa' o'ch pamat pöcchello ñeñt atarr nanac etsotañ o'ch papçha' allo puechña'tets uva ñeñt añe patsro'tsen tarro'mar o' atarr nanac yen.

19 Ñeñtña mellaño'eñ atet oteñetpa' atetçho' pa. Allempoña amatan po'cchello uva ñeñt añe patsro'tsen o'çho' a'yapaçhach. A'yapaçhatuepa' o' shontanña uva allcha' atmama'çhet attoch çha'nmatoñet po'ñer. Ñeñtña'pa' añ toma'ntena atto Yompor po'yoroçhenño'pa' atarrcha' coñchaterran acheñenesha'.

20 All atmama'teñet uva, pocolotpa' tama a'yente'tsen. Ñeñt atto çha'nen uva po'ñer ñeñtpa' añ toma'ntena o'ch chorrerr errasats arr patsro a'yohuen ñeñt allohuanen trescientos kilómetros ñaña enonet çhapçha' e'ñe cahuall po'frenohua ñeñt çhets e'ñe yelleca'nohua.

15

Allempo Juanpa' enterranerr cançherrsheña mellaño'eñ, ñetpa' o'ch ortaterret ñeñtçha' amueroçhtatañterrtsa

1 Allempoña all ento napa' o' nenterrerr po'poñ ñeñt atarr yoroçhen ñeñt ama yentare ñeñtçha' yeñotaterre' ñeñtçha' atet perra esempo. Nenterrerr mellaño'eñnesha' cançherrsheña. Ñetña'pa' allsensarettenet attoch ortaterret ñeñtçha' amueroçhtatañterrtsa. Puesheña'ttsetpa' orrtaterretçha' ñeñtçha' amueroçhtatañterrtsa e'ñe po'poñe'ttsocma cançherrsheño'maret. Allempoçña etsotuerra allohuen ñeñtçha' atto Yomporpa' yoroçhtater.

2 Allña napa' nenterrerr ñeñt atet orrtetsa erracmañen atet ñerra'mrrate' ñeñt añecmuen rerpap e'ñe atet huorten atet ñerra'm tso' huortets all. Allña'pa' all tomçhen allohuen acheñenesha' ñeñt e'ñe metana'tue' ora allpon ñeñt atet topatyenanet ma'yarrma't ñaña ñeñt pueyeçhcatar. Ñetpa' ama

ayato'ma'tareteyayeto ma'yarrma't pueyotsaparo attoch noñet pa'so'cheñ amapa' ñaña po'número. All tom'chenet e'ñe arpatochet ñeñtpa' Yompor apuenahuet.

³ Ñetña puenitana'tueñoñet allohuen topateñets morrechenet Moisés puemorreño ñeñt Moisés ñeñt atarr torratse't Yomporecop. Pa'queshpataretteñoñet morrechenet ñaña Cristo puemorreño ñeñt toma'ntenaya Carrnero. Ñeñtpa' atet a'choteñet Yompor:

Yompore, ñeñteþ nanac Partsoþ þa ñeñteþ Yepartseshar yepen, atarr e'charr es petsotatyen, atarr co'chneshare' es peþa'yen. Pa ñeñteþ Pa'm'cha'tareter pen allohuen pa'namen acheñenesha' ñeñteþ e'ñe pocte' es peþa'yen. Ñaña e'ñe po'ño'ch atet ñeñt allpon es þotyen.

⁴ Allohuen acheñenesha' e'ñe am'cha'na'tpo' entenpet, Yompore. Ama't puesheñarrapa' ama eñalle ñeñt ama am'cha'na'tpahuoye' pentenaye, Yompore. Allohuen acheñenesha'pa' e'ñe þapta cohuentatennapet, tarro'mar e'ñe þapta þa ñeñteþ atarr Partsoþ. Tarro'mar allohuen acheñenesha' ñeñt pa'namen anetsot huacha'tetcha' pesho attoch ma'yochapet þa e'ñe þapuet tarro'mar ñetpa' o' taya çhapanet pueyo'chro atto þapa' e'ñe cohuen pocte' es peþa'yen.

⁵ Allempoña napa' cohuerrtsanerr nenterrñañerr Yompor pa'paquell ñeñt pue'ntaño'tsen. Ñeñtña pocoll popellrrarpa' e'ñe cohuen atoraret. O'ponoñapa' allo'tsen all añño'tenet mapuettall ñeñt allo aquellcaret Yompor po'ñoñ ñeñt atet anaret ama't ahuatoteñ.

⁶ O'ponotña Yompor pa'pacloþpa' çha'nmaçherrerr ñeñt cançherrsheña mellaño'eñnesha'. Puesheña'ttset orrtaterretcha' ñeñtcha' amue-roçhtatañtertsa e'ñe po'poñe'ttsocma cançherrsheño'maret. Añ chorra'yenet ñeñt atarr nanac cohuen ñeñt otenet lino ñeñt ama asosyatño ama't e'ñe mamesha. E'ñe cohuen poptama'tyena. Achanaretareret, po'chanareþpa' orotommuenare' ñeñt allo chana'yenet puesomapo.

⁷ Allempoña añ ñeñt pa'tatso'mar berrma't, paterrñapa' apa'yesan mellaño'eñnesha' cançherrsheño'mar pajo'. Apa'yesanet puesheña'ttset po'pajo' ñeñt orotaten. Ñeñtña pajo'pa' all e'chorrayaret alloch coñchaterran Yompor pa'namen acheñenesha' ñeñt añe patsro'tsen, ñeñtara Yompor ñeñt ama arromña'eshayaye ama't errponaña ama't ahuata.

⁸ Allña Yompor pa'paclo e'ñe chorren amos. Ñeñtña amospa' añepa't otetsa Yompor po'cohuenña ñaña po'partsoña. Allñapa' ama't puesheñarrapa' ama muenateñeto o'ch be'toset all Yompor pa'paclo tarremphuach esempoch orrtatan ñeñt cançherrsheña mellaño'eñnesha' mueroçhteñets. Allempo'chña be'tosçherret all Yompor pa'paclo.

16

Allempo Juanpa' enterranerr cançherrsheña mellaño'eñ ñeñt echene' po'pajotollesha' all na'yenet ñeñtcha' amue-roçhtatañtertsa pa'namenot

¹ Allempoña napa' alla ne'muerrerr ñoñets ñeñt e'morrtetsa huomenc Yompor pa'paclo. Ñeñtña ñoñetspa' atet otenan mellaño'eñnesha' ñeñt cançherrsheña, atet otenanet:

—Te'pa' o'ch sahanma allcha' seyo'panat erraparen patso ñeñt sena'yen sepajotollesho ñeñt cançhrrro'mar attoch sorrtratoñ Yompor po'yoro'chenña.

2 Allempoña puešheñarr ñanom mellañoñeña' o'cho' ahuo'. Allñapa' yo'posan ñeñt po'pajotollo'tsen patso. Allempo chap patsopa' ñeññapa' orrtatan puetsarñats ñeñt ama amapoçhatatañe ñeñtpa' ama eñalle pa'par alloch partet attoch metuerranet. Ñeñtpa' aña a'ptsarsat ñeñt ayato'ma'taretetyetsa ma'yarrma't pueyotsaparo ñaña ñeñt ma'yochenaya ayeçhcataret ñeñt toma'ntatenet ma'yarrma't.

3 Allempoña po'psheñeñ ñeñt puepañ mellañoñeña' o'cho' ahuererr o'ch yo'puenana' oño ñeñt po'pajotollo'tsen. Allempo yo'pos oño all atarr sa'po, oññapa' cha errassastach, e'ñe atet orrta ñerra'mrrate' arromñaf po'rras. Ñeññapa' e'ñe a'cllatuosan allohuen ñeñt allpon yeçhetsa all oño'mar.

4 Allempoña ñeñt puema'pañ mellañoñeña' o' ahuererr ñaña o'ch yo'puenana' ontapo ñeñt po'pajotollo'tsen ñaña allot potayen oñ. Ñeñña allempo ayo'parefta oño cha a'pnasatosan oñ errasats.

5 Allempoña napa' ne'muen ñeñt atet otenan mellañoñeñ Yompor. Ñehua, ñeñña mellañoñeña' atarr ahuamencat attoch pomnaren penan ora allohuen oñeçhno. Ñeñña mellañoñeña' atet otenan Yompor:

—E'ñe pocte' Nompore ñeñt atet pecoñchatyenanet, pa ñeñteþ çhocma eñalleþ ama't ahuatoteña' ñeñteþ atarr nanac Partsoþ.

6 Tarro'mar acheñenesha' ñeñt pe'moñe'tene'pa' çhocma muetsanatenapet ñeñt peyochresha' pepen ñaña ñeñt a'mta'yene' peñoñ, çhocma shatyefñañet po'rras. Te'ña pa'pa' o' ponerranet errasats. Ñeñtpa' e'ñe pocte' tarro'mar ñetpa' añ o' pohuet ñeñt ama pocteye' penteno pa.

7 Allempoña e'morrterrerr ñoñets arr e'morrta altarot, ñeññapa' atet oten: —Attesha' Yompor, pa ñeñteþ atarr nanac Partsoþ ñeñteþ Yepartseshar yepen. Ñeñt atto pentyenanet ñeñtpa' e'ñe po'ñoçh atet, e'ñe pocte' ñeñt atet o' pecoñchatteranet.

8 Allempoña po'psheñeñ mellañoñeñ ñeñt puepa'tatseñ o' yo'puerranerr ñeñt po'pajotollo'tsen. E'ñe arr yo'pue' allo'tsen ñeñt yeçhoyo'tamipene'. Ñeñtcha' ahuamencat pe' atsne' attoch chemuerran acheñenesha' atet ñerra'm tso'.

9 Acheñenesha' ama't atarr etomuenanetañña atsne'pa' tarraña ama es queçhpuenayeña ñeñt atet correnet sosya'tsañeçhno. Ama eseshaye' cotape'cherraye cohuen Yomporcop attoch cohuentateññañet Yompor. Elloña ñetñapa' atarr nanac achmare'teññañet Yompor pa'so'cheñ ama't ñeñt atarr ahuamencattetsa atto çhapatanet ñeñtcha' mueroçhtaterrahuet.

10 Allempoña po'psheñeñ mellañoñeñ ñeñt pa'mnareñ, ñapa'cho'ña o' yo'puerranerr ñeñt po'pajotollo'tsen. E'ñe arr yo'pue' ma'yarrma't po'conaño all añcha'tarettena. Ñeñña all añcha'tarettenapa' cha a'çhecmetue. Acheñenesha'ña allpa' epaye' mueroçhtatanet pa'namen atserrpeñets. Ñeñt atserrpeñetspa' cha muellatstame'tatiesanet, açhañe'chatyesanet atserr.

11 Tarraña ñetpa' ama't atet o' a'parettetaña' ama queçhpuenetoña ñeñt atet patse'tyenet sosya'tsañeçhno. Elloña ñetpa' allo'na achmare'tneñet Yompor ñeñt ento'tsen ñeñt atto atserrpenanet puetsarñats.

12 Allempoña ñeñt po'pechapueñ mellañoñeñ, ñapa'cho'ña o' yo'puerranerr ñeñt po'pajotollo'tsen. Arr yo'pue' po'ñeso ñeñt añeçmuen atarres ñeñt po'ñes añ pa'so'cheñ Eufrates. Yo'pose'pa' cha emasa'huosanña po'ñes ama't atarr

añecmuen. Ñeñña allot masohuapa' ñeñña toñeterrets ñeñña pa'teḡ perret allcha' oñem añcha'taretečno ñeñcha' hua'cha'ttsa allot huena atsne'.

¹³ Allempoña napa' nenterrerr añyañ epuet ma'yarrma't epuet ñaña ñeññ a'mtene' ma'yarrma't po'ñoñ añe patsro tarraña ñeñtpa' ashcaña. Ñetña e'ñe puenamotetpa' cha'nmatyeset puesheña'tets oneñeñ ñeññ ama mapocho. Ñeññ oneñeḡpa' ma'psheña. Ñetñapa' e'ñe atet orreyenet ñerra'mrrate' rrehuancro.

¹⁴⁻¹⁶ Tarraña ñeñtpa' oneñeḡca'ye ñeñcha' orrtaterre' ñeññ ama puentare allohuen acheñenesha' ñeñcha' cohuanrrortaterrahuet. Ñetpa' o'ch chopeñe'chyerret erracmañen attoch apcheret allohuen ñeññ añcha'tareteyetsa añe patsro. Allochñapa' attoch quellareret Yompor ñeññ atarr ahuamencaḡ, attoch quellaret allempoch çherr ponañcho ñeñe yetroch yoroçhtater Yompor. Allohuen añcha'taretnesha' ñeñcha' quellarerre' Yompor, arrcha' apçhataretterret anets ñeññ pa'so'cheñ Armagedón, allotcha' quellareret Yompor. Añ Armagedónpa' ñeñtpa' hebreonesha' sochene' añ ñeññ anetser. Ñehua, o'ch neyerpatasa ñeññ atet ote't Yepartseshar Jesús, ñapa' atet ote't: "Señochepa'ch napa' e'ñech machayota nohuerra atet ñerra'mrrate' eñeñ amach esesha' eñotenaye esempoch huapa. Tarraña atarr cosheñts'o'tsa'yen ñeññ çhocma neñose'rtenaya ñeñño'marña ñetpa' e'ñe cohuen añño'tenet pa'shtam ñeñcha' chorra'nmuet allochñapa' amach muelle'mcota cha'nmueto amach çha apencoçhtereto."

¹⁷ Allempoña po'psheñeñ mellañoñeñ ñeññ pocançhrrroñ, ñapa'çho'ña o' yo'puerranerr ñeññ po'pajotollo'tsen. E'ñe arr yo'pue' mörresho. Allempocma e'morrrta ñoñets ñeññ huetsa Yompor po'conañoñ ñeññ pa'paclo'tsen all pue'ntañ. Ñeñña ñoñetspa' atarr huomenc e'morrrtena, ñeñtpa' atet oten: –Te'ña po'ñoçhpa' o' etsotuerra, huañerrcha' ñeññ ahuatoteñ.

¹⁸ Allempoñapa' meramerta o' tatsllares, e'morrrta ñaña ñeññ ma'moretets, atarr huomenc e'morrrtena. Puetalle'cha ñaña pats nanac huomenc ñeññ ama't ahuatapa' ama atet pueḡparo allempoteñ e'ñe pa'motroteñ eñalleta acheñenesha' arr patsro.

¹⁹ Añ ñeññ atarr anets ñeññ atma'ntataret anets Babiloniapa' ñeñña anetserpa' o' rrara'pes ma'psheñña. Ama't ora allpon pa'namen anetsoçhno añe patsro all shonta'yena pa'namen acheñenesha', ñetpa'çho'ña e'ñe ñegatañpesuahuet. Yomporpa' añcha' yerpatterranet ñeññ allohuen allpon pätse'tyenet ñeññ atarr sosya'tsañ all atarr anetso ñeññ atma'ntataret Babilonia. Ñeññ allpon allohuen allo'tsa'yenet e'ñe coñchatuerranet Yompor, o' e'ñe tsa'tatuerranet po'yoroçhenño.

²⁰ Allempoña ama't ñeññ rroçhpe'chañečno ñaña aspentečno o' e'ñe chenca'huerra.

²¹ Shora'nom ñaña entoḡ hue' ñeññ atarr añecmuesheñ ateshamerr. Pate'tetspa' eñerrtena cuarenta kilo. Ñeñña e'ñe a'tpetse'tuose' allohuen acheñenesha'. Allempoña ñetpa' atarr achmäre'teñet Yompor tarro'mar o' coñchaterranet atarr huomenc.

17

Attoch a'coñchataréterra coyanesha' ecañoreshañ ñeññ toma'ntenaya anets Babilonia all ama esesha' yerpa'penayo Yompor

1 Allempoña mellañofoñ ñeññ cancherrsheña ñeññ echyene' po'pajotollesha', puesheñarrñapa' o' huapa. Huapa neshopa' otosen:

—Te'pa' o'ch pocta'n o'ch negatenpa' allcha' a'coñchatareña añ coyanesha' ñeññ atarr ecañoresha' ñeññ ame'ñatenaya pa'namen añcha'taretnesha' ñeññ pa'namen anetso'tsa'yen e'ñe allohuanen then oñechno añe patsro. Ñapa' po'conañ penan oñechno all anen.

2 Ñeññ amcha'taretetyetsa añe patsropa' pame'ñeñofoet ñetpa' e'ñe po'cañoreshacma peñet ñeññ coyanesha'. Allohuen ñeññ añe patsro'tsen acheñenesha' e'ñe a'posa'tuenanet tarro'mar ñeññ atto cañoresha'tenanet ñeññpa' chochña a'posa'tenanet attoch e'ñe cohuen ame'ñeñet.

3 Allempoña ñeññ mellañofoñpa' arr anmuen amarato, e'ñe Yompor puecamquëñof anmuenet. Allñapa' nentos puesheñarr coyanesha' ñeññ anets berrma't pa'che'ño. Ñeññ berrma'tpa' atarr añcha'no'chen, atarr tsañnanen. Poñpa' cancherrmaga, po'ucorñapa' charra'. Ora pue'mocro'marpa' e'ñe aquelca'huaret allemeñ. Ñeñña quellecpa' allo sochatse'teñet Yompor.

4 Ñeñña coyanesha'pa' añ chorrena yetsñorromamuen epuet tsamamuen. Ñaña allo añño'tena ñeññpa' atet ñerra'm orollmemen ñeññ atarr cohuen, ñaña mapyellmetollesha' ñeññ nanac poptallme'chyetsa ñeññ nanac tsa'te' ñaña po'ser ñeññ atarr cohuen orrtatene' ña. Potof orrenan po'pajo' orotaten. Ñeññ pajo'pa' e'ñe e'chorrenan pa'namen sosya'tsañechno ñeññ atarr yetsena'ten ñeññ atto nanac cañoresha'ten.

5 Pueto'mpa' aquellcato'ma'taret. Añ so'chñets ñeññ quellquënet allpa' ñeññpa' attoch eñotatanet ñeññ ama e'ñeye' eñotpahuo, ñeññpa' atet oten: “Añpa' ñeññ toma'tnenaya anets Babilonia ñeññ nanac atarr anets ñeññara pachor pen ñaña allohuen ñeññ atarr ecañoresha' ñaña pa'namen sosya'tsañechno ñeññ atarr yetsena'tyen arr patsro.”

6 Allempoña ñeññ coyanesha'pa' neñoç atarr posa'ten. Ñaña'pa' añ posa'tena errasats ñeññ po'rras ñeññ muetsanate'te' ñeññ pueyochresha' pen Parets tarro'mar ñapa' atarr cohuen entenan o'ch muetsachet ñeññ serrpare'tene' atto ame'ñeñet Jesús. Allempo neñch ñaña'pa' atta necuana'ch ñeññ coyanesha'.

7 Naña allempo mellañofoñpa' o' alla oterren:

—¿Eso'mare'tña atta pecuana'teñ? Te'pa' o'ch neñotatañ ñeññ toma'tnena añ coyanesha' ñaña ñeññ toma'tnena añ berrma't ñeññ allo anen ñeññ cancherrmaga poñ, po'ucorñapa' charra'.

8 Añ berrma't ñeññ penten, ñeññpa' añ toma'tnena ñeññ corratse't ahuañmo'cha te'pa' ama eñalle o' rroma. Tarraña o' mameshamerra o'ch alla tanterra o'ch cha'nerr arrorotof. Tarraña ñeññpa' mamecpach atet perra, ellochña o'ch alla rromuerrerr. Allempochña o'ch chenca e'ñe poctacma. Acheñenesha' ñeññ ye'cha'yetsa añe patsro ñeññ ama ame'ñetso ñetñapa' atarrcha' cohuanrrorteret añ berrma't tarro'mar ama puentareto ñeññ atet pena añ berrma't. Ama't ñeññ corratse't arr patsro, tarraña ahuañmo'chapa' o' rroma. Ama't o' rromhuañ tarraña o' alla orrterrerr. Ñeñño'marña acheñenesha'pa' atarr cohuanrrortereñet. Ñehua, ñeññ cohuanrrortene'pa' ama aquellcareteyaye pa'so'cheñ Yompor po'libro all aquellcarrertena pa'so'chñechno ñeññ pueyochresha' pen Yompor; ñetñapa' corretsetach errponañohuen. Ñeññ ama ame'ñetso ama aquellcareteyayeto pa'so'cheñ ahuatoteñ allempoteñ e'ñe errote' aye'chcattaretetsa pats.

⁹ 'Te' ñeñfcha' ñeñotatappa' o'ch poctape'ch e'ñe cohuen esheccha' peñot ñeñt atet toma'ntena añ berrma't poñechno. Ñeñt penten cancherrnaga poñ, ñeñtpa' añ toma'ntena cancherrpena aspenet all yeçhena añ coyanesha'.

¹⁰ Toma'ntenana ñaña cancherrsheña ñeñt amcha'tarettetsa añe patsro. Tarraña amnarshenapa' o'huañ amcha'taretta. Te'pa' o' pueñheñarraña amcha'tarettetsa. Tarraña pueñheñarmeñ palltena ama orrtena'. Tarraña esempoch orrtapa' amach atarr atomat amcha'taretto.

¹¹ Ñaña añ berrma't ñeñt toma'ntenaya pueñheñarr amcha'taret ñeñt corratse't ahuañmo'cha te'pa' o' rroma. Ama't o' rromañpa' tarraña ñeñtara o'ch alla orrtterra o'ch alla amcha'taretterrerr ñeñtcha' posocsheñterre' ñeñt cancherrsheña amcha'taret ñeñt o' colla'hua. Tarraña ñapa'çho'ña ðhocmach rromuerrerr allempoch chenca e'ñe poctacma. Ñehua, ñapa' ñeñtara ñeñt amcha'tarettatse't ñaña ahuañmo'cha allempo cancherrsheñtete't.

¹² 'Ñaña añ berrma't ñeñt çharra' po'ucor ñeñt penten, ñeñtpa' añ toma'ntena çharrasheña amcha'taretnesha', tarraña ñetpa' ama amcha'taretteneta' tarro'mar ama orrteneta'. Tarraña esempoch orrterret allempochña amcha'tarettapreteret berrma't e'ñe mame'.

¹³ Ñetpa' e'ñech patrra cotape'chenet ñeñt atet cotape'chen berrma't, o'ch neñet berrma't ñeñfcha' pa'mcha'tareter perret. Ñeñtpa' atto yenpueñet attoch ahuañmocat peñet berrma't.

¹⁴ Ñetñapa' pue'moñe'teñoñet Cristo ñeñt toma'ntenaya Carrnero quellareretcha'. Tarraña Cristo ñeñt toma'ntenaya Carrnero ñach a'mchechuerrahuet tarro'mar ñapa' atarr ahuañmocat. Ama't ora allpon ñeñt ayochreshatetyetsa, Cristoñapa' e'ñe Pa'yochreshater pohueñet allohuenet, ñaña ama't ora allpon ñeñt amcha'taretetyetsa, ñetpa'çho'ña e'ñe Pa'mcha'tareter pohueñet allohuenet. Ñaña ñeñt epuet parro yemtena, ñetpa' Yompor acerrahuet ñeñt çhore'ten ña ñeñt atarr yemtenaya ña.

¹⁵ Allempoña añ mellañoñeñt alla oterrnerr, ñeñtpa' atet oten:

—Ñaña añ oñechno ñeñt penten ñeñt allo anen coyanesha' ñeñt atarr ecañoresha', ñeñtpa' añ toma'ntena shonte' pa'namen acheñenesha' ñaña pa'namen anetsoçhno all yeçha'yenet ñaña po'poñe'ttsocma ñoñets ñeñt allo eñoñenet.

¹⁶ Ñaña añ berrma't ñeñt penten çharra' po'ucor ñeñt toma'ntenaya çharrasheña amcha'taretnesha', ñetñapa' tsena'çetcha' ñeñt coyanesha', a'ypo'ñeretcha' e'ñe muelle'mcot. E'nuerrñañetcha' e'ñe ña po'çhets allempochña chamueret tso.

¹⁷ Yomporpa' ña nene' allohuen amcha'taretnesha' pueyoçhreto attoch ñetpa' e'ñech patrra cotape'chenet ñeñt atet cotape'chen berrma't, attoch yenpueñet esheccha' ahuañmocat peñet berrma't. Allochñapa' attoch etsoteññañet Yompor po'ñoñ ñeñt atet oten.

¹⁸ Ñaña añ coyanesha' ñeñt penten ñapa' añ toma'ntena ñeñt atarr nanac anets ñeñt pomnaren pene' allohuen ñeñt amcha'taretetyetsa allemeñ anetso'mar ñeñt añe patsro.

18

Atto allohuen ecñlayoretensesha'pa' ya'na'teretcha' ñeñt anetser Babilonia o' ahuañpore'taretterra

1 Allempoña o' alla nenterrerr po'psheñeñ mellañofoñ ñeñt sohua'netsa entot, ñeñtñapa' atarr ahuamencat. O' e'ñe çhap patsopa' a'puetarsañpsosan pats e'ñe ña po'popteñoñ.

2 Ñaña' rranosa huomenc, ñeñt'pa' atet otos:

—Te'ñapa' o' a'ypo'ñareterra añ anetser ñeñt atma'ntataret Babilonia ñeñt atarr añecmuen anets. Te'pa' añecpach sherberr allcha' shonterra pa'namen oneñe'feçhno ñeñt atarr apoçhenare' ñaña allcha' shonterra pa'namen oteçhno ñeñt atarr yetsena'tyen.

3 Tarro'mar añ coyanesha' ñeñt toma'ntenaya anets Babilonia, ñapa' ahuañmo'cha e'ñe po'cañoreshacma pete't allohuenet ñeñt añcha'taretetyetsa añe patsro. Allohuen ñeñt añe patsro'tsen acheñenesha' e'ñe a'posa'tuanete't tarro'mar ñeñt atto cañoresha'tanete't ñeñt'pa' çhoch a'posa'tanete't. Ñaña allohuen ñeñt allpon pomatsre'tyestse't, ñaña atarr eçlayorettatahuete't tarro'mar ñapa' shonte' esocmañen muenatse'tyese't.

4 Allempoña o' alla ne'muerrerr po'poñ ñoñets ñeñt e'morrtsa entot, ñeñt'pa' atet oten:

—Ñeñtes neyochresha' nepen, te'pa' o'ch sesa'neñ añ anets ñeñt atma'ntataret coyanesha'. Amach socshapretatsche ña po'chñar te't sa'na mueroçhtapretenaya.

5 Tarro'mar ña po'chñar'pa' allo'na sen atonetnomtsa nanac. Yomporpa' e'ñe eñoteññañ po'chñar ñeñt allpon pa'yese't.

6 Te'pa' atsa'tataretterrepa'ch allpon ñeñt atto errot pa'yese'ne't po'potantañ. Ñehua, ama't epoche'tats atsa'tataretterrepa'ch allpon ñeñt atto es patse'tyese't. Ñeñt atto allpon llecatyese'ne't po'potantañ, ñapa' epoche'tatsepa'ch atsa'tataretterra llequëñtso.

7 Ñeñt allpon coshatse'tyese't, te'ñapa' ñeñt'pa'chña allpon llecaterrayerr. Ñeñt allpon eçhyese't, te'ñapa' ñeñt'pa'chña allpon mueroçhtaterre'. Tarro'mar ña ahuañmo'chpa' pommo'cheñoñ atet ote't pueyoçhro: “Ñapa' atto nanen na neconaño'pa' atarr na'ñcha'tarettena. Ñapa' ama añeyayno ñeñt rretorrnanesha'. Na ama't ahuatapa' amach nellquërro tarro'mar amach es nemueroçhtaterraye.”

8 Tarraña ama't atet ommo'chenañpa' mamerrerrpa' o'ch çhapaña ñeñt'cha' mueroçhtaterre' pa'namen mueroçhteñets — rromueñets, llequëñets ñaña muecheñets. Ñapa' a'poyataueretcha' tso. Tarro'mar Yompor ñeñt Yepartseshar yepen ñapa' ñeñt atarr Parets ñachña coñchaterre'.

9 Ñeñt añcha'tareteçhno ora erraparen añe patsro, ñetña e'ñe puellquëño'fetpa' ya'na'teretcha' ñerra'm esempo enterrñañet pamosoñ ñeñt atto poyen. Ñeñtara añcha'taretnesha' ñeñt e'ñe po'cañoreshacma pe't ahuañmo'cha ñeñt parroçma epuet atarr coshete't.

10 Ñetpa' pueyorño'fetpa' cohuanrrorteretcha' a'yo't tarro'mar atarrcha' yorenet ñeñt atto o' a'coñchataretterra. Ñet puellquëño'fetpa' atetcha' otet:

—Atarr llequëñets-bee, ama't ñeñt atarr añecmuen anetser ñeñt atarr ahua-mencat, machayota o' çherrñaña ñeñt'cha' coñchaterre'.

11 Ñaña allpon ñeñt pomatsre'tyetsa erraparen añe patsro, ñetpa'çho'ña e'ñe puellquëño'fet ya'na'teñet, tarro'mar te'pa' ama eñalle ñeñt'cha' rañta'yegahuet ñeñt pomyenet.

12 Tarro'mar ñet ñeñf po'checom penetpa' shonte' esocmañen pa'namen — oro, ñaña asrečno ñaña mapyetollesha' ñeñf poptame'te' nanac tsa'te', ñaña serets ñeñf otenet perla, ñaña shetamtsočno ñeñf atarr cochnesharer — yetsñorromamuenare', tsamamuenarer, sedamamuen. Shonte' ñaña pa'namen tsachečno ñeñf atarr eñmosa'echno, ñaña marfil ñeñf elefantas ñeñf allot yečcatyenet pa'namen, ñaña pa'namen ñeñf yečcatyenet tsa-choñ ñeñf atarr nanac tsa'te', ñaña ñeñf yečcatyenet bronsoñ ñaña hierrot ñaña mapyoñ ñeñf otenet mármol.

13 Ñaña ñeñf pa'namen po'checom penet atet ñerra'm ñeñf otenet canela ñaña pa'namen aspanatollesha' ñeñf eñmosa'fare' ñaña tsachese' ñeñfpa'cho'ña eñmosa'fare' ñerra'm esempo a'crrateñet e'ñe atet ñerra'm ñeñf otenet mirra ñaña incienso. Allotpa' po'poñečno checmañatsočno ñeñfpa' añ vinos, olive'se', harina ñeñf atarr cohuen ñaña trigo. Ñaña po'poñečno ñeñf pomyenet ñeñfpa' añ huacshečno, carrneročno, cahuallečno ñaña carrotollesha' ñeñf matatyen cahuallečno. Ñaña allpa' ama't acheñ pomueñet ñeñfcha' taruasatenet e'ñe atta. Ñeñf acheñerpa' allña pomueññañet pocreña ñeñf atto correna arr patsro.

14 Ñeñf pomatsre'tyetsa allpa' ñetñapa' serrpare'tenet, cha ottenet ñerra'mrrate' cho es oteñet ñeñf anetser, ñeñfpa' atet oteñet:

—Ñeñf allpon atarr ñayoma'yese't atet ñerra'm puetsarr ñeñf atarr ayoma'po' te'ñapa' ama eñalle o' huañerr. Ñaña ñeñf allpon nanac cohuen pentyese't ñeñf nanac cochnesha'tatse't, te'pa' o' chenca'huerra. Te'ñapa' ama't ahuatapa' amach alla pentere'te. Arrpa' allohua ñeñf atet oteñet ñeñf anetser.

15 Ñeñf allpon pomyenet allpa' ñetñapa' epaye' ganatanet nanac aton quelle. Tarraña ñet te'pa' po'yorñoñet attach tom'cha'tet a'yot allotcha' cohuerret ñeñf atet o' a'coñchatare'terra. Ñetñapa' epaye' ya'na'teñet e'ñe puellquëñoñetpa'

16 atet otenet:

—Llequëñtsa-bee añ atarr anets tarro'mar ñapa' o' atet perrate' ñeñf atarr añecmuen anetser ñeñf atet ñerra'mrrate' puesheñarr coyanesha' ñeñf nanac cohuen añño'tetsa. Añcha' chorrena ñeñf atarr cochnesha' yetsñorromamuen epuet ñaña tsamamuen ñaña ñapa' nenan oro, ñaña mapyetolleshma't ñeñf atarr cochnesha' poptallme'chyetsa ñaña nenan cochnesha' seretsočno.

17 Te'ñapa' e'ñe mamecmapa' o' e'ñe huañerr ñeñf atto atarr nanac esocmañen echyese't. Arrpa' allohua ñeñf atet ot ñeñf pomatsre'tetsa all.

Allempoña allohuen ñeñf po'taruas pene' bote ñeñf anmatsetene' checmañats all ñeñf anetsro, ñetpa'cho'ña o' alla tom'cha'tet a'yot — atet ñerra'm ñeñf pamo'mte' pen bote ñaña ñeñf achopeñañnesha' ñaña marineronesha' ñeñf taruaset all boto.

18 Ñetpa'cho'ña allohuenet all tom'chenetpa' rrannartenet allempo enterrñañet pamosoñ ñeñf atto poyen ñeñf anetser. E'ñe puellquëñoñetpa' atet otenet:

—Ama eñalle po'poñ anetser ñeñf atarr cohuen atet ñerra'm añ anetser.

19 Allña'pa' atarr yahuanrrortenet. Puellquëñoñetpa' pampato'tyeset patso. Rrannaretyesetpa' atet otyeset:

—Llequëñtsa-bee añ atarr anetser tarro'mar allohueney ñeñfey echyene' yebote ñeñf chocma yanene' oñopa' shonte' quelle ganatyet tarro'mar ñeñf

anetserpa' shonte' echane't quelle nanac aton. Tarraña ama't atet pe'tpa' te'ñapa' e'ñe mamecmapa' o' e'ñe huañerr.

Atarrcha' cosheñtso'tsa'yen allohuen ñeñi pueyochresha' pen Parets

²⁰ Te'ña sapa' socshepa'ch ñeñes pue'ntaño'tsenes ñaña allohuen ñeñes pueyochresha' pen Parets ñaña allohuenes ñeñes allsensaretes Yomporecop ñaña allohuenes ñeñes a'mtene' Yompor po'ñoñ tarro'mar ñeñi atto Yompor o' coñchaterran ñeñi anetser, ñeñi'pa' attoña o' chemnaterrsa sa.

²¹ Allempoña mellañofoñ ñeñi atarr ahuamencatpa' ñaña'pa' chetan mapue' ñeñi atarr añecmuenmen atet ñerra'mrrate' ñeñi allocma es puetsete'tenet ñeñi'ñapa' huapore'ch sa'po cha chencostsa poctacma. Allempoña ñeñi mellañofoñ'pa' atet ot:

—Attemach ahuapore'taretterra añ atarr anetser ñeñtara ñeñi atma'ntataret Babilonia. Amach orrterre'te ama't ahuata.

²² Te'ña allpa' amach es e'morrterrtse'te ñeñi atto toquenet arpa ñaña atto pencla'tenet ñaña ñeñi atto poctorare'tyenet po'poctoro. Ñaña ñeñi po'taruas paye't ñeñi es ye'hcatyese't pa'namen esocmañen all, te'ña ama't ahuata amach orrterre'te. Ñaña atto e'morrte't allempo es puetsete'tete't allpa' te'ñapa' amach alla e'morrterre'te. E'ñe muetsoñeñtuerra.

²³ Ñaña ñeñi allo choyo'tam'psete't, te'ñapa' amach alla choyo'tam'perranete'te. Ñaña ñeñi coshame'tam'psaye't ñeñi sena'tetsa ñaña coyanesha', te'ñapa' amach alla e'morrterre'te pocshamña. Ñaña allpon ñeñi pomatsre'tyesatse't all ñeñi atarr anetsro, ñe'tpa' atarr asherben entete't. Ora errañaren añe patsropa' ama eñalle ñeñi atet sherbets. Ama't atarr asherben entyesetañe't tarraña chocma shecare'tyesete't allohuen pa'namen acheñenesha' ora errañaren añ patsro. E'ñe atet es ame'ñatena amase'ñe'tpa' e'ñe attecma shecare'tenanet ñeñi anetser.

²⁴ Ñaña all anetsro, ñeñi'pa' all amtsanatarette't ñeñi a'mtaye't Yompor po'ñoñ ñaña allohuen ñeñi pueyochresha' pen Parets. Allña ashatarettete't po'rras ñaña ama't allohuen ñeñi amtsanatarettatse't ora errañaren añe patsro, ñeñtara anetsrot allotña amtsanatarettete't.

19

¹ Allempoña o' alla ne'muerrerr ñeñi e'morrtsa huomenc ento, shonte' acheñenesha' e'ñe parrocmá rrannartenet, ñeñi'ñapa' atet otenet:

¡Aleluya! Aye'cho'chtatpo'ch Yompor tarro'mar ñapa' ña ñapue't a'quesh'patañtetsa, acohuentatpo'ch Yompor ñeñi ñapue't atarr ahuamencatesha'.

² Ñaña ñeñi pocte' enten Yompor ñeñi'pa' e'ñe pocte' attecma, ñaña allpon ñeñi atet oten ña, ñeñi'pa' e'ñe po'ño'ch attecma. Tarro'mar ñapa' o' coñchaterran coyanesha' ñeñi atarr ecañoshatetsa tarro'mar e'ñe ña po'chñaro'fpa' atarr a'sosyatenan acheñenesha' ora allohuen ñeñi ye'cha'yetsa añe patsro. Te'ña Yomporpa' o' e'ñe tsa'tatuera ñeñi allpon muetsanataño'e't ñeñi torra'yestse't ñocop.

³ Po'pocheñoñapa' alla oterreterr:

—¡Aleluya! Aye'cho'chtatpo'ch Yompor tarro'mar te'pa' Yompor o' amosño'e'chaterran ñeñi atpare'taye't. Attoña o' chepoterr pamosño'enonet; ñeñi'pa' ama't ahuatapa' amach huañerro.

4 Allempoña añ epoch tharra' ñeñt puechetsa pa'tatsheña ñeñt sherbene' Yompor po'conaño, ñetñapa' concorparretenet epuet ñaña pa'tats ñeñt berrma'ttetsa. Allohuenet concorparretenet all Yomporesho. Allohuenetpa' ma'yocheñet Yompor all anen po'conaño. Ñetñapa' atet oteñet:

—Aye'chochtatpaupepa'ch Yompor, attetepa'ch pocop errponohuañen.

5 Allempoña all Yompor po'conaño'pa' allotña e'morrterrerr po'poñ ñoñets, ñeñpa' atet oten:

Sa'ye'chochtatoñepa'ch Yompor, allohuenes ñeñtes torra'yetsa ñocop, ama't sa ñeñtes atarr sherbets ama't saña ñeñtes ama tama sherbetso. Ama't allohuenes erra'tseneste' ñeñtes atarr añcha'na'tpo' entene' Yomporpa' te'ñapa' sa'ye'chochtatoñepa'chña.

Atto Cristopa' e'ñe cohuen aguërran allohuen ñeñt ame'ñenaya ña ñeñt atma'ntataret atet ñerra'mrrate' ña puetapor penahuet

6 Allempoña napa' o' alla ne'muerrerr shonte' acheñenesha' rrannartenet, atarr huomenc e'morrtena atet ñerra'mrrate' all etsase'tena shonte' oñ atarrcha' huomenc ma'moreten. Po'ma'moreteñña' cha ottena ñerra'mrrate' cho'tecor-rraren. Acheñenesha'ña ñeñt rrannartetsapa' ñetñapa' atet otenet: Aye'chochtatpo'ch Yompor tarro'mar te'pa' o' chap allempoch añcha'taretterra'ña e'ñe ñapueñ ñeñtara Yepartseshar ñeñt atarr ahuamencatesha'.

7 Te'ñapa' yocsherrepa'ch, yocshame'tañperepa'ch, yecohuentaterrñañepa'ch tarro'mar te'pa' o' chap allempoch yocshame'tañpesya Cristo ñeñt atma'ntataret Carrnero. Te'ñapa' o' chap allempoch sena'ta. Ñaña ñeñt coyanesha' ñeñtcha' puetapor pa', ñañapa' o' e'ñe añño'taretta.

8 Ñañapa' o' apet ñaña ñeñtcha' chorra ñeñt atarr cohuen huallama't atarr coçhnesha' shetamuets ñeñt otenet lino ñeñt ama asosyatño ama't e'ñe mamesha, atterach poptame'tena.

Ñehua, añ shetamuets ñeñt otenet lino ñeñt ama a'sosyatpahuoyaye ama't e'ñe mamesha, ñeñpa' añ toma'ntena ñeñt atto e'ñe cohuenare' es pa'yen ñeñt pueyochresha' pen Parets. Ñetñapa' añ toma'ntenet Cristo puetapor penahuet.

9 Allempoña mellañoñepa' alla oterrerr:

—Te'pa' o'ch pequellquërrerr añ ñoñets ñeñt noteneñ, ñeñpa' atet ot: “Atarr cosheñtso'tsen allohuen ñeñt ahua'ñare'ttetsa o'ch rrallme'chaprechet allcha' coshame'tañpeñet Cristo ñeñt atma'ntataret Carrnero ñeñt sena'tatsa.”

Mellañoñepa' alla oterrerr:

—Ora allpon ñeñt atet oteney Yompor arrpa' ñeñpa' e'ñe po'ñoçh atet.

10 Nañapa' neconcorposa mellañoñepa' rrpö ñeñt neserrpare'tatene' o'ch nema'yoçhyañ, tarraña ñapa' atet oten:

—Napa' amach pema'yochatsetno, napa' añana ñeñfen petorrapretenaya Yomporcop ñaña allohuen pemo'nasheñneshaçhno ñeñt serrpare'tene' atto ame'ñeñet Jesús. Papa' añcha'ña pema'yocha Yompor ñapueñ.

Tarro'mar allohuen ñeñt a'mtene' Yompor po'ñoñ, e'ñe ña Puecamquëño'pa' añ serrpare'tenet ñeñt atto yame'ñeña Jesús.

Cristo ñeñt montenaya cahual ñeñt atarr huallañnanen

11 Allempoña po'pocheño'pa' alla nenterrerr atoraret enet. Allña'pa' allo'tsen cahual ñeñt atarr huallañnanen. Ñeñt montenaya cahualpa' añ

socheñet, Ñeññ atarr Ayemuetpotetsa ñańa ñeññ e'ñe Po'ñočh Yompor Po'ñoñ. Tarro'mar ñapa' erra'tsen pocte' ent o'ch coñchach, ñeñña ñocoppa' e'ñe pocte'. Ñańa ñerra'm ña quellaratahuet ñeñña'cho'ña e'ñe pocte' ñocop.

12 Pa'clloyotñapa' atarr nanac a'rrechatañ atet ñerra'mrrate' tso' po'huorter. Poñoñapa' shonte' po'choyo'm ñeññ choyo'mtena. Allñapa' anaret ñańa pa'so'cheñ ñeñña' e'ñe ñapña eñoñeñ.

13 Pa'shtampa' año e'chomaret errasatso. Ñańa añ socheñet Yompor Po'ñoñ.

14 Ñańa ñeññ allpon pa'čllarañneshar pen all pue'ntaño, ñetñapa' coteñet chenta' monta'yesnenet ñamet puecahualloro ñeññ atarr huallañnarren. Ñetpa'cho'ña ñeññ pa'shtam penet atarr huallama'tarer. Ñeññ shetamuetspa' atarr cohuen ñeññ otenet lino ñeññ ama sosyatetso ama't mamesha.

15 Ñeññ anenahuet, e'ñe puenamot all orrtena cochell ñeññ atarr etsotañtareñ. Ñeññ cochellpa' añecop sherben alloch ame'ñatuerrana ora allpon pa'namen acheñenesha' arr patsro. Allochñapa' po'yoročhenñoŕpa' o'ch añcha'taretterranet atet ñerra'mrrate' ñapa' a'sreperet o'ch añcha'nochtana'terranet. Ñańa ñach coñchaterrahuet. O'ch netma'ntacha atet ñerra'mrrate' ñach atmama'te' uva esheccha' čha'nom po'ñer. Ñeññ atet atmama'teñet uvapa' añ toma'ntena atto Yompor ñeññ atarr ahuamencat e'ñe ña po'yoročhenñoŕpa' atarrcha' coñchaterran acheñenesha' ñeññ atpare'tetsa.

16 Ñańa pa'shtamo e'ñe pa'tapacoptaro allñapa' all aquellcaret ñoñets ñeñña' atet enteñet Cristo, ñeñña' atet oten ñoñets: "Allohuen ñeññ añcha'taretečhno añmapa' ñeñña e'ñe Pa'mcha'tareter pohueñet allohuenet. Ñańa allohuen ñeññ ayochreshatečhno añmapa' ñeñña e'ñe Pa'yochreshater pohuenet allohuenet."

17 Allempoña napa' o' alla nenterrerr mellañoñeñ ñeññ tets all ñeññ ye'choyo'tam'pene'. Ñañapa' atarr huomenc eñen, čhore'tenan allohuen tse'mačhno ñeññ anom'cha'tyetsa eno. Ñeñña' atet otenanet:

—Sehuacha'ta allohuenes o'ch sap'cha arr o'ch serren po'čhets ñeññ atarr aton rratenes Yompor.

18 Attoch serroñ po'chtsočhno shonte' acheñenesha' ñeññ añcha'tareteyetsa, ñańa shonte' ñeññ capitanatyets, ñańa shonte' ñeññ atarr ahuamencat entyenet. Serroñ ñańa shonte' cahuallečhno po'čhets ñańa añ po'čhets ñeññ montenaya. Ama't shonte' pa'namen acheñenesha' o'ch serroñ po'čhets ama't ñeññ acheñer ñeññ atarr sherbets ñańa ama't ñeññ ama sherbetso, ama't ñeññ e'ñe cohueno'tsen acheñ, ama't ñańa ñeññ atarasataret e'ñe atfa — o'ch e'ñe serruanet po'čhets allohuenet.

19 Allempoña napa' o' alla nenterrerr ma'yarrma't epuet ñańa allohuen añcha'taretečhno ora erraparen ñeññ añe patsro'tsen epuet ñańa allohuen ñeññ pa'čllarañneshar pen. Ñetpa' añecop ap'chenet allochñapa' o'ch quellareñet ñeññ montenaya puecahuallor ñeññ atarr huallañnanen ñańa epuet ora allpon ñeññ pa'čllarañneshar pen ña.

20 Allempoña quellaranna'tet ma'yarrma'tñapa' čha rremuet epuet ñańa ñeññ a'mtene' e'ñe ña po'ñoñ tarraña ñeñña' ashcaña. Añ ñeññ ashcañerpa' e'ñe ma'yarrma't po'huamencot gatenan acheñenesha' ñeññ ama puentareto. Ñeñña' alloña shequēnan acheñenesha' attoch ame'ñeñet.

Ñeññña acheñenesha'pa' o' e'ñe yato'matuanet ma'yarrma't pueyotsaparo. Ñetñapa' aña ma'yochenet ayeçhcataret ñeññ toma'ntatenet ma'yarrma't. Allempoña rremuet ma'yarrma't epuet ñaña ñeññ a'mtene' po'ñoñ allempoñapa' ahupore'tarettet epsheño'maret e'ñe betareret all parraren tso' errañaren. Ñeññ tso'pa' atarr shemasher huorten.

²¹ Po'potantañeçhnoña ñeññ epuet quellarañ ma'yarrma't ñetpa'çho'ña o' e'ñe amtsanataretetuet. Año amtsanatarettet cochllo ñeññ puenamo'tsen ñeññ montenaya puecahuallor ñeññ atarr huallapñanen. Allempoña ñeññ allohuen tse'maçhno epaye' ochare'ch po'chets allempo rret añ po'chets ñeññ o' e'ñe amtsanataretetua.

20

Attoch çherr allempoch mellapoterra

¹ Allempoña o' alla nenterrerr po'psheñeñ mellañoñeñ ñeññ sohua'netsa entot. Ñaña pototpa' añ orren llave alloch toramñsan arrotot ñeññ atarr o'pononet arrotottena pats. Pototñapa' orrenan ñaña cadena ñeññ atarr añeçmuen cadena.

² Ñeññña mellañoñeñpa' rremosan añyañ. Añyañpa' ñeññtara shechep ñeññ ahuatoteñ ñeññtara yoten oneñeñ ñaña ñeññ otenet Satanás. Atto rremue'pa' allempoñapa' huanquè'. Ñeññ atto ehuanca'rettapa' e'ñeçh errponañohuen char ñeññ otenet mil char, atterach ehuanca'rettena.

³ Allempo huanca'huepa' o' huapore'ch o'pono arrototo. Allña yottamñpes o'ñoñ alloch e'ñe echarr pñamñpes. Allochñapa' amach alla shecare'terranerro allohuen pa'namen acheñenesha' arr patsro. Ñehua, ñerra'm o'ch çhap mil charpa' allempoñapa' o'ch alla a'rroyeret. Tarraña ñerra'm o'ch alla a'rroyeretpa' ñeññpa' mamecpach a'rroyeretterra.

⁴ Allempoña o' alla nenterrerr ñeññ anorrçha'tyets po'conaño'mar. Ñetñapa' allsensarettet attoch ñetpa' o'ch amcha'taretetyenet. Ñaña napa' o' e'ñe nentuerrñañ puecamquèñeçhno allohuen ñeññ apecha'tanatarettatset e'ñe pueserrpare'teñoñet Yepartseshar Jesús ñeññ atto a'potoñete't Yompor po'ñoñ. Ñaña ñetpa' ama muenete'te o'ch ayato'ma'tarettet ma'yarrma't pueyotsaparo ama't pa'co'metotetapa' ama ayaco'mta'tarettete'te. Ñetpa' ama ma'yochyete'te ma'yarrma't ama't ayeçhcataret ñeññ toma'ntenaya ña ama esesha' ma'yochaye'te. Ñaña ñetpa' ama muenete'te o'ch ayato'ma'tarettet ma'yarrma't pueyotsaparo ama't pa'co'metotetapa' ama ayaco'mta'tarettete'te. Ñetña allpa' corretseta all amcha'tarettapreñet Cristo shonte' char allpon ñeññ otenet mil char.

⁵ Ñetñapa' ñanmuetcha' atantataretterret. Tarraña po'potantañeçhno arromñañesha' ñetña allpa' ama allo'tseneto tarro'mar ñetpa' ama atantataretteyayeto tarrempohuach allempoch çherr mil char.

⁶ Atarr cosheñtso'tsen allohuen ñeññ e'ñe pueyochresha' pen Parets tarro'mar ñetpa' ñanmuetcha' atantataretterret. Tarro'mar ñetpa' amach alla rromuerrete'te po'pocheño ñeññcha' atet rromuerr po'potantañ ñeññcha' chenquèrrtsa e'ñe poctacma. Tarro'mar ñeññcha' tanterrtsa ñanompa' ñetpa' amach errotenet o'pataneto po'pocheño rromueñets ñeññtara chenquèñets. Ñetpa' añcha'ña sherbenet Yompor epuet Puechemer Cristo. Ñetpa' Yompor po'corneshar penahuet, amcha'tarettapreteretcha' nanac aton shonte' char ñeññ mil char.

Atto Juanpa' entan oneñē o' ahupore'taretta all parraren tso' errañaren

7 Allempoch metua añ mil charpa' allempochña a'rroyeret oneñē all ayottam̄psarettena mil charohua.

8 Ñañaapa' o'ch auyes ora errañaren pa'namen anetso'mar arr patsro allcha' shecare'tyerran pa'namen acheñenesha'. O'ch shecare'terran Gog ñaña Magog attoch a'yapa'chaterranet o'ch quellaraterranet. Ñeñt atet yenteññañ ontap po'mñer atetcha' shonterrann ñaña pa'namen acheñenesha' arr patsro, ñeñt ama e'ñotuapahuoyaye.

9 Ateť nentanet ñetpa' ahuanmuet mopñarero'mar o'ch parratsetet errañaren allcha' orreyeset. Ñetpa' arrentach ahuanenet Yompōr pa'natsonet ñeñt atarr morrentena tarro'mar allpa' allo'tsa'yen ñeñt pueyochresha' pen ña. O' e'ñe arrotam̄pesuosyet attoch rremanatoñet Yompōr pueyochresha'. Tarraña Yompōr pue'ntañōtpa' e'ñe allempocma a'shoranet tso' attoch e'ñe a'poyatatanet.

10 Allempoña oneñē ñeñt shecare'tenahuetpa' o' huapore'teret ñaña all parraren tso' errañaren ñeñt huortets shemasher. Allo'tsa'yen ñaña ma'yarrma't epuet ñaña ñeñt a'mtene' po'ñoñ. Allñapa' allempoteñ a'coñchatareťetuerret e'ñe parrocmā, yetome'tets, tsapome'tets ama't ahuaata ñeñtpa' amach ahuañañat̄terro ama't errponaña.

Ñeñt atto allohuen arromñañesha'pa' tom̄cherretcha' Yompōr po'conaño allñapa' allcha' entyesaretterret errotente' ñeñt atet pa'yeseťe' e'ñe puesheña'ttset

11 Allempoña o' nenterrerr atarr añecmuen conañ ñeñt atarr huallama't ñaña ñeñt anets all. Ñaña e'ñe po'partsoteñoť a'chencatuan añ pats ñaña enet, o' e'ñe chenca'huerra poctacma. Ñocpuet ama eñalle allcha' a'puet ama't e'ñe coñe'ta.

12-13 Nent ñaña allohuen arromñañesha' all tom̄chenet Yompōr po'conañ. Ama't allohuen arromñañesha' allo'tsa'yenet ama't ñeñt atarr sherba'yestse't ama't ñaña ñeñt ama asherboyenaye' entete'te. Ama't allpon omarrñañe'chno ñeñt omarrcha'tyestse't ahuaťpa' ñetña ama't oñōtpa' o' alla tantrra'tuerret. Ama't allohuen arromñañesha' ama't o' chapuet all o'patenanet rromueñets, allotña o' alla tantrra'tuerret allohuenet. Ñeñto'mar ñet te'pa' e'ñe Yompōr po'conaño tom̄cha'tuenet allohuenet. Allempoña allpa' tore'tet shonte' libro, ñeñtña librorpa' all aquellca'huaret ñeñtcha' yerpaterrahuet ñeñt allpon atet patse'tyeseťe' e'ñe puesheña'ttset. Allempoña Yompōrpa' all entan ñeñt libro all aquellcareť ñeñt ama cohuenaye' es petso. Ñeñto'marña ñapa' attoña otteñe'cherranet o'ch mueñanet coñcheñtso. Allotñapa' tore'tet po'poñ libro ñeñt libropa' all aquellcareť añ pa'so'chñe'chno attochña ñetpa' corretsetach.

14-15 Allohuen ñeñt ama enteññañeto pa'so'cheñ libro all aquellcareť añ pa'so'chñe'chno ñeñt corretsetach, ñetñapa' asprrotaretet o'pono all parraren tso' errañaren. Ñeñtpa' attochña rromuerreterr po'pocheño ñeñt puepocheñ rromueñets ñeñt e'ñe poctacma chenquēñets. Ñaña añ rromueñets ñeñt o'patenaya arromñañe'chno ñeñtara pa'netser pen rromueñets, ñeñtpa'cho'ña ahupore'taretta o'pono all parraren tso' errañaren.

21

Atto Juanpa' entan po'poñ enet ñeñt e'ñe etserra ñaṃa patspa'cho'ña o' etserrater

¹ Allempoña na ñeñfen Juanan allpa' o' nenterrerr po'poñ enet ñeñt e'ñe etserra, patspa'cho'ña o' etserrater. Tarro'mar ñeñt atet yenten enet te' ñaṃa pats, ñeñtpa' o' e'ñe chenca'huerra o' huañerr. Ñeñt etserra patspa' allña ama't sa'p ñeñt yenten añecmuen ama eñalle.

² Nenterrerr ñaṃa Parets pa'netser ñeñfara Jerusaléñ ñeñt o' etserrater. Ñeññapa' entot a'suataretterra e'ñe Yomporeshot. Ñeññapa' atarr cohuen orrtena e'ñe atet orrtena ñerra'm puesheñarr coyanesha' allempo some'tenapa' o'ch añño'tena e'ñe coçhneshot attochña puerrollarpa' atarcha' cohuen enteñ.

³ Allempoña napa' o' alla ne'muerrerr all e'morrtena ñoñets ñeñt huetsa entot e'ñe Yompor po'conañoñ. Ñeññapa' atet oten:

—Te'pa' señochepe'ch, o' çherr allempoch yeçherra Parets e'ñe parro epuet acheñenesha'. Ñeñtcha' e'ñe parro yeçherra ñetpa' e'ñe pueyochreshoche' penanet Yompor. Ña ama't atarr Paretspa' yeçherrach epuet acheñenesha' ñeñt e'ñe Po'yomporer penet.

⁴ Te'ña Yomporpa' o' a'huañamperrnay yellquëña, te'ña ama't ahuatapa' amach alla yeyahuerre'te. Te' ama't ahuatapa' amach yerromuerre'te amach yellquëre'te. Te' ama't ahuatapa' amach eñalletterre'te yahueñets ama't ñaṃa atserrpeñets amach eñalle. Tarro'mar añeçhno ñeñt allpon yellcatyesaye't te'ñapa' o' e'ñe huañerr.

⁵ Allempoña Yompor ñeñt anets po'conaño'pa' alla eñorana'terrerr, ñeñtpa' atet oten:

—Te'ñapa' o'ch señoçh, napa' o' netserrataterr ñeñt allohuen esocmañen eñall.

Allempoñapa' alla oterrerr:

—Te' p̄ocoppa' añ pocte' o'ch alla pequellquërrerr ora allohuen añeçhno tarro'mar añ ñoñets ñeñtcha' atarr seyemtena ñeñtpa' e'ñe po'ñoçh atet.

⁶ Allempoña ñapa' alla oterrerr:

—Te'ña po'ñoçhpa' o' e'ñe etsotuerra, o' huañerr ñeñt sentyese't ahuatoteñ. Napa' e'ñe pa'motroteñ eñallen atten ñerra'mrrate' quellec A ñeñt pa'moter pen alfabeto. Allempoteñña napa' çhocma eñallen esempohuañencha' huañerr ñeñt allpon eñall, napa' atten ñerra'mrrate' quellec Z ñeñt all puen alfabeto. Te'pa' allohuen ñeñt ama e'ñeye' cosheto pueyoçhro ñeñt çhocmach es e'nenet, nañapa' napanetcha' ñeñt alloch e'ñe eñmaterret. Tarro'mar atto ama cosheneto çha ottenet ñerra'mrrate' ñeñt atarr nanac oñpa'tets. Ñeñto'marña te' napa' notenes allohuenes ñeñtes oñpa'tetspa' napuerrescha' oñ ñeñt ama ahuañañafe ñeñt çhocma potets all. Ñeñña oñ alloña sapa' corretsasach. Tarraña ñeññapa' ama't coñe'tapa' amach setsa'tero. E'ñe atta napuenes.

⁷ Allohuen ñeñt metana'tue' pa'namen topateñtsoçhnopa' ñetñapa' no'pataterranet ora añeçhno a'nateñets. Attochña ñetpa' e'ñeçh Po'yomporer pennet, nañapa' e'ñeçh nechemesha' nepohuananet allohuenet.

⁸ Tarraña allohuen ñeñt ama name'ñenayo ñeñt echarrtetsa pueyoçhro, ñetñapa' aña o'patenahuet all parraren tso' errañaren, ñaṃa allohuen ñeñt etsotene' sosya'tsañeçhno ñeñt atarr atsena'tpo' ñaṃa ñeñt amtsañesha' ñaṃa ñeñt cañoresha'tets, ñetpa'cho'ña allohuenetpa' aña o'patenahuet all

parraren tso' erraþaren. Ñaṃa ñeñt' amase' ñeñe'chno ñaṃa ñeñt' po'yomporer þa'yene' aye'chcatarete'chno ñaṃa allohuen ashcarñaate'chno, ñetpa'cho'ña aña o'patenahuet all parraren tso' erraþaren ñeñt' huortets shemasher. Ñeñt'pa' allcha' puepocheño rromuerret.

Atto Juanpa' entan Yompor pa'netser ñeñt' so'hua'netsa entot' ñeñtara ñeñt' sochetsa Jerusalén

⁹ Allempoña ñeñt' can'cherrsheña mellaño'feñesha' ñeñt' echyesaye't po'pajotollesha' all e'chorrayesarete't ñeñt' allot e'ñe orrtatuerret allohuanen muero'chteñets, puesheñarrña mellaño'feñpa' o' huapapa' otosen:

—Aþon o'ch pocta'n o'ch negatenþa' ñeñt'cha' puetapor perr Cristo ñeñt' atma'ntataret Carrnero.

¹⁰ Allempoña napa' o' alla chorraterernerr Yompor Puecamquëñ ñeñt'ña nanmue' a'yo allo'tsen ñeñt' atarr añecmuen aspenet. Allotña napa' nentapoñ Parets pa'netser ñeñt' sohua'netsa entot' e'ñe Yomproeshot' ñeñtara ñeñt' Jerusalén.

¹¹ Ñeñt'ña anetserpa' cha popuetnena atarr co'chnesha' atet cohuentena Yompor po'cohuenña. Po'popteña e'ñe atet ñerra'mrrate' mapue' ñeñt' atarr poptame'te' ñeñt' mapyer otenet jaspe ñeñt' nanac amorrentaret. Ñeñt'pa' e'ñe ora orrtatuenan allohuen ñeñt' allo'tsa'yen e'ñe all.

¹² Ñeñt' anetserpa' e'ñe acon'cha'tamþsaret a'yohuen. Ñeñt' allo acon'cha'tamþsaretpa' atarr añecmuen enonet. Ñaṃa allo'tsen çharra' puechena epa yetarr allot be'tenet. E'ñe pate'tets yetarr allo'tsa'yen ñaṃa puesheña'tets mellaño'feñ ñeñt' cohuaṃpene' yetarr. Pate'tets yetarropa' all aquellca'yesearet añ pa'so'chñe'chno Israel po'ñireneñ ñeñt' çharrasheña puechena epa.

¹³ Ñeñt' conçhet, allot huena atsne' allo'tsen ma'pa yetarr. Ñaṃa alenet emuena atsne'pa' allo'tsen ñaṃa ma'pa yetarr. Tenotenita'npa'cho'ña allo'tsen ma'pa yetarr. Topotenita'npa'cho'ña allo'tsen ma'pa yetarr.

¹⁴ Ñeñt' conçhtar allo echarr aþarettena pa'rrþopa' e'ñe allohuenpa' allo'tsen çharra' puechena epa mapue' ñeñt' allo echarrtateñet. Ñaṃa pate'tets mapue' allo echarrtateñet conçhetpa' all aquellca'yesearet añ pa'so'chñe'chno ñeñt' çharrasheña puechena epa ñeñt'pa' ñeñt' puellsensarne'sha' Cristo ñeñt' atma'ntataret Carrnero.

¹⁵ Mellaño'feñ ñeñt' neserrpare'tatene' ñaṃapa' echenan tepapets ñeñt' oropepen allo tepuenan Parets pa'netser ñaṃa allo acon'cha'tamþsaret ñaṃa pueyottarohuen.

¹⁶ Mellaño'feñ atto tepuenan Yompor pa'netser e'ñe allponeshacma tepa'hue allemateñ — onnatonet ñaṃa pa'llpocha'peronet ñaṃa enonet e'ñe allponeshacma cha'nmach — dos mil doscientos kilómetro allemateñ.

¹⁷ Allempoña tepan ñaṃa conçhet po'bateña ñeñt'ñapa' allo'tsen sesenta cuatro metro. Ñehua, mellaño'feñ e'ñe atet es tepa'yen atet es yetpa'yen yaṃa ñeñt'fey arromña'fey.

¹⁸ Ñaṃa añ conçhetpa' añ aye'chcataret mapue' ñeñt' atarr cohuen aspanamemeno poptame'tyena ñeñt' otenet jaspe. Pa'netserña'pa' añ aye'chcataret oro — ora allohuenpa' e'ñe oroché'. Añ oropa' atarr nanac cohuen ñeñt'pa' e'ñe orrtatuenan pa'namen ñeñt' allpon allo'tsa'yen. E'ñe atet ñerra'mrrate' rrepat ñeñt' atarr cohuen e'ñe'ch orrtatuenan allohuen pa'namen ñeñt' allo'tsa'yen.

19 Ñehua, añ econach allo orratenet conchet, ñeñt econach pueccllo'ya'tetspa' atsetareno poptena ñeñt allo a'cohuentateñet. Ñeñt ñanom econach pueccllo'yarr allñapa' añ ana'yesearet atarr cohuen poptame'te' aspanamemenatollesha' ñeñt otenet jaspe. Ñeñt puepueccllo'yañ econach allñapa' añ ana'yesearet atarr cohuen poptame'te' asollememenaretollesha' ñeñt otenet zafiro. Ñeñt econach puema'pueccllo'yañ allñapa' añ ana'yesearet atarr cohuen poptame'te' huallamemenatollesha' ñeñt otenet ágata. Ñeñt puepa'tatseccllo'yañ econach allñapa' añ ana'yesearet atarr cohuen poptame'te' aspanamemenatollesha' ñeñt otenet esmeralda.

20 Ñeñt econach pa'mnareccllo'yañ allñapa' añ ana'yesearet ñeñt atarr cohuen pa'namenot poptame'tyena ñeñt otenet ónice. Ñeñt po'pechapueccllo'yañ econach allñapa' añ ana'yesearet atarr cohuen poptame'te' tsamemenatollesha' ñeñt otenet cornalina. Ñeñt econach po'canherreccllo'yañ allñapa' añ ana'yesearet atarr cohuen poptame'te' shemashrememenatollesha' ñeñt otenet crisólito. Ñeñt econach po'psoccllo'yañ allñapa' añ ana'yesearet atarr cohuen poptame'te' aspanamemenatollesho asolleten ñeñt otenet berilo. Ñeñt econach pue'sconeccllo'yañ allñapa' añ ana'yesearet atarr cohuen poptame'te' e'ñe shemashrememenatollesha' ñeñt otenet topacio. Ñeñt econach po'charraccllo'yañ allñapa' añ ana'yesearet atarr cohuen poptame'te' ama e'ñeye' aspanamemenaretolleshayaye ñeñt otenet crisoprasa. Ñeñt econach po'charraccllo'yañ puechena pueccllo'yarr allñapa' añ ana'yesearet atarr cohuen poptame'te' asollememenma'tetollesha' ñeñt otenet jacinto. Ñeñt econach po'charraccllo'yañ puechena epueccllo'ya allñapa' añ ana'yesearet atarr cohuen poptame'te' yetsñorromemenatollesha' ñeñt otenet amatista.

21 Allohuen yetarroçhno ñeñt çharra' puechena epa e'ñe cohuen huallatren atet ñerra'm chempeshtall o'ponotpa' atarrcha' huallatlellen ñeñt otenet perla. Pate'tets yetarr e'ñe patrra perla ayeçhcataret. Ñaña añ calle ñeñt all chopeñe'chenet ñeñt'pa' e'ñe oroché' ayeçhcataret atet ñerra'm rerpap ñeñt e'ñe orrtatuene' ora ñeñt allpon allo'tsa'yen all.

22 All Parets pa'netsro ama't patrra pocoll ama neñche ñeñt all ma'yocheñet Yompor. Tarro'mar allpa' ama pallteno pocoll allcha' ma'yocheñet Yompor, tarro'mar ñeñt nanac Parets ñeñt Yepartseshar yepen ñapa' e'ñe allo'tsen all ñeñt'cha' ma'yochena allohuen acheñenesha' epuet ñaña Puechemer Cristo ñeñt atma'ntaret Carrero.

23 Ñaña Parets pa'netsro allpa' ama muenenano atsne' ama't arorra ama mueneñeto ñeñt'cha' çhoyo'tetsa all. Tarro'mar Yompor ñeñt atto poptena pa'tsnomueño'pa' ñeñtña çhoyo'tetsa all epuet ñaña Puechemer Cristo ñeñtña lamparñetets. Ñeñfara Cristo ñeñt atma'ntaret Carrero.

24 Ñeñt atto poptena Yompor pa'tsnomueño'pa' ñeñtña a'puetarsañpene' erracmañen allohuen pa'namen acheñenesha' attoña correnet e'ñe cohuen. Allohuen amçha'taretnesha' ñeñt atto cohuentenet añe patsro, huapatueretcha' Parets pa'netsro alloch cohuentateññañet ñamet Parets pa'netser.

25 Ñeñt Parets pa'netser ñeñt pueyottar pen allot be'tenet, amach yotamperre'te e'ñech ellapene't atoraref. Allpa' ama't checmetapa' ama eñale.

26 Allohuen pa'namen acheñenesha' ñeñt amçha'na'tpotyetsa añe patsro ñeñt atto cohuenetyenet, huapatueretcha' Parets pa'netsro alloch cohuentateññañet ñamet Parets pa'netser.

²⁷ Allpa' ama't ahuatapa' amach orrtateto ñeñt' sosya'tsañechno tarro'mar allpa' ama't puesheñarrapa' ama be'teno ñeñt' cotape'chene' sosya'tsañechno ñeñt' atarr tsena'ten Yomp'or ñeñt' atet ñerra'm ashcarñañ. Allpa' aña be'tets ñeñt' aquellcayet pa'so'chñechno Cristo po'libro attochña ñetpa' corretsetach.

22

¹ Allempoña mellañoñeña' o' alla gaterrnerr po'ñes. Ñeñtpa' arrōt huena conañōf allo'tsen Yomp'or epuet ñaña Puechemer Cristo ñeñt' atma'ntataret Carrnero. Ñeñt' oñpa' atarr cohuen, atarr llancasaseno poptaso'tena. Oñ ñeñt' atarr cohuen añ toma'ntena atto apueney Yomp'or attochña yapa' corretsayach e'ñe yocsheñeshocmañen errponohuañen.

² Ñeñt' Parets pa'netsro e'ñe rrocho allecma chopeñe'chenet, allñapa' all oñen oñ. Ñeñt' oñ emoto'mar popame'tar-ro all chopyen tsach. Ñeñtña tsachpa' atarr nanac me'ten, puenña'tets arorrpa' chōcma me'ten. Paterr charpa' charroch me'ten puechena epa. Ñeñt' pue'mer ñeñt'cha' apuerrey Yomp'or añ toma'ntena alloch yocrrerra errponañohuen ñeñt' ama ahuañaño ama't ahuata. Ñaña pasopanerpa' añecop sherben ñeñt'cha' a'crraterre' allohuen pa'namen acheñenesha' e'ñe puecamquēñohuenet.

³ Parets pa'netsropa' amach eñalleterro ama't patrra ñeñt'cha' a'cmareterrtsa. Tarro'mar Yomp'or epuet ñaña Puechemer Cristo ñeñt' atma'ntataret Carrnero, ñetña partsotetset all po'conañeto. Ñaña allohueney ñeñt'ey torretsa Yomporecop e'ñech cohuen yesherberr yañña all.

⁴ Yentercha' Parets yecuacle'channerrach parro epay Yomp'or. Yeto'moña yapa' quellquērrancha' e'ñe ña pa'so'cheñ.

⁵ Allñapa' amach eñalleterro checmete'. Ñeñt'eycha' ye'cherrtsa allpa' amach yemnerro ñeñt'cha' ye'choyo'tañpse'. Atto te'pa' chōcma yemnen lampareñ alloch ye'choyo'tañpena. Allempopa' amach yemnerro ñaña o'ch choyo'tañpeney atsne', tarro'mar Yomp'or ñeñt' Yepartseshar yepen, ñapa' ñaña pa'tsnomueña ñeñt'cha' ye'choyo'tañperre' all. Ñaña yapa' ya'mcha'tarettapreterach allempoteñ errponohuañen.

Arrpa' all eñotateney Jesucristopa' ahuencha' huerra po'pocheño arr patsro

⁶ Allempoña mellañoñeña' o' alla oterrner, ñeñtpa' atet oterrner:

—Ora allohuen añ ñoñetspa' e'ñech seyemcha tarro'mar ñeñtpa' e'ñech po'ño'ch atet perra. Ñaña Yomp'or ñeñt' Yepartseshar yepen ñaña'pa' chōcma eñotatenan ñeñt'cha' a'mtene' po'ñoñ. Ñeñt'ara Yomp'or ama't te'pa' o' llesenan po'mllañoñeñer ñeñt'cha' gatyene' ñeñt' torretsa ñocop ñeñt'cha' ahuen atet perra ama't esempo.

⁷ Ñaña Cristo ñapa' atet oten:

—Señoche'pa'ch napa' ahuencha' nohuerra.

Atarr cosheñtsotsen allohuen ñeñt' yemtenaya ora allpon añ ñoñets ñeñt' aquellcayet all Yomp'or po'libro ñeñt'cha' atet perra esempo. Arrpa' allohua huañ ñeñt' atet eñotaten mellañoñeñ.

⁸ Na ñeñten Juananpa' naña e'muene' ñeñt' ora allohuen añ ñoñets ñaña naña entene' ñeñt' allpon gatyennet. Allempoña napa' neconcorposa e'ñe mellañoñeñ pa'rrpo ñeñt' negatyene' ora allpon pa'namen esocmañen o'ch nema'yochyañ.

⁹ Ñaña'pa' oten:

—Amach pema'yochatsetno na, tarro'mar napa'tho'ña e'ñe parropa' atta netorrapretenpa Yomporecop ña'ña allohuen ñeñt' pemo'nasheñeshachno pepen ñeñt' a'mta'yene' Yompore po'ñoñ, epuet ña'ña allohuen ñeñt' atarr yemtenaya añ ñoñets ñeñt' atet aquellcayet añ libro. Papa' Yomporeña pema'yocha.

¹⁰ Allempoña ñeñt' mellaño'teñpa' alla oterrerr:

—Ñato't' cha pa'nasotena' añ ñeñt' allpon Yompore po'ñoñ ñeñt' o' pequellca'hua. Tarro'mar allpon ñeñt' o' pequellca'hua ñeñt'cha' atet perra esempo, te'ñapa' o' chapmoch allempoch attoch e'ñe etsotuerra esempohuañen.

¹¹ Tarraña e'ñe allempoteñ allohuen ñeñt' ama cohuenaye' es petso ñeñt'pa' allo'nepa'ch senet patse'tyeset ñeñt' ama cohuenaye' enteno Yompore. Allohuenet ñeñt' añach ye'chenet sosya'tsañe'chno, ñetpa' allo'nepa'ch senet ye'chcatyesnomuet ñeñt' atarr sosya'tsañe'chno. Tarraña allohuen ñeñt' e'ñe'ch cohuen es pa'yenetpa' ñetñapa' allo'nepa'ch senet e'ñe cohuen es pa'yestset. Ña'ña allohuen ñeñt' ma'yochrenaya ñeñt' atto sherbeñet Parets, ñetpa'tho'ña allo'nepa'ch senet ma'yochrenet ñeñt' atarr cohuen enten Parets.

¹² Ña'ña Cristo ñapa' atet oten:

—Te'pa' señoche'pa'ch napa' ahuencha' nohuerra. Nehuapaternascha' ñeñt' no'patatensa alloch netsa'tuerra e'ñe puesheña'ttsos sa errotente' setorra'yese't. Tarraña o'ca'ye nehuapaterr ña'ña alloch netsa'tatuera ñeñt' ama pocteye' es petso.

¹³ Napa' e'ñe pa'motroteñ eñallen, atten ñerra'mrrate' quellec A ñeñt' pa'moter pen alfabeto. Allempoteña napa' chocma eñallen esempohuañencha' huañerr ñeñt' allpon eñall, napa' atten ñerra'mrrate' quellec Z ñeñt' all puen alfabeto.

¹⁴ Atarr cosheñtso'tsen allohuen ñeñt' e'ñe pocte' enten Yompore o'ch tsomhuerrñañet Yompore puenaren alloch e'ñe correrret poctacma. Allempopa' amach alla rromuerrete'te. Ñeñt'pa' ñeñt'cha'ña e'ñe yoma'huerret ñesho. Ñehua, ñeñt' e'ñe pocte' enten Yompore ñeñt'pa' allohuen ñeñt' e'ñe e'shohuaretterra po'chñar e'ñe pame'ñeñofet Cristo. Ñato' o'ch netma'ntacha atet: Ñetpa' o' e'ñe tsama'tuerret pa'shtamuet attoch e'ñe pocte' entanet Yompore o'ch be'toset yetarro esheccha' chapuet Yompore pa'netsro.

¹⁵ Tarraña allohuen ñeñt' ama ame'ñenayo Cristo ñetñapa' a'yote'tsa'yenetach Yompore pa'netsrot. Atet ñerra'm amase'ñefe'chno, ña'ña ñeñt' ecañoresha'fe'chno, ña'ña ñeñt' amtsañe'chno ña'ña allohuen ñeñt' po'yomporer pene' aye'chcayet ña'ña allohuen ñeñt' cohuen entene' allohuen shequeñtso'chno. Ñetpa' e'ñe ñeñta eñotenet o'ch shecare'chet acheñenesha'.

¹⁶ Allempoña Jesús'pa' alla oterrerr, ñeñt'pa' atet ot:

—Napa' naña ñeñten llesensene' nemllaño'teñer ñeñt' o' eñotaterres ora añe'chno, allohuenes ñeñtes e'ñe same'ñeñofen na sapa' chocma sap'cha'yena allemeñ anetso'mar. Napa' ñeñten allot huapa am'cha'taret David, elloñapa' o' alla po'mreneñ perrnerr namá. Ña'ña napa' atten ñerra'mrrate' ranto ñeñt' atarr atarrem' ñeñt' atarr huomenc atsnetso'ch puetarenmoch. Attoña na'puetarsañpeñ allohuen acheñenesha'.

¹⁷ Allohuen ñeñt' pueyochresha' pen Parets ñetpa' atma'ntatarettenet atet ñerra'mrrate' Cristo puetapor penahuet. Attoña ñet Parets Puecamquëño'f oteñet Cristo:

—Apon.

Ñaña allohuenes ñeñtes e'mñotene' o'ch soch sanña Cristo:

—Apon.

Ñaña allohuenet ñeñt oñpa'tets ñeñt ama eñmatetso pueyočhreto ñeñt čhocma es e'nyenet, ñetpa'čo'ña huapuetepa'. Yoretepa' añ oñ, allochñapa' ñetpa'čo'ña corretsetach. Ñeñt oñpa' e'ñech atta aparettet, amach es tsa'tayo ama't e'ñe coñe'ta.

¹⁸ Na te'pa' o'ch noctape'chach allohuen ñeñt e'mñotene' añ ñoñets all oteney ñeñtcha' atet perra esempo. O'ch notanet: Ñerra'm esesha' atontatene' ñet poctapñet ñeñt ama atteye' otenye añ ñoñets, Yomporñapa' o'ch atontatanet ñocpuet ñeñtcha' mueročhtaterrahuet ñeñt atet o' aquellca'huaretta añ libro.

¹⁹ Ñaña ñerra'm esesha' čha a'chencatenan ama't patrra ñoñets ñeñt allpon aquellca'huaretta añ libro, Yomporñapa' amach muenataneto o'ch es o'patapreteret all aquellcarettena libro allpon ñeñtñapa' corretsetach. Ñaña ñetpa' amach be'tosapo'tañpereto Parets pa'netsro ñeñt atet o' aquellca'huaretta añ libro.

²⁰ Ñeñtara Jesús ñeñt yeñotatyene' ora añečhno, ñaña'p' alla oterrerr:

—Napa' po'ñočhcha' ahuen nohuerrerr po'pocheño.

Yañapa' allohueney yoteñ:

—Apon Yepartseshare Jesucristo. Ñeñt'pa' attetepa'ch yocop.

²¹ Yepartsesharepa'chña Jesucristo sa'natenaya e'ñe allohuenes. Ñeñt'pa' attetepa'ch Nompore allohuenacpay. Arrpa' e'ñe allohua puen Yompor po'ñoñ.